

EPB/B

54383/B



H. Chichester Hart.

54
22/2/19

21 B4772

Henry Chichester Hart

GEORGII WAHLENBERG

MED. DOCT. REG. ACAD. SCIENT. STOCKHOLM. MEMBRI

FLORA LAPPONICA

EXHIBENS

PLANTAS GEOGRAPHICE ET BOTANICE
CONSIDERATAS,

IN LAPPONIIS SVECICIS

SCILICET

UMENSI, PITENSI, LULENSI, TORNENSI
ET KEMENSI

NEC NON

LAPPONIIS NORVEGICIS

SCILICET

NORDLANDIA ET FINMARKIA UTRAQUE

INDIGENAS,

ET

ITINERIBUS ANNORUM 1800, 1802, 1807 ET 1810

DENUO INVESTIGATAS.

CUM MAPPA BOTANICO-GEOGRAPHICA, TABULA TEMPERATURAE
ET TABULIS BOTANICIS XXX.

BEROLINI,
IN TABERNA LIBRARIA SCHOLAE REALIS.

1812.



H 221

REGIAE ACADEMIAE
SCIENTIARUM STOCKHOLMIAE
FLORENTI

CUJUS STIPENDIIS ET CONSILIIS MUNITUS LAPPO-
NIAM TER ADIIT, HANC FLORAM SACRAM ESSE

VOLUIT

BEROLINI,
D. 20. DECEMB. 1811.

AUCTOR
G. WAHLENBERG.

REACT ACETEMIA

COLLEGIUM TOLENTINUM

ALBERTI

COMPTON & CO. NEW YORK

NEW YORK, N. Y. 10014

1914

1914

1914

RATIO OPERIS.

*U*t certo constaret quid terra lapponica ferat, quid ferre recuset, hanc floram conscripsi et edere decrevi, sperans eam ad geographicam plantarum propagationem ac distributionem cognoscendam haud inutilem fore. Praeclara illa scripta geographicam plantarum illustrantia, quae postremis his annis edita sunt, et spes nobis data per geographicam plantarum indagandi et explicandi subtiliores climatum modificationes; tale institutum nunc multo utilius quam antea reddere videntur. Lapponiae fertilitas prae caeterarum sub summa arcto positarum terrarum, ejus situs inter duas diversissimas orbis partes, ipsaque illa consideratio, quod Europae finem septentrionalem constituit: efficere videntur, ut vegetatio Lapponiae prae caeteris cognitu digna sit. In sequentibus sectionibus operis explicare conabor situm Lapponiae, ejus praestantiam prae caeteris terris hyperboreis, ejus clima etc. itaque nunc tantum de opere instituto pauca disserere constitui.

Primum atque grave propositum mihi fuit non tantum certa plantarum nomina exhibere, verum etiam

ita illustrare ut unicuique earum certitudo constaret. Itaque differentias, easque ut plurimum a me factas, adhibui, et insuper observationes ad specimina lapponica plerumque in Lapponia scriptas adjeci. Atque hoc non ita accipi velim, quasi nil nisi nova et prioribus meliora afferre voluerim; illud enim mihi magis cordi fuit, ut certitudo quantum fieri posset maxima constaret de plantis lapponicis. Si fata consideramus earum florum nudo catalogo absolutarum, institutum meum utile et necessarium esse, fatebimur. Quis in pervolvenda ex. gr. Zoegae Flora islandica non quaeret, quanta sit certitudo in nudis his nominibus, multi etiam suspicabuntur, auctorem longe aliam plantam habuisse quam nomen indicat e. s. p. Ne simile quid meo libro accideret, operam dedi, eamque ob causam volumen ejus increvit. Ulterius synonymis additis indicare volui, ubi quaevis planta in caeteris regionibus arcticis inventa sit, atque ut haec synonyma geographico magis quam botanico respectu considerentur, opto et ita spero; ea inutilem haud occupare locum in libro nostro.

Lapponia est terra majoris amplitudinis et diversi magis climatis quam vulgo quis putet. Itaque res maximi momenti est, non solum scire quid intra Lapponiae fines proveniat, quid non; verum etiam rite cognoscere mutationes, quas subit vegetatio intra ipsam Lapponiam, usque ad eos fines, ubi nives et glacies omnia vegetabilia supprimunt. Ne igitur singularum plantarum loca natalia reperta memoriae parum fidae in mandarem, semper catalogum plantarum lapponica-

rum ad manum habui in excursionibus meis, ubi mox numero et signo adposito diem notavi, quo plantam reperi, simulque herbarium portativum ad plantas comparandas mecum tuli. Sic orta sunt Diaria systematico-botanica, eaque accuratiora quam forsitan nemo ante me composuit. Itaque satis persvasum mihi habeo nihil memoria excidisse; et post quatuor annorum itinera haec diaria adhibui ad plantarum per terram lapponicam distributionem rite cognoscendam, indeque construxi haec loca habitationis uniuscujusque plantae, quae primo intuitu lectori peregrino minoris momenti videri possunt, quamquam, ut ita dicam, nucleum operis constituunt. Inde quoque intelligi posse crediderim, vix ullum a me vegetabile praetermissum vel neglectum esse, immeritoque in inspicienda flora tam paupere solere exclamari; nonne plura vegetabilia haec terra proferat? Crediderim ego quidem, Lapponiam aequae perlustratam esse ac alias Europae terras; et si Botanicis Germaniae vitio non vertimus quod Africae plantas in Germania haud detexerunt, mihi quoque ignoscendum esse puto, quod Germaniae plantas in Lapponia reperire haud potui. Considerent modo qualis sit terra et quale clima!

Finis mihi propositus illustrandi geographiam plantarum, non tantum laborem majorem mihi effecit, verum etiam volumen praesentis operis pluries auxit. Si tantum nova ad systema vegetabilium afferre voluissem, certe paucioribus plagis florum hanc absolvissem. Quod autem haud neglexi, omnes in Lapponia provenientes formas vegetabilium colligere easque rite

examinare, id vel ex tabulis nostris annexis, propria manu delineatis, intelligi posse credo. Sed ubi quaeritur, an omnes vegetabilium formae efficiant species constantes nec ne, multae obveniunt difficultates; et tunc haud erubescam fateri, mea itinera et observationes circa naturae progressionem institutas in regionibus respectu soli locique quam maxime variis, longe aliam mihi dedisse sententiam, quam quae plerisque Botanicis placet. Qui in regionibus planis et omni varietate orbatis, uti in Germania septentrionali vitam degit et de caetero plantarum peregrinarum tantum pauca individua in horto et herbario vidit, haud intelligere potest, quanta sit varietas vegetabilium in regionibus montanis. Fingit sibi characteres sic dictos certos, et putat se eorum criteriis dijudicare posse diversitatem specificam plantarum totius mundi; et ut certior fiat pauca individua per annum in horto colit; sed affirmare non dubito, haec criteria nihil valere contra transitiones repertas in spontaneis plantis terrae adeo mutabilis ac Lapponia nostra. Est certe opinio aequae vetus ac parum probanda, culturam mox reducere, quidquid natura per saecula et per abruptas permutationes locorum, quales in hortis non inveniuntur, produxerit. Quis adhuc reducere potuit monstrositates plantarum ex. gr. Paeoniam flore pleno? Cum itaque contendo, Salicem lanatam variare foliis integerrimis et serratis, subrotundis et lanceolatis, lanatis et glaberrimis, sequor tantum experientiam certam, quam deserere haud volui, ut Botanicorum opinioni placerem. Pauciores certe species distinxi quam plerique alii se-

cundum mea specimina distinxisse, sed semper certa experientia nisus. Reliquas formas dissimiles vegetabilium indicavi ut varietates, ita ut si quis, cupiditate catalogum plantarum augendi ductus, has ad dignitatem specierum promovere velit, id utique fieri possit. In hac re alii faciant quae me facere vetant visa repertaque. Haec omnia commemorare utile duxi, ne quis credat me in natura observanda parum diligentem fuisse.

In describendis autem plantis, me non omnem illam subtilitatem, quam requirit genius hodiernus Botanices, adhibuisse, forsitan fatendum erit. Est autem exactitudo et subtilitas quae parum prodest, et forsitan nocet scientiae, utpote quae nimium discedit ab omnibus differentiis habitualibus plantarum et nomina introducit, à notionibus plurimorum cultorum scientiarum affinium nimium aliena, et sic eo tendit, ut fiat scientia paucis accessu facilis. Itaque cum nonnulli recentiorum folia omnia muscorum sub microscopio latitudinem quandam exhibentia mox dicant lanceolata, quae ceterum setacea ne dicam capillaria sunt; cum porro folia statim serrata dicant, ubi reticuli margo non omnibus ex partibus rectus et laevis est e. s. p.: talem subtilitatem imitatione parum dignam esse crediderim. Talis quoque exactitudo nimium repugnat omni lucidiori cognitioni physiologicae plantarum, utpote quae commonstrat, quam cito facileque tales formae accidentales in se invicem transeant. Studium praeterea cognitionis botanicae et cognitionis physiologicae plantarum re vera inter se pugnant, et quasi in contraria du-

cunt: altera semper occupata est in separando, et in formarum diversitatibus demonstrandis, altera vero in naturae catena nectenda et in uniuscujusque formae transitionibus in alteram ortumque ejus ex altera docendis. Genius tam diversus duarum partium ejusdem scientiae effecit, ut summi Botanici systematici sese semper malos physiologos exhibuerint. Equidem ut nunc magis quam antea disjungantur et a se invicem removeantur, haud conferre volui; itaque meas de plantis annotationes, quantum fieri potuit, habituales facileque perspiciendas exhibere studui, ut nexus quidam cum physiologica et technica plantarum cognitione existeret. Nec in differentiis plantarum componendis aureum illum canonem oblivisci potui: pulchritudo scientiae brevitatem exposcit!

Plantae novae, quas in Lapponia detexi, undecim annis a primo meo itinere lapponico praeterlapsis, quod ad majorem partem, novae esse desierunt. Exemplaria earum varia, me inscio et invito, e Svecia emigrarunt et ideo in variis operibus descripta et delineata reperiuntur, ita tamen, ut non omnis huic libro detracta sit utilitas. Botanicorum cupiditas insatiabilis augendi catalogum plantarum efficit, ut publici juris faciant quae vel imperfecte noscunt, quasi nomina nuda et incerta scopo scientiae satisfaciant; simul autem loca habitationis mirum in modum permutant. Ita plures mearum plantarum in Lapponia natas esse voluerunt, quae ibi nunquam repertae sunt; alias in Svecia collocarunt, quae revera in Norvegia crescunt, et. s. p. Nisi omnem geographicam cognitio-

nem plantarum perire volumus, pernecessarium est ut talia errata corrigamus, quae res finem primum operis mei constituit.

*In edenda hac flora consilium aliud mihi fuit impediendi, quin nomina Linneana, ut fieri solet, immutarentur. Plures eo usque originales Linnei plantas quaesiverunt, ut à vero et certo eo longius aberraverint. Plantas quidem in Flora Lapponica, utpote Linnéi primo opere, descriptas, maxime originales agnoscunt, sed quaenam plantae in Lapponia crescant non semper sciunt, verum huic plantas valde alienas assignant. Necesse tamen est, Linnéi plantas crescere, ubi eas se legisse dicit; et nulli dubitamus, quin locus habitationis certissimam nobis praebeat ansam recuperandi ejus plantas originales, eamque multo certiore quam specimina incerta herbarii Linneani. Post itinera plura et longiora, quam quis alius in hac terra instituit, eaque ad loca habitationis plantarum respectu geographico indaganda praecipue facta, certi aliquid me afferre posse confido. Ad nomina certa et loca certa indaganda eo magis excitatus sum, cum synonyma male intellecta, specimina falsa e. s. p. effecerint, ut plantae variae nunc tanquam lapponicae exhibeantur, quae in Lapponia nunquam lectae sunt ex. gr. *Pedicularis sylvatica* *), *Sparganium erectum*, *Matricaria Chamomilla*, *Carex sylvatica* Huds. et *Psyllo-**

*) Quae aequè perperam pro spontanea ad Upsaliam exhibita est. Confer Ehrh. Beitr. 5. p. 21.

phora Ehrh. Nec in plantis Sveciae meridionalis ad Lapponiam transferendis solum erraverunt, verum Lapponiae quoque indigenas facere voluerunt plantam gallicam Filaginem pyramidalam, germanicam Equisetum Telmatejam, Helveticam Saxifragam Aizoon, et lusitanicam Agrostidem capillarem. Accepimus etiam quendam Sonchum lapponicum, qualem nullus Botanicorum in Lapponia reperit neque ibi repertum vidit; item Salicem arbusculam duplicem, quarum nulla neque in Lapponia crescit neque cum descriptione Linneana convenit. Res est maximi momenti in geographia plantarum, ut tales errores corrigantur et atro carbone notentur. Tantum itaque abest ut recentissima Botanicorum scripta novam floram lapponicam superfluum fecerint, ut multo magis eam pernecessariam reddiderint.

Qui haec omnia rite perpenderit, non inutile opus a me susceptum esse fateantur necesse est.

INTRODUCTIO GEOGRAPHICA.

De Plantarum in terris arcticis distributione et plantarum lapponicarum origine.

Jam diu cognitum est, frigus et infertilitatem climatis haud semper increscere eodem gradu ac latitudo geographica; nunc quoque expertum habemus, vegetationem haud decrescere eodem gradu ac frigus absolutum totius anni increscit, verum temperiem inprimis tempestatum anni vegetationem et fertilitatem efficere ac definire. Hæc autem proportio temperiei, quam in singulis anni tempestatibus esse videmus, longe alia est in terris versus oras maris sitis ac in terris continentalibus; itaque longitudo loci quam maximam habet efficaciam non tantum in plantarum multitudine definienda, verum etiam in forma naturaque earum modificandis*). Hoc quidem statim nobis perspicuum fit, cum vegetationem sub varia longitudo geographica prope circulum arcticum comparamus atque consideramus. In insulis Orcadibus arbor nulla altior quam *Corylus Avellana* crescit, quæ ibi climatis vicissitudines melius patitur quam et *Abies* et *Pinus sylvestris*. In Helgelandia ad oram occidentalem Norvegiæ eadem *Corylus* versus septentrionem fere æque provenit ac *Abies*. Contra in Svecia *Corylus* crescere desinit spatio octo graduum latitudinis geographicae antequam *Abies* desistit; et in Sibiria *Corylus* plane abest, sed iterum invenitur Oceanum orientalem versus ad Amur-flumen unacum *Quercu*, quæ iisdem fere finibus se continet**). — In Scotia vas-

*) Sententiam meam de climatis maritimi et continentalis proprietatibus earumque efficacia in plantarum formis fluendis exponere studui in *Berlin. Magaz. für Naturkunde* 1811. III.

**) *Gmel. fl. sibir.* 1. p. 150. *Georgii it. sibir.* p. 381.

tæ satis *sylvæ Pini sylvestris* crescunt, sed nulla *Abies*; etiam in oris occidentalibus Norvegiæ desinit *Abies* sub latitudine 67 graduum, sed *Pinus sylvestris* multo longius septentrionem versus procedit usque ad 70 latit. gradum, et *Betula alba* fere 71 gradum attingit. Contrariam vel longe alienam progressionem arborum in Sibiria reperimus, ubi *Abies* unacum *Larice*, in Europæ oris maritimis incognita, versus septentrionem longius procedit quam vel *Pinus sylvestris* vel *Betula alba*. Nam cum fluminis Obi cursum sequimur, *Pinus sylvestris* desinit in regione a meridie ante Obdorsk sita, *Betula alba* autem terminum suum apud Obdorsk habet (67. latit.); sed *Abies* longius septentrionem versus procedit, et denique ad mare glaciale tantum reperiuntur *Larix* et *Alnus incana**). Ita etiam juxta flumen Lena *Pinus sylvestris* crescere desinit ultra Jakutsk, sed *Larix* usque ad Sikta procedit**). Versus Oceanum alterum sive orientalem eadem fere progressio arborum ac apud nos iterum reperitur: in Kamtschatka *Pinus sylvestris* et *Abies* æque non crescunt ac in Grönlantia, sed *Betula alba* optime viget. Denique in oris occidentalibus Americæ versus Nutka soond iterum inveniunt primum *Pinum sylvestrem* ***)) in proficiscendo meridiem versus uti in nostris oris, et simul vastum gregem plantarum europæarum in tota Sibiria continentali desideratarum. Quando peregrinamur ab oris nostris maritimis versus continentem Asiæ, primum amittimus *Quercum* et *Corylum* (quæ omnium arborum maxime requirunt clima quale ad oras maritimas esse solet), postea *Pinum sylvestrem* et dein *Abietem*, post quas adhuc superstites sunt *Pinus Cembra* et *Larix*, quæ interea his se adjunxerunt, simul ac *Robiniae* et ceteræ alti continentis plantæ. Talem progressionem servant arbores et in Asia et America. Utriusque continentis arctici oræ orientales tamen vegetationem et clima habent magis continentale, quam occidentales, idque ob ventos in plagis arcticis ut plurimum ab occidente

*) *Pallas it. sibir.* 3. p. 21.

**) *Gmel. it. sibir.* 2. p. 519.

***)) *Pennants Arctic Zoology introd.* p. 235.

provenientes et temperiem continentis ad oras orientales secum ferentes; notabile admodum est quanta sit similitudo inter Kamtschatkam et Terram novam (Newfoundland)¹, et quanta e contrario inter regionem Portus franciæ (Ports francois) in ora occidentali Americæ et regionem Nidrosiæ in Norvegia.

Ex diversa hac progressionē plantarum in interioribus terræ continentis partibus et in regionibus propius ad mare sitis, magna nascitur difficultas in comparanda fertilitate absoluta et in emetiendis climatis gradibus per terras arcticas. Sunt tamen etiam plantæ, quæ nullo respectu climatis continentalis et maritimi ad circulum arcticum ubique æque proveniunt. Talem sese sistit *Betula nana* et ex parte quoque *Betula alba*, quamquam eas climate maritimo paulum magis gaudere credimus. In temperatioribus Zonis arcticis vix esse videntur plantæ magis aptæ ad instituendam comparisonem climatis variarum ut dicunt longitudinum geographicarum quam Cerealia nostra. Hæc æque permanent in Scotiæ et Norvegiæ climate maritimo ac sub Sibiriae cælo continentali, quamquam *Hordeum* in Sibiria fere semper assumat habitum quandam continentalem in conservando vivido colore ad summam usque maturitatem. *) Cultura *hordei* in Finmarkia succedit fere ad terminum Pini, sed jamdudum in Lapponia Kemensi longe ante Pinum desinit uti ad Kyrö Enarensium, et in Sibiria ultra duos gradus ante Pinum cessat scil. ad Beresow et Jakutsk; quod quidem, uti mihi videtur, efficit clima continentale.

Ipsa vegetatio Lapponiæ rite considerata melius ducit ad notiones has generales quam ulla alia. Jam diu comprobatum fuit, Lapponiam numerosiorem plantarum gregem alere quam ullam aliam terram æque alte sub summa arcto positam, quod quidem effici videtur situ ejus medio inter vastissimam terram continentalem arcticam scil. Sibiriam et amplissimum oceanum arcticum ejusque terras insulares. Ab utraque plantas suas recepissee videtur, utpote quæ plantas communes habeat cum ambabus his terris respectu climatis sibi contrariis; nec id mirum, cum quoque intra parum diversam longitudinem geographicam conjun-

*) *Georgii it. sibir.* p. 441.

gat magna ex parte utriusque plagæ clima. Hoc quidem efficere videtur ejus alpinum jugum, quod in norvegico latere, ut ita dicam, retinet temperaturam aëremque maritimum ut plenam in vegetatione ostendat efficaciam; ab altero latere eundem aërem arcet, et lapponiis svecicis conservat Sibirix coelum serenum. Ut id luculentius experirer, diligenter quæsivi quasnam plantas cum Sibiria communes habeat lapponia, quasnam plantas e terris maritimis utpote Scotia et Islandia accepisse videatur.

1) *Plantae lapponicae e Sibiria continentali quasi oriundae.* *Veronica longifolia* adeo vulgaris in Sibiria haud crescit in toto regno Britannico etc. *Pinguicula villosa* extra Lapponiam nonnisi in Sibiria occurrit; etiam *P. alpina* in Britannia non habitat. *Elymus arenarius* multo frequentius in Sibiria crescit; *Arun-do arenaria* autem vix alibi quam in Scotia reperta est. *Lysimachia thyrsiflora*, tam vulgaris in sibiria, haud visa est in Scotia nec nisi rarissime in Anglia. *Polemonium caeruleum* Sibirix maxime propria planta est, utpote neque ad Norvegix littora procedens. *Convallaria bifolia* vulgaris Sibirix planta e Flora britannica excluditur. *Juncus parviflorus* tantum in Sibiria reperitur; nec *J. spadiceum* adhuc in Britannia repere-runt. *Schevchzeria palustris*, vulgaris illa in terra continente planta, adhuc desideratur in Smithii flora britannica. *Daphne mezereum* pauci admodum in Britannia invenerunt, sed in Sibiria usque ad flumen Jenisey vulgaris est. Vulgatissimum nostrum et Sibiricum *Ledum palustre* nemo neque in Britannia neque islandia vidit; ita etiam in Sibiria solummodo occurrunt *Menziesia caerulea*, *Andromeda calyculata* et *tetragona* et *hypnoides*. In Sibiria vulgaris omnino est *Saxifraga Hirculus*, quae in Norvegico latere alpium nostrarum vix reperitor et Britanniae incertus civis est. *Silene rupestris* in Britannia haud occurrit. *Lychnis apetala* extra Lapponiam tantum in Sibiria lecta est. *Rosa majalis* in Britannia desideratur. Vulgatissimus in Lapponia svecica et Sibiria *Rubus arcticus* ne in Norvegico quidem latere alpium nostrarum crescit. *Potentilla nivea* in Britannix al-pibus non habitat. *Actaea spicata* rubra in Sibirico latere tantum crescit; et in Scotia ne nigra quidem lecta est. *Nymphaea lutea* in Scotia raro legitur.

Aconi-

Aconitum Lycoctonum nobis vulgatissimum in terris insularibus nusquam crescit. Aequae propriae Siberiae sunt *Pedicularis Sceptrum carolinum* et *lapponica* et *hirsuta*. *Linnea borealis* apud nos vulgatissima vix in tota Britannia reperta est. *Cardamine bellidifolia* in terris insularibus rarissime invenitur; nunquam vero *Astragalus alpinus*, *Sonchus sibiricus*, *Tussilago frigida*, *Viola biflora* et planta nobis vulgatissima *Calla palustris*. *Carex globularis* nobis vulgatissima ne in norvegico quidem alpium latere crescere solet. *Pinus Abies* in maritimis terris omnino desideratur. *Salix limosa* in Scotia rarissima et fere incerta, Siberiae vulgaris est; in Sibiria sola autem occurrunt *Salix myrtilloides*, *arbuscula* etc. *Veratrum album* certo e Sibirico latere oriundum est. Formas insignes continentales inter muscos exhibent *Splachnum rubrum* et *luteum*, quae per totam Sibiriam crescentia *) latus norvegicum alpium omnino fugiunt, multo autem minus in insulis occurrunt. *Peltidea arctica* quoque in Scotia haud occurrat.

2) *Plantae lapponicae e terris maritimis* uti videtur oriundae, sunt: *Veronica saxatilis*; *Scirpus rufus* et forsitan etiam *Boeothryon*. *Melica caerulea* in Sibiria rara esse videtur. *Arundo arenaria*. *Alchemilla alpina*. *Pulmonaria maritima*. *Campanula latifolia*. *Gentiana involucreta*. *Ligusticum scoticum*. *Sibbaldia procumbens*, quae in Scotia et Islandia vulgaris, in Sibiria non nisi ad lacum Baykal raro visa est. *Convallaria verticillata*. *Narthecium Ossifragum* et *Toffeldia borealis* terris maritimis magis gaudent quam continentalibus. *Erica vulgaris* jugum montium Verchoturienarium vix transcendit; et *Arbutus Uva ursi* ultra flumen Lena haud procedit. *Saxifraga aizoides* et *caespitosa*. *Silene acaulis*. *Stellaria cerastoides*. *Sedum villosum*. *Oxalis Acetosella*. *Tormentilla erecta* in Sibiria valde parva fit. *Trollius europaeus* ultra lacum Baikal in asiaticum permutatur; nec ulterius provenire videtur *Thymus Serpyllum*. *Erigeron alpinum*. *Carex pulla* e Scotia proventa esse videtur. *Salix myrsinites* et *glauca* et

*) Ad Lenam fluvium *Splachnum rubrum* habuit Dillen. hist. p. 547; ex Kamtschatka *Spl. luteum melanocaulon* vidimus, et descripsimus in Berlin. mag. —

herbacea tam vulgares in locis alpinis maritimis vix in Sibiria reperiuntur; ultra flumen Ob *Salix herbacea* in *retusam* permutari videtur. *Hippophaë Rhamnoides* rarius est in Sibiria. *Myrica Gale* omnino desideratur in Sibiria. Accedit magna cohors lichenum in maritimis tantum crescentium uti *Lichen tristis*, *L. plumbeus* et *rubiginosus*, *L. glomuliferus*, *L. aquilus*, *L. gelidus*; ne eas adferam species, quas novas circa promontorium septentrionale (vulgo Nordcap) detexi. Nec exempli loco laudare volui plantas meridionales, quæ sub summa arcto in littoribus maris detinentur uti *Potentilla anserina*, *Lotus corniculata*, *Statice Armeria*; mirum omnino est quod pleræque plantæ delicatiores, antequam versus septentrionem crescere desinunt, littorales evadunt.

3) *Plantæ solo lapponico propriæ* vixque alibi repertæ. *Agrostis algida* extra Lapponiam summam haud visa est nisi forsitan in Spitzbergia. *Arundo lapponica* et *strigosa*. *Holcum alpinum* intra Lapponiam retineri vel ex eo cognosci potest, quod tantum regionem Lapponiæ mediæ minorem occupat. *Aira alpina* et *atropurpurea*. *Myosotis deflexa* in Lapponia nuper detecta. *Diapenzia lapponica* et *Campanula uniflora* extra Lapponiam non repertæ nisi rarius in extrema Grönlandia. *Primula Finmarkica*. *Juncus arcticus* et *arcuatus*; etiam *J. biglumis* extra lapponiam rarissimus est. *Alsine stricta* lapponiæ propria esse videtur; ita etiam *Alsine rubella*; e contrario *Cherleria sedoides*, in aliis alpibus usque ad extremam scotiam vulgaris, Lapponiam omnino aspernatur. *Arenaria humifusa*. *Ranunculus lapponicus* et *pygmaeus*. *Rhododendron lapponicum* extra Lapponiam nullus reperit nisi in alpibus davuricis, ibique facie non parum mutata; ita etiam *Salix lanata*. *Draba alpina* et *muricella*. *Gnaphalium pilulare* et forsitan etiam *alpinum*. *Carex capitata*, *microglochis*, *tenuiflora*, *norvegica*, *rotundata*, *ustulata* (quæ tamen etiam in Islandia reperta esse dicitur), *pedata*, *alpina*, et *laxa*. *Salix punctata*, *versifolia* aliæque novæ extra lapponiam haud provenire videntur.

4) *Plantæ ex alpibus Helveticis* forsitan oriundæ utpote ubi vulgatiores, sunt: *Agrostis alpina*; *Aira spicata*. *Poa laxa*. *Gentiana glacialis* et

nivalis. Saxifraga Cotyledon. Lychnis alpina et adhuc certius *Ranunculus glacialis* in nulla alia arctica terra proveniunt quam in Lapponia. Ita fere etiam *Bartsia alpina* et *Pedicularis flammea. Astragalus leontinus* et *Phaca montana* fere in solis alpibus helveticis habitant. *Ophrys alpina. Scirpus Belardi* et *Carex rupestris All. Aspidium montanum. Asplenium viride.*

Ex his satis constare mihi videtur, quam varia sit vegetatio alpina lapponiæ; infra demonstrabimus quam varia ibi sit temperies et natura cœli. Nostro quidem instituto utile censemus accuratius indicare, quomodo vegetatio cum incremente latitudine geographica minuatur antequam lapponiam perveniamus, vel quomodo vegetatio decrescat in regionibus ad meridiem prope Lapponiam sitis. Id quidem eo magis necessarium est, cum ex eo tantum perspicui possit quænam plantæ in Lapponia necessariæ desiderentur, et in Flora lapponica haud quærendæ sint. Nemo negabit, vegetabilia ex professo indagata esse ad nostram Upsaliam, sed propius Lapponiam nullum scimus locum ex toto perlustratum. Cum Ehrharti Catalogum plantarum Upsaliensium comparamus cum Flora lapponica, non possumus non mirari quanta sit diversitas. Ex 600 plantis Upsaliensibus perfectioribus vel s. d. phænogamis vix 258 in Lapponia inveniuntur; itaque amittimus in illo itinere fere $\frac{7}{12}$ vegetationis. Est igitur operæ pretium indicare, ubi in hoc spatio crescere desinant plantæ insigniores, et maxime notæ, et simul annotare ubi aliæ plantæ magis septentrionales occurrant. Considerandus itaque est uniuscujusque plantæ terminus septentrionalis et meridionalis. Ultra Upsaliam *Pulsatillam* haud vidimus. Ad flumen Dal-elfven crescere desinunt *Quercus Robur, Rhamnus catharticus, Crataegus Oxyacantha, Prunus spinosa, Centaurea Scabiosa, Ornithogalum luteum, Turritis glabra* etc. In vicinitate urbis Gevaliæ desinunt *Saxifraga granulata, Laserpitium latifolium, Malva rotundifolia, Typha angustifolia, Carex intermedia Gooden.* etc.; contra autem accepimus uberius ibi *Alnum incanam* (antea enim nonnisi paucas ad templum Börstel vidimus), et mox etiam ad Trodje *Betula nana* copiose crescere incipit. Finis septentrionalis Gesticæ constituit quoque ter-

minum septentrionalem *Spiraeae Filipendulae*, *Trifolii montani*, *Primulae veris* (postea nonnisi parcius ad Sundsvall visæ), *Viburni Opuli*, *Lythri Salicariae* (provenientis tamen in littoribus maris usque ad Vesterbottniam) et fere etiam *Coryli Avellanae*; ibi vero plures nobis obviam prodeunt plantæ mere Norlandicæ uti *Rubus arcticus* copiosissime, et *Carex globularis*. In Helsingia circa Hudiksvalliam quoque copiosa est *Cornus suecica*; ibi vero in terra interiore desinit crescere *Alnus glutinosa*, uti etiam *Scabiosa Succisa*, *Lychnis dioica* flore albo, *Carex ericetorum*, *Lemna minor* etc. In Medelpadia mox nobis obviam venit *Aconitum Lycoctonum*; sed ibi terminum septentrionalem agnovimus *Scabiosae arvensis*, *Lonicerae Xylostei*, *Plantaginis mediae*, *Cynosuri caerulei*, *Festucæ fluitantis*, *Arctii Lappae*, *Campanulae persicifoliae*, *Galii veri*. Citra sylvam notissimum Skulskogen vel in Angermannia australi *Alnus glutinosa*, quæ jamdiu a rusticis *Alnus littoralis* vel *maritima* in hac regione appellata est, in littoribus quoque maris crescere recusat; simulque desinunt *Acer platanoides*, *Anemone Hepatica*, *Rosa canina* (quæ etiam ad oras maris tantum per Norrlandiam occurrit), *Heracleum Sphondylium*, *Dactylis glomerata*, *Orobis tuberosus*, *Thymus Serpyllum*, *Carex muricata* Gooden. et *elongata* Linn., *Silene nutans*, *Lychnis Viscaria*, *Sparganium erectum* etc. In Angermannia septentrionali demum amittimus *Anemonem nemorosam*, *Centauream Jaceam*, *Veronicam Chamaedrym*, *Pimpinellam Saxifragam*, *Pteridem Aquilinam*, *Hypericum perforatum*; ibi vero copiosissime occurrit *Salix limosa*. Denique ad Lapponiam Umensem proficiscentes in Vesterbottnia prope Umeam ultima vice vidimus *Centauream Cyanum*, *Salicem fuscam*, *Potentillam argenteam* et *Anserinam*, *Dianthum deltoidem*, *Lycopsin arvensem*, *Arenariam rubram*, et plantas complures jam littorales v. c. *Lythrum Salicariam*, *Sedum Telephium* etc.; contra autem occurrunt *Phlœum alpinum*, *Salix arbuscula*, *Splachnum luteum* etc. *Myricam Galem* etc. mox amitti infra dicemus. Illud denique adjiciendum est, terminum uniuscujusque plantæ nos ibi constituere ubi frequentius crescere desinit:

rara enim ut dicunt avis parum facit ubi de vegetatione universa quæritur.

Expositis igitur vegetationis mutationibus in regionibus adjacentibus, ad scopum nostrum præcipuum accedimus demonstrandi mutationes vegetationis intra ipsam Lapponiam. Ut autem illæ rite intelligantur necessarium duco, primum adferre quænam regiones Lapponiæ, a quibus, et quam diligenter perlustratæ sint.

Historia Floræ lapponicæ seu plantarum in Lapponia investigatarum.

Uti Lapponia partim Svecico partim danico regno subjecta est, ita etiam tum a Svecis ac Danis vel Norvegis perlustrata est; neque unquam peregrinus plantas ibi legit. Sveci non tantum Lapponiam svecicam, longe maximam partem Lapponiæ perlustrarunt, verum etiam ad oras extremas maritimas Nordlandiæ et Finmarkiæ sæpe pervenerunt; contra autem Dani oram extremam maritimam semper secuti sunt ultra promontorium septentrionale vix autem proximas alpes adscenderunt, nunquam vero alpium jugum viderunt vel superarunt.

Ol. Rudbeck fil. anno 1695 Lapponiam lulensem peragravit, ibique ad Quickjock et proxime adjacentes alpes pervenit. Primas lineas floræ lapponicæ exaravit quamquam satis incertas; incendio enim funesto Upsaliensi impeditus fuit, quin accuratiora de plantis earumque locis indicaret. Complures etiam plantas ut lapponicas exhibuit huic terræ valde alienas, quas expungere recentiores vix ausi sunt.

Car. Linné anno 1732 primum perlustravit Lapponiam Umensem sylvaticam ultra Lycksele usque ad infimam partem fluminis Jucktån; exinde ad Vesterbottniam reversus est, et dein totam Lapponiam Lulensem peragravit trans Harris, Jockmock, Quickjock; alpinum jugum ad Virih-jaur et Tulpajegna transcendit, et sic in sinum Torr-fjord Nordlandiæ Saltensis descendens ad Rörstad adjacentesque insulas *) maris oc-

*) Notare utique oportet, quod nulla Salleröa a Linnéo sic dicta in his regionibus nota est. Nomen Hellöe vel Helleröe uti videtur in Salleröam mutavit.

cidentalis pervenit. Post moram dierum paucorum alpium jugum iterum superavit, et eadem fere via per Lapponiam Lulensem reversus est ad Vesterbottniam. Dein regionem ultra Torneam sitam perlustravit et ad Kengis usque pervenit, sed Lapponiam Tornensem haud vidit. Plantas lapponicas omnes diligenter et satis accurate annotavit, et sic Floram lapponicam confecit satis bonam, ita ut pauca tantum adjicere potuerint insequentes peregrinatores.

Laur. Montin anno 1749 per Lapponiam Lulensem usque ad mare septentrionale et Rörstad perrexit vestigiis Linnéi omnino insistens. Pauca addidit ex. gr. *Splachnum luteum* et *Juncum biglumem* in Dissertatione de Splachno exhibita. Nonnullæ quoque plantae ex Herbario ejus Stockholmiae in Academia R. Scientiarum asservato, promi possunt scil. *Spergula stricta* Sw. et *Juncus spadiceus*.

C. Solander anno 1753 Lapponiam Pitensem ejusque alpes diligenter perlustravit, et ni fallor littora maris septentrionalis ad Saltdalen salutavit, uti conjicere licet ex eo, quod *Gentianam auream* Linn. reperit. Plantas rarissimas et a nemine alio in Lapponia visas detexit ex. gr. *Hieracium Taraxaci*, *Caricem pedatam*, quarum tamen et loca specialia et specimina desiderantur, nec Anglis magis nota esse videntur. Alias autem plantas cum Cel. *Bergio* communicavit in Stockholmia adhuc asservatas.

Jon. Hollsten annis 1758 — 1766 Quickjockiae Lapponiae Lulensis verbi divini minister vixit. In alpihus altis circa Quickjockiam aliisque, quas in itineribus muneris causa susceptis ad alpem Arrasfjället adiit, plantas diligenter quæsit et multas detexit ex. gr. *Ophrydem alpinam*, *Veronicam saxatilem*, quarum specimina bona in Herbario Bergiano Stockholmiae etiam nunc prostant.

Petr. Adlerheim eodem fere tempore Curator fo-dinarum Lapponiae tornensis, plantas varias ad Svappåvaara legit et novas quasdam ex. gr. *Phacam frigidam*, *Sonchum sibiricum* cum Linnéo communicavit.

I. E. Gunnerus, celeberrimus ille Episcopus Nidrosiensis, itinera visitatoria præcipue annis 1759, 1764 et 1767 per Norrlandiam maritimam et Finmarkiam utramque usque ad Vardhus fecit. In his itineribus

partim alpes maritimas ipse perlustravit, partim Sacerdotes ad plantas investigandas incitavit, quo factum est ut multæ plantæ rarissimæ innotuerint in Flora ejus norvegica exhibitæ. Diligenter omnia annotavit etiam loca natalia plantarum meridionalium, itaque plus fecit ad vegetationem Lapponicam præcipue maritimam cognoscendam quam ceteri fere omnes.

Ol. Swartz anno 1783 cum sociis nonnullis in Lapponia Lulensi trans Quickjock ad alpem Arrasfjället pervenit, pastorem sacris officiis fungentem insequens. Muscos varios in hoc itinere lectos esse scimus, et plantas quoque detectas esse perhibent, sed earum loca specialia et specimina mihi non certa esse videntur; itaque plerasque omittere coactus sum.

Mart. Vahl anno 1787 per hiemem et ver in Tromsöa Nordlandiæ commoratus est et Lichenes nonnullos fungosque legit; dein æstate insequente præternavigavit Finmarkiam usque ad Vardhus, et inde revertens alpes inter Porsangriam et Qualöam transgressus est. Paucas tantum plantas rariores legit ut *Astragalum sordidum*; sed fungos plures sarchiocarpus detexit et determinavit quam quivis alius. Observationes suas partim in Flora danica partim in relatione speciali in Natur-Videnskabers Sælskabs skriver exhibuit.

Sam. Liljeblad anno 1788 Lapponiæ tornensis Zonam meridionalem fluminis tornensis cursum legens peragravit, et trans Juckasjärvi ad lacum insignem Torne-träsk inter alpium jugum situm venit. Partem itaque alpium valde memorabilem et a nemine perlustratam vidit, ubi *Acrostichum hyperboreum*, *Airam alpinam* suam et *Drabam nivalem* detexit. Cæteras ejus plantas, quantum potui, diligenter citavi. Denique e Lapponia revertens montem subalpinum Yllästunturi prope Lapponiam Kemensem situm visitavit et *Pteridem crispam* reperit.

Gröndal, Med. Regius eodem anno 1788 e Muonioniska in Lapponia tornensi infima egrediens, Peldovuoma et flumen Ounasjoki transiit, lacum Enarenssem superavit, et ad Neiden Russiæ adjacentemque sinum Varangriæ nec non Vadsöam Finmarkiæ maxime orientalis tetendit. Quamquam aves imprimis venatus est, tamen plantas rarissimas legit

uti *Cucubalum tataricum*, *Stellariam humifusam* Rottb. sed earum loca specialia haud annotavit.

*Ips*e quaternis itineribus Lapponiam peragravi et omnes singulasque ejus partes perscrutavi, non tantum de plantis omnibus verum etiam de geographia botanica et physica sollicitus.

Anno 1800 d. 14. Junii Lapponiam tornensem intravi; Muonioniskae degens, montem subalpinum Ollostunturi visitavi, per finem mensis Junii ad templum Enontekis commoratus montem Roussatjärro et alios montes subalpinos investigavi. Dein trans montem Nonainen ad Naimaka perrexī ejusque montem Vallivaara lustravi, postea d. 2 - 4. Julii alpium jugum ad Moskonvaara et Tsatseraise transii, et in Nordlandiam ad sinum maris Lyngen descendi. Ibi in pago Qualviig d. 5. — 13. Julii habitans alpes adjacentes maximas, longe supra litem nivalem elevatas perscrutatus sum, et præcipue cacumen alpis Lyngentind ad templum Lyngense ultra nivem conscendi. Ulterius Tromsöam vidi et sinum maris Balsfjorden visitavi, ubi *Myosotidem deflexam* detexi. Alpium jugum d. 19. Julii iterum quærens, viam pristinam repetivi et alpes ad Tsatseraise superavi; dein flumen Kõngämä sequens ad templum Enontekis iterum d. 23. Julii perveni. Moram iterum faciens in domo Rev. Pastoris *Grape*, cujus observationibus Thermometricis infra usus sum, habitavi usque ad d. 10. mensis Augusti, interea regionem australem ad Idivuoma variosque montes diligenter perlustrans. Denique Muonioniskam repetens e lapponia d. 16. Augusti discessi post duorum mensium intra Lapponiam iter. Carices multas in hoc itinere detexi, quarum differentias ipse in Actis Stockholmien-sibus exhibui, et quarum icones ad mea exemplaria factas in Schkuhrii tractatu de Caricibus reperi; itemque muscos multos primum intra Sveciam legi ex. gr. *Conostomum boreale*, *Cinclidium stygium*, *Dicranum latifolium*, *Weissiam roseam* etc. His aliisque observationibus incitatus Lapponiam iterum visitare optavi, et stipendium opera Cel. *Swartzii* a R. Academia Scientiarum accepi. Ne autem fluxus fluminum vernalis et nives liquefactæ moram mihi iterum facerent, alpes hyeme transire decrevi. Itaque

Anno 1802. a rhenone supra nivem vectus d. 17 Aprilis Lapponiam Tornensem intravi, trans Muonio-

niska et Leppäjärvi ad Kautokeino perveni, et dein d. 22 - 24. Aprilis alpes frigore hyemali adhuc rigentes superavi, quod ante me nullus Botanicorum fecit. In Finmarkia ad sinum Altensem et quidem ad Påsekow habitans totum mensem Maji contrivi, et præcipue Lichenes in scopulis denudatis maris et in rupibus montium nive nunquam tectis quæsivi, illosque detexi, quos exhibet Cel. *Acharii Supplementum ad Methodum lichenum*. Demum vere appropinquante initio mensis Junii domum mutavi, et ad Hamnerfest Qualöæ d. 1 - 14. Junii habitavi iterum Lichenes quærens. Ulterius insulas et promontoria extrema petii, Mäsöam et adjacens promontorium perlustravi, trans Stappenöer et Tuenäs procedens præternavigavi promontorium septentrionale d. 21 Junii. Porsangriam dein perscrutatus sum; ad Rehvog d. 22 Junii — 9 Julii habitans, Kistrand visitavi nec non Billefjord frustra transire tentavi. Finmarkiam occidentalem ulterius præternavigans Svärholt superavi, isthmum his in locis notissimum Hopseidet transgressus sum, et sic ad templum Tana perveni petris et undis maris glacialis vale dicens. Cum flumine Tana postea luctuandum fuit. Ad Polmak nonnullos dies commoratus sum, et longiorem moram d. 24. Julii Utsjokiæ quæsivi. Interea ipsum jugum alpinum Finmarkicum salutare volui, et ad supremum Levojoki tentorium habitans alpes Rastekaise, Kämiokaisse etc. d. 27 — 30 Julii perlustravi. Utsjokiæ reversus lacum Enarensem petii, ibique ad Jwalojoensuu d. 13 — 17 Augusti commoratus sum. Inde terram omnium maxime desertam penetrare studui, ad Sotajoki per plures dies tendere tentorium coactus fui, et sic trans Tankajoki ad pagum Muttania parocciæ Sodankylä perveni d. 26 Augusti lassitudine et inedia adeo pressus, ut per dies complures stomacho laborarem. Denique postquam trans Kiurujärvi et Kellojärvi perveneram, ad templum Sodankylä moram quæsivi et vires resuscitavi usque ad d. 9 Septembris, interea præcipue fungos legens. Fluminum cursus sequens ad Pelkola paullum commoratus sum, et exinde montem subalpinum Pyhänturi d. 14 Sept. visitavi, et postremo Lapponiam deserui d. 16 Septembris ad lacum Kemiträsk perveniens, post quinque mensium intra Lapponiam

iter. In hoc omnium longissimo itinere præter Lichenes præcipue Salices in Finmarkia legi et fungos in Laponia Kemensi. De cætero descriptionem Laponiæ Kemensis composui, quam edidit Generosissimus L. Baro *Hermelin* cum titulo: *Geografisk och Ekonomisk Beskrifning om Kemi-Lappmark, Stockholmiae* 1804. 4to. — In duobus his itineribus per Laponias maxime septentrionales vegetationem satis diversam reperi ab ea, quam in Laponia Lulensi descripsit Linnæus. Optavi itaque vestigiis hujus illustris viri insistere, ut etiam altitudinem nostrarum alpium et vegetationis terminos emetirer. Hoc consilio cum Cel. *Swartzio* et Regia Academia Scientiarum communicato, iterum stipendio munitus et instrumentis geographicis scilicet Circulo Bordaëi et Barometris instructus sum. Idem autem consilium alpes hieme transeundi secutus sum, ac in ultimo itinere, quod tunc quidem pernecessarium esse comperi. Ideoque

Anno 1807 iterum rangifero supra nivem vectus Laponiam Lulensem d. 23 Aprilis salutavi, trans Lockmock et Quickjock ad alpes perveni; eas autem hieme transagere, heic multo magis arduum esse quam in Laponia tornensi, comperi tum ob majorem altitudinem et præruptiora latera, tum ob intentatam viam. Die 3 Maji sylvaticam regionem deserui, alpem Valli transvectus sum, ad lacum Tarraloubbal lapsum cum traha rangiferina feci, quo destructum est unum Barometrorum meorum; alterum postea a Lappone in soleis nivalibus (snöskidor Svec.) supra nivem corrente portandum curavi. In alpe Utsa-titir prope Virih-jaur detentus sum ob inopiam rhenonum sub tentorio in nive habitans usque ad d. 9 Maji; dein per diesque noctesque, quæ nivem alpium hyemalem æque illustrarunt, Gäutilis superavi, et ad Lersfjord paræciæ Nordlandicæ Folden descendi per latera alpium prærupta et nive glaciata quam maxime lubrica, ubi Rhenones nobis nullam præstare potuerunt operam. Post tam arduum et a nemine antea tentatum transitum alpium perveni ad mare septentrionale, cujus sinus interiores ob fere inauditum hoc anno frigus glacie obducti fuerunt et nova mihi impedimenta objecerunt. Denique, postquam molem gla-

ciei perfregeram, undis maris me commisi et ad Kieringöam d. 18 Maji substiti. Per mensem ibi degens et adventum veris expectans præcipue Algas maritimas in fundo maris quæsi. Dein Rörstad ejusque alpes d. 16 — 23. Junii perscrutatus sum; sed adveniente jam vere loca lætiora in intimo sinu foldensi quæsi, et in pago Dale stationem primariam ad indagandas alpes mihi elegi. Perscrutatus alpes adjacentes Strömklumpen et Skirriporri d. 1. Julii isthmum Saltensem transegi, et regionem, quam vocant, aquatilem Saltensem penetravi, trans Skönstugan et Langvand alpium jugum quaerens. Ibi ad lacum tunc glacie tectum Lommijsauri tentorium tetendi, alpem totius lapponiæ altissimam Sulitelmam primum trigonometrico modo emensus, d. 14 Julii summum ejus cacumen inter glacierum ruptarum pericula conscendi ibique Barometrum exposui *). Postea ad sinum Saltensem reversus, isthmum Saltensem iterum trajeci d. 19. Julii, et alpem Strömklumpen prope Dale emensus sum. Appropinquante jam summa æstate iter alpinum longius præparavi, d. 23 Julii sinum Torrfjord penetravi, et exinde alpini jugi summam glaciem Tulpajegna transcendens ad lacum alpinum maxime memorabilem Virihjaur d. 25 Julii perveni, ibique ad Sirkaloukt tentorium fixi per nonnullas hebdomades. Alpibus undique investigatis glacies iterum superare et ad mare retrogredi coactus sum d. 6 Augusti, ubi ad sinum Sörfoldbotten plantas littorales iterum quærere liquit. Denique d. 12 Augusti littoribus inferalpinis vale dixi, et superatis iterum glaciebus lacum Virihjaur trajeci, nec non ad alpem Kirkivare tentorium tetendi, unde summam glaciem Almajalos-jegna prope laudatam Sulitelmam d. 15 Augusti conscendi, ubi Barometrum unum superstes perdidi. In variis his excursionibus circa lacum Virihjaur utpote centrum alpium omnium lapponicarum institutis, detexi *Astragalum leontinum* et *montanum*, *Aspidium montanum*, *Drabam androsaceam*, *Caricem pedatam* et

*) Mea circa altitudinem montium et terminos vegetationis experimenta seorsim exhibui in tractatu: *Berättelse om mätningar för att bestämma Lappska fjällens högd och temperatur*, Stockholm 1808, cum mappa geographica et tribus prospectibus alpium.

Bellardi All. etc. Instante jam autumnno domicilia in Lapponia svecica quærere coactus sum, et Vallivare transcendens ad Quickjock reversus sum d. 21. Augusti. Mox vero ad Lapponiam Pitensem transii et ad templum Arjeplog d. 28. Augusti usque ad 4. Septembris præcipue Salices et plantas aquaticas quæsi: dein templum Löfmock vidi, adjacentesque alpes Peliekaise, Ribnitskaise etc. d. 5. et 6. Septembris perscrutatus sum; et denique trans Tjäkelvals nive jam cadente Quickjock repetivi. Perlustratis iterum ejus alpibus jam nive autumnali fere tectis d. 9 — 12. Septembris, alpinam regionem deserere coactus sum, et fluminis Lulensis cursum sequens Lapponiam d. 23. Septembr. egressus sum post mensium quinque intra Lapponiæ fines iter. — In hoc itinere alpes perlustrare mihi satis contigit et Linnéi plantas alpinas resuscitare; sed de plantis sylvaticis dubia varia adhuc manserunt, quod antea sylvaticam regionem ultimo tantum autumnno vel primo vere peragraveram. Optavi itaque Lapponiam sylvaticam eamque maxime meridionalem itinere æstivali peragraré, præcipue ut terminos plantarum svecicarum indagarem, Lichenes muscosque sylvaticos in Lapponia adhuc non repertos quærerem, et insuper experimenta circa temperiem terræ instituerem. R. Academia Scientiarum svasu Cel. *Swartzii* huic proposito non tantum innuit, verum etiam stipendio largiori me donavit. Quarta igitur vice

Anno 1810 Lapponiam intravi et quidem Lapponiam Umensem d. 8. Julii salutavi, ad Lyckselam innox perveniens. Ibi d. 8 — 15. Julii degens plantas sylvaticas quæsi et *Salicem versifoliam* detexi. Dein ultra Falträsk et Gransele progrediens Sorselam d. 18. Julii vidi, et trans lacum Stora-Vindeln ad Gillesnöle et alpem Givorten perveni. Hac alpe d. 22. Julii investigata ad Sorselam et Lyckselam reversus sum; unde d. 29. Julii — 2. Augusti iter feci ad lacum Örtträsk angulum infimum et maxime meridionalem totius Lapponiæ occupantem. Postquam ibi neque *Myricam Galem*, neque *Callam palustrem* etc. reperire potui, Lyckselam revidi et d. 4. Augusti e Lapponia discessi, plantarum terminos *) meri-

*) Quæ in hoc itinere institui experimenta de temperie terræ, plantarum terminis etc. exposui in tractatu Actis R.

diem versus quærens. — Post tam multa et vario modo instituta itinera, opus meum de vegetatione lapponica haud immaturum fore speravi.

Plures quidem naturæ scrutatores Lapponiam adisse scio, sed eorum circa plantas vel vegetationem observationes haud mihi innotuerunt. De geographia autem physica hujus terræ optime meruit *A. Hellant*, qui Lapponiam singulis annis peragravit montesque ejus emensus est e. s. p. Hujus variis annotationibus in Observatorio Reg. Academiæ Scientiarum asservatis usus sum. Denique Lapponiam peragravit Generosissimus *Leop. von Buch*, et experimenta quam maxime fida de altitudine montium, terminis vegetationis etc. exposuit in libro: *Reise nach Norwegen und Lapland*, Berlin 1810.

Divisio Lapponiæ in partes naturales secundum vegetationem.

Certis experimentis infra demonstrabimus, clima ubique idem esse ad Sinum bottnicum stricte sic dictum *). Hic Sinus quasi saccum occlusum constituit, ex quo omnes plantæ et tota constitutio regionis quasi proficiscuntur et per Zonas disponuntur sine respectu ad latitudinem geographicam. Sic Zonæ variæ inter hunc sinum et jugum alpinum parallelæ, considerandæ sunt. Vegetatio ab una Zona ad alteram adeo sensim mutatur, ut certe debeamus distinguere inter regionem fere sylvaticam et fere alpinam; et sic ortæ sunt denominationes: subsylvatica et subalpina eodem sensu, quo Botanici illud sub usurpari solent. Itaque monemus, regionem subalpinam haud sic appellatam esse, quasi subtus

Academiæ Sc. Stockholm. inserto, cui titulus: *Rön om Springkällors temperatur i Rikets norra provinser.*

*) Incolæ et nautæ hujus regionis aliud nomen tribuunt mari supra fretum Quarken sito quam mari infra Quarken. Quod supra fretum Quarken est, dicunt svecice *Bottenviken* i. e. *Bottnicum sinum*, quod infra Quarken dicunt *Bottenhafvet* i. e. *bottnicum mare*. In hoc strictiori sensu Sinum bottnicum lubentissime accepimus, cum constitutio coeli et terræ adjacentis ibi longe alia sit, quam ad mare bounicum, baltico mari longe similis.

alpes sita sit, sed quia fere alpina tum altitudine ac vegetatione est. Datur vero regio altera lapponiæ, quæ re vera subtus alpes sita est idque ad latus norvegicum jugi alpini, quam infra alpes locatam dicimus; et sic ortæ sunt denominationes: plantæ infra alpes crescentes, plantæ infra-alpinæ et denique etiam inferalpinæ; quæ nomina nobis percommoda visa sunt, et ut hæc nobiscum accipiant lectores, optamus. Varias illas Zonas seu regiones Lapponiæ accuratius describere juvat.

Limitem naturalem Lapponiæ efficere videtur catena montium sylvaticorum, circiter 500 ped. par. altorum, qui 5. - 8. miliaria svec. a sinu bottnico distant. Hi montes toti sylva abiegna consiti sunt, nec vertice denudato unquam distinguuntur; neque montes ulli subalpini infra illam catenam existunt. Incipiunt infra lacum Kemiträsk, procedunt ad Torneam superiorem et Öfver-Calix, dein circa Edefors districtus Lulensis visi sunt, et denique ad lacum Tafvelsjön districtus umensis procedunt. Hanc catenam montium vix superant *Calla palustris*, *Myrica Gale*, *Veronica officinalis*, *Chrysanthemum Levchanthemum*, *Festuca elatior* (quæ F. pratensis Smith Engl. bot. 23. t. 1592.), *Carex stellulata* etc., quæ plantæ proprie vix lapponicæ appellari possunt. Betula ibi frondescit initio mensis Junii.

Lapponia sylvatica inferior ubi non tantum *Abies* verum etiam *Trifolium pratense*, *Lysimachia thyrsiflora*, *Convallaria majalis* (ad ripas fluviorum), *Nymphæa alba* læte crescunt. Heic nonnullæ plantæ subalpinæ crescere incipiunt uti *Toffeldia borealis* et *Serratula alpina*. Limes superior hujus districtus positus esse videtur ad Sodankylä Lapponiæ Kemensis, inter Kengis et Muonioniska Lapponiæ Tornensis, ad Jockmock Lapponiæ Lulensis et ad Falträsk Lapponiæ Umensis.

Lapponia sylvatica superior plantas supra enumeratas desiderat, sed sylvis abietum adhuc undique gaudet. Ubi *Abies* in locis apricis crescere desinit, ibi limitem super. hujus regionis positum esse credimus. Terminus autem abietis in Lapponia Kemensi, Tornensi nec non Pitensi perconspicius esse reperitur, quia terra ibi planior est et convallibus pro-

fundis caret; sed in convallibus profundis et occultioribus Lapponiæ Lulensis versus Quickjock et Umensis versus Gillesnöle abies solito propius ad alpes procedit, lateribus montium tecta. Ibi limitem superiorem hujus regionis ponimus, quo Abies in apricis desideratur scil. ad Gautsträsk Lapponiæ Umensis et Tjåmotes Lapponiæ Lulensis, quamquam Abies ad Gillesnöle et supra Quickjock in occultis procedit. In cæteris Lapponiis limitem superiorem Abietis invenimus ad lacum Laisträsk, ad finem superiorem lacus Hornafvan et inter Tjåkelvasf et Rappen Lapponiæ Pitensis; paullo supra Gellivare Lapponiæ Lulensis, supra Wittangi et infra Palojoensuu Lapponiæ tornensis; denique ad Kyrö versus lacum Enarensem Lapponiæ Kemensis. Plantæ magis meridionales in hac regione desinentes sunt: *Trifolium repens*, *Festuca rubra*, *Rumex aquaticus*, *Nymphaea lutea* et pleræque plantæ aquaticæ. Plantæ plures alpinæ heic inveniuntur uti *Salix glauca* usque ad mediam ejus partem, *Salix hastata* in magis septentrionalibus, *Bartsia alpina* et *Lychnis alpina* ad ripas fluviorum. Cultura Hordei bene succedit, sed supra hujus regionis limitem parum. Betula frondescit medio Junio. Temperies terræ ad Sorsele 2° therm. centigr. in scatürigine reperta est. *) Regio hæc valde paludosa est in lapponiis planioribus uti Kemensi, Tornensi et in Gellivare Lulensis, nec non in Pitensi; sed Lapponia reliqua Lulensis ut et Umensis convallibus profundioribus plenæ, aqua minus laborant.

Montes subalpini in hac regione sunt siccissimi et quæ maxime glareosi vel lapidosi, *Lichene rangiferino* undique obtecti et exinde fulmine plerumque devastati, sterilissimi. Supra terminum sylvarum nonnisi 200 vel 300 pedes paris. elevati sunt, ideoque nivem vix ultra solstitium æstivum retinent. Plantis alpinis siccissimis tantum gaudent scil. *Menziesia cærulea*, *Arbuto alpina*, *Junco trifido*, *Lycopodio alpino*, *Azalea procumbenti* et rarius *Diapenzia lapponica*. Dispersi undique jacent, nec catenam unquam efficiunt. Tales montes subalpini in Lapponia Kemensi frequentissimi

*) Vide Acta Stockholmiensia ann. 1811.

sunt, ubi *tunturi* lingua fennica dicuntur: uti *Vilma tunturi*, *Jauri-tunturi*, *Suas-tunturi*, *Pyhätunturi*, *Luosto-tunturi*, *Karastunturi*, *Oratunturi*, *Niivatunturi*, *Kompo-tunturi*, *Sombio-tunturi*, *Luiro-tunturi*, *Nuorttitunturi*, *Riitatunturi*; plures quoque occurrunt in Lapponia Tornensi septentrionali uti *Yllästunturi*, *Jeristunturi*, *Ollos-tunturi*, *Ounas-tunturi*. In Lapponia Lulensi nonnisi unicus *Gellivare Dunder* notus est; Lapponia vero Pitensis, quæ vario respectu Lapponiæ tornensi similis est, nonnullis gaudet montibus *bout* ibi dictis, uti *Kalkis-bout*, *Ardnabout* prope Arjeplog sitis. Nomen *bout* caput calvum indicat. Lapponia umensis unicum tantum talem montem in ipso limite superiore hujus regionis situm habet scil. *Naulo-berget* prope Sorsele *).

Regionem subsylvaticam dicimus illam Zonam Lapponiæ, ubi *Pinus* tantum crescit nec ulla *Abies*. Præcedentibus regionibus longe angustior est et plerumque cæteris difficilior determinatu, quia *Abies* in convallibus profundis sæpe reperitur solito propius ad alpes. In Lapponiis septentrionalibus interdum ultra octo miliaria svecica lata et certissime determinata; scil. in Lapponia Kemensi inter Kyrö Enarensem et lacum Petsekojaur extenditur; ad Peldovuoma-tunturi longe angustior fit, sed in Enontekis iterum valde dilatatur e Nunainen usque infra Palojoensuu extensa, quam latitudinem ad Juckasjärvi conservari puto utpote ultra Vuolosjoki procedens. Contrahitur iterum in Lapponia Lulensi ob convalles ejus profundiores, in quibus *Pinus* paullo supra Quickjock procedit præcipue ad Kamajoki. In Lapponia Pitensi iterum latior et magis conspicua fit utpote supra lacum Tjäkelwals usque inter Tjäkelwals et Rappen extensa; nec

*) Montem sic dictum *Stötting fjället* inter Lyckselain et Aselam situm uti alpem elatam descripserunt Geographi; est vero nonnisi mons sylvaticus abiete undique consitus et haud ultra 600 pedes parisinos elevatus. Nomen illud *fjäll* non semper alpem arboribus denudatam indicat, verum sæpe et forsitan strictissimo sensu locum, e quo fluvii oriuntur vel e quo aquæ ad utrumque latus disfluunt. Ita dicunt se *fjället* transiisse, quum per sylvam ex. gr. inter flumen Umense et Vindelense sitam penerarunt.

nec non e Laisträsk usque supra Adolphström; sed in media parte hujus Lapponiæ nonnisi e fine superiore lacus Hornafvan ad finem superiorem lacus Hytteträsk extenditur. *Pinus* in Lapponia Umensi fere sola inde a Gautsträsk usque ad locum Petsigerk procedit. (isque locus ob defectum Pini finis pinorum in lingua vernacula dictus est). Ante Pinos crescere desinit *Carex globularis*, et in magis meridionalibus *Prunella vulgaris*. In hac regione cito nobis obveniunt *Pedicularis lapponica* per sylvas undique dispersa, *Viola biflora* et *Talictum alpinum* ad ripas fluviorum, *Salix lanata* et *Tussilago frigida* ad margines paludum fontiumque, nec non *Ranunculus lapponicus*. Cultura Hordei ibi vix succedit, ita ut coloni ibi sint pauperimi. Temperiem terræ 1°, 8 thermom. centrigr. ad Risnäs Lapponiæ umensis reperi. *Betula* frondescit inde a solstitio æstivo. Lacus et flumina majora hujus regionis circiter 1000 pedes parisin. supra mare elevata sunt.

Regio subalpina *Betulam* adhuc alit, cæteris arboribus sylvestribus destituta. Finem ejus superiorem ponimus ubi *Betula* orgyalem altitudinem haud attingit. *Populus tremula* et *Prunus Padus* ante *Betulam* desistunt, sed *Sorbus Aucuparia* fere eundem limitem attingit. *Betula* intra Lapponiam semper longe altius versus alpes adscendit quam *Pinus* et *Abies*; ideoque hæc regio longe magis determinata magisque conspicua est quam præcedens; tamen in mappa geographica difficillime exaratur, quia *betula* in partem montosam adscendens, montes omnes vario modo circumcingit et convalles omnes minores penetrat. Non sine aliquo dubio limitem ejus superiorem ponimus ad Sjeckakoski Utsjokensem, ad Kautokeino Finmarkiæ, ad Naimaka et Torneträsk, ad lacum intermedium Lulensem, ad lacum Tarrajaaur paræciæ Quickjock e. s. p. Prope lacum Bartauri et Ribnitsjaaur Lapponiæ Pitensis nec non Juckt-träsk et Björkvatnet Lapponiæ Umensis sola *Betula* provenit. *Betula* ibi ante finem Junii vix frondescit. Est regio sicca *Lichene rangiferino* quam maxime oblecta, monticulis rotundis arenosis consita sine ullis petris. Montes majores interdum obveniunt ex alpium jugo quasi procedentes et sylvis accedentes, qui lapponibus semper *Valliyare* s. *Valleketje* dicuntur. Hic locis sicciori-

bus crescere incipit *Azalea procumbens*, *Juncus spicatus* et *trifidus*. Temperiem terræ ad limitem Betulæ in Givorten Lapponiæ Umensis 1°, 4 thermom. centigr. esse, reperi.

Betula transit e latere norvegico alpium usque in Sveciam duobus tribusve locis intra fines Lapponiæ, ubi adeo demissum est jugum alpium. Hoc quidem eo magis memorabile est, quod alpium jugum ex alpe Dovriana usque ultra circulum polarem continuatum, vegetationem occidentalem norvegicam ab orientali svecica disjungit, ut nonnisi plantæ alpinæ transire queant. Transitus primus et omnium maxime memorabilis nobis occurrit ad lacum Torneå-träsk, ubi ex insigni illa convalle inferalpina *Malangerdalen* silva betulina penetrat per convallem *Audje vaggi* juxta lacus Polno-träskén usque ad Torne-träsk, unde dein in Sveciam descendit. Hac via multas plantas inferalpinas Nordlandicas ad Lapponiam Tornensem meridionalem pervenisse crediderim ex. gr. *Saxifragam Cotyledonem* et forsán etiám *cæspitosam*, *Sedum annuum*. Alterum transitum aperit flumen Altense, quod e latere meridionali, alpium jugum penetrat et Betulam aliasque plantas secum fert. Tertium transitum efficit flumen Tanense, quo alpium jugum ad Tanam templum vel Guldholmen adeo angustum et parum conspicuum est, ut illud omnino finitum dicamus. Hac via adscendit *Thymus Serpyllum*, *Matricaria inodora* etc. Quamquam *Pinus sylvestris* supra Utsjoki copiose in convalle fluminis crescit, tamen heic usque ad mare septentrionale haud penetrat. Itaque catenam alpium hic deficere, dici non potest; sed *finis alpium* omnino est ad Neiden pagum Russiæ adjacentem, ubi *Pinus sylvestris* e Svecia usque ad mare septentrionale propagatur. Quousque vero meridiem versus progredi nos oporteat ut transitum quoque *Abietis* reperiámus, mihi non constat.

Regionem alpinam inferiorem vel alpes inferiores dicimus, ubi post discessum Betulæ nix nullibi perennat ne locis occultis et in scrobiculis, sed ante medium Julium ubique diffluit. Ibi *Diapenzia lapponica*, *Silene acaulis*, *Andromeda hypnoides* undique per campos crescere incipiunt. *Betula nana* adhuc erecta locis paludosis crescit, ut etiám *Salix myrsinites*. Ejusdem indolis fere sunt *Alpes mari-*

timæ Finmarkiæ ad promontorium septentrionale, quamquam ob rupes præruptas humorem et interdum nivem conservant, ideoque alpino jugo non parum similiores sunt. In alpe Givorten Lapponiæ Umensis temperiem terræ hujus regionis 1^o, 0 therm. centigr. esse observavi.

Alpium jugum vel alpes superiores nivem multis locis per totam æstatem conservant, qua continuo liquefacta humorem summum vel potius solum uliginosum adipiscuntur iis omnino peculiare. Ibi itaque crescere possunt *Ranunculus glacialis* et *nivalis*, *Pedicularis hirsuta* et *flammea*, *Stellaria biflora*, *Erigeron uniflorum*, plantæ nullis aliis locis obviæ. Alpium jugum in Lapponia meridionali utpote Umensi, Pitensi et Lulensi aquas meteoricas occidentales et orientales omnino separat et omnium alpium summa cacumina habet; in Lapponia vero Tornensi vel potius Nördlandia maxime septentrionali alpes summæ versus mare glaciale magis elewantur, quam ullo alio loco, adeo ut ex. gr. prope Lyngen et Tromsøen alpium cacumina nivalia et convalles inferalpinæ lætissimæ inter se alternent, exemplo per Lapponiam inaudito et scrutiniis botanicis quam maxime favente. Postea in Finmarkia occidentali a discrimine aquarum longius remotum est jugum et mari septentrionali accedit; simulque humilior fit et denique in alpibus Vorieduder et Rastekaisse limitem nivalem haud adtingentibus fere finitur. Reliquæ enim alpes, quæ in Finmarkiam orientalem se extendunt ex. gr. ad Tanam et inter peninsulam Varangriam et sinum Tanensem nivem vix ullibi retinent quamquam petrosæ.

Ultra limitem nivalem elevata cacumina paucioribus tantum locis intra Lapponiam occurrunt. Horum humiliora 4000 ped. paris. altitudinem haud attingentia glaciebus destituuntur, altiora glaciebus *) primi generis instructa sunt, altissima vero ultra 5000 ped. par. supra mare elevata glaciebus secundi generis ruptis et cadentibus insignita sunt. Limitem nivalem circiter 3300 ped. paris. supra mare elevatum esse cognovimus. In Lapponiæ Umensis confiniis septentrionalibus primum nobis notum est cacumen

*) In Sibiria nullæ sunt Glacies: *Pallas it. sibir.* 3. p. 448. uti videtur ob æstatem nimis calidam.

nivale, cujus glacies secundi generis Junkaren *Soupts* dicitur (*Soupts* Lapponibus umensibus glacies denotat) et prope lacum Viresjaur descendit. In alpihus piten-sibus unicum cacumen nivale nobis indigitatum ipsi vidimus scil. Saulo-tjack, quod tamen ob angustiem suam glacie destituitur. Nullibi cacumina altiora occurrunt quam in Lapponia Lulensi meridionali glaciebus frequentissimis referta lingua vernacula *jegna* dictis. Horum maximum est Sulitelma, quod latitudine plus quam per miliarium svecicum intra regionem nivalem extenditur, et cujus glacies *Salajegna* omnino secundi generis pulcherrima longe infra limitem nivalem descendit. Hujus prospectum exhibui in libro *Berättelse om Lappska fjällens höjd*. Simile fere cacumen est *Ålmajalos* undique circumdatum glaciebus *Ålmajalos jegna* et *Linajegna* dictis. *Tulpa jegna* longe humilior est et tantum glacie primi generis insignita; magna autem vis nivis inde extenditur usque ad Gåutlis. *Korkotjocko*, mons prope sinum maris Lersfjorden situs, et *Vågökall* in extremo maris promontorio supra limitem nivalem satis elewantur; ita etiam *Getsetjack*, *Pernitjack*, *Midatjack* et *Allekaisse*, sed an glacies habeant mihi non constat. Altera regio cacuminibus supra limitem nivalem elevatis notabilis sita est ad sinum maris Lyngensem, quæ regio altior est, quam jugum alpinum ad *Måskonkaise* et *Tsatsekaise*; prope mare altissimum cacumen *Lyngentind* elevatur, cujus vero glaciem septentrionem versus sitam haud vidi. In confiniis Finmarkiæ sinum Jökkelfjord glacie memorabilem esse tradunt; sed postea per utrasque Finmarkias vix cacumen ullum occurrit supra limitem nivalem eminens.

Versus mare norvegicum descendentes longe aliam invenimus formationem alpium. Cum prope mare undique cacumina alpina sint fere adeo alta ac in jugo alpium; fieri non potest, quin latera quam maxime sint inclinata et præcipitiis horrendis insignita. Ibi vix ullæ planities reperiuntur, sed angustis Zonis omnes montes circumscribuntur; quas quidem sequenti modo nominatas volui.

Alpium latera superiora limitem nivalem proxime attingunt, ideoque aqua nivali semper irrigata, terra pauca et uliginosa gaudent. Ranunculis præcipue frequentantur.

Alpium latera inferiora nive perenni plerumque destituta, vix tamen sicciora, *Betulam nanam* in siccioribus, *Andromedam hypnoidem*, *Veronicam alpinam*, *Juncum trifidum*, *Azaleam procumbentem* præcipue alunt.

Alpium radices ubi *Betula* tantum crescit nec ulla *Pinus*, locis quam maxime herbosis inferius gaudent. Inter betulas vix orgyales præcipue crescunt *Saxifraga oppositifolia*, *nivalis* et *cernua* locis præruptis madidis; *Polypodium Lonchitis* in siccioribus. *Alpium radices* inferiores dicere liceret loca illa maxime herbosa, silva betulina alta gaudentia, qualia vix nisi versus fundum sinuum majorum demum occurrunt in Finmarkia ad Porsangriam usque ad Kistrand, et ad flumen Tana. Ibi proveniunt *Polypodium Filix mas*, *Osmunda Struthiopteris*, *Sonchus alpinus*, *Ribes rubrum*. *Betula* ibi fine mensis Junii frondescit.

Alpes maritimæ mihi dicuntur insulæ promontoriaque extrema ventis maris adeo exposita, ut inde alpinam naturam magis quam ex altitudine sua habent. Tales præcipue versus promontorium septentrionale et in Loffoden obveniunt. Arboribus et fruticibus adeo denudatæ sunt, ut ne Juniperis quidem gaudeant. Fruticulis quoque alpinis uti *Andromedis* etc. fere destituuntur, sed plantis alpinis succulentioribus uti *Saxifraga oppositifolia*, *Silene acauli*, *Dryade octopetala* ornatæ. In alpinis littoralibus vel maritimis occurrunt nonnullæ plantæ alpium meridionalium ex. gr. *Erigeron alpinum*, *Sedum villosum*, *Gentiana involucrata*, plantæ ultra littora in Lapponia haud adscendentes. Nonnullæ plantæ alpinæ in Nordlandiæ alpibus superioribus crescentes littora maris Finmarkiæ presse sequuntur uti *Saxifraga cæspitosa*. Omnino alpes norvegicæ plantas annuas copiosius alunt, alpes vero svecicæ a mari longius remotæ et sicciores, fruticulis alpinis insigniuntur quorum ex. gr. *Azalea lapponica* vix ullibi in Norvegia occurrit. Salicibus solis ex. gr. *myrsinite* feraciores sunt alpes norvegicæ.

Convalles inferalpinas et *loca inferalpina* dicere voluissem ubi *Pinus* crescit. Pineta magis conspicua nonnisi intra fundum sinuum maris in convallibus ibi obviis profundissimis et angustissimis

sub ipsis alpinis altissimis sitis inveniuntur. Quamquam ex alpinis summis nonnihil remota, ejusdem indolis tamen esse videtur convallis Utsjokensis et convallis prope Karasjok et Enare-jock pinetis refertæ; de cætero nullæ in Finmarkia orientali occurrunt. Finmarkia occidentalis convallē piniferam ad Laxelv Porsangriæ habet; longe vero majorem ad Alten. Nordlandia Tromsensis et Saltensis convallibus piniferis frequentioribus gaudet, e quibus Malangrensis omnium maxima. Hæ convalles præcipue Saltenses clima longe temperatius habent quam tota reliqua Lapponia, ita ut ibi proveniant *Convallaria verticillata*, *Campanula latifolia*, *Fragaria vesca* eaque copiosissime etc. Ibi nullæ plantæ alpinæ crescunt nisi ad rivulos *Saxifraga stellaris*. Trans promontorium Kunnen in Helgelandia occurrunt convalles inferalpinae Abiete consitæ et adeo calidæ, ut tota Helgelandia a Lapponia separanda esse videatur, ne Flora Lapponica plantas a climate lapponico valde alienas recenseat ex. gr. *Corylum Avellanam*. Aër maritimus Abieti valde inimicus esse videtur; alias in convallibus Saltensibus certe provenisset, ubi temperies plantis aliis alendis magis favet quam ad Quickjock pagum 1000 pedes paris. altius situm et abiete valde feracem.

Altitudo terræ Lapponicæ supra mare.

Terra in Lapponiis meridionalibus scil. Umensi, Pitensi et Lulensi nonnisi lentius elevatur. Templum Quickjockense tantum 1070 pedes paris. supra mare elevatum reperimus; nec dubitamus, quin Gillesnöle nullomodo altius situm sit. Lapponiam Pitensem parum elevatiorem esse credimus præcipue ad lacum Tjåkelfals et Laisan. E regione sylvatica harum Lapponiarum citius versus alpes adscendimus, et nonnisi per latera prærupta in alpinum jugum pervenimus. Itaque alpes versus Lapponicam sylvaticam procedunt; sed tota Lapponia sylvatica adeo plana est, ut vix monticulus sit ultra 200 pedes paris. supra planitiem elevatus.

Lapponia Tornensis sensim altius versus jugum alpinum elevatur. Palajoensu ad flumen Muonio jamdudum 1004 pedes paris. elevatum esse reperit

v. Buch. Secundum observationes Barometricas per tres annos a Rev. *Erico Grape* institutas altitudo media Barometri in Enontekis 26unc. 8lin. paris. reperta est, itaque locus 1341 ped. paris. supra mare elevatus est. Tamen ad templum Jukkasjärvi Barometrum 1.4lin. depressius esse reperit mer. *Hellant*, unde patet hunc locum adhuc elevationem esse. A templo Enontekis terra continuo versus alpium jugum elevatur, sed adeo sensim, ut per scapham peregrinator usque in ipsum alpium jugum evehitur scil. usque in lacum Kielisjärvi, ubi Betula vix provenit. Hæc regio ad observandam progressionem plantarum omnium aptissima est. Discrimen aquarum inter Enontekis et Kautokeino longe humilius est, nec nisi 1295 ped. paris. elevatum secundum mensuram Nobiliss. *v. Buch.* Tamen non dubitamus, quin discrimen aquarum inter Sodankylä et Enare etiam depressius sit, cum Abies ibi undique crescere pergat. Sodankylä 422 ped. paris. supra mare elevatum credimus secundum observationes Barometricas Mer. *Hellant*; et Utsjoki nonnisi 244 ped. paris. Secundum distributionem fluminum lacum Enarensem vix ultra 400 ped. paris. supra mare elevatum esse suspicamur. Flumen Ounasjoki juxta Ounastunturi 780 ped. elevatum reperit *Hellant*. Ex his omnibus patet Lapponiam Tornensem omnium maxime elevatam esse, inde vero Lapponia Kemenensis versus orientem adeo deprimitur, ut e mare glaciali apud Neiden nullum transitum ad Sodankylä ultra 600 ped. elevari credamus. Memorabile itaque est, quod Abies in Lapponia Tornensi ad 900 ped. adscendens, in Enare (quod vix dimidiam partem altitudinis lapponiæ tornensis attingit) haud reperitur; quod quidem nonnisi ob mare propinquum fieri posse credimus. Ventus liberius e mare glaciali adfluens impedire videtur, quin hæc Lapponia quamquam depressa calidior sit, quam propinqua illa tornensis multo elevatior. Inde forsitan etiam fit, ut montes subalpini Lapponiæ Sodankylensis omni sylva denudati sint, quamquam vix ultra 1300. ped. paris. supra mare eleventur. *Hellant* montem Ounastunturi, qui altissimus omnium censetur, 1931 ped. paris. supra mare elevatum esse reperit.

Alpium jugum per Lapponias meridionales usque ad lacum Tornensem eandem fere altitudinem ser-

vare videtur, ita ut nullus inveniatur transitus, qui non 2000 ped. paris. supra mare elevatus sit. Existit itaque re vera jugum continuum in regionem alpinam elevatum, ita ut nusquam omni destitatur nive; ipsum vero jugum nunquam limitem quem vocant nivalem attingit. Cacumina alpini jugi prope Laponiam Umensem et Pitensem rarius limitem nivalem superant; nec ullam aliam in hac regione glaciem esse cognovimus quam *Junkaren Soupts*. Sed in limite Laponiæ Lulensis meridionalis omnium vastissima et frequentissima cacumina exsurgunt, quorum *Sulitelma* septentrionale 5796 ped. paris. altum est, omninoque altissimus Laponiæ mons est. Totum jugum montis *Sulitelma* 4600 ped. paris. elevatur et inde glacies vastæ, quæ *Salajegna* vocantur, originem trahunt. Alterum cacumen *Almajalos* dictum, 5200 ped. paris. supra mare eminet, compluribus glaciibus *Almajalosjegna*, *Lina jegna* etc. referuntur. *Tulpa jegna* magis latitudine quam altitudine memorabilis est, ntpote quæ 5800 ped. paris. alta sit. Hisce aliisque montibus in tota Scandinavia frigidissimis, quippe usque ad 2600 ped. paris. supra limitem nivalem elevatis, fere includuntur memorabiles illi lacus *Virih-jaur* et *Vastinjaur*, quibus nulli in toto jugo alpino vel latitudine vel altitudine (quæ 1788 ped. paris. est) comparari queant. Hic locus itaque pro centro alpium lapponicarum haberi potest. Nec spernenda sunt cacumina postea versus septentrionem emittentia scil. *Getsetjack*, *Pernutjack* et *Ridatjack*; quæ forsitan altitudine præcedentes æquant. Sed ad lacum *Tornea trask* jugum alpinum adeo interrumpitur, ut transitus vix ultra 1300 ped. paris. elevatus esse credatur; lacum *Tornensem* nonnisi 1100 ped. paris. elevatum esse affirmat *Meritiss. Hellant*. Postea jugum alpinum nonnisi parca cacumina nivalia nullasque omnino glacies habet, sed transitus nihilominus ex. gr. ad *Kielijärvi* altior esse videtur ullo alio loco. Denique alpium jugum a flumine *Altensi* adeo interrumpitur ut ibi fere deficiat. Flumen illud usque *Kautokeino* 784 ped. paris. tantum elevatur. Quæ postea exsurgunt alpes, cacuminibus *Vorieduder* et *Rastekaise* insignitæ, pro appendice potius quam parte jugi alpini merito habentur. Ex his cacumen *Rastekaise* *Hellantius* emensus est, illudque non supra 2700

ped. paris. eminere reperit, tamen nive perenni non destituatur.

Alpes maritimæ oram omnem occidentalem et septentrionalem Lapponiæ constituunt; tamen præcipua earum catena inter promontorium insulare Loffodense et latus occidentale sinus Altensis extenditur. Hæc catena, a jugo alpino fere omnino disjuncta, insulis et promontoriis constituitur adeo præruptis et altis, ut supra limitem nivalem cacumina ejus sæpius eleventur et glaciibus in mare interdum elabentibus referta sit. Jöckel fjäll, Stjernö et Sejland finem ejus septentrionalem efficiunt, cacuminibus 3500 pedes paris. altis. Omnium harum altissimæ sunt alpes Lyngenses 4000 pedes altæ et ideo cum altissimis jugi alpini adjacentis cacuminibus certantes, sed iis longe frigidiores et glaciibus frequentibus refertæ. In insulis Hindöæ et utraque Vägöe alpes iterum exsurgunt adeo elevatæ, ut non tantum limitem nivalem attingant, verum etiam adeo superent ut glaciibus refertæ sint. Præter hanc catenam reliquæ oræ lapponiæ valde tantum petrosæ sunt, vixque alpes nivales usquam habent, si memorabile illud promontorium glaciale Kunnen excipiamus, in cujus laterem meridionali glacies usque ad littora maris descendit. Summum apicem montis *Strandå fjället* prope Kierringöam 3000 pedes paris. elevatum reperi. In oris Finmarkiæ septentrionalis nulla cacumina præalta existunt, sed tantum colles alpini 1200 pedes paris. alti omnique nive perenni destituti. Finmarkiæ orientalis promontoria admodum prærupta et petrosa sunt, et præcedentibus revera altiora, quasi ab appendice jugi alpini tantum profiscuntur; vix tamen altitudinem 2000 ped. paris. attingunt.

Temperies aëris in Lapponia.

Jam supra monuimus, latitudinem geographicam majorem minoremque a parte svecica jugi alpini parum conferre, ad temperaturam rigidioram vel mitiorem reddendam. Sinus bottnicus, et partim quoque jugum illud alpinum ei parallelum quasi conservatorium temperiei constituit, quo efficitur, ut temperies ad Umeam et Torneam parum diversa sit et ita etiam temperies ad ex. gr. Muonioniska et Sorsele. Rem ita

se habere certo demonstrant series observationum thermometricarum ad Umeam et Uleam institutarum, quæ, cum prorsus inter se conveniunt, temperaturam exhibent totius Zonæ propius ad sinum bottnicum sitæ, unde quoque conjicere licet de temperatura inferioris lapponiæ.

Medium ex longa serie observationum thermometricarum est quod sequitur.

	Umeæ*)	Ulcæ**)
Januarii	— 11.30	— 13.52
Februarii	— 9.27	— 9.68
Martii	— 4.96	— 9.88
Aprilis	1.11	— 3.23
Maji	6.67	4.83
Junii	12.93	12.87
Julii	17.15	16.42
Augusti	13.71	13.70
Septembris	8.58	8.05
Octobris	3.40	3.74
Novembris	— 4.17	— 5.19
Decembris	— 11.57	— 10.23
medium +	0.77	+ 0.65

Differunt itaque hæc loca temperatura tantum mensium vernorum scil. Martii, Aprilis et Maji; quæ tamen hac in regione nullam vegetationem producit et nihil igitur efficit ad plantarum numerum vel augendum vel minuendum.

Si vero vegetatio in altioribus et a Sinu bottnico remotioribus Zonis ubique eadem est, non est quod dabitemus, quin etiam temperatura eadem sit. Itaque, ut temperatura in altioribus regionibus Lapponiæ cognosceretur R. Academia Sc. Stockholmiensis benigne mecum communicavit observationes thermometricas Rev. Pastoris E. Grape apud Enontekis in Lapponia Tornensi institutas. Hæ quidem factæ sunt perspicacitate et diligentia illa singulari, quam omnes in illo viro cognoverunt, et operæ pretium igitur est, eas accuratius recensere. Quod ad mensem Januarium attinet, continuatæ sunt hæ observationes per annos quinque, reliquorum vero mensium observationes per tres annos exstant scil. an-

*) Exper. D. E. Næzen in Act. Stockholm.

**) Fuhlin in Act. Stockholm. cum correctionibus a L. von Buch factis.

norum 1802., 1804. et 1805. Observationes quotidie factæ sunt tempore matutino, meridiano et vespertino; accuratius vero horæ observationum haud exhibentur. Hisce observationibus diligenter consideratis illud reperimus, aërem meridianum tempestatibus anni temperatioribus scilicet æstate et autumnino, fere semper calidiorem et aërem matutinum frigidiorum fuisse, prorsus ita ut in temperatioribus climatibus esse solet; sed hieme longe aliam rationem temperaturæ singulis diebus invenimus, cum aër meridianus sæpe frigidior fuerit aëre matutino. Quod heic autem summum frigus sine respectu temporis diei incidit, haud mirum nobis videtur, cum sol toto hieme omnino absit et nullam in atmosphæram hujus regionis efficaciam habere possit. Ob hanc diversam rationem temperaturæ consultius esse duxi, temperaturam summam et minimam singulorum dierum quærere et inde medium decem dierum desumere: idque sine respectu ad tempus diei. Numerus autem observationum inter summum et minimum medius omnino neglectus est. Per hanc computationem accepi seriem sequentem temperiei (therm. centigrad.) ad Enontekis in Lapponia tornensi.

Enontekis.	med. ex maximis	med. ex minimis	med. hor. mediorum	Medium mensium.
Januar. I — 10	— 16.3	— 21.8	— 19.0	
II — 20	— 14.7	— 19.8	— 17.2	
2I — 3I	— 14.2	— 18.5	— 16.3	— 17.50
Febr. I — 10	— 19.9	— 23.9	— 21.9	
II — 20	— 13.2	— 19.9	— 16.5	
2I — 28	— 13.7	— 17.0	— 15.8	— 18.06
Mart. I — 10	— 8.9	— 15.4	— 12.1	
II — 20	— 7.2	— 15.3	— 11.2	
2I — 3I	— 7.5	— 14.4	— 10.9	— 11.40
April. I — 10	— 1.2	— 7.7	— 4.4	
II — 20	— 0.7	— 5.6	— 3.1	
2I — 30	— 0.9	— 3.9	— 1.5	— 3.00
Maji I — 10	— 2.3	— 2.1	— 0.1	
II — 20	— 4.8	— 0.9	— 2.8	
2I — 3I	— 6.4	— 2.9	— 4.6	— 2.50
Junii I — 10	— 8.2	— 4.4	— 6.3	
II — 20	— 14.2	— 9.5	— 11.8	
2I — 3I	— 12.8	— 9.2	— 11.0	— 9.70
Julii I — 10	— 16.8	— 12.2	— 14.5	
II — 20	— 17.9	— 13.2	— 15.5	
2I — 3I	— 18.2	— 13.8	— 16.0	— 15.33
August. I — 10	— 18.3	— 14.5	— 16.4	
II — 20	— 16.4	— 11.4	— 13.9	
2I — 3I	— 11.5	— 8.1	— 9.8	— 13.36
Sept. I — 10	— 8.7	— 3.8	— 6.2	
II — 20	— 9.5	— 4.4	— 6.9	
2I — 30	— 4.9	— 1.3	— 3.1	— 5.40
Octob. I — 10	— 1.1	— 3.3	— 1.1	
II — 20	— 1.3	— 3.0	— 0.8	
2I — 3I	— 2.6	— 8.7	— 5.6	— 2.50
Novbr. I — 10	— 5.7	— 9.9	— 7.8	
II — 20	— 6.87	— 11.39	— 9.13	
2I — 30	— 13.69	— 18.33	— 16.01	— 10.98
Decbr. I — 10	— 13.9	— 18.4	— 16.1	
II — 20	— 13.3	— 20.3	— 16.8	
2I — 3I	— 15.8	— 21.6	— 18.7	— 17.20
Medium	— 0.41	— 5.31		— 2.86

Hyeme (mens. I. II. et XII.) med. ex maximis — 14.98	minimis — 20.21
	differentia 5.23
Vere (mens. III. IV. V.) med. ex maximis — 1.22	minimis — 6.73
	differentia 5.51
Aestate (mens. VI. VII. VIII.) med. ex maximis 14.92	minimis 10.67
	differentia 4.25
Autumno (mens. IX. X. XI.) med. ex maximis — 0.37	minimis — 5.00
	differentia 4.63

Tale clima pro valde singulari sane habendum est, ubi temperatura media totius anni ad $-2^{\circ}.86$ et mensis Januarii temperatura media ad $-18^{\circ}.6$ delabitur, et tamen temperatura media mensis æstivalis Julii usque ad $+15^{\circ}.33$ elevatur, terraque adhuc sylvas, ne dicam olera, producere potest. Id omnino clima sibiricum vel continentale dici meretur. Verum quidem est has observationes, quemadmodum nobis quidem videtur, institutas esse cum thermometro Hydrargyri demum frigus forsitan justo intensius indicante; quin vero frigus infra -40° nonnisi bis annotatum videamus scil. d. 23 Januarii 1803 et d. 5 Februarii 1804, hanc considerationem parum valere putamus, ad nostram computationem mutandam.

Hæ observationes Enontekenses satis commonstrant, quantum sibirico climate gaudeant Lapponiæ svecicæ prope alpium jugum sitæ; est vero altera pars lapponiæ, quæ clima maritimum vel ut ita dicam islandicum habet. In latere norvegico alpium progressionem longe aliam temperiei invenimus. Ibi quoque latitudo geographica major vel minor multum confert ad temperaturam minuendam vel augendam, quamquam in propatulo est, situs terræ a mari vel remotioris vel propioris si non majorem certe parem esse vim ac latitudinis ad clima temperandum. In profundis et occlusis illis convallibus inferalpinis Nordlandiæ meridionalis temperaturam satis calidam esse comperimus. Cum ibi nullas habeamus observationes thermometricas, juvat eas adferre, quæ Nidrosiæ institutæ sunt utpote in loco a Nordlandia norvegica non admodum

remoto. Temperatura *Nidrosiæ* secundum medium observationum duobus annis a *Berlin* institutarum, et in *Act. Nidrosiens.* tom. IV. insertarum, hæc est:

Januarii	. — 6.90 therm. centigr.
Februarii	. — 3.30
Martii	. . — 6.30
Aprilis	. . . 1.32
Maji	. . . 10.45
Junii	. . . 15.42
Julii	. . . 18.31
Augusti	. . 15.25
Septembris	. 12.15
Octobris	. . 4.03
Novembris	— 2.46
Decembris	— 4.15
<hr/>	
medium	+ 4.48

Mox itaque perconspicuum fit, quanto hiems in latere norvegico temperatior sit, et inde quoque fit, ut temperatura media totius anni satis alta vixque uno gradu demissior sit *Nidrosiæ* quam *Upsaliæ*. Nec dubitamus, quin convalles interiores *Helgelandiæ* temperatura æque favente gaudeant ac *Nidrosia*: et igitur mirari non possumus *Corylum* et alia vegetabilia magis meridionalia ibi crescere. Ob hanc quoque causam coactus fui *Helgelandiæ* plantas e *Flora lapponica* excludere ne nimium temperatæ cum frigidissimis miscerentur. Convalles inferalpinæ in *Præfectura Sالتensi* adhuc satis temperatæ sunt, sed ultra sinum *Vestfjorden* frigidæ adeo evadunt ut *Lapponiæ* cæteræ haud dissimiles sint. Temperatura tamen hujus regionis vegetationi non admodum nocet antequam ad insulas exteriores maris pervenimus, ubi neque hiems valde frigida neque æstas calida est. *Mageröa* ad promontorium septentrionale nobis optimum præbet exemplum; hujus enim temperatura secundum computationes *Gen. von Buch* hæc est:

Januarii	— 5.51 therm. centigr.
Februarii	— 4.91
Martii	— 4.05
Aprilis	— 1.10
Maji	. . 1.15
Junii	. . . 4.52

Julii . . .	8.12
Augusti . . .	6.50
Septembris . . .	3.12
Octobris . . .	0.00
Novembris —	3.47
Decembris —	3.48
<hr/>	
medium +	0.07

Qui hanc progressionem temperaturæ cum Enontekensi attente comparat, certe mirabitur, tantam esse diversitatem temperiei in regionibus a se invicem haud magis remotis. Invenitur enim temperatura Islandiæ vel climatis maritimi, cum temperie Sibirica vel alti continentis arctici, intra spatium $2\frac{1}{2}$ graduum latitudinis conjuncta. Vix ullam aliam terram arcticam tam diversas et quasi extremas constitutiones temperiei habere credimus, non igitur mirum Lapponiam cum Islandiæ tum Sibiricæ plantas gignere. Infra demonstrare conabor effectum hujus diversæ temperiei in vegetationem, et quomodo Enontekis cum temperatura media anni — $2^{\circ}.86$ meliorem vegetationem habere possit, quam Promontorium septentrionale cum temperatura media altiori scil. $+ 0^{\circ}.07$.

Neque in Europæ australis montibus temperaturam talem reperimus ac in Lapponia svecica ex gr. ad Enontekis. Ut id certius cognoscerem temperiem in Monte St. Gotthardi computavi ex observationibus quatuor annorum in Ephemeridibus societatis meteorologicæ, quas eodem modo ac Observationes Enontekenses tractavi, et demum in scalam centigradam redegi.

Mons St. Gotthardi.		Med. ex maximis	Med. ex. minimis	Med. hor. medior.	Medium mensium.
Januar.	I — 10	— 4.8	— 7.2	— 6.0	
	II — 20	— 5.5	— 8.2	— 6.8	
	2I — 3I	— 7.6	— 10.3	— 8.9	— 7.26
Febr.	I — 10	— 8.0	— 11.6	— 9.8	
	II — 20	— 9.8	— 13.6	— 11.7	
	2I — 28	— 6.2	— 9.6	— 7.9	— 9.80
Mart.	I — 10	— 5.1	— 8.1	— 6.6	
	II — 20	— 7.1	— 10.5	— 8.8	
	23 — 3I	— 6.7	— 10.5	— 8.6	— 8.00
April.	I — 10	— 5.6	— 9.1	— 7.3	
	II — 20	— 2.1	— 4.1	— 3.1	
	2I — 30	— 0.3	— 3.5	— 1.9	— 4.11
Maji	I — 10	1.7	— 1.3	0.2	
	II — 20	5.5	1.7	3.6	
	2I — 3I	5.5	2.6	4.0	2.61
Junii	I — 10	6.6	2.2	4.4	
	II — 20	9.0	5.0	7.0	
	2I — 30	9.3	5.15	7.2	6.20
Julii	I — 10	9.7	5.6	7.6	
	II — 20	11.3	7.2	9.2	
	2I — 3I	11.0	6.6	8.8	8.56
August.	I — 10	9.8	6.3	8.0	
	II — 20	7.7	3.7	5.7	
	2I — 3I	9.1	5.5	7.3	6.98
Sept.	I — 10	8.5	5.2	6.8	
	II — 20	8.2	4.7	6.4	
	2I — 30	6.3	3.4	4.8	6.04
Octob.	I — 10	1.7	— 1.2	0.2	
	II — 20	2.5	— 0.7	0.9	
	2I — 3I	— 1.2	— 4.1	— 2.6	— 0.50
Novbr.	I — 10	— 3.1	— 6.0	— 4.5	
	II — 20	— 2.8	— 5.3	— 4.1	
	2I — 30	— 5.3	— 8.0	— 6.6	— 5.08
Decbr.	I — 10	— 4.6	— 7.1	— 5.8	
	II — 20	— 5.0	— 7.7	— 6.3	
	2I — 3I	— 5.8	— 8.7	— 7.2	— 6.48
Medium		+ 0.74	— 2.54		— 0.90

Hyeme

Hyeme medium ex	max. —	6.36
	min. —	9.33
	diff.	2.97
Vere medium ex	max. —	1.57
	min. —	4.75
	diff.	3.18
Aestate medium ex	max.	9.25
	min.	5.24
	diff.	4.01
Autumno med. ex	max.	1.64
	min. —	1.33
	diff.	2.97

Ex his observationibus colligi potest, temperaturam Montis S. Gotthardi multo magis convenire cum temperatura Promontorii septentrionalis quam cum temperatura Enontekensi. Optarem quidem habere Promontorii septentrionalis temperaturam maximam et minimam unoquoque die observatam; forsân diei et noctis diversa temperies ansam nobis præberet melius explicandi diversitatem vegetationis ad hoc promontorium et in Monte S. Gotthardi. Cum rite consideramus quantum valeat calor insignis æstatis ad vegetationem promovendam, quamquam dirissimum sit frigus hyemale; conijcere quoque licet, uniuscujusque diei calorem meridianum plus prodesse quam frigidior aër nocturnus nocere possit. Itaque quo major est differentia inter temperiem meridiei et noctis eo præstantius est clima, ceteris paribus. Hæc quoque consideratio favet climati lapponico, nam reperimus differentiam inter temperaturam diei et noctis esse $4^{\circ}.90$ ad Enontekis, sed in Monte S. Gotthardi tantum $3^{\circ}.28$ per totum annum, et nonnisi $2^{\circ}.97$ sub hyemem. Valde probabile mihi videtur a calore meridiano vegetationis gradum præcipue pendere, itaque hunc seorsim indicavi in tabulis temperiei supra datis; et si observationes Enontekenses temperaturam minimam noctis haud exhibent, utpote ante ortum solis haud factæ, id parum dolemus. Præstaret omnino temperaturam mediam meridiei in variis climatibus comparare, ubi de effectu climatis in vegetationem quæritur.

Temperatura terræ in Lapponia.

Observationes et experimenta jam allata satis commonstrant, temperaturam mediam aëris totius anni vegetationem haud definire vel constituere. Abjicienda igitur est spes scalam climatum inde accipiendi, et quærenda est hæc scala ex alio principio. Haud dubitamus, quin temperatura terræ, in fontibus scaturientibus bonis observata, huic consilio optime inserviat et methodum satis bonam climata quasi per scalas emetiendi præbeat. Experimentis certis et per plures annos continuatis scimus, terram *Upsaliæ* in Svecia media gaudere temperatura $+ 6^{\circ}.5$ therm. centigr., unoque igitur gradu calidiorem esse aëre ejusdem loci. Ad urbem *Gevaliam*, ubi crescere incipit *Alnus incana*, temperaturam terræ $+ 5^{\circ}.5$ esse reperimus; et in Kroppa, *Vermlandiæ* ferrimontanæ pascuæ, et prope *Aboam* Finlandiæ, ubi primum occurrit *Carex globularis*, ad $5^{\circ}.0$ subsistit. Medelpadiæ oppidum Sundsvall, ubi ultima *Pyrus Malus* maturescit, temperatura terræ $+ 4^{\circ}.0$ gaudet. Ad lacum *Tafvelsjön* inter oppidum Umeå et limitem Lapponiæ Umensis, ubi *Callam palustrem*, *Veronicam officinalem* etc. amisimus, plures reperimus fontes d. 3. Julii et 8 Augusti eadem temperatura scil. $2^{\circ}.9$ præditos. In ipso limite Lapponiæ ad *Tegsnäs* fontem observavimus d. 5 Augusti cujus temperatura $2^{\circ}.6$ erat. Ad pagum *Tansele* in Lapponia Umensi duo sunt fontes, quorum temperatura d. 9 Julii et d. 3 Augusti fuit $2^{\circ}.2$; alius quoque ejusdem regionis fons ad Storbacken temperaturam $+ 2^{\circ}.3$ ostendebat. Juxta *Sorsele* ejusdem Lapponiæ, fontem reperimus profundum et valde scaturientem in palude Räfva-myran, qui bis mense Julio temperaturam $2^{\circ}.0$ habebat; et ad coloniam Risnäs juxta lacum Vindelensem alium vidimus temperaturæ $1^{\circ}.8$. In alpe Giworten et quidem ad terminum supremum *Betulæ albæ* reperimus fontem temperaturæ $+ 1^{\circ}.4$; alius fons supra terminum *Betulæ* habebat $1^{\circ}.2$; et tertius adhuc altius situs, ubi *Andromeda hypnoides* crescere incipiebat, temperaturam adhuc $1^{\circ}.0$ ostendebat, idque in fine mensis Julii. Quamquam mihi non contigit, hos fontes variis anni temporibus experiri; tamen eorum cum fontibus in Svecia planiori sitis analogica progressio respectu

temperaturæ, et id ipsum, quod eos versus finem æstatis observavi et inter se convenientes inveni, commonstrare videtur, eos temperaturam terræ quodammodo veram præbuisse. Quod si ita est, rationem habemus probabilem colligendi, punctum congelationis temperaturæ terrenæ cum ipso limite nivali coincidere, terramque intus frigore non rigescere, antequam superficies ejus glacie et nive continua obducta sit, terminumque ultimum temperaturæ terræ, terminum quoque constituere omnis vegetationis et omnis vitæ organicæ. Hic terminus certissimum nobis præbet punctum, e quo omnem vegetationem et vim productivam vitalem certis gradibus emetiri possimus.

Si, his rationibus nisi, temperaturam terræ in altitudine templi Enontekensis quærimus, eam $+1^{\circ}.7$ esse, colligere possumus; adeoque temperaturam terræ $4^{\circ}.3$ calidiorem esse temperatura aëris ejusdem loci. Est, quod miremur tantam differentiam esse, cum sciamus temperaturam aëris et terræ ad Upsaliam nonnisi uno gradu differre. E contrario temperaturam aëris et terræ prope Promontorium septentrionale vel in regione maritima Lapponiæ comparantes, longe aliam reperimus proportionem quam ad Enontekis. Meritissimus de geographia Lapponiæ ille *Hellant* temperaturam puteorum in Vadsöa observavit, eamque reperit d. 5. Augusti $+2.5$ et mense Decembris $+2.0$. Equidem observationem posteriorem pro certiore lubenter acceperim, utpote factam in illo tempore anni, quo temperatura terræ minus profundæ medium servare solet; et ita temperaturam ad Vadsöam in limite Betulæ sitam tantum $0^{\circ}.6$ calidiorem habuerim quam in eodem limite supra alpem Givorten. Cum vero hanc observationem cum observationibus temperaturæ aëris ad Promontorium septentrionale comparamus, nascitur tantum parva diversitas inter temperiem aëris et terræ in maritimis locis, utpote quæ vix uno gradu temperaturam aëris superet. Itaque hæc omnia experimenta commonstrant, quam bene temperatura terræ respondeat vegetationi et facultati productivæ climatis, idque in locis ubi temperatura media aëris dissimillima est vegetationi et clima justo rigidius indicat. Hoc quidem ita explicaverim, nivem, quæ per $7\frac{1}{2}$ menses terram tegit, impedire quominus frigus hyemale terram pene-

tret; igiturque temperaturam aëris in mitiori tempore anni præcipue efficere temperaturam terræ. Quamquam frigus vero horrendum hyemale, ad Enontekis observatum, temperaturam aëris mediam totius anni tam depressam reddit, tamen temperaturam terræ relinquit æque altam et forsân altiozem quam ad Promontorium septentrionale.

Ut hæc melius illustrentur, pauca memorare juvat de anni vicissitudinibus in Lapponia altiori ex. gr. ad Enontekis. Medio mense Septembris folia Betulæ plerumque flavescent et cadunt. Initio mensis Octobris lacus minores glacie obducuntur et terra congelatur mox etiam nive obtegitur. Dein pluvix vix unquam tam copiosæ cadunt, ut terra nive denudetur. Per totam hiemen nix ne ex parte quidem solvitur, ita ut fluvii minores exsiccentur; nec instante vere adeo liquefit, ut rivuli ulli oriantur, ante medium mensis Maji. Sed ad finem mensis Maji insignis vicissitudo anni observatur in eo, quod flumina glaciem secum ferunt et tunc quoque terra glacie solvitur, postquam indurata fuit per $7\frac{1}{2}$ menses. Tamen ver non statim instat, sed incolæ expectant adhuc, ut flumina aqua alpina turgescant vel ut fluxus, quem vocant, alpinus defluat, quæ vicissitudo ante finem Junii incidens conjuncta est cum aëre et vento frigidioribus, quod vel ex observationibus thermometricis allatis colligi potest. Tandem Betula frondescit, æstas advenit.

Sic temperatura aëris æstivalis in his regionibus præcipue efficit et determinat temperaturam terræ; et adhuc certius nobis constat, omnem vegetationem et vim productivam climatis solo calore æstatis effici, sine respectu ad rigiditatem hyemis. Inde perspicuum admodum fit, temperaturam terræ et vegetationem sibi invicem optime respondere, et temperaturam terræ omnium optimam scalam nobis præstare ad emetendam vegetationem totamque climatum fertilitatem.

De climate lapponico ejusque vi vegetativa.

Climatis notio vegetationis notionem comprehendit, nec vulgo nomine climatis intelligimus solam temperaturam mediam aëris, verum etiam vim vegetativam regionis. Nemo enim dicat, clima Enontekense esse 3 gradibus frigidius climate Magerœ, cum illud sylvas, hoc vero vix ullum fruticem producat. Tem-

peries tantum illa æstivalis in vegetatione producenda efficax, constituit clima, ejusque gradus determinat. Ut facilius demonstraretur et intelligeretur, quæ temperies valeat ad vegetationem efficiendam, construxi annexam tabulam temperiei ad Enontekis, promontorium septentrionale, aliaque loca. Inde didicimus, eandem temperaturam mediam in omni climate requiri ad easdem mutationes veris efficiendas. Itaque et Upsaliæ et in Lapponia Enontekensi necesse est, ut temperatura media aëris attingat 4 gradum therm. centigr., antequam flumina glaciem secum ferant, ut sit 8°. antequam Hordeum seri possit; ut accedat ad 12°. antequam Betula frondescere incipiat e. s. p. Inde quoque sequitur, in locis, ubi temperatura media veris vel æstatis gradum 12 nunquam attingit, nullam Betulam neque frondescere neque crescere posse, si etiam hiems satis temperata sit, uti id observatur tum ad Promontorium septentrionale tum in Monte S. Gottardi. Aliæ autem plantæ longam magis, quam calidam æstatem sibi exposcunt: ubi temperatura æstivalis media per tres menses gradum 8°.5 haud attingit, ibi hordeum haud ad maturitatem pervenire potest. Hoc quidem jamdudum infra Enontekis contingit; sed nihilominus tamen arbores variæ æstate brevi et calida hujus regionis contentæ sunt: Betulæ enim et Salices alpes versus longe altius læte propagantur. Arbores coniferæ fere æque ac Hordeum æstatem longiorem quamquam temperatiorem, requirunt, itaque longe altius adscendunt in alpibus helveticis quam Betula etc. Ex observationibus thermometricis allatis constat, æstatem in alpibus helveticis, etiamsi temperatior sit, fere longiorem esse, quam in alpibus lapponicis; et pro certo scimus, temperaturam mediam omnium mensium per totum annum eo magis æquabilem esse in montibus Andium Americæ meridionalis, et igitur omnes arbores, calidiorem quam longiorem æstatem requirentes, ibi crescere desinunt duplo longius infra limitem nivalem, quam apud nos; sed Hordeum aliaque Cerealia temperie moderata 7 vel 8 graduum contenta, si ea modo longior sit, duplo altius versus limitem nivalem ibi adscendunt quam omnes arbores. Ex his observationibus intelligi crediderim, quantopere vegetatio se accomodet ad varias modificationes temperiei, easque variis regionibus pro-

prias; ita ut experimentis de varia progressionē plantarum in variis terris facilius ad subtilissimas modificationes climatum cognoscendas ducamur, quam ulla alia methodo.

Illud vero ubique obtinere videtur, herbas provenire in temperie æstivali minori quam arbores, et defectum caloris sufficientis æstivalis solam esse causam, cur arbores haud æque adscendant in alpibus, idque sine respectu ventorum vehementiorum, frigoris hyemalis etc. Hujus rei indicium præbere videtur *Betula*, cum in radicibus alpium vegetare desinit. Incolæ ipsi regionis inferalpinæ observant, eam æstatem esse bonam, cum *Betularum* gemmæ folia quinque protrudunt; frigida enim æstate tria tantum folia edunt. Ad alpium autem latera, ubi crescere desinit, nunquam plura quam tria folia producere potest, unde ramuli ejus valde nodosi; altius vero ne unum quidem edere potest ideoque nec ulterius progredi; hoc autem fieri ob defectum caloris sufficientis et neutiquam propter frigus quoddam destruens hyemale, haud dubium mihi esse videtur. *Betula nana* tantum tria folia et singula gemma plerumque edit, et hæc folia, utpote parva, spatio trium vel quatuor hebdomadarum perficiuntur, modo temperatura satis calida sit, ideoque in nostris alpibus altius adscendere potest quam ullus alius fruticulus; sed in Helvetia ne alpes quidem salutat, quia calor æstatis non sufficit.

Tali ratione optime explicari credimus vegetationis progressus versus alpes. Quod autem aliæ plantæ in diversis terris alios terminos observant, et quod ordinem inter se diversum servant ex. gr. in alpibus lapponicis ac in helveticis e. s. p. id effici videmus varia temperiei æstivalis modificatione. Eo utilius erit variarum plantarum terminos observare, utpote non tam vanæ curiositatis nutrimentum, quam principium ad climata varia optime cognoscenda, ad usum generis humani. Vegetationis limites varii nusquam in Lapponia certius observantur, quam in latere svecico et quidem præcipue in ea regione, ubi terra lentius elevatur versus alpes, uti in Lapponia tornensi præcipue in parœcia Enontekis. Credat forsā aliquis, varias plantarum progressionē melius observari in latere norvegico alpium, ubi latera præruptiora, et ubi uno die loca calidiora cum frigidissimis comparari possunt.

Regiones.	Altitude supra mare.	Tempera- tura terre.	Terminus superior plantarum.	Terminus inferior plantarum.
Alpes superiores	3500 ped. par.	0°.0	Lichen lanatus, <i>g.</i> Gyromium proboscideum, Gyromium cylindricum, Polytrichum septentrionale, Ranunculus glacialis.	
			Jungermannia concinnata. Andrea alpina. Weissia cirrata. Polytrichum juniperinum, Saxifraga oppositifolia. Silene acaulis.	
			Peltidea crocea. Ranunculus nivalis. Saxifraga nivalis. Diapensia lapponica.	
			Rhenum digynum. Ranunculus pygmaeus. Salix herbacea. Dryas octopetala. <i>Empetrum nigrum</i> , Cerastium alpinum. Aira spicata <i>et</i> alpina. Stellaria cerastoides, Erigeron uniflorum.	
Alpes superiores			Aisine biflora. Pedicularis hirsuta. Andromeda tetragona. Andromeda hypnoides. Rhododendron lapponicum, Polypodium hyperboreum, Campanula uniflora. Draba alpina. Gentiana glacialis. <i>Betula nana</i> procumbens.	<i>Ranunculus glacialis</i> .
			Veronica alpina. Gentiana nivalis. Aisine stricta. Pedicularis lapponica. Ophrys alpina. Potentilla nivea. Rhodiola rosea. Lychnis alpina. Saxifraga aizoides. Lychnis aequalis. Astragalus alpinus, leontinus.	Pedicularis hirsuta. flammea: Draba alpina. <i>Ranunculus nivalis</i> . Saxifraga nivalis. Juncus arcticus.
			Carex rupestris All. Draba muricella. Anthoxanthum odoratum. Scirpus Bellardi. Carex microglochin. Carex usnata. Bartsia alpina. Aira flexuosa. <i>Betula nana</i> erecta. Menziesia carnica. Arbutus alpina.	Rhododendron lapponic. Astragalus leontinus. Phaca montana. Campanula uniflora. Dryas octopetala. Silene acaulis. Cerastium alpinum. Andromeda tetragona. Saxifraga oppositifolia. Veronica alpina. Carex lagopina.
			Rubus Chamaemorus. Pteris crispata. Trientalis europaea. Geum rivale. Epilobium alpinum. <i>Saxifraga lanata</i> . Solidago Virgaurea.	Saxifraga aizoides. Gentiana nivalis. Draba muricella. Salix myrsinites. Andromeda hypnoides. Juncus arcuatus.
Alpes inferiores		1°.0	Trollius europaeus. Lycopodium alpinum, Epilobium palustre. Salix hastata. Cornus suecica. Lychnis dioica rubra. Carduus heterophyllus. Tussilago frigida. Salix arbuscula. <i>Salix glauca</i> .	Carex microglochin. Pteris crispata. Salix herbacea. Rhodiola rosea. Diapensia lapponica.

R e g i o s u b a l p i n a.	1800	1°.4	Aira atropurpurea. Ranunculus lapponicus. Pedicularis Sceptrum carol. Menyanthes trifolia. Comarum palustre. <i>Betula alba</i> argyalis. Melampyrum pratense. Phaca frigida.	Azalea procumbens. Juncus spicatus. Aspidium Lonchitis.	
			Carex capitata. Arundo lapponica. Euphrasia officinalis. Aconitum Lycoctonum. Sonchus alpinus. Onoclea Struthiopteris. Sorbus Aucuparia. Erica vulgaris. Epilobium angustifolium. Spiræa Ulmaria. Prunus Padus. <i>Alnus incana</i> . Festuca rubra.	Juncus parviflorus. trifidus. Arbutus alpina. Menziesia cærulea. Lycopodium alpinum.	
Regio subsylvatica.	1200	1°.8	Populus tremula. Linnaea borealis. Rubus idæus. Epilobium montanum. Tormentilla erecta. Veronica serpyllifolia. Ledum palustre. <i>Pinus sylvestris</i> . Rosa majalis β.	Sonchus alpinus. Angelica Archangelica. Ranunculus lapponicus. Salix lanata. Phaca frigida in septentr.	
Regio sylvatica superior.	800		Convallaria bifolia. Carex Levcozochin. Arundo purguites. Salix pentandra. Carex globularis. <i>Pinus Abies</i> . Scheuchzeria palustris.	Aira atropurpurea. Viola biflora. Tussilago frigida. Talictrum alpinum.	
		2°.0	Subularia aquatica. Prunella vulgaris. Chrysanthemum inodorum. Trifolium repens. Plantago major.	Pedicularis lapponica.	
R e g i o s y l v a t i c a i n f e r i o r.			Talictrum flavum. <i>Salix myrtilloides</i> . Nymphaea lutea. Convallaria majalis.	Salix glauca. Bartsia alpina.	
		2°.2	Nymphaea alba. <i>Trifolium pratense</i> . Vicia Cracca. Salix versifolia. Lysimachia thyrsoiflora. Alisma Plantago. Scirpus palustris.	Arundo lapponica. Tofieldia borealis. Serratula alpina.	
		2°.6	Crepis tectorum. Gentiana Amarilla. <i>Fragaria vesca</i> . Chrysanthemum Levcan- themum. Scutellaria galericulata.	Astragalus alpinus in ripis fluminum. Salix myrtilloides. Lychnis alpina in ripis fluminum.	
Regiones.	Altitudo supra mare.	Tempe- tura terre.	Daphne Mezereum. Carduus palustris. Lysimachia vulgaris. Schenus albus. Rubus arcticus <i>baccifer</i> . Orchis bifolia. <i>Calla palustris</i> . Veronica officinalis. Festuca elatior. Carex stellulata. Myrica Gale.	Epilobium alpinum in fon- tibus frigidis.	Terminus inferior plantarum septentrionalium.

Sed hæc ipsa latera magis declivia efficiunt; ut plantæ adscendentes nusquam tam certos terminos inter se observent, sæpe etiam lapidibus et terris delabentibus ad loca inferiora trahuntur; et de cætero hæc latera præruptiora magis vel minus calida evadunt pro situ vel ad meridiem vel ad septentrionem vergente. Omnia hæc evitantur in latere svecico, et itaque tabulam annexam feci præcipue ad observationes in Lapponiâ tornensi factas.

(hic Tabula conferenda).

Accedit ratio prorsus singularis, vegetationem in summis alpibus moderans, eaque in nivis per æstatem aliquando remanentis vi destructiva in vegetationem sita est. Per se patet, non omnes æstates in alpibus æque calidas esse et nivem æque solventes; ubi vero nix sub frigida vel potius pluviosa quadam æstate insoluta permanet, vegetabilia omnia funditus destruuntur. Hoc quidem nobis perconspicuum fuit in alpibus Lulensibus anno 1807; frigida enim æstas anni 1806 nivem non solutam per totos campos alpium reliquit, et hos campos insequente æstate post solutam nivem vidimus adeo devastatos, ut nonnisi reliquiæ plantarum destructarum superstites fuerint, tristi et fusco colore terram obducentes. Ipsi Lappones tristem hanc rem animadverterunt. Huic malo præcipue obnoxie sunt omnes plantæ fruticulosæ, uti *Andromedæ*, *Azaleæ* et ipsum *Empetrum*; quæ igitur haud crescere possunt in locis, ubi nix quavis æstate haud adeo solvitur, ut terra quodammodo exsiccetur. Juncos et varia quoque gramina cæspitosa hac occasione mirum in modum destructa vidimus. Nullæ vero plantæ in his campis citius reveniunt quam *Ranunculus glacialis* et *nivalis*, *Saxifraga nivalis* et *stellaris* et *oppositifolia*; et itaque propius ad limitem nivalem accedere possunt quam cæteræ omnes. Si omnino vegetabilia quædam sunt, quæ nive perennanti haud destruuntur: præcipue ea sunt Lichenes et *Polytricha*; inprimis *Peltideam croceam* in locis nive devastatis frequentem vidimus. Lichenes umbilicati et nonnulli imbricati ex. gr. *L. stygius*, certo vivi persistunt in lapidibus haud quavis æstate nive denudatis; et sic ultimam certe vegetationem in terra ultima constituunt!

Nive hac perennanti magis devastantur alpes norvegicæ, prope mare septentrionale sitæ, quam alpes svecicæ. Prope mare semper æstatem magis pluviosam esse reperimus; et illud ibi terrarum neminem fugit, pluvias semper magnam partem nivis insolutam et revera congelatam relinquere. Et hæc ipsa nix, pluviis solito diuturnioribus congelata, alpes admodum devastat. Serena æstas in Nordlandia et Finmarkia semper bona habetur; calore enim solis nix melius solvitur, quam pluviis omnibus calidis. Ob æstatem pluviosam alpes Norvegicæ semper glacies majores gignunt quam svecicæ; sed in alpibus Sibiricis, æstate serenissima gaudentibus, nullæ unquam oriuntur glacies *). Hanc quoque ob causam plantas nivales uti Saxifragas, Ranunculos etc. multo frequentiores reperimus in alpibus maritimis; e contrario plantæ fruticulosæ uti Andromedæ multo frequentiores in svecicis sunt.

Ex his satis patet, vegetationis progressionem in variis Lapponiis quodammodo diversam esse. In partibus sylvaticis Lapponiarum, cum septentrionalium tum meridionalium, plantæ exacte eundem servant ordinem inter se. Ita *Calla palustris* vix ultra Tafvelsjön in Lapponia umensi progreditur, uti vix ultra Tornæam superiorem in tornensi regione; *Trifolium pratense* crescere desinit ad Falträsk uti ad Kengis; et sic in cæteris. Verum prope alpes, in Lapponiis meridionalibus, adsunt convalles alpinæ profundiores, præcipue ad Gillesnöle et Quickjock, quæ quodammodo diversam progressionem plantarum admittunt, et non tantum Abietem longius alunt, verum etiam plantas non paucas inferalpinas quasi e latere norvegico profectas gignunt. — In latere norvegico alpium observant arbores quidem et frutices majores eundem ordinem ac in latere svecico, sed herbæ variæ majorem minoremve regionem occupant. Plantæ succulentæ utpote *Saxifragæ*, *Silene acaulis* etc. ibi melius crescunt et latiore regionem occupant, præcipue magis descendunt versus littora maris; e contrario fruticuli varii duriores, uti Andromedæ, ibi angustioribus limitibus circumscribuntur, quam in latere svecico,

*) *Pallas it. sibir.* 3. p. 448.

et plerumque in summis tantum cacuminibus habitare coguntur.

Quamquam supra in conspectu generali plantarum arcticarum annotavimus, quæ plantæ, utpote mere islandicæ vel scoticæ, in latere norvegico Lapponiæ detineantur, et quæ, utpote Sibiricæ, in Lapponiis svecicis melius crescant; tamen magis specialia quædam adjicere juvat. In solo norvegico latere crescunt: *Hypericum perforatum*, *Pteris aquilina*, *Thymus Serpyllum*, *Convallaria verticillata*, *Campanula latifolia*, *Narthecium ossifragum*, *Blechnum Spicant*, *Fumaria bulbosa*, *Veratrum album*, *Sedum villosum*, *Ranunculus Ficaria*, *Scrophularia nodosa*, *Lotus corniculata*, *Anemone nemorosa* (alias tantum ad Tärnam visæ), *Potentilla Anserina*. Aliæ plantæ norvegicæ transiisse videntur in convalles alpinas Lapponiæ Umensis et Lülensis: uti *Carex alpina* et partim quoque *atrata*, *Saxifraga Cotyledon*, *Sedum annuum*. Quamquam in utroque latere crescant, tamen frequentius in norvegico occurrunt: *Salix myrsinites* et *glauca* et *herbacea*, *Sorbus Aucuparia*, *Erica vulgaris* etc. — E contrario Lapponiæ maxime orientales uti Kemensis et Tornensis plantas nonnullas alunt adeo sibiricas, ut etiam in Lapponiis svecicis meridionalibus desiderentur; quales sunt *Phaca frigida*, *Andromeda calyculata*, *Polemonium cæruleum*, *Sonchus sibiricus*, *Veronica longifolia*. Quomodocunque itaque vegetationem Lapponiæ consideramus, semper aliquid peculiare invenimus, sive ab orientali latere sibirico seu ab occidentali maritimo latere profectum.

Numerum plantarum in variis regionibus computantes, reperimus, nullam regionem gaudere vegetatione magis propria et singulari, quam regionem alpinam nivalem, tamen plantas perfectiores vix ultra 93 producit. Regio subalpina jam tristior est, neque memorabile quid offert præter fruticulos paucos; plantas autem circiter 125 perfectiores habet. Quamquam regio sylvatica Botanico suecico fere nihil novi exhibet, tamen omnium regionum ditissima est, utpote ultra 313 plantis perfectioribus gaudens. Ex his patet, quantum plantæ sylvaticæ cæteras numero et quantitate superent.

Postquam ita consideravimus, quomodo plantæ in terra frigidissima proveniant, indagare quoque lubet, cujusnam indolis et ordinis naturalis sint plantæ frigoris patientissimæ.

De indole Plantarum Lapponicarum.

Si numerum et quantitatem plantarum lapponicarum e singulo ordine naturali perpendimus, sequentem fere seriem ordinum accipimus.

Algæ lichenosæ sive Lichenes Linn. omnium vegetabilium lapponicorum longe numerosissimæ sunt, utpote quarum ultra 207 species inveniuntur. Forsan etiam majorem molem vegetabilium lapponicorum constituunt; sic enim copiosissime tum in sylvis ac locis subalpinis crescunt *Loecomycides* fruticulosi, præcipue *rangiferinus*, ut terram quasi lana densa tectam crederes. In saxis etiam multi Lichenes imbricati occurrunt, una cum Gyromiis variis, qui in alpibus usque ultra limitem nivalem propagantur. In terra quoque alpina copiose proveniunt varii Lichenes corniculati v. gr. *L. aculeatus*, *ochroleucus*, *divergens*. Quamquam itaque Lapponia re vera lichenum patria sit, et Lichenes ultimam vegetationem in ultima terra constituent; tamen pleræque species arboreæ, in Svecia vulgatissimæ, ibi desiderantur, inter quas inprimis multi lichenes longifolii (Physciæ). Multi quoque, præcipue crustaceo-imbricati et subfoliacei, ad littora tantum maris septentrionalis occurrunt ex. gr. *L. muro-rum*, *conspersus*, *parietinus*, *ciliaris*.

Musci frondosi una cum Hepaticis vix minorem specierum numerum efficiunt, quippe qui ultra 198 species complectantur; sed longe minorem molem vegetationis lapponicæ constituunt quam Lichenes, et dispersim magis crescunt in Lapponia quam in Svecia nostra. Musci hypnoidei parcius occurrunt in sylvis et nunquam totam terram tam dense tegunt, quam apud nos; in alpibus inferioribus tantum occurrunt *Hypnum rugosum* L. et *Trichostomum lanuginosum*. Omnium muscorum nulli in Lapponia tam frequenter propagantur ac Polytricha, quorum inprimis *P. septentrionale* et

juniperinum usque ultra limitem nivalem occurrunt, et foliis suis rigidis confirmant, quam necessaria sit substantia compactior ad frigus sustinendum. De cætero in alpibus inferioribus crescunt *Tortula tortuosa*, *Mnium crudum* β., *Didymodon capillaceum*, *Dicranum virens* etc. In alpibus altioribus adhuc occurrunt *Dicranum latifolium* et *purpureum* et *falcatum*, *Encalypta alpina* et in summis locis *Weissia cirrata*. Musci nivales præcipue sunt *Conostomum boreale*, *Mnium turgidum*, *Splachnum reticulatum*, *Andræa alpina*, *Jungermannia concinnata* et partim quoque *J. julacea*. De cætero vix ulla *Jungermannia* in summis alpibus, nisi *J. emarginata* in rivulis et *J. trichophylla* in locis occultis invenitur. In locis subalpinis denique reperimus *J. setiformem* et *saxicolam* Schrad.; sed in sylvis parciores sunt Jungermanniæ quam ulli alii musci, quasi earum structura laxior climati haud apta sit. Musci insigniores, uti pleræque *Weissia*, *Splachna*, *Cinclidium* etc. in locis paludosis subsylvaticis detinentur. Quæ in terra nuda argillosa apud nos crescere solent *Gymnostoma*, *Phasca*, *Tortulæ* etc. in Lapponia omnino desiderantur. Igitur muscis non admodum favet Lapponia inprimis non alpina.

Calamariarum 56 species sunt, quarum pleræque *Carices* et nonnulla *Eriophora* magnam sane partem vegetationis lapponicæ constituunt. Omnia loca paludosa et uliginosa foliis suis tegunt et ripas quoque fluminum occupant, ubi vix ulla gramina aquatica in Lapponia proveniunt. E contrario locis collinis fere nullæ crescunt *Carices* in Lapponia nisi per alpes, ubi *C. lagopina*, *rupestris* All., *canescens* β. et *alpina* Sw. versus limitem nivalem longe propagantur.

Graminum 46 species, ex quibus tamen pleræque parcius occurrunt, ita ut tantum *Airæ* nonnullæ, uti *Aira cæspitosa* in humidis, et *flexuosa* in locis siccis, gregem graminum pratensium constituent. In ericetis *Arundo lapponica* perquam vulgaris est; in paludosis *Arundo stricta* abundat, et in umbrosis *Arundo Calamagrostis*. In

locis sterilibus apricis tum regionis sylvaticæ tum alpinæ ubique crescit *Festuca ovina*. Alpes de cætero inhabitant nonnullæ Airæ et Agrostis una alterave cum *Poa alpina*. Vix vero ullæ sunt in Lapponia *Festucæ* majores, Bromi, Poæ majores aquaticæ etc.

Caryophylleorum 29 species, æque complures *Alsineæ*, magnam partem vegetationis alpinæ efficiunt et Botanicis magnam messem præbent. De cætero haud ita conspicuæ sunt. In sylvaticis regionibus vix ulli Dianthi vel Lychnides occurrunt.

Bicornium 20 species multo insigniores sunt et in sylvis et in alpibus. *Vaccinia* et *Arbutus* in sylvis parcius occurrunt quam in Svecia, utpote quæ nonnisi in lucis lætioribus et ad prata sylvatica terram lapponicam tegant, et baccas parcius proferant; ultra partem sylvaticam superiorem baccas rarius maturant *Myrtillus* et *Vitis idæa*. Jam circa Sorsele *Myrtilli* vix nisi ad pagum Örnäs maturescunt. *Andromedæ*, *Azalea* et *Dia-penzia* alpes admodum ornant et illis faciem re vera lapponicam præbent.

Amentacearum 28 species in subalpinis et alpibus inferioribus longe maximam partem vegetationis constituunt, et magis conferunt ad summum septentrionem habitabilem reddendum, quam fere omnes aliæ plantæ. *Betula alba* longe altius versus alpes propagatur quam reliquæ arbores; et *Salices* plures præcipue *S. glauca* in alpibus fruticeta orgyalia formant, in quibus tentoria sua tendunt Lappones, quarum ligno utuntur et quarum foliis rangiferos alunt. *Salix lanata* quoque materiam saccharinam, certe ultimam, proferit, myriades apium alpinarum alentem. Majori itaque scopo inserviunt in hac terra quam in ulla alia. Minutæ illæ species *S. herbacea* et *reticulata* vi destructivæ nivis melius resistunt, et ideo altius versus limitem nivalem propagantur, quam aliæ plantæ fruticulosæ.

Compositæ capitatæ in Lapponia paucissimæ, et vix 5 species exhibent, quarum una *Serratula* in alpibus crescit. Cardui in sylvis admodum rari, omnesque fere inermes sunt. De cætero quoque plantæ vel frutices aculeati in Lapponia non crescunt, ita ut nulla vegetatio in toto orbe innocentior sit, quam

Laponica. Spinas horrendas producunt Africæ plantæ. calore quasi induratæ; sed frigus omnem vegetationem mitiorem reddit.

Semiflosculosarum 14 species insignem occupant locum inter vegetabilia lapponica, utpote quæ admodum herbosæ et succosæ sint. *Soncho alpino*, in lucis subalpinis et *Salicetis* alpiuni copiosissimo, homines etiam vescuntur; et *Leontodon Taraxacum* admodum vulgare est.

Discoidearum 20 species Botanicis magis placent quam incolis; sunt enim pleræque *Gnaphalia* et *Erigeron*, parum insignia in alpibus quærenda. Nec *Achilleam* magni faciunt incolæ amaras plantas parum curantes.

Junci, eorumque affines, 22 species efficiunt, quarum multæ alpibus familiares et Botanicis pergratæ sunt, alteque ad nivem perennem propagantur ex gr. *J. arcuatus* et *biglumis*. Respectu ad molem et utilitatem non magni momenti sunt.

Senticosarum 17 species longe insigniorem et utiliorem partem vegetationis lapponicæ tum in sylvis tum in alpibus constituunt. Memorabilis ille *Chamæmorus* (excepto *Empetro*) baccas ultimas in alpibus offert, easque tam præstantes et copiosas, ut etiam aliarum terrarum incolæ iis delectarentur. *Rubus arcticus* vero in Lapponia baccas vix profert. De cætero *Alchemillæ*, *Potentillæ*, *Dryas*, *Sibbaldia* etc. valde insignes herbæ alpium sunt.

Multisiliquarum 20 species, quarum *Ranunculi* in alpibus complures occurrunt, et peregrinantium oculos magis oblectant, quam incolis utiles sunt. Hi, una cum *Succulentis*, vegetationem illam nivalem constituunt, eamque ob causam valde memorabiles sunt.

Succulentarum 17 species, e quibus *Saxifragæ* 15 in alpibus alteram partem vegetationis nivalem efficiunt. Nullæ enim plantæ in locis, a nive interdum perennanti devastatis, citius succrescunt, et igitur altius ad limitem nivalem propagantur. *Rhodiola* quoque radice sua odora, stiptica et crassa, cæteris plantis alpinis fere omnibus præstat. In sylvis vero vix ullæ *Saxifragæ* et *Seda* occurrunt.

Siliguosarum 21 species minoris plerumque momenti sunt, præter *Cochlearias* in maritimis excellentes, *Drabas* alpinas Botanicis pergratas, itemque *Cardaminem* unam et *Cheiranthum* Lapponiæ proprium.

Personatarum 19 species, quarum *Pediculares* maximum ornamentum Lapponiæ in summis etiam alpibus sunt. *Veronicæ* quoque haud spernendæ sunt, nec *Bartsia*.

Papilionacearum 10 species pleræque in parte sylvatica inferiore crescere desinunt, nec ibi in pratis satis vulgares sunt. Alpes inhabitant tantum *Astragali* duo et *Phaca* una alterave.

Orchidearum 14 species in Lapponia sparsim modo crescunt et exiguam tantum partem totius vegetationis constituunt. Ex iis tamen alpes salutant *Ophrys alpina*, *Orchis albida* et *conopsea* et *viridis*.

Filicibus affines *Tetradidymæ* 14 species exhibent, quarum 6 in alpibus copiosius proveniunt, et reliquæ fere omnes ex. gr. *Equiseta*, in sylvis vulgares sunt, ita ut partem haud spernendam vegetationis lapponicæ constituent.

Filicum 19 species in radicibus alpium juxta mare occidentale plerumque crescunt, ubi etiam magnam molem vegetationis constituunt et in Oeconomia incolarum haud spernuntur. In alpibus quoque 6 species occurrunt locis occultioribus et dispersis. Sed in sylvis Lapponiæ svecicæ paucae et dispersæ admodum crescunt filices.

Holoracearum 12 species sunt, quarum pleræque parcius crescunt; tamen *Rumex Acetosa* et *Accetosella* nec non *Polygonum viviparum* per totam Lapponiam copiose inveniuntur et quidem usque ad superiores alpes, ubi iis se adjungit *Rheum digynum*. Igitur minime spernendæ sunt, et propter acidum suum ferculis Lapponicis primariis annumerantur.

Campanacearum 11 species in Lapponia parcius crescunt, præter solam *Campanulam* rotundifoliam et *Parnassiam* vulgatius crescentes. Alpina tantum sunt una alterave *Campanula* et *Viola* una.

Rotacearum 9 species, quarum *Trientalis* omnes sylvas fertiliores admodum ornat, et *Gentianæ* nonnullæ alpium decus sunt.

Corydales, quarum 7 species sunt, parcius occurrunt, et una alterave Pingvula in alpibus crescit.

Umbellatarum 9 species, quarum tantum quatuor in regione sylvatica copiosius occurrunt, et una Angelica in subalpinis et salicetis alpium copiose crescens, lapponibus pergrata est. Plantæ aliæ calidæ vel oleo volatili præditæ in Lapponia non occurrunt.

Calycanthemarum 6 species sunt, e quibus *Epilobium angustifolium* sane summum ornamentum Lapponiæ est. In alpibus species una alterave Epilobii occurrit.

Coniferarum 3 tantum species sunt, sed Pini duæ longe maximam molem sylvarum Lapponiæ constituunt, quamquam in alpes haud adscendant, uti pineta alpium Europæ magis australis. Sola Juniperus in alpibus passim occurrit, sed sparsim et adeo occulte crescit, ut limitem nullum exhibeat.

Asperifoliarum 6 species sunt, quarum sola *Myosotis scorpioides* vulgaris est tum in sylvis tum in alpibus.

Fungorum 94 species in sylvis tantum habitant, ita ut solummodo pauci fungilli epiphylli et unus alterve Agaricus in alpibus legantur. Fungos sclerocarpos in Lapponia satis diligenter quæsivi, ut eorum tantum pauci me fugere potuerint; sed Fungi carnosii majores certe minus indagati sunt quam alia vegetabilia. Tamen non dubito, quin fungi in tota Lapponia multo rarius quam in Suecia totaque Europa inveniantur.

Algarum aquaticarum 55 species in mari fere omnes habitant, ubi partem valde considerabilem et memorabilem vegetationis hyperboreæ constituunt. Tanta enim est moles *Fuci digitati*, *saccharini* etc. ut plantarum terrestrium omnium molem fere æquiparent. Materiam nutrientem bonam habent *F. esculentus*, *palmatus* etc., quo respectu nonnisi lichenibus vincuntur. Sunt igitur post Lichenes omnino præstantissima vegetabilia frigidissimi septentrionis. Ultra Pormontorium septentrionale plerique propagantur, et secundum observationes in itinere Phippiano institutas, multi adhuc occurrere videntur, ubi

aqua marina ne æstate quidem 2 gradum superat.
— In aquis dulcibus tantum Confervæ 9 parcius
occurrunt.

Inundatarum 7 species parcius in parte sylvatica
crescunt; itaque omnino confirmavimus, quæ Lin-
néus scripsit de paucitate plantarum aquaticarum
in Lapponia. Aquæ hujus terræ minores, uti ri-
vuli, hieme longa omnino exsiccantur, et itaque
plantis aquaticis minus favent. Plantas perfectio-
res ex. gr. *Ranunculum lapponicum* et *Geum ri-
vale* radicibus suis crescere vidi in fontibus, quo-
rum temperatura 1°, 8 vel 1°. 0 erat; sed in aqua
tam frigida Confervas vel alias plantas aquaticas,
omnino submersas, detegere non potui.

Pomacearum 7 species, baccis parvis instructæ, vel
sæpius steriles, vix nisi in sylvis proveniunt.

Aggregatæ stricte sic dictæ in Lapponia desideran-
tur, sed iis affinia genera Statice, Valeriana, Cir-
cæa, Linnæa et Plantago unam modo speciem in
sylvatica regione proferunt.

Stellatæ exhibent 5 species Galii generis, easque
omnes sylvaticas.

Preciarum 3 species, quarum *Menyanthes* Lappo-
niæ valde familiaris est.

Gruinalium 4 species in sylvis vulgares sunt.

Sarmentacæ paucæ scil. *Convallariæ* 3, et *Paridis*
1 species in locis sylvarum occultis crescunt et fri-
goris impatientes sunt.

Spathacearum una alterave species fere littora-
les sunt.

Hydrocharides Juss. 2 species scil. *Nymphææ*, aquas
sylvarum admodum ornant.

Piperitæ duæ Lapponiam vix intrant; *Calla* enim
in limite Lapponiæ desinit crescere, et *Zostera*
in mari infimo latet.

Verticillatæ, quarum 6 species sunt, in sylvis ra-
rius occurrunt et terræ lapponicæ fere alienæ sunt.

Dumosâ una tantum species rarissima est.

Veprecularum quoque sola *Daphne Mezereum* in
sylvis infimis rara.

Scabridæ 2 *Urticas* exhibent plerumque ruderales.

Postremi jam enumerati ordines in Lapponia certe
pauperrimi sunt. Desiderantur autem omnino se-
quentes ordines naturales Linnéani: *Palmæ*, *Scita-
mineæ*,

mineæ, Ensatæ, Coronariæ, Hesperideæ, Trihilatæ, Putamineæ, Rhœadæ, Luridæ, Contortæ, Lomentaceæ, Cucurbitaceæ, Columniferæ, Tricoccæ, Sempliciariæ et Coadunatæ. Ex his ordinibus fere unaquaque vi medica excellit vel materiis stimulantibus gaudet.

Quæ in Lapponia occurrunt plantæ innocentissimæ sunt, et nonnisi tales materias continent, quæ ad vitam animale sustinendam pernecessariæ sunt. Lichenes multi, præcipue umbilicati (*Gyromia*), et Fuci complures pleni sunt *amylo mucilaginoso* maxime nutriente, eoque copiosiore quam in ulla terra meridionali. Hoc amyllum nucleum vegetationis in ultima terra constituit. *Amyli farinacei* minorem copiam præbent gramina, Polygoni radices et Runicum semina. *Mucilaginosa materia* parcius occurrit, nisi in Fucis marinis. *Acida vegetabilia* in Lapponia paucissima sunt. *Extractivum tinctorium* continent Lichenes nonnulli, Alni cortex etc. Stytside s. materia styptica satis copiosa gaudent Senticosæ pleræque et Rhodiola. Nulla fere in Lapponia rarior est materia vegetabilis quam *oleum volatile*; nullæ enim ibi Verticillatæ fragrantæ et nulla semina calida Umbellatarum etc. inveniuntur. Sola Archangelica radice sua calido-amara omnium vices explet. *Sparteolentes* tamen plantæ non desiderantur in alpidibus, ubi crescunt Astragalus alpinus, Rhodiola, Orchis albida, Serratula alpina; in sylvis nulla magis odorans planta occurrit quam Linnæa. *Resinosæ* sunt Pini species; ut etiam *Andromeda tetragona*, sub cujus foliis latet succus resinosus insignis. *Rhododendri lapponici* folia acri quodam tali gaudent, quale in Rhododendro chrysantho repertum est, et igitur vinum medicum forsant habent. Nulla planta Lapponica succo lactescente venenoso scatet; nec acre quoddam venenosum occurrit, nisi in *Veratro albo*, ad ultima littora maris crescente, et in *Daphne Mezereo* per sylvas infimas rarissima.

Plantæ frigoris patientissimæ ex. gr. *Diapensia lapponica*, constant cellulosa utriculari minutissimâ grumosa, et per hos utriculos tenuissimos penetrant tantum vascula lignosa subtilissima, nullis ductibus spiralibus intermixta. Folia, ob organorum subtilitatem insignem compactiora, maximum frigus sustinere

posse, vel in Pinetis nostris observari potest. Plantæ spongiosiores et organis majoribus constructæ, per Lapponiam locis occultis tantum occurrunt, vel etiam in aqua nivali, ubi brevi admodum tempore vegetant. Multæ tamen plantæ nivales, quamquam satis carnosæ, minuti-simis organis factæ sunt ex. gr. *Saxifraga oppositifolia*. Nullæ vero plantæ in toto regno vegetabili compactiorem et minutiorem fabricam habent ac Lichenes; itaque summum frigus sustinent, in temperatura fere nivali vegetant et ultimam terram nive vix denudatam occupant. Eorum autem vegetatio longæva et tarda, ad materias maxime nutrientes producendas aptissima est, quæ materiæ per omnia eorum organa æque distributæ sunt. Sic Lichenes umbilicati ex. gr. *Gyromium cylindricum*, *proboscideum*, *hyperboreum*, aliique Lichenes foliacei v. gr. *Lichen islandicus*, exemplo certe inter plantas perfectiores inaudito, toti quasi amylo mucilaginoso quam maxime nutriente conflati sunt. Ipsa igitur subtilitas organorum, simplicitas totius vegetabilis et ipsa tarditas vegetationis conferunt, ad materiam nobilissimam et animalibus maxime necessariam producendam in ipso termino vegetationis; et sic natura, consiliis ferax, vegetationem totam in nucleum redegit in ultima terra!



MAPPA

Botanico-geographica

LAPPONIAE

ad illustrandam Floram Laponicam

CONSTRUCTA

A

GEORGIO WAHLENBERG


Pa. Acad. Scient. Stockholm. membro.


Explicatio

- Lappa, glacialis. Arcti confinis
- Lappa, subalpina. Pineta, quercetosa
- Regio subalpina. Pinetum alburnum tantum aliis
- Regio alpina inferior. Salice glauca etc. ornata, nec non montes subalpini
- Alpium jugum
- Tomus circumscribitur alpium supra linitum nivalem elevata et glaciata praedita.
- OPPIDA
- Tempa parocciarum
- Limites subalpinae Laponiae

Longitudo ex insula Ferro

Flor. lappon. ad pag LXXVI Tab 2





CLASSIS I.

MONANDRIA.

HIPPURIS.

*Gen. plant. ed. Schreb. n. 15. Gærtn. de fructib. 2. p. 24.
tab. 84. f. 7.*

1. **H**IPPURIS *vulgaris*: foliis octonis linearibus acutiusculis.

H. vulgaris Linn. *svæc. n. 2. lappon. n. 1. Willden. ed. spec. plant. 1. p. 26. Oed. dan. t. 87. Engl. bot. 11. t. 763. max. Zoega island. — Lightf. scôt. p. 70. Michaux amer. 1. p. 1. Pallas it. sibir. 3. p. 53. Geörgii flor. baikal. p. 195.*

β. caule flaccido, foliis numerosioribus.

Hab. per partem sylvaticam inferiorem passim in aquosis usque ad Muttania Lapp. Kemensis; ut et in inferalpinis Nordlandiæ passim.

β. in fluvio Muonio Lapponiæ Tornensis inferioris visa est cum aqua fluitans.

Planta β. foliis numerosioribus (plerumque ultra 12), angustioribus et tenuioribus omnino insignis est, et habitum generis Hippuridis in maximo gradu gerit. Inter hanc et *H. maritimam* quasi intermedia est planta vulgaris; vixque dubito, quin omnes tres adeo in se invicem trans-eunt, ut vix nisi unam speciem constituent.

CALLITRICHE.

Gen. pl. ed. Schreb. n. 17. Gærtn. de fruct. 1. p. 330. t. 68. f. 4.

2. CALLITRICHE *verna*: foliis trinerviis superne aggregatis majoribus, seminum margine obtusiusculo.

C. aquatica Smith. brit. 1. p. 8. Willden. enum. horti berol. p. 8.

- α. foliis omnibus elongato-obovatis.*

C. verna Linn. svec. n. 3. lappor. n. 2. α. γ. Willden. spec. 1. p. 28. Gmel. sib. 3. p. 13. n. 4. Oed. dan. t. 129. Lightf. scot. p. 70. Zoega island. — Landt faeroens. — Engl. bot. 11. t. 722.

- β. intermedia: foliis inferioribus linearibus emarginatis.*

C. verna Michaux amer. 1. p. 2.

C. intermedia Schkuhr Handb. t. 1. f. e. Willden. spec. 1. p. 29.

C. verna β. Linn. svec. n. 3. lappon. n. 2. β.

- γ. minima: foliis omnibus linearibus emarginatis.*

C. minima Hoffm. flor. germ.

Hab. *α* in aqua stagnante, *β* in rivulis lente fluentibus, et *γ* supra limum humidum locis uliginosis, per totam Lapponiam sylvaticam et subsylvaticam passim.

Apud omnes varietates folia trinervia sunt etiamsi latitudo foliorum diversa; substantia eorum crassiuscula vel carnosiuscula, opaca et pallescenti-viridis, ex cellulis grandiusculis facile discernendis composita.

3. CALLITRICHE *autumnalis*: foliis omnibus per caulem sparsis æqualibus uninerviis truncatis, seminum marginibus membranaceis.

C. autumnalis Linn. svec. n. 4. Georgii flor. baikal. p. 195?

Callitriche-fructibus quadrifariam dehiscentibus. Gmel. sib. 3. p. 13. n. 5. t. 1. f. 2.

Hab. infra littora lacuum et fluviorum ubi aqua quieta est per partem sylvaticam Lapponiæ meridionalis rarius. Mihi obvia tantum fuit ad Wuollerim in fluvio ipso Lulensi.

Habitus totius plantæ a præcedentis sat diversus. Substantia foliorum tenuior, exsucca, membrana-

cea, diaphana, sed vivide viridis, ex cellulis ita subtilissimis constructa, ut vix discerni queant augmentioribus vitris. Fructus major est quam in præcedente; de cetero multum crebrius positus et omni respectu spectabilior.

CLASSIS II.

DIANDRIA.

CIRCAEA.

*Gen. plant. ed. Schreb. n. 31. Gærtn. de fruct. 1. p. 114.
tab. 24. f. 6.*

4. *CIRCAEA alpina* α. *minor*: caule glaberrimo ascendente, foliis cordatis dentatis nitidis, calyce albedo.

C. alpina Linn. *fl. lapp. n. 3. Schrad. flora germ. 1. p. 14. Vahl enum. plant. 1. p. 301. Michaux amer. 1. p. 17. Gmel. sib. 3. p. 225. Flor. dan. 8. t. 1221. bona.*

Hab. in locis inferalpinis Nordlandiæ rarius: a me nonnisi prope Tromsöam et in Sörfolden districtus Saltensis parcissime visa.

Bracteola minuta sub singulo pedicello differentiam haud spernendam suppeditat.

Engl. bot. 15. t. 1057. varietatem intermediam sistere mihi videtur utpote floribus nimium coloratis, et herba hirsutior discrepans.

VERONICA.

*Gen. plant. ed. Schreb. n. 32. Gærtn. de fruct. 1. p. 257.
tab. 54. f. 7.*

5. *VERONICA longifolia*: foliis ternis oppositisve lanceolatis basi subcordatis acuminatis duplicato-serratis cauleque pubescentibus.

V. longifolia Linn. *svec. n. 9. Gmel. sib. 3. p. 218. Georgii flor. baikal. p. 195. Willden. en. hort. berol. p. 17. Schrad. comm. n. 11. tab. 2.*

V. caule erecto etc. Linn. lappon. p. 5. n. 4.

V. maritima Gunnerus flor. n. 74. Fl. dan. 3. t. 374. Willden. spec. 1. p. 55. Vahl. enum. 1. p. 56.

Lysimachia spicata cærulea; in Misnia etc. Burs. herb. XIV. n. 15.

Lapponibus Finmarkiæ *Soudna-heina*. Fennobus Tornensibus *Mettiesen-kuka*.

Hab. locis herbosis subhumidis præsertim juxta fluvios per partem sylvaticam et subsylvaticam Lapponiæ Kemensis et Tornensis frequenter; ut et versus fundum sinuum maris in Finmarkia et Nordlandia septentrionali passim. In locis subalpinis usque ad Naimacka Lapp. Tornensis et Kivikoski Lapp. Kemensis rarius adscendit; sed in alpinis ut et promontoriis Finmarkiæ haud reperitur, nec in Lapp. meridionalibus visa.

Quæ in his locis crescit exacte *V. longifoliæ* Schrad. in Germania proveniente convenit, et satis differre videtur a *V. maritima* ad littora Tornensia crescente et in Lapponia adhuc non reperta. Sed quod ad characteres quibus a se invicem distinguantur multæ adhuc obveniunt difficultates. Ubi folia *V. longifoliæ* angustiora evadunt sæpe reperiuntur sine cordata basi; et in *V. maritima* folia sæpe tam lata occurrunt ut ad basin omnino cordata sunt. Ideoque nonnisi levissimus character in basi foliorum consistit, et ad summum tantum dici potest, quod folia in *V. longifolia* magis in cordatam figuram prona sunt. Differunt magis habitu et fructificatione, quod quidem difficile describitur, sed in sequenti descriptione comparativa exprimam.

V. longifolia: caulis viridis, præcipue in varietate bifolia ad genicula non parum angulatus, magis pubescens, semper strictus. Folia saturate viridia obscura (nec glabrata), venis obsoletis; serraturis ut in Icone Schraderiana minus crebris, minus profundis etc. Spica fere semper unica, solitaria sessilis in apice caulis (nec fasciculi adsunt foliosi in axillis), eaque stricta, longissima et post florescentiam bracteis setiformibus prominentibus et laciniis calycinis nec non pistillis ex aggregatis floribus ita undique obvallata, ut caudam felinam quodammodo refert. Bracteæ calycis lacinias multum superantes. Pe-

dicelli florum erecti, stricti, rachidi fere adpressi. Calycis laciniae valde inæquales, lineares vel potius subulatæ, longæ ita ut duo longiores capsulam fere superant.

V. maritima: caulis purpurascens, semper ubique magis teres, sæpe quod ad maximam longitudinem glabriusculus vel pubescentia breviori tectus, satis altus quidem sed gracilior et magis flexuosus. Folia dilute vel pallide viridia, magis glabrata, costa et venis prominentioribus; serraturis profundis, crebris valde acuminatis et sursum vel apicem folii spectantibus; apice multo longius acuminata et producta. Plerumque ad apicem ramificatur caulis, et plures spicas usque ad 6 et 5 profert, et in axillis multos habet fasciculos foliosos vel ramulos. Spicæ magis pedunculatæ vel supra foliosum caulem elevatæ, sublatæ et flexuosæ, breviores et floribus sparsioribus et magis vagis compositæ. Pedunculi spicarum semper insigniter pubescentes. Bracteæ calycibus breviores. Pedicelli florum tenues, vagi, patentes. Calycis laciniae subæquales, lanceolatæ, capsula multo breviores. Corollæ multo minores et tota spica florens tenuior. Capsula majuscula, semine Canabis major, inflata. Sit itaque differentia specifica:

V. maritima: foliis ternis oppositisve lanceolatis longe acuminatis profunde dupplicato-serratis cauleque subpubescentibus, calycibus subæqualibus capsula brevioribus.

6. *VERONICA serpyllifolia*: racemo terminali subspicato, foliis ovatis crenatis, caule adscendente.

V. serpyllifolia Linn. *svec.* n. 16. *lappon.* n. 6.

Gmel. sibir. 3. p. 223. *Oed. Fl. dan.* t. 492.

Engl. bot. 15. t. 1075. bona. *Krock. siles.*

p. 15. t. 4. *B. fruct. Olavs. it. island.* p. 944.

Michaux amer. 1. p. 4. *Lightf. scot.* p. 73.

Flor. Kamtschatk. in Arct. Zool. p. 194.

Landtfaeroens.—Georgii flor. baikal. p. 195.

Hab. locis humidis ad vias etc. per partem sylvaticam Lapponiarum omnium rarius; nec altius adscendit quam ad Idivuoma Lapponiæ Enontekensis et Pelkola kemensis. In inferalpinis Nordlandiæ passim provenit.

Quæ versus alpes crescit asperior est quam vulgaris, et ad *V. humifusam* Dicks. accedere videtur.

Capsula insigniter didyma vel quasi ex orbiculis duobus circularibus composita ut in *Biscutella*; nec datur alia *Veronica* in qua tam brevis et lata est, calycis laciniis vix longior. Inflorescentia subspicata, multiflora. Pedicelli fructus breviores quam bracteæ. Folia superiora fere integerrima minora; infima breviter petiolata.

7. *VERONICA saxatilis*: corymbo terminali paucifloro, foliis caulinis oblongo-obovatis subserratis, pedunculis bracteas superantibus, capsulis oblongis integris calyce majoribus.

V. saxatilis *Linn. suppl.* p. 83. *Smith. brit.* 1. p. 17.
Vahl enum. 1. p. 63. *Willden. en. hort. ber.* p. 20.

V. fruticulosa *Oed. fl. dan.* t. 342. *Zoega island. Krock. siles.* 1. p. 26.

V. alpina frutescens; in alpidibus Helveticis. *Burseri herb.* XIV. n. 26.

Hab. locis petrosis apricis in lateribus montium inferalpinarum juxta mare Nordlandiæ passim; ubi eam legi apud Sörfoldbotten et Torrjörd. Ut etiam in latere lapidoso alpis Kask-ajvo juxta Quickjock supra terminum *Betulæ* rarius.

Figura Floræ dan. nostram plantam melius exhibet quam *Engl. bot.* 15. t. 1027., quia in hac surculi non satis cæspitosi, caules nimium pilosi et crassi, folia justo latiora et grandius serrata, flores longe saturatius cærulei.

Radix e caudice descendente fibroso emittit stolonos multos undique prorepentes, varie flexuosos et ramosos; quorum apices foliosi evadunt et undique procumbunt, perennant et præditi sunt foliis parvis *Serpylli* magnitudine et figura, multis, approximatis, secundis vel sursum versis, perennibus, oblongis, basi attenuatis, semper crassiusculis et subcoriaceis, plerumque subtus unacum caule rubicundis, integerrimis. Exsiccatione vix tenuiora evadunt folia quam dum recentia fuerunt, vixque unquam nigrescunt. Caules annotini ex apicibus surculorum foliosorum surgunt suberecti læves; in quibus foliorum paria pauca remota: foliis majusculis, circiter triplo majoribus quam in surculis, oblongo-

obovatis, medio remote et obtuse serratis, glaberrimis, omnibus oppositis. Flores pauci 3 circiter in apice caulis juxta se invicem nascuntur, quorum pedunculi longiusculi vel bractea sua duplo longiores. Calyx quadripartitus fere usque ad basin, lacinii obtusiusculis majusculis glabris. Corolla magna fere ut in *V. Chamædry*, dilute cærulescens vel potius albescens: striis cærulescentibus ut in *V. serpyllifolia*. Capsula oblonga vel ovali-oblonga subventricosa, apicem versus fere angustata, apice integerrima (nec emarginata), sed in lacinias quatuor acutas dehiscente. Valvulæ binæ supra receptaculum seminum in medio connatæ haud sunt, et maturitate per nervum medium solvuntur in binas partes, unde capsula quoddammodo quadrivalvis evadit. Superficies capsulæ tecta est pubescentia brevi incurvata. Stylus persistens longus, capsula vix brevior, capillaris, curvatus. Tota planta glaberrima (capsulis exceptis) pallide viridis, exsiccatione neque nigrescens neque cærulescens.

Ex hisce patet, quod nullæ aliæ nostrarum affinis sit, nisi quoddammodo *V. serpyllifoliæ*.

8. *VERONICA alpina*: spica oblonga terminali, foliis ovatis subserratis, calycibus ciliatis, capsulis obovatis emarginatis.

V. alpina Linn. *svec. n.* 15. *lappon. p.* 7. *t.* 9. *f.* 4. *Willden. en. hort. berol. p.* 20. *Krock. silles. 1. p.* 24. *t.* 3. fructif. *Oed. fl. dan. t.* 16. bona. *Vahl enum. 1. p.* 64. *Pallas it. sibir. 3. p.* 33. *Georgii flor. baikal. p.* 195. *Landt faeroens. —*

V. spicata Olavs. *it. island. p.* 431. 944.

V. alpina cærulea bellidis folio non ita crasso. *Burseri herb. XIV. n.* 29. 30.

Hab. locis graminosis fertilioribus succosis vel subirrigatis per latera et radices alpium meridionalium svecicarum vulgatissime, usque in montem Pelie-kaisse Lapp. Pitensis et Vallivare Lappon. Lulensis descendens; in septentrionalibus parcius ut et in Norvegico latere alpium rarius. In Scotia quoque rarissima est.

Herba junior primum propullulans ita mollis et tenuis est ut Alsinem fere crederes, ciliis suis pellu-

cidis albis undique ornata, in exsiccando plerumque nigrescens. Sed ætate provectiore folia et caulis firma satis evadunt, simulque fere glabra. Caules subsolitarii. Folia caulis ovali-oblonga acutiuscula; superiora sensim minora alterna lanceolata acuta evadunt. Spica florens subrotunda multiflora, fructifera oblonga. Pedicelli bractea dimidio breviores. Calyx quadrifidus, pilis longis articulatis ciliatus, et etiam in latere pilis et apiculis exasperatus. Corolla saturate cærulea initio parum violacea, parva laciniis calycinis vix longior. Capsula obovata et emarginata vel fere obcordata, calyce duplo fere longior, superficie glaberrima nitida, stylo brevi rigidiusculo crassiusculo coronata. Dehiscit binis aperturis, nec valvularum partes a se invicem solvuntur: itaque omni respectu bivalvis dicenda. Color pedunculorum et superioris caulis etiam cærulescens, quæ cærulescentia exsiccatione augetur; ut et folia præcipue superioriora sub exsiccatione nigrescunt. Pili totius plantæ sunt divergentes vel potius retrorsum versi.

V. alpina Engl. bot. t. 484. nostram plantam tam parum refert, ut dubium sit an eandem speciem sistit.

9. *VERONICA officinalis*: spicis lateralibus pedunculatis, foliis obovatis serratis, caule procumbente hirtio.

V. officinalis Linn. *svéc. n. 12. lappon. n. 5. Olavs. it. island. p. 431. 944. Mohr island. p. 151. Georgii flor. baikal. p. 195. Landt faeroens. — Oed. fl. dan. t. 248. Lightf. scot. p. 72. Michaux amer. 1. p. 5.*

Hab. in parte sylvatica infima Lapponiæ meridionalis rarius vixque supra Tafvelsjö prope Lapponiam Umensem lecta; et in inferalpinis juxta fundum sinuum maris Nordlandiæ rarius, ex. gr. visa ad Torrfjord Foldensis.

10. *VERONICA Chamædrys*: Linn. *flor. svéc. 2. n. 18. Flor. lapp. n. 8. Engl. bot. 9. t. 623.*

Hab. in Lapponia Umensi rarius: Linné; a me vero neque in Lapponia nec in Vesterbottnia lecta.

11. *VERONICA scutellata*: racemis lateralibus alternis: pedicellis divaricatis, foliis linearibus subintegris.

V. scutellata Linn. *svec.* n. 17. *lapp.* n. 10. *Gunner. norv.* n. 658. *Zoega island.* *Oed. fl. dan.* t. 209. *Lightf. scot.* p. 74. *Michaux amer.* 1. p. 5. *Georgii flor. baikal.* p. 195.

Hab. in Lapponiæ meridionalis ripis inundatis fluminum majorum parcius ex. gr. ad Gransele et Almycke - tjärn prope Lycksele Lapponiæ Umen- sis; in uliginosis Nordlandiæ passim: Gunnerus.

Quæ in his locis crescit admodum pusilla est, et semper supra limum serpit; nec itaque Lapponiæ valde familiaris planta.

P I N G U I C U L A.

Gen. plant. ed. Schreb. n. 40. *Gertn. de fruct.* 2. p. 140. *tab.* 111. f. 2.

12. *PINGUICULA alpina*: nectario conico petali lacin- niis brevior recurvo.

α. labii inferioris lacinia media truncata integra,

P. alpina Linn. *svec.* n. 26. *lapon.* n. 12. t. 12.

f. 3. *Gunn. flor. norv.* n. 640. *tab.* 4. f. 4.

Flor. dan. 3. t. 455. *Pallas it. sibir.* 3. p. 33.

P. alpina β. *alba* Vahl. *enum.* 1. p. 193.

β. *bimaculata*: labii inferioris lacinia media emar- ginata bimaculata.

P. alpestris Persoon. *synops.* 1. p. 18.

P. flavescens Flörk. in *Hoppe Taschenb.* 1800.

p. 14. et p. 225. *Wahlenb. Florul. gottl. in*

Nov. act. Stockholm. 1805. p. — *Schrad.*

fl. germ. 1. p. 53.

P. alpina Suter. *fl. helvet.* p. 12. *Schrank. sa-*

lisburg. p. 25. *Hoppes Taschenb.* 1801.

p. 159.

P. alpina α. Vahl. *enum.* 1. p. 193.

Hab. per omnes alpes Lapponicas in nuda terra uli- ginosa, juxta rivulos etc. usque ad Nordcap ubique copiosissime; summa vero cacumina alpium vix petit. Locis uliginosis infra alpes per Nordlandiam et Finmarkiam sæpius occurrit, ut et extra alpes ad flumina in Utsjöki et Enontekis pluries visa, ubi semper ante *P. vulgarem* floret. β. in alpibus circa Virih - jaur passim lecta.

Folia ut in *P. vulgari*, sed plerumque nonni- hil tenuiora et minora ut reliquæ partes plantæ. Sca-

pus glaberrimus apice semper rectus. Corolla albida strijs flavescentibus præcipue in calcare, quæ striæ sub exsiccatione purpurascens evadunt. Calcar semper versus labium inferius recurvum. Sub fauce adest macula flavo-barbata, quæ apud var. β . abit in maculas duas loborum labii inferioris flavas simulque lobi a se invicem crenâ separantur, hæ vero notæ haud semper evidentes sunt nec limites admittunt, unde certus persuasus sum, quod *P. flavescent* tantum varietas levis est *P. alpinæ*. Nec nomen flavescent satis conveniens est, cum corolla omnino alba reperitur exceptis maculis flavicantibus villosis. Capsula in ambabus rostrata vel acuminata.

13. *PINGUICULA vulgaris*: nectario subulato rectiusculo longitudine petali.

P. vulgaris Linn. *svec.* n. 25. *lappon.* n. 11. *Oed. fl. dan.* t. 93. *Lightsf. scot.* p. 76. *Zoega island.* — *Landt sueroens.* — *Gmel. sib.* 3. p. 225. *Georgii flor. baikal.* p. 195.

β . *tenuior*: flore minore, scapo superne magis villosa.

P. villosa Gunn. *fl. norv.* n. 641?

Hab. locis uliginosis per universam Lapponiam ubique copiose, etiam in alpibus quamquam parcius. β . in alpibus locis spongiosis sphagno abundantibus parcius.

14. *PINGUICULA villosa*: nectario aciculari recto petalo longiore, scapo villosa apice nutante.

P. villosa Linn. *svec.* n. 27. *lappon.* n. 13. t. 12. f. 2. *Georgii it. sibir.* 1. p. 92. et 195. *Flor. dan.* 6. tab. 1021. bona.

Hab. in Lapponia sylvatica et subsylvatica juxta paludes ubi Sphagnum luxurians tumulos format, quibus inhabitat fere ubique copiose. Lecta est in paroecia Jockmock ad Vuollerim et Storbacken, in Enontekis media, in Enare ad Kamajoensuu, nec non ad Varanger Finmarkiæ orientalis.

Magis serotina est quam *P. vulgaris*.

Præcedenti re vera valde affinis, attamen abunde diversa. Planta valde tenuis est et præcedente multoties tenerior. Folia subrotunda utrinque rotundata, semper parva nunquam longitudinem trium linearum excedentia, valde concava et pateræformia ob margines undique inflexos. Scapus setiformis, re-

spectu tennitatis satis longus et strictus, usque ad radicem obsitus pilis hyalinis patulis articulatis; apex ejus mox sub calyce incurvatur, unde faux corollæ inferiora respicit et calcar sursum vertitur, quæ directio invariabilis et constans esse reperitur. Corolla parva angustata, e calcare fere aciculari sensim paullum dilatatur et in labia duo dividitur magis subæqualis longitudinis quam in *P. vulgari*; faux perangusta, nec laciniae labiorum multum patent, laciniae cuneiformes. Color floris dilute violaceus, in fauce striis flavescentibus pulchellus.

Post anthesin erigitur apex scapi, et demum excrescit capsula obcordata, semine cœriandri haud major.

UTRICULARIA.

*Gen. plant. ed. Schreb. n. 41. Gærtn. carpolog. 3. p. 108.
tab. 198. f. 5.*

15. **UTRICULARIA** *intermedia*: nectario conico, labio superiore integro palati gibbis duplo longiore, foliis tripartito-dichotomis strigosis.

U. intermedia Hayne in Schrad. diar. 1800. 1. p. 18. tab. 5. Vahl enum. pl. 1. p. 198. Flor. dan. 8. t. 1263. opt.

U. vulgaris minor Ehrhart herb. n. 91. Linn. svec. n. 28. lappon. n. 14.

Hab. in Lapponia sylvatica rarius. Lecta est ad Arjeplog Lapponiæ Pitensis, prope Purk-jaur Lulensis, ad Idijoki Lapponiæ Enontekis et ad Kiurujärvi in Sodankylä Kemensis.

Folia primum ad basin usque tripartita, singula vero lacinia dein per dichotomiam dividitur; singulæ laciniae planæ, in margine setis subulatis erectis strigosæ.

ANTHOXANTHUM.

Gen. plant. ed. Schreb. n. 53.

16. **ANTHOXANTHUM** *odoratum*: spica oblonga, flosculis subpedunculatis arista longioribus. Smith brit. 1. p. 31. Engl. bot. 9. t. 647. Vahl enum. plant. 1. p. 310. Linn. flor. svec. n. 33. lapp. n. 39. Zoega island. — Landt faeroens. — Michaux amer. 1. p. 39. Gmel.

sib. 1. p. 127. n. 64. *Georgii flor. baikal.*
p. 196.

Hab. ubique copiosissime per universam Lappo-
niam; etiam locis suboccultis in alpium summa-
rum lateribus usque ad Nordcap.

CLASSIS III.

TRIANDRIA.

VALERIANA.

Gen. plant. ed. Schreb. n. 60. Gertn. de fruct. 2. p. 35. tab. 86.

17. VALERIANA *officinalis* α: floribus triandris, fo-
liis omnibus pinnatis: foliolis lanceolatis sub-
uniformibus. *Smith. brit.* 1. p. 38. *Engl. bot.*
10. t. 693. *Fl. dan.* 4. t. 570. *Linn. svec.* n. 34.
lapp. n. 15. *Zoega island.* *Gmel. sib.* 3. p. 120.
Georgii fl. baikal. p. 196.

Hab. in partibus sylvaticis et subsylvaticis Lapponia-
rum svecicarum passim frequenter; et locis infer-
alpinis Nordlandiæ fere ubique: semper locis sub-
humidis occurrens et inodora.

SCHOENUS.

Gen. plant. ed. Schreb. n. 92.

18. SCHOENUS *albus*: culmo folioso trigono, foliis
canaliculatis, fasciculis florum terminalibus sub-
corymbosis subbracteatis, stigmatibus stilo bre-
vioribus.

Sch. albus *Linn. svec.* n. 41. *lapp.* n. 17. *Engl.*
bot. 14. t. 985. *Schrad. fl. germ.* 1. p. 111.
Flor. dan. t. 320. *Michaux amer.* 1. p. 34.
Lightf. scot. p. 87.

Rynchospora alba Vahl enum. 1. p. 236. *Will-*
den. en. hort. ber. p. 71.

Hab. in paludibus aquosis spongiosis Lapponiæ syl-
vaticæ infimæ rarissime, nec nisi in Suddiksmys-
ren prope Lycksele a me lectus.

In Vermlandiæ parte maxime septentrionali
quoque crescere cessit; an Caricem *Levchoglochin*

vidit illustris Linné et eam sub hoc nomine intelligit in Flor. Lapp.?

Schoeno *fusco* (*Engl. bot.* 22. t. 1575. haud opt.) simillimus, at differt satis: statura minore et tenuiore, squamis radicalibus aphyllis et foliis paucissimis in culmo (in Sch. *fusco* folia tam culmea ac radicalia), foliis latioribus brevioribus, corymbo albo tenuiore, spiculis magis paucifloris, stigmatibus brevibus erectiusculis (in Sch. *fusco* longis recurvis), colore foliorum glaucescente (qui in Sch. *fusco* saturate luteo-viridis).

SCIRPUS.

Gen. plant. ed. Schreb. n. 94. Gærtn. de fruct. 1. p. 10. tab. 2.

19. *SCIRPUS caespitosus*: culmo striato nudo, vaginis mucronatis, gluma involucrali mucronata spicam superante, stigmatibus tribus.

S. caespitosus Linn. svec. n. 43. lappon. n. 20. Engl. bot. 15. t. 1029. bona. Zoega island. — Lightf. scot. p. 87. Landt faeroens. — Georgii flor. baikal. p. 197.

Hab. in paludibus et paludosis per universam Laponiam tum sylvaticam ac alpinam omnem vulgarissime.

Habitu a sequentibus satis recedit et *Eriophoro alpino* eximie convenit. Squamæ ad radicem multæ imbricatæ muticæ. Vaginæ radicales culmi virides, oblique excisæ, rudimento folii brevi mucronatæ. Culmus subteres, striis profundis exaratus, fere setaceus. Spica paullum cernua. Valvula involucralis amplexans, rufa marginibus concoloribus, dorso viridulo excedente in mucronem rigidum a substantia foliorum constructum, squamas spicæ nonnihil superantem. Semen obovatum triquetrum (quia stigmata tria sunt), læve, nitidum. Setæ revera læves, curvatæ, albescentes, longitudine seminis et lanam *Eriophori alpini* eximie æquantes.

20. *SCIRPUS Bæothryon*: culmo substriato nudo, vaginis aphyllis muticis, gluma involucrali mutica spicam subæquante, stigmatibus tribus.

S. bæothryon Ehrh. Beitr. 2. p. 81. Linn. suppl. p. 103. Willden. ed. spec. pl. 1. p. 295. Flor. dan. t. 167.

S. pauciflorus *Lightf. scot.* p. 1078. *Smith brit.* 1. p. 50. *Engl. bot.* 16. t. 1122.

Hab. in littoribus maris Nordlandiæ rarissime. A me nonnisi ad Lyngen lectus, ut pro Lapponica planta vix habeatur.

Fructificatione cum priori jungitur, sed habitu propius sequenti accedit. Squamæ ad radicem nullæ, et vaginæ tenuissimæ, ecolores, truncatæ, muticæ. Culmus teres, vix striatus. Gluma involucrialis subamplectens, mutica, acutiuscula, marginibus diaphanis. Semen triquetrum, punctulatum. Setæ retrorsum eximie hispidæ, semine dimidio breviores.

21. *SCIRPUS palustris*: culmo tereti nudo, spica nuda subovata obtusiuscula, stigmatibus duobus.

α. major: culmo pedali, squamis acutiusculis.

Sc. palustris *Linn. svec.* n. 42. *lappon.* n. 19. *Gmel. sib.* 1. p. 83. n. 8. *Smith. brit.* 1. p. 48. *Lightf. scot.* p. 87. *Flor. dan.* t. 273. *Landt faeroens.* — *Georgii flor. baikal.* p. 197.

β. minor: culmo digitali, squamis obtusiusculis atro-fuscis.

Sc. multicaulis *Smith flor. brit.* 1. p. 48. *Reliqu. Rudb.* 28. f. 2. *Engl. bot.* 17. t. 1187.

Hab. *α.* in ripis lacuum sylvaticarum Lapponiarum meridionalium passim; haud supra Arjeplog Lapp. Pitensis et Wajki-jaur Lapp. Lulensis visus. *β.* in littoribus maris per Nordlandiam meridionalem frequenter.

Radix in utraque varietate mihi cæspitosa et fibrosa visa est, nec manifeste repens. Culmi inferne vestiti vaginis aphyllis muticis. Spica in *α.* ovato-oblonga acuminata magis multiflora grisea; in *β.* ovato-ovalis obtusiuscula magis pauciflora fusca. Squamæ florales in *α.* angustiores; in *β.* latiores magis vaginantes obtusæ, totæ fere fuscae. Stigmata in utraque semper duò. Setæ in *α.* majores eximie retrorsum hispidæ. Culmus in *α.* semper quodammodo tumidus inanis ut facile comprimitur; in *β.* multo tenuior et solidior. Semina in *β.* parum longitudinaliter undata.

Sc. palustrem *Linn.* et *Sc. multicaulem* *Smith.* denuo in littoribus Vesterbottniæ attente exami-

navi; nec radicem diversam esse ibi reperi. Figura in Engl. bot. nostræ plantæ littorali ex asse convenit.

22. SCIRPUS *acicularis*: culmo setiformi striato, vaginis muticis, spica subebracteata.

Sc. *acicularis* Linn. *suec.* n. 44. *lappon.* n. 21. *Flor. dan.* t. 287. *Lightf. scot.* p. 88. *Zoega island.* — *Landt faeroens.* — *Georgii baidkal.* p. 197.

Hab. subinde in ripis fluviorum per partem sylvaticam Lapponiæ meridionalis: Linné.

Præcedenti re vera eximie affinis: totus aphyllus; culmis nudis crebro juxta se invicem natis, sed compactis setaceis (nec tumidulis), striatis vel sulcatis; spica constructione fere præcedentis, squama ad basin spicæ brevi florifera vix bracteam dicenda.

23. SCIRPUS *Bellardi* foliis filiformibus, spica simpliciter sublineari, flosculorum squama duplici.

Carex Bellardi Allion *ped.* n. 2293. t. 92. f. 2. *Suter fl. helv.* 2. p. 240. *Schkuhr. car.* n. 6. t. D. f. 16.

Kobresia scirpina Willden. *spec.* 4. p. 205.

Elyna spicata Schrad. *germ.* 1. p. 155.

Hab. in collibus et rupibus siccis apricis per alpes Lullenses prope Virijaur sitas passim frequenter; haud vera infra Ioubba.

Habitu et forma spicæ Caricem petræam adeo refert, ut difficillime a Carice genere divellitur. In fructu autem dissecto facile patet, quod testa seminis nuda adest cum stylo optime concreta. Præter squamam calycinam etiam alteram habet squamam ad latus interius seminis positam; qua a ceteris differt.

24. SCIRPUS *rufus*: spica composita disticha, spiculis bractea æquante mutica involutis paucifloris.

Schœnus rufus Smith *brit.* 1. p. 45. *Engl. bot.* 17. t. 1010.

Schœnus ferrugineus *Lightf. scot.* p. 86.

Schœni compressi varietas. *Lightf. scot.* p. 1138. t. 24. f. 2. satis bona.

Hab. in littoribus limosis maris Nordlandiæ præcipue meridionalis passim copiose ex. gr. ad Ones sinus Saltensis et ad Sörfoldbotten nec non ad Tromsöam.

Scirpus caricinus nec in Lapponia nec in Vermlandia vel ulla alia provincia septentrionalis

Sueciæ lectus est. Ideoque neutiquam *Carex* Flor. lapp. n. 323. esse potest.

Qui in his locis crescit cum anglico omnibus numeris convenit et *Scirpum caricinum* magnitudine neutiquam cedit. Omnibus partibus magis membranaceus et mollis quam *Sc. caricinus*, quod etiam in aliis gramineis observatur dum in littoribus maris crescunt. Folia molliora, læviora et siccitate magis convoluta. Spica paucioribus spiculis (scilicet plerumque quinque) composita iisque multo longioribus fere cylindricis. Bractea s. involucrum spiculæ infimæ plerumque mutica, sed etiam non raro foliolo spicam totam nonnihil superante terminata. Præcipuum ideoque characterem pono in bractea uniuscujusque spiculæ magna, longitudine spiculæ et ita lata ut totam spiculam obvestit et includit, tota scariosa membranacea, rufa sine dorso vel margine discolori, unde color totius spicæ eximie rufus. Spiculæ plerumque tri-floræ, squamis longis angustis. Flores hermaphroditi. Germen sine ullis setis ad basin (quæ in *Sc. caricino* conspicuæ longæ). Stylus longitudine squamarum. Stigmata duo longa reflexa. Culmus magis tumidus inanis, itaque etiam tæretior quam in *Sc. caricino*.

Specimina baltica ab hocce et anglico non parum differunt spiculis brevioribus, bracteis albo-marginatis; sed etiam in his setæ nullæ adsunt. *Conf. Schrad. fl. germ. p. 133. t. 1. f. 3.*

25. *SCIRPUS lacustris*: culmo tereti nudo. panicula cymosa decomposita terminali, spiculis ovatis. *Smith. l. c. 52.*

Sc. lacustris *Linn. svec. n. 46. lapp. n. 18. Engl. bot. 10. t. 666. Flor. dan. 7. t. 1142. Zoega island. — Michaux amer. 1. p. 31. Gmel. sib. 1. p. 79. n. 1. Georgii flor. baikal. p. 197.*

Hab. in fluviis minoribus et lacubus per sylvaticas partes inferiores Lapponiarum suecicarum passim. Mihi obvius fuit ad Kellojoki parociciæ Sodankylä, nec non ad Gransele et Falträsk Lapponiæ Umensis.

ERIOPHORUM.

Gen. plant. ed. Schreb. n. 95. Gärtn. de fruct. 1. p. 10. tab. 2.

26. *ERIOPHORUM alpinum*: culmis triquetris nudis, spica oblonga involucrata.

E. alpi-

E. alpinum Linn. *suec.* n. 51. *lappon.* n. 24.
Flor. dan. t. 620. *Smith brit.* 1. p. 60. *Zoega*
island. — *Hoppe Taschenb.* 1800. p. 102.

Hab. in paludibus et paludosis Lapponiæ præcipue
subsylvaticæ frequenter; in alpihus et Norvegia
inferalpinâ parcius.

Omnibus fere characteribus et toto habitu quam
maxime convenit *Scirpo cæspitoso* jam dudum de-
scripto. Radix magis elongatur et oblique adscendit.
Squamæ radicalēs et vaginæ culmi mucronatæ simi-
les ac in *Scirpo*. Culmi triquetri (quo a *Scirpo* satis
distinguitur), simulque striati. Spica cernua triplo
major, colore pallidiore. Gluma involucrialis eodem
modo mucronata, sed mucro multo brevior quam
spica. Semen minutum, duplo minus quam in
Scirpo, triquetrum vix nitidum. Lana perquam
mollis et diaphana, nec ut setæ in *Scirpo cæspitoso*
rigidulæ et subopacæ.

Nullum mihi est dubium, quin *Scirpus cæspito-*
sus ad idem genus naturale ac *Eriophorum alpinum*
proprie dictu pertinet, sed valde dubito an ad *Erio-*
phorum referri debeat ob setas tantum læves. Heic
applicari posse videtur canon: summum jus summa
est injuria; ne nimium sapientes.

27. *ERIOPHORUM vaginatum*: foliis triquetris su-
perne serrulatis, culmo teretiusculo vaginato,
spica subovata.

E. vaginatum Linn. *suec.* n. 50. *lappon.* n. 24.
Fl. dan. t. 256. *Hoppe Taschenb.* 1800.
p. 103. *Engl. bot.* 13. t. 873. *Zoega island.*
— *Lightf. scot.* p. 90. *Landt faeroens.* —
Gmel. sib. 1. p. 85. n. 10. *Pallas it. sib.* 3.
p. 33. *Georgii flor. baikal.* p. 197.

E. cæspitosum Host. *gram.* 1. p. 50. t. 59. *Schrad.*
fl. germ. 1. p. 150.

Juncus alpinus capitulo lanuginoso. *Schevchz.*
prodr. tab. 7. f. 1.

Hab. in paludibus et uliginosis universæ Lappo-
niæ usque ad Nordcap omnium vulgatissimum.

Radix dense cæspitosa: caudice horizontali cras-
situdine calami scriptorii. Folia dense congesta,
stricta et rigidula, inferne omnino triquetra, api-
cem versus planiuscula et marginibus serrulatis præ-

ditæ. Vaginæ caulis breviores et. supernè insigniter inflatæ atque scariosæ. Spica oblongata: squamis eximie acuminatis.

28. *ERIOPHORUM capitatum*: radice stolonifera, foliis semiteretibus lævissimis, culmo tereti vaginato; spica subglobosa.

E. capitatum. *Host. gram.* 1. p. 30. t. 38. *Schrad. fl. germ.* 1. p. 151.

E. Schevchzeri *Hoppe Taschenb.* 1799. p. 109. et 1800. p. 104. *Roth. Neue Beitr.* 1. p. 95.

Juncus alpinus capitulo tomentoso majori. *Schevchz. prodr.* tab. 7. f. 2.

Hab. in paludosis subalpinis parcius: ad Seida prope flumen Tana Finmarkiæ orientalis copiosius lectum.

Totum gramen mollius et laxius quam præcedentis. Radix vage adscendens: stolonibus laxis, subfiliformibus. Folia mollia et flexilia, semiteretia (sine ulla carina), tota lævissima et integerrima (sine apice serrulata). Vaginæ inferior culmi foliolo semipollicari prædita: superior dupplo longior quam in *E. vaginato* vel sesquipollicaris, strictior et fere tota viridis. Spica bractæâ obtusâ plerumque prædita, haud vero semper. Reliquæ etiam characteres e forma spicæ, brevitate lanuginis etc. minoris momenti esse mihi videntur.

29. *ERIOPHORUM polystachion*: spicis pedunculatis: pedunculis lævibus, culmo teretiusculo stricto, foliis canaliculatis superne triquetris.

E. polystachyon. *Linn. svec. n.* 49. *lapp. n.* 22. *Zoega island. Gmel. sib.* 1. p. 85. n. 11. *a. Lightf. scot.* p. 89. *Georgii flor. baikal.* p. 197. *Landt faeroens.*

E. angustifolium. *Smith. brit.* 1. p. 59. *Engl. bot.* 8. t. 564. (haud opt.) *Roth n. Beitr.* p. 94. *Hoppes Taschenb.* 1800. p. 107.

Hab. in paludibus et uliginosis sterilibus per universam Lapponiam etiam alpinam ubique copiose.

Hoc solum in Lapponia provenit; sed *E. latifolium* tantum in Svecia meridionali utpote Bahusia etc.

E. polystachyon hocce dignoscitur: culmo strictiori, teretiori; foliis ad basin tantum planis,

de cætero triquetris, subulatis, saturate viridibus, rigidis duris; radice stolonibus multis repente.

E. latifolium differt: culmo laxiori, trigono, obtusangulo, altiori; foliis quod ad maximam partem planis, latoribus, dilute vel luteo-viribus, mollioribus, apice tantum summa triquetra; pedunculis spicarum angulatis scabris: et crescit locis fertilioribus siccioribus.

30. *ERIOPHORUM gracile*: spicis pedunculatis, pedunculis scabris, culmo teretiusculo, foliis triquetris subfiliformibus.

E. gracile. *Roth catal. bot.* 2. app.

E. triquetrum. *Hoppe Taschenb.* 1800. p. 106*
1801. p. 133. 1802. p. 62.

Hab. in paludibus profundis aquosis per partes sylvaticas Lapponiarum Svecicarum passim; supra Palojoensuu Lapp. Tornensis et Sorsele Lapp. Umensis haud lectum.

Magis ab utrisque præcedentibus memoratis differt, quam præcedentes duo inter se differunt. Folia omnia tota filiformia, triquetra, apice compressa, gracilia, molliora, erecta. Culmi graciles laxi, teretiusculi, longi. Pedunculi pubescentia quadam creberrime exasperati. Radix oblique ascendens, sine stolonibus horizontalibus.

Nomen gracile magis mihi placet utpote comparisonem præcedentium melius involvens et habitum multo graciliorem indicans. Præstat quoque nomen desumere a toto habitu, quam e partis cujusdam singulæ figura; quo enim evidentior est ratio nominis, eo melius.

N A R D U S.

Gen. plant. ed. Schreb n. 97.

51. *NARDUS stricta*: spica setacea recta, secunda. *Smith. brit.* 1 pag. 61. *Linn. flor. svec.* n. 52. *lappon* n. 40. *Leers herb.* p. 11. t. 1. f. 7. *Lightf. scot.* p. 90. *Zoega island.* — *Landt faeroens.* — *Georgii flor. baikal.* p. 197.

Hab. in sylvaticis partibus omnium Lapponiarum passim; a me vero neque in alpinis neque in subalpinis visa.

P H A L A R I S.

Gen. plant. ed. Schreb. n. 106. Schrad. fl. germ. 1. p. 177.

32. PHALARIS *arundinacea*: panicula patente glomerata, corolla exteriori brevissima pilosa.

Ph. *arundinacea*. *Linn. svec. n. 53. Leers herborn. p. 18. t. 7. f. 3. Oed. fl. dan. t. 259. Schrad. flor. germ. 1. p. 180. Lightf. scot. p. 90. Landt. færoens. Michaux amer. 1. p. 43. Gmel. sib. 1. p. 86. n. 12. Georgii flor. baikal. p. 197.*

Arundo colorata Willden. spec. 1. p. 457.

Hab. juxta ripas fluminum majorum totius paræciæ Sodankylä in Lapponia Kemensi usque ad Sombiojärvi ita copiosissime ac si sata esset; alias non nisi ad Torrfjord Nordlandiæ et juxta Storbacken Lülensis visa.

Corolla quidem duplex est, sed exterioris valvulæ tam inconspiciuæ, minutæ, interioribus adpressæ, et ita pilis tectæ ut facile pro fasciculo laneo sumuntur; interior longitudine calycis, valvulis quod ad latitudinem valde inæquales. Semen duplici corolla tectum decedit (nec tum a calyce ac corolla tectum ut in *Alopecuro*), dimidio brevius quam valvula major nitida.

P H L E U M.

Gen. plant. ed. Schreb. n. 128. Gærtn. de fruct. p. 1. t. 1.

33. PHLEUM *pratense*: spica cylindracea, calycibus truncatis mucronato - aristatis ciliatis: aristis calyce brevioribus.

Phl. *pratense* *Linn. svec. n. 56. Lapp. n. 26. Zoega island. — Gmel. sib. 1. p. 89. n. 16. Georgii flor. baikal. p. 197. Lightf. scot. p. 91. Landt. færoens.*

Hab. in Nordlandiæ inferalpinæ pratis, ut etiam Lapponiæ maxime meridionalis passim ex. gr. ad Lycksele Lapp. Umensis. In alpihus certe non provenit ut Linné dicit in *Flora Lapponica*; nec in Lapponiis septentrionalibus a me visum.

34. PHLEUM *alpinum*: spica ovata, calycibus truncatis mucronato - aristatis ciliatis: aristis longitudine glumarum.

Phl. alpinum *Linn. svec. n. 57. lapp. n. 25.*
Zoega island. — Flor. dan. t. 213. Smith
brit. 1. p. 69. Schrad. germ. 1. p. 184.

Hab. locis graminosis fertilioribus in alpium lateribus et radicibus per universam Lapponiam usque ad Nordcap ubique frequenter; ut etiam in pratis etc. lapponiarum omnium sylvestrium et subalpinarum vulgaris. In Vesterbottnia jamdudum provenit.

Spica crassior quam in præcedente idque ob magnitudinem insigniorem glumarum. Aristæ longiores insignes fuscæ, unde color totius spicæ fuscescens. Vaginæ superiores subinflatæ. Spica vero sæpe sat longa et omnino cylindrica evadit.

Engl. bot. 8. t. 519. huic parum convenit.

ALOPECURUS.

Gen. plant. ed. Schreb. n. 102.

35. ALOPECURUS *pratensis* β . *alpestris*: culmo erecto glabro, spica cylindracea obtusa, glumis calycinis ciliatis basi connatis acutis, foliis lævissimis.

Varietas *A. pratensis* *Linn. svec. n. 49.*

Hab. in alpium Lulensium lateribus inferioribus rarissime. A me tantum lectus est in valle alpina humida irrigata Spätjem-vaggi dicta a Quickjock haud longe remota.

Memorabile omnino est, quod demum in alpi-
 bus varietatis forma occurrit hoc gramen, cum *A. pratensis* vulgaris nullibi in Lapponia visus est. Primum itaque credidi hoc gramen alpinum varietatem sequentis speciei esse, sed omnes partes fructificationis cum *A. pratensi* conveniunt; nec ullam aliam diversitatem reperire potui quam folia lævissima, spica magis colorata et florescentia magis serotina.

36. ALOPECURUS *geniculatus*: culmo adscendente geniculato, spica sublobata cylindraceo - attenuata, glumis calycinis subliberis obtusis.

A. geniculatus *Linn. svec. n. 60. lapon. n. 37.*

Leers herb. p. 16. t. 2. f. 7. Engl. bot. 18.

t. 1250. Schrad. flor. germ. 1. p. 173.

Zoega island. — Gmel. sibir. 1. p. 88. n. 15.

Lightf. scot. p. 92. Landt faeroens. —

β. natans: culmo ramoso, foliis natantibus, glumis obtusissimis. *Linn. fl. svec. n. 60. β. lappon. n. 58.*

Hab. locis humidis et aquosis per Lapponias omnes sylvaticas nec non inferalpinas meridionaliores passim frequenter.

β. natat in lacubus sylvarum passim.

Habitu melius quam caractere quodam firmo ab *A. pratensi* distinguitur. Glumæ tamen semper obtusæ plerumque dupplo minores. Arista longitudine et insertionem varia: ubi brevis est, juxta apicem glumæ inseritur. Ligula semper longior quam in *A. pratensi*. Spica in lobos magis divisibilis.

M I L I U M.

Gen. plant. ed. Schreb. n. 110.

37. *MILIUM effusum*: panicula diffusa, floribus muticis ovatis.

M. effusum Linn. spec. n. 61. lappon. n. 35. Leers herb. n. 50. t. 8. f. 7. Lightf. scot. p. 92. Engl. bot. 16. t. 1106. Flor. dan. t. 1143.

Hab. in lucis arborum frondosarum per partes sylvaticas, subsylvaticas et inferalpinas passim parcius, usque ad Norskholmen prope Tanam Finmarkiæ orientalis; ut et in subalpinis nemoribus rarius visum ex. gr. ad Kirkivare alpium Lulensium.

Flores fere majores quam in svecico.

A G R O S T I S.

Gen. plant. ed. Schreb. n. 111.

38. *AGROSTIS alpina*: panicula angusta pauciflora: ramis simpliciusculis lævibus, arista infra medium proveniente rectiuscula, corolla univalvi.

Agr. alpina Spec. plant. ed. Willden. 1. p. 368.

Trichodium alpinum Schrad. germ. 1. p. 200.

? *Agrostis panic. tenuissima Linn. lappon. n. 45.*

Zoega island.

Gr. parvum paniculatum alpinum, panicula spadicæa, aristatum. *Schevchz. agr. p. 140. prodr. p. 22. t. 4. f. 1.*

Hab. in omnibus alpiis locis siccioribus ut etiam in

campis siccis apricis per partem subalpinam et subsylvaticam ubique frequens.

Ex una radice plures culmi stolonesque steriles foliosi nascuntur. Stolones omnes radicales (nec e geniculis culmorum): foliis perangustis, convolutis indeque subsubulatis, rigidiusculis, breviusculis, multo crassioribus quam in sequenti. Folia culmea duo tresve angusta, convoluta (est ideoque culmus magis foliosus quam in sequenti). Culmus spithamealis, strictus. Paniculae rami duo vel tres unacum uno alterove flosculo e singulo verticillo, breves ita ut longior vix tertiam partem totius paniculae attingit, subdivisi et vix ultra quinque floribus onusti; exinde panicula valde angusta et pauciflora apparet. Flores majusculi magnitudine fere *Airæ* flexuosæ vel dupplo majores quam in *A. canina*. Calyces saturatius fuscae quam in reliquis. Corollae valvula quinque-nervis, qui nervi in apiculos paucos exeunt, unde corolla apice sublaciniata. Arista leviter geniculata et rectior quam in sequentē.

39. *AGROSTIS rubra*: panicula lata, ramis paucis sublaevibus, arista infra medium proveniente declinata, calycibus lanceolatis, corolla univalvi, foliis radicalibus setaceis.

Agr. rubra Linn. *spec. plant.*

Agr. panicula inferiore verticillatim laxa etc. Linn. *Flor. lapp.* n. 46.

β. panicula ramosiori, pedunculis asperis, floribus minus rufescentibus.

Agr. rubra *Flor. svec.* n. 64.

Agr. setacea *Smith. flor. britt.* 1. p. 79?

Hab. locis humidiusculis juxta fluvios et rivulos per partes subsylvaticas omnium Lapponiarum svecicarum frequenter; at β. in sylvaticis Lapponiae inferioris passim.

Omnia quæ in Flora Lapponica attulit Linnæus optime hujus speciminibus subsylvaticis convenit. Paniculae rami inferiores longi sunt ita ut dimidiam altitudinem totius paniculae longe superant, unde dum plerumque divergunt basis paniculae valde ampla et lata et tota panicula insigniter pyramidata. De cætero flores versus autumnum admodum rufescunt, ut totum gramen rufescens apparet, et potius *A. rufa* diceretur quam *rubra*. Cum ulterius locus in Flora

Lapp. adlatus omnino convenit, nullum dubium esse potest, quin vera sit planta quamquam Linné postea addita differentia arista terminali eam obscuram reddidit. Corolla apice subintegra subnervis. Rami paniculæ paucissimi, fere semper tantum duo, eique inferne omnino læves (nec exasperati), in paucos tantum ramulos paucifloros divisi, ut tota panicula admodum rara et paupera sit.

Var. 2. in *Svecia* inferiori quoque crescit, et omnino convenire videtur cum *A. setacea* Smith *fl. britt.* — paniculam satis densam habet. Flosculi vero in utraque eadem, ita et nonnisi varietate a *Lapponica* differt.

A. canina Linn. in septentrionali *Svecia* haud crescit, nec *Upsaliæ* admodum frequens; estque omnino idem gramen ac exterorum in *Engl. bot.* 26. t. 1856. exhibitum. Calyces ejus minores, breviores et magis ovati, plerumque fusci vel brunnei (unde Linnéo colorati dicuntur, ut ipsum gramen *svetice brun-hven*, in *Speciebus plantarum purpurascence-lucentes*). Panicula multo magis densiflora; ramis flexuosis erectioribus. Aristæ magis recurvæ. Multis fasciculis foliorum setaceorum ad radicem prædita est ut *A. rubra*. Anno 1745 primum innotuit Linnéo, et quidem uti videtur *Upsaliæ* lecta.

40. *AGROSTIS vulgaris*: paniculæ ramis subhispidis, ramulis divergentibus, ligula brevissima, corolla mutica.

A. vulgaris Schrad. *flor. germ.* 206. t. 2. f. 3.

Engl. bot. 24. t. 1671. optim.

A. stolonifera Leers *herb.* p. 20. t. 4. f. 6.

β. aristata: Schrad. l. c. t. 3. f. 1.

Hab. juxta fluvios in subhumidis nemorosis per partem sylvaticam omnium *Lapponiarum svecicarum* ut etiam in *Nordlandia vulgaris*; nec altius versus alpes quam *Abies* adscendit.

Ideoque nequit esse *Agrostis* Flor. lapp. n. 45. quæ Linnéus in *Flor. svec. ed. 1.* assumsit atque pro extraalpina agnoscit, addito caractere „panicula compressa et nomen *svecicum Fält-hven*”; dein vero omisit et uti videtur cum *Agr. stolonifera* conjunxit usque dum ab exemplare heterogeneo, quod delineavit Smith *Agr. capillaris* in ic. ined. iterum in *Spec. plantarum* resumta est, adjunctis nomini-

bus „panicula capillari”, excluso synonymo Fl. svec. Exinde patet quod gramen lapponicum ipso dubium fuit, nec sperandum est quod nos pro certo extricemus ipsius dubia. In prælect. ord. nat. p. 147. *A. capillarem* exoticam dixit. Manebit itaque illud synonymon Floræ lapponicæ semper obscurum.

41. AGROSTIS *algida*: calyce ovali lævi obtuso, corolla minima univalvi mutica, foliis planis, panicula subspicata. *Phippsia*

A. algida. *Phipps voyage bor.* p. 204?

Icon tab. nostr. I.

Hab. in stillicidio aquæ nivalis ad latus septentrionale alpis Raste-kaisse Finnmarchiæ orientalis; ubi adeo ab aqua inundata fuit ut spica tantum emittit. Lecta florens d. 27. Juli 1802.

Parvas cæspites in aqua format hoc pusillum gramen. Ex una radice nascitur unus alterve culmus, unacum stolones nonnulli foliosi, vix vero perennis esse videtur. Stolones foliis semper planis instruuntur ut culmus. Vaginæ foliorum radicalium culmum tegunt usque ad dimidiam ejus altitudinem, atque laxæ sunt; de cætero culmus nudus, sine foliis. Folia ipsa semper plana (nec in sicco specimine convoluta unquam), respectu brevitudinis latiuscula quamquam vix lineam lata, vix pollicem longa, mollissima, pallescentia vel luteo-viridia, lævissima. Culmi sesquipollicares vel bipollicares, foliis vix altiores ita ut spicæ tantum in cæspitibus supereminent, lævissimi, tenues. Panicula adeo contracta et coarctata ut subspicata dici meretur, nec rami ejus sub florescentia divergunt unquam unde semper linearis vel subcylindrica. Rami in singulo verticillo paniculæ plures quidem, sed breves, pauciflori, erecti, semper lævissimi. Tota spica 5 circiter lineas longa. Flores minutiores quam in ulla alia specie boreali. Calycis valvulæ perquam molles ut exsiccatione contrahuntur et formam suam perdunt, nec sub anthesi divergunt ut in cæteris sed semper erectæ et parum apertæ sunt; de cætero ovales, tenuissimæ, lutescentes subhyalinæ, obtusæ, subæquales, valde concavæ et nullo modo carinatae: exterior obtusiuscula, nervo crassiore ad apicem vix pertingente prædita; interior obtusissima, nervo brevi prædita et tota fere hyalina. Corolla perexi-

gua, valvula unica hyalina minuta oblonga, calyce multoties brevior et etiam brevior quam germen. Stamina calyce vix longiora. Semen cito excrescit ut calyce longior fit, semper magnitudine seminum *Papaveris* et a calyce tectum est; nullis pilis stipatum. Præcipue mollitie et tenuitate omnium partium a cæteris longe recedit, nec ullæ aliæ speciei affinis esse videtur.

In exsiccata planta difficillime extricantur partes fructificationis, unde haud fidendum esse descriptioni in *Itinerario ad Polum borealem* data puto; ita ut cum reliquæ partes optimæ conveniunt fieri quidem potest ut una eademque planta sit ac nostra.

Ad genus illud novum *Trichodium* pertineret hæc species; quum vero habitus *Trichodiorum* omnino idem ac reliquarum *Agrostidum* nimium artificiale mihi videtur et sine culpa omittendum. „*Agrostidis* character difficilis est, sed quum reliqua genera satis bonos characteres habeant, hujus generis gramen esse colligitur, in quo illi locum non habent.” *Linné Prælection. in ord. nat. p. 155.*

Explicatio iconis: a gramen totum magn. nat. b. panicula spicata magn. paullo aucta. c. flos unus e latere visus magn. magis aucta. d. idem antice visus eod. augm. e. ejusdem valvulæ cum semine seminato eod. augm. f. flos valvulis expansis ut apparet corolla univalvis eod. augm. g. valvula corollina seorsim. h. apex valvulæ calycinæ exterioris magn. valde aucta. i. apex valvulæ interioris eod. augm.

ARUNDO.

Schrad. flor. germ. 1. p. 211.

42. *ARUNDO sylvatica:* panicula erecta, calycibus acutis, arista dorsali geniculata calycem excedente, pilis brevissimis.

Agrostis arundinacea Linn. spec. n. 63.

Arundo sylvatica Schrad. flor. germ. p. 218. t. 4. f. 7.

Agr. culmo enodi etc. Linn. lapp. n. 44.

Hab. in sylvis *Lapponiæ meridionalis*: *Linné*. Hanc quidem in *Lapponia* non vidi, quum vero in cæteris provinciis borealibus vulgaris est, eam e *Flora Lapponica* temere exclusam haud volui.

43. *ARUNDO lapponica*: panicula stricta, calycibus acutiusculis, arista dorsali geniculata pilisque corollam æquante.

Icon tabulæ nostræ I.

Hab. in collibus et campis siccioribus apricis præcipue igne nuper devastatis per partem subalpinam et subsylvaticam omnium Lapponiarum svecicarum ubique frequenter; etiam in locis inferalpinis Finmarkiæ usque ad Svärholt reperitur.

Hujus specimen ad cel. Schrader misi, quod pro novæ speciei et ab Arundinibus germanicis distinctæ agnovit.

Serotinum est nec ante mensem Augusti floret spectabile hocce gramen, quod statura sua stricta alta atque paniculis densis cærulescentibus campos steriles admodum insignit. Folia stolonum ita angustissima ut fere filiformia; caulina quoque angusta marginibus in sicco nonnihil convolutis. Culmus sæpius tripedalis, strictus firmus. Panicula ultra palmaris, stricta; rami breviusculi, unde quodammodo conglomerata et corrugata apparet. Flores majores quam in cæteris scil. ob latitudinem majorem vel crassitiem insigniorem, acutiusculi ut in sequenti nec acuminati ut in *A. calamagrostide* etc. Valvulæ calycis binæ uninerves. Corollæ valvula exterior calyce vix brevior, quadrinervis quidem sed nervis pertenuibus ad apicem vix pertingentibus multo minus in apiculas serratas excurrentibus ut in *A. varia*. Arista dorsalis vix longitudine corollæ. Pili longitudine corollæ vel calyce vix breviores. Ob longitudinem corollæ et pilorum flos satis plenus et turgidus apparet. Color in junioribus cærulescens, dein dilute purpurascens. Ad *A. variam Schraderi* ita accedit ut differentia hujus exponere debemus.

A. variam Schrader. in Gottlandia reperi et varietatem Agrostidis arundinacæ dixi in Florula; cujus panicula longa neutiquam stricta, flores multo angustiores, corolla et lana breviores, arista calyce fere longior, et corollæ nervi quatuor validi in apiculas serratas exeuntes.

Explicatio iconis: a. Panicula magn. nat. b. flosculus totus 5:es auctus. c. valvulæ corollinæ cum lana paullo magis auctæ.

44. *ARUNDO stricta*: panicula stricta, calycibus acutis, arista tenui sub apice inserta corollam subæquante, pilis corolla brevioribus.

A. stricta Timm. in Roth. n. Beitr. 1. p. 118.
Schrad. flor. germ. 1. p. 215. t. 4. f. 5.

A. neglecta Ehrh. beytr. 6. p. 137.

β . *angustata*: panicula elongata lineari, floribus linearibus.

γ . *interrupta*: panicula cylindrica, fasciculis inferioribus remotis conglobatis.

Hab. locis humidis subapricis per partem sylvaticam, subsylvaticam et subalpinam omnium Lapponiarum svecicarum ubique frequenter: ut et in inferalpinis locisque depressis maritimis totius Finmarkiæ et Nordlandiæ ubique. Supra Betulam in alpibus vix adscendit.

β . ad paludes juxta Enontekis lecta est et γ . ad ripas fluviorum paucis locis visa.

Tota panicula insigniter pallescit vel potius flavescens reperitur; nec nisi ante florescentiam raro cærulescens est (tuncque Melicam cæruleam haud male refert). Panicula stricta recta (ut etiam totum gramen), ramis suis patentibus strictis angustius pyramidata. Flores minores quam in omnibus cæteris, magnitudine vix Melicæ cæruleæ superantes, plerumque clausi (nec ut in cæteris ob lanam copiosam semper aperti).

45. *ARUNDO pseudophragmites*: panicula laxa, calycibus acuminatis, arista dorsali recta corollam æquante, pilis corolla longioribus.

A. pseudophragmites Schrad. germ. p. 215. t. 4. f. 3.

Hab. per partem sylvaticam Lapponiæ passim frequenter in collibus campisque siccis, iisdem locis ac *A. sylvatica* crescere debuisset.

Panicula densa satis plena ob flores crassiores, unde non male Phragmitidi assimilata fuit. Similis est sequenti quoad faciem externam, sed de cætero parum affinis facillimeque distinguitur floribus multo latioribus vel crassioribus fere ut in *A. lapponica*, quacum etiam insertione aristæ convenit. Flores majores quam in cæteris plerisque, primum violaceæ, dein rufescentes.

Hanc quoque cum Cel. Schrader communicavi, unde certo certius scio eam esse veram *A. pseudo-phragmitidem*.

46. ARUNDO *Calamagrostis*: panicula nutante diffusa, calycibus sublinearibus acuminatis, arista exigua in fissura corollæ terminali, pilis corolla longioribus.

A. Calamagrostis Linn. *svéc.* n. 107.. *lappon.* n. 42. *Flor. dan.* t. 180. *Schrader. flor. germ.* p. 214. t. 4. f. 4. *Gmel. sib.* 1. p. 126. n. 62. *Pallas it. sibir.* 1. p. 62.

β. diffusa.

Hab. in locis umbrosis subhumidis ad ripas fluviorum et paludes nec non ad rupes montium per partes sylvaticas, subsylvaticas et inferalpinas universæ Lapponiæ ubique frequenter.

β. in siccioribus rarius.

Flores angustiores quam in cæteris omnibus, fere lineares, unde panicula perrara apparet. Valvulæ calycis a se invicem valde divergunt ut flores quam maxime aperti. Corolla minor quam in præcedentibus, dimidio calyce vix longior.

47. ARUNDO *strigosa*: panicula erecta sparsa, calycibus sublinearibus acuminatis, arista tenui dorsali corollam æquante, pilis corolla brevioribus.

Icon tab. nostr. II.

Hab. ad littora maris septentrionalis passim. Specimina collegi ad ostium fluminis Tana Finmarkiæ orient. et ad Lyngen Nordlandiæ.

Fructificatione optime convenit *A. strictæ* sed habitus diversissimus fere *A. epigejæ* vel *A. calamagrostidis* contractioris. Culmus et folia fere *Calamagrostidis*. Panicula erecta quidem et contracta ut in *A. stricta*, attamen rariuscule. Pedunculi eximie angulati ut in *A. stricta*, omnium hispidissimi ut et carina calycis. Valvulæ calycinæ longæ fere ut in *A. epigejos*, sed muticæ, nec acumine illo lineari rigido instructæ. Corolla calyce multum brevior: arista semper dorsali lanâque brevi. Color paniculæ cæruleo-virens.

Uti novam speciem eam agnovit cel. Schrader, cui specimen ejus misi.

Explicatio iconis: a. panicula tota magn. nat. b. ramulus paniculæ cum floribus quatuor magn.

triplo aucta. c. flos unus magnit. 6plo aucta. d. corolla exinde exempta eodem augmento.

48. *ARUNDO epigejos*: panicula stricta conglomerata, calycibus longe acuminatis, arista dorsali recta corollam subæquante, pilis corolla longioribus, foliis sublanceolatis.

A. epigejos *Linn. spec. n.* 106. *Schrad. germ.* p. 211. t. 4. f. 1. *Zoega island.* — *Georgii fl. baikal.* p. 198.

A. Calamagrostis *Lightf. scot.* p. 106.

Hab. in ripis arenosis fluminis Ivalojoiki paroeciæ Enare, et fluminis Kittinenjoiki ad Akankoski paroeciæ Sodankylä frequenter; nec alibi visa.

Radix repens magis quam in cæteris. Culmi tripedales circiter, stricti, firmi. Folia multo latiora quam in præcedentibus, ad basin sublanceolata, valde attenuata. Panicula densa; floribus aggregatis. Calyces longe acuminati vel subulati, acumine lineari rigido (nec membranaceo) subfalcato, plerumque nonnihil falcati, valde hispidi. Corolla calyce dupplo brevior; valvula exterior apice bifida, laciniis acuminatis serratis. Arista dorsalis vel potius sub apicem corollæ inserta, tenuis, apicem corollæ paulum superans.

49. *ARUNDO arenaria*: panicula subspicata, corolla mutica subæquali, pilis brevissimis, foliis convolutis.

A. arenaria *Linn. spec. n.* 108. *lappon. n.* 43. *Flor. dan. t.* 917. *Schrad. germ.* p. 221. t. 5. f. 2. *Lightf. scot.* p. 107. et 1158. *Zoega island.* — *Olavs. it. island.* p. 814. 941. *Michaux amer.* 1. p. 73.

Hab. ad littora maris septentrionalis: Linné; a me vero ibi haud visa.

50. *ARUNDO Phragmites*: calyce quinque-floro floribus brevior.

A. Phragmites *Linn. spec. n.* 105. *lappon. n.* 41. *Leers herb.* p. 94. t. 7. f. 1. *Schrad. germ.* p. 223. t. 5. f. 4. *Lightf. scot.* p. 106. *Zoega island.* — *Gmel. sib.* 1. p. 125. n. 61. *Georgii flor. baikal.* p. 196.

Hab. in lacubus et fluviiis juxta ripas per partes sylvaticas omnium Lapponiarum passim copiose; vixque tam alte ac *Abies* versus alpes adscendit.

Calycis valvulae dimidio breviores quam flosculorum. Rachis flosculorum longitudine fere calycis, flosculis a se invicem remotiusculis, lana longa tecta. Valvula singuli flosculi apice longa setacea.

H O L C U S.

Gen. plant. ed. Schreb. n. 1565.

51. *HOLCUS odoratus*: panicula divaricata, pedunculis laevibus, calycibus subrotundis trifloris, flosculis muticis ciliatis.

H. odoratus Linn. *flor. suec.* n. 918. *lappon.* n. 53. *Flor. dan.* 6. t. 903 *Olavs. it. island.* p. 431. *Michaux amer.* 1. p. 56. *Gmel. sib.* 1. p. 101. n. 33. *Georgii flor. baikal.* p. 237.

H. borealis Schrad. *germ.* 1. p. 252.

H. repens Host. *gram.* 3. p. 3. t. 3.

Hab. locis humidis umbrosis totius Lapponiae passim parcius; etiam in alpinis fruticetis humidis rarius visus.

Qui ibi crescit ita muticus est ut ne initum quidem aristae in apice flosculorum observatur. Folia infima caulis plana sunt nec convulata. Caulis nudus. Flosculus primus acutus (nec ut in *H. alpino* truncato-obtusius), margine interiore dense ciliatus, de caetero inferne glaber (nec ut in *H. alpino* hispidus-pilosus) et tantum nervus dorsalis hispidulus; alter itidem pulchre ciliatus, nervo dorsali rigido apicem attingentem sed non excedentem; tertius apice magis pilosus quam in *H. alpino*.

Varietas occurrit in subalpinis cuius flosculi duplo fere minores sunt quam in vulgari.

In hoc et sequente flosculi haud secedunt a calyce ut apud Airas etc. an itaque semen nudum demittunt uti Melicae?

52. *HOLCUS alpinus*: panicula coarctata, calycibus oblongis trifloris, flosculis pilosis, arista geniculata dorsali longiuscula.

Aira alpina Liljeblad *sv. flor. ed.* 2. p. 41.

Icon tabulae nostrae II.

Hab. juxta summos alpes Tornenses in monticulis collibusque siccis arenosis elevatis alpinis frequen-

ter. A cel. Liljeblad primum ad Torneå-tråsk in alpe Kärpile lectus, dein a me juxta alpes paroeciæ Enontekis prope Kummaeno et ad Tsatsekaise nec non in Lammastunturi copiose visus; sed de cætero nunquam observatus est.

Odore gratissimo præcedentem fere vincit, cui re vera valde affinis, attamen tum habitu tum multis characteribus a forma petitis abunde distinctus. Radix subrepens. Vaginæ foliorum radicalium sat saturate fusco-purpureæ; interiores culmum quoad majorem partem tegunt, valde laxæ vel inflatæ, subplicatæ. Folia exteriora, quæ plerumque præcedentis anni sunt, culmo multum longiora angustissima simulque arcte convoluta ut omnino filiformia apparent; vaginarum intimarum perbrevia vix pollicaria. Culmus humilis, semper spithamæus circiter, quoad maximam partem vestitus vaginis subradicalibus. Panicula coarctata in thyrum ovatum. Pedunculi pauci subdivisi parum patentes (nec divergentes), semper ubique læves. Spiculæ ejusdem circiter crassitudinis ac in præcedente, sed duplo longiores, unde oblongæ jure dicuntur. Calycis valvulæ flosculis fere longiores, nitidæ, in medio nonnihil fusco-purpurascens, de cætero ejusdem coloris ac in præcedente. Flosculus infimus masculus diander linearis; valvula exterior obtusa apice laciniata, dorso in aristam brevem excurrente, versus marginem interiorem hispido-pilosa (nec ut in *H.* odorato margine tantum ciliata); interior bifida nervis duobus validis in lacinias pilosas excurrentibus. Flosculus medius s. alter masculus diander acuminatus: valvula exterior fere usque ad medium bifida, ad quam fissuram e dorso egreditur aucta geniculata quam ipsa valvula duplo fere longior, laciniis duobus acutis: de cætero ut in præcedente flosculo. Flosculus tertius hermaphroditus triander oblongus acutus fere hyalinus glaber; valvulis binis longitudine subæqualibus indivisis. Nectarium exiguum multoties minus quam in *H.* odorato.

Pro *Aira alpina* a nonnullis habitus est, sed neque in Lapponia Lulensi crescit, neque convenit characteri Linnæano.

Explicatio iconis: a. gramen totum. b. flos separatus valvulis calycinis diductis parum auctus. c. flos-

c. flosculus infimus magn. aucta. d. flosculus medius. e. flosculus terminalis hermaphroditus.

A I R A.

Gen. plant. ed. Schreb. n. 112. Gærtn. de fruct. 1. p. 4. tab. 1.

53. *AIRA spicata*: culmo pubescente, foliis planis, panicula spicata, flosculis compressis calycem excedentibus medio aristatis: arista reflexa longius exserta.

A. spicata Linn. svec. n. 69. lappon. n. 47. Oed. fl. dan. t. 228. Schrad. germ. 1. p. 264. Zoega island. — Suter helvet. 1. p. 40.

Hab. in summis campis elatis et ad rupes totius alpini jugi tum meridionalis ac septentrionalis frequenter, ubi etiam in altissimis cacuminibus adscendit; sed infra summas alpes vix unquam descendit nec extra alpes nisi ad Hopseidet Finmarkiæ et Quickjock Lulensis rarissime visa.

Habitu a sequentibus longe recedit, et affinitate *Avenæ* flavescenti revera propior est. Poæ cristatæ valde affinis esse videtur, ut *Koeleria* generi Persoon. synops. 1. p. 97. forsan intraret; tamen calycem semper biflorum tantum reperi, saltim nonnisi rudimentum tertii floris adest uti neque in cæteris Airis inconsuetum est. Calycis valvulæ insertionem aristarum parum superant. Valvulæ corollinæ crena tantum in apice emarginatæ, neque ad insertionem usque aristæ bifidæ. Arista crassior, asperior et magis horsum versus retroflexa quam in cæteris. — Uterius culmo et rachide pubescenti ub aliis eximie differt.

54. *AIRA cæspitosa*: foliis planis sulcatis, panicula diffusa, pedunculis scabris, flosculis calycem subexcedentibus, arista brevi inclusa.

A. cæspitosa Linn. svec. n. 70. lappon. n. 50. Oed. fl. dan. t. 240. Schrad. germ. 1. p. 257. Zoega island. — Landt. færoens. — Gmel. sib. 1. p. 95. n. 27. Lightf. scot. p. 94. Georgii flor. baikal. p. 197.

Hab. in pratis subhumidis locisque graminosis per universam Lapponiam sylvaticam et subalpinam ubique frequentissime, ut etiam in salicetis alpium passim.

Folia semper plana. Paniculæ rami longiusculi nutantes, eximie scabri. Valvulæ calycinæ dorso et margine serrulatæ. Flosculi in rachide elongata, subpedicellati, subdistantes sunt et calycem nonnihil excedunt, simulque stilus rachidis villosus inter flosculos attamen minor quam in *A. bottnica*. Arista amborum flosculorum ad basin fere inserta valvulam suam plerumque æquans. Articulus unusquisque Rachidis tertiam circiter partem longitudinis flosculi æquat.

55. *AIRA alpina*: foliis subulatis, panicula densa erectiuscula, pedunculis lævibus, flosculis calycem æquantibus, arista subterminali brevi subinclusa.

A. alpina *Linn. svec. n. 73.*

Icon tabulæ nostræ III.

Hab. nonnisi in alpinis idque locis uliginosis irrigatis sterilissimis per campos elatiores apricos alpinum Lulensium fere ubique frequentissime, ut et in alpinis pitensibus passim; nec non ad Pikkaisse in Finmarkia Tanensi parcius visa. Nec extra alpes unquam reperta.

Læte viget et altis culmis adscendit hocce gramen in locis sterilissimis a glacie nuper devastatis, ubi panicula sua densa superbit et foliis cæspitosis luteo-viridibus brevibus se facillime distinguit. Faciem habet tam propriam prorsus avenaceam ut nullus in loco de affinitate summa cum præcedenti suspicari queat; dixit quoque Linnæus eam, „avenaceam alpinam” in Pane svedico, unde nova accedit ratio quod vera sit Linnéi planta. Folia adulta omnino explanari queant et tunc latiuscula fiunt simulque intus sulcata esse reperiuntur, sed ita in convolutionem prona ut semper convoluta occurrunt et juniora vix ac ne vix explanari possunt, unde haud injuste subulata dicuntur; de cætero brevia, rigida, humi ut plurimum adpressa, nonnihil concava et luteo-viridia. Folia culmea in latere vaginæ semper inserta sunt, nec culmum basi amplexantur unde convolutioni destinata videantur; de cætero divergentia brevia. Culmus crassiusculus, strictus bipedalis et ultra. Panicula ramis multis approximatis multifloris magis densa quam in ulla alia *Aira* atque superne contracta. Rami inferiores plerumque spiculas vivi-

paras ferunt, et admodum laxi ut fere penduli sunt atque longiores quam dimidia panicula; rami cæteri erectiusculi (nec diffusi et nutantes ut in *A. cæspitosa* et *flexuosa*). Omnes tum rami ac ramuli lævissimi sunt (quo admodum differt a præcedenti). Spiculæ majores quam in præcedenti vel ejusdem fere magnitudinis et figuræ ac in *Aira montana*, basi et carinis violaceo-fuscis, de cætero stramineo-nitentes. Valvulæ calycis fere omnino æquales, acuminatæ, tum dorso ac marginibus lævibus. Flosculi longitudine calycis, omnino sessiles et congesti (nec per elongationem rachidis pedicellati et remotiusculi atque stilo piloso interstincti ut in *A. cæspitosa*). Arista flosculi inferioris paullo infra apicem bifidam corollæ inserta est, et valvulam suam vix superans; flosculi autem superioris omnino terminalis brevissima. Rachidis singulus articulus vix quartam partem longitudinis sui flosculi attingit.

Ex hisce patet, quod foliis non parum præcedenti accedit sed inflorescentia magis sequenti. Vivipara fit neutiquam germinatione germinis, sed primum excrescunt foliola e rachide flosculos interposita, dein ex apice petali exterioris superioris floris, et denique etiam ex apice inferioris floris; in primo gradu flores superstites sunt perfecti, in ultimo delentur, et pili quoque flosculorum exuuntur.

Explicatio iconis: a. gramen integrum. b. flos separatus magn. nat. c. idem magnitudine dupplo aucta. d. flosculus inferior exemptus cum articulo rachidis eodem augmento. e. flos viviparus, cujus flosculus terminalis in foliola duo degeneratus est, superstitute tantum flosculo inferiore perfecto.

56. *AIRA flexuosa*: foliis setaceis, panicula divaricata, flosculis calycem æquantibus, aristageniculata longiuscula subinserta.

A. flexuosa Linn. *spec. n.* 71. *lappon. n.* 43. *Fl. dan. t.* 157. *Lightf. scot. p.* 95. *Schrad. germ. p.* 259. *Landt faeroens. — Zoega island. — Michaux amer. 1. p.* 61.

Lapponibus *Sitno* s. *Sidno*.

Hab. in campis siccis locisque apricis sterilibus per partem sylvaticam usque in alpinam totius Laponiæ vulgarissimæ; sed in summis cacuminibus et lateribus alpium haud provenit.

Folia re vera setacea et solida, nec condupplicatione talia facta ut in sequenti. Panicula laxa et divaricata; ramis numerosis, ramosis vel trichotomis multifloris, flexuosis, longitudine dimidiæ paniculæ. Spiculæ oblongæ, multo crassiores quam in sequenti, sed breviores obtusioresque. Flosculi omnino sessiles nec in rachide elongata positi ut in sequenti. Aristæ parum calycem excedunt (duplo minus quam in sequenti).

A. montana Flor. dan. 8. t. 1222. hujus tantum varietas albicans est.

AIRA *bottnica*: foliis filiformibus, panicula læviscula angusta stricta, calycibus acuminatis, flosculis pedicellatis calycem subæquantibus, arista recta flosculis duplo longiore.

A. montana Linn. *svec.* n. 72? *lappon.* n. 49?

Icon tab. nostr. IV.

Hab. nonnisi in littoribus extimis maris Vesterbottniæ locis glareosis apricis frequenter.

Mirum omnino est quod plerique Botanici varietatem præcedentis pro *Aira montana* Linnéi habere potuissent, quamquam differentia ejus data omnino characteristica est. Jamdudum in *Flora Laponica* Linné optime scripsit „Panicula in hac magis contracta, locustæ angustiores ac in præcedenti” et tamen semper confusa fuit ob locum et synonyma adscriptum. Ubique crescentem in *Flora svecica* quidem dixit, sed dein in nullis suis *Florulis* utpote *Akeröensi* nec in itineribus neque in *Herbationibus Upsaliensibus* meminit hocce gramen. In *Flora alpina* eam memorat, non vero flexuosam. Pro anglica non habetur in *Flor. angl.*, et *Hudsoni* A. montanam varietatem dicit *Airæ flexuosæ* in *Spec. pl.* p. 1676. In *spec. plant.* eam in alpinis crescere dicit, non vero in *Flor. svec.* an quædam commutatio locorum in *Flor. svecica* locum obtinuit?

— Præcedenti facie simillima quamquam re vera *Airæ cæspitosæ* affinior. Folia filiformia apparent, tamen haud solida ut in præcedente, verum angustissima et condupplicatione filiformia facta sunt et intus sulcata; de cætero brevia, rigidula. Culmus erectus, flaccidus. Panicula longissima sæpe usque ad pedem longa, angustissima: ramis paucis simplicibus vel indivisis, erectis ut fere rachidi ad-

pressis, et paucifloris, strictis nec ullo modo flexuosis, læviusculis, fusco-purpureis, respectu paniculæ brevibus et ne quintam ejus partem adtingentibus. Spicularum valvulæ plerumque patentes sunt ob villos inclusos, de cætero angustæ, duplo fere longiores quam in *A. flexuosa*, eximie acuminatæ. Rachis flosculorum elongata ut flosculi pedicellati evadunt, idque magis quam in *A. cæspitosa*, et eximie pilosa nec non stylo piloso flosculos interposito terminata. Flosculi altitudine calycis, subdissiti. Aristæ dorsales insignes, ultra lineam supra calycem exsertæ. Rachidis singulus articulus longitudine fere dimidium flosculum æquat.

Explicatio iconis: a. panicula integra. b. flos singulus magn. natur. c. idem magnitudine triplo aucta. d. flosculus inferior cum articulo rachidis eodem augmento.

57. *AIRA atropurpurea*: foliis planis, panicula divaricata paupera, flosculis calyce multum brevioribus apice pilosis.

A. alpina *Vahl flor. dan.* 6. tab. 961.

Hab. in fruticetis campis et juniperetis subuliginosis per partem subsylvaticam totius Lapponiæ passim copiose, ut etiam subalpinam rarius. A me pluries copiose lecta in parœcia Enontekis, inter templum et Palojoensuu, in Enare juxta Jvalojoki et Sotajoki nec non in Lapp. Pitensi ad Tjäkelväs et ad montes subalpinos Peliokaise, Ribnitskaise etc. ubi paullo supra sylvam Betulinam adscendit; sed nunquam in summis alpibus eam legi. In Finmarkia legit cel. Vahl.

Serotinum admodum est elegans hocce gramen, quod mense Septembris adhuc florens legi. Calycibus suis majusculis saturatissime violaceis sese admodum insignit et potius *Melicas* quam *Airas* cæteras refert; nec aliis *Airis* ullo modo affinis est, quamquam caractere generico bene iis convenit. Folia mollia, tenuia, atque semper plana, ultra lineam lata; culmi vaginis longis laxiusculis suffulta. Culmus pedalis et parum ultra, laxis. Panicula rara vel paucis ramis composita: Rami tantum duo in singulo verticillo, divaricati, simpliciusculi, pauciflori vix ultra 5 vel 6 floribus donati, superne versus flores pilis incurvis hispidi. Flores s. spiculæ majus-

sculæ. Calycis valvulæ sesquitertia linea longæ, oblongæ, acutæ, naviculares, atro-purpureæ vel violaceæ margine pallido, carina hispida. Flosculi minuti ovato-oblongi, dimidiam longitudinem calycis vix superantes, crassiusculi, nec ita scariosi ac præcedentium, superne pilosiusculi; valvulis integris. Arista dorsalis, geniculata, flosculo multo longior sed apicem calycis haud adtingens.

M E L I C A.

Gen. plant. ed. Schreb. n. 113. Gærtn. de fruct. 2. p. 5. tab. 80.

58. *MELICA nutans*: panicula racemosa secunda, spiculis nutantibus ovatis subtrifloris.

M. nutans *Linn. svec. n. 76. lapp. n. 36. Lightf. scot. p. 95. Engl. bot. 15. t. 1059. Flor. dan. 6. t. 962. Schrad. germ. p. 267. Gmel. sib. 1. p. 97. n. 29. Georgii baikal. p. 197.*

Hab. locis nemorosis subhumidis in parte sylvatica omnium Lapponiarum passim, in subsylvatica Lapponiæ Kemiensis rarius ex. gr. ad flumen Utsjokense; et in inferalpinis passim.

59. *MELICA cærulea*: panicula angustata elongata, spiculis strictis cylindricis, calyce minuto.

M. cærulea *Linn. mant. 2. p. 325. Smith. brit. 1. p. 93. Schrad. germ. p. 269. Engl. bot. 11. t. 750. Landt faeroens. — Lightf. scot. p. 96.*

Aira cærulea *Linn. svec. n. 67. lapon. n. 54. Gmel. sib. 1. p. 96. n. 28. Flor. dan. t. 239. Georgii flor. baikal. p. 197.*

Hab. locis humidis uti præcedens in parte sylvatica omnium Lapponiarum frequenter, in subsylvatica Kemiensi juxta flumina rarius ex. gr. ad Mierasoski Utsjokense; et in inferalpinis passim.

P O A.

Gen. plant. ed. Schreb. n. 114.

60. *POA maritima*: panicula subcontracta, spiculis linearibus quinquefloris, flosculis distantibus teretiusculis acutiusculis.

P. maritima *Huds. angl. p. 42. Engl. bot. 16. t. 1140. optima. Lightf. scot. p. 98. Flor.*

dan. t. 251. Schrad. germ. 1. p. 231. Zoega island.

Hab. ad littora humidiora maris Nordlandiæ rarius.

A me lecta ad Lyngenfjord et Tromsöam, nec non ad Torrfjord foldensem.

Culmus adscendens, subflaccidus. Folia plana et vix convoluta tenuia mollia. Panicula rarior, subelongata; rami paucissimi vix ultra duo in singulo verticillo, subasperi, erectiusculi vel patentes. Spiculæ elongatæ, compositæ flosculis angustis distantibus.

In *Poa distante* s. *salina* folia angusta convoluta rigidula; culmus strictus; panicula densior brevior, ramis circiter quinis e singulo verticillo asperioribus; spiculæ breviores, flosculis magis imbricatis brevibus latioribus vel ovalibus, ita obtusissimis ut fere truncatis.

61. *POA annua*: panicula divaricata lævi, spiculis oblongis multifloris, flosculis subdistantibus obtusis liberis, culmo compresso.

Poa annua Linn. *svec. n. 83. Leers herb. 29. t. 6. f. 1. Schrad. germ. p. 304. Engl. bot. 16. t. 1141. var. latifolia. Zoega island. — Lightf. scot. p. 97. Landt faeroens. —*

Hab. locis stercoreatis juxta domos Novaccolarum totius Lapponiæ frequenter.

Totum gramen tenue, mollissimum, interdum fere capillare, omnibus partibus lævibus. Panicula paucis ramis vix ultra duo e singulo verticillo, paucifloris. Spiculæ elongatæ eamque ab eadem longiores quam in cæteris. Flosculi sine carina notabili læves, sursum membranacei hyalini obtusissimi, sine nervo dorsali crassiori. Axis spicularum ita elongata est ut ne flosculus infimus sessilis est.

62. *POA alpina*: panicula divergente, spiculis subrotundis quadrifloris, glumis ovatis navicularibus liberis.

P. alpina Linn. *svec. n. 79. Smith. brit. 1. p. 100. Lightf. scot. p. 96. Landt faeroens. — Engl. bot. 14. t. 1003. Willden. en. hort. ber. p. 103. Schrad. germ. 1. p. 292. Zoega island.*

β. vivipara. Linn. spec. n. 79. β.

P. vivipara Willden. en. hort. berol. p. 103.

Hab. ad rupes et saxa omnium alpium frequenter, nec non in rupibus inferalpinis maritimis Nordlandiæ passim; de cætero haud extra alpes.

Gregatim crescit et densas cæspites format quamquam vix stolonifera. Folia fere semper disticha, latiuscula, breviora ut fere *Nathecii Ossifragi* folia referunt; de cætero mollia, carinata: carina scabra. Culmus crassiusculus strictus, semipedalis et paullo ultra. Panicula brevis et satis densa; e singulo verticillo rami tantum bini, divergentes, asperuli. Spiculæ magnitudine et figura fere *Holci odorati*. Calycis valvulæ latiusculæ, exacte naviculares, dorso magis curvo quam in ulla alia, aspero. Glumina corollina lata, dorso crassiusculo aspero in apice exurgente.

P. subcærulea Engl. bot. 14. t. 1004. inter hanc et sequentem quasi media esse videtur.

Hujus quoque rachis flosculorum in foliola excrescit, tuncque vivipera audit. *Flor. dan. 5. t. 307.*

63. *POA laxa*: panicula laxiuscula, ramis subflexuosis lævibus, spiculis oblongis trifloris, flosculis villo connexis.

P. laxa Willden. spec. plant. 1. p. 386. Hoppe Taschenb. 1802. p. 63. Schrad. germ. 1. p. 291.

P. flexuosa Smith brit. 1. p. 101. Engl. bot. 16. t. 1123.

Gr. alpinum paniculatum minus etc. Schevchz. agr. p. 163. prodr. t. 4.

Hab. in collibus siccis apricis per partem subalpinam Lapponiæ Lulensis inter frutices *Betulinos* passim.

Specimina ad cel. Schrader misi, quo certior factus sum hanc *P. laxam* veram esse.

Radix subrepens vel oblique adscendens; stolonibus multis excurrentibus. Folia omnia angustissima haud lineam lata, conduplicata, breviuscula, lævissima. Culmus vix pedalis, angustus vel gracilis. Panicula rara subcontracta: rami e singulo verticillo duo tantum, simpliciūsculi, subflexuosi, lævissimi, pauciflori breviusculi (dimidiam altitudinem paniculæ vix attingentes). Spiculæ satis angustæ et exacte oblongæ. Valvulæ calycinæ lanceo-

latæ carinatae læves. Flosculi inferne villosi et villo connexi: valvulis sursum diaphanis sine apice rigido. Tota panicula fusco-violacea præter margines corollæ albescentes.

Figura Schevchzeri nostræ plantæ satis convenit, sed panicula in nostra vix cernua nec satis contracta; quo respectu melius Poam flexuosam Smithii refert, etiamsi color paniculæ longe magis cærulescens, quam in figura ejus citata.

64. *POA pratensis*: panicula diffusa, spiculis subquinquefloris oblongo-ovatis margine scariosis coloratisque: flosculis villo connexis.

P. pratensis Linn. *svéc.* n. 82. *lappon.* n. 51. *Engl. bot.* 15. t. 1075. bona. *Smith brit.* 1. p. 104. *Landt færoens.* — *Georgii flor. baikal.* p. 197.

β. angustifolia: foliis inferioribus angustissimis.

P. angustifolia Linn. *svéc.* n. 81. *lappon.* n. 52.

Hab. in pratis stercoreatis et agris prope domicilia Lapponiæ sylvaticæ passim.

65. *POA trivialis*: panicula divergente, spiculis trifloris subovatis subpubescentibus villoque connexis: flosculis quinquenervibus, vaginis scabris.

P. trivialis Linn. *svéc.* n. 80. *Smith brit.* 1. p. 103.

Engl. bot. 15. t. 1072. bona. *Landt færoens.*

P. scabra Ehrh. *gram.* n. 72.

Hab. in pratis totius Lapponiæ frequentissime, ubi gregem graminis constituit locis siccioribus fertilioribus.

66. *POA glauca*: panicula elongata contracta, spiculis oblongis subtrifloris, flosculis liberis acutis.

P. glauca. *Fl. dan.* 6. t. 964. *Engl. bot.* 24. t. 1720.

β. latifolia panicula magis diffusa.

P. cæsia *Engl. bot.* 24. t. 1719.

Hab. in rupibus nemorosis inferalpinis Nordlandiæ passim; ut etiam ad Kalkisboud Lapponiæ Pitensis visa.

Uti mihi quidem videtur quasi media est inter præcedentem et sequentem speciem respectu formæ, sed colore glauco eximio ab utraque differt. Folia sæpius siccitate convolvuntur; sed in *β.* latiora et explanata persistunt, qualis plerumque in inferalpinis Nordlandiæ meridionalioris occurrit.

67. *POA nemoralis*: panicula angustata subsecunda, spiculis sublanccolatis subtrifloris asperis, flosculis acuminatis liberis.

P. nemoralis *Linn. svec. n. 85. Smith brit. 1. p. 106. Leers herb. 30. t. 5. f. 3. Flor. dan. t. 749. Gunn. flor. norv. n. 1027. p. 132. Gmel. sib. 1. p. 95. Lightf. scot. p. 98.*

Hab. in rupibus nemorosis totius Lapponiæ sylvaticæ et inferalpinæ passim.

Est varietas β . *Engl. bot. 18. ad. tab. 1265.* Ipsa vero tabula potius *P. glaucam* nostram exhibet.

FESTUCA.

Gen. plant. ed. Schreb. n. 119.

68. *FESTUCA ovina*: foliis setaceis, panicula secunda coarctata, spiculis sublinearibus aristatis.

F. ovina *Linn. svec. n. 91. lappon. n. 55. Leers herb. 32. t. 8. f. 3. Schrad. germ. 1. p. 319. Zoega island. — Lightf. scot. p. 101. Georgii flor. baikal. p. 197. Landt. færoens. —*

Poa foliis setaceis etc. *Gmel. sib. 1. p. 107. n. 42.*

β . *vivipara*: lævior succosiorque.

F. ovina β . *vivipara* *Linn. svec. n. 91. lappon. n. 56.*

F. vivipara *Smith brit. 1. p. 114. Engl. bot. 19. t. 1355.*

Hab. locis sicciusculis per universam Lapponiam tum sylvaticam ac alpinam usque in summas alpes adeo frequentissime ut nihil vulgatius.

Plerumque heic viridis est, nec rubet. Aristæ semper brevès adsunt.

Gramina pleraque in alpibus læviora et succosiora evadunt præcipue in locis madidis, ubi denique *vivipara* fiunt. Ne itaque omnes eorum varietates alpinas pro distinctis speciebus habeamus cavendum est.

69. *FESTUCA rubra*: foliis radicalibus filiformibus, panicula subcontracta, flosculorum arista brevior, radice subrepente.

F. rubra *Linn. svec. n. 92. Smith brit. 1. p. 116.*

Schrad. germ. 1. p. 329. Zoega island. —

Lightf. scot. p. 102. Engl. bot. 29. t. 2056.

β . spiculis latioribus villosis.

Hab. in pratis siccioribus et graminosis per partem sylvaticam omnium Lapponiarum frequenter, ut et per subsylvaticam passim; in inferalpinis frequentissime. Apud nos usque in alpina loca haud adscendit.

Panicula in gramine lapponico valde contracta et simpliciuscula, unde interdum *Bromum pinnatum* bene refert. Folia caulina in recenti gramine plana, sed exsiccatione convoluta evadunt. De cætero multis modis variat; spiculis tenuioribus, crassioribus, villosis e. s. p. idque uti videtur sine respectu loci solique. Semper his in locis viridis persistit, nec nisi Vesterbottniæ maturitate interdum rubet.

B R O M U S.

Gen. plant. ed Schreb. n. 120.

70. *BROMUS arvensis*: *Linn. svec. n. 97. lappon. n. 27.*

Hab. in agris Novaccolarum Lapponiæ meridionalis rarius: Linné.

71. *BROMUS secalinus* *Linn. svec. n. 96. lappon. n. 28.*

Hab. in agris Novaccolarum cum antecedente rarissime: Linné.

Obs. *Festuca* n. 29. Floræ Lapponiæ, quam ad *Bromum pinnatum* citat Linnéus, forsan ad *Festucam rubram* pertinet; sin minus valde dubito, quod ubique crescat gramen in Lapponia, quod vix Vermelandiæ et nullo modo in septentrionalioribus provinciis provenit.

A V E N A.

Gen. plant. ed. Schreb. n. 122.

72. *AVENA fatua* *Linn. svec. n. 101. lappon. n. 30.*

Hab. in agris Novaccolarum Lapponiæ meridionalis rarius: Linné.

73. *AVENA pratensis* *Linn. svec. n. 104. lappon. n. 31.*

Hab. in nemoribus graminosis raro: Linné; mihi tamen dubia videtur.

L O L I U M.

Gen. plant. ed. Schreb. n. 126.

74. *LOLIUM perenne* Linn. *svéc. n. 104. lappon. n. 32.*

Hab. in pratis agriculturalum Lapponiæ meridionalis commune: Linné.

T R I T I C U M.

Gen. plant. ed. Schreb. n. 130.

75. *TRITICUM caninum*: calycibus aristatis trinervi-
bus paucifloris, flosculis aristatis.

Tr. caninum Schrad. *germ. 1. p. 389. Smith brit. 1. p. 159. Gmel. sibir. 1. p. 122. n. 58. t. 27.*

Elymus caninus Linn. *svéc. n. 112. Zoega island. — Lightf. scot. p. 108.*

Hab. in lucis graminosis sicciusculis per universam fere Lapponiam præcipue inferalpinam Norvegicam passim, usque ad Kivikoski fluminis Tanæ et Kanetskoski fluvii Utsjokensis Lapp. Kemensis.

Gramen altum et conspicuum. Folia latiuscula longa. Spiculæ semper subcylindricæ, nervis elevatis notatæ. Aristæ flosculorum tenues setaceæ ipso flosculo fere longiores.

76. *TRITICUM repens*: calycibus subulatis muticis quinquenerviis multifloris, flosculis subulato-aristatis, radice repente.

T. repens Linn. *svéc. n. 114. lappon. n. 33. Schrad. germ. p. 390. Zoega island. —*

Gmel. sib. 1. p. 118. n. 55. Landt færoëns. — Georgii fl. baikal. p. 198.

Hab. ad domos inque cultis Novaccolarum totius Lapponiæ passim copiose; ut etiam ad littora deserta fluminis Ivalojoeki Kemensis repertum.

Occurrit quoque in Lapponia flosculis tum muticis ac aristatis, itaque in desertis caute a præcedente distingvendum. Spiculæ planiusculæ cito evadunt, longiores. Calyx vix unquam aristatus; flosculorum arista ubi adest fere subulata crassiuscula rigida et ipso flosculo multoties brevior. De cætero observatur semper in spica habitus quidam loliacens, quo facile a præcedente et Elymis distinguitur.

ELYMUS.

Gen. plant. ed. Schreb. n. 128.

77. ELYMUS *arenarius*: spica erecta, calycibus lanceolatis longitudine spiculæ, foliis convolutis rigidis.

E. arenarius Linn. *svec. n. 111. lappon. n. 34. Zoega island. Smith. flor. brit. 1. p. 53. Engl. bot. 24. t. 1672. optim. Landt færoens. — Pallas it. sibir. 3. p. 316. Georgii fl. baikal. p. 198.*

Hab. ad littora maris septentrionalis per totam Nordlandiam et Finmarkiam frequentissime; adscendit quoque in ripis arenosis fluminis Tana usque ad pagum Seida. Denique inventus est in media Lapponia sylvatica Umensi juxta Sorsele ad Skebecksudden aliisque locis fluminis Vindelensis copiose.

Luxuriose in his locis crescit præcipue ad ostia fluminum, ubi spicam ultra pollicem crassam acquirit semper vero rectam et ut in vulgari constructam.

MONTIA.

Gen. plant. ed. Schreb. n. 133. Gærtn. de fruct. 2. p. 220. tab. 129.

78. MONTIA *fontana* Linn. *svec. n. 115. lappon. n. 30. Engl. bot. 17. t. 1206. Zoega island. — Lightf. scot. p. 110. Landt færoens.*

Hab. locis humidis denudatis per partes sylvaticas et subsylvaticas omnium Lapponiarum svecicarum passim; ut etiam in campis humidis inferalpinis Nordlandiæ fere ubique.

KOENIGIA.

Gen. plant. ed. Schreb. n. 137. Gærtn. de fruct. 2. p. 212. tab. 128.

79. KOENIGIA *islandica*.

K. islandica Linn. *mant. 35. Flor. dan. 3. t. 418. Landt færoens. — Zoega island.*

Hab. locis subinundatis ad littora maris Vardöæ et in sinu Varanger parce. Norges Topographiske Journal 7 bind 24 heft pag. 120.

CLASSIS IV. TETRANDRIA.

GALIUM.

*Gen. plant. ed. Schreb. n. 162. Gærtn. de fruct. 1. p. 109.
tab. 24.*

80. *GALIUM verum* Linn. *svec. n. 123. lappon. n. 61. Olavs. it. island. p. 675.*

Hab. vix in Lapponia. Unicum tantum specimen pusillum in Lapponia Lulensi se invenisse dicit Linné, sed neque in proximis provinciis Sveciæ crescit supra Sundsvall Medelpadiæ.

81. *GALIUM boreale*: foliis quaternis lanceolatis trinerviis lævibus, caule erecto, seminibus hispidis.

G. boreale Linn. *svec. n. 124. lappon. n. 60. Lightf. scot. p. 116. Landt faeroens. — Fl. dan. 6. t. 1024. Olavs. it. island. p. 450. Pallas it. sibir. 3. p. 315. Georgii flor. bair. p. 199.*

Hab. ad littora lacuum et fluminum locis graminosis subhumidis per partem sylvaticam inferiorem Lapponiarum meridionalium utpote Umensis et Pitensis satis frequenter (haud vero supra lacum Rappen). Dein haud provenit antequam in Lapponia Kemensi, ubi e Fennonia proventa adscendit juxta flumina per partem sylvaticam et subsylvaticam totam usque ad Polmak et ultra sat frequenter. In pratis inferalpinis Nordlandiæ meridionalis frequenter provenit, haud vero supra præfecturam Saltensem.

Folia in summo septentrione interdum satis lata, obtusa et lævigata, adeo ut habitum nonnihil diversum acquirit planta. Fructus pilis densissimis rectis fere tomentosus. Caulis magis asper, ut etiam pedunculi.

82. *GALIUM palustre*: foliis quaternis obovato-lanceolatis inæqualibus obtusis, caulibus diffusis læviusculis, seminibus lævibus corolla minoribus.

- G. palustre* Linn. *svec.* n. 126. *lappon.* n. 59.
Willden. spec. 1. p. 585. *Lightf. scot.* n. 115.
Engl. bot. 26. t. 1857. bona. *Zoega island.*
 — *Georgii fl. baikal.* p. 199.

Hab. locis aquosis ad ripas etc. Lapponiæ infimæ sylvaticæ rarius.

Caules læviusculi vel mucronulis rarioribus retroveris exasperati, superne divisi fere in cymam. Flores in summo caule subcymosi, copiosiores: pedunculis trichotomis, divergentibus: ultimis folio brevioribus, semper lævissimis. Corollæ semper fructu majoribus.

83. *GALIUM trifidum*: foliis quaternis sublinearibus obtusis, caule procumbente hispido, seminibus lævibus nutantibus corolla trifida majoribus.

G. trifidum: *Flor. dan.* t. 48. *Willden. spec.* 1. p. 585.

Hab. locis uliginosis et paludosis per partem sylvaticam et subsylvaticam Lapponiæ passim.

Præcedenti revera affinis, quamquam habitu *G. uliginoso* similior. Caulis tenuis ut in *G. uliginoso*, et valde retrorsum hispidus. Folia minuta, ad basin marginibus hispidis. Flores plerique axillares subsolitarii, longius pedunculati: pedunculis arcuatis, hispidis. Semina duo leviter tantum connata, omnino lævia.

A Galio palustri utique distingvi meretur ob habitum procumbentem ne dicam repentem, pedunculos axillares s. laterales, capilli tenuitatis, arcuatos, semper hispidos, corollas dupplo minores.

84. *GALIUM uliginosum*: foliis senis lanceolatis retrorsum aculeatis mucronatis rigidis, fructibus scabris corolla minoribus.

G. uliginosum Linn. *svec.* n. 127. *lappon.* n. 58.
Willden. spec. 1. p. 595. *Lightf. scot.* p. 115.
Engl. bot. 28. t. 1972. *Landt faeroens.* —
Georgii fl. baikal. p. 199.

Hab. in campis humidiusculis ad rivulos etc. per partem sylvaticam ubique, usque ad subalpinam rarius: idque omnium Lapponiarum svecicarum; ut etiam in inferalpinis Nordlandiæ.

Caulis erectiusculus, retrorsum hispidus sed aculeis multo rarioribus vel remotioribus quam in præcedenti.

85. **GALIUM** *svaveolens*: foliis senis oblongis retrorsum hispidis, caule prostrato hispido, fructibus hispidis: pilis uncinatis.

G. triflorum Michaux amer. 1. p. 80. *Willden. hort. berol.* 1. tab. 66. (ramus).

Hab. ad rupes umbrosas locis subhumidis in Nordlandia inferalpina raro. A me copiose lectum ad pagum Dale in Sörfoldbotten præfecturæ Saltensis.

Magnitudine, odore et figura foliorum *Asperulam odoratam* satis refert; statura verum Galii *rotundifolii*, et asperities Galii *uliginosi* vel potius *Aparines*. Adeo undique retrorsum aculeatum est, ut etiam nudis digitis pertinaciter adhæret. Radix perennis. Caules numerosi, ex una radice fasciculatim nati, longi scil. bipedales et ultra, flaccidi ita ut supra gramen prostrati jacent, tetragoni, acutanguli, pilis vel parvis aculeis retrorsum versis admodum exasperati, simplices vel inferne præditi ramulis paucis brevibus apice floriferis. Folia semper sena, in verticillis distantibus posita, ultra pollicem longa et quatuor circiter lineas lata, oblongo-lanceolata, acuta, cum acumine molli, uninervia et obsoletius venosa, undique lævia sed marginibus pilis rigidis inferne retrorsum versis et crebrius positis valde adhærentia. Pedunculi axillares, plerumque bini e singulo verticillo per totam longitudinem caulis; breviusculi scil. foliis duplo longiores, nudi præter squamam involucrem, simplices et apice divisi in tres circiter pedicellos floriferos. Flores successive versus apicem caulis prorumpunt, ita tamen ut caulis apex semper foliosus nec floribundus. Corollæ minutæ ut in *G. uliginoso*, planiusculæ, albæ, germine suo hispido haud admodum majores. Pistillum germinis longitudine. Fructus pilis rigidis uncinatis longiusculis nitidis hispidus ut in *G. Aparine*, sed de cætero minor.

Obsuaveolentiam suam comparandum fore suspicor cum *Asperula odorata*; cujus folia duplo longiora, magis lanceolata ob æqualem fere undique latitudinem: marginibus inferne lævibus; caulis erectus, lævis, terminatus pedunculis pluribus, dein iterum iterumque fasciculatim divisis; corolla manifeste tubulata, in germine ininuto tunc læviusculo posita; Pistillum germine duplo longius; fructus

fructus multo major obsitus pilis crassiusculis sed rectis brevioribus mollibus et exsiccatione crispabilibus, ut potius pilosus vel tomentosus quam hispidus dicendus est. Ideoque nequeunt non abunde diversas esse.

Planta citata e Horto Berolin. nostræ exacte convenit, quod instituto examine accurato in Herbario Cel. Willdenovii deducimus; eademque suaveolentia gaudet. Nomen ob hanc proprietatem servavi. Flores semper albi.

86. *GALIUM Aparine*: foliis octonis lanceolatis scabris retrorsum hispidis, caule flaccido, fructibus uncinato-hispidis.

G. Aparine Linn. *svéc.* n. 45. *Smith brit.* 1. p. 180. *Engl. bot.* 12. t. 816. *Flor. dan.* t. 495. *Lightf. scot.* p. 117. *Georgii flor. baikal.* p. 199.

Hab. in agris Lapponiæ rarissime. Mihi visum est ad Idivuoma parœciæ Enontekis Tornensis, et ad Innerfösked præfecturæ Saltensis Nordlandiæ.

Geniculi caulis a confluentibus aculeis interdum quasi villosi apparent, haud vero semper. Fructus multo majores quam in præcedentibus.

PLANTAGO.

Gen. plant. ed. Schreb. n. 186. *Gærtn. de fruct.* 1. p. 236. tab. 51.

87. *PLANTAGO major*: foliis ovatis glabriusculis, scapo tereti, spica flosculis imbricatis, seminibus capsulæ plurimis.

P. major Linn. *svéc.* n. 129. *lappon.* n. 62. *Fl. dan.* 3. t. 461. *Olavs. it. island.* p. 430. *Lightf. scot.* p. 117. *Landt faeroens.* — *Georgii flor. baikal.* p. 199. *Flor. Kamtschatk. in Arct. Zool.* p. 194. *Penn. Arct. Zool. ad Nutka sound.* p. 241.

Hab. ad domos locis cultis stercoreatis partis sylvaticæ infimæ Lapponiarum passim; in districtu Kemensi infra pagum Kairavoupaja frequenter; ut etiam in Nordlandia meridionali copiose usque ad Salten. In Lapponia Umensi usque ad Sorsele adscendit.

Folia in his locis interdum scapo longiora. Scapus crassiusculus.

88. *PLANTAGO maritima*: foliis semicylindræis subintegerrimis basi lanatis, scapo tereti, spica cylindrica.

P. maritima Linn. *svec.* n. 133. *lapon.* n. 63. *Lightf. scot.* p. 118. *Landt faeroens.* — *Olavs. it. island.* p. 19. *Michaux amer.* 1. p. 94. *Pallas it. sibir.* 3. p. 33. 425. *Georgii fl. baikal.* p. 199.

Hab. ad mare septentrionale Nordlandiæ frequenter, et Finmarkiæ usque ad Nordcap parcius. Supra littora quidem passim adscendit, sed neutiquam usque in alpibus.

C O R N U S.

Gen. plant. ed. Schreb. n. 194. *Gærtn. de fructib.* 1. p. 126. tab. 26.

89. *CORNUS svecica*: herbacea, foliis omnibus oppositis sessilibus multinerviis: nervis basilariis.

C. svecica Linn. *flor. svec.* n. 139. *lapp.* n. 65. tab. 5. f. 3. *Flor. dan.* t. 5. *Lightf. scot.* p. 119. *Cranz groenland.* — *Falk russische Top.* 2. p. 118. *Pallas fl. ross.* 1. p. 52. *Flor. Kamtschatk. in Arct. Zool.* p. 194. *Landt faeroens.* —

Laponibus *Piädnak-muörje* (i. e. *Canis baccæ*).
Fennoniis *Enontekensibus Sia-marja*. *Svecis* et *Norvegis Svinbär*.

Hab. omnium vulgatissime locis umbrosis per partem sylvaticam et alpinam usque in lateribus inferioribus alpium totius Laponiæ etiam Norvegiæ æque ad Nordcap.

Nux ut in cæteris bilocularis, sed dissepimentum perforatum magnâ fenestrâ.

A L C H E M I L L A.

Gen. plant. ed. Schreb. n. 222. *Gærtn. de fruct.* 1. p. 346. t. 73.

90. *ALCHEMILLA vulgaris*: foliis novemlobis acute dentatis, corymbis terminalibus.

A. vulgaris Linn. *svec.* n. 141. *lapp.* n. 66. *Fl. dan.* 4. t. 693. *Zoega island.* — *Lightf. scot.* p. 120. *Landt faeroens.* — *Engl. bot.* 9. t. 597. *Falk russ. topogr.* 2. p. 120.

β. pubescens: foliis sericeis acute serratis.

A. pubescens Lamark.

Hab. in graminosis siccioribus per partem sylvaticam et subalpinam omnium Lapponiarum nec non in inferalpinis Norvegicis ubique vulgatissime; in salicetis alpium juxta rivulos quoque passim occurrit, sed nonnisi rarius ulterius adscendit.

β. in alpestribus apricis siccis passim occurrit.

91. *ALCHEMILLA alpina*: foliis digitatis obtusis apice serratis subtus sericeis. *Willden. enum. hort. berol.* p. 171.

A. alpina Linn. *svec.* n. 142. *lappon.* n. 67. *Zoega island.* — *Lightf. scot.* p. 120. *Flor. dan.* t. 49. *Gærtn. fruct.* 1. p. 346. t. 73. *Landt færoens.* —

Hab. ad rupes locis suboccultis in alpium meridionalium lateribus frequenter, in septentrionalium parcius; ut et in rupibus inferalpinis maritimis usque ad Nordcap passim copiose. In suecico latere infra ipsas alpes altiores nunquam descendit, utpote haud visa infra Givorten Lapp. Umensis, Peliekaise Lapp. Pitensis, Vallivare Lapp. Lulensis, Peltsanen Lapp. Tornensis.

POTAMOGETON.

Gen. plant. ed. Schreb. n. 234. *Gærtn. de fruct.* 2. p. 23. t. 84.

92. *POTAMOGETON natans*: foliis superioribus petiolatis ellipticis natantibus.

P. natans Linn. *svec.* n. 145. *lappon.* n. 68. *Zoega island.* — *Landt færoens.* — *Flor. dan.* t. 1025. *Lightf. scot.* p. 121. *Engl. bot.* 26. t. 1822. *Georgii fl. baikal.* p. 199.

Hab. in fluvliis pacificis et lacubus Lapponiæ sylvaticæ infimæ passim parcius: usque ad Ademjaur Lapp. Lulensis visum.

93. *POTAMOGETON perfoliatum*: foliis cordatis amplexicaulibus omnibus immersis. Linn. *svec.* n. 146. *lappon.* n. 69. *Flor. dan.* t. 136. *Lightf. scot.* p. 121. *Michaux amer.* 1. p. 101. *Georgii fl. baikal.* p. 199.

Hab. in fluviis per partem sylvaticam passim copiose, ut et subsylvaticam rarius ex. gr. in Idijoki Lapponiæ Enontekensis lectum et ad lacum Enare.

Folia semper basi admodum cordata, quamquam interdum de cætero satis oblongata; distincte nervosa: nervis præcipue tribus exstantioribus; Stipulæ exiguæ tenuissimæ angustæ, caulem vaginantes. Semina reticulata, magnitudine fere seminum Cannabis, apice insigniter incurvato s. retuso.

94. POTAMOGETON *gramineum*: foliis lineari-lanceolatis venosis stipula latioribus, pedunculis incrassatis foliis longioribus.

P. gramineum Linn. *suec.* n. 151. *lappon.* n. 70. *Lightf. scot.* p. 123. *Flor. dan.* 1. t. 222. *Herbar. Zierovogel.*

P. lanceolatum Engl. *bot.* 23. t. 1985.

P. gramineum latiusculum. *Celsii herb.* n. 597.

- β. *subnatans*: foliis superioribus latioribus attenuatis sessilibus subnatantibus.

Hab. in fluviis per partem sylvaticam et subsylvaticam totam vulgatus; unde etiam versus alpes longius adscendit quam sylva abietina et præcedens species scil. usque in Kamajoki Lapp. Lulensis; nec nisi in provinciis nostris septentrionalibus provenit.

Folia semper basi attenuata, magis venosa quam nervosa. Stipulæ angustæ quidem, sed longiusculæ, subpatentes vel a caule disjunctæ, nec adeo scariosæ ac in præcedente.

β. differt tantum foliis supremis latioribus et natantibus, tamen æque teneris ac reliqua folia. Flores semper virides, et petala germinibus multo longiora: quibus notis a *P. fluitante* Engl. *bot.* 18. t. 1286. facile dignoscitur. Multo magis differt a *P. heterophyllo* Engl. *bot.* 18. t. 1285.; quod nonnisi in Gottlandia legi et foliis superioribus re vera petiolatis ad *P. natans* accedit.

Nomen *gramineum* huic apprime convenit, quia *Sparganio natanti* seu nostro *gramini fluitanti* (Flotgräs) cæteris longe similis. Figura Engl. *bot.* cit. satis convenit quamquam tum folia ac pedunculi paullum breviora sunt quam in nostra planta. Floræ dan. figura citata plantam lapponicam bene refert. A *P. compresso* Linn. longe differt habitu multoties grandiore, foliis 2-4 lineas latis, pedunculis crassitie pennæ columbinæ, etc.

E Norvegico latere alpium lapponicarum nulum vidi Potamogeton, nec Gunnerus quoddam annotavit supra Nidrosiam crescens.

95. POTAMOGETON *pusillum*: foliis linearibus obtusiusculis uninervibus, seminibus acuminiatis. P. *pusillum* Linn. *spec.* n. 153. *Zoega island.* — P. *ramosum angustifolium.* Burs. *herb.* X. n. 121. Hab. in fundo lacuum et fluviorum Lapponiæ sylvaticæ infusæ passim. A me lectum in fluvio Lulensi ad Wuollerim alibique.

Sub profunda aqua sæpius crescit more Confervarum, ubi nunquam superficiem attingit et tamen fructificat.

S A G I N A.

Gen. plant. ed. Schreb. n. 236. *Gærtn. de fruct.* 2. p. 225. tab. 129.

96. SAGINA *procumbens*: caulibus procumbentibus glabris, pedunculis axillaribus, petalis brevissimis.

S. *procumbens* Linn. *spec.* n. 155. *lappon.* n. 157. *Willden. spec.* 1. p. 718. *Gmel. sib.* 4. p. 159. *Georgii flor. baikal.* p. 199. *Lightf. scot.* p. 125. *Landt faeroens.* — *Zoega island.* — *Smith. flor. brit.* 1. p. 199. *Engl. bot.* 13. t. 880.

Hab. ad domos, vias et ripas fluminum Lapponiæ sylvaticæ passim; ut etiam in inferalpinis Nordlandiæ et Finmarkiæ usque ad Kistrand.

Ubi læte crescit caules supra terram satis longe excurrunt, et ex axillis foliosis undique pedunculos erigunt, quorum apices proxime sub floribus infracti sunt unde flores nutantes evadunt quamquam pedunculi stricti. Folia linearia et plana (nec subulata ut in *Spergula saginoide*), patentia. Flores ob petala calyce duplo breviora et stamina pauca valde inconspicui sunt. Capsula calyce parum longior. Hisce notis a *Spergula saginoide* satis differt; cujus descriptionem suo loco conferas. Ad Kistrand legi multa specimina numero quinario partium fructificationis insignia.

TILLAEA.

Gen. plant. ed. Schreb. n. 237.

97. *TILLAEA aquatica*: caule erecto, foliis linearisubulatis, floribus sessilibus.

T. aquatica Linn. svec. n. 156. Willden. spec. 1. p. 720. Zoega island.

Sedum minimum annuum, flore roseo tetrapetal. *Linn. lappon. n. 196.*

Hab. in ripis fluminum ex. gr. Lulensis copiosissime: *Linne'*; a me nec ibi nec in aliis provinciis Sveciæ borealis visa.

Caulis interdum prope radicem ramulos paucos exserit, de cætero simpliciusculus. Flores in axillis foliorum alterni: interdum fasciculo foliorum opposito. Folia planiuscula sed e connata basi sensim angustata in apicem subulatum.

C L A S S I S V. P E N T A N D R I A.

M Y O S O T I S.

Gen. plant. ed. Schreb. n. 240. Gærtn. de fruct. 1. p. 328. tab. 68.

98. *MYOSOTIS scorpioides*: seminibus lævibus, racemis subbracteatis, foliis glabriusculis. *Willden. spec. 1. p. 746.*

M. scorpioides β . *palustris Linn. svec. n. 157. lappon. n. 75. Smith. brit. 1. p. 212. Flor. dan. t. 585. Landt faeroens. — Zoega island. — Lightf. scot. n. 152. Gmel. sib. 4. p. 75. Georgii fl. baikal. p. 200.*

Hab. in pratis et graminosis etiam sicciusculis per omnes partes universæ Lapponiæ usque in lateribus superioribus alpium vulgaris.

Radix perennis. Caules plures ex una radice, simpliciusculi. Racemus inferne bracteis nonnullis ornatus, quæ tamen pedunculos haud fulcrant, sed cum iis alternant vel eos opponuntur. Calyx quod ad maximam partem glaber et lævis.

99. *MYOSOTIS arvensis*: seminibus lævibus, racemis ebracteatis, foliis hirtis.

M. arvensis *Spec. plant. ed. Willd.* 1. p. 747.
Roth. germ. 2. p. 222.

M. scorpioides *æ. arvensis* *Linn. spec. n.* 157. *lappon. n.* 74.

Hab. in Lapponia Lulensi rarius: Linné. In agris Vesterbottniæ eam vulgarem vidi, haud vero in Lapponia; ideoque loco admodum a præcedente differt.

Radix annua. Caulis solitarius, inferne simpliciusculus, superne in plures racemos nudos divisus. Calyx pilis uncinatis hirtus, quod pro optimo caractere speciei habeo. Flores minores.

100. *MYOSOTIS deflexa*: seminum marginibus membranaceis in lacinias glochidatas divisus, pedunculis deflexis subebracteatis. *Wahlenb. in Act. Stockholm.* 1810. p. 113. t. 4.

Hab. in radicibus alpium umbrosis ad rupes, locis calidioribus versus meridiem positis, rarius. Lecta tantum est juxta Balsfjord paroeciæ Tronsöensis Nordlandiæ, et ad latus meridionale montis Njammats juxta Quickjock; idque copiose *M. scorpioidi* innixta. Suspisor eam haud ita raram esse, sed quum *scorpioidi* simillima sæpius prætervisam. In ruderatis et ad domos haud crescit uti reliquæ species aculeatæ.

Toto habitu *M. scorpioidi* simillima, ut sub florescentia prima nonnisi hirsutie sua patente distinguatur. Huic etiam affinitate propius accedere crediderim quam aculeatis speciebus; cui sententiæ favent glochides e marginibus membranaceis natæ, nec in latere seminum positæ.

Radicem biennem esse docuit cultura annis 1808 et 1809 instituta tum in Horto Upsaliensi ac Bergiano Stockholmæ. Caules plures ex una radice, semipedales, pedales et ultra, erecti, inferne simplices; superne ramulis nonnullis lateralibus erectis gracilibus racemiferis. Hirsuties in caule et reliquis partibus patens vel horizontalis, de cætero ejusdem fere indolis ac in *M. arvensi*. Folia oblongo-lanceolata, magnitudine circiter pollicaria. Racemi longi, graciles, erecti, hirsutie adpressa. Bracteæ in racemi parte inferiore paucæ, peduncu-

lis breviores, in latere inferiore rachidis pedicello oppositæ vel ad latus ejus insertæ. Pedicelli in latere superiore rachidis inserti, post florescentiam ad inferiora deflectuntur toti fere ad perpendicularum, et calyce quadruplo circiter longiores evadunt. Flores magnitudine et colore ut *M. scorpioidis*. Perianthium quinquesidum, hirtum (hirsutie tamen haud uncinata ut in *M. arvensi*): laciniis fructu grossificante divaricatis vel reflexis longitudine fere seminum. Semina ovata; exteriori facie convexa, apiculis tenuissimis rigidis hispidula; undique cincta marginibus simplicibus membranaceo - corneis, in viginti et ultra lacinias apice glochidatas divisisque infra medium; lateribus interioribus lævibus. Receptaculum seminibus duplo fere brevius, pistillo emarcido terminatum.

Ut melius distingvatur utile quidem puto, quod aliarum specierum characteres melius exponuntur.

M. virginiana: seminibus undique aculeato-glochidibus, fructibus pedunculatis nutantibus, ramis divaricatis. De cætero notandum quod radix annua, folia magna glabriuscula et tantum scabra, flores albi.

M. echinophora: seminibus undique aculeato-glochidibus, fructibus pedicellatis erectis bracteatis, foliis lanceolatis albo - pilosis. De cætero radix annua, semina multo longiora.

M. Lappula: seminibus undique aculeato-glochidibus, fructibus subsessilibus bracteatis, foliis lanceolatis albo - pilosis. Semina præter glochides in utroque latere callis obtusis adspersa sunt, et breviora quam in præcedente. Aculei seminum multo duriora quam in *M. deflexa*.

LITHOSPERMUM.

Gen. plant. ed. Schreb. n. 241. Gærtn. de fruct. 1. p. 327. tab. 67.

101. LITHOSPERMUM *arvense* Linn. *svæc. n. 160. lappon. n. 73.*

Hab. in agris Novaccolarum Lapponiæ meridionalis rarius: *Linne'*. Haud vero in Lapponia cicur occurrit.

P U L M O N A R I A.

Gen. plant. ed. Schreb. n. 244.

102. *PULMONARIA maritima*: glaberrima, caule ramoso procumbente; foliis carnosis, calyce tubum corollæ æquante.

P. maritima Linn. *spec. plant.* p. 195. *Lightf. scot.* 1. p. 134. tab. VII. *Landt faeroens.* — *Zoega island.* — *Flor. dan.* t. 25. *Gunner. norveg.* n. 17.

P. parviflora Michaux *flor. amer.* p. 131?

Hab. in littoribus maris glareosis exterioribus (nec versus fundum sinuum) per Nordlandiam passim copiose, ut et Finmarkiam ex. gr. in Väjnåset prope Kistrand Pörsangriæ et in Vardöa.

Calyx in hac neutiquam abbreviatus, sed tubo corollæ fere longior; ideoque præstat Pulmonarias dividere in hirsutas et glaberrimas. Re vera affinis est *P. virginianæ*, sed folia ita carnosa ut nequit non facillime distingvi. *P. parviflora* Mich. secundum differentiam ejus quod ad singulas partes huic *P. maritimæ* optime convenit.

A S P E R U G O.

Gen. plant. ed. Schreb. n. 249.

103. *ASPERUGO procumbens*: calycibus fructus compressis.

A. procumbens Linn. *svec.* n. 160. *lappon.* n. 76. *Lightf. scot.* p. 135. *Flor. dan.* 4. t. 552. *Engl. bot.* 10. t. 661. *Falk russische Topogr.* 2. p. 124.

Fennonicibus Tornensibus *Vieri-heina*.

Hab. in cultis ad domos Novaccolarum per partem sylvaticam Lapponiarum svec. passim copiose, ut et Nordlandiæ passim. In Lapponia Kemensi haud visa est.

L Y C O P S I S.

Gen. plant. ed. Schreber. n. 250.

104. *LYCOPSIS arvensis* Linn. *svec.* n. 167. *lappon.* n. 77.

Hab. in agris Lapponiæ meridionalis copiose: Linné. neque ibi nec in adjacentibus provinciis a me visa.

DIAPENZIA.

Gen. plant. ed. Schreb. n. 255.

105. *DIAPENZIA lapponica. Linn. svec. n. 169. lappon. n. 88. tab. 1. f. 1. Flor. dan. t. 47. Crantz groenland. — Rottb. pl. groenl. in Act. Hafn. X. p. —.*

Icon tab. nostr. IX. (fruct.)

Hab. per totum alpium jugum in campis elevatis et collibus nive fere nunquam tectis vulgatissime; ut etiam in maritimis alpinis Norvegiæ per insulas promontoriaque extima usque ad Nordcap frequenter; nec non in montibus alpinis jugo propius sitis per partem subalpinam et subsylvaticam Lapponiarum svecicarum passim usque in Kalkisboub Lapponiæ Pitensis, Snirrak Lapponiæ Lulensis et Lammastunturi Lapponiæ Tornensis. Infra alpes nunquam descendit nec in radicibus alpium unquam invenitur; sed solo alpino quam maxime frigori exposito sibi exposcit, et ubi illud invenitur etiam in collibus planitiei juxta mare crescit ex. gr. ad templum Rörstad Nordlandiæ Saltensis.

Floret per totum mensem Julii ultraque et albedine insigni alpes admodum ornat. Ipsa planta omnium plantarum perfectiorum frigori patientissima est, utpote quæ in campis maxime perflatis et ideoque nive fere nunquam tectis persistere potest per totam dirissimam hiemem viridis. Dum per alpes elatos sub intensissima hieme profectus sum hujus plantæ cæspites foliosas undique vidi denudatas et æque virides ac æstate. Anatomem ideoque institui foliorum Rörstadiæ degens, et reperi in costa dorsali nonnisi pauca vasa lignea sine ullo vestigio ductuum spiraliū; cellulosa quam maxime utriculosa vel potius granulosa est.

Radix primaria sub terra alte defigitur estque angusta satis et attenuata, submollis nec lignosa. E vertice ejus surgunt rami teretes, longiusculi, oblique per terram adscendentes divergendo, qui cum terræ superficiem tangunt expanduntur in cæspitulos foliosos perennes. Primaria autem radix sub terra alte latens, per hos ramos vel caudices plures adscendentes latam, crassam et convexam cæspitem

generat, adeo duram ut vix sub pedibus deprimitur. Quamquam itaque mollitie sua ad herbas pertinet hæc planta, valde ramosa est et longæva foliisque revera perennibus instruitur, cujus exemplum aliud scio nullum. Est tota paradoxa: radix et caudices quasi herbæ est, sed folia fruticis quam maxime sempervirentis. Haud ideoque mirum si eam ad illos ordines naturales retulerunt Botanici, qui herbis constant; in qua opinione firmati fuerunt a corolla tubulata staminibus tubo impositis. Fructus vero et semina optime cum Bicornibus conveniunt, ut me iudice planta nequit non esse Azaleis proxime affinis. Anatome fructus more Gærtneriano instituta sequens est.

Per. Capsula supera, calyce parum brevior, ovata, acuta, stylo coronata, cartilaginea, rotundato-trigona, trilocularis, trivalvis: valvulis vix ad basin separatis. Dissepimenta medio valvularum inserta atque valleculis capsulæ externis respondentia, a columna centrali supra centrum capsulæ sese separantia dum dehiscit capsula, sed ad centrum et infra firmiter cum columna centrali connata.

Recep. in singulo loculamento singulum, axi capsulæ firmiter adnatum et superne bilobum, inferne liberum vel a columna centrali solutum et undique seminibus tectum; de cætero oblongum, fungosum, luteolum, favosum.

Sem. plura, minuta, subcubica vel subrotunda, rufescentia, areolata.

Integ. simplex, membranaceum, tenue.

Album. semini conforme, albidum, friabile vel grumosum.

Embr. oblongus, albidus, centralis. *Cotyl.* sulco exiguo divisæ. Rad. crassa, centripeta.

Explicatio iconis: a. A. capsula apice dihiscentis, naturali et aucta magnitudine. B. capsula aperta superne visa. C. ejus sectio transversalis per centrum. D. ejus sectio transversalis infra centrum, qua receptacula libera manifestantur. E. capsula e latere visa, postquam demta est valvula anterior, quo situs et figura receptaculorum visui patent. F. sectio longitudinalis per columnam capsulæ et receptaculum unum, quâ fovea in

media axi indigitatur. g. G. Semina. H. semen unum longitudinaliter dissectum in eodem situ ac Fig. F. — I. Seminis sectio transversalis. K. Embryo separatus. •

ANDROSACE.

Gen. plant. ed. Schreb. n. 257. Gærtn. de fruct. 1. p. 232. tab. 50.

106. ANDROSACE *septentrionalis*: *Linn. fl. svec. n. 170. lappon. n. 78. Falk russische Topogr. 2. p. 125.*

Hab. in alpidibus Lulensibus rarissime; *Linnéus* bis hanc plantam legit, ego vero nunquam.

PRIMULA.

Gen. plant. ed. Schreb. n. 258. Gærtn. de fruct. 1. p. 233. tab. 50.

107. PRIMULA *farinosa* β. *stricta*: foliis dentatis subtus glabriusculis denudatisve, calyce leproso, corollæ tubo exserto laciniis limbi longiore.

Pr. *farinosæ* var. *Linn. svec. n. 172. lappon. n. 79. Olavs. it. island. p. 940. Pallas it. sibir. 5. p. 225. Georgii fl. baikal. p. 200.*

P. *stricta* *Horneman in Flor. dan. 8. t. 1385. bona.*

Hab. in graminosis inferalpinis subhumidis per totam Nordlandiam nec non Finmarkiam occident. et orientalem passim parcius; unde rarissime in alpidibus adscendit ex. gr. ad Sorjäsjauri alpium Lulensium lecta est.

Varietas hæc vere memorabilis in sola Lapponia occurrere videtur. Folia majora quam in vulgari, evidenter dentata, subtus adeo omni farinâ destituta ut vix nisi in infimis vestigia quædam lepræ albicantis prope costam adsunt. Caulis sæpe pedalem altitudinem attingit. Calycis laciniæ externe rugulosæ vel nodulosæ, ad magines et præcipue intus pulvere leproso grandiore oblectæ, nec adeo tenui pruina farinosa ornatae ac in vulgari. Corollæ tubus calyce duplo longior: limbi laciniis tubo minoribus et angustioribus, leviterque emarginatis. Figura *Flor. dan.* optime nostræ plantæ convenit.

108. PRIMULA *finmarkica* *Willden. spec. pl. p. 806. P. norvegica Retz. scand. ed. 2. n. 249.*

P. integrifolia Gunner. *fl. norv.* n. 154. *Oed. Fl. dan.* tab. 188. *Retz. scand.* 1. p. 39. *Georgii fl. baikal.* p. 200?

Hab. Finmarkiæ occidentalis ad Hasvig; item in Maasöen anno 1759 mense Junii lecta ab Ep̄sc. Gunnero. Ad eundem anno 1764 ex Vardöa Finmarkiæ orientalis missa. Deinde nullibi lecta est.

MENYANTHES.

Gen. plant. ed. Schreb. n. 263. *Gærtn. carpolog.* 3. p. 112. tab. 198. f. 9.

109. *MENYANTHES trifoliata*: foliis ternatis. *Linn. fl. svec.* n. 175. *lappon.* n. 80. *Engl. bot.* t. 495. *Lightf. scot.* p. 157. *Landt færoens.* — *Fl. dan.* 4. t. 541. *Olavs. it. island.* p. 18. *Michaux amer.* 1. p. 125. *Georgii fl. baikal.* p. 201. *Falk russ. Topogr.* 2. p. 126.

Lapponibus *Krasso*.

Hab. in paludibus et humidis per partem sylvaticam omnium Lapponiarum svecicarum vulgatissime, per subsylvaticam et subalpinam etiam sæpius copiose; et in inferalpinis maritimisque Norvegicis usque versus Nordcap copiosissime.

LYSIMACHIA.

Gen. plant. ed. Schreb. n. 269. *Gærtn. de fruct.* 1. p. 229. tab. 50.

110. *LYSIMACHIA vulgaris*: paniculata, foliis ovato-lanceolatis acutis. *Linn. svec.* n. 175. *lappon.* n. 81. *Lightf. scot.* p. 138. *Engl. bot.* 11. t. 761. *Georgii fl. baikal.* p. 201. *Falk russ. Topogr.* 2. p. 126.

Hab. in Lapponia meridionali sylvatica infima rarius: *Linne*; ego tantum in Vesterbottnia Lapponiæ accedens vidi eam.

111. *LYSIMACHIA thyrsiflora*: racemis lateralibus pedunculatis. *Linn. svec.* n. 176. *lappon.* n. 82. *Flor. dan.* t. 517. *Gmel. sibir.* 4. p. 87. n. 39. *Krock. flor. siles.* 1. p. 308. t. 37. *Persoon. synops.* 1. p. 172.

Hab. in rivulis et lacubus per partem sylvaticam inferiorem omnium Lapponiarum svecicarum passim copiose. Haud visa est supra Kellojärvi Ke-

mensis, Muonioniska Tornensis, Jockmock Lulensis, Kalkis-jaur lapponiæ Pithensis, et Lycksele Lapponiæ Umensis.

A Z A L E A.

Gertn. de. fruct. plant. 1. p. 301. tab. 63.

112. *AZALEA procumbens*: trunco depresso procumbente, foliis margine revolutis oblongis sempervirentibus:

A. *procumbens* *Linn. svec.* n. 179. *lappon.* n. 90. tab. 6. f. 2. *Olavs. it. island.* p. 940. *Cranz groenland.* — *Lightf. scot.* p. 139. *Landt færoens.* — *Engl. bot.* 13. t. 865. *Gmel. sibir.* 4. p. 126. n. 12. *Flor. Kamtschatk. in Arct. Zool.* p. 194. *Georgii fl. baikal.* p. 201.

Hab. in lateribus præcipue inferioribus omnium alpium et in montibus subalpinis etiam a jugo alpium remotioribus ubique frequentissime: uti in Givorten Lapp. Umensis, Kalkisboud Lapp. Piten-sis etc. scil. locis siccioribus sterilibus; summa autem alpium cacumina non petit, nec extimas insulas versus Nordcap, ubi ante Diapenziam desistit. In radices alpium et loca inferalpina extralpinaque nunquam descendit.

Folia subtus tomento tenuissimo e pilis erectis apice parum curvis obducta; tamen costa dorsalis lata glabra. Corolla alba: laciniis roseis. Capsula uti Gærtnerus scripsit plerumque bilocularis, rarius trilocularis et nunquam ultra; sed valvulis in medio tam profunde fissis, ut capsula quadrivalvis vel sexvalvis dici debet. Dissepimenta a marginibus valvarum inflexis formata, supra centrum capsulæ a columna media soluta sunt, sed infra cum columna ita connata ut ab eadem nunquam solvantur; itaque apertura capsulæ perexigua foret, nisi dehiscentia valvulæ simul in medio dorso ita ut singulum loculamentum quoddammmodo binis valvulis constituitur. Ex hisce patet, quod in bivio revera stat inter Jussieui Rhododendra et Ericas, tamen vix dubito quin Ericis propior est. Quousque Azalæ nobis extraneæ huic respectu fructus conveniunt dubito;

Azalea lapponica autem omnibus partibus ita *Rhododendris* convenit ut nequit non iis adnumerari.

POLEMONIUM.

Gen. plant. ed. Schreb. n. 289. Gærtn. de fruct. 1. p. 299. tab. 62.

113. *POLEMONIUM cæruleum*: foliis pinnatis, panicula stricta, calycibus corollæ tubo longioribus subtomentosis.

P. cæruleum *Linn. svec. n. 183. lappon. n. 86. Flor. dan. t. 255. Falk russ. Topogr. 2. p. 127. Pallas it. sibir. 3. p. 319. 253. Gmel. sib. 4. p. 103. t. 50. Flor. Kamtschatk. in Arct. Zool. p. 194. Penn. arct. Zool. ad Nutka fund. p. 241. Georgii flor. baikal. p. 201.*

Hab. in pratis udis et ad ripas fluviorum per partem sylvaticam et subsylvaticam Lapponiæ Tornensis et Kemensis vulgarissime; etiam in parte subalpina passim copiose usque ad Polmach Finmarkiæ orientalis.

Longe speciosior ibi mihi visa est quam in hortis nostris, corollis magnis saturatius cæruleis superbiens.

Capsula uti Gærtnerus eam describit quoad divisionem similis *Diapenzia*, sed receptaculum illud insigne desideratur, ita ut dictitante facie perbene diversi ordinis nat. esse possunt.

CAMPANULA.

Gen. plant. ed. Schreb. n. 290. Gærtn. de fruct. 1. p. 153. tab. 31.

114. *CAMPANULA uniflora*: caule unifloro, fructibus corolla majoribus membranaceo - angulatis ciliatis.

C. uniflora *Linn. svec. n. 185. lapp. n. 85. tab. 9. f. 5. 6. Rottboel pl. groenl. in Act. hafn. V. X. p. 432. tab. VI. f. 19. bona.*

Hab. in alpinis Lulensibus earumque lateribus declivis herbosis rarius, ex. gr. ad Virih-jaur pluribus locis copiose; ut etiam in Pitensibus alpinis lecta a Solander, nec non in Tornensibus rarissime visa.

Floribus suis saturate et pulchre cæruleis e longingvo detegitur et facillime a *Camp. rotundifolia* distinguitur. Radix perennis sub terra profunde latet, teretiuscula vel subfusiformis, valida; e cujus vertice oblique surgunt multi stolones foliosi, et alii cauliferi (uti in Act. hafn. l. c. satis bene depicta est), cum nonnullis emarcidis præteritorum annorum mixti. Folia stolonum foliosorum ovalia, obtusa, subpetiolata, subintegerrima; caulium inferiora sunt oblonga, leviter crenata obtusiuscula, glaberrima: suprema lanceolata vel sublinearia, sparsa. Caulis florifer sesquipollicaris, fructifer usque ad spithamam longitudinem extenditur, strictus, superne parum pilosus. Flos cernuus, magnitudine fere *Lobeliæ Dortmannæ*. Germen oblongum ipsa corolla parum brevius, angulis submembranaceis pilosis vel ciliatis. Calycis laciniae fere duplo breviores quam corolla, latiusculæ, ciliatæ et dorso pilosæ. Corolla angustata vel coarctato-campanulata, parvula, saturate cærulea. Capsula elongato-turbinata, flore multo longior utpote semipollicaris, angulis senis submembranaceis pilosis undique stipata.

Differt a *C. cenisia*: corolla multo minore, capsula longiore, flore cernuo, foliis caulinis sublinearibus; a *C. pulla* calyce ciliato etc.; a *C. Bellardi* foliis haud serratis; et ab omnibus his ni fallor fructu membranaceo-angulato.

115. *CAMPANULA rotundifolia*: glabra, foliis radicalibus reniformibus, caulinis linearibus integerrimis.

C. rotundifolia Linn. *svæc.* n. 184. *lapp.* n. 83. *Engl. bot.* 13. t. 866. *Lightf. scot.* p. 141. *Landt færoens.* — *Olavs. it. island.* p. 429. *Michaux amer.* 1. p. 108. *Pallas it. sibir.* 3. p. 33. 286. *Georgii fl. baikal.* p. 201.

β. *linifolia*: foliis caulinis latioribus, radicalibus longioribus, caule subunifloro. Linn. *fl. lapp.* n. 84.

C. uniflora Flor. dan. t. 189.

Hab. in parte sylvatica Lapponiarum meridionalium svecicarum ubique et in Kemensi tota frequenter, nec non in pratis inferalpinis Nordlandiæ Finmarkiæ-

kizæque vulgaris; sed in Lapponia Tornensi altiore haud visa.

β. in radicibus et lateribus alpium præcipue Norvegiam versus vulgaris.

β. a *C. uniflora* Linn. facillime dignoscitur germine suo brevi et parvo obovato lævissimo, colore corollæ diluto etc.; sed magnitudo corollæ ita ludit ut interdum minor quam in præcedente. De cæterone quidem affines, ita ut dum nota est præcedens vera ne quidem comparari queant. In nostris alpiibus semper glaberrima est, et sola varietas plantæ vulgaris.

116. *CAMPANULA latifolia* β: foliis ovato-lanceolatis subscabris, caule simplicissimo tereti, pedunculis unifloris, fructibus cernuis, flore albo.

C. latifolia Flor. dan. t. 85. Gunner. fl. norveg. n. 55. Lightf. scot. 141.

Hab. in lucis amœnissimis umbrosissimis ad radices alpium Nordlandiæ meridionalis passim. A me lecta est ad Skönstugan Nordlandiæ Saltensis.

In Norvegia flore omni ætate albo, qualis tab. 85., occurrit; sed in Dania flore cæruleo et in album et griseum vergente ut tab. 782. *Obs. Flor. dan.* 5. ad 782. Hirsutior est hæc varietas norvegica quam vulgaris svecica planta; editur quoque Brassicæ instar a Lapponibus unde concludo eam quoque mitiorem esse.

R H A M N U S.

Gen. plant. ed. Schreb. n. 358. Gærtn. de fruct. 2. p. 111. tab. 106.

117. *RHAMNUS Frångula* Linn. flor. svec. n. 205. lappon. n. 92. *Pallas fl. ross. 2. p. 23.*

Hab. ad rivulos in sylvatica parte infima Lapponiarum meridionalium rarius, ex. gr. ad Kåskats Lapponiæ Lulensis: *Linné.* Mihi haud obvius fuit.

R I B E S.

Gen. plant. ed. Schreb. n. 390.

118. *RIBES rubrum*: inerme, racemis glabris pendulis, floribus planiusculis subebracteatis, foliis obtuse quinquelobis.

R. rubrum Linn. svec. n. 205. lappon. n. 98. *Flor. dan. 6. t. 967. Pallas fl. ross. 2. p. 35. Flor. Kamtschatk. in Arct. Zool. p. 194.*

Georgii fl. baikal. p. 202. *Pallas it. sib.* 3. p. 316. *Lightf. scot.* p. 263. *Engl. bot.* 18. t. 1289.

β. foliis magis pubescentibus.

R. petræum. *Smith. brit.* 1. p. 265. *Engl. bot.* 10. t. 705.

Lapponibus *Jerjek.* Fennonibus *Winamarja.*

Hab. α. infra radices alpium locis nemorosis per Nordlandiam et Finmarkiam usque ad Polmach passim copiose.

β. locis umbrosis in sylvatica parte Lapponiarum svecicarum omnium satis frequenter. Usque ad Quickjock in Lapponia Lulensi procedit.

Quod in Norvegia crescit glabrius est omnino uti hortense; interdum quoque subtus sublucidum. Tum Svecicum ac Norvegicum variant floribus plus minus rubro-punctatis nunquam vero tam viridibus ac in *Engl. bot.* 10. t. 705. Racemi in utroque æque penduli et subebracteati, et baccæ exacte ut in hortensi; itaque nequeunt tum ab hortensi tum a se invicem separari. Quousque *R. petræum Wulf.* a *R. rubro* distingui potest haud judicam, verum ad *R. alpinum* haud accedit noster.

119. *RIBES nigrum*: inerme, racemis pilosis pendulis, floribus oblongis.

R. nigrum Linn. svec. n. 207. *lapp.* n. 99. *Engl. bot.* 18. t. 1291. *Flor. dan.* 4. t. 556. *Pallas it. sibir.* 3. p. 16. *Georgii flor. baikal.* p. 202. *Lightf. scot.* p. 148.

Fennonibus *Ludin-marja.*

Hab. locis humidis umbrosis in Lapponia Kemensi sylvatica usque ad templum Sodankylä passim copiose.

120. *RIBES alpinum*: inerme, racemis erectis, bracteis flore longioribus.

R. alpinum Linn. svec. n. 206. *lapp.* n. 97. *Vahl Flor. dan.* 968. *Lightf. scot.* p. 263. *Gmel. sibir.* 3. p. 173. *Pennant. Arct. Zool. ad Nutkasund* p. 241.

Hab. in sylvatica parte Lapponiarum: *Linné*; in sylvis Nordlandiæ: *Vahl.*

G L A U X.

Gen. plant. ed. Schreb. n. 408. Gært. de fruct. —

121. *GLAUX maritima* Linn. *fl. svec. n. 210. lappon. n. 72. Olavs it. island. p. 166. Michaux amer. 1. p. 114. Lightf. scot. p. 147. Fl. dan. 4. t. 548. Georgii fl. baikal. p. 202. Falk russisch. Topogr. 2. p. 138.*

Hab. in littoribus maris septentrionalis Nordlandiæ passim; ut etiam Finmarkiæ in Porsangria visa.

C H E N O P O D I U M.

Gen. plant. ed. Schreb. n. 435. Gært. de fruct. 1. p. 360. tab. 75.

122. *CHENOPODIUM album*: foliis rhomboideo-ovatis erosis postice integris: superioribus oblongis integerrimis, seminibus lævibus. *Smith. britt. 1. p. 275.*

Ch. album Linn. *svec. n. 218. Flor. lapp. n. 93. Georgii baikal. p. 202. Engl. bot. 24. t. 1723.*

Hab. locis cultis ad domos per totam Lapponiam usque ad Kistrand Finmarkiæ passim copiose.

G E N T I A N A.

Gen. plant. ed. Schreb. n. 450. Gært. de fruct. 2. p. 159. tab. 114.

123. *GENTIANA involucrata*: corollis subquinquefidis infundibuliformibus acuminatissimis fauce nudis, floribus aggregatis involucratis, caule tetragonobasi ramoso.

G. involucrata Rottboel. in *Act. Hafn. X. p. 434. t. 1. f. 2. A. B. Retz. obs. 1. pag. 13.*

G. aurea Linn. *spec. plant. p. 331. Willden. spec. 1. p. 1339. Flor. lapp. ed. Smith. p. 65.*

G. quinquefolia *Flor. dan. t. 344. Zoega island.*

Hab. ad littora maris septentrionalis in pratis depressis herbosis per totam Nordlandiam et Finmarkiam passim. Lecta est ad Sörfolden Saltensem, ad Lyngen, in Maasöa et Varangria Finmarkiæ; nec raram esse puto, quia difficillima est lectu inter herbas altiores crescens nullis floribus coloratis sese insigniens. In alpinis neutiquam provenit, sed etiam lecta est ad sinum bottnicum Umoæ.

Cæteris nostris speciebus neutiquam affinis, neque habitu similis. Folia ad radicem parva, vix unguicularia, oblonga; sed in superiore parte caulibus adsunt folia involucralia sub floribus posita, multoties majora, late ovata, acuta, quinquenervia, haud amplexicaulia neque basi connata. Rami prope radicem numerosi, adscendentes, tenues, simpliciusculi, flore uno alterove terminati caule duplo breviores. Caulis de cætero simplex, nudus vel aphyllus (exceptis paucis foliis flores fulcrantibus), quadrangulus, dodrantalus. In medio caule plerumque adsunt duo magna folia involucralia, cum floribus tribus quatuorve pedunculatis; in supremo caule flores numerosi aggregati sunt in capitulum pluribus foliis fulcratum. Calyx ad medium 5fidus: laciniis oblongis, corolla fere longioribus. Corolla semper alba etiamsi sine candore, parva: tubus brevis vix calycis tubo longior: laciniæ acuminatæ erecto-patentes. Capsula calyce parum longior, obtusior quam in cæteris.

Hujus affines species in America boreali quærendæ sunt. A *G. quinquefolia* Linn. abunde diversa, quæ *aphyllæ* similis est. Quum flores neutiquam aurei nisi male exsiccati sunt, necessarium puto nomen Linnæi rejicere.

124. *GENTIANA nivalis*: corollis quinquefidis infundibuliformibus, fauce nuda denticulo laciniis interjecto, calycibus carinato-quinquangularibus, ramis sparsis unifloris.

G. nivalis Linn. *svæc.* n. 231. *lapp.* n. 95. *Flor. dan.* t. 17. *Engl. bot.* 15. t. 896. *Froel. gent.* p. 83. *Zoega island.*

- Hab. in lateribus declivis herbosis alpium svecicarum passim copiose: unde etiam juxta flumina in pratis locisque graminosis descendit per partem subsylvaticam Lapponiæ Lulensis et Pitensis passim ex. gr. ad Tjåkelväs et Löfmoock.

Folia ovata, acuta, per totum caulem usque ad florem æqualiter disposita, e quorum axillis passim surgunt rami uniflori foliosi. Caulis tamen haud raro uniflorus. Flos major quam in sequente. Calyx quinquedentatus vel vix ad medium usque quinquefidus, angulatus: angulis submembranaceis, exstantibus; dentibus vel laciniis attenuatis, erectis, sub-

membranaceo - carinatis. Corollæ tubus vel pars indivisa calyce semper multo longior, ad faucem complicatus: plicis quinque introrsum versis et lacinula vel dente terminatis; limbi laciniis ovalibus, basi angustatis, patentibus, elegantissime azureis vel vivide cæruleis, aveniis.

125. GENTIANA *glacialis*: corollis quadrifidis hypocrateriformibus fauce barbâtis, calyce quadripartito, pedunculis longissimis nudis.

G. *glacialis* Villars *delph.* 2. p. 532. Hall. *helv.* n. 652. Suter *helvet.* 1. p. 145. Froel. *gentian.* p. 98. Wulfen. in Jaqu. *misc.*

G. *nana* Allion. *pedem.* n. 360. (nec Wulfeni!) Hoppe *Taschenb.* 1801. p. 226.

G. *tenella* Rottboel in Act. *hafs.* X. p. 436. t. 2. f. 6. Oed. *fl. dan.* 318. Zoega *island.* — Froel. *gent.* p. 96.

G. *Koenigii* Gunn. *flor. norv.* n. 822.

Hippion longipedunculatum Schmidt in Roem. *arch.* 1. p. 21. t. 3. f. 5.

Hab. in summis alpibus earumque lateribus declivis herbosis præcipue juxta glacies alpinas rarius. A neglecta in alpe Kajsats ad Virih-jaur, ad glaciem Almajalos-jegna juxta Sorjäsjaure copiose, ut et in alpe Jolli ad Stallädno Lapponiæ Lulensis. Gunnerus eam vidit ad Varangriam Finnmarkiæ orientalis.

Nonnisi in summis glacialibus regionibus crescit, unde nomen Villarsii præ cæteris elegi.

Planta gracilis, a ceteris nostris habitu admodum diversa, ad G. *amarellam* affinnate proxime accedens. Folia fere omnia ad radicem congesta in rosulam, oblonga vel oblongo - elliptica, obtusiuscula, subcoriacea, magnitudine vix ungicularia, supra cærulescentia, infra exsiccatione rugosa. Caulis proprie sic dictus brevissimus, prope radicem plerumque ramulos nonnullos emittens, et uno pare foliorum stipatus, quadrangularis. Pedunculi longissimi, ipso caule plerumque quadruplo longiores, nudi et lævissimi, stricti. Flos parvus, magnitudine circiter *Epilobii palustris*. Calyx profunde quadripartitus ne dicam quadriphyllus: foliolis ovato-oblongis vel ovato - lanceolatis, basi a pedunculo fere solutis (uti folia *Sedi rupestris*), directione pa-

tentibus ut tubus corollæ nudus conspicitur fere usque ad basin, obtusiusculis, sine nervo dorsali elevato. Corolla tubulosa; tubus ventricosus vel inferne dilatatus, ad faucem subconstrictus, sub florescentia calycis foliis parum longior, grossificante vero fructu elongatur ut plusquam calyce duplo longior evadit (nec marcescit); limbi laciniae breves, attenuatae, erectiusculae vel parum patentes, (unde flos vere inconspicuus evadit) venosae, saturate caeruleae (nec azureae ut in *G. nivali*). In fauce sunt duo lacinulae fimbriatae pro singula lacinia corollae. Capsula vix longior quam corolla elongata, quæ tantum parum decolorata eam vestit. Est præcipue pedunculus longus nudus, et calyx patens a corollæ limbo distans quod faciem efficit a cæteris alienam.

Ex hac descriptione patet quod omnes characteres quibus *G. glacialis* et *G. tenella* distinguuntur levissimi momenti sunt ut etiam ab ætate pendentes; ita ut ne quidem varietates sunt sed una eademque planta. Habeo specimina lapponica calyce æque lanceolato ac ex alpibus helveticis, et quæ specimini *G. nanæ* All. in herbario cel. Swartzii exacte conveniunt. *Gentiana carinthiaca* autem, et *nana* Wullfen. differunt a *glaciali* figura corollæ etc.; quibus autem affinior est *G. dichotoma* Pallas mihi dubium videtur.

126. GENTIANA *Amarella*: corollis quinquefidis hypocrateriformibus fauce barbatis, laciniis limbi lanceolatis acutis, foliis lanceolatis. Willden. spec. 1. p. 1347.

G. Amarella Linn. spec. n. 229. Zoega island. — Lightf. scot. p. 152. Flor. Kamtschatk. in Arct. Zool. p. 194. Pall. flor. ross. 2. p. 104.

Hab. in pratis siccioribus Novaccolarum Lapponiæ sylvaticæ infimæ rarius. Ego eam ad Tuggunsele Lapponiæ Umensis copiosius vidi.

Rami in Lapponica planta internodiis longiores sunt, sed foliorum figura et angusties corollæ nec non radix flava ut in planta Cel. Willdenowii. *Gentianam campestem* neque in Lapponia neque in aliis provinciis septentrionalibus reperi; unde crediderim eam in Fl. lapp. Linnæi lapsu memoriæ allatam esse loco *Gentianæ Amarellæ*.

127. *GENTIANA serrata*: corollis quinquefidis infundibuliformibus serratis, foliis sublinearibus. *G. serrata* Gunn. flor. norv. n. 819. Flor. dan. t. 317.

β. *Gent. detonsa*: corollis quadrifidis crenulatis. Rottboel. Act. hafn. X. p. 435. t. 1. f. 3.

G. ciliata Gunn. norv. n. 733. t. 2. f. 3. Zoega island.

Hab. in maritimis Nordlandiæ rarissime: α. lecta est ad Storstensnäs parœciæ Tromsøe; β. ad Skjærstad Saltensis: Gunnerus.

S E L I N U M.

Gen. plant. ed. Schreb. n. 470. Gært. de fruct. 1. p. 89. tab. 21. f. 8.

128. *SELINUM palustre*: sublactescens, radice simpliciuscula, stylis post florescentiam divaricatis.

S. palustre Linn. svec. n. 239. lappon. n. 100. Gunn. norv. n. 593. Falk russische Topogr. 2. p. 144. Georgii flor. baikal. p. 204.

Hab. in paludosis per partem sylvaticam Lapponiarum meridionalium ubique, et Nordlandiæ rarius.

S I U M.

Gen. plant. edit. Schreb. n. 480.

129. *SIUM latifolium*: foliis pinnatis, umbella terminali.

S. latifolium Linn. svec. n. 247. Fl. dan. t. 246. Gunn. norv. n. 651. Gmel. sibir. 1. p. 200. Georgii fl. baikal. p. 204.

Hab. Nordlandiæ in rivulo parœciæ Tromsøen, tantum: Gunnerus. Rarissima certe in regionibus borealibus planta.

L I G U S T I C U M.

Gen. plant. ed. Schreb. n. 478. Gært. de fruct. 2. p. 28. tab. 85.

130. *LIGUSTICUM scoticum*: foliis biternatis, foliolis trapeziis.

L. scoticum Linn. svec. n. 244. lappon. n. 107. Engl. bot. 17. t. 1207. Lightf. scot. p. 159. Michaux fl. amer. 1. p. 166. Flor. dan. t. 207. Landt færoens. — Cranz grœnland. —

Hab. ad littora exteriora maris Nordlandiæ et Finmarkiarum passim frequenter.

ANGELICA.

Gen. plant. ed. Schreb. n. 479. Gærtn. de fruct. 2. p. 29. tab. 85.

151. *ANGELICA Archangelica*: foliorum impari lobato.

A. Archangelica Linn. svec. n. 245. lapp. n. 101. Olavs. it. island. p. 158. Flor. dan. t. 206. Hall. helvet. n. 807. Flor. kamtschatk. in Arct. Zool. p. 194. Landt færoens. — Cranz grœnland. — Georgii fl. baikal. p. 204.

Lapponibus *Påsk.*

Hab. locis suboccultis juxta rivulos solo humido per omnium alpium latera et radices convallesque usque ad Nordcap vulgaris: descendit quoque juxta flumina in parte subsylvatica Lapponiæ Kemensis et Tornensis passim. In inferalpinis Norvegiæ vix reperitur, nisi in insulis extimis maris.

Pedunculi læviusculi. Flores lutescentes.

Quæ in hortis Germanicis occurrit Angelica sativa sequentis varietatem esse mihi videtur; ab Archangelica lapponica saltim abunde differt: floribus albis, pedunculis albo-pubescentibus, foliis minoribus sine impari adeo lobato e. s. p.

152. *ANGELICA sylvestris*: foliolis æqualibus ovato-lanceolatis serratis.

A. sylvestris Linn. svec. n. 246. lapp. n. 102. Engl. bot. 16. t. 1128. Zoega island. — Lightf. scot. p. 160. Flor. kamtschatk. in Arct. Zool. p. 194. Landt færoens. — Georgii fl. baikal. p. 204.

Hab. in parte sylvatica tota omnium Lapponiarum svecicarum locis humidis ad ripas etc. sat vulgaris.

Pubescentia quædam insignis brevissima asperula adest in pedunculis et summo caule, unde habitus plantæ junioris canescens. Umbellæ valde globosæ densifloræ, albæ vel parum rubescentes.

CICUTA.

Gen. plant. ed. Schreb. n. 486.

153. *CICUTA virosa*: stipulis petiolo adnatis obtusis, foliolis serratis muticis.

C. virosa Linn. *spec.* n. 253. *lapp.* n. 103. *Flor. dan.* t. 208. *Gunn. norv.* n. 42. t. 2. *Engl. bot.* t. 479. opt. *Gmel. sibir.* 1. p. 202. *Lightf. scot.* p. 164. *Flor. kamtschatk. in Arct. Zool.* p. 194. *Georgii fl. baikal.* p. 204.

Hab. in paludibus et paludosis per partem sylvaticam totam omnium Lapponiarum svecicarum passim copiose. In Nordlandia quoque reperitur: *Linné.*

Tota planta hisce in locis multo tenerior est quam in nostra svecia, foliorum serraturis magis inflexis.

CHAEROPHYLLUM.

Gen. plant. ed. Schreb. n. 490.

134. *CHAEROPHYLLUM sylvestre*: caule striato glabro: geniculis tumidiusculis. *Linn. spec.* n. 257. *lapp.* n. 104. *Engl. bot.* 11. t. 752. *Lightf. scot.* p. 167. *Flor. kamtschatk. in Arct. Zool.* p. 194. *Georgii fl. baikal.* p. 205.

Hab. in pratis et juxta domos per partem sylvaticam et subsylvaticam omnium Lapponiarum passim copiose; nec non in inferalpinis Nordlandiæ et Finmarkiæ usque ad Maasöam et Kistrand rarius.

CARUM.

Gen. plant. ed. Schreb. n. 497. *Gärtn. de fruct.* 1. p. 106. tab. 23. fig. 7.

135. *CARUM Carvi*: caule ramoso, vaginis foliorum subventricosus, involucrio partiali nullo. *Willden. spec.* 1. p. 1470. *Linn. spec.* n. 260. *lapp.* n. 105. *Olavs. it. island.* p. 814. *Gmel. sibir.* 1. p. 220. *Georgii fl. baikal.* p. 205. *Falk russisch. Topogr.* 2. p. 149.

Lapponibus *Karwen.*

Hab. in pratis siccioribus per partem totam sylvaticam Lapponiarum meridionalium frequenter et Tornensis parcius; ut etiam in inferalpinis Nordlandiæ frequenter, usque ad Alten, sed haud ultra.

P I M P I N E L L A.

Gen. plant. ed. Schreb. n. 498.

136. PIMPINELLA *Saxifraga Linn. svec. n. 261. lappon. n. 106. Lightf. scot. p. 169. Falk russisch. Topogr. 2. p. 149. Gmel. sibir. 1. p. 220.*

Hab. in sylvatica parte Lapponiarum meridionalium rarissime: *Linné*. Neque ego hanc inveni antequam ad Örelfven Angermanniæ retroversus sum.

Obs. Alsinem mediam uti Stellariæ speciem retuli ad Decandriam.

P A R N A S S I A.

Gen. plant. ed. Schreb. n. 523. Gært. de fruct. 1. p. 287. tab. 60.

137. PARNASSIA *palustris*: foliis radicalibus cordatis, nectariis multiradiatis.

P. palustris Linn. svec. n. 268. lappon. n. 108. Fl. dan. 4. t. 584. Hoppe Taschenb. 1803. p. 181. Lightf. scot. p. 174. Pallas it. sibir. 3. p. 319. Georgii fl. baikal. p. 205. Zoega island. — Michaux amer. 1. p. 184.

β. tenuis: foliis subovatis, radiis nectarii novem.

Lapponibus *Welkes peiwe-tjalme*. Fennonibus *Koiran-kuka*.

Hab. in subhumidis graminosis universæ Lapponiæ usque versus Nordcap ubique vulgatissime, si tantum summa alpium cacumina exceperis.

In alpinis plerumque omnibus partibus duplo minor et tenerior evadit, foliis radicalibus fere ovatis nec manifeste cordatis, caulino oblongo etc.; quæ varietas *β.* accedere videtur Parnassiæ *carolinianæ Michaux amer. 1. p. 184.*

D R O S E R A.

Gen. plant. ed. Schreb. n. 53. Gært. de fruct. 1. p. 291. tab. 61.

138. DROSERA *rotundifolia*: scapis radicatis, foliis orbiculatis.

Dr. rotundifolia Linn. svec. n. 273. lappon. n. 109. Hoppe Taschenb. 1803. p. 181. Zoega island. — Michaux amer. 1. p. 186. Lightf. scot. p. 175. Engl. bot. XIII. t. 867. Georgii fl. baikal. p. 205.

Hab. in paludibus sylvaticis Lapponiarum meridionalium frequenter, septentrionalium parcius.

Flores minuti vix majores quam in *Myosotide scorpioidi*. Scapi graciles.

139. *DROSERA longifolia*: scapis radicatis, foliis ovali-oblongis.

Dr. longifolia Linn. *svec.* n. 274. *lapp.* n. 110.

Engl. bot. 13. t. 868. *Smith. fl. brit.* 1. p. 347*.

Persoon. synops. 1. p. 337. *Lightf. scot.*

p. 175. *Zoega island.* — *Michaux amer.* 1.

p. 186. *Georgii fl. baikal.* p. 205.

Dr. intermedia Hayne in *Schrad. diar.* 1800. 1. p. 37.

Hab. cum præcedente mixta in Lapponiis meridionalibus ubique, at in septentrionalibus altius ascendit et multo vulgatius repereritur usque ad Kistrand Finmarkiæ.

Præcedenti revera admodum accedit. Flores parum majores.

Hujus varietas *Dr. anglicam* *Smith.* constituens in australioribus nostris regionibus occurrit omnibus partibus major, foliis longioribus, floribus magnitudine circiter *Oxalidis Acetosellæ*.

S I B B A L D I A.

Gen. plant. ed. Schreb. n. 536. *Gærtn. de fructib.* 1. p. 348. tab. 73.

140. *SIBBALDIA procumbens*: foliis ternatis: foliolis tridentatis cuneiformibus, petalis sublanceolatis.

S. procumbens Linn. *svec.* n. 275. *lapp.* n. 111.

Gærtn. fruct. 1. p. 348. t. 73. *Engl. bot.* 13.

t. 897. optim. *Willden. in Act. nat. scrut.*

ber. 2. p. — *Cranz groenland.* — *Olavs. it. is-*

land. p. 430. *Lightf. scot.* p. 175. *Flor.*

dan. t. 32. *Landt færoens.* — *Georgii fl.*

baikal. p. 205. rariss.

Hab. locis herbosis declivis per totum alpium jugum præcipue a latere Svecico fere ubique frequentissime; in alpibus vero maritimis haud crescit, nec extra alpes ipsas descendit unquam: ideoque infra Peliekaise et Snirrak nunquam lecta.

Stamina semper 5 numeravi; sed pistilla numerosa reperi, quorum 6 vel 7 in semina matura abe-

unt in ambitu posita, reliqua quinque circiter centralia abortiunt. Folia etiam superne non parum pilosa; petala calyce semper multo breviora et obtusiuscula; flores satis conglomerati.

S T A T I C E.

Gen. plant. ed. Schreb. n. 527. Gært. de fruct. 1. p. 210. t. 44.

141. STATICE *Armeria* β. scapo tereti capitato, foliis linearibus planis muticis.

St. Armeria β. *Willden. spec. 1. p. 1522. Linn. svec. n. 269. Pallas it. sibir. 3. p. 33.* Lightf. scot. p. 173.* Landt færoens. — Egede hist. groenland. p. 69. tab. 2. f. 5.*

Armeria maritima Willden. en. hort. ber. p. 353.

Hab. ad littora maris rarissime; lecta tantum est in Torfvenäs juxta Ostvaagen Maasöe Finmarkiæ, et ad Hopen Rörstadiæ in Nordlandia Saltensi.

Est varietas minor scapo pubescente, dentibus calycinis minoribus et mollioribus.

CLASSIS VI.

H E X A N D R I A.

A L L I U M.

Gen. plant. ed. Schreb. n. 557. Gært. de fruct. 1. p. 56. tab. 16.

142. ALLIUM *oleraceum*: caule teretifolio bulbifero, foliis scabris semiteretibus subtus sulcatis, staminibus simplicibus.

A. oleraceum Linn. svec. n. 280. Haller helv. n. 1223. Engl. bot. t. 488. Falk russ. Topogr. 2. p. 156.

Hab. in rupibus sub radice alpibus ad Torrfjorden præfecturæ Saltensis Nordlandiæ; nec alibi a me visum.

143. ALLIUM *Schoenoprasum*: scapo subnudo adæquante folia teretia subulato - filiformia. *Linn. svec. n. 282. Vahl in Flor. dan. tab. 971. Lightf. scot. p. 180.*

Lapponibus *Lauk*.

Hab. in littoralibus graminosis subhumidis totius Finmarkiæ ubique satis copiose; ut etiam in Nordlandiæ septentrionalis extremis insulis passim.

Flores rosei coloris sunt et sapor foliorum omnino isdem ac in planta culta; ideoque me iudice ab eâdem distingui haud potest, quamquam folia crassiora et introrsum ob mutuam pressionem planiuscula.

CONVALLARIA.

Gen. plant. ed. Schreb. n. 575. Gertn. de fruct. 1. p. 59. t. 16.

144. CONVALLARIA *majalis*: scapo nudo lævi, foliis ovalibus.

C. majalis Linn. spec. n. 292. lapp. n. 112.

Gmel. sib. 1. p. 34. n. 1. Michaux amer. 1.

p. 201. Pallas it. sib. 3. p. 315. Lightf. scot. p. 182. Engl. bot. 15. t. 1035.*

Hab. ad latera meridionalia montium in regione sylvatica infima Lapponiæ meridionalis rarius ex. gr. prope Storforsen fluminis Örelfven Lapponiæ Umensis; sed de cætero nonnisi in ripis humidis et insulis depressis fluminis Umensis et Vindelensis usque ad Gransele passim copiose. Sic ad aquas maximas et motu perpetuo agitatae tutelam sibi exposcit contra frigorem in climate sibi alias nimis rigido.

145. CONVALLARIA *verticillata*: foliis verticillatis.

Linn. spec. n. 293. lapp. n. 114. Gunner. fl.

norveg. n. 181. Pallas it. sibir 3. p. 266. Smith

brit. 1. p. 371. Flor. dan. t. 86.

Hab. locis umbrosissimis maxime occultis in convallibus inferalpinis angustis sub ipsis radicibus alpium altissimarum positis Nordlandiæ passim copiosissime ex. gr. in convalle Langvandsdalen districtus Saltensis et in Bringbärslien Rörstadiæ, nec non ad Hellarviken prope Torrfjord; Finmarkiæ rarius occurrit.

Ut meridionalis hæc planta in summo hyperboreo proveniet, requiruntur loca tam singularia vel insignia ac convalles hæ inferalpinæ sunt, quæ accessu difficillimæ peregrinatoribus sunt et nonnisi ab ursu habitantur; quales sunt Langvandsdalen Saltensis, Rörstadalen et Norddalen Foldensis.

146. *CONVALLARIA bifolia*: foliis cordatis, floribus tetrandris. *Linn. svec. n. 296. lappon n. 113. Olavs. it. island. p. 165. Mohr island. p. 172. Gmel. sib. 1. p. 35. n. 3. Michaux amer. 1. p. 201. Pallas it. sib. 3. p. 319. Georgii fl. baikal. p. 206. Falk russ. Topogr. 2. p. 162. Flor. Kamtschatk. —*

Hab. in lucis siccioribus per partem sylvaticam Lapponiarum meridionalium usque ad Palojoensuu Lapponiæ Tornensis passim parcius; ut etiam in Vattenbygden Saltensis Nordlandiæ visa. Frigori tamen multum patientior est quam præcedentes.

N A R T H E C I U M.

Smith fl. brit. 1. p. 368.

147. *NARTHECIUM ossifragum Engl. bot. 8. t. 535. Smith fl. britt. 1. c. Anthericum ossifragum Linn. svec. n. 287. lappon. n. 136. Flor. dan. t. 42. Lightf. scot. p. 181. Landt færoens. —*

Hab. locis irrigatis sub rupibus meridiei expositis in convallibus inferalpinis Nordlandiæ meridionalis raro. A me nonnisi in Bringbärs-lien ad Rörstad lectum est.

Planta ipsa cum flore suo satis nota est, sed fructus eo magis ignotus et tam insignis ut peculiari descriptione optime meretur.

Capsula supera, oblonga et valde acuminata, trilocularis, trivalvis: dissepimenta valvis contraria a se invicem quod ad maximam partem libera; marginibus internis incrassatis et inferne a dissipimento solutis atque in columnam mediam confluentibus.

Receptaculum nullum: semina in fundo singuli loculamenti adfixa.

Arillus linearis utrinque subulatus, longitudine totius capsulæ, extremitate inferiore in fundo capsulæ adfixa, altera ad apicem capsulæ pertingente, persistens, in medio semen fovens et maturitate e latere demittens.

Semen oblongum.

Sit itaque hujus generis character factitius:

Cor. nuda infera 6-petala. Filament. lanata.
Caps. trilocularis. Semina arillo subulato
longitudine capsulæ, ejusque fundo infixæ.

J U N C U S.

Gen. plant. ed. Schreb. n. 590. Gærtn. de fruct. 1. p. 53. tab. 15.

† Capsula trilocularis polysperma.

148. JUNCUS *filiformis*: aphyllus, culmo filiformi
nutante, panicula laterali subsimplici, capsulis
subrotundis.

J. *filiformis* *Linn. svec. n. 300. lapp. n. 113.*
Engl. bot. 17. t. 1175. Leers fl. herb. p. 87.
t. 13. f. 4. Michaux amer. 1. p. 191. Gmel.
sibir. 1. p. 71. n. Fl. kamtschatk. in Arct.
Zool. p. 195.

Hab. in paludosis tum sylvaticis ac alpinis omnium
Laponiarum etiam inferalpinarum ubique fre-
quenter.

149. JUNCUS *glaucus*: aphyllus, panicula laterali
effusa angusta, capsulis acutiusculis calyce bre-
vioribus.

J. *glaucus* *Ehrh. Beitr. — p. — Smith brit. 1.*
p. 375. Fl. dan. 7. t. 1159. Engl. bot. 10. t. 665.

J. *inflexus* *Leers herb. p. 87. t. 13. f. 3. Lightf.*
scot. p. 183.

Hab. ad littora maris locis arenosis depressis Nord-
landiæ passim.

Neque in exemplaribus Norvegicis neque in
bottnicis apicem culmi folii adinstar compressum et
inflexum reperi; ideoque si Juncus *inflexus* quis-
dam ab hocce diversus existat, e Floris scandinavici
exsulet. Squamæ calycinæ sæpius ultra sesquiter-
tiam lineam longæ, valde acuminatæ.

Flores in nostra planta multo majores quam in
Engl. bot. tab. 665.

150. JUNCUS *effusus*: aphyllus, panicula laterali ef-
fusa supradecomposita, capsulis apice retusis.

J. *effusus* *α. Linn. svec. n. 299. lapp. n. 117.*
Zoega island. — Lightf. scot. p. 183.

Hab. ad ripas fluviorum et lacuum sylvestrium Lap-
poniæ meridionalis rarius: *Linne.*

151. JUNCUS *arcticus*: aphyllus, capitulo paucifloro
sublaterali, capsulis obtusiusculis calyces æquan-
tibus,

J. arcticus Willden. spec. pl. 2. p. 296.

J. effusus C. Linn. svec. n. 229. Flor. dan. 7. t. 1035.

J. culmo nudo acuminato ad basin squamato, floribus sessilibus. Linn. lapp. n. 116.

Hab. in alpinum Lulensium lateribus sterilibus declivis irrigatis, juxta rivulos nivales etc. passim frequenter, uti ad Virih-jaur prope montem Tokin et prope flumen Stallädno; etiam Finmarkiæ rarius ex. gr. ad Kiberg: *Vahl.*

Radix longe lateque repens, crassa, lignea. Squamæ ad basin culmorum amplexantes, membranaceæ muticæ. Culmi numerosi, pedales et ultra, lævissimi, (nec striati ut in *J. conglomerato*) stricti; apice supra capitulum brevi, vix triplo longiore quam capitulum, erecto. Capitulum sub apice culmi subrotundum, floribus circiter 7 compositum. Pedunculi ita brevissimi, ut squamis involucribus semper teguntur. Flores majores quam in affinibus: squamis calycinis latiusculis, obtusiusculis, fuscis. Capsulæ majusculæ, magnitudine fere seminis Secalis, calyce fere longiores, atrofuscae.

A *J. effuso* et *conglomerato* capsulis suis haud apice retusis et culmo lævissimo solidiore adeo differt, ut mihi *J. glauco* affiniore esse videtur, cui etiam magnitudine partium fructificationis convenit. Differt squamis calycinis capsula haud longioribus, latiusculis et vix acutis.

152. *JUNCUS squarrosus*: culmo nudo, foliis filiformibus, panicula terminali aphylla.

J. squarrosus Linn. svec. n. 302. lapon. n. 121. Lightf. scot. p. 184. Engl. bot. 13. t. 933.

Hab. in paludibus cæspitosis Lapponiæ vulgaris: *Linne'*; quem autem ego neque ibi neque in aliis borealibus provinciis Sveciæ vidi.

153. *JUNCUS trifidus*: aphyllus, bracteis foliaceis canaliculatis floribusque paucis terminalibus, capsula oblonga calycem æquante.

J. trifidus Linn. svec. n. 301. lapon. n. 119. Krock. fl. siles. p. 557. t. 48. Hoppe Taschenb. 1800. p. 193. et 1804. p. 73. Lightf. scot. p. 183. tab. 9. Zoega island. — Landt færoens. —

Hab.

Hab. locis siccis apricis petrosis per latera inferiora omnium alpium, et in montibus alpinis ac subalpinis omnibus etiam districtus sylvaticæ usque ad Pyhättunturi Lapponiæ Kemensis, Nonainen Lapponiæ Tornensis etc., nec non in campis subalpinis jugo adjacentibus ubique vulgatissime. Sed in loca inferalpina et extra alpes de cætero non descendit.

Mira omnino mihi videtur species, ad radicem prorsus aphylla. Radix repens culmos multos fasciculatos exserens squamis tantum brevibus interstinctos. Vaginæ culmi basin vestientes brevi mucrone ornatae, de cætero in fimbrias partitæ. Foliolum in suprema parte culmi plerumque adest, bracteis simillimum; ligula fimbriata alba. Bracteæ canaliculatae: marginibus serrulatis. Semina in singula capsula pauca: de cætero quoque structura capsulae inter Juncum et Luzulam ambigit. Capsula oblonga.

J. monanthos Jacqu. differre mihi videtur: foliis radicalibus; et capsula ovali, dupplo majore, calycem excedente. Hunc in Lapponia nunquam vidi.

154. *JUNCUS bufonius*: culmo dichotomo, foliis angulatis, floribus solitariis sessilibus, calycibus setaceis capsula duplo longioribus.

J. bufonius Linn. *spec.* n. 305. *lappon.* n. 122. *Lightf. scot.* p. 185. *Flor. dan.* 7. t. 1098. *Leers fl. herb.* p. 89. t. 13. f. 8. *Zoega island.* — *Landt færoens.* — *Michaux amer.* 1. p. 191.

Hab. in parte infima sylvatica Lapponiarum meridionalium et Lapponiæ Kemensis, passim locis humidis; ut etiam in littoralibus Nordlandiæ meridionalis. Sed in adjacentibus regionibus frequenter occurrit.

Huic similis *J. Tenageja* Ehrh. differt: capsulis subglobosis, squamis calyciuis latioribus capsula haud longioribus.

155. *JUNCUS sylvaticus*: culmo erecto, foliis nodoso-articulatis, panicula supradecomposita, foliolis calycinis mucronatis.

J. sylvaticus Willden. *spec. pl.* 2. p. 211. *Roth germ.* I. p. 155. II. p. 405.

J. subnodulosus Schrank bay. fl. n. 559. Hoppe taschenb. 1801. p. 231.

J. acutiflorus Ehrh. gram. 66. Hoffm. germ. p. 125.

J. foliosus Hoppe taschenb. 1810. p. 159.

J. uliginosus Engl. bot. 12. t. 801?

Hab. locis uliginosis et paludosis per partem sylvaticam totam omnium Lappeniarum frequenter; ut etiam in maritimis Nordlandiæ passim. Multum altius hyperboream versus adscendit, quam sequens species.

156. *JUNCUS articulatus*: culmo decumbente ramoso, foliis nodoso-articulatis, panicula composita, foliolis calycinis muticis. Willden. spec. plant. 2. pag. 211.

J. articulatus Linn. svec. n. 303. lapp. n. 120. Leers fl. herb. p. 88. t. 13. f. 6. Schrank bay. flor. n. 558. Hoppe taschenb. 1801. p. 231. Landt færoens. — Lightf. scot. p. 184. Flor. dan. 7. t. 1097. Gmel. sibir. 1. p. 69. n. 32.

J. obtusiflorus Ehrh. gram. n. 67. Hoffm. germ. p. 125.

J. bifolius Hoppe taschenb. 1810. p. 163.

J. aquaticus Roth. germ. I. p. 155. II. p. 403.

β. *fluitans*: foliis capillaribus, floribus subsolitariis, culmo ramosissimo.

? *J. bulbosi* var. Flor. dan. 5. tab. 817.

Hab. in aquosis Lapponiæ infimæ passim; at β. in fluviis et rivulis infimis rarius fluitat.

Varietas β. *fluitans* foliis suis capillaribus *J. subverticillato* adeo convenit et a *J. sylvatico* adeo recedit, ut non potest non sub diversa specie militare. Distingvo itaque *J. sylvaticum* et *articulatum*, quamquam limites inter utrosque haud semper facile indignantur.

157. *JUNCUS bottnicus*: culmo tereti, foliis linearibus canaliculatis, cyma terminali, capsulis oblongis acutis calyce longioribus, radice repente.

J. foliis mollioribus etc. Gmel. sib. 1. p. 67. n. 31. t. 17. f. 2.

Icon Tabulæ nostr. V.

Hab. ad littora maris locis depressis subhumidis per totam Finmarkiam et septentrionalem partem

Nordlandiæ passim copiose; ut etiam ad sinum bottnicum copiose lectus.

Tum habitu ac dispositione florum maxime affinis *J. bulboso*, a quo abunde differt: radicis caudice elongato repente perenni, culmo stricto, prorsus tereti, foliis latioribus et brevioribus, corymbo magis paucifloro et effuso, floribus oblongis majoribus, nigrofuscis, et capsulis ut in *J. sylvatico*.

A *J. tenui Willden.* magis diversus dispositione florum, brevitatem calycis obtusiusculi etc.

Figura *J. bulbosi Engl. bot.* 13. t. 934. nostræ plantæ satis convenit, sed capsula in descriptione dicitur rotundata obovata.

Explicatio iconis: a. gramen integrum magn. nat. b. folii pars superior magn. parum aucta. c. capsula cum calyce magn. auct.

158. *JUNCUS stygius*: foliis subsetaceis, floribus ternis terminalibus, capsulis acutis calyce acuminato longioribus.

J. stygius Linn. spec. pl. p. 467. *Smith ic. ined.* 3. p. 55. t. 55.

Gr. junceum minimum alterum; prope oppidum Einsiedel Helvetiorum in palustribus. *Burser. herb.* 1. n. 64.

Hab. in paludibus aquosis per partem sylvaticam et subsylvaticam Lapponiarum svecicarum usque ad Enare ejusque lacum Hastenjärvi passim copiose; in Nordlandia: *Tönning*.

Folia admodum mollia, plerumque non parum rufescentia. Culmus gracilis vix spithamæus. Bractea glumacea, foliolis calycinis vix major, pallida, erectiuscula unde flores nonnihil ad latus positi sunt. Foliola calycina tenuia, pallida vel decolorata. Capsula major quam in cæteris lapponicis speciebus, magnitudine circiter seminibus Hordei, exacte trigona, acuta, lutescens, semper unilocularis et sine vestigio dissepimentorum præter quam in fundo. Semina lanceolata utrinque acuminata.

Junco sylvatico proxime affinis est; folia quoque ut in illo tereti-compressa, sed sine ullis articulis. Culmus interdum superne ramulosus fit et pluribus glomerulis instruitur; tuncque facies quoque ab illius haud aliena evadit. Quod vero abunde diversus sit nulla demonstratione eget.

159. *JUNCUS triglumis*: foliis subulatis, floribus ternis terminalibus sessilibus, capsula obtusiuscula longitudine calycis.

J. triglumis *Linn. svec. n. 306. lappon. n. 115. tab. 10. f. 5. Flor. dan. t. 132. Engl. bot. 13. t. 899. Zoega island. — Gmel. sib. 1. p. 67. n. 29. Lightf. scot. p. 186. Landt færoens. —*

Hab. locis uliginosis et irrigatis in regionibus alpinis et subalpinis omnium Lapponiarum vulgatissime; etiam in inferalpinis Nordlandiæ et juxta flumina subsylvatica Lapponiæ Tornensis passim descendit.

Folia semper tam angusta et teretiuscula reperi ut jure meritoque subulata dici possunt. Culmus plerumque palmaris, strictus. Bracteæ plerumque binæ æquales glumaceæ, calycibus haud longiores, rubro-fuscæ; patentés adeo ut flores prorsus erecti fiunt. Flores subcolorati, stramineo-rubrescentes. Capsulæ calyce vix longiores, castaneo-pallidæ, obtusiusculæ.

160. *JUNCUS biglumis*: foliis subulatis, floribus binis terminalibus altero pedicellato, capsulis apice retusis calyce longioribus.

J. biglumis *Linn. amoen. acad. 2. p. 166. tab. 3. flor. svec. n. 307. Zoega island. — Landt færoens. — Engl. bot. 13. t. 898. (bona quamquam color nimium pallidus).*

Hab. locis altioribus saltuosis irrigatis summarum alpium tum septentrionalium ac præcipue meridionalium fere ubique frequenter uti: in Rastekaisse Finmarkiæ orientalis, in Harimatskaidi prope Polmak; circa Viri-jaur Lapp. Lulensis pluribus locis; sed infra alpes haud descendit.

Folia ut in præcedenti reperi. Culmus plerumque spithamæus. Bractea una foliolacea erecta, ut flores sublaterales evadunt. Flores fusi: superiore pedicellato. Capsulæ majores quam in præcedenti, superne nigrescentes, turbinatæ, calyce multo longiores.

†† Capsula unilocularis trisperma. *Luzula Decand.* et Willden.

161. *JUNCUS pilosus*: foliis planis pilosis, panicula cymosa divaricata, pedunculorum floribus late-

ralibus sessilibus solitariis, calycibus capsula brevioribus.

J. pilosus *Linn. svec. n. 308. lappon. n. 123. Leers herb. n. 268. t. 13. f. 10. Engl bot. 11. t. 736. Lightf. scot. p. 186. Landt fæ-roens. — Cranz. groenl. — Georgii flor. baikal. p. 207.*

Luzula pilosa Willden. en. hort. berol. p. 395.

Gr. hirsutum latifolium minus. Burs. herb. I. n. 93.

Hab. in sterilibus ericetis per partem sylvaticam et subsylvaticam omnium Lapponiarum vulgaris usque ad Sotajoki Lapponiæ Kemensis; ut etiam in inferalpinis Nordlandiæ passim.

Constructio paniculæ primo intuitu longe alia esse videtur quam in sequentibus, quia pedicellus floris lateralis florem terminalem adeo superat ut hæc re vera lateralis et sessilis evadit. Hanc combinationem facile apparentem quamquam quoddammodo falsam in differentia assumsi.

162. JUNCUS *parviflorus*: foliis planis glabris, culmo folioso, panicula cymosa supradecomposita foliolo bracteata: floribus lateralibus pedunculatis fastigiatis.

J. *parviflorus Ehrh. Beitr. 6. p. 139. Retz. scand. 2. n. 434. Willden. spec. 2. p. 219.*

J. *foliis planis etc. Gmel. sib. 1. p. 66. n. 28.*

Hab. in nemorosis humidis juxta flumina per partem subalpinam Lapponiæ Tornensis passim copiose; nec alibi a me visus.

Est quædam gentilitas in habitu hujus graminis, quæ in sequenti specie desideratur. Folia ejus lata et numerosa, sed mollia et ita tenuia ut nervi omnes et tota textura interna conspicitur dum luci obvertuntur. Culmus magis foliosus quam in ullo alio Junco nostro, scil. foliis quatuor vel quinque sparsim positis, lanceolatis, vix minoribus quam radicalia ornatus. Sub panicula posita est bractea foliacea rubicunda, paniculam plerumque longitudine subæquans, sine ligula vel marginibus ullis scariosis, de cætero valde tenuis et transparent. Bracteolæ vel vaginulæ ad ramos paniculæ margines quidem scariosos vel hyalinos habent sed integros. Panicula copiosa decomposita vel supradecomposita, ramis

ramulisque omnibus cymosis fastigiatis. Flosculi omnes pedicellati, minuti ut in *Milio effuso*. Foliola calycina tota brunnea sine marginibus scariosis, acuta, mutica, capsulis parum breviora. Color totius paniculae dilute-brunneus, foliorum non parum rubicundus.

J. glabratus Hoppe huic convenit culmo folioso; sed differre videtur floribus dupplo majoribus et bracteis fimbriatis.

163. *JUNCUS spadiceus*: foliis planis glabris, culmo subnudo, panicula cymosa decomposita, bracteis bracteolisque fimbriatis, floribus lateralibus pedicellatis.

J. spadiceus Allion. pedem. n. 2083. Villars delph. 2. p. 236. t. 6. Willden. spec. 2. p. 218.

J. pilosus β. Linn. svec. n. 308.

J. foliis planis, culmo paniculato etc. Linn. lappon. n. 124.

Gramen hirsuto simile. *Burseri herb. 1. n. 92.*

J. glabrescens Schrank bay. fl. n. 566. Hoppe taschenb. 1801. p. 232.

Hab. locis siccis duris per latera omnium alpium, etiam maritimarum totius Finmarkiae, fere ubique frequenter; in salicetis alpium Lulensium quoque passim descendit ibique nutans evadit.

Præcedenti certe simillimus, attamen habitu et characteribus satis distinctus. Folia multo minora omni dimensione, et opaciora nec non saturate viridia. Culmus inferne uno alterove folio ornatus, superne omnino nudus, plerumque nonnihil brevior. Bractea ad basin paniculae squamacea, rubro-fusca: marginibus scariosis et hyalinis in fimbrias numerosas tenues divisas, quas præter fimbrias nulli in tota planta adsunt pili. Bracteolae fere totae hyalinae, fimbriatae. Panicula multo rarior, nec unquam supradecomposita; ramis omnibus cymosis, erecto-patentibus, nec nisi senectute nutantibus. Flores quod ad dispositionem exacte ut in præcedente, sed grandiores sunt vel crassiores. Foliola calycina nigro-fusca, sed apex et margines albi, hyalini. Capsula crassior et brevior esse videtur, nigro-fusca.

Figura Schevchzeri bona omnino est, habitumque graninis bene exhibet. Synonymon *Linnéi* et

forsan etiam *Ehrharti* ad præcedentem relatum hoc potius pertinet.

164. *JUNCUS campestris*: foliis planis, culmo tereti, spicis umbellatis pedunculatis sessilibusque ovatis.

I. *campestris* Linn. *svec.* n. 309. *lappon.* n. 126. *Flor. dan.* 8. t. 1255. *Phipps. it. spitsberg.* — *Leers herb. born.* p. 91. t. 13. f. 5. *Lightf. scot.* p. 186. *Landt færoens.* — *Cranz. groenland.* — *Zoega island.* — *Michaux amer.* 1. p. 190. *Flor. Kamtschatk. in Arct. Zool.* p. 195.

β. *sudeticus*: spicis subsessilibus conglomeratis, capsulis majoribus.

J. *sudeticus* Willden. *ed. spec. plant.* 2. p. 221.

J. *spicatus*: Krock *fl. siles.* p. 572. t. 52.

Hab. in locis siccis duris universæ Lapponiæ: scilicet per partem sylvaticam ubique, subalpinam et inferalpinam fere ubique; et per alpes omnes passim parcius, ubi locis uliginosis in var. β. abit.

165. *JUNCUS pallescens*: foliis planis, culmo compresso, spicis umbellatis oblongis pedunculatis patentibus, bractea foliacea.

J. *foliis planis, culmo paniculato, spicis ovatis.* Linn. *lappon.* n. 127. tab. 10. f. 2.

J. *campestris* β. Linn. *svec.* n. 309. *Spec. plant. ed.* Willden. 2. p. 221.

Hab. in lucis et fruticetis siccis sterilibus per partem subalpinam omnium Lapponiarum passim copiose.

Ob culmum compressum valde debilis et fere decumbens evadit; de cætero totum gramen pallescens ejusdem fere faciei ac *Carex pallescens*. Folia prorsus plana sunt, sed angustiora quam in præcedente; culmea pauca sunt. Culmus plerumque ultra pedalis. Sub umbella spicarum semper adest bractea una vel duo foliacea, erecta spicas fere superans, amplexicaulis nec vaginans. Spicæ omnes magis pedunculatæ et fere unilaterales, numerosiores quam in præcedente. Flores minores. Foliola calycina acuminata, longitudinem capsularum vix superantia.

166. *JUNCUS arcuatus*: foliis canaliculatis, spicis umbellatis pedunculatis recurvis globosis paucifloris, bractea squamacea fimbriata.

Icon Tab. nostr. IV.

β. spicis majoribus multifloris.

I. campestris var. *Flor. dan.* 8. t. 1336.

I. pediformis *Villars delph.* 2. p. 238. t. 6.

Hab. locis uliginosis durissimis per alpes omnes vulgarissime; ibique altius adscendit et frigore longius patitur in campis a glacie devastatis quam alia quædam planta.

Sequenti proxime affinis esse videtur, quamquam quoad dispositionem spicarum præcedentibus similior est. Cæspitose crescit et ad radicem insigniter fusco-rubet. Folia stolonum radicalium ita angustissima et convoluta ut subulata fere dici possunt; culmea autem paullo latiora, canaliculato-subulata. Culmus teres lævissimus paullum curvus. Bractea sub umbella posita vaginans quidem sed aphylla: ore hyalino fimbriato. Umbella plerumque composita ita ut pedunculus infimus partialem cymam vel umbellulam profert. Pedunculi inæqualis longitudinis, recurvati. Spicæ magis paucifloræ quam in præcedentibus. Foliola calycina longiora apice hyalino. Color spicarum ex albo fuscoque variegatus.

Dicant quidem nonnulli, quod hujus folia angustiora et convoluta fiunt ex solo alpino; sed memorandum puto *I. spadicei* folia in durissimis alpidibus semper plana persistere.

Explicatio Iconis: a. gramen integr. magn. nat. — b. folium seorsim. c. calyces tres cum capsula immatura magn. auct. d. calyx cum capsula magn. magis aucta.

167. *JUNCUS spicatus*: foliis planiusculis, spica racemosa nutante, spiculis sessilibus bracteatis.

I. spicatus *Linn. spec.* n. 510. *lappon.* n. 125.

tab. 10. f. 4. *Zoega island.* — *Flor. dan.*

t. 270. *Engl. bot.* 17. t. 1176. haud bona.

Lightf. scot. p. 187. *Cranz groenland.* —

Hab. locis siccis duris per omnes alpes præcipue inferiores vulgarissime usque in Pyhätunturi Laponiæ Kemensis, Nonainen Laponiæ Tornensis, et Kalkis - bout Laponiæ Pitensis descendens; ut etiam in campis subalpinis et locis exaridis apricis inferalpinis Nordlandiæ Finmarkiæque passim.

Folia hujus quoque angusta et subconvoluta, sed majora quam in præcedenti ut etiam totum gramen majus. Culmi folia omnino convoluta vel su-

bulata, ad os vaginæ magis pilosa. Spiculæ sessiles in spicam racemosam nutantem subcylindricam dispositæ, paucifloræ. Bracteæ sub spiculis infimis amplexantes (nec vaginantes), apice longiusculo subulato terminatæ. Foliola calycina superne hyalina.

Engl. bot. flores exhibet justo minores.

P E P L I S.

Gen. plant. ed. Schreb. n. 605. Gærtn. de fruct. 1. p. 237.

tab. 51.

168. PEPLIS *Portula*: floribus axillaribus solitariis, foliis petiolatis ovalibus.

P. Portula Willden. spec. 2. p. 243. Linn. spec. n. 312. lappon. n. 128. Flor. dan. t. 64. Lightf. scot. p. 186. Engl. bot. 17. t. 1211.

Hab. locis aquosis partis infimæ Lapponiarum meridionalium passim; in adjacentibus regionibus satis vulgaris.

T O F J E L D I A.

Smith Fl. brit. 1. p. 379.

169. TOFJELDIA *borealis*: bracteis nullis, calyculis remotis scapo adnatis dimidiatis.

Narthecium boreale Wahlenb. florul. Gottl. in Act. Stockh. 1805. p. —

Anthericum calyculatum β. Linn. spec. n. 288. Flor. lapp. n. 139. t. 10. f. 3. Flor. dan. t. 36. Lightf. scot. p. 181. t. 8. f. 2. Cranz grœnland. — Zoega island. — Georgii flor. baikal. p. 206. Pallas it. sibir. 3. p. 33.

Hebelia allemannica Gmel. bad. 2. p. 118. t. 1.

Tofjeldia palustris Huds. angl. 157. Willden. in Berlin. Magaz 1808. p. 28?

Narthecium alpinum Michaux.

Helonias borealis Willden. spec. 2. p. 274?

Hab. in uliginosis et paludosis tum alpinis ac præcipue subalpinis, inferalpinis et sylvaticis totius Lapponiæ vulgatissime usque ad Lycksele Lapponiæ Umensis, Storbacken Lapponiæ Lulensis, et templum Sodankylä Lapponiæ Kemensis; sed in summis alpibus parcius provenit, et cacumina earum vix petit nec insulas exteriores versus Nordcap.

Scapus semper nudus et bracteis veris orbatus; sed florum calyculus vices bractearum gerit et in earum loco positus est. Calyculus hic fulcrans et sub insertione pedicellorum scapo adnascens trifidus est et albus, quo facillime a vera bractea distinguitur, sed dimidiatus: lobo uno sub pedicello, reliquis ad latera ejus positis, ita ut axilla nuda et calyculo liberata evadit. Stamina semper petalis breviora. Capsulæ tres usque e centro retrorsum connatæ, superius introrsum dehiscentes. Semina numerosa marginibus capsularum tum supra centrum ac infra adfixa. Nulla adest in fructu columna media sed capsulæ interdum totæ a se invicem solvuntur et per totam suturam internam aperiuntur.

Figura *Fl. danicæ* multo melior est quam illa in *Engl. bot.* 8. t. 536. Hæc species borealis s. Lapponica in summis alpibus Tyrolensibus quoque occurrit secundum specimina a me visa.

Altera species australior in Gottlandia quoque proveniens abunde differt calyculis flori approximatis et bracteis veris viridibus. Hanc *T. calyculatam* dicere voluissem.

SCHEUCHZERIA.

Gen. plant. ed. Schreb. n. 615.

170. *SCHEUCHZERIA palustris*: *Linn. svec. n. 320. lappon. n. 153. t. 10. f. 1. Willden. spec. 2. p. 265. Engl. bot. 26. t. 1801. Falk russisch. topogr. 2. p. 165. Gmel. sib. 1. p. 73. n. 38. Michaux amer. 1. p. 209.*

Hab. in paludibus aquosis profundis per partem sylvaticam inferiorem omnium Lapponiarum passim, nec supra Arjeplog Lapponiæ Pitensis et Kellojärvi Lapponiæ Kemensis reperta; ut etiam ad Ofoten Nordlandiæ inferalpinæ visa.

Hujus foliatio haud æquitans est ut in *Tofieldia*, sed folia juxta vaginas canaliculato-triquetra, superne sensim plana evadunt eodem modo ac *Eriophori gracilis*. Germinum numerus verus est senarius. Capsulæ totæ liberæ sunt, angulo suo interiore dehiscentes. Semina in fundo capsulæ inserta, pauca. Sive ideoque habitus sive fructificatio consideratur, neutiquam genere conjungi potest cum præcedente.

TRIGLOCHIN.

*Gen. plant. ed. Schreb. n. 616. Gærtn. de fruct. 2. p. 26.
tab. 84.*

171. *TRIGLOCHIN palustre*: capsulis trilocularibus sublinearibus basi attenuatis. *Willden. spec. 2. p. 264.*

Tr. palustre Linn. svec. n. 321. lappon. n. 134. Flor. dan. t. 490. Landt færoens. — Zoega island. — Gmelin sib. 1. p. 72. n. 36. Lightf. scot. p. 191. Georgii fl. baikal. p. 207.

Hab. locis uliginosis in parte sylvatica Lapponiarum meridionalium vulgatius, septentrionalium parcius; in inferalpina Nordlandia frequenter.

172. *TRIGLOCHIN maritimum*: capsulis sexlocularibus ovatis sulcatis. *Willden. spec. 2. p. 265.*

Tr. maritimum Linn. svec. n. 322. lappon. n. 135. Flor. dan. t. 306. Landt færoens. — Zoega island. — Gmel. sib. 1. p. 72. n. 37. Lightf. scot. p. 192. Michaux amer. 1. p. 208. Georgii fl. baikal. p. 207.

Hab. in littoribus maris septentrionalis Nordlandiæ copiose, et Finmarkiæ ad sinus interiores ex. gr. ad Tanam parcius.

RUMEX.

*Gen. plant. ed. Schreb. n. 613. Gærtn. de fruct. 2. p. 178.
tab. 119.*

173. *RUMEX aquaticus*: floribus hermaphroditis: valvulis integerrimis nudis subtriangularibus, foliis oblongo-cordatis glabris.

R. aquaticus Linn. flor. svec. 2. n. 315. Spec. plant. p. 479. Flor. lapp. n. 129. β. Willden. spec. 2. p. 255. Lightf. scot. p. 190. Georgii fl. baikal. p. 207.

Lapathum aquaticum folio cubitali. Cels. herb. n. 599.

β. crispatus: foliis undulatis basi acutis scabris.

R. foliis cordato-oblongis acuminatis integris. Linn. lappon. n. 129. α. svec. 1. n. 232. α.

? R. acutus. Zoega island. — Olavs. it. p. 18. Landt færoens. —

Hab. α. in aquosis ipsisque lacubus et fluviiis per partem sylvaticam omnium Lapponiarum usque ad

lacum Enare passim copiose; ut etiam in Nordlandia et Finnmarkia usque ad Hammerfest passim. β . locis siccioribus stercoratis ad domos inque agris per eandem partem Lapponiæ vulgaris.

Qui in aquis Lapponiæ crescit omnibus numeris cum svecico ordinario convenit; sed in Lapponia id peculiare habet, quod ubique in locis siccioribus adscendit ut exinde varietas β . nascitur. Hæc varietas crispata valvulis æque nudis instruitur ac aquaticus vulgaris; et talis forsitan fuit *R. crispus*, quem Gmelin cum *R. alpino* conjungere voluit. Folia semper læte viridia sine ulla glaucescentia, qua nota a *R. hydrolapatho* differt.

Utranque varietatem nonnisi valvulis singulis omnino nudis in Lapponia semper legi; an vero per Europam temperatiorem granula acquirat et in *Rumicem Hydrolapathum* abit dicere nequeo.

Rumex crispus verus in *Engl. bot.* 28. t. 1998. depictus vix supra Upsaliam crescit, et *Linneo* ignotus fuisse videtur usque dum Editionem secundam Floræ svecicæ ediderit; postea autem synonymon Floræ Lapponicæ sub *R. crispo* perperam posuit.

174. *RUMEX Acetosa*: floribus dioicis, foliis oblongis sagittatis, valvulis graniferis.

R. acetosa *Linn. svec. n.* 318. *lappon. n.* 130. *Cranz grœnland.* — *Zoega island.* — *Lightf. scot. p.* 191. *Landt færoens.* — *Flor. kamtschatk. in Arct. Zool. p.* 195. *Georgii fl. baikal. p.* 207.

β . *alpina* lobis posticis foliorum brevioribus patentioribus.

Acetosa montana maxima. Bauh. pin. 114.

Lapponibus *Juomo* s. *Juobmo*.

Hab. α . in pratis et cultis Lapponiæ inferioris; at β . in locis fertilioribus subalpinis, inferalpinis et in salicetis alpium longe vulgarior.

175. *RUMEX Acetosella*: floribus dioicis, foliis lanceolato-hastatis, valvulis nudis.

R. Acetosella *Linn. svec. n.* 319. *lappon. n.* 131. *Engl. bot.* 24 t. 1674. *Lightf. scot. p.* 191. *Landt færoens.* — *Cranz grœnland.* — *Zoega island.* — *Michaux amer. i. p.* 216.

Pallas it. sibir. 3. p. 33. *Georgii fl. baikal.*
p. 207.

Hab. locis deustis cultis et stercoreatis per universam
Lapponiam vulgatissime; etiam in ipsis alpibus
ad stabula rhenonum et in locis occultis passim
copiose.

Obs. *Rumicem digynum* Linn. Rhei speciem
esse contendo, itaque ad Enneandriam refero.

A L I S M A.

Gen. plant. ed. Schreb. n. 625. *Gærtn. de fruct.* 2. p. 22.
tab. 84.

176. *ALISMA Plantago*: foliis ovatis acutis, fructi-
bus obtuse trigonis. *Willden. spec.* 2. p. 276.
Linn. svec. n. 323. *lapp.* n. 138. *Fl. dan.* 4.
t. 561. *Lightf. scot.* p. 193. *Michaux amer.*
1. p. 218. *Gmel. sib.* 1. p. — *Georgii fl.*
baikal. p. 207. *Flor. kamtschatk. in Arct.*
Zool. p. 195.

Hab. in aquosis ad ripas lacuum per Lapponiarum
meridionalium partem sylvaticam inferiorem par-
cius; ego eandem supra Arjeplog Lapponiæ Pi-
terensis haud vidi.

C L A S S I S VII.

H E P T A N D R I A.

T R I E N T A L I S.

Gen. plant. ed. Schreb. n. 626. *Gærtn. de fruct.* 1. p. 227.
tab. 50.

177. *TRIENTALIS europæa*: Linn. *svec.* n. 326.
lapp. n. 139. *Michaux amer.* 1. p. 220.
Pallas it. sibir. 3. p. 319. *Lightf. scot.* p. 194.
Georgii fl. baikal. p. 207. *Falk russisch. to-*
pogr. 2. p. 166.

Hab. locis herbosis siccioribus in pratis et sylvis
omnium Lapponiarum, ut etiam in subalpinis,
inferalpinis et radicibus alpium omnium vulgatis-
sima; sed in ipsis alpibus omnibus usque ad Nord-
cap parcius.

CLASSIS VIII.

OCTANDRIA.

EPILOBIUM.

Gen. plant. ed. Schreb. n. 639. Gærtn de fruct. 1. p. 157. tab. 31.

178. *EPILOBIUM angustifolium*: foliis sparsis linearilanceolatis venosis glabris integerrimis, floribus inæqualibus, staminibus declinatis. *Smith brit. 1. p. 409.*

E. angustifolium Linn. svec. n. 327. lappon. n. 146. Flor. dan. t. 289. Engl. bot. 28. t. 1947. opt. Landt færoens. — Olavs. it. island. p. 166. Lightf. scot. p. 197. Michaux amer. 1. p. 223. Cranz grænl. — Pallas it. sibir. 3. p. 33. 319. Georgii fl. baikal. p. 207.

Lapponibus et Svecis Lapp. *Almykke s. Almokke.*
Lapponibus Pitensibus *Gaitsa - kåle* (i. e. *crapræ brassica*). Enarensibus *Gjäken - nuoli* (i. e. *Cuculi acus*). Fennonibus *Tennensibus Hurmasen - kuka.*

Hab. locis sylvaticis fertilioribus elevatis et in pratis collinis cultisque per partem sylvaticam, subsylvaticam et inferalpinam omnium Lapponiarum vulgatissime; nec non locis stercoratis ad casas Lapponum per partem subalpinam et radices alpium oninium etiam Finmarkiæ passim copiose.

In nulla terra adeo frequentissimum simulque speciosissimum esse videtur ac in summo nostro septentrione. Omnium plantarum Lapponicarum facile splendidissimum est, habitumque a ceteris plantis lapponicis longe alienum gerit.

179. *EPILOBIUM montanum*: foliis subpetiolatis ovatis dentatis, caule tereti, stigmatē partito. *Smith brit. 1. p. 411. Engl. bot. 17. t. 1177.*

E. montanum Linn. svec. n. 329. lappon. n. 147. Lightf. scot. p. 198. Fl. dan. 5. t. 922. Zoega island. — Landt færoens. — Georgii fl. baikal. p. 207. Falk russ. topogr. 2. p. 167.

Hab. locis nemorosis infra alpium radices Nordlandiæ vulgare; at in svecico latere nonnisi per par-

tem infimam sylvaticam Lapponiarum meridionalium passim ex. gr. ad Arjeplog Lapp. Pitensis.

Caulis undique pubescentiâ brevissimâ curvatâ præditus; neque folia glaberrima. Stigma potius bipartitum quam quadripartitum reperi.

180. *EPILOBIUM palustre*: foliis sessilibus lanceolatis subintegerrimis, caule tereti, siliquis pubescentibus, stigmate indiviso acuminato.

E. palustre Linn. *svec.* n. 330. *Lightf. scot.* p. 199. *Zoega island.*? — *Landt færoens.*? — *Pallas. it. sib.* 3. p. 33. *Georgii fl. baikal.* p. 207.

E. foliis lanceolatis, ramosae florens. Linn. *lapp.* n. 148.

β. lapponicum: foliis linearibus obtusis aveniis integerrimis puberulis.

E. foliis linearibus Linn. *lapp.* n. 149.

Hab. *β.* in paludibus locisque paludosis sphagno abundantibus per partem sylvaticam et subalpinam Lapponiarum svecicarum omnium vulgatius; nec non in inferalpinis Nordlandiæ et Finmarkiæ passim; at var. *α.* in svecia vulgarem vix unquam in Lapponia reperi.

Germina vel siliquæ juniores in utraque varietate pubescentiâ curvula albicante subtomentosæ sunt, qua nota ab omni varietate *E. alpini* facile dignoscuntur.

β. lapponicum: non parum differt: caule gracili simplicissimo, foliis quam internodia caulis inulto brevioribus superne evidenter puberulis etc. stigmate subdiviso.

181. *EPILOBIUM alpinum*: foliis oppositis ellipticis subintegerrimis, caule bifariam pubescente basi decumbente paucifloro, siliquis glaberrimis, stigmate indiviso clavato.

E. alpinum Linn. *svec.* n. 331. *lapp.* n. 150. *Lightf. scot.* 1. p. 199. tab. 10. *Engl. bot.* 28. t. 2001. *Flor. dan.* t. 332. *Zoega island.* —

β. fontanum: foliis dentatis crenatisve, caule erecto

E. alsinifolium *Engl. bot.* 28. t. 2000.

E. nutans *Flor. dan.* 8. t. 1387.

E. alpestre *Schmidt. bohém.*

Hab. in alpium omnium elatiorum graminosis subhumidis inferioribus passim copiose, ut etiam in locis inferalpinis et maritimis irrigatis passim; nec non β . in fontibus frigidis gradu 3 thermom. centigr. nunquam temperatioribus per totam Lapponiam sylvaticam usque ad Tafvelsjö districtus Umensis interdum frequenter.

Tota planta in alpihus vix ultra pollicem alta, foliis numerosis onusta. Caulis utrinque linea pubescente notatus, quæ linea e concursu foliorum oritur (nec e dorso vel costa dorsali foliorum); de cætero glaber. Siliquæ juniores glaberrimæ, rarius in tenella ætate pilis raris tenuissimis patentibus capitulatis obsitæ, sursum magis incrassatæ quam in præcedentibus. Stigma sursum insigniter incrassatum et omni crena orbatum. Folia semper glaberrima.

β . in fontibus sylvestribus ultra spithamam altum provenit, habitu fere *Epilobii montani*, sed differentiis supra datis semper constantibus facile dignoscitur; nec dubito, quin *E. palustri* affinius sit. Folia ejus sæpe adeo dentata ut non potest non *E. alsinifolium* Smith. esse. Exemplar *E. alpestris* Schmidt. in herbario Cel. Flörke visum nostræ plantæ bene convenit.

VACCINIUM.

Gen. plant. ed. Schreb. n. 658. Gærtn. de fruct. 1. p. 142. tab. 28.

182. VACCINIUM uliginosum: pedunculis unifloris, foliis integerrimis obovatis obtusis lævibus deciduis.

V. uliginosum Linn. svec. n. 332. lappon. n. 142. Flor. dan. t. 251. Lightf. scot. p. 201. Cranz groenland. — Landt færoens. — Olavs. it. island. p. 170. Michaux amer. 1. p. 235. Pallas it. sibir. 3. p. 319. Flor. Kamtschatk. in Arct. Zool. p. 195. Georgii fl. baikal. p. 207.

Lapponibus Bjällo-muörje. Finmarkicis Ertep.

Hab. locis subhumidis sylvaticis omnibus totius Lapponiæ vulgatissime; et in alpihus locis plerumque siccioribus usque versus Nordcap ubique parcius, sed altius adscendens quam Myrtillus.

Pili

Pili brevissimi rari in ramulis tenellis adsunt, qui etiam in petiolis foliorum adscendunt, sed adeo rari et inconspicui ut basi ciliata neutiquam dici merentur folia. Flores in alpinis minores et decolorati, plerumque steriles ut in sequentibus.

183. VACCINIUM *Myrtillus*: pedunculis unifloris, foliis serratis ovatis deciduis, caule angulato. *Smith. brit.* 1. p. 414.

V. *Myrtillus*. *Linn. svec.* n. 333. *lappon.* n. 143. *Flor. dan.* t. 974. *Lightf. scot.* p. 200. *Egede hist. groenl.* p. 70. *Landt. færoens.* — *Pallas fl. rossic.* 2. p. 46. *Olavs. it. island.* p. 170. *Pallas. it. sibir.* 3. p. 319. *Penn. Arct. Zool. ad Nutka sund* p. 241. *Georgii fl. baikal.* p. 207.

Lapponibus *Sarre-s. Sirre-muörje*. Fennoni-
bus *Mustika-marja*.

Hab. in sylvaticis præsertim humidiusculis per universam Lapponiam vulgaris (parcius tamen quam in Svecia septentrionali); ut etiam in subalpinis usque in lateribus occultioribus ipsarum alpium parcius, ubi vero baccas haud maturat.

184. VACCINIUM *Vitis idæa*: racemis terminalibus nutantibus, foliis obovatis subintegerrimis subtus punctatis marginibus revolutis. *Linn. svec.* n. 334. *lapp.* n. 144. *Flor. dan.* t. 40. *Lightf. scot.* p. 202. *Cranz groenland.* p. 86. *Michaux amer.* 1. p. 229. *Pallas it. sibir.* 3. p. 319. *Flor. Kamtschatk. in Arct. Zool.* p. 195. *Penn. Arct. Zool. ad Nutka sound.* p. 241. *Oeorgii. fl. baikal.* p. 208.

Lapponibus *Jogna s. Jågna*. Fennoni-
bus *Puolain-marja*.

Hab. in sylvaticis duris siccis per universam Lapponiam vulgare; ut etiam in alpi-
bus ubique sed parcius, et ibi in superioribus lateribus adscendens pertinaciterque frigorem resistens.

185. VACCINIUM *Oxycoccus*: repens glabrum, foliis ovalibus integerrimis marginibus revolutis, corolla quadripartita.

V. *oxycoccus* *Linn. svec.* n. 335. *lapp.* n. 145. *Zoega island.* — *Flor. dan.* t. 80. *Egede hist. groenl.* p. 70. *Georgii. fl. baikal.* p. 208.

Flor. Kamtschatk. in Arct. Zool. p. 195.
Lightf. scot. p. 202.

V. oxycoccus a. Michaux amer. 1. p. 228.

Lapponibus Jeggemuörje.

Hab. in paludibus aquosis et præcipue Sphagno repletis per universam Lapponiam vulgatissime, exceptis tamen alpibus ipsis ubi vix reperitur.

ERICA.

Gen. plant. ed. Schreb. n. 659. Gærtn. de fruct. 1. p. 302.
tab. 63.

186. *ERICA vulgaris*: antheris cristatis, stylo exserto, corollis campanulatis, calycibus duplicatis, floribus racemosis secundis, foliis oppositis sessilibus sagittatis.

E. vulgaris Linn. svec. n. 536. lappon. n. 141.
Willden. spec. 2. p. 373. Engl. bot. 15.
t. 1013. Lightf. scot. p. 203. Landt færoens. — Olavs. it. island. p. 941.

Calluna vulgaris Willden. en. hort. berol. p. 415.
Lapponibus Taggnas. Fennonibus Kanerva.

Hab. locis duris arenosis per partem sylvaticam, subsylvaticam et inferalpinam totius Lapponiæ ubique; et in subalpinis rarius, supra Naimacka Lapponiæ Tornensis haud proveniens; at in ipsis alpibus haud crescit nisi locis nonnullis occultis maritimis et sub rupibus meridiei expositis australiorum alpium.

DAPHNE.

Gen. plant. ed. Schreb. n. 664. Thymelæa. Gærtn. de fruct.
1. p. 188. t. 39.

187. *DAPHNE Mezereum*: floribus sessilibus ternis caulinis, foliis lanceolatis deciduis. *Willden. spec. 2. p. 415.*

D. Mezereum Linn. svec. n. 338. lappon. n. 140.
Flor. dan. t. 268. Gmel. sibir. 3. p. 26.
Falk russ. topogr. 2. p. 168. Pallas flor. ross. 1. p. 54.

Hab. in lucis densis humidis Lapponiæ infimæ sylvaticæ rarius ex. gr. a me lectum ad Akankoski infra Sodankylä Kemensis, et ad Storbacken Lulensis nec non ad Knaften Lapponiæ umensis; ut

etiam in inferalpinis Nordlandiæ meridionalis sub radicem alpis Vättfjället Saltensis.

POLYGONUM.

Gen. plant. ed. Schreb. n. 677. Gærtn. de fructib. 2. p. 181. tab. 119.

188. *POLYGONUM viviparum*: caule simplicissimo monostachyo, foliis margine revolutis sublan-
ceolatis.

*P. viviparum Linn. svec. n. 340. lappon. n. 152. Flor. dan. t. 13. Landt færoens. — Lightf. scot. p. 206. Cranz groenl. — Olavs. it. is-land. p. 677. Pallas it. sibir. 5. p. 319. Georgii fl. baikal. p. 209. Flor. Kamtschatk. in Arct. Zool. p. 195. Falk russische to-
pogr. 2. p. 169.*

β. alpinum: foliis inferioribus ellipticis, floribus roseis.

Bistorta minima alpina, foliis imis subrotundis. Ray syn. 147.

Bistortæ species. Mart. Spitsberg. cap. 6. tab. I. fig. a.

*Hab. in pratis et graminosis elevatioribus per uni-
versam Lapponiam sylvaticam, subalpinam et in-
feralpinam vulgatissime; at β. in ipsius alpini
jugi clivosis et alpinis maritimis usque ad Nordcap
et Vardöe ubique frequenter.*

*Engl. bot. 10. t. 669. parum refert nostram
plantam ob folia angustissima et flores nimium di-
stantes et magnos. In exteralpinis nostris obvenit
floribus fere niveis, minutis; staminibus fuscescen-
tibus; radice angusta, duriuscula, valde stiptica et
esui neutiquam idonea.*

*Varietas β. gerit folia inferiora eximie dilatata in-
terdum ovalia, flores roseos spectabiliores. Præci-
pue vero notabilis est ob radicem multo crassiorem,
torulosam, subdulcem et farinosam; eamque esse
puto, quam Samojedi effodiunt et edunt, etiamsi
fatear hanc quoque constituere escam satis stipticam
et vix nisi gentibus carnivoris aptam.*

189. *POLYGONUM aviculare*: floribus octandris tri-
gynis axillaribus, foliis ellipticis, caule procum-
bente herbaceo.

P. aviculare Linn. *svæc.* n. 339. *lappon.* n. 155.
Lightf. scot. p. 208. *Landt færoens.* —
Zoega island. — *Michaux amer.* 1. p. 237.
Georgii fl. baikal. p. 209. *Falk russ. topo-*
gr. 2. p. 170.

Hab. ad domos inque locis stercoretis per partem
 sylvaticam et subsylvaticam nec non inferalpinam
 sæpius copiose.

Folia plerumque latiora et majora quam in sve-
 cica planta.

190. *POLYGONUM Persicaria.* Linn. *svæc.* n. 342.
lappon. n. 71. *Olavs. it. island.* p. 677. *Mi-*
chaux amer. 1. p. 239. *Lightf. scot.* p. 207.
Landt færoens. —

Hab. in agris Novaccolarum Lapponiæ meridionalis
 cum seminibus, cerealium allata: *Linne.* neque
 hanc ibi reperi.

191. *POLYGONUM Convolvulus:* foliis cordato-sa-
 gittatis, caule volubili, fructibus obtusangulis
 sessilibus.

P. Convolvulus Linn. *svæc.* n. 344. *lapp.* n. 154.
Fl. dan. 4. t. 744. *Engl. bot.* 14. t. 941.
Lightf. scot. p. 208. *Michaux amer.* 1.
 p. 241. *Georgii fl. baikal.* p. 209.

Hab. in agris Novaccolarum per partem infimam syl-
 vaticam Lapponiarum omnium cicur; usque ad
 pagum Muonio superiorem Lapponiæ tornensis
 et Muttania Lapponiæ Kemensis lectus.

Valvulæ corollinæ persistentes et semen matu-
 rum obvestientes nudæ sunt vel carina omni desti-
 tutæ; fructus de cætero sessiles, scabriusculi, sor-
 didi, sine omni nitore vel colore lætiore. Neque
 sub maturatione adeo grandescit conceptaculum se-
 minis ac in *P. dumetorum.* Embryo in Lapponica
 planta periphericus est vel extra albumen ad angu-
 lum seminis positus; itaque vera species est Poly-
 goni *Gærtn.*

P A R I S.

Gen. plant. ed. Schreb. n. 683. *Gærtn. de fruct.* 2. p. 19.
 tab. 83.

192. *PARIS quadrifolia:* Linn. *svæc.* n. 346. *lap-*
pon. n. 155. *Olavs. it. island.* p. 940. *Lightf.*

*scot. p. 209. Georgii fl. baikal. p. 209. Falk
russ. topogr. 2. p. 172.*

Hab. locis humosis umbrosissimis sub ipsis alpium
radicibus Nordlandiæ passim, Finnmarkiæ raris-
sime ex. gr. ad Kistrand; ut etiam in insulis flu-
minum prope Cataractas majores Lapponiæ Umen-
sis ex. gr. ad Hällforsen juxta Lycksele et ad Gran-
sele fluminis Vindelensis. Itaque frigori satis im-
patiens esse videtur.

E L A T I N E.

Gen. plant. ed. Schreb. n. 685.

193. ELATINE *Hydropiper*: foliis oppositis, flori-
bus alternis.

E. Hydropiper Linn. svec. n. 348. lappon. n. 156.

α. Willden. spec. 2. p. 472.

Hab. ad margines fluvii Lulensis non raro: *Linné*;
ego ad Tornoam reperi.

C L A S S I S IX.

E N N E A N D R I A.

R H E U M.

*Gen. plant. ed. Schreb. n. 692. Gærtn. de fruct. 2. p. 177.
tab. 119.*

194. RHEUM *digynum*: floribus digynis hexandris,
foliis reniformibus.

Rumex digynus Linn. svec. n. 317. lapp. n. 132.

Flor. dan. t. 14. Engl. bot. 13. t. 910.

Zoega island. — Lightf. scot. p. 190.

Landt færoens. — Georgii fl. baikal. p. 207.

Pallas it. sibir. 3. p. 33. Cranz groenland.

— Phipps it. polar. p. 55.

Acetosa rubra Mart. Spitsberg. —

Lapponibus Häbro s. Abro.

Icon nostræ tab. IX. f. 2. (fructus).

Hab. in clivosis omnium alpium lateribus præcipue
ad rupes irrigatas et rivulos vulgatissime, usque
ad ipsum Nordcap; ex alpibus quoque descendit
juxta flumina usque in subsylvaticis et inferalpinis.

rarius ex. gr. ad flumen Tana et Utsjoki. In montibus subalpinis vero nunquam reperitur nisi in Gellivare-dunder Lapponiæ Lulensis copiose.

Omnes prorsus Auctores pro valvulis seminalibus distinctis habuerunt integumentum seminis in alas membranaceas diductum. Quod autem seminis integumentum sit exinde patet, quod stigmata in marginis membranacei summitate inserta sunt et sessilia (nec in nuclei denudati apice), quodque stamina extra illud posita reperiuntur (cum in Rumicibus intra valvulas): ne quid dicam de marginum membraceorum simplicitate. Nequit itaque esse Rumicis species; et e contra apprime Rheis convenit nudis seminibus membranaceo-alatis, embryo centrali recto, radícula supra albumen producta et rostram quasi nuclei seminalis efficiente. Nec numerus partium fructificationis repugnat quin ad Rhea pertineat; si enim tertia pars desumitur a Rheo, oritur numerus omnium partium hujus plantæ; si autem tertia pars in Rumicibus desumeretur, essent stamina 4 nec ut re vera sunt 6. Magnitudo plantæ magis a Rheis abhorret quam habitus; nam folia ejus multis costis e pedunculo divergentibus instruuntur ut in Rheis, quo affinitas quædam cum foliis palmatis demonstratur. Radix valde perennis et longæva, satis crassa.

In Rumicibus veris Valvulæ adsunt, semina sunt triquetra sine marginibus membranaceis, embryo curvatus est et periphericus vel extra albumen positus, stigmata in stylis liberis.

Ex his patere puto, quod si sequatur character generum, hæc planta necessarie ad Rheum referenda est.

Explicatio iconis: a. Semen cum calyce magn. nat. b. idem quadruplo auctum, quo apparet stigmata vel stylos cum marginibus seminis membranaceis cohærere, et lacinias calycis in valvulas haud abire. c. idem eodem augmento transversaliter sectum, calycis laciniis reflexis, nec unquam cum marginibus seminis conjunctis. d. seminis nucleus dissectus longitudinaliter, cum embryo recto centrali. e. Embryo solutus 6:ies auctus.

CLASSIS X.

DECANDRIA.

LEDUM.

Gen. plant. ed. Schreb. n. 744. Gærtn. de fructib. 2. p. 145. tab. 112.

195. **LEDUM palustre**: foliis sublinearibus margine revolutis subtus tomentosis.

L. palustre Linn. svec. n. 352. lapp. n. 160. Fl. dan. 6. t. 1031. Willden. spec. 2. p. 602. Pallas it. sibir. 3. p. 287. Cranz groenland. p. 83. Rottboel. pl. groenl. in Act. Hafn. X. p. 441. Flor. Kamtschatk. in Arct. Zool. p. 195. Georgii fl. baikal. p. 213. Falk russische topogr. 2. p. 176.

β. *dilatatum*: foliis oblongo-ovalibus.

L. latifolium Willden. en. hort. ber. p. 450?

Lapponibus *Jegge-gouts* s. *Gouts-grase*. Fenno-
nibus *Suonpursu*. Norvegis *Finne-the* (i. e. thea lapponum).

Hab. locis paludosis sylvaticis per partem sylvaticam et subsylvaticam omnium Lapponiarum svecicarum vulgatissime; ut etiam in Lapponiæ Kemenensis regione subalpina usque ad Polmak (ubi plerumque latifolium evadit), et Finnmarkiæ orient. regiones interiores Varangriæ etc. passim copiose. Alpes omnino fugit, nec in tota Nordlandia et e latere Norvegico alpium reperitur unquam.

In utraque varietate tomentum foliorum sub prima infantia album est, dein ferrugineum evadit; ut neque colore ejus distingvi queant. *Ledum latifolium* quoddam re vera diversum nunquam vidi.

Centrum capsulæ (i. e. punctum illud ubi vasa nutrientia seminum cum styli ductubus coeunt) sub ipsa apice capsulæpositum, unde egrediuntur receptacula teretia in loculamentis deorsum libera dependentia. Semina in longo arillo inclusa. Ab hoc caractere tota abhorret capsula *Ledi buxifolii*, quæ fere *Azaleæ procumbentis* constructionem habet.

RHODODENDRON.

Gen. plant. ed. Schreb. n. 746. Gærtn. de fruct. 1. p. 304. tab. 63.

196. RHODODENDRON *lapponicum*: foliis ellipticis obtusis foveolatis resinoso-punctatis, umbellulis terminalibus, ramis divaricatis procumbentibus.

Azalea lapponica Linn. svec. n. 180. lappon. n. 89. t. 6. f. 1. Fl. dan 6. t. 366. Rottb. pl. groenl. in Act. Hafn. X. p. — Pallas ross. 2. p. 52. t. 70. f. 1. A. B. (maxima in subsylvaticis).

Hab. in collibus alpinis duris siccis e latere svecico alpium Lulensium et Tornensium passim copiose, uti ad oram orientalem lacus Virih-jaur in monte Tokin, in Kirkivare, in Jolli etc. frequenter; nec non ad Kunima-eno inter Karanasvaara et Peltsanen parœciæ Enontekis sat copiose; summum vero alpium jugum nivale fugit, nec in Norvegia tota unquam lectum nisi pauca exemplaria in convalle Guldbrandsdalen a mari longissime remoto.

Singulis partibus ita convenit Rhododendris ut neutiquam ab iis disjungi queat; nec stamina quinque sunt, sed numerus eorum inter quinque et decem plerumque medius et vagus, neque parum declinata sunt. Rami potius humi adpressi quam suberecti sunt, et tantum apice rosulis foliorum ornati. Gemmarum squamæ ciliatæ. Folia annua sunt vel decidua, nec ulla sub capsulis præcedentis anni adsunt unquam. Folia juniora utrinque luteo-viridia foveolis impressis concoloribus puncto pertuso resinam exsudante centrali notatis; postea hæ foveolæ ferrugineæ evadunt et præcipue in pagina inferiori valde conspicuæ, puncto centrali nigricante. Capsulæ oblongæ, 4-5 sulcatæ, dehiscendo usque ad basin 4-5 partitæ: Dissipimenta duplicatæ et columnæ mediæ vix unquam annexa. Receptacula longa linearia subfoliacea, columnæ mediæ per totam longitudinem capsulæ adnata instar totidem alarum. Semina utrinque acuminata, subarillata.

Fructus structura ex toto Rhododendri maximi Gærtn. t. 63. est.

M E N Z I E S I A.

Smith ic. ined. 56. *Gertn. carpol.* 3. p. 145. *tab.* 209. *fig.* 6.

197. MENZIESIA *cærulea*: foliis linearibus obtusis, pedunculis aggregatis.

Andromeda cærulea *Linn. svec.* n. 354. *lappon.* n. 164. t. 1. f. 5. *Flor. dan.* t. 57. *Gmel. sibir.* 4. p. 121. *Cranz grœnl.* — *Pallas it. sibir.* 3. p. 506.

Erica cærulea *Willden. spec.* 2. p. 393. *Gmel. sibir.* 4. p. 131. t. 57. f. 2.

Andromeda taxifolia *Pallas ross.* 2. p. 54. t. 72. f. 2. (in Kamtschatka et ad Tungu-flumen tantum).

Hab. in collibus et campis duris siccis per regionem subalpinam et alpinam ipso alpium jugo proximam ubique omnium frequentissime, infra templum Enontekis Lapponiæ Tornensis descendens; ut etiam frequenter in alpium campis inferioribus, et in montibus subalpinis totius regionis sylvaticæ usque ad Kalkisbout Lapponiæ Pitensis, Ollostunturi Lapponiæ Tornensis e. s. p.; nec non in alpi-bus maritimis totius Finmarkiæ et septentrionalis Nordlandiæ parcius.

Quoad partes floris et numerum omnium partium optime cæteris Andromedis convenit, sed habitus et capsulæ constructio aliena est. Folia ne-tiquam terna sunt, sed sine ordine conferta, Taxi foliis non parum similia: Denticuli marginum pel-lucidi interdum capitati, ut pilos pedunculorum non parum æquant. Capsula urceolata, inferne circulo elevato cincta; apice dehiscit in suturis adeo ut dissepimenta e marginibus valvularum formata esse apparent; sed margines valvularum vix ad medium a se invicem solvuntur, infra medium omnino con-nati tum inter se tum cum columna, ut neque vi disjungi queant. Receptacula brevia ut in *Andro-meda polifolia*.

Menziesiæ generis character consistit in corolla ventricosa indivisa Andromedarum (sed stamina bi-locularia mutica), et capsula marginibus inflexis dissepimenta constituentibus ut apud *Rhododendra*. Huic quoque generi pertinet *Andr. dabæcia*.

ANDROMEDA.

Gen. plant. ed. Schreb. n. 747. Gærtn. de fruct. 1. p. 104. t. 63.

198. *ANDROMEDA polifolia* β .: foliis lanceolatis mucronatis margine revolutis, pedunculis aggregatis, corollis ovatis.

A. polifolia *Linn. svec. n. 353. lappon n. 173. t. 1. f. 3 Lightf. scot. p. 214 Georgii fl. baikal. p. 213. Pallas it. sib. 3. p. 287.*

A. polifolia β . *media Aiton. kew. 2. p. 68. Willden. spec. 2. p. 601.*

Hab. in paludibus omnibus per partem sylvaticam usque ad subalpinam omnium Lapponiarum svec. et inferalpinam Norvegicarum vulgarissime; ut etiam ubique parcius in ipsarum alpium paludosis.

Non tantum foliorum pagina inferior, verum etiam bracteæ et pedunculi florum rore candido eleganti obducta sunt. Costa foliorum in mucronem subpellucidum exstantem abit. Antheræ setis recurvatis armatæ. Stylus persistens capsulis parum longior. Capsula obovata, subrugosa; umbilico perforato. Receptacula sessilia, brevia, subrotunda. Semina majora quam in cæteris speciebus lapponicis seminibus papaveris fere majora, polita et nitida, oblonga utrinque rotundata, sine margine ullo compresso.

Elegantior est in Lapponia quam alibi unquam floribus numerosis fere umbellatis in pedunculis elongatis incarnatis. Est quædam gentilitas admirabilis in flore et pedunculo a rubore subpellucido florido aucta, sed quasi nube glaucescente modeste involuta; qua admodum placet hæc Andromeda in his desertis. Huic figura *Engl. bot. 10. t. 713.* adeo dissimilis est pedunculis suis brevissimis, ut haud citari meretur; totam illam elegantiam amisit, quam poëtica sua descriptione exposuit Linnæus in Flora lapponica.

199. *ANDROMEDA calyculata* γ . *angustifolia*: foliis oblongis obtusis squamuloso-punctatis, racemis secundis foliaceis, calyce bracteolato, corollis ovalibus.

A. calyculata *Linn. svec. n. 357. Gmel. sibir. 4. p. 119. n. 4. Georgii fl. baikal. p. 214. Falk russ. topogr. 2. p. 176.*

A. calyculata γ. angustifolia *Willden. spec. 2.*
p. 614.

Hab. in paludibus umbrosis Sphagno repletis per
Lapponiam Kemensem infimam passim copiose.

Racemi interdum nudi sunt vel sine bracteis
foliaceis. Foliorum serraturæ in nostra varietate vix
adsunt, sed eorum loco rugositas vel callositas inæ-
qualis. Antheræ re vera nauticæ sunt. Stylus ca-
psulam coronans quadruplo longior est quam ipsa
capsula. Forma capsulæ valde depressa ut fere caseo-
laris, idque magis quam in figura *Gærtneri*, simul-
que calyx brevior. Dissepimenta quidem e latere
medio valvularum oriuntur et dehiscentia in angulis
primum fit; sed successu temporis dissepimenta in
binas laminas dividuntur et singuli loculamenti con-
ceptaculum inferne cohærens decedit: ideoque in
hac admodum manifeste cernitur, quod dissepimenta
revera e marginibus inflexis valvularum semper for-
mantur, quamquam e dorso primum dehiscunt dum
dissepimenta arcte columnæ mediæ adnata sunt.
Receptacula in centro capsulæ subpedicellata, de
cætero breviter subglobosa. Semina e latere interiore
compressa et submarginata.

200. ANDROMEDA *tetragona*: foliis subtriquetris
sagittatis quadrifariam imbricatis, pedunculis
solitariis lateralibus, corollis campanulatis.

A. tetragona *Linn. svec. n. 356. lapp. n. 166.*
tab. 1. f. 4. *Fl. dan. 6. t. 1030. Willden.*
spec. 2. p. 607. Rottb. pl. groenl. in Act.
hafn. X. — Pallas ross. 2. p. 56. t. 73. f. 4.
(haud in Sibiria.)

Hab. locis editis siccis per alpium Tornensium jugum
et Nordlandiæ septentrionalis summas alpes vulga-
tissime; ut etiam in Finmarkia occidentali rarius,
et in alpiibus Lulensibus e latere svecico passim sa-
tis copiose ex. gr. ad Kobrinojvi, Jolli et septen-
trionale latus montis Vallivare. In summis alpi-
bus Pitensibus eam quoque legit *Cel. Solander*.

Folia ejusdem omnino figuræ, constructionis et
situs ac in *Erica vulgari*, quamquam calcaria minus
retrorsum producta sunt. Hæc autem constructio
vix evidenter describi queat; margines omnino re-
voluti sunt et calcaria formant, sed discus simul sur-
sum productus in margines alios spurios sursum ver-

sos. Folia neutiquam nuda sunt, sed undique pilosiuscula, marginibus haud exceptis, unde differentia ab *A. ericoide* Pallas satis vaga videtur. Corolla oblongo - campanulata. Capsula magis conica quam in cæteris: umbilico perforato usque ad centrum capsulæ. Receptacula quinque magis distincta, inferne soluta et in loculamentis retrorsum producta. Stylus capsula brevior. Antheræ setas binas longitudinem fera filamenti æquantes demittunt.

201. ANDROMEDA *hypnoides*: foliis subulatis confertis, pedunculis solitariis terminalibus, corollis campanulatis. *Willden. spec.* 2. p. 608.

A. hypnoides Linn. *svéc.* n. 355 *lappon.* n. 165. tab. 1. f. 3. *Flor. dan.* t. 10. *Zoega island.* — *Pallas. it. sibir.* 3. p. 34. (conf. *Pallas fl. ross.* 2. p. 56!)

Hab. per universum alpium jugum usque ad Rastekaisse in locis siccis durissimis editis vulgaris; in collibus subalpinis jugo proximis passim degreditur usque ad summum jugum alpis Givorten Lapponiæ Umensis, Peliekaisse Lapponiæ Pitensis, Valli et Säckok Lapponiæ Lulensis, Kielijärvi Lapponiæ Tornensis; sed de cætero neque in maritimis alpinis Lapponiæ Norvegicæ neque extra altiores alpes descendit unquam.

Floribus suis pulchellis incarnatis campanulatis quasi supra muscum i. e. surculos Hypno satis similes pendentibus valde singularis est. Folia simplicissima, subulato - planiuscula, extrorsum glaberrima: marginibus introrsum pellucido - denticulatis. Pedunculi ramis longiores, semper terminales (nec rami unquam ad eorum basin innovant sed tantum parum incrassati evadunt), semper solitarii, glabriusculi. Corolla late campanulata. Antheræ setis binis brevioribus armatæ. Capsula globosa: umbilico perforato, sed basi styli incrassata et subglobosa repleto.

In quaternis his Andromedæ speciebus capsula admodum similis: valvulis dissepimento contrariis vel e media pagina dissepimenta emittentibus, apicibus valvularum inflexis et ad centrum fere capsulæ retrogradis unde umbilicus formatur insignis. In centro capsulæ quinque adsunt receptacula distincta brevina, rarius retrorsum protensa. Antheræ in ple-

risque Andromedis setis binis armatae sunt, quibus etiam differunt a Menziesia s. ante hac Andromeda caerulea.

ARBUTUS.

Gen. plant. ed. Schreb. n. 750.

202. ARBUTUS *Uva ursi*: caulibus procumbentibus, foliis integerrimis cuneiformibus.

A. *Uva ursi* Linn. *svéc.* n. 358. *lapp.* n. 162. tab. 6. f. 3. *Willden. spec.* 2. p. 618. *Olavs. it. island.* p. 148. *Michaux amer.* 1. p. 249. *Lightf. scot.* p. 216. *Pallas it. sibir.* 3. p. 16. *Flor. Kamtschatk. in Arct. Zool.* p. 195. (conf. *Pallas fl. ross.* 2. p. 48.) *Georgii fl. baikal.* p. 214.

Hab. in sylvaticis et alpinis siccis arenosis totius Lapponiae ferè ubique copiose, sed in ipsis alpi- bus parce.

203. ARBUTUS *alpina*: caulibus procumbentibus, foliis serratis rugosis deciduis.

A. *alpina* Linn. *svéc.* n. 559. *lapp.* n. 162. *Engl. bot.* 29. t. 2030. *Lightf. scot.* p. 215. *Zoega island.* — *Flor. dan.* t. 73. *Pallas it. sibir.* 3. p. 24. 27. 33.

Lapponibus *Karanes muörje* (i. e. corvorum baccæ). Norvegis *Ravne-bær*.

Hab. in subalpinis siccis arenosis totius Lapponiae omnium vulgatissima; ut etiam in alpinis et ip- sis alpi- bus usque versus Nordcap ubique parcius; nec non per partem subsylvaticam usque ad Mut- tania Lapponiae Kemensis, Gellivare Lapponiae Lulensis e. s. p. descendens et per partem inferalpi- nam præcipue Lapponiarum septentrionalium pas- sim. In omnibus montibus subalpinis copiose occurrit.

Folia annua sunt et sub hieme omnino pereunt, quamquam remanent decoloratae. Epidermis in pa- gina inferiori soluta est ut in Buxo et Pyrola. Se- mina in singula bacca quinque, lenticularia, intror- sum margine acutiore columnæ adfixa, rugulosa, duriusculo putamine prædita, pulchre purpurascen- tia. Præcedenti itaque respectu generis utique con- venit; quamquam specie valde diversa quod ad con-

structionem singularum partium. *Arbutus Unedo* *Gærtn. de fruct.* 1. p. 284. tab. 59. f. 4. ab utrisque differt loculamentis polyspermis.

P Y R O L A.

Gen. plant. ed. Schreb. n. 752. *Gærtn. de fruct.* 1. p. 303. tab. 63.

204. *PYROLA rotundifolia*: staminibus adscendentibus, pistillo declinato, racemo multifloro. *Smith brit.* 2. p. 444. *Linn. svec.* n. 360. *lappon.* n. 169. *Flor. dan.* t. 110. *Lightf. scot.* p. 218. *Landt færoens.* — *Michaux amer.* 1. p. 251. *Pallas it. sibir.* 3. p. 319. 287. *Gmel. sibir.* 4. p. 128. *Flor. Kamtschatk. in Arct. Zool.* p. 195. *Georgii fl. baikal.* p. 214.

Hab. locis herbosis umbrosis per partem sylvaticam omnium Lapponiarum passim parcius.

205. *PYROLA minor*: floribus racemosis dispersis, staminibus stylisque rectis æqualibus inclusis.

P. minor *Linn. svec.* n. 361. *Willden. spec.* 2. p. 621. *Flor. dan.* t. 55. *Lightf. scot.* p. 218. *Gmel. sibir.* 4. p. 128. *Georgii fl. baikal.* p. 214.

Fennonibus Enontekensibus *Lilien-kuka*.

Hab. locis umbrosis per partem sylvaticam et subsylvaticam omnium Lapponiarum fere ubique satis copiose; ut etiam in Nordlandia inferalpina passim et Finmarkia rarius.

Hanc a *P. rotundifolia* haud distinxisse videtur *Linnæus* in sua Flora lapponica; longe vulgatiores quam illa per totam Lapponiam.

206. *PYROLA secunda*: racemo unilaterali, foliis ovalibus serratis.

P. secunda *Linn. svec.* n. 362. *lappon.* n. 168. *Smith. brit.* 2. p. 445. *Lightf. scot.* p. 219. *Flor. dan.* t. 402. *Olavs. it. island.* p. 814. *Michaux amer.* 1. p. 250. *Pallas it. sibir.* 3. p. 319. *Falk russische topogr.* 2. p. 177.

Hab. in sylvis acerosis siccis Lapponiarum meridionalium vulgatus, septentrionalium rarius.

207. *PYROLA uniflora*: scapo unifloro. *Linn. svec.* n. 364. *lappon.* n. 167. *Willden. spec.* 2. p. 622. *Smith. brit.* 2. p. 446. *Michaux amer.*

1. p. 251. *Pallas it. sibir.* 3. p. 287. *Gmel. sibir.* 4. p. 129. *Georgii fl. baikal.* p. 214.

Hab. in lucis fertilioribus Lapponiarum meridionalium frequentius, septentrionalium rarius.

CHRYSOSPLENIUM.

Gen. plant. ed. Schreb. n. 763. *Gærtn. de fruct.* 1. p. 208. tab. 44.

208. CHRYSOSPLENIUM *alternifolium*: foliis alternis reniformibus subincisis.

Ch. *alternifolium* *Linn. svec.* n. 765. *lapp.* n. 151. *Smith. brit.* 2. p. 447. *L. f. scot.* p. 219. *Georgii fl. baikal.* p. 214. *Pallas it. sib.* 3. p. 34. *Gmel. sibir.* 3. p. 29.

Hab. in pratis udis per Lapponiam rarissime, sed etiam ad templum Enontekis lectum est.

SAXIFRAGA.

Gen. plant. ed. Schreb. n. 764. *Gærtn. de fruct.* 1. p. 177. tab. 36.

209. SAXIFRAGA *Cotyledon*: foliis radicalibus aggregatis lanceolato-lingulatis albido-serrulatis, panicula composita laxa, calycibus glanduloso-pilosis.

S. *Cotyledon* *Linn. svec.* n. 366. *lappon.* n. 177. tab. 2. f. 2. mala. *Flor. dan.* t. 241. *Willden. spec.* 2. p. 638. *Olavs. it. island.* p. 433. *Suter helvet.* p. 243.

S. *pyramidalis* *Lapeyrous. saxifr.* p. — *Sternberg saxifr.* p. 2. t. 2. optim.

S. *foliorum ora cartilaginea*, caule triplicato-ramoso, petalis immaculatis. *Hall. helv.* n. 977.

Cotyledon media foliis subrotundis. *Bauh. in Burser. herb.* XVI. n. 96.

Norvegis *Bergdusk*.

Hab. in rupibus irrigatis umbrosis sub ipsis radicibus alpium per Nordlandiam meridionalem usque ultra sinum Saltensem passim copiose; ut etiam in convallibus profundis subalpinis juxta Quickjock Lapponiæ Lulensis raro scil. ad montem Njammat et ad Vallivare, nec non juxta lacum Tornensem prope alpes lecta a cel. *Lilje-*

blad; sed ulterius septentrionem versus nunquam reperta est, nec in ipsis alpidibus unquam.

Folia semper prædictæ formæ, nec latitudine sua apud nos variant, sursum parum latiora apiceque obtusiuscula, læte viridia (nec ut in *S. aizoon* glauca). Margo eorum proprie dictu cartilagineus non est, nec serraturæ, quum in latere inferiore omnino virides; sed superne obductæ tantum sunt epidermide quadam accessoria albida, quæ in centro uniuscujusque serraturæ adfixa est quasi in umbilico depresso, et ad ambitum cito solvitur a subjacente substantiâ folii sicque gutta una albida in unaquaque serratura constituit. Basin versus folii hæc serraturæ sensim abeunt in ciliis capitulatas vel glanduliferas. Foliola s. bracteæ paniculæ fere usque ad apicem ciliata, et utrinque glanduloso-pilosa. Panicula tota ut etiam calycis fundus glanduloso-pilosa; sed lacinia calycinæ plerumque glabræ, subcoloratæ, obtusæ. Petala versus basin vix manifeste ciliata, albida sine ullis punctis, oblongo-obovata nec ita subrotunda ac in figura Floræ danicæ (sine dubio perperam ita depicta). Calyx fructificans subglobosus, fructum longe magis inferiorem fovens quam in *S. aizoon*. Peduncululi florum tenuissimi fere capillares.

Nobis extranea est *S. aizoon* Jacqu. austr. 5. t. 458. Sternb. saxifr. tab. 3. A. (*S. petiolis paucifloris*, petalis punctatis Hall. helv. n. 978.), cujus serraturæ foliorum eodem modo constructæ sunt ac in nostra *S. Cotyledone*, sed eximie differt: scapo subsimplici, firmo, et bracteis latioribus inferne prædito; calyce omnino glabrato, magis dilatato et planiore fructum magis superum fovente; petalis inferne latioribus, sibi invicem contiguis et subovatis. Hanc in tota Scandinavia haud sponte crescere puto, unde figura *Floræ lapp.* huc a nonnullis citata non potest non ad ipsam *S. Cotyledonem* Linn. pertinere.

In *Sax. mutata* ejusque affini *S. crustata* serraturæ foliorum longe alius constructionis sunt utpote e membrana hyalina tenuissima factæ; cæteræ quoque partes alienæ, ut nostræ plantæ vix quidem affinis est. Dilabunt itaque *Cotyledones* in squamoso-serratas et membranaceo-serratas.

210. *SAXIFRAGA oppositifolia*: foliis coriaceis ciliatis oppositis ovatis imbricatis planiusculis, caule calyceque glabro, flore terminali semisupero.

S. oppositifolia Linn. *svec.* n. 369. *lappon.* n. 179. t. 2. f. 1. *Sternb. saxifr.* p. 36. *Olavs. it. island.* p. 433. *Landt færoens.* — *Plupps it. spitzberg.* — *Lightf. scot.* p. 222. *Gmel. sibir.* 4. p. 168. *Georgii fl. baikal.* p. 215.

Herba facie Sedi. *Mart. spitzberg.* c. 5. t. F. f. C.

Hab. locis ab aqua nivali irrigatis præcipue saltuosius per totum alpium jugum et omnes alpes maritimas usque ad summa cacumina vulgatissime; ut etiam in petris maritimis et rupibus inferalpinis passim; de cætero extra summas alpes haud visa, nisi in monte Snirrak Lapponiæ Lulensis parcius.

Folia omnia sunt ciliata: ciliis eglandulosis s. capitulo terminali orbatis, subulatis seu extenuatis, rigidis; suprema in pedunculo alterna sæpius sunt. Caulis interdum pilosiusculus ob cilia foliorum decurrentia: de cætero glaberrimus. Petala haud raro satis angusta et lanceolata. Pistilla calyce semper longiora. Rami autem semper uniflori. Apex foliorum semper incrassatus, triangularis et quodammodo retusus, (sine ciliis) et in medio puncto unico perforatus; quæ quidem structura in *S. biflora* minus manifesta, in *S. retusa* insignior. Ad marginem foliorum *S. cæsiæ* adest series tota punctorum perforatorum et nonnisi basis plana ciliata, unde affinitas harum tum inter se tum *S. cotyledoni* demonstratur.

Hæc quasi media est inter *S. bifloram* et *retusam* tum respectu figuræ foliorum ac constructionis floris. Neque *S. biflora* nec *S. retusa* in Lapponia crescit. *Saxifraga biflora* satis differt caule calyceque villosa, foliis tenuibus: ciliis sive nullis sive mollibus et capitulo glanduloso instructis.

211. *SAXIFRAGA nivalis*: foliis obovatis truncatis crenatis subsessilibus, scapo nudo, floribus aggregatis semisuperis, petalis calycem æquantibus.

S. nivalis Linn: *svec.* n. 363. *lapp.* n. 176. t. 2. f. 5. 6. *Engl. bot.* 440. *Willden. spec.* 2. p. 645. *Lightf. scot.* p. 221. *Cranz græn-*

land. — Landt færoens. — Zoega island. — Pallas it. sibir. 3. p. 35? Gronov. virgin. 160. β. tenuis: foliis subpetiolatis, floribus pedunculatis cymosis.

S. punctata Rottboell act. hafn. X. p. 445. t. 3. n. X.

Sempervivum parvum Mart. spitzberg. n. 2. t. F. f. a.

Hab. per totum alpium jugum omnesque alpes maritimas in locis suboccultis præruptis ab aqua nivali semper irrigatis frequenter; ut etiam ad rupes inferalpinas Nordlandiæ sat vulgaris; sed juxta flumina alpina in Lapponiis svecicis rarissime.

Hæc nulli alii nostrarum affinis est, sed a cæteris omnibus disjuncta: toto habitu, floribus inconspicuis semper erectis campanulatis, petalis calyce et germine fere minoribus valde inconspicuis, discretis vixque sibi invicem contiguis.

Folia subcoriacea et tam opaca ut nullæ venæ transparent, glabra, margine pubescentia, subtus plerumque rubicunda: crenis satis profundis. Caulis vel scapus crassiusculus firmus, pilis brevibus viscosis obductus. Flores ita aggregati ut capitulum plerumque formant, numerosi. Petala parva albicantia vel parum rubicunda.

β. tenuis varietas est insignior: omnibus partibus gracilioribus et tenerioribus, foliis undique glaberrimis et magis elongatis; floribus paucioribus et ita pedunculatis, ut cymam fere efficiunt; fructu minore et stigmatibus magis recurvatis.

212. *SAXIFRAGA stellaris: foliis oblongis serratis, scapo nudo ramoso, petalis lanceolatis inferis, calyce reflexo.*

S. stellaris Linn. svec. n. 367. lappon. n. 175.

Flor. dan. t. 23. Sternberg saxifr. p. 11.

Lapeyrouse saxifr. n. 23. Zoega island. —

Lightf. scot. p. 220. Gmel. sibir. 4. p. 163.

n. 75. Landt færoens. — Cranz grœnland.

Herba foliis Aloës. Martens spitsberg. n. 1. t. G. fig. a.

Hab. per universum alpium jugum et omnes alpes maritimas locis suboccultis irrigatis, juxta rivulos etc. ubique frequenter; nec non extra alpes ad rivulos alpinos et fluvios passim uti in Nordlan-

dia inferalpina, ad Kengis prope Lapponiam Tornensem e. s. p.

Flores ante florescentiam semper nutant ut in sequentibus speciebus, quibus re vera affinis est. Calyx post florescentiam reflexus.

213. *SAXIFRAGA Hirculus*: foliis caulinis lanceolatis nudis obtusiusculis, caule erecto, floribus campanulatis inferis.

S. Hirculus Linn. *spec.* n. 570. *Flor. dan.* t. 200. *Sternberg saxifr.* p. 24. *Willden. spec.* 2. p. 649. *Pallas it. sibir.* 3. p. 34. 446. *Gmel. sibir.* 4. p. 165. t. 63. f. 3. *Georgii fl. baikal.* p. 215. *Falk russische topogr.* 2. p. 178.

Hab. in paludibus firmioribus per partem sylvaticam et subsylvaticam Lapponiæ Tornensis ubique frequenter, et Kemensis passim; ut etiam Varangriæ in Finmarkia orientali: *Gunnerus*.

Folia radicalia latiora sunt et petiolata, tenuia et omnino plana, undique nuda et ne basi quidem ciliata, neque apice perforata. Caulis uniflorus vel biflorus. Flores toti campanulati sunt, petalis sursum latioribus, omnino inferis. Calyx post florescentiam reflectitur ut in *S. stellari*.

Engl. bot. 15. t. 1009. plantam sistit multo vegetiorem quam nostra, nec de cætero ex assequatur.

214. *SAXIFRAGA aizoides*: foliis lineari-subulatis subciliatis mucronatis, caulibus decumbentibus, floribus planis semiinferis.

S. aizoides Linn. *spec.* n. 371. *lappon.* n. 178.

Sternberg saxifr. p. 25. t. 8. f. 1. *Smith. brit.* 3. n. 452. *Zoega island.*

S. autumnalis *Lightf. scot.* p. 222. *Flor. dan.* t. 72.

Hab. in utroque latere jugi alpini meridionalis ubique frequenter usque in alpe Ribnitskaise Lapponiæ Pitensis decedens; sed propius fines Finmarkiæ nonnisi in latere norvegico alpium reperitur, ubi in radicibus rupium alpinarum et ad latera montium maritimorum inferalpinorum passim copiose crescit; nec non in oris maritimis Finmarkiæ ad Alten passim et in Qualöa prope Hammerfest parcius, ut etiam ad flumen Utsjokense Lapponiæ extimæ Kemensis copiose visa.

Folia caulina ac radicalia simillima, omnia sessilia, linearia, crassiuscula et quodammodo semiteretia, ob latus inferius tumidum inane et epidermide distenso præditum, intra apicem puncto luteolo impresso notata, saltem ad basin ciliata. Racemus in apice caulis foliosus, ramis ante florescentiam nutantibus. Flores planiusculi, calyce semper patente et ad basin germini ita adnatus ut tantum subinferi dici possunt flores.

Nullam unquam vidi *S. autumnalem*, quam pro diversa a *S. aizoides* habere potui.

215. *SAXIFRAGA cernua*: foliis caulinis reniformibus subpalmatis petiolatis, caule bulbifero subunifloro, calyce infero 5-partito, petalis obovatis obtusis.

S. cernua Linn. *spec. n.* 373. *lappon. n.* 172. tab. 2. f. 4. *Smith. brit. 2.* p. 453. *Engl. bot. 10. t.* 664. *optim. Sternb. sax. p.* 18. t. 12. f. 2. *Phipps it. Spitsberg. — Rottb. pl. grœnl. in Act. hafn. X. Pallas it. sibir. 3. p.* 33. *Gmel. sibir. 4. p.* 163. n. 74. *Georgii fl. baikal. p.* 215.

Hab. locis suboccultis ad rupes irrigatas per alpium jugum meridionale vulgaris, infra Vallivare Lapponiæ Lulensis haud descendens, per jugum septentrionale passim copiose; sed Finmarkiæ raro.

Tum a *S. granulata* tum ab omnibus sequentibus distinctissima est: floribus omnino inferis, ita ut calyx usque ad basin solutus est et partitus nec non parvus respectu petalorum; de cætero facies ab omnibus aliis Saxifragis aliena præcipue ob florem in pedunculo tenuissimo longo nudo fere fili-pendulum (nec quasi vi reflexum ut in præcedentibus). Tota planta admodum gracilis; folia tenuia. Lobi foliorum radicalium acuti, caulinarum acuminati. Flores multo majores quam in sequentibus; petalis basi elongatis, obtusis, calyce quadruplo vel quintuplo longioribus (nec specimina petalis acutis in Lapponia vidi).

216. *SAXIFRAGA bulbifera*: foliis palmato-lobatis: caulinis subsessilibus, caule bulbifero, germine semiinfero.

S. bulbifera Linn. *spec. pl. p.* 577. *Gunner. norv. n.* 1006. *Zoega island.*

? *S. grandiflora* Sternberg saxifr. p. 20. t. 12. f. 4.
 Hab. in Tromsö Nordlandiæ et alibi: Gunnerus;
 ego tantummodo in latere irrigato alpis Käimio-
 kaisse districtus Tanensis Finmarkiæ parcius legi.

Specimina hujus nonnulla, quæ ad Käimio-
 kaisse legi, in spiritu vini diu conservata habui,
 ut figura floris optime apparuit. Toto habitu a præ-
 cedente admodum recedit et sequentibus magis affi-
 nis apparet. Omnium autem simillima est *S. sibi-
 ricæ*, ut quæstio sit an ab eadem vere diversa. Cæ-
 spitose crescit, quo ab affinibus eximie differt et *S.
 cæspitosæ* convenit, stolonibus et cauliculis nume-
 rosis multiplex. Folia radicalia fere ut in sequenti
 lobata: lobis obtusis rotundatis; caulina subpalmata
 lobis obtusiusculis. Omnia folia crassiuscula sunt
 ut nervi neutiquam transparent. Sub bulbis supe-
 rioribus posita sunt foliola integra, lanceolata, ob-
 tusiuscula. Caulem non nisi uniflorum simplicem
 legi. Flos minor quam in præcedente, ejusdem fi-
 guræ et constructionis ac in *S. granulata*, sed
 magnitudo quam in *S. cæspitosa* minor. Calyx
 quodam dimidium fere partem germi adnatus. Pe-
 tala oblonga, obtusa, laciniis calycinis triplo lon-
 giora. — Denique perierunt mea specimina in in-
 cendio Upsaliensi d. 19. Juni 1809, ut nunc certi
 quid ex instituta comparatione cum tabulis Sternber-
 gianis vix extricare possum.

A Saxifraga bulbifera Sternb. saxifr. p. 15.
 t. 12. f. 1. longe differt foliis glabris etc. nec non
 patria diversissima.

217. *SAXIFRAGA rivularis*: foliis lobatis petiolatis:
 summo florali obovato, caule subbifloro, ger-
 mine semiinfero.

S. rivularis Linn. *svæc.* n. 374. *lappon.* n. 174.
 tab. 2. f. 7. Sternberg saxifr. p. 19. t. 12. f. 3.
Zoega island. — *Pallas it. sibir.* 3. p. 33.
Gmel. sibir. 4. p. 170. *Landt faeroens.* —
Cranz groenland. — *Phipps it. spitsberg.* —
Ranunculus tertius. Mart. *spitsberg.* cap. 3.
 tab. H. fig. c.

Hab. locis madidis occultis, juxta rivulos, sub pe-
 tris per alpium jugum septentrionale et omnes
 alpes maritimas usque ad Nordcap ubique minus

frequenter; sed in meridionalibus rarius. Nec extra summas alpes provenit unquam.

Planta pygmæa vix unquam ultra pollicem alta, et toto habitu Ranunculo pygmæo admodum similis. Radix tenuis et simplex ut annua re vera apparet. Folia pleraque radicalia, lobata: lobis obtusis rotundatis; petiolis longis, tenuibus, basi dilatatis in membranam amplexentem. Folium caulinum plerumque adest unum lobatum: petiolo membranaceo amplexicauli. Foliolum vel bractea sub inferiore flore majusculum, obovatum, subpetiolatum. Pedunculi florum insigniter pilosi. Flores late campanulati, minusculi. Calyx fere ad dimidiam partem germini adnatus. Petala laciniis calycinis duplo tantum longiora.

218. *SAXIFRAGA tridactylites*: foliis cuneiformibus tridentatis viscosis, caule subpaniculato, fructibus globosis, stigmatibus calycem æquantibus.

S. tridactylites Linn. *svec.* n. 575. *Smith brit.* 2. p. 454. *Engl. bot.* t. 501. bona. *Sternberg saxifr.* p. 44. t. 17. f. 3. bona. *Zoega island.* — *Gunner norv.* n. 544.

S. annua *Lapeyrus. saxifr.* —

Hab. in collibus et campis siccis inferalpinis Nordlandiæ meridionalis rarius; a me lecta ad pagum Säljås juxta Sörfolden districtus Saltensis.

219. *SAXIFRAGA petræa*: foliis cuneiformibus quinque-dentatis glabriusculis, caule nudiusculo cymoso, fructibus oblongis, stigmatibus calycem superantibus.

S. petræa Linn. *spec. plant.* p. 578. *Flor. lapp.* n. 173. *Vahl in act. hist. nat. hafn.* 2. p. 10. *Willden. spec.* 2. p. 654. *Gunn. norv.* n. 427. t. 9. f. 1 - 3. *Fl. dan.* 1. t. 68.

S. hypnoides *Scopol. carn.* p. 296. t. 16.

S. controversa *Sternberg saxifr.* p. 43. t. 16. f. 1 - 6.

S. adscendens *Wulfen in Jacqu. collect.* 1. p. 197. t. 11.

Hab. in rupibus siccis meridiei expositis tum ipsarum alpium meridionalium ex. gr. ad Lill-Tokin juxta Virih-jaur, tum sub ipsis alpibus ex. gr. ad Torrfjorden Saltensis et Gilleskälæ Nordlandicæ parcius; ut etiam Maasöe Finmarkiæ visa a *Gunnero*.

Habitu non parum a præcedente differt, ut re vera diversa mihi videtur. Tota planta magis glabra et parum viscosa præcipue folia radicalia. Omnibus stolonibus radicalibus procumbentibus orbata est, nec cæspitem ullum perennem efformat, qua nota a sequenti et *S. decipiente* etc. longe differt et ad præcedentem accedit. Ad radicem folia disposita sunt in rosulam magis regularem. Caulis rarioribus foliis sparsis ornatus; quæ folia dentibus minus profundis incisa sunt. Apex caulis dividitur prorsus in cymam, cujus rami singuli floribus tribus quatuorve subsessilibus donati sunt. Fructus calyce vestitus longior et major est; stigmatibus magis elevatis. Petala in nostra calyce dupplo tantum longiora fere ut in præcedenti.

Est quasi media inter præcedentem et *S. androsaceam*.

220. *SAXIFRAGA cæspitosa*: foliis radicalibus aggregatis subcuneiformibus trifidis obtusis, scapo subnudo subbifloro, fructibus urceolatis, stigmatibus clavatis calycem longe superantibus.

S. cæspitosa Linn. *svec.* n. 376. Gunner. *norveg.* n. 1047. t. 7. f. 3. 4. Cranz *grænland.* — Phipps *it. spitzb.* — Olavs. *it. island.* p. 85. Landt *faeroens.* — Martin *Act. holm.* 1758. p. 307.

S. grænlandica Lapeyrouse *saxifr.* n. 37. Sternberg *saxifr.* p. 53.

β. grænlandica: foliis conglomeratis corrugatis imbricatis.

S. grænlandica Linn. *spec. plant.* p. 578. Gunner. *norveg.* n. 689. t. 7. f. 1. Cranz *grænland.* —

γ. repens: stolonibus prælongis decumbentibus, foliis laxioribus.

S. hypnoides plurimorum Auctorum svec.

Hab. in petris siccis elatioribus per alpes meridionales passim frequenter ex. gr. ad Virih-jaur prope Väjryggsröset, in Kaisats, in Kobrinojvi, in Jolli ut etiam in transgressu illo humili ad lacum Torneträsk; sed magis septentrionem versus nonnisi in petris et rupibus maritimis per Nordlandiam totamque Finmarkiam usque ad Nordcap ubique satis copiose.

β. et *γ.* tantum in locis maritimis legi.

Magnitudine et facie externa admodum varians est; vidi specimina quæ *S. granulata* fere superabant. Semper admodum cæspitosa est, caudice multifariam sese dividente et foliis squarrosis præteritorum annorum turgescente. Folia e basi lineari sursum dilatantur et finduntur in lacinias lanceolatas, obtusiusculas, parum a se invicem divergentes; de cætero glabriuscula, subtrinervia. Scapi nascuntur singuli ex unaquaque rosula foliosa, subnudi vel uno alterove foliolo trifido ornati. Flores semper erecti, semisuperi. Petala oblonga, obtusa vel apice rotundata, laciniis calycinis duplo longiora, plerumque alba, sed in ipsis albis haud parum flavescencia. Stigmata clavata in stylis patentibus elevata, lacinias calycinas plusquam duplo superantia.

β. corrugata tantum est a solo alpino simulque maritimo.

γ. caulibus decumbentibus foliosis ultra spithamam longis gaudet, quibus inter lapides serpit. De cætero nihil a vulgari differt nec limites inter utramque dantur; neque aliam *S. hypnoidem* in Lapponia legi unquam aut ibi lectam vidi.

Engl. bot. 12. t. 794. ad nostram plantam quidem pertinere videtur, tamen minus convenit quam fig. *Flor. norveg.* — Nec *Flor. dan.* 8. t. 1388. convenientissima. Optimæ omnium figuræ nostræ plantæ itaque exstant in *Flor. norveg.*

DIANTHUS.

Gen. plant. ed. Schreb. n. 770. Gærtn. de fruct. 2. p. 227. tab. 129.

221. *DIANTHUS superbus*: floribus disjunctis paniculatis, squamis calycinis brevissimis acuminatis, petalis barbatis multipartito-fimbriatis, foliis obtusiusculis.

D. superbus *Linn. svec. 2. n. 383. Willden. spec. 2. p. 679. Fl. dan. 4. t. 578. Pallas it. sib. 2. p. 569.*

D. plumarius *Gunner. norv. 532. Pallas it. sibir. 3. p. 34?*

D. petalis multifidis *Linn. lapp. n. 170.*

Norvegis *Fjaer-nellike* (i. e. littoralis *Dianthus*).

Hab. in littoribus marinis sabulosis per Finmarkiam passim, ex. gr. in Väjnäset juxta Kistrand copiose et ad Varangriam parcius; nec non in parte sylvatica infima Lapponiæ Kemensis rarius ex. gr. ad Akankoski juxta flumen Kittinenjoki in rupe calcarea frequenter.

Lapponica planta singulis suis partibus a *D. plumario* diversissima. Radix certe perennis est subrepens, stolonibus nonnullis foliosis semper prædita, haud vero integrum cæspitem foliosum supportans. Folia linearia quidem sunt, sed sursum latiora et quodammodo sublanceolata (fere ut in *Silene nutante*) plana et tenuia: marginibus apud exsiccata plantam revolutis, lævibus; de cætero apex foliorum obtusus inermis, et color viridis sine ulla glaucescentia. Caulis semper teres, lævissimus, superne per dichotomiam divisus in paniculam. Petala quodammodo oblonga et acuta, ad utrumque latus partita in lacinias capillaceas. Capsula calyce multo longior.

E diverso in *D. plumario*: tota planta glauca, in densis cæspitibus nascens; folia rigida canaliculata, attenuata, ita acuminata ut fere mucronata, marginibus involutis asperis vel subciliatis; caulis angulatus, superne tetragonus; Petala cuneiformia, truncata, in lacinulas simplices breves superne divisa. Atque hæc planta a terra lapponica abhorret, vixque totius Sveciæ indigena est.

C U C U B A L U S.

Gen. plant. ed. Schreb n. 771.

222. CUCUBALUS *Behen*: calycibus inflatis glabris reticulato-venosis, capsulis trilocularibus. *Linn. svec. n. 385. lapp. n. 180. Willden. spec. 2. p. 684. Falk russ. topogr. 2. p. 179. Gmel. sibir. 4. p. 131. Michaux amer. 1. p. 271. Lightf. scot. p. 226.*

β. *maritimus*: caulibus decumbentibus, petalis coronatis, capsulis submonolocularibus.

C. Behen β. Linn. svec. n. 385.

Silene amœna Lightf. scot. p. 227.

Silene maritima Smith brit. 2. p. 468. Willden. spec. 2. p. 700. Zoega island. — Engl. bot. 14. t. 957.

Hab. in agris novaccolarum per partem sylvaticam et subsylvaticam omnium Lapponiarum frequenter.
 β. in littoribus maris Nordlandiæ et Finmarkiæ passim.

In sic dicta *Silene maritima* ad littora bottnica proveniente capsulam omnino monolocularem vel omni vestigio dissepimentorum destitutam reperi; in Gottlandica vero sæpius adsunt dissepimenta. Ita etiam corona petalorum plus minusque conspicua est.

223. CUCUBALUS *tataricus* Linn. spec. pl. p. —
Liljeblad svensk. flora 2. p. — *Falk russ. topogr.* 2. p. 179.

Hab. in Lapponia Kemensi et quidem ad flumen Kemense: *Gröndal*; locus specialior mihi non innotuit.

Plantam hanc tantum semel bisve in herbariis vidi, et quidem specimina ejus misera. Caule decumbente et pedunculis florum elongatis assurgentibus lævigatis a *C. tatarico* in hortis culto differre mihi videtur. Itaque valde dubius hanc plantam insero cum nomine præfixo.

S I L E N E.

Gen. plant. ed. Schreb. n. 272.

224. SILENE *acaulis*: depressa cæspitosa, pedunculis radicalibus unifloris, foliis ciliatis, petalis emarginatis, fructibus oblongis.

S. acaulis Linn. *svæc.* n. 587. *lappon.* n. 184.
Persoon synops. 1. p. 500. *Flor. dan.* t. 21.
Engl. bot. 16. t. 1081. (mascula). *Smith. brit.* 2. p. 472. *Olavs. it. island.* p. 315. 433. *Lightf. scot.* p. 227. t. 12. f. 1. *Landt faeroens.* —

Hab. locis irrigatis et succosioribus per universum alpium jugum omnesque alpes maritimas usque in ipso Nordcap vulgatissima omnium; ut etiam in rupibus inferalpinis Nordlandiæ passim, sed extra altiores alpes seu infra Vallivare Lapponiæ Lulensis in Lapponiis svecicis haud crescit, nisi unico loco in littore lacus Mandujauri ad templum Utsjokense lecta.

Planta hæc depressa revera dioica est, quod unicuique facile est observandum in uno cæspite co-

piosissimæ adsunt capsulæ, in altero ne unica quidem.

Plantæ masculæ flores magis aperti, majores et colore pallidiores sunt, ungvibus petalorum ut plurimum longioribus; stylis ungue petalorum multum brevioribus sine stigmatе pubescente.

Plantæ foemineæ flores longius pedunculati, plerumque minores et magis rubicundi. Styli tam longi, ut stigmata exteriorem marginem petalorum attingunt; recurvati. Rudimenta filamentorum tenuia, germine multum breviora, capitulo omni orbata. Capsula calyce duplo longior, in sex lacinias dehiscens, unilocularis et nonnisi in infimo fundo costis tribus pro rudimentis dissepimentorum divisa. — An hæc *S. norvegicam* Persoon. synops. 1. p. 500. constituit?

Folia semper quidem ciliata sunt, sed in latioribus evidentius.

S. exscapam All. in Lapponia nunquam legi neque lectam vidi.

225. *SILENE rupestris*: caule dichotomo, floribus erectis, petalis emarginatis, fructibus turbinatis, foliis lanceolatis.

S. rupestris Linn. *svec.* n. 390. *lappon.* n. 183.

Flor. dan. t. 4. *Willden spec.* 2. p. 707.

Gmel. sib. 4. p. 139. *Georgii fl. baikal.* p. 215.

Hab. sub ipsis alpium radicibus locis calidioribus rupestribus Nordlandiæ meridionalis rarius; ex. gr. ad Torrfjorden a me lecta, et ad Quæfjorden a Gunnero.

Tota planta glaberrima et lævissima, glaucescens. Calyx fructiferus turbinatus, decemcostatus. Capsula denudata ovalis, sex-dentata; quoad dimidiam partem dissepimentis tenuissimis trilocularis. Seminis dorsum canaliculatum.

In Sveciæ montibus subalpinis provenit tantum usque ad Skulberget Angermanniæ.

STELLARIA.

Gen. plant. ed. Schreb. n. 773. *Gærtn. de fruct.* 2. p. 229. tab. 130. fig. 3.

226. *STELLARIA graminea*: foliis sublinearibus integerrimis, panicula terminali divaricata, calyce trinervi petalis subæquali.

St. graminea *Willden. spec. 2. p. 711.*

St. graminea *a. Linn. svec. n. 393. lapp. n. 187. Gmel. sibir. 4. p. 145. t. 61. f. 2. Georgii fl. baikal. p. 215. Lightf. scot. p. 229. Landt færoens. —*

Hab. in pratis siccioribus per partes sylvaticas et subsylvaticas Lapponiarum omnium usque ad templum Utsjoki sat vulgaris.

Flores magnitudine circiter *Stellariæ mediæ*. Foliola calycina evidenter admodum trinervata, et insuper hyalino-marginata, acuminata. Petala calyce fere longiora. Bracteæ sub ramis paniculæ prorsus hyalinæ.

227. *STELLARIA uliginosa*: foliis lanceolatis integerrimis, pedunculis lateralibus paucifloris, calyce enervi petalis longiore.

St. uliginosa *Smith. brit. 2. p. 476. Landt færoens. — Roth. germ. I. 191. II. 489.*

St. Alsine *Willden. spec. 2. p. 713.*

St. graminea *γ. Linn. svec. p. 150. Lightf. scot. p. 229. Fl. dan. 3. t. 415.*

St. lateriflora *Krock. siles. 2. p. 52. t. 4.*

Hab. in uliginosis et aquosis per partem sylvaticam et subsylvaticam omnium Lapponiarum svecicarum, ut etiam in inferalpinis norvegicarum ubique.

Optima differentia hujus plantæ consistit in minutie florum, qui *Montiæ fontanae* vix majores, et in calyce prorsus enervi fere toto viridi, petalisque brevissimis. De cætero figura foliorum sat variabilis ut etiam situs florum et directio caulis; legi enim specimina numerosissima foliis linearibus, caule omnino erecto, et floribus paniculatis terminalibus, eaque tamen huc pertinentia. Alio loco eam vidi omnino repentem foliis prorsus ovali-oblongis et flore uno alterove axillari.

Engl. bot. 15. t. 1074. utpote longe nimium grandis habitum plantæ lapponicæ parum exhibet.

228. *STELLARIA crassifolia*: foliis lanceolatis integerrimis crassiusculis, pedunculis lateralibus unifloris, calyce subenervi petalis brevior.

St. crassifolia *Ehrh. Beitr. 3. p. 60. Willden. spec. 2. p. 712.*

p. minor subrepens.

St. humifusa *Fl. dan.* 6. t. 978. — an etiam *Rottboellii* *act. hafn.* X. t. 4? et *Swartz act. Stockh.* 1789. t. 4. f. 1.?

Hab. in littoribus maris Nordlandiæ et Finmarkiæ passim copiose; præcipue frequenter collecta est in peninsula Önes Nordlandiæ Saltensis.

Magnitudine et statura admodum variat; interdum fere major quam *Stellaria media* et erecta: alio loco tam pusilla ac *Sagina procumbens* et prorsus repens, in quo statu pro *Stellaria humifusa* habitam fuisse suspicor, et inde synonyma dubia ejusdem adposui. Caulis semper acute tetragonus (qui pro certissima differentia *Stellariæ humifusæ* habuerunt auctores, qualis in mea *Arenaria humifusa* vix adest) et prope radicem ramosissimus. Folia semper lanceolata et longitudine internodiorum vel iis longiora, parum crassiuscula ut nervus medius transparet, læte-viridia (nec in his locis glauca). Pedunculi semper axillares et solitarii uniflori, foliis triplo longiores. Calyces semper ejusdem magnitudinis ac in *Stellaria graminea* vel *Stellaria media*, obsolete trinerves; sed petala calycibus sesquilongiora sunt, unde flores magis conspicui quam in præcedentibus, quibus maxime affinis est hæc species.

229. *STELLARIA media*: foliis ovatis, caulibus prostratis linea laterali pilosa alterna. *Smith. brit.* 2. p. 473.

St. media *With. arrang.* 418. *Engl. bot.* 8. t. 537.

Alsine media *Linn svec. n.* 267. *lapp. n.* 186. *a. Fl. dan.* 3. t. 525. *Lightf. scot. p.* 172. *Landt faeroens.* — *Falk russisch. topogr.* 2. p. 152.

Hab. ad domos per Lapponias omnes usque versus Nordcap vulgatissime.

Ambigit omnino hæc planta inter *Stellarias* et *Holostea*, tamen adeo affinis sequenti apparet, cujus quoque varietatem esse statuit Linnæus in *Flora Lapponica*, ut nonnisi repugnante natura in alio genere locum obtinere potest.

230. *STELLARIA nemorum*: foliis inferioribus petiolatis cordatis, caule piloso superne dichotomo, calycibus patulis glabriusculis.

St. nemorum *Linn. svec. n. 391. Smith brit. 2. p. 473. Fl. dan. 2. t. 271. Pallas it. sibir. 3. p. 34. Lightf. scot. p. 228.*

Alsine foliis ovato-cordatis. Linn. lapp. n. 186. β.

Hab. in lucis graminosis humidioribus, ad rivulos etc. sub ipsis alpium radicibus et in inferalpinis per Nordlandiam totam ubique frequenter, et Finmarkiam rarius ex. gr. ad Norsk - holmen Tannensem.

Folia tenuia et admodum mollia fere ut *Stellariæ mediæ*: nervis pellucidioribus, marginibus ciliatis vel pilosis. Caulis debilis admodum, et pilosus. Pedunculi fructiferi toti deflexi. Calycis foliola patentia, lanceolata, marginibus scariosis. Capsulæ oblongæ calyce longiores.

In *Cerastio aquatico* *L.* quod a Lapponia longe abest: folia omnia caulina sunt amplexicaulia, crassiora: marginibus nudis subcrispis; caulis strictus, pubescenti - viscosus; pedunculi erectiusculi, apice recurvato; calyces, conniventes et subglobosi, valde viscosi (ut etiam pedunculi) et sine marginibus scariosis. Capsulæ ovatæ calyce breviores.

231. *STELLARIA cerastoides*: foliis lanceolatis obtusis enervibus, caule decumbente linea laterali pubescente, pedunculis gemminatis pubescentibus, petalis calyce duplo longioribus.

St. cerastoides *Linn. svec. n. 394. Engl. bot. 13. t. 911. bona. Smith. brit. 2. p. 477. ic. pl. Linn. t. 15. Willden. spec. 2. p. 714. Zoega island. — Fl. dan. t. 92. Wulfen in Jacqu. Coll. aust. 1. p. 254. tab. 19. Gunner. norv. n. 951. t. 6. f. 2. Landt færoens. — Cranz groenland. —*

Hab. in stillicidiis aquæ nivalis per totum alpium jugum et omnes alpes maritimas fere ubique frequenter; ut etiam locis inferalpinis in terra denuta stercorata juxta casas Lapponum maritimorum Finmarkiæ passim. In Lapponiis svecicis ipsum jugum alpium vix deserit infra Säckok Lapp. Lulensis haud lecta.

Ipsa herba semper glabra mihi visa est, et soli pedunculi cum inferiore parte calycis pubescentes nec non linea unilaterali caulis infra par supremum foliorum. Hæc linea pubescens caulis ex insertionem pe-

dunculi unilateralis oritur, et inde caulis ex altero latere omnino glaber est. Caulis longe lateque in terræ superficie procumbit, nec cæspites densos format. Folia subsecunda et plerumque falcata, quodammodo lineari-elliptica ob fines utrosque obtusatos vel rotundatos, sine nervo evidenti saltem haud ad apicem pertingente, et potius erga lucem reticulata apparent. Pedunculi in apice caulis bini vel terni, fere pollicares, sursum tendentes et ideo angulum rectum cum caule formantes. Flos et capsula fere *Cerastii alpini*, unde nomen illud cerastoides optime convenit; ut etiam herba *Stellariæ uliginosæ* haud dissimilis.

A L S I N E.

Gærtn. de fruct. 2. p. 223. tab. 129. fig. 7.

252. *ALSINE stricta*: foliis subulatis teretiusculis muticis, scapis unifloris glaberrimis longissimis, calyce lævissimo capsulam ovatam subæquante.

Spergula stricta Swartz Act. Stockholm. 1799.
p. 229 — 239. t. 3.

Stellaria biflora Montin. herb.

Hab. locis præruptis herbosis meridiei expostis sicciorebus per alpium jugum meridionale passim copiose; legi eam multoties frequenter in alpiibus Lulensibus circa Virih-jaur ex. gr. in monte Lilla-Tokin, in Kobrinojvi, in Jolli juxta Sorjåsjauri, et in Jegna-apo. Extra has summas alpes nunquam lecta est.

Latos et densos cæspites efficit caudicibus et stolonibus suis numerosissimis. Folia semiteretia obtusiuscula, glaberrima et lævissima sine ullis nervis, erecta vel plerumque subsecunda et curvata, basi vix connata vel saltem sine vaginula notabili. Pedunculi seu scapi nudi, nec nisi unico pari foliolorum ornati, plerumque uniflori, glaberrimi, tenues sed stricti, plerumque bipollicares interdum tamen spithamæi. Flores subglobosi fere ut in *Spergulis* (quo valde a sequentibus differt), magnitudine seminis coriandri, erecti. Foliola calycina ovata, acutiuscula, lævissima sine ullis nervis, patentia. Petala vix calyce longiora, subrotunda, integra. Stigmata semper tria, brevia, sessilia. Capsula ovata,

calyce vix longior, trivalvis, subtrigona. Valvularum suturæ in immatura jam capsula perconspiciuæ connatæ. Ob has saturas præformatas non potest non ab Arenariis distingvi (in quibus capsula revera univalvis sine ullis suturis præformatis, et demum superne in lacinias senas rumpens). Primam itaque et optimam speciem constituet in genere quodammodo novo, ad quod etiam pertinent sequentes.

233. *ALSINE biflora*: foliis subulatis muticis, scapis pubescentibus subbifloris, calycibus trinervibus obtusis capsula oblonga dimidio brevioribus.

Stellaria biflora Linn. *spec.* n. 395. *Svartz nov. act. Stockh.* 1788. p. 36. tab. 1. f. 1. *Zoega island.?* *Pallas it. sibir.* 3. p. 34?

Sagina ramis erectis bifloris. *Linn. lapp.* n. 158.

Hab. locis parum madentibus præruptis per jugum alpium meridionalium fere ubique copiose; in Tornensibus alpiibus passim, et Finmarkicis raro; nec extra alpium jugum vel infra Kask-ajvo Lapponiæ Lulensis unquam visa.

E radice alte sub terræ superficiem defixa rami multi egrediuntur, qui denique abeunt in numerosos caudices et stolones foliosos cæspitem quidem formantes sed haud densum. Folia plano-teretiuscula sine ulla carina vel nervo notabili, patentia vel etiam divergentia; basis eorum mediante vagina insigniore membranacea connata. Scapi vel pedunculi paucis paribus foliolorum linearium stipati, quorum duo a flore haud remota; de cætero scapi sæpe uniflori et crassiusculi respectu affinium sunt, pilis brevibus patulis pubescentes. Flores parum aperti vel patentes sunt, ut etiam sub summa florescentia nonnisi infundibuliformes apparent. Foliola calycina lanceolata, obtusa, tribus nervis vel costis elevatis insignita, sursum patentiora. Petala calyce parum longiora oblonga, apice rarius emarginata plerumque omnino integra. Capsula oblonga, attenuata, calyce sesquialongior, trivalvis.

234. *ALSINE rubella*: foliis subulatis bisulcatis muticis, scapis subpubescentibus unifloris, calycibus trinervibus acuminatis capsula brevioribus, petalis calyce brevioribus.

Icon Tab. nostr. VI.

Hab.

Hab. in summitate alpis Lyngensis Nordlandiæ septentrionalis circiter 3000 pedes paris. supra mare elevata, ubi eam loco petroso maxime exposito legi florentem d. 11. Julii 1800.

Præcedenti maxime affinis, sed duplo tenuior et omnibus partibus minor. Valde densos vel compactos cæspitulos format. Folia breviuscula extus binis sulcis et tribus costis elevatis notata, erecta. Pedunculi tenuissimi nudi vel unico pari foliolorum donati, pollicares, pilis brevissimis rarioribus subpubescentes. Flores oblongi nunquam patentes visi, duplo minores quam in præcedenti. Foliola calycina oblongo-attenuata, acuminata, nervosa vel tribus costis elevatis notata. Petala calyce breviora rubella. Capsula calyce parum longior, de cætero trivalvis et ejusdem figuræ ac præcedentis.

Toto habitu et petalis suis parvis *Cherleriae sedoidi* admodum accedit, ita ut me judice genere vix distingvi queant. Capsula eadem.

Explicatio iconis: a. planta magn. nat. b. eadem magn. quadruplo auct. c. folia duo magn. magis aucta. d. germen et styli cum staminibus magn. aucta. e. foliolum calycinum et f. petalum eodem augmento.

Alsines genus differt tum ab *Arenaria* ac *Stellaria* capsula trivalvi (nec subunivalvi apice laciniis 6 dehiscente). Conveniunt omnes hujus generis species habitu stricto, foliis acicularibus etc. ut me judice genus naturale constituunt. Species facile disponuntur in duabus subdivisiones: 1) calycibus capsula brevioribus scil. *A. biflora*, *rubella*, *austriaca*, *verna*, *juniperina*; 2) calyce capsulam æquante seu superante scil. *A. stricta*, *fasciculata*, *grandiflora*.

ARENARIA.

Gen. plant. ed. Schreb. n. 774. Gærtn de fruct. 2. p. 232. tab. 130. f. 7.

235. *ARENARIA humifusa*: foliis oblongis enervibus glaberrinis, caulibus procumbentibus, flore terminali sessili bracteato.

Stellaria humifusa Swartz — secundum specimen.

Arenaria norvegica Gunn. *norv.* n. 1100. tab. 9
flor. dan. 8. t. 1269?

Hab. locis præruptis siccioribus meridiei expositis alpium meridionalium rarissime; legi eam in latere meridionali alpis Lill-Tokin juxta Virih-jaur parcius; et, si synonymon Gunneri verum, in alpe insulæ Stegen Nordlandiæ quoque visa est.

Planta hæc inconspicua a ceteris nostris diversissima est habitu fere *Arenariæ peploidis* L. (cui tamen haud tam affinem puto). In terræ superficie admodum depressa repit et areolas vivide virides efficit, in quarum ambitu flores latent supra herbam vix elevati; ita ut planta humo tam innata vix datur alia. Radix omnino perennis et satis longæva. Caules admodum implexi, vix pollicares, ramosissimi, et foliis congestis undique tecti. Folia in caule sunt oblonga acutiuscula, subcarnosa ut nulli nervi vel costæ apparent, minuta vix ultra lineam longa: sed sub flore congesta sunt alia ovata paullo majora, quæ florem imbricatum fere tegunt. Flores nunquam patentes sunt ut in Stellariis; sed foliola calycina in formam perianthii semper connivent, de cætero ovata, acuta. Petala oblonga obtusiuscula, integra, calyce vix ac ne vix longiora. Stigmata tria in stylis satis longis elevata. Capsula ovata, calycem parum superans, apice in lacinias sex dehiscens.

Figura Cel. Swartzii in *Act. Stockholm.* 1789. t. 4. f. 1. meam plantam adeo parum refert, ut nunquam suspicatus sum, quod hæc figura meam *Ar. humifusam* repræsentaret antequam specimen ipsius *Cl. Swartzii* e Jemtia allatum vidi. Forsan deceptus fuit acutissimus vir a speciminibus *Exp. Gröndalii* e Finmarkia allatis et ad *Stell. crassifoliam* pertinentibus. *Stell. crassifolia* ubique in summo septentrione ad littora maris crescit unde tum *Exp. Groendal* ac *Rottboel* sua specimina habuerunt; e contrario nostra *A. humifusa* nonnisi in summis alpiibus Sveciam versus occurrit. Itaque tum *Rottboellii* ac *Swartzii* figuras ad *Stellariam crassifoliam* potius relatas voluissem, et tantum specimen Jemtlandicum huc pertinere putassem. Multum tutius cito *Ar. norvegicæ* Gunn. figuram, quæ saltem genere non differt a nostra (uti id faciunt figuræ *St. hu-*

misusae Sw. et Rottb. petalis suis bipartitis etc.), si etiam floribus subpedunculatis haud convenientissima.

Proxime affinis est *Arenariae ciliatae* Linn. quæ in Burseri Herbario asservatur et sub n. 154. in Amoen. acad. Vol. 1. p. 322. memoratur; cujus folia omnino ejusdem formæ sunt sed uninervia et ciliata, flores breviter pedunculati et nudi vel nullis foliis obvallati.

Arenaria multicaulis Linn. in plantis martine-Burserianis n. 155. habet folia late ovata, convexa et fere asperula, flores vero omnino sessiles et foliis imbricatis obvelati ut in *Arenaria humifusa*.

Arenaria polygonoides foliis tenuibus feresubulatis a præcedentibus longe discedit et ad Alsinem bifloram habitu accedit, a qua tamen eximie differt capsula subglobosa, sexfida, calyce vix longior.

236. ARENARIA *ciliata*: foliis oblongis ciliatis uninervibus, caulibus diffusis, flore terminali subpedunculato.

A. *ciliata* Linn. spec. plant. p. 608. Jacqu. misc. 2. p. 367. Wulfen in Jacqu. Collect. 1. p. 245. t. 16. f. 2. Gunn. norv. n. 1078. Flor. dan. t. 346.

A. *multicaulis* Gunn. n. 666?

Hab. in alpebus Nordlandiæ meridionalis rarius ex. gr. in Mosjället Helgelandiæ: Gunnerus.

Valde dubius hanc plantulam in Flora lapponica admisi, cum adeo similis est præcedentibus aliisque, nec post Gunneri tempora unquam in Scandinavia reperta.

237. ARENARIA *peploides*: foliis ovatis acutis carnosius. Willden. spec. 2. p. 716.

A. *peploides* Linn. svec. n. 396. lapp. n. 149. Fl. dan. 4. t. 624. Olavs. it. island. p. 677. Lightf. scot. p. 229. Landt faeroens. — Pallas it. sibir. 3. p. 33. Falk russ. topogr. 2. p. 180.

Hab. in littoribus maris per Nordlandiam et Finmarkiam passim copiose; unde etiam adscendit in ripas arenosas fluminis Tana usque ad Seida ultra tria miliaria a mari distantem.

238. ARENARIA *marina*: foliis filiformibus muticis, stipulis scariosis vaginantibus, pedunculis gla-

berrimis, capsulis calyce grandioribus, seminibus radiatis.

A. marina *Flor. dan.* t. 740. *Smith brit.* 2. p. 480.

A. rubra *β. Linn. svec.* n. 399. *Lightf. scot.* p. 230.

A. maritima *Linn. lapp.* n. 189. *Gronov. virgin.* 161.

Hab. in littoribus marinis Nordlandiæ meridionalioris passim parcius.

Quamquam habitu cum *A. rubra* satis convenit, tamen characteribus certissimis distinguitur: Semina mirum in modum margine radiante hyalino cinguntur, et centro quoque pellucido prædita sunt, adeo ut embryo circularis translucet cum cotyledonibus suis binis facile distinguendis.

S E D U M.

Gen. plant. ed. Schreb. n. 789. *Gærtn. de fruct.* 1. p. 313. t. 65.

239. *SEDUM acre*: foliis alternis subovatis gibbis adnato - sessilibus, cyma trifida foliosa. *Smith. brit.* 2. p. 487. *Linn. svec.* n. 403. *lapp.* n. 195. *Zoega island.* — *Lightf. scot.* p. 235. *Engl. bot.* 12. t. 839. *Falk russisch. topogr.* 2. p. 181.

Hab. in petris et saxis juxta littora maris per Nordlandiam et Finmarkiam usque ad Nordcap ubique.

240. *SEDUM annuum*: caule erectiusculo solitario, foliis teretibus obtusis basi subsolutis, cymæ ramis divergentibus: floribus sessilibus.

S. annuum *Linn. svec.* n. 405! *Zoega island.*

S. rupestre *Flor. dan.* t. 59. *Gunner. norv.* n. 636.

S. saxatile *Allion. pedem.* n. 1746. *Willden. spec.* 2. p. 765.

S. rubens *Haenke it. sudet.* p. 114.

Sempervivum minus verniculatum insipidum in Pyrenæis lectum. *Burseri herb.* XVI. n. 64.

Hab. in alpibus maritimis et rupibus littoralibus per totam Nordlandiam et maximam partem Finmarkiæ passim copiose; ut etiam in alpium radicibus lateribusque Nordlandiæ meridionalis et juxta Quickjock ex. gr. in Njammats et Kaskajvo Lapp. Lulens. passim parcius.

Quod in alpibus legi ita simillimum est illi *Sedo annuo* ab ipso Linnæo juxta Upsaliam indicato, ut ne quidem varietates sunt, sed ipsa eadem planta. Quod huic conveniet *S. rupestre Oederi*

nullum est dubium; itemque quod etiam crescit in alpinis Europæ meridionalis ex *Herbario Burseri* patet. Ideoque omnia supra adlata synonymia pro veris habeo. Folia plerumque punctis fuscis rubent, haud vero semper; et sine iis plerumque in alpinis helveticis occurrere videtur. Caulis plerumque prope radicem geniculo deflectitur, qui interdum adeo longus ut fere totus decumbens evadit. Caulis semper solitarius e radice annua natus; sed interdum mox ramificat. Flores in ramis cymæ divergentibus sessiles sunt. Petala angusta sublinearia et calyce parum longiora, unde flores satis inconspicui, flava.

241. *SEDUM villosum*, foliis teretiusculis oblongis pedunculisque viscoso-pilosis, petalis obtusiusculis ovatis. *Vahl symb.* 2. p. 52.

S. villosum *Linn. spec. plant.* p. 620. *Smith brit.* 2. p. 488. *Flor. dan.* t. 24. *Zoega island.* — *Lightf. scot.* p. 237. *Landt faeroens.* —

Hab. in saxis ad littora maris Nordlandiæ meridionalis rarius. A me lectum in peninsula Öneset sinus Saltensis frequenter.

Flores magnitudine, colore et tota facie ita *Saxifragæ oppositifoliæ* simillimi, ut primo intuitu pro iis habui. Petala plusquam calyce duplo longiora, satis lata, obtusiuscula, violaceo-purpurea. Calycis quoque foliola obtusiuscula. Germina per se obtusa, et e latere exteriori stylum emittentia. Omnes flores longiuscule pedunculati; pedunculis aphyllis. Folia superiora caulina planiuscula sunt, sed stolonum radicalium omnino teretia. Caulis solitarius et simplex, ad basin gemmis foliosis stipatus, unde radix perennis esse videtur.

OXALIS.

Gen. plant. ed. Schreb. n. 794. *Gertn. de fruct.* 2. p. 152. tab. 113.

242. *OXALIS Acetosella*: scapo unifloro, foliis ternatis obcordatis pilosis, radice squamoso-articulata. *Smith brit.* 2. p. 491. *Engl. bot.* 11. t. 762. *Linn. svec.* n. 406. *Lapp.* n. 194. *Michaux amer.* 2. p. 38. *Lightf. scot.* p. 237. *Cranz grænländ.* — *Falk russ. topogr.* 2. p. 181.

Hab. in sylvaticis sterilibus inferalpinis Nordlandiæ meridionalis ubique frequenter, unde usque in

districtu Tromsöensi rarius provenit; et in radicibus alpium meridionalium svecicis rarissime, scil. ad Njamnats Laponiæ Lulensis: nec non in sylvis Laponiæ Umensis ad Lycksele bis terve lecta.

LYCHNIS.

Gen. plant. ed. Schreb. n. 796. Gærtn. de fruct. 2. p. 229. tab. 139. fig. 2.

243. *LYCHNIS alpina*: fructu quinqueloculari obovato, petalis bifidis, bracteis glaberrimis, floribus subcapitatis.

L. alpina Linn. *svec. n. 410. lappon. n. 185. Flor. dan. t. 65. (rigid.) Suter helvet. 1. p. 257. Willden. spec. 2. p. 819. Persoon synops. 1. p. 520. Cranz grœnland. — Georgii fl. baikal. p. 216?*

Hab. locis graminosis fertilioribus meridiei expositis per totum alpium jugum præcipue in latere ejus svecico ubique frequenter usque ad Peliekaise Laponiæ Pitensis, Snirrak Laponiæ Lulensis, etc.; unde etiam in pratis subalpinis et ad ripas fluviorum per Laponias sylvaticas svecicas præcipue septentrionales passim descendit adeo ut etiam ad Hållforsen juxta Lycksele et ad Tegsnäs fluminis umensis lecta est; — sed in inferalpinis Nordlandiæ vix reperitur, nec in tota Finnmarkia nisi parvissime Maasöæ et Rebvogite a me visa.

Optime distinguitur calyce obovato brevi, capsulaque subglobosa, bracteis foliisque omnibus glaberrimis, etc. Stylos semper quinque reperi.

E contra in *Lychnide Viscaria*: calyx longus clavatus et capsula oblonga, margines bractearum et foliorum superiorum lanati vel villosi.

244. *LYCHNIS dioica*: caule folioso multifloro piloso, foliis oblongis, floribus dioicis, petalis bifidis, capsulis ovatis.

L. dioica α. rubra Linn. *svec. n. 411. lappon. n. 182. Smith brit. 2. p. 495. Engl. bot. 22. t. 1579. Willden. spec. 2. p. 810. Gmel. sibir. 4. p. 137. Landt færoens. — Georgii fl. baikal. p. 216.*

L. sylvestris Willden. *enum hort. berol. p. 491. Norvegis Fjeld-nellike.*

Hab. locis occultis fertilioribus in radicibus alpium Nordlandiæ et Finmarkiæ ubique frequenter; unde ad latera occultiora alpium omnium passim ascendit, et in meridionalibus usque ad radices alpium svecicarum meridiei expositas interdum provenit ex. gr. ad Kåbdespakti et Peliekaise Lapponiæ Pitensis; nec non in insulis fluminum Lapponiæ Umensis ad Lyckselam.

Caulis retrorsum pilosus, laxus, simpliciusculus sed apice multiflorus. Folia caulina oblonga, pilosa. Calyx obsolete nervosus, sine angulis. Capsula laciniis decem dehiscens; de cætero ejusdem fere structuræ ac in sequenti. Semina nigricantia vel plumbea, leviter tuberculata, sine ullo vestigio marginum membranaceorum.

245. *LYCHNIS apetala*: calyce inflato demumque corollam includente, caule nudo unifloro, seminum marginibus inflatis. *Icon* Tab. nostr. VII.

Lychnis apetala Linn. *svec.* n. 412. *lappon.* n. 181. t. 12. f. 1. fructif. *Flor. dan.* 5. t. 805. (fructifera). *Gmel. sibir.* 4. p. 137.

Hab. locis declivis herbosis per latera inferiora alpium Lulensium circa Virih-jaur passim vel fere ubique copiose scil. in Kajsats, in Tokin, in Kirkivare, Jolli, Jegna-apo etc.; alibi vero rarissime lecta, nisi extra alpes in Nordlandiæ et Finmarkiæ arenosis passim secundum Gunnerum.

Præcedenti vix ac ne vix affinis mihi videtur, sed potius ad Cucubalos vel Silenes accedit. Vix ulli auctorum hanc plantam rite florentem viderunt, nec nisi jamdudum defloratam descripserunt. Sub ipsa florescentia caulis perbrevis est et vix ultra pollicaris; flos omnino pendulus, calyx parum inflatus et petala extra os calycis haud parum exserta, germinenque intra calycem nonnihil pedicellatum. Postea vero caulis magis magisque attollitur, calyx grossificatur et inflatus evadit magisque erigitur; quo in statu plantam legit ipse Linne. Denique germen grandefactum totum calycem replet, et erectum stat, tuncque caulis sepe pedalem altitudinem superat. Radix valde perennans est et multicaulis. Folia radicalia plerumque glaberrima ejusdem fere figuræ et indolis ac in *Silene nutante*: caulina paucis-

sima et minora ut caulis quodammodo nudus apparet. Caulis hirsutiae brevissima deorsum delexa exasperatus. Venæ vel costæ calycis ex hirsutiae brevi nigricante insigniores factæ. Capsula vix calyce longior, semper in lacinias quinque dehiscens; unilocularis ut vix rudimentum ullum dissepimentorum in fundo adest. Semina castanei coloris reniformia, margine membranaceo inflato reticulato concolore cincta, qualem in nulla alia planta Charyophyllæa vidi.

Explicatio iconis: a. flos verus cum petalis subexsertis. — c. petala denudata. — d. petalum unum separatum cum stamine uno. — e. Calyx post florescentiam incrassatus. — f. capsula. — g. eadem perpendiculariter secta ut conspiciatur columna. — h. H. semen integrum. — i. semen longitudinaliter sectum ut conspiciatur embryo periphericus intra marginem reticulatum. — K. semen transversim sectum.

CERASTIUM.

Gen. plant. ed. Schreb. n. 797. Gærtn. de fructib. 2. p. 231. tab. 130.

246. *CERASTIUM alpinum*: foliis oblongis, caule piloso nudiusculo paucifloro, capsulis petalisque calyce duplo longioribus.

α. *hirsutum*: foliis latioribus hirsutis.

C. *alpinum* *Linn. svec. n. 418. lappon. n. 192.*

Smith brit. 2. p. 500. Engl. bot. t. 472.

Gmel. sibir. 4. p. 150. n. 52. Georgii flor.

baikal. p. 216. Zoega island. — Cranz

groenland. — Phipps it. spitsberg. —

Planta facie Pilosellæ. Mart. spitsberg. cap. 7.

tab. G. fig. d.

β. *glabratum*: foliis sublanceolatis glabris. *Flor. dan. 6. t. 979.*

Hab. in alpium jugo ejusque lateribus et convallibus graminosis ubique; ut etiam in monticulis et petris maritimis aliisque locis inferalpinis per totam Nordlandiam et Finmarkiam satis frequenter; nec non prope Vindelpää Enarensem visum.

Variat admodum latitudine et hirsutiae foliorum, nec non numero florum. Dum folia latiora usque ad ovalia sunt, semper simul pilosiora fiunt; quo an-

gustiora eo plerumque glabriora superstite tantum caule piloso. Legi quoque specimina foliis admodum latis simulque capsula calycibus breviora, quæ vero a vulgari specie haud differunt. Exterorum autem *C. latifolium* aliam esse plantam videtur in Herbario Burseri asservatam: foliis semper tomentosis ex pilis brevibus densis rectis, semperque ovali-ellipticis, caule nudo unifloro.

247. *CERASTIUM viscosum*: caulibus hirsutis diffusis foliosis, foliis ovato-lanceolatis, floribus subfasciculatis, petalis calycem æquantibus.

C. viscosum Linn. *svec.* n. 414. *lappon.* n. 193. *Smith brit.* 2. p. 497. *Engl. bot.* 11. t. 790. *Zoega island.* — *Lightf. scot.* p. 240. *Landt færoens.* — *Gmel. sibir.* 4. p. 152. *Falk russische topogr.* 2. p. 182.

C. vulgatum Curt. *lond.* 2. p. 34. *Persoon synops.* 1. p. 520.

Hab. in pratis et graminosis sylvis per partes sylvaticas et subsylvaticas omnium Lapponiarum svecicarum vulgare; ut etiam in inferalpinis Nordlandiæ ubique, et Finmarkiæ præcipue Tanensis passim copiose.

248. *CERASTIUM semidecandrum*: Linn. *svec.* n. 416. *Flor. lapp.* n. 193. 7.

Hab. in apricis Nordlandiæ meridionalis passim: *Linné*: mihi tamen dubium videtur, cum in Suecia vix supra Upsaliam repertum est.

S P E R G U L A.

Gen. plant. ed. Schreb. n. 798. *Gærtn. de fruct.* 2. p. 230. *tab.* 130.

249. *SPERGULA arvensis*: foliis verticillatis, caule pubescente, floribus decandris, seminibus obtuse marginatis.

Sp. arvensis Linn. *svec.* n. 419. *lappon.* n. 190. *Willden. spec.* 2. p. 818. *Smith brit.* 2. p. 502. *Zoega island.* — *Lightf. scot.* p. 243. *Gmel. sibir.* 4. p. 153. *Landt færoens.* —

Hab. in agris Nordlandiæ inferalpinæ frequenter, unde etiam in rupibus montium passim adscendit nec tamen in *Sperg. pentandram* abit; ut etiam in agris Lapponiæ sylvaticæ svecicæ rarius.

Caulis unacum foliis pilis brevibus patentibus pubescit, semper laxus, sine geniculis tumidioribus. Semina nigra, margine obtusiusculo albo haud pellucido cincta.

Spergula pentandra, quam supra Arosiam Sveciæ haud vidi, magis diversa est quam quis primo intuitu crederet: caule erecto, firmo glaberrimo, articulis caulinis nodosis et limbo annulari protuberante cinctis, foliis brevibus ad latera annuli aggregatis nec proprie verticillatis, et marginibus seminum latis membranaceis, hyalinis, radiato-striatis.

250. *SPERGULA nodosa*: foliis oppositis subulatis muticis: axillis superioribus ramulosis, calyce enervi.

Sp. *nodosa* Linn. *svéc.* n. 470. *lappon.* n. 191. *Smith brit.* 2. p. 503. *Engl. bot.* 10. t. 694. opt. *Zoega island.* — *Flor. dan.* t. 96. opt. *Lightf. scot.* p. 244. *Gmel. sibir.* 4. p. 153. *Falk russ. topogr.* 2. p. 182.

Hab. in littoribus inundatis maris per Nordlandiam et proxime adjacentem partem Finmarkiæ passim; ut etiam foliis paullo crassioribus in littore fluminis Lulensis ad Vuollerim lecta.

Lapponica planta sylvestris est minor, articulis magis sparsis et ramulis seu proliferationibus rarioribus, unde etiam faciem nodosam fere amittit.

251. *SPERGULA saginoides*: foliis oppositis subulatis muticis, caulibus adscendentibus unifloris, floribus nutantibus.

Sp. *saginoides* Swartz in *act. Stockholm.* 1789. p. 44. t. 1. f. 2. *Gmel. sibir.* 4. p. 157. n. 64.

Hab. in alpibus meridionalibus passim. Ego eam multoties legi ad Virih-jaur locis graminosis succosis meridiei expositis copiose; ut etiam in loco irrigato inferalpino ad Sörfolden Nordlandiæ frequenter.

Saginæ procumbenti adeo simillima, ut primo intuitu vix distinguitur; sed attentius examinatum radicis duratione tum caule et foliis differt, ut nihil dicam de numero partium fructificationis, quare vera in *Sagina* etiam quinarius observatur interdum. Radix semper perennis, e cujus vertice egrediuntur caules breves vix ultra semipollicares, simplices, primum decumbentes, superne assurgentes et

unico pedunculo longiusculo unifloro terminati. Hi vero caules primi anni quodammodo perennant, et insequentibus annis e latere innovationes pedunculiferas proferunt, ideoque ramosi atque lateriflori quodammodo apparent. Folia subulata vel usque e basi attenuata, secunda vel sursum vergentia, apiculata. Flores post florescentiam in apice pedunculi incurvati nutantes. Petala longitudine calycis. Capsula oblonga calyce duplo longior, quinquevalvis. Semina rotundata, lævia.

Spergula subulata vix affinis est, cujus flores nunquam nutant, folia mucronata etc.

CLASSIS XI.

DODECANDRIA.

LYTHRUM.

Gen. plant. ed. Schreb. n. 825. Gærtn. de fruct. 1. p. 269. tab. 62.

252. LYTHRUM *Salicaria*: *Linn. spec. n. 422. lappon. n. 197. Lightf. scot. p. 247.*

Hab. juxta mare in Nordlandia meridionali parcius: *Linne.*

CLASSIS XII.

ICOSANDRIA.

PRUNUS.

Gen. plant. ed. Schreb. n. 849.

253. PRUNUS *Padus*: floribus racemosis, foliis deciduis basi subtus biglandulosis subrugosis serratis, ramulis puberulis.

Pr. Padus Linn. spec. n. 431. lapp. n. 198. Georgii fl. baikal. p. 217. Flor. kamtschatk. in Art. Zool. p. 195. Gmel. sibir. 3. p. 171. Lightf. scot. p. 253.

Laponibus *Autje*. Fennonibus *Tuomi* s. *Duome*.

Hab. locis depressis per partem sylvaticam Lapponiarum omnium vulgaris, et subsylvaticam usque ad Enontekis Lapponiæ Tornensis passim; nec non in inferalpinis Nordlandiæ et sub ipsis alpium radicibus usque ad flumen Altense vulgatissime, sed de cætero in Finmarkia haud provenit nisi ad flumen Tana a mari remotius passim parce scil. ad Polmak, Väskinjarga etc., ut etiam ad flumen Utsjokense.

In summo septentrione ubi crescere desistit ex gr. ad flumen Tana Finmarkiæ, occurrit racemis omnino erectis, floribus inodoris, foliis minoribus et tota fere frutescens, adeo ut quis facile de discrepantia ejus a *Pr. virginiana* dubitare possit. Glandulæ sæpius absunt; ubi autem reperiuntur, sub lobis baseos crescunt. Serraturæ foliorum semper latæ ut in vulgari, et nervi prorsus exstantes unde subrugosæ fiunt folia. Ramuli semper puberuli. Pedunculi florum singulorum plus quam duplo longiores floribus ipsis. Petala oblonga.

E diverso in *Pr. virginiana*: glandulæ supra petiolum sitæ sunt et a marginè folii remotiusculæ; folia multo tenuiora et ob venas inconspicuas lævisima; serraturæ tam angustæ ut fere subulatæ; ramuli glaberrimi; flores singuli brevius pedicellati; pedicelli vix floribus longiores; petala magis subrotunda.

Observ. Cratægus Aria Linn. vel quædam ei affinis arbor neque in Lapponia svecica neque Norvegica crescit spontanea, ut quoque e *Gunneri norv.* n. 211. conjicere licet.

S O R B U S.

Gen. plant. ed. Schreb. n. 855. Pirus. Gærtn. de fructib. 2. p. 44. tab. 87.

254. *SORBUS Aucuparia*: foliis pinnatis utrinque glabris, petiolo communi pubescente.

S. Aucuparia Linn. svec. n. 435 lapp. n. 200. Michaux amer. 1. p. 290. Lightf. scot. p. 256. Gmel. sibir. 3. p. 178. Georgii fl. baikal. p. 217. Cranz. groenland. p. 87. Olavs. it. island. p. 456. Flor. Kamtschatk. in Arct. Zool. p. 195.

Pyrus Aucuparia Gærtn. fruct. 2. p. 45. tab. 87. Smith brit. 2. p. 533.

Lapponibus *Raun* s. *Raudna*. Finmarkicis
Skaepe.

Hab. in parte sylvatica et subsylvatica omnium Lapponiarum svecicarum præcipue ad radices occultas montium ubique; sed in latere Norvegico longius procedit et non tantum in locis omnibus inferalpinis et radicibus inferioribus alpium (ante Betulam desistens) ubique provenit, verum etiam frutescens in alpihus ipsis maritimis earumque lateribus inferioribus usque versus Nordcap ubique, et ad flumina Utsjokensia vulgare.

In summo septentrione foliola subtus glaberrima, petioli vero pubescentes.

S P I R A E A.

Gen. plant. ed. Schreb. n. 862. Gært. de fruct. 1. p. 337.
tab. 69.

255. SPIRAEA *Ulmaria*: foliis pinnatis subtus tomentosis: impari majore trilobo: lateralibus indivisis, cymis proliferis, seminibus contortis.

Sp. *Ulmaria* *Linn. svec. n. 440. lapp. n. 201.*
Engl. bot. 14. t. 960. Smith br. 2. p. 536.
Fl. dan. 4. t. 547. Willden. spec. 2. p. 1061.
Olavs. it. island. p. 165. 676. Pallas it sibir. 3. p. 319. Falk russisch. topogr. 2. p. 190.
Lightf. scot. p. 259. Landt færoens. —

Fennonibus Enontekensibus *Kurienpulvi*.

Hab. in pratis et nemoribus subhumidis per partem sylvaticam et subsylvaticam omnium Lapponiarum Svec. vulgaris; ut etiam locis inferalpinis et in alpium maritimarum lateribus occultis meridiei expositis per totam Nordlandiam et Finmarkiam ubique, nec non ad flumina districtus Tanensis.

R O S A.

Gen. plant. ed. Schreb. n. 863. Gært. de fruct. 1. p. 347.
tab. 73.

256. ROSA *majalis* β . *cinerea*: germinibus globosis pedunculisque glaberrimis, caule aculeis stipularibus rectis, foliolis oblongo-ellipticis subtus incano-cinereis.

R. majalis Retzii obs. bot. 3, p. 53.

Rosa spinosissima Linn. svec. n. 442? lapp. n. 203. Afzel. de ros.

R. cinnamomea Willden. spec. 2. p. 1065?

R. collincola Ehrh. Beitr. 2. p. 70.

R. fluvialis Fl. dan. 5. t. 868. (mala) Retz. scand.

R. syl. pumila rubra; μαίροdon Clus. — Burseri herb. XXV. n. 32.

Laponibus *Tseskes muor.*

Hab. in parte sylvatica Laponiarum omnium svecicarum (excepta forsan Tornensi) prope ripas fluviorum locis nemorosis passim; sed ad Ivalojoiki Enarensis frequentissima. In Lapponia Umensi usque ad Gillesnöle procedit. Neque in Lapponia svecica neque in adjacentibus provinciis alia Rosa.

Illust. *Linnæus* in *Spec. plant.* nullam citat rosam e Flora Lapponica, unde de rosis ibi adlatis dubium invasisse videtur. Quum hæc omnium maxime inermis est et præcipue in Lapponia sæpius legitur sine ullis aculeis semperque petiolos habet lævissimos; non possum quin rejiciam nomen *R. spinosissima Linn.*; quamquam synonymon Floræ lapponicæ tutus adposui. Sufficit mihi indicare quænam sit Rosa in his locis obvia. Singulis partibus satis convenit *R. collincolae Ehrh.* in Svecia crescenti. Rami ramulique in maturo frutice sæpius toti inermes; rarius aculeis stipularibus paucis rectis gracilibus armati. Petioli foliorum lævissimi sine minimo mucrone, pubescentes: pilis brevibus eglandulosis. Foliola angustiora quam in plerisque cæteris et obtusiora, marginibus et venis pilosiusculis eglandulosis; subtus cinereo-incana vel glaucescentia, glabriuscula. Laciniæ calycis sub florescentia fere filiformes, indivisæ, longitudine petalorum. Baccæ omnino globosæ vixque unquam depressæ ut in vulgari *R. majali*; de cætero molles, subbutyracæ, intensius rubræ.

Mihi tantum constituit varietatem *R. majalis* ad *R. foecundissimam* Du Roi proxime accedentem.

257. *ROSA villosa*: germinibus globosis pedunculisque hispidis? aculeis caulinis rectiusculis, stipulis glandulosis, foliolis ovalibus utrinque villosis.

R. villosa Linn. spec. plant. p. 704. Smith brit. 2. p. 538. Lightf. scot. p. 261. Landt faeroens. — Engl. bot. 9. t. 583? Afzel. de ros.

Hab. ad rupes meridiei expositas inferalpinas in Nordlandia meridionali passim.

Semper sterilis in his locis crescere videtur, neque flores nec fructus reperire potui quamquam eam frequenter vidi. Ideoque de nomine ejus non parum dubius sum. Fruticulus est parvus vix ultra bipedalis, satis crebro aculeatus: aculeis rectis gracilibus. Stipulæ satis magnæ et ultra dimidiam partem petioli nudi percurrentes, integræ et margine tantum glandulosæ. Petioli hispidi. Foliola pauca plerumque quina, late ovalia vel subrotunda, obtusa, utrinque concolora et villosa, marginibus parum rubicundis, serraturis glanduloso-dentatis.

Eadem species esse videtur, quæ in insulis Færoënsibus rarius occurrit rarissimeque floret. *Landt de Færois.*

R U B U S.

Gen. plant. ed. Schreb. n. 864. Gærtn. de fruct. 1. p. 350. t. 73.

258. RUBUS *Idæus*: foliis ternatis subtus tomentosis, caule frutescente aculeato, petiolis canaliculatis.

R. *Idæus* Linn. *svéc. n. 446. lappon. n. 204.*

Lightf. scot. p. 263. Georgii fl. baikal. p. 218.

Flor. Kamtschatk. in Arct. Zool. p. 195.

Penn. Arct. Zool. ad Nutka sound. p. 241.

Lapponibus *Kipper-muörje*. Fennonibus *Wairain*.

Hab. locis deustis sylvaticis et juxta pagos per partem sylvaticam totam Lapponiarum meridionalium parcius; sed in inferalpinis et sub radicibus alpium per totam Nordlandiam omnium vulgatissimus, etiam in Alten parcius et ad Varangriam Finmarkiæ a *Gunnero* visus.

Folia in summo septentrione subtus minus albidula et tantummodo parum tomentosa; vixque unquam pinnata vel quinata. Petioli semper evidenter canaliculati.

259. RUBUS *saxatilis*: foliis ternatis nudis, flagellis reptantibus herbaceis.

R. *saxatilis* Linn. *svéc. n. 447. lappon. n. 206.*

Willden. spec. 2. p. 1088. Smith brit. 2.

p. 544. Zoega island. — Landt. færoens.

— Lightf. scot. p. 265. Pallas it. sibir.

1. p. 72. *Georgii fl. baikal.* p. 218. *Falk russ. topogr.* 2. p. 192.

Lapponibus *Taiwe-muörje* (i. e. funis baccæ.)

Hab. in pratis lapidosis sylvisque per partem sylvaticam et subsylvaticam Lapponiarum omnium ubique parcius, ut etiam sub radicibus alpium ad Quickjock passim; nec non in Nordlandiæ meridionalis inferalpinis frequenter, in septentrionali et Finmarkia rarius ex. gr. ad Alten et Kistrand.

260. *RUBUS arcticus*: foliis ternatis, caule unifloro inermi.

R. arcticus *Linn. svec. n.* 448. *lapp. n.* 207. *Flor. dan.* 3. t. 488. *Willden. spec.* 2. p. 1088. *Pallas it. sibir.* 3. p. 34. 319. 246. 287. *Flor. Kamtschatk. in Arct. Zool.* p. 195. *Falk russiche topogr.* 2. p. 192. *Pallas fl. ross.* 2. p. 67. *Gmel. sibir.* 3. p. 179. n. 22. *Georgii fl. baikal.* p. 218.

Lapponibus meridionalibus *Akkermuörje*, septentrionalibus *Gjeddemuörje*. Fennonibus *Wattuk*.

Hab. locis graninosis tum elevatis ac depressis per partem sylvaticam, subsylvaticam et subalpinam Lapponiarum omnium e latere meridionali alpini jugi positarum vulgatius; ut etiam juxta flumina in districtu Tanensi ubique, ad Kistrand rarissime et ad flumen Altense frequenter visus, sed de cætero nullibi e latere norvegico alpium crescit neque in ipsis alpihus. Baccas suas in tota Lapponia vix maturat, ejus enim patria faventior est districtus maritimus Vesterbottniæ.

261. *RUBUS Chamæmorus*: foliis simplicibus lobatis, caule unifloro inermi, foliis calycinis ovatis. *Smith brit.* 2. p. 545.

R. Chamæmorus *Linn. svec. n.* 449. *lapp. n.* 208. t. 5. f. 1. *Lightf. scot.* p. 266. t. 13. f. 2. *Michaux amer.* 1. p. 298. *Pallas it. sibir.* 3. p. 34. 319. *Cranz grœnland.* — *Georgii fl. baikal.* p. 218. *Flor. kamtschatk. in Arct. Zool.* p. 195.

Lapponibus *Ladtek s. Lattak*. Finmarkicis *Loamanak*. Fennonibus *Hilla*.

Hab. omnium vulgatissimus in paludosis et uliginosis Lapponiarum sylvaticarum, subalpinarum et infer-

inferalpinarum, ut etiam in ipso jugo alpium earumque lateribus infimis sat vulgaris; nullo verum loco vulgatus quam in insulis maritimis ex. gr. ad Dverberg et Andenæs in Vesterålen Nordlandiæ, Thamsöæ et Vardöæ Finmarkiæ, quæ loca ob maximam ejus copiam famosa. Baccas quoque in ipsis alpibus maturat, idque sæpius dum in sylvaticis claudicat ob tempestatem sub florescentia minus faventem.

An dioica vel monoica sit difficillime est expertu, quam radices adeo complicatæ ut singula specimina haud separari possunt.

FRAGARIA.

Gen. plant. ed. Schreb. n. 865. Gærtn. de fruct. 1. p. 350. tab. 73.

262. FRAGARIA *vesca*: flagellis reptantibus, calyce fructus reflexo, petiolorum pubescentia patentissima.

Fr. *vesca* Willden. *spec. 2. p. 1091. Linn. svec. n. 450. lapp. n. 209. Lightf. scot. p. 267. Olavs. it. island. p. 675. 320. 815. Pallas it. sibir. 3. p. 319. Flor. kamtschatk. in Arct. Zool. p. 195. Georgii baikal. p. 218. Penn. Arct. Zool. ad Nutkasund. p. 141.*

Hab. in convallibus inferalpinis earumque lateribus meridiei expositis per totam Nordlandiam usque ad Alten rarius, vixque baccas maturans; ut etiam in latere meridionali montis Njam mats ad Quickjock copiose, sed de cætero nonnisi rarius occurrat in parte infima sylvatica Lapponiæ Umensis ubi pauca specimina prope templum Lycksele vidi.

Foliorum costæ subtus sericeo-albicantes; et serratura terminalis paullo longior proximis.

POTENTILLA.

Gen. plant. ed. Schreb. n. 866. Pentaphyllum. Gærtn. de fruct. 1. p. 349. tab. 73.

263. POTENTILLA *Anserina*: foliis interrupte pinnatis serratis, caule repente, pedunculis unifloris.

P. *Anserina* Linn. *svec. n. 452. lappon. n. 210. Flor. dan. 4. t. 544. Engl. bot. 12. t. 861. Smith brit. 2. p. 547. Olavs. it. island. p. 949.*

Michaux amer. 1. p. 304. *Lightf. scot.* p. 268.
Landt faeroens. — *Georgii fl. baikal.* p. 219.
Falk russ. topogr. 2. p. 193.

Hab. in ipsis littoribus maris per totam Nordlandiam ubique et Finnmarkiam raro ex. gr. in Hopseidet; sed de cætero per totam Lapponiam nullo loco a me visa, vixque denuo occurrit antequam in littoribus bottnicis.

In his locis vix nisi foliis nudis occurrit unquam.

264. *POTENTILLA verna* β. foliis quinatis obovatis serratis pilosis, petalis obcordatis calyce majoribus, caulibus declinatis.

P. verna *Linn. svec.* n. 455. *lapp.* n. 212. *Lightf. scot.* p. 270. *Pallas it. sibir.* 1. p. 147. *Georgii fl. baikal.* p. 219.

P. aurea *Flor. dan.* 114. *Smith brit.* 2. p. 549. *Zoega island.* — *Cranz groenland.* — *Burseri.* XVIII. 99.

Herba facie fragariæ. *Mart. spitsberg.* cap. 9. t. H. f. b.

Hab. in alpium meridionalium inferioribus lateribus præcipue Norvegiam versus ubique frequenter, ut etiam in septentrionalium radicibus; sed imprimis in pratis elevatioribus et collibus asperis per totam Nordlandiam inferalpinam et Finnmarkiam occid. vulgaris nec non Finnmarkiam orient. raro ex. gr. in Hopseidet. Extra alpes in svecico latere haud emigrat.

Planta alpina a vulgari svecica parum admodum differt: herba tantummodo major et omnes partes pilis copiosioribus patentioribus obsitæ. Folia radicalia semper quinata sunt.

Figura *fl. dan.* nostræ plantæ optime convenit; sed *Engl. bot.* 8. t. 561. sistit foliola nimium elongata, et caulem justo brevior.

P. aurea vera abunde diversa est non tantum ciliis sericeis verum etiam forma foliolorum fere *Alchemillæ alpinæ*, e. s. p.

265. *POTENTILLA nivea*: foliis ternatis subcuneiformibus inciso-serratis subtus tomentosis, caule adscendente.

P. nivea Linn. *svéc.* n. 458. *Flor. dan.* 6. t. 1035.

Rottb. plant. groenl. in Act. hafn. X. p. —

P. foliis ternatis utrinque hirsutis etc. Gmel. sib.

3. p. 183. t. 36. f. 1.

β. foliis pilosis vixque tomentosis. *P. grandiflora* Linn.?

P. levchophylla Pallas *it. sibir.* 3. p. 194?

Quinquefolium minus repens alpinum aureum.

Burseri. XVIII. 101.

Hab. locis elevatis asperis humosis per partem centralem alpini jugi meridionalis circa Virih-jaur ubique satis frequenter, scil. ad Tokin, in Kajsats, ad Kasakjaur, in Kobrinojvi, Kirkiware, ad Sorjäsjaure, in Jegna-apo, etc.; ut etiam e latere norvegico alpinum in rupibus ad Kaafjord Al-tensis raro visa. At β. in inferalpinis Nordlandiæ septentrionalis ex. gr. Tromsöæ legi.

Tota planta *P. vernae* admodum similis, tamen abunde distincta etiamsi tomentum in folii latere inferiore ludit. Foliola semper sunt terna (quod pro certissima differentia habeo); summo cuneiformi; cæteris ad latus inferius admodum inciso-serratis. Color paginæ superioris foliorum semper opacus vel cæruleo-viridis (dum in *Potent. verna* dilutus vel luteo-viridis). Laciniae calycinæ angustiores et magis elongatæ. Flores plerumque paullo majores et elegantius aurei.

Varietas β. foliis subtus haud evidenter niveis, sed de cætero ita cum ipsa *Potentilla nivea* conveniens, ut necessarie huc pertinet. Nec de synonymo Burseriano dubitamus. Vidimus hanc sub nomine *P. Brauneanae* ex alpibus Tyrolensibus missam.

Gunneri *P. nivea* fl. norv. n. 512. t. 3. f. 1. ab hac satis differre videtur: flore albo, foliolis obovatis etc. — eam vero ex solo icone determinare inconsultum duco.

266. *POTENTILLA norvegica*: foliis ternatis, caule dichotomo, pedunculis axillaribus.

P. norvegica Linn. *svéc.* n. 457. *lappon.* n. 211.

Fl. dan. 1. t. 171. *Michaux amer.* 1. p. 302.

Hab. in inferalpinis Nordlandiæ meridionalis raro: Linné.

T O R M E N T I L L A.

Gen. plant. ed. Raich. n. 619.

267. *TORMENTILLA erecta*: caule erectiusculo, foliis sessilibus. *Linn. svec. n. 459. lapp. n. 213. Fl. dan. 4. t. 589. Mohr island. p. 191. Lightf. scot. p. 272. Landt færoens. — Egede hist. groenl. p. 69. Georgii fl. baikal. p. 213. (parva).*

T. officinalis Smith. brit. 2. p. 552. Engl. bot. 12. t. 863.

Hab. locis humidis et paludosis graminosis per partem sylvaticam et subsylvaticam Lapponiarum meridionalium ubique frequenter, et septentrionalium parcius usque ad Nonainen Lapponiæ Tornensis; ut etiam in inferalpinis Nordlandiæ vulgaris, in radices alpium passim copiose adscendens.

G E U M.

Gen. plant. ed. Schreb. n. 867. Gært. de fruct. 1. p. 351. tab. 74.

268. *GEUM rivale*: floribus nutantibus, petalis longitudine calycis, aristis plumosis medio tortis, foliis caulinis simplicibus trifidis. *Willden. enum. hort. ber. p. 557.*

G. rivale Linn. svec. n. 461. lappon. n. 216. Smith. brit. 2. p. 554. Olavs. it. island. p. 320. Lightf. scot. p. 274. Landt færoens. — Michaux amer. 1. p. 301. Falk russ. topogr. 2. p. 194.

Hab. in pratis subhumidis nemorosis inferalpinis totius Nordlandiæ frequenter, et Finmarkiæ rarissime ex. gr. ad Polmach; nec non per partem sylvaticam et subsylvaticam Lapponiarum svecicarum passim, unde etiam juxta rivulos præcipue fontium usque in lateribus alpium adscendit saltem Lapponiæ umensis.

C O M A R U M.

Gen. plant. ed. Schreb. n. 869. Gært. de fruct. 1. p. 349. tab. 73.

269. *COMARUM palustre*: *Linn. svec. n. 463. lappon. n. 214. Willden. spec. 2. p. 1119. Olavs. it. island. p. 18. Michaux amer. 1. p. 302.*

Pallas it. sibir. 3. n. 319. *Lightf. scot.* p. 276.
Landt færoens. — *Cranz groenland.* — *Georgii fl. baikal.* p. 219. *Falk russische topogr.* 2. p. 194.

Hab. in paludibus et pratis paludosis per partem sylvaticam usque in subalpinam omnium Lapponiarum vulgare, et in inferalpinis Nordlandiæ ubique nec non Finmarkiæ passim. Longe vulgatius versus alpes adscendit quam præcedens.

D R Y A S.

Gen. plant. ed. Schreb. n. 868. *Gærtn. de fruct.* 1. p. 352.
 tab. 74.

270. *DRYAS octopetala*: floribus octopetalis, foliis crenatis. *Linn. svec.* n. 462. *lappon.* n. 215. *Flor. dan.* t. 31. *Lightf. scot.* p. 274. *Landt færoens.* — *Engl. bot.* t. 451. *Egede hist. groenland.* p. 69. tab. 2. f. 7. *Olavs. it. island.* p. 949. *Pallas. it. sibir.* 3. p. 33. 316. *Gmel. sibir.* p. 188. *Georgii fl. baikal.* p. 219.

Papaver album. *Mart. spitzberg.* —

Hab. locis elevatis succosioribus per totum alpium jugum et omnes alpes maritimas locaque etiam sublittoralia vulgatissime. Sed extra centrales alpes in sveticis nunquam descendit utpote infra Vallivare Lapponiæ Lulensis et Rastekaise Finmarkiæ nec non Njärvare Lapp. Tornensis haud mihi visa; neque in convallibus inferalpinis Norvegicis. Vulgatior est e Norvegico latere alpium, quam svecico.

Pubescentia duplex in hac planta adest, scil.

1) tomentum subtile niveum contortum in foliorum pagina inferiore, ut et rarius in pedunculo et marginibus calycis; 2) pili nigricantes glandulosi et interdum ramosi in latere inferiori calycis et passim per supremam partem pedunculi calycisque lacinias.

Dr. integrifoliam a Cl. Persoon in synops. p. 57. pro norvegica planta perperam exhibitam nonnisi e Groenlandia habuit Cel. Vahl secundum Act. hist. nat. hafn.

CLASSIS XIII.

POLYANDRIA.

ACTAEA.

Gen. plant. ed. Schreb. n. 877. Gærtn. de fruct. 2. p. 154. tab. 114.

271. *ACTAEA spicata*: foliis decompositis, racemo ovato, baccis globosis.

α. baccis nigris.

A. spicata *Linn. svec. n. 464. Lapp. n. 217. Fl. dan. 3. t. 498. Pallas it. sibir. 3. p. 519. Gmel. sibir. 4. p. 181. Georgii fl. baikal. p. 219.*

β. baccis rubris. Falk russisch. topogr. 2. p. 196.!

Hab. *α.* sub ipsis radicibus alpium locis nemorosis maxime occultis per totam Nordlandiam passim frequenter, ut etiam locis similibus Lapponiæ Lulensis rarius ex. gr. ad Njammats juxta Quickjock. At *β.* in luco petræ calcareæ ad Akankoski parocciæ Sodankylæ Kemensis copiose lecta est.

Var. *β.* nihil nisi colore baccarum a vulgari differere videtur; sub maturescentia tamen semper rubræ persistunt ejus baccæ talesque d. 9. Septembris lectæ sunt. E Russia uti videtur proventa est, et exinde colorem inconsuetum fere asiaticum vel continentalem secum tulit. Quod hic color in America iterum provenit haud mirum mihi videtur, cum ibi clima continentale. In utrisque varietatibus petioli parum pubescunt, et foliola subtus subluvida sunt. Flores tamen haud comparavi, ut nihil de longitudine staminum dicere valeam.

NYMPHAEA.

Gen. plant. ed. Schreb. n. 886. Gærtn. de fruct. 1. p. 72. t. 19.

272. *NYMPHAEA alba*: foliis subrotundo - cordatis integerrimis: lobis contiguis rotundatis, calyce quadrifido.

N. alba *Linn. svec. n. 470. lapp. n. 219. Willden. spec. 2. p. 1152. Michaux amer. 1. p. 311. Lightf. scot. p. 283. Falk russisch. topogr. 2. p. 196.*

Hab. in fluviis minoribus et rivulis Lapponiæ Umen-
sis infimæ usque ad Falträsk parcius, at in flu-
mine Oerelfven frequenter.

Elegans planta habitu suo aquis Lapponiæ valde
aliena; foliis suis subtus violaceis, et floribus re-
vera natantibus valde mirabilis.

273. NYMPHAEA *lutea*: foliis ovali-cordatis inte-
gerrimis, calyce pentaphyllo petalis majore,
stigmatе indiviso octodecim-costato.

N. *lutea* Linn. *svec.* n. 469. *lapp.* n. 218. *Fl. dan.*
4. t. 603. *Lightf. scot.* p. 282. (rarius). *Falk*
russ. topogr. 2. p. 196. *Gmel. sibir.* 4. p. 184.

Hab. in fluviis et lacubus præsertim minoribus per
partem sylvaticam omnium Lapponiarum svecica-
rum parcius, usque ad lacum Enarenseni, et Idi-
vuoma Lapponiæ Tornensis.

Folia ovalia, supra lævia et utrinque læte viri-
dia. Stigma integerrimum, compactum et e textura
cartilaginea vel cornea factum, sub florescentia sem-
per luteum; radiis usque ad viginti.

274. NYMPHAEA *pumila*: foliis oblongo-cordatis in-
tegerrimis punctatis subpubescentibus, calyce
pentaphyllo petalis majore, stigmatе lobato de-
cemradiato.

N. *lutea* β. *pumila*. Timm im *Magaz. für Nat.*
Meklenb. 3. p. 256. (secund. specim. ipsius).

N. *lutea* β. *minima* Willden. *spec.* 2. p. 1151.
Georgii fl. baikal. p. 219? Michaux *amer.*
1. p. 311?

Hab. in fluviis minimis parocciæ Sodankylä Keme-
sis rarius, ex. gr. in Muttanijoki et Marjejoki juxta
Pelkola frequenter lecta.

Quamquam de summa cognatione cum præce-
dente nullum est dubium, ut recte pro ejus filia ha-
betur; tamen nimium differt, quin eam simplicis
varietatis loco ponerem. Omnes partes duplo mi-
nores quam in præcedente. Folia paullo ultra pal-
maria, oblongo-cordata, tenuiora, superne punctis
elevatis scabrata et e cellulosa duplo grandiore quam
in præcedente constructa; petiolo sursum obtuso
triangulari, angulo infimo magis depresso. Flos
magnitudine *Calihæ palustris*. Foliola calycina
oblonge elliptica, obtusa. Petala calyce quoad ter-
tiam partem breviora, cuneiformia, truncata vel

leviter emarginata, superne introrsum gibba. Ger-
men oblongo-subovatum, angulis tot obtusis quot
stigmatis radii: rostro cylindrico. Stigma sub prima
florescentia planiusculum, in lobos decem paten-
tes perinsignes divisum, quoad substantiam carno-
sum vel multo magis sponsiosum quam in præce-
dente, semperque viridulum nec unquam luteum;
post florescentiam fuscescit et margines reflectun-
tur, ut lobi vix apparent. — Ob substantiam diver-
sam tum foliorum ac stigmatis, necesse distingui
debet a præcedente.

Mirum est quam multæ plantæ Lapponicæ et
Sibiricæ in Megapolitano occurrunt: ex. gr. Pedi-
cularis Sceptum carolinum, Betula fruticosa etc.

A C O N I T U M.

*Gen. plant. ed. Schreb. n. 328. Gærtn. de fruct. 1. p. 311.
tab. 65.*

275. ACONITUM *Lycoctonum*: foliis palmatis mul-
tifidis villosis, cuculli calcare revoluti.

A. *Lycoctonum* Linn. *svec. n. 476. lapp. n. 221.*

α. floribus cæruleis.

A. septentrionale Willden. *spec. 2. p. 1235.*

A. *Lycoctonum* Flor. dan. t. 125. Gmel. *sibir. 4.*
p. 189. *Georgii fl. baikal. p. 220.*

β. floribus lutescentibus.

A. *Lycoctonum* Willden. *spec. 2. p. 1232. Jacqu.*
austr. t. 380.

A. *Lycoctonum* luteum; in austria sponte. *Bur-*
seri X. 2. 3.

Lapponibus *Atja-grase* (i. e. tonitruum herba).

Hab. α. locis occultis in inferalpinis et sub radicibus
alpium Nordlandiæ meridionalis ubique; ut etiam
in convallibus subalpinis et in betuleis ad radices
alpium Lapponiarum svecicarum meridionalium
passim. Var. β. in fruticeto ad Kirkivare Lappo-
niæ Lulensis legi, cum var. α. simul crescentem.

Quod istæ duæ varietates nihil nisi colore a se
invicem differunt testor ex scrupulosa comparatione
ad Kirkivare instituta. In ambabus folia sunt ejus-
dem figuræ, ut etiam cucullus. Flores et tota ra-
chis eodem gradu ante florescentiam villosæ sunt.

ANEMONE.

*Gen. plant. ed. Schreb. n. 948. Gærtn. de fruct. 1. p. 357.
tab. 74.*

276. *ANEMONE nemorosa*: caule unifloro, foliis caulinis ternis singulisque ternatis incisis, seminibus acutis.

A. nemorosa Linn. *svec. n. 485. Willden. spec. 2. p. 1281. Fl. dan. 4. t. 549. Lightf. scot. p. 284. Michaux amer. 1. p. 319. Falk russ. topogr. 2. p. 201. Georgii fl. baikal. p. 221. (raro).*

Hab. in nemorosis infra radices alpium Nordlandiæ meridionalis raro, uti in Salteidet pluribus locis frequenter mihi visa; nec non ad latus meridionale alpis Geota juxta Tärna Lapponiæ Umensis lecta a Rev. Læstadio. Parissima ideo in Lapponia ibique e Norvegia translata.

277. *ANEMONE vernalis*: pedunculo involucrato, foliis pinnatis inciso-lobatis obtusiusculis.

A. vernalis Linn. *svec. n. 483. lappon. n. 223. Willden. spec. 2. p. 1273. Suter helvet. 1. p. 326. Falk russ. topogr. 2. p. 200.*

Hab. in subalpinis Lapponiæ meridionalis: Linné.

Plantam lapponicam haud vidi, quæ vero in subalpinis Dalekariæ et Vermlandiæ crescit ab uplandica haud differt, atque folia habet rarius villosa.

THALICTRUM.

*Gen. plant. ed. Schreb. n. 951. Gærtn. de fruct. 2. p. 355.
tab. 74.*

278. *THALICTRUM flavum*: foliis bipinnatis: foliolis trifidis, caule sulcato, stipulis dilatatis lacris, panicula ramosissima, floribus erectis.

Th. flavum Linn. *svec. n. 488. lappon. n. 224. Willden. spec. 2. p. 1300. Lightf. scot. p. 285. Pallas it. sibir. 3. p. 319. Flor. kamtschatk. in Arct. Zool. p. 195. Georgii fl. baikal. p. 221.*

β. *rotundifolium*: foliis rotundatis tenuioribus, stipulis coarctatis integris.

T. majus Jacqu. *aust. t. 420?*

T. montanum aliud; e Pyrenæis. *Burseri herb. XIX. n. 45.*

Hab. in pratis et graminosis subhumidiæ Lapponiæ sylvaticæ ex. gr. in Umensi usque ad Björksele passim; at β . in lucis humidis præcipue ad cataractas fluminum per Lapponiam kemensem fere ad Utsjoki frequenter procedens.

Quod in Lapponia Umensi occurrit *Talictrum* flavum svecico simillimum est; sed Kemense illud rotundifolium habitu omni *Talictro sibirico* adeo convenit, ut nonnisi floribus fructibusque erectis differt.

279. *THALICTRUM alpinum*: caule simplicissimo subnudo racemoso, floribus fructibusque recurvatis.

T. *alpinum* Linn. *svec.* n. 491. *lappon.* n. 225. *Lightf. scot.* p. 286. t. 13 f. 1. *Pallas it. sibir.* 5. p. 244. *Georgii fl. baikal.* p. 221. *Landt færoens.* — *Flor. dan.* t. 11.

Hab. in omnibus alpibus majoribus usque ad Nordcap, earumque lateribus et summis radicibus scil. locis irrigatis vulgatissime; in inferalpinis pratis uliginosis etiam frequenter, nec non extra alpes juxta flumina Lapponiarum svecicarum passim descendens scil. infra Enontekis Lapponiæ Tornensis et infra lacum Stora-Vindeln Lapponiæ Umensis.

Foliola semper adeo minuta ut duobus lineis longiora nunquam occurrunt, subrotunda, subtus glaucescentia; marginibus reflexis. Stigmata ob margines dilatatas insigniter cordata sunt.

RANUNCULUS.

Gen. plant. ed. Schreb. n. 953. *Gærtn. de fruct.* 1. p. 353. tab. 74.

280. *RANUNCULUS Flammula*: foliis ovato-lanceolatis petiolatis, caule declinato. *Willden. spec.* 2. p. 1307.

R. *Flammula* Linn. *svec.* n. 493. *lappon.* n. 235. *Michaux amer.* 1. p. 321. *Lightf. scot.* p. 288. *Landt færoens.* — *Georgii fl. baikal.* p. 221. *Falk russ. topogr.* 2. p. 202.

Hab. in aquosis sylvarum Lapponiæ meridionalis rarius.

281. **RANUNCULUS** *Ficaria*: foliis cordatis angulatis petiolatis, caule unifloro. *Linn. svec. n. 496. Engl. bot. 9. t. 584. Fl. dan. 3. t. 499. Lightf. scot. p. 289. Landt færoens. — Falk russ. topogr. 2. p. 202. Pallas it. sibir. 3. p. 315.*

Hab. in lateribus montium inferalpinorum meridiei expositis per Nordlandiam meridiionalem raro: a me lecta ad Middagshauen Keringöæ Præfecturæ Saltensis.

Folia radicalia sæpius subrotunda, peltata; caulina superiora multangula. Petala paullo pauciora et breviora quam in svecica.

282. **RANUNCULUS** *auricomus*: foliis radicalibus reniformibus crenatis incis; caulinis digitatis linearibus, caule multifloro. *Linn. svec. n. 498. Gunner. norv. n. — Fl. dan. 4. t. 665. Gmel. sib. 4. p. 202. n. 47. Georgii fl. baikal. p. 221. Lightf. scot. p. 290. Engl. bot. 9. t. 624.*

Hab. in pratis aquosis Nordlandiæ inferalpinæ maritimæ passim; ut etiam ad Utsjoki rarissime visus; sed in Lapponiæ Umensis sylvaticæ pratis humidioribus fere ubique frequenter.

283. **RANUNCULUS** *glacialis*: foliis subternatis tripartito-multifidis, caule bifloro, calycibus hirsutis, seminibus compressis marginatis.

R. glacialis Linn. svec. n. 501. lapp. n. 253. tab. 3. f. 1. Willden. spec. 2. p. 1320. Zoega island? — Flor. dan. t. 19. Suter helvet. I. p. 338. Landt færoens.?

Hab. tantummodo in cacuminibus altioribus totius alpini jugi, scil. locis humosis succosioribus, in tumulis glacierum e. s. p. fere ubique frequenter; sed neque in alpebus maritimis neque extra summities alpium visus. Infra Kask - ajvo Lapponiæ Lulensis, Tsatsekaise Lapponiæ Tornensis et Rastekaise Finmarkiæ orientalis nunquam reperi.

Hæc species unacum *R. rutæfolio*, *asiatico* etc. propriam efficiunt tribum, qui Trollio satis affinis est, et a sequentibus Ranunculis longe recedit. Hujus semina in conceptaculo laxo compresso ita inclusa sunt, ut dubito numne potius capsula monosperma dicenda sit. Receptaculum depressum planiusculum magnum fere ut in *Leontodonte Taraxaco*, et calyce persistente staminibusque stipa-

tum. Radix interdum non parum tuberosa. Folia haud ternata nisi in maximis exemplaribus, sed plerumque tripartita et multifida; de cætero carnosiuscula. Vaginæ foliorum præcipue caulinarum barbatae sunt vel ferrugineo - ciliatae. Foliola calycina valde concava et petala plerumque ita conniventia, ut totus flos subglobosus. Color floris inter rubicundus et albissimus variat.

284. *RANUNCULUS lapponicus*: foliis tripartitis obtusis incisis, caule repente subterraneo, pedunculis unifloris, seminum rostro dilatato recurvo. *Icon.* tab. nostr. VIII. f. 2.

R. lapponicus *Linn. svec. n. 503. lappon. n. 251. tab. 3. f. 4.*

Hab. locis uliginosis limosis per partem subsylvaticam Lapponiarum svecicarum septentrionalium ex gr. ad Enontekis et Idivuoma Lapponiæ Tornensis rarius; at in Lapponia Umensi præcipue subsylvatica frequenter a lacu Örträsk usque ad Risnäs lacus Vindelensis, inprimis ad fontium frigidarum rivulos.

Obscura plerisque auctoribus est hæc species, nec ejus affinitas satis explorata. Mihi quidem *R. repenti* *L.* proxima videtur. Dubito an potius dicerem radicem esse repentem, an caulem; nam quos Linné dixit caules vix nisi pedunculi sunt ex axilla foliorum orti. Pedunculi et Folia iconi *Linnéi* optime conveniunt, et glaberrima sunt. Semina in capitulo singulo pauca sunt vix ultra 6 vel 8; superne appendice latiuscula compressa, repleta cellulis tantum spongiosis et diaphanis; quæ appendix terminatur stylo longiusculo, recurvo. Flos parum conspicuus: petalis calyce parum longioribus.

Explicatio iconis: a. capitulum seminale magn. natural. b. semen integrum duplo auctum. c. semen longitudinaliter dissectum duplo auctum.

285. *RANUNCULUS nivalis*: foliis reniformibus quinquelobis integerrimis, caule unifloro, calyce hirsuto, seminibus rostratis rectis. *Icon* Tab. nostr. VIII. f. 3.

R. nivalis *Linn. svec. n. 502. lappon. n. 232. tab. 3. f. 2. Cranz grænländ. — Willden. spec. pl. 2. p. 1321. Hoppe taschenb. 1800. p. 184 - 189.*

R. quartus Mart. spitsberg. cap. 3. tab. I. fig. d.
 Hab. in totius alpini jugi campis ab aqua nivali superfusis, ad rivulos e. s. p. vulgatissime. Sed vix in alpihus maritimis ad Nordcap, neque extra altiores alpes provenit.

Satis polymorphus est; præcipue valde ludit figura foliorum. Magis nitidus et glaber est quam plerique cæteri. Caulis ad insertionem folii caulini non parum hirsutus. Calycis hirsuties fusca est. Petala duplo longiora quam calyx, patentia, indeque flos satis spectabilis. Receptaculum seminum cylindricum elongatum. Semina subrotunda, stylo longitudine ipsorum seminum recto rostrata.

Explicatio iconis: a. capitulum seminale magnit. naturali. b. semen integrum duplo auctum. c. semen dissectum dupplo auctum.

β. sulphureus: foliis spathulatis multilobis.

R. sulphureus Phipps itinerar. ad pol. boreal.
 p. —

R. frigidus Willden. spec. 2. p. 1312?

R. primus Mart. spitsberg. cap. 3. tab. G. fig. c.
 Hab. juxta rivulos in alpihus maxime septentrionalibus Finmarkiæ prope Nordcap passim frequenter. De cætero in Spitsbergis præcipue lectus.

Primo intuitu a *R. nivali* non parum diversus videtur: foliis minime nitidis, minus profunde divis in lobos circiter septem, et brevius petiolatis; caule altiore; petalis pallidioribus.

Not. *Ranunculum montanum Willd.* crediderim me vidisse in convalle alpina prope Kajsats juxta Virih-jaur; quum autem nulla specimina conservavi cum dubitanter haud adponere volui.

286. *RANUNCULUS pygmæus:* foliis subreniformibus quinquefidis, caule unifloro, calyce glabro petalis longiore, mucrone seminum brevi adunco.

R. nivalis pygmæus Linn. spec. n. 502. β. lappon.
 n. 232. tab. 3. f. 3.

R. secundus Mart. spitsberg. cap. 3. tab. G. fig. c.
Icon Tab. nost. VIII. fig. 1.

Hab. in totius alpini jugi lateribus, locis irrigatis suboccultis juxta rivulos, sub petris et s. p. frequenter. Etiam in Öhrdalen juxta Hopseidet Fin-

markiæ lectus, sed de cætero nunquam extra alpes altiores.

Figura Floræ lapponicæ haud bona est, utpote neque characteres neque habitum plantæ rite exprimens. Hæc planta non tantum pygmæa sed valde gracilis est, et sine flore *Saxifragam rivularem* admodum refert. Radix sine dubio annua est. Foliorum petioli longi graciles caulem floriferum sæpius superantes. Folia ipsa profundius divisa quam in præcedente. Margines membranacei ad insertionem folii caulini evidentiores. Pedunculi post florescentiam valde elongantur, sed folium caulinum supra radicalia vix elevatur. Calyx quidem glaber sed pedunculus floris pubescentia alba (nec fusca) rectiuscula passim tectus. Totus flos ejusdem fere magnitudinis et figuræ ac in *R. scelerato*. Calyx plerumque reflexus elongatus. Petala calyce breviora subrotunda. Capitulum fructus longius quam in præcedente. Semina subrotunda, stylo ipsius duplo breviora adunco mucronata. — Tam multis et insignibus characteribus non potest non a præcedente distingvi.

Explicatio iconis: a. planta florens. d. planta fructifera. b. calycis foliolum et c. petalum separatim, utraque duplo aucta. e. semen duplo auctum. f. semen dissectum quadruplo auctum.

287. RANUNCULUS *hyperboreus*: foliis profunde trilobis: lobis divergentibus, caule filiformi repente, seminibus muticis lævibus.

R. hyperboreus Rottb. pl. island. in Act. hafn. X. p. 458. tab. 4. f. 16. Flor. dan. t. 331.

R. Ammanni Gunn. norv. n. 826.

R. foliis subrotundis etc. Gmel. sibir. 4. p. 204. n. 836.

Hab. locis limosis udis apricis per partem sylvaticam et subsylvaticam Lapponiæ Tornensis passim copiose, Kemensis rarius ex. gr. ad Hietasuvando.

Quoad magnitudinem figuramque foliorum et florum præcedenti similis est, an autem de cætero affinis valde dubito; neque scio cui nostrarum affinior sit. Tota planta admodum mollis et tenuis. Caulis omnino repit haud vero ita reptat ac in *R. reptante*. Folia late spathulata, profunde triloba; lobis plerumque divergentibus et sine ullis crenis late-

ralibus. Pedunculi florum folia superantes. Foliola calycina petalis paullo longiora. Capitulum seminum grandiusculum respectu teneritatis plantæ. Semina subrotunda obtusa et omnino mutica sine ullo apiculo, quo longe a præcedentibus differt; neque scrobiculata sunt ut in *R. hederaceo*, qui *R. aquatili* L. affinior est. Flores lutei sunt.

Semina Ranunculorum optimos præbent specierum characteres; species lapponicæ iis optime distinguuntur: *Ranunculus sceleratus* semina habet proprio modo umbilicata e. s. p.

288. RANUNCULUS *reptans*: foliis subfiliformibus, caule reptante filiformi.

R. reptans Linn. *svec.* n. 495. *lapp.* n. 236. t. 3. f. 5. *Flor. dan.* t. 108. *Lightf. scot.* p. 289. *Buxbaum. cent.* 5. *app.* 41. *Falk russ. topogr.* 2. p. 202.

? *R. filiformis* Michaux *amer.* 1. p. 320?

Hab. ad ripas lacuum et fluviorum alibique in terra nuda sabulosa vel glareosa aprica per partem sylvaticam et subsylvaticam omnium Lapponiarum svecicarum sat vulgaris.

Qui in Lapponia crescit adeo differt a *R. Flammula*, ut non possum non eum præcedenti affiniorum censere: caule revera reptante filiformi, floribus semper minutis fere *Saginæ procumbentis*, foliis filiformibus. Doleo me haud semina examinasse, in quibus character certissimus forsitan latet. Quod vero varietas *R. Flammulæ* existit huic habitu similis in propatulo est.

289. RANUNCULUS *acris*: calycibus patulis, pedunculis teretibus, foliis tripartito-multifidis: summis linearibus. Linn. *svec.* n. 507. *lapp.* n. 228. *Engl. bot.* 10. t. 652. *Olavs. it. island.* — *Lightf. scot.* p. 293. *Landt færoens.* — Gmel. *sibir.* 4. p. 206. n. 53. *Falk russ. topogr.* 2. p. 203.

R. pumilus caule unifloro.

R. bulbosus Linn. *lapp.* n. 229.

? *R. hirsutus* Smith *brit.* 2. p. 592.

Fennonibus Lapp. *Terreva-ruoho*.

Hab. in cultis, pratisque per partes sylvaticas, subsylvaticas et subalpinas, nec non inferalpinas et maritimas omnium Lapponiarum usque ad Hops-

eidet Finmarkiæ fere ubique; in alpihus quoque cum delatum vidimus cum domiciliis lapponum.

Varietatem hujus pumilam foliis omnibus radicalibus habituque *R. bulboso* similem in collibus siccis lapponiæ vidimus; sed nullum *R. bulbosum* verum reperimus.

290. *RANUNCULUS repens*: pedunculis sulcatis, sarmentis repentibus, foliis ternatis trifidis, seminibus lenticularibus.

R. repens *Linn. svec. n. 505. lappon. n. 230. Engl. bot. 8. t. 516. Gmel. sibir. 4. p. 206. Georgii fl. baikal. p. 221. Lightf. scot. p. 292. Landt færøens. —*

Hab. in graminosis udis per partem sylvaticam et subsylvaticam Lapponiarum svecicarum passim, et ad fluvios Utsjokiæ rarius; nec non in cultis inferalpinis frequenter.

In Lapponia semper glaberrimus mihi visus est.

291. *RANUNCULUS aquatilis*: foliis submersis capillaceis, emersis subpeltatis, seminibus dorso hispidis.

R. aquatilis *Linn. svec. n. 509. lappon. n. 234. Willden. spec. 2. p. 1332. Gmel. sib. 4. p. 207. Lightf. scot. p. 295.*

R. heterophyllus Hoffm. fl. germ. 1. p. 179. Hoppe taschenb. 1802. p. 21.

Hab. in aquis per partem sylvaticam Lapponiarum meridionalium ubique, ut etiam in subsylvatica Lapponia Lulensi et Tornensi passim visus.

Semina scrobiculata, tantum dorso præcipue apicem versus hispida: pilis rigidulis. Inter utramque divisionem generis apud *Persoon. syn. 2. p. 105.* ambigit hæc species.

TROLLIUS.

Gen. plant. ed. Schreb. n. 954. Gærtn. de fruct. 2. p. 176. tab. 118.

292. *TROLLIUS europæus*: corollis conniventibus, nectariis longitudine staminum. *Linn. svec. n. 510. lappon. n. 226. Hoppe taschenb. 1799. p. 235. Lightf. scot. p. 295. Pallas it. sibir. 3. p. 315. 253.* Georgii fl. baikal. p. 222. Flor.*

*Flor. Kamtschatk. in Arct. Zool. p. 196. Falk
russ. topogr. 2. p. 203. Gmel. sib. 4. p. 190.*

Lapponibus *Buola-grase*. Fennonibus Enontekensibus *Pluppun-Kuka*.

Hab. ubique fere omnium vulgatissimus scil. locis fertilioribus lætioribus tum in sylvaticis montanis tum in subalpinis ac inferalpinis usque in lateribus occultioribus ipsarum alpium etiam maritimarum usque ad Hopseidet, idque per universam Lapponiam. In districtu planiore maritima Vesterbottniæ parciore est.

C A L T H A.

*Gen. plant. ed. Schreb. n. 957. Gærtn. de fruct. 2. p. 176.
tab. 118.*

293. *CALTHA palustris*: caule erecto. *Willden. spec. 2. p. 1338. Linn. svec. n. 511. lapp. n. 227. Engl. bot. 8. t. 506. Fl. dan. 4. t. 668. Lightf. scot. p. 298. Olavs it. island. p. 18. Michaux amer. 1. p. 324. Pallas it. sib. 3. p. 319. Georgii fl. baikal. p. 222.*

Fennonibus *Lumpet*.

Hab. in pratis aquosis ad fluvios et rivulos per partem sylvaticam, subsylvaticam et inferalpinam omnium Lapponiarum vulgaris; etiam ad Kistrand, Tana, Utsjoki, etc. lecta.

CLASSIS XIV.

D I D Y N A M I A.

M E N T H A.

Gen. plant. ed. Schreb. n. 967.

294. *MENTHA lapponica*: floribus verticillatis paucis, foliis oblongo-lanceolatis petiolatis glabris, caule retrorsum scabro, calycibus asperis, pedicellis lævissimis.

Icon tab. nostr. X.

Hab. in ripis subhumidis arenosis fluvii Kemensis ad pagum Saunavaara frequenter; eandem me legisse crediderim nonnullis locis Lapponiæ Umen-

ais uti ad Lycksele et Björksele, sed nondum plane adulta.

Scrupulose eam comparavi cum speciminibus *Mentharum* Cel. *Smithii* in Herbario Cel. *Svartzii* asservatarum, et ab omnibus diversam esse comperi. Proxime accedit ad *M. gracilem* Smith.; sed adhuc multum gracilior, laxior, pallidior et glabrior est. Tota planta ita glabra et pallida ut *Ocimum Basilicum* fere refert, odore satis svavi fere *Melissæ*. Radix repens et perennis. Caulis obtusangulus, inanis (ut facile comprimitur), pallide viridis (nulloque modo coloratus), glaber sed retrorsum asper ob mucrones subtiles nudis oculis vix discernibiles; simplex (nec unquam ramosus). Folia petiolata, oblongo-lanceolata, serrata, valde tenuia et mollia, glabra et nonnisi inferne parum aspera, in pagina inferiore sublucida; eorumque paria longius a se invicem remota, tamen tam longa sunt ipsa folia ut internodia duplo superant. Verticilli vix ultra decemflori; pedicelli ipsis floribus longiores, glaberrimi, lævissimi. Calyx asper, sine punctis resinosis evidentioribus. Corolla rosea, staminibus exsertis.

Explicatio Iconis: a. planta florens magn. nat. — b. pars caulis magn. auct. c. calyx magn. auct.

A J U G A.

Gen. plant. ed. Schreb. n. 959.

295. *AJUGA alpina:* Gunner. norv. n. 1099. *Smith. brit. 2. p. 604. et 3. p. 1599.*

A. pyramidalis Huds.? — *Lightf. scot. p. 303?*
Crantz groenland? —

Hab. in Porsangria Finmarkiæ, unde missa ad Rev. Gunnerum.

T H Y M U S.

Gen. plant. ed. Schreb. n. 982.

296. *THYMUS Serpyllum:* floribus capitatis, caulibus repentibus, foliis planis ovalibus obtusis basi ciliatis. *Linn. svec. n. 535. Willden. spec. 3. p. 138. Lightf. scot. p. 318. Olavs. it. island. p. 944. 491. Crantz groenl. 1. p. 83. Landt færoens. — Georgii fl. baikal. p. 223. Falk russ. topogr. 2. p. 208.*

Hab. in ripis arenosis fluvii Tana per omnem ejus longitudinem inter Guldholmen et Kivikoski passim copiose; ut etiam ad lacum Mandujauri Uts-jokiæ. De cætero in Svecia haud provenit supra flumen Ångermanelfven, ut certe a Lapponia aliena est.

Singulis suis partibus cum Upsaliensi exacte convenit.

GALEOPSIS.

Gen. plant. ed. Schreb. n. 972.

297. GALEOPSIS *Tetrahit*: caule hirtō: internodiis superne incrassatis, calycibus pungentibus, corollis calyce duplo longioribus: galea rectiuscula. *Willden. spec. 3. p. 92. Smith brit. 2. p. 629.*

G. *Tetrahit* α. *Linn. svec. n. 525. lappon. n. 237. Lightf. scot. p. 310. — Zoega island. — Georgii fl. baikal. p. 222. Falk russ. topogr. 2. p. 206.*

Hab. in agris et cultis per partem sylvaticam et subsylvaticam omnium Lapponiarum svecicarum frequenter; etiam in Nordlandia inferalpina.

298. GALEOPSIS *versicolor*: caule hirtō: internodiis superne incrassatis, calycibus pungentibus, corollis calyce triplo longioribus: galea ventricosa. *Smith. brit. p. 630. Engl. bot. 10. t. 667.*

G. *versicolor* *Curtis lond. 6. t. 38.*

G. *cannabina* *Flor. dan. t. 929.*

G. *Tetrahit* β. *Linn. svec. n. 525. lappon. n. 237.*

Hab. cum præcedente in cultis et stercoreatis fere vulgatius.

STACHYS.

Gen. plant. ed. Schreb. n. 974.

299. STACHYS *sylvatica*: verticillis sexfloris, foliis cordatis petiolatis. *Linn. svec. n. 526. Gunner. norv. n. 70. Lightf. scot. p. 312. Falk russ. topogr. 2. p. 206.*

Hab. in convallibus inferalpinis Nordlandiæ meridionalis passim copiose. A me pluribus locis ad Sörfolden Saltensem visa.

SCUTELLARIA.

Gen. plant. ed. Schreb. n. 989.

300. SCUTELLARIA *galericulata*: foliis cordato-lanceolatis crenatis rugosis, floribus axillaribus. *Smith brit. 2. p. 645. Linn. svec. n. 538. lapp. n. 239. Gmel. sib. 3. p. 227. Lightf. scot. p. 320. Georgii fl. baikal. p. 223.*

Hab. juxta fluvios Lapponiæ meridionalis infimæ passim; ego quidem nonnisi juxta limitem Lapponiæ Umensis scil. ad Granöam reperi.

PRUNELLA.

Gen. plant. ed. Schreb. n. 990.

301. PRUNELLA *vulgaris*: foliis petiolatis oblongo-ovatis basi subdentatis, calycis labio superiore truncato triaristato, caule adscendente. *Willden. spec. 3. p. 176.*

Pr. *vulgaris* *Linn. svec. n. 540. lapp. n. 238. Engl. bot. 14. t. 661. Lightf. scot. p. 321. Landt færoens. — Falk. russ. topogr. 2. p. 209. Georgii fl. baikal. p. 223. Olavs. it. island. p. 940. Michaux amer. 2. p. 11.*

Hab. sub ipsis radicibus alpium in locis meridiei maxime expositis Nordlandiæ meridionalis rarius; ut etiam in Lapponia Umensi sylvatica præcipue in ripis humidis fluminum usque ad lacum Stora-Vindeln passim parcius.

BARTSIA.

Gen. plant. ed. Schreb. n. 996. Gertn. de fruct. 3. p. 109. tab. 198. f. 6.

302. BARTSIA *alpina*: foliis oppositis subcordatis obtuse serratis, antheris hirsutis. *Smith. brit. 2. p. 647.*

B. *alpina* *Linn. svec. n. 541. lapp. n. 246. Flor. dan. t. 43. Olavs. it. island. p. 433. 815. Landt. færoens. — Crantz. groenland. — Suter helvet. 2. p. 24.*

Hab. in alpihus omnibus usque ad Nordcap earumque præcipue lateribus inferioribus humidioribus vulgaris; etiam extra atque infra alpes juxta fluvios per Lapponiam sylvaticam frequenter descendit usque ad Gransele Vindelense Lapponiæ Umen-

sis, ad Ketkessuvando Lapponiæ Tornensis, et ad Akankoski Lapponiæ Kemensis.

Semina marginibus pluribus membranaceis striatis mirum in modum cincta; quibus etiam affinitas ejus cum *E. odontitide* confirmatur, et dissimilitudo a genere *Rhinanthi* ulterius indagatur. — Descriptio generis a *Cel. Gärtnero* l. c. data nostræ speciei bene convenit.

EUPHRASIA.

Gen. plant. ed. Schreb. n. 998. Gärtn. de fruct. 1. p. 257, tab. 54.

303. *EUPHRASIA officinalis*: foliis ovatis obtuse dentatis, laciniis labii corollæ inferioris emarginatis. *Willden. spec. 3. p. 193.*

E. officinalis Linn. svec. n. 543. lapp. n. 247. Gmel. sib. 3. p. 212. Zoega island. — Lightf. scot. p. 323. Landt færoens. — Michaux amer. 2. p. 16. Georgii fl. baikal. p. 223.

Hab. in pratis elevatis et graminosis sylvaticis per partem sylvaticam, subalpinam et inferalpinam omnium lapponiarum vulgatissime; ut etiam locis humidis in radicibus alpium et locis sublittoralibus usque Nordcap versus ubique parce.

RHINANTHUS.

Gen. plant. ed. Schreb. n. 997. Gärtn. de fruct. 1. p. 255. tab. 54.

304. *RHINANTHUS Crista galli* α. corollarum labio superiore compresso brevior bidentato, calycibus glabris.

R. Crista galli α. Linn. svec. n. 542. Lapon. n. 248. Fl. dan. 6. t. 981. Engl. bot. 10. t. 657. Zoega island. — Michaux amer. 2. p. 17. Pallas it. sibir. 3. p. 319. Georgii fl. baikal. p. 223. Lightf. scot. p. 322.

Laponibus Finmarkiæ *Routta-grase*.

Hab. in pratis siccioribus per sylvaticam partem Lapponiarum Svec. passim; sed in inferalpinis Nordlandiæ et Finmarkiæ usque ad Nordcap ubique frequentius, unde etiam adscendit juxta ripas fluminis Tana ad templum Utsjokense copiosius.

MELAMPYRUM.

Gen. plant. ed. Schreb. n. 999. Gært. de fruct. 1. p. 244. tab. 53.

305. MELAMPYRUM *pratense*: floribus secundis axillaribus, corollis clausis labio porrecto, foliis summis hastatis. *Smith. brit. 2. p. 652.*

M. pratense Linn. svec. n. 548. lappon. n. 240.

Lightf. scot. p. 324. Falk. russ. topogr.

2. p. 210.

Lyckselensibus Mjölkvall.

Hab. in sylvatica parte Lapponiarum præcipue meridionalium vulgatissime, in subsylvatica ubique parcius, et in subalpina juxta fluvios locisque humidis usque ad Polmak Tanensem passim; sed in inferalpinis tantum Nordlandiæ meridionalioris rarius.

306. MELAMPYRUM *sylvaticum*: floribus secundis axillaribus, corollis hiantibus labio deflexo. *Smith brit. 2. p. 653.*

M. sylvaticum Linn. svec. n. 549. Engl. bot. 12.

t. 804. Lightf. scot. p. 325. Georgii fl.

baikal. p. 223. Falk. russ. topogr. 2. p. 210.

Hab. præcipue in lucis fertilioribus inferalpinis Nordlandiæ ubique, unde etiam in salicetis alpinum rarius adscendere vidi.

P E D I C U L A R I S.

Gen. plant. ed. Schreb. n. 1003. Gært. de fruct. 1. p. 246. tab. 53.

307. PEDICULARIS *palustris*: caule solitario ramoso, calycibus ovatis cristatis scabris capsula brevioribus.

P. palustris Linn. svec. n. 551. Willden. spec. 3. p. 202. Lightf. scot. p. 326. Landt færøens. — Georgii fl. baikal. p. 223. Falk. russ. topogr. 2. p. 210.

? *P. sylvatica Olavs. it. island. p. 940.*

P. caule ramoso, floribus solitariis remotis Linn. lapp. n. 241.

P. pratensis albo flore. Burseri herb. VIII. n. 91.

Hab. in paludibus et pratis udis per partem sylvaticam et subsylvaticam omnium Lapponiarum svec. usque ad templum Enare fere ubique parcius; ut

etiam in Nordlandia et Finmarkia inferalpina parcius.

Lapsu memoriæ *Linnæus* retulit synonymon Floræ lapponicæ ad *P. sylvaticam*, quæ neque in Lapponia neque in alia quadam provincia boreali Sveciæ occurrit, ubi vero *P. palustris* vulgatissima.

Hujus caulis admodum ramosus et virgatus, floribus undique sparsis. Folia subtus fere concolora. Calyx brevis, subrotundo-ovatus; lobis dentatis squarrosis majusculis. Corollæ labii inferioris lacinia media vix emarginata; galea sine dentibus conspicuis inagis acuminata.

Pedicularis sylvaticæ *L.* caulis omnino simplex et nudiusculus, sed caules multi ex eadem radice fasciculatim surgunt, quorum laterales magis serotini sunt et extrorsim deflectuntur, eamque ob causam pro ramis stirpis centralis habentur a multis botanicis; folia subtus non parum candicantia ob scabritiem quandam albam; flores in summitate caulis magis aggregati; calyces longi, oblongo-cylindracei, læves, angulati, longitudine capsulæ vel capsulam parum superantes; corollæ labii inferioris lacinia media emarginata eamque ob causam obcordata: galea obtusior dente utrinque deorsum spectante. Supra Daliā et Vestergothiam vix legitur; etiam in Helvetia rarior monente *Hallero*.

308. *PEDICULARIS Sceptrum Carolinum*: caule simplici, floribus terno - verticillatis, calycibus quinquefidis cristatis, corollis clausis, capsulis subrotundis.

P. Sceptrum carolinum *Linn. svec. n. 553. lappon. n. 243. tab. 4. f. 4. Oed. dan. t. 26. Falk russ. topogr. 2. p. 210. Gmel. sib. 3. p. 206. n. 17. Georgii fl. baikal. p. 223.*

Hab. in fruticetis et salicetis humidis subalpinis omnium Lapponiarum Svecicarum sat vulgaris, unde juxta flumina disseminatur per partes sylvaticas omnes Lapponiarum svecicarum usque ad Örträsk Lapponiæ Umensis passim frequenter; sed e latere Norvegico alpiū rarissime occurrit, nec nisi uno ulterove loco unquam visa.

309. *PEDICULARIS lapponica*: caule simplici pubescente, foliis subsessilibus pinnatifidis serratis,

calycibus obtusis bidentatis, corollæ galea rostrata decisa.

P. lapponica Linn. *svec.* n. 554. *lapp.* n. 242.
tab. 4. f. 1. *Fl. dan.* t. 2. *Cranz groenl.*

— *Pallas it. sibir.* 3. p. 34. 444.

Hab. sequentibus multum vulgatioꝛ, tum in summarum alpium lateribus siccioꝛibus et alpibus maritimis omnibus, tum etiam in campis collibusque subalpinis omnium Lapponiarum ubique frequenter; nec non in paludosis inferalpinis Nordlandiæ et juxta fluvios paludesque per partem subsylvaticam Lapponiarum omnium passim copiose usque ad Sodankylä Lapponiæ Kemensis, Palojoensuū Lapponiæ Tornensis, Tjåmotēs Lapponiæ Lulensis, Löfmock Lapponiæ Pitensis et Sorsele Lapp. Umensis descendens.

Radix omnium tenuissima, et procul dubio annua, caulemque semper solitarium alens. Folia radicalia nulla. Caulis semper ejusdem longitudinis circiter spithamalis, multum gracilior quam in sequentibus, teres, lævis, breviter pubescens. Folia omnia caulina subsessilia, lineari-lanceolata, crebrius pinnatifida, pinnulis argute serratis sursum spectantibus. Nervus foliorum in latere inferiore perevidens; folia utrinque concolora. Flores in spicam magis collecti quam in sequentibus, patentes vel subhorizontales, colore toti luteo-pallidi. Pedicelli etiam in planta fructifera calyce suo breviores. Calyces valde obtusi, in dorso et ventre excisi ut fere bilobi evadunt; lobis hisce unidentatis vel bidentatis. Corolla tota pallida; lobis labii inferioris ovalibus rotundatis; galea rostrata: rostro deorsum spectante, deciso stylumque exsertum demittente. Capsula acuminata, calyce duplo longior.

310. *PEDICULARIS flammea*: caule simplici glaberrimo, foliis pinnatis retroimbricatis dentatis, corollæ galea obtusissima, laciniis labii linearibus.

P. flammea Linn. *svec.* n. 556. *lapp.* n. 244.
tab. 4. f. 2. *Zoega island.* — *Cranz groenland.* — *Suter helvet.* 2. p. 30?

♂. *major.* *Flor. dan.* t. 30. *Gmel. sib.* 3. p. 212.

Hab. in alpibus Lulensibus centralibus circa Virihjaur passim frequenter extra Kirkivare haud disce-

dens; scil. minor in uliginosis et paludosis, procerior in montium præruptis graminosis lætioribus.

Radix multiplex; radiculis singulis superne lumbricalibus vel fusiformibus, carnosis. Folia omnia tum caulina ac radicalia satis numerosa longiuscule petiolata, pinnata; pinnis ovalibus ita approximatis, ut interdum sibi invicem incumbentibus (quod Linnæus termino illo imbricatis exprimere voluit); supra fuscescentibus sine omni nitore, infra multo pallidioribus et virescentibus, obtusiuscule dentatis; rachide et petiolo angusto, filiformi, rugoso. Caules plerumque plures ex eadem radice, omnes recti, glaberrimi, firmi, in varietate pumila biunciales, in proceriore usque ad pedales. Pedicelli fructiferi calyce duplo longiores cauli adpressi. Calyces quinque-nerves et 5-fidi. Corollæ minores quam in cæteris et valde angustæ, quoad partem inferiorem splendide fulvæ vel flammææ: galea tota purpureo-fusca, obtusissima; labio parvo, lacinii linearibus. Capsula acuminata, calyce duplo longior.

A planta helvetica non parum differre videtur foliis subtus pallidis et galea singulari.

311. PEDICULARIS *hirsuta*: caule simplici hirsuto, foliis caulinis pinnatifidis crenatis: petiolo dilatato, corollæ galea obtusissima edentula.

P. hirsuta Linn. *svéc. n. 555. lappon. n. 245. tab. 5. f. 3. mala. Flor. dan. 7. t. 1105. bona. Pallas it. sibir. 3. p. 34. Georgii fl. baikal. p. 223.*

Hab. in ipsius alpini jugi summis campis uliginosis nebulosis vel irrigatis apricis præcipue Lapponiarum meridionalium et Tornensis satis vulgaris, haud vero extra summitatem alpis Vallivare Lapponiæ Lulensis, nec extra Tsatsekaise Lapponiæ Tornensis; in Finmarkiæ jugo haud visa, neque in maritimis aliisque alpibus minoribus unquam.

Radix quodammodo truncosa, et plures caules alens. Folia caulina difficilia sunt descriptu, quum petiolus latus foliaceus, et inde eodem jure rachis foliacea dici queat et distinctis pinnis ad marginem ornata, ac altero respectu folia tantum pinnatifida. Folia autem radicalia omnino pinnata sunt sine pe-

tiolo dilatato: pinnis remotioribus, angustioribus sub lanceolatis, crenatis, utrinque concoloribus et virescentibus. Caulis in planta fructifera ultra spithamalis, firmus, superne præcipue ad insertionem foliorum et florum hirsutus. Pedicelli fructuum longitudine calycis. Calyx quinquefidus hirsutus. Corolla tota dilute rosea, erecta; labii laciniis ovalibus latiusculis; galea obtusissima sine ullis dentibus, adeo recta et erecta ut cauli fere adpressa, stigma semper includens, parum suturatus colorata. Capsula brevior quam in præcedente, calyce vix duplo longior.

Ideoque tum respectu locus ac partibus singulis a *P. sudetica* differt; in qua corollæ patentes, et galea curvata, deorsum dentibus binis munita, inter quos dentes stigma exseritur; folia caulina angusto petiolo prædita.

L I N N A E A.

Gen. plant. edit. Schreb. n. 1037. Tabula nostra IX. fig. 3.

312. LINNÆA *borealis*: floribus geminis. *Linn. suec. n. 562. tab. 1. lapp. n. 250. t. 12. f. 4. Oed. dan. t. 3. Hoppe taschenb. 1801. p. 33. Michaux amer. 1. p. 87. Pallas it. sibir. 3. p. 319. 287. Flor. Kamtsch. in Arct. Zool. p. 196. Georgii fl. baikal. p. 224. (pusilla). Falk russ. topogr. 2. p. 211. Gmel. sibir. 3. p. 128.*

Hab. locis siccioribus elevatis per partem sylvaticam subsylvaticam et inferalpinam omnium Lapponiarum vulgatissime, ut etiam in subalpinis umbrosis satis vulgaris et in salicetis alpium infimis parcius; sed in nudis alpiibus haud occurrit, neque in maritimis Finmarkiæ nisi in intimis sinibus Porsangriæ et Altensis.

Planta florens optime nota est; fructus vero maturus a nemine rite descriptus est, quam ob causam eum methodo Gærtneriana sistere conabor descriptum atque depictum.

Calyx inferior sub florescentia germine dimidio minor, quadrifidus: laciniis duabus crassioribus glandulosis. Ut vero fructus grossescit grandiores fiunt duæ laciniae calycis et crassiores, de-

munque apice connivent et fructum! prorsus undique tegunt, glandulisque tunc pedicellatis ornantur. Quoad dimidiam fere longitudinem cum bacca connatae sunt.

Peric. Bacca sicca membranacea oblongo-ovata, primum trilocularis, denique loculi duo semper oblitterantur unacum primitiis seminum, ut bacca matura semper monosperma reperitur et obliqua.

Recept. nullum; semina apice suo axi fructus terminali adfixa.

Sem. unum parvum oblongum acutiusculum, in latere ventrali linea fusca ad insertionem funiculi decurrente.

Integ. simplex tenue membranaceum.

Album. semini conforme, carnosum, submolle, album.

Embr. dicotyledoneus, inversus, in suprema parte albuminis hærens, linearis, albumine dimidium brevior. Cotyl. oblongæ. Rad. cylindracea, supra.

Explicatio iconis: a. A. Germen post florescentiam, calycibus utrisque donatum. b. B. fructus seminaturus calyce fere tectus. C. ejusdem sectio transversalis ut videantur loculi tres baccæ. d. D. fructus maturus calyce grandefacto omnino tectus. d* D* semen ut videatur adnectio ejus cum columna fructus simulque linea in latere ventrali. E. Ejusdem sectio longitudinalis cum figura albuminis et situ embryonis. F. Ejusdem sectio transversalis. G. Embryo solutus.

Ex hisce confirmatur, quod ad *Caprifolia* pertinet, et juxta *Triosteum* recte posita est apud *Jussieum*.

LIMOSELLA.

Gen. plant. ed. Schreb. n. 1039. *Gartn. de fruct.* 1. p. 228. tab. 50.

313. LIMOSELLA *aquatica* β . *biflora*: acaulis, foliis linearibus.

L. diandra *Krock. fl. siles.* 2. p. 406. t. 27. B.

L. *aquatica* β . *Willden. spec.* 3. p. 342.

L. *aquatica* *Linn. spec.* n. 565. *lappon.* n. 249.

Lightf. scot. p. 331. *Falk russ. topopr.* 2.

p. 211. *Gmel. sib. 4. p. 72. n. 5. Zoega island. — Landt færøens. —*

Hab. ad ripas fluviorum majorum inferiorum Lapponiæ meridionalis passim; nec non ad Hammerfest Finmarkiæ lecta a *Gunnero*.

Planta pusilla omnino acaulis et simplicissima (nec e centro caules plures umbelliferos exserens uti vulgaris). Folia pierumque prorsus filiformia, rarius apice parum dilatata. Pedunculi tantum bini vel rarius terni e singula radice, longiores quam in vulgari.

SCROPHULARIA.

Gen. plant. ed. Schreb. n. 1014. Gærtn. de fruct. 1. p. 249. t. 53.

314. *SCROPHULARIA nodosa*: foliis cordatis triner-
vatis, caule obtusangulo. *Linn. spec. n. 560.*
Gunner. norveg. n. 752. t. 4. f. 1 — 3. Lightf.
scot. p. 329. Gmel. sibir. 5. p. 195. Falk russ.
topogr. 2. p. 211.

Hab. in nemoribus subhumidis inferalpinis Nordlandiæ meridionalis raro: a me lecta unico loco ad Sörfolden, et a *Tonning* juxta Vefsen.

CLASSIS XV.

TETRADYNAMIA.

SUBULARIA.

Gen. plant. ed. Schreb. n. 1075.

315. *SUBULARIA aquatica*: acaulis, foliis subulatis.
Willden. spec. 3. p. 423.

S. aquatica Linn. spec. n. 566. lappon. n. 255.
Lightf. scot. p. 337. Zoega island. — Falk
russ. topogr. 2. p. 213. Pallas it. sibir. 2.
p. 100. Engl. bot. 11. t. 732.

Hab. in ipsis ripis lacuum et fluminum ab aqua inundatis per partem sylvaticam Lapponiarum meridionalium ubique, et per subsylvaticam usque ad Quickjock Laponiæ Lulensis rarius.

Subglobosa est silicula, quæ ob causam vix dici potest an dissepimentum sit valvis contrarium, nec ne. Parum admodum a *Draba* differt.

D R A B A.

Gen. plant. ed. Schreb. n. 1076. Gærtn. de fruct. 2. p. 284. tab. 141.

316. *DRABA alpina*: scapo nudo, pedicellis pilosis, siliculis ovalibus stylo abbreviato, foliis lanceo-
tis integerrimis pilosis.

Dr. alpina Linn. svec. n. 570. lapp. n. 255. Flor. dan. t. 56.

Icon tab. nostr. XI. fig. 4.

Hab. ad rupes sicciore per latera septentrionalia summarum alpium Lulensium circa Virih-jaur passim, ex. gr. in Kajsats, ad Kasakjaur, in Tokin, Kobrinovj, Jolli etc.; nec in alio quodam tractu Lapponiæ a me visa.

Statura ejus multum procerior et firmior quam sequentium, quibus vix affinis est. Radix perennis, atque ut in sequentibus speciebus sursum divisa in stolones atque caudices numerosos annotinos. Tota herba pilis rarioribus distinctis patentibus adspersa est. Folia omnia tum stolonum ac caudicum lato-lanceolata vel oblongo-lanceolata, tenuia et mollia sine nervo evidentiore, læte viridia sine ullo nitore, acutiuscula, semper integerrima, erecto-patentia, ob pilos in margine frequentiores quodammodo ciliata, longitudine semipollicaria et paullo ultra. Scapi omnino nudi et aphylli, erecti, firmi atque crassiusculi, in fructifera planta plerumque spithamæi altitudinis. Flores in apice scapi confertiores et subumbellati, semper saturate flavi, et ejusdem magnitudinis ac in *Erysimo cheiranthoide*. Pedicelli fructiferi longitudine siliculæ, semper piliosiores quam ulla alia pars plantæ, patentēs. Calyces subpatentes, rarius pilosi. Petala calyce duplo longiora et obovata, semper flava ne dicam aurea. Siliculæ ovales vel suboblongæ subpilosæ, convexæ multum magis quam in sequentibus, nulloque modo obliquatæ. Stylus persistens abbreviatus.

Icon Floræ danicæ plantam florentem satis bene exhibet; inflorescentiam vero semper erectam et strictam vidi. Fructus figuram dare utile putavi.

Explicatio iconis: a. Scapi fructiferi pars superior cum siliculis maturis magn. nat. — b. folium magn. nat.

Dr. aizoides alpium Europæ australioris differt non tantum foliis diversissimis, verum etiam siliculis oblongis stylo elongato latitudinem capsulæ æquante rostratis, simulque ciliatis, quo contra pedicelli glaberrimi, capsula sua multoties longiores.

317. *DRABA androsacea*: scapo nudo glaberrimo, siliculis subovalibus pedicellisque glaberrimis, foliis lanceolatis integerrimis pilosiusculis.

Dr. androsacea Willden. spec. 3. p. 428.

Dr. fladnizensis Wulfen. in Jacqu. misc. austr. 1. p. 147. t. 17. f. 1.

Icon tab. nostr. XI. fig. 5.

Hab. ad rupes succossiores per latera alpium tum septentrionalium ac meridionalium Lapponiæ passim; primum eam legi frequenter in alpe Lyngentind Nordlandiæ septentrionalis, dein ad Virihjaur in Kobrinovji, Jolli etc. alpium Lulensium frequenter.

Hanc diu pro *Dr. alpina* Linn. habui, flores in recenti statu albos non satis animadvertens, antequam veram *Dr. alpinam* legi. Habitus et forma siliculæ fere ut in *Dr. alpina*, sed de cætero *Dr. hirtæ* forsân affinior est. Ab omnibus satis diversa videtur: scapis sive nudis sive interdum foliolo lanceolato integerrimo præditis, semper totis glaberrimis, paucifloris; pedicellis silicula sæpe longioribus, glaberrimis; siliculis subovalibus, stigmatibus fere sessilibus; floribus albis, sed in male exsiccata planta eximie flavescentibus.

Explicatio iconis: a. planta tota fructifera. — b. particula scapi cum foliolo lineari, quale interdum in medio scapo occurrit.

318. *DRABA muricella*: scapo nudo, pedicellis stellulato-pubescentibus silicula lanceolata acuminata brevioribus, foliis lingulatis integerrimis stellulato-pubescentibus incanis.

Dr. nivalis Liljebl. nov. act. ups. 6. p. 47. t. 2. f. 2.

Dr. hirta Fl. dan. 1. t. 142.

Icon tab. nostr. XI. fig. 2.

Hab. in jugis siccis lapideis humilioribus tum ipsius jugi alpini ac montium subalpinorum adjacen-

tium Lapponiæ Lulensis et Tornensis nec non Nordlandiæ septentrionalis passim frequenter; nec juxta nivem perennem eam unquam vidi. In alpe Snirrak Lapponiæ Lulensis copiose legi, unde nix omnis per totam æstatem abest.

Proxime ad Dr. hirtam accedit, sed abunde diversa est idque magis characteribus diversarum partium comparatis quam characterem quodam essentiali. Duplo minor ut plurimum reperitur, haud vero ita constanter, quin exemplaria satis grandia vidi in quibus characteres non mutati. Radix perennis et inodus crescendi sæpe densius cæspitosus et frutescens, ut etiam in sequente locis duris. Folia omnia subradicalia tum stolonum ac caudicum fructiferorum simillima semper integerrima, lanceolata obtusiuscula, crassiuscula præcipue in speciminibus rigidioribus, et nervo elevato evidentiore subcarinata, utrinque pubescentiâ brevissimâ stellato-ramosâ oblecta et inde canescentia, longitudine plerumque semiungvicularia; marginibus nudiusculis sine ullis ciliis longioribus. Scapus semper nudus, stellatopubescens, pollicaris et paullo ultra. Pedicelli siliquis dimidio breviores, subpatentes, semper stellato-pubescentes. Siliculæ lanceolatæ, utrinque acutæ, glaberrimæ, subobliquæ: stigmatibus sessilibus, minuto. Flores duplo minutiores quam in sequenti, et semper albidæ.

Explicatio Iconis. a. planta tota fructifera magn. nat. — b. Folii superior pars cum pubescentia stellata magn. auct. — c. silicula cum pedicello suo magn. auct.

319. DRABA *hirta*: foliis caulinis binis ovatis dentatis subpilosus, siliculis oblongis obliquis pedicellisque glaberrimis longitudine siliculæ.

α. *inferalpina* scapo gracili, inflorescentia nutante.

Dr. *hirta* Linn. spec. p. 897. Smith. brit. 2. p. 677.

Landt. færoens. — Georgii fl. baikal. p. 224.

Icon. tab. nostr. XI. fig. 3.

β. *alpicola* scapo stricto, pedicellis brevioribus, foliis crebrius stellato-pilosis.

Dr. *stellata* Jacqu. austr. t. 452.

Icon. tab. nostr. XI. fig. 1.

Hab. α. in rupibus siccis nemorosis sub radicibus alpii et ad montes inferalpinos totius Nordlandiæ

fere ubique; unde β . in alpium locis saxosis siccis editis adscendere videtur et usque ad Valli in latere svecico reperta est.

Valde polymorpha est species, in cujus examine multum operis dedi. Varietates ejus supra expositas in loco natali multoties ludentes inveni et ab una in alteram facile transeunt; quam ob causam eas post comparationem speciminum extraneorum in Herbario Cel. *Svartzii* tutus expono.

Var. α . quæ ipsissima Dr. *hirta* Linn. herba est valde gracilis et altior quam cæteræ sæpius pedalem altitudinem fere attingens. Radix perennis, sursum in multos stolones et caudices laxius divisa. Folia stolonum lanceolata, subpetiolata, semper integerrima, subciliata et pilis stellatis raris adspersa; folia caudicum fertilium stellatim disposita, plerumque integra et lanceolata, ciliis rarioribus simplicibus ornata, de cætero glabra; at folia caulina sæpius duolatoria vel oblonga, semperque dentata. Scapus glabriusculus vel pilis raris inferne adspersus. Inflorescentia nutans. Pedicelli fructiferi longitudine siliculæ, semper glaberrimi. Corymbus fructiferus elongatus longitudine fere totius scapi. Flores paullo majores quam in sequente. Siliculæ oblongæ vel ovato-oblongæ, glaberrimæ; stigmatē fere sessili.

Var. β . præter habitum rigidiorē strictiorē et multo humiliorē, differt pilis magis stellatis in foliis, pedicellis fere brevioribus. Icon noster exhibet specimen procerius et varietati α . magis accedens; sæpius vero legitur pusilla et omnibus partibus Dr. *stellatæ* Jacqu. conveniens.

Quo pertinet D. *hirta* Engl. bot. 19. t. t. 1338. dubitamus, quum characterem nullum fere exhibet.

Explicatio Iconis α . fig. 3. — a. planta tota florens. — b. superior pars caulis plantæ fructiferæ. — c. folii radicalis pars superior magn. auct.

Explicatio Iconis β . fig. 1. — a. planta tota fructifera. — b. folii radicalis pars superior magn. auct.

320. DRABA *incana*: foliis caulinis numerosis incanis dentatis, siliculis elliptico-lanceolatis subcontortis pedicellisque pubescentibus silicula brevioribus.

Dr.

Dr. incana Linn. *svec.* n. 568. *lappon.* n. 254?
Flor. dan. t. 130. *Zoega island.* — *Smith*
brit. 2. p. 678. *Falk russ. topogr.* 2. p. 214.

Dr. confusa Ehrh. *Beitr.* 7. p. 155.

Hab. in inferalpinis campis siccis collibusque per totam Nordlandiam et Finmarkiam maritimam usque ad Utsjoki sat vulgaris.

Foliola in caule tam alte adscendunt ut flores inferiores plerumque fulcrant vel bractearum vices gerunt. In speciminibus humilioribus folia caulina haud raro integerrima; in altioribus autem eo profundius dentata simulque magis amplexicaulia, præcipue ubi caulis ramosus. Pedicelli et caulis magis constanter hirsuti, quam folia. Siliculæ etiam pubescunt tum in Lapponicis ac Uplandicis speciminibus.

COCHLEARIA.

Gen. plant. ed. Schreb. n. 1079.

321. *COCHLEARIA officinalis*: foliis radicalibus cordato-subrotundis: caulinis oblongis sinuatis, siliculis globosis. *Smith brit.* 2. p. 688.

C. officinalis Linn. *svec.* n. 578. *lappon.* n. 256.
Lightf. scot. p. 342. *Landt færoens.* —
Gmel. sib. 3. p. 256. *Oed. dan.* t. 135. *Zoega island.* —

β. foliis omnibus subrotundis minoribus.

C. danica Gunn. *norv.* n. 197.

Hab. in littoribus maris, α. totius Nordlandiæ, unde β. juxta rivulos in alpinis proximis frequenter adscendit, ipsas vero alpes apud nos haud adtingit.

322. *COCHLEARIA anglica*: foliis radicalibus ovatis integris: caulinis lanceolatis dentatis, siliculis subumbellatis ellipticis rugosis.

C. anglica Linn. *spec. plant.* p. 903. *Smith brit.* 2. p. 689. *Engl. bot.* 8. t. 552.

C. Mart. spitzberg. cap. 4. tab. H. fig. a.

C. grœnlandica Gunn. *norv.* n. 196.

Hab. in littoribus maris extimis versus caput septentrionale ubique frequenter solo glareoso aprico; in Nordlandia rarius.

A *C. officinali* β. rotundifolia satis differre videtur habitu tenello, et caule pumilo foliis radicalibus vix dupplo longiore, nudiusculo; thyrso semper

subumbellato nec unquam elongato; siliculis oblongatis (ut jam olim adnotavit *Martens* l. c.). Sapor herbæ valde amarus et nauseosus, ut nonnisi a carnivoris nautis edi queat.

C A K I L E.

Gærtn. de. fruct. plant. 2. p. 287. tab. 141.

323. *CAKILE maritima*: foliis pinnatis, pinnis linearibus subdentatis. *Willden. spec. 3. p. 416.*

C. Serapionis *Gærtn. sem. 2. p. 287. t. 141.*

Bunias Cakile *Linn. svec. n. 613. Gunner. norv. n. 21. Flor. dan. t. 1168. Zoega island. — Lightf. scot. p. 363. Landt færoens. —*

Hab. in littoribus maris ad Flagstad Lofoddensis Nordlandiæ: *Gunnerus.*

T H L A S P I.

Gen. plant. ed. Schreb. n. 1078. Gærtn. de fruct. 2. p. 280. tab. 141.

324. *THLASPI arvense*: siliculis orbiculatis, foliis oblongis dentatis glabris. *Linn. svec. n. 574. lappon. n. 251. Lightf. scot. p. 340. Engl. bot. 24. t. 1659. Falk. russ. topogr. 2. p. 214.*

Hab. in agris et cultis per partem sylvaticam, subsylvaticam et inferalpinam omnium Lapponiarum usque quo *Hordeum* coli potest, passim infrequenter.

325. *THLASPI Bursa pastoris*: siliculis obcordatis, foliis radicalibus pinnatifidis. *Linn. svec. n. 576. lappon. n. 252. Zoega island. — Flor. dan. t. 729. Lightf. scot. p. 342. Landt færoens. — Falk. russ. topogr. 2. p. 214. Flor. Kamtschatk. in Arct. Zool. p. 196. Georgii fl. baikal. n. 224.*

Hab. in cultis earundem regionum ac præcedens frequentius.

C A R D A M I N E.

Gen. plant. ed. Schreb. n. 1088. Gærtn. de fructib. 2. p. 294. tab. 143.

326. *CARDAMINE pratensis*: foliis pinnatis: foliolis radicalibus subrotundis: caulinis lanceolatis. *Linn. svec. n. 585. lappon. n. 158. Smith. brit. 2. p. 699. Engl. bot. 11. t. 776. Zoega island.*

— *Lightf. scot.* p. 549. *Landt færøens.* —
Cranz groenland. — *Georgii fl. baikal.* p. 224.
Falk russ. topogr. 2. p. 215.

Hab. per partem sylvaticam et subsylvaticam Lappo-
 niarum omnium svecicarum, nec non in inferalpi-
 nis Nordlandiæ et Finmarkiæ locis udis, passim
 parcius.

327. *CARDAMINE trifolia*: foliis ternatis obtusis,
 caule subnudo. *Linn. svec.* n. 589. *lapp.*
 n. 257. *Georgii it. sibir.* 1. p. 224. *Jacqu.*
austriac. t. 27.

Hab. in Lapponia: *Rudbeck*; postea vero altius
 quam in Dalekarlia lectam esse nescio.

328. *CARDAMINE bellidifolia*: foliis simplicibus
 ovatis integerrimis: petiolis longis. *Linn. svec.*
 n. 590. *lapp.* n. 260. tab. 9. f. 2. *Flor. dan.*
 tab. 20. *Wulf. in Jacqu. misc.* 1. p. 148. t. 17.
 f. 2. *Pallas it. sibir.* 3. p. 34. 316.

Hab. in ipso alpium jugo tum meridionali ac sep-
 tentrionali fere ubique, scil. in fissuris rupium
 humidis, sub petris e. s. p.; at extra alpes altiores
 ex. gr. infra Peliekaise Lapponiæ Pitensis haud re-
 peritur unquam.

Etiam in planta lapponica scapi floriferi folia
 duplo superant, ut *C. alpinam Willden.* haud sepa-
 randam puto. Figura foliorum sæpius angustatur et
 usque oblonga evadit. Siliquæ in apice caulis fasti-
 giatæ, strictissimæ; quæ dehiscendo valvulas ela-
 stice sursum revolvunt.

SISYMBRIUM.

Gen. plant. ed. Schreb. n. 1089.

329. *SISYMBRIUM terrestre*: siliquis declinatis ova-
 libus, foliis pinnatifidis dentatis, petalis calyce
 brevioribus. *Smith brit.* 2. p. 701. *Engl. bot.*
 25. t. 1747.

S. amphibium β. *Linn. svec.* n. 551. *lapp.* n. 262.
Falk russ. topogr. 2. p. 216. *Georgii flor.*
baikal. p. 224.

S. islandicum *Flor. dan.* t. 409. *Olavs. it. is-*
land. p. 946.

S. amphibium α. *Lightf. scot.* p. 552.

Hab. locis aquosis per partem sylvaticam omnium Lapponiarum svecicarum interdum vel rarius frequenter, usque ad Kyrö infra lacum Enarensem.

330. *SISYMBRIUM Sophia*: petalis calyce minoribus, foliis decomposito-pinnatis. *Linn. svec.* n. 595. *lappon.* n. 261. *Engl. bot.* 14. t. 963. *Lightf. scot.* p. 354. *Flor. dan.* t. 528. *Georgii flor. baikal.* p. 224. *Falk russ. topogr.* 2. p. 216.

Hab. ad domos Novacolarum Lapponiæ meridionalis infimæ rarius; ut etiam ad Stegen Nordlandiæ visa a *Gunnero*.

ERYSIMUM.

Gen. plant. ed. Schreb. n. 1090. *Gærtn. de fruct.* 2. p. 297. tab. 143.

331. *ERYSIMUM Barbaræa*: foliis inferioribus lyratis extimo subrotundo, superioribus obovatis dentatis. *Smith flor. brit.* 2. p. 706. *Willden. spec.* 3. p. 509. *Engl. bot.* t. 443.

E. Barbaræa n. *Linn. svec.* 2. n. 599. *lappon.* n. 264. *Flor. dan.* 6. t. 985. *Lightf. scot.* p. 355. *Georgii flor. baikal.* n. 225. *Falk russ. topogr.* 2. p. 216.

Hab. ad ripas fluviorum et lacuum per partem sylvaticam supremam Lapponiarum meridionalium usque ad lacum Rappen Lapponiæ Pitensis et Sorsele Lapponiæ Umensis passim; in Lapponia Kemensi infra lacum Enare rarius.

Folia semper uti a *Cel. Smithio* describuntur: inferiora lyrata, lobo extimo ovato rotundato, dentato; superiora indivisa, subovata, sinuato-dentata. Sapor herbæ nauseosus, ut vix edulis videtur. Siliquæ erectæ et rachidi prorsus adpressæ, vix pollicem dimidium longæ. Ideoque non potest non diversissimam constituere speciem ab *E. præcoce Engl. bot.* 16. t. 1129. cujus folia superiora usque ad apicem pinnatifida, siliquæ patentēs, bipollicares.

332. *ERYSIMUM cheiranthoides*: foliis lanceolatis subdentatis stellato-pubescentibus, siliquis patulis pedicello duplum longioribus.

E. cheiranthoides Linn. svec. n. 601. *lappon.* n. 263. *Engl. bot.* 14. t. 942. *Fl. dan.* 5. t. 923. *Lightf. scot.* p. 357. *Gærtn. sem.* 2. p. 297. t. 143.

Hab. in agris Nordlandiæ inferalpinæ et partis sylvaticæ Lapponiarum svecicarum parcius, usque ad Muttania Lapponiæ Kemensis.

CHEIRANTHUS.

Gen. plant. ed. Schreb. n. 1091.

333. *CHEIRANTHUS alpinus*: foliis lanceolatis subdentatis stellato-pubescentibus, siliquis patulis pedicello sexies longioribus, seminibus appendiculatis.

Cheiranthus alpinus *Linn. mant. p. 93. Flor. lapp. ed. Smith. p. 214. (haud in erratis). Falk russ. topogr. 2. p. 216.*

Icon tab. nostr. XII. fig. 1. (siliqua etc.).

Hab. in lateribus ipsius alpini jugi tum Nordlandiam Norvegicam versus ac Lapponiam Lulensem ex. gr. ad Virih-jaur rarius; ut etiam extra alpes in rupe calcareo ad Akankoski Lapponiæ Kemensis inferioris frequenter lectus.

Primo intuitu dignoscitur a præcedente: caule simplicissimo, gracili, et paucioribus foliis instructo. Pubescentia illa stellata multum grandior et evidentior; figura foliorum fere eadem. At præcipua differentia eaque certissima consistit in siliquis triplo longioribus quam in præcedente simulque gracilioribus vel angustioribus, magis planiusculis cum valvula utraque parallela, et in seminibus longioribus apice inani pellucido instructis. Semina circiter 26 in singulo loculamento per unam seriem rectam disposita. — A *Cheirantho erysimoides* differt siliquis patulis, floribus minoribus secundum *Linnæum*: at Jacquin *Cheiranthus erysimoides* *Flor. austr. t. 74.* ita simillimus ut vix distingvendus.

Explicatio iconis: a. Siliqua cum parte rachidis. B. pars inferior siliquæ exsectæ. C. eadem ubi valvula desumta ut videatur situs seminum. d. D. semen integrum. E. Semen longitudinaliter dissectum. F. Embryo. G. testa seminis vacua.

ARABIS.

Gen. plant. ed. Schreb. n. 1049.

334. *ARABIS alpina*: foliis caulinis oblongis amplexicaulibus sinuato-dentatis.

A. alpina Linn. *svec.* n. 604. *lappon.* n. 257.
Oed. dan. t. 62. *Zoega island.* — *Cranz*
grœnl. — *Pallas it. sibir.* 3. p. 34. *Geor-*
gii fl. baikal. p. 225.

A. alpina α. *Willden. spec.* 3. p. 554.

Hab. locis irrigatis occultis ad rivulos e. s. p. in radicibus alpium et inferalpinis Nordlandiæ vulgaris, unde etiam in lateribus alpium meridionaliorum passim adscendit, et usque ad Kask-ajvo Laponiæ Lulensis nec non Kåbdespakti Lapponiæ Pitensis rarius procedit; sed in septentrionalibus haud reperitur nisi locis inferalpinis Finnmarkiæ passim.

Folia per se valde venosa, rugosa et crassiuscula. Pili etiam in hac ramosi. Pedicelli patuli, stellatopilosi, sed ipsæ siliquæ erectæ et glaberrimæ.

T U R R I T I S.

Gen. plant. ed. Schreb. n. 1095. *Gært. de fruct.* 2. p. 297.
 tab. 143.

355. *TURRITIS hirsuta*: foliis omnibus hispidis, caulinis amplexicaulibus medio dentatis.

T. hirsuta Linn. *svec.* n. 607. *Flor. dan.* t. 1040.
Lightf. scot. p. 358. *Falk russ. topogr.* 2.
 p. 217. *Georgii flor. baikal.* p. 225. *Flor.*
Kamtschatk. in Arct. Zool. p. 196.

? *T. ciliata* *Willden spec.* 3. p. 544?

Hab. in campis siccis inferalpinis Nordlandiæ meridionalis rarius; legi eam in præfectura Saltensi ad Säljås Sörfoldensem et ad Vättfjället ipsius sinus Saltensis.

Lapponica planta pumila est, caule simplicissimo. Folia omnia et caulis pilis furcatis stellatisque obsita. Nihil differre videtur a planta prope Upsalian crescente, sed siliquas haud examinavi.

B R A S S I C A.

Gen. plant. ed. Schreb. n. 1096.

556. *BRASSICA campestris*: radice cauleque tenui, foliis caulinis cordatis amplexicaulibus. *Smith brit.* 2. p. 718.

Br. campestris Linn. *svec.* n. 608. *lappon.* n. 265.
Flor. dan. 4. t. 550. *Falk russis. topogr.*
 2. p. 217.

Hab. in agris Novacolarum Lapponiæ meridionalis frequentius, septentrionalis rarius ex gr. ad pagum Idivuoma Enontekensem et in Tromsö Nordlandiæ.

Folia infima caulis petiolata quidem sunt; sed neque lyrata vidi, neque subhispidâ.

CLASSIS XVI. MONADELPHIA.

GERANIUM.

Willden. spec. plant. 3. p. 696.

337. GERANIUM *sylvaticum*: pedunculis bifloris, foliis subpeltatis quinquefidis incisiss serratisque, fructibus erectis calyce triplo longioribus.

G. sylvaticum *Linn. svec.* n. 617. *lappon.* n. 266.

Smith brit. 2. p. 731. *Lightf. scot.* p. 367.

Olavs. it. island. p. 164. *Landt færoens.* —

Georgii fl. baikal. p. 225. *Falk russ. topo-gr.* 2. p. 220.

Lapponibus *Kipper-grase* (i. e. *Galeri herba*).

Fennonibus Enontekens. *Panaïsen kuka*.

Hab. in pratis nemorosis locisque fertilioribus sylvaticis ad rivulos. e. s. p. per partem sylvaticam, subsylvaticam et subalpinam omnium Lapponiarum vulgatissime; ut etiam in inferalpinis et radicibus alpium Nordlandiæ Finmarkiæque usque ad Kistrand frequenter, nec non in salicetis siccioribus alpium inferiorum passim.

Petalis plus minus coloratis striatisque, emarginatis et omnino integris diverso modo variat præcipue in inferalpinis Nordlandiæ. Sed calyx semper parvus columnâ seminum triplo brevior; folia semper tenuia et explanata (fere ejusdem divisionis ac in *Aconito Lycoctono*) ultra medium fissa (haud fere ad basin partita); pubescentia caulis patens. Valde spectabilis est floribus copiosissimis.

E contrario *G. pratense*, quod supra Upsaliam haud crescit, certe distinguitur: Calyce duplo grandiore, longitudinem dimidiam columnæ seminiferæ

attingente, fructu plerumque nutante; columna fructus crassiore et magis ventrisosa; foliis (fere eodem modo ac in *Aconito tatarico*) quinquepartitis: laciniis pinnatifidis dentibusque integris: de cætero crassioribus, pilosioribus, rugosis; caule firmiore, simpliciore, retrorsum piloso.

CLASSIS XVII.

DIADELPHIA.

FUMARIA.

Gærtn. de fruct. 2. p. 162. tab. 115.

358. FUMARIA *officinalis*: *Linn. spec. n. 630. Gunner. norv. n. 161.*

Hab. in agris Nordlandicis frequens: *Gunnerus.*

CORYDALIS.

Persoon. synops. plant. 2. p. 268. Capnoides Gærtn. de fruct. 2. p. 163. tab. 115.

359. CORYDALIS *bulbosa* β . *minor*: radice tuberosa solida, foliis biternatis trifidisque, caule simplici, bracteis obovatis integris.

Fumaria bulbosa β . *Linn. spec. n. 631. Georgii fl. baikal. p. 225?*

Corydalis fabacea. Persoon synops. 2. p. 269. Flor. dan. 8. t. 1394. optim. Willden. en. hort. berol. p. 740.

Fumaria fabacea Retz. scand. ed. 2. n. 859. Willden. spec. 3. p. 862.

Fumaria bulbosa radice non cava minor; in Lusatia. Burser. herb. VII. n. 102.

Hab. in montium inferalpinorum lateribus fertilioribus meridiei expositis per Nordlandiam rarius; a me frequenter lecta ad Lyngenfjord et in monte Middagshauen prope Kierringöam Præfecturæ Saltensis.

Planta lapponica omnibus numeris convenit Uplandicæ spontaneæ, quæ tantum in hortis luxu-

riat bracteis palmatis. Tuber radice omnino globosum, extime obductum est membranis nonnullis fusciscentibus, quas intra reperies substantiam corticalem spongiosam cellularem. Nucleus vero dulcescens copioso amylo in cellulosa radiante scatet, in cujus medietate columna adest vascularis nunquam cava. Folia sunt biternata; foliolis omnibus ejusdem longitudinis ut si explicentur semicirculum efficiunt; laciniis singulis obovatis vel cuneiformibus rotundatis. Color foliorum cæruleo-viridis. Bracteæ etiam obovato-cuneiformes, obtusæ.

E contrario *F. cava* vix in tota Svecia reperta fuisse videtur, et optime distinguitur: foliis quodammodo bipinnatis (fere ut in *Ranunculo rutæ-folio*) demumque multifidis, bracteis ovato-oblongis acuminatis. Color foliorum et bractearum palide viridis et glaucescens ut in *Fumaria nobili* L., cui me iudice magis affinis est. Radicis tuber non tantum intus cavum, verum etiam subdivisum, substantiæ lutescens et amari saporis; quam ob causam *Aristolochia fabacea* dictum est; itidemque fabaceæ nomen præcedenti haud bene competit.

ANTHYLLIS.

Gen. plant. ed. Schreb. n. 1174. Gærtn. de fruct. 2. p. 307. t. 145.

340. *ANTHYLLIS vulneraria*: herbacea, foliis pinnatis inæqualibus, capitulo duplicato. *Linn. svec. n. 638. α. Smith brit. 2. p. 759. Fl. dan. 6. t. 988. Zoega island. — Lightf. scot. p. 387. Falk russ. topogr. 2. p. 223.*

Hab. in rupe calcareo ad Akankoski Lapponiæ Kemensis infimæ frequenter, ut opinor e longinquo adventa; nec non ad Storforsen prope flumen Örelfven Lapponiæ Umensis loco arenoso meridiei optime exposito copiose.

Color florum flavus. Capitula florum sæpe duo lateralialia omnino sessilia e geniculo caulis orta, bracteis digitatis fulcrata. Pinnæ in foliis caulinis subæquales; in radicalibus autem maxime inæquales, ita ut foliolum extimum sæpe solitarium adest sine ullis foliolis lateralibus.

LATHYRUS.

*Gen. plant. ed. Schreb. n. 1186. Gærtn. de fruct. 2. p. 330.
tab. 152.*

341. *LATHYRUS palustris*: *Linn. svec. n. 648. lapp. n. 271. Michaux amer. 2. p. 66. Georgii fl. baikal. p. 226. Falk russ. topogr. 2. p. 224.*

Hab. in sylvis præsertim subhumidis Lapponiarum meridionalium ubique: *Linné*; ego quidem hunc nullibi reperire potui.

342. *LATHYRUS pratensis*: pedunculis multifloris, cirrhis diphyllis simplicissimis; foliolis lanceolatis.

L. pratensis Linn. svec. n. 647. Smith brit. 2. p. 765. Fl. dan. 3. t. 527. Lightf. scot. n. 391. Willden. spec. 3. p. 1089. Zoega island. — Landt færoens. — Gmel. sibir. 4. p. 5. Georgii fl. baikal. p. 225.

Hab. rarissime in convallibus inferalpinis Nordlandiæ meridionalis; lectus in latere montis meridiei exposito ad Torrfjord Sörfoldensem frequenter.

VICIA.

*Gen. plant. ed. Schreb. n. 1187. Gærtn. de fructib. 2. p. 325.
tab. 151.*

343. *VICIA sylvatica*: pedunculis multifloris; foliolis ovalibus; stipulis setaceo-dentatis.

V. sylvatica Linn. svec. n. 650. lapp. n. 270. Lightf. scot. p. 393. Willden. spec. 3. p. 1095. Gmel. sib. 4. p. 11. Georgii fl. baikal. p. 225.

Hab. in dumetis inferalpinis Nordlandiæ meridionalis rarius: a me lecta ad Vättfjället sinus Saltensis et ad Torr-fjord sinus Sörfoldensis.

Stipulæ pulchre divisæ sunt in dentes numerosos setaceos. Foliola apiculata sunt.

344. *VICIA Cracca*: pedunculis multifloris, floribus imbricatis, foliolis lanceolatis pubescentibus, stipulis semisagittatis integris. *Smith. brit. 2. p. 769. Linn. svec. n. 652. Lapp. n. 269. Engl. bot. 17. t. 1168. Fl. dan. 5. t. 804. Olavs. it. island. p. 430. Lightf. scot. p. 394. Landt færoens. — Michaux amer. 2. p. 69. Geor-*

gii fl. baikal. p. 225. *Falk. russ. topogr.* 2. p. 224.

Hab. in maritimis elevatis totius Nordlandiæ vulgarissime et Finmarkiæ rarius usque ad Kistrand; ut etiam ad flumina Lapponiæ meridionalis infimæ passim usque ad Falträsk Lapponiæ Umensis.

ERVUM.

Gen. plant. ed. Schreber. n. 1188.

345. *ERVUM hirsutum*: pedunculis multifloris, seminibus globosis binis. *Linn. svec.* n. 656. *Lappon.* n. 268. *Smith. brit.* 2. p. 776. *Lightf. scot.* p. 398. *Engl. bot.* 14. t. 970. *Falk. russ. topogr.* 2. p. 224.

Hab. in agris Novacolarum Lapponiæ meridionalis copiose.

PISUM.

Gen. plant. ed. Schreb. n. 1184. *Gærtn. de fruct.* 2. p. 331. tab. 152.

346. *PISUM maritimum*: caule petiolisque triangularibus, stipulis sagittatis, pedunculis multifloris. *P. maritimum* *Linn. svec.* n. 640. *lapp.* n. 272. *Flor. dan.* t. 338. *Smith. brit.* 2. p. 760. *Zoega island.* — *Kalm it. amer.* 3. p. 427.

Hab. in littoribus maris per Finmarkiam rarius frequenter ex. gr. in Väjnäset ad Kistrand, in Hopsidet; sed in littore arenoso orientali fluminis Tana prope Guldholmen copiosissime, et ad Varangerfjorden frequentissime.

Folia inferiora interdum impari foliolo gaudent, semper autem cirrho destituuntur; unde planta junior satis aliena apparet præcipue quum foliola multum latiora. Cætera folia caulis semper terminantur longo et simplici cirrho; foliolis quadrijugis; stipulis magnitudine fere foliolorum, in medio parum dentatis. Pedunculi florum valde pubescunt. Flores grandiusculi, pulchri et varii coloris; vexillo suturate cæruleo, emarginato; alis purpurascentibus vel albis. In locis extimis maritimis fere tota planta pubescit et floribus minoribus instruitur sine ullis bracteolis, habitumque satis alienum Viciæ cu-

jusdam induit. Nullibi Finmarkiæ tam glaberrima et grandis occurrit ac in littoribus Vesterbottniæ, et qualis in Engl. bot. 15. t. 1046. exhibitur.

P H A C A.

Gen. plant. ed. Schreb. n. 1207. Gærtn. de fruct. 2. p. 341. tab. 154. fig. 2. Oxytropis Decand.

547. PHACA *frigida*: caulescens erecta glabra, foliis quadrijugis, racemis fastigiatis paucis, leguminibus exsertis pendulis oblongis depressis subpilosus.

Ph. *frigida* Linn. *syst. nat.* 10. p. 1173. *Jacqu. austr.* t. 166. *Willden. spec.* 3. p. 1253.

Ph. *alpina* Linn. *spec. pl.* p. 1064. *fl. succ.* n. 657. *Mantiss.* 2. p. 448. *Flor. dan.* 5. t. 856. *Falk russ. topogr.* 2. p. 227.

Hab. in collibus sterilibus duris fruticulosus juxta flumina per partem subalpinam Lapponiæ Kementis passim copiose, et Lapponiæ Tornensis rarius; uti videtur e Sibiria adventanea. Scilicet lecta est ad fluvios Utsjokenses ubique frequenter, ad Kamasjoki et Ivalojoeki in parœcia Enare parcius, in latere montis subalpini ipsius limitis regnorum Harimatskaiti Tanensis, in fruticeto montis Nunainen prope Enontekis; et in alneto montium Kuravaara parœciæ Jukkasjärvi Lapponiæ tornensis meridionalioris.

Planta nostra plerumque pedalis vel paullo ultra. Radix lignosa, teres, longa; e cujus summitate surgunt caules plures, fasciculati, spithamam unam et dimidiam circiter alti, glaberrimi. Squamæ caulem inferne amplectunt. Stipulæ majusculæ subtriangulares. Folia in singulo caule circiter sex: rachide glaberrima: foliolis quadrijugis cum impari, subtus pallidioribus et pilosiusculis, basi eximie obtusatis vel rotundatis. Pedunculi florum prope apicem caulis bini vel terni, crassiores quam caulis superjacens, folia subposita caulemque dupplo superantes, stricti. Bracteæ florum majusculæ, hirsutæ, pedicello longiores. Flores pallidi, subconferti. — Planta lapponica procerior est pluribusque racemis instruitur quam austriaca a *Jacquino* depicta.

E diverso adeo definienda Ph. *alpina*: caulescens erecta subpilosa, foliis multijugis, racemis la-

teralibus numerosis, leguminibus exsertis lunatis compressis subpilosus. — Ph. alpina. *Jacqu. ic. rar.* 1. t. 151. *Gærtn. de fruct.* l. c. Ejus stipulæ sublanceolatæ; folia circiter duodecimjuga; pedunculi florum laterales numerosi, foliis bracteantibus vix longiores cauleque multum humiliores, atque petiolis foliorum vix crassiores; bractæ florum exiguae; flores laxè racemosi, flavi, etc.

348. PHACA *montana*: subcaulescens procumbens incana, foliolis duodecimjugis acuminatis, leguminibus deflexis subtriquetris.

Ph. *montana* *Crantz austr.* 422.

Astragalus montanus *Linn. spec.* p. 1070. *Jacqu. austr.* 2. t. 167. *Willden. spec.* 3. p. 1302. *Scop. carn.* 2. p. 78. t. 45. *Pallas it. sibir.* 3. p. 230.

Oxytropis montana *Decandol.* — *Persoon synops.* 2. p. 331.

Onobrychis floribus *Viciæ* majoribus cæruleo-purpurascens. *Burser. herb.* XIX. n. 143. 144. *Icon* tab. nostr. XII. fig. 3. (fruct.)

Hab. in alpium *Lulensium* lateribus graminosis meridiei expositis juxta *Virih-jaur* rarius copiose: scil. a me reperta ad alpem *Lill-Tokin*, et in præcipitiæ alpium *Jolli* ad *Sorjäsaur*, tantum.

Radix prorsus lignosa et valida, sursum divisa in caudices lignescens perenantes numerosos densum cespitem constituentes. Tota herba canescens (qua canescentia specimina helvetica fere carent, de cætero simillima). Caules annotini interdum brevissimi et fere nulli, sæpe vero palmares et ultra, humi arcte adpressi, teretes. Stipulæ majores quam in *Astragalis* alpinis, pilosæ. Petiolus et rachis foliorum plerumque bipollicaris: foliolis plerumque 12-jugis, lanceolatis, acuminatis, albicanti-pilosis. Pedunculi fere crassiores quam caulis superjacens, et foliis cauleque dupplo longiores, teretes, erecto-pilosiusculi. Flores fere minores et pauciores quam in sequentibus *Astragalis*, dilute rubicundi ut fere rosei, exsiccatione vero cærulescentes, inodori. In hujus legumine sutura superior depressa est versus inferiorem omnino ut in *Phacis* *Linnæanis*, ibique nullum unquam adest dissepimenti vestigium, nec ob hanc structuram adesse potest, quum dissepimen-

tum semper surgit e sutura inflexa ubi nuda nec seminifera est: seminifera sutura inflexa nunquam dissepimentum emittere potest.

E contrario in *Astragalis* veris sutura inferior impressa vel elevata est versus superiorem simulque dissepimentum emittit; nec dissepimentum unquam oriri potest nisi e sutura lævi vel inferiore (numquam e superiore seminifera). Ut hoc melius illustretur, dedi figuras comparativas, quarum explicationem vide ad *Astr. leontinum*. Ex hisce patet, quod hic antehac *Astr. montanus* respectu fructus cum *Phacis* convenit, nec ob carinam tantum parum acutiorem novum genus constituere potest.

349. *PHACA sordida*: acaulis sericea, foliolis lanceolatis, capitulis paucifloris cernuis, bracteis calyce brevioribus, leguminibus cylindraceo-oblongis pubescentibus.

Astragalus sordidus Willden. spec. 3. p. 1313.

Astragalus uralensis Flor. dan. t. 1041. *Lightf. scot.* p. 401. t. 17.

Hab. in arena ad flumen Komagelven alibique juxta sinum Varanger Finmarkiæ: *Vahl* et *Gröndal*.

A S T R A G A L U S.

Decandole astragal. p. 99. *Gærtn. de fruct.* 2. p. 339. tab. 154.

350. *ASTRAGALUS alpinus*: caulescens procumbens, foliolis novem-jugis ovalibus, floribus pendulis racemosis, leguminibus basi elongatis.

Astr. alpinus Linn. spec. n. 661. *lappon.* n. 267. tab. 9. f. 1. *Gmel. sibir.* 4. p. 45. *Flor. dan.* t. 51. *Willden. spec.* 3. p. 1297. *Palas it. sibir.* 3. p. 446. *Flor. Kamtschatk. in Arct. Zool.* p. 196.

A. alpinus helveticus. *Burser. herb.* XIX. n. 145. *Icon* tab. nostr. XII. fig. 5. (fruct.)

Hab. in alpium Lapponicarum omnium lateribus graminosis et radicibus ubique frequenter, ut etiam in inferalpinis et subalpinis præcipue locis subhumidis arenosis juxta fluvios vulgaris; nec non per partem sylvaticam totam Lapponiarum svecicarum juxta flumina disseminatus usque ad Granöam restrictus Umensis, et Akankoski Lapponiæ Ke-

mensis passim; sed loca maritima Finmarkiæ etc. fugit.

Tota planta valde laxa et gracilis. Caulis procumbens, breviusculus, teres, lævissimus. Stipulæ breves. Petiolus communis fere tripollicaris (vel duplo longior quam in sequente); foliolis novem-jugis, ovalibus, obtusis, pilosiusculis. Pedunculus vel scapus ipso caule crassior caulemque duplo superans, sed folio suo bracteante parum longior. Flores racemosi et adeo laxè pedicellati ut a minimo vento tremulant, valde suaveolentes fere magis quam in *Lathyro odorato*. Petala pleraque albescentia apice tantum carinæ saturatius cæruleo.

351. *ASTRAGALUS leontinus*: caulescens adscendens, foliolis quinquejugis oblongis obtusis, floribus subsecundis, leguminibus ovatis gibbis.

Astr. leontinus Jacqu. ic. rar. 1. t. 37. Miscell.

2. p. 59. *Willden. spec. 3. p. 1287.*

Astr. oroboides Flor. dan. 8. t. 1396. bona.

Icon tab. nostr. XII. fig. 4. (fructus)

Hab. in alpium Lulensium lateribus graminosis meridiei expositis circa Virih-jaur passim frequenter. A me lectus est ad latus alpis Lill-Tokin, in latere alpis Kåbrinojvi, et in præcipitie alpis Jolli juxta ortum fluminis Stall-ädno e Sorjäsjaur.

Præcedenti certe valde affinis, quamquam abunde diversus. Duplo major plerumque est, semperque firmus et adscendens. Caulis angulatus crassiusculus. Stipulæ oblongæ, cærulescentes. Petiolus et rachis foliorum sesquipollicaris; foliolis quinque-jugis oblongis, obtusis, plerumque glaberrimis, subtus glaucescentibus. Pedunculi florum ipso caule semper teneriores, folio suo bracteante plusquam duplo longiores, stricti, sulcati. Flores conferti, subsecundi, inodori, patentes. Calyx sæpius glaberrimus, cærulescens. Petala omnia pallide cærulea concolora.

Explicatio iconis: a. legumina matura in racemo suo. b. legumen unum anterius exsectum in situ naturali magn. nat. c. legumen transversim sectum ab inferiora oblique visum magn. parum auct. d. idem e latere visum, adeo tamen ut sutura seminifera magis sursum vertitur.

T R I F O L I U M.

Gen. plant. ed. Schreb. n. 1211. Gærtn. de fruct. 2. p. 333. tab. 153.

352. *TRIFOLIUM repens*: capitulis umbellaribus, leguminibus tetraspermis, calycinis dentibus superioribus brevioribus, foliolis ovato-oblongis emarginatis serrulatis, caule repente. *Willden. spec. 3. p. 1359. Linn. svec. n. 665. lappon. n. 274. Engl. bot. 25. t. 1769. Lightf. scot. p. 404. Olavs. it. island. p. 319. 430. 815. Michaux amer. 2. p. 59. Landt færoens. —*

Hab. in pratis locisque graminosis per partem sylvaticam omnium Lapponiarum svec. ubique, in Lulensi usque ad Quickjock, in Umensi usque ad Sorsele; ut etiam in inferalpinis totius Nordlandiæ et ad Alten Finmarkiæ vulgaris.

353. *TRIFOLIUM pratense*: spicis densis globosis, calycis dente infimo tubo corollæ monopetalæ inæqualis brevioris, stipulis aristatis, foliolis ovalibus subintegerrimis, caule adscendente. *Willden. spec. 3. p. 1366.*

Tr. pratense Linn. svec. n. 666. lapp. n. 273. Lightf. scot. p. 404. Flor. dan. t. 989. Engl. bot. 25. t. 1770. Falk russ. topogr. 2. p. 228. Pallas it. sibir. 3. p. 319.

Hab. in Lapponia rarius et longe antequam præcedens desistit septentrionem versus; scil. crescit nonnisi in infima parte sylvatica Lapponiarum meridionalium usque ad Falträsk Lapp. Umensis et in adjacente Vesterbottnia septentrionali versus Kengis; nec non in inferalpina Nordlandia meridionali frequentius.

L O T U S.

Gen. plant. ed. Schreb. n. 1212. Gærtn. de fruct. 1. p. 336. tab. 153.

354. *LOTUS corniculata*: capitulis depressis, caulibus decumbentibus, leguminibus cylindricis patentibus. *Linn. svec. n. 675. Willden. spec. 3. p. 1395. Lightf. scot. p. 411. Landt færoens. — Pallas it. sibir. 1. p. 370. Falk. russ. topogr. 2. p. 229.*

L. cor-

L. corniculatus γ. *crassifolius* *Persoon synops.* 2. p. 354.

Hab. in pratis sublittoralibus Nordlandiæ inferalpinæ passim ex. gr. Tromsöæ, ad Sörfolden et præcipue ad Sinum Saltensem pluribus locis copiose, unde etiam in lateribus alpium adjacentium adscendisse rarius observatur.

Foliola obovata atque latiora quam in svecica planta simulque carnosiora. Tota herba pilis raris adspersa est, crebrius tamen in alpinis speciminibus. Est itaque varietas illa *crassifolia Persoonii*.

CLASSIS XVIII.

POLYADELPHIA.

HYPERICUM.

Gen. plant. ed. Schreb. n. 1224. *Gärtn. de fruct.* 1. p. 300. t. 62.

355. *HYPERICUM perforatum*: floribus trigynis, caule ancipiti, foliis obtusis pellucido-punctatis, foliolis calycinis lanceolatis. *Linn. svec.* n. 680. *lappon.* n. 275. *Smith. brit.* 2. p. 801. *Lightf. scot.* p. 416. *Flor. dan.* t. 1043. *Gmel. sib.* 4. p. 179. n. 4. *Falk russ. topogr.* 2. p. 230.
Hab. in lateribus montium meridiei expositis per Nordlandiam maritimam meridionalem rarius; ego in unico monte Middags-hauen prope Kieringöam observavi.

CLASSIS XIX.

SYNGENESIA.

SONCHUS.

Gen. plant. ed. Schreb. n. 1233.

356. *SONCHUS oleraceus*: pedunculis subtomentosis umbellatis, calycibus glabris, foliis amplexicaulibus sinuato-dentatis. *Willden. spec.* 5. p. 1514.

S. oleraceus Linn. *spec.* n. 688. *lappon.* n. 289.
Engl. bot. 12. t. 843. *Flor. dan.* t. 682.
Lightf. scot. p. 428. *Georgii fl. baikal.*
 p. 228. *Falk russ. topogr.* 2. p. 232.

S. oleraceus β. *Smith brit.* 2. p. 818.

Hab. in agris et cultis Lapponiarum meridionalium rarius: *Linne*.

Quo magis tomentosus eo plerumque mitior; quantum vero glabrior eo etiam asperior vel magis denticulis pungens.

357. *SONCHUS alpinus*: racemo simplici hirtio bracteato, foliis basi sagittatis sursum lyratis: lobo extimo maximo deltoideo.

S. alpinus Linn. *spec.* n. 689. *lappon.* n. 296.
Flor. dan. t. 82. *Willden. spec.* 3. p. 1519.
Falk russ. topogr. 2. p. 232.

S. montanus Retz.

S. cæruleus *Smith brit.* 2. p. 815.

Lapponibus *Tjærge* s. *Jærge*. Norvegis *Tort*.

Hab. in radicibus alpium umbrosis lætioribus Lapponiarum meridionalium ubique frequentissime, ut etiam in convallibus inferalpinis totius Nordlandiæ vulgaris; sed ulterius septentrionem versus vix mihi visus neque in Finmarkia neque in cæteris Lapponiis septentrionalibus, nec extra regionem alpinam scil. infra Givorten Lapponiæ Umensis, Löfmock Lapponiæ Pitensis et Quickjok Lapponiæ Lulensis unquam.

Flores quidem racemosi sunt; sed pedunculi inferiores sæpe bracteis suis longiores et bracteolis linearibus satis numerosis obsiti, ut differentia Linnæi minime repugnat. Calycis squamæ tantummodo in medio nervo hirtæ sunt, et longitudinem fere flosculorum æquant. Foliorum lobus extimus latitudine sua fere totam longitudinem folii emetitur; laciniae laterales divergunt sed vix unquam retrorsum divaricatæ sunt; costa tantum media hirta est.

Talem *Sonchum alpinum* qualem descripsit *Clar. Smith* in Lapponia neque vidi neque ibi lectum fuisse scio, itaque e Flora Lapponica tutus excludo.

358. *SONCHUS sibiricus*: pedunculis squamatis corymbosis, foliis lanceolatis sessilibus indivisis dentatis.

S. sibiricus Linn. spec. n. 690. Gmel. sib. 2. p. 11. tab. 3. Willden. spec. 3. p. 1522. Pallas it. sibir. 3. p. 319. Georgii fl. baikal. p. 228. Falk russ. topogr. 2. p. 232.

Hab. in nemorosis subhumidis juxta flumina per partem sylvaticam supremam Lapponiæ Tornensis et Kemensis rarius ex. gr. ad Ivalojoeki Enarense parcius.

Nonnisi folia subradicalia interdum runcinata sunt; omnia vero dentata, subamplexicaulia. Pedunculi et calyces semper glaberrimi et lævissimi, quibus a præcedentibus longe recedit. Ad hunc ipsum accedere mihi videtur *S. alpinus* Smith s. *S. lapponicus* Willden. spec. plant. 3. p. 1520.

LEONTODON.

Gen. plant. ed. Schreb. n. 1237. Gærtn. de fruct. 1. p. 363. tab. 158.

359. LEONTODON *Taraxacum*: calyce inferne reflexo, foliis runcinatis denticulatis lævibus. Linn. spec. n. 693. lappon. n. 280. Willden. spec. 3. p. 1544. Engl. bot. 8. t. 510. Lightf. scot. 1. p. 432. Olavs. it. island. p. 943. 429. Cranz grænenland. — Michaux amer. 2. p. 88. Falk russ. topogr. 2. p. 232. Landt færoens. — Gmel. sibir. 2. p. 14. Pennant Arct. Zool. ad Nutka sund. p. 241. Georgii flor. baikal. p. 228.

β. foliis subintegris.

Fennonibus Enontekensibus *Punainen-kuka*.

Hab. ad habitacula hominum et in cæteris graminosis per partem sylvaticam, subalpinam et inferalpinam omnium Lapponiarum totiusque Finmarkiæ usque ad Nordcap vulgare; ut etiam in ipsis radicibus et lateribus alpium inferioribus sat frequenter. In alpe Rastekaisse Finmarkiæ visa est var. β.

APARGIA.

Willden. spec. plant. 3. p. 1547.

360. APARGIA *Taraxaci*: scapis subnudis unifloris erectis, calyce hirsuto, foliis lanceolatis runcinato-dentatis glabris.

A. Taraxaci *Willden. spec.* 3. p. 1550.

Hedypnois Taraxaci *Engl. bot.* 16. t. 1109.

Hieracium Taraxaci *Linn. spec.* 2. p. 1125. *Lightf. scot.* p. 435.

Hab. in alpinis Lapponiæ Pitensis: *Solander.*

361. APARGIA *autumnalis*: scapis ramosis declinatis squamosis, foliis lanceolatis runcinato-dentatis integerrimis.

A. *autumnalis Willden. spec.* 3. p. 1551.

Leontodon *autumnale Linn. spec. n.* 695. *lappon. n.* 281. *Lightf. scot.* p. 435. *Zoega island.* — *Landt færøens.* — *Falk russ. topogr.* 2. p. 233.

β. *asperior*: calycibus nigro-hirsutis.

Hypochæris *radicata Gunner. norv. n.* 398.

Hab. in parte sylvatica infima Lapponiarum meridionalium et Kemensis passim; nec non β. in maritimis Nordlandiæ meridionalis frequenter ubi lecta ad Saltenfjord et Sörfolden.

Pappus interdum substipitatus apparet, quod autem magis monstrositate quam lege ordinaria fit.

In maritimis Nordlandiæ calyces solito magis hirsuti et asperi unacum pedunculis, itemque folia pilosiuscula; de cætero a vulgari nihil differt.

HIERACIUM.

Gen. plant. ed. Schreb. n. 1238. *Gertn. de fruct.* 2. p. 360. t. 158.

362. HIERACIUM *alpinum*: scapo unifloro subnudo, calyce villosissimo, foliis oblongis integris dentatisve villosis.

H. *alpinum Linn. spec. n.* 696. *lappon. n.* 283. *Engl. bot.* 16. t. 1110. *Lightf. scot.* p. 454. tab. 18. *Zoega island.* — *Pallas it. sibir.* 5. p. 33. 445. *Landt færøens.* — *Georgii fl. baikal.* p. 228.

Hab. in collibus et campis siccioribus sterilibus apricis per partem subalpinam et alpinam præcipue Lapponiarum meridionalium usque ad Tornensem vulgatissime, infra Givorten Lapponiæ Umensis, Peliekaisse Lapponiæ Pitensis et Snirrak Lapponiæ Lulensis haud descendens; e latere vero Norvegico alpium parcius occurrit, neque in Nordlandia neque Finmarkia, nec ad Utsjoki visum.

Villositas calycis plerumque fuscescens est, sed interdum ibi ut in reliqua herba omnino canescens. Folia supra aliquando glabriuscula, subtus semper plus minusve villosa. Scapus interdum adeo tenuis et humilis, ut diversa videtur planta.

Figura Lightfootii varietatem minorem caule aphylo, Botanicon angl. vero majorem caule unifolio optime sistunt.

563. *HIERACIUM Auricula*: foliis lanceolatis integerrimis, stolonibus repentibus, scapo nudo multifloro cymoso.

H. Auricula Linn. *svec.* n. 699. *lappon.* n. 282.

H. dubium Flor. *dan.* t. 1044.

Hab. in pratis et graminosis Lapponiæ meridionalis infimæ passim; ad Örträsk Lapponiæ Umensis copiose.

Folia subtus glabra et glaucescenti-viridia.

564. *HIERACIUM murorum*: caule subfolioso piloso paniculato, foliis ovatis petiolatis dentatis: caulino minore.

H. murorum Linn. *svec.* n. 701. *lappon.* n. 284.

Lightf. scot. p. 437. *Landt færoens.* —

Cranz groenland. — *Georgii fl. baikal.* p. 228. *Gmel. sib.* 2. p. 25.

Hab. in pratis campisque siccioribus Lapponiæ tum sylvaticæ ac subalpinæ usque ad convalles et latera ipsarum alpium ubique.

Habitu suo gracili et nudiusculo præcedentem potius refert quam sequentes.

H. sylvaticum Engl. bot. 29. t. 2031. huc omnino pertinet foliis suis petiolatis.

565. *HIERACIUM sylvaticum*: caule folioso hispido paniculato, pedunculis tomentosis, foliis oblongis sessilibus hispidis sinuato-dentatis.

H. sylvaticum Flor. *dan.* 7. t. 1113.

H. hirsutum foliis caulinis ambientibus; in Misnia. *Burseri herb.* VI. n. 34.

Hab. locis subhumidis per partem sylvaticam omnium Lapponiarum svecicarum ubique, præcipue in ripis fluminum glareosis.

Herba alta usque ad tripedalem altitudinem assurgens, tota pilis rigidiusculis scabris obsita. Caulis valde foliosus firmus. Folia caulina numerosa lanceolato-oblonga, subamplexicaulia, rigidius-

cula. Panicula subfastigiata, pedunculis sub flore albo-tomentosis et lævibus. Calyces glabri et læves. *Hieracio umbellato* affinius esse mihi videtur quam præcedenti.

366. *HIERACIUM paludosum*: caule folioso glabro, foliis oblongis amplexicaulibus runcinato-dentatis glabris, floribus paniculatis hispidis.

H. *paludosum* *Linn. svec. n. 702. lappon. n. 285. Fl. dan. 5. t. 928. Smith. brit. 2. p. 831. Lightf. scot. p. 438.*

Hab. in uliginosis et umbris graminosis Lapponiarum meridionalium usque ad convalles subalpinas ex. gr. juxta Givorten Lapponiæ Umensis fere ubique frequenter.

Foliis instruitur magnis glaberrimis, inferne retrorsum dentatis. Soli calyces nigro-hispidi sunt. Pappus prorsus candidus, qui in reliquis non parum fulvescit. Folia adeo glaberrima et mollia ut *Sonchum* quendam vel *Taraxacum* habitu refert.

Engl. bot. 16. t. 1094. plantam tenellam, foliis basi hastatis præditam exhibet et adeo mala mihi videtur.

367. *HIERACIUM umbellatum*: caule folioso superne scabro, foliis linearibus denticulatis scabridis, floribus subumbellatis lævibus.

H. *umbellatum* *Linn. svec. n. 704. lappon. n. 287. Engl. bot. 25. t. 1771. Fl. dan. 4. t. 680. Pallas it. sibir. 3. p. 319. Lightf. scot. p. 459. Falk. russ. topogr. 2. p. 233.*

Hab. locis siccis sylvaticis Lapponiarum omnium sylvaticarum sat vulgare: ad lacum Enarensem usque procedit.

Herba ipsa læte virens. Caulis altus firmus, inferne læviusculus. Folia longiora, per marginem et costam apiculis brevibus rigidulis eximie scabrata, de cætero glabra. Pedunculi præter scabritiem glabri, sed calyces prorsus læves nigricantes.

C R E P I S.

Gen. plant. ed. Schreb. n. 1239.

368. *CREPIS tectorum* β . foliis lanceolatis sessilibus lævibus: inferioribus dentatis, caule glabro.

C. tectorum Linn. *svec.* n. 705. *lappon.* n. 286.
Lightf. scot. p. 440. *Georgii fl. baikal.* p. 228.
Gmel. sibir. 2. p. 28. t. 11. et 12. *Falk russ.*
topogr. 2. p. 254.

Hab. locis siccis cultis et in tectis per partem sylvaticam inferiorem Lapponiarum meridionalium et Kemensis rarius; in inferalpinis Nordlandiæ meridionalis frequentius.

In Lapponia semper gracilis et parva crescit, sine foliis ullis hastatis vel runcinatis.

HYPOCHOERIS.

Gen. plant. ed. Schreb. n. 1246.

369. *HYPOCHOERIS maculata*: caule subnudo, ramo solitario, foliis ovato-oblongis integris dentatis. Linn. *svec.* n. 708. *lappon.* n. 288. *Lightf. scot.* p. 442. *Flor. dan.* t. 149. *Georgii fl. baikal.* p. 228. *Gmel. sibir.* 2. p. 38. *Falk russ. topogr.* 2. p. 234.

Hab. in Lapponiæ meridionalis infimæ locis saltuosius meridiei quam maxime expositis rarius; ego eandem tantummodo legi prope Storforsen fluminis Örelfven unacum Anthyllide et Convallaria; nec in adjacentibus provinciis vulgatus occurrit.

SERRATULA.

Gen. plant. ed. Schreb. n. 1264.

370. *SERRATULA alpina*: calycibus subhirsutis oblongis, foliis indivisis subdentatis subtus lanatis, pappo plumoso. *Smith brit.* 2. p. 846.

S. alpina Linn. *svec.* n. 714. *lappon.* n. 291. *Flor. dan.* t. 37. *Pallas it. sibir.* 3. p. 316. 319. *Georgii fl. baikal.* p. 228. *Gmel. sibir.* 2. p. 76. t. 52. *Falk russ. topogr.* 2. p. 235.

S. latifolia: foliis ovatis subtus glabris. *Lightf. scot. tab.* 19. *Engl. bot.* 9. t. 599.

Hab. in alpium radicibus et lateribus inferioribus præsertim locis humidis subumbrosis idque omnium Lapponiarum vulgaris; ut etiam locis inferalpinis et alpinis maritimis usque ad Nordcap, nec non in subhumidis umbrosis extra-alpinis totius Lapponiæ fere ubique, ad Lycksele Lapponiæ

Umensis, Jockmock Lapponiæ Lulensis e. s. p. descendens.

371. *SERRATULA arvensis*: foliis dentatis spinosis. *Linn. spec. n. 715. lappon. n. 293. Lightf. scot. p. 449.*

Hab. in agris Lapponiæ meridionalis copiose: *Linneé.*

C A R D U U S.

Gen. plant. ed. Schreb. n. 1254.

372. *CARDUUS crispus*: caule pedunculisque alatis spinosis, foliis sinuatis dentato-spinosis subtus lanuginosis, calycibus aggregatis globosis squarrosis nutantibus.

C. crispus Linn. spec. n. 719. Willden. spec. plant. 3. p. 1652. Fl. dan. 4. t. 621. Falk russ. topogr. 2. p. 236.

Carduus caule crispo. Celsii herbar. n. 120.

Hab. in agris omnium Lapponiarum etiam Kemen-sis usque ad lacum Enare sæpe frequentissime.

Caulis sæpe altitudinem humanam attingit, alis crispatis pungentibus undique munitus. Folia lata, plana, fere indivisa mollia et succosa, spinulis setaceis flexilibus vix pungentibus, parallelis (nec squarrosis), marginalibus (nec a costis quibusdam validioribus ortis ut in *C. tenuifloro Smith*).

373. *CARDUUS palustris*: caule alato spinoso, pedunculis inermibus, foliis sinuatis dentato-spinulosis, floribus racemosis ovatis spinulosis, pappo plumoso.

C. palustris Linn. spec. n. 720. Smith. brit. 2. p. 850. Engl. bot. 14. t. 974. Lightf. scot. p. 455. Gmel. sibir. 2. p. 57. tab. 23. fig. 2. Georgii fl. baikal. p. 228.

Cnicus palustris Willden. spec. 3. p. 1662.

Hab. in pratis paludosis Lapponiæ Umensis maxime meridionalis rarius: ad pagum Knaften prope flumen Örelfven a me copiose visus.

374. *CARDUUS heterophyllus*: foliis amplexicaulibus lanceolatis serrato-spinulosis laciniatisve subtus tomentosis, caule subunifloro, calyce inermi.

Carduus heterophyllus *Linn. svec. n. 721. lapp. n. 292. Smith brit. 2. p. 833. Engl. bot. 10. t. 675. Olavs. it. island. p. 679. Flor. dan. t. 109. Pallas it. sibir. 3. p. 316. et 1. p. 62. Georgii fl. baikal. p. 228. Gmel. sibir. 2. p. 51. t. 21.*

C. helenioides *Lightf. scot. p. 457.*

Cnicus heterophyllus *Willden. spec. 3. p. 1673.*

Lapponibus Svala-njuoktjem (i. e. *Canis Lagopi lingua*).

Hab. in Lapponiarum svecicarum nemorosis subhumidis fertilioribus per partem sylvaticam vulgaris, per subalpinam totam præcipue juxta fluvios copiose, ut etiam in alpium salicetis passim; sed in inferalpinis norvegicis parcius.

Folia infima s. subradicalia indivisa sunt, subovata basi longe attenuata; serraturis grandioribus spinula vix pungente terminatis. Folia caulina inferiora per se longa et fere linearia sunt, sed in medio laciniis paucioribus elongatis integerrimis prædita; summa iterum integra et tantum spinulis ciliata. Squamæ calycinæ semper obtusiusculæ, et vix unquam mucrone munitæ. Pappi apices nudi et incrassati sunt fere uti *Antennariæ Gærtn.*; itaque sub *Carduo* manere potest, quamquam pappus inferne plumosus est.

B I D E N S.

Gen. plant. ed. Schreb. n. 1267.

375. *BIDENS tripartita*: floribus discoideis, calycibus subfoliosis, seminibus erectis, foliis tripartitis. *Linn. svec. n. 726. lapon. n. 294. Lightf. scot. p. 461. Georgii fl. baikal. p. 229. Pallas it. sibir. 1. p. 62.*

Hab. in humidis Lapponiarum maxime meridionalium rarius: *Linné.*

T A N A C E T U M.

Gen. plant. ed. Schreb. n. 1280.

376. *TANACETUM vulgare*: foliis bipinnatis incisis serratis. *Linn. svec. n. 730. lapon. n. 295. Engl. bot. 18. t. 1229. Lightf. scot. p. 465. Landt færoens. — Georgii fl. baikal. p. 229.*

Gmel. sibir. 2. p. 133. t. 65. f. 1. Falk russ. topogr. 2. p. 258.

Hab. in pratis ad domos Lapponiarum meridionalium et Nordlandiæ meridionalis rarius.

ARTEMISIA.

Gen. plant. ed. Schreb. n. 1281.

377. *ARTEMISIA vulgaris*: foliis pinnatifidis planis incisus subtus tomentosis, racemis simplicibus, floribus ovalibus, receptaculo nudo.

A. vulgaris Linn. svec. n. 731. lappon. n. 297. Engl. bot. 14. t. 978. Lightf. scot. p. 468. Michaux amer. 2. p. 128. Flor. Kamtschatk in Arct. Zool. p. 196. Penn. Arct. Zool. ad Nutka sund. p. 241. Georgii fl. baikal. p. 229. Gmel. sibir. 2. p. 108.

Hab. ad margines agrorum Lapponiarum meridionalium ex. gr. infra Falträsk Lapponiæ Umensis passim; præcipue vero in Nordlandia frequenter.

GNAPHALIUM.

Gen. plant. ed. Schreb. n. 1282.

378. *GNAPHALIUM dioicum*: sarmentis procumbentibus, caule simplicissimo nudiusculo cymifero, calyce obtusiusculo, floribus dioicis, pappo maris clavato.

Gn. dioicum Linn. svec. n. 736. lappon. n. 302. Lightf. scot. p. 470. tab. 20. Smith. brit. 2. p. 869. Pallas it. sibir. 3. p. 319. Georgii fl. baikal. p. 229. Penn. Arct. Zool. ad Nutka sund. p. 241. Gmel. sibir. 2. p. 105. Falk russ. topogr. 2. p. 239.

Antennaria dioica Gærtn. de fruct. 2. p. 410. t. 167.

Hab. ubique vulgatissime, tum in omnium alpium lateribus etiam superioribus usque ad Nordcap, tum in collibus siccis sterilibus locisque omnibus sylvaticis per universam Lapponiam.

Ni valde fallor hujus plantæ masculæ varietas est *Antennaria alpina Gærtn. fruct. 2. p. 410. tab. 167. fig. 3. E.*

379. *GNAPHALIUM alpinum*: sarmentis procumbentibus, caule simplicissimo nudiusculo cymi-

fero, calycibus acuminatis squarrosis, floribus dioicis.

Gn. alpinum *Linn. svec. n. 737. lappon. n. 301. Pallas it. sibir. 2. p. 569? Willden. spec. plant. 3. p. 1883.*

Hab. in ipso alpium jugo locis siccioribus editis tum Lapponiarum meridionalium frequenter ac septentrionalium parcius; nec extra alpes unquam a me visum: scil. infra Peliekaisse Lapponiæ Pitensis, Snirrak Lapponiæ Lulensis e. s. p.

Singulis suis partibus præter solum calycem ita præcedenti convenit, ut pro specie mere factitia vel arbitraria idem habeo. Sarmenta sæpius æque longa immo longiora occurrunt, et folia radicalia non minus spathulata. In planta matura pedunculi ita longi et ejusdem situs, ut neque ibi differentia ulla. Quum autem sola differentia in calyce femineo adest acuminato, squarroso atque grisei coloris; difficile semper erit ei marem associare, cujus squamæ obtusæ et rubicundioris coloris erant ut in *Gn. dioico*. Ego quidem vix dubito quin sit sola degeneratio alpina præcedentis atque eodem mare gaudeat. Receptaculum eodem modo scrobiculatum ac in *Antennaria Gærtn.* Semina tum hujus ac præcedentis lævissima sunt.

380. GNAPHALIUM *sylvaticum*: caule herbaceo simplicissimo folioso spicato, foliis lineari-lanceolatis, floribus sessilibus axillaribus.

Gn. sylvaticum *Linn. svec. n. 739. lapp. n. 298. Lightf. scot. p. 471.*

α. floribus sparsis, foliis angustioribus supra denudatis.

Gn. sylvaticum *Retz. prodr. 193. Falk russ. topogr. 2. p. 240.*

Gn. rectum *Smith. brit. 2. p. 870. Willden. spec. 3. p. 1885. Flor. dan. t. 1229.*

β. *fuscatum*: floribus approximatis, foliis sublan-
ceolatis utrinque tomentosis.

Gn. fuscatum *Persoon. synops. 2. p. 421.*

Gn. sylvaticum *Smith brit. 2. p. 869. Willden. spec. 3. p. 1884. Engl. bot. 13. t. 913. bona. Hoppe taschenb. 1801. p. 42.*

Gn. norvegicum *Retz. prodr. n. 193.*

Gn. sylvatico affine *Fl. dan.* 2. t. 254. *Zoega island.* — *Crantz grœnland.* —

Hab. præcipue β . locis siccis sylvaticis inferalpinis totius Nordlandiæ ubique et Finmarkiæ passim usque ad Hopseidet, ut etiam per partem subalpinam et subsylvaticam omnium Lapponiarum svedicarum ubique satis frequenter; at in parte sylvatica inferiore plerumque varietatem α . legimus.

Qui in solo natali attentius examinavit α . et β . non potest non has plantas pro varietatibus parum memorabilibus habere. Plantæ juniores plerumque magis tomentosæ et *Gn. norvegicum* melius referunt, sub provectiore vero ætate fere omnes *Gn. recto* satis conveniunt.

381. *GNAPHALIUM supinum*: caulibus herbaceis simplicissimis filiformibus racemiferis superne lanatis paucifloris, foliis linearibus, floribus oblongis demum pedicellatis.

Gn. supinum Villars delph. 3 p. 192. *Smith brit.* 2. p. 871. *Engl. bot.* 17. t. 1193.

Gn. filiforme Liljeblad. svensk. flôr. 2. p. —

Gn. alpinum Lightf. scot. 470. t. 20. f. 2. *Flor. dan.* 332. *Pallas it. sib.* 3. p. 34? *Georgii fl. baikal.* p. 229.

Gn. fuscum Scop. carn. 2. p. 152. t. 57.

β . subacaule.

Filago acaulis *Krocker siles.* 2. p. 498. t. 41.

Gn. pusillum Hânke sudet. 93. *Willden. spec. plant.* 3. p. 1889.

Hab. locis uliginosis subinundatis præcipue per partem subalpinam Lapponiarum septentrionalium svedicarum usque infra Enontekis Lapponiæ Tornensis, et inferalpinam Nordlandiæ septentrionalis passim; sed β . in solis alpibus editioribus crescit, imprimis ad Virih-jaur alpium Lulénsium frequens.

In Lapponia caulis quidem semper erectus, sed ita gracilis atque flexilis ut in herbariis plerumque varie distortus reperitur. Stolones foliosi primi anni etiam procumbentes sunt quales in *Gn. pusillo* Hânke. Folia cæspitosa et multoties breviora quam in *Gn. sylvatico*. Ob lanam crassam et insignem caulis superne incrassatus apparet. Flores oblongi sunt et parum minores quam in *Gn. sylvatico*,

quod etiam flosculorum situ et indole omnino refert. Seminola tum in hoc ac præcedentis duabus varietatibus tenuissimâ hirsutie prædita sunt. — Figura in *Engl bot.* haud optima mihi videtur utpote quæ caulem nimis foliosum et crassum exhibet.

β. nonnisi floribus subacaulibus inter folia fere absconditis differt.

382. *GNAPHALIUM uliginosum*: caule herbaceo diffuse-ramoso lanato, foliis linearibus subtomentosis, floribus globosis confertis, seminibus lævissimis.

Gn. uliginosum *Linn. spec. n.* 740. *lapp. n.* 300.
Willden. spec. plant. 3. p. 1891.

Hab. vix in Lapponia sed in adjacentibus provinciis maritimisque bottnicis vulgare; ideoque e flora lapponica haud exclusum volui.

Floribus suis globosis vel duplo brevioribus a præcedente certissime distinguitur. Rami plerique prope radicem egreduntur, et passim iterum dividuntur. Receptaculum evidentius scrobiculatum, et flosculi plerique feminei nec nisi pauci centrales angrogyni. — *Linne* sub fl. lapp. n. 300. etiam præcedentem intelligit ut e loco adposito patet.

383. *GNAPHALIUM pilulare*: caule herbaceo diffuse ramoso, floribus globosis aggregatis, foliis involucrialibus lanceolatis glabris, seminibus hispidulis.

? Gn. nudum *Schkuhr handb.*

Icon tab. nostr. XIII.

Hab. solo arenoso subhumido ad ripas fluminum Lapponiæ infimæ sylvaticæ rarius; a me tantum lectum ad Hietasuvando Lapponiæ Kemensis copiose.

Habitu quidem similis Gn. uliginoso, sed satis diversum mihi videtur: caule nudo et tantummodo ad radicem foliis minoribus paucis prædito, glabriusculo, vix ultra sesquipollicari; foliis fere omnibus iisque majõribus sub capitulo florum positis, lanceolatis, fere glabris, subpetiolatis divergentibus, longitudinem florum multoties superantibus; floribus magis globosis vel brevioribus atque paullo grandioribus, basi denudatis; seminibus setulis crebris brevibus patentibus. Nisi semina hispidula essent

varietatem *Gn. uliginosi* crediderim, eodem jure ac *Gn. rectum* a *Gn. norvegico* haud separandum.

Leontopodio non parum accedit tum habitu ac seminibus hispidis.

Explicatio iconis: A. caulis lateralis plantæ unacum radice et caudice stirpis centrali. B. flos vel potius receptaculum seminiferum magn. duplo auctum. C. Semen hispidulum cum flore femineo 20:es auctum.

E diverso apud *Gn. uliginosum* caulis magis foliosus, lanatus; folia sub floribus haud adgregata, sed lanata, linearia: semina glaberrima e. s. p.

Filaginem pyramidatam Linn. e *Flora Lapponica* excludo, quum neque in Lapponia neque in ulla provincia boreali Sveciæ a me visa est. *Filago montana* sola in Svecia boreali occurrit.

ERIGERON.

Gen. plant. ed. Schreb. n. 1287. Gærtn. de fruct. 2. p. 448. tab. 170. fig. 3

384. *ERIGERON acre*: foliis lanceolatis dentatis, caule corymbifero: pedunculis unifloris.

E. acre Linn. *svec. n. 741. lappon. n. 508. Smith brit. 2. p. 877. Lightf. scot. p. 474. Engl. bot. 17. t. 1158. Falk russ. topogr. 2. p. 240. Flor. kamtschatk. in Arct. Zool. p. 196. Pennant arct. Zool. ad Nutkasund. p. 241.*

Hab. locis siccis arenosis per partem sylvaticam inferiore Lapponiarum omnium frequenter, at in Umensi usque ad Gillesnöle adscendit; in inferalpinis Nordlandiæ meridionalis ubique occurrit.

Folia in speciminibus grandioribus semper dentibus paucioribus insignibus munita sunt; quibus semper carent specimina æque alta *E. alpini*. Calyces plerumque glabriusculi sunt. Ligulæ flosculorum radiantium multum breviores sunt quam in sequentibus speciebus.

385. *ERIGERON alpinum*: foliis hirsutis, caule inferne sublanato subbifloro, calyce piloso.

E. alpinum Linn. *spec. plant. 2. p. 1211. Smith brit. 2. p. 877. Flor. dan. 292. Engl. bot. t. 464. bona.*

?*E. uniflorum* Zoega island. —

Conyza cærulea alpina major. Burseri herb. XV.

n. 33.

β. ramosum: multiflorum flore terminali majore.

Hab. in petris et saxis maritimis apricis per totam Nordlandiam ubique et Finmarkiam rarius; at in Nordlandia meridionali sub radicibus alpium ascendit locisque umbrosis fertilioribus in varietatem *β. multifloram* mutatur. Nunquam in alpi-
bus ipsis provenit.

In maritima proveniens caule gaudet vix digitali, usque ad radicem densius piloso; foliis radicalibus obtusis quidem, sed angustioribus semperque hirsutis; calycibus distincte pilosis; et radio tum rubicundo et albo. — Nostræ plantæ omnino convenit illa in Burseri Herbario asservata et a *Linneo* citata.

β. ab E. acris L. caute distingvenda. Caulis ejus usque ad bipedalem altitudinem sæpe assurgit, flore majore atque altiore præcociore terminatus, e latere ejus egrediuntur rami graciles vagi pauciores uniflori; adeo ut haud difficile est visu, quod caulis pro unico flore destinatus sit nec ullo modo corymbiferus. Radium hujus varietatis semper album vidi.

386. *ERIGERON uniflorum: foliis radicalibus glabris spathulatis, caule unifloro inferne glabrato, calyce lanato.*

E. uniflorum Linn. svec. n. 742. lappon. n. 307.

tab. 9. f. 3. Flor. dan. 8. t. 1397. bona.

Hoppe. taschenb. 1801. p. 45.

Conyza cærulea alpina minor. Burseri herb. XV.

n. 34.

Hab. frequenter in alpi-
bus Lapponicis meridionali-
bus altioribus usque ad Peliekaise Lapponiæ Pit-
tensis et Kaskajvo Lapponiæ Lulensis descendens
scil. in lateribus earum saltuosius durioribus irri-
gatis; in septentrionalibus alpi-
bus vero nunquam
reperitum est, neque extra alpes provenit.

Caulis plerumque bipollicaris, nec unquam ultra palmaris, prope radicem plerumque glabratus. Folia radicalia præcipue stolonum sterili-
um semper glaberrima reperi simulque oblongo - spathulata, quam differentiam optimam hujus speciei puto; cau-
lina inferiora tantum basin versus ciliata. Calyx omni-
no lanatus vel villosus ob pilos, copiosos implexos,
magisque globosus et turgidus apparet quam in præ-

cedente. Pappus præcipue radii brevior, vix longitudine calycis. Radius tum rubicundus ac albus.

T U S S I L A G O.

Gen. plant. ed. Schreb. n. 1289. Gærtn. de fruct. 2. p. 447. tab. 170. f. 7.

387. TUSSILAGO *frigida*: thyrsos fastigiato, floribus radiatis, foliis triangularibus sinuatis subtus tomentosis.

♂ *Hermaphrodita* s. *Mascula* s. *radiata*: thyrsos laxiore, flosculis femineis paucis radiatis fertilibus: hermaphroditis plurimis sterilibus.

T. frigida Linn. *svec. n. 744. lappon. n. 303. Fl. dan. 1. t. 61. Gmel. sib. 2. p. 150. tab. 70. Hoppe taschenbuch 1803. p. 56.*

♀ *Feminea* s. *discoidea*: thyrsos coarctato, flosculis omnibus femineis subapetalis fertilibus.

Hab. locis paludosis in salicetis alpium et campis infimis alpinis sat frequenter, ut etiam in nemoribus paludosis per partem subalpinam et subsylvaticam passim usque infra Risnäs Lapponiæ Umenensis, Löfmock Lapponiæ Pitensis, Muonioniska Lapponiæ Tornensis e. s. p. lecta; sed in inferalpinis Norvegicis haud reperitur.

Radix omnino repens est. Folia cordato-triangularia, ambitu sinuata: sinubus haud quidem profundis tamen quintam partem radii foliorum penetrantibus. De cætero in ambitu foliorum nulli adsunt dentes glanduliferi. Scapi bractæ latæ sunt et subamplectentes. Pedunculi florum griseo-tomentosi. Quo ad florescentiam magis polymorpha est planta quam reliquæ Petasitides. Quantum ego quidem indagare potui dioica est, et quidem sequenti modo.

Mascula planta flores habet radiatos. Flosculi disci numerosi infundibuliformes, staminibus perfectis in tubum connatis, stigmate clavato crasso fere monstroso; qui vero omnes steriles sunt ipsoque pappo destituuntur, eamque ob causam potius masculi dicendi sunt quam hermaphroditi. Flosculi radii pauci quinque ad octo, ligula oblonga grandiore instructi, semper feminei lique fertiles: stigmate tenuiore bifido et pappo completo. De cætero flores

flores hujus plantæ majores et spectatiores non tantum ob radium, verum etiam ob flosculos disci grandiori corolla instructos.

Femineæ plantæ flores discoidei et minores sunt, sed numerosioribus flosculis præditi. Flosculi fere omnes feminei fertiles sunt, fere apetalii vel ligula tenui unilateralii fere setacea instructi; stigmate tenui bifido; pappoque completo. Interdum in centro unus alterve flosculus masculus adest stigmate suo monstroso insignitus. Sub prima florescentia thyrsus coarctatus est, sed maturescendo expanditur latusque fit.

Tussilago nivea Willd. differt præcipue foliis tantum dentatis: dentibus apice glanduliferis capitulo glanduloso ex venis validioribus orto. Tomentum paginæ inferioris foliorum multo magis niveum. In ambitu foliorum nulli adsunt sinus conspicui. Calyces et scapi superior pars glabrior et bracteis angustioribus instructa.

388. *TUSSILAGO Farfara*: scapo unifloro squamato, flore radiato, foliis subcordatis angulatis denticulatis subtomentosis..

T. Farfara *Linn. svec.* n. 743. *Smith brit.* 2. p. 878. *Fl. dan.* 4. t. 595. *Hoppe taschenb.* 1803. p. 33. *Lightf. scot.* p. 475. *Landt færoens.* — *Georgii flor. baikal.* p. 230. *Gmel. sibir.* 2. p. 140. *Falk russ. topogr.* 2. p. 240.

Hab. in radicibus alpium Nordlandiæ clivosis et irrigatis, nec non locis inferalpinis ad rivulos e. s. p. passim copiose. Etiam ad Sodankylä Lapponiæ Kemensis visa est.

A vulgari svecica planta ne minime differt. Flores disci tubulosi in hac quoque specie potius masculi dicendi quam hermaphroditi, quum germina eorum omnia abortiunt et vix quidem pappum edunt. Me itaque iudice referendum esset hoc genus ad Polygamiam necessariam.

SENECIO.

Gen. plant. ed. Schreb. n. 1290.

389. *SENECIO vulgaris*: corollis nudis, foliis pinato-sinuatis amplexicaulibus, floribus sparsis. *Linn. svec.* n. 747. *lappon.* n. 296.

Hab. in sylvis rarius: *Linné*; ut puto tantummodo Lapponiæ maxime meridionalis.

S O L I D A G O.

Gen. plant. ed. Schreb. n. 1292. Gertn. de fruct. 2. p. 447. tab. 170.

390. *SOLIDAGO Virgaurea*: caule subflexuoso angulato, foliis inferioribus oblongis asperis serratis, racemis subaxillaribus erectis asperis, ligulis elongatis. *Willden. spec. 3. p. 2065.*

S. Virgaurea Linn. svec. n. 754. lappon. n. 306. Fl. dan. 4. t. 663. (var. lapponica!) Georgii fl. baikal. p. 130. Lightf. scot. p. 482. Smith. brit. 2. p. 889. Flor. Kamtschatk. in Arct. Zool. p. 196. Gmel. sibir. 2. p. 164.

Fennonibus *Keltainen*.

Hab. locis tum siccis ac humidiusculis per partem sylvaticam, subalpinam et inferalpinam omnium Lapponiarum vulgatissime; ut etiam in infimis lateribus omnium alpium paullo parcius.

In Lapponia plerumque illa varietas obvia est, quam *S. lapponicam Wither.* dicunt, sed etiam ibi tam frequenter in vulgatissimam *Virgauream* abit ut varietatis insignioris nomine vix notari meretur.

. . . A R N I C A.

Gen. plant. ed. Schreb. n. 1296.

391. *ARNICA montana* β . *Linn. svec. n. 760. lappon. n. 305.*

Hab. in campis convexis subalpinis Lapponiarum meridionaliorum passim: *Linné*; ad lacum Torneaträsk: *Liljeblad*; ego vero eandem in Lapponia nunquam vidi.

C H R Y S A N T H E M U M.

Gen. plant. ed. Schreb. n. 1307.

392. *CHRYSANTHEMUM Levchanthemum*: foliis amplexicaulibus oblongis: superne serratis inferne dentatis. *Linn. svec. n. 763. lappon. n. 310. Engl. bot. 9. t. 601. Lightf. scot. p. 488. Pallas it. sibir. 3. p. 319. Penn. Arct.*

Zool. ad Nutka sund. p. 241. Georgii fl. baikal. p. 230.

Hab. in Nordlandia meridionali inferalpina frequenter: *Linneé*; a me vero ibi nunquam visum; e latere svecico non nisi in pratis regionis sylvaticæ infimæ rarissime scil. ad pagum Knaften prope flumen Örelfven Lapponiæ Umensis lectum.

393. **CHRYSANTHEMUM inodorum**: foliis bipinnatis: pinnis subfiliformibus tripartitis, caule diffuse-ramoso, seminibus coronato-marginatis.

Chrysanth. inodorum Linn. spec. pl. p. 1253. Flor. dan. t. 696.

Cotula foetida Olavs. it. island. p. 433.

Pyrethrum inodorum Engl. bot. 10. t. 676. Willden. spec. plant. 3. p. 2157.

Matricaria inodora Linn. svec. n. 765. Zoega island. —

Anthemis vulgaris Linn. lapp. n. 309.

Hab. locis cultis calcatis sublittoralibus per totam Nordlandiam maritimam Finmarkiamque vulgare, unde etiam juxta flumen Tana adscendit usque ad templum Utsjokense frequenter; per Lapponias meridionales juxta domos ubique provenit.

In prima editione Floræ svecicæ synonymon *Flor. lapponicæ* sub n. 702. (*Matricaria inodora*) allatum vidimus; postea vero in ed. 2. sub *Chamomilla* illud male transposuit *Linnaeus*.

Planta norvegica maritima habitum *Ch. maritimi* gerit, sed matura semina examinare nunquam mihi contigit.

A C H I L L E A.

Gen. plant. ed. Schreb. n. 1313. Gærtn. de fruct. 2. p. 426. tab. 168. f. 9.

394. **ACHILLEA Millefolium**: foliis bipinnatis glabriusculis: laciniis linearibus dentatis, caulibus superne sulcatis.

A. Millefolium Linn. svec. n. 770. lapp. n. 311.

Flor. dan. tab. 737. Lightf. scot. p. 496.

Landt færoens. — Zoega island. — Olavs.

it. island. p. 677. Pullas it. sibir. 3. p. 319.

Georgii fl. baikal. p. 231. Penn. Arct. Zool.

ad Nutka sund. p. 242. *Falk russ. topogr.*
2. p. 243.

Fennonibus Enontekensibus *Pietarin-kuka* (i. e.
Petri-flos).

Hab. ubique per universæ Lapponiæ partes sylvaticas, subalpinas, inferalpinas et maritimas usque ad Nordcap vulgare, scil. in pratis et graminosis præcipue ad domos casasque Lapponum.

Engl. bot. 11. t. 758. flores duplo majores exhibet quam in nostra planta occurrunt.

LOBELIA.

Gen. plant. ed. Schreb. n. 1363.

395. *LOBELIA Dortmanna*: foliis linearibus bilocularibus integerrimis, scapo subnudo. *Linn. svec.* n. 783. *lappon.* n. 279. *Lightf. scot.* p. 505. tab. 21. *Michaux amer.* 2. p. 153.

Hab. in fluviis Lapponiæ maxime meridionalis rarissime, ubi semel sine flore observata fuerit a *Linnaeo*; numne folia *Isoëtidis* tunc temporis parum cognita vidit? In aliis provinciis borealibus Sveciæ frequenter occurrit.

VIOLA.

Gen. plant. ed. Schreb. n. 1364. *Gærtn. de fruct.* 2. p. 139. tab. 112.

396. *VIOLA palustris*: acaulis, radice repente, foliis reniformibus glaberrimis, stipulis integerrimis, calyce obtuso.

V. palustris *Linn. svec.* n. 786. *lappon.* n. 278. *Flor. dan.* t. 83. *Smith. brit.* 1. p. 908. *Lightf. scot.* p. 506. *Olavs. it. island.* p. 453. *Engl. bot.* t. 444. *Landt færoens.* — *Crantz grœnland.* — *Pallas it. sibir.* 3. p. 54. *Falk russ. topogr.* 2. p. 245.

Hab. in aquosis per partem sylvaticam, subalpinam et inferalpinam usque ad Finmarkiam maritimam fere ubique parcius.

Folia in Lapponica planta sæpe immo sæpius cordata sunt, attamen satis superque a *V. canina* differt. Radix filiformis in limo longe repit et stipulis integerrimis elongatis ad exitum folii pedunculique instruitur. Scapi foliis vix longiores. Ca-

lycis laciniae præcipue inferiores obtusissimæ vel rotundatæ, abbreviatæ ut vix quartam petali partem attingunt. Folia sparsim crenata.

Memorabile est quod in Sibiria quoque adeo sibi dissimilis evadit, ut cum *V. canina* eam conjunxit *Gmel. sibir.* 4. p. 98.

397. *VIOLA biflora*: caule subbifloro, foliis reniformibus crenato-serratis, stipulis integerrimis.

V. biflora *Linn. svec.* n. 790. *lapp.* n. 276.

Willden. spec. 1. p. 1167. *Gmel. sibir.* 4.

p. 98. n. 61. *Fl. dan.* t. 46. *Pallas it. sibir.* 5. p. 34.

Hab. in alpium omnium lateribus occultioribus imprimis vero radicibus et pratis inferalpinis Nordlandiæ Finmarkiæque vulgatissima omnium; ut etiam juxta fluvios ex alpihus delabentes per partem subsylvaticam Lapponiæ svecicæ passim: ex. gr. ad Sorsele Lapponiæ Umensis et infra Enontekis Lapponiæ Tornensis.

Folia in singulo caule plerumque tria vel quatuor, omnia semper reniformia vixque unquam manifeste cordata; crenis sursum versis et ideo serraturas quodammodo referentibus; pilis minutis sericeo-splendentibus. Stipulæ tenues, oblongæ, obtusiusculæ, integerrimæ. Pedunculi ex alis tantum superiorum foliorum, foliis duplo altiores, ebracteati. Calyces acuminati et elongati ut in sequente specie. Petala pallide-lutea, fauce prorsus imberbi. Stigma eximie peltatum.

398. *VIOLA canina*: caule adscendente, foliis cordatis, stipulis setaceo-dentatis, pedunculis folio longioribus.

V. canina *Linn. svec.* n. 785. *lapp.* n. 277. *Smith*

brit. 1. p. 246. *Lightf. scot.* p. 508. *Engl.*

bot. 9. t. 620. *Landt færoens.* — *Cranz*

groenland. — *Zoega island.* — *Gmel. sib.*

4. p. 98. *Georgii fl. baikal.* p. 231.

Hab. in sylvis Lapponiæ maxime meridionalis haud frequenter: *Linné*; ego tantummodo in radicibus montium meridiei expositis Nordlandiæ meridionalis rarius ex. gr. ad Rörstad inveni.

399. *VIOLA montana*: caule triquetro erecto, foliis cordatis oblongis, stipulis dentatis, floribus caulinis apetalis.

V. montana Linn. *svéc.* n. 787. *Flor. dan.* 8. t. 1229. *flor. prim.* Gmel. *sib.* 4. p. 47. *Georgii fl. baikal.* p. 231?

Hab. in montibus rupibusque Lapponiæ sylvaticæ raro; in unico monte calcareo ad Akankoski Lapponiæ Kemensis legi.

Planta difficilis determinatu, cujus tantum specimen fructifera legi. Statura et habitu *V. mirabilem* L. satis refert, cui etiam pedunculis folio brevioribus convenit; at abunde differt forma foliorum et stipularum. *Violæ caninæ* certe proxima est, a qua satis diversa videtur pedunculis brevioribus, foliis longioribus, stipulis majoribus et tantum grandius dentatis, floribusque summis ni fallor apetalis.

V. lactea Smith, quam plerique exteri *V. montanam* vocant, in Lapponia haud obvia est.

400. *VIOLA tricolor*: caule triquetro diffuso, foliis oblongis incisis, stipulis pinnatifidis. Linn. *svéc.* n. 791. *Gunner norv.* n. 171. *Olavs. it. island.* p. 429. *Lightf. scot.* p. 509. *Landt færoens.* — *Falk russ. topogr.* 2. p. 246.

Hab. in Nordlandia et quidem præfectura Senjensi: *Gunnerus*.

CLASSIS XX.

GYNANDRIA.

ORCHIS.

¹Swartz de *Orchid.* in *Schrad. diar. nov.* 1. p. 6. fig. A.

401. *ORCHIS bifolia*: bulbis indivisis, nectarii labio lanceolato integerrimo; cornu longissimo, petalis patentibus. Linn. *svéc.* n. 793. *Flor. dan.* t. 235. *Lightf. scot.* p. 512. Gmel. *sib.* 1. p. 16. n. 13. *Flor. kamtschatk. in Arct. Zool.* — *Willden. spec.* 4. p. 10.

Hab. in lateribus montium sylvaticorum meridiei quam maxime expositis Lapponiæ maxime meridionalis rarissime: nonnisi in Mälberget prope lacum Örträsk Lapponiæ Umensis a me lecta læte florens.

402. *ORCHIS latifolia*: radicibus subpalmatis rectis, nectarium calcare conico: labio trilobo lateribus reflexis, bracteis flore longioribus.

O. latifolia Linn. *svec.* n. 811. *Lightf. scot.* p. 516. *Landt færoens.* — *Willden. spec.* 4. p. 28. *Flor. dan.* t. 266. *Zoega island.* — *Gmel. sib.* 1. p. 24. n. 21. *Flor. kamtschatk.* l. c.

Hab. in paludosis circa templum Enontekense passim.

403. *ORCHIS maculata*: radicibus palmatis patentibus, nectarium calcare germinibus brevioribus: labio plano trilobo, petalis dorsalibus patulis, bracteis longitudine germinis.

O. maculata Linn. *svec.* n. 800. *lappon.* n. 312. *Engl. bot.* 9. t. 632. *Willden. spec.* 4. p. 31. *Smith brit.* 3. p. 915. *Lightf. scot.* p. 517. *Olavs. it. island.* p. 166. *Landt færoens.* — *Georgii fl. baikal.* p. 232. *Falk russ. topogr.* 2. p. 247. *Gmel. sibir.* 1. p. 23. n. 20.

Hab. in pratis humidis et paludibus per partem sylvaticam et subalpinam omnium Lapponiarum svecicarum rarius; in inferalpinis Nordlandiæ passim.

404. *ORCHIS conopsea*: radicibus palmatis elongatis, nectarium calcare setaceo germinibus duplo longiore; labio trifido obtuso subintegerrimo, spica cylindræa.

O. conopsea Linn. *svec.* n. 799. *Smith brit.* 3. p. 926. *Lightf. scot.* p. 518. *Flor. dan.* t. 224. *Falk russ. topogr.* 2. p. 248. *Gmel. sib.* 1. p. 22. n. 19. *Georgii fl. baikal.* p. 232.

Hab. in pratis inferalpinis Nordlandiæ et ipsis alpi-
bus Lulensibus locis graminosis humosis ex. gr. in Lill-Tokin raro; nec non in paludibus Lapponiæ sylvaticæ præcipue Tornensis frequentius.

Quam in alpi-
bus legi flores habet ut in vulgari
et spicam tantum brevioribus magisque paucifloram.
Illa autem, quæ in paludibus obvia est, flores gerit
paullo minores et calcar nonnihil brevius, unde pro
O. odoratissima habita fuit tum a Linnæo in novi-
tiis Floræ svecicæ tum ab aliis, idque perperam ad-
modum; nam vera *O. odoratissima* haud supra
Gottlandiam lectam esse scimus, ejusque calcar ip-
sis petalis fere brevius, et subulatum.

405. *ORCHIS viridis*: radicibus palmatis, petalis conniventibus, nectarii calcare saccato brevissimo: labio lineari apice tridentato, foliis oblongis, bracteis flore sesquialongioribus.

O. *viridis* Swartz in *Schrad. diar.* p. 19. *Willden. spec.* 4. p. 33.

Satyrium viride Linn. *svec.* n. 804. *lappon.* n. 313. *Flor. dan.* t. 77. *Lightf. scot.* p. 519. *Landt færoens.* — *Zoega island.* — *Persoon synops.* 2. p. 506. *Gmel. sib.* 1. p. 21. n. 18.

Hab. in graminosis inferalpinis subhumidis Nordlandiæ passim et in ipsis alpibus Lulensibus locis humosis graminosis rarius; nec non ad radices montium per partem sylvaticam et subsylvaticam Lapponiarum meridionalium usque ad Tornensem rarius.

In alpibus exstat floribus magis rubicundis et paullo grandioribus. Epidermis paginæ inferioris tum foliorum ac bractearum sæpe solvitur sponte et vesiculæ in modum elevatur, unde rachis interdum quasi purpureo-alata apparet.

406. *ORCHIS albida*: radicibus fasciculatis, nectarii calcare petalis breviori obtuso; labello trifido, petalis conniventibus.

O. *albida* Swartz l. c. p. 20. *Willden. spec.* 4. p. 38.

Satyrium albidum Linn. *svec.* n. 806. *Smith brit.* 3. p. 929. *Engl. bot.* 8. t. 505². *Flor. dan.* t. 115. *Lightf. scot.* p. 519. *Olavs. it. island.* p. 433. *Gunner. norv.* n. 446. *Falk russ. topogr.* 2. p. 248.

Hab. in ipsis alpibus Lulensibus, locis herbosis humosis meridiei optime expositis ad latera earum inferiora occultiora sitis passim copiose ex. gr. ad Virih-jaur in Lill-Tokin et ad Sorja-jauri in Jolli; nec non in maritimis Finmarkiæ ad Hasvig et ad Varangriam lecta secundum *Gunnerum*.

Valde memorabilis est planta. Radix constituitur radiculis lumbriciformibus attenuatis basi que sua digitatim adfixis, ita ut quinque circiter manum fere referunt et posterius adfiguntur ad plantam præsentis anni pertinentibus; aliæ quinæ antè adponuntur ad alendam plantam futuri anni destinatæ, in

quarum latere anteriore oritur gemma sequentium annorum progressive. Est itaque radix digitata; digitis a se invicem solutis. Folia plerumque oblonga et acutiora quam in svecica planta. Caulis digitalis usque ad dodrantalem. Spica laxior et brevior, quam in svecica planta: floribus svaveolentibus odore fere *Orchidis bifoliæ* sed gratiore. Flores de cætero paullo majores quam in svecica simulque exstantiores; petalis acutioribus, omnino albidis; labello lutescente trifido ejusque laciniis subæqualibus. Calcar cylindricum obtusum, labello petalisque brevius vel germine triplo brevius.

Orchis hyperborea in Lapponia Lulensi ad Virih-jaur lecta fuisse fertur, sed in nullo herbario ejus specimen lapponicum adest. Quærere itaque liceat numne specimina pygmæa *Orchidis albidæ* visa fuerint.

O P H R Y S.

Swartz de Orchid. in Schrad. diar. nov. 1. p. 43. t. 1. fig. D.

407. OPHRYS *Monorchis*: radice testiculata, caule nudo, labello trifido subtus gibboso.

O. *Monorchis* Linn. *svec. n. 810. lappon. n. 317. Gunner. norveg. n. 644. Gmel. sibir. 1. p. 18. n. 15. Georgii fl. baikal. p. 232. Falk russ. topogr. 2. p. 248.*

Hab. in Lapponia Umensi rarissime: *Linné*, (ni valde fallor tantum ad littora maris Umoæ occurrit); in Porsangria Finmarkiæ orientalis: *Gunnerus*.

Radix quidem more *Orchidum* testiculata, sed tubere tantum unico simul existente, eoque evanescente antequam sequentis anni tuber excrescit. Præcedenti plantæ de cætero valde affinis eique etiam odore conveniens. Petala lateralia intima colore labelli, ut facile pro ejus laciniis habentur. Ipsius labelli laciniæ breves sunt et laterales atque divergentes.

408. OPHRYS *alpina*: radice testiculata, foliis linearibus scapum subæquantibus, labello indiviso utrinque unidentato.

O. *alpina* Linn. *svec. n. 817. Swartz in Schrad. diar. p. 45. Flor. dan. 3. t. 452. Suter helv. 2. p. 227. Willden. spec. plant. 4. p. 62.*

Chamæorchis alpina folio gramineo. *Burseri herb.* III n. 130.

Hab. in alpium Lulensium lateribus humosis fertilioribus meridiei expositis rarius copiose ex. gr. a me inventa in Stor-Tokin juxta Virih-jaur et in alpe Jolli ad Sorjås-jauri frequenter unacum *Orchide albida* et *viridi* crescens, sed multum altius in sterili alpium latere adscendens. De cætero lecta est in alpiibus maritimis Nordlandiæ in Carlsöa Senjensi, et ad Hasvig Finmarkiæ: *Gunnerus*.

Radix bitericulata ut in Orchidibus, tubere futuri anni ante præsentis posito, atque supra radicalis nutrito. Folia omnia radicalia e vagina radicali orta, numerosa scil. circiter novem, plana, linearia et angusta, tum latitudine ac longitudine scapum vel caulem æquantia, uninervia. Scapus sesquipollicaris vel palmaris, strictus, crassiusculus. Spica non parum sparsiflora, bracteis et floribus fere *Orchidis viridis*, cui re vera valde affinis est hæc planta. Petala viridia vel parum rubicunda, obtusiuscula. Labellum lutescens oblongum, obtusiusculum, latere utroque haud semper evidenter unidentato. Planta haud minima inter Orchideas ut dixit *Linnaeus*, sed potius mediocris magnitudinis.

Divisio illa Orchidearum a calcare nectararii facilis quidem est, sed plantas maxime affines admodum disjungit.

NEOTTIA.

Swartz de Orchid, in Schrad, diar nov. 1. p. 49. t. 1. fig. I.

409. *NEOTTIA repens*; labello basi ventricoso apice attenuato, floribus pubescentibus secundis, foliis ovatis reticulatis.

Neottia repens *Swartz l. c.* p. 52. *Willden. spec.* 4. p. 75.

Satyrium repens *Linn. svec. n.* 807. *lapp. n.* 314.

Flor. dan. 5. t. 812. *Lightf. scot. p.* 520.

Guner. norv. n. 521. t. 6. f. 1. *Michaux amer.* 2. p. 157. *Falk russ. topogr.* 2. p. 248.

Hab. in sylvis densis muscosis Lapponiarum meridionalium passim et quidem Quickjockiæ fere ubique frequenter; nec nou in sylvis inferalpinis Nordlandiæ usque ad Alten Finmarkiæ rarius.

Anthera ejus mobilis et opercularis est fere ut in *Epipactide* Swartz. *Corolla* 5-petala; petalo supremo s. galea concavo, oblongo, petala lateralialia superiora includente ut 3-petala apparet corolla. *Labium* scrotiforme: lineis callosis quatuor in fundo notatum; lamina angusta canaliculata ipso scroto duplo minore. *Anthera* in processu posteriore columnæ genitalium subincurvo adnexa, mobilis stigmatique incumbens, persistens. *Stigma* in anteriore processu columnæ genitalium, bidentatum.

E P I P A C T I S.

Swartz de *Orchid.* in *Schrad. diar. nov.* 1. p. 62. t. 1. fig. N.

410. *EPIPACTIS cordata*: radice fibrosa, caule bifolio, foliis cordatis oppositis, labello bifido utrinque unidentato.

E. cordata Swartz l. c. p. 66. *Willden. spec. plant.* 4. p. 88.

Ophrys cordata *Linn. spec. n.* 809. *lapp. n.* 318. *Flor. dan.* 8. t. 1378. bona. *Smith brit.* 3. p. 933. *Lightf. scot.* p. 524. *Gmel. sib.* 1. p. 25. n. 23. *Michaux amer.* 2. p. 158. *Falk. russ. topogr.* 2. p. 248.

Hab. in sylvis densis uliginosis præcipue Lapponiarum meridionalium passim copiose; ut etiam in inferalpinis rarius ex. gr. in Carlsöa Nordlandiæ lecta a *Gunnero*, et in Öhrdalen juxta Hopsfjord Finmarkiæ orientalis a me visa.

Folia potius rhomboidalia quam proprie cordata. Scapus in speciminibus majoribus pubescens. Labello lineare profunde bifidum s. bicaudatum, attenuatum; ad basin utrinque dente acuminata munatum.

M A L A X I S.

Swartz de *Orchid.* in *Schrad. diar. nov.* 1. p. 68. t. 1. fig. P.

411. *MALAXIS monophyllos*: radice tuberculosa, folio ovato acuto, scapo triquetro, labello concavo acuminato.

M. monophyllos Swartz l. c. p. 69.

Ophrys lilifolia *Linn. spec. n.* 811. *Gunner. norv.* n. 962. *Gmel. sib.* 1. p. 20. n. 16.

Hab. in paludibus Nordlandiæ: *Gunnerus*.

CYMBIDIUM.

Svartz de Orchid. in Schrad. diar. nov. 1. p. 72.

412. *CYMBIDIUM corallorhizon*: radicibus ramosis flexuosis, caule vaginato aphylo, petalis inferioribus linearibus deflexis, labello indiviso acuto.

C. corallorhizon Svartz l. c. p. 77. Willden. spec. 4. p. 109.

Ophrys Corallorhiza Linn. svec. n. 816. lapp. n. 315. Flor. dan. 3. t. 451. Lightf. scot. p. 523. Gmel. sib. 1. p. 26. n. 25. Michaux amer. 2. p. 58. Georgii fl. baikal. p. 252.

Hab. in sylvis paludosis Lapponiarum præcipue meridionalium passim frequenter; et in paludosis inferalpinis Nordlandiæ passim, nec non Finmarkiæ ad Kistrand et Hopseidet lectum.

Cypripedium bulbosum Linn. nonnisi in collibus nemorosis pratorum ad Kemi Ostrobothniæ lectum esse scimus, ideoque e Flora Lapponica hucusque excludendum. Nec in Lapponia repertus est Cypripedium Calceolus.

CALLA.

Gen. plant. ed. Schreb. n. 1388. Gærtn. de fruct. 2. p. 20. tab. 84.

413. *CALLA palustris*: foliis cordatis, spatha plana, spadice undique hermaphrodito. *Linn. svec. n. 822. lapp. n. 320. Gmel. sib. 1. p. 1. n. 2. Michaux amer. 2. p. 187. Fl. dan. 3. t. 422. Gunner. norv. n. 727. Georgii flor. baikal. p. 252. Falk russ. topogr. 2. p. 249.*

Hab. in ipso limite infimo Lapponiarum meridionalium ejusque paludibus rarius copiose, at in Vesterbottnia Lapponiis adjacente infra Torneam superiorem et Tafvelsiön districtus Umensis ubique; nec non Nordlandiæ maxime meridionalis secundum Gunnerum.

ZOSTERA.

Gen. plant. ed. Schreb. n. 1390 Gærtn. de fruct. 1. p. 76. tab. 19.

414. *ZOSTERA marina*: foliis subtrinervibus, caule teretiusculo. *Vahl enum. plant. 1. p. 14. Willden. spec. plant. 4. p. 179.*

Z. marina Linn. *spec.* n. 823. *it. V. goth.* p. 166.
 t. 4. f. 1. *Smith brit.* 1. p. 7. *Lightf. scot.*
 p. 530. *Flor. dan.* t. 15. *Landt færoens.*
 — *Engl bot.* t. 467.

Hab. in mari infra littora et in recessibus littoralibus, ubi aqua maritima nunquam deficit, per Nordlandiam meridionalem passim. A me multoties visa in districtu Földensi; dein vero septentrionem versus deest.

CLASSIS XXI.

M O N O E C I A.

C H A R A.

Gen. plant. edit. Schreb. n. 1397. *Hedwig theor. fruct.*
 ed. 2. p. — t. —

415. *CHARA flexilis*: caulibus lævissimis enervibus diaphanis, ramis filiformibus integris, baccis axillaribus lateralibusque.

Ch. flexilis Linn. *spec.* n. 1134. *Smith brit.* 1. p. 6. *Lightf. scot.* p. 536. *Engl bot.* 15. t. 1070. optim.

Hab. in fundo fluviorum et lacuum Lapponiæ sylvaticæ meridionalis rarius copiose; ego eam per Lapponiam Lulensem usque in fluvio subalpino Tarrajoki juxta Quickjock legi frequenter. Hæc in borealibus nostris provinciis multum vulgatior est quam *Ch. vulgaris*, longiusque septentrionem versus procedit.

Quoad structuram internam Confervis omnino similis est. Caulis e membrana tenuissima enervi (haud striata) tubulari fit, in cujus simplici cavitate adest succus glutinosus viridis, ætate proveciore fæculas glutinosas ad parietes tubi deponens, unde nascuntur granula eadem de quibus in Confervis toties disputaverunt Botanici. Fructificatio etiam haud impedit, quin eam Confervis affiniorem crederem quam alii cuidam familiæ.

Cel. *Smith* in *Engl. bot.* 24. t. 1703. iterum ab hac distingvit *Ch. nidifica* (*Conf. nidifica* Fl. dan.

t. 761.) præcipue antheris pedicellatis et ramis numerosioribus diversa. Aliam speciem *Ch. translucentem* exhibet Engl. bot. 26. t. 1855. a nostra magis diversam.

LEMNA.

Gen. plant. ed. Schreb. n. 1400.

416. *LEMNA trisulca*: foliis petiolatis lanceolatis. *Linn. svec. n. 828. lappon. n. 370. Lightf. scot. p. 537. Georgii fl. baikal. p. 232. Falk russ. topogr. 2. p. 250.*

Hab. in aquis Lapponiæ maxime meridionalis rarissime; semel tantum lecta est in Lapponia Umensi a *Linnæo*.

SPARGANIUM.

Gen. plant. ed. Schreb. n. 1402. Gærtn. de fruct. 1. p. 75. tab. 19.

417. *SPARGANIUM natans*: foliis decumbentibus planis, stigmatate ovato brevissimo. *Smith. brit. 3. p. 962. Linn. svec. n. 832. lappon. n. 345. Lightf. scot. p. 540. Flor. dan. t. 260. Zoega island. — Landt færoens. —*

β. minimum. Bauh. pin. 15. Linn. lapp. n. 344. Gmel. sib. 1. p. 153. n. 69. α.

Hab. in fluviis et aquis paludosis per partem sylvaticam et subsylvaticam omnium Lapponiarum svec. fere ubique parcius; in septentrionali parte Lapponiæ Kemiensis eam haud vidi, neque e latere norvegico alpium. *β.* in paludum marginibus et ripis fluviorum erectum crescit præcipue in Lapponia infima.

Synonymon *Floræ Lapp. n. 344.* perperam sub *Sparganio erecto* positum est ab ipso Linnæo. Gramen illud a Lapponia longe abest vixque supra Medelpadiam occurrit.

CAREX.

Gen. plant. ed. Schreb. n. 1407. Gærtn. de fruct. 1. p. 12. tab. 2.

* Spica unica simplicissima.

418. *CAREX dioica*: spica simplici dioica, stigmatibus binis, capsulis ovatis gibbis nervosis superne serrulatis rectis, culmo lævi.

C. dioica Linn. *svec.* n. 833. *Smith brit.* 3. p. 963. *Gooden. transact. linn.* 2. p. 139. *Schkuhr car.* n. 1. tab. A. f. 1. *Lightf. scot.* p. 541. *Zoega island.* — *Landt faeroens.* — *Falk russ. topogr.* 2. p. 251.

C. lævis Hoppe *taschenbuch.* 1800. p. 243. et 1801. p. —

Hab. in paludosis aquosis et pratis maxime udis per partem sylvaticam, subsylvaticam et inferalpinam usque ad Kistrand, scil. omnium Lapponiarum vulgaris.

Radix stolones vagos serpentes exserit, haud vero proprie repens est. Folia filiformia vixque canaliculata, præter apicem lævissima. Culmus rotundatus. Capsulæ e membrana crassa coriacea factæ, fuscæ.

C. scabra Hoppe *taschenb.* — nullibi in Suecia lecta est; ideoque nequit esse *C. dioica* Linn. ut autumavit Hoppe in synonymo Schevchzeri nimum fœsus.

419. *CAREX capitata*: spica simplici androgyna subglobosa, stigmatibus binis, capsulis subrotundo-ovatis planiusculis lævissimis.

C. capitata Linn. *spec. plant.* p. 1379. *Oed. dan.* t. 372. mala. *Schkuhr caric.* n. 2. t. Y. f. 80. *Gmel. sib.* 1. p. 144 n. 85?

Hab. in juniperetis campis uliginosis duris præcipue juxta paludes per partem subalpinam Lapponiæ Tornensis et Lulensis nec non inferalpinam Nordlandiæ passim copiose; ut etiam in alpium Lulensium et Pitensium uliginosis inferioribus parcius. Interdum quoque in sylvatica parte Lapponiæ legimus, ex. gr. ad Lycksele prope Avaviken, ad Sorsele juxta Brackavan et ad Risnäs Lapponiæ Umenensis, nec non ad Niävvi Lapponiæ Lulensis.

Radix crassiuscula et dense cæspitosa est, sed innovatur tantum ex uno latere, adeo ut concatenatam esse merito dicerem. Folia filiformia, triquetra, longiora et copiosiora quam in præcedente. Culmus triqueter superne serrulatus, strictus. Spica præter apicem masculam omnino globosa, magnitudine pisi, tota colore stramineo nitido refulgens, quo e longinquo a præcedente discernitur. Squamæ duplo fere breviores et angustiores quam capsula

ipsa. Capsulæ nitidæ, straminei coloris, tenues ut fere scariosæ, convexiusculo-planæ, integerrimæ, rostellatæ, imbricato-patentes. Gramen pulchellum omnino est, et ob capsulas diversissimas neque præcedenti affine.

420. CAREX *Levcoglochin*: spica simplici androgyna subquadriflora, stigmatibus tribus, capsulis lanceolatis teretibus reflexis, folio canaliculato.

C. *Levcoglochin* Ehrh. phyt. n. 8. Persoon synops. 2. p. 535. Flor. dan. 8. t. 1379. Hoppe taschenb. 1801. p. 144.

C. pauciflora Lightf. scot. p. 543. t. 6. f. 2. Willden. spec. plant. 4. p. 211. Engl. bot. 29. t. 2041.

C. pulcaris Linn. svec. n. 834. lappon. n. 339. Zoega island. —

Hab. in paludibus profundis spongiosis per partem sylvaticam omnium Lapponiarum svecicarum vulgaris, ut etiam in subsylvaticis parcius, sed ulterius alpes versus haud adscendit, neque e Norvegico latere unquam visa.

Ob similitudinem quandam externam sequenti, necesse est descriptionem quandam comparativam subjungere, idque eo magis quum figura nulla mihi satisfacit. Radix omnino repens atque tenuis sine ullis squamis majoribus seu foliis emarcidis. Vaginæ culmi inferiores aphyllæ et tantum mucronatæ; intima folio submembranaceo et subconvoluto vel canaliculato instructa. Culmus triqueter. Capsulæ fulvescunt, attenuato-rostratæ. Stylus perlongus est atque intrâ capsulam spiraliter contortus, et nihilo tamen minus extra capsulam exsertus in modum aristæ atque in stigmata longa abiens.

In Lapponia neutiquam provenit *C. psyllophora* Ehrh. neque in ulla alia provincia septentrionali sveciæ; itaque synonymon *Flor. Lapp.* huc referendum si non ad *C. dioicam*.

421. CAREX *microglochin*: spica simplici androgyna submultiflora, stigmatibus tribus, capsulis attenuatis semiteretibus reflexis, arista aciculari exserta.

C. micro-

C. microglochin *Wahlenb. act. holm.* 1803. p. 140.
Flor. dan. 8. t. 1402. *Schkuhr caric. app.*
 p. 32. tab. Ssss. fig. 110. bona.

Hab. in uliginosis subalpinis maritimis Nordlandiæ
 rarius copiose ex. gr. in Tromsöa et in Önäset Sal-
 tensi frequenter; ut etiam in subalpinis Lappo-
 niæ Tornensis usque ad Mustavaara prope Enonte-
 kis descendens passim frequentius, nec non in ip-
 sis alpidibus Lulensibus rarius parciusque ex. gr. in
 Kasakvare, et in Kirkivare prope Virih-jaur.

Arista vera in hac specie adest, quam ob causam
 omnium europæarum Caricum maxime memorabi-
 lem esse duco; eoque magis dignam quod certa
 descriptione illustratur, quum præcedenti quodam-
 modo similis et adeo a paucis attentius examinata
 fore autumo. Radix cæspitosa re vera est, sed sto-
 lones tenues vagos exserens. Folia numerosa, fili-
 formia, solida (nec unicum canaliculato-convolu-
 tum ut in præcedente). Culmus teres, lævissimus
 sine angulis vel sulcis. Capsulæ circiter sex, lanceo-
 lato-attenuatæ, dupplo breviores quam præceden-
 tis, albo-fuscescentes. Arista juxta latus exterius
 seminis inserta, sub florescentia in nectario inclusa,
 dein vero extra os capsulæ exseritur et dimidio lon-
 gior quam capsula persistit. Stylus brevissimus in-
 tra capsulam totus inclusus atque stigmata tantum
 juxta latus interius aristæ exserens. — Itaque quoad
 omnes et singulas partes a præcedente essentialiter
 differt, ut illi vix ac ne vix affinem esse crediderim.
 Caveant quoque Botanici ne aristam pro excrescen-
 tia quadam vivipara habeant.

Floræ danicæ fig. cit. folia nimium lata exhibet,
 nec de cætero optima.

422. *CAREX rupestris*: spica simplici androgynasub-
 lineari, stigmatibus tribus, capsulis obovatis
 triquetris adpressis, squamis subrotundis cap-
 sula sublongioribus.

C. rupestris *Allion. pedem.* n. 2292. t. 92. f. 1.
Willden. spec. 4. p. 215. (senescens).

C. petræa *Wahlenb. act. holm.* 1803. p. 139.
Schkuhr caric. append. p. 35. t. Kkk. fig. 139.
Willden. spec. plant. 4. p. 214.

Hab. in collibus petrisque siccis apricis alpium Lu-
 lensium omnium et adjacentium Nordlandicarum

omnino vulgaris; nec non in altissimis alpibus septentrionalibus usque ad Rastekaise Finmarkiæ passim copiose et in alpinis maritimis Finmarkiæ usque ad Qualöam passim; sed extra altiores alpes vel infra summum Vallivare Lapp. Lulensis haud visa. Est itaque inter vulgatiore gramina alpina, spica sua fusco - picea satis spectabilis.

Radix valde multiplex et stolones multifariam se ramificantes emittens, ut copiosus cæspes formatur. Folia omnia radicalia, plana, inferne haud ita angusta sed sursum conduplicantur et valde attenuata fiunt; de cætero insigniter torta et curvata rigidiuscula, culnum fructiferum sæpe æquantia, plerumque tamen ipso duplo breviora. Culmus exacte triqueter et acutangulus, sæpe ultra spithamam altus ut inter majores hujus sectionis numeranda est hæc species. Spica medium versus incrassata ob capsulas ibi magis approximatas, basi angustata, apiceque mascula sublineari. Color spicæ florentis nigro - fuscus, maturæ pallidior. Flores feminei usque ad octo reperi, qui ob squamas grandiores et capsulas majusculas turgidasque spicam spectabiliorem constituunt quam præcedentium omnium. Squamæ foemineæ semper subrotundæ obtusissimæ, totæ scariosæ et tenuissimæ, sub florescentia totæ nigro - fuscae, maturescendo pallidiores sursum evadunt et denique ob fragilitatem evanescent. Capsulæ magis subrotundæ et gibbosiores quam in plerisque aliis Caricibus, obtusissimæ ut tantum os parum protuberat integrum, squamis plerumque parum breviores interdum tamen sublongiores.

C. petræa Flor. dan. 8. t. 1401. adeo pessima mihi videtur, ut vix citari queat.

Exemplaria bona quamquam senescentia *C. rupestris* All. in herbario Cel. *Willdenovii* asservata me demum docuerunt, hanc et meam *C. petræam* nihil differre. Squamarum margines in adultis specimenibus deraduntur et culmi longiores fiunt.

** Spiculis androgynis

† apice masculis.

425. *CAREX incurva*: spiculis apice masculis in capitulum subglobosum aggregatis, capsulis semi-

globosis rostellatis ore subintegerrimis, culmo obtusangulo incurvo?

C. incurva *Lightf. scot.* p. 544. tab. 24. *Engl. bot.* 13. t. 927. *Schkuhr car.* n. 19. tab. Hh. fig. 25.

C. spica unica subrotunda etc. *Fl. dan.* 3. t. 432.

Hab. ad littora maris et in pratis subhumidis proxime adjacentibus per totam Nordlandiam et partem proximam Finmarkiæ fere ubique copiose; nec non in Varangria visa.

Radix longe repens est, atque satis tenuis. Folia subconvoluta, mollia atque lævia. Culmus raro ultra bipollicaris longitudinis, triqueter quidem sed obtusangulus atque lævissimus, ita incurvus ut spica plerumque humi incumbit. Spica ob squamas semper albido-marginatas valde pallescens est, idque e prima florescentia, magnitudine nucis Avelanæ. Spiculæ subglobosæ, pauciores. Squamæ magine lato albido tenuissimo ornatae, pallidæ, vix mucronatae. Capsulæ sæpius fusco-nigræ, sine ore membranaceo.

Quod vidi specimen *C. juncifoliæ* *All.* ex alpi-
bus Helv. forsàn falsum fuit, et tantum varietas
C. curvulæ.

424. *CAREX chordorrhiza*: spiculis apice masculis subaggregatis, capsulis semiglobosis apiculatis, foliis brevissimis, radice filiformi procumbente.

C. chordorrhiza *Æhrh. phyt.* n. 77. *Schkuhr caric.* tab. G. fig. 31. *Flor. dan.* 8. t. 1408. haud bona.

Hab. in paludibus profundis aquosis per partem sylvaticam et subsylvaticam omnium Lapponiarum svec. sat vulgaris; ut etiam in inferalpinis Nordlandiæ et Finmarkiæ usque ad Mäsöam passim frequenter.

Radix filiformis, longe supra limum excurrent, radículasque agens et simul e latere superiore culmos simplices nudos exserens. Vaginæ pleræque culmi aphyllæ sunt, intimæ folium culmo quintuplo brevius. Culmus triqueter, lævis. Spiculæ vix ultra quatuor, breves, totæ unicolores, rufescentes. Capsulæ semiglobosæ, grandiores et gibbosiores quam in plerisque caricibus ad latera rotundatae et sine ul-

lis marginibus vel angulis, erectiusculæ vel subadpressæ, apiculatæ nec ullo modo acuminatæ, ore bilobo hyalino. Apex mascula subulata supremæ spiculæ supra reliquas eminet.

Species ita distinctissima ut ne quidem ulli cæterarum Caricum affinis est. Folia in fig. *Flor. dan.* nimium lata et longa picta sunt.

425. *CAREX paniculata* β.: spiculis apice masculis in spicam subdecompositam digestis, capsulis conico-acuminatis utrinque gibbis margine serratis ore bidentatis.

C. paniculata β. *Wahlenb. act. holm.* 1803. p. 143.

C. teretiuscula *Gooden. transact. linn.* 2. p. 163.

t. 19. f. 3. *Schkuhr car. t. T. f. 69. Willden. spec. 4. p. 244.*

Hab. in Nordlandia inferalpina rarissime, nempe unico loco juxta Lyngensfjord solo uliginoso umbroso parce lecta.

Methodus illa Carices spiculatas dividendi ex situ florum masculorum præstantissima est utpote quæ species proxime affines optime conjungit. Spiculæ omnes in hac divisione ejusdem magnitudinis atque figuræ, nec spicula extima cæteris longior ut in sequentibus plerisque.

†† Spiculis basi masculis.

426. *CAREX leporina*: spiculis basi masculis quinis approximatis ovalibus, squamis capsulam æquantibus, capsulis ovatis acuminatis membranaceo-marginatis ore bifidis.

C. leporina *Linn. svec. n. 857. lappon. n. 322.*

Lightf. scot. p. 547. Leers herb. 195. t. 14.

f. 6. bona. *Gmel. sib. 1. p. 147. n. 90.*

C. ovalis *Gooden. transact. linn. 2. p. 148.*

Schkuhr caric. p. 39. t. B. f. 8. Willden.

spec. plant. 4. p. 229.

Gr. præcedentibus affine. *Burseri herb. 1. n. 22.*

Linn. plant. Martino-Burserian. p. 2.

Hab. in parte sylvatica infima Lapponiarum meridionalium rarius; ad templum Sorselense eam quoque copiose legi, cum foeno alieno ni fallor illuc apportatam.

Hæc in sylvatica parte crescit ubi Linnæus ipse suam *C. leporinam* legit; sequens species autem in

solis alpinis occurrit ubi se nunquam eam vidisse prædicat. Exinde et ex herbario Burseriano certissimum fit, quod hæc ipsa Linnæi *C. leporina* originalis est; sin minus nulla mihi adest ratio repudiendi certam plantam e flora svecica, et quærendi incertam e flora lapponica. Estne id umbram quærete? Num in prima adolescentia ipse suas plantas fixe determinatas habuit? Cur non melius pro certum accipere id quod sub virili ætate certum determinavit? præcipue Floræ svecicæ plantas; et repudiandum solummodo confusiones, quas senex introduxit.

427. *CAREX lagopina*: spiculis tribus basi masculis confertis subglobosis, squamis capsula brevioribus, capsulis subrotundis acutis obtuse marginatis ore subintegris.

C. lagopina *Wahlenb. act. holm.* 1803. p. 145.

C. leporina *Flor. dan.* 294. *Willden. spec.* 4. p. 229. n. 46. *Schkuhr caric. append.* p. 17. tab. Fff. fig. 129.

C. Lachenalii *Schkuhr caric. tab.* Y: fig. 79.

Hab. per totum alpinum jugum omnesque alpes adjacentes in campis subuliginosis elatioribus frigidis ubique frequenter, unde etiam cacuminum latera parcius salutat; nec non in alpinis maritimis Nordlandiæ septentrionalis et totius Finmarkiæ parcius; haud vero infra Givorten Lapponiæ Umenensis, Peliekaise Lapponiæ Pitensis, Snirrak Lapponiæ Lulensis et Kielijärvi Lapponiæ Tornensis descendit.

Memorabilis species et optime a præcedente distincta. Ipsum gramen duplo triplove minus quam præcedentis, atque magis lutescentis coloris. Culmus triqueter et acutangulus, sed semper lævis. Spiculæ præcipue inferiores sæpe satis oblongatæ occurrunt, attamen capsulæ bene maturæ denique ita patent ut prorsus subglobosæ evadunt spiculæ. Squamæ parvæ vel capsula multum breviores, obtusiusculæ. Capsulæ tam breviores et ita præcedentis capsulis dissimiles tum respectu formæ ac substantiæ, ut de affinitate earum fere dubitare liceat. Hujus capsulæ tantum acutæ et breviter rostellatæ (nec acuminatæ), colore fulvescentes vel rufescentes unde tota spica eundem colorem acquirit; marginibus ob-

tusiusculis atque integerrimis. Stigmata neque in hac incurvata ut in præcedente.

Lagopinam eam dixi non tantum quia leporinæ affinis, verum etiam quia Tetraones Lagopi ejus seminibus delectantur et aluntur. Nec itaque nomen convenientissimum et antiquius inmutare volui.

428. CAREX *glareosa*: spiculis ternis subconfertis oblongis: terminali basi mascula, capsulis oblongis attenuatis nervosis squamas æquantibus, foliis angustissimis, culmo flaccido.

C. *glareosa* *Wahlenb. act. holm.* 1803. p. 146.

Schkuhr car. append. p. 24. tab. Aaa. fig. 97.

Hab. ad littora maris *glareosa* vel sabulosa sicciora totius Nordlandiæ et Finmarkiæ usque ad templum Kistrand et Tana passim copiose.

Præcedentem quoad habitum exteriorem haud male refert, sed C. *Heleonastidi* re vera proxime affinis est, et a C. *alpina* etc. omnibus partibus abhorret. Radix valde implexa et ramosissima. Gramen molle et tenue constituit foliis suis angustissimis lineam unam haud latis simulque conduplicatis, culmo multum brevioribus. Culmus acutangulus quidem est sed nunquam serrulatus, admodum flaccidus ut fere debilis, haud ultra spithamam longus. Bracteæ spicularum totæ scariosæ. Spiculæ haud ultra tres plerumque tantum binæ, contiguæ. Squamæ fuscae, marginibus albicantes, capsulis fere longiores. Capsulæ fere semiteretes, longius acuminate, erectæ vel fere adpressæ, virescentes, nervosæ. Spica terminalis cæteris longior est, atque sola quæ ad basin floribus masculis instruitur.

429. CAREX *Heleonastes*: spiculis quinis basi masculis approximatis ovalibus, capsulis ovatis acutis utrinque convexiusculis patentibus, culmo stricto.

C. *Heleonastes* *Ehrh. phytoph. n.* 28. *Schkuhr caric. n.* 42. tab. Ii. fig. 97.

Hab. in paludibus aquosis apricis per partem sylvaticam Lapponiarum svecicarum usque ad Enontekis passim copiose.

Tota stricta, rigidiuscula et aspera, atque multoties major quam C. *glareosa*. Radix cæspitosa, nec proprie dictu ramosa. Folia conduplicata, rigida, acute serrulata. Culmus acutangulus serrula-

tus vel admodum asper, plerumque ultra pedem altus. Bracteæ spicularum mucrone rigidulo instructæ. Spiculæ omnes æquales atque floribus masculis ad basin instructæ, subcontiguæ, ovales vel potius subglobosæ. Squamæ capsulis nonnihil breviores, obtusæ. Capsulæ compressæ, obtusangulæ, extus sub ore sinu rimæformi impresso pernotabili. Tota spica castaneo-pallescentis coloris.

430. *CAREX stellulata*: spiculis quaternis basi masculis, capsulis ovato-attenuatis acutangulis serrulatis divaricatis.

C. stellulata Schreb. *spicil.* — Gooden. *transact. Linn.* 2. p. 144. Schkuhr *caric.* n. 34. tab. C. fig. 14. *Engl. bot.* 12. t. 806. Willden. *spec. plant.* 4. p. 236.

C. muricata Linn. *svec.* n. 839. *Lightf. scot.* p. 549. *Flor. dan.* t. 287. Leers *fl. herb.* p. 196. t. 14. f. 8. Zoega *island.* — Gmel. *sib.* 1. p. 148. n. 91. Falk *russ. topogr.* 2. p. 251.

Cyperoides nemorosum spicis parvis asperis. *Celsii herb.* n. 198.

Hab. in humidis graminosis inferalpinis Nordlandiæ meridionalis rarius ex. gr. a me lecta pluribus locis ad sinum intimum Saltensem; nec non in infimo Lapponiæ Umensis limite.

431. *CAREX loliacea*: spiculis basi masculis subdistantibus paucifloris, squamis capsula duplo brevioribus, capsulis oblongo-ellipticis obtusis obtusangulis divergentibus.

C. loliacea Linn. *svec.* n. 840. Willden. *spec. plant.* 4. p. 237. *Flor. dan.* 8. t. 1403.

C. tenella Schkuhr *car. append.* p. 18. tab. Pp. fig. 104.

Hab. in pratis udis et paludosis Lapponiarum meridionalium sylvaticarum passim usque ad Sorsele Lapponiæ Umensis et ad Arjeplog Pitensis; nec non in inferalpinis udis totius Nordlandiæ rarius, ut etiam Utsjokiæ visa.

A Linnæo haud male suæ *Carici muricatæ* (quæ nostra *C. stellulata* est) comparatur, cui re vera valde affinis est. Totum gramen omnium gracillimum et mollissimum, foliis dimidiæ tantum lineæ latitudinis. E radice valde ramificatur, et sa-

tis densos cæspites constituit. Culmi sæpe pedalis longitudinis, graciles, læves. Spiculæ semper virescentis coloris sunt, sub florescentia semine carvi vix majores, bracteola setacea suffultæ. Squamæ albicantes, omnium tenuissimæ. Capsulæ in singula spicula tres vel quatuor, ita obtusæ ut apice fere rotundatæ, utrinque convexiusculæ nervosæ; ob formam suam seminibus *Lolii temulenti* haud dissimiles, ut nomen omnino bonum.

432. *CAREX tenuiflora*: spiculis ternis basi masculis confertis subpaucifloris, squamis subæquantibus, capsulis ovato-oblongis acutiusculis subacutangulis.

C. tenuiflora *Wahlenb. act. holm.* 1803. p. 147.
Schkuhr caric. append. p. 17. tab. Eeee.
fig. 187.

Hab. in paludibus aquosis graminosis pratisque maxime udis per partem subsylvaticam omnium Lapponiarum svec. præcipue vero Tornensis vulgaris.

Quin præcedenti valde affinis sit nullus dubitat. Tenuitate foliorum et gracilitate omnium partium eam vix cedit. Culmus asperior est nec ita tenuis. Spiculæ magis flavescent, dum florent minutæ ut in præcedente (quam ob causam tenuifloram dixi), dein vero grossificantur et pisi magnitudinem fere acquirunt, ut vix eandem plantam crederes. Capsulæ in singula spicula circiter decem, semper erectæ; ejusdem circiter faciei ac in præcedente, sed acutiores tum apice ac marginibus.

433. *CAREX canescens*: spiculis subsenis basi masculis subapproximatis, capsulis ovatis acutiusculis obtusangulis adpressis squama longioribus.

C. canescens *Linn. svec.* n. 842. *lappon.* n. 332.
Flor. dan. t. 285. *Lightf. scot.* p. 550.
Zoega island. —

C. curta *Gooden. transact. Linn.* 2. p. 145.
Schkuhr caric. n. 33. tab. C. f. 13.

C. elongata; ex torfaceis Juræ. *Schleicher exsicc.* n. 16.

Cyperoides spicatum minus, spica longa divulsa s. interrupta. *Celsii herb.* n. 199.

C. Richardi Michaux amer. 2. p. 170.

β. *alpicola*: spiculis superioribus aggregatis, capsulis patentibus acutis subacutangulis.

C. elongata Gunner. *norv.* n. 713?

C. Gebhardi Schkuhr *caric. app.* p. 22. tab. H h h h.
fig. 192.

C. curta; ex monte Fouly. *Schleich. exs.* n. 13.

Hab. α . in aquosis Lapponiarum omnium sylvaticarum ubique; sed β . in alpinis locisque subalpinis et inferalpinis longe vulgatissima.

In vulgari planta α . spicula terminalis plerumque non nihil major est, atque basi elongata mascula a ceteris distat. Totum gramen magis albicans, unde nomen Linnæi mihi optimum videtur et neutiquam omittendum.

Varietas β . *alpicola* spiculas numerosiores atque magis flavescens habet, quarum inferiores subpedicellatæ, superiores minores atque confertæ, sine basi elongata; capsulæ multum acutiores atque patentiores. Hæc forsitan in Herbario Linnæano asservatur, et ab Anglis pro originali *C. canescente* habetur.

434. *CAREX norvegica*: spiculis quaternis basi masculis subapproximatis oblongis, capsulis lenticularibus apiculatis squama brevioribus, bracteo-
lis cuspidatis.

C. norvegica Willden. *spec. plant.* 3. n. 42.
Schkuhr caric. n. 40. tab. S. fig. 66. florens.

Icon tab. nostr. XV. fig. 3. (seminifera).

Hab. in littoribus maris limosis sub fluxu fere inundatis totius Nordlandiæ et proxime adjacentis Finmarkiæ vulgaris.

Gramen totum flavescens, molle, atque crassiusculum, spiculis suis longe turgidioribus quam in affinis facile distingvendum. De cætero nulli affinium quam præcedenti videtur. Radix dense cæspitosa, fixa atque difficile evellenda. Folia latiora simulque breviora quam in præcedente, dimidiam partem culmi vix attingentia. Culmus raro ultra spithamam altus, ut inter breviores Carices numeranda est; triqueter et acutangulus sed lævis vel integerimus, strictus. Spiculæ duplo triplove majores et crassiores quam in præcedente, ex fulvo flavescens atque nitidæ; quarum terminalis basi elongata mascula notabilis est. Squamæ capsulas prorsus tegunt atque obvolvunt, iisque longiores sunt, obtusissimæ. Capsulæ omnino orbiculares et simul utrin-

que convexiusculæ unde lenticulares merito dicuntur (quod rarum in hac sectione exemplum), ore integerrimæ. Reperi monstrum hujus plantæ spiculis e singula bractea fasciculatis.

Quum icon *Schkuhrii* ad plantam florentem factus est, meum suppressere nolui; cujus *explicatio* hæc est: a. culmi seminiferi superior pars. b. culmi pars exsecta inanis magn. auct. c. capsula cum squama introrsum visa magn. nat. — d. eadem magn. auct. — e. capsula denudata magn. nat. — f. eadem magn. auct. — g. capsula transversim secta. h. semen integrum et i. sectum.

*** Spicis pluribus sexu distinctis.

† Bracteis vaginantibus (stigmatibus tribus).

435. *CAREX flava*: spicis subapproximatis ovalibus incluse pedunculatis, bracteis foliatis, capsulis obovatis nervosis: rostro subulato deflexo ore bifido.

C. *flava* Linn. *svéc. n.* 843. *lappon. n.* 334. *Leers herb. n.* 714. *tab.* 15. *f.* 6. *bona. Michaux amer. 2. p.* 171. *Lightf. scot. p.* 551. *Engl. bot. 18. t.* 1294. *Falk. russ. topogr. 2. p.* 251.

β. *lutescens*: capsulæ rostro brevior rectiusculo, marginibus foliorum incurvis.

C. *Oederi* Ehrh. *gr.* 79. *Schkuhr car. n.* 55. *tab. F. fig.* 26. *Engl. bot. 25. t.* 1773. *Michaux amer. 2. p.* 171.

Hab. α. locis udis in parte sylvatica et subsylvatica Lapponiarum meridionalium usque ad Enontekis passim parcius, nec non in inferalpinis Nordlandiæ frequentius; sed β. nonnisi in maritimis Nordlandiæ passim.

α. folia habet latiuscula flavescentia plana marginibus fere recurvis; culmum acutangulum plerumque serrulatum.

β. folia multum angustiora, viridiora et marginibus fere semper incurvis prædita; culmus obtusangulus. An planta *Oederi* in *Flor. dan.* — sit adhuc dubitamus.

Differunt itaque hæc varietates non parum etiam respectu loci; sed limites inter utrasque vix dantur.

436. *CAREX filiformis*: spicis subsessilibus oblongis remotiusculis, bracteis breviter vaginantibus fo-

liatis, capsulis ellipticis villosis bifurcatis, foliis subfiliformibus.

C. filiformis *Linn. svec. n. 847. Engl. bot. 13. t. 904. Flor. dan. 8. t. 1344. optim. Schkuhr car. n. 68. t. K. f. 45. Gooden. transact. linn. 2. p. 172. t. 20. fig. 5.*

C. tomentosa *Lightf. scot. p. 553.*

C. hirta *Flor. dan. t. 379. Linn. flor. lappon. n. 335?*

Hab. in ripis lacuum et paludum per partem sylvaticam et subsylvaticam Lapponiarum omnium svec. passim copiose; nec non in inferalpinis Nordlandiæ rarius.

Folia re vera subfiliformia sunt, inferne subconvoluta, dein canaliculato-triquetra. Culmus adeo gracilis, ut nomen Linnæi valde adæquatum putamus. Ex observatione in *Floræ svec. ed. 1. n. 760.* (ubi comparatur *Carici ampullaceæ*), confirmatur quod hæc sit Linnæi species; nulli enim et habitu similior et loco crescendi magis conveniens quam *C. ampullaceæ*. Vix dubito quin *C. hirta* vera in Lapponia non crescat cum neque in ulla provincia boreali Sveciæ provenit, nec in Helvetia alpina est.

437. *CAREX rotundata*: spicis subsessilibus ellipticis distantibus, bracteis breviter vaginantibus foliatis, capsulis subglobosis nitidis inflatis rostellatis ore emarginatis, squamis obtusis, foliis subfiliformibus.

C. rotundata *Wahlenb. act. holm. 1803. p. 153. Flor. dan. 8. t. 1407. Schkuhr car. n. 71. tab. Gg. fig. 93.*

C. globularis *Vahl in act. hist. nat. hafn. 2. p. 45.*

Hab. in paludosis aquosis per partem subsylvaticam et subalpinam Lapponiarum præcipue septentrionalium satis frequenter.

Magnitudine admodum variat: plerumque spithamæa est tuncque distinctissima videtur; sed sæpe eam ultra sesquipedalem vidi, facie prima *C. filiformi* similem, et revera *C. ampullaceæ* adeo affinem, ut diu dubitavi an tute ab ea distingvi potuisset. Folia culmo ipso multum tenuiora et convoluta, ut fere filiformia apparent (quo optime a *C. ampullaceæ* distingvitur), apicem versus triquetra,

longitudine culmum fere æquantia. Culmus omnino teres et lævissimus, interdum ut supra dixi sesquipedalis et ultra. Bracteæ culmum breviter vaginant ut in *C. filiformi*: folio culmum æquante. Spicæ interdum subcylindræ, obtusæ et nunquam apice masculæ. Squamæ ovatæ, adeo obtusæ ut fere rotundatæ, capsulis breviores. Capsulæ prorsus subglobosæ, breviter rostratæ, valde nitidæ et plerumque unacum squamis brunnei coloris, valde patentes ut fere divergentes, ore bilabiato. Spica mascula altera ad basin spicæ terminalis sæpe adest.

Fl. dan. fig. cit. folia adeo lata sistunt, ut habitum *Caricis pullæ* fere acquirit planta.

438. *CAREX panicea*: spicis exserte pedunculatis laxis remotiusculis, bracteis vaginantibus subfoliatis, capsulis subsparsis subinflatis: apice deflexo integerrimo.

C. panicea *Linn. svec. n. 853. lappon. n. 533. Leers fl. herb. p. 203. t. 15. f. 5. Schkuhr caric. n. 93. tab. Ll. fig. 100. Lightf. scot. p. 558. Falk russ. topogr. 2. p. 251. Gmel. sib. 1. p. 136. n. 74. Flor. Kamtschatk. in Arct. Zool. p. 196. Georgii fl. baikal. p. 233.*

? *C. globularis* *Flor. dan. 3. t. 443.*

β. sparsiflora: floribus magis sparsis, capsulis vix inflatis.

Hab. ubique vulgatissime tum in alpibus ac extra et infra alpes, α. locis uliginosis paludosis sterilibus,

β. locis siccioribus fertilioribus et suboccultis.

Varietas α. quæ planta notissima est, habet folia semper glaucescentia rigidiuscula, et spicas glauco-fuscescentes.

β. gaudet foliis lutescenti-viridibus, mollioribus, brevioribus; spicis lutescentibus angustissimis; capsulis angustioribus, magis acuminatis, apertura ampliore uniloba.

439. *CAREX livida*: spicis subincluse pedunculatis sparsifloris remotiusculis, bractearum foliolo convoluto, capsulis oblongis subdepressis obtusis.

C. limosa *δ. livida* *Wahlenb. act. holm. 1803. pag. 162.*

C. livida Willden. spec. 4. p. 285. Schkuhr caric. append. p. 58. tab. Ssss. fig. 211.

Hab. in paludibus limosis et juxta scaturigines per partem sylvaticam totam Lapponiarum svecicarum usque ad Enontekis passim frequenter.

Postquam eam copiosius legi, quasi mediam esse reperi inter *C. paniceam* et *C. limosam*; huic affinitate ex partibus fructificationis petita propior est, illi vero habitu longe similior. Radix cæspitosa, crassa, stolonifera. Folia eximie glauca et rigidiora quam in *C. panicea*, cui de cætero similia. Culmus plerumque pedalis, strictior quam in prædictis speciebus, triqueter, obtusangulus. Bracteæ minus a se invicem remotæ quam in *C. panicea* (nisi unica abnormiter subradicalis sit et tunc spicam longissime pedunculatam fulcrat); vaginis constrictioribus quam in *C. panicea*, interdum longitudinem spicæ æquantibus; foliolo semper angustissimo convoluto longitudine spicæ, quo optime a *C. panicea* distingvitur. Spicæ semper erectæ strictæ, ejusdem fere formæ ac in *C. panicea*; sed capsulæ depressæ vel planiusculæ, obtusæ, et ejusdem indolis ac in *C. limosa* a.

440. *CAREX laxa*: spicis pendulis subdensifloris remotis, bracteis vaginantibus foliatis, capsulis oblongis obtusiusculis depressis squamas obtusas æquantibus.

C. laxa Wahlenb. act. holm. 1803. p. 156.

Icon tab. nostr. XV. fig. 1.

Hab. rarissime in ripis lacuum turfosis; a me non nisi ad Kaunavaara haud procul templo Enontekensi frequenter lecta.

Quod etiam hæc ob fructificationem fere eandem *C. limosæ* proxime affinis sit, non dubito; sed folia totusque habitus adeo abunde diversus, ut nequit non distinctissima esse. Totum gramen flavescens est atque valde molle et laxum fere ut in *C. pallescente*. Folia ultra lineam lata, nervosa, culmo plerumque dupplo breviora. Culmus adeo tenuis et flaccidus ut fere decumbit, sæpe bipedalis, semper lævis. Bractearum vaginæ laxiusculæ, ipsis spicis sæpius longiores; folio spicas superante, latitudine fere foliorum radicalium, sæpius undulato ut in *C. pallescenti*. Squamæ fulvæ unicolores, sine nervo.

Capsulæ oblongæ, utrinque attenuatæ cum ore protuberante.

Explicatio iconis: a. gramen totum seminiferum. b. pars culmi exsecti magn. auct. c. capsula cum squama sua magn. auct. d. squama seorsim. e. capsula integra. f. capsula transversim secta.

441. *CAREX ustulata*: spicis ovalibus pendulis subapproximatis, bracteis laxè vaginantibus subaphyllis, squamis acuminatis capsula brevioribus, capsulis ovalibus acuminatis planiusculis ore bidentatis.

C. ustulata *Wahlenb. act. holm.* 1803. p. 156.

Willden. spec. 4. p. 293.

C. atro-fusca *Schkuhr car. n.* 90. tab. Y. fig. 82.

Hab. in alpibus Lulensibus centralibus circa Virihjaur, Sorjåsjaur etc. locis tum uliginosis ac fertilioribus irrigatis fere ubique frequenter; nec alibi vel extra alpem Jegna-apo unquam visa.

Gramen valde memorabile est; atque adeo distinctum, ut dubito cui nostrarum affine sit. Radix crepitosa et vix stolonifera. Folia latiuscula scil. lineam unam cum dimidia diametro æquantia, simulque brevissima vix bipollicaria, et rigidula marginibus subrecurvis. Culmus magis foliosus quam in plerisque cæteris, strictus, obtusangulus, fere semper spithamam altus. Bracteæ approximatae ita ut vagina inferioris insertionem superioris fere attingit; vaginæ laxiusculæ et sursum ampliatae, longitudine spicarum; ad aperturam atropurpureæ sine ligula truncata, in apicem subulatum pedunculos æquantem attenuatae. Spicae omnes et totæ purpureo-atræ, ex apice culmi strictioris pendulae et ictu ventis tremulantes, unde hæc species primo intuitu e longinquo dignoscitur. Squamæ ovato-oblongæ, acuminatae, capsulis parum breviores sed iis multum angustiores, atræ. Capsulæ adeo planæ atque depressæ ut similes inter Carices spic. sexu distinctis haud existunt, atræ et versus basin tantum purpurascentes. Stigmata etiam purpurascencia. Spica mascula cæteris vix tenuior et plerumque etiam pendula reperitur.

442. *CAREX capillaris*: spicis sparsifloris subpaucifloris longe pedunculatis cernuis subdistantibus,

bracteis vaginantibus subfoliatis, capsulis oblongis attenuatis ore unilobis.

- C. capillaris *Linn. spec. n. 831. lappon. n. 526. Engl. bot. 29. t. 2669. optim. Schkuhr caric. n. 82. tab. O. fig. 66. Lightf. scot. p. 557. Zoega island. —*

Hab. in graminosis duris rupibusque maritimis, inferalpinis et alpinis per totam Nordlandiam et Finmarkiam usque ad Utsjoki sat vulgaris; unde in alpium meridionalium et Tornensium jugo parcius adscendit, et usque in parte subsylvatica Lapponiarum Svecicarum rarius ex. gr. ad Savujärvi Lapponiæ Enarensis et prope Löfmock Lapponiæ Pitensis provenit; sed in proprie sylvaticis non crescit.

Svecicæ plantæ omnibus partibus optime convenit. Capsulæ margines prope aperturam sæpius serrulati.

443. *CAREX digitata*: spicis linearibus sparsifloris subexserte pedunculatis: femineis masculam superantibus, bracteis vaginantibus aphyllis, capsulis turbinatis pubescentibus.

- C. digitata *Linn. spec. n. 844. lappon. n. 538. Leers fl. herb. p. 199. t. 16. f. 4. Willden. spec. plant. 4. p. 256. Schkuhr car. n. 63. tab. H. fig. 38. Smith. brit. 3. p. 979. Engl. bot. 9. t. 615.*

Hab. in sylvatica parte infima Lapponiarum maxime meridionalium rarius vixque nisi in insulis fluminum majorum lecta ex. gr. ad Hellforsen prope Lycksele; nec non in collibus inferalpinis Nordlandiæ meridionalis raro, ex. gr. in Önäset Saltensium visa.

†† Bracteis amplexantibus s. dimidiatis (stigmatibus tribus).

444. *CAREX pedata*: spicis subpedunculatis approximatis sparsifloris paucifloris, bracteis amplexantibus cuspidatis, capsulis subglobosis apiculatis ore bilobis nitidis.

- C. pedata *Linn. spec. plant. p. 1384. Icon tab. nostr. XIV.*

Hab. in collibus et lateribus asperis siccis alpium Lulensium ad latus meridionale lacus Virih-jaur

positarum rarius copiose: ego eam inter *Scirpum Bellardi* crescentem reperi ad latus meridionale alpis Kajsats et alpis Lill-Tokin pluribus locis frequenter.

A præcedente adeo distat, ut nulla fieri potest comparatio huic; *Carici ericetorum* quidem habitu similior, sed neque illi neque alii cuidam Carici nostrarum affinis esse videtur. Ad *C. glomeratam Schkuhr* n. 65. proxime accedit forma capsularum, sed abunde diversa est spicis paucifloris et sparsifloris. Radix valde ramosa et conglobata, ut densos cæspites format hoc gramen ad basin fuscescens. Folia angustissima vix unquam ultra dimidiam lineam lata, longitudine pollicaria vel paullo ultra, plana rigidula, culmo dupplum breviora. Culmus vix ultra digitalis, strictus, obtusangulus vel rotundatus. Bractea infima culmum ita brevissime vaginat ut nonnisi amplexens dici potest, ore fulvescente, cuspidate subsetacea spicis propriis plerumque brevior terminata. Spicæ femineæ subexserte pedunculatæ, quinquefloræ et subsparsifloræ; rachide valde flexuosa. Squamæ subrotundæ, obtusissimæ, totæ scariosæ, fuscæ, capsulis breviores. Capsulæ omnino subglobosæ, nitidæ; ore hyalino bilabiato. Spica mascula tenuis cæteris parum altior.

- Explicatio iconis.* a. Carex tota seminifera. b. Pars suprema culmi cum spiculis magn. duplo aucta. c. Capsula cum squama sua magn. nat. — e. eadem magn. aucta. — d. Capsula denudata. f. Capsulæ suprema pars ut videatur os capsulæ. g. Capsulæ transversaliter dissectæ inferior pars.
445. *CAREX globularis*: spicis sessilibus ovatis distantibus, bracteis amplexentibus foliaceis, capsulis ovatis acutis hispidis squama longioribus, foliis angustissimis.

C. globularis Linn. svec. n. 846. lappon. n. 336. Schkuhr. caric. append. p. 52. tab. Eeee. fig. 183.

Hab. locis subhumidis turfosis duris sylvarum per partem sylvaticam præcipue inferiorem omnium Lapponiarum Svec. sat vulgaris: usque ad Sorsele Lapponiæ Umensis, Arjeplog Lapponiæ Pitensis, Tjomonotes Lapponiæ Lulensis, fere ad Enontekis Lapponiæ Tornensis et Savujärvi Lapponiæ Kemensis

mensis procedens; sed in Svecia proxima longe vulgarior. In Norvegico latere alpium haud visa.

Totum gramen gracillimum est, quoad habitum *C. remotæ* haud dissimile; de cætero nulli affnior quam *C. montanæ* L. Radix valde ramosa atque implicata, simulque satis tenuis et laxa, vaginis purpureis superne tecta ut in *C. montana*. Folia haud ultra dimidiam lineam lata; mollia atque gracilia, culmo fructifero duplo triplove breviora. Culmus pedalis et ultra, adeo flaccidus ut fere decumbens, triqueter, acutangulus et plerumque serrulatus. Bractæ foliaceæ eandem fere magnitudinem habent ac folia radicalia, atque altitudinem culmi æquant. Spicæ femineæ minores quam in plerisque affnibus, griseo-virescentis coloris. Squamæ obtusæ, capsulis duplo fere breviores. Capsulæ subgloboso-ovatæ, subcostatæ vel angulatæ, ore integerrimo protuberante. Spica mascula gracillima, ut fere subulata.

446. *CAREX alpina*: spicis ternatis subglobosis subsessilibus approximatis: terminali androgyna, bracteis amplectentibus subfoliaceis, capsulis subglobosis apiculatis asperis.

C. alpina Swartz — *Liljeblad svensk. flor. p.* — *Zoega island.*?

Cyperoides alpinum etc. *Flor. dan.* 3. t. 403.

C. Vahlîi Schkuhr car. n. 72. tab. Gg. fig. 94. et *append. p.* 46. tab. Ppp. fig. 154. *Willden. spec. plant.* 4. p. 252.

β. inferalpina: capsulis oblongis lævibus, spica terminali sæpe mascula.

Hab. præcipue *β.* in graminosis humidiusculis inferalpinis per Nordlandiam vulgatissime et Finmarkiam totam usque ad Utsjoki passim; at *α.* in jugi alpini Nordlandici humidioribus frequenter, unde rarius usque ad Quickjock et partem subalpinam Lapponiarum meridionalium descendit; nec non juxta Lapponiæ Umensis flumina ad Rovostrand, Gransele, Björksele et Lycksele provenit.

α. tota brevior et strictior, culmo lævi, capsulis fulvescentibus vel interdum fuscescentibus evidenter asperis.

β. longior et gracilior est, culmo sæpius serrulato, capsulis elongatis albescentibus. Spicam ter-

minalem masculam in hac sæpe observavi, quæ vix in præcedente varietate.

In utraque squamæ semper totæ aterrimæ et capsulis dimidio breviores, obtusiusculæ; adeo ut hæ partem constantiorem constituunt in planta hac variabili. Folia mollia, læte viridia sunt.

447. *CAREX atrata*: spicis pedunculatis cylindricis contiguis cernuis: terminali androgyna, bracteis subamplectentibus, capsulis ovalibus planiusculis apiculatis.

C. atrata Linn. *svec.* n. 849. *lappon.* n. 324. *Schkuhr car.* n. 44. tab. X. fig. 77. *Engl. bot.* 29. t. 2044. *Lightf. scot.* p. 555. *Gmel. sib.* 1. p. 149. n. 92. *Georgii fl. baikal.* p. 233.

Hab. in summis alpibus Lapponiarum meridionalium locis irrigatis passim, unde etiam in subalpinis ad Quickjock alibique descendit; sed de cætero nonnisi in graminosis inferalpinis durioribus per Nordlandiam septentrionalem et totam Finmarkiam maritimam usque ad Varangriam satis frequenter (nec ibi in alpibus).

Radix crassa et firma. Folia culmo suo triplo latiora, interdum duo lineas lata, saturate viridia, marginibus recurvis. Culmus triqueter: angulis acutissimis. Spicæ fasciculi instar in apice culmi congestæ et altitudine fere æquales sunt; laterales totæ femineæ; terminalis vel intermedia basi mascula, cæteris de cætero æqualis. Squamæ acutæ, tum longitudine et latitudine capsulas plerumque æquantes et tegentes. Stigmata semper tria vidi. Capsulæ in summis alpibus fuscae occurrunt, adeo ut de differentia *C. nigræ* All. adhuc dubito.

448. *CAREX limosa*: spicis pedunculatis oblongis pendulis, bracteis amplectentibus subsetaceis, capsulis ellipticis depressis obtusiusculis squama brevioribus.

α. foliis angustissimis, culmo acutangulo laxo.

C. limosa Linn. *svec.* n. 850. *lappon.* n. 325. *Engl. bot.* 29. t. 2043. bona. *Schkuhr car.* tab. Tt. fig. 107. *Flor. dan.* t. 646. *Lightf. scot.* p. 556. *Zoega island.* — *Gmel. sib.* 1. p. 140. n. 80. *Georgii fl. baikal.* p. 234.

β. rariflora: spicis sparsifloris, squamis obtusis capsulas obvolventibus, culmo obtusangulo.

γ. irrigata: foliis latiusculis, squamis elongatis capsula subrotunda duplo longioribus.

Icon tab. nostr. XV. fig. 2.

Hab. *α.* in paludibus fluctuantibus limosis per partem sylvaticam et subsylvaticam omnium Lapponiarum vulgaris; *β.* locis uliginosis maritimis Nordlandiæ et Finmarkiæ passim; *γ.* in aquosis irrigatis per partem sylvaticam et subalpinam omnium Lapponiarum vulgarissime, ut etiam in alpinis et inferalpinis passim.

α. habet folia culmo vix latiora, spicas subdensifloras: squamis capsula parum longioribus.

β. folia parum latiora; culmus strictus; bracteæ mucrone pedunculis brevior terminatæ; spicæ lineares et sparsifloræ; squamæ subrotundæ capsula vix longiores plerumque piceæ; capsulæ adpressæ.

γ. præcedente magis memorabilis: foliis latiusculis; culmo stricto acutangulo, et inprimis spicis ob squamas longas patentes satis squarrosis crassis atque spectabilibus. Hæc in tota Svecia septentrionali vulgaris est. — *Explicatio iconis* ejus: a. folii superior pars. b. culmi superior pars cum spicis seminiferis. c. capsula cum squama duplo aucta. d. capsula magis aucta. e. capsula transv. secta.

C. limosa Linn. *svec. ed.* 1. n. 762. est *C. flacca* Schreb. tum secundum locum in Itin. gottland. — tum secundum synonymon: Gr. cyperoides foliis caryophylleis etc. *Celsii herb.* n. 195.

449. *CAREX pallescens*: spicis pedunculatis subcylindricis nutantibus, bracteis subamplectentibus foliaceis, capsulis ellipticis teretiusculis obtusis.

C. pallescens Linn. *svec.* n. 852. *lappon.* n. 327. *Fl. dan.* 6. t. 1050. mala. *Leers fl. herb.* p. 203. t. 15. f. 4. *Schkuhr car.* n. 92. tab. K k. fig. 99. *Gmel. sib.* 1. p. 139. n. 78. *Lightf. scot.* p. 558. *Georgii fl. baikal.* p. 233.

Hab. in sylvis Lapponiarum maxime meridionalium rarissime; ut etiam in inferalpinis Nordlandiæ rarius, ubi eam bis terve legi.

Folia in speciminibus lapponicis non evidentér pubescentia; sed culmus serrato-ciliatus est.

450. *CAREX ampullacea*: spicis subpedunculatis cylindræis: masculis pluribus, bracteis amplectentibus foliaceis, squamis lanceolatis

subæquantibus, capsulis subglobosis rostratis bifurcatis, culmo obtusangulo.

C. ampullacea Gooden. *transact. Linn.* 2. p. 207. *Engl. bot.* 11. t. 780. *Schkuhr caric.* n. 104. tab. Tt. fig. 107. *Willden. spec.* 4. p. 308.

C. obtusangula Ehrh. *gram.* n. 50.

C. vesicaria β . *Linn. svec.* n. 856. *Flor. lapp.* n. 328. *Gmel. sib.* 1. p. 143. n. 83. 2.

C. vesicaria *Lightf. scot.* p. 566.

Lapponibus *Kabmak-suoine* s. *Kabmak-talles* (i. e. calceorum gramen).

Hab. in aquosis sylvaticis omnibus ut etiam subalpinis totius Lapponiæ vulgarissime.

Folia satis lata, sed exsiccatione eximie convolvuntur, et satis flexibilia et mollia, unde ad calceos lapponum implendos omnium aptissima sunt. Nec quis Botanicorum svecanorum unquam dubitavit, quin hæc sit *Floræ lapp.* n. 328.; quod synonymon a *C. sylvatica* *Huds.* longe abhorret, quæ planta nonnisi ducenta miliaria svecana a Lapponia crescit. Squamæ valde angustæ sunt et ad os capsulæ pertingunt, quo optime a *C. rotundata* distingvitur.

451. *CAREX vesicaria*: spicis subpedunculatis cylindraceis, bracteis amplectentibus foliaceis, squamis oblongis, capsulis oblongis inflatis acuminatis bicuspidatis, culmo acutangulo.

C. vesicaria *Linn. svec.* n. 856. *lapp.* n. 331. *Schkuhr car.* n. 103. tab. Ss. fig. 106. *Gmel. sib.* 1. p. 143. n. 84. var. 1.

C. inflata *Lightf. scot.* p. 567.

β . spicis minoribus fusciscentibus.

Hab. in ripis lacuum et fluviorum per partem sylvaticam Lapponiarum passim; at β . usque in subalpinis rarius.

Squamæ hujus speciei latiores simulque capsulis multum breviores.

452. *CAREX Buxbaumii*: spicis sessilibus oblongis remotiusculis, terminali androgyna, bracteis subamplectentibus foliaceis, squamis cuspidatis, capsulis ellipticis triquetris obtusis asperulis.

C. Buxbaumii *Wahlenb. act. holm.* 1803. p. 163. *Willden. spec.* 4. p. 252. *Flor. dan.* 8. t. 1406.

C. polygama Schkuhr car. n. 70. tab. X. et Gg. fig. 76.

♂. spica terminali mascula, squamis muticis.

Hab. in ripis muscosis turfosis paludum, lacuum et fluviorum per partem sylvaticam et subsylvaticam, Lapponiarum omnium usque fere ad Utsjoki Lapponiæ Kemensis et Enontekis Lapponiæ Tornensis passim copiose; ut etiam in Nordlandia inferalpina haud raro.

Carici cæspitosæ ita simillima est, ut difficile ab illa discernitur, etiamsi certe adque fixe distincta. Vaginæ radicales purpureo-fuscae, sæpius iisdem fibrillis solvuntur ac in *C. stricta* Gooden. Folia latiora, culmo duplo breviora. Culmus acutangulus, serrulatus. Bracteæ altitudine culmi. Squamæ fuscae sunt, nervo viridi excepto in cuspidem capsulis sæpe longiorem excurrente; sed etiam non raro muticæ. Capsulæ certiore præbent differentiam; sunt enim superne gibbæ atque utrinque rotundatæ, fere sphæroideæ, simulque glaucescentes atque asperulæ, ore bidentato. Stigmata insuper tria capsulis dupplo breviora et crassiuscula, quo certissime distinguitur; et semen exacte triquetrum. Variat sæpe spicâ masculâ terminali.

††† Stigmatibus duobus.

453. *CAREX maritima*: spicis pedunculatis pendulis cylindræis: masculis pluribus, stigmatibus binis, bracteis foliaceis distantibus, squamis longe cuspidatis, capsulis orbiculatis.

C. maritima Müller in Flor. dan. 4. t. 703. Vahl in Act. hist. nat. hafn. 2. p. 13. Schkuhr car. tab. W. fig. 74.

? *C. psevdocyperus Zoega island.*

Hab. in littoribus limosis marinis Nordlandiæ meridionalis rarius; ego eam ad Fösked Saltensium frequenter legi.

Adgredior nunc sectionem difficillimam hujus generis, in qua omnes species sibi invicem adeo accedunt, ut vix limites dantur. Difficillime itaque est determinare quænam sint species, quæ varietates? an omnes distingvendæ sint? an pleræque conjungendæ?

C. maritima ex melius distinctis est. Gramen totum admodum flavescit; foliis ultra sesquilineam latis, margine subrecurvo. Culinus acutangulus integerrimus. Spicæ femineæ ob squamas totas flavescentes et nitentes eximie refulgent, valde densifloræ. Squamarum cuspis capsula pluries longior, grandius serrata. Capsulæ orbiculatæ, apiculatæ, ore emarginato, patentes. Spica mascula altera parva.

454. *CAREX salina*: spicis pedunculatis erectis distantibus oblongis, stigmatibus binis, bracteis foliaceis, squamis subcuspidatis, capsulis suborbiculatis apiculatis ore emarginatis.

α. cuspidata. *C. cuspidata* *Wahlenb. act. holm.* 1803. p. 164. — *C. salina* *Schkuhr. caric. append.* p. 29 tab Cccc. fig. 185.

β. mutica. *C. salina* *Wahlenb. act. holm.* 1803. p. 165.

Hab. in littoribus maris sub fluxu fere inundatis per Nordlandiam totam vulgatus et per Finmarkiam rarius usque ad Tanam templum.

Var. *α.* ad præcedentem valde accedit, attamen transitum haud vidi. Sunt hujus spicæ semper erectæ et strictæ; capsulæ laxius positæ et fere adpressæ; cuspidēs squamarum integræ et breves: de cætero squamæ sæpius fuscescunt. Spicæ remotiores quam in *β.*

Var. *β.* *Carici aquatili* valde affinis, ut vix nisi capsulis majoribus, et habitu obesiore flavescente distingvi queat. Foliorum margines semper eximie incurvati. Culinus vix ultra spithamæam altus, obtusangulus. Squamæ persistentes sunt, capsulisque semper longiores.

455. *CAREX aquatilis*: spicis subsessilibus linearibus superne incrassatis remotiusculis, stigmatibus binis, bracteis foliaceis, capsulis suborbiculatis integerrimis, culino stricto obtusangulo, foliis marginibus incurvis.

C. aquatilis *Wahlenb. act. holm.* 1803. p. 165.

β. nardifolia foliis angustissimis subfiliformibus.

Hab. in ipsis fluviis et lacubus per partem sylvaticam totam, subalpinam et inferalpinam omnium Lapponiarum ubique vulgatissime; at *β.* in lateribus alpium præcipue maritimarum frequenter.

Ex maximis hujus generis speciebus est, sæpe altitudinem fere humanam attingens, statura sua firma et rigida satis spectabilis. Ad radicem sæpius pollicem crassa est; folia tamen vix duas lineas lata, stricta, marginibus semper incurvis. Bracteæ inferne spicas circumvolvunt et includunt, culmo altiores. Spicæ respectu magnitudinis graminis satis angustæ, superne incrassato-obtusæ. Capsulæ duplo triplove minores quam in *C. stricta*; squamis plerumque longitudine capsulam æquantibus sed multum angustioribus.

Carici strictæ Gooden. certe omnium similima est, sed notis recensitis ut mihi videtur satis diversa; nec in filas unquam solvuntur ejus vaginæ.

β. tenuis est et plerumque semipedalis.

456. *CAREX saxatilis*: spicis subsessilibus oblongis obtusis, stigmatibus binis, bracteis subfoliaceis auriculatis, squamis obtusis capsulas æquantibus, capsulis ellipticis obtusis subexcurvis.

C. saxatilis Linn. *svæc.* n. 848. *lappon.* n. 337.

Gmel. sib. 1. p. 134. n. 71. *Willden. spec.*

4. p. 272.

Hab. locis siccioribus petrosis per omnes montes alpinos tum alpini jugi tum regionum sylvaticarum totius Lapponiæ vulgaris.

Præcedenti certe valde affinis est. Radix subrepens vel oblique excurrent; vaginis rubro-fuscis. Folia plana, respectu brevitatis suæ satis lata; marginibus semper excurvis. Culmus acutangulus sed integerrimus vel lævis, plerumque spithamalis, rarius fere pedalis. Bracteæ angustæ, culmo breviores; marginibus excurvis. Squamæ totæ fusco-atræ vel nervo tenui pallidiore præditæ, satis latæ ut capsulas prorsus tegunt et adeo spicas atras reddunt. Capsulæ angustiores quam in affnibus, virescentes ore integerrimo. Spica mascula crassa et clavata; sæpe etiam basi feminea.

Figuram ullam hujus speciei bonam vix scio nisi

C. rigidæ Fngl. bot. 29. t. 2047.

457. *CAREX cæspitosa*: spicis sessilibus subcylindricis obtusis subapproximatis, stigmatibus binis, bracteis subsetaceis auriculatis, capsulis ovalibus obtusis squama longioribus, foliis angustis patulis.

C. caespitosa Linn. *svec.* n. 855. *Schkuhr car.* n. 48. tab. Bb. fig. 85. c. d. *Lightf. scot.* p. 560. *Cranz grœnland:* — *Gmel. sib.* 1. p. 137. n. 76.

C. nigra verna vulgaris. Linn. *lapon.* n. 330.

Hab. in paludosis aquosis et graminosis udis per partem sylvaticam, subsylvaticam et inferalpinam omnium Lapponiarum vulgaris; in subalpinis et maritimis Finmarkiæ raro.

Folia longitudine culmi vel eo longiora, angusta, flaccida vel patula. Culmus quoque flaccidus, valde serrulatus et scindens. Squamæ plerumque capsulis dupplo breviores, obtusæ, tenuiter albo-marginatæ. Stigmata capsulis duplo longiora, tenuissima ut fere capillaria.

458. *CAREX acuta*: spicis subpedunculatis linearibus remotiusculis nutantibus: masculis pluribus, bracteis foliaceis, stigmatibus binis, capsulis ovalibus tumidulis obtusiusculis squamas æquantibus.

C. acuta = *nigra* Linn. *svec.* n. 857. *lapp.* n. 329.

C. acuta Gooden. *transact.* Linn. 2. p. 203. *Schkuhr car.* n. 50. tab. Ff. fig. 92. b. *Lightf. scot.* p. 565. *Gmel. sib.* 1. p. 142. n. 83

Hab. in pratis udis Lapponiæ sylvaticæ infimæ et meridionalioris passim.

Quod hæc Linnéi var. nigram constituit nullum est dubium; sed *C. acuta* s. *rufa* Linn. videtur esse *C. riparia* Gooden. etiam secundum synonymon Gr. *cyperoides latifolium spica rufa.* *Burseri herb.* 1. n. 68. quod illud gramen exhibet. Hæc *C. riparia* nonnisi in Svecia meridionali crescit.

459. *CAREX pulla*: spicis subpedunculatis ovalibus, stigmatibus binis, bracteis subfoliaceis, capsulis subglobosis subinflatis: rostello bifido.

C. pulla Gooden. *transact.* Linn. 3. p. 78. tab. 14. *Engl. bot.* 29. t. 2045. optim.

C. fusca *Schkuhr car.* n. 52. tab. Cc. fig. 88.

C. globularis var. *Vahl in Act. hist. nat. hafn.* p. 47.

Hab. in lateribus irrigatis spongiosis alpium Piten-sium et Lulensium usque ad Sjöllapoult et Pelie-kaise passim frequenter; ut etiam Finmarkiæ orient.

in alpe Raste-kaisse districtus Tanensis copiose visa; haud vero extra summas alpes.

Quoad spicas *C. rotundatae* adeo simillima, ut vix discerni queant; sed folia et culmum *Caricis saxatilis* L. gerit, ideoque distinctissima est. Radix crassiuscula. Folia sesquilineam plerumque lata, plana, culmo multum breviora, saturate viridia haud vero glaucescentia. Culmus strictus, acutangulus et serrulatus, plerumque pedalis. Bracteae subauriculatae, subfoliaceae vel foliolo angusto spicam masculam vix attingente praeditae. Spicae interdum adeo pedunculatae ut fere nutantes, saepius vero sessiles; de caetero semper breves, ovales vel ovali ellipticae, plerumque subapproximatae. Squamae oblongae, obtusiusculae, capsulis plerumque longiores easque prorsus tegentes, totae atrofuscae sine ullo nervo discolore, apice hyalino. Capsulae patentes, fusciscentes, nitidae: rostello omnino bifido. Spica altera mascula ad basin spicae terminalis adest.

A praecedentibus valde differt capsulis suis inflatis et nitidis; de caetero eis satis affinis esse videtur. Caricum spicarum species distigmatitae adeo sibi invicem accedunt et sectionem tam bonam naturalem et firmam constituunt, ut nunquam inter caeteras misceri debuissent. Omnes quoque bracteas dimidiatas vel subamplectentes habent. Sed bonam quandam caeteras Carices multispicatas distribuendi rationem haud invenio; adhibui quidem illam ex insertionem bractearum desumptam utpote et facilem et caeteris certiore, fateor vero eam species saepe maxime affines nimium disjungere, et nimium habitalem esse. An melius secundum formam vel indolem capsulae distribuerentur?

Postquam tabulas Schkuhrianas diligentius comparare mihi contigit et varia quoque specimina ejus vidi, juvat synonyma nonnulla Caricum extraneorum ex tractatu meo in Act. Stockholm. subjungere. .

C. paleacea Act. Stockh. 1803. p. 164. eadem est ac *C. crinita* Schkuhr car. app. p. 28. tab. Eee. fig. 125. et tab. Ttt. fig. 164.

C. prasina Act. Stockh. p. 161. est *C. miliacea* Schkuhr car. app. p. 77. tab. Ooo. fig. 151.

C. grisea Act. Stockh. p. 154. est *C. laxiflora* Schkuhr app. p. 69. tab. Kkk. fig. 141.

- C. lurida* Act. Stockh. p. 153. est *C. lupulina* Schkuhr app. p. 54. tab. Iii. fig. 194.
C. subulata Act. Stockh. p. 152. est *C. Boryana* Schkuhr.
C. heterosperma Act. Stockh. p. 151. est *C. anceps* Schkuhr app. p. 66. tab. Fff. fig. 128.
C. castanea Act. Stockh. p. 155 est *C. refracta* Schkuhr app. tab. Iii. fig. 136.
C. cruciata Act. Stockh. p. 149 est *C. ramosa* Schkuhr app. p. 40. fig. 204.
C. tribuloides Act. Stockh. p. 145. est *C. lagopodioides* Schkuhr app. p. 20. tab. Yyy. fig. 177.
C. microsperma Act. Stockh. p. 144. est *C. multiflora* Schkuhr app. p. 14. tab. Lll. fig. 144. — et ejus varietas *C. cephalophora* Schkuhr car. tab. Hhh. fig. 133.
C. pyrenaica Act. Stockh. p. 139. est *C. Fontanesiana* Decand. fl. franc. Ejusdem vero *C. pyrenaica* non-nisi varietas *C. dioicæ* Linn. mihi esse videtur.

L I T T O R E L L A.

Gen. plant. ed. Schreb. n. 1415.

460. *LITTORELLA lacustris*; Linn. mantiss. p. 295.
 Smith brit. 3. p. 1011. Lightf. scot. p. 571. 1129.
Plantago uniflora Linn. svec. n. 135. lappon.
 n. 64. Flor. dan. t. 170.
 Hab. in littoribus maris Nordlandiæ unacum *Plantagine* maritima parcius: Linné; ego vero eam nullibi detegere potui.

A L N U S.

Gertn. de fruct. 2. p. 54. tab. 90. fig. 2.

461. *ALNUS incana*; foliis oblongis acutis subtus incanis, axillis venarum nudis.
A. incana α. glauca Ait. kew. 3. p. 339. Willden.
 spec. 4. p. 334.
Betula Alnus β. *incana* Linn. svec. n. 861. lappon.
 n. 340. Lightf. scot. p. 577? Crantz grœnland.
 p. 87? — Pallas sibir. it. 3. p. 22. 25.
Pallas fl. ross. 1. p. 64. Flor. kamtschatk. in
Arct. Zool. p. 196. Georgii fl. baikal. p. 234.
 β. *virescens*: foliis ovalibus obtusiusculis subtus viridibus glabris.
Alnus foliis glutinosis oblongis mucronatis. Gmel.
 sibir. 1. p. 171. n. 24. 2.
 Lapponibus Leipe. Svecis Aldra.

Hab. ad fluvios aliasque aquas locis humidis occultioribus per partem sylvaticam omnium Laponiarum svec. vulgatissime; per partem subsylvaticam parcius occurrit et ibi præcipue locis humidioribus in *β.* abit, quod etiam fit in locis inferalpinis per omnem Nordlandiam ubique frequenter et Finmarkiam intimam usque ad Kistrand Porsangriæ et exitum fluminis Tana. Est inter frigidis impatientiores arbores cum *Pado* mox supra Pinum desistens.

In Norrlandia svecica, ubi crescit locis montanis siccioribus, folia habet valde incana et pubescentia, simulque acuminata; sed quo magis septentrionem versus procedit, eo magis in humidioribus descendit et viridior glabriorque evadit, adeo ut in Lapponia plerumque eodem solo occurrit ac *Alnus glutinosa* apud nos et tam viridis est ut observatorem fere decipit. Sunt verò folia sub prima infantia semper pubescentia præcipue quoad petiolos et venas, multum tenuiora et molliora; nunquam retusa. Venæ foliorum fere magis rubicundæ in var. lapponica virescenti, quam in vulgari glauca. Hæc varietas virescens axillis venarum nudis certe distinguitur ab *A. viridi* Villars.

U R T I C A.

Gen. plant. ed. Schreb. n. 1422. Gærtn. de fruct. 2. p. 183. tab. 119.

462. *URTICA urens*: foliis oppositis ovalibus nervosis profunde serratis, racemis glomeratis petiolo brevioribus.

U. urens Linn. svec. n. 862. lappon. n. 375. *Engl. bot.* 18. t. 1236. *Lightf. scot.* p. 578. *Olavs. it. island.* p. 435. *Gmel. sibir.* 3. p. 30. n. 18.

Hab. in cultis Lapponiarum omnium passim usque ad regiones subalpinas.

463. *URTICA dioica*: foliis oppositis cordatis serratis, racemis dioicis glomeratis petiolo longioribus.

U. dioica Linn. svec. n. 863. lappon. n. 374. *Engl. bot.* 25. t. 1750. *Lightf. scot.* p. 578. *Olavs. it. island.* p. 435. *Michaux amer.* 2. p. 179. *Landt færoens.* — *Georgii fl.*

baikal. p. 254. *Flor. kamtschatk. in Arct.*

Zool. p. 19. *Gmel. sibir.* 3. p. 30. n. 19.

Laponibus Kaskelis.

Hab. in cultis et ad domicilia omnium Laponiarum præcipue meridionalium vulgatissime; ut etiam in alpinum radicibus sub rupibus Nordlandiæ copiose nec non Quickjockiæ Laponiæ Lulensis.

MYRIOPHYLLUM.

Gen. plant. ed. Schreb. n. 1440. *Gærtn. de fruct.* 1. p. 331.

tab. 68.

464. *MYRIOPHYLLUM spicatum*: foliis pinnatis capillaceis, floribus masculis interrupte spicatis nudis.

M. spicatum *Linn. svec.* n. 367. *lappon.* n. 343.

Flor. dan. 4. t. 131. *Lightf. scot.* p. 581.

Zoega island. — *Michaux amer.* 2. p. 190.

Georgii fl. baikal. p. 254. *Gmel. sibir.* 3.

p. 35. t. 5. f. 2. *it.* 2. p. 198 t. 33.

Hab. in fluviis minoribus pacificis per partem sylvaticam Laponiarum præcipue meridionalium passim; etiam in fluvio subalpino Kamajok ad Quickjock, et subsylvatico Idijoki Enontekensi parcius vidi.

In his regionibus occurrit nonnisi varietas tenuior, cujus rachis foliorum vere capillacea et ne quidem crassior quam pinnarum apices. Flores inferiores feminei spicæ interdum bracteis pinnatifidis suffulti sunt, sed omnes flores masculi maximam partem spicæ occupantes semper nudi vel ebracteati sunt.

SAGITTARIA.

Gen. plant. ed. Schreb. n. 1441. *Gærtn. de fruct.* 2. p. 21.

tab. 84.

465. *SAGITTARIA sagittifolia*: foliis sagittatis acutis.

Linn. svec. n. 809. *lappon.* n. 344. *Flor. dan.*

t. 172. *Michaux amer.* 2. p. 189. *Falk russ.*

topogr. 2. p. 255. *Gmel. sibir.* 4. p. 207.

Hab. forsan rarissime in infimæ Laponiæ rivulis; a me vero nonnisi in Vesterbottnia maritima visa est, nec alibi a Linnéo reperta fuisse videtur. In rivulis Varangriæ Finmarkiæ orientalis lectam esse refert *Gunnerus*.

B E T U L A.

Gertn. de fruct. 2. p. 53. tab. 90. fig. 1.

466. *BETULA alba*: foliis subdeltoideis acutis inæqualiter serratis glabriusculis, pedunculo petiolis brevioribus, squamarum seminalium lobis lateralibus brevioribus rotundatis.

B. alba-*Linn. svec. n. 859. lappon. n. 341. Willden. spec. 4. p. 462. Lightf. scot. p. 572. Zoega island. — Cranz grönland. p. 87. Falk russ. topogr. 2. p. 252. Georgii fl. baikal. p. 254. Flor. Kamtschatk. in Arct. Zool. p. 196. Gmel. sib. 1. p. 167. n. 22. Pallas it. sibir. 3. p. 21.*

/ *Lapponibus Sâke (ubi pumila Sâke-skirre). Fennoniis Koiu. Svecis Björk.*

Hab. ubique extra ipsas alpes frequenter: scil. per partem sylvaticam et subsylvaticam in locis fecundioribus siccioribus de principatu cum Pinu interdum certans; per subalpinam regionem jugo alpino nivoso proximam ubique sparsim crescit ibique sola est arbor lucos raros et parum umbrosos constituens; intra ipsum jugum alpinum juxta rivulos passim adscendit, uti ad lacus alpini Virihjaur latus orientale ad montem Titir, sed jugum alpinum haud transcendit nisi ad lacum Torneaträsk et ad flumen Altense; — nec non in tota Nordlandia inferalpina ibique in radicibus alpium adscendens vulgatius quam e Svecico latere; item in convallibus omnibus interioribus Finmarkiæ et ad latera alpium maritimarum usque versus Rebvog, ut etiam ad occultas rupes peninsulæ Hopsjedet Finmarkiæ ubi ultimæ crescunt Betulæ vix orgyales.

Dum alpes versus crescere desistit orgyalis circiter altitudinis est, crassitie trunci circiter femoris prope radicem; nec dein magis pygmæa reperitur nisi fruticuli quidam erratici sub rupibus disseminati et brevi morituri. Sæpius ultimas Betulas biorgyales esse vidi e latere svecico alpium ex. gr. ad Virihjaur. Semper itaque magnitudine sua ab omni Betula fruticosa facile distinguitur, et semper eadem persistit; adeo ut in Lapponia frustra Betulam pu-

milam quandam sive ut varietatem sive ut distinctam speciem quærimus.

467. *BETULA nana*: foliis orbiculatis crenatis glabris subtus reticulatis, squamarum seminalium lobis æqualibus.

B. nana Linn. *svec.* n. 860. *lappon.* n. 266. tab. 6. f. 4. Willden. *spec.* 4. p. 465. *Lightf. scot.* p. 575. *Olavs. it. island.* p. 167. *Cranz grœnland.* — *Suter helv.* p. 266. *Michaux amer.* 2. p. 180. *Falk russ. topogr.* 2. p. 252. *Pallas it. sibir.* 5. p. 24. 27. 516. 447. *Flor. ross.* 1. p. 62. t. 40. *Flor. Kamtschatk. in Arct. Zool.* p. 196. *Georgii fl. baikal.* p. 234.*

Lapponibus *Reusak-skirre* (i. e. *Lagopi virga*).
Svecis et Norvegis Lapponiæ *Rypris*.

Hab. in paludibus sterilibus per partem sylvaticam, subsylvaticam et subalpinam omnium Lapponiarum vulgatissime; in campis uliginosis et declivis alpium inferiorum frequentissime, nec non in collibus et lateribus siccis duris alpini jugi copiose, ubi denique versus cacumina omnino repens et humifusa evadit. Nullibi vero altius in summis maximeque expositis locis reperit quam versus Nordcap ad oras extimas; ubi paucissimæ plantæ perdurant. In paludibus inferalpinis etiam ubique provenit. Solum macrum semper sibi exposcit, ideoque rarius in convallibus et radicibus alpium crescit, ubi lætior est vegetatio.

Folia sæpe ad cuneatam vel obovatam formam procedunt; semper vero obtusissima sunt vel apice rotundata, latitudine sæpius longitudinem exsuperante. Squamæ fructus trifidæ sunt; laciniis omnibus prorsus æqualibus. Characteri generis *Betulae* apprime convenit squamis fructus deciduis, extenuatis (nec turbinatis); seminibus alatis, unico nucleo tantum præditis (nec nuculae biloculares ut in *Alno*). Sunt vero alæ seminum minores quam in cæteris *Betulis*.

Betula fruticosa, in Lapponia haud mihi obvia, distinguitur non tantum forma foliorum verum etiam squamarum seminalium lobis lateralibus brevioribus subincrassatis, seminibus ob alas latiores fere obcordatis.

Obs. *Corylus Avellana* in Nordlandia maxime meridionali quidem occurrit, sed misera adeo ut vix pro lapponica habenda. In Svecia vix supra Gestriciam crescit.

P I N U S.

Gen. plant. ed. Schreb. n. 1451. Gertn. de fruct. 2. p. 59. tab. 91. fig. 1.

468. *PINUS sylvestris*: foliis geminis rigidis, strobilis subpedicellatis recurvis ovato-conicis oppositis longitudine foliorum.

P. sylvestris Linn. svec. n. 874. lappon. n. 546. Lightf. scot. p. 587. Pallas ross. 1. p. 5. tab. 2. Gmel. sib. 1. p. 178. n. 29. Pallas it. sibir. 3. p. 15. (Fichte). Pennant Arct. Zool. ad Nutka sound. p. 235. Georgii fl. baikal. p. 235. Ejusd. it. sibir. (ad Argun) p. 380.

Lapponibus *Petse*. Fennonibus *Honga*. Svecis *Tall*.

Hab. per partem sylvaticam et subsylvaticam omnium Lapponiarum vulgatissime: scil. infra Näutamjoki et Petsekojaur nec non Vaskojoki Lapponiæ Kemensis; infra Peldovuoma-tunturi, Leppajärvi, Nunainen et Vuolosjoki Lapponiæ Tornensis; infra Quickjock Lapponiæ Lulensis ubi tamen juxta flumina in convallibus paullo altius adscendit, nec tamen infra Quickjock totam regionem tegit; — infra finem superiorem lacus Tjåkelvals, et infra Hyttetråsk nec non infra Adolphström Lapponiæ Pitensis; — et denique infra Gillesnöle Lapponiæ Umensis ubi tamen in convalle fluminis usque ad Petsigerk procedit. E latere norvegico alpium nullibi totas provincias tegit sed tantum in convallibus inferalpinis, ad fundum sinuum maris et ad latera monticulorum inferalpinorum Nordlandiæ copiose occurrit; Finmarkiæ vero nonnisi in convalle inferalpina juxta flumen altense, et ad flumen Launjoki intra Porsangriam, nec non in convalle ad Utsjoki, Karasjoki et Enarejoki minores sylvas constituens.

Strobili semper solitarii sunt, sed duo in eodem articulo ramulorum scil. ex opposito latere egrediuntur. Strobilos plures duobus vix unquam vidi,

multo minus subraceinosos. Adeo pedicellati sunt strobili ut etiam maturescentes nutant vixque unquam a squamis dehiscentibus ultra situm horizontalem eriguntur.

Ultimæ Pini alpes versus Lapponicas procedentes et præcipue ad hyperboream accedentes altitudinem nonnullarum orgyarum acquirunt satis tortuosæ et difformes, inter Betulas altiores sparsim disseminatæ. Nunquam ibi in latitudinem quandam cogitur ut subrepens vel procumbens diceretur. Causa mihi videtur illa esse quod prius a frigore cogitur quam ab impetu ventis vel a loci apricitate. E contrario jamdudum in montibus subalpinis Vermlandiam et Dalekariam distinguentibus eam vidi adeo depressam et supra betulas adscensam ut de Pinu pumilionem cogitavi, quasi prius a ventibus in repentem virgultum coacta, quam a frigore mortificata. Certum tunc est quod Pinastros nullos habemus in alpibus Lapponicis; an vero in subalpinis meridionalioribus vix dicere audeo.

469. PINUS *Abies*: foliis solitariis tetragonis, strobilis cylindricis: squamis rhombeis planis erosis repandisque. *Lambert pin.* p. 37. tab. 25.

P. *Abies* *Linn. svec.* n. 875. *lappon.* n. 347.

Falk russ. topogr. 2. p. 259. *Pallas fl. ross.*

1. p. 7. *Gmel. sib.* 1. p. 175. n. 26 *Pallas it. sibir.* 3. p. 15. 21. (Tannen). *Georgii fl. baikal.* p. 235. *EjUSD. it. sibir.* (ad Argun) p. 380.

Lapponibus *Kuosa*, inusitatius *Quesa*. Fennobus *Kuusi*. Svecis *Gran*.

Hab. per partem sylvaticam totam omnium Lapponiarum svecicarum præsertim locis humidiusculis vulgatissime: scil. infra Momeljaur, Kyrö et partem superiorem fluminis Ivalojoeki Lapponiæ Kemensis; infra Peldovuoma, Songamuotka et Svappavaara Lapponiæ Tornensis, infra Tjåmotes Lapponiæ Lulensis; infra finem inferiorem lacus Tjåkelvals et Löfnoek nec non Laistråsk Lapponiæ Pitensis; ut etiam infra Gautstråsk et finem superiorem lacus Storuman Lapponiæ Umensis: tamen in Lapponia Umensi et Lulensi altius reperitur adscendisse in convallibus angustis locisque occultis ad latera prærupta, uti ad Gillesnøle et Sandsele

Sandsele Umensis, et ad Vallivare supra Quickjock Laponiæ Lulensis. E latere norvegico alpium cito desistit vixque ultra promontorium Kunnen inter Helgeland et Salten situm procedit, adeo ut nonnisi paucæ arbores in sinu Bejerenfjord existunt, eæque ultimæ septentrionem versus. Nubibus maris glacialis impatientissima itaque esse videtur.

Hæc omnium maxime memorabilem formam assumit, dum in summo septentrione crescere desistit. Assurgit enim semper in altum tam gracilis ut per se stare vix queat, ramulis tantum minoribus emortuis deflexis nigricantibus inferne instructa, apice solo viridi. Res ita sese habere videtur, quod rami ejus inferiores cito vel intra paucos annos a frigore vehementi quasi exsiccantur et pereunt simulque vegetatio in exterioribus circulis trunci refrigerati labefactatur, unde semper novas productiones e summo apice emittere cogitur et in centro magis vegetare. Repit quasi in altum, et adeo loca quam maxime occulta a nullis ventibus vexata sibi in ultimis his locis semper exposcit, ubi in altitudinem octo vel decem saltem orgyrum adscendere potest. Aceres quoque et Tiliæ sempentrionem versus gracilesce observavi.

CLASSIS XXII.

DIOECIA.

SALIX.

*Gen. plant. ed. Schreb. n. 1493. Gærtn. de fruct. 2. p. 55.
tab. 90.*

* Germinibus sessilibus i. e. pedicellis latitudine
germinis haud longioribus.

† germinibus glabris.

470. *SALIX pentandra*: germinibus sessilibus glaberrimis: squamis brevissimis, amento foliis fulcrato pentandro, foliis oblongis glanduloso-seratis glabris.

R.

S. pentandra Linn. *svec.* n. 879. *lappon.* n. 370.
 t. 8. f. Z. *Flor. dan.* 5. t. 943. *Smith brit.*
 3. p. 1046. *Lightf. scot.* p. 595. *Gmel. sib.*
 1. p. 153. n. 7. t. 43. f. 1. *Georgii fl. baikal.*
 p. 235. *Zoega island.?*

Lapponibus *Viskes-sädga* (i. e. flava salix). Nor-
 vegis *Ister-vie*.

Hab. locis aquosis per partem sylvaticam omnium
 Lapponiarum svecicarum usque ad lacum Enaren-
 sem sat frequenter; nec non in inferalpinis Nord-
 landiæ passim.

Propria hujus patria Norrlandia svec. esse vi-
 detur, ubi undique in vastam arborem homine cras-
 siorem excrescit, qualem etiam ad lacum Enarensem
 vidi. Amenta foeminea crassa et breviora: squamis
 revera minutis pedicello brevissimo vix unquam
 longioribus; stylo vix elongato. Folia in pedunculo
 amenti feminei adsunt quina cæteris foliis haud mi-
 nora. Petiolorum margines subundulati, glandu-
 losi. Folia sæpius oblonga, plerumque tamen in
 media parte adeo extensa ut ad ellipticam vel sub-
 lanceolatam formam accedunt. *S. pentandra* Engl.
bot. 26. t. 1805. mihi non satisfacit. — Alia *S. pentan-*
dra in Uplandia et australiori Svecia crescit eaque
 frutescens s. orgyalis, squamis amenti longioribus.

Lapponiam esse Salicum patriam jam diu audi-
 vimus, et si præ cæteris terris numerosiore specie-
 rum grege haud ita excellit, tamen haud negandum
 putamus, quin ibi magis variabiles formæ Salicum
 exstant quam in ulla alia terra. Ludunt adeo species
 Lapponicæ quod ad formam, glabritiem et integrita-
 tem foliorum, ut nullam omnino de his haurimus
 certitudinem e differentiis specificis plerumque datis.
 Ad fructificationem itaque refugere mihi necessa-
 rium fuit, et inde methodum extruxi, quæ nimis
 artificialis multis videbitur. Heic vero nonnisi in-
 ter distributionem mere arbitrariam et methodum
 artificialem discernendum est. An natura in his spe-
 ciebus limites ullos posuit dubitamus; genius vero
 Scientiæ botanicæ in distinguendo occupatus requi-
 rit, ut limites qualescumque indigitamus eosque e
 dimensionibus partium evidentioribus desumtos.

471. *SALIX lanata*: germinibus sessilibus compressis glaberrimis, amentis sessilibus aureo-hirsutissimis, foliis ovalibus subintegris lanatis.

S. lanata Linn. *svec.* n. 892. *lappon.* n. 368. t. 7. f. 7. et t. 8. f. X. *Pallas sibir. it.* 3. p. 449? *Pallas fl. ross.* 2. p. 82?

β. *glabrata*: foliis subnudis.

S. chrysantha Vahl. in *Flor. dan.* 6. t. 1057.

γ. *glandulosa*: foliis subnudis glanduloso-dentatis sublanceolatis.

Icon tab. nostr. XVI. fig. 1.

Lapponibus *Velkes-sädga* (i. e. alba salix).

Hab. in radicibus superioribus et lateribus inferioribus alpium omnium Lapponicarum sat vulgaris mox supra et inter ultimas Betulas saliceta quadripedalia constituens; sed pumila in alpibus alte ascendit et etiam in maritimis versus Nordcap longius perdurat quam ipsa *Salix glauca*; nec non in subalpinis humidis descendit ex. gr. ad exitum fluminis Utsjoki Lapp. Kemensis, ad Saggat-träsk Lapponiæ Lulensis et ad lacum Stora - Vindelen Lapponiæ Umensis.

γ. in nemoribus subalpinis et maritimis Finmarkiæ sæpius orgyalis occurrit.

Est facile pulcherrima Salix in Svecia ne dicam in toto mundo, idque respectu fere omnium partium. Juli aurei et eximie splendentes in summis ramulis positi fruticem illustrant, hisque accedunt folia juniora ex auro argentoque micantia. Copiosiore melle scatet quam ulla alia Salix, adeo ut amenta truncata saccharinum saporem in ore edunt, et inde frequentissime ab apibus alpinis suguntur. E glandulis quoque stipularibus et interdum foliorum succum guminosum edit, quo conspurcatur charta ad plantam exsiccandam adhibita ut in Salice pentandra. Rami ramulique fruticis semper valde torulosi, distorti et crassi; annotini semper pubescunt. Folia respectu magnitudinis et habitus proxime ad *S. caprææ* accedunt, plerumque ovalia usque ad subrotunda, sæpe oblonga et interdum in var. γ. omnino lanceolata quamquam alia ejusdem fruticis subovalia sunt; respectu pubescentiæ plerumque adeo lanata reperiuntur, ut nullæ venæ vel margines oculis patent, interdum vero omnino glabra et tunc

valde venosa atque rugosa et subtus glaucescentia, nec non denticulis glandulosis creberrimis per margines exasperata (sic quoque folia Populi tremulæ ubi glaberrima etiam glandulosa sunt, sed si villosa in tenellis surculis destituuntur glandulis). Stipulæ, nisi a lana densissima nimium obtectæ sunt, ovales semperque dentato-glandulosæ; qua nota a cæteris bene distinguitur et glandulosa ejus indoles semper detegitur. Amenta semper e gemmis terminalibus provenientia, sessilia, ebracteata, erecta, stricta, sæpe crassitudinem pollicis et longitudinem digiti medii attingentia, ob villos squamarum copiosos undique aureo-splendentia. Singula squama longitudinem dimidiam germinis superat, sed villis suis totum pistillum obtegit. Germen majus quam in cæteris, omnino sessile, glaberrimum et viride (nec flavescens), conicum vel e lata basi in apicem recte attenuatum acuminatumque, compressum; stylo longo germinibus vix brevior, bifido. Amentum fructiferum sæpius spithamæam longitudinem attingit. Nectarium masculinum unicum, interius, crassum fere cylindricum, truncatum.

Explicatio Iconis var. γ . a. Amenti pars inferior cum capsulis semiadultis. b. Capsula cum squama sua magn. nat. — c. Eadem magn. circiter 3plo acuta. — d. Folium minus.

472. *SALIX herbacea*: germinibus sessilibus glabris, amentis paucifloris, foliis orbiculatis utrinque retusis serratis glabris.

S. herbacea Linn. *svec.* n. 887. *lappon.* n. 355. tab. 7. f. 3. 4. *Lightf. scot.* p. 600. *Landt færoens.* — *Engl. bot.* 27. t. 1907. *Olavs. it. island.* p. 173. *Pallas it. sibir.* 3. p. 35. *Pallas fl. ross.* 2. p. 85.

Lapponibus *Kieron-lastak* (i. e. *Tetraonis alpinae* frondes).

Hab. locis duris apricis alpium Lapponicarum meridionalium vulgatissime, et septentrionalium præcipue maritimarum ubique; haud vero infra alpes altiores scil. Laminas tunturi Lapponiæ Tornensis, Peliekaise Lapponiæ Pitensis et Givorten Lapponiæ Umensis descendens.

Ipse fruticulus plerumque subterraneus est, apicibus tantum extimis e terra emergens; interdum

magis supra terram luxuriat ramis digitalibus semper arcte procumbentibus et foliis pollicem fere latis. Folia semper orbiculata, tum apice ac basi retusa, unde e duobus quasi segmentis lunaribus uti siliculæ Biscutellæ composita apparent; crebro et argute serrata sunt: apicibus serraturarum incurvatis. De cætero folia sunt utrinque nitida et glaberrima, subtus valde venosa: venis divergentibus. Amenta e propria gemma haud egrediuntur, sed apicem ramuli annotini persistentis bifolii terminant. Foeminea amenta pauciflora: flosculis interdum duodecim instructa. Squamæ glabriusculæ, breves. Germina demum subsessilia, glaberrima, rubicunda; stylo subabbreviato; stigmatibus plerumque quadrifido.

Figura foliorum in *Engl. bot.* l. c. haud bene convenit, utpote nimium cordata.

†† germinibus villosis.

473. *SALIX polaris*: germinibus sessilibus tomentosis, amentis paucifloris, foliis obovatis obtusissimis subintegerrimis glabris, caule filiformi.

S. herbacea A. *Liljebl. svensk. flor.*

Herba facie Vincæ. *Martens spitsberg.* §. 8. tab. G. fig. 6.

Icon tab. nostr. XIII. fig. 1.

Hab. inter Sphagnum in lateribus irrigatis alpium septentrionalium rarius: ego ad Rastekaisse Finmarkiæ orientalis pluribus locis frequenter eam vidi, et ad lacum Tornensem Cel. *Liljeblad.*

Habitus tum fruticuli totius ac foliorum re vera tenuior quam præcedentis, adeo ut omnium fruticulorum facile tenerima est. Caulis omnino filiformis. In ramulis novellis frequenter adsunt puncta resinosa vel gummosa. Folia late obovata vel subrotundo-obovata, vix unquam tam angusta ut suboblonga dici queant; margo eorum interdum una alterave serratura obsoletiore ornatus, plerumque vero prorsus integerrimus. Ulterius folia utrinque nitida, subtus parum venosa: venis rectoribus tantum patentibus. Germina magis sessilia apparent, dense albo-villosa; stylo subelongato; stigmatibus semper bifido, sublineari. Quum omnes partes adeo differunt et amice distinctionem svadent, non possum non eam separare.

Explicatio iconis. a. fruticulus totus magn. natur. — b. ramulus annotinus capsuliferus magn. nat. — c. capsula cum squama et nectario magn. auct. — d. apex capsulæ valde auctus ut conspiciatur tomentum.

474. *SALIX reticulata*: germinibus sessilibus villosis, foliis elliptico-subrotundis integerrimis glabriusculis subtus glaucis reticulatis.

S. reticulata *Linn. svec. n. 888. lappon. n. 359. tab. 7. f. 1. 2. et tab. 8. fig. L. Engl. bot. 27. t. 1908. Flor. dan. t. 212. Hoffm. sal. 2. tab. 25. 26. 27. Lightf. scot. p. 601. Zoega island* —

Hab. in locis irrigatis, in rupibus madidis etc. per omnes alpes centrales præcipue meridionaliores vulgatissime; ut etiam in locis maritimis Finmarkiæ frequenter. Haud infra Njaravaara Lapponiæ Tornensis et Valli Lapponiæ Lulensis visa est.

In alpihus Lulensibus legi specimina foliis longitudine bipollicaribus, subtus prorsus nudis, albescentibus potius quam glaucis, epidermide a parenchymate subjacente soluta et elevata. Germina prorsus sessilia, semper albo-villosa et obtusa: stigmatate omnino sessili. Haud affinis esse videtur alii cuidam Salici.

475. *SALIX myrsinites*: germinibus subsessilibus subvillosis, foliis ovalibus acutis serratis venosis nitidis.

S. myrsinites *Linn. svec. n. 885. lappon. n. 353. t. 7. f. 6. Flor. dan. 6. t. 1054. Engl. bot. 19. t. 1360. Smith brit. 3. p. 1054. Zoega island.* —

Lapponibus *Sädga-skirre* (i. e. salicinæ virgæ).

Hab. præcipue locis humidiusculis vel subpaludosis per latera alpium omnium majorum ubique frequenter, et in maritimis alpinis Finmarkiæ vulgatissime.

Fruticulus plerumque pedalis et ejusdem fere faciei colorisque nigricantis ac *Betula nana*, valde ramosus et foliosus, atque interdum subdecumbens: ramis crassiusculis et rigidis, divergentibus. Folia ovalia sed in medio dilatata unde quasi ventricosa vel rhomboidalia evadunt, navicularia vel subconduplicata simulque subexcurva, utrinque acuta,

subsessilia, ut plurimum ungvicularia; juniora pilosiuscula, adultiora utrinque nitida. Amenta in apicibus ramorum supra foliaceos ramulos posita sunt, foliis omnino coætanea, stigmatibus et staminibus eximie cæruleis. Squamæ villis longioribus nitidis obsitæ. Germina plerumque villososericea sed interdum basi glabrata evadunt, ut villi nonnisi in summo apice restant. Stylus plerumque abbreviatus: stigmatibus quadrifido, angusto.

476. *SALIX arbuscula*: germinibus subsessilibus hirsutis, stylo subelongato, foliis lanceolatis serratis glabris subtus glaucescentibus.

S. arbuscula α. *Linn. svec. n. 886. lappon. n. 352. t. 8. fig. e. Engl. bot. 19. t. 1366. sat conveniens.*

Icon. tab. nostr. XVI. fig. 2.

Hab. locis sicciusculis campestribus per partem subsylvaticam et subalpinam Lapponiarum omnium frequenter; ut etiam in alpinis maritimiis Finmarkiæ usque ad Rebvog passim. Solito multum major scil. orgyalis in salicetis ad ripas lacuum alpinorum occurrit passim ex. gr. ad Sirkaloukt lacus Virih-jaur Lapponiæ Lulensis. In Lapponia Umensi usque infra Tegnäs etc. descendit.

Hanc primariam et præcipuam *S. arbusculam* Linn. esse puto, quia magis quam cæteræ formæ arbusculæ pumilæ servat et germina insigniter villosa sunt, qualia omnibus varietatibus tribuit in Flor. svecica. Folia semper valde flavescentia vel luteoviridia sunt, quem colorem etiam exsiccando conservant (et inde ab omni varietate *S. nigricantis* distingvitur); de cætero dum juniora valde tenuia, mollia et pellucida, sub senectute rigidiuscula; semper satis crebro serrata: serraturis valde adpressis. Forma foliorum plerumque lanceolata, sursum latior, sed oblonga etiam mihi obveniebat. Amenta infra foliaceos ramulos posita sunt, pedunculo brevi: foliolis fulcrantibus plerumque binis integerrimis duplo minoribus quam folia ordinaria. Squamæ breves germinibus dupplo saltim breviores, pilis longioribus raris obsitæ. Germina semper albhirsuta, acuminata: stylo subelongato vel germinibus duplo longiore.

Explicatio iconis. a ramulus annotinus amentiferus cum capsulis semiadultis. — b. capsula una cum squama sua magn. nat. — c. eadem magn. circiter 4:plo aucta. — d. folium.

477. *SALIX glauca*: germinibus sessilibus tomentosis, stigmatibus sessilibus, foliis lanceolato-ellipticis obtusis integerrimis sericeis.

S. glauca *Linn. svec.* n. 890. *lappon.* n. 363. t. 7. f. 5. et tab. 8. fig. p. *Georgii fl. baikal.* p. 236?

Icon tab. nostr. XVI. fig. 3.

β. *appendiculata*: foliis subovalibus stipulatis, squamis femineis elongatis.

S. appendiculata *Vahl in Flor. dan.* t. 1056.

S. arenaria *Flor. dan.* 1. t. 197. (*S. obscura* Wiborg.)

γ. *lapponum*: foliis cinereo-tomentosis acuminatis,

S. lapponum *Linn. svec.* n. 895. *lappon.* n. 366. tab. 8. fig. t. *Flor. dan.* 6. t. 1058. *Georgii fl. baikal.* p. 235.

Lapponibus *Sirka* (unde *Sirkaloukt* juxta *Virihjaur* nomen accepit.)

Hab. in alpium lapponicarum omnium convallibus altioribus et lateribus occultioribus frequentissime, ibique fruticeta ultima canescentia quadripedalia constituens, unde etiam juxta flumina in partem subsylvaticam et sylvaticam superiorem passim usque ad Sodankylä Lapponiæ Kemensis, Arjeplog Lapponiæ Pitensis et Gransele Vindelensem Lapponiæ Umensis descendit; nec non in promontoria maritima subalpina Finmarkiæ ad Sverholt procedit; — at β. in inferalpinis Finmarkiæ occurrit ex. gr. ad Kistrand, Hopseidet, et γ. in summarum alpium uliginosis.

Variat quidem hæc eximie respectu staturæ fruticis et formæ foliorum, sed satis facile dignoscitur fructificatione semper sibi simili. Fruticeta, quæ in alpiis passim constituit Lapponibus notissima sunt et *Sirka* audiunt, in quibus casas suas alpinas ponunt Lappones. Rami pallidi vel rufescentes; ramuli annotini semper albo-tomentosi. Folia plerumque adeo angusta ut fere lanceolata, semper utrinque rotundata et obtusa, semper valde pallida, potius canescentia quam glauca; villis rarioribus adpressis nitidis præcipue in pagina inferiore prædita;

interdum utrinque prorsus villosa præcipue in littoribus maris, ex. gr. Rörstadiæ. Stipulæ sæpe ad- sunt, subserratæ. Amenta longius pedunculata foliis circiter tribus ordinariæ magnitudinis suffulta. Squamæ femineæ breviusculæ vel germine triplo breviores, ita sparsim et breviter pilosæ ut macula castanea in apice earum perlucet. Germina sessilia, crassiuscula, obtusa, semper denso alboque tomento obducta; stigmatibus sessilibus et sub prima florescentia intra tomentum germinis fere obscondito, bilobo, rubicundo. Ob squamas castaneas germinibus albis intermixtas amenta femineæ insigniter variegata evadunt. Amenta mascula sparsim pilosa, ut color castaneus squamarum transparet; nectario tam exteriori quam interiori bifido vel bipartito, differentiam haud spernendam hujus speciei exhibente.

Explicatio iconis: a. ramulus annotinus amentum femineum fructu semimaturum gerens. b. capsula semimatura magn. naturali. c. eadem 4: plo aucta.

β. *appendiculata*: arbuscula est sæpe biorgyalis, foliis latioribus semper stipulatis, amentis brevioribus subovalibus, squamis longitudine fere germinis. Valde memorabilis utique apparet, sed *S. glaucae* nimium convenire mihi videtur.

γ. *lapponum*: foliis cinereis et acuminatis ad sequentem speciem accedit, cui etiam similiorem esse dixit Linné; sed attentius examen fructificationis ut etiam amentum pedunculatum foliis instructum (cujus mentionem injecit Linné in Flora svecica) eam huc revocat.

478. *SALIX limosa*: germinibus sessilibus tomentosis, stylo elongato, amentis sessilibus ebracteatis, foliis lanceolatis acuminatis integerrimis subtus tomentosis.

S. arenaria Linn. *svec.* n. 894. *lappon.* n. 362. tab. 8. fig. o. q. *Smith. brit.* 3. p. 1058. *Engl. bot.* 26. t. 1809. cum am. mascul. *Zoega island.* — *Falk russ. topogr.* 2. p. 262. *Pallas it. sibir.* 3. p. 33. *Georgii fl. baikal.* p. 255.

S. lapponum *Lightf. scot.* p. 604.

S. pumila etc. *Gmel. sib.* 1. p. 164. n. 20. t. 36. f. 1. *Icon tab. nostr.* XVI. fig. 4.

Hab. in paludibus et locis uliginosis tum sylvaticis, subalpinis ac inferalpinis universæ Lapponiæ vulgarissime; haud vero in alpibus occurrit ex. gr. circa Virih-jaur Lapponiæ Lulensis, nec in maritimis Finmarkiæ ultra Kistrand provenit.

Linnaeus *S. argenteam* Smith in itinere Gottlandico cum hac confudit, et inde ortum est nomen specificum *arenaria*, quod Norrlandicæ speciei minime convenit Gottlandicæ autem optime. Itaque nomen specificum mutare pernecessarium duxi. Species hæc distinctissima præcipue fructificatione, vixque ulli alii Salici accedens. Rami recti, stricti, angulati: cortice nitido, fusco. Folia e geminis superioribus erumpunt, oblongo-lanceolata, semper acuminata, supra obscurioris coloris ne dicam fusciscentis vixque villosa; subtus dense albo-tomentosa, sine ullo nitore; marginibus interdum obsolete crenatis. Amenta semper prorsus sessilia sunt et nuda sine ullis bracteis foliaceis (qua nota a præcedente et plerisque aliis facile distinguitur), ob squamarum pilos longos et copiosos omnino argenteo-splendentia. Squamæ longæ scil. germen æquantes, et insuper pilis suis densis longis argenteis pistilla occultantes. Germina cinerei magis coloris quam in præcedente, eximie acuminata. Amenta mascula etiam argentea: nectario tantum unico interno integro.

Hunc e Lapponia in Horto Upsaliensi introduxi, ubi folia omnino glabra evaserunt in pagina inferiore, simulque valde rugosa.

S. glauca Engl. bot. 26. t. 1810. potius hanc quam nostram *S. glaucam* repræsentat.

Explicatio iconis: a. Amentum femineum defloratum in ramo præcedentis anni sessile. b. germen defloratum cum sua squama magn. nat. c. idem magn. aucta. d. folium.

* * Germinibus pedicellatis: pedicellis latitudine germinis longioribus.

† germinibus glabris.

479. *SALIX myrtilloides*: germinibus pedicellatis glabris, stigmatibus sessilibus, amentis glaberrimis, foliis oblongo-ellipticis basi subcordatis obtusis integerrimis glabris.

S. myrtilloides Linn. *spec.* n. 889. *lapp.* n. 357.
 tab. 8. fig. i. k. *Pallas it. sibir.* 3. p. 33. 449.
Pallas fl. ross. 2. p. 79. *Georgii fl. baikal.*
 p. 236.

S. foliis subserratis etc. Gmel. *sib.* 1. p. 166. n. 21.
Icon tab. nostr. XVIII. fig. 1.

Hab. in paludibus spongiosis inter Betulam nanam per partem sylvaticam inferiorem omnium Laponiarum svecicarum passim frequenter ex. gr. ad Sodankylä, Kiurujärvi et Pyhäjärvi Lapponiæ Kemensis, inter Jockmock et Storbacken Lapponiæ Lulensis, ad Arjeplog Lapponiæ Pitensis, nec non inter Lycksele et Tegsnäs Lapponiæ Umensis. Neque extra hanc regionem Lapponiæ eam unquam vidi; sed demum e Nylandia Fennoniæ eandem attulit Nob. a Forselles unacum *Andromeda calyculata*, *Betula nana*, *Cornu svecica* etc.

Vix datur alia quædam Salix singulis suis partibus etiam fructificationis ita glaberrima, nec ab omnibus aliis magis distincta. Fruticem constituit circiter bipedalem, parum declinatum vel adscendentem ideoque foliis plerumque subsecundis instructum, facie sua cærulescente glaberrima et foliis rotundatis *Vaccinium uliginosum* L. satis bene referentem. Ramuli glaberrimi, rufescentes. Folia exacte oblongo-elliptica, utrinque obtusa, sed præcipue basi obtusissima et omnino subcordata, integerrima et marginibus recurvata, saturate viridia, subtus parum pallidiora, nec nisi rarius subglaucescentia, magnitudine plerumque vix semipollicaria; petioli breves, gemmam fulcratam vix superantes, semper nudi sine ullis stipulis. Amenta pedunculata et foliis nonnullis stipata, quoad omnes partes glaberrima ut vix quidem rachis interdum subpubescens reperitur. Squamæ femineæ minutæ vixque tertiam partem pedicelli superantes, obtusæ, glabræ. Pedicelli germinum longiusculi vel ipsius germinis longitudinem æquantes, glabri. Germina satis incrassata, plerumque insigniter rubicunda. Stylus fere nullus: stigmate subsessili, quadrifido. Nectarium unicum, truncatum. Capsulæ majusculæ, sesquiertiam circiter lineam longæ. Amenta mascula gracillima et satis sparsiflora, omnibus partibus glaberrima.

Explicatio iconis: a. ramus foliosus cum ramulo capsulifero. b. amentum masculinum foliis duobus stipatum. c. flosculus masculus separatus magn. auct. d. ramulus annotinus gerens amentum defloratum femineum. e. particula rachidis cum germine grossificato magn. auct. f. pars superior germinis grossificati magn. magis aucta.

480. *SALIX hastata*: germinibus pedicellatis glabris elongatis, squamis hirsutis, foliis subovatis acutis subsessilibus venosis serrulatis.

S. hastata Linn. *svéc.* n. 882. *lappon.* n. 354. t. 8. fig. g. *Flor. dan.* 7. t. 1238.

S. serrulata Willden. *spec.* 4. p. 664.

S. malifolia Engl. *bot.* 23. t. 1617. bona.

Icon tab. nostr. XVI. fig. 5.

β. foliis lanceolatis subintegerrimis.

S. arbuscula β. Linn. *svéc.* n. 886. *lappon.* n. 360. tab. 8. fig. m. *Herb. Montin.*

S. tenuifolia Afzel. *mscr.*?

S. alpina pumila rotundifolia repens; in monte St. Bernhardi. *Burseri herb.* XXIV. n. 118.

Hab. locis humidis occultioribus juxta fluvios per partem sylvaticam, subalpinam et inferalpinam Lapponiarum præcipue septentrionalium vulgaris; ut etiam in salicetis subalpinis inprimis maritimis usque ad Kistrand et Tanam Finmarkiæ frequenter ibique in var. β. degenerans, qualis etiam occurrit in campis siccis sylvarum. In Lapponia Umensi omnino rara est, et nonnisi ad Risnäs prope lacum Vindeln lecta.

Mirum omnino ne dicam incredibile est, quantum hæc species ludit quodad figuram et magnitudinem foliorum. A forma subrotunda et basi cordata omnes percurrunt modificationes usque in lanceolatam, idque interdum in uno eodemque frutice. Surculi inferiores steriles sæpius formam illam cordatam foliorum *S. hastatæ* propriam gerunt; sed rami fructiferi fere semper in *S. serrulatam* abeunt, et hanc ob causam omnes fere auctores nonnisi sterilem *S. hastatam* habuerunt. Respectu consistentiæ et coloris minus variant folia utpote semper eximie venosa, flavescentia et glaberrima, satis tenuia, subtus pallida: venis plerumque rubicundis vel saltim flavescentibus. Stipulæ interdum subcordatæ et petio-

lis dupplo longiores; sed sæpius in ramis fructiferis omnino desiderantur. Partes fructificationis eo constantiores sunt. Amenta foliis coætanea, longius pedunculata: pedunculus foliis circiter quinque satis magnis stipatus. Rachis hirsuta. Squamæ flosculorum parvæ, pedicello germinis plerumque breviores; pilis longis adeo ornatae ut pistilla e villo emergere videntur. Germina semper breviter pedicellata, glaberrima, attenuata, patentia: stylo subelongato.

Icon noster sistit statum quasi intermedium inter *S. hastatam* et *tenuifoliam*, ejusque *explicatio* est: a. ramulus annotinus amentum femineum defloratum ferens. b. germen defloratum magn. nat. — c. idem cum particula rachidis quadruplo auctum. d. folium.

β. fruticem tantummodo pedalem et sesquipedalem constituens neutiquam distingui potest, quum undique in α. ab it et forma foliorum mirum in modum ludit. Primum eam separavi nomine *S. venosæ*. Folia vix unquam prorsus integerrima sunt. Fructificatio semper eadem ac in α.

481. *SALIX punctata*: germinibus subpedicellatis glabris, pedunculorum foliis gemmiferis amento longioribus lanceolato-ellipticis undato-serratis nitidis punctatis.

Icon tab. nostr. XVII. fig. 1.

Hab. in inferalpinis betuletis Finmarkiæ orientalis ex. gr. ad flumen Tana copiose, in Väjnasät ad Kistrand etc.

Respectu habitus cum varietatibus angustifoliis *S. nigricantis* vel *phylicifoliæ* convenit, sed folia nitida eam potius cum *S. myrsinitide* conjungunt. Præcipue folia inferiora cujusque ramuli nitida sunt, subtus albido-vel pallido-punctata; quæ puncta e poris epidermidis exhalantibus tumidis constituuntur et folia illis *Myricæ Gales* similia reddunt. Pedunculi amentorum adeo perfectis foliis et completis gemmis instruuntur, ut nullum sit dubium quin persistunt et ramulos denique efficiunt, quod omnino apud Salices raro contingit. Fructificatio fere ut in *S. phylicifolia*.

Explicatio iconis: a. ramus foliosus cum ramulo amentifero femineo simulque gemmifero. b. particula folii subtus microscopio visa. c. germen

grossificatum seorsim magn. nat. — d. idem cum particula rachidis magn. 4plo auctum.

482. *SALIX phylicifolia*: germinibus pedicellatis glabris subulatis, foliis oblongis undulato-serratis glabris subtus glaucescentibus.

S. phylicifolia Linn. *svec.* n. 880. *lappon.* n. 351. tab. 8. fig. d. *Smith brit.* 3. p. 1049. *Flor. dan.* 6. t. 1052. *Engl. bot.* 28. t. 1958. *Georgii fl. baikal.* p. 236?

Icon tab. nostr. XVII. fig. 2.

Hab. in locis humidiusculis umbrosis regionis sylvaticæ et inferalpinæ omnium Lapponiarum frequenter.

Hujus nullam scio differentiam essentialiorem quam longitudinem capsularum utpote pollicem dimidium attingentem. Capsulæ adeo elongatæ sunt ut corniculatæ vel rostratæ dici merentur, nec dubito quin hæc omnium Salicum svecicarum maxime macrocarpa sit. Folia sub incauta exsiccatione omnino nigrescunt. Pedunculi amentorum breves sunt foliolis minoribus capsula vix longioribus. Ramuli tenelli et rachides petiolique semper pubescunt. — Figura citata in *Engl. bot.* satis convenit, quamquam germina multo magis elongata sunt in specimenibus lapponicis. Nec germina sericea ullo modo agnosco.

Explicatio iconis: a. particula rachidis cum duobus germinibus grossificatis magn. nat. — b. unum germen magn. quadruplo aucta.

483. *SALIX majalis*: germinibus subpedicellatis glabris elongatis, amentis sessilibus ebracteatis, foliis oblongis undato-serratis subtus glaucis.

Hab. in pratis subhumidis et ad ripas fluminum per Lapponiam sylvaticam ubique frequenter.

Fruticeta plusquam orgyalia lætissimæ vel flavescens coloris constituit. Ramuli et folia semper glaberrimi, satis nitidi nec unquam nigrescentes. Ob hunc lætiorem habitum eam diu pro varietate procera *S. arbusculæ* habui. Omnium affinium Salicum maxime præcox est, utpote quæ amenta prorsus sessilia et ebracteata gerit eaque medio mensis Julii 1810. semina undique dejicientia ubi *S. nigricans* vix deflorata fuit. Germina prorsus glaberrima.

†† germinibus villosis.

484. *SALIX versifolia*: germinibus subpedicellatis pilosiusculis, stylo elongato, amenti foliolis lanceolatis, foliis oblongis oblique acuminatis integerrimis pilosiusculis.

Icon tab. nostr. XVIII. fig. 2.

Hab. in unica palude Saddiksmyran dicta prope templum Lycksele Lapponiæ Umensis copiose.

Quodammodo intermedia est inter *S. limosam* et *S. myrtilloiden*: prioris villositatem et formam germinis habet; posterioris vero est statura fruticuli, textura foliorum etc. Inter utramque etiam crescentem eam inveni, ut omnino earum proles hybrida esse potest. Ad *S. myrtilloiden* omnino propius accedit, tamen non potest non abunde differre: amento foliolis minoribus sublanceolatis stipato, germinibus brevius pedicellatis pilosis, stylo elongato, foliis oblongis basi potius elongata quam subcordata, apice acuminata subconduplicata simulque obliqua. Tum ob hanc obliquitatem tum ob folia amenti et inferiora ramorum angusta eam versifoliam dixi. In varia ætate varium quoque habitum gerit utpote florens *S. limosæ* simillima; fructificans vero *S. myrtilloiden* adeo refert ut tentatus fui eam pro ejus varietate pilis *S. limosæ* larvata habere. Non tantum folia adulta villositatem splendentem exuit, verum etiam germina omnino calvescunt, et nonnisi stylo elongato a *S. myrtilloidis* distinguuntur.

Explicatio iconis: a. ramus cum amento femineo seminato foliolis tantum minoribus fulcrato. b. particula rachidis cum duobus germinibus dupplo auctis. c. germen defloratum magn. 4: plo auctum.

485. *SALIX nigricans*: germinibus subpedicellatis villosis elongatis, foliis oblongis undato-serratis subtus incanis.

S. nigricans *Smith brit.* 3. p. 1047.

S. phylicifolia β. *Linn. svec.* n. 880. *lappon.* n. 350. tab. 8. fig. c. *Flor. dan.* 6. t. 1053.

Icon tab. nostr. XVII. fig. 3.

Hab. locis sicciusculis umbrosis per partem sylvaticam, subalpinam et inferalpinam totius Lapponiæ usque ad Kistrand Finmarkiæ frequenter.

Vix ullum mihi superest dubium, quin hæc omnino confluit cum *S. phylicifolia*: ita enim folia

glabrescunt simulque germina basi adeo calvescunt ut vix in summo apice villositas ulla superest. Folia tunc subtus satis glaucescunt, vixque ultra sesquipollicem longa sunt. Itaque etiam suspicor eam a *S. bicolore* *Engl. bot.* 26. t. 1806. haud differere; saltem amenta foeminea utriusque ex asse conveniunt.

Sed aliquando ex altera parte ad *S. capræam* eximie accedit: foliis majoribus interdum ultra tres pollices longis, subtus omnino incanis et eximie pilosis; amentis capsulisque grandioribus. Melius itaque duxi ex his varietatibus speciem intermediam admittere, quam contra differentias positas singulam varietatem diversis speciebus subjicere

Engl. bot. 17. t. 1213. haud citari meretur, cum characterem speciei omittit.

Explicatio Iconis: a. particula rachidis cum duobus germinibus paullo grossificatis. b. unum germen quadruplo auctum.

486. *SALIX capræa*: germinibus subpedicellatis sericeis, stigmatibus filiformibus, foliis obovato-oblongis integris pubescentibus.

S. capræa *Linn. svec.* n. 900. *lappon.* n. 365. tab. 8. fig. 8. *Georgii fl. baikal.* p. 236?

Lapponibus *Serg.*

Hab. locis fertilioribus siccioribus per partem sylvaticam Lapponiarum svecicarum et in inferalpinis Nordlandiæ passim.

Folia tenella tomento densissimo eximie nitent.

487. *SALIX aurita*: germinibus pedicellatis sericeis, stigmatibus sessilibus capitatis, foliis obovatis repandis apice recurvatis rugosis cinereis, stipulis lunatis.

S. aurita *Linn. svec.* n. 891. *lappon.* n. 369. tab. 8. fig. 7.

Hab. in sylvis humidis Lapponiarum inferiorum passim.

488. *SALIX livida*: germinibus pedicellatis subsericeis, stigmatibus subsessilibus bilobis, foliis oblongis subintegerrimis glabris subtus lividis.

S. arbuscula γ. *Linn. svec.* n. 886. *lapp.* n. 356.

S. bicolor. *Ehrhart arb.* 118?

S. foliolosa *Afzel. mscr.*

Icon tab. nostr. XVI. fig. 6.

β. cine-

β. cinerascens: foliis utrinque cinereis pubescentibus.

S. foliis integris glabris etc. Linn. lapp. n. 358?

Hab. locis sicciusculis campestribus sylvarum totius Lapponiæ svecicæ ubique; sed *β.* in subalpinis et inferalpinis Lapponiarum præcipue septentrionalium usque ad Utsjoki passim frequenter, unde etiam juxta flumina in partem sylvaticam descendit.

α. Tum foliis ac ramulis glaberrima est, demum fere nitida et eximie versicolor. Fruticem plerumque constituit pedalem, ramis eximie divergentibus et fere dellexis, fusciscentibus. Folia oblongo-rhomboidalia et sursum latiora, utrinque fere acuminata, supra viridia et subnitida, subtus præcipue juniora livida potius quam glaucescentia: marginibus integris vel parcius crenatis. Petioli semper nudi sine ullis stipulis, ad gemmam dilatati. Amenta brevius pedunculata, uno alterove foliolo bracteata. Squamæ pedicello germinis dupplo breviores, breviter pubescentes ut etiam rachis et pedicelli. Germinis pedicellus longitudine fere ipsius germinis. Germen subcylindricum satisque longum. Stigma subsessile, obsoletius bilobum.

Explicatio iconis: a. ramulus annotinus amentiferus femineus defloratus. b. germen paullo grossificatum. c. idem cum particula rachidis quadruplo auctum. d. folium.

β. Interdum in ipsis alpibus adscendit ibique prostrata et eximie cinereo-tomentosa evadit; ad ripas vero fluminum subalpinorum sæpius ultra orgyalem altitudinem attingit faciemque *S. cinereæ* gerit. Semper exstipulata est, qua differentia a præcedente aliisque affinibus tuto distingvitur, simulque folia æquabilia et nunquam rugosa.

Plures quidem *Salices* in Linn. fl. lapponica recensentur, quas vero respectu loci valde incertas esse crediderim. *S. fusca* supra littora bottnica Umoæ haud provenire videtur, itaque e flora lapponica excluditur, et sic in cæteris.

EMPETRUM.

Gen. plant. ed. Schreb. n. 1496. Gærtn. de fruct. 2. p. 107. tab. 106.

489. *EMPETRUM nigrum*: procumbens, ramulis glabris, foliis oblongis margine revolutis glabris.

Willden. spec. 4. p. 413.

E. nigrum Linn. *svec.* n. 904. *lappon.* n. 379. *Flor. dan.* t. 975. *Engl. bot.* 8. t. 326. (baccis minim.) *Lightf. scot.* p. 612. *Zoega island.* — *Crantz groenland.* — *Michaux amer.* 2. p. 255. *Landt færoens.* — *Georgii fl. baikal.* p. 256. *Falk russ. topogr.* 2. p. 263. *Pallas it. sibir.* 3. p. 33 et 286. *Flor. Kamtschatk. in Arct. Zool.* p. 196. *Arct. Zoolog. ad Nutka sound.* p. 242.

Lapponibus *Tjouma.* Norvegis *Kræke - riis.*
Svecis *Kræk-ris.*

Hab. ubique omnium vulgatissimum: scil. in collibus et campis siccioribus sylvaticis atque subalpinis frequentissime; in ipsis alpihus etiam maritimis earumque lateribus campisque omnibus vix parcius, sed summa cacumina haud frequentat ante *Andromedam tetragonam* desistens.

Baccæ in alpihus multum grandiores et sapidiiores sunt quam in sylvis, itaque a Lapponibus minime spernuntur.

H I P P O P H A Æ.

Gen. plant. ed. Schreb. n. 1509. *Gærtn. de fruct.* 1. p. 199. *tab.* 42.

490. HIPPOPHAË *Rhamnoides*: foliis lineari-lanceolatis supra glabris subtus albidis lepidotis. *Willden. spec.* 4. p. 743.

H. Rhamnoides Linn. *svec.* n. 906. *lappon.* n. 372. *Flor. dan.* t. 265. *Gunner. norv.* n. 11. *Falk russ. topogr.* 2. p. 263. *Pallas fl. ross.* 2. p. 43.

Hab. ad littora maris per Nordlandiam meridionalem raro: *Gunnerus.*

M Y R I C A.

Gen. plant. ed. Schreb. n. 1510. *Gærtn. de fruct.* 1. p. 190. *tab.* 39.

491. MYRICA *Gale*: foliis cuneato-lanceolatis apice subserratis, amenti squamis acuminatis. *Willden. spec.* 4. p. 745. *Flor. dan.* t. 327. *Engl. bot.* 8. t. 562. *Lightf. scot.* p. 613. *Linn. svec.* n. 907. *lappon.* n. 373. *Michaux amer.* 2. p. 227. *Gunn. norv.* — *Falk russ. topogr.* 2. p. 263. *Pallas fl. ross.* 2. p. 90.

Hab. ad ripas depressas lacuum prope limitem inferum Lapponiæ maxime meridionalis, nec supra lacum Hissjö Vesterbottniæ unquam a me lecta quamquam diligentissime per plures annos quæsitâ; in Nordlandia australiori frequenter: *Gunnerus*.

P O P U L U S.

Gen. plant. ed. Schreb. n. 1531. Gartn. de fruct. 2. p. 56. tab. 90.

492. *POPULUS tremula*: foliis suborbiculatis dentatis utrinque glabris, petiolis compressis, ramulis hirtis. *Smith brit. 3. p. 1081. Linn. svec. n. 909. lappor. n. 376.* (ante Monandriam inserta). *Engl. bot. 27. t. 1909. Pallas fl. ross. 1. p. 65. Lightf. scot. p. 616. Gmel. sib. 1. p. 151. n. 4. Georgii fl. baikal. p. 236. Falk russ. topogr. 2. p. 266.*

Lapponibus *Suppe*. Fennonibus *Haapa*. Svecis *Asp*.

Hab. in humidiusculis præcipue ad radices montium per partem sylvaticam et subsylvaticam Lapponiarum meridionalium ubique, septentrionalium passim frequenter; ut etiam in inferalpinis totius Nordlandiæ passim, sed Finmarkiæ raro ex. gr. ad Kistrand et Tana nonnisi pauci frutices, ad Polmak et Utsjoki singulæ arbores minores.

R H O D I O L A.

Gen. plant. ed. Schreb. n. 1532.

493. *RHODIOLA rosea*: *Linn. svec. n. 912. lappor. n. 378. Engl. bot. 8. t. 508. parva. Landt færoens. — Flor. dan. t. 143. Lightf. scot. p. 619. Olavs. it. island. p. 320. 163. Cranz grænländ. — Pallas it. sibir. 3. p. 34. 244. Georgii fl. baikal. p. 237. Gmel. sibir. 4. p. 174. Falk russ. topogr. 2. p. 267.*

Sedum Rhodiola Decand. pl. succ. p. 143. t. 143 Willden. en. hort. berol. p. 485.

♂ floribus magis aggregatis, petalis majoribus.

♀ floribus cymosis, petalis obsoletioribus.

Hab. locis irrigatis et declivis rupestribus per totum alpium jugum præcipue Norvegiam versus vulgarissime, et in alpinis maritimis locisque inferalpinis usque ad Nordcap ubique frequenter; sed e

svecico latere haud extra alpes altiores ex. gr. Själapoult Lapponiæ Lulensis occurrit, nisi ad fluvios disseminata rarius ad Palojoensuu et versus Enontekis Lapponiæ Tornensis.

Uti reliquæ radices truncosæ, sic etiam hæc radiis vascularibus discretis massam cellurarem percurrentibus prædita est. Cortex flavus adfuso kali nigro-cærulescit, ut etiam sub digestionem in aqua, qui color tamen denique in brunneum vergit. Materiam coriariam optimam copiosam continet, quæ pulcherrime cæruleo-nigrescit (sine virescentia ut in Tormentilla) ex adfuso ferrico. Folia subcuneiformia, dentata. Flores quidem interdum inveniuntur hermaphroditi, sed valde dubito an unquam semina maturant. Quum adeo stamina et petala in aliis perfectiora, pistilla autem in aliis plantis vegetiora exclusis alternis staminibus eaque sola fertilia, manere quidem potest Rhodiola ut distinctum genus. In horto Upsaliensi nonnisi flores masculinos vidi.

JUNIPERUS.

Gen. plant. ed. Schreb. n. 1542. Gærtn. de fruct. 2. p. 62. tab. 91.

494. *JUNIPERUS communis*: foliis ternis patentibus mucronatis bacca longioribus. *Linn. svec. p. 915. lappon. n. 376. Engl. bot. 16. t. 1100. Pallas ross. 1. p. 2. 12. t. 54. Gmel. sibir. 1. p. 182. n. 32. Lightf. scot. p. 625. Zoega island. — Cranz grœnl. p. 87. Landt fœroens. — Michaux amer. 2. p. 245. Flor. kamtschatk. in Arct. Zool. p. 196. Georgii fl. baikal. p. 237. Falk. russ. topogr. 2. p. 268.*
- β. *alpina*: foliis paullo latioribus et brevioribus, baccis subellipticis. *Smith brit. 3. p. 1086.*
- Lapponibus *Kaskes*. Fennonibus *Katawa*. Svecis *En*.

Hab. ubique: scil. præcipue locis humidiusculis in parte sylvatica, subalpina et inferalpina omnium Lapponiarum vulgatissime, ut etiam in alpinis earumque lateribus ubique frequenter; sed in maritimis alpinis juxta Nordcap vix provenit ex. gr. Mageröæ, Maasöæ etc.

CLASSIS XXIII.

P O L Y G A M I A.

V E R A T R U M.

*Gen. plant. ed. Schreb. n. 1564. Gærtn. de fruct. 1. p. 71.
tab. 18.*

495. *VERATRUM album*: racemo glabro, corollis subsessilibus acutis, foliis subplicatis.

V. album Linn. spec. plant. 2. p. 1479. Flor. dan. t. 1120. Gunner. norv. n. 315. t. 1. Falk russ. topogr. 2. p. 269. Pallas it. sibir. 3. p. 320. Gmel. sib. 1. p. 75. n. 40. Michaux amer. 2. p. 249. (V. viride Willden. spec. 4. p. 896.) Suter helv. 2. p. 294.

Lapponibus Finmarkiæ *Kasnem-grase* (i. e. ster-
nutatoria herba).

Hab. juxta rivulos alpinos locis humidis occultiori-
bus Finmarkiæ maritimæ interdum copiosissime;
scil. in Taborsnäs Porsangriæ frequenter, ad Kjel-
vig parcius, in Hopseidet et adjacentibus sinubus
maris omnium copiosissime ibique alte in alpi-
bus adscendit, ut etiam ad Varanger parcius.

Folia inferiora ultra spithamam caulem vagi-
nant, superiora etiam vaginantia sunt sed breviter
circiter dimidiam pollicis. Vaginæ et nervi foliorum
interdum obsoletius pubescunt, ut etiam bractea-
ram insertiones in rachide; de cætero tota planta
glaberrima. Corolla nervosa, luteo-viridis, quoad
habitum campanulata, acuta.

A T R I P L E X.

Gen. plant. ed. Schreb. n. 1577.

496. *ATRIPLEX patula*: foliis sagittato-lanceolatis.
Linn. lappon. n. 377.

Hab. in agris Lapponiarum meridionalium rarius:
Linne.

CLASSIS XXIV.

CRYPTOGAMIA.

Ordo I. FILICES.

Capsulæ bifariam dehiscentes. Semina discreta obliqua funiculo adfixa.

POLYPODIUM.

Svartz synops. fil. p. 25.

Capsulæ gyratæ in puncta subrotunda nuda aggregatæ.

497. *POLYPODIUM vulgare*: fronde pinnatifida, laciniis linearibus obtusis subserratis, caudice paleaceo.

P. vulgare Linn. *svec. n. 944. lappon. n. 381. Willden. spec. 5. p. 172. Schkuhr. crypt. p. 12. t. 11. Engl. bot. 16. t. 1149. Flor. dan. t. 1060. Lightf. scot. p. 667. Zoega island. — Michaux amer. 2. p. 271. Georgii fl. baikal. p. 238. Falk russ. topogr. 2. p. 273.*

Hab. in lateribus montium sylvaticorum meridiei expositis per Lapponias svecicas rarius ex. gr. in Kalisbout Lapponiæ Pitensis, in Njammats et Keurivare Lapponiæ Lulensis, in Vallivaara Lapponiæ Tornensis; ut etiam in monticulis Finmarkiæ occidentalis et Nordlandiæ septentrionalis raro ex. gr. in Storviksnäset Altensi, ad Qualvig Lyngensem, sed in Nordlandia meridionali vulgatius.

Puncta s. maculæ fructiferæ omnino nudæ sine ullis pilis vel involucris, demumque confluant.

In Filicibus sic dictis gyratis capsulæ sunt inæquilateræ evalves; ab uno latere gyro seu nervo articulado e receptaculi vasculis orto munitæ, et ab altero latere tenuissimæ transversim disrumpentes, sine valvulis efformatis et sine sutura limitata.

498. *POLYPODIUM ilvense*: frondibus bipinnatifidis, pinnis oblongis obtusis, laciniis ovalibus integris, fructu hirsuto submarginali, stipite paleaceo. *Svartz synops. fil. p. 39. Willden. spec. 5. p. 198. Schkuhr crypt. p. 16. t. 19.*

Acrostichum ilvense Linn. *spec. n.* 938. *lappon.* n. 583. *Flor. dan.* 3. t. 391. *Falk russ. topogr.* 2. p. 272. *Georgii fl. baikal.* p. 238.

Hab. in rupibus montium sylvaticorum, subalpinorum et inferalpinorum totius Lapponiæ usque ad Utsjoki passim.

Maculæ fructificationis semper pilis numerosis nitentibus valde hirtæ sunt, sed præterea pinnæ sæpe glabræ inveniuntur. Pinnæ omnes fructiferæ sunt. Stipes paleis angustis sparsis ornatus, crassitudine fili, sæpius fuscescens, sed articulo præditus ut in sequente.

499. *POLYPODIUM hyperboreum*: frondibus subbipinnatifidis, pinnis inferioribus sterilibus semicircularibus trifidis crenatisque, fructu subhirsuto, stipite lævi.

P. hyperboreum *Svartz synops.* p. 39. *Willden. spec.* 5. p. 197. *Schkuhr crypt.* p. 189. t. 17. b.

P. arvenicum *Smith brit.* 3. p. 1115.

P. ilvense *Wither. arrang.* p. 774. *Zoega island?* —

Acrostichum hyperboreum *Liljebl. in Act. Stockh.* 1793. p. 201. t. 8.

β. *gracile*: pinnis omnibus pinnatifidis.

P. hyperboreum *Engl. bot.* 29. t. 2023.

Hab. in scrobiculis et fissuris per latera alpium Lulensium et Nordlandicarum meridionalium passim copiose ex. gr. inter Lommijaur et Langvand Saltenensis, in alpe Lill-Tokin juxta Virih-jaur, et in alpe Jolli ad Sorjåsjaur; ut etiam ad Torneträsk visum a Cel. *Liljeblad*; nec non extra alpium jugum in monte subalpino Kalkisbout Lapponiæ Pitensis parcius a me repertum.

A præcedente abunde diversum est, idque magis glabritie sua, mollitie majori atque gracilitate, quam forma quadam constanti pinnarum. Radix eodem modo cæspitosa, sed duplo tenuior. Stipes in medietate inter radicem et pinna infimas articulo perevidenti dividitur, ad quem denique dissolvitur et adeo rudimenta ejusdem longitudinis quasi forcipe excisa relinquit; de cætero supra hunc articulum semper glaberrimus atque lævissimus, crassitie setæ equinæ, et coloris virescentis. Quoad longitudinem haud cedit præcedenti utpote interdum spithamæum.

Pinnæ inferiores a se invicem distantes vel interstitiis triplo breviores, steriles vel sine fructu, omnino semicirculares, utrinque glaberrimæ, valde molles et ita tenues ut fere pellucidæ; superiores sensim elongantur et pinnatifidæ evadunt, atque fructu instruuntur, utrinque glabræ excepto fructu. Fructificationis maculæ duplo triplove minores quam in præcedente, submarginales, in suprema parte frondis confluentes, pilis paucioribus et brevioribus præditæ. Etiam lacinia pinnarum superiorum sæpius crenatæ sunt.

β. adeo gracillimum et longum est ut *Aspidium fragile* valde refert. Pinnæ omnes æquales fructiferæ, oblongæ, pinnatifidæ. Hanc varietatem exhibet *Engl. bot.* 29. t. 2023.

500. *POLYPODIUM Phegopteris*: frondibus subbipinnatis subtus hirtis, pinnis infimis deflexis, pinnulis baseos rachi adnatis rhombeis.

P. *Phegopteris* Linn. *svec.* n. 945. *lappon.* n. 382. *Willden. spec.* 5. p. 199. *Schkuhr crypt.* p. 17. t. 20. a. *Lightf. scot.* p. 669. *Flor. dan.* t. 41. *Zoega island.* — *Falk russ. topogr.* 2. p. 273.

Hab. in Lapponia Lulensi rarius: Linné (ubi ego illud nunquam vidi); sed in sylvis inferalpinis et locis umbrosis fertilioribus ad radices alpium per totam Nordlandiam vulgatissime, per Finmarkiam occident. rarios copiose usque ad Kistrand.

Pili ad fructificationem vix positi sunt, sed præcipue in venis pinnularum.

501. *POLYPODIUM Dryopteris*: fronde ternata, foliolis bipinnatis patulis, radice filiformi.

P. *Dryopteris* Linn. *svec.* n. 949. *lappon.* n. 387. *Lightf. scot.* p. 678. *Willden. spec.* 5. p. 209. *Engl. bot.* 9. t. 616. *Schkuhr crypt.* p. 19. t. 25. *Zoega island.* — *Pallas it. sibir.* 3. p. 293. 320. *Falk russ. topogr.* 2. p. 273. *Georgii fl. baikal.* p. 258

Nephrodium Dryopteris Michaux amer. 2. p. 270

Hab. in rupibus montium Lapponiarum omnium Svecicarum rarius; sed ad radices alpium et in pratis inferalpinis per Nordlandiam omnium vulgatissima et Finmarkiam etiam frequenter usque ad Rebvog et Hopseidet.

Frons adeo ternata, ut foliola tria prorsus æqualia petiolata sunt atque bipinnata, simulque triangularia ob pinna baseos duplo majores quam intermedias. Pinnulæ integræ, obtusæ.

ASPIDIUM.

Swartz synops. fil. p. 42.

Capsulæ gyratæ in punctis subrotundis involucello umbilicato s. laterali tectis.

502. *ASPIDIUM Lonchitis*: fronde pinnata, pinnis lunulatis dentato-spinulosis, stipite strigoso.

A. Lonchitis Swartz synops. p. 43. Willden. spec. 5. p. 224. Schkuhr crypt. p. 29. t. 29. bona.

Polypodium Lonchitis Linn. spec. plant. p. 1548. Gunner. norv. n. 49. Flor. dan. 3. t. 497. Lightf. scot. p. 668. Engl. bot. 12. t. 797. opt. Cranz grœnland. —

Lonchitis aspera; in Pyrenæis. Burseri herb. XX. n. 41.

Hab. in radicibus superioribus alpium Nordlandicarum, rupium sicciorum fissuris innatum, passim copiose ex. gr. ad Ranen et Salten fere ubique, ad Lyngen quoque copiose; in Finmarkia occidentali rarius ex. gr. in Storrignäset ad Alten, et in alpe prope Strandgård Porsangriæ parce: sed e svecico latere alpium nonnisi in meridionalioribus parcius occurrit, uti in alpe Säkko Lulensis a me lectum et prope Tornensem lacum a Cel. *Liljeblad.*

Ob rigiditatem et strigositatem suam insignem valde memorabilis est species, cui nulla affinis inter nostrates existit. Figura frondis linearis angusta est atque utrinque attenuata, latitudine bipollicari, sed longitudine sæpius bipedali. De cætero frons sessilis, prope radicem pinnis brevioribus deltoideis vel triangularibus deflexis; ut vero superiores evadunt pinnæ eo magis elongantur, et lobo basilari tantum superne instruuntur unde formam obliquam lunulatam acquirunt. Dentes spinulosi pinnarum inferiorum valde insignes, rigidi, quamquam haud propriepungentes. Stipes et rachis crassiuscula firma, triangularis, utrinque paleis magnis rufescentibus tecta.

503. *ASPIDIUM dilatatum*: fronde bipinnata ovato-triangulari, laciniis pinnularum oblongis obtusiusculis mucronato-serratis, stipite paleaceo.

A. dilatatum *Smith brit.* 3. p. 1125. *Willden. spec.* 5. p. 263.

Polypodium dilatatum *Hoffm. germ.* 2. p. 7.

β. spinulosum: laciniis acutis, fronde magis elongata.

A. spinulosum *Willden. spec.* 5. p. 262. *Schkuhr crypt.* p. 48. t. 48.

P. spinulosum *Retz. prodr.* p. 250. *Flor. dan.* 4. t. 707.

Hab. in umbrosis inferalpinis Nordlandiæ passim, ut etiam in montibus sylvaticis e svecico latere rarius ex. gr. ad Quickjock; nec non ad Tana Finmarkiæ visum.

Forma frondis deltoidea vel inferne valde dilatata facillime distinguitur a *Filici mare* atque *femina*, simulque ad *A. montanum* accedit. De cætero discrete crescit, nec in tantis fasciculis ac sequentia.

504. *ASPIDIUM Filix mas*: frondibus bipinnatis, pinnulis oblongis obtusis crenulatis, stipite paleaceo, fructibus costæ approximatis.

A. Filix mas. *Svartz synops.* p. 55. *Willden. spec.* 5. p. 259. *Schkuhr crypt.* p. 45. t. 44.

Polypodium Filix mas. *Linn. svec. n.* 946. *lapp. n.* 385. *Gunner. norv. n.* 4. tab. 1. f. 4. *Lightf. scot.* p. 671. *Olavs. it. island.* p. 816. *Landt færoens. — Georgii fl. baikal.* p. 258. *Falk russ. topogr.* 2. p. 273.

Hab. ad rivulos et locis humidis per partem sylvaticam et subsylvaticam Lapponiarum meridionalium passim; at in inferalpinis et radicibus alpium inferioribus totius Nordlandiæ vulgaris, et Finmarkiæ usque ad Utsjoki fere ubique.

505. *ASPIDIUM Filix femina*: frondibus bipinnatis, pinnulis lanceolatis acutis dentatis, involucellis fructus lateralibus.

A. Filix femina *Swartz. synops.* p. 59. *Willden. spec.* 5. p. 276. *Schkuhr crypt.* p. 56. t. 59.

Polypodium Filix femina *Linn. svec. n.* 947. *lapp. n.* 386. *Gunner. norv. n.* 29. *Lightf.*

scot. p. 673. Zoega island. — Pallas it. sibir. 3. p. 320. Falk russ. top. 2. p. 273.

Nephrodium Filix femina Michaux amer. p. 263?

Hab. in humidis sylvaticis usque in parte subalpina Lapponiarum meridionalium frequentius; ut etiam in inferalpinis et radicibus alpium cum præcedente parcius.

Etiam in his locis plus minusve composita occurrit, sed semper præcedente multoties tenerior, maculis fructus duplo minoribus.

506. *ASPIDIUM fragile*: frondibus bipinnatis, pinnis oppositis, pinnulis distantibus obovatis incisodentatis, involucellis lateralibus. *Swartz synops. p. 58. Schkuhr crypt. p. 53. t. 54.*

Polypodium fragile Linn. svec. n. 948. lappon. n. 384. Landt færoens. — Flor. dan. t. 401. Lightf. scot. p. 677. Zoega island. — Pallas it. sibir. 3. p. 293. Georgii fl. baikal.

Cyathea fragilis Engl. bot. 23. t. 1587.

Hab. in sylvestribus omnium Lapponiarum passim frequenter; in inferalpinis et radicibus alpium Nordlandiæ et Finmarkiæ frequentius, ut etiam in rupium fissuris prope Nordcap visum.

507. *ASPIDIUM montanum*: frondibus tripinnatis deltoideis, pinnulis distantibus pinnatifidis: laciniis incisis dentatisque sublinearibus, fructibus solitariis.

A. montanum Swartz synops. p. 61. Willden. spec. 5. p. 286. Schkuhr crypt. p. 61. t. 63. optim.

Polypodium montanum Allion. pedem. n. 2410.

Hab. in umbrosis convallibus inferalpinis Nordlandiæ meridionalis rarius copiose ex. gr. ad Sörfoldbotten præfecturæ Saltensis; ut etiam in scrobiculis et sub lapidibus alpium Lulensium rarius ex. gr. in Jolli ad Sorjäsjaure et in Jejna-apo ad Virihjaur parce.

Quia pinnæ inferiores maximæ sunt ut duas tertias partes longitudinis totius frondis superant, facile pro ternata sumitur frons et inde perperam orta est comparatio hujus cum *Polypodio Dryopteride*. Reapse nonnisi ter pinnata est; pinnis inferioribus grandioribus et dilatatis fere ut in *Asp. dilatato*, cui re vera similior mihi videtur quam cæ-

teris. Pinnæ et pinnulæ a se invicem distantes nec unquam contiguæ, plerumque alternæ, breviter pedicellatæ. Laciniaë pinnularum ultimarum adeo angustæ sunt ut latitudine rachidi frondis fere cedunt; est itaque hæc filix tenuius divisa quam ipsum *Aspidium fragile*. Puncta fructus ut in *Asp. fragili*. Stipes sæpius duplo longior quam ipsa frons, paleis raris adpersus. Satis pulchra est species, forma triangulari frondis atque multiplici divisione nec non colore saturate viridi insignis.

ASPLENIUM.

Swartz synops. fil. p. 74.

Capsulæ gyratæ in lineolis rectis per frondem sparsis natæ; involucello exteriori introrsum dehiscente.

508. *ASPLENIUM septentrionale*: frondibus nudis subfiliformibus bipartitis laciniatisque.

Aspl. septentrionale Swartz synops. p. 75.

Acrostichum septentrionale Linn. svec. n. 937. lappon. n. 380. Lightf. scot. p. 656. Falk russ. topogr. 2. p. 272.

Hab. in inferalpinis Nordlandiæ meridionalis rarius: *Linne.*

509. *ASPLENIUM viride*: frondibus pinnatis: pinnis pedicellatis rhombæo-subrotundis inciso-crenatis, rachide decidua.

A. viride Huds. angl. p. 453. Lightf. scot. p. 663. Swartz fil. syn. p. 80. Flor. dan. 8. t. 1289. optim. Willden. spec. 5. p. 332. Schkuhr crypt. p. 68. t. 73. optim.

Trichomanes minus et tenuius; in monte Wasserfall Helvetiæ. Burseri herb. V. XX. n. 15. et 16.

Hab. in rupium fissuris umbrosis subirrigatis juxta radices alpium Nordlandiæ meridionalis passim ex. gr. ad Sörfolden et ad Saltenfjord pluribus locis frequenter; ut etiam Finmarkiæ occidentalis rarius juxta Alten in Størvignäset et Kaafjord, nec non in alpe ad Strandgård Porsangriæ cum *Pteride crispa*. Ex ultimo hocce loco idem vivum in Horto Upsaliensi introduxi, ubi per tres annos cultum haud mutabatur. Intra Sveciæ limites hucusque haud observatum, nisi in Vermlandia.

Differt præcipue a sequente gracilitate sua atque mollitie, qua tota frons peractâ fructificatione mox cadit unacum stipite suo viridi. Radix minus dense cæspitosa. Stipes nudus plerumque bipollicaris frondem elevat, quoad inferiorem partem fuscescens atque ultra hiemem persistens, de cætero semper viridis et annuus mollis unacum rachide. Pinnæ tenuissimo atque brevi pedicello insidentes, interdum adeo latæ ut semicirculares dicerentur, plerumque rhombeo-subrotundæ, molles et tenues ut nervi transparent, situ plerumque alternantes, numero sedecim paria vix superantes, sed plerumque majores quam in sequente, et in apice frondis confluentes. Lineæ fructus primum regulares nervis insidentes iisque triplo fere breviores, tenuissimo involucello albicante stipatæ, quo mox cadente in maculas irregulares diffluunt capsulæ ut aspidium magis refert.

E contrario in *Aspl. Trichomane*: stipes brevissimus unacum rachide longa, tota perenni vel ultra hiemem persistente, rigida, saturate fusca et nitida, fasciculum setaceum insignem efficiente unde ortum est nomen *Trichomanes* s. *Polytrichum* officinarum; Pinnæ mox prope radicem inseruntur, in tota fronde duplo numerosiores utpote sæpius ultra viginti quatuor paria, simulque minores unde frons magis linearis evadit, atque angustiores, ovatæ, opacæ ut nervi haud apparent, crenulis numerosioribus notatæ, etiam in apice frondis distinctæ. Lineæ fructus persistenti involucello stipantur ut vix diffluunt, totam fere nervorum longitudinem emetientes.

510. ASPLENIUM *Trichomanes*: frondibus pinnatis: pinnis sessilibus ovatis rotundatis crenulatis, rachide persistente.

A. *Trichomanes* Linn. spec. n. 942. lapp. n. 388. Georgii fl. baikal. p. 258.

Hab. in monte subsylvatico Keurivare supra Jockmock Laponiæ Lulensis; Linné; ubi ego illud haud reperi nec alibi: an præcedens fuerit?

511. ASPLENIUM *Ruta muraria*: frondibus alternatim decompositis: pinnulis cuneiformibus crenulatis lobatisque. Linn. spec. n. 945. Flor. dan. t. 190. Schkuhr crypt. p. 75. tab. 80. b.

fig. 1. 4. bonæ. *Lightf. scot.* p. 665. *Michaux amer.* 2. p. 266. *Falk russ. topogr.* 2. p. 273. *Pallas it. sibir.* 3. p. 315. *Georgii fl. baikal.* p. 238.

Hab. in rupibus juxta mare sententrionali Nordlandiæ et Finmarkiæ maxime occidentalis rarissime, nec nisi ad Qualvig Lyngensem et in Sturvignäset Altensem parcius lecta. Planta vero ipsa nihil differt a vulgari svecica.

P T E R I S.

Swartz synops. fil. p. 94.

Capsulæ gyratæ in lineam continuam marginalem collectæ; involucello e marginibus frondis orto introrsum dehiscente.

512. *PTERIS aquilina*: fronde supradecomposita: foliolis pinnatis: pinnulis lanceolatis: infimis pinnatifidis, superioribus minoribus. *Linn. svec.* n. 940. *Willden. spec.* 5. p. 402. *Schkuhr crypt.* p. 87. t. 35. *Engl. bot.* 24. t. 1679. *Falk russ. topogr.* 2. p. 272. *Lightf. scot.* p. 657. *Michaux amer.* 2. p. 262. *Pallas it. sibir.* 3. p. 320.

Hab. in lateribus montium inferalpinorum meridiei expositis per Nordlandiam meridionalem passim. Ego eam pluribus locis vidi in præfectura Saltensi frequenter, nec alibi in Lapponia unquam.

Margines pinnularum leviter reflectuntur, ut nihilo tamen minus involucellum proprium cum linea fructificationis clare patet.

513. *PTERIS crispa*: frondibus supradecompositis alternatim ramosis, foliolis sterilibus ovalibus crenatis obtusis; fertilibus sublinearibus margine incurvo fructum tegente.

Pt. crispa Smith brit. 3. p. 1137. *Swartz syn.* p. 101. *Engl. bot.* 17. t. 1160. *Willden. spec.* 3. p. 395. *Schkuhr crypt.* p. 90. t. 98. f. ond. angustiss.

Osmunda crispa Linn. spec. plant. p. 1522. *Lightf. scot.* p. 655. *Flor. dan.* 3. t. 496.

Onoclea crispa Swartz in Act. holm. 1789. p. 109.

Filicula alpina crispa; in montibus Helvetiæ. *Burs. XX.* n. 35.

Hab. in lateribus lapidosis meridionalibus montium subalpinorum vel alpium juxta subsylvaticam regionem positarum rarius frequenter ex. gr. in Örfjället et Kåbdespakti Lapponiæ Pitensis, ad Kaskajvo et Säckok prope Quickjock Lapponiæ Lulensis, nec non in Yllostunturi Lapponiæ Kemensis (*Liljeblad*); ut etiam in alpe maritima Finmarkiæ juxta Strand Porsangriæ copiose.

Valde insignis est filix et nulli cæterarum nostrarum affinis; nec adhuc clare patere mihi videtur cujus sit generis. Radix quodammodo repens est, sed adeo tortuosa et replicata ut cæspitem densum efficit. Frondes steriles primariæ vel primo vere surgentes quoad divisionem et formam adeo rutaceæ vel foliis rutæ similes, ut nihil magis; rachis earum alterne pinnatim dividitur idque tribus iteratis vicibus; ramis omnibus nudis sine ullis auriculis vel foliolis adnatis; ramuli terminantur foliolis discretis ovalibus, indivisis, obtusis, crenatis, rachide ipsa saltim triplo latioribus. Aliæ adsunt frondes steriles secundariæ s. intermediæ, præcedentibus longiores, quarum foliola incisa et lacinata, ut vix lacinia existit rachide latior. Denique frondes fertiles eodem modo dividuntur ac steriles, sed foliola earum ob margines revolutas linearia evadunt et rachide vix latiora, indivisa et integerrima. Capsulæ in margine revolutato foliolorum omnino latent, nec unquam sponte in prospectu veniunt, de cætero pauciores sunt vixque in linea quadam arcte contiguæ, nec ab involucello quodam proprio tectæ, sed tantum margine attenuato occultatæ. Margines foliolorum adeo revolutæ sunt ut sibi invicem contingunt, quo teretiusculæ evadunt frondes fructiferæ ut in *Onoclea*, nec raro subarticulatæ et subdivisæ ut novum illud genus *Cheilanthem* valde referunt.

ONOCLEA.

Swartz synops. fil. p. 110.

Capsulæ gyratæ confertæ paginam pinnularum frondis diversæ occupantes, earumque marginibus involucratæ.

514. *ONOCLEA Struthiopteris*: frondibus pinnatis: pinnis pinnatifidis, fructiferis teretiusculis.

O. Struthiopteris. Swartz synops. p. 111. Schkuhr crypt. p. 97. t. 105.

Osmunda Struthiopteris Linn. *svéc. n.* 935. *Flor. dan. t.* 169. *Gunn. norv. n.* 1. *t.* 1. *f.* 1. 2. 3. *Falk russ. topogr. 2. p.* 272. *Georgii fl. baikal. p.* 238.

Struthiopteris germanica Willden. *spec. 5. p.* 288. *Nordlandis tromsöensibus* Tilg s. Tælg it. *Mol-foor-tælg.* *Helgelandis Kaal-jæske.*

Hab. ad radices alpium et in convallibus inferalpinis per totam Nordlandiam fere ubique frequentissime ex. gr. in Helgelandia et præfectura Saltensi vulgatissime, in præfectura Tromsensi ad Malanger, Balsfjord et Lyngensfjord copiose; in Finmarkia occidentali ad Alten frequenter, sed ulterius haud visa nisi ad Seskojoki supra Utsjoki Kemenensis. E latere svecico alpium eam tantum ad montem Njammats Quickjockiæ Lapponiæ Lulensis copiose reneri.

Frondes steriles satis molles atque tenues sunt; laciniis integerrimis obtusis. Rachis frondium fructiferarum crassa et rigida, profunde canaliculata et primum conduplicata.

Nordlandi norvegici teneros circinnos in jusculis edunt; et radicibus boes alunt.

B L E C H N U M.

Svartz synops. fil. p. 113.

Capsulæ gyratæ in linea longitudinali juxta costam pinnarum extensa; involucello exteriori continuo introrsum dehiscente.

515. *BLECHNUM Spicant*: frondibus lanceolatis pinatifidis: laciniis lanceolatis obtusiusculis contiguis, fructiferis discretis. *Roth. tentam. 3. p.* 44.

Blechnum boreale *Svartz synops. p.* 115. *Engl. bot. 17. t.* 1159. *Smith brit. 3. p.* 1135. *Willden. spec. 5. p.* 408. *Schkuhr crypt. p.* 102. *t.* 110.

Osmunda Spicant Linn. *svéc. n.* 936. *Flor. dan. t.* 99. *Lightf. scot. p.* 654. *Gunner. norv. n.* 213. *Landt færoens. —*

Hab. in inferalpinis Nordlandiæ meridionalis passim copiose ex. gr. in Bringbärslien ad templum Rörstad.

Frondes

Frondeſe tum ſterileſe ac fructiferæ æque diviſæ ſunt fere ad rachidem, ſed in fertilibus lacinix con- trahuntur vel anguſtantur, ut ſinuſ latioreſe evadunt præcipue in maturiſe ſpeciminibuſe. Lineæ fructifi- canteſe primum vix dimidiam latitudinem pinnarum occupant a margine ſatiſe diſtanteſe. In pagina infe- riore pinnarum ſteriliuſe epidermiſe tota ſolvitur et elevatur, nec quidem coſtæ mediæ adhæret.

ORDO II. TETRADIDYMAE.

Wahlenb. Nov. Act. Uſpſal. VII.

Semina 4 in tetraëdron connata intra capsulam bivalvem ſe. evalvem.

BOTRYCHIUM.

Svartz ſynops. fil. p. 171.

Capsulæ bivalveſe agyrate nudæ rachidi racemi fru- tiferi adnatæ.

516. BOTRYCHIUM *Lunaria*: ſcapo caulino unico, fronde ſolitaria pinnata, pinnis lunatiſe integer- rimis. *Svartz ſynops. p. 171. Schkuhr crypt. p. 156. t. 154. bona.*

Oſm. Lunaria Linn. ſvec. n. 934. lappon. n. 389. Flor. dan. t. 18. Lightf. ſcôt. p. 652. Olavs. it. island. p. 434. Landt færoenſe. — Falk ruſſ. topogr. 2. p. 272.

Hab. in maritimis et inferalpinis Nordlandiæ rariuſe ex. gr. ad Sörfolden Saltenſiſe et Lyngen Tromſen- ſiſe parce, nec non Finmarkiæ in Maasöa viſa; in ſylviſe Lapponiæ Lulenſiſe vidit Linnæuſe et prope Lyckſele ipſe.

Capsulæ adnatæ, æquilateræ vel vaſculiſe per omnia latera æque diſperſiſe præditæ, nullo gyro unilaterali munitæ, ſed bivalveſe ab apice verſuſe fun- dum tranſverſaliſe ſponteque dehiſcenteſe idque per ſuturam præformatam. Semina quaternatiſe connata reperi quamquam minus evidentere.

Ex jam relatiſe conſtat pleraſque Filiceſe Lappo- nicaſe e latere Norvegico alpiuſe provenire præcipue lociſe anguſtiſe occultiſe meridiei expoſitiſe. Pauciſ- ſimæ in ipſiſe alpiſe obſervatæ ſcrobiculoſe reſeſſuſe.

que maxime absconditos sibi eligunt ibique brevi vigent; adeo ut neque hæ repugnant cæterarum naturam frigoris impatientissimam. Quæ vero nunc sequuntur plantæ frigorem optime sustinent.

LYCOPODIUM.

Linn. gen. ed. Schreb. n. 1615. Wahlenb. in Nov. Act. Upsal. Vol. VII.

Capsulæ in axillis foliorum superiorum vel intra squamas spicarum sessiles, reniformes, bivalves, pulvere seminali quaternato scatentes, præcedentis generis analogæ.

Capsulæ aliæ semper in axillis foliorum inferiorum, 4-coccae, bivalves sed etiam e latere rumpentes, seminibus quatuor in tetraëdron connexis subtriquetris repletæ.

517. **LYCOPODIUM complanatum**: ramis complanatis, foliis subquadrifariis: superficialibus obsoletioribus, spicis geminatis pedunculatis.

L. complanatum Linn. svec. n. 958. lapp. n. 416. Flor. dan. t. 78. Schkuhr crypt. p. 163. t. 163. Michaux amer. 2. p. 283. Falk russ. topogr. 2. p. 274. Pallas it. sibir. 3. p. 34. Georgii fl. baikal. p. 238.

Hab. in collibus campisque siccis sylvaticis et montibus subalpinis Lapponiarum omnium svecicarum vulgare; ut etiam in ipsis alpibus rarius.

Capsulas tantum fariniferas habet easque Osmundæ Lunariæ capsulis adeo simillimas, ut si pulvis earum in illa vera semina sit in hac quoque necesse erit. Habitus quidem inter utrasque longe recedit, haud tamen adeo longissime; crescit enim hoc Lycopodium semper complanatum, atque flabellatum ramificatur. Folia re vera quadrifaria sunt, sed rami adeo complanati ut series foliorum inferior et superior obsoletæ evadunt, nec foliis accessoriis *L. helvetici* comparandæ; ad insertionem pedunculorum sexfaria sunt folia, et in ipso pedunculo spicarum terna sunt.

518. **LYCOPODIUM alpinum**; foliis quadrifariis imbricatis acutis, ramis erectis dichotomis, spicis solitariis sessilibus teretibus. *Linn. svec. n. 357. lapon. n. 417. tab. XI. fig. 6. Flor. dan. t. 79. Schkuhr crypt. p. 162. t. 161. bona. Lightf.*

scot. p. 690. *Olavs. it. island.* p. 174. *Cranz grœnland.* — *Michaux amer.* 2. p. 282?

Hab. in montibus subalpinis et in collibus campisque per partem subalpinam Lapponiarum omnium usque ad Polmak Tanensium vulgare; per alpium vero totum jugum ubique parcius.

Præcedenti adeo affine est, ut limes inter utrumque non facile discernitur. Rami quoque hujus subcomplanati sunt, sed folia utriusque paginæ adeo eminent ut tetragoni evadunt. Facile distingvitur latus inferius ramorum ob folia discreta et quasi peltata. Situs spicarum certiore præbet differentiam quam figura ramorum.

519. *LYCOPodium clavatum*: foliis sparsis enervibus filamentosis, spicis geminatis pedunculatis teretibus imberbibus. *Linn. svec.* n. 952. *lappon.* n. 418. *Flor. dan.* t. 126. *Schkuhr crypt.* p. 163. t. 162. *Lightf. scot.* p. 685. *Olavs. it. island.* p. 434. *Michaux amer.* 2. p. 282. *Falk russ. topogr.* 2. p. 273. *Georgii flor. baikal.* p. 238.

Hab. in sylvaticis et subsylvaticis omnium Lapponiarum rarius; etiam in subalpinis ad Polmak Tanensium visum.

520. *LYCOPodium annotinum*: foliis sparsis quinquefariis patulis subserratis, surculis annotino-articulatis, spicis sessilibus teretibus.

L. annotinum *Linn. svec.* n. 956. *lappon.* n. 419. *Schkuhr crypt.* p. 162. t. 162. *optim. Engl. bot.* 24. t. 1727. spicis nimium crassis. *Flor. dan.* t. 127. *Lightf. scot.* p. 689. *Zoega island.* — *Michaux amer.* 2. p. 283. *Falk russ. topogr.* 2. p. 274.

L. elatius juniperinum etc. *Dill. musc.* p. 455. t. 63. f. 9.

Hab. in sylvis acerosis per Lapponiam totam svec. et Nordlandiam inferalpinam sat vulgare; in subalpinis raro.

521. *LYCOPodium Selago*: foliis sparsis octofariis subimbricatis lanceolato-subulatis, caule dichotomo fastigiato, capsulis axillaribus sparsis.

L. Selago *Linn. svec.* n. 955. *lappon.* n. 420. *Flor. dan.* t. 104. *Willden. spec.* 5. p. 49. *Schkuhr crypt.* p. 160. t. 159. *Lightf. scot.*

p. 687. *Olavs. it. island.* p. 434. *Pallas it. sibir.* 3. p. 34. *Landt færoens.* — *Georgii fl. baikal.* —

Hab. locis durissimis sterilissimis totius Lapponiæ sylvaticæ passim; in alpinis vero et alpium omnium campis collibusque elatis ubique parcius provenit et frigori patientiorem sese sistit quam congeneres.

Nullibi seminum quaternorum connexio eorumque incrementum evidentior est quam in *Lycopodio inundato*. Hujus clavulas finemensis Julii examinavi et semina gradatim versus apicem juniora inveni. Infimæ capsulæ sæpius semina jamdudum a se invicem soluta continebant; proximæ semina quaternata evidentissima habebant (tab. nostr. XXVI. fig. 1. C — F.); quo vero superiores dein evadunt eo magis conferruminata erant semina usque in supremis nonnisi puncta quatuor pellucidiora granulorum compositionem indicebant (tab. ead. Fig. A. B.)

522. **LYCOPODIUM** *selaginoides*: foliis sparsis lanceolatis patulis dentato-spinulosis: floralibus majoribus, capsulis axillaribus.

L. selaginoides *Linn. svéc.* n. 653. *Lappon.* n. 421. *Wahlenb. Act. Nov. Ups.* VII. *Schkuhr crypt.* p. 165. t. 165. *Dillen. musc.* 460. t. 88. f. 1. *Lightf. scot.* p. 686. *Zoega island.* — *Michaux amer.* 2. p. 284. *Landt færoens.* — *Falk russ. topogr.* 2. p. 274.

Hab. locis graminosis subhumidis juxta ripas fluviorum præcipue partis subsylvaticæ et subalpinæ totius Lapponiæ sat vulgare; ut etiam in alpium convallibus et radicibus per Nordlandiam et Finmarkiam parcius usque in Mäsöam juxta Nordcap.

Pulchella est species simulque ob duplicem fructum nostrarum maxime memorabilis. Caulis prope radicem valde tenuis est, et procumbens, surculos numerosos vagos decumbentes flexuosos subimplexos hypnoideos emittens; denique vero sese erigit et incrassatur in rachidem clavæ fructiferæ erectæ bi- vel tri-pollicaris ramis *L. Selaginis* haud dissimilis. Folia caulis inferioris et surculorum parva sunt fere ut in *Hypno squarroso* *L.*, pätula, respectu tenuitatis satis rigidula et re vera dentato-spinulosa. Clavæ fructiferæ folia duplo triplove majora, con-

cava, fere divergentia, et evidentius dentato-spinulosa.

Capsulæ semina graniformia includentes subquadricoccae revera bivalves, sed interdum quadrifariam dehiscentes. Cocculi laterales simul inferius positi magisque ad latera protuberant quam cocculi medii altius positi. Semina semper quatuor, pro numero cocculorum, insertione sua convergentia et adeo compaginata ut mutua pressione areolæ triangulares ternæ in basi seminis singuli efformantur, quare adeo seminibus *Isoëtidis lacustris* simillima, ut dum etiam pluribus respectibus conveniunt hæ plantæ de earum affinitate vix dubitare licet; magnitudine vix cedunt seminibus *Papaveris*, et semper integra e capsulis recedunt atque in terra dispersiuntur, quo clare patet ea antheras haud esse ut voluit Hedwigius.

Capsulæ seminulis pulveraceis repletæ in axillis foliorum superiorum inveniuntur, bivalves, æque simillimæ capsulis fariniferis præcedentium specierum et *Filicum* bivalvium. Farina hæc e granulis hispidulis efficitur, quorum quatuor in tetraëdron connata sunt omnino ut semina capsularum inferiorum; quo maxima analogia oritur amborum ut nulum sit dubium quin ejusdem indolis sint. Si itaque farina in capsulis *Botrychii Lunariæ* semina sit, necesse est ut harum quoque capsularum pulvis vera semina erit. Pollen masculinum neutiquam esse potest quum seminibus maturis nuper descriptis omnino coætaneus est pulvis, idque in spica annua; semina unacum pulvere cadunt mense Julii vel initio Augusti, quo facto tota spica perit, et nova insequente anno nascitur e surculis, cujus nunc vix vestigium adest. Surculos hos eodem tempore scrupulose examinavi nec reperire potui minimum vestigium capsularum futurarum. Exinde sententia probabilior fieri mihi videtur, quod capsulæ hæ fariniferæ fructum quoque constituunt cujus seminula nonnisi minutie sua a cæteris seminibus differunt uti semina *Spinaciæ* diversæ formæ occurrunt.

Explicatio ic. tab. XXVI. fig. 2. A. Seminula quaternata farinacea modice auct. B. idem tetraëdron ex apice visum. C. idem e basi visum. E. idem e margine visum. D. Seminulum separatum.

ISOËTES.

*Gen. plant. edit. Schreb. n. 1620. Sprengels Anleit. 3. p. 194.
tab. 5. fig. 41. Wahlenb. in Nov. Act. Upsal. VII.*

Capsulæ in basi foliorum subinclusæ, membranaceæ, evalvæ, interius rumpentes, exterius nervo foliorum adfixæ, uniloculares. Receptacula e nervo foliorum provenientia, undique in capsulæ cavum dispartitiuntur, filiformia.

Semina numerosa primum quaternatim connata, demum soluta basi que areolis ternis triangularibus notata, graniformia.

Capsulæ seminuliferæ aliæ præcedentibus simillimæ: seminulis pulveraceis primum quaternatim connatis.

523. ISOËTES *lacustris* Linn. *svæc.* 2. n. 951. *iter. scan.* p. 417. c. fig. *Flor. dan.* t. 191. *Lightf. scot.* p. 633. *Engl. bot.* 16. t. 1084. bona.
Calamaria etc. *Dillen musc.* 541. t. 80. f. 2.
Icon tab. nostr. XXVI. fruct.

Hab. sub aqua in fluviis pacificis et lacubus Lapponiæ sylvaticæ inferioris meridionalis passim; ego eam pluribus locis paræciæ Lockmock Lapponiæ Lulensis legi.

Memorabilis hæc planta in Vernilandia ferri-montana admodum vulgaris est, ibique eam variis temporibus anni examinavi et Lycopodiis adeo affinem esse comperi, ut non nisi seminibus numerosis graniformibus in capsula evalvi differt. Caudex radice constituitur taleolo satis crasso quam nux Avellanæ sæpe majore, in centro vegetante et ad ambitum morituro; radiculis simplicibus in terra infixis. Anatomia instituta similitudinem summam cum Filicibus truncosis demonstravit, ut nullum sit dubium quin Monocotyledonea est. Folia basi lata et deltoidea inseruntur ibique marginibus hyalinis instruuntur; sed superne cepacea subtetragona: loculis quatuor a septis transversalibus alternantibus iterum divisus. *Capsula* utriculorum tenuissimum membranaceum refert, in folii basi adeo subinclusa ut tantum pars media lateris interioris nuda patet; de cætero tum superne ac inferne libera et a fovea includente soluta; sed postice adnata est nervo vel costæ mediæ folii, idque longitudinaliter. Ex illo

receptaculo fructus longitudinali oriuntur plura receptacula seminum seu partialia filiformia, capsulae cavum trabecularum instar trajicientia vix tamen parieti interiori adfixa; quæ longitudinaliter disposita dissepimentum spurium quodammodo referunt. Semina matura et elabentia crustacea sunt et albissima, ob scabritiem quandam osseam stridula, magnitudine seminum *Papaveris*, ex uno latere notata areolis ternis triangularibus a pressione et connexione quaternata seminum juniorum ortis; semina quoque juniora semper proprio huic ordini characteristico modo quaternatim connata reperi intra testam communem inclusa. *Capsulae aliæ fariniferae* præcedentibus adeo simillimæ ut nulla differentia respectu formæ et texturæ internæ existit. Harum farina re vera seminula est seminibus majoribus graniformibus ultra vigecies tenuiora, de cætero in tenella ætate eodem modo quaternatim connata primumque in testa communi inclusa, ut non possunt non ejusdem indolis esse ac seminula capsularum farinifarum in *Lycopodio selaginoide*. Nec ætate a seminibus majoribus differunt, elabunt enim eodem tempore eodemque modo. Respectu situs capsulae graniferae exterius positæ sunt, et fariniferae interius; sed intra has capsulas fariniferas iterum adsunt folia cum tenellis capsulis graniferis in quibus semina non tantum quaternatim connata verum etiam in testa communi inclusa. Adhuc magis interiora versus reperi quoque tenellas capsulas fariniferas, idque in speciminibus maximis per plures vices alternantes. Numne vero interdum capsulae graniferae et fariniferae respectu situs inter se miscuntur, difficile est expertu.

In profunditate lacuum insigniori ubique occurrit foliis tam longis, ut tuto contendo Isoëtidem coromandelianam a nostra haud differre.

Explicatio Iconis: a. folii pars inferior capsulam graniferam fovens. B. eadem perpenliculariter dissecta e dorso ad ventrem, quadruplo aucta. C. folium cum capsula horizontaliter dissecta. d. semen præcedentis capsulae. E. idem decies auctum. f. pars inferior folii junioris cum capsula granifera juniore. g. eadem perpendiculariter dissecta. H. capsula ejusdem folii exemta sexies aucta. I. semina

quaternata ex hac capsula in membrana s. testa sua adhuc inclusa. K. semina magis adulta sed adhuc quaternatim connexa 60:es aucta, quorum semen singulum ad L. depictum est. m. pars inferior folii junioris cum capsula farinifera. N. atomon hujus capsulæ in prima ætate. O. seminula ejusdem capsulæ adultiora quaternata ex apice visa 150:es aucta. P. eadem seminula quaternata oblique visa et Q. e latere visa. R. horum seminulum. S. seminulum ejusdem generis maturum eodem augmento.

EQUISETUM.

*Linnæi gen. ed. Schreb. n. 1614. Hedvig. theor. ed. 2. p. 82.
tab. 1. 2.*

S p i c a ovato-oblonga: squamis peltatis orbiculato-polygonis, pedicellatis, verticillatis.

C a p s u l æ 4 7 sub singula pelta adfixæ, pedicello parallelæ, oblongæ, introrsum longitudinaliter dehiscentes.

S e m i n a numerosissima, globulosa, apiculata; filis duobus, cruciatim in seminum basi adfixis, apice utraque incrassatis, circa semen convolutis sed siccitate elastice se exporrigentibus.

524. **EQUISETUM arvense**; caule fructificante nudo caduco: vaginis inæqualiter fassis; sterili ramoso; ramis simplicibus recurvatis tetragonis.

E. arvense Linn. svec. n. 928. lappon. n. 390. Willden. spec. 5. p. 1. Schkuhr crypt. p. 71. t. 167. Engl. bot. 29. t. 2020. bona. Lightf. scot. p. 647. Zoega island. — Cranz greenland. — Georgii fl. baikal. p. 237.

β. alpestre caulibus sterilibus decumbentibus.

Lapponibus *Häpos-suoine* (i. e. equinum gramen). Fennonibus *Karvan-kortet*, Norvegis *Kier-ringrock*.

Hab. in campis siccioribus et pratis sterilibus totius Lapponiæ frequenter, in maritimis versus Nordcap parcius; at *β.* latera alpium inferiora sæpius frequentat habitu longe alieno notabile.

525. **EQUISETUM sylvaticum**; caule fructificante ramoso: vaginis inæqualiter fassis, ramis compositis divaricatis spicam superantibus triquetris.

E. sylvaticum Linn. svec. n. 927. lappon. n. 391. Fl. dan. 7. t. 1182. Engl. bot. 27. t. 1874.

bona. *Willden. spec. 5. p. 3. Schkuhr. crypt. p. 170. t. 166. Georgii fl. baikal. p. 237.*

Hab. in sylvis densis abietinis Lapponiæ inferioris passim, et in convallibus inferalpinis Nordlandiæ.

Rami triangulares, trichotomi; vaginarum dentibus subulatis, squarrosis, concoloribus.

526. *EQUISETUM palustre*: caule sexangulo: vaginarum laciniis lanceolatis subhyalinis, ramis patentibus spicam nonattingentibus quadrangulis.

E. palustre Linn. svec. n. 929. lappon. n. 392. Herbar. Ziervog. — Engl. bot. 29. t. 2021. optim. Schrad. collect. crypt. n. 3. Flor. dan. 7. t. 1183. Lightf. scot. p. 648. Schkuhr crypt. p. 174. tab. 169. optim.

E. limosum Engl. bot. 13. t. 929?

E. fluviatile Olavs. it. island. p. 434?

Hab. in uliginosis spongiosis nemorosis et ad paludes per Lapponiam sylvaticam frequenter.

Caulis gracilior quam in plerisque affinibus, crassitudinem pennæ gallinæ vix attingens: angulis acutissimis, vix asperis. Vaginæ caulis satis longæ scil. latitudine sua dupplum longiores, laxiusculæ et satis plicatæ: laciniis quod ad dorsum s. carinam fuscis, de cætero hyalinis. Rami in planta nuper deflorata internodiis parum longiores: supremi vaginam ultimam s. spicæ haud attingunt: angulis insigniter asperis. Spica fuscescens supra vaginam suam satis elevata, — Figura laudata in Engl. bot. convenientissima.

527. *EQUISETUM fluviatile*: caule striato: annulis constrictis nigro-dentatis subulatisque, ramis erectis spicam superantibus quinquangulis.

E. fluviatile Linn. svec. n. 930. lappon. n. 393. Herb. Ziervogel. — Flor. dan. 7. t. 1184.

E. limosum Smith brit. 3. p. 1105. Willden. spec. 5. p. 4. Schkuhr. crypt. p. 175. t. 171.

Lapponibus *Assje. Fennonibus Kortet. Svecis Fräken.*

Hab. infra ripas fluviorum et lacuum ubi aqua pacifica unam alteramve pedem profunda per partem sylvaticam omnium Lapponiarum passim copiosissime.

Caulis parum crassior quam in *E. hyemali*, vixque crassitudinem calami scriptorii superans, striis vel sulcis circiter viginti exaratus, de cætero lævis sine angulis asperis. Vaginæ caulis annulares vel respectu longitudinis latitudinem haud superantes, constrictæ: margine superiore toto nigro, dentibus nigris, opacis acicularibus. Rami ultra digitem longi, vix asperuli: vaginarum dentibus lanceolatis apice nigris. Spica intra vaginam terminalem subsessilis, nigerrima.

Hoc Svecorum notissimum *Fräken* est, et in omnibus herbariis svecicis antiquis pro *E. fluviatili* exhibetur, inter quæ herbaria Fr. Ziervogelii ipsius Linnéi in itinere Gottlandico socii summi auctoritatis est. Contra *E. Telmateja*, a Cel. Smith. *Engl. bot.* 29. t. 2022. perperam admodum pro *E. fluviatili* exhibitum, nec in fluviis crescit, nec in tota Suecia lectum est, nisi in extrema Scania. Quomodo tunc Linnéi planta originalis?

528. *EQUISETUM reptans*: multicaule, cauliculis procumbentibus filiformibus nudis scabris tetragonis, vaginarum dentibus setaceis nigris.

E. reptans *Wahlenb. in Web. et Mohr ind. mus.*

E. hyemale A. tenellum *Liljeblad sv. flor.* p. 584.

E. scirpoides *Michaux amer.* 2. p. 281. secundum *Web. et Mohr crypt.* p. 60.

β. *variegatum*: crassius, cauliculis pentagonis, vaginarum dentibus sublanceolatis albicantibus.

E. variegatum *Schleich. catal.* n. 21. *Engl. bot.*

28. t. 1987. *Willden. spec.* 5. p. 7. *Schkuhr crypt.* p. 177. t. 172. b. haud bona.

E. nodosum *Schrank flor. bavar.*

Hab. in rupibus elatis montium inferalpinorum Nordlandiæ passim; ut etiam in alpibus Lulensibus prope Virih-jaur rarius visum. Quum autem difficulter invenitur ob caules tenuēs clandestinos, vix dubito quin vulgatus sit. β. in ripis fluminis Vindelensis prope Sorsele Lapponiæ Umensis lectum.

Tenuissimum sui generis, et ab omnibus distinctissimum. Radix longe lateque sub superficie terræ repit ut etiam passim supra terram, simulque passim dividitur in ramos solitarios et dein cauliculos multos exserit, qua re sequentem speciem valde

refert. Cauliculi ipsi simplices vel ad basin tantum divisi, longitudine digiti, tenuitate fili, scabri et duriusculi ut in *E. hyemali*, quadrisulcati vel trianguli, remotius articulati: vaginis atris, dentibus setaceis, patentibus, serrulatis, persistentibus. Spica sessilis et e vagina vix exserta, parva, cauliculo duplum crassior: peltis nigris.

β . figuræ citatæ *Engl. bot.* ex asse convenit, nisi spica paullo minor in speciminibus lapponicis. Quin varietas sit plantæ α . vix dubito, quum vaginulæ etiam in *E. reptante* interdum albicantes fiunt ad oras. Schkuhrii figura spicas longe nimium crassas exhibet.

529. *EQUISETUM hyemale*: multicaule: caulibus nudis striatis scabris, vaginis edentulis crenatis, spicis sessilibus subinclusis.

E. hyemale *Linn. spec. n.* 931. *lappon. n.* 394. *Engl. bot.* 13. t. 915. rudis. *Schkuhr crypt.* p. 176. t. 172. *Flor. dan.* 8. t. 1409. *Smith brit.* 3. p. 1105. *Lightf. scot.* p. 650. *Olavs. it. island.* p. 945. *Flor. kamtschatk. in Arct. Zool.* p. 196. *Georgii fl. baikal.* p. 237.

Hab. in arenosis subhumidis præcipue ad ripas fluminum Lapponiarum omnium sylvaticarum rarius copiose; etiam in Nordlandia inferalpina lectum.

Radix sursum varie ramificat et plures caules in superficie terræ exhibet. Caulis singulus simplicissimus, nudus (sine ullis ramulis), crassitie pennæ gallinæ, pedalis et ultra, verruculis subcartilagineis obtusiusculis scabratus. Vaginæ basi et apice annulo nigricante notatæ, crenulatæ et sine dentibus ullis, quales tamen haud semper fuere sed prima infantia instructæ sunt dentibus connatis nigris, demumque deciduis et nonnisi prope radicem et sub spica in maturis speciminibus persistentibus. Spica sessilis et tantum subexserta; peltis nigris.

Equiseta a præcedentibus generibus distant tum habitu ac fructificatione, sed *Psiloto* conveniunt saltem dehiscentia capsularum longitudinali ut quodammodo in eodem ordine naturali permanere possunt. An quaternus numerus filorum seminalium analogiam quandam cum quaternatis seminibus præcedentium generum indicat?

Alia genera ex sic dictis Miscellaneis, scil. *Marsilea*, *Salvinia* et *Pilularia* veris Filicibus affinia sunt quam quis primo intuitu crederet. Semina eodem modo mediante funiculo adfixa, capsulæ in series vel puncta dispositæ etc.

O r d o I I I. M u s c i.

Musci frondosi *Hedw. theov. generat.*

Calyptra styligera e basi solvitur et in altum cum capsula evehitur.

Capsula operculo transversali dehiscens. Seminula sine filis elasticis.

S P H A G N U M.

Hedwig spec. musc. p. 27. Linn. gen. pl. ed. Schreb. h. 1637.

Fructificationes dioicæ: steriles (Flores masculi Hedw.) capituliformes polline solitario in apicibus ramorum; capsulifera in axillis ramorum.

Capsula apophysi globosa suffulta. Peristomium nudum.

530. **SPHAGNUM latifolium**: foliis ovatis obtusis, capsulis subglobosis. *Hedw. spec. p. 27.*

Sph. cymbifolium Swartz musc. spec. p. 19.

Sph. palustre æ. Linn. spec. n. 959. lappon. n. 415. Fl. dan. 3. t. 474. Olavs. it. island. p. 175. 429.

Sph. obtusifolium Ehrh. dec. 241. Hoffm. germ. p. 21. Web. et Mohr crypt. p. 72. Dillen. t. 32. f. 1.

Lapponibus *Mana Tarfe* i. e. infantum muscus it. *Ruopses Tarfe* i. e. ruber muscus.

Hab. præcipue in Lapponiis sylvaticis cum insequente, sed minus copiose.

Ob latitudinem foliorum reticulum quoque eorum dupplo grandius quam in sequente. Color foliorum rubet locis siccioribus uti etiam in sequenti æ, sed ubi in aqua crescunt ambæ species virescens semper est.

Sphagna omnia summa æstate fructificant et autumnum versus opercula dejiciunt.

Quod muscorum sic dicti *Flores masculi Hedwigii* laud sint solæ gemmæ, satis convincimus ab

eorum forma vasculari et a præsentia verarum gemmarum ex. gr. in Bryo androgyno. Forma eorum cum capsulis seminiferis analogâ et præsentia operculi mihi valde probabile facit, quod sint quodammodo capsulæ vel fructus constanter abortientes sive minoris generis uti capsulæ fariniferæ apud Tetradidymas: et inde orta est eorum denominatio supra data. Nihilominus tamen minus satis persvasi sumus, quod summi momenti sunt in muscis systematice disponendis, utpote qui habitui et affinitati naturali generum optime conveniunt. Eos e dispositione rejicere idem est ac omnem considerationem affinitatis naturalis repudiare. Commodum semper erit omni Botanico muscos hypnoideos a bryoideis sub excursionibus distinguere, cur non etiam in systemate?

531. SPHAGNUM *capillaceum*: foliis lanceolatis acuminatis, capsulis suboblongis, ramis filiformibus. Swartz *musc. svec.* p. 18. Smith *brit.* 3. p. 1146.

Sph. capillifolium *Hedwig spec.* p. 28.

Sph. palustre *β.* Linn. *svec.* n. 959. *Hedw. fund.* t. 3. f. 13. 15.

Sph. acutifolium *Ehrh. dec. — Web. et Mohr cr.* p. 75.

Sph. intermedium *Hoffm. germ.* p. 22.

β. cuspidatum: foliis attenuato-cuspidatis excurvis.

Sph. cuspidatum *Ehrh. dec. — Web. et Mohr.* p. 74. *Dillen.* t. 32. f. 2. B. *Schwægrich. suppl. muscor.* i. p. 16. t. 6.

Hab. in paludibus et paludosis per omnes Lapponias sylvaticas *Svec.* frequenter (vix adeo vulgatissime ac in *Svecia* sylvestri); in convallibus paludosis alpinis ubique parcius usque versus Nordcap; in summis vero alpibus vix invenitur nec in Nordlandia inferalpina admodum vulgare.

β. sub aqua paludum passim.

Apophysin calyptratam haud invenire potui, sed capsula quoad basin diaphana est et pallidior, quam partem pellucidiores plerique pro calyptrata habuerunt.

Sph. cuspidatum a loco aquoso tantum orire videtur; sed magis diversum est *Sph. squarrosum* ad præcedentem magis accedens et ubique idem persistens, in Lapponia a me non visum.

GYMNOSTOMUM.

Hedw. spec. p. 30.

Fructificationes dioicæ terminales: steriles subdisciformes.

Capsulæ peristomium nudum.

532. GYMNOSTOMUM *Heimii*: subacaule, foliis spatulatis acuminatis apicem versus denticulatis, capsula cylindræa: rostro declinato.

G. Heimii Hedw. stirp. 1. t. 30. Smith brit. 3. p. 1162. Web. et Mohr crypt. p. 87. Engl. bot. 28. t. 1951. bona.

Hab. in scrobiculis petrarum juxta mare septentrionale rarissime ex. gr. in Rypklubb Qualöæ et Langöen Porsangriæ Finmarkiæ parcissime lectum.

Folia nervo valido rubro instructa, ut etiam cæteræ partes insigniter rutilantes.

533. GYMNOSTOMUM *curvirostrum*: caule diviso gracili, foliis lineari-subulatis patulis, capsulis obovatis, operculi rostro declinato.

G. curvirostrum Hedw. stirp. 2. t. 24. Web. et Mohr deutschl. Crypt. p. 83.

Bryum æstivum Linn. spec. plant. p. 1585.

Bryum stelligerum Dicks. fasc. 2. p. 3. t. 4. f. 4.

Bryum palustre æstivum. Dillen. p. 375. t. 47. fig. 36.

Hab. in rupibus umbrosis occultis maxime irrigatis per radices alpium Nordlandicarum passim copiose.

Muscus viridi-opacus, gracilitate sua atque tenuitate facile a *Weissia acuta*, cui satis similis, distinguendus. Caules pollicarem longitudinem vix attingunt, valde graciles et passim divisi, fastigiati et densum cæspitem constituentes. Folia siccitate connivent, fasciculo ductulorum tenui instructa, reticulo laxiore facta unde minus augente vitro punctata apparent. Setæ tortiles. Capsulæ obovato-urceolatae marginibus crassiusculis subincurvis. Peristomium semper nudum reperi idque in speciminibus cujusvis ætatis vivis, et quorum operculum caute separavi. Operculum columnæ capsulæ inhæret postquam a peristomio solutum est, quod pro certo Gymnostomi indicio habeo; de cætero planum est,

rostro subsetaceo declinato longitudinem capsulæ æquante.

Grimmia verticillata Turn. a nostro musco differt dentibus peristomii, columna brevi, operculo subconico et deciduo, capsula oblonga, foliis longioribus luteolis, caulibus fragilibus

Neque in paludibus crescit nec æstivus apud nos est; quia mense maji capsulas operculatas et calyptratas legi. An autem ultimo autumnno capsulas perficit? De cætero musci in Lapponia eandem normam servant ac alibi: scil. saxicoli et in siccis apricis crescentes primo vere capsulas maturant, palustres summa æstate optime vegetant et fructificant; rupestres vero inferalpinos autumnno maturari crediderim.

534. GYMNOSTOMUM *tristichon*: caule simpliciusculo filiformi, foliis trifariis lanceolatis canaliculatis, perichætio convoluto, capsulis oblongis, operculo oblique rostrato.

G. compactum Schleich. *helvet. cent.* 2. n. 7.

Schwægrich. suppl. musc. 1. p. 36. t. 11. f. 1.

G. luteolum Smith *brit.* 3. p. 1163.

G. æstivum Hedwig *spec.* p. 32?

Hab. in rupibus alpium frigidis occultis ab aqua nivali irrigatis per Nordlandiam totam passim frequenter. Autumnalis esse videtur.

Pulchra est species et valde memorabilis. Per longam annorum seriem innovando succrescere videtur quum surculi undique occurrunt longitudine digiti, magnum et compactum cæspitem efficientes, plerumque indivisi vel e latere unico tantum simpliciter innovantes; innovatione singuli anni tertiam partem setæ ut plurimum superante. Folia semper trifariam disposita sunt, quod optime apparet in apicibus brevibus surculorum stellulas triradiatas pulchre referentibus, quum autem surculi spiraliter torquuntur obsoletius fit, adeo ut sæpius verticillata apparent; de cætero folia sunt lanceolata, breviter acuminata, patula, exsiccatione apicibus insigniter incurvata (quo surculi nodulosi apparent a præcedentis speciei facile distingvendi), nervo ductulorum tenui instructa, atque reticulo compacto facta, colore luteo-viridia. Perichætium vaginans in latere surculi evidenter conspicitur, constructum e

foliis 7-9 quoad maximam partem convolutis et summis tantum apicibus liberis, quo facillime a præcedente specie distinguitur. Seta pallida ut etiam capsula et operculum. Capsula oblonga, lævis. Operculum rostro subulato obliquo. Calyptra lateralis angusta, summo apice fuscescente. — Ex hisce patet quod optime diversus est a præcedente, cui proxime affinis. Rarissime capsulas profert, sed sterilis muscus facile dignoscitur apicibus suis triradiatis, qua ratione ductus muscum ignotum tristichon dixi, quod nomen adhuc ægre omittere volui.

ANICTANGIUM.

Hedwig spec. p. 40.

Fructificatio monoica: sterilis alaris gemmiformis.

Capsulæ peristomium nudum s. nullum.

535. *ANICTANGIUM ciliatum*: caule ramoso, foliis ovatis enervibus concavis apice canis denticulatis, capsula sessili.

A. ciliatum Hedw. spec. p. 41.

Gymnostomum ciliatum Swartz musc. svec. p. 19.

Hedwigia ciliata. Hedw. stirp. 1. t. 40.

Bryum apocarpum β. Linn. svec. n. 986.

Hab. in saxis siccis inferalpinis Nordlandiæ meridionalis passim, septentrionalis rarius; sed de cætero rarissime tantum in Lapponia lectum ex. gr. ad Wallivaara prope Naimaka situm parœciæ Enontekensis, ut etiam parcius in Westerbottnia.

536. *ANICTANGIUM lapponicum*: caule diviso, foliis linearibus siccitate tortilibus, capsula turbinata costata subexserta.

A. lapponicum Hedw. spec. p. 40.

Gymnostomum lapponicum. Swartz musc. svec.

p. 20. Hedwig. Stirp. 3. t. 5. A. Smith brit.

3. p. 1167. Schkuhr deutsch. laubmoos. t. 8.

Hoffm. fl. german. p. 29.

Hab. in fissuris rupium madidis ad latera montium sylvaticorum et subalpinorum Lapponiarum svec. rarius; in Nordlandia septentrionali quoque rarius, sed in meridionali frequentius. Nostra Medelpadia ejus vera patria est, ubi omnino vulgare; itaque nomen lapponicum haud optime quadrat. Vernalis est mense Maji maturans.

Muscus

Muscus anomalus est præcedenti neutiquam affinis, quin autem *Orthotricho crispo* similior vix dubito quamquam peristomium re vera nullum et calyptra diversissima lateralis. Caulis potius divisus quam ramosus, vix unquam ultra pollicem longus. Flores s. d. masculos semper axillares in propriis ramis ejusdem caulis ac femineo reperi, ut de genere nullum dubium sit. Folia re vera linearia sunt atque longiora quam in plerisque similibus, nervo valido instructa unde sub exsiccatione insigniter torquentur ut totus muscus eximie crispus evadit. Seta foliis vix duplo longior, foliis perichæatialibus ultra dimidium vaginata, lutescens et mollis, sub capsula dilatata in strumam viridem. Capsula ipsa si strumam excipias subglobosa est atque eximie costata ut in *Orthotricho crispo*. Operculum rostro tenuissimo molli luteo instructum et umbone pariter tam tenui ut interdum perforatur et peristomium refert, sed margines operculi crassi sunt. Calyptra magna ut totam capsulam tegit, lateralis, basi truncata integra.

TETRAPHIS.

Hedw. spec. p. 45.

Fructificatio polygama; sterilis capituliformis, terminalis; alia neutra cyathiformis.

Capsula. Peristomii dentes quatuor pyramidales.

Calyptra æqualis, inferne laciniata.

537. *TETRAPHIS pellucida*: caulescens, foliis lanceolatis laxis, capsulis subcylindricis. *Hedw. spec. p. 45. tabi. 7. fig. 1. a — f. Web. et Mohr crypt. p. 93. Engl. bot. 15. t. 1020. Flor. dan. 8. t. 1412.*

Mnium pellucidum *Linn. spec. n. 968. Zoega island. — Schmidel. ic. 1. t. 3. Cranz grœnland. — Georgii fl. baikal. p. 239.*

Hab. in lateribus tumulorum per paludes e Sphagno exstructorum Lapponiæ totius sylvaticæ et subsylvaticæ sat frequenter; in Nordlandiæ inferalpinæ truncis putridis passim.

Splachnis affiniore mihi videtur quam alii cuidam generi.

T. ovata *Funk* (*T. rigida* *Hedw. fil.*) denique etiam in Svecia a me lecta est, scil. in rupibus um-

brossissimis montis Brattberget ad lacum Skjärge-
paröciæ Kroppa Vermelandiæ ferrimontanæ.

ANDRAEA.

Ehrhart Beitr. 1. p. 15. 180. *Hedw. spec.* p. 47.

Fructificatio sterilis gemmiformis?

Capsula exigua: Peristomii dentes quatuor, cap-
sulâ majores, apicibus operculo styligero adnati,
inferne denudati.

538. *ANDRAEA alpina*: foliis ovato-oblongis obtu-
siusculis enervibus: perichæcialibus imbricatis
muticis.

A. alpina (et rupestris *Hedw. spec.* p. 47. tab. 7.)
Engl. bot. 18. t. 1278. *Web. et Mohr crypt.*
p. 383.

A. petrophila Ehrh. crypt. n. 67.

Jungerm. *alpina Linn. spec. plant.* p. 1601.

Lichenastrum alpinum atro-rubens etc. Dillen.
p. 506. tab. 73. fig. 39.

β. subsecunda: foliis acutiusculis subsecundis.

A. rupestris Web. et Mohr crypt. german. p. 384.

Hab. in saxis lapidibusque sicciusculis apricis per
totam Lapponiam sylvaticam et subalpinam pas-
sim; ut etiam in inferalpinis Nordlandiæ Finmar-
kiæque ad Maasöam usque, et in ipsis alpi-
bus rarius.

Quum ambo hi musci ab auctoribus recentissi-
mis segregati perichætio imbricato prorsus conve-
niunt, nullus dubito quin *Jung. alpinam L.* veram
constituunt quodque nullus eorum *J. rupestris L.*
sit. Folia omni nervo ductuloso carent, atque mu-
tica semper sunt. Perichætiâ foliis duplo longius
est, foliolis sensim longioribus ut interioribus eva-
dunt, simulque omnibus enervibus muticis.

539. *ANDRAEA rupestris*: foliis ovato-subulatis se-
cundis uninervibus: perichæcialibus æqualibus
mucronatis.

A. rupestris Roth neue beytr. 1. — *Engl. bot.*
13. t. 1277.

A. Rothii Web. et Mohr crypt. german. p. 386.
t. 11. f. 3-9. *Schwægrich. musc. suppl.* 1. p. 45.

Jungerm. *rupestris Linn. spec. n.* 1045.

Lichenastrum alpinum nigricans, foliis capillaceis reflexis *Dillen. musc.* p. 507. tab. 73. f. 40.

Hab. in rupibus præruptis irrigatis sylvaticis per Lapponias meridionales rarius.

Hujus speciei nomen satis conveniens esse puto, quia in rupibus sylvaticis semper crescit muscus; præcedens autem saxicola est in saxis apricis elatis proveniens. Surculi hujus plerumque longiores sunt atque toti nigricantes. Foliorum basis ovata nervo ductuloso insigni instructa, qui nervus excedit in acumen subulatum opacum rigidulum versus unum latus recurvatum. Perichætium foliis proximis haud longius; foliolis omnibus æqualis longitudinis, latis et vaginam laxam constituentibus, sed exteriora foliola denum in mucronem abeunt, interiora apiculata sunt.

SPLACHNUM.

Linn. gen. ed. Schreb. n. 1641. Hedw. spec. pag. 51.

Fructificatio polygama terminalis: sterilis disciformis in diverso caule.

Capsula apophysi inani conoidea s. umbraculiformi insidens.

Peristomium simplex: dentibus octo plerumque bipartilibus obtusis.

540. *SPLACHNUM rubrum*: subacaule, foliis ovatis dentatis, apophysi umbraculiformi convexa purpurea.

S. rubrum Linn. spec. n. 963. Amoen. acad. 2. p. 272. t. 5. f. 2. Hedwig stirp. crypt. 2. t. 18. Flor. dan. 8. t. 1358. bona. Falk russ. topogr. 2. p. 274.

Hab. in nuda terra uliginosa sylvarum umbrosissimarum desertarum per Lapponiam infimam raro: ex. gr. ad Kengis lectum, nec non ad Lycksele et ad lacum Örträsk Lapponiæ Umensis.

Color umbraculi adeo saturatissimus et elegantissimus, ut nihil in natura pulchrius esse queat; qui color adfuso acido ex. gr. nitrico quidem dilutior fit et ab alkali obscurior, sed a neutro prorsus mutatur, ut inter constantiores colores vegetabiles numerandus est. A prima infantia saturatissime purpureum est umbraculum, nec in senectate mutatur.

541. *SPLACHNUM luteum*: subacaule, foliis ovalibus subdentatis, apophysi umbraculiformi planiuscula lutea.

Spl. luteum *Linn. svec. n. 964. Amoen. acad. 2. p. 277. t. 3. f. 1. Hedw. stirp. crypt. 2. tab. 17. Flor. dan. 8. t. 1359.*

Hab. locis paludosis apricis stercore bovino insidens per partem subsylvaticam et sylvaticam omnium Lapponiarum svec. passim copiose, ad ldivuonia Lapponiæ Enontekensis frequentissime. Aestivalis est tinacum reliquis 3 speciebus annuis et mense Augusti maturans.

Tutissima ut etiam facillima differentia hujus et præcedentis speciei in colore umbraculi consistit, nam folia *Spl. lutei* sæpe non parum denticulata sunt et umbraculum convexiusculum. Color umbraculi in Kali testaceus tantummodo evadit.

542. *SPLACHNUM sphaericum*: subacaule, foliis oblongo-spathulatis acuminatis integerrimis, apophysi globosa magnitudine capsulæ.

Spl. sphaericum *Swartz method. musc. p. 33. t. 1. f. 1. Hedw. stirp. crypt. 2. tab. 16. Web. et Mohr crypt. germ. p. 100. Hoffm. fl. german. p. 22.*

β. minus. *Spl. gracile* *Dicks. t. 10. f. 5. Dillen. t. 44. fig. 4.*

Hab. locis paludosis apricis in stercore bovino per partem sylvaticam et subsylvaticam omnium Lapponiarum svec. passim copiose; ut etiam in subalpinis frequenter.

Apophysi sua minuta vix crassiore quam ipsa capsula, eaque viridi facile distinguitur. Setis spithamæ longitudinis sæpe occurrit, semper vero tenuissimis vere capillaribus, quibus a varietate tenella *Spl. mnioidis* facile distinguitur hæc species.

543. *SPLACHNUM vasculosum*: caulescens, foliis ovali-spathulatis obtusiusculis integerrimis, apophysi ventricosa purpurea capsulis triplo ampliore.

Spl. vasculosum *Hedwig. stirp. crypt. 2. tab. 15. Flor. dan. 8. t. 1413. optim. Web. et Mohr crypt. germ. p. 100. Hoffm. fl. german. p. 22.*

Hab. in paludibus profundis spongiosis Lapponiarum sylvaticarum et subsylvaticarum rarius, usque ad Nonainen paroeciæ Enontekis.

Fateor me dubitare an limites quidam certi existunt inter hanc speciem et *Spl. ampullaceum*. Quem in Lapponia reperi muscum caule gaudet ultra bipollicari, innovationibus dimidiam setam æquantibus, foliis obtusissimis, simulque apophysi brevi, adeo ut a *S. ampullaceo* longius distat. Sed in Vermlandia legi colore sensim dilutiore et figura apophyseos longiore simul ac foliis longioribus usque dum in *Spl. ampullaceum* abire videtur.

544. SPLACHNUM *urceolatum*: caule subdiviso, foliis bullatis integerrimis imbricatis cuspidatis, apophysi obconica latitudine capsulæ.

S. urceolatum Schreb. in Crantz grœnl. — Flor. dan. 8. t. 1561. f. 2. Hedw. stirp. crypt. 2. tab. 13. Web. et Mohr crypt. p. 102.

Spl. bryoides Zoega island. —

β. minus: foliis angustioribus.

Spl. mnioides Hedw. stirp. crypt. 2. tab. 11. Swartz nov. Act. Ups. 4. p. 241.

Phascum pedunculatum Flor. dan. t. 192.

Hab. locis siccioribus in stercore bovino vel truncis emortuis ossibusque per partem sylvaticam, subsylvaticam et subalpinam omnium Lapponiarum fere ubique; ut etiam in alpestribus locis Nordlandiæ Finmarkiæque rarius. Altius versus alpes adscendit præcipue var. β. quam reliqua *Splachna*, et solum est *Splachnum* in norvegico latere a me lectum; alpes vero altiores fugit. Hoc et proxime insequens potius vernalia sunt mense Junio maturantes, perennia.

Quoad longitudinem insigniter variat, scil. a pollice una usque ad tres, et folia quoque plus minusve longa proportionaliter inveniuntur, sed superiora semper valde concava, qualia etiam apud *Spl. mnioides* reperiō. De cætero in capsula nulla adest differentia harum specierum; in utraque apophysis junior viridis est, matura rubra. Folia sub apice valde concava vel extrorsum gibba surculos obesiores efficiunt quam in ullo alio.

545. SPLACHNUM *angustatum*: caule diviso, foliis lanceolatis cuspidatis serratis: perichæcialibus

setam subæquantibus, apophysi obconica latitudine capsulæ.

Spl. angustatum *Swartz method. mus. p. 33. Nov. Act. Ups. 4. p. 241 Hedw. stirp. crypt. 2. tab. 12. Smith brit. 3. p. 1199. Web. et Mohr crypt. p. 97. Schkuhr deutsch. laubmoos. t. 14.*

Hab. locis siccioribus sylvaticis in truncis emortuis per partem infimam Lapponiarum meridionalium rarius.

Hujus caulem usque tripollicarem vidi, cum seta foliis perigonalibus duplo tantum longiore. Ipsa capsula in vetustis exemplaribus conoidea s. sursum angustata apparet, qualis etiam in præcedente sæpe occurrit; in cæteris autem speciebus unacum seminulis cadit nec unquam vetusta persistit. Memorabile utique est, quod capsula omnium specierum simillima tum respectu magnitudinis et figuræ; nec operculum differentiam ullam præbet apud omnes conoideum obtusum. Loco habitationis omnes quoque conveniunt sylvas antiquissimas boreales amantes, adeo ut Vermlandia septentrionalis plures species alit quam ipsa Lapponia. Annuæ species nonnisi in fimo bovino vetusto crescunt, eamque ob causam juxta semita boum pascentium plerumque leguntur; species vero ambæ perennes tum in stercore ac cornibus aliisque quisquiliis animalium aluntur, tum in truncis arborum putrescentium.

546. *SPLACHNUM reticulatum*; caule subdiviso, foliis oblongo-ligulatis obtusis concavis, capsula apophysique clavata obliqua. *Swartz l. c. 24. Bryum reticulatum Dicks. fasc. 2. pag. 4. tab. 4. fig. 6.*

Spl. Froelichianum *Hedw. stirp 3. t. 40. Schkuhr deut. laubm. tab. 18. Web. et Mohr. l. c. p. 104.*

Hab. in terra spongiosa irrigata ad latera alpium Lapponiæ Lulensis rarius; ad Stor-Tokin juxta Virihjaur copiose a me lectum. Prima æstate maturatur.

Iconi Hedwigii optime quadrat. Non parum affine est *Spl. urceolato*, quamquam *Weissia Splachnoidi* longe similis; a qua distingvitur foliis nitidis, seta semipollicari et tamen crassiori, capsula et apo-

physi ita elongatis ut clavam referunt oblongam, peristomate tenuiore omnino Splachni.

ENCALYPTA.

Schreb. gen. plant. n. 1643. Hedw. spec. p. 60.

Fructificatio monoica; Sterilis gemmacea axillaris.

Capsula cylindracea. Peristomium simplex: dentibus sedecim longis.

Calyptra campanulata, laxa, indivisa.

547. *ENCALYPTA ciliata*: caulescens, foliis oblongo-ellipticis, vaginulæ membrana cylindrica, calyptræ ore dentato, capsula suboblonga.

E. ciliata Hedw. spec. p. 61. Flor. dan. 8. t. 1416.

Leersia ciliata Hedwig stirp. crypt. 1. tab. 19.

Bryum extingtorium β. Linn. svec. n. 990.

Hab. in marginibus terrenis per Nordlandiam inferalpinam rarius. Omnes Encalyptæ vernaes sunt.

Hæc sibi semper similis est meliusque distinguitur quam cæteræ: foliis magnis et siccitate haud crispabilibus sed patentioribus, muticis, statura semper eadem, ore calyptræ crassiore dentibus regularibus instructo. Vaginula longior, cujus membrana conspicua quidem est sed sursum versa et setæ adpressa.

548. *ENCALYPTA vulgaris*: subacaulis, foliis oblongis, vaginulæ membrana deflexa pileiformi, calyptræ ore nudo integro, capsula suboblonga.

E. vulgaris Hedw. stirp. crypt. 1. tab. 18. Spec. p. 60. Web. et Mohr crypt. germ. p. 106.

Bryum extingtorium Linn. svec. n. 990. Georgii fl. baikal. p. 239.

β. apiculata: caule diviso, foliis apiculatis cuspidatisve.

Flor. dan. 6. tab. 1001. f. 2.

Hab. locis siccis ad rupes per partem sylvaticam Lapponiarum svec. raro; at in inferalpinis Nordlandiæ Finmarkiæque plerumque var. *β.* occurrit frequenter locis arenosis ad prærupta montium.

Adeo gradatim caulescens et divisa evadit simulque habitu ita alienata ut difficulter dignoscitur. Folia semper breviora et cauli adpressa in statu sicco, ut circuli satis angusti et læves apparent; nec acuminata sunt folia quamquam subpilifera. Vaginulæ

membrana in utraque varietate eadem, magna ob appendicem calyptræ ei adhærentem; itaque os calyptræ quasi truncatum nec dentibus auctum. Capsula oblonga. lævissima; peristomio etiam in altera varietate tenuissimo exalbido, cum operculo plerumque secedente.

549. *ENCALYPTA alpina*: caule subdiviso, foliis oblongo-attenuatis cuspidatis siccitate tortilibus, vaginulæ membrana cylindrica, calyptra angustata laciniata, capsula cylindrica lævi.

E. alpina *Engl. bot. t. 1419.*

E. affinis *Hedw. fil. in Web. et Mohr Beitr. p. 121. tab. 4. Flor. dan. 8. t. 1425. bona. Schwægrich. musc. suppl. 1. p. 58. t. 16.*

Hab. in petris saxisque alpium Lulensium passim; ad Virih-jaur pluribus locis frequenter lecta.

Facile distingvitur ab omni varietate præcedentis: foliis sursum angustatis et siccitate tortilibus convolutis (adeo ut surculi *Tortulam ruralem* referunt); calyptra elongata, cylindrica, angustata, ore lacinulato. Magnitudine vero ita variat ut interdum præcedenti interdum sequenti eo respectu convenit. Folia madida valde patent, sed siccitate apprimuntur ut surculi satis angusti evadunt. Seta vix tortilis est. Capsula prorsus cylindrica, lævis. Calyptra duplo longior quam in præcedentibus, simulque angustior; ore lacinulis inæqualibus munito.

550. *ENCALYPTA streptocarpa*: caule subdiviso, foliis lanceolato-ellipticis muticis siccitate incurvatis, vaginula nuda, calyptra cylindracea, capsula striata cylindrica.

E. streptocarpa *Hedw. spec. p. 62. t. 10. f. 1 - 9.*

Bryum contortum *Wulfen in Jacqu. collect. 2. p. 226.*

Hypnum saxatile erectum, ramulis etc. *Dillen. 335. t. 43. f. 71.*

Hab. in rupibus convallium inferalpinarum Nordlandiæ meridionalis rarius; a me lecta ad Skönstugan Saltensium et Dale Sörfoldensem.

Ob calyptram simillimam diu dubitavi annon præcedentis varietas sit; sed folia sursum lata, siccitate vix convoluta, parum incurvata, seta tortilis et capsula striata differentiam præbere videntur. Surculi madidi ut in *E. ciliata* turgidi; foliis subcon-

vexis, parum patentibus, obtusis. Capsula cylindracea, striata: striis obliquis, haud vero insigniter spiralibus. Peristomii dentes magis persistentes ut et coloratiores quam in præcedentibus simulque longi subcapillares. Calyptræ apertura plerumque lacinulis ornata est; et vaginulam omni membrana carentem reperi.

DIDYMODON.

Schreb. gen. plant. n. 1646.

Fructificatio hermaphrodita terminalis s. monoica:

Sterilis capsuliferis approximata axillaris.

Capsula. Peristomium simplex: dentibus octo vel sedecim parium.

551. DIDYMODON *latifolium*: foliis oblongis, capsula oblonga cernua: dentibus perforatis.

D. latifolium Wahlenb. in Web. et Mohr ind. mus.

Cynontodium latifolium Schwægr. musc. suppl. 1. p. 110. t. 27. mala.

Icon tab. nostr. XX.

Hab. in fissuris madidis scopulorum littoralium juxta mare glaciale Finmarkiæ rarissime; a me unico tantum loco lectum in insula Langöen prope Kistrand Porsangriæ, sed copiose et in ætate optima ut idem bene examinare licuit. Vernale esse videtur.

Muscus hic adeo distinctissimus est, ut nescio an ulli alii affinis dici potest. Capsula quidem ut in *D. inclinato*, sed folia gerit *Dicrani latifolii* vel *Encalyptæ*. Caulis brevis, simpliciter innovans ut capsula matura et seta novella vel flores in eodem individuo. Folia oblonga vel oblongo-elliptica, apiculata, nervo tenui instructa, patentia. Flos terminalis rami innovantis sæpius hermaphroditus est: folliculis quatuor circiter masculinis, et uno alterove pistillo; sed interdum florem masculinum prope femininum sejunctum reperi, folliculis numerosioribus. Seta valde tortilis, semipollicaris. Capsula oblonga, in setam non parum attenuata, cernuonutans vel horizontalis directionis, coloris saturate fuscæ. Operculum convexum, obtuse papillatum. Calyptra dimidiata s. lateraliter fissa; rostro lon-

giusculo. Peristomium fere ut in *D. inclinato*, dentibus semper in medio perforatis. Aequè certa est Didymodontis s. Cynontodii Hedw. species ac ulla alia. Secundum differentiam quis forsam eam *D. cernuo* similem crederet, quod vero longe abest.

Explicatio iconis: a. muscus totus cum capsula matura. A. idem magn. auct. b. muscus cum seta novella. C. flos hermaphroditus. D. flos masculus. E. folium ordinarium. F. folium subfloribus positum. G. capsula. H. Operculum. I. Calyptra. K. peristomium paribus tribus dentium. L. dens unus.

552. DIDYMODON *inclinatum*: foliis subvaginantibus setaceis distichis patulis, capsula cernua subovali.

D. inclinatum Swartz *musc. spec.* p. 28. *Web. et Mohr crypt. germ.* p. 153.

Cynontodium *inclinatum* Hedw. *stirp. crypt.* 1. tab. 27. *spec.* p. 58.

Hab. in campis siccis apricis et cum sequente in inferalpinis Nordlandiæ rarius et parcius.

Vix differt a sequente nisi latitudine capsulæ, qua etiam dentium latitudo provenit; nec dentes semper perforatos reperi.

553. DIDYMODON *capillaceum*: foliis subvaginantibus setaceis distichis patulis, capsula erecta subcylindrica, operculo conico.

D. capillaceum Swartz *musc. spec.* p. 28. *Hoppe taschenb.* 1801. p. 206.

Cynontodium *capillaceum* Hedw. *spec.* p. 57.

Swartzia *capillacea* Hedw. *stirp. crypt.* 2. tab. 26.

Trichost. *capillaceum* Engl. *bot.* 16. 1152. bona.

Bryum *capillaceum* Swartz *nov. Act. Ups.* IV. p. *Dicks. fasc.* 1. p. 4. t. 1. f. 6.

Hab. in marginibus terræ succosis juxta rupes per omnes partes Lapponiæ Svecicæ etiam alpinas passim; sed in inferalpinis Norvegicæ ad latera montium fertilia succosa et umbrosa vulgatissime, unde in lateribus summis alpium et versus Caput septentrionale parcius procedit. Itaque clima durum pertinaciter sustinet.

Nitidus est muscus, surculis suis pennæformibus vel plumosis facillime distinguendus. Folia inferne cauli adpressa et lateribus suis amplectentia;

deinde patentia fiunt et capillaria vel setacea. Capsula lanceolato - cylindracea.

554. *DIDYMODON rostratum*: foliis lineari-setaceis subsecundis flexuosis subnervibus, capsula erecto-cernua, operculo rostrato obliquo.

D. longirostrum *Web. et Mohr crypt. germ.* p. 155.

D. flexicaule *Schleich. crypt. helv. cent. IV. n. 9.*

D. homomallum β . *divergens* *Wahlenb. fl. Gottland.*

Cynontodium flexicaule *Schwægrich. musc. suppl.* 1. p. 113. t. 29.

Hab. in saxis siccis umbrosis per latera montium inferalpinorum Nordlandiæ meridionalis passim copiose.

Quoad habitum inter præcedentem et sequentem quodammodo ambigit, sequenti tamen magis affine; magnitudine utrumque vincit. Caulis sæpe bipollicaris et ultra, flexuosus, simpliciter pone florem innovans et flore hermaphrodito terminatus ut ad *Cynontodia* Hedw. pertinet. Folia neque basi adpressa neque amplectentia sunt, sed a latiore basi sensim angustantur in setaceam formam; de cætero varie divergentia et undique flexa, apicibus tamen secundis, longiuscula vel capsula triplo fere longiora; nervo parum conspicuo. Seta spiralis et tortuosa, superne pallida et fere straminea. Capsula lanceolata, erecta quidem, sed paullum obliqua vel subcernua. Operculum obliquum, acuminato-cuspidatum multo magis quam in affinibus, annulo elastico perinsigni insidens (quale in præcedente abest). Peristomii dentes albidi, longi ut in *Trichostomo*.

555. *DIDYMODON homomallum*: subacaule subdivisum, foliis attenuato-subulatis integerrimis arcuato-secundis strictis, capsula erecta subinæquali, operculo annulato conico obliquo.

D. homomallum *Hedw. spec. p. 105. t. 23. f. 1. 2.*
Web. et Mohr crypt. p. 156.

Grim. homomalla *Engl. bot. 27. t. 1900. haud bona.*

Hab. in marginibus terrenis ad radices montium inferalpinorum Nordlandiæ meridionalis rarius.

Caulis quamquam brevissimus, bis terve divisus est. Folia stricta et rigidiora quam in proxime

præcedente, validiori nervo prædita, arcuatim versus unum latus recurvata.

556. *DIDYMODON pusillum*: subacaule, foliis attenuato-subulatis subserrulatis erectis strictis, capsula erecta æquali, operculo conico.

D. pusillum Hedw. spec. p. 104. *Stirp. crypt.* t. 28. *Web. et Mohr crypt.* p. 157.

Hab. in marginibus terrenis arenosis nudis ad fluvios per partem sylvaticam præcipue inferiorem Lapponiarum omnium Svecic sat frequenter.

Caulis perangustus est, et foliis adpressis inconspicuis vestitus, simplicissimus. Foliorum nervus sat validus unde folia rigidula evadunt. Operculum sine annulo elastico. Os capsulæ haud contractum ut in præcedente.

TORTULA.

Hedw. spec. p. 122. *Ehrh. pl. crypt. exsicc.* n. 204.

Fructificatio monoica: sterilis gemmacea axillaris. Capsula cylindræa. Peristomium ciliis mollibus in conum spiraliter convolutis.

557. *TORTULA subulata*: caule subdiviso, foliis oblongis apiculatis superne concavis, capsula subulata, peristomii ciliis inferne coalitis.

T. subulata Hedw. spec. p. 122. t. 27. *Engl. bot.* 16. t. 1101. *Flor. dan.* t. 1000. f. 2.

Syntrichia subulata Web. et Mohr crypt. germ. p. 214.

Bryum subulatum Linn. svec. n. 991. *Georgii fl. baikal.* p. 239.

Bryum capsulis longis subulatis. *Dillen.* p. 350. t. 45. f. 10.

β. minor: caule ramosiore longiore.

Hab. in scrobiculis petrarum juxta mare septentrionale Nordlandiæ meridionalis passim; ut etiam varietas minor ad Altenfjord lecta. Vere maturat.

Caule longiore gaudet quam vulgaris et ramosiore, foliis erectioribus, et interdum adeo minor est ut *Syntrichiam norvegicam* Web. valde refert. Capsula semper sursum attenuata ut unacum operculo subulata dici meretur, simulque non parum curvata. Cilia peristomii coalita mox ab infima basi circumaguntur in gyros crebros. Folia sub apice

semper concava sed inferne margines patent vel reflectuntur.

558. *TORTULA mucronifolia*: caule subdiviso, foliis erectis concavis oblongis cuspidatis, capsula oblonga, peristomii ciliis inferne coalitis.

T. mucronifolia Schwægrich. *musc. supplement.* 1. p. 136. t. 35.

Hab. in subalpinis collibus siccissimis Lapponiæ Lulensis raro; in collo prope templum Quickjockense copiose eam legi.

Magnitudine et habitu *Barbulam convolutam* *H.* satis refert; sed characteribus proxime præcedenti adeo affinis est, ut diu dubitavi an limites quidam existant. Cauliculi breves et subdivisi. Folia semper erecta, ovali-oblonga, valde concava; quorum inferiora nervo valido in cuspidem longitudinem fere foliorum æquantem excurrente. Mares in axillis foliorum gemmaceos inveni. Seta trilinearis tantum longitudinis. Capsula oblongo-cylindracea, figura et magnitudine ut in *Barb. convoluta*, qua non potest non certissime a præcedente distingvi; ciliis peristomii albidis, inferne coalitis et mox spiralibus ut in præcedenti.

559. *TORTULA tortuosa*: caule ramoso, foliis attenuato-linearibus undulatis crispabilibus, capsulis cylindricis, operculo rostrato.

T. tortuosa Hedw. *spec.* p. 124. *Hedw. fil. in Web. et Mohr Beitr.* p. 125. t. 6. *Engl. bot.* 24. t. 1708. bona.

Bryum tortuosum Linn. *svec.* n. 1000. *Hoffm. fl. german.* p. 46.

Barbula tortuosa Web. et Mohr *crypt.* p. 205.

Bryum cirratum etc. *Dillen musc.* p. 377. t. 48. fig. 40.

Hab. in lapidosis et saxosis siccis Nordlandiæ inferalpinæ ubique sed plerumque sterilis, et ad Alten Finmarkiæ raro; ut etiam in montibus subalpinis Lapponiæ svec. rarius observata ex. gr. in Ruosotjärro parœciæ Enontekis. Autumno capsulas maturare videtur.

In districtu Foldensi Nordlandiæ eam observavi capsulis insigniter curvatis (at de diversitate *T. inclinata* Hedw. haud dubitandum). Folia semper in-

tegerrima reperi, nervo dorsali valido instructa, de cætero tenuia (unde siccitate admodum torquentur).

B A R B U L A.

Hedw. spec. p. 115.

Fructificatio dioica; sterilis subdisciformis terminalis.

Capsula cylindracea. Peristomium simplex; ciliis molibus in conum spiraliter convolutis.

560. *BARBULA ruralis*: caule diviso, foliis oblongo-ellipticis recurvatis piliferis, capsula cylindrica, peristomii ciliis basi coalitis.

B. ruralis Hedw. spec. p. 121.

Tortula ruralis Swartz musc. p. 39. Engl. bot. 29. t. 2070. bona.

Syntrichia ruralis Web. et Mohr crypt. p. 215.

Bryum rurale Linn. svec. n. 992. lapp. n. 397. Hoffm. fl. german. p. 45.

Br. rurale ungviculatum Dillen. p. 352. t. 45. f. 12.

Hab. in Nordlandiæ præcipue maritimæ petris et tectis vulgaris; ut etiam juxta proxime adjacentem sinum Altensem Finmarkiæ ubique; sed e svecico latere alpium haud observata est. Primo vere maturat.

Peristomii cilia coalita inferne vix spiraliter circumacta sunt, sed fere erecta surgunt ad quartam partem altitudinis suæ. Margines per totam longitudinem folii patent vel reflectuntur.

561. *BARBULA fallax*: caule diviso, foliis lineari attenuatis divergentibus: perigonalibus eductulosis, capsulis oblongis, operculo rostrato.

Hedw. spec. p. 120. stirp. crypt. 1. t. 24.

B. fallax Web. et Mohr crypt. germ. p. 211.

Bryum fallax Hoffm. fl. germ. p. 44.

Hab. in terra irrigata Nordlandiæ meridionalis rarissime ex. gr. ad Fösked Saltensium a me tantum lecta.

Caulis brevior quam in communi, innovationibus paucis. Folia sensim in acumen attenuata (angustiora quam in *B. ungviculata*, nec ita apiculata), nervo tenui instructa ut minime rigescunt.

562. *BARBULA convoluta*: caule subdiviso, foliis subeductulosis lanceolatis obtusiusculis: perichæti vaginantibus, operculo subsetaceo.

B. convoluta Hedw. spec. p. 120. Stirp. crypt.

1. tab. 32. Web. et Mohr crypt. germ. p. 212.

Bryum convolutum Hoffm. fl. germ. p. 43.

Br. stellare nitidum pallidum. Dillen. p. 381.

t. 48. f. 44.

Hab. in terra prope rupem calcaream ad Akankoski Lapponiæ Kemensis infimæ frequenter; nec alibi lecta.

Musculus est valde mollis et tenuis, colore suo luteo-virente facile distingvendus. Folia lanceolato-elliptica, re vera obtusiuscula sine ullo apiculo acuminato, et sine nervo insigniore. Seta fere albicans. Operculum et conus ciliorum angustius quam in cæteris omnibus.

T. revoluta Schrad. præcipue differt: foliis nervo dorsali valido instructis, longioribus minus patulis, acutioribus, margine revolutis.

PTEROGONIUM.

Swartz dispos. musc. svec. p. 26.

Fructificationes dioicæ, utraque gemmacea axillaris.

Capsula. Peristomium simplex: dentibus sedecim erectis.

563. *PTEROGONIUM filiforme*: surculis repentibus aphyllis: ramis erectis simplicibus recurvatis, foliis oblongis imbricatis enervibus.

Pterigynandrum filiforme Hedw. spec. p. 82.

Stirp. crypt. 4. t. 7.

Grimmia filiformis Web. et Mohr crypt. germ. p. 150.

Hab. in saxis et petris siccis Nordlandiæ passim, et in subalpinis Lapponiarum svec. raro; sed semper sterile. Upsaliæ lectum est cum capsulis copiose.

GRIMMIA.

Hedv. spec. p. 75.

Fructificationes monoicæ; sterilis gemmacea axillaris vel terminalis.

Capsula ovalis. Peristomium simplex: dentibus sedecim latiusculis reflexilibus.

564. *GRIMMIA apocarpa*: foliis ovato-acuminatis: perigonalibus pilo diaphano terminatis, capsula oblonga subsessili.

Gr. apocarpa Hedv. spec. p. 76. *Stirp. crypt.* 1. t. 39. *Web. et Mohr crypt.* p. 129.

Bryum apocarpum α . Linn. svec. n. 986.

Hab. in saxis et lapidibus per universam Lapponiam ubique, attamen in alpibus et extimis insulis versus Nordcap parcius et plerumque sterilis. Vernalis semper est vel primo vere maturans.

Proxime sequenti adeo affinis est, ut valde dubitem an natura inter utrasque terminos ullos posuerit. Quum autem eas distinguere utique oportet, differentiam optimam artificialem invenio in pilocano foliorum perigonalium; et tunc omnes species a *Clar. Turner* descriptæ ad sequentem referendæ sunt.

565. *GRIMMIA alpicola*: foliis lanceolatis: perigonalibus sursum dilatatis obtusiusculis, capsula ampliata subsessili.

Gr. alpicola Swartz disp. musc. svec. p. 27. 31.

t. 1. f. 1. Hedw. spec. p. 77. tab. 15. f. 1. — 5.

β . *rivularis*: caule ramosiore longiore.

Gr. rivularis Bridel. — *Turner. spic. musc. hib.* p. 21. t. 2. f. 2.

γ . *stricta*: ramis strictis angustatis.

Gr. stricta *Turner. spic. musc. hib.* p. 20. tab. 2. fig. 1.

δ . *maritima*: caule simpliciusculo abbreviato, foliis angustatis.

Gr. maritima *Turn. spic. musc. hib.* p. 23. t. 3. fig. 2.

Hab. in subalpinis et alpinis omnibus fere ubique: α . et β . locis irrigatis et in rivulis; γ . et δ . locis siccis apricis præcipue maritimis passim. Aestivo tempore plerumque maturatur.

Omnes enumeratæ varietates optime conveniunt foliis suis perigonalibus obtusiusculis imberbibus, omnesque nascuntur in subalpinis vel similibus locis maritimis quo commonstrari videtur, quod e loco plus minusve aquoso aliisque accidentiis causis ortæ sunt. Ex hisce α . et β . colore obscure viridi vel nigricante gaudent ob locum aquosum, foliisque magis scariosis instruuntur; γ . et δ . magis rufescentes sunt, graciliores et habitu inde *Gr. apocarpæ* accedunt. Folia perigonalia plerumque duplo longiora

giora sunt quam capsula, et valde mollia. Dentes peristomii in α . et β . perforati; in cæteris integri.

W E I S S I A.

Hedw. spec. pag. 64.

Fructificationes dioicæ; sterilis capituli-formis terminalis.

Capsula subæqualis. Peristomium simplex: dentibus sedecim angustioribus reflexilibus.

566. *WEISSIA recurvirostra*: foliis linearibus apiculatis sursum patentibus, capsula cylindrica, operculi rostello recurvato. *Hedw. spec. p. 71. Stirp. crypt. 1. tab. 7.*

Br. stellare, foliis rubris *Dillen. p. 382. t. 48. f. 45.*
 Hab. in marginibus terrenis sabulosis siccis denudatis ad latera monticulorum inferalpinorum et ad petras littorales per totam Nordlandiam vulgaris; ut etiam ad Alten et Hammerfest Finmarkiæ visa; nec non in alpibus Lulensibus prope Virihjaur rarius lecta ut etiam ad Gransele Lapp. umensis. Verno tempore maturatur.

Habitu re vera Tortulas admodum refert. Caulles seniores semper rufo-ferruginei sunt. Folia linearia usque ad apicem, et apiculo terminata fere ut in *Barbula ungviculata*; inferne adpressa.

567. *WEISSIA heteromalla*: caule elongato, foliis basi subvaginantibus subulatis strictis subsecundis, operculo conico, capsula annulata.

W. heteromalla Hedw. spec. p. 71. Stirp. crypt. 1. tab. 8.

Grimmia heteromalla Web. et Mohr crypt. p. 137. Schkuhr deutsch. laubm. tab. 24. bona.

Hab. in arenosis denudatis siccis per partem sylvaticam infimam Lapponiarum svec. rarissime; a me lecta ad Ajojoki prope Idivuoma paroeciæ Enontekis, et ad Kyrö Enarensium sat copiose, nec non ad pagum Falträsk Lapponiæ Umensis copiose.

Rarissimus muscus, a paucis Botanicis visus. Abunde differt a *Didymodonte homomallo* H. foliis brevibus, neutiquam arcuatis, sed tantum leviter versus unum latus spectantibus, basi vaginantibus; atque caule subfiliformi longiore. Similior quidem mihi videtur *Didymodonte pusillo* H. Fo-

lia glaucescentia sunt et sæpius evidenter trifaria. Setæ etiam magis lutescentes quam in cæteris. — *Gr. heteromalla Engl. bot. 27. t. 1899.* haud refert nostram.

568. *WEISSIA Seligeri*: subacaulis, foliis basi latis amplectentibus attenuato-subulatis strictis, capsula ovali, operculi rostro deflexo.

Grimmia Seligeri Web. et Mohr deutschl. crypt. p. 141. et 459. Schkuhr deutsch. laubmoose p. 58. t. 25. bona.

Hab. in schisto denudato irrigato ad montem Njam-mats juxta Quickjock Lapponiæ Lulensis frequenter. Autumnali tempore maturatur.

Singulis partibus adeo *W. calcaricæ* H. convenit, ut nonnisi capsula minus urceolata, et foliis minus æqualis angustiei, haud flavescentibus distinguere potest.

569. *WEISSIA acuta*: caule elongato simpliciusculo, foliis attenuato-subulatis strictis subnervibus, capsula subglobosa cerviculata.

W. acuta Hedw. spec. p. 71. Stirp. crypt. 3. tab. 35. Engl. bot. 23. t. 1644.

W. rupestris Hedw. spec. p. 72. tab. 14. f. 6. — 12.

Bryum splachnoides Dicks.

Br. verticillatum Lightf. scot. p. 733.

Br. pilosum Sphagni facie. Dillen. p. 374. t. 47. fig. 34.

♂. setis curvatis. *Grimmia rupicola Web. et Mohr it. svecan.*

Hab. in rupibus inprimis schistosis irrigatis per radices alpium et juxta mare septentrionale Nordlandiæ fere ubique et Finmarkiæ occidentalis rarius; ut etiam in lateribus alpium Lulensium usque ad Quickjock passim. Autumno maturatur.

Omni respectu valde memorabilis est, et nulli cæterarum affinis. Caules usque ad bipollicarem longitudinem luxuriant, colore suo fulvescenti-sericeo rupes integras insigniter obvestientes. Folia e basi sensim angustantur in subulatam formam, recta et parum patentia, nervo tenui ductuloso semper instructa semper recta et siccitate ne minime sese curvantia. Setæ parum ultra bilineares. Capsulæ per se subglobosæ sunt, sed cerviculo notabili ad basin auctæ reperiuntur, in quo semina etiam fo-

ventur, unde maturitate urceolatae evadunt capsulae. Operculum planiusculum rubrum (dum capsulae adhuc virent): rostello subulato, declinato. Calyptra grandiuscula capsulis fere duplo longior.

Ubi aqua continuo rivulo defluit setas saepius reperi curvatas, quo statu *Gr. rupincolam Web.* exhibet.

570. *WEISSIA nigrita*: caule elongato dichotomo, foliis oblongo - attenuatis sparsis, capsulis cernuis ovalibus, operculo obtuso.

W. nigrita Hedw. spec. p. 73. Stirp. cryptog. 3. tab. 39.

Grimmia nigrita Engl. bot. 26. t. 1825.

Hab. in saltuosis irrigatis per radices et latera inferiora alpium Nordlandicarum rarius copiose ex. gr. in Önäset Saltensium, ad Lyngenfjord pluribus locis, in Tronsöa etc.; ut etiam Finmarkiae ad Kaafjord Altensium, et in monte alpino Harimatskaiti juxta Polmak; nec non solo spongioso in parte subsylvatica Lapponiae Enontekensis ad Kavnavaara et Mustavaara copiose lecta. Aestivalis est mense augusti maturans.

Caules cito crescunt usque ad longitudinem bipollicarem et ultra simulque dichotome dividuntur, innovationibus elongatis gracilibus, lutescentis coloris. Folia parva, triplo fere breviora quam in praecedente, e basi latiuscula mox angustata, tam remote posita ut vix se invicem tangunt, siccitate varie distorta et crispula. Capsulae ad insertionem subito declinatae ut horizontem respiciunt, inaequilatae, abbreviatae, ore contracto. Operculum convexum sine ullo apiculo. Nomen triviale ab *Hedwigio* datum parum conveniens est, cum caules saepius laete virent et capsulae plus minus fuscæ sunt.

571. *WEISSIA cirrata*: caule subdiviso, foliis lineari - subulatis curvatis siccitate tortilibus, capsula oblonga erecta, operculi rostro obliquo.

α. Grimmia Dicksoni Turn. spic. musc. hibern. pag. 27.

Mnium cirratum Linn. spec. plant. p. 1576.

W. crispula Hedw. spec. p. 68. t. 12. f. 1. — 6.

β. capsula subovali subcernua, foliis subsecundis.

W. cirrata Hedw. spec. p. 69. t. 12. f. 7. — 12. Web. et Mohr crypt. p. 134. Dillen. t. 48. f. 42.

Hab. in saxis siccis apricis per partem sylvaticam omnium Lapponiarum passim; sed in alpinis omnibus tum summi alpini jugi ac extimorum promontiorum Nordcap versus ubique altius adscendit prope nivem perennem, quam quis alius muscus (excepto forsitan *Polytricho juniperino*) parvos caespitulos constituens.

Caules vix ultra dimidium pollicem longi, crassiusculi. Folia longiora quam in alia quadam specie hujus generis scil. ultra sesquilineam longa, e basi latiuscula sensim attenuata in formam subulatam, plerumque versus unum latus arcuata, et siccitate in varios cirros torta ob longitudinem suam insignem. Totus muscus luteovirens est; setis pallidis, fere semipollicaribus. Capsulæ læves, flavescens.

β , in lapidibus rivulorum alpinorum præcipue ad Allak alpium Lulensium legi. Crassior esse videtur, capsulis paullo crassioribus et brevioribus, erecto-cernuis; rostro longo tenui cum calyptra semper cohærente et secedente. Folia subsecunda in hac ego inveni, nec in præcedente ut habet Mohr.

572. *WEISSIA fugax*: caulescens subdivisa, foliis linearibus setam subæquantibus tortilibus, capsula obovata costata, operculi rostello obliquo.

W. fugax Hedw. spec. p. 64. tab. XIII. f. 5-10.

W. striata Schrad. in Diar. 2. p. 55. Web. et Mohr crypt. p. 143. Engl. bot. 28. t. 1988.

Bryum crispatum Dicks. t. 7. f. 4.

Hab. in terra arenosa cryptarum sub rupibus siccioribus positarum ad latera montium inferalpinorum Nordlandiæ passim copiose; verno tempore maturat.

Caules breves, vix alteram lineam longi. Folia respectu brevitatis cæterarum partium valde longa, utpote caulem setamque longitudine æquantia dum madida sunt, siccitate contrahuntur et contorquentur, ut setam minime occultant: de cætero exacte linearia sunt ne dicam graminea, ad apicem interdum denticulata, nervo fere pellucidiori (quam reliqua substantia) instructa. Setæ et capsulæ valde fugaces, post dispersionem seminum mox caducæ, unde

nomen Hedwigii respectu fere totius musci optimum censendum est. Setæ lutescentes vix ultra sesquilineam longæ. Capsulæ immaturæ insigniter costatæ, nec sine notabili cerviculo ut eam ob causam basi angustiores vel obovatæ apparent.

573. *WEISSIA schisti*: caulescens divisa, foliis lineariformi-attenuatis serrulatis tortilibus, capsulis oblongis subcerviculatis costatis, operculi rostello obliquo.

W. schisti Schwægrich. muscol. suppl. 1. p. 72. t. 20.

Grimmia schisti Engl. bot. 28. t. 1952. bona.

Bryum schisti Retz. scand. p. 261.

Br. foliis setaceis curvatis etc. Fl. dan. 3. t. 538. fig. 2.

Hab. in terra arenosa occulta sub rupibus siccis montium sylvaticorum rarius; nec in nudo schisto nunquam a me lecta.

Præcedenti adeo affinis ut ejus fere varietas; nec differt nisi foliis sursum angustioribus et brevioribus, opacioribus utpote e reticulo minutiore constructis, et magis serrulatis; capsula longiore, evidentius cerviculata. — Habitu quoque ad *Dicr. alpestre* admodum accedit, sed setis suis brevibus, capsulis minoribus et foliis tenuioribus bene distingvenda. Peristomii dentes longiori acumine præditi, eoque sæpius pertuso; ideoque a Dicrano haud multum differt.

WEISSIA rosea: acaulis, foliis ovatis enervibus magnitudine vaginulæ, capsula cernua ovali inflata, operculo mammillato. Icon. tab. nostr. XIX.

W. rosea Wahlenb. in Web. et Mohr indic. mus.

W. incarnata Schwægrich. musc. suppl. 1. p. 66. t. 18.

Grimmia nuda Turn. spic. p. 25. Smith brit. 3. p. 1197.

Bryum nudum Dicks. crypt. fasc. 4. p. 7. t. 10. f. 15.

Hab. in argilla ad ripas fluminis Tornensis juxta urbem ejusdem nominis; nec adhuc in Lapponia reperta est. Vere vel prima æstate maturatur.

Longe a cæteris recedit, et habitu quodammodo *Bryo carneo* vel *pulchello* similis. Prorsus acaulis est ut folia et seta radicalia sunt. Folia parva et inconspicua, vaginulâ setæ vix unquam longiora, re-

ticulata, sine evidenti nervo. Seta tortilis, rosei coloris. Calyptra plerumque in medietate setæ hæret, e latere medio disrupta. Capsula repectu cæterarum partium majuscula, horizontem respiciens, membranacea ut fere inflata. Peristomium insigniter roseum; dentibus in aqua emollitis integris, sed siccitate rimam in medio ostendentibus. Totus muscus in roseum colorem insigniter vergit, quam ob causam nomen nostrum optimum putamus.

Explicatio iconis: a. muscus totus nat. magn. b. isdem cum calyptra in media seta magn. nat. et B. magn. 8ies auct. C. vaginula cum parte infima setæ magn. 18ies auct. D. folium exterius et E. interius eodem augmento. F. operculum 8ies auct. G. apertura capsulæ cum dentibus quatuor peristomii circiter 32ies auct. H. dentes duo peristomii circiter 64ies aucti.

574. *WEISSIA splachnoides*: caulescens simplex, foliis spatulatis obtusis concavis, capsula obovata apophysi minuta.

W. splachnoides *Wahlenb. in Web. et Mohr ind. mus.* — *Schrægrich. musc. suppl. 1. p. — t. —.*

Grimmia splachnoides *Smith brit. 3. p. 197.*

Splachnum longicollum *Dicks. crypt. fasc. 4. p. 4. tab. o. f. 6.*

Hab. in terra uliginosa et subpaludosa ad fontes prope radices montium e. s. p. per partem subsylvaticam et subalpinam Laponiarum svec. passim ex. gr. ad Kaunavaara, Mustavaara, Nunainen et Kortonjärvi paræciæ Enontekis, ad Sotajoki Enarensium, in Harimäskaiti juxta Polmak, ad flumen Örelfven prope Knaften Laponiæ Umenensis: nec non in Nordlandia inferalpina ad Storsteenes prope Tromsöam, et ad Skönstugan Saltealsem. Aestivalis est.

Respectu generis valde ambiguus est hic muscus utpote quoad habitum et flores *Splachnis* valde affinis, sed peristomio et fructu *Weissiis* optime conveniens. *Splachno reticulato* adeo accedit, ut difficiliter dignoscuntur. Caulis plurium linearum longitudinis, simplex, sed perennis et prolifer. Folia oblongo-ligulata vel sursum fere latiora et concava, prorsus obtusa, erecta. Flores plerumque herma-

phroditi terminales, subdisciformes vel aperti sed foliis erectis (nec patentibus) stipati; folliculis plurimis masculis. Alios tamen flores reperi mere masculos, de cætero hermaphroditis simillimos. Seta fere pollicaris, sat tenuis. Capsula obovata, sed nonnisi in suprema parte semina fovens, unde basis ejus exsiccatione in Apophysi minuta contrahitur. Operculum planiusculum submamillatum. Peristomium dentibus sedecim angustis attenuatis, excurvis, semper distinctis, et firmioribus quam in *Splachno reticulato*. Calyptralateralis.

C O N O S T O M U M.

Swartz in Schrad. Diar. nov. l. 2. p. 24.

Fructificationes dioicæ; sterilis discoidea. Capsula subglobosa. Peristomium conicum, apice coalitum, inferne in columnas sedecim divisum. Calyptra minuta, e latere rumpens.

575. CONOSTOMUM *boreale*: foliis quinquefariis lanceolatis acuminatis. *Icon tab. nostr. XXI.*

C. boreale Swartz in Schrad. diar. bot. l. c. cum fig. Flor. dan. 8. t. 1424. f. 2. mala. Schwægrich. musc. suppl. 1. p. 76. t. 21.

Bryum sexangulare Schreb. in Cranz hist. Grœnland. —

Bryum tetragonum Dicks. fasc. 2. pag. 8. tab. 4. fig. 9.

Grimmia conostoma Engl. bot. 16. t. 1135. mala.

Hab. in terra uliginosa et spongiosa subinundata per totum alpium jugum præcipue e svecico latere sat vulgare; in subalpinis et subsylvaticis ad latera montium passim, nec non in deviis uliginosis montium prope Lycksele Lapponiæ Umensis parcius, ut etiam in subalpinis Nordlandiæ parcius. Vermlandiæ etiam reperi in montibus Svartkärnsbergen paroeciæ Kroppa sat copiose. Summa æstate scil. mense Julii et Augusti maturatur.

Quoad habitum *Mnio fontano* sat simile est, eamque ob causam Mnium quinquefarium illud nominavi antequam peristomium rite observavi; nec adhuc dubito, quin illi affinius sit quam ulli alii musco. Densos cæspitulos efficit, sed e surculis emortuis inseparabilibus constitutos, adeo ut verus caulis vivus nonnisi paucarum linearum

longitudinis est, innovationibus paucis divisus. De cætero caulis fili tenuioris crassitudinis tantum est. Foliâ semper adpressa, lanceolato-attenuata, subcarinata et quinquefarîam disposita adeo ut caules prorsus quinquangulares efficiunt, colore glaucescentia. Flores utriusque sexus terminales in diverso individuo; feminei foliis perigonalibus erectis elongatis et superne serrulatis: pistillis circiter quatuor, filis paucis succosis. Floris masculi folia perigonalia patent adeo ut floris partes internæ omnes aperte cernuntur; paraphysibus clavatis uti esse solent in floribus disciformibus. Seta vix ultra semiuncialis, fulvescens, semper terminalis quia innovatio adhuc brevis est dum capsula matura. Capsula cernua, subglobosa, costata, basi parum exstante et gibbosa. Operculum oblongo-conicum, subrecurvum. Peristomium dum humidum exacte conicum, apice coalitum nec ullo modo divisibile; exsiccatione vero columnæ sedecim inferne a se invicem divergunt, quo abitus pro seminibus patet, indeque totum peristomium brevius fit et coronam regiam fere refert. Singulæ columnæ transversim striatæ, inferne æquali spatio insertæ, sed superne per paria primum coalescunt unde quodammodo bijuga apparent, dein in compagem pertusam unicam omnes abeunt. Calyptra brevis ut operculum fere solum tegit.

Explicatio iconis: a. Folii perigonalis feminei apex 36es auct. b. Surculus cum flore masculino discoideo augm. 8. c. Folium ejusdem perigoniale augm. 20. d. Flos masculus denudatus dissectus 48es auct. e. Calyptra augm. 10. f. capsula cum peristomio sine operculo 10es auct. g. Capsula immatura dissecta ut videatur camera superior seminalis et substantia baseos gibbosæ augm. 12. h. Peristomium humidum augm. 34. i. Peristomium exsiccatione sese aperiens augm. 34. k. Peristomii apicis pars 120es auct.

TRICHOSTOMUM.

Hedw. spec. p. 107.

Fructificationes monoicæ; sterilis gemmiformis.

Capsula subcylindrica. Peristomium simplex:

dentibus sedecim usque ad basin partitis in crura duo setacea recta.

576. *TRICHOSTOMUM lanuginosum*: caule decumbente ramoso virgato, ramis brevibus curvatis, foliis lanceolato-attenuatis denticulatis curvatis marginibus apiceque diaphanis.

Tr. lanuginosum *Hedw. stirp. crypt.* 3. tab. 2.
Engl. bot. 19. t. 1348. *Web. et Mohr crypt.*
p. 114.

Bryum hypnoides *Linn. spec.* n. 1003.

Bryum hypnoides polycephalon lanuginosum.
Dill. p. 372. t. 47. f. 32.

Hab. plerumque sterile in ipsius alpini jugi campis elatioribus lapidosis usque ad altiora cacumina et in summitatibus alpium maritimarum ubique, tum inter ac supra lapides disperse crescens nec cæsputes constituens; ut etiam in summitatibus montium subalpinorum jugo proximorum e latere svecico passim; sed in sylvaticis vix visum nec ad limitem nivalem persistit ut *Weissia cirrata*, neque in extimis scopulis maritimis uti *Polytrichum juniperinum*.

Trichostoma nostra omnia vernalia sunt.

Surculi omnino Hypni, sed setæ in apicibus ramorum terminales. Folia longiora et magis curvata quam in sequentibus, superne etiam marginibus hyalinis denticulatis. Setæ breviusculæ. Capsulæ oblongo-ovatae.

577. *TRICHOSTOMUM ericoides*: caule decumbente ramuloso, ramulis brevissimis aggregatis, foliis oblongo-acuminatis subexcurvis apice diaphano denticulato.

Tr. ericoides *Schrad. spicil.* 62. *Smith brit.* 3.
p. 1241. *Engl. bot.* 28. t. 1991. *Schwægrich. musc. suppl.* 1. p. 147. t. 38.

Trichost. elongatum Ehrhart dec. n. 233.

Bryum hypnoides Ericæ facie. *Dillen.* p. 371.
t. 47. f. 31.

Hab. in saxis sæpius irrigatis ad mare septentrionale Nordlandiæ locis inferalpinis nebulosis passim copiose ex. gr. prope Örnäs parœciæ Foldensis frequenter.

Mihi quasi medium esse videtur inter *Tr. lanuginosum* et *Tr. canescens*; adeo ut nescio cui potius jungendum. Foliis multum brevioribus siccitate squarrosis a præcedente differt; et setis longis capsulisque majoribus subcylindricis *Tr. fasciculare* valde refert, cui etiam habitu proximum esse videtur. Setæ fere semper e ramis lateralibus egrediuntur.

578. *TRICHOSTOMUM fasciculare*: caule erectiusculo ramuloso, ramulis brevissimis aggregatis, foliis oblongo-acuminatis imberbibus marginibus revolutis, capsulis subcylindricis.

Tr. fasciculare *Schrad. spicil.* 61. *Hedw. spec. musc.* p. 110. *Web. et Mohr crypt.* p. 117. *Engl. bot.* 28 t. 2005. *Schwægrich. musc. suppl.* 1. p. 155. t. 38.

Bryum lutescens *Dicks. crypt. fasc.* 4. p. 14.
Br. hypnoides - - *fasciculare alpinum Dillen.*
p. 370. t. 47. f. 28.

Hab. in lateribus rupium irrigatis umbrosis montium inferalpinorum et ad radices alpium passim frequenter; nec non in rupibus elatioribus montium sylvaticorum rarius.

Folia siccitate tota apprimuntur ut in *Orthotrichis* plerisque; summus eorum apex obtusiusculus viridis. Setæ satis longæ, tortiles.

579. *TRICHOSTOMUM canescens*: caule erecto ramuloso, foliis lanceolato-acuminatis confertis recurvis piliferis, capsulis oblongo-ovatis.

Tr. canescens *Hedw. stirp. crypt.* 3. t. 3. *Spec. musc.* p. 111. *Web. et Mohr crypt.* p. 116.

Bryum hypnoides β . *Linn. svec. n.* 1003.

Bryum hypnoides hirsutiae canescens etc. Dillen.
musc. p. 368. t. 47. f. 27. B - E.

Hab. in saxis lapidibusque siccioribus sylvaticis per Lapponias svecicas parcius.

Caulis hujus non tantum erectus est, verum etiam setas in apice gerit (dum in præcedentibus plerumque rami fructiferi sunt). Ramuli vestiti foliis confertissimis summo apice capillari hyalino vel piliferis (nec apice latiore diaphano instructis et in *Tr. ericoide*).

580. *TRICHOSTOMUM heterostichum*: caule erecto diviso, foliis lanceolato-attenuatis erectis summi-

tate diaphana denticulata, capsulis subcylindricis.

Tr. heterostichum *Hedw. stirp. crypt.* 2. t. 25.

Spec. musc. p. 109. *Web. et Mohr crypt.*

p. 113. *Engl. bot.* 19. t. 1347.

Hab. in saxis siccioribus apricis Nordlandiæ inferalpinæ passim; ut etiam in lapponia sylvatica infima svecica rarius.

Caulis innovando dividitur in partes subæquales, sed ramos laterales proprie dictu non habet. Foliorum dimidia fere pars hyalina et denticulata est. Setæ plerumque breviusculæ. Operculum brevius crassiusque quam in præcedentibus.

381. TRICHOSTOMUM *microcarpon*: caule diviso, foliis lanceolato-attenuatis erectis piliferis, capsula oblonga, operculo subulato.

Tr. microcarpon *Hedw. spec.* p. 112. t. 23. f. 1-5.

Smith. brit. 3. p. 1243.

Dicranum microcarpon *Schrad. samml.*

Bryum caule erecto etc. *Linn. lapp. n.* 396.

Br. hypnoides alpinum setis et capsulis exiguis.

Dillen. p. 370. f. 47. f. 29.

Hab. in lapidibus saxisque siccis et elatis per totam Lapponiam præcipue subalpinam et inferalpinam maritimamque ubique frequentius quam præcedentia.

Difficilis determinatu utpote tum *Dicrano ovali* tum *Fissidenti pulvinato* simillimum. Ab utrisque distingvitur forma Capsulæ oblonga, angustiori atque minori semperque lævi; peristomii dentibus longioribus, profundius divisis; operculo crassiori.

582. TRICHOSTOMUM *glaucescens*: caule erecto subdiviso, foliis lanceolatis patentibus glaucis, capsula cylindræa, calyptra laterali, operculo subrostrato obliquo.

Tr. glaucescens *Hedw. stirp. crypt.* 3. t. 37. *Spec. musc.* p. 112.

Didymodon glaucescens *Web. et Mohr crypt.* p. 158.

Hab. in scrobiculis arenosis et marginibus terræ occultis per alpes fere omnes passim copiose, nec non per partes sylvaticas et inferalpinas rarius usque ad Utsjoki locis elatioribus siccioribus.

Singularis hic muscus facillime distinguitur colore suo glauco insigni, qui tum in sicco ac humido isdem est. Folia ipsius caulis brevia sunt nec ullo modo elongata, atque subsparsa; sed perigonialia triplo longiora in linearem formam elongata. Seta plerumque multum longior quam caulis. Calyptra e latere unico dehiscit, quo optime a præcedentibus distinguitur, quibus re vera minime affinis est.

583. *TRICHOSTOMUM cylindricum*: subacaule, foliis basi subvaginantibus capillaceis flexuosis patentibus, capsula cylindrica subincurva lævis-sima, operculo conico.

Tr. cylindricum Hedw. spec. musc. p. 107. t. 24. f. 7-13.

Dicranum cylindricum Web. et Mohr crypt. p. 202.

Tr. tenuifolium Schrad. diar. 1799. 2. p. 58.

Bryum paucifolium Dicks. t. 11. f. 3.

Hab. in terra arenosa denudata succosa regionis inferalpinæ raro: uti ad templum Lyngense et ad Storstensnäs præfecturæ Tromsensis, nec non ad Vättfjället sinus Saltensis; ut etiam in parte subsylvatica Lapponiæ svecicæ rarissime, nec nisi ad templum Enontekis Tornense et templum Quickjock Lulense lectum.

Habitu a præcedentibus longe recedit, et *Dicrano purpureo* longe similis est. Omnibus partibus gracillimum et magis capillare quam alius quisque muscus svecicus. Folia iis *Didymodontis capillacei* sat similia, sed undique patentia. Setæ eximie fulvescentes, tenuissimæ interdum fere pollicem longæ. Capsulæ etiam tenues, seta æquina haud crassiores, longiusculæ, curvulæ, læves (nec ullo modo striatæ ut in *Dicrano purpureo*), rufescentes.

F I S S I D E N S.

Hedw. spec. p. 152.

Fructificationes monoicæ; sterilis gemmiformis. Capsula subinæqualis. Peristomium simplex: dentibus sedecim, latiusculis, bifidis.

584. *FISSIDENS taxifolius*: caule pinniformi subdiviso, foliis ultra medium duplicatis oblon-

go - ligulatis superne serrulatis, capsula laterali inclinata.

F. taxifolius Hedw. *spec. musc.* p. 155. t. 39. f. 1 - 5.

Hypnum taxiforme minus etc. *Dillen. musc.* p. 263. t. 34. f. 2.

β. caule longiore subramoso. *F. adianthoides* Hedw. *stirp. crypt.* 3. tab. 26.

Hab. in terra quam maxime madida et succosa ad rupes inferalpinas Nordlandiæ raro, nec nisi ad Tromsöam et ad fluvium Laxelv Sörfoldensem præfecturæ Saltensis lectus.

Fructiferum in Lapponia haud vidi. Surculi ibi majores, quam vulgo occurrunt, sesquitertiam lineam lati. Folia semper imbricatim approximata, oblonga sed sursum satis angustata, nervo valido instructa, apicem versus insigniter serrulata quo a plerisque cæteris facile distingvitur hæc species. Structura foliorum in hoc et affinibus adeo singularis ut similis apud nullos alios muscos occurrit: latus enim superius dividitur in laminas duas æquales caulem amplexantes, quæ disjunctio vel duplicatio in hac specie ultra medium folii procedit, in sequentibus non item. Perennis est. Seta oritur a duplicatura folii, perichætio proprio foliis dimidio brevior obvoluta; apice deflexa, unde capsula inclinata evadit. Calyptra longiuscula ad medium capsulæ pertingens, latere fissâ et prorsus incumbens.

585. *FISSIDENS bryoides*: caule pinniformi simplicissimo erecto: foliis infra medium duplicatis oblongo-ellipticis apiculatis, capsula terminali erecta.

Dicranum bryoides Swartz *musc. svec.* p. 86. t. 2. f. 4. *Web. et Mohr crypt.* p. 163.

Fissidens osmundioides Hedw. *spec. musc.* p. 154. tab. 40. f. 7 - 11.

Hab. præcipue in turfis paludum locisque uliginosis per totam Lapponiam sylvaticam, subsylvaticam et inferalpinam usque ad Kistrand et Rebvog Finliæ passim.

Caulis fere semper longior quam ipsa seta, linearis erectus. Folia sursum vix angustiora integerrima, obtusa cum apiculo, nervo tenui pellucido

instructa. Capsula vix cernua. Peristomii dentes apicibus longis setaceis vidi.

Hæc et sequens species annuæ vel biennes sunt, nec nisi semel fructiferae. Seta oritur ex apice caulibus sine ullo perichætio proprio, apice recta. Calyptra brevissima, vix nisi operculum tegens, æqualis et basi in plures lacinulas divisa et re vera mitræformis dici meretur.

Dicranum osmundioides Engl. bot. 24. t. 1662. proliferum est, quale nunquam vidi.

586. *FISSIDENS viridulus*: caule pinniformi simplicissimo declinato, foliis infra medium duplicatis oblongis acutis, capsula terminali erecta.

Dicranum viridulum Swartz musc. svec. p. 84. t. 2. f. 3. Web. et Mohr crypt. p. 161. Engl. bot. 19. t. 1368. haud bona.

Fissidens bryoides Hedw. stirp. crypt. 3. t. 29.

Hab. in humo denudato Nordlandiæ inferalpinæ rarissime; nec nisi ad fluvium Laxel & Sörfoldensem præfecturæ Saltensis repertus.

Unacum proxime præcedentibus æstivalis est, mense septemb. maturus.

Surculus oblongus, brevis, duplo brevior quam seta sua, quo me iudice certius distingvitur hæc species. Folia pauca plerumque sursum angustata semperque acuta, nervo tenui pellucido ut etiam marginibus subpellucidis instructa. Capsula omnino erecta.

587. *FISSIDENS patens*: caule elongato procumbente ramoso, foliis oblongis attenuatis patentibus, setis lateralibus flexuosis, capsulis ovalibus.

Bryum patens Dicks. fasc. 2. pag. 6. t. 4. f. 8.

Dicranum patens Smith brit. 3. p. 1213. Engl. bot. 28. t. 1990. bona.

Trichostomum patens Schwægrich. musc. suppl. p. 151. t. 37. Schkuhr deutsch. laubm. t. 34.

Hab. in lateribus rupium passim irrigatis apricisque ad latera montium inferalpinorum et ad radices alpium Nordlandiæ rarius copiose ex. gr. ad Mid-dagshauen Kierringöæ et in Strömslien prope Rörstad. Eadem loca occupat ac *Trichostomum fasciculare*, quod etiam habitu proxime refert.

Vernalis est, mense Maji maturans.

Memorabilis est muscus et adeo diversus ut dubito cui affinior. Forma capsulæ ejusque situs, operculum et annulus elasticus omnino *Fissidentis pulvinati* H.; sed habitus surculi *Dicrano aciculari* convenit, quamquam forma foliorum fere *Trichostomi fascicularis*. Surculi bipollicares et ultra, procumbentes et nonnisi apicibus adscendentes, sparsim divisi in ramos elongatos simplices ipsi cauli æquales. Folia basi oblonga, sursum insigniter elongata et attenuata, simulque subdivergentia (unde surculi satis squarrosi evadunt). Flores masculos haud reperire potui; sed setæ plerumque e gemmis lateralibus ortæ sunt, valde flexuosæ ut in *Neckera curtispendula*, breves vix sesquilineam longæ, pallidæ. Capsulæ ovales, costatæ, directione variæ. Annulus elasticus insignis. Operculum breviter cuspidatum. Peristomii dentes in apices saticeos elongati, quibus *Trichostomo fasciculari* melius convenit.

588. *FISSIDENS sciuroides*: surculo repente ramoso, ramis adscendentibus, foliis ovatis acutis enerviis, capsulis lateralibus oblongis.

F. *sciuroides* Hedw. *spec.* p. 161.

Pterogonium sciuroides Engl. *bot.* 27. t. 1903. bona.

Hypnum sciuroides Linn. *spec.* p. 1596.

Hypnum arboreum sciuroides Dillen. *musc.* p. 319. t. 41. f. 54.

Hab. in rupibus siccis prope mare septentrionale Nordlandiæ meridionalis raro.

Steriles tantummodo surculos vidi nonnullis locis in districtu Saltensi, facile distinguendos in sicco ramis numerosis curvatis nitidis angustatis in humido *Anictangium ciliatum* referentibus. Folia vera enervia, sed ob insignem concavitatem duplicaturæ occurrunt nervos referentes.

589. *FISSIDENS strumifer*: caulibus divisis, foliis elongatis acuminatis uninerviis rectiusculis siccitate tortilibus, capsulis cylindræis cernuis subtus strumosis.

F. *strumifer* Hedw. *stirp. crypt.* 2. t. 32. Hoppe *taschenb.* 1802. p. 48.

D. *strumiferum* Swartz *musc. spec.* p. 33. Web. et Mohr *crypt.* p. 181.

Hab. in fissuris rupium sicciorum et ad saxa umbrosa per partem sylvaticam et inferalpinam passim copiose.

Stolonibus longis et angustis longitudinem setæ vix cedentibus innovat, et de cætero etiam ramulosus est. Folia e latiuscula basi sensim usque in apicem angustata sunt, erectiuscula. Hisce notis a similibus *D. virenti* et *D. alpestri* certe distinguitur, quibus folia superne linearia competunt.

D I C R A N U M.

Hedwig. spec. pag. 126.

Fructificationes dioicæ: sterilis capituliformis terminalis.

Capsula plerumque cernua obliqua.

Peristomium simplex: dentibus sedecim brevioribus bifidis.

590. *DICRANUM Schraderi*: caulibus erectis subdivisis, foliis sublinearibus subsecundis superne serrulatis undulatisque.

D. Schraderi Web. et Mohr. deutschl. kryp. p. 177.

Schwægrich. musc. suppl. 1. p. 166. t. 41.

D. undulatum Schrad. spicil.

Hab. in turfis paludum spongiosis per partem sylvaticam et subsylvaticam totius Lapponiæ passim.

Totus muscus omnium fragilissimus et valde scariosus. Caulis stupâ radiculosâ crassâ obductus. Folia eximie fulvo-nitentia, magis linearia quam in cæteris vel æqualem fere latitudinem usque versus apicem servantia, quoad texturam tenuissima, ut reticulum vix sub microscopio discernitur; nervo quidem angusto sed perevidenti, et versus apicem marginibus undulatis serrulatis cincto.

591. *DICRANUM scoparium*: caulibus erectis subdivisis, foliis attenuato-subulatis secundis serrulatis, capsula clavata cernua.

D. scoparium Hedw. spec. musc. p. 126. Web. et Mohr crypt. germ. p. 173.

Bryum scoparium Linn. spec. n. 995.

Br. reclinatum, foliis falcatis etc. Dillen. musc. p. 357. t. 46. f. 16. A. B. D.

β. fuscescens: foliis angustioribus secundo-curvatis.

D. fuscescens. Turn. musc. hibern. t. 5. f. 1. Smith brit. 3. p. 1204.

Hab.

Hab. in terra sterili sylvarum frequentius, alpium parcius. β . in umbrosis siccis.

Folia rigidiuscula et e textura reticulari evidentiori facta: apice subulata, serrulata et interdum recurva. Stupa radiculosa caulis sat crassa.

β . a plerisque nostratum *D. heteromallum* dictum est. Alii idem cum *D. longifolio* confuderunt, quod in Lapponia haud invenire potui.

592. DICRANUM *flagellare*: surculis erectis simpliciusculis, foliis attenuato-subulatis secundis integerrimis uninervibus, capsulis cylindraceis rectiusculis.

D. flagellare Hedw. stirp. crypt. 3. t. 1. Web. et Mohr crypt. germ. p. 173.

Hab. ad ligna putrida locisque spongiosis sylvarum passim.

Magnitudine adeo variat ut præcedenti interdum accedit, tuncque capsulas non parum cernuas habet, quo in statu *D. interrupto* H. convenire crediderim. Nervus foliorum integerrimus.

593. DICRANUM *montanum*: surculis erectis subramosis, foliis subsetaceis undique patentibus siccitate tortis subnervibus; capsula subcernua.

D. montanum Hedw. spec. p. 143. t. 35. f. 8. — 13. Web. et Mohr crypt. germ. p. 179.

Hab. in Nordlandia inferalpina ad radices arborum et caudices decisos passim, haud vero fructificans a me ibi visum.

Præcedenti proxime affine, sed foliis tortilibus magis setaceis et fere enervibus diversum. In Suecia haud rarum, sed parcissime fructificans; sterile etiam in Nordlandia inferalpina reperi.

594. DICRANUM *Sphagni*: surculis erectis simplicibus, foliis subulatis subsecundis integerrimis subnervibus, capsulis cernuis cylindraceis.

Sphagnum alpinum Schreb. in Crantz groenl. — Linn. mant. pag. 506.

Dicranum elongatum Schwægr. musc. suppl. 1. p. 171. t. 43?

Hab. in tumulis paludum spongiosis e Sphagno emortuo factis per partem subsylvaticam et subalpinam Lapponiarum septentrionalium passim copiose.

Secundum exemplaria ipsius Schreberi *Sphagnum alpinum* e Groenlandia certe constituit, quod

vero a Dilleniano musco anglico *Snowdonensi* diversissimum. Summe scariosum et fragile est, eamque ipsam ob causam pro *Sphagno* habitum, præcipue cum setæ tenuissimæ flexuosæ visum facile fugiunt. *Dicrano flagellari* *H.* omnium similis est, sed de cætero adeo diversum ut forsam *D. Schraderiano* affinius. Caulis elongatus, ipsis setis sæpe duplo longior, stupa radiculosa obtectus. Folia adeo angusta et subito attenuata ut subulata dici merentur, tota tenuissima et vix ductulis quibusdam evidentibus loco nervi dorsalis instructa; de cætero tantummodo subsecunda et vix curvata, stricta. Setæ semper pallidæ, spiraliter flexæ, semipollicares. Capsula subcylindræa. Operculum longe rostratum.

595. *DICRANUM falcatum*: surculis erectis simpliciusculis, foliis basi lanceolatis setaceis secundis recurvis, capsula cernua pyriformi cerviculata.

D. falcatum *Hedw. spec. musc.* p. 150. t. 32. f. 1. — 7. *Engl. bot.* 28. t. 1989. bona.

Bryum pilosum interrupte falcatum. *Dill.* p. 376. t. 47. f. 38.

Hab. in saxis et rupibus siccis apricis tum sylvarum ac alpium inferiorum totius Lapponiæ fere ubique.

Folia non semper secunda et evidenter incurva; sed sæpe undique flexa et crispata, quo in statu a *D. virente* difficiliter distinguitur. Est autem superior pars folii prorsus setacea et e solo nervo sine marginibus membranaceis constituta. Totus muscus rigidulus nec adeo mollis ac sequens species, obscure viridis. Setæ tantummodo semipollicares. Capsulæ fere erectæ, basi cerviculatæ; sed vix nisi in decrepito statu inferne strumosæ incurvæ.

D. longifolium facile distinguitur foliis adhuc rigidioribus et fere e solo nervo lato constitutis, nec nisi ad infimam basin marginibus angustis vix nervi dimidiæ latitudinis cinctis. Errant itaque egregie auctores folia ejus enervia exhibentes, nec dubito quin nervus totus pro parenchymate vulgari folii habuerunt. Semper majus est.

596. *DICRANUM virens*: surculis erectis subdivisis, foliis basi amplexantibus linearibus planis pa-

tulis tortilibus, capsulis cernuis demumque curvatis subtus strumosis.

D. virens Hedw. stirp. 3. tab. 32. *Web. et Mohr crypt.* p. 182.

Bryum virens Swartz nov. Act. Ups. 4. p. 241.

Hab. in aquosis juxta radices montium et ad fontes per partes sylvaticas fere ubique et inferalpinas Nordlandiæ passim.

Muscus est mollis et insigniter pallescens vel lutescens, inferne sæpius nigricans, et inde eximie versicolor. Caulis sine stupa radiculosa, usque ad bipollicaris longitudinis. Folia basi sua latum caulem amplectunt et ei apprimuntur; dein attenuato-lineararia, planiuscula vel marginibus membranaceis usque ad apicem prædita, undique patentia et nonnihil spiraliter circum caulem curvata ut in *Tortula tortuosa*. Setæ sæpius pollicares. Capsula semper subtus insigniter strumosa, cernua, post maturitatem valde incurvata.

Specimina legi ad Sörfolden Nordlandiæ foliis omnino serrulatis subrecurvis, operculo breviori subconico; quæ vero ob strumam insignem et setam terminalem huc pertinere puto.

597. *DICRANUM alpestre*: surculis erectis divisis, foliis basi subamplectentibus linearibus planis obtusis patentibus siccitate tortilibus, capsulis rectis ovalibus.

Icon tab. nostr. XXI.

β. *majus*: foliis longioribus acutioribus, capsulis oblongis.

D. gracilescens *Web. et Mohr crypt.* p. 184.

Schwægrich. musc. suppl. 1. p. 180. t. 46.

Hab. in fissuris rupium subalpinarum et alpinarum totius Lapponiæ sat frequenter.

Ipsum α. adeo diversam speciem constituit, ut nulli unquam confundi potest. Quanquam affinitas præcedenti et *Fissidentistrumifero* vel potius *Weissia schisti* perevidens est, tamen folia valde breviter habet et curtifolium merito diceretur; simulque obtusa et apice crassiuscula sunt. Seta respectu magnitudinis musci sat longa, ultra trilinearis, eximie pallida vel flavescens. Peristomii dentes cruribus capillaceis longis ornati.

Sed varietas β . habitu et notis haud spernendis valde diversa videtur. Pro varietate *Fissidentis strumiferi* H. antea habita fuit, a quo præter capsulam foliis linearibus angustis patentibus ne dicam divergentibus certe differt. Folia dupplo longiora quam in α , sed capsulæ ejusdem fere magnitudinis. Seta quadrilinearis. Capsula longior et dentes peristomii latiores.

Explicatio iconis: a. b. muscus integer. A. B. isdem 7es auctus. C. folium. D. Dentes peristomii.

598. *DICRANUM heteromallum*: caulescens simplex, foliis basi dilatata subamplectentibus setaceis secundis, capsula cernua urceolata, operculo rostrato.

D. heteromallum *Hedw. fundam.* 1. t. IX. f. 56.

Stirp. crypt. 1. tab. 26. *Web. et Mohr crypt.* p. 190. *Engl. bot.* 18. t. 1272.

β . minus: gracilius, foliis mollioribus.

D. secundum *Swartz act. Stockh.* 1795. p. 244.

D. subulatum *Hedw. spec.* p. 128. t. 34. f. 1 - 5.

Hab. in arenosis inferalpinis Nordlandiæ meridionalis, α . in siccioribus apricis, β . in humidioribus occultatis.

In loco natali utrosque hos muscos adeo confusos reperi, ut nullam differentiam certam reperire potui. Utriusque folia e nervo constituta sunt et tantum ad basin marginibus membranaceis brevibus prædita; sed in α . nervus validior et inde folia strictiora. Capsula sursum dilatata vel obovato-oblonga.

599. *DICRANUM Schreberi*: caulescens simplex, foliis basi subvaginantibus attenuatis divergentibus flexuosis subnervibus, capsulis cernuis, operculis conicis.

D. Schreberianum *Hedw. spec.* p. 144. t. 33. f. 6 - 10.

D. Schreberi *Swartz musc. spec.* p. 88. t. 2. f. 6.

Web. et Mohr crypt. germ. p. 185.

Hab. locis irriguis Nordlandiæ inferalpinæ et Lapponiæ sylvaticæ rarius.

Sequenti magis affine est quam quis e primo habitu facile crederet. Surculi longitudine fere setæ. Folia basi valde dilatata et tenuissime membranacea; demum longius attenuata et eximie undique squar-

rosa, vix vero capillaria vel subulata. Setæ trilineares. Capsulæ subovales.

600. *DICRANUM varium*: caulescens simplex, foliis basi dilatatis attenuatis subsecundis, capsulis ovalibus cernuis, operculis conicis.

D. varium Hedw. *stirp. crypt.* 2. t. 34. *Web. et Mohr crypt.* p. 186.

Bryum rufescens Dicks. t. 8. f. 1.

Hab. in arenosis irriguis juxta flumina Lapponiæ sylvaticæ passim frequenter.

Pusilla est species, tota vix ultra trilinearis. Folia plerumque magis congesta quam in præcedente, erectiuscula vel subsecunda. Capsulæ duplo minores quam præcedentis, ovales.

601. *DICRANUM cerviculatum*: subacaule, foliis basi lanceolatis sursum attenuato-subulatis patentibus subnervibus, capsulis subglobosis cernuis basi strumulosi, operculo rostrato.

D. cerviculatum Hedw. *stirp.* 3. t. 37. *Web. et Mohr cr.* p. 193.

β. *D. pusillum* Hedw. *stirp.* 2. t. 29. B.

Hab. in tumulis paludum et arenosis subhumidis Lapponiæ sylvaticæ fere ubique.

Eximie flavescit et colore suo sepe integram terram obvestit. Surculi semper brevissimi molles, foliis fere enervibus tenuissimis. Operculum setaceum longitudine capsulæ, recurvum.

602. *DICRANUM crispum*: subacaule, foliis basi subvaginantibus capillaceis divergentibus flexuosis, capsulis erectis, operculis rostratis.

D. crispum Hedw. *stirp.* 2. t. 33. *Web. et Mohr crypt. germ.* p. 185.

Bryum vaginale Dicks. —

Hab. in terra paludosa et uliginosa per partem sylvaticam et subalpinam totius Lapponiæ vulgare.

Saturate viride est. Surculi breves vix tertiam partem setæ æquantes. Folia longiora et angustiora quam in præcedentibus. Seta quinque lineas longa. Capsulæ oblongatæ.

603. *DICRANUM purpureum*: surculis erectis dichotomis, axillis fructiferis, foliis oblongis acumi-

natis, capsulis subcylindricis rectiusculis demum incurvis oblique striatis.

D. purpureum Hedw. *spec. musc.* p. 136. t. 56.
Swartz musc. svec. p. 36. *Web. et Mohr*
crypt. germ. p. 199.

Mnium purpureum Linn. *svec.* n. 973.

Br. tenue stellatum setis purpureis. *Dillen. musc.*
 p. 386. t. 49. f. 51.

Hab. ubique vulgatissime tum extra alpes ac in ipsis
 alpium lateribus usque ad Nordcap, scil. locis sic-
 cis denudatis.

604. *DICRANUM latifolium*: subcaulescens simpli-
 ciusculum, foliis oblongo-spathulatis concavis
 apiculatis, capsula cylindrica erecta.

D. latifolium Hedw. *stirp. crypt.* 1. t. 33. *Spec.*
 p. 140. *Web. et Mohr crypt. germ.* p. 202.

Trichostomum piliferum Smith *brit.* 3. p. 1246.

Bryum piliferum Dicks. *crypt. fasc.* 4. t. 10. f. 14.

Hab. juxta mare septentrionale per Nordlandiam in
 marginibus terrenis sicciusculis inferalpinis sat
 vulgare, ibique in alpihus usque parcius adscendit
 et in Finmarkiam maritimam præcipue occidenta-
 lem usque ad Mäsöam passim procedit; sed in
 Svecicis Lapponiis sylvaticis raro lectum est: ex-
 gr. ad Kyrö Enarensis, ad Ollisenkoski Enonte-
 kensis, et ad Quickjock. Subæstivale est mense
 Julii maturans.

A cæteris Dicranis longe recedit, et tum habitu
 foliorum ac capsulæ Encalyptis sinuillimum. Color
 musci in vigeto statu quodammodo glaucescens.
 Surculi interdum elongati occurrunt. Foliis suis
 sursum latis et patentibus rosulam pulchre refert
 omnino ut Encalypta. Folia vix unquam pilo cano
 terminata in Lapponia occurrunt, sed plerumque
 cuspede molli vel apiculo instruuntur, rarius etiam
 mutica inveniuntur nervo ductulorum vix ad api-
 cem pertingente prorsus ut *Tortulæ subulatae*. Seta
 semper paullo ultra sex lineas longa, validiuscula,
 stricta. Capsula cylindræa quamquam haud longa,
 obsoletius oblique striata. Peristomii dentes pro-
 fundius bifidi. Operculum breviter rostellatum.

POLYTRICHUM.

*Linn. gen. ed. Schreber. n. 1660. Hedw. fundam. 2. p. 90.
t. 7. f. 37.*

Fructificationes dioicæ terminales: sterilis disciformis, e centro innovans vel prolifera (excepto *Pol. undulato*).

Capsula: Peristomium simplex; dentibus triginta duo, brevibus, incurvis, membranulam transversalem adhærentibus.

Calyptræ dimidiatæ apex gerit tegmen pilorum cohærentium dependens vaginulæ antea insertum (excepto *Pol. undulato* et lævigato).

605. *POLYTRICHUM piliferum*: surculo simplici, foliis subulatis semiteretibus piliferis: marginibus replicatis contiguis, capsulis ovatis quadrangulis apophysi instructis.

P. piliferum Schreb. lips. 74. Hedw. spec. musc. p. 90. Menzies transact. Linn. 4. p. 75. Engl. bot. 17. t. 1199. optim. Flor. dan. 8. t. 1362. f. 2.

P. commune γ. Linn. spec. n. 966.

P. quadrangulare minus Juniperi foliis pilosis. Dillen. p. 426. t. 54. f. 3.

Hab. in siccis sterilissimis per totam Lapponiam svecicam vulgatissime; in alpibus usque ad summa cacumina et extimas insulas capitis septentrionalis ubique parcius; in Nordlandia inferalpina minus frequens.

Colore singularum partium eximio insignis est hic muscus: folia saturate cæruleo-viridia, pilo incano ornata; flores masculi pulchre rubicundi, et calyptra purpureo-fasciata. De cætero folia crassiuscula, prorsus semiteretia, erectiuscula, obtusiuscula, cum pilo serrulato et marginibus omnino replicatis, ora interiore sibi contiguis vel incumbentibus: dorso omnino lævi.

In hoc et plerisque Polytrichis pili calyptræ tum in apice ipsius calyptræ tum in vaginula inseruntur. Flos femineus calyptræ summitatem et vaginulam continuas habet, utrasque filis succosis erectis cohærentibus vestitas. Post florescentiam in altum surgit summitas calyptræ et inferior pars elongatur simulque glabra fit, dum pili vaginulæ cum calyptræ pilis cohærentes elongantur demumque ab insertionem

evelluntur. Hinc quasi deorsum reflexi apparent pili; quod tamen nequiquam sunt, dum antea inferne in vaginula inserti fuerunt. De cætero pilositas calyptræ in diversis diversa est: in *P. hercynico* per totam calyptram sparsa, apud *P. undulatum* in apice tantum, et apud *P. lævigatum* omnino deest. Certior itaque est character e Peristomio et eximia forma discoidea florum masculinorum; etiam habitus proprius et folia ita carnosa vel cartilaginea, ut similia in muscorum familia haud existunt.

606. *POLYTRICHUM juniperinum*: surculo simplici, foliis attenuatis patulis; marginibus replicatis divulsis, capsulis ovatis quadrangulis apophysi instructis.

P. juniperinum *Menz. in Transact. Linn.* 4. p. 76. t. 6. f. 4. *Hedw. spec.* p. 89. t. 18. f. 6 - 10. *Engl. bot.* 17. t. 1200. bona.

P. juniperifolium *Web. et Mohr crypt.* p. 219.

P. quadrangulare *Juniperi foliis brevioribus.* *Dill.* p. 424. t. 54. f. 2.

β. *gracilius*: capsula brevior.

P. strictum *Menzies l c.* p. 77. t. 7. f. 1.

Hab. locis sterilibus tum siccis ac paludosis per Lapponias omnes extraalpinas omnium vulgatissimum; in alpihus etiam ubique parcius parvumque, ubi in summa cacumina et extimas petras longius procedit quam ulla alia planta.

Folia patula (nec ut in sequenti recurvata), dorso aspera et carinata; marginibus replicatis haud vero contiguis. Basis foliorum caulem ambiens latior est quam in præcedente, duplo autem angustior quam in sequente. Calyptra pallida.

β. in paludibus Sphagno intermixtum crescens, surculis elongatis, foliis brevioribus erectioribus etc. leviter tantum differt.

607. *POLYTRICHUM commune*: surculo simplici, foliis attenuatis divergentibus serrulatis, capsulis ovatis quadrangulis apophysi instructis.

P. commune *Linn. svec. n.* 966. *lappon. n.* 395.

Engl. bot. 17. t. 1197. *Hedw. spec. musc.*

p. 88. *Menz. in transact. Linn.* 4. p. 74.

Georgii fl. baikal. p. 238. *Falk russ. top.*

2. p. 274.

P. yuccæfolium *Ehrh. crypt. n. 214. Web. et Mohr crypt. p. 221.*

P. quadrangulare vulgare *Juccæ foliis. Dillen. p. 420. t. 54. f. 1.*

Lapponibus Ruomse.

Hab. in locis uliginosis et paludosis paullo fertilioribus (nec exsuccis) per partem externalpinam præsertim sylvaticam vulgare, ut etiam in submaritimis Finmarkiæ passim; sed in convallibus ad rivulos alpinos raro, et in ipsis alpidibus haud visum.

Surculi ut plurimum dupplo triplove longiores quam in præcedentibus et sequentibus duobus. Folia usque in extremas margines prorsus opaca et levius serrulata, insigniter divergentia ne dicam recurvata et squarrosa, longius attenuata quam in sequentibus speciebus. Operculum mucronatum.

608. *POLYTRICHUM formosum*: surculo simplici, foliis attenuatis patulis: marginibus hyalinis serratis, capsulis oblongis quadrangulis apophysi obsoleta instructis.

P. formosum *Hedw. spec. p. 92. tab. 19. f. 1. a. Hoppe taschenb. 1801. p. 196. Web. et Mohr crypt. p. 221.*

P. pallidisetum *Funk crypt. des Fichtelgeb. fasc. 3. n. 55.*

P. attenuatum *Menzies in Transact. Linn. 4. p. 72. t. 6. f. 2. Engl. bot. 17. t. 1198.*

Hab. in sylvaticis humidis umbrosis per Nordlandiam meridionalem passim.

Folia in hac specie omnium affinium pellucidiora, ut non tantum margines lati hyalini sunt, verum etiam striæ sparsæ in nervo viridi occurrunt. Setæ eximie pallidæ, et calyptra fere nivea. Folia musci exsiccati in aqua multo serius reviviscunt quam in præcedente, eamque ob causam difficiliter examinantur.

609. *POLYTRICHUM aurantiacum*: surculo simplici, foliis attenuatis: marginibus hyalinis serratis, capsulis ovalibus subangulatis apophysi obsoleta instructis.

P. aurantiacum *Hoppe taschenb. 1802. p. 44. et 1800. p. 151.*

P. longisetum *Swartz musc. spec. p. 103. t. 8. fig. 16.*

P. gracile *Menzies in Transact. Linn.* 4. p. 73.
t. 6. f. 3. *Web. et Mohr crypt.* p. 222.
Engl. bot. 26. t. 1827.

Hab. in uliginosis humosis interdum quoque graminosis per partes sylvaticas Lapponiarum Svecicarum, et in inferalpinis Nordlandiæ passim frequenter. Aestivale est inense Julii maturans.

Non possum quin suspicari, hoc tantummodo a præcedente differre ut varietas gracilior a vero *P. juniperino*. Folia paullo minora sunt, nec adeo pellucida. Operculum in hoc et præcedente æque rostellatum.

610. *POLYTRICHUM alpinum*: surculo ramoso, foliis linearibus denticulatis patulis, capsulis oblongis substrumosis obliquis.

α. capsulis subovalibus, apophysi obsoleta confluyente.

P. alpinum *Linn. spec. plant.* p. 1573. *Engl. bot.* 28. t. 1905. bona.

P. alpinum ramosum etc. *Dillen.* p. 427. t. 55. fig. 4.

β. capsulis oblongis, apophysi nulla.

P. arcticum *Swartz musc. svec.* p. 105. t. 8. f. 17.
Flor. dan. 8. t. 1362. f. 1. bona. *Web. et Mohr crypt. germ.* p. 225.

P. sylvaticum *Menz.* l. c.

γ. capsulis cylindraceis gracilibus.

Hab. ad margines terrenos elevatos apricos præcipue juxta fluvios per omnes Lapponias sylvaticas frequentissime, per alpinas parcius; sed β. locis occultioribus alpium præcipue occurrit, et γ. in inferalpinis suboccultis Nordlandiæ passim. Aestivale est mense Augusti maturans.

Surculi plus minusve longi, tamen plerumque magis elongati et ramosi quam in cæteris. Folia semper eadem, lineari-attenuata, longiora et angustiora quam in cæteris, undique denticulata, apicem versus divergentia. Sed capsularum longitudo eo magis variat: ubi brevior est capsula ibi simul substrumosa, subangulata, gibba; quo vero longior eo gracilior lævior sine vestigio apophyseos, ut capsulam *P. urnigeri* me invenisse quandoque credidi.

611. *POLYTRICHUM septentrionale*: surculo ramoso abbreviato, foliis subulatis semiteretibus subsecundis apice denticulatis, capsulis ovalibus substrumosis.

P. septentrionale Swartz *musc. svec.* p. 107. t. 9. f. 18. *Web. et Mohr crypt.* p. 225.

P. norvegicum Hedw. *spec.* p. 99. t. 22. f. 1 - 5.

P. ramosum Gunn. *norv.* n. 814. *Flor. dan.* t. 297.

β. surculo brevissimo, foliis incurvis.

P. hyperboreum Wahlenb. in *Web. et Mohr ind. mus.*

Hab. in summis alpinis locis denudatis sterilissimis apricis subuliginosis usque versus Nordcap passim ne dicam ubique, sed rarius fructificat. Aestivale est mense Augusti maturum.

A præcedente satis diversum sese sistit foliis brevibus subincurvis semiteretibus subintegerrimis obtusiusculis, vixque nisi in surculo sterili subsecundis ob insigniorem longitudinem.

Surculi et folia *P. sexangularis* Flörk. simillima, sed capsula angulata diversam efficit speciem.

612. *POLYTRICHUM urnigerum*: surculo ramoso, foliis lanceolatis planis dentatis, capsulis cylindricis erectis.

P. urnigerum Linn. *svec.* n. 967. *Hedw. spec.* p. 100. t. 22. f. 5. — 7. *Engl. bot.* 17. t. 1218. bona.

R. ramosum setis urnigeris. *Dillen.* p. 427. t. 55. fig. 5.

β. humile subsimplex.

Hab. locis sabulosis juxta fluvios e. s. p. per partem sylvaticam præcipue inferiorem Lapponiarum svecicarum parcius; at β. humile in inferalpinis Nordlandiæ rarius. Verno tempore maturat.

Folia ejus adulta eximie rubent, sed juniora præcipue in pagina superiori glaucescentia sunt, unde insigniter versicolor apparet muscus. De cætero folia sunt valde rigida, satis lata, prope basin contracta indeque lanceolata, nec attenuata, crebro dentata.

613. *POLYTRICHUM capillare*: surculo subramoso, foliis sublinearibus attenuatis planis remotius dentatis, capsulis subcylindricis cernuis.

P. capillare Michaux amer. 2. p. 294. teste Swartz.
β. minus foliis adpressis brevioribus.

Hab. in terra arenosa denudata ad fluvios etc. totius Lapponiæ sylvaticæ fere ubique vulgare; sed *β.* in parte subalpina et alpina passim provenit. Verno tempore maturat.

Præcedenti adeo affine ut ægre distinguitur. Color foliorum sordide vel pallide viridis, ut etiam calyptra magis albicans. Folia multum longiora, laxius posita, dentibus raris exasperata. Setæ valde tenues. Capsulæ plerumque ventricosæ vel oblongatæ.

Var. *β.* foliis adpressis et inde surculis angustatis valde diversum apparet, adeo ut *P. nanum* magis refert.

At *P. nanum* surculo simplicissimo, foliis semiteretibus obtusiusculis apice serrulatis semper erectis fere adpressis distinguitur, nec supra Uplandiæ limites a me lectum.

P. aloides foliis planis mollibus patulis: marginibus hyalinis argute serratis siccitate incurvis differt, nec supra Ostro-Gothiæ fines lectum scio.

614. *POLYTRICHUM hercynicum*: surculo simplici, foliis canaliculatis incurvis integerrimis, capsulis cylindraceis, calyptra interrupte pilosa.

P. hercynicum Hedw. stirp. crypt. 1. tab. 15.
Smith brit. 3. p. 1381. *Engl. bot.* 17. t. 1219.
Flor. dan. 8. t. 1417.

Catharinea hercynica Ehrh. crypt. dec. n. 11.
Web. et Mohr crypt. germ. p. 217.

Orthotrichum hercynicum Hoffm. fl. germ. p. 25.

Hab. in terra arenosa umbrosa per radices alpium Nordlandiæ meridionalis passim ex. gr. ad Skönstugan et Vätt-fjället Saltensium, nec non ad Strömklumpen Foldensium. Ut etiam in ripis fluminis Kittinenjoki prope Sodankylense templum. Aestivale est mense Julii haud maturus.

Cæteris Polytrichis valde affine tum foliorum dorso carnosio, tum floribus masculis e centro proliferis. Folia linearia: marginibus semper inflexis: nervo inferne tenero sursum vero undulatum dilatato et in dorsum carnosum extenso. Directio foliorum incurvata unde semper crispi apparent surculi; color non parum æruginosus. Perichætialia folia

cæteris simillima. Calyptra per totam longitudinem sparsim fulvo-pilosa.

615. *POLYTRICHUM lævigatum*: surculo simplici, foliis ovatis concavis imbricatis, capsulis oblongis cernuis, calyptra lævissima.

P. glabratum *Wahlenb. in Web. et Mohr ind. mus. Icon. tab. nostr. XXII.*

Hab. in nuda arena riparia aprica fluminis Muonio prope pagum Muonio superiorem et Ketkes-suvando Lapponiæ sylvaticæ Tornensis frequentissime. Aestivale esse videtur.

Præcedenti adeo affine ut nullum de genere sed potius de specie sit dubium. Foliorum dorsum eodem modo undulatum dilatatur, quod in nullis aliis muscis hucusque observatum scio. Folia breviter in surculis ubique adsunt, et solummodo perichætialia magis elongantur. Capsulæ semper cernuæ et obesæ. Calyptra lævissima, apice magis mucronata et fusca quam in præcedente. Flores s. d. masculi pulchre cyathiformes.

Iconis explicatio: a. muscus fructifer. A. isdem sexies auctus. B. folium inferius e latere visum. C. idem antice visum. D. folium superius e latere et E. antice visum. F. folium perichætiale e latere conspectum. G. calyptra. H. calyptra infantilis et vaginula glaberrima. I. initium fructus. K. flos femineus denudatus cum filis succosis brevissimis. l. surculus masculus. L. isdem auctus. M. isdem involucris extimis reflexis ut conspiciantur antheræ. N. anthera et filum succosum seorsim.

616. *POLYTRICHUM undulatum*: surculo simplici, foliis planis lanceolatis serratis uninerviis, calyptræ rostatæ apice muricato.

P. undulatum *Hedw. stirp. crypt. 1. t. 16. 17. Engl. bot. 17. t. 1220. Michaux amer. 2. p. 295.*

Mnium undulatum *Hoffm. germ. p. 53.*

Bryum undulatum *Linn. svec. n. 996.*

Bryum phyllitidis folio etc. Dillen p. 360. t. 46. fig. 18.

Catharinea undulata *Web. et Mohr crypt. germ. p. 216.*

β. minus: foliis brevioribus obtusioribus.

P. controversum *Bridel. muscol.*

Hab. in umbrosis Nordlandiæ meridionalis rarius, sed β . in sterilibus apricis Lapponiarum omnium sylvaticarum passim. Est itaque inter Polytricha frigoris valde impatiens. Vernale est, mense Junii his in terris maturans.

A Polytrichorum habitu re vera longe discedit et Mniis admodum accedit: foliis nervo angusto limitato (nec in dorsum carnosum explanato), basi haud subvaginante, floribus masculis e centro haud proliferis e. s. p. Quamquam itaque calyptra haud glaberrima, tamen a Polytrichis magis alienum quam præcedens species, unde patet quod genus illud Catharineæ neutiquam naturale sit.

Varietas minor interdum adeo pygmæa reperitur, ut *Gymnostomum Heimii* ne dicam *truncatum* habitu refert.

B U X B A U M I A.

Hedw. fundam. 2. p. 95. tab. 10. fig. 52.

Fructificatio dioica terminalis: sterilis discoidea.

Capsula oblique dimidiata. Peristomium duplex: exterius dentibus sedecim truncatis, interius membranaceum plicatum subintegrum conicum.

617. *BUXBAUMIA aphylla*: pedunculata. *Linn. svec.* n. 1293. *Amœn. acad.* 5. p. 78. t. 1. *Hedw. spec. musc.* p. 167. *Engl. bot.* 23. t. 1596.

Muscus capillaceus aphyllus *Dillen musc.* p. 477. t. 68. f. 5.

Hab. in Lapponia rarissime, nec nisi ad Risnäs prope lacum Stora Vindelen Lapponiæ Umensis frequenter lecta d. 23. Julii 1810.

F U N A R I A.

Schreb. in Gen. plant. n. 1650. *Hedw. spec. musc.* p. 172.

Fructificationes dioicæ terminales: sterilis discoidea.

Capsula pyriformis. Peristomium duplex planum: exterius dentibus sedecim obliquis: interius dentibus totidem membranaceis.

618. *FUNARIA hygrometrica*: foliis ovatis bullatis acuminatis integerrimis, capsula incurvata.

F. hygrometrica Hedw. spec. musc. p. 172. Swartz mus. svec. — Wahlenh. act. Stockh. 1806. p. — Web. et Mohr crypt. p. 378.

Mnium hygrometricum Linn. svec. n. 972. Georgii fl. baikal. p. 239.

Bryum bulbiforme aureum etc. Dillen musc. p. 407. t. 52. f. 75.

Hab. ad margines umbrosos fluviorum etc. per Lapponiam rarissime ex. gr. ad Kumma-Eno et Idijoki Lapponiæ Tornensis, prope Wuollerim Lapponiæ Lulensis, et ad Qualviig Lyngensis Nordlandiæ.

M N I U M.

Linn. gen. plant. n. — Hedw. spec. musc. p. 188. fundam. 2. p. 94.

Fructificationes dioiciæ terminales: sterilis discoidæa.

Capsula. Peristomium duplex conicum: exterius dentibus sedecim acutis: interius membranaceum, plicatum, laciniatum, laciniis latiusculis et capillaribus alternantibus.

619. *MNIUM turgidum*: surculis erectiusculis dichotomis, foliis ovalibus concavis imbricatis, capsulis oblongis cernuis.

Bryum Linn. lapp. n. 403? Hypn. illecebrum L.? Icon tab. nostr. XXIII.

Hab. in marginibus præruptis madidis ad rupes per summum alpium jugum et in radicibus alpium Nordlandiæ passim copiose sterile; nec nisi unico loco ad Mandujaur Utsjokiæ capsuliferum lectum.

Sequenti admodum affine esse testantur Capsulæ striatæ, dichotomia surculorum, flores masculi, color et textura foliorum isdemque habitus. Sed tanta est differentia in figura foliorum et turgescentia surculorum ut nequeat non certissime distingui. Surculi sæpius tam longi et implicati ut pro Hypni cujusdam habentur. Folia revera cochleæformia, integerrima, nervo tenui percursa.

An sit *Bryum* Linn. fl. Lapp. n. 403. dubitamus, quum hoc in sylvis cresceret.

Iconis explicatio: A. Muscus capsulifer m. nat. B. ejusdem apex cum capsula sexies aucta. C. folium commune. D. Peristomium interius. E. flos femineus denudatus. F. Surculus cum flo-

- ribus masculis. G. ejusdem apex. H. folium florale cum genitalibus masculis. I. eadem genitalia seorsim.
820. *MNIUM palustre*: surculis erectis dichotomis, foliis lanceolatis attenuatis patulis subintegerrimis, capsulis oblongis subcernuis.

M. palustre *Linn. spec.* p. 970. *lappon. n.* 413. *Hedw. spec.* p. 188. *Smith brit.* 3. p. 1346. *Georgii fl. baikal.* p. 239. *Falk russ. top.* 2. p. 275.

Hypnum elodes *Web. et Mohr crypt.* p. 282.

Mn. majus etc. *Dillen musc.* p. 233. t. 31. f. 3.

Hab. in paludibus per totam Lapponiam (præter alpium superiora cacumina) ubique sed parcius, et rarissime fructiferum.

Colore suo flavescente et textura molli fere *Sphagnea* valde notabilis est hæc species. Folia usque e basi attenuata et acuminata, nervo tenui prædita, patula vel potius subsecunda. Surculi fere totius stupa radiculosa obtecti, qualem in præcedente vix inveni.

621. *MNIUM fontanum*: surculis erectis subverticillatis, foliis ovatis acuminatis superne serrulatis, capsulis sphæricis.

M. fontanum *Linn. spec.* n. 969. *lappon. n.* 414. *Flor. dan.* t. 298. *Hedw. spec.* p. 195. *Georgii fl. baikal.* p. 239. *Falk russ. topogr.* 2. p. 275.

Bryum palustre scapis teretibus etc. *Dillen. musc.* p. 340. t. 44. f. 2.

Bryum fontanum *Huds. angl.* 475. *Swartz musc. spec.* p. 48.

Bartramia fontana *Swartz in Schrad. diar.* 1800. 2. p. 180. *Web. et Mohr crypt. germ.* p. 278.

Hab. ad rivulos et ubi aqua fontana purior diffluit per sylvas Lapponiæ passim.

Non possum non præcedenti tam affine judicare, ut genere haud distinguantur. Modus crescendi isdem est quamquam innovationes plures verticillum fere efficiunt e cujus centro seta egreditur. Folia plana fere sunt et e basi mox nonnihil squarrosa nec ullo modo subvaginantia ut in *Bartramiis*, nec siccitate convoluta et incurvata, unde textura aliena patet. Peristomium ob capsulæ formam globosam brevius est vel in conum depressiorem redactum

redactum, unde etiam cilia intermedia magis suppressa et obsoleta quam in cæteris.

622. *MNIUM albicans*: surculis simpliciusculis, foliis oblongo-ovatis acutis subrenasis patentibus, capsulis ovalibus pendulis.

Bryum albicans *Wahlenb. in Web. et Mohr ind. musei.*

Hypnum Wahlenbergii. Web. et Mohr crypt. p. 280.

Hab. ubi aqua fontana per terram sterilem glareosam diffluit præcipue in Nordlandia inferalpina passim, sed rarissime capsuliferum ex. gr. ad *Storstensnäs Tromsöæ* lectum.

A sequente vix aliis characteribus distinguitur quam capsulis brevibus; sed habitus albicans musci valde diversus. Nervus foliorum rarius ad apicem pertingit, et folia magis pellucida. Surculi breves et vix innovatione divisi.

- 623 *MNIUM bimum*: surculis divisis elongatis, foliis oblongo-ovatis acutis patentibus, capsulis oblongo-cylindraceis pendulis, operculo mamillato.

Br. bimum *Schreb. lips. 83. Swartz musc. svec. p. 50.*

Mn. pseudo-triquetrum *Hedw. stirp. crypt. 3. t. 7. spec. p. 190.*

Br. ventricosum *Dicks. crypt. fasc. 1. p. 4.*

Br. lanceolatum bimum etc. *Dillen. musc. p. 405. t. 51. f. 73.*

Hypnum pseudo-triquetrum Web. et Mohr crypt. germ. p. 288.

Hab. in aqua fontana puriori per totam Lapponiam sylvaticam et inferalpinam passim copiose.

Surculi bi- vel tripollicares, satis angusti vel graciles, superne luteo-virides.

624. *MNIUM serpyllifolium*: surculis erectiusculis stoloniferis, foliis obovatis obtusis integerrimis, capsulis ellipticis, operculis apiculatis.

M. serpyllifolium α. punctatum *Linn. svec. n. 382. lappon. n. 404. Georgii fl. baikal. p. 239.*

Bryum serpyllifolium Swartz musc. svec. p. 51.

Mn. punctatum *Hedw. spec. musc. p. 193.*

Bryum punctatum Engl. bot. 17. t. 1183.

Bryum pendulum Serpilli foliorotundiore. Dillen. p. 416. t. 53. f. 81.

Hypnum punctatum *Web. et Mohr crypt. germ.*
p. 295.

Hab. in rivulis purioribus Lapponiæ sylvaticæ et inferalpinæ Nordlandiæ parcius.

Cæteris omnibus majus et spectabilius est foliis inter muscos svecanos facile maximis, diaphanis et grandius reticulatis. Innovationes attenuatæ et graciles sunt, unde surculi stoloniferi dicuntur. Capsulæ pendulæ re vera ellipticæ; operculum convexum cum apiculo.

625. *MNIUM roseum*: surculis erectis stoloniferis, foliis ovalibus apiculatis subserratis, capsulis ovalibus pendulis, operculo convexiusculo.

Mn. roseum *Hedw. spec.* p. 194.

Br. roseum *Swartz musc. svec.* p. 51. *Smith brit.* 3. p. 1370.

Mn. serpyllifolium γ. *Linn. svec.* n. 982.

Br. stellare roseum etc. *Dillen. musc.* p. 411. t. 52. f. 77.

Hypnum roseum *Web. et Mohr crypt. germ.*
p. 297.

Hab. in paludosis inter *Sphagnum* per Lapponiam sylvaticam passim ex. gr. ad Gransele Lapponiæ Umensis lectum.

Vagina pedunculi longior quam in plerisque, longitudinem fere foliorum attingens.

626. *MNIUM crudum*: surculis simplicissimis, foliis sparsis ovatis acuminatis: perichæatialibus elongatis patentibus superne serrulatis, capsulis nutantibus.

Mn. crudum *Linn. svec.* n. 979. *Hedw. stirp. crypt.* 1. t. 37. *Georgii fl. baikal.* p. 239.

Bryum crudum *Engl. bot.* 23. t. 1604. bona.

Hypnum crudum *Web. et Mohr crypt. germ.*
p. 293.

Bryum pendulum *hornum molle.* *Dillen. musc.*
p. 401. t. 51. f. 70.

Hab. in præruptis terræ ad rupes aliisque locis suboccultis per universam Lapponiam vulgare usque in alpium jugum et Finnarkiam.

Surculi quidem supra terram simplicissimi, sed e radice communi plures oriuntur, et e caudice novi stolones emittuntur, ut re vera multiplex est et vivax. Color foliorum insigniter albicans et pelluci-

mus, unde pulchellus evadit muscus. Capsulæ longiores et graciliores quam in omnibus cæteris. Nervus foliorum subevanescens.

CINCLIDIUM.

Swartz in Diario Schraderi 1801. 1. p. 25. tab. 2.

Fructificationes hermaphroditæ, discoideæ: paraphysibus clavatis.

Capsula basi strumosa, oblonga.

Peristomium duplex: exterius dentibus 16, acutis, inflexis; interius indivisum cupulatum nervis sedecim firmatum.

627. CINCLIDIUM *stygium* Swartz l. c. — *Flor. dan.* 8. t. 1422. bona.

Hab. in paludibus profundissimis fluctuantibus per partem sylvaticam Lapponiarum Svecicarum passim copiose, ad Knaften Lapponiæ Umensis omnium copiosissime.

Genus hoc a Mniis eodem modo differt ac Fontinalis ab Hypnis, tamen venæ transversales peristomii obsoletæ unde membrana connectens facile finditur. Nervi cupulam sustentantes cum dentibus peristomii exterioris alternant. Flores quoque ego hermaphroditos reperi sed multis filis clavatis intermixtis. Folia ovali-spathulata, ita integerrima ut margo revera incrassatus; subcoriacea.

TIMMIA.

Hedw. stirp. crypt. 1. tab. 31. *Spec. musc.* pag. 176.

Fructificationes monoicæ: sterilis gemmacea, axillaris: capsulifera terminalis.

Capsula subcylindrica. Peristomium duplex: interius membranaceum, laciniatum; laciniis anastomosantibus pertusisque, æqualibus.

628. TIMMIA *austriaca*: foliis lanceolatis superne serratis, capsulis striatis nutantibus, operculo apiculato.

T. austriaca Hedwig *spec.* p. 176. tab. 42. *Web. et Mohr. crypt. germ.* p. 254.

Hab. in marginibus umbrosis terrenis fluviorum parœciæ Enontekis rarissime, in cryptis et præcipientis alpini jugi passim, sed in umbrosis monticulorum, inferalpinorum Nordlandiæ totius copiose.

Utraque hujus generis species habitu surculorum *Polytricho undulato* admodum accedunt. Folia *T. austriacæ* e reticulo tenuissimo facta: nervo valide in medietate obscuriori, quo a *Mniis* recedit. Serraturæ foliorum rarius nisi apicem versus ad sunt. Capsulæ juniores eximie striatæ ut in *Mniis* pluribus. Est itaque muscus anomalus, qui merito proprium genus constituet.

M E E S I A.

Hedw. fund. musc. 2. p. 97. t. 9. f. 56. *Spec. musc.* p. 173.

Fructificationes discoideæ dioicæ vel subhermaphroditæ.

Capsula cernua s. obliqua, pyriformis.

Peristomium duplex: exterius dentibus sedecim, duplo brevioribus, obtusis; interius ciliis totidem distinctis vel opere reticulato plus minusve connexis.

629. *MEESIA squarrosa*: foliis quinquefariis triangularibus recurvis denticulatis, capsulis oblongis.

Bryum squarrosus *Linn. svec.* n. 1007. *Spec. plant.* p. 1585. *Hedw. spec.* p. 186. t. 44. f. 6. — 11.

Hypnum Paludella *Web. et Mohr. crypt. germ.* p. 274.

Hab. in paludibus profundis aquosis Lapponiæ sylvaticæ rarius; ut etiam in Nordlandia ejusque districtu Saltensi capsulifera lecta. Aestivalis est mense Septembris maturans.

Tanta est affinitas hujus et sequentis musci, ut non possum quin eos genere jungam. Eadeni enim est tum situs ac directio foliorum, nec non denticulatio peculiaris, qualem nonnisi in *Jungermannia nemorosa* reperi. De cætero situs capsulæ obliquus convenit, quamquam figura vix pyriformis. Peristomii exterioris dentes longiores quam in sequentibus, unde etiam *Bryis* a plerisque annumeratur. Flores masculi manifeste discoidei sunt, itaque potius *Mnii* generis esset quam *Bryi*.

630. *MEESIA longiseta*: foliis ovato-lanceolatis trifariis divergentibus dentatis.

M. longiseta *Hedw. stirp. crypt.* 1. tab. 21. 22. *Spec.* p. 173.

Mnium triquetrum Linn. *svec.* n. 978. *Spec. plant.* p. 1578.

Diplocomium longisetum Web. et Mohr *crypt. germ.* p. 374. t. 7. f. 10. 11.

Hab. in paludibus profundissimis aquosis per Lappo-
nias sylvaticas fere ubique. Aestivalis.

Spectabilis et utique memorabilis muscus est,
setis suis longis capsulas ex aqua paludum eximie at-
tollens. Surculi sæpius quadripollicares, elongati.
Folia sat sparsa, basi amplexentia, dein divergen-
tia et nonnihil flexuosa, acuta, canaliculata, margi-
nibus neutiquam integerrimis sed evidenter denta-
tis ne dicam subciliatis ut in Jungermanniis nonnul-
lis. Peristomii dentes exteriores tam tenuiter mem-
branacei et breves, ut visum facile effugiant; inte-
riores hispiduli.

631. *MEESIA uliginosa*: foliis lineari-attenuatis inte-
gerrimis obtusis erectis, peristomii interioris
dentibus connexis.

M. uliginosa Hedw. *stirp. crypt.* i. tab. 1. 2.

Spec. p. 173. Web. et Mohr. *crypt.* p. 374.

Bryum trichodes Linn. *svec.* n. 1006.

Br. trichodes aureum capsulis incurvis etc. *Dil-
len.* p. 389. t. 49. f. 58.

s. M. minor Brid. *muscol.* II. 3. t. 2. f. 13. Web.
et Mohr *crypt.* p. 374.

Hab. in uliginosis apricis per totam Lapponiam sve-
dicam exalpinam vulgaris, per alpes rarius, in
infealpinis Nordlandiæ passim. Aestivalis, mense
Augusti et Sept. maturans.

Surculi simpliciusculi vel subdivisi, nonnihil
elongati. Folia juniora saturate viridia, senescen-
tia vero fuscata, nervo ad basin lato ultra dimidiam
latitudinem folii occupante.

632. *MEESIA dealbata*: foliis lanceolatis acutis sub-
diaphanis patulis apice subserratis, peristomii
interioris dentibus basi connexis.

M. dealbata Swartz *musc. svec.* p. 94. t. 5. f. 10.

Hedw. *spec. musc.* p. 174. t. 41. f. 6 - 9.

Web. et Mohr *crypt.* p. 375.

Bryum dealbatum Dicks. *crypt.* fasc. 2. p. 8. t. 5.

f. 3. Engl. bot. 22. t. 1371.

Hab. ad rupes umbrosas madidas monticulorum in-
fealpinorum Nordlandiæ rarius. Aestivalis est.

Surculi breves, sed divisi iterum iterumque ut cæspitosi sæpius evadunt. Folia juniora pallide viridia et pulchre reticulata, nervo angusto saturatius colorato; mox vero albicantia evadunt, ut toti surculi dealbati apparent. Quo ad peristomium eodem fere modo a præcedente differt ac *M. squarrosa* a *longiseta*: dentibus exterioribus acutioribus, sed interioribus magis liberis. Difficile itaque junguntur charactere quodam, sed habitu facile conveniunt.

B R Y U M.

Linn. gen. n. —. Hedwig fundam. p. 94.

Fructificationes terminales, capituliformes, dioicæ vel androgynæ (Br. pyriforme et nutans).

Capsula. Peristomium duplex: exterius dentibus sedecim, acutis: interius membranaceum, plicatum, laciniatum; laciniis latiusculis et capillariibus alternantibus.

633. BRYUM *pyriforme*: surculo simplicissimo, foliis perichætialibus elongatis setaceis divergentibus, capsula pyriformi.

Br. pyriforme *Swartz musc. spec. p. 45.*

Webera pyriformis *Hedw. stirp. 1. t. 3. Spec. p. 169.*

Mnium pyriforme *Linn. spec. n. 980.*

Br. trichodes aureum etc. *Dillen. musc. p. 391. t. 50. f. 60.*

Hab. in parte sylvatica Lapponiarum omnium locis umbrosis sicciusculis rarius, ut etiam in Nordlandia et Finmarkia inferalpina.

Totus fere muscus nitidulus. Folia inferiora breviora, sed perichætialium nervus solus elongatus, setaceus, flexuosus, marginibus foliaceis orbatius.

634. BRYUM *nutans*: surculo simplicissimo, foliis lanceolatis acuminatis erectis, capsulis oblongis nutantibus.

Br. nutans *Schreb. lips. 81. Smith brit. 3. p. 1347.*

Webera nutans *Hedw. stirp. crypt. 1. t. 4. Spec. p. 168.*

Br. trichodes læte virens etc. *Dillen. musc. p. 391. t. 50. f. 61.*

alpicola: capsulis cernuis, foliis minus acuminatis.

Hab. ubique vulgatissime locis sterilibus siccis per omnem Lapponiam exteralpinam, ut etiam in alpidibus omnibus ubi sæpe in *B.* abit.

Sparsim crescit et ideo inconspicuum est surculis suis minutis. Statura sua et magnitudine valde variabili; gracilius sæpe pro *Pohlia* venditur.

Præcipue *B.* diversum videtur capsulis erectiusculis ventricosis.

655. *BRYUM annotinum*: surculis abbreviatis e summitate stoloniferis, foliis sparsis lanceolatis subpellucidis, capsulis elongato-pyriformibus nutantibus.

Br. *annotinum* *Hedwig spec. musc.* p. 189. tab. 43. *Smith brit.* 3. p. 1358. *Swartz in diario Schrad.* 1800. 2. p. 182. t. 3. fig. C. *Engl. bot.* 26. t. 1862. haud bona.

Mnium annotinum *Linn. svec.* n. 976. *Georgii fl. baikal.* p. 239.

Br. *annotinum lanceolatum* etc. *Dillen. musc.* p. 399. t. 50. f. 68.

Muscus Flor. dan. t. 215.

Hab. in subinundatis arenosis præcipue ad ripas fluminum Lapponiæ sylvaticæ totius ubique.

Disparsim crescit et de cætero surculi in terra adeo latent, ut nonnisi stolones visui patent, itaque perinconspicuum est et rarius legitur. Folia angusta, patentia, tenera, sparsa et caulem haud occultantia nervo subevanescente. Setæ tenuissimæ et prope apicem incurvæ unde pro *Bryo pallente* *Sv.* diu habui. Capsulæ eximie graciles et pallidæ, collo elongato curvoque.

656. *BRYUM capillare*: surculis divisis, foliis planis obovatis cuspidatis patulis, capsulis oblongis pendulis.

Br. *capillare* *Hedw. spec. musc.* p. 182. *Engl. bot.* 28. t. 2007.

Mnium capillare *Linn. svec.* n. 981.

Br. *foliis latiusculis congestis* etc. *Dill. musc.* p. 398. t. 50. f. 67.

Hypnum capillare *Web. et Mohr crypt. germ.* p. 286.

Hab. in terra tenui gramine vestita Lapponiæ inferalpinæ et sylvaticæ passim.

637. *BRYUM cæspiticium*: surculis divisis conglomeratis, foliis ovatis concavis imbricatis, capsulis obovatis pendulis.

Br. cæspiticium Linn. *svec.* n. 1010. *lappon.* n. 402. *Hedw. spec. musc.* p. 180. *Engl. bot.* 27. t. 1904.

Br. pendulum ovatum cæspiticium etc. *Dillen. musc.* p. 396. t. 50. f. 66.

Hypnum cæspiticium *Web. et Mohr crypt. germ.* p. 283.

Hab. in terra uliginosa denudata prope littora maris frequenter; in reliquis locis inferalpinis et sylvaticis inferioribus parcius.

638. *BRYUM pulchellum*: surculo simplicissimo, foliis lanceolatis pellucidis erectis, capsula subglobosa pendula, setis tenuissimis.

Br. pulchellum *Hedw. stirp. crypt.* 3. tab. 38. *B. Spec.* p. 180. *Swartz musc. svec.* p. 48.

Br. carneum β . *Turn. musc. hib.* p. 119.

β . *atropurpureum*: capsulis globosis incurvis atropurpureis.

Br. atropurpureum *Wahlenb. in Web. et Mohr ind. mus.*

Hab. locis arenosis denudatis ad ripas fluminum Lapponiæ sylvaticæ et subalpinæ passim parcius; at β . in argillaceis inferalpinis Nordlandiæ rarius.

Sat mutabilis species esse videtur respectu totius faciei. Ipsum *Br. pulchellum* H. quasi medium esse videtur inter *Br. carneum* et *atropurpureum*; adeo ut sive duæ distingvendæ sive omnes conjungendæ. Surculi omnium brevissimi, angusti. Setæ quo longiores eo tenuiores; in *atropurpureo* sæpe bilinearis tantum longitudinis capsulam minutam incurvam fere *Weissia nigritæ* sustentantes. Nervus folii subevanescens.

639. *BRYUM alpinum*: surculis ramosis elongatis tetrætiis, foliis octofarie-imbricatis carinatis strictis, capsulis oblongis.

Br. alpinum Linn. *mant.* p. 309. *Smith. brit.* 3. p. 1553. *Lightf. scot.* p. 738. *Engl. bot.* 23. t. 1623.

Bryum hypnoides pendulum sericeum etc. *Dillen. musc.* p. 394. t. 50. f. 64.

Hab. in Lapponia ut vulgo fertur; ego vero nonnisi in scopulis maritimis Sveciæ temperationis reperi.

Surculi longiores quam in ullo alio Bryo, subdichotome ramosis. Folia proprie dictu erecta, vix sibi invicem incumbentia sed admodum conferta, valde stricta ob nervum crassum rufescentem valde insignem. Apex foliorum subdentatus; forma oblongo-triangularis; reticulum tenuissimum.

640. *BRYUM argenteum*: surculis subdivisis teretibus, foliis ovatis imbricatis concavis piliferis, capsulis ovalibus pendulis.

Br. argenteum *Linn. svec. n. 1008. Hedw. spec. p. 181.*

Hypnum argenteum Web. et Mohr crypt. p. 276.

Br. pendulum julaceum etc. *Dillen. musc. p. 392. t. 50. f. 62.*

Hab. in tectis torfaceis Nordlandiæ inferalpinæ ubique sterile, ut etiam in Lapponia sylvatica passim.

641. *BRYUM Zierii*: surculis divisis teretibus obtusis, foliis subrotundis imbricatis concavis subnervibus apiculatis, capsulis longicollis clavatis cernuis.

Br. Zierii *Dicks. crypt. fasc. 2. p. 8. t. 4. f. 10. Engl. bot. 15. t. 1021. Smith brit. 3. p. 1356. Hedw. spec. p. 182. tab. 44. f. 1 - 4.*

Hypnum Zierii Web. et Mohr crypt. p. 275.

Hab. in fissuris rupium madidis inferalpinis Nordlandiæ meridionalis passim copiose; ex. gr. ad Dale Foldensem et pluribus locis ad sinum Saltensem. Aestivalis est.

Surculi quidem præcedentis respectu formæ sat referunt, sed dupplo triplove crassiores et turgidiores ob folia valde convexa et gibba. Nervus foliorum obsoletus vel tenerrimus, et reticulum grande vel laxum pauca parenchymate viridi refertum, unde mox albescunt folia et Sphagni habitum induunt. Surculos sat longos iterum iterumque divisos sæpius reperi, quoad maximam partem ex fusco et albicanti varios, apice tantum virescentes vel glaucescentes. Capsulæ tum forma ac directione a præcedentis longe recedunt ut etiam a cæterorum muscorum fere omnium. Forma ipsius capsulæ pyriformis obliqua ut in Meesiis, sed collo inani subcylindræo ipsa capsulâ longiori sustentatur. Seta superne arcuata

ut capsula junior nutans evadit; matura vero retorquetur ut peristomium sursum, vertex deorsum spectat, quo statu collum cygni admodum refert, ut ego quidem hanc speciem *Br. cygneum* certe dixissem. Est itaque omni respectu insignis atque memorabilis admodum muscus.

B A R T R A M I A.

Hedwig. stirp. 2. t. 40. Spec. p. 164.

Fructificationes androgynæ, terminales, gemmiformes.

Capsula globosa, sulcata.

Peristomium duplex: exterius dentibus sedecim, acuminatis: interius membranaceum, subplicatum, apice laciniatum, laciniis æqualibus bifidis.

642. *BARTRAMIA pomiformis*: foliis basi subvaginantibus setaceis asperulis.

B. pomiformis *Hedw. spec. musc. p. 164. Web. et Mohr crypt. p. 260.*

B. ithyphylla *Brid. musc. 2. p. 3. t. 1. f. 6. Engl. bot. 24. t. 1710.*

Bryum pomiforme *Linn. svec. n. 988. lappon. n. 400. Georgii fl. baikal. p. 239.*

Br. capillaceum etc. *Dillen. musc. p. 339. t. 44. fig. 1.*

β. strigosa: foliis subulatis stristis.

Hab. in saltuosis, ad rupes etc. tum Lapponiæ totius exteralpinæ tum ipsius alpini jugi et alpium maritimarum fere ubique parcius; *β.* in latere alpis Rastekaisse Finmsrkia. Vernalis in exteralpinis est, sed in alpibus omnino æstivalis initio mensis Augusti capsulas maturans.

Optime distingvitur foliis tam angustissimis ut nervus fere solus totam latitudinem explet, et de cætero parenchymate tam opaco limitatur ut vix rite distingvi queat; nec sine ratione folium enerve diceretur. Ob parenchyma crassius hujus folia strictiora evadunt quam in cæteris; qua nota etiam *β.* optime convenit: de cætero subtus convexa et lævia nec carinata ut in sequentibus. Margo foliorum tam abrupte serratus est, ut rectius asperulus dicitur.

643. *BARTRAMIA Halleriana*: foliis linearibus sursum setaceis serrulatis seta capsulæ longioribus.

B. Halleriana Hedw. stirp. 2. t. 40. Spec. p. 164.
Web. et Mohr crypt. p. 265.

Bryum laterale Hudson angl. p. 483. Lightf.
scot. p. 727.

Bryum pendulum Flor. dan. 5. tab. 833. f. 1.

Hab. in saxis et montosis siccioribus sylvaticis Nordlandiæ meridionalis et Lapponiæ subalpinæ australioris rarius.

Ut in sequente nervus foliorum facile distinguitur, et margines adjacentes subdiaphani sunt; sed superior pars folii in apicem longum setaceum triquetrum argute serratum abit. Nihilo tamen minus haud dubito, quin sequenti proxime affinis sit. Color plerumque magis rufescens, et folia parum rectiora.

644. *BARTRAMIA crispa*: foliis linearibus uninerviis serrulatis crispabilibus.

B. crispa Swartz musc. svec. p. 73. Web. et Mohr crypt. p. 262.

B. hercynica Flörk. in Diar. Schrad. 1799. 2. p. 71.

Hab. in fissuris rupium umbrosarum Lapponiæ sylvaticæ, sed præcipue Nordlandiæ inferalpinæ fere ubique. Subæstivalis est mense Julii maturans.

Folia fere tota linearia et nervus in apicem usque bene discernibilis. Ob nervum crassiorem carinæ, marginibus tenuibus limitatum, folia exsiccando eximie crispantur, et de cætero muscum molliorem constituunt. Color satis glaucescens.

Hujus varietas minor est *B. pomiformis* Engl. bot. 14. t. 998 et Turneri synops. musc. hibern.

645. *BARTRAMIA gracilis*: foliis sublanceolatis acutis serrulatis patulis.

B. gracilis Flörk. in Diar. Schrad. 1799. 2. p. 171.

Smith brit. 3. p. 1341. (delendam dein statuit).

Engl. bot. 26. t. 1826.

B. Oederiana Swartz in Schrad. diar. 1800. 2. p. 180. Web. et Mohr crypt. germ. p. 276.

Bryum Oederi Retz scand. p. 261.

Bryum foliis striatis etc. Flor. dan. 3. tab. 478.

Hab. in fissuris madidâ rupium nemorosarum ad radices alpium Nordlandiæ et adjacentis Finmarkiæ passim copiose; nec non in convalle Quickjockensi ad Njammat et in Lapponia Pitensi unico loco visa. Subæstivalis est mense Julii maturans.

A præcedentibus longe differt. Surculi graciles apparent ob folia breviora et plerumque remotius ab invicem sparsa, ut caulis nudus patet. Folia basi adpressa, sursum patula et eximie canaliculata vel subconduplicata, unde difficulter explanantur, explanata vero acuta tantum apparent nec ullo modo acuminata vel apiculata, siccando incurvantur. Margo serratus, subincrassatus est. Color totius musci læte viridis, nec unquam glaucescens. Rami annotini sæpe tam elongati occurrunt, ut setas capsulasque ejusdem anni superant atque occultant; unde subdivisio generis, a *Turnero* proposita haud convenit. Capsulæ minores quam in cæteris.

Nomen *B. Oederianæ* in confusionem facile inducit, et de cætero nomina a proprietate ipsius plantæ præferenda puto nominibus historicis.

ORTHOTRICHUM.

Hedwig stirp. crypt. 2. p. 96. Spec. musc. p. 162.

Fructificationes monoicæ: sterilis gemmacea, axillaris; capsulifera terminalis.

Capsula recta, costata s. angulata.

Peristomium duplex: exterius dentibus sedecim acutis, reflexilibus: interius dentibus totidem moniliformibus fugacibus, vagis, vel nullis.

Calyptra conica, æqualis, angulata, pilosa s. glabra.

646. *ORTHOTRICHUM crispum*: foliis linearibus apiculatis siccitate tortuosis, setis exsertis superne incrassatis, capsulis oblongis, pilis calyptræ apicem superantibus.

O. crispum Swartz musc. svec. p. 42. Smith brit.

3. p. 1266. Hedw. stirp. crypt. 2 t. 33.

Neckera ulophylla Web. et Mohr crypt. germ. p. 236.

Polytr. capillaceum crispum etc. Dillen. musc. p. 43. t. 55. f. 11.

β. decumbens, foliis rectiusculis.

Hab. in truncis arborum frondosarum præcipue *Betulæ* junioris Nordlandiæ inferalpinæ locis subhumidis occultis passim.

In Lapponia tam magnum luxuriat et toto habitu tam alienum evadit, ut non potest non a sequente distingui. Color totius musci lutescens et

vetusti rufescens est. Folia fere ut *Tortulæ tortuosæ* tota linearia, longa, eximie se torquentia exsiccando, nervo in apiculum prominente. Capsulæ in setam incrassatam insigniter elongatæ, qua nota optime distinguitur et varietati 3. jungitur; cujus folia breviora, acuminata, siccitate vix torta, et surculi in ambitu pulvini decumbentes ne dicam repentes et valde ramosi. Pili calyptræ apicem ejusdem superantes in utrisque.

647. *ORTHOTRICHUM curvifolium*: foliis basi ovatis sursum attenuatis siccitate incurvis, setis exsertis superne incrassatis, capsulis ovalibus, pilis calyptræ apice brevioribus.

O. cirratum. *Bernhardi in Web. et Mohr crypt.*
p. 237.

Hab. in saxorum lateribus umbrosis subirrigatis per partem sylvaticam Lapponiarum et inferalpinam Nordlandiæ rarius.

Color surculorum juniorum glaucescens et vetustiorum nigrescens. Folia basi lata subamplectente inserta; dein lineari-attenuata, obtusiuscula, dimidio breviora quam in præcedente et siccitate tantum incurva. Capsulæ dupplo breviores, basi parum angustatæ. Operculum quoque longius cuspidatum. Pili calyptræ rariores et apicem ejusdem haud superantes.

648. *ORTHOTRICHUM striatum*: foliis attenuatis patulis margine recurvis, peristomio interno sedecim-dentato, calyptra pilosa.

O. striatum *Hedw. stirp.* 2. t. 36. *Smith brit.* 3. p. 1262. *Web. et Mohr crypt.* p. 234.

Polytr. Bryi ruralis facie — majus *Dillen. musc.* p. 430. t. 55. f. 8.

Bryum striatum α . *Linn. spec. n.* 987.

Hab. in truncis arborum præcipue Betulæ per totam Lapponiam sylvaticam passim, in Nordlandia inferalpina vulgatus; in rupibus rarissime.

649. *ORTHOTRICHUM obtusifolium*: foliis subovatis obtusis concavis, peristomio interno octodentato, calyptra glabriuscula.

O. obtusifolium *Schrad. Samml.* — *Swartz musc. spec.* p. 90. t. 4. f. 8. *Web. et Mohr crypt.* p. 231.

Hab. in truncis Populorum Lapponiæ inferioris et Nordlandiæ meridionalis rarius.

650. *ORTHOTRICHUM anomalum* β.: foliis oblongis obtusiusculis erectis, peristomio interno nullo, calyptra pilosa, setis subexsertis.

Var. *O. anomali* Hedw. *stirp.* 2. t. 37. *Spec.* p. 162.

Web. et Mohr crypt. v. 229. *Dillen.* t. 55. f. 9.

Hab. in saxis et rupibus Lapponiæ sylvaticæ et Nordlandiæ inferalpinæ passim.

A vulgari *O. anomalo* differt surculis simplicioribus, foliis latioribus obtusioribus erectioribus, calyptræ pilis crebrioribus et longioribus.

N E C K E R A.

Hedw. fund. 2. p. 93. tab. 8. fig. 47. 48. 49.

Fructificationes dioicæ, laterales: sterilis gemmiformis axillaris.

Capsula recta. Peristomium duplex: exterius dentibus sedecim acutis: interius ciliis totidem distinctis alternis.

651. *NECKERA viticulosa*: repens, ramis erectis simpliciusculis, foliis ovato-elongatis obtusiusculis siccitate incurvis.

N. viticulosa Hedw. *spec.* p. 209. tab. 48. fig. 4. 5.

Swartz musc. p. 71. *Web. et Mohr crypt.* p. 240.

Hypnum viticulosum Linn. *spec. pl.* p. 1392.

H. subhirsutum viticulis gracilibus. *Dillen.* p. 307. t. 39. f. 43.

Hab. in rupibus umbrosis siccioribus Nordlandiæ inferalpinæ raro; ego ad Lyngenfjord eam tantummodo legi.

Habitus a Hypnoideis muscis plerisque recedit, et Orthotrichis non parum convenit. Folia enim sunt subcoriacea, ex areolis opacis minutis constituta sine reticulo evidenti. Nervus quoque pellucidior quam latera folii.

È diverso in Hypnis etc. folia sunt tenuiter membranacea, ne dicam micacea et subsplendentia, reticulo evidenti.

652. *NECKERA curtispindula*: surculo vago subpinato, foliis ovatis acuminatis superne serrulatis patulis, setis flexuosis incurvisque.

N. curtispindula Hedw. spec. musc. p. 209.
Swartz musc. svec. p. 71. Web. et Mohr
crypt. p. 241. Smith fl. brit. 3. p. 1275.

Hypnum curtispindulum Linn. svec. n. 1030.

H. dentatum curtispindulum. Dillen. p. 333.
t. 43. f. 69.

Hab. in rupibus siccis Nordlandiæ inferalpinæ passim.

Folia e reticulo pellucidioribus constituta; acumine subflexuoso, serrulato. Nervus in medio fere folii desinit, ut acumen eo caret. Capsula ipsa semper recta, sed ob torsiones setæ sæpe retroflexa.

653. *NECKERA pumila*: surculis complanatis pinnatis, foliis acinaciformibus acutis distichis, capsulis ovalibus exsertis.

N. pumila Hedw. stirp. 3. t. 28. Spec. musc.
p. 205. Smith brit. 3. p. 1272.

Hypnum pennatum Dicks. crypt. fasc. 1. p. 5.
t. 1. f. 8.

Hab. in cryptis rupium siccis et saxorum lateribus occultis ad montes sylvaticos et subsylvaticos Lapponiarum svecicarum rarius: ex. gr. Roussojärvi et Mustavaara parociae Enontekis, nec non Aikoniemi prope Kellojärvi parociae Sodankylä, sed ad Gillesnölle Lapponiæ Umensis frequentius.

Neckera pennata H. simillima; sed surculi duplo fere angustiores et teneriores; folia saltem in Lapponia minus acuminata, grandius reticulata; foliola perichætialia obtusiora, magis convoluta. Setæ tam longæ ut capsulæ eperichætiis totæ exseruntur. Perichætia foliis duplo longiora, patentia et satis conspicua.

LESKEA.

Hedw. fund. 2. p. 93. tab. 10. f. 62. 63. 65.

Fructificationes dioicæ, laterales: sterilibus gemmiformis axillaribus.

Capsula rectiuscula. Peristomium duplex: exterius dentibus sedecim, acutis; interius membranaceum, divisum in lacinias totidem, sæpe pertusas, æquales, absque ciliis interjectis.

654. *LESKEA complanata*: surculis procumbentibus complanatis pinnatis, ramis attenuatis, foliis oblongis apiculatis enervibus.

L. complanata Hedw. spec. p. 231. Swartz musc. svec. p. 68. Web. et Mohr crypt. p. 245.

H. pennatum compressum et splendens. Dillen. p. 268. t. 34. f. 7.

Hab. in lateribus occultis rupium et saxorum Nordlandiæ inferalpinæ rarissime, nec nisi prope Qualiig Lyngensem lecta.

Surculi toti in planum redacti. Folia tenuissima et valde diaphana, subintegerrima. Habitus surculorum fere *Hypni denticulati*.

655. *LESKEA trichomanoides*: surculis adscendentibus complanatis pinnatis, foliis obliquis subovalibus obtusis crenulatis subuninervibus.

L. trichomanoides Hedw. spec. p. 231. Swartz musc. svec. p. 68. Web. et Mohr crypt. p. 246.

Hypnum trichomanoides Schreb. lips. 88.

H. pennatum trichomanoides Dillen. musc. p. 269. t. 34. f. 8.

Hab. in lateribus rupium occultis Nordlandiæ inferalpinæ raro, utpote ad Lyngen, Sörfolden et Salten visa.

Surculi quasi bullati, seu e latere superiori convexi. Folia usque ad medium nervo tenuiori notata, paullo crassiora vel saturatius colorata quam in præcedente, superne eximie crenulata. Habitus surculorum fere ut in Leskeis exoticis valde nitidus et elegans, apud adultiores flavescens.

Folia omnium Hypnoideorum muscorum non eo modo conduplicata ac in Fissidentibus, sed tantum pinnatim disticha vel situ suo complanata; ubi autem latiora sunt latus inferius dilatatur, ut subauriculata vel pterygoidea evadunt ut in Jungermanniis.

656. *LESKEA incurvata*: ramis vagis fructiferis, foliis ovatis acuminatis subsecundis uninervibus, capsula cernua.

L. incurvata Hedw. spec. p. 216. t. 53. Web. et Mohr crypt. p. 248.

Hab. supra lapides suboccultos in locis subalpinis et ipsis alpebus passim, sed nonnisi in Lyngentind Nordlandiæ capsulifera lecta.

Surculos steriles diu pro *Pterogonio gracile* habui, a quo facile dignoscuntur foliis planiusculis, valide uninervibus.

657. LES-

657. *LESKEA pulvinata*: surculis procumbentibus subcapillaceis, ramis adscendentibus, foliis ovatis acutis concavis enervibus, capsulis oblongis cernuis.

Hab. locis subhumidis ad radicem et infimam partem trunci præcipue Populorum Lapponiæ Kemensis inferioris passim copiose; nec alibi visa.

Leskeæ paludosæ simillima, sed satis diversa mihi videtur: surculis tenuioribus, foliis siccitate adpressis (nec subsecundis), nervo orbatis, reticulo verum grandiori instructis, paullo brevioribus, capsulis brevioribus, oblongis (nec subcylindricis), erectiusculis (qua nota ab *Hypno lurido* satis superque differt). Densò grege crescit et ideo pulvinaria insignia supra truncos efficit, unde nomen desumptum. Peristomium *Leskeæ* generis, quamquam laciniae angustissimæ.

658. *LESKEA polyantha*: surculis repentibus multifloris, ramis aggregatis erectis, foliis enervibus acuminatis, capsulis rectis.

L. polyantha Hedw. stirp. 4. t. 2. Spec. p. 229. Swartz musc. svec. p. 68. Web. et Mohr crypt. p. 251.

Hypnum polyanthos. Schreb. lips. p. 97. Smith. brit. 3. p. 1278.

Hypnum sericeum ramosius et tenuius etc. Dillen. musc. p. 327. t. 42. f. 62.

Hab. in truncis arborum frondosarum per partem sylvaticam Lapponiarum Svecicarum parcissime, et Nordlandiam inferalpinam passim.

Folia subpatula, oblongo-ovata, acumine tenui instructa ut fere pilifera, omni nervo destituta, et ideo mollia. Operculum in Lapponia semper conicum.

659. *LESKEA sericea*: surculis repentibus, ramis adscendentibus arcuatis, foliis attenuatis triner-vibus concavis, setis asperulis, capsulis rectis.

L. sericea Hedw. stirp. crypt. 4. tab. 17. Spec. p. 228. Swartz musc. svec. p. 69. Web. et Mohr crypt. germ. p. 249.

Hypnum sericeum Linn. svec. n. 1036. lappon. n. 412. Smith. brit. 3. p. 1282.

Hypnum vulgare sericeum. Dillen. musc. p. 323. t. 42. f. 59.

Hab. in saxis rupibusque siccis Nordlandiæ inferalpinæ passim, ut etiam in Lapponia Kemensi inferiore parcius lecta.

Rami structurâ suâ sciuroidea, curvata, insignes. Folia semper erecta, et creberrime conferta, sensim e basi attenuata, valde concava vel potius subconvoluta; nervis omnino tribus conspicuis apicem vix attingentibus instructa, rigidula vel strigosa.

660. *LESKEA dendroidea*: surculis erectis, ramis fasciculatis terminalibus, foliis ovalibus concavis uninervibus, peristomii laciniis pertusis.

L. dendroidea Hedw. *spec. musc.* p. 228.

Neckera dendroidea Swartz *musc. svec.* p. 71.

Climacium dendroides Web. et Mohr *crypt.* pag. 252. t. 10. f. 2.

Hypnum dendroides Linn. *svec.* n. 1028. *lapp.* n. 411.

Hypnum dendroides sericeum etc. Dillen. *musc.* p. 313. t. 40. f. 48.

Hab. locis udis sterilibus in Lapponia sylvatica et inferalpina Norvegica vulgatissime sterilis; ut etiam in alpinis parcius.

Folia oblongo-ovalia, valde concava, superne serrulata. Peristomii interioris laciniae non tantummodo in membranam communem basilarem confluent, verum etiam foraminibus magnis crebris adeo fenestratae ut scalam fere referant, quod a caractere Neckeræ ejusque ciliis filiformibus omnino alienum, sed Leskeis adeo conveniens ut vix diversum constituet genus.

HYPNUM.

Linn. gen. ed. Schreb. n. 1656. Hedw. fund. 2. p. 94.

Fructificationes dioicæ, laterales: steriles gemmiformis axillaris.

Capsula ut plurimum cernua s. obliqua.

Peristomium duplex: exterius dentibus sedecim acutis; interius membranaceum divisum in lacinias totidem latiores, cum angustioribus capillaceis interjectis.

*Foliis enervibus et subenervibus.

661. *HYPNUM nitidulum*: surculis subfasciculatis simplicibus planis, foliis lanceolato-at-

tenuatis distichis enervibus, capsulis erectiusculis.

Leskea nitidula *Wahlenb. in Web. et Mohr ind. mus.* —

Hypnum pulchellum *Dicks. crypt. fasc. 2. p. 13. t. 5. fig. 6. Engl. bot. 28. t. 2006. sat bona. (nec Hedw). Web. et Mohr crypt. p. 343.*

Leskea pulchella *Hedw. spec. p. 220. t. 55?*

Hab. in locis deustis supra vegetabilia putrida per Lapponiam subsylvaticam rarius; copiose lectum ad Kaunavaara paroeciæ Enontekis.

Sequenti adeo affine, ut miror ei nunquam comparatum fuisse. Surculi eodem modo plani, sed dupplo triplove angustiores. Folia magis erecta, e basi sensim attenuata in apicem rectum, minus complicata ut tantum infimus margo replicatur. Peristomium Leskeis affine utpote uno tantum cilio brevi inter singulas lacinias.

662. *HYPNUM denticulatum*: surculis subfasciculatis simpliciusculis planis, foliis oblongis apiculatis distichis enervibus, capsulis oblongis subcernuis.

H. denticulatum *Linn. spec. n. 1014. Engl. bot. 18. t. 1260. Hedwig. stirp. 4. tab. 31. Spec. p. 237.*

H. sylvaticum *Huds. angl. 294. Web. et Mohr cr. p. 345.*

H. denticulatum pennatum, pinnulis simplicibus. *Dillen. musc. p. 267. t. 34. f. 6.*

Hab. in cryptis præcipue ad radices arborum totius Lapponiæ sylvaticæ et inferalpinæ frequenter.

Habitu omnino variabilis species, sed folia semper apiculis flexuosis subcapillaribus distinguuntur, de cætero egregie patent, vivide viridia sunt utpote e reticulo tenuiori facta, nitida. Setæ surculis vix dupplo longiores. Capsulæ ob brevitatem oblongæ dicendæ, quamquam ubique ejusdem latitudinis.

663. *HYPNUM obtusatum*: surculis subfasciculatis simplicibus planis, foliis ovalibus obtusis distichis subenervibus, capsulis cylindraceis subcernuis.

H. denticulatum γ. *obtusifolium* *Turn. spic. musc. p. 146. t. 12. f. 2.*

Hab. in lignis putræfactis locisque siccioribus occultis Laponiæ subsylvaticæ rarius; copiose legi ad Kaunavaara paroeciæ Enontekis et in Hopseidet Finmarkiæ.

Ob reticulum grandius et dilutiori succo repletum folia hujus sunt albicantia vel argenteo-nitida; omnino obtusa, quamquam apex interdum exsiccando constringitur. Nervus in basi foliorum adest evidens, ad medietatem folii haud pertingens. Surculi breves semper decumbentes, sublanceolatae, setis ut plurimum triplo breviores. Capsulæ etiam pallidæ, dupplo triplove longiores quam in præcedente.

664. *HYPNUM undulatum*: surculis fasciculatis simplicibus planis, foliis ovatis acuminatis undulatis subnervibus oblique complicatis, capsulis cernuis.

H. undulatum Linn. spec. plant. p. 1589. Hedw. spec. musc. p. 242. Web. et Mohr crypt. p. 348. Engl. bot. 17. t. 1181. bona.

H. pennatum undulatum Dillen. musc. p. 271. t. 36. f. 11.

Hab. in lateribus saxorum umbrosis irrigatis supra tenuem terram Nordlandiæ inferalpinæ rarissime, at ad montem alpinum Strandåfjället paroeciæ Keringöæ copiose.

Præcedentibus revera valde affine. Modus crescendi isdem scil. a caudice communi fere subterraneo egrediuntur plures surculi divaricati, subdecumbentes, simplices; simulque ex eadem basi seta una alterave. Folia quoque eodem modo subcomplicata sed majori gradu, ut lobus replicatus ultra dimidiam partem reliqui folii tegit. De cætero foliorum margines ob dorsum incurvatum undulatæ fiunt, nec discus foliorum bullatus ut in Neckeris.

Varietatem dupplo majorem in aqua ad Strandåfjället legi *H. lucenti* similem, sed cujus reticulum foliorum haud majus quam in *H. obtusato*.

665. *HYPNUM purum*: ramis pinnato-sparsis teretibus, foliis subrotundis apiculatis imbricatis subnervibus. Web. et Mohr l. c. p. 316.

H. purum Linn. spec. n. 1031. lappon. n. 410. Hedw. spec. musc. p. 253. t. 66. Engl. bot. 23. t. 1599. Dillen. p. 309. t. 40. f. 45.

Hab. in sylvaticis umbrosis Nordlandiæ inferalpinæ passim-

Differt ab insequente: ramis magis incrassatis et obtusis, caule viridi, foliis latioribus fere subrotundis, nervo tenui brevi instructis.

666. HYPNUM *parietinum*: ramis pinnatis attenuatis, foliis ovatis apiculatis laxè imbricatis nervibus, capsulis oblongis, operculo conico.

H. parietinum Linn. *svéc. n.* 1020. *lapp.* 406. sec. ips. herbar. —

H. compressum Schreb. *lips.* 96. *Dillen.* 1. c. p. 312. t. 40. f. 47.

H. Schreberi Willden. *berol.* 325. *Engl. bot.* 23. t. 1621. *Smith brit.* 3. p. 1315. *Web. l. c.* p. 340.

H. muticum Swartz *mus. svéc.* 60.

Hab. in sylvaticis sterilibus Lapponiarum omnium ubique, sed parcius quam in Svecia.

Caulis hujus intensius croceus ut etiam infima basis foliorum, dum e diverso *H. purum* totum viride.

Vulgatissimus et copiosissimus in Svecia muscus non potest non antiquo nomine designari, quamquam eum ab insequente non satis distinxit Linnéus. *H. tamariscinum* Hedw. in Svecia vix crescere videtur, itaque Linnéo incognitum fuit; nec dubitandum, quin insequens ejus *H. proliferum* constituerit.

667. HYPNUM *proliferum*: geniculato - proliferum tripinnatum, foliis cordatis acuminatis patulis subbinervibus plicatisque, setis aggregatis.

H. proliferum Linn. *svéc. n.* 1018. *lapp. n.* 405.

H. splendens Hedw. *spec. p.* 262. t. 67. *Web. et Mohr cr. p.* 338.

H. filicinum, tamarisci foliis majoribus splendentibus. *Dillen. musc. p.* 274. t. 35. f. 13.

β. *umbratum* bipinnatum, foliis subserrulatis.

H. umbratum Hedw. *spec. p.* 263. t. 67. f. 10. — 13.

Hab. in sylvis umbrosissimis præcipue frondosis Nordlandiæ inferalpinæ passim copiose.

H. delicatulum Linn. (quod *H. recognitum* H.) et *H. tamariscinum* H. in Lapponia haud reperi.

668. HYPNUM *triquetrum*: surculis erectis, ramis pinnato - sparsis, foliis cordatis acuminatis divergentibus subbinervibus.

- H. triquetrum* *Linn. svec. n. 1016. lappon. n. 409.*
Web. et Mohr crypt. p. 354. Hedw. spec.
p. 256. Engl. bot. 23. t. 1622. haud opt.
H. vulgare triangulum etc. Dillen. musc. p. 293.
t. 38. f. 28.

Hab. in sylvis siccis acerosis Lapponiarum Svecicarum et Nordlandiæ inferalpinæ passim parciusque quam in Svecia.

Europæorum Hypnorum certe maximum foliis majoribus quam ullus alius muscus.

669. *HYPNUM loreum*: surculis decumbentibus vagis, foliis ovato-attenuatis subsecundis enervi-
 bus, capsulis ovatis.

H. loreum Linn. spec. plant. p. 1593. Hedw.
spec. p. 294. Web. et Mohr crypt. p. 353.
Engl. bot. 29. t. 2072.

H. loreum montanum etc. Dillen. musc. p. 305.
t. 39. f. 40.

Hab. in sylvis montanis Nordlandiæ inferalpinæ passim

Præcedenti sine dubio proxime affine. Folia triplo angustiora ut etiam breviora, sine vistigiis nervorum, acumine valde attenuato instructa. Rami sparsi, rariores.

670. *HYPNUM squarrosum*: surculis erectiusculis sparsim ramosis, foliis ovato-acuminatis recurvis enervibus, capsulis ovalibus.

H. squarrosum Linn. svec. n. 1027. Hedw. spec.
p. 281. Engl. bot. 28. t. 1953. Web. et Mohr
crypt. p. 353.

H. repens, triangularibus reflexis foliis etc. Dillen. musc. p. 303. t. 39. f. 38.

Hab. in graminosis sterilibus Nordlandiæ inferalpinæ rarius.

Surculi duplo angustiores quam in præcedente. Color semper dilutius viridis vel virescens. Folia in trunco vel surculo primario eximie squarrosa et recurvata, sed rami laterales attenuati sunt foliis tantummodo patulis.

671. *HYPNUM Halleri*: surculis repentibus, ramis erectis confertis teretibus, foliis ovato-acuminatis recurvis enervibus, capsulis subcylindricis.

H. Halleri Hedw. stirp. crypt. 4. t. 21. Spec. p. 279.
Web. et Mohr crypt. p. 352.

? *β. majus*: foliis patulis, ramis vagis.

H. squarrosulum *Brid. musc.* 2. p. 2. tab. 4. fig. 2.
Engl. bot. 24. t. 1709.

Hab. in rupibus irrigatis umbrosis quibus arcte adnascitur per Nordlandiam inferalpinam passim copiose.

Pulchella est atque tenuis species, valde implexa, ramos breves erectos stellulas referentes emittens, et adeo rupes quasi panno textili inducens. Ramorum apex haud attenuatus sed potius incrassatus et læte viridis idque in musco fuscescente, unde habitum stellularem pulchellum efficiunt. Folia minuta, basi magis imbricata quam in præcedente, mox valde recurvata. Setæ ramis triplo quadruplove longiores. Capsulæ semper elongato-cylindræ, unde differentia haud spernenda desumitur.

Muscum paullo majorem in saxis siccioribus Nordlandiæ sæpius reperi, quem huc relatum voluissem, quamquam foliis tantummodo patulis magis attenuatis, et ramis sparsim positis *H. stellato* convenire videtur.

672. *HYPNUM alpinum*: surculis repentibus filiformibus, ramis erectis, foliis ovato-acuminatis erectis subenervibus.

H. alpinum *Turn.* — *Smith brit.* 3. p. 1330.

Hab. in rupibus irrigatis umbrosis inferalpinis Nordlandiæ rarius. Ad Dale Sörfoldensem cum præcedente lectum.

Mea exemplaria minora sunt quam scotica, nervique tantum vestigium ad basin gerunt. De cætero præcedenti affine quamquam abunde diversum.

673. *HYPNUM serpens*: surculis repentibus capilla-ceis, ramis adscendentibus simpliciusculis, foliis oblongis attenuatis enervibus, capsulis incurvis.

H. serpens *Hedw. stirp. crypt.* 4. t. 18. *Spec.* p. 268. *Web. et Mohr crypt.* p. 300.

Hab. ad arborum radices humectatas Nordlandiæ inferalpinæ rarius.

Surculi et rami omnino capillaris tenuitatis; foliis exiguis subimbricatis. Capsulæ magis incurvatæ quam in ullo alio.

674. *HYPNUM moniliforme*: surculis setaceis teretibus vagis, foliis ovatis obtusis concavis imbricatis enervibus, capsulis erectiusculis.

Leskea julacea Wahlenb. in Web. et Mohr ind. mus.

Icon tab. nostr. XXIV.

Hab. in humosis madidis ad rupes umbrosissimas inferalpinas Nordlandiæ passim; rarissime vero capsuliferum lectum ad Vattfjellet Saltensium, ad pagum Dale Sörfoldensem, et in insula Tromsöa.

Adeo diversissimus est hic muscus ut nulli alii Hypno affinis. Surculi ejus julacei, fragiles, moniliformes, primum glauco-virides sed cito albescentes *Jungermanniam julaceam* L. insigniter referunt. Folia eximie concava et extrorsum gibba nodulos quasi efficiunt, unde surculi revera moniliformes. Reticulum foliorum grandius et tota substantia fere carnosae vel spongiosae, nec scariosae tenax ut in cæteris Hypnis fere omnibus. nervus omnino deest. Perichætia foliis triplo longiora, valde acuminata, colore fusco insignia et facillime dignoscenda; foliolis oblongo-attenuatis Capsulæ oblongatæ, erectiusculæ, læves. Peristomium interius laciniis angustis, quarum sinus alterni (haud singuli) cilio unico ornantur; itaque ad Leskeas re vera admodum accedit.

Iconis explicatio: muscus integer m. naturali.

A. isdem septies auctus. B. surculus alter m. naturali.

C. Folium caulinum m. valde aucta. D. idem e latere visum. E. Folium perichætiale. F. Capsula.

G. Peristomii interioris pars.

675. *HYPNUM cuspidatum*: surculis pinnatis, foliis ovalibus obtusiusculis enervibus superne convolutis ramosque acuminatos efficientibus, capsulis cernuis.

H. *cuspidatum* Linn. *svec.* n. 1035. *Hedw. spec. musc.* p. 254. *Web. et Mohr crypt.* p. 539.

H. *palustre*, extremitatibus cuspidatis etc. *Dillen. musc.* p. 300. t. 39. f. 35.

Hab. in paludibus aquosis apricis Lapponiæ sylvaticæ fere ubique.

676. *HYPNUM scorpioides*: surculis prostratis, ramis vagis sursum incrassatis incurvis, foliis ovatis

acuminatis subsecundis enervibus, capsulis cernuis.

H. scorpioides *Linn. svec. n. 1026. Hedw. spec. musc. p. 295. Web. et Mohr crypt. p. 372. Engl. bot. 15. t. 1039.*

H. scorpioides palustre etc. *Dillen. musc. p. 290. t. 37. f. 25.*

Hab. in paludibus aquosis apricis totius fere Lapponiæ frequenter.

Inter majores hujus generis species numerandum, ramis suis apice turgidis insigne. Folia tantum superiora acuminata, subsecunda; inferiora potius obtusiuscula imbricata; utraque vero lævia sine plicis striisque ullis, valde concava.

677. HYPNUM *cupressiforme*: surculis decumbentibus subpinnatis, foliis ovatis acuminato-uncinatis secundis enervibus.

H. cupressiforme *Linn. svec. n. 1024. Hedw. stirp. crypt. 4. t. 23. Spec. p. 291. Engl. bot. 26. t. 1860. Web. et Mohr crypt. p. 370.*

H. crispum cupressiforme etc. *Dillen. musc. p. 287. t. 37. f. 23.*

Hab. in saxis sylvaticis tenui terra obtectis siccisque Lapponiæ fere omnis etiam subalpinæ frequenter.

Folia per se ovata imbricata, sed acumine tenui longo incurvato eximie uncinata, unde surculi subtus hirsuti supra vero læves imbricati apparent. Rami quasi depressi vel supra planiusculi et dilatati.

678. HYPNUM *crista castrensis*: surculis adscendentibus plumosis, foliis attenuatis secundis incurvisque enervibus striatis.

H. crista castrensis *Linn. svec. n. 1022. lappon. n. 407. Hedw. spec. musc. p. 287. t. 76. f. 1 - 4. Web. et Mohr crypt. p. 368.*

Hab. in saxosis muscosis sylvarum Lapponiæ et Nordlandiæ inferalpinæ parcius.

Surculi ramis crebris approximatis frondes referunt oblongas simplices insignes; quorum rachis crassiuscula rigida. Folia certe enervia, sed præcipue versus apicem striis plicisque insignibus prædita, fere tota curvata vel e basi heteromalla.

** Foliis uninervibus.

679. HYPNUM *rugosum*: surculis ramisque vagis adscendentibus sursum incrassatis recurvisque,

foliis ovalibus acuminatis subsecundis uninervi-
bus transversim rugosis.

H. rugosum Linn.^p Hedw. stirp. IV. t. 23. A.

H. rugulosum Web. et Mohr deutschl. krypt.
p. 363.

Hab. in saxis inter Lichenes fruticulosos per partem
subalpinam Lapponiæ raro; sed in alpestribus
siccis Nordlandiæ fere omnis passim copiosius.

Alpestris hic muscus utique memorabilis mihi
videtur et nulli alii affinis. Nitidus est cum eximia
mollitie, simulque turgidus obesus. Folia magna;
nervo perconspicuo ultra medium extenso, acumine
tantum curvato sesundoque. Color stramineus.

680. **HYPNUM aduncum**: surculis erectis, ramis pa-
tentibus, foliis oblongo-attenuatis uncinatis se-
cundis uninerviis striatis.

H. aduncum Linn. svec. n. 1025. Hedw. stirp.
crypt. 4. tab. 24. Spec. p. 295. Web. et
Mohr crypt. p. 360.

H. palustre erectum, summitatibus aduncis Dil-
len. musc. p. 292. t. 37. f. 26.

β. *revolvens*: foliis secundo-recurvatis, sine striis
plicisve.

H. revolvens Swartz musc. svec. p. 101. t. 7. f. 14.
Engl. bot. 29. t. 2073.

Hab. locis udis præcipue montosis Lapponiæ sylvaticæ et Nordlandiæ inferalpinæ passim.

H. cupressiformi haud parum convenit, sed
rami compressi (nec depresso-dilatati), folia nervo
perconspicuo instructa, plicata vel striata.

β. quodammodo medium inter *H. aduncum* et
H. scorpioides mihi videtur, utroque tamen te-
nuius. Folia basi ovata, acuminata (haud vero ita
uncinata): nervo ad apicem vix pertingente, quo
jungitur cum *H. adunco*; omnibus striis plicisque
orbata; ejusdem coloris et consistentiæ ac in *H.*
scorpioide.

681. **HYPNUM fluitans**; surculis gracilibus vagis,
foliis lanceolatis cuspidatis: nervo exserto sub-
secundo.

H. fluitans Linn. svec. n. 1034. Hedw. stirp.
crypt. 4. tab. 36. Spec. p. 296. Web. et
Mohr crypt. p. 358.

H. erectum aut *fluitans* etc. *Dillen. musc.* p. 299. t. 38. f. 33.

Hab. in aqua stagnante per Lapponiam sylvaticam passim.

Folia ipsa angustissima fere linearia, adpressa; nervo valido in cuspidem setaceum opacum foliis duplo longiorem protenso.

682. *HYPNUM diastrophyllum*: surculis repentibus, ramis assurgentibus pinnatis, foliis cordatis acuminatis subsecundis univervibus striatis.

H. diastrophyllum *Swartz musc. svec.* p. 58.

H. commutatum *Hedw. stirp.* 4. t. 26. *Spec. musc.* p. 284. *Web. et Mohr crypt.* p. 356.

Hab. in rivulis fontanis Nordlandiæ inferalpinæ rarius ex. gr. ad Helland Sörfoldensem et Vättfjället Saltensium.

Tum surculi ac rami crassiusculi. Ramorum apices subincrassati et incurvati. Folia ramorum subtriangularia, concava, plicata; acumine brevi, subsecundo, fere enervi s. nervo evanescente.

E diverso *H. filicini* *L.* surculi et rami duplo graciliores et recti; folia ovata, planiuscula, lævia (sine plicis), acumine longiori, rectiori, cum nervo excurrente.

683. *HYPNUM abietinum*: surculis adscendentibus pinnatis, ramis attenuatis, foliis ovatis acutis imbricatis uninervibus.

H. abietinum *Linn. svec.* n. 1023. *lappon.* n. 408.

Hedw. stirp. 4. tab. 32. *Spec.* p. 353. *Web. et Mohr crypt.* p. 332. *Michaux amer.* —

H. lutescens etc. *Dillen. musc.* p. 280. t. 35. f. 17.

Hab. in sylvaticis siccis Nordlandiæ maritimæ passim parcius.

Respectu foliorum et ramorum forma a præcedente haud alienum. Eodem quoque modo radiculosum est. Folia sine plicis striisque ullis, concava, nervo tenuiori vix ultra medium promanente instructa.

684. *HYPNUM alpestre*: trunco repente subterraneo, ramis assurgentibus teretibus subdivisis, foliis ovalibus obtusis subuninervibus.

H. alpestre *Swartz musc. svec.* p. 102. t. 6. f. 15. *Hedw. spec. musc.* p. 245. t. 64. f. 1 - 4.

Hab. in saxis rivulorum æstate exsiccatorum per Lapponiam subalpinam rarius. Ego læte vicens reperi ad Tjåkelfafs lacum Lapponiæ Pitensis.

A cæteris adeo diversissimum ut nescio cui comparandum. Rami julacei apice luteo-virides et folia *H. purum* satis referunt, sed valde molles atque flaccidi sunt ut in *Hypnis* aquaticis. Truncus ipse revera subterraneus et foliis orbatus ramos emittit crebros approximatos densos cæspites constituentes. Folia sat magna ut in *H. puro* sed tenuissima, omnino obtusa: nervo tenuissimo inconspicuo ultra medium haud evagante concolore. Setæ laterales, breves vixque unciales, apicem rami haud superantes. Capsulæ erectiusculæ.

Figura *Swartzii* habitum satis exhibet, quamquam folia nimium parva; sed in *Hedwigiana* situs omnium partium alienus, nec folia in natura acutiuscula. *Hypnum molle* Dicks. quæ *Engl. bot.* 28 t. 1992. diversum mihi videtur gracilitate insigni et foliis acutis, quamquam et nostri textura mollis.

685. *HYPNUM sarmentosum*: surculis prostratis elongatis ramosis, foliis oblongis obtusiusculis laxè imbricatis uninervibus.

Hab. in rupibus alpinis ubi aqua nivalis defluit passim.

Sarmentis ultra spithamam longis cum aqua fluctuantibus, colore purpurascentibus insigne est. Habitu et crassitudine ramorum *H. cuspidatum* forsan refert. Folia præcipue apicem versus eximie purpurascentia; nervo purpureo pernotabili apicem attingente; reticulo quoque grandiori quam in plerisque *Hypnis*

H. fuscum *Schleich.* ejusdem fere habitus, sed foliis omnino enervibus ad *H. scorpioides* accedit.

686. *HYPNUM stramineum*: surculis simpliciusculis filiformibus, foliis oblongis obtusiusculis adpressis subuninervibus.

H. stramineum *Dicks. crypt. fasc. 1. p. 6. t. 1. f. 9. Web. et Mohr crypt. p. 320.*

Hab. in paludibus aquosis profundis sylvaticis rarius.

Tenuitate surculorum ab affinibus facile distinguitur. Folia minuta, valde tenuia et semper pallida; nervo perevidenti, tenui, vix ultra folii medium evagante.

687. *HYPNUM trifarium*: surculis simpliciusculis filiformibus, foliis ovalibus obtusis concavis trifariis subuninervibus.

H. trifarium Web. et Mohr crypt. p. 319. Iter. spec. p. — t. 2. fig. 2. a — d.

Hab. in paludibus profundis Nordlandiæ raro ex. gr. ad Dale Sörfoldensium lectum.

688. *HYPNUM nitens*: surculis erectis pinnatis, foliis oblongo-attenuatis cuspidatis trinervibus striatisque erectiusculis.

H. nitens Schreb. lips. 92. Hedw. spec. musc. p. 255. Web. et Mohr crypt. p. 314. Engl. bot. 23. t. 1646.

H. palustre erectum trichodes etc. Dillen. musc. p. 303. t. 39. f. 37.

Hab. in paludosis graminosis Lapponiæ sylvaticæ passim.

Folia omnino ut in *H. lutescente* vel *Leskea sericea*, sed directio surculorum et ramorum diversa.

689. *HYPNUM velutinum*: surculis repentibus, ramis brevibus simplicibus, foliis ovali-attenuatis cuspidatis uninervibus.

H. velutinum Linn. spec. n. 1037. Hedw. stirp. crypt. 4. tab. 27. Spec. p. 272. Web. et Mohr crypt. p. 310. Dillen. musc. p. 326. t. 42. f. 61.

Hab. ad ligna putrida sylvarum inferalpinarum Nordlandiæ passim; ut etiam ad Alten Finmarkiæ lectum.

Prope Lamaskoski Lapponiæ Enontekensis re vera lectum capsuliferum et a proxime insequente distinctum.

990. *HYPNUM strigosum*: surculis procumbentibus, ramis subfasciculatis simplicibus, foliis ovato-acuminatis patulis uninervibus.

H. strigosum Hoffm. fl. germ. p. 76. Web. et Mohr crypt. p. 321.

Hab. in rupibus siccis Nordlandiæ inferalpinae passim ex. gr. in rupe ad Dale Sörfoldensium; etiam Finmarkiæ ad Alten lectum.

Præcedenti certe affine toto habitu et capsulis ovatis incurvis. Surculi vero tenuiores ob folia mi-

nora et præcipue breviora, brevius acuminata ne dicam tantum acuta.

H. præcox Hedw. hujus varietas esse videtur in loco campestri nata; sed *H. thuringicum* Brid. quasi medium est inter hoc et *H. velutinum* L.

F O N T I N A L I S.

Linn. gen. ed. Schreb. n. 1655. Hedwig fundam. 2. p. 96.

t. 9. f. 53.

Fructificationes dioicæ, axillares, gemmaceæ.

Capsula erecta. Peristomium duplex; exterius dentibus sedecim; interius indivisum, conicum, cancellatum.

691. FONTINALIS *antipyretica*: foliis bipartitis carinatisve trifariis oblongis acutis enervibus, perichætio capsulam subincludente.

F. antipyretica Linn. *svæc. n. 961. Hedw. spec. p. 298. Lightf. scot. p. 694. Web. et Mohr crypt. germ. p. 376. Falk russ. topogr. 2. p. 274.*

F. triangularis major etc. Dillen. musc. p. 254. t. 33. f. 1.

Hab. in fluviis minoribus Lapponiæ inferioris parcius quam in Svecia.

Muscus hic, quod ædmodum memorabile, revera heterophyllus est. Duæ enim series vel anguli surculorum & foliis duobus divisus sed conduplicatis formantur; tertia autem folia habet singula valde carinata vel cymbæformia, dorso integra.

Datur autem varietas minor cujus omnia folia bipartita; a qua *Trichostomum fontinalioides* toto cælo differt foliis sublinearibus nervo crasso instructis. Hanc varietatem minorem saltem respectu habitus exhibet *F. squamosa* Engl. *bot. 26. t. 1861.*

692. FONTINALIS *squamosa*: foliis lanceolatis subconvolutis trifariis enervibus, perichætio capsulam subincludente obtuso.

F. squamosa Hedw. *stirp. 3. t. 12. Spec. p. 298. Web. et Mohr crypt. germ. p. 376. Smith fl. brit. 3. p. 1356. Lightf. scot. p. 696.*

F. squamosa tenuis sericea Dillen. *p. 258. t. 33. f. 3.*

Hab. in fluviis minoribus Lapponiæ sylvaticæ et subsylvaticæ passim copiosius.

Folia hujus haud carinata, sed subconvoluta et inde extrorsum convexa et primo intuitu subulata, stricta, erectiora, quo surculi dupplo angustiores quam in præcedente. Nervi ne vestigium quidem adest.

693. FONTINALIS *falcata*: surculis subramosis, foliis lanceolato-elongatis cuspidatis carinatis trifariis secundo-falcatis uninervibus, perichætio elongato setam exsertam vaginante.

F. falcata Hedw. *stirp. crypt.* 3. tab. 24. *Spec.* p. 299. *Swartz musc. svec.* p. 72.

F. capillacea Linn. *svec.* n. 962. *Ehrh. crypt.* n. 205.

Hab. in saxis rivulorum et fluviorum Lapponiæ sylvaticæ passim, sed uti præcedentes rarius fructificat.

Surculi breves, vix ultra biunciales, semper regulariter trifarii et tamen apicibus incurvi vel arcuati. Folia quoad substantiam tenuiora quam in præcedente, in cuspidem elongata, nervo angusto sed perevidenti et in apicem excurrente instructa.

Anictangium aquaticum H. a nostro musco adeo differt ut neutiquam affines sunt: foliis vix ac neutiquam trifariis, linearibus vel sursum latioribus, nervo dupplo crassiore rigidis, opacis, haud secundis; perichætio brevi ipsam vaginulam haud tegente, e. s. p.

MUSCI *Hepatici.*

Capsula sine operculo, longitudinaliter dehiscens, inferne tantum calyptrata.

JUNGERMANNIA.

Gen. plant. ed. Schreb. n. 1662. *Hedw. theor.* p. 154.

Fructificationes dioicæ rarius monoicæ: steriles pulveraceæ in apice ramulorum vel foliorum.

Fructus Calyx: Perichætium sacculiforme membranaceum vel carnosum.

Germen calyptrâ tectum, styligerum, in perichætio sessile.

Capsula in pedunculo subito elongando et caduco, univalvis, laciniis quatuor dehiscens. Seminula inter fila spiralia elastica.

† Foliosæ stipulatæ *).

a) Stipulis magnitudine et figura fere foliorum.

694. JUNGERMANNIA *concinata*: surculis setaceis procumbentibus ramosis, foliis stipulisque bipartitis: laciniis lanceolatis acuminatis sexfariis.

J. concinnata Lightf. scot. p. 786.

J. nivalis Swartz.

J. julacea Engl. bot. 15. t. 1024. haud bona.

Hab. in terra nuda limosa irrigata juxta nivem perennem summarum alpium passim.

* Surculi tenues, vix seta porcina crassiores, prorsus teretes, flexuosi, fere pinnatim ramosi. Foliorum binæ series laciniis suis dupplicibus efficiunt quatuor ordines squamularum, quibus accedunt binæ series ex stipulis subtus positis formatæ; unde surculi re vera sexfariam imbricati fiunt. Magna omnino adest analogia *J. julaceæ* L.; in *J. concinnata* vero ob accessum stipularum surculi sunt foliis trifariis tecti (nec solummodo bifariis), iisque bipartitis (nec emarginatis tantum): laciniis acuminatis. Surculi albi plerumque occurrunt ob marginem scariosum decoloratum foliorum vetustiorum; color vero nativus est luteo-viridis (nec glaucescens ut in *J. julacea*).

695. JUNGERMANNIA *setiformis*: surculis filiformibus erectiusculis subsimplicibus, foliis quadripartitis;

*) Folia Jungermanniarum semper bifarie inserta sunt, unde surculi plerumque plani evadunt et latus inferius facile discernitur, etiam ob pubescentiam radiculosam inde propullulantem. Apud multas species cauli adfixum reperitur foliolum in latere inferiore caulis, idque inter insertionem duorum foliorum alternatum medium tenens locum, quod *Stipula* vel *Amphigastrium Mohrio* dicitur, quodque egregium præbet generis subdividendi principium. Ubi illa stipula foliis magnitudine fere æquat, surculi eximie teretes nascuntur; plerumque vero duplo triplove minor est tuncque facile a radiculis oblitteratur indeque attente observanda. *Auricula* autem appellatur appendix quodammodo auriculæformis, ex folii lobo inferiore replicato conformata, cujus margines revolvuntur. Apud alias multas species lobus replicatus planus adest, ex diviso folio ortus, qui perperam pro stipula et ab aliis auricula habitus fuit. Ubi duo lobi fere æqualis magnitudinis iique conduplicati reperiuntur, facilius rite intelligitur conformatio.

partitis: marginibus sinuum deflexis dentatis, stipulis bifidis longitudine foliorum.

- J. setiformis *Ehrh. Beitr.* 2. p. 150 *crypt. exs.* n. 17 *Web. et Mohr crypt.* p. 415. *Sprengel in Wetterauisch. Annal.* 1809. p. 22. t. 4. f. 3.

J. concatenata *Smith in Linn. fl. lapp. ed.* 2. n. 427.

Hab. in saxis siccis Lapponiæ totius tam sylvaticæ ac alpinæ ubique.

Surculi ita teretes sunt ut latus inferius stipulare vix discerni queat, nisi in surculis decumbentibus radicanibus, ubi etiam stipulæ foliis minores evadunt quales Cl. *Mohr* loco citato descripsit. Folia profunde quadrifida; laciniis lanceolatis, cauli parallelis et circum caulem positiss, extrorsum arcuatis et ob margines reflexos canaliculatis. Stipulæ a foliis vix distingui queunt, sed bipartita tantum sunt vixque extrorsum adeo prominentes. In stolonibus junioribus tenuibus viridibus constructio facilius observatur, ubi folia quasi crispa apparent dentibus suis ad basin quasi aculeata fere instar sem. valv. plurimorum *Rumicum*. Crassitudo surculorum varia quidem est, sed semper setam valde superans.

696. JUNGERMANNIA *trichophylla*: surculis capillaceis subramosis, foliis ternatis capillaceis articulatis, stipulis binatis.

J. *trichophylla* *Linn. svec.* n. 1046. *Schmid. ic.* p. 164 t. 42. *Web. et Mohr crypt.* p. 411.

Lichenastrum *trichodes* *Dillen. musc.* p. 505. t. 73. f. 37.

Hab. in terra subhumida inter muscos, tum in sylvis ac summis alpibus per universam Lapponiam vulgaris.

Stipulæ ad latus inferius surculorum adsunt foliis paullo breviores et minus patentiss, de cætero iis simillimæ. Foliorum capilli egregie patentiss, usque ad basin a se invicem discreti. Toti surculi *Confervam Batrachospermam* structura sua eximie referunt.

b) Stipulæ foliis dimidio breviores.

697. JUNGERMANNIA *ciliaris*: surculis procumbentibus pinnatis, foliis trifidis fimbriatisque, stipulis fimbriatis.

J. ciliaris Linn. *svæc.* n. 1044. *lappon.* n. 426.
Ehrh. Beitr. 2. p. 149. *crypt.* n. 18. *Web. et*
Mohr crypt. p. 413.

J. pulcherrima *Web. spic.* 214. *Hoffm. germ.* p. 83.
Lichenast. scorpioid. *Dillen. musc.* p. 481. t. 69. f. 3.

Hab. in sicciusculis sylvarum et camporum subapi-
 norum totius Lapponiæ passim.

Foliorum lobus supremus seu dorsalis cæteris
 major est et magis integer; inferiores tam longe fim-
 briati ut fere multipartiti, ægre a stipulis discernen-
 di. Stipulæ fere dimidiam longitudinem foliorum
 æquant, oblongæ, multifido - fimbriatæ: fimbriis
 longis articulatis.

698. *JUNGERMANNIA reptans*: surculis repentibus,
 foliis oblongis patulis apice tridentatis, stipu-
 lis annularibus quadrifidis, perichætiis laterali-
 bus sessilibus.

J. reptans Linn. *spec. plant.* p. 1599. *Schmid. ic.*
 tab. 68. *Engl. bot.* 9. t. 608. *Web. et Mohr*
crypt. p. 411. *Georgii fl. baikal.* p. 239.

Lichenastrum — *Dillen. musc.* p. 494. t. 71. f. 24.

Hab. in cryptis umbrosis terræ per Lapponiam sylvati-
 cam passim. Lecta ad Pettiko - koski parocciæ
 Enontekis, et in Lapponia Umensi pluribus locis.

Pulchella est species, et longe a cæteris nostris
 recedens. Surculis longis repit, supra quasi sulco
 dorsali exaratis. Stipulæ abbreviatæ et insertione
 lata caulem in modum verticillorum cingentes, adeo
 ut annulos vel coronulas multipartitas apud *Equiseta*
 pulchre referunt. Color ejus vel luteo - viridis vel
 pallescens; nunquam rufescens. Perichætia longa
 subpellucida e pagina inferiore surculorum oriuntur.

699. *JUNGERMANNIA cavifolia*: surculis procum-
 bentibus subpinnatis, foliis orbiculatis concavis
 basi strumosis, stipulis ovalibus bilobis. *Icon*
 tab. nostr. XXV. fig. 1.

J. cavifolia *Ehrh. Beitr.* 4. p. 45.

J. serpyllifolia *Dicks. fasc.* 4.

Lichenastrum imbricatum minimum etc. *Dillen.*
musc. 498. t. 72. f. 28.

Hab. in parietibus umbrosis irrigatis rupium sylvati-
 carum per Nordlandiam rarius. Legi eam ad
 Strandåsfjället parocciæ Foldensis, et Wättfjället
 Saltensium.

Colore lutescente et habitu *J. complanata* L. convenit, sed surculi triplo angustiores sunt fere ut in sequenti specie. Mollis est, et e reticulo grandiori facta. Margo inferior foliorum juxta basin revolvitur et intumescit ut strumam quodammodo efficit, quamquam lobus nullus replicatus adest. Stipulæ insignes sunt, convexæ. et prominulæ (nec cauli adpressæ), magnitudine fere dimidia foliorum; marginibus inflexis.

Explicatio iconis: a. muscus magn. nat.

b. ramus ejus e latere inferiore visus 10es auctus.

c. particula ramuli 3oes auctus.

700. JUNGERMANNIA *Trichomanis*: surculis repentibus simpliciusculis, foliis ovatis obtusis planis, stipulis bilobis: lobis obtusis.

J. trichomanis Dicks. 405. *Sprengel in Wetter.*

Ann. p. 24 t. 4. f. 8. *Web. et Mohr cr.* p. 405.

Mnium Trichomanis Linn. *svec.* n. 985. *Dillen.*

musc. p. 236 t. 31. f. 5.

Hab. in locis humidis inferalpinis passim ex. gr. ad Verrethamn copiose lecta; ut etiam in sylvaticis et subsylvaticis Lapponiæ Umensis ex. gr. ad lacum Stora Vindelen et ad Lycksele.

Stipularum forma omnino ut in *J. cavifolia* Ehrh., sed folia diversissima, revera ovata, et semper dupplo majora, eximie hyalina et glaucescentia, qua nota habituali facile a plerisque affinis discernitur. Defectus strumæ foliorum certissimum characterem præbet. Capsulæ insigniter oblongatæ.

J. Trichomanis Engl. *bot.* 27. t. 1875. stipul. bicuspidatas exhibet.

701. JUNGERMANNIA *graveolens*: surculis repentibus indivisis, foliis subquadratis bilobis: lobis obtusis: stipulis bipartitis lanceolatis acuminatis.

J. graveolens Schrad. *Samml.* n. 106. *Web. et Mohr crypt.* p. 406.

Hab. ad rivulos et rupes irrigatas prope Lycksele Lapponiæ Umensis parcius.

Surculi haud explanati ut in *J. bidentata* Linn. et *J. Trichomanis*; sed folia magis sursum versa.

702. JUNGERMANNIA *tamariscifolia*: surculis repentibus pinnatis, foliis orbiculatis, stipulis

emarginatis, auriculis subrotundis transversalibus stipula majoribus. *Web. et Mohr. cr.* p. 398.

J. tamariscifolia Schmid. ic. p. 256. t. 67.

J. dilatata Ehrh. cr. dec. n. 215. *Sprengel l. c.* p. 22. t. 4. f. 2.

Muscoides minimum, foliis alternis etc. *Michel. gen.* pag. 10. t. 6. f. 6.

Lichenastr. imbric. minus Dillen. t. 72. f. 27. p. 497.

Hab. in rupibus umbrosis et irrigatis Nordlandiæ inferalpinæ rarius.

Inter teneriores species numeranda, et in rupium superficie clandestine admodum serpit. Sæpe perichætia promit, et ubi hæc formantur facile est observatu quomodo auriculæ in lobos replicatos foliorum explanantur superstitis tamen stipulis. Auriculæ itaque factæ sunt ex lobis accessoriis foliorum, quorum margines revoluti sunt et quasi bullam inde efficiunt.

703. *JUNGERMANNIA dilatata*: surculis repentibus pinnatis, foliis orbiculatis, stipulis emarginatis, auriculis oblongis parallelis stipula minoribus. *Web. et Mohr cryp.* p. 402.

J. tamariscifolia Ehrh. — *Sprengel l. c.* p. 21. t. 4. f. 1.

J. tamarisci Linn. spec. plant. p. 1600. *Flor. lapp.* 425. *Engl. bot.* 16. t. 1086.

Muscoides squamosum saxatile etc. Mich. 10. t. 6. f. 5.

Lichenast. imbricatum, Tamarisci etc. Dillen. 499. t. 72. f. 31.

Hab. in saxis etiam siccioribus et arborum truncis per Lappponiam inferalpinam ubique et sylvaticam svec. passim.

Dupplo triplove major est quam præcedens et sæpius fusci coloris. Rarius fructificat. Auriculæ ejus in ramis novellis interdum adeo explanatæ, ut lobos replicatos foliorum vel stipulas accessorias in sequenti specie obvias referunt; quam ob causam apud *Rothium* in eadem divisione ac sequens species merito militat.

704. *JUNGERMANNIA platyphylla*: surculis procumbentibus planis pinnatis, foliis cordatis obtusis: lobis accessoriis stipula minoribus integerrimis oblongis.

J. platyphylla Linn. spec. plant. p. 1600. Web. et Mohr crypt. p. 397. Engl. bot. 12. t. 798. bona.

Muscoides squamosum medium etc. Michel. gen. pag. 10. tab. 6. f. 4.

Lichenastrum Dillen. musc. p. 501. t. 72. f. 32.

Hab. inter muscos in rupibus sylvarum inferalpinarum Nordlandiæ passim.

In varietate minori reptante constructio partium melius apparet, ibique ex incisura evidenti baseos foliorum oriuntur lobi elongati surculo paralleli et cauli adnati. Quum vero hi lobi ob incisuram quasi a margine foliorum discreti sunt, et plica eorum sæpius obtusa occurrit, pro stipulis veris habitui fuerunt. Longitudo loborum vix ultra dimidiam latitudinem foliorum emetitur in prædicta varietate; sed in majoribus longiores evadunt et tota constructio magis confusa. Stipulæ semper integræ, e media pagina sæpe radicales.

705. *JUNGERMANNIA Fløerkii*: surculis subfiliformibus adscendentibus simpliciusculis, foliis subsecundis imbricatis trilobis, stipulis minutis attenuatis incisis. Icon tab. nostr. XXV. fig. 3.

J. Fløerkii Web. et Mohr crypt. germ. p. 410.

Hab. in saxis siccis et ericetis Nordlandiæ inferalpinæ raro; a me lecta ad Qualvig sinus Lyngensis, et ad Kuma Eno parœciæ Enontekis.

Muscus julaceus est ut *J. inflata* H. vel *J. saxicola* Schrad., et magnitudine inter utramque harum quasi medius. Folia laxius imbricata, nonnihil sursum versa ut subtus carina efficitur, in qua observantur stipulæ tenues attenuatæ simplices vel binatæ, idque ubi radiculæ deficiunt vel rariores sunt. Difficillime examinatur, sed diversus mox apparet.

Explicatio iconis: a. muscus magn. nat. b. isdem 6es auctus. c. apex surculi subtus visus ut appareant stipulæ 12es auct. d. folium seorsim 9es auct. e. stipula seorsim circiter 20es auct.

†† Foliosæ exstipulatæ s. nudæ.

a) foliis conduplicatis: lobis inæqualibus.

606. *JUNGERMANNIA taxifolia*: surculis pinniformibus simpliciusculis, foliis bifidis conduplicatis:

lobo inferiore dupplo majore oblongo denticulato.

Icon tab. nostr. XXV. fig. 2. a — c.

Hab. in tumulis paludum et in marginibus terrenis ad latera montium per totam Lapponiam sylvaticam et inferalpinam passim.

Ubi bene viget saturate viridis est, senescens autem pallescit. Magnitudine parum ludit et plerumque duplo minor quam *J. albicans* Linn. Folia obtusiuscula, undique denticulata: reticulo perquam minuto et per totam folii extensionem æquali.

Explicatio iconis: a. Surculus magn. nat. b. isdem magn. 6es auct. c. folium cum lobo altero explicato magn. 24es auct.

E diverso *J. albicans* L. folia instruuntur nervo pellucido ob reticulum in medio laxius factum et in longitudinem extensum, versus apicem serrulata sunt (Tab. nostr. XXV. fig. 2. x.); quos characteres in varietate pusilla et *J. taxifolia* haud majore constantes reperi.

707. JUNGERMANNIA *complanata*: surculis repentibus pinnatis planis, foliis orbiculatis conduplicatis: lobo inferiore papillato radiculoso.

J. complanata Linn. *svéc.* n. 1041. *Flor. dan.* 6. t. 1062. *Web. et Mohr crypt.* p. 416.

J. foliis circinatis auritis etc. Michel. *gen.* pag. 7. tab. 5. fig. 21.

Lichenastrum imbricatum majus etc. Dillen. *musc.* p. 496. t. 72. f. 26.

Hab. in trancis arborum frondosarum per Norvegiam inferalpinam rarius.

Foliorum lobus inferior replicatus dense apprimitur et appendicem efficit ovatam acutiusculam; in cujus pagina inferiore versus oram inferiorem papilla protuberat primum viridis, dein fuscescens et radicans. Hæc papilla a *Cel. Mohr* pro auricula habita fuisse videtur; quum vero etiam in stipulis *J. platyphyllæ* L. punctum radicans observatur, et successu temporis hæc papilla veras radículas exserit, de indole ejus aliena haud dubito. Colore lutescente fere sulphureo plerumque dignoscitur hæc species, sed in rupibus umbrosissimis saturate viridis reperitur et talis persistit.

708. *JUNGERMANNIA undulata*: surculis planis adscendentibus, foliis conduplicatis bifidis: lobo inferiore subrotundo denticulato, superiore duplo minore integerrimo.

J. undulata Linn. spec. plant. p. 1598. Web. et Mohr crypt. p. 426.

Lichenastr. pinnis aur. Dill. p. 490. t. 71. f. 17.

Hab. sub aqua in rivulis per omnem Lapponiam etiam Finmarkiam maritimam frequenter.

Surculi quidem squarrosi sunt, sed folia neutiquam undulata. Colore admodum ludit, et in siccis etiam pallescens occurrit.

I. nemorosa L. tum foliis ipsis ac lobis accessoriis ciliatis discrepans, in septentrionali Svecia vix occurrit.

709. *JUNGERMANNIA resupinata*: surculis planis adscendentibus, foliis conduplicatis bifidis: lobo inferiore ovali apiculato dentato.

J. resupinata Schmid. Web. et Mohr crypt. p. 427.

Lichenastrum auriculatum etc. Dill. musc. p. 491. t. 71. f. 19.

Hab. in rimis rupium umbrosis passim irrigatis Lapponiæ sylvaticæ parcius; ego specimina collegi in monte Korpberget prope Lycksele.

Longe tenuior est quam proxime affines, adeo ut *I. albicantem* L. fere refert. Lobus superior foliorum valde acuminatus, satis squarrosus, nec admodum adpressus.

710. *JUNGERMANNIA saxicola*: surculis adscendentibus triquetris, foliis subsecundis subconduplicatis reclinatis bilobis: lobo superiore minore patente cruciato, inferiore imbricato.

J. saxicola Schrad. saml. n. 97. Sprengel in Wetterauisch. Annal. 1809. p. 23. t. 4. f. 5. mala. Web. et Mohr crypt. p. 425.

Hab. in saxis Lapponiæ subsylvaticæ rarius. Lecta ad Nerva parœciæ Enontekis, et ad Gillesnôle Lappumensis.

Folia proprie dictu bifarie inserta sunt, sed ita sursum vergunt ut caulis e latere inferiore nudus evadit et surculi inde quasi carinati. Lobi verum superiores foliorum decussatim sibi invicem irretiuntur et planos ab hac parte efficiunt surculos. Ca-

rinæ foliorum reclinatæ, unde surgunt lobi inferiores semper imbricati et extrorsum convexi, surculosque ab hac parte lævissimos julaceos efficientes. Latus vero superius surculorum foliosum apparet, planum et ob lobos foliorum breves patentes re vera scalas refert; nec dubitamus quin hæc species *Linnei* genuina *J. resupinata* constituerit, sub quo nomine in omnibus herbariis svecicis asservatur.

b) foliis concavis emarginatis.

711. JUNGERMANNIA *julacea*: surculis erectis filiformibus simpliciusculis, foliis concavis imbricatis bifariis emarginatis rotundatis.

J. julacea Linn. spec. plant. p. 1601. Web. et Mohr crypt. p. 421. Ehrh. Beitr. 380.

Lichenastrum Dillen. p. 506. t. 73. f. 38.

Hab. in rupibus terrisque irrigatis omnium alpium vulgaris.

Color in statu vegeto eximie glaucescens, qualem in nulla alia scio. Crassitudo surculorum semper eadem nempe fili tenuioris; ab omni parte julacei sunt surculi. Folia tam arcte imbricata ut vix discernuntur; ab omni parte obtusata vel rotundata.

712. JUNGERMANNIA *emarginata*: surculis erectis subcompressis, foliis patulis subquadratis distichis emarginatis: lobis obtusis.

J. emarginata Ehrh. Beitr. 3. p. 80. crypt. exsicc. n. 7. Hoffm. fl. germ. p. 81. Web. et Mohr crypt. p. 421. Engl. bot. 15. t. 1022. Sprengel in Wetter. Annal. 1809. p. 25. t. 4. f. 9. mala.

J. macrorhiza Dicks. fasc. 2. p. 16. t. 5. f. 10.

Hab. sub aqua in rivulis et stillicidiis per partem sylvaticam et alpinam usque in summas alpes ubique.

Magnitudine admodum ludit: interdum enim in rupibus irrigatis vix major quam *J. julacea*, sæpe vero sub aqua rivulorum *J. undulatam* magnitudine non cedit. Semper eximie squarrosa apparet ob folia valde patula; simulque scariosa et rigida est dum in aqua crescit. Color ejus in rivulis alpinis eximie atro-fuscus est, idque uti videtur ob fre-

quentem vicissitudinem siccitatis; in rupibus umbrosis læte viridis occurrit.

713. JUNGERMANNIA *Funckii*: surculis erectis simplicibus teretibus, foliis imbricatis concavis emarginatis utrinque obtusiusculis.

J. *Funckii* *Weber et Mohr germ. crypt. p. 422.*

J. *excisa* *Funck crypt. fichtel. n. 118.*

Hab. in sterilibus subhumidis montium subalpinorum Lapponiæ rarius. A me lecta in Ollos-tunturi juxta Muonioniska Lapponiæ Tornensis.

Tota erecta est, surculis ab omni parte teretibus et nudis, sine ullis fibrillulis.

De hac aliisque Jungermannii e Cl. *Web. et Mohr* libello citatis nullum mihi est dubium, quum integram collectionem Jungermanniarum a b. m. *Mohr* accepì ante obitum ejus.

714. JUNGERMANNIA *inflata*: surculis adscendentibus subramosis teretiusculis, foliis imbricatis subsecundis concavis subbifidis: lobis acutiusculis.

J. *inflata* *Huds. angl.*

Hab. in siccis apricis per colles montesque subalpinos totius Lapponiæ ubique.

Surculi cylindracei vel julacei, e latere fibrillis radicales.

715. JUNGERMANNIA *minuta*: surculis erectis simplicibus compressis, foliis distichis excisis: lobis æqualibus acutiusculis.

J. *minuta* *Dicks. fasc. 2. pag. 13.*

J. *bicornis* *Fl. dan. t. 888. f. a. Web. et Mohr crypt. germ. p. 423. secund. exempl. Cl. Flörkii.*

Hab. in spongiosis paludosis inter muscos per universam fere Lapponiam frequenter.

Surculi fere setacei sunt inter muscos erecti surgentes. Folia subcomplicata et exacte distiche posita, unde surculi compressi vel potius subpinati apparent. De cætero folia sunt remotiuscula subpatentia (nec imbricata), profunde emarginato-excisa vel potius retusa.

716. JUNGERMANNIA *connivens*: surculis subrepentibus teretiusculis, foliis subsecundis subrotundis emarginatis: lobis obtusissimis.

J. *connivens* *Dicks. fasc. 4. tab. 11. f. 16.*

Hab. ad loca inundata saxorum etc. per Lappo-
niam alpinam et subalpinam passim.

Surculi semper repunt et fibrillis radicant,
unde etiam folia non parum sursum vergunt.
Folia quam maxime concava, ut fere bullata si-
mulque patentia. Respectu habitus non parum ad
J. bicuspidatam accedit.

c) Foliis planiusculis.

717. JUNGERMANNIA *Sphagni*: surculis repentibus,
foliis subsecundis subrotundis planiusculis in-
tegerrimis.

J. *Sphagni* Dicks. *crypt.* fasc. 1. p. 6. t. 1. f. 10.
Web. et Mohr crypt. p. 420.

β. *minor*: foliis magis concavis.

? J. *scalaris* Schmid. *jung.* 17. Hoffm. *fl. germ.*
p. 89. *Web. et Mohr crypt.* p. 419.

Hab. locis udis inter muscos per totam Lapponiam
etiam alpinam fere ubique frequenter.

Folia eximie circinata sunt, ut Numulariam fere
referunt surculi; in parte inferiore surculi patenti-
uscula, apicem versus adpressa ut julum e latere
compressum ibi efficiunt præcipue in varietate mi-
nore. Semper pallescens est et valde mollis vel spon-
giosa, e reticulo laxiore facta. Fructum in varietate
majori nunquam reperi.

In locis siccioribus terrenis sæpe minuta occurrit
et J. *scalaris* Schmid. adeo simillima ut vix distin-
guenda.

718. JUNGERMANNIA *bicuspidata*: surculis capilla-
ceis procumbentibus, foliis planis patulis cauli
subparallellis bifidis: lobis divergentibus acumi-
natis.

J. *bicuspidata* Linn. *spec. plant.* p. 1598. *Web.*
et Mohr deutschl. crypt. p. 424. Schmid. *ic.*
p. 244. t. 63.

Lichenastrum — minim. Dillen. p. 488. t. 70. f. 13.

β. *byssacea*: longior et tenuior, foliis minoribus.
Roth germ.

J. *divaricata* Engl. *bot.* 10. t. 719.

Hab. in terra humida juxta paludes et rivulos Lappo-
niæ sylvaticæ et inferalpinæ passim.

Folia in varietate α. e reticulo grandi facta sunt,
ut tantum paucae areolæ totum folium expleant. De

cætero totus muscus admodum mollis et pellucidus, ut etiam in caule opus vasculare bene cernitur.

β. paullo rigidior est, caule flexuoso.

719. JUNGERMANNIA *incisa*: surculis abbreviatis, foliis subrotundis trifidis: lobis sinuatis dentatisque acutis.

J. incisa Schrad. *Samml.* 2. n. 100. *Web. et Mohr crypt.* p. 431.

Hab. in nuda terra subhumida præcipue supra lignum putridum usque in montibus subalpinis totius Lapponiæ passim.

Surculi semper brevissimi, sed crassi et valde crispatis, idque ob foliorum situm confertissimum et complicatum. Figura foliorum difficiliter eruitur; præcipue quum plerumque pulvis seminalis ex apicibus efflorescit. Color totius musci semper eximie glauco-viridis, quo in denso grege crescens truncos putridos totos obvestit.

J. incisa Sprengel in *Wetterauische Annalen* 1809. p. 25. t. 4. f. 6. nostræ plantæ haud convenit.

720. JUNGERMANNIA *quinquedentata*: surculis repentibus simpliciusculis, foliis planiusculis cauli parallelis quadrangulis quinquelobisque: lobis obtusis.

J. quinquedentata Huds angl. — *Linn. spec. pl.* p. 1598. *Web. et Mohr crypt.* p. 450.

J. barbata Schmidel. *ic.* t. 48. *Mich. gen.* t. 5. f. 11.

Hab. inter muscos in sylvis præcipue frondosis omnium Lapponiarum frequenter.

Surculis haud parum elongatis repit et lanugine radicante saxis adhæret. De cætero habitum eximie mutat ob foliorum situm remotiorem vel approximatum.

721. JUNGERMANNIA *aspleniioides*: surculis planis, foliis cauli parallelis ovalibus denticulatis.

J. aspleniioides *Linn. spec. plant.* p. 1597. *Web. et Mohr crypt.* p. 420. *Engl. bot.* 25. t. 1788.

Lichenastr. Asplenii facie etc. *Dillen.* p. 482. t. 69. f. 5.

β. *J. aspleniioides* β. minor *Linn. spec.* p. 1597.

J. major, foliis brevioribus etc. *Mich. gen.* p. 8. t. 5. f. 3.

Hab. in nemorosis inferalpinis Nordlandiæ meridionalis passim ex. gr. ad Skönstugan Saltensium; ad Gillesnöle et pluribus locis Lapponiæ Umensis.

Folia omnia planum efficiunt, simulque in caule lateribus suis decurrentia sunt. Margines eorum siccitate recurvantur (nec incurvantur ut in plerisque cæteris).

+++ Frondosæ s. acaules.

722. JUNGERMANNIA *furcata*: fronde dichotoma lineari reticulata univervi, laciniis obtusissimis, fructibus subtus e nervo frondis egredientibus.

J. furcata Linn. spec. p. 1602. *Lightf. scot.* 791. *Engl bot.* 23. t. 1632. *Hedw. theor. ed.* 2. t. 21. et 22. *Web. et Mohr crypt.* p. 434.

J. multifida Linn. *svec.* n. 1049.

Marsilea minima angustifolia etc. *Michel. gen.* p. 5. t. 4. f. 4.

Lichenastrum tenuifolium furcatum etc. *Dillen. musc.* p. 512. t. 74. f. 45.

Hab. in rupibus umbrosis Nordlandiæ inferalpinæ passim.

Tenera, flexilis et pallescens est (nec crassa, succulenta, obscure viridis ut *J. multifida* sub aqua rivulorum crescens); facta e reticulo eximie regulari, et nunquam fibrillis nervi radicans. Latitudo frondis ubique æqualis usque ad apices obsusissimos rotundato-truncatos. Perichætium pilosum.

723. JUNGERMANNIA *palmata*: frondibus palmatis abbreviatis spongiosis enervibus circa fructum basilarem congregatis adscendentibus.

J. palmata Hedw. *theor. ed.* 2. p. 159. t. 20. f. 7. *Hoffm. fl. germ.* p. 90. *Web. et Mohr. crypt.* p. 433.

Hab. in caudicibus putridis aliisque lignis nec non in Sphagno putrescente locis occultis humidis Lapponiæ sylvaticæ meridionalis rarius ex. gr. ad Lycksele.

Frondes valde irregulares inæqualiter incisæ, semper fragiles et crassiusculæ, e cellulosa spongiosa factæ, nec regulariter reticulatæ. Itaque præcedenti haud affinis est quamquam magnitudine simillima. Semper pallidioris coloris est.

724. JUNGERMANNIA *epiphylla*: fronde lobata enervi: lobis sinuatis undulatisque rotundatis reticulatis.

J. *epiphylla* Linn. *svec.* n. 1047. *Engl. bot.* 11. t. 771. *Dillen.* p. 508. t. 74. f. 41. *Hedw. theor.* t. 23.

Hab. in terra humida ad rivulos etc. Lapponiæ sylvaticæ inferioris rarius.

Quamquam hujus fructificationem in Lapponia non vidi, tamen non dubito quin hujus folia rite dignovi ex reticulo grandiore scil. capillo dimidium tantum tenuiore et longe evidentiore quam in simili *Marchantia polymorpha* β. *fontana*.

M A R C H A N T I A.

Gen. plant. ed. Schreb. n. 1661.

Fructificationes dioicæ (*M. polymorpha*) vel monoicæ (*M. hemisphærica*). Sterilis in *Peltis pedicellatis subradiatis* (apud *M. polymorpham* et *hemisphæricam*) vel in *Cyathis sessilibus* (*M. polymorpha*) sive omnino desideratur (in *M. pilosa*).

Fructus in receptaculo communi, stipitato, pileiformi vel capituliformi, subtus positus. Germina calyptrata, vel in loculamentis communibus aggregata (*M. polymorpha* et *hemisphærica*), vel solitarie innata (*M. pilosa*). Calyptra longitudinaliter rumpens nec ab insertionem secedens.

Capsula sessilis subglobosa, apice in lacinias dehiscentes. Seminula filis spiralibus elasticis munita.

725. MARCHANTIA *polymorpha*: pileo multiradiato planiusculo multiloculari, loculamentis fimbriatis.

M. polymorpha Linn. *svec.* n. 1051. *lappon.* n. 422. 423. *Hedw. theor.* p. 172. *Georgii fl. baikal.* p. 239.

α. *domestica*: frondis margine squamis scariosis *M. domestica* Dillenii *Schmid. ic.* tab. 9.

Lichen domesticus minor etc. *Dill. musc.* p. 527. t. 77. f. 7.

M. capitulo stellato *Mich. gen.* 2. t. 1. f. 2.

M. polymorpha *Flor. dan.* 8. t. 1427.

β. *fontana*: fronde uninervi, margine concolore.

M. fontana Dillenii *Schmid. ic.* t. 29.

Lichen fontanus major *Dill. musc.* p. 523. t. 76. f. 6.

M. major etc. *Mich. gen.* 2. t. 1. f. 1.

Hab. α . in terra ut plurimam exusta ad domos et agros Novacolarum; β . locis udis prope paludes e. s. p. per totam Lapponiam sylvaticam ubique.

Radii pileorum novem sunt, inter quos e latere inferiore totidem loculamenta posita sunt: marginibus eximie fimbriatis purpurascentibus ornata. Capsulæ in singulo loculamento plures, propriis calyptris angulatis seu plicatis tectæ. Seminula unacum elateribus lutescentia.

β . *fontana* habitu et magnitudine insigniter differre videtur, sed exactius lustrata ne monstrositatem luxuriantem dicerem dubito. Frondes ejus nervo nigricanti notata sunt, et margine membranaceo integro (e diverso in planta domestica vix nervus distinguitur, et margo membranaceus interruptus vel in squamas divisus est). De cætero semper pileis tantum sterilibus præditam et maribus orbatam vidi, qualem etiam *Hedw. theor.* p. 178.

726. MARCHANTIA *hemisphærica*: pileo quadrangulari quadriloculari convexo, loculamentis integris, stipite angulato.

M. hemisphærica *Linn. svec. n.* 1052. *lappon. n.* 424. *Schmid. ic.* t. 34. *Engl. bot.* t. 505. bona. *Web. et Mohr crypt. germ.* p. 388.

Lichen pileatus parvus etc. *Dillen. musc.* p. 519. t. 75. f. 2.

M. quadrata *Scopol. carn.* 2. p. 355 t. 63.

Hepatica media capitulo hemisphærico. *Michel. gen.* p. 3. t. 2. f. 2.

Hab. in terra paludosa locis umbrosis sylvaticis Lapponiarum Svecicarum rarius. A me lecta ad Idivuoma Lapponiæ Enontekensis.

Magnitudo et habitus fere præcedentis. Monoica est vel peltis integris (nec lobatis) in eodem individuo ac pileis prædita. Pileus radiis istis supra quasi adglutinis, apice liberis in præcedenti tam conspicuis caret; et angulis tantum vel jugis quatuor superne notatus. Margo pilei semper integer et indivisus est, sed initio plicatus, dein expanditur et a stipite discedit, quo pileus hemisphæricam quodammodo formam acquirit. Loculamenta pilei semper quatuor, membranacea, viridia, tum a se

invicem ac a stipite soluta, aperta, et in fundo foventia germina plerumque bina vel terna. Singulum germen obvelatum est sua calyptra apiculata (sed verum stigma nunquam vidi), depressa et extra marginem pilei nunquam prominens. Seminula fusca. Stipes pileorum angulatus est ob pressionem loculamentorum.

727. *MARCHANTIA pilosa*: capitulo subgloboso quadricapsulari, calyptra exserta fimbriata, stipite tereti.

M. pilosa *Flor. dan.* 8. t. 1426. bona.

M. tenella *Zoega fl. island.* — *Retz. scand.* —

Hab. in rupibus irrigatis inferalpinis Nordlandiæ rarius. Mihi obvia fuit ad Dale paræciæ Foldensis.

Tota plantula præcedentibus dupplo triplove minor et tenerior, neque peltas nec cyathos unquam proferens, tamen seminula perfecta uti videntur ubique dejiciens. Capitulum subglobosum, magnitudine tantum seminum Cannabis, ex orbiculo fere hemisphærico per se constitutum, eoque solido, sine marginibus conspicuis. Germina sub illud hemisphæron in distinctis loculamentis haud sedunt, sed in foveolis parvis inseruntur solitaria, in toto capitulo ut plurimum quatuor, rarius tria et rarissime quinque. Calyptra acuminata, nuda et exserta vel corniculi instar infra capitulum prominens. Seminula virescentia. Stipes capituli omnino teres.

B L A S I A.

Gen. plant. ed. Schreb. n. 1665. *Hedw. theor.* p. 191.

Flores dioici?

♂? sacculus in substantia frondis occultus rostello elevato eminens, apice dehiscens et granula masculina emittens.

♀ ignoti?

728. *BLASIA pusilla*: *Linn. svec.* n. 1053. *Engl. bot.* 19. t. 1328. *Hedw. theor.* p. 191. t. 30. f. 5. — 9. optim.

Hab. in nuda terra sabulosa ad margines fluminum per totam Lapponiam sylvaticam passim.

Granula illa, quæ emittunt rostella, mihi tam similia videntur polline sic dicto masculino in Jungermanniiis, vel etiam propagulis cyathorum apud Marchantiam, ut non possum quin dubitem ea esse vera semina. Semper pellucida sunt

quasi e pluribus granulis partialibus composita. Conformatio conceptaculi quoque Cyathis Marchantiæ sat analogæ, sed toto cælo a sapsulis veris Marchantiarum et Anthocerotis recedens. In *Marchantia pilosa* sic dicti flores masculi desiderantur, cur heic femineos pressius reperire volumus?

Ordo IV. ALGAE LICHENOSAE.

A. *Athalamæ* *):

fructificatio sine receptaculo regulari.

LEPRARIA.

Achar. lichen. univ. p. 662.

Fructificationis pulvis crustam leprosam effusam constituens.

729. *LEPRARIA incana*: pulverulenta subtenui effusa glauco-incana demum cinerascens: propagulis subvillosis.

L. incana Achar. meth. p. 4. Lichen. univ. p. 665.

Pulveraria incana Flörke in Berl. mag. 1807. p. 7.

Byssus incana Linn. svec. n. 1178. Hoffm. enum. lich. p. 7. t. 1. f. 6.

Hab.

*) *Athalamæ* non tantum receptaculis regularibus carent, verum etiam e crusta pulveracea adeo constituuntur, ut ob pulveraceam naturam scutellas regulares vix unquam formare posse videntur. Receptaculi enim conformatio non potest non cum substantia substratæ crustæ vel frondis analogæ esse; itaque in Variolariis vix efformatæ scutellæ occurrunt, in Lichenibus nonnullis ex. gr. *panyrgo* fere efformata, in Lichenibus foliaceis semper bene constituta e substantia foliacea frondis, et in *Lecideis* adeo indurata sunt ut substantiam propriam efficiant. Differunt itaque Variolariæ a cæteris notabili satis modo; nec excludi debent, quia eadem Variolæ farineæ etiam in Lichenibus scutelliferis occurrunt. De cætero ad excusanda mea nomina notandum est, quod hoc idem Schema dispositionis Lichenum anno 1801 composui et cum Cel. *Achario* communicavi, et dein præsentem *Mohrio* explicui. Postquam vero nunc idem admodum mutatum video, pro meo recipere necessarium duco. Mea quoque nomina utpote intellectu et memoratu faciliora in *Achariana* haud mutare volui.

Hab. supra muscos ad radices arborum Nordlandiæ inferalpinæ frequenter et Lapponiæ sylvaticæ rarius.

730. *LEPRARIA botryoides*: crusta conglomerata viridissima e granulis concatenatis constituta.

Lichen botryoides Linn. *svéc.* n. 1187. Hoffm. *enum. lich.* p. 6 t. 1. f. 2.

Lepraria olivacea Achar. *lich. univ.* p. 666.

Hab. in cryptis supra nudam terram Nordlandiæ inferalpinæ rarius.

Magis e fibrillulis composita est quam cæteræ, ideoque pro *Moniliæ* specie habetur a Sprengel et Flörke secundum Berl. magaz. 1807. p. 16.

731. *LEPRARIA chlorina*: crassa cæspitoso-pulverulenta luteo-flava, propagulis conglomeratis.

Lepraria chlorina Achar. *lichen. univ.* p. 662.

Lichen chlorinus Achar. *prodr.* p. 6.

Pulveraria chlorina Achar. *meth.* p. 1. Engl. *bot.* 29. t. 2038. Flörke in Berlin. magaz. 1807. p. 9.

Hab. in lateribus occultis siccis rupium inferalpinarum et sylvaticarum rarius.

In aqua fricata exhibet pulverem tenuissimum ne dicam solubilem, cujus natura vix determinari potest. Hoc vero disperso remanet massa subflocculosa subpellucida. Ob illum pulverem valde inquinans est colore satis persistente.

VARIOLARIA.

Acharii meth. lich. p. 12.

Fructificationis pulvis in maculis subrotundis submarginatis collocatus supra crustam plus minus regularem.

732. *VARIOLARIA lactea*: crusta tartarea lævigata lactea rimoso-radiata crenataque, variolis elevatis submarginatis candidis.

V. lactea Achar. *meth. suppl.* p. 7. t. 1. f. 6.

Lichen. univ. p. 321. t. 5. f. 16.

V. actinota Wahlenb. *ibid.*

Lichen lacteus Linn. *mant.* p. 132.

Hab. in saxis petrisque siccis Finmarkiæ et Nordlandiæ inferalpinæ passim.

Rimis suis radiantibus valde notabilis et ambitu effigurato sublobato. De cætero crusta glebosa satis compacta, aquam fere repellens. Variolæ in verrucis elevatis.

β. thelena: crusta leprosa pulverulenta albissima verrucoso-papillata; papillis conicis varioliferis concoloribus.

V. thelena *Wahlenb. in Achar. suppl. meth. p. 7. Lichen. univers. p. 320.*

Hab. in rupium lateribus umbrosis prope Altenfjord Finmarkiæ rarius.

Aquam avidè attrahit et inde cinerascit. Substantia ejus tota leprosa vel mollis. Odor ejus terrestris insignis est.

Secundum exemplaria Cl. *Flörkei* hæc forma omnino cum *V. lactea* confluit, ut nulli dentur limites.

B. Homothalamæ:

receptaculis e substantia trunci.

L I C H E N .

Parmelia Achar. method. p. 164. Urceolaria Ibid.

Receptaculum fructus scutelliforme apertum marginatum vel folio immersum.

Seminula in perispermio inclusa bina ternaque.

1. CRUSTACEI: crusta effusa non figurata.

* scutellis pallidis et luteis.

733. LICHEN *parellus*: crusta tartarea verrucosa compacta lactea, scutellis confertis subdifformibus concoloribus margine incrassato.

L. parellus Linn. mant. p. 132. Engl. bot. 11. t. 727. Hoffm. enum. lich. p. 55. t. 6. f. 2.

Parmelia parella Achar. meth. p. 164.

Lecanora parella Ach. lich. univ. n. 570.

Hab. in saxis siccis prope littora maris Nordlandiæ meridionalis passim copiose.

Crusta ejus Variolariam lacteam non parum refert. Scutellæ proceriores semper angulosæ flexuosæ; disco verrucoso, inæquali, magis compacto quam in sequenti.

Hoffm. pl. lichen. tab. 12. f. 5. parum convenit utpote nimium grisea.

β. Upsaliensis: crusta tenui albida, scutellis pallidis marginetumidulo

L. upsaliensis *Linn. svec. n. 1073. Engl. bot. 23 t. 1634. Hoffm. en. lich. p. 56. t. 7. f. 5.*

Parmelia parella γ. upsaliensis Achar. meth. p. 165.

Patellaria upsaliensis Hoffm. pl. lichen. t. 21. f. 2. fl. germ. p. 168.

Hab. in terra sterili collium inferalpinorum Nordlandiæ parcius.

Scutellæ semper regulares quod ad discum planiusculæ et subspongiosæ.

734. *LICHEN tartareus*: crusta tartarea granulata inæquali albo - cinerascete, scutellis testaceis albo - marginatis.

L. tartareus Linn. svec. n. 1070. Engl. bot. t. 156. Flor. dan. t. 712.

Lecanora tartarea Achar. lich. univ. p. 371.

Verrucaria tartarea Hoffm. germ. p. 173.

β. frigidus: crusta papillosa spinulosaque

L. frigidus Swartz meth. musc. — Engl. bot. 27. t. 1879. bona.

γ. gonatodes: crusta ramulosa; ramulis divaricatis tortuosis.

Isidium gonatodes Achar. method. p. 137.

Hab. in saxis sylvaticis Lapponiæ passim parcius; at *β.* et *γ.* in muscosis alpinis.

Nullæ plantæ a solo locoque adeo mutantur ac Lichenes crustacei; præcipue in alpihus ramulosi evadunt vel crusta magis figurata instruuntur quam alibi. Hujus rei exemplum evidentissimum est *Lichen gonatodes*, quem in *L. tartareum* abire evidentissime vidi.

735. *LICHEN varius*: crusta inæquali subverrucosa pallide virescente, scutellis confertis disco planiusculo pallido varioque margine subinflexo elevato subflexuoso.

L. varius Ehrh. crypt. n. 68. Acharii prodr. p. 40. Engl. bot. 24. t. 1666.

Patellaria varia Hoffm. plant. lichen. p. 102. t. 23. f. 4. fl. germ. p. 196. (verrucaria).

Parmelia varia Achar. meth. p. 178.

Lecanora varia Ach. lich. un. p. 377.

β. maculiformis: crusta verrucosa, scutellis lutescentibus convexis.

Verrucaria maculiformis Hoffm. fl. germ. p. 195.

Hab. in sepimentis ligneis, parietibus et lapidibus schistosis præcipue Nordlandiæ inferalpinæ passim.

Memorable omnino est, quod multi Lichenes in Lapponia saxatiles evadunt, qui in Svecia nonnisi in ligno et arboribus occurrunt.

Var. β . præcipue in lapidibus alpinis prope littora maris Finmarkiæ occurrit cum crusta satis crassa et rimosa, scutellis subochraceis, habitumque diversum habet. Ab omni hujus varietate diversus est *L. sarcopis* secundum effata nuperrima ipsius Cl. *Flörkei*.

736. LICHEN *cerinus*: crusta subgranulata cinerea, scutellis planis confertis flavis margine tenui cinereo.

L. cerinus Hedw. stirp. crypt. t. 21. f. B. Engl. bot. 9. t. 627.

Parmelia cerina Achar. meth. p. 175.

Lecanora cerina Ach. lich. univ. p. 390.

β . stillicidiorum *Flor. dan. t. 1063. f. 2.*

Hab. in Populorum truncis, parietibus ligneis et β . in muscis stillicidiorum per loca alpestris præcipue maritima totius Lapponiæ frequenter.

Margine scutellarum acuto cinereo et scutellis majoribus facile distinguitur a *L. aurantiaco*.

737. LICHEN *vitellinus*: crusta granulata inæquali vitellina, scutellis planis elevato-marginatis concoloribus.

L. vitellinus Ehrh. dec. 16. n. 155.

Parmelia vitellina Achar. meth. p. 176.

Lecanora vitellina Achar. lich. univ. p. 403.

Patellaria vitellina Hoffm. pl. lich. 2. p. 5. t. 26. fig. 1. et t. 27. fig. 2.

Hab. in parietibus ligneis et lapidibus littoralibus Nordlandiæ et Finmarkiæ parcius.

In varietate saxatili scutellæ Lecideæ generis quoque occurrunt, quæ ad eandem crustam omnino pertinere videntur.

738. LICHEN *icmadophila*: crusta effusa leprosa inæquali albo-virescente, scutellis planis incarnatis subimmarginatis.

L. icmadophila Ehrh. phytogr. n. 40. Hoffm. enum. lich. p. 34. t. 8. f. 1.

L. æruginosus *Achar. prodr.* p. 53.

Lecidea icmadophila *Achar. meth.* p. 58. *lichen. univ.* p. 191.

Hab. in paludosis et uliginosis supra muscos lignaque putrefacta.

Ob substantiam molliorem scutellarum non possumus non hanc et sequentem speciem ad Lichenem referre, quamquam margine fere carent; nos enim characterem ponimus magis in substantia quam in margine.

739. *LICHEN vernalis*: crusta tenuissima cinerascente, scutellis immarginatis demum subglobosis confertis helvolo-ferrugineis.

L. vernalis *Linn.* — *Achar. prodr.* p. 51.

Lecidea vernalis *Achar. meth.* p. 63. *lich. univ.* p. 198.

Hab. in stillicidiis sylvaticis muscos incrustans.

740. *LICHEN foveolaris*: crusta leprosa inæquali albo-pallescente, scutellis urceolatis immersis testaceis elevato-marginatis.

Urceolaria foveolaris *Achar. meth.* p. 149.

Gyalecta Wahlenbergiana. *Achar. lichenogr. univ.* p. 152.

Hab. in locis obscuris stercoratis vel supra muscos putridos per alpes Lapponicas usque ad Nordcap rarius.

Urceoli sæpe ultra lineam lati et ocellos perpulchros in terra efficientes. Substantia eorum mollis et subgelatinosa ut in præcedentibus.

** Scutellis rubris.

741. *LICHEN Acharii*: crusta lævigata subrimosa ferrugineo-ochracea, scutellis urceolatis immersis immarginatis rubicundis. *Engl. bot.* 16.t. 1087. *Achar. prod.* p. 33. fig. tit.

Urceolaria Acharii *Ach. meth.* p. 150. *Lichenogr. univers.* p. 331.

β. *cyrtaspis*: crusta rufescente, scutellis subfuscis submarginatis.

Lecanora cyrtaspis *Achar. lich. un.* p. 397.

Hab. in stillicidiis aquarum et ad rivulos supra lapides Nordlandiæ, Finmarkiæque intera pinæ passim; at γ. sub aqua in rivulo alpino prope Kistrand legi.

Scutellæ adeo minutæ ut nudo oculo punctatum tantum referunt; at in β . duplo triplove majores sunt. Nonnisi crusta scutelifera rimulosa est.

742. LICHEN *hæmatomma*: crusta pulverulenta albidâ, scutellis demum convexiusculis irregularibus sanguineis albo-marginatis.

L. hæmatomma Ehrh. beytr. 2. p. 157. Ach. prodr. p. 45.

Verrucaria hæmatomma Hoffm. pl. lich. 1. p. 53. t. 11. f. 1. fl. german. p. 198.

Lecidea hæmatomma Achar. meth. p. 63.

Lecanora hæmatomma Achar. lich. un. p. 388.

L. lacteus Vahl.?

Hab. in parietibus rupium umbrosis siccis sylvaticis Nordlandiæ meridionalis rarius ex. gr. ad Kierringöam.

In Nordlandia nonnisi crustam albidam vidi, in Svecia sæpius parum lutescit. Scutellarum vero color semper isdem.

743. LICHEN *ventosus*: crusta tartarea verrucosa pallescente, scutellis irregularibus convexiusculis rubro-brunneis pallide marginatis.

L. ventosus Linn. svec. n. 1065. Achar. prodr. pag. 46.

Verrucaria ventosa Hoffm. pl. lich. 2. p. 11. t. 27. f. 1.

Parmelia ventosa Achar. meth. p. 166.

Lecanora ventosa Achar. lich. univ. p. 399.

Verrucaria cruenta Hoffm. fl. germ. p. 198.

Hab. in saxis apricis siccis sylvarum et alpium omnium totius Lapponiæ frequenter.

744. LICHEN *sarcopis*: crusta subtartarea granulosa helvola, scutellis carneo-rubris: margine elevato crenato crustæ concolori.

Parmelia sarcopis Wahlenb. in Ach. meth. suppl. pag. 39.

Lecanora varia γ . sarcopis Ach. lich. un. p. 378.

Hab. in parietibus ligneis elatis Finmarkiæ ubique.

Ob crustam crassam ne dicam frustulosam, et scutellas regulares crustæ fere immersas non possum non a *L. vario* distingvere; quamquam affinitas perconspicua.

Cl. Floerke, postquam mea exemplarla vidit, pro distincta agnovit tum a *L. vario* tum a *L. maculiformi Hoffm.*

745. LICHEN *ammiospilus*: crusta verrucosa tenui cinerea, scutellis aggregatis planis rufis margine tenui cinereo.

Lecidea ammiospila Wahlenb. in Achar. meth. suppl. p. 13.

Lecidea cinereo-fusca v. *ammiospila Achar. lich. univ. p. 203.*

Hab. in parietibus ligneis Finmarkiæ præcipue maritimæ parcus.

Scutellæ omnino ejusdem structuræ sunt ac in *L. cerino*, ut vix nisi colore diversissimo et constanti differunt, nec non magnitudine insigniori. Longius a *Lecidea cinereo-fusca* distare mihi videtur: margine scutellarum tenui cinereo, crusta verrucosa e. s. p.

746. LICHEN *cinereo-rufus*: crusta tenui nigricante cinereo-verrucosa, scutellis planiusculis rufis margine elevato tumido cinereo.

Urccolaria cinereo-rufescens. Achar. lich. univ. p. 677.

Hab. in lapidibus siccis quartzosis alpestribus prope Alten Finmarkiæ copiose.

Ambitus Lichenis tenuissimus nigricans interdum dendriticus; sed intra versus verrucis cinereis præditus est, quarum apex in scutellas abeunt tumide marginatas et insigniter rufas; disco minuto carnosus. Aquam cito imbibit, quo facto discus scutellarum tumet.

*** Scutellis fuscis.

747. LICHEN *subfuscus*: crusta tenuissima lævi albo-cinerascente, scutellis sparsis subfuscis margine elevato tumidulo crustæ concolori.

L. subfuscus Linn. svec. n. 1072. Achar. prodr. p. 47. Hoffm. enum. lich. p. 51. tab. 5. fig. 3. Flor. germ. p. 180. (Verrucaria).

Parmelia subfusca Achar. meth. p. 167.

Lecanora subfusca Achar. lich. un. p. 593.

Hab. in parietibus ligneis et cortice Betularum Lapponiæ sylvaticæ parcus. At varietas cum crusta crassiore in rupibus marinis ad Talviig lecta est.

β. *bryonthus*: scutellis crassioribus: disco convexiusculo ruguloso opaco. livescenti-hepatico marginem tumidulum superante. *Achar. meth. lich.* p. 167.

Lecanora bryontha *Achar. lich. univ.* p. 392.

Hab. supra plantarum radices et muscos in alpidibus rariis.

748. *LICHEN panyrgus*: crusta subverrucosa corrugata albissima, scutellis suburceolatis subimmersis livescenti-pruinosis demumque subatris: margine turgido integro subelevato cum crusta subconfluente.

Urceolaria panyrga *Achar. meth. lich.* p. 146.
t. 4. f. 21 *lichen. univ.* p. 335.

Hab. in radicibus denudatis herbarum et fruticulorum ad terram alpium Lapponiæ præcipue tornensis rariis.

Quamquam scutellæ color ob pruina insignem fere albescens evadit, tamen adeo præcedenti affinis mihi videtur, ut non possit non hunc locum obtinere. Obscuram vero formam gerit, et adhuc dubia species esse mihi videtur.

749. *LICHEN epibryon*: crusta subcartilaginea rugosa inæquabili effusa albescens, scutellarum disco planiusculo fusco-nitido: margine tenui integro elevato crustæ concolori.

Lecanora epibryon *Achar. lichen. univ.* p. 396.

Lichen hypnorum *Wulffen. in Jacqu. collect.* 4.
t. 7. f. 4.

Hab. supra muscos putrefactos in æquabilem satis superficiem redactos Finmarkiæ maritimæ ex. gr. Mäsöæ satis frequenter.

Hunc eundem esse Lichenem ac *L. epibryon* alpium austriacarum me docuit Cl. *Flörke*. Totus e substantia compactiore et inde subnitida constructus est, ideoque non potest non ab insequente distingui.

750. *LICHEN turfæus*: crusta corrugata crassiuscula grisea opaca, scutellis congregatis varieque pressis: disco planiusculo fusco-atro opaco: margine elevato ruguloso crustæ concolori.

Hab. supra terram apricam subuliginosam e muscis putrefactis ortam in Finmarkia maritima ex. gr. Qualöæ copiose.

Integras turfās obducit simulque colore suo, crassitudine insigni et rugositate terram turfaceam admodum refert; quo habitu diversissimo non potest non a præcedente specie nitida distingui. Scutellæ confertæ et varie sibi invicem compressæ totum fere Lichenem constituunt, ut crusta difficiliter discernitur; passimque eximie dilatantur et luxuriant.

751. LICHEN *badius*: crusta verrucosa effusa olivaceo-fusca, scutellis demum convexis nigro-umbrinis nitidis.

L. badius *Achar. prodr.* 67.

Lecanora badia *Achar. lichen. univ.* p. 407.

Hab. in saxis apricis sylvaticis totius Lapponiæ passim.

752. LICHEN *aipospilus*: crusta papillata fusco-cinerea ad ambitum sulcato-radiata nigro-limitata, scutellis subbacillatis convexis rufo-fuscis subimmarginatis.

Parmelia aipospila *Wahlenb. in Achar. meth. suppl.* p. 36.

Lecanora aipospila *Achar. lich. univ.* p. 385.

Icon tab. nostr. XXVII. fig. 2.

Hab. in scopulorum maritimorum scrobiculis et fissuris per totam Finmarkiam ubique sat copiose.

Papillæ quidem sibi invicem approximatae, sed non adeo contiguæ ut crustam uniformem efficiant; de cætero sat irregulares crassiusculæ scutellas tuberculiformes vix dimidiam lineam latas sustentantes. Color crustæ e fuscescente in cinereum variat. Scutellæ papillis crustæ vix latiores.

Explicatio iconis: a. rosula lichenis minor m. nat. b. sectio rosulæ oblique visæ magn. 4es auct. — c. ejusdem sectionis pars magis aucta. d. scutella dissecta junior et e. scutella adultior dissecta 12es aucta.

753. LICHEN *spodophæus*: crusta tartarea rimosa papillato-ramulosa contigua fusco-virescente ad ambitum subradiata, scutellis planis brunneis marginatis.

Parmelia spodophæa *Wahlenb. in Achar. meth. suppl.* p. 37.

Lecanora spodophæa *Achar. lich. univ.* p. 387.

Hab. in scopulis maritimis planis vento maxime expositis per insulas exteriores Finmarkiæ passim.

Crusta re vera e papillis erectis teretibus constituitur sed adeo minutis et contiguis ut superficiem granulatam referunt. Scutellæ sæpe lineam latæ et papillis seu granulis crustæ multoties latiores. Aquam avidè imbibit et inde magis virescit.

754. *LICHEN polioophæus*: crusta tartarea rimosa papillato-ramulosa contigua cinerea albo-limitata, scutellis planis hepaticis marginatis.

Parmelia polioophæa *Wahlenb. in Achar. meth. suppl.* p. 38.

Lecanora polioophæa *Achar. lich. univ.* p. 398.

Icon tab. nostr. XXVII. fig. 3.

Hab. in scopulis maritimis Finmarkiæ præcedente rarior.

Crusta omnino eodem modo formata ac in præcedenti, ut nonnisi colore cinereo nunquam virescente, et margine subfibrilloso albido differt. Scutellæ interdum fere pallidæ vel rufescentes. Aquam nonnisi tardius attrahit.

Explicatio iconis: a. rosula lichenis magn. nat. — b. sectio rosulæ oblique visa 5es auct. — c. sectio similis 7es auct. — d. scutella junior perpendiculariter dissecta 20es auct. — e. scutella adultior dissecta eod. augm.

**** Scutellis nigris atrisque.

755. *LICHEN sophodes*: crusta suborbiculari granulata obscure cinerea, scutellis confertis planis nigris margine tumidulo elevato subpruinoso.

L. sophodès *Achar. prodr.* 67.

Lecanora sophodes φ . *crenata* *Achar. lich. univ.* p. 358.

Hab. in parietibus ligneis totius Lapponiæ passim, in cortice *Betulæ* rarius.

Maculas unguiculares in ligno efficit, scutellis plerumque minoribus quam in *Svecia* vix ultra dimidiam lineam latis.

756. *LICHEN milvinus*: crusta subtartarea effusa granulata ferrugineo-fusca, scutellis planiusculis nigris elevato-marginatis.

Parmelia milvina *Wahlenb. in Achar. meth. suppl.* p. 34.

Lecanora milvina *Achar. lich. univ.* p. 350.

Hab. in petris maritimis et irrigatis totius Finmarkiæ Nordlandiæque passim copiose.

Totus Lichen æquabilis et regularis ut neque scutellæ supereminent, integras rupes ex toto fere obducit. Scutellæ de cetero minores et minus conspicuæ quam præcedentis, margine tenuiore supra crustam vix elevato. Color crustæ junioris magis fuscescit.

Nullam hujus vidi varietatem, quæ nec minime *Lichenem simplicem* Davies refert.

757. *LICHEN atrosulphureus*: crusta tartarea inæquabili glebuloso - coacervata pallide sulfurea, scutellis convexiusculis a crusta marginatis aterrimis.

Hab. in petris arenariis siccis insulæ Maasöæ Finmarkiæ copiose.

Scutellæ supra crustam haud elevatae, sed omnino superficiales, sub prima infantia a crusta marginatæ, qui vero margo cito fere occultatur. Quamquam color scutellarum aterrimus, tamen durioris substantiæ haud sunt, verum intus mox virescunt, ut color ater nonnisi in superficie sedet omnino ut in sequenti. Crusta magis tartarea crassa et coacervata quam in affinibus, facileque in frustulas solvitur.

758. *LICHEN tephromelas*: crusta inæquali verrucosa cinerascens, scutellis demum convexiusculis atris margine elevato albo.

L. tephromelas *Fhrh.* — *Achar. prodr.* p. 67.

Parmelia atra *Achar. meth.* p. 154.

Lecanora atra *Achar. lich. univ.* p. 344.

L. ater *Hudson. angl.* 530 *Ligtf. scot.* p. 813.

Engl. bot. 14. t. 949. *Hoffm. en. lich.* p. 53.

t. 4. f. 4.

Hab. in lapidibus et saxis campestribus Nordlandiæ et Finmarkiæ inferalpinæ fere ubique parcius.

Color scutellarum nitido - aterrimus.

759. *LICHEN argopholis*: squamaceo - glebulosus lævigatus subcartilagineus pallescens, scutellis fusco-atris acute marginatis urceolatis nitidis elevatis.

Parmelia argopholis *Wahlenb. in Achar. meth. suppl.* p. 32.

Lecanora argopholis *Achar. lich. univ.* p. 346.

Hab. in rupibus irrigatis umbrosis per radices alpium Finmarkiæ passim copiose.

Adeo gleboso-squamaceus est ut melius ad sic dicta Psoromata refertur quamquam *L. atro* affinis. Interdum squamæ ejus coacervantur in globulos nucis Avellanæ magnitudinis. Talem quoque speciem in Germania haud vidit Cel. *Flörke*.

760. *LICHEN cinereus*: crusta subtartarea verrucoso-areolata cinerea, scutellis suburceolatis immersis nigris: margine inconspicuo lævi.

L. cinereus *Linn mant.* p. 152. *Achar. prodr.* p. 32.

Urceolaria cinerea *Achar. meth.* p. 145. *lichen. univ.* p. 336.

Urc. ocellata *Flörke in Berl. magaz.* 1810.

β. virens. L. cinereus *Engl. bot.* 25. t. 1751.

Hab. in lapidibus saxisque totius fere Lapponiæ frequenter.

Variat admodum respectu habitus crustæ. In locis humidioribus magis æquabilis et rimosus, scutellis fere immarginatis; in siccioribus campestribus lapidibus magis scruposus vel verrucoso-areolatus scutellis in verrucis elevatis et ab iisdem marginatis vixque urceolatis.

761. *LICHEN mazarinus*: crusta tartarea glebosa inæquabili molli pallescente, scutellis urceolatis immersis immarginatis nigris suboccultis.

Hab. sub aqua in rivulis alpinis supra lapides rarius ex. gr. ad Käimo-kaisse paroeciæ Tanensis Finmarkiæ.

Crusta adeo mollis et crassa ut pultem fere refert; scutellis pluribus in singulo glebo crustæ, adeo immersis et urceolatis ut vix nisi poro pateant.

762. *LICHEN protuberans*: crusta nodulosa radiato-effusa pallescente, scutellis urceolatis in nodulis immersis marginatis nigris.

Hab. in saxis et rupibus siccis absconditis prope mare septentrionale ad Altenfjord Finmarkiæ rarius.

Crusta ad ambitum limitata leprosa et striis subradiantibus notata, sensim verrucosa fit et denique nodulis omnino squæricis fere solutis et discretis obtegatur. In singulo nodulo scutella immersa adest et margine ejus limitata evadit. Crusta ipsa demum subferruginea, nodulis cinerascentibus obsita.

763. LICHEN *pelobotryus*: crusta subspongiosa rugosa subgrisea, scutellis suburceolatis immersis subimmarginatis nigris.

Urceolaria pelobotryon *Wahlenb. in Achar. meth. suppl. p. 31. lichen. univ. p. 333.*

Hab. in schisto alpium ab aqua nivali semper irrigato rarius ex. gr. in alpe Rastekaisse Finmarkiæ.

Crustæ substantia mollis subspongiosa differentiam optimam præbet; de cætero sæpe contigua est rariusque areolata. Scutellæ haud profunde immersæ, sed fere superficiales, planiusculæ; demumque quod ad marginem a crusta adeo solvuntur, ut fere margine proprio instructa apparent.

764. LICHEN *scruposus*: crusta tartarea inæquali cretacea albo-cinerascente, scutellis urceolatis immersis nigrescentibus: margine cinereo inflexo.

L. scruposus *Linn. — Ach. prodr. p. 32. Hoffm. en. lich. p. 41. t. 6. f. 1.*

Patellaria scruposa *Hoffm. pl. lich. p. 54. t. 11. f. 2.*

Urceolaria scruposa *Ach. meth. p. 147. lichen. univ. p. 338.*

Hab. in lapidibus suboccultis inferalpinis Nordlandiæ passim.

Scutellæ profunde immersæ et adeo urceolatæ ut vesiculas fere referunt, simulque confertæ vel sibi invicem contiguæ; nec unquam explanantur.

765. LICHEN *illimatus*: crusta subtartarea papillata albidâ, papillis subconicis, scutellis marginatis nigris.

Hab. in alpium maritimarum summis petris raris ex. gr. in Kongshavnfjället Finmarkiæ.

Crusta quod ad substantiam cretacea, papillis subteretibus apice plerumque tuberculiferis obsita. Scutellæ veræ parcius reperiuntur, et in crusta tenuiore vix papillata sedent.

766. LICHEN *mastrucatus*: crusta granulato-ramulosa coacervata subglobulifera virescente, scutellis planis atris margine crustæ concolore.

Hab. in rimis petrarum prope littora maris Nordlandiæ et Finmarkiæ passim.

Crusta fere ejusdem structuræ ac in L. spodophæo, scil. e papillis s. ramulis constituitur sed adeo tenuibus ut granulata potius apparet; de cætero valde inæquabilis ob granulorum seu potius papillarum coacervationes. Scutellæ nonnisi in crusta tenuiore ob-

servantur, superficiales elevato - marginatæ, satis minutæ, saturate atræ.

- 767 LICHEN *dactyliferus*: crusta papillato - ramulosa albida, ramulis discretis, scutellis subbacillatis atris concavis margine tumidulo albido.

L. oculatus Dicks.?

Hab. supra muscos in uliginosis alpinis Lapponiæ rarius. Nonnisi ad Verret - hamn paroeciæ Masöæ Finmarkiæ cum scutellis lectus.

Papillæ crustæ omnino teretes sed teneriores vagæ, plerumque verrucis fuscis in apice præditæ, rarius scutellis perfectis terminatæ. Scutellæ aterrimæ; discus minor et margine proprio tenui atro præditus; sed margo e crusta factus tumidus et latior, unde oculati fiunt fructus et sic *L. oculatum Dicks.* forsan constituunt.

768. LICHEN *diamartus*: crusta subdeterminata rimoso - areolata rubro - ochracea, scutellis planis subimmersis angulatis atris.

Urceolaria diamarta Achar. meth. 151. lichen. univ. p. 331.

Hab. in lapidibus supra terram parum elevatis præcipue ad littora maris Nordlandiæ passim copiose.

Color crustæ sæpe in ochraceum usque abit, sed in humido nunquam mutatur. Scutellæ planæ in areolis crustæ parum impressæ et ab oris areolarum marginatæ, et sic maculas fere efficiunt sæpe confluentes, et omnes margine speciali destitutas.

769. LICHEN *helicopis*: crusta rimuloso - areolata livido - cinerea albo - limitata, scutellis elevatis planis subimmarginatis livido - nigriscentibus.

Lecidea helicopis Wahlenb. in Achar. meth. suppl. p. 9. Achar. lichen. un. p. 156.

Hab. in lapidibus littoralibus sub fluxu maris interdum irrigatis ad Altenfjord Finmarkiæ passim.

In humido admodum mutatur aliisque habitum induit veramque suam naturam exhibet. Crustæ areolæ adeo minutæ sunt, ut nudis oculis haud discernuntur, verum potius asperula vel granulata apparet crusta. Color in humido lividus, in sicco cinereus; sed limites albi haud mutantur. Scutellæ supra crustam elevatæ et marginibus liberis cinctæ; discus in humido fere lividus in sicco ater apparet, vix unquam concavus: color marginis in sicco vix

distinctus, sed in humido cum crustæ colore convenit.

2. CRUSTACEO-IMBRICATI: crusta effigurata in formam rosulæ foliaceæ, sed fragilis et inflexilis (*Placodium* Schreb. *Ach.*).

770. LICHEN *bracteatus*: crustaceo-imbricatus granulatus crenatus pallido-testaceus, scutellis rubris dilutius marginatis.

L. bracteatus *Achar. prodr.* p. 102.

Parmelia fulgens bracteata. *Ej. meth.* p. 193.

Lecanora fulgens æ. bracteata. *Ej. lich. un.* p. 458.

Hab. in alpium maritimarum lateribus apricis Nordlandiæ rarius parciusque.

Crusta in his locis vix ac ne vix effigurata, adeo ut inter *Placodia* locum haud obtineret nisi nimia affinitas cum *L. fulgente* id svaderet, cujus forsan varietas imperfecta est. Color marginis scutellarum fere medium tenet inter disci et crustæ.

771. LICHEN *gelidus*: crustaceo-imbricatus rimosus tenuis cinereo-carneus: rosula centrali incrassata, scutellis rubris.

L. gelidus *Linn. mantiss.* p. 133. *Achar. prodr.* p. 74. *Engl. bot.* 10. t. 699. optim.

L. Heclæ *Flor. dan.* t. 470. f. 2.

Parmelia gelida *Achar. meth.* p. 188.

Lecanora gelida *Achar. lich. univ.* p. 428.

Hab. in lapidibus micaceis ad latera alpium declivia nimbose prope mare septentrionale Nordlandiæ passim, Finmarkiæ rarius.

Sine scutellis a me semper lectus et maculis pulverulentis cinereis tantum præditus. Crustæ ambitus in vetustiori statu squarrosus et subelevatus, unde *Placodium* re vera dicendus. Rosulæ color nonnisi paullo saturatior quam reliquæ crustæ.

772. LICHEN *saxicola*: crustaceo-imbricatus tenuis subcartilagineus multipartitus pallido-virescens, scutellis ochraceis demum convexis.

L. saxicola *Pollich.* — *Achar. prod.* p. 104. *Engl. bot.* 24. t. 1695. optim.

L. muralis *Hoffm. en. lich.* p. 64. t. 11. f. 1.

Psora muralis *Hoffm. pl. lich.* p. 77. t. 16. f. 1.

fl. germ. p. 157.

Parmelia saxicola *Achar. meth.* p. 191.

Lecanora saxicola *Achar. lich. un.* p. 431.

Hab. in saxis campestribus Nordlandiæ inferalpinæ et Lapponiæ sylvaticæ parcius.

773. *LICHEN chlorophanus*: crustaceo - imbricatus glebulosus elevato-radiatus saturate luteus, scutellis convexis immarginatis pallidioribus.

Parmelia chlorophana *Wahlenb. in Achar. meth. suppl.* p. 44.

Lecanora chlorophana *Achar. lich. univ.* p. 436.

Icon tab. nostr. XXVIII. fig. 2.

Hab. in rupium parietibus occultis per alpes totius Lapponiæ tum svecicæ ac norvegicæ passim parcius, usque ad lacum Tjåkelfals Lapponiæ Pitensis procedens.

Crusta quam in sequenti crassior, in glebularum magis divisa; radiis elevatis subteretibus. Color vividissime luteus et sæpe in virescentem vel citrinum vergens; nunquam flavescens, nec fulvescens. Scutellæ semper convexæ et immarginatæ characterem fere certissimum præbent; de cætero majores quam in sequenti. Distinctissimus est, colore suo vivacissimo rupes obscuras admodum ornans.

Explicatio iconis: a. rosula minor lichenis magn. nat. — b. sectio ejus perpendicularis oblique visa magn. 4plo aucta. c. eadem sectio 6es auct. — d. scutella junior et verruca crustæ subsidens perpendiculariter sectæ magn. 10es auct. — e. scutella adultior secta eod. augm.

774. *LICHEN murorum*: crustaceo - imbricatus rugoso-radiatus vitellinus, scutellis planiusculis elevato-marginatis saturatioribus.

L. murorum *Hoffm. enum. lich.* p. 63. t. 9. f. 2.

Achar. lich. prodr. p. 191.

Psora saxicola *Hoffm. pl. lichen.* p. 82. t. 17. f. 3. *fl. germ.* p. 158.

Parmelia murorum *Ach. meth.* p. 195.

Lecanora murorum *Ach. lich. un.* p. 433.

β. major: lobis latioribus planiusculis flavis.

γ. crenulatus: lobis angustissimis granulatis flavis, scutellis planis margine elevato crenulato.

Hab. in lapidibus et petris littoralibus ad mare septentrionale Nordlandiæ et Finmarkiæ; præcipue

pue β . et γ . adeo juxta aquam, ut sub procellis semper irrigantur: fere ubique.

Color semper a præcedentis diversissimus, interdum pallescit sed nunquam virescit. Margo scutellarum in α . fere proprius vel e substantia disci; in γ . omnino e crusta formatus et granulatus, unde hanc varietatem primum pro distincta specie habui, cujus crusta adeo tenuis ut *L. candelarium* vulgarem fere refert.

Alii quoque Lichenes multi ad mare heic tantum crescunt, qui in Svecia ubique occurrunt, quasi clima nimium severum esset hisce.

775. LICHEN *elegans*: subimbricatus aurantiacus multipartitus: laciniis teretiusculis flexuosis subdiscretis, scutellis concavis concoloribus.

L. elegans Achar. *prodr.* p. 102.

Lichen tegularis *Ehrh. crypt. n.* 304. *Hoffm. fl. germ.* p. 158.

Lecanora elegans Achar. *lich. univ.* p. 435.

Parmelia elegans Achar. *meth.* p. 193.

β . *tenuis*: laciniis subfiliformibus.

Psora miniata *Hoffm. pl. lichen. t.* 60. f. 1. *flor. germ.* p. 158.

Hab. in petris et rupibus siccis apricis alpium Lapponicarum omnium, præcipue vero prope mare septentrionale frequenter.

Color hujus nunquam dilutior fit, sed sæpe saturatior ut interdum in β . ruber fere evadit. Scutellæ insigniter elevatæ et semper concavæ, margine tenui ejusdem omnino substantiæ ac crusta.

Pigmento copioso scatet, quod cum Kali in rubro-violaceum abit.

776. LICHEN *stramineus*: subimbricatus crassiusculus stramineus: laciniis convexis subteretibus contiguis, scutellis planis rubro-fuscis margine tumido.

Parmelia straminea *Wahlenb. in Ach. meth. suppl.* p. 47.

Lecanora straminea *Ach. lich. univ.* p. 432.

Icon tab. nostr. XXVIII. fig. 1.

Hab. in alpiis maritimarum summis tumulis lapideis; ventis impetu quam maxime expositis per Finmarkiam satis copiose.

Ejusdem substantiæ et formæ est ac præcedens, ut nequeat non eandem subdivisionem intrare. Rosulæ laciniae radiantes simpliciusculæ. Arcte adnatus est et subtus glaberrimus. Vetusior valde scruposus evadit, sed pulvinulis farinaceis haud obtegitur. Scutellæ crassiusculæ, minores rarius ultra dimidiam lineam latæ, margine elevato insigniter tumente et interdum verrucoso. Totus Lichen sæpius subgranulatus et asperatus, quo etiam a *L. recurvo* ni fallor differt.

Explicatio iconis. a. rosula dimidia lichenis magn. nat. — b. ejusdem sectio perpendicularis oblique visa magn. triplo auct. c. sectio alia oblique visa 6:es aucta. — d. scutella junior secta 10:es auct. — e. scutella adultior secta eodem augm.

777. *LICHEN molybdinus*: crustaceo-imbricatus globulosus carinato - radiatus umbrino - fuscus, scutellis nigro - fuscis urceolatis margine tumido.

Parmelia molybdina *Wahlenb. in Ach. meth. suppl.* p. 42.

Lecanora molybdina *Achar. lich. univ.* p. 430.

β. erevticus convexo - radiatus fusco - brunneus, scutellis concaviusculis margine dupplici.

Parmelia erevtica *Wahlenb. in Ach. meth. suppl.* p. 43.

Lecanora erevtica *Achar. lichen. univ.* p. 430.

γ. microcyclos radiis planiusculis, scutellis subimpressis.

Icon tab. nostr. XXIX. fig. 1.

Hab. in saxis et rupibus siccioribus prope mare septentrionale Finmarkiæ passim frequenter; *β.* præcipue in rupibus irrigatis.

Difficilis utique est species et vario respectu insigniter variabilis.

α. crassiores placentulas efficit quam ulla alia species hujus subdivisionis: glebulis et radiis valde elevatis ultra dimidiam lineam crassis. In his glebulis scutellæ inseruntur elevatæ, contractæ et fere verrucæ-formes disco tantum minutiore, et margine omnino proprio cinctæ.

β. crusta minus crassa et elevata, radiis tantummodo convexis. Scutellæ minus supra crus-

tam elevatæ et in glebulis fere impressæ unde margine accessorio ab iisdem formato cinguntur. De cætero color ejus magis brunneus e loco sæpius irrigato et lætiori vegetatione dependere videtur.

γ Pertenuis est et maculas minores dimidiæ vix uncia latitudinis efficit. Scutellæ ejus adhuc magis impressæ et inde insigniter bi-marginatæ. Totus nigro-fuscus est, et humectatus parum brunneus evadit.

Has tres varietates diu pro totidem speciebus distinctis habui, nec scio ullam aliam speciem adeo variantem. Forsan etiam huc pertinet *L. hysginus*, qui tunc statum ejus quartum minimum efficeret.

Explicatio iconis: a. rosula lichenis magn. nat. — b. ejusdem sectio oblique visa magn. 4: plo auct. — c. scutella ejusdem secta 28:ies auct. — d. var. β. rosula mag. nat. — e. ejusdem scutella 2:es aucta. — f. var. γ. rosula magn. nat. — g. ejusdem sectio 4: plo auct. — h. ejus scutella secta 48:es auct.

778. *LICHEN hysginus*: subimbricatus stellatus minutus fusco-castaneus, laciniis convexiusculis lobatis obtusis, scutellis immersis rubris immarginatis urceolatis.

Parmelia hysgina Wahlenb. in Ach. meth. suppl. pag. 48.

Hab. in saxo sicco prope Kaafjord Altensem Finmarkiæ copiose.

Tota rosula diametro bi s. trilineari. Humectata magis umbrina fit, et tunc scutellæ facilius perspiciuntur omnino urceolatæ.

Cel. Acharius in Lich. universali hunc Lichenem varietatem *L. molybdini* dicit, *L. ereviticum* vero distingvit, quod contra omnia indicia factum esse credimus ob scutellas urceolatas.

Explicatio Iconis. a. lichen totus magn. nat. b. isdem 4:es auct. — c. sectio perpendicularis lichenis oblique visa 8:es auct. — d. scutella junior dissecta magis aucta. — e. scutella adultior dissecta.

3. **SQUAMACEI**: foliola minuta crustam squamaceam constituentia (*Psoroma Achar*).

779. **LICHEN** *brunneus*: granulato - squamaceus cinereo - hepaticus, scutellis confertis planis rufis margine crenulato crustæ concolori.

L. brunneus Swartz. nov. Act. Ups. V. p. 247.

Engl. bot. 18. t. 1246.

Parm. brunnea Achar. meth. p. 186.

Lecanora brunnea Achar. lichen. univ. p. 419.

Psora pezizoides Hoffm. fl. german. p. 166.

Hab. in terra e vegetabilibus destructis ad rupes subhumidas vel paludes totius Lapponiæ passim.

Squamulæ hujus adeo minutæ et contiguæ, ut crustam æquabilem subgranulosam efficiunt. Discus scutellarum humectatus tumescit et insigniter carnosus apparet.

780. **LICHEN** *hypnorum*: squamulosus crenulatus pallido - hepaticus, scutellis concavis dilatatis badiis: margine squamuloso.

L. hypnorum Flor. dan. t. 956. Engl. bot. 11. t. 740.

Psora hypnorum Hoffm. pl. lich. 3. t. 63. f. 4. - 7. flor. german. p. 166.

Parmelia lepidora Achar. meth. p. 185.

Lecanora lepidora Achar. lichen. univ. p. 418.

Hab. in muscis destructis locis siccioribus ad radices arborum etc. totius Lapponiæ fere ubique,

Squamulæ duplo majores laxiusque positæ quam in præcedente, evidenter crenulatæ, inæquabiles. Scutellæ quoque magis elevatæ; quarum vetustiores margine proprio instruuntur, extra quam squamulæ oræ inseruntur.

Lecanora hypnorum Ach. lich. univ. p. 417.

hujus tantum status macrior et deterior est.

781. **LICHEN** *levcolepis*: squamaceus: squamis adpressis incisibus albo - glaucescentibus, scutellis planis nigris margine elevato albo.

Hab. supra muscos putrefactos ad latera subirrigata rupesque montium inferalpinorum Nordlandiæ rarius ex. gr. in Middagshauen prope Kieringöam.

Minutus adeo est ut *Lecideam muscorum* fere refert, sed foliola perdistincta et expansa habet, quæ nonnisi ob conservam incrustantem demum

fuscescunt. Scutellæ latitudine squamarum, insigniter ocellatæ ob marginem albicantem.

782. LICHEN *cervinus*: glebuloso-squamaceus sublobatus castaneus, scutellis immersis demum marginatis planiusculis fusciscentibus. — *Persoon* sec. exempl.

L. squamulosus *Schrad. diar.* 1801. 1. p. 75.

Parmelia peliocypha *Wahlenb. in Achar. meth. suppl.* p. 41.

Parmelia squamulosa β . *Achar. meth. suppl.* p. 41.

Lecanora badia β . *discreta* *Achar. lich. univ.* p. 407.

Hab. in lapidibus siccis campestribus totius Lapponiæ ubique.

Primum incipit ut glebulæ subrotundæ convexæ discretæ, quarum margines sensim dilatantur et in lobos adpressos abeunt. In centro hujus glebulæ lobatæ oriuntur scutellæ primum immersæ et immarginatæ, demum margine proprio emergente circumdatæ; disco semper plano, opaco.

4. IMBRICATI: folio anguste laciniato repente, imbricatim adpresso, subtus plerumque radiculoso. (*Imbricaria* *Schreb. gen.* — *Achar. prodr.*)

783. LICHEN *melanaspis*: subimbricatus adnatus subtus lævis cinereo-glaucescens: laciniis linearibus convexis contiguis, scutellis convexis nigris subimmarginatis.

Parmelia melanaspis *Achar. method.* p. 196.

Lecanora melanaspis *Achar. lichen. univ.* p. 427.

Hab. in lapidibus saxisque irrigatis sive ad fluvios sive ad radices montium Lapponiæ sylvaticæ et inferalpinæ rarius.

Crassiusculus et haud flexilis, itaque unacum sequente *Placodiis* admodum affinis, nec nisi ob similitudinem cum *L. cæzio* huc relatus. Rosula ubique ejusdem crassitudinis, sine rugis vel glebulis vel cæspitulis pulverulentis. Scutellæ a prima infantia planæ insigniter elevatæ et incrassatæ; margine haud elevato, sed humiliore quam discus.

784. LICHEN *alphoplacus*: subimbricatus incrassatus cinereo-albidus, laciniis ambitus teretiusculis rugosis connatis subtus lævibus, scutellis planis rufo-cæsiis marginatis.

Parmelia alphoplaca *Wahlenb. in Achar. meth. suppl. p. 41.*

Lecanora alphoplaca *Achar. lich. univ. p. 428.*

Hab. in rupibus subalpinis irrigatis prope Altenfjord Finmarkiæ maritimæ frequenter.

Placentas valde incrassatas et glebosas constituit, quo ab omnibus longe differt. Fere totus torulis et nodis obtectus, ut nonnisi extimus ambitus laciniis distinctas exhibet. Scutellæ quoque incrassatæ, margine parum elevato cinctæ.

785. *LICHEN cæsius*: imbricatus albo-cinerascens; laciniis sublinearibus planiusculis subtus nigro-fibrillosis, scutellis nigris subconcavis margine subinflexo. — *Achar. prodr. p. 108. Hoffm. en. lich. p. 65. t. 12. f. 1.*

Psora cæsia. Hoffm. pl. lichen. p. 37. t. 8. f. 1.

Parmelia cæsia *Achar. meth. p. 197. lichen. univ. p. 479.*

β. *dubia*: laciniis angustioribus subfiliformibus.

Lobaria dubia *Hoffm. fl. germ. 1. p. 156.*

Hab. in petris campestribus vento expositis siccis Nordlandiæ inferalpinæ rarius. β. in omnibus fere rupibus et petris totius Lapponiæ nec non in cortice Alni Betulæque ubique frequenter.

786. *LICHEN cycloselis*: imbricatus cinereo-lividus: laciniis subdigitatis dentatisque crispis, scutellis nigro-fuscis concavis elevato-marginatis.

L. cycloselis *Achar. prodr. p. 115. Engl. bot. 27. t. 1942.*

Parmelia cycloselis *Achar. meth. p. 199. lichen. univ. p. 482.*

L. orbicularis *Hoffm. enum. lich. p. 68. t. 9. f. 1.*

Hab. in saxis sylvaticis irrigatis, supra muscos et truncos arborum totius Lapponiæ fere ubique parcius.

Foliola re vera ita fasciculatim dividuntur ut digitata dici queant. Supra muscos interdum valde squarrosus evadit, tuncque sequenti haud dissimilis est.

787. *LICHEN muscigenus*: imbricatus incisus lobatusque: lobis squarrosis adscendentibus livido-castaneis glauco-marginatis, scutellis nigro-fuscis adnatis margine crenato.

Parmelia muscigena *Achar. lich. univ. p. 472.*

Lichen hypnorum *Liljebl. sv. fl. —*

β. glaucescens: rore glauco superflusus, margine pulverulento.

Parmelia muscigena γ. *squarrosa* Achar. *lichen. univ.* p. 473.

Hab. supra et inter muscos subhumidos totius Lapponiæ sylvaticæ et inferalpinæ passim copiose.

In inferalpinis Nordlandiæ adeo luxuriat ut cognitu difficilis evadit, quo in statu Circinariam quandam apprime refert et scutellis Cetrariæ Ach. gaudet. Foliola interdum castanea et margine tantum glaucescentia ut in Svecia crescit, sed sæpius pagina tota superior superfunditur rore glauco et margines pulverulentæ fiunt, quo in statu habitum longe alienum induit. Vidi quoque specimina lobis adeo dilatatis instructa, ut *L. juniperinum* vel *sepincolam* referebant. Scutellæ interdum immersæ et immarginatæ, alias adnatæ; margine crenulato glauco; disco planiusculo sæpe ultra duas lineas lato. — Est itaque species paradoxa, quæ non tantum plures subdivisiones conjungit, verum etiam genera mere factitia. Subtus fere semper lævis et pallidior.

788. LICHEN *stellaris*: imbricatus læviusculus virenti-cinereus radiatus: laciniis linearibus planiusculis subtus albo-fibrillosis, scutellis nigro-glauciscentibus.

L. stellaris Linn. *spec. n.* 1082. Hoffm. *enum. lich.* p. 71. t. 13. f. 1. 2. Flor. germ. p. 152. (Lobaria).

Parmelia stellaris Achar. *meth.* p. 209. *lichen. univ.* p. 476.

Hab. in cortice veteri rimoso Alni incanæ per totam Lapponiam sylvaticam frequenter.

In humido statu parum virescit, nec adeo versicolor est ac *L. pulverulentus* Hoffm. cui alias similissimus.

789. LICHEN *alevrites*: imbricatus corrugatus cinerascens lobatus: lobis undulatis crenatis, scutellis planis nigro-fuscis margine crenulato.

L. alevrites Achar. *prodr.* p. 117.

Parmelia alevrites Achar. *meth.* p. 208. *lichen. univ.* p. 484.

L. pallescens Hoffm. *en. lich.* p. 66. t. 10. f. 1. 2.

Hab. in parietibus ligneis et trabibus per totam Lapponiam sylvaticam et subalpinam passim frequenter.

Rosulas minores vix unciam latas efficit; foliolis lobisque semper contiguïs et ob mutuam pressionem corrugatis undulatisque. Scutellæ valde confertæ discum rosulæ obtegunt, inæquabiles.

790. LICHEN *ulothrix*: imbricatus complanatus sublividus; laciniis dichotome ramosis discretis linearibus nigro - ciliatis, scutellis nigro - fuscis margine tenui subtus nigro - fibrillosis.

L. ulothrix Achar. *prodr.* p. 113.

Parmelia ulothrix Achar. *meth.* p. 200. *lichen. univ.* p. 481.

L. ciliatus Hoffm. *enum. lichen.* p. 69. t. 14. f. 1.

Hab. in populorum truncis Lapponiæ sylvaticæ inferioris passim copiose.

Laciniæ parcius divisæ, undique lineares et angustatæ (vix dimidiam lineam latæ) ciliis nigris marginatæ habitum proprium hujus speciei exhibent. Scutellæ sparsæ, demum foliolis multoties latiores.

791. LICHEN *rubiginosus*: imbricatus membranaceus adpressus livido - plumbeus incisus crenatusque nigro - ciliatus, scutellis rufo - fuscis planis elevato - marginatis.

L. rubiginosus Thunberg *prodr. fl. cap.* p. 176. Achar. *prodr.* p. 99.

L. decorus Smith MS.

L. affinis Dicks. *crypt. fasc.* 4. p. 24. t. 12. f. 6. *Engl. bot.* 14. t. 983.

Parmelia rubiginosa Achar. *lichen. univ.* p. 467.

Hab. in saxis sylvaticis irrigatis et cortice Betularum Salicumque Nordlandiæ meridionalis maritimæ passim copiose. In Præfectura Saltensi a me fere ubique lectus.

Fronde tenui re vera membranacea, argutius crenata, lævigata, et margine subtus cæruleo - bombycino habitum omnino gentilem induit a præcedentium longe diversum. Color margines versus magis plumbeus: interdum totus lichen fere pallenscens scutellis subrufis, quo in statu *L. rubiginosum* verum constituit. Scutellæ confertiores sæ-

pius ultra lineam latæ, margine elevato tumidulo crenulato cinerascete perconspicuo.

792. LICHEN *plumbeus*: imbricatus submembranaceus radiosus livido-plumbeus: ambitu lobato crenato extra marginem nigro-bombycino, scutellis convexiusculis subimmarginatis fuscis.

L. plumbeus *Lightf. scot.* p. 826. tab. 26. *Achar. prodr.* p. 120.

Parmelia plumbea *Achar. meth.* p. 212. *lichen. univ.* p. 466.

Hab. in truncis squamatis arborum frondosarum ad radices montium inferalpinorum Nordlandiæ meridionalis maritimæ satis frequenter; in rupibus irrigatis rarius.

Præcedente quod ad frondem amplior, crassior, lobis magis rotundatis parciusve crenatis; sed scutellæ semper multoties minores fere tuberculiformes, quibus certissime distingvitur. Rosulæ frondis omnino indivisæ et tantum plicato-radiosæ, rugisque radiantibus ornatae; marginibus plumbeis tela radiculosa bombycina crassa (lineas duas) plumbeo-cærulescente substratis. Scutellæ minutæ, nunquam ultra dimidiam lineam latæ; margine vix elevato, parum conspicuo et disco concolore.

793. LICHEN *elæinus*: imbricato-adnatus membranaceus umbrino-olivaceus crenatus: lobulis explanatis subtruncatis, scutellis umbrino-nigris elevato-marginatis.

Parmelia elæina *Wahlenb. in Ach. meth. suppl.* p. 45.

Lecanora elæina *Achar. lichen. univ.* p. 429.

Icon tab. nostr. XXVIII. f. 3.

Hab. in lapidum lateribus occultis ad alpem Rofs-mollen Qualöæ Finmarkiæ occidentalis sat copiose, sed alibi non visus.

Frons adeo tenuis et lapidi adnata ut crustam exteriorèm *Lichenis gelidi* valde refert, quo ab omnibus speciebus hujus sectionis facile distingvitur. Tamen re vera membranaceus et flexilis est, nec ullo modo crustacei indolis. Quum adeo adnatus est, non potest non subtus nudus esse usque ad extimam marginem lævissimam, qua differentia certissime distingvitur a *L. rubiginoso* cui proximus esse videtur. De cætero frondis rosula plicato-radiosa (radiis an-

gustis linearibus), sed usque ad extimum marginem indivisa, denumque crenato - lobata. Color rosulæ saturate umbrino - olivaceus, et tantum ad ambitum dilutior. Scutellæ minutiores dimidiam lineam haud latæ: margine perconspicuo, elevato, rosulæ concolori; disco plano.

Explicatio iconis: a. Exemplar minus lichenis magn. nat. b. sectio ejus perpendicularis oblique visa, qua intelligitur tenuitas frondis etc., magn. 4plo auct. c. eadem sectio magn. 7es auct. d. scutella perpendiculariter secta 24es auct. e. scutella altera vetustior eod. augm.

794. *LICHEN balaninus*: imbricato - adnatus brunneo - castaneus torulosus: lacinulis teretiusculis fastigiatis contiguis, scutellis subimmersis fuscis.

Hab. in petris ad littora maris Finmarkiæ usque ad Nordcap rarius, et rarissime scutelliferus.

Cæteris omnibus hujus subdivisionis minor est adeo ut *L. murorum* γ. *crenulatum* minutie sua refert; de cætero habitu placodiis minoribus similior quam Circinariis. Tota rosula papillis seu torolis obtegitur apice perforatis ut Endocarpon esse primum credidi; nec nisi extimus ambitus adeo expansus ut Circinariam æquat. Scutellæ veræ denum in disco rosulæ papilloso - frustuloso emergunt planæ vel convexiusculæ; margine vix elevato crustæ concolori.

795. *LICHEN aquilus*: imbricatus multipartito - ramosus dilute castaneus: laciniis convexiusculis crenatis fimbriatisque, scutellis fusco - nigris. *Ach. prod.* 109.

Parmelia crossophylla *Wahlenb. in Achar. meth. suppl.* p. 48.

P. aquila β. *crossophylla*. *Achar. lich. univ.* p. 488.

Lich. pullus *Lightf. scot.* p. 825.

Hab. in saxis rupibusque siccis vento expositis juxta littora maris Finmarkiæ et Nordlandiæ passim copiose.

Pulchre atque digitatim ramificatus est; ramulis in vetustiori Lichene crustam totam efficientibus assurgentibus contiguis. Late expanditur ut sæpe ultra palmarem evadit. *Engl. bot.* 14. t. 982. huic satis convenit; et secundum specimen scoticum vi-

sum ne minime a nostra *P. crossophylla* differt
L. aquilus.

796. LICHEN *encaustus*: imbricato - adnatus corrugatus pallido - griseus; lacinulis compaginatissimis gibbulis, scutellis griseo - nigris demum planiusculis submarginatis.

L. encaustus *Smith act. Linn.* 1. p. 83. *Engl. bot.* 29. t. 2049. hand bona.

Parmelia encausta *Achar. lichen. univ.* p. 489.

Hab. in saxis siccis alpestribus Finmarkiæ inferalpinæ et Nordlandiæ passim; sed in alpihus adjacentibus frequentius usque ad Sveciam transiens.

Color sæpe nigrescit et ideo satis variabilis est, semper vero opacus nec nitidus. Sed conformatio rosulæ ubique eadem et characteristicæ; adeo enim tenuiter corrugata ut nonnisi rugæ lævigatæ lineis gyrosis interstinctæ patescunt; nec in ambitu explanata verum e lacinulis mere torulosis constructa. Hisce notis certissime a sequentibus distingvitur, quibus re vera proxime affinis. Scutellæ minores, explanatæ et bracteatae.

797. LICHEN *stygius*: imbricatus castaneo - piceus palmato - laciniatus; laciniis divergentibus convexiusculis nitidis, scutellis concoloribus demum atris crenulatis.

L. stygius *Linn. svec. n.* 1097. *Hoffm. enum. lich.* p. 75. t. 14. f. 2. *Achar. prodr.* p. 109.

Squamaria stygia *Hoffm. pl. lich.* 2. p. 3. t. 25. f. 2.

Parmelia stygia *Achar. meth.* p. 203. *lichen. univ.* p. 471.

Hab. in lapidibus et saxis siccis apricis totius Laponiæ tum alpinæ ac exteralpinæ ubique frequenter.

Laciniæ subtus magis piceæ quam supra.

798. LICHEN *fahlunensis*: imbricatus nigro - piceus digitatim laciniatus; laciniis divergentibus planis angustatis, scutellis explanatis æneofuscis crenulatis.

L. fahlunensis *Linn. svec. n.* 1078. *Hoffm. enum. lich.* p. 80. t. 17. fig. 2. *Achar. prodr.* p. 110.

Squamaria fahlunensis *Hoffm. pl. lich.* 2. p. 45. t. 36. f. 2.

Parmelia fahlunensis *Achar. meth.* p. 203. *lichen. univ.* p. 470.

β. sciastrus: laciniis linearibus opacis, scutellarum marginibus integris.

Parmelia sciastra *Achar. meth. suppl.* p. 49. *lichen. univ.* p. 471.

Hab. in lapidibus saxisque siccis apricis universæ Lapponiæ tum alpinæ summæ ac sylvaticæ ubique frequenter.

Laciniæ extimæ subtus dilutius coloratæ quam supra, utrinque opacæ.

799. *LICHEN omphalodes*: imbricatus æruginosofuscus nitidus punctatus multifidus: laciniis concaviusculis subtruncatis crenatisque, scutellis badiis crenulatis.

L. omphalodes *Linn. spec.* n. 107. *lapp.* n. 447. *Achar. prodr.* p. 114. *Westring lsf-färg-hist.* 5. t. 3.

Parmelia omphalodes *Achar. meth.* p. 204. *lichen. univ.* p. 469.

Hab. in saxis quam maxime ventis expositis præcipue ad lacus majores Lapponiæ sylvaticæ et inferalpinæ passim.

800. *LICHEN saxatilis*: imbricatus lacunoso - reticulatus scabriusculus cinerascens: laciniis oblongatis truncatis dilatatisque sinuatis subtus nigrofibrillosis, scutellis badiis crenulatis.

L. saxatilis *Linn. spec.* n. 1075. *lapp.* n. 447. (inclus. præced.) *Lightf. scot.* p. 816. *Hoffm. enum. lich.* p. 83. t. 15. f. 1. et t. 16. f. 1. *Achar. prodr.* p. 115.

Parmelia saxatilis *Achar. meth.* p. 204. *lichen. univ.* p. 469.

Lichenoides vulgatissimum etc. *Dillen. musc.* p. 188. t. 24. f. 83.

Hab. in saxis apricis siccis universæ Lapponiæ usque in alpibus altioribus ubique.

801. *LICHEN physodes*: subimbricatus lævigatus albo-glaucescens multipartitus: laciniis linearibus convexis apice inflatis adscendentibus subtus nudis nigro-fuscis.

L. physodes *Linn. spec.* n. 1081. *Hoffm. enum. lich.* p. — t. 15. f. 2. *fl. germ.* p. 150. (Lobaria) *Achar. prodr.* p. 115.

Parmelia physodes *Achar. meth.* p. 250. *lichen. univ.* p. 492.

Lichenoides ceratophyllum etc. *Dillen. musc.*
p. 154. t. 20. f. 49.

Hab. in cortice læviori Betulæ albæ aliarumque arborum, ut etiam in tectis ligneis totius Lapponiæ sylvaticæ et subalpinæ frequenter.

802. LICHEN *ambiguus*: imbricatus pallido-virescens dichotome laciniatus: laciniis sublineari-bus planis truncatis subtus fuscis, scutellis planis fuscis.

L. ambiguus *Wulffen in Jacq. collect.* 4. p. 239.
t. 4. f. 2. *Achar. prodr.* p. 117.

Parmelia ambigua *Achar. meth.* p. 207. *lichen. univ.* p. 485.

Squamaria ambigua *Hoffm. pl. lich.* t. 40. f. 2—4.
fl. german. p. 155.

Hab. in parietibus ligneis, asscribus, truncis emortuis totius Lapponiæ sylvaticæ, subalpinæ et inferalpinæ Norvegicæ satis frequenter.

Quod ad divisionem frondis ad *L. cæsius* accedit, sed color et scutellæ totò cælo diversæ. Sequentem speciem valde refert

803. LICHEN *centrifugus*: imbricato - radiatus albo-virescens dichotome partitus: laciniis sublineari-bus convexiusculis obtusiusculis subtus albis fuscescenti - fibrillosis, scutellis periphericis rufo-fuscis.

L. centrifugus *Linn. svec. n.* 1074. *lapp. n.* 448.
t. 11. f. 2. *Achar. prodr.* p. 206. *Ehrh. dec. lich. n.* 116.

Parmelia centrifuga *Achar. meth.* p. 206. *lichen. univ.* p. 486.

Hab. in saxis apricis siccissimis planioribus circulos suos late pulchreque diffundens per Lapponiam universam usque in alpi-bus altioribus ubique frequenter.

804. LICHEN *conspersus*: imbricatus pallido-lividus sinuato-laciniatus; laciniis explanatis divergentibus subtus fuscis, scutellis spadiceis.

L. conspersus *Ehrh. dec. — Achar. prodr.* p. 118.

L. centrifugus *Hoffm. enum. lich.* p. 78. t. 10. f. 3.

Squamaria centrifuga *Hoffm. pl. lichen.* 1. p. 78.
t. 16. f. 2.

Parmelia conspersa *Achar. meth.* p. 205. *lichen. univ.* p. 486.

Lichenoides imbricatum viridans etc. *Dill. musc.*
p. 180. t. 24. f. 75.

Hab. in petris prope littora maris Nordlandiæ meridionalis rarius, nec alibi in Lapponia.

805. *LICHEN olivaceus*: imbricatus utrinque olivaceo-umbrinus rotundato-lobatus crenatusque rugulosus, scutellis concoloribus.

L. olivaceus *Linn. svec. n. 1077. lappon. n. 449.*
Achar. prodr. p. 121. Hoffm. enum. lich.
p. 36. t. 13. f. 3.

Parmelia olivacea *Achar. meth. p. 213. lichen. univ. p. 462.*

Lichenoides olivaceum etc. *Dillen. musc. p. 184.*
t. 24. f. 78.

Hab. in parietibus ligneis et truncis arborum frondosarum totius Lapponiæ sylvaticæ ubique; ut etiam in fruticibus *Betulæ albæ* locis alpinis et *Betulæ nanæ* per alpes quoque altiores passim.

E tenuiore membrana simulque compactiore constat, quam præcedentium plerique; subtus radiculis sparsis concoloribus præditus. Est fere solus *Lichen arboreus* in alpinis obvius.

806. *LICHEN parietinus*: imbricatus flavissimus lobatus crispus subtus lævis, scutellis concoloribus: margine lævi.

L. parietinus *Linn. svec. n. 1080. Hoffm. en. lich. p. 89. t. 18. f. 1. Achar. prodr. p. 121.*

Parmelia parietina *Achar. meth. p. 213. lichen. univ. p. 463.*

Lichenoides vulgare sinuosum etc. *Dillen. musc. p. 180. t. 24. f. 76.*

Hab. in rupibus prope littora maris Nordlandiæ et Finmarkiæ rarius; nec alibi.

5. *LATIFOLII*: foliis liberis haud adnatis.

a) decumbentes et subtus villosi (*Lobariæ* *Schreb. gen. — Achar. prodr.*)

807. *LICHEN glomuliferus*: latifolius subcoriaceus corrugatus lividus subtus albo-ochraceus sinuato-lobatus: lobis angulatis emarginatisque, scutellis rufo-spadiceis, glomerulis atroviridibus.

L. glomuliferus *Lightf. scot. 2. p. 853. Achar. prodr. p. 154.*

Parmelia glomulifera Achar. meth. p. 218. lich. univ. p. 456.

L. mutabilis Ehrh. —

Lichenoides subglaucum cumatile etc. Dillen. p. 197. t. 26. f. 99.

Hab. in rupibus irrigatis et in truncis arborum frondosarum locis occultis prope mare septentrionale Nordlandiæ meridionalis rarius ex. gr. ad Kierring-öam præfecturæ Saltensis copiose.

Colore suo mutabili admodum insignis est. Junior et prope ambitum in humido omnino lividus est, in sicco verum dilute ochraceus; sed vetustior et centrum versus rosulæ humectatus virescit, exsiccatus albescit. Lividus ille color interdum in glaucum vergit, neutiquam proprie dictu cumatilis evadit. Subtus semper ad marginem albidus, intra versus ochraceus vel potius dilute testaceus, quod pro certissima ejus differentia habeo. Substantia re vera subcoriacea tenax. Placentas amplas plurimum palmarum latitudinis constituit; sed singuli lobi vix trium linearum latitudinis sunt, subrotundi. Scutellæ demum amplæ et elevatæ, semper concavæ. Per dissectionem patet colorem lividum nonnisi in stratu sæculari epidermidem proxime subjacente sedere.

808. *LICHEN scrobiculatus*: latifolius scrobiculosus plumbeo-griseus subtus cinerascens lobatus; lobis subcircinatis integris, scutellis tumidis fuscis subinmarginatis.

L. scrobiculatus Scopol. fl. carn. p. 1331. Lightf. scot. 2. p. 850. Fl. dan. t. 1007. Engl. bot. t. 497. Achar. prodr. p. 152.

Pulmonaria verrucosa Hoffm. pl. lichen. 1. p. 1. t. 1. f. 1.

Parmelia scrobiculata Achar. meth. p. 219.

Sticta scrobiculata Achar. lich. univ. p. 433.

Lichenoides pulmoneum villosum etc. Dillen. p. 216. t. 29. f. 114.

Hab. ad rupes Lapponiæ sylvaticæ svecicæ rarius; sed præcipue ad truncos arborum frondosarum Nordlandiæ inferalpinæ et Finmarkiæ frequentius.

Color Lichenis sicci fere pallidus, sed humectatus insigniter plumbeus evadit vixque ullo modo

virescit. Subtus tum in sicco ac humido cinerascens. Margines loborum elevati ut lobi valde concavi et pateriformes fiunt. Scutellæ semper convexæ et fere proboscideæ, marginibus disco humilioribus obtusissimis folio concoloribus.

809. LICHEN *pulmonarius*: latifolius expansus reticulato-lacunosus olivaceus laciniatus; laciniis sinuatis subtruncatis, scutellis planis rufis.

L. *pulmonarius* Linn. *svec.* n. 1087. *lapp.* n. 444. Achar. *prodr.* n. 152. *Engl. bot.* 8. t. 572. *Lightf. scot.* p. 831.

Pulmonaria reticulata Hoffm. *pl. lichen*, 1. p. 4. t. 1. f. 2.

Parmelia pulmonacea Achar. *meth.* p. 220.

Sticta pulmonacea Achar. *lich. univ.* p. 449.

Lichenoides pulmoneum etc. *Dillen. musc.* p. 212. t. 29. f. 113.

Hab. ad truncos arborum frondosarum scil. salicis caprææ et Betulæ locis inferalpinis occultis Nordlandiæ meridionalis passim.

In sicco utrinque cervinus et supra nitidulus. Scutellæ primum concavæ et margine elevato fere concolore cinctæ.

- b) adscendentes utrinque glabri (*Platisma* Achar. *prodr.*)

810. LICHEN *juniperinus*: latifolius utrinque lævis pallideque flavus laciniatus erosusque crispus, scutellis marginalibus adnatis badiis crenulatis.

L. *juniperinus* Linn. *svec.* n. 1093. *lapp.* n. 450. *Lightf. scot.* p. 836. Hoffm. *en. lich.* p. 101. t. 22. f. 1. Achar. *prodr.* p. 168.

Squamaria juniperina Hoffm. *pl. lichen*. 1. p. 35. t. 7. f. 2.

Cetraria juniperina Achar. *meth.* p. 293. *lichen. univ.* p. 506.

β. *pinastri*: expansus pulverulentus sterilis.

Squamaria pinastri Hoffm. *pl. lich.* p. 33. t. 7. f. 1.

Hab. in caudicibus Juniperi locis campestribus Lapponiæ sylvaticæ rarius; at β. in truncis Pini ubique frequenter.

811. LICHEN *sepincola*: latifolius castaneus subtus dilutior lobatus undulatus crenatusque, scutellis submarginalibus adnatis concoloribus.

L. *sepin-*

L. sepincola *Ehrh. Hannöv. Magaz. — Hedw. stirp. crypt.* 2. p. 8. t. 2. f. 1 — 10. *Hoffm. enum. lich.* p. 102. t. 17. f. 1. *Achar. prodr.* p. 169.

Platismia sepincola *Hoffm. pl. lich.* 1. p. 71. t. 14. fig. 1.

Cetraria sepincola *Achar. meth. lich.* p. 297. *lichen. univ.* p. 507.

β. ulophylla: laciniarum marginibus albo - pulverulentis.

Hab. præcipue *β.* in parietibus ligneis totius fere Lapponiæ etiam subalpinæ ubique parcius.

812. *LICHEN glaucus*: latifolius glaucescens nitidus subtus fusco-niger sinuatus undulatus.

L. glaucus *Linn. svec. n.* 1094. *Lightf. scot.* p. 838. *Hoffm. enum. lich.* p. 97. t. 22. f. 1. *Achar. prodr.* p. 167.

Cetraria glauca *Achar. meth.* p. 296. *lich. univ.* p. 509.

Lichenoides endiviæ foliis etc. *Dillen. musc.* p. 192. t. 25. f. 96.

Hab. in ramis *Pinus sylvestris* Lapponiæ sylvaticæ et præcipue inferalpinæ passim parcius; ut etiam in saxis.

6. ANGUSTIFOLII (*Physcia* Schreb. *Achar.*)

813. *LICHEN nivalis*: subangustifolius lacero-lacinia-tus lacunosus albus dentatus, scutellis marginalibus adnatis pallescentibus.

L. nivalis *Linn. svec. n.* 1086. *lappon. n.* 446. t. 11. f. 1. *Achar. prodr.* p. 171. *Engl. bot.* 28. t. 1994. *Pallas it. sibir.* 3. p. 25.

Cetraria nivalis *Achar. meth.* p. 294. *lichenogr. univ.* p. 510.

Hab. in terra campestri aprica sicciori tum Lapponiæ sylvaticæ totius ac præcipue per alpes omnes etiam elatiores ubique minus copiose; in subalpinis non raro fructificans.

814. *LICHEN cucullatus*: angustifolius dichotome ramosus canaliculatus pallescens, marginibus undulatis, scutellis terminalibus adnatis pallescentibus.

L. cucullatus *Bellardi fl. ped. append. — Achar. prodr.* p. 171.

Cetraria cucullata *Achar. meth.* p. 293. *lichen. univ.* p. 511.

Hab. in terra alpestri cum præcedente ubique, præcipue in subalpinis frequenter.

815. *LICHEN odontellus*: angustifolius pulvinatus palmatim ramosus expansusque planus fusco-castaneus, marginibus inermibus.

L. odontellus *Achar. prodr.* p. 213.

Hab. in terra juxta saxa majora per Lapponiam sylvaticam locis alpestribus passim.

816. *LICHEN islandicus*: angustifolius dichotome ramosus subcanaliculatus olivaceo - castaneus, marginibus ciliato-dentatis, scutellis subterminalibus adnatis concoloribus.

L. islandicus *Linn. swec.* n. 1085. *lapp.* n. 445.

Flor. dan. t. 155. *Lightf. scot.* p. 829.

Engl. bot. 19. t. 1330. *Achar. prodr.* p. 170.

Lichenoides islandicum *Hoffm. pl. lichen.* p. 41. t. 9. f. 1.

Cetraria islandica *Achar. meth. lich.* p. 293. *lichen. univ.* p. 512.

Physcia islandica *Michaux amer.* 2. p. 326.

Hab. in terra sylvatica et alpestri universæ Lapponiæ etiam alpinæ ubique. In viis sic dictis hyemalibus omnium copiosissime viget; de cætero plerumque parcius occurrit.

Vix datur alius Lichen quod ad magnitudinem adeo varians ac hic. Quo minor et angustior eo crebrius ciliatus est; qui pollicem fere latus, nudiusculus.

817. *LICHEN ciliaris*: angustifolius dichotomus subdecumbens virescenti - cervinus; foliolis convexis subtus canaliculatis albicantibus fimbriatis, scutellis elevatis nigro-fuscis.

L. ciliaris *Linn. swec.* n. 1083. *Achar. prodr.* p. 173.

Lichenoides ciliare *Hoffm. pl. lichen.* t. 3. f. 4. *fl. germ.* p. 144.

Parmelia ciliaris *Achar. meth.* p. 255.

Borrera ciliaris *Achar. lichenogr. univ.* p. 497.

Lichenoides hispidum etc. *Dillen.* p. 150. t. 20. fig. 45.

Hab. in petris nudis vel pauca terra obtectis prope littora maris Nordlandiæ et Finnmarkiæ usque ad

Nordcap rarius; nec in arboribus Lapponiæ unquam visus.

A vulgari differt: colore obscuriore, ramis semiteretibus torulosis, scutellis fere semper nigro-fuscis vixque prima infantia subcæsiis. Attamen varietas tantum inconsiderabilis est, ob locum suum solummodo insignis. Fere omnes Lichenes apud nos in arboribus et lignis crescentes in summo septentrione saxatiles evadunt antequam desinunt.

818. LICHEN *tenellus* β . angustifolius digitatim ramosus decumbens cinerascens, laciniis apice adscendentibus incrassatis fimbriatis, scutellis atris.

L. tenellus Scop. carn. 1406. *Achar. prodr.* p. 172. *Engl. bot.* 19. t. 1351. bona.

L. hispidus Schreb. *spicil.* 1120.

Lichenoides hispidum Hoffm. *pl. lichen.* 1. p. 13. t. 3. f. 2. 3.

Borrera tenella *Achar. lichen. univ.* p. 498.

Parmelia tenella *Achar. meth.* p. 498.

Hab. in petris denudatis prope littora maris Nordlandiæ et Finmarkiæ usque ad Nordcap passim; ut etiam in parietibus ligneis ibidem parcius.

Scutellæ in hac varietate semper atræ, apices laciniarum vix fornicati, et de cætero minus adscendentes quam in vulgari. Nec dubito, quin hæc et ultima species Lichenibus inbricatis proxime affines sint, ut nonnisi ægerrime heic ponuntur ob adscendentes eorum lacinias et similitudinem cum *L. levchomelas*.

819. LICHEN *candelarius*: angustifolius erectus multifido-ramulosus lacerusque flavissimus, scutellis terminalibus concoloribus.

β . *subcrustaceus*.

L. candelarius Linn. *svæc. n.* 1069. *Engl. bot.* 25. t. 1794. *Lightf. scot.* p. 811. *Hoffm. enum. lich.* p. 57. t. 9. f. 3. *Achar. prodr.* p. 93.

Parmelia candelaria Ach. *meth.* p. 187.

Lecanora candelaria Ach. *lich. un.* p. 416.

Hab. perfectissimus in saxis prope littora maris Finmarkiæ et Nordlandiæ; at β . in parietibus ligneis totius fere Lapponiæ.

Quum in his locis foliola ejus elongantur et altitudinem plurimum linearum acquirunt, et in utroque latere plana et æqualia fiunt, non potui non huic subdivisioni eum adnumerare.

7. LONGIFOLII: foliis linearibus elongatis utrinque planis.

820. LICHEN *polymorphus*: longifolius cæspitosus rigidus pallidus laciniato-ramulosus, lacunulis fariniferis superficialibus.

L. *polymorphus* Achar. *prodr.* p. 178. *Nov. Act. Stockh.* 18. p. 270. t. 11. f. 3.

Parmelia *polymorpha* Achar. *meth.* p. 265.

Ramalina *polymorpha* Achar. *lich. un.* p. 600.

Lichenoides *fuciforme tinctorium* Dillen. *musc.* p. 167. t. 22. f. 60.

Hab. in petris lapidibusque elatis vento maxime expositis prope mare septentrionale et in alpinis maritimis totius Finmarkiæ et Nordlandiæ passim.

Crassior atque rigidior quam cæteri, vix unquam ultra pollicem longus; inferne simpliciusculus linearis; apicibus difformiter laceris. Lacunulis suis fariniferis præcipue dignoscitur.

821. LICHEN *farinaceus*: longifolius subfiliformis dichotomus lævis pallidus, pulvinulis fariniferis marginalibus.

L. *farinaceus* Linn. *svec.* n. 1089. *Lightf. scot.* p. 833. Achar. *prodr.* p. 177. *Nov. act. Stockh.* 18. p. 257. t. 11. f. 1.

Parmelia *farinacea* Achar. *meth.* p. 263.

Ramalina *farinacea* Achar. *lich. un.* p. 606.

Lichenoides *segmentis angust.* Dillen. *musc.* p. 172. t. 23. f. 63.

Hab. in scopulis maritimis usque ad Nordcap rariss.

Omnimodo convenit cum nostro Svecico in truncis arborum obvio; nisi minor et paullo tenuior esset. Color etiam ibi per ætatem lividus luridusque evadit.

8. SETOSI: setis solidis flexilibus apice attenuatis.

822. LICHEN *sarmentosus*: setosus compressiusculus sublacunulosus pallidus dichotomus, api-

cibus ramosissimis laxis, scutellis explanatis lividis concavis.

L. sarmentosus *Achar. prodr.* p. 180. *Nov. act. Stockh.* 16. p. 212. t. 8. f. 2. *Schrad. journ. f. d. Bot.* 1799. t. 3. f. 3.

Parmelia sarmentosa *Achar. meth.* p. 271.

Alectoria sarmentosa *Achar. lich. un.* p. 595.

Hab. in truncis *Pinus sylvestris* præcipue ad latera montium *Laponiæ sylvaticæ infimæ* parcius.

Fila ejus crassiora interdum subinania fiunt.

Nunquam nitidus occurrit.

823. *LICHEN jubatus*: setosus attenuatus lævis nitidus dichotomus ramosissimus pendulus lividus, axillis compressis, scutellis convexis subimmarginatis.

L. jubatus *Linn. spec. n.* 1124. *lappon. n.* 456. *Achar. prodr.* p. 219. *Lightf. scot.* p. 891. *Engl. bot.* 27. t. 1880.

Parmelia jubata *Achar. meth.* p. 272.

Alectoria jubata *Ach. lich. univ.* p. 592.

Usnea jubata etc. *Dillen. musc.* p. 64. t. 12. f. 7.

Hab. in truncis et ramis arborum totius *Laponiæ sylvaticæ* et *inferalpinæ vulgaris*; sed in *subalpinis* rarius.

β. *chalybeiformis*: setosus lævis decumbens tortuosus implicatusque subramosus plumbeus.

L. chalybeiformis *Linn. spec. n.* 1127. *Achar. prodr.* p. 220.

Parmelia jubata δ. *chalybeiformis* *Achar. meth.* p. 273.

Alectoria jubata δ. *chalybeiformis* *Achar. lich. un.* p. 593.

Usnea rigida etc. *Dillen.* p. 66. t. 13. f. 10.

Hab. in saxis lapidibusque apricis totius *Laponiæ* etiam *alpinæ* passim copiose.

9. *FILAMENTOSI*: filis medula tenaci præditis, cortice fragiliore (*Usnea Dillen.* — *Schreb. Ach.*).

824. *LICHEN barbatus*: filamentosus pallidovirens pendulus divergenti-dichotomus, ramulis divergentibus

L. barbatus *Linn. spec. n.* 1123. *Achar. prodr.* p. 223. *Lightf. scot.* p. 890.

Usnea barbata Achar. meth. p. 313. lich. univ. p. 624.

Lichen ramis filiformibus ramosis etc. Linn. fl. lapp. n. 457.

Usnea barbata etc. Dillen. p. 63. t. 12. f. 6.

Lapponibus *Slappo* s. *Jeuj*. Fennonibus *karmu*.

Hab. in arboribus præcipue Betulis Lapponiæ sylvaticæ passim; in lignis Nordlandiæ inferalpinæ brevis admodum occurrit.

10. CORNICULATI: ramis ramulisque rigidis acuminatis furcatisque. (*Cornicularia* Schreb. gen. — Achar).

325. LICHEN *ochrolevchus*: subcorniculatus erectiusculus pallidus rimulosus divergente-dichotomus, ramulis divergentibus furcatis nigricantibus.

L. ochrolevchus Ehrh. Beitr. 3. p. 32. Achar. prodr. p. 215.

Usnea ochrolevcha Hoffm. pl. lich. 2. p. 7. t. 27. fig. 2.

Cornicularia ochrolevcha Achar. lich. un. p. 614.

Parmelia ochrolevcha Achar. meth. p. 271.

Hab. ad terram supra alios Lichenes per alpes elatiores totius Lapponiæ sat frequenter; nec inter arbores unquam lectus.

Denudata pars Lichenis semper nigrescit; ubi sparsus crescit et totus ventis expositus etiam truncus niger fit, si vero cæspitosi congregatur vel aliis plantis occultatur quod ad maximam partem pallescit. In nigrescente trunco perevidentes sunt rimulæ albicantes lineares fibrosam ejus compagem indicantes, quibus non potest non certissime a *L. sarmentoso* distingui, cui quidem nonnihil affinis est, sed sequenti tota sua statura longe similior. Neque *L. sarmentosum* minime nigrescentem vidi quamquam denudatum, neque ramulis furcatis rigidis vel corniculatis ullo modo præditum; itaque setosus mihi dicitur, *L. ochrolevchum* vero ad corniculatos retuli.

L. sarmentosus Engl. bot. 29. t. 2040. nostrum Lichenem *ochrolevchum* apprime exhibet, apicibus tantum concoloribus discrepans.

826. *LICHEN divergens*: corniculatus erectus castaneus albo-punctatus angulatus divergente - dichotomus, ramulis divergentibus furcatis nodulosus elongatis, scutellis ambitu crenulatis concoloribus.

Cornicularia divergens *Achar. meth.* p. 305. t. 6.
f. 1. *Lichen univ.* p. 613.

L. chalybeiformis *Flor. dan.* t. 262.

Hab. ad terram supra alios Lichenes in alpidibus omnibus frequenter.

Magnitudo et statura omnino præcedentis, cui de cetero vix affinis est. Multum fragilior est, adeo ut difficile integer conservatur. Truncus valde inæqualis angulatus et lacunulosus; punctis albis hiantibus subrotundis vel oblongis (neutiquam vero linearibus ut in præcedente), quibus a *L. aculeato* certe distinguitur. Mihi perquam distinctus esse videtur. Ramuli quoque ultimi dichotomi et castanei. Insigniter unicolor est; neque enim ad basin pallescit, nec ad apices nigrescit.

827. *LICHEN aculeatus*: corniculatus erectus fruticulosus compressiusculus fusco-castaneus, ramulis fasciculatis fastigiatis squarrosis dentato-spinulosus nigricantibus.

L. aculeatus *Ehrh.* — *Achar. prodr.* p. 213.

Coralloides aculeatum *Hoffm. pl. lich.* p. 26. t. 5.
fig. 2.

Cornicularia aculeata *Achar. meth.* p. 302. *lichen. univ.* p. 612.

Lichen spadiceus *Roth. in Ust. mag.* 2. t. 1. f. 1.

Lichen hispidus *Lightf. scot.* p. 883.

Cornicularia spadicea *Achar. meth.* p. 301. *lichen. univ.* p. 611.

Coralloides fruticuli specie etc. *Dillen. musc.*
p. 112. t. 17. f. 31.

Hab. in terra aprica sylvatica et alpina totius Laponiæ frequenter; in alpidibus altioribus cum præcedentibus associatus quoque viget.

828. *LICHEN tristis*: corniculatus cæspitosus cartilagineus piceus adscendens distiche-dichotomus, ramis integris læviusculis erectis, scutellis subradiatis convexis fusco-nigris.

L. tristis *Web. spicil.* p. 260. t. 5. *Ehrh. exsicc.* dec. 1. n. 10. *Achar. prodr.* p. 212. *Engl. bot.* 10. t. 720. haud bona.

L. corniculatus *Lightf. scot.* p. 885.

L. fucoides *Wulfen. in Jacq. collect.* 3. pag. 143. t. 12. f. 3.

Cornicularia tristis *Hoffm. pl. lichen.* 2. p. 36. t. 34. f. 1. *Achar. method.* p. 300. *Lichen. univ.* p. 610.

Coralloides corniculatum etc. *Dillen. musc.* pag. 118. t. 17. f. 37.

Hab. in saxis lapidibusque denudatis apricis siccis alpium maritimarum Nordlandiæ meridionalis rarius copiose ex. gr. in alpe Kierringen prope Kierringöam et alpe Skollen prope Rörstad præfecturæ Saltensis.

Totus Lichen *Fucum fastigiatum* minorem apprime refert; adeo enim corneus est, atque ramis suis abbreviatis obtusiusculis facillime distingvendus. Per se crescit et cum nullis aliis muscis implicatus, cæspitulos insignes efformans. Cauliculi ad ambitum cæspituli adscendentes sunt et omnino dichotomi; ramis distichis vel in planum redactis, quibus a cæteris facillime distinguitur. Neque axillæ compressæ sunt, neque rami ullo modo angulati; sed ubique æquales, tereter, crassitudine fili. Versus centrum cæspitis cauliculi frequentius in scutellas abeunt, et irregulariter dividuntur. Substantia interna cauliculi vix alba est, sed potius cornea et subtransparens.

829. **LICHEN** *lanatus*: corniculato-setaceus decumbens dichotomus flexuoso-vagus cinereo-niger.

L. lanatus *Linn. svec.* n. 1125. *Achar. prodr.* p. 216.

Cornicularia lanata *Achar. meth.* p. 304. *lich. univ.* p. 615.

β. *alpicola*: repens implexus nodulosus dichotomo-reticulatus subtus cinerascens, scutellis planis submarginatis.

L. reticulatus *Wulfen. in Jacq. Collect.* 2. t. 9. f. 6. 7.

L. norrmæricus *Gunn. norv.* t. 2. f. 9-11.

Usnea cæspitosa exilis *Dillen.* p. 66. t. 13. f. 9.

Hab. α . in rupibus saxisque sylvaticis passim; β . in saxis lapidibusque apricis siccis omnium alpium frequenter.

Capillo duplo triplove tantum latior est.

830. LICHEN *pubescens*: corniculato-capillaceus decumbens ramulosus niger rugosus nodulosusve, ramulis implexis rigidulis.

L. *pubescens* Linn. *svéc.* n. 1126. Ehrh. *crypt.* n. 80. Achar. *prodr.* p. 217. Lightf. *flor. scot.* 2. p. 893.

Cornicularia *pubescens* et *hispidula* Achar. *lich. univ.* p. 616. 617.

Coralloides tenuissimum etc. Dillen. p. 113. t. 17. fig. 32.

Hab. in saxis rupibusque umbrosissimis interdum ab aqua irrigatis Lapponiæ sylvaticæ et alpinæ passim.

Præcedente multoties tenuior est, capillo fere angustior. De cætero nulla differentia certius distinguitur quam ramulis suis subfasciculatis parvas spinulas referentibus. In Lapponia plerumque minor varietas vel *C. hispidula* Achar. occurrit.

11. GELATINOSI. (*Collema* Hoffm. Schreb. Achar.)

831. LICHEN *asperellus*: gelatinosus subcrustaceus ramulosus niger, ramulis decumbentibus divisus torulosus obtusis, scutellis planis plumbeis.

Parmelia aspratilis Achar. in Web. et Mohr *beitr.* 2. p. 152. t. 2. f. 2.

Collema asperellum Ach. *lich. univ.* p. 629.

Hab. in petris umbrosis juxta mare septentrionale Finmarkiæ rarius.

Licheni nigro quod ad habitum simillimus, sed: ramuli insignes, ad ambitum rosulæ decumbentes, fibrilliformes, vario modo divisi, punctis elevatis scabriusculi et sæpe quasi sulcati; qua sua structura Corniculariam potius refert. De cætero ob habitum suum asperulum a cæteris hujus subdivisionis recedit, ut nonnisi bibula ejus natura hujus sectionis est. Scutellæ semper convexiusculæ mihi visæ sunt, margine concolore et ejusdem substantiæ, unde *Lecideis* valde accedit.

832. *LICHEN muscicola*: gelatinosus fibrillosus nigro-fuscus, fibrillulis erectiusculis furcatis subulatis, scutellis concavis subbrunneis.

L. muscicola Swartz. in *Nov. Act. Ups.* 4. p. 248.
Achar. prodr. p. 215. *Bernhardi in Diar. Schrad.* 1799. 1. p. 22. t. 2. f. 8.

Parmelia muscicola *Achar. meth.* p. 244.

Collema muscicola *Achar. lich. univ.* p. 660.

Hab. supra muscos et lapides locis occultis umbrosis Nordlandiæ et Finmarkiæ inferalpinæ passim copiose.

In lapidibus denudatis adeo expanditur ut re vera fibrillulosus dici meretur; ramulis vario modo dichotomis et furcatis; quo in statu *L. velutinum* eximie refert. Color ejus semper fuscescens, ne dicam subbrunneus, quo a præcedentibus omnibus facile distingvitur. Ramuli sæpe insigniter acuminati. Scutellarum discus interdum planiusculus evadit, sed margines eximie elevati concavitatem efficiunt.

833. *LICHEN velutinus*: gelatinosus fibrillosus pulverinato-decumbens ater, fibrillulis simpliciusculis flexuosis extenuatis, scutellis concavis subimmersis nigris tumidulis.

L. velutinus *Achar. prodr.* p. 218.

Parmelia pannosa *Achar. meth.* p. 245. *Web. Beitr.* 2. p. 150. t. 2. f. 1. (haud vero Hoffmanni *C. pannosum*.)

Collema pannosum *Achar. lich. univ.* p. 660.

Lichen exilis *Lightf. fl. scot.* p. 894.

Hab. in saxis umbrosissimis occultis Lapponiæ sylvaticæ passim.

Sæpius pro *L. pubescente* habitus est. Scutellis utique occurrit, sed *L. pubescens* verus non item, forsan nunquam cum iis repertus.

834. *LICHEN byssinus*: gelatinosus subsquamaceus umbrinus: laciniis confertissimis multifidis granulosus ramulosisque, scutellis rufescentibus.

Collema byssinum *Hoffm. fl. germ.* p. 105.

Collema tenuissimum *Achar. lich. univ.* p. 659.

Parmelia tenuissima *Achar. meth.* p. 244.

Lichen tenuissimus *Dicks. crypt.* 1. p. 12. t. 11. fig. 8.

Hab. in lignis udis locis putridis ad littora maris Nordlandiæ et Finmarkiæ.

835. *LICHEN scotinus*: subgelatinosus squamaceus congregatus brunneus; squamis erectiusculis incisim plicatisque subcontiguis; scutellis sessilibus concoloribus.

L. scotinus Achar. *prodr.* p. 128. *Act. Stockh.* 22. p. 162. t. 3. f. 4.

Parmelia scotina Achar. *meth.* p. 237.

Collema scotinum Achar. *lich. un.* p. 551.

Hab. inter muscos putrescentes ad mare Finmarkiæ ex. gr. Måsöa.

Tenuis adeo est ut *L. muscicolam* fere refert.

836. *LICHEN melænus*: gelatinosus squamaceus niger, marginibus elevatis undulatis crispis crenatis complicatis scutelliferis, scutellis planis elevatis crenulatis concoloribus.

L. gyrosus Achar. *prodr.* p. 135.

Parmelia melæna γ. *gyrosa* Achar. *meth.* p. 242.

Lichen jacobæifolius β. *gyrosus* Bernh. in Schrad. *diar.* 1799. t. 1. f. 5. 6.

Collema melænum ζ. *gyrosum* Achar. *lich. un.* p. 638.

Hab. in petris lapidibusque ad littora maris Finmarkiæ et Nordlandiæ ubique.

Siccus aterrimus est, humidus parum virescit vel potius luridus fit, sed minus tumescit quam plerique cæteri. Adeo complicatus in his locis crescit ut pagina foliolorum neutiquam patet sine ruptura cæspituli. Scutellæ supra cæspitulum positæ; ut facillime apparent, quibus ab aliis facile discernitur; de cætero majores sunt et explanatæ.

837. *LICHEN rivularis*: gelatinoso-pulposus subfoliaceus, lobis erectis margine scutelliferis, scutellis planis fuscis.

L. rivularis Achar. *prodr.* p. 132. *Nov. Act. Stockh.* 22. p. 163. t. 3. f. 5.

Parmelia flaccida β. *rivularis* Achar. *meth.* p. 229.

Collema flaccidum β. *rivulare* Achar. *lich. univ.* p. 648.

Hab. in rupium lateribus irrigatis Nordlandiæ inferalpinæ parcius.

Scutellæ in sicco rufo-fuscae, in humido foliis concolores. Foliola ejus sicca eximie tenera et olivacea

838. LICHEN *lacerus*: gelatinosus foliaceus tenerri-
mus glaucescens, lobis erectiusculis confertis
erosis, scutellis lateribus adnatis rubicundis.

L. lacerus Swartz in *Nov. Act. Ups.* 5. p. —
Achar. prodr. p. 135. *Engl. bot.* 28. t. 1982.

L. tremella Roth *germ.* 1. p. 503. *Bernh. in*
Schrad. diar. 1799 p. 19 t. 2. f. 2.

Lichen tremelloides *Lightf. scot.* p. 842. *Dil-*
len t. 19. f. 31.

Parmelia lacera *Achar. meth.* p. 225.

Collema lacerum *Achar. lich. un.* p. 657.

Hab. inter muscos ad latera montium inferalpino-
rum parcius.

Pulvinatus ibi crescit, foliis admodum compli-
catis et subintegris.

- 839 LICHEN *nigrescens*: gelatinosus latifolius indi-
visus tenerrius decumbens plicato-radiatus
olivaceus, scutellis proboscideis centralibus
rufo-fuscis.

L. nigrescens Linn. *suppl.* p. 451. *Ehrh. Beitr.*
2. p. 146. *Achar. prodr.* p. 130. *Huds.*
angl. p. 450.

Collema vespertilio Hoffm. *pl. lich.* 2. p. 48. t. 37.
f. 2. 3.

Parmelia nigrescens *Achar. meth.* p. 227.

Collema nigrescens *Ach. lich. un.* p. 646.

Lichen vespertilio *Lightf. scot.* p. 840.

Hab. in truncis Populorum Lapponiæ sylvaticæ in-
ferioris parcius, et inferalpinæ passim.

Etiam in statu exsiccato pellucidus est instar
membranæ animalis expansæ, subtus radiato-scribi-
culatus. Scutellæ respectu folii satis minutæ, vix
ultra tertiam partem lineæ latæ.

840. LICHEN *saturninus*: gelatinoso-coriaceus lati-
folius lobatus atro-virens subtus incanus, lobis
oblongis undulatis, scutellis planis rubris.

L. saturninus Dicks. *pl. crypt.* 2. p. 21. t. 6. f. 8.
Engl. bot. 28. t. 1980. *Achar. prodr.* p. 132.

L. discolor *Achar. nov. act. Stockh.* 16. t. 3. f. 5.

L. myochrous *Ehrh. dec.* 29. n. 286. *Bernhardi*
in Schrad. diar. 1799. 1. p. 18.

Parmelia saturnina Achar. *meth lich.* p. 221.

Collema saturninum Ach. *lich. un.* p. 644.

Hab. in truncis Populorum Lapponiæ sylvaticæ et inferalpinæ passim.

Quando exsiccatus supra omnino plumbeus, subtus cinerascens vel incanus, omnino opacus; in aqua utrinque virescit, extra aquam subtus canescentia sericea tenuissima insignis. Exsiccando haud corrugatur sed tantummodo flectitur.

P E L T I D E A.

Achar. *meth. lich.* p. 282.

Receptaculum fructus peltiforme: peltæ folio innatæ s. totaliter adnatæ, immarginatæ, planæ, oblongatæ, membrana lacera interdum tectæ.

Seminula bina ternaque in perispermio proprio inclusa.

† *Peltis anticis*, folio subtus venoso.

841. *PELTIDEA crocea*: peltis anticis lateralibus spadiceis, folio subtus venoso croceo.

P. crocea Achar. *meth.* p. 290.

Lichen croceus Linn. *svec.* n. 1101. *lapp.* n. 443.

t. 11. f. 3. *Wulfen in Jacq. coll.* 4. p. 255.

t. 11. f. 2. 3. *Lightf. fl. scot.* p. 856. *Engl.*

bot. t. 498. opt. *Ach. prodr.* p. 165.

Peltigera crocea Hoffm. *pl. lich.* 2. p. 6. t. 42. f. 4. 5.

Arthonia crocea Achar. in *Schrad. diar. nov.* 1.

p. 20.

Solorina crocea Achar. *lich. un.* p. 149.

Hab. supra terram alpestrem siccam denudatam tum in Lapponia sylvatica ac in omnibus alpinis ubique parcius.

Color lateris inferioris haud mutabilis et ideo ut in aliis quoque Lichenibus differentiam certissimam exhibet; sed lateris superioris admodum mutatur, utpote in humido atro-viridis, in sicco cinnamomeus vel dilute hepaticus. Nec color viridis in aqua cito redit, quia stratum fæculiferum epidermide crassiore subcoriacea obtegitur. Stratum croceum spongiosum ultra dimidiam crassitudinem folii efficit; est autem folium crassius et fragilius quam in cæteris. Peltæ semper ejusdem coloris sunt et ab epidermide constituuntur, ita ut stratum seminiferum supra stratum fæculiferum viride haud muta-

tum sedet. Perispermia hujus speciei sæpe vidi seminulis pluribus quam tria referta.

842. *PELTIDEA saccata*: peltis anticis lateralibus depresso-saccatis, folio subtus venuloso albicante.

P. saccata Achar. meth. p. 291.

Lichen saccatus Linn. spec. n. 1102. Engl. bot. t. 288. Lightf. fl. scot. p. 855.

Arthonia saccata Achar. in Schrad. diar. nov. 1. p. 21.

Solorina saccata Achar. lich. univ. p. 149.

Lichenoides — peltis immersis Dillen. p. 221. t. 30. f. 121.

Hab. in terra irrigata vel supra muscos ad rupes umbrosissimas Nordlandiæ inferalpinæ fere ubique frequenter.

Folium tenuius quam in cæteris, subtus strato spongioso et villo extrorsum verso venulas interdum efficiente. Supra lætius viride est folium. Peltæ fuscæ. Seminula grandiora quam in omnibus cæteris capillo quinquies tantum angustiora, quaterna concatenata.

843. *PELTIDEA canina*: peltis anticis marginalibus elongatis rufescentibus, folio cinereo-viridi lævi subtus fusco-venoso.

P. canina Achar. meth. p. 284. lich. univ. p. 517.

Lichen caninus Linn. spec. n. 1100. lappon. n. 441. Lightf. scot. p. 845. Achar. prodr. p. 160. Dillen. musc. p. 200. t. 27. f. 102.

Peltigera canina Hoffm. fl. germ. p. 106.

β. crispa: margine crispo pollinifero.

Hab. in sylvis totius Lapponiæ; β. in alpestribus et subalpinis frequenter.

844. *PELTIDEA aphtosa*: peltis anticis marginalibus subrotundis rubris, folio livido verrucoso subtus nigro-maculato barbatoque.

P. aphtosa Achar. meth. p. 287. lich. un. p. 516.

L. aphtosus Linn. spec. n. 1098. Lightf. fl. scot. p. 847.

Peltigera aphtosa Hoffm. pl. lich. 1. p. 28. t. 6. f. 1. fl. german. p. 107.

Hab. in sylvis subhumidis totius Lapponiæ parcius.

Hujus et præcedentis peltæ margines habent laceros ob membranam primum obtegentem; ita etiam *P. horizontalis*. Sed *Peltideæ venosæ* peltæ

marginibus gaudent integris, et reliquarum omnino immarginatæ sunt. Itaque vario modo differunt, ut habitu magis quam caractere junguntur.

845. *PELTIDEA horizontalis*: peltis subanticis subhorizontalibus badiis transversim oblongis, foliis glaucescentibus subtus albo-maculatis.

P. horizontalis *Achar. meth.* p. 288. *lichen. un.* p. 515.

Peltigera horizontalis *Hoffm. germ.* p. 107.

Lichen horizontalis *Wulf. in Jacq. coll.* 4. t. 16.

Lightf. scot. p. 849. *Engl. bot.* 13. t. 888.

Lichenoides subfuscum etc. *Dillen.* p. 205. t. 28. fig. 104.

Hab. in rupibus siccioribus umbrosis inter *Hypna* aliosque muscos frondosos *Laponniæ meridionalis* rarius. A me lecta ad *Tuggensele Laponniæ Umen-*sis copiose.

Venæ in pagina inferiore fusco-griseæ versus ambitum obliterantur, sed in disco folii maculas albissimas inter se relinquunt, quibus bene distinguitur hæc species.

846. *PELTIDEA venosa*: peltis subanticis horizontalibus fuscis, folio adscendente viridi subtus venis atris excurrentibus.

P. venosa *Achar. meth.* p. 282. *lichen. univ.* p. 514.

Lichen venosus *Linn. spec. n.* 1097. *Engl. bot.* 13. t. 887. *Lightf. scot.* p. 844.

Peltigera venosa *Hoffm. pl. lich.* p. 31. t. 6 f. 2.

Hab. in terræ marginibus umbrosissimis madidis juxta fluvios *Laponniæ sylvaticæ* passim copiose; sed ad rupes *Nordlandiæ inferalpinæ* ubique frequenter.

Venis suis ad margines folii undique excurrentibus ab omnibus aliis facillime distinguitur.

†† *Peltis posticis*; folio avenio.

847. *PELTIDEA resupinata*: peltis posticis subhorizontalibus marginalibus rufis, folio crispo castaneo-livido subtus pallescente pubescente granuloso.

P. resupinata *Achar. meth.* p. 289.

Lichen resupinatus *Linn. spec. n.* 1096. *Jacqu. collect.* 4. t. 12. f. 1. *Lightf. scot.* p. 843.

Nephroma resupinata *Achar. lich. univ.* p. 522.

β. *papyracea*: tenuior olivaceo - viridis, subtus lævis.

Peltigera papyracea *Hoffm. germ.* p. 108.

Hab. ad radices arborum frondosarum et ad saxa rupesque Lapponiæ sylvaticæ et inferalpinæ passim β. in subsylvaticis et alpinis ubique.

Peltæ a pagina inferiore folii distinguuntur mediante margine elevato acuto, et de cætero subhorizontalis sunt. Stratum foculare longe sub *pelta* procedit, sed demum evanescit. Pubescentia paginæ inferioris longe a præcedentium diversa, et ejusdem naturæ ac in *Lichene sylvatico*; verruculæ quoque albæ ejusdem indolis ac cyphellæ ejus. Pubescentia usque ad *peltarum* marginem procedit.

β. omnino lævis est, et habitu *L. herbaceum* apprimè refert.

848. *PELTIDEA arctica*: peltis posticis marginalibus dilatatis aurantiacis, folio expanso sulphureo subtus nigro avenio.

Lichen arcticus *Linn. supp. n.* 1099. *lapp. n.* 442.

Lichen grœnlandicus *Flor. dan. t.* 466.

Peltidea polaris *Achar. meth. p.* 288. *Flor. dan. t.* 1430.

Nephroma polaris *Achar. lichen. univ. p.* 521.

Hab. in terra alpestri subhumida Lapponiæ sylvaticæ, subalpinæ et inferalpinæ ubique frequenter.

Maxima pars lateris inferioris quæ terræ incumbit obtegitur villo aterrimo in venas tamen non disposito, adeo ut margines et lobi *peltigeri* tantum nudi ejusdem fere coloris ac latus superior. *Peltæ* omnino immarginatæ et nulla membrana unquam tectæ, paginæ inferiori omnino æquales vel contiguæ; nec ab epidermide paginæ superioris replicato ullo modo ortæ.

B O E O M Y C E S.

Achar. meth. lich. p. 321.

Receptaculum fructus tuberculiforme: tubercula convexa, hemisphærica, immarginata, bacillata, subinflata s. subtus inania demumque in medio pervia.

Seminula vix ulla ob tenuitatem insignem strati seminiferi.

1. CRUSTACEI.

849. *BOEOMYCES roseus*: crustaceus subleprosus albescens, tuberculis demum inflatis carneis.

B. roseus *Achar. meth.* pag. 321. *lichen. univ.* pag. 572.

Lichen ericetorum *Linn. svec. n.* 1068. *lappon. n.* 455. *Scop. flor. carn.* — *Achar. prodr.* pag. 81.

Lichen *Bœomyces Ehrh.* — *Hoffm. enum. lich.* p. 37. t. 8. f. 3.

Coralloides fungiforme carneum. *Dillen. musc.* p. 76. t. 14. f. 1.

Hab. in terra compactiore denudata sylvatica Laponiæ inferioris rarius.

Per ætatem tubercula rumpuntur et cavitatem exhibent omnino vacuam albam.

850. *BOEOMYCES rufus*: crustaceus granulosus virescenti-cinereus, tuberculis subbracteatis rufofuscis.

Lichen rufus *Huds. angl. 2.* p. 527. *Achar. prodr.* p. 82.

L. fungiformis Web. spic. p. 197. *Hoffm. enum. lich.* p. 38. t. 8. f. 2.

Bœomyces rupestris *δ. rufus Achar. meth. lich.* p. 322. *lich. univ.* p. 574.

Hab. in terra occulta macra ad semitas etc. Laponiæ sylvaticæ passim.

Hujus receptacula nunquam insigniter inflata vidi, sed primum patelli formia, demum in marginibus reflexis.

851. *BOEOMYCES placophyllus*: crustaceo-imbricatus corrugatus albo-glaucescens, lobis squarrosis subtus candidis, tuberculis subbracteatis rufofuscis simplicibus.

B. placophyllus Achar. meth. p. 325. t. 7. fig. 4. *lichen. univ.* p. 574.

Hab. in terra arenosa macra ad devias sylvarum Laponiæ inferioris rarius; ut etiam ad Sörtolden Nordlandiæ lectus.

Bacilli et tubercula omnino præcedentis, nisi paullo majora. Lobi ad ambitum crustæ adeo foliacei et elevati ut latus eorum inferius candidum bene patescit; de cætero subcartilaginei et ejusdem sub-

stantiæ ac in Scyphiferis veris, unde nexus omnium harum specierum facilius percipitur.

2. BACILLATI: bacillo solidiusculo.

852. BOEOMYCES *paschalis*: caule solido ramoso squamuloso-granulato, tuberculis explanatis fuscis.

Lichen paschalis *Linn. svec. n. 1120. lappon. n. 336. Flor. dan. t. 151. Gunn. norv. n. 268. Lightf. scot. p. 886.*

Coralloides paschale *Hoffm. pl. lich. p. 23. t. 5. f. 1.*

Stereocaulon paschale *Achar. meth. p. 315. lich. univ. p. 581. Mich. amer. 2. p. 331.*

β. nanum.

St. nanum *Achar. meth. p. 315.*

Hab. in campis sylvaticis apricis alpestribus et in al-
pibus omnibus tum supra terram ac lapides fre-
quenter.

Caulis adeo fibrosus ut *Usneas Achar.* apprime refert, quamquam crusta fragiliore haud obtectus. Tubercula primum re vera concaviuscula, mox vero dupplo triplove grandiora fiunt et tunc semper patellulam convexam referunt, demum in medio rum-
puntur et cavitatem seu hiatum subtus exhibent uti ceteri Bœomycides. De cætero fungosa sunt et tantum stratu pertenui fructificante obducta; quam ob causam non possum non hanc speciem huic generi annumerare, quamquam textura caulis differat eodem modo ac *Usnearum* a *Lichenibus* corniculatis.

853. BOEOMYCES *symphyca*rus: subacaulis squamaceus: squamis lobatis lividis subtus albidis, tuberculis fusco-nigris conglomeratis.

*B. symphyca*rus *Achar. meth. p. 326. (exclus. synonym. omnib.)*

*Cenomyce symphyca*ra *Achar. lichen. un. p. 568. (exclus. syn.)*

*Capitularia symphyca*ra *Flörke in Web. Beitr. 2. p. 281.*

Hab. in terra alpestri montium subalpinorum Lap-
poniæ; ex. gr. in monte Rousso-tjärro parœciæ
Enontekis Lapponiæ Tornensis copiose lectus.

Foliola squamæformia omnino ut in *Scyphife-
ris*, sed tubercula vix ac ne vix supra margines eo-
rum elevata, fere nigra.

854. *BOEOMYCES cariosus*: stipite solidiusculo erosso granulosoque cinereo diviso, tuberculis fuscis confertis.

B. cariosus *Achar. meth.* p. 326.

Lichen cariosus *Achar. in Nov. Act. Stockh.* 22. t. 4. f. 4. *prodr.* p. 198.

Cenomyce cariosa *Achar. lichen univ.* p. 567.

Hab. in humo sicciori e ligno putrefacto orta per Laponiam sylvaticam ubique parcius.

855. *BOEOMYCES botrytes*: stipite subfistuloso ramuloso læviusculo pallescente, tuberculis pallidis.

B. botrytes *Achar. meth.* p. 327.

Lichen botrytes *Hagen hist. lich.* p. 121. t. 2. f. 9. *Achar prodr.* p. 199.

Cenomyce botrytes *Achar. lichen. univ.* p. 569.

Hab. in caudicibus decisis et truncis arborum putrescentibus Laponiæ sylvaticæ ubique.

3. *SCYPHIFERI*: syphis clausis.

† tuberculis coccineis.

856. *BOEOMYCES cocciferus*: nudus subverrucosus, scypho stipiteque obconico subintegro pallido, tuberculis marginalibus coccineis.

B. cocciferus *Achar. meth.* p. 331. (partim)

Capitularia extensa *Flörke in Berlin. magaz.* 1808. p. 222.

Lichen cocciferus *Linn. spec. n.* 1109. *lappon.* n. 429. *Engl. bot.* 29. t. 2051.

Cenomyce coccifera. *Achar. lich. univ.* p. 537.

Coralloides — *Dillen. musc.* t. 14. f. 7. A. — I.

Hab. in terra campestri macera aprica totius Laponiæ sylvaticæ admodum frequenter.

Ob tubercula majora et copiosiora nomine cocciferi præ cæteris meretur. Color coccineus tum hujus ac sequentium eodem modo in atro-purpureum mutatur, quando in aqua detinentur vel seniores fiunt. Stipes deumum insigniter virescit.

857. *BOEOMYCES bellidiflorus*: glaber, stipite squamoso gracili, scyphis angustis, tuberculis marginalibus confertissimis coccineis.

B. bellidiflorus *Achar. meth.* p. 335.

Lichen bellidiflorus *Achar. in Nov. Act. Stockh.* 22. p. 218. t. 4. f. 1.

Capitularia bellidiflora Flörke in *Berlin. magaz.*
1808. p. 224.

Hab. in terra aprica montium subalpinorum passim
satis frequenter.

858. *BOEOMYCES plevrotus*: pulverulentus pallidus,
stipite sursum incrassato scyphoque ampliato sinuato radiatoque, tuberculis subdiscretis coccineis.

Capitularia plevrota Flörke in *Berlin. magaz.*
1808. p. 218.

Hab. in terra aprica alpestri cum *B. coccifero* passim.

Hic quasi *B. cocciferum* pulverulentum constituit, tamen omni respectu diversus est habitu gentiliori, simpliciore, magis æquabili (nunquam tuberculoso et scrobiculato), colore magis lutescente, tuberculis minoribus; discretis.

859. *BOEOMYCES macilentus*: pulverulento-granulatus albicans virescensque, stipitibus cylindricis ramulosis, scyphis subnullis angustatisque, tuberculis coccineis.

Capitularia macilenta Flörke in *Berlin. magaz.*
1808. p. 214.

Lichen macilentus Ehrh. *decad. n. 267. Schrad. crypt. Samml. n. 134.*

Bœomyces bacillaris δ. *macilentus* Achar. *meth. p. 330.*

Cenomyce bacillaris γ. *macilenta* Achar. *lich. un. p. 543.*

Coralloides Dillen. t. 14. f. 10. Ac. et Be. et t. 15. f. 19. C.

Hab. in terra aprica alpestri cum præcedentibus passim.

Hic plerumque in Svecia pro *L. digitato* venditur. Stipes ad basin et sub tuberculis evidenter virescit simulque granulis et interdum squamulis obtegatur, quo a præcedente et insequente bene distinguitur.

860. *BOEOMYCES deformis*: tenuissime pulverulentus sulphureus, stipite cylindrico subventricosus, scyphis urceolatis angustis crenatis, tuberculis coccineis.

B. deformis Achar. *meth. p. 334.*

Lichen deformis Linn. *svec. n. 1116. lappon. n. 433. t. 11. f. 5.*

Capitularia crenulata *Flörke in Berlin. magazin.*
1808. p. 219.

Hab. in terra campestri totius Laponniæ sylvaticæ et subalpinæ frequentissime.

Stipes plerumque ultrapollicem longus sustentat scyphum brevissimum stipite paullo tantum latiorrem crassum, extus pruina sulphurea semper tectum. Inferne stipes quidem virescens evadit, vix vero unquam granulatus.

861. *BOEMYCES digitatus*: granulato - pulverulentus flavescens, foliolis radicalibus expansis subtus pulverulentis, stipitibus cylindricis, scyphis angustatis subanipullaceis demum difformibus, tuberculis coccineis.

Lichen digitatus *Linn. svec. n. 1114. lapp. n. 436.*

Capitularia digitata *Flörke in Berlin. mag. 1808.*
p. 216.

Boeomyces digitatus *Achar. meth. p. 353.*

B. bacillaris *Achar. meth. p. 329. (junior).*

Coralloides *Dillen. t. 15. f. 19. A. B.*

Hab. in caudicibus putridis arborum præcipue pini totius Laponniæ sylvaticæ passim; ut etiam in muscis putridis per alpes minores usque ad Verret-havn prope Måsoam Finmarkiæ.

Foliola radicalia sæpius dimidiam longitudinem stipitis emetiuntur, plerumque eximie flavescencia et facile dignoscenda.

†† Tuberculis fuscis s. fuscescentibus.

862. *BOEMYCES pyxidatus*: pulverulentus virescenti - cinereus æquabilis, stipite obconico scyphoque dilatato demumque radiato, tuberculis fuscis.

B. pyxidatus *Achar. prodr. p. 337.*

Capitularia pyxidata *Flörk. in Web. Beytr. 2.*
p. 287. et *in Berlin. magaz. 1808. p. 156.*
tab. 2.

Lichen pyxidatus *Linn. svec. n. 1111. lappon.*
n. 428.

Coralloides *Dillen. t. 14. f. 6. A. C. I.*

Lichen radiatus *Schreb. — Achar. prodr. p. 190.*

Dillen. t. 15. f. 16. A. B. Flörke l. c.
fig. 9 - 12.

Lichen fimbriatus (form. jun.) *Linn. svec. n. 1112.*
lappon. n. 450. Dillen. musc. t. 14. f. 8.
Flörke in Berlin. Magaz. l. c. f. 28-30.

L. cornutus (forma sterilis) *Linn. svec. n. 1115.*
lappon. n. 454. Dillen. t. 15. f. 14. A. D. E.

β. longipes: stipite cylindrico gracili albescente.

Capit. pyxidata *β. longipes Flörke in Berlin. magaz. 1808. p. 159.*

Hab. in campis sylvarum supra terram e ligno putrido ortam per totam Lapponiam sylvaticam passim.

Superficie sua pulverulenta æquabili cinerascente optime distinguitur hæc species, quæ forma mirum in modum ludit uti eximie demonstravit Cel. *Flörke in Berlin. magaz.* — Speciminibus certissime determinatis omnium Boeomycidum me amicissime donavit Cl. *Flörke*, unde ejus denominationes omnium certissime citare possum.

863. *BOEOMYCES neglectus*: glaber verrucosus virenti-griseus, stipite elongato sursum turbinato, scypho regulari margine extenuato, tuberculis subpedicellatis fuscis.

Capitularia neglecta *Flörk. in Web. beytr. 2. p. 306.*

Coralloides. — *Dillen. t. 14. f. 9. A.*

Hab. in campis sylvarum præcipue in ligno prutescente Lapponiæ sylvaticæ frequentissime.

Hanc vulgatissimam speciem semper pro *L. pyxidato Linn.* habuimus.

864. *BOEOMYCES verticillatus*: glaber læviusculus, stipitibus fibuliformibus, scyphis regularibus planiusculis e fundo proliferis, tuberculis marginalibus sessilibus fuscis.

Capitularia verticillata *Flörke in Web. beytr. 2. p. 283.*

Bœomyces turbinatus γ. verticillatus Ach. meth. p. 340.

Lichen — centro simpliciter prolifero. *Linn. flor. lapp. n. 431. (sub L. cornucopioide in Fl. svec.)*

Coralloides — *Dillen. t. 14. f. 6. D-H.*

Hab. in terra aprica macra glareosa per totam Lapponiam sylvaticam usque in subalpinam ubique frequentissime.

Singularis admodum species scyphis suis parvis regularibus per proliferationem centram simplicem in verticillos vel annulos tuberculiferos abeuntibus.

865. *BOEOMYCES degenerans*: glaber subverrucosus demum nigrescens alboque guttatus, stipite subdichotomo polymorpha, scyphis irregularibus fissis cristatisque: proliferationibus demum squamosis, tuberculis fuscis.

Capitularia degenerans Flörke in *Web. beytr.* 2. p. 308.

Coralloides Dillen. musc. t. 15. f. 20.

- ♂. *trachyna*: stipitibus cylindricis nudiusculis, scyphis minoribus fimbriatis.

Cap. degenerans trachyna Flörk. l. c. p. 316.

Boeomyces trachynus Achar. *meth.* p. 348.

Hab. uti præcedens in terra aprica macra per Lapponiam omnem usque ad regionem subalpinam frequentissime.

Scyphi e margine varie admodum ramificant ramosque etiam steriles exserunt.

866. *BOEOMYCES gracilis*: lævigatus lividus, stipitibus filiformibus divisis fastigiatisque: apicibus subulatis, scyphis minutis cyathiformibus dentatis, tuberculis pedicellatis fuscis.

B. gracilis Achar. *meth.* p. 344.

Capitularia gracilis Flörke in *Web. beytr.* 2. p. 322.

Lichen gracilis Linn. *spec. n.* 1113. *Lightf. fl. scot.* p. 873. *Engl. bot.* 18. t. 1284.

Cenomyce ecmocyna γ. *gracilis* Achar. *lichen. univ.* p. 550.

Coralloides scyphiforme serratum etc. *Dillen. musc.* p. 88. t. 14. f. 13. A. D.

Hab. in terra sylvatica et in truncis arborum dejectis per totam Lapponiam vulgatissime.

867. *BOEOMYCES amaurocræus*: lævis pallidus fruticuloso-dichotomus: apicibus subulatis fusconigrescentibus, scyphis angustis planiusculis intus cribrosis margine nigro-radiatis.

Capitularia amaurocræa Flörke in *Web. beytr.* 2. p. 334.

Cenomyce uncialis γ. *bolacina*. Achar. *lichen. univ.* p. 559. (sec. ips. Acharii determ.)

Coralloides — *Dillen.* t. 14. f. 13. E.?

Hab. in terra sicca aprica tum sylvestri ac subalpina frequenter. In monte subalpino Vallivaara prope Naimacka Lapponiæ Tornensis specimina copiosa collegi cum *Hypno rugoso*.

Habitu toto cum *B. fruticulosus* vel perforatus convenit, sed scyphi ejus clausi et tantum cribrati hujus subdivisionis esse satis indicant.

4. FRUTICULOSI: scyphis apertis vel axillis perforatis præditi.

868. *BOEOMYCES crispatus*: lævis fruticulosus dichotomus albescens, axillis dilatatis intundibuliformibus dentatis cristatisque, scyphis planiusculis fundo apertis limbriatis.

Capitularia crispata Flörke MS.

Boeomyces turbinatus ♀. *crispatus* Achar. meth. p. 341.

Cenomyce allotropa ♀. *crispata* Achar. lichen. un. p. 555.

Hab. in terra sicca alpestri usque ad montes subalpinos Lapponiarum omnium frequentissime.

Ob axillas suas scyphorum instar dilatatas Lichenes scyphiferos magis refert quam præcedens, sed hi scyphi spurii omni fundo carent. In apicibus ramorum passim adsunt alii scyphi spurii pateriformes fere ut in *B. gracili*.

869. *BOEOMYCES squamosus*: granulatus squamosusque, stipite ramoso elongato subventricoso, scyphis pateriformibus perviis, tuberculis fusciscentibus.

Capitularia squamosa Flörke MS.

Cladonia squamosa Hoffm. fl. germ. p. 125.

Boeomyces sparassus Achar. meth. lich. p. 546.

Cenomyce allotropa ♂. *sparassa* Achar. lich. univ. p. 556.

Coralloides Dillen. t. 15. f. 17.

Hab. in caudicibus truncisque putrescentibus sylvarum totius Lapponiæ ubique. Specimina collegi etiam ad Kierringöam præfecturæ Saltensis Nordlandiæ.

Hujus stipites vetustiores squamis vel potius foliolis majoribus magis multifidis obtekti sunt quam in ulla alia specie. Pedunculi scyphorum elongati: scyphis subintegris. Stipes haud dichotomus.

tomus ut in præcedente, sed passim divisus uti *B. cariosi*.

870. *BOEOMYCES racemosus*: squamosus virescens, stipitibus demum inflatis curvatis, ramis subsecundis, apicibus divergentibus spinulosis.

Cladonia racemosa Hoffm. fl. germ. p. 114.

Boeomyces spinosus Achar. meth. p. 358.

Lichen spinosus Huds. angl. p. 459. *Lightf. scot.* p. 882.

Cenomyce furcata spinosa Achar. lich. un. p. 562.

Coralloides sparsum, caulibus tortuosis etc. Dillen. musc. p. 101. t. 16. f. 25.

Hab. in truncis arborum dejectis putrescentibus Lapponiæ sylvaticæ passim.

Caule suo crasso difformi et inflato præcedentibus similior est quam sequentibus.

871. *BOEOMYCES uncialis*: lævis pallidus dichotomus, axillis perforatis apertis, apicibus patentibus brevibus rigidis fusciscentibus.

B. uncialis Flörke in Wetter. Annal. 1809. p. 98. *Achar. meth.* p. 352.

Lichen uncialis Linn. svec. n. 1118. *lappon. n.* 438. *Achar. prodr.* p. 201. *Lightf. scot.* p. 880.

Cenomyce uncialis Achar. lich. univ. p. 558.

Coralloides perforatum minus. Dillen. p. 99. t. 16. f. 22.

Boeom. aduncus Achar. meth. p. 353.

Hab. in terra macra et saxis sylvarum ubique frequentissime.

872. *BOEOMYCES furcatus*: lævis lividus dichotomus, axillis imperforatis, ramis acicularibus curvatis, apicibus furcatis divergentibus.

B. furcatus Achar. meth. p. 357.

Cladonia furcata Hoffm. germ. p. 115.

Lichen furcatus Huds. angl. p. 458.

Coralloides corniculis brev. Dillen. p. 104. t. 16. fig. 27.

β . *subulatus*: caule extenuato parcius ramoso aciculari.

B. subulatus Achar. meth. p. 357.

Lichen subulatus Linn. svec. n. 1119. *lappon. n.* 435.

Cenomyce ecmocyna γ . *subulata*. *Achar. lichen. un.* p. 550.

Coralloides corniculis longis. *Dillen.* p. 102. t. 16. fig. 26.

Hab. in ericetis sylvaticis totius Lapponiæ frequenter.

Quomodo *Cel. Acharius Boeom. subulatum* nunquam *scyphiferum* cum *Boeomycide gracili* semper *scyphis* perfectis prædito conjungere potuit, mihi non constat.

873. *BOEOMYCES rangiferinus*: cinerascens fruticulosus ramosissimus trichotomus, axillis per-tusis, apicibus nutantibus.

B. rangiferinus *Achar. meth.* p. 355.

Lichen rangiferinus *Linn. svec. n.* 1117. *lappon. n.* 437. *Achar. prodr.* p. 202. *Lightf. scot.* p. 877.

Cenomyce rangiferina *Achar. lich. univ.* p. 564.

Coralloides - *ubique candicans* *Dillen.* p. 107. t. 16. f. 29.

β . *alpestris*: ramulis implexis fastigiatis. *Achar. meth.* p. 356.

γ . *pungens*: apicibus ramulorum mucronatis divergentibus.

B. pungens *Achar. meth.* p. 354.

Cladonia rangiformis *Hoffm. germ.* p. 114.

Cenomyce furcata ζ . *pungens* *Achar. lich. univ.* p. 562.

Coralloides - *corniculis rufescent.* *Dillen.* p. 110. t. 16. f. 30.

Lapponibus *Wiste.* Fennonibus *Jäkälä* s. *Peuran-jäkälä*.

Hab. in campis siccioribus sylvarum omnium frequentissime; in subsylvaticis totam terram laponnicam tegit; in subalpinis quoque frequenter, sed in ipsis alpibus parcius.

874. *BOEOMYCES vermicularis*: albissimus simpliciusculus subfiliformis prostratus fistulosus.

B. vermicularis *Achar. meth.* p. 359. *Engl. bot.* 29. t. 2029. bona.

Lichen vermicularis *Dicks. crypt. 2.* p. 23. t. 6. fig. 10.

Cladonia subuliformis *Hoffm. pl. lich. 2.* p. 15. t. 29. f. 1. — 3.

Cenomyce vermicularis *Achar. lich. univ.* p. 566.
 Hab. in terra uliginosa alpestri Lapponiæ subalpinæ
 rarius.

Eximie fistulosus est: cavitare omnino lævissima nec ullis rudimentis cellulosæ evanescentis ob-
 sita; unde non potest non a *B. ceratite* diversus
 esse.

875. **BOEOMYCES** *ceratites*: albissimus solidus
 teres subdivisus, ramis lævissimis conoideis ob-
 tusiusculis.

Hab. in terra nuda succosa subinundata alpium ma-
 ritimarum Nordlandiæ meridionalis passim co-
 piose ex. gr. in alpe Kierringen et in Schollen pro-
 pe Rörstad.

B. taurico certe proximus et toto habitu satis
 similis, sed ob soliditatem completam et constan-
 tem non potest non distingvi. Interdum subde-
 cumbens est et magis discretus; plerumque vero
 cæspitose crescit, omnino erectus, inferne divisus
 et sulcatus vel longitudinaliter rugosus; apicibus
 subincrassatis omnino solidis. Sub epidermide opa-
 ca reperitur stratum fæculiferum virescens, unde
 color leviter glaucescens superficiali.

E N D O C A R P O N.

Hedwig. stirp. 2. tab. 20. A.

Receptaculum fructus verruciforme, clausum: ver-
 rucae e folio formatæ, intus seminuliferæ, ostio-
 lo plerumque discolore se aperientes.

Seminula bina ternaque in perispermio lineari.

876. **ENDOCARPON** *pertusum*: crusta subcartilagi-
 nea glebulosa albicante, verrucis aggregatis in
 singula glebula, ostiolo nigro pertuso.

Lichen pertusus *Linn. syst. nat. Engl. bot.* 10.
 t. 677. *Achar. prodr.* p. 17. *Hoffm. enum.*
lich. p. 16. t. 3. f. 3. *Lightf. scot.* p. 802.

Thelotrema pertusum *Achar. meth.* n. 131.

Porina pertusa *Achar. lichenogr. univ.* p. 308.

Lichenoides verrucosum etc. *Dillen.* p. 128. t. 18.
 fig. 9.

Hab. in cortice arborum frondosarum Lapponiæ syl-
 vaticæ rarissime: ex. gr. in Salice pentandra ad
 Ivalojoeki Enarenseni, et prope Kierringöam Nord-
 landiæ Saltensis lectum.

Quæ in Enare legi exemplaria optima sunt: crusta omnino albida, et ostiola in glebulis crustæ nigra bene formata. Verrucæ in glebula singula sitæ haud intus confluent, sed parietibus suis tantum contiguæ sunt. Interdum quoque una verruca in singula glebula adest. De cætero verrucarum parietes omnino ejusdem substantiæ et coloris ac crusta, et nonnisi ostiolum supremum nigricans. Itaque me judice ab Endocarpo genere haud essentialiter differt. Neque *L. lepadinum* ab hoc genere removere volui.

877. ENDOCARPON *sinopicum*: crusta areolata sublobata effigurataque virenti-rubiginosa, ostiolis impressis nigris.

E. sinopicum *Wahlenb. in Ach. met. sup. 30. Achar. lich. univ. p. 297.*

Hab. in lapidibus siccis cariosis micaceis ad latera alpium et montium alpestrium passim copiose.

Siccum ruberrimum est, sed humidum virescit præcipue in centro idque ob stratum fæculare viride translucens. Ambitus autem in humido spadiceus evadit. Tale stratum fæculare viride in nullo alio Lichene rubro adest, et subfoliaceam hujus naturam satis indicat. Receptacula ejus immersa a strato viridi undique circumdantur, et per se subhyalina sunt, nec nisi orificio nigro prædita, itaque certe hujus nec Verrucarix generis. Sed interdum orificium verrucæ dilatatur in discum nigrum, quo in statu urceolatum evadit receptaculum.

L. sinopicus *Engl. bot. 25. t. 1776.* haud nobis satisfacit, quia ambitum lobatum omittit.

878. ENDOCARPON *smaragdulum*: crustaceo-scutatum minutum subrotundum viridi-luteum, ostiolis verrucarum impressis rufo-fuscis.

E. smaragdulum *Wahlenb. in Ach. meth. suppl. p. 29. lichen. univ. p. 298.*

Hab. in petrarum rimis scrobiculisque siccioribus prope mare septentrionale Finmarkiæ rarius copiose ex. gr. ad Altenfjord et ad Værethavn prope Måsöam.

Adeo cartilagineum et fragile est, ut quamquam a lapide undique solutum, tamen neutiquam flexibile. Itaque quod ad substantiam præcedenti proximum, ut etiam conformatione receptaculorum. Scutum

illud parvum quod constituit ultra duas vel tres lineas latum non est, plerumque excentrice sulcatum. Color in vetustioribus exemplaribus prope ambitum nonnihil rufescit. Receptacula approximata et interdum subaperta vel urceolata ut in præcedente, ut qui utrasque has species ad Lichenes refert parum errat; ostiolum enim verrucarum vix nisi discus punctiformis receptaculi occulti esse videtur.

879. ENDOCARPON *tephroides*: subfoliolosum adnatum lobatum rimulosum cinerascens, verrucis elevatis nigris.

E. *tephroides* Achar. meth. p. 129. Lichen. univ. p. 297. Engl. bot. 28. t. 2013. bona.

E. *hygrobium* Wahlenb. in Ach. meth. suppl. p. 28.

Lichen fuscillus Turner. in Transact. Linn. 7. p. 90. t. 8. f. 2. (secund. specim.)

Hab. in terra atra ad rupes et declivia præcipue ab aqua nivali irrigata per totam Finmarkiam et Nordlandiam inferalpinam fere ubique.

Foliolum quamquam minimum tamen coriaceæ substantiæ est, et nullum stratum viride continet. Superficies ejus mollis et fere alutaria vel rugulosa; margo paullum obscurior et subtus nigrescens; de cætero paginam inferiorem haud denuddare potui ob adnatam terram. Receptacula elevata et tota magis nigrescentia quam in reliquis.

880. ENDOCARPON *Hedwigii*: foliolosum subcartilagineum discretum subrotundum lobatumve olivaceum subtus pallens, verrucis nigrofuscis.

E. *Hedwigii* Achar. meth. p. 125.

E. pusillum Hedw. stirp. 2. p. 56. t. 20.

E. *hepaticum* mihi olim — Achar. lichen. univ. p. 298.

β. *lachneum* foliolis aggregatis subimbricatis.

E. *lachneum* Achar. meth. p. 127. lichen. un. p. 239.

L. *lachneus* Achar. prodr. p. 140. Engl. bot. 24. t. 1698.

Hab. in terra denudata ad rupes lateraque declivia montium inferalpinorum Finmarkiæ et Nordlandiæ rarius; et β. in ipsis rupibus earumque rimis paullo copiosius.

Secundum exemplar *E. Hedwigii* a. b. m. *Mohr* missum idem est ac nostrum *E. hepaticum*; ut etiam β . cum exemplare *E. lachnei* a *Cel. Achario* dato convenit. Itaque de synonymis nullum mihi dubium. Color prope centrum foliolilurido-olivaceus, sed marginis magis virens; in sicco autem hepaticus plus minusve dicitur.

β . subter margines quoque pallens est, sed ubi lapidi incumbit nigrescit, quæ nigredo in α . haud patet ob terram adnatam. Itaque essentialiter non differt. Color in sicco magis lividus in humido viridior quam in α . Nec mirum est quod foliola in rimis rupium aggregantur, quæ in terra dispersim nascuntur.

881. ENDOCARPON *miniaturum*: subumbilicatum complicatum rigidum cinerascens subtus læve rugulosum fulvescens.

E. miniaturum *Achar. meth.* p. 127. *lich. univ.* p. 302.

Lichen miniatus *Linn. spec. plant.* p. 1617.

Engl. bot. 9. t. 593. opt. *Lightf. scot.* p. 857.

Endocarpon complicatum *Achar. meth.* p. 128.

Lichenoides coriac. — subtus fulvum. *Dillen.* p. 223. t. 30. f. 127.

β . *pusillum*: *E. euplocum* *Achar. meth.* p. 127. t. 3. f. 4. *lichen. univ.* p. 301.

L. leptophyllus *Engl. bot.* 28. t. 2012. f. 1.

Hab. in nudis rupibus apricis rarius irrigatis Finmarkiæ et Nordlandiæ inferalpinæ passim.

Humidum prope margines vix virescit, et discus folii semper cinerascens permanet. Lobi occultati foliorum utrinque fulvescunt; sed ubi latus inferius cælo obvertitur color ejus fulvescens in fuscescentem abit et sic me judice *E. complicatum* nascitur, quod varietatem hujus esse crediderim. Nec *E. euplocum* nisi minuta hujus foliola est, qualia etiam Finmarkiæ legi.

882. ENDOCARPON *fluviatile*: subumbilicatum complicatum corrugatumque lævigatum, lobis imbricatis concavis olivaceis subtus subcervinis.

E. Weberi *Achar. meth.* p. 128. *lichen. univ.* p. 304.

Lichen fluviatilis *Web. spicil.* p. 265. t. 4. *Ehrh. dec.* 4. n. 39.

L. aquaticus *Engl. bot.* 9. t. 594. opt.

L. miniatus β . *complicatus* *Lightf. scot.* p. 858.

Platisma aquaticum *Hoffm. pl. lichen.* 2. p. 64. t. 45. f. 1. — 5.

Lichenoides imbr. luridum. *Dillen.* p. 224. t. 30. f. 128.

Hab. sub aqua rivulorum et fluminum minorum lapidibus denudatis adhærens Lapponiæ sylvaticæ infimæ rarius.

Multo tenuius est quam præcedens, sed exsiccatum fragilissimum supra margaritacei coloris. In humido verum pulchre viridi-olivaceum magis flexile quam præcedens. Utrinque semper lævigatum est. His notis utique distingui potest. Lobi ejus dupplo triplove minores quam folia præcedentis.

883. ENDOCARPON! *phylliscum*: subgelatinosum peltatum inciso-lobulatum fusco-atrum, marginibus verrucisque tumidis.

E. phylliscum *Wahlenb. in Achar. meth. Suppl.* p. 25. *Achar. lich. univ.* p. 300.

Icon tab. nostr. XXIX. fig. 2.

Hab. in parietibus rupium aqua nivali madefactis Finmarkiæ inferalpinæ passim frequenter; demum etiam Elfdaliæ in Vermlandia quoque lectum.

Distinctissima et optima hujus generis species. Folium siccum adeo tenue et aterrinum ut Gyromii cujusdam folium refert, sed in aqua eximie tumet et fuscescit (neutiquam vero virescit ut gelatinosi Lichenes plerique) et simul pelluciditatem quandam prodit. Rosulas linea bis terve latiores constituit, lobulis suis undulatis interdum subimbricatis fere subglobosis insignes. Verrucæ quoque hemisphæri instar protuberant, ostiolo semper pertusæ; de cætero ejusdem subgelatinosæ vel gelatinoso-coriaceæ substantiæ ac folium.

Explicatio iconis: a. frons tota peltata magn. nat. — b. eadem magn. 8: es auct. — c. ejusdem sectio perpendicularis cum sectis duobus receptaculis magn. 20: es auct.

C. Heterothalamae:

receptaculis corneis s. alius substantiæ quam truncus.

V E R R U C A R I A.

Acharii meth. p. 113.

Receptaculum fructus verruciforme, clausum: verrucæ corneæ, intus seminuliferæ, ostiolo concolori se aperientes.

Seminula nuda sine perispermio, vixque concatenate.

884. VERRUCARIA *epidermidis*: crusta tenuissima lactea, verrucis oblongatis depressis, ostiolo eminente.

V. *epidermidis* *Achar. meth. p. 113. lich. univ. p. 276.*

Hab. in epidermide Betularum passim.

885. VERRUCARIA *umbrina*: crusta subgelatinosa subgranulosa determinata umbrino-fusca, verrucis subgranulatis ostiolo eminente nudo.

V. *umbrina* *Achar. meth. p. 122. lich. univ. pag. 231.*

V. *fusca* *Persoon. —*

V. *antiquitatis* *Flörke in Berl. mag. 1807. p. 17.*

Hab. in lapidibus juxta littora maris Finmarkiæ et Nordlandiæ passim.

Verrucæ quidem elevatae sunt, sed crustæ granulis adeo superfusæ ut nonnisi apex earum emergit.

886. VERRUCARIA *clopima*: crusta subtartarea rimuloso-tuberculata fusca intus albescente, verrucis in crustæ tuberculis majoribus immersis supra concaviusculis ostiolo eminente.

V. *clopima* *Wahlenb. in Achar. meth. sup. 19. Achar. lichen. univ. p. 287.*

Hab. in rupibus inferalpinis aqua nivali sæpe irrigatis umbrosisque Finmarkiæ Nordlandiæque passim.

Tota sua constructione valde memorabilis est. Crustæ tubercula omnia lævigata sunt (nec ullo modo granulata), intus albescentia præcipue in statu exsiccato. Tubercula fructifera quoque intus albescentia, sed receptacula omnia aterrima. Verrucæ in tuberculis propriis adeo immersæ ut vix super-eminent;

eminent; de cætero per se submarginatæ et inde concaviusculæ, ostiolo tantum centrali elevato.

887. *VERRUCARIA fuliginea*: crusta pulveracea inæquali subfloccosa aterrima, verrucis in crustæ acervulis immersis indeque marginatis papillæformibus.

V. lignyota *Wahlenb. in Achar. meth. Suppl.*
p. 20. *Achar. lich. univ.* p. 287.

V. fuliginosa *Wahlenb. itin. lapp.*

Hab. in rupibus ab aqua nivali perfusis Finmarkiæ raro ex. gr. ad Refsbotten sinus Altensis copiose lecta.

Fuliginem frustuloso-flocculosam adeo refert, ut nihil similis. Pulveracea re vera est, quamquam e pulvere tenuissimo haud composita. Verrucæ minores quam in plerisque cæteris, in tuberculis flocculosis crustæ adeo occultatæ ut nonnisi apiculus punctiformis intra marginem tumidulum tuberculorum apparet. Aquam avidè imbibit et inde turget, quo subgelatinosa natura forsàn prodit; sed semper aterrima opaca manet.

888. *VERRUCARIA margacea*: crusta inæquali rugosa cinerea, verrucis conoideis papillatis concoloribus.

Thelotrema margaceum *Wahlenb. in Ach. meth. Suppl.* p. 30.

Pyrenula margacea *Achar. lichen. univ.* p. 315.
t. 5. f. 3.

β. æthiobola: verrucis tumidis denudatis, crusta fuscescente.

V. æthiobola *Wahlenb. in Achar. meth. Suppl.*
p. 17. *Achar. lichen. univ.* p. 292.

Hab. in petris ab aqua nivali sæpe irrigatis inferalpinis Nordlandiæ et Finmarkiæ rarius.

Postquam nunc de cornea substantia receptaculi *V. margacæ* convictus sum, non possum non eam huc reponere verum etiam *V. æthiobolam* varietatis loco subungere. In *α.* crusta supra receptaculum adeo effusa est ut vix nisi apex ejus nigricans apparet. De cætero quoque receptacula minora parumque tumentia.

E contra *β. æthiobolæ* receptacula nonnisi basi occultantur, et tumida instar sphæricularum eminent; ostiolo sæpius depresso. Crustam ejus interdum

nigrescentem vidi, aliquando etiam subcineream; nunquam vero rimulosam.

889. VERRUCARIA *aractina*: crusta æquabili rimulosa subnitida punctato-scabrida aterrima, verrucis conoideis supra plano-impressis.

V. aractina *Wahlenb. in Achar. meth. Suppl.* p. 17. *Ach. lichen. univ.* p. 292.

Hab. in petris littoralibus aqua marina sæpe adspersis per totam Finmarkiam et Nordlandiam frequenter.

Durioris substantiæ est quam omnes reliquæ, et inde superficies valde compacta et nitidula, nec nisi tenuissime rimulosa: rimulis vix confluentibus.

890. VERRUCARIA *maura*: crusta æquabili rimosissima lævigata aterrima, verrucis minutis occultis apice prominentibus.

V. maura *Wahlenb. in Achar. meth. suppl.* p. 19. *Achar. lich. univ.* p. 291.

Hab. in saxis petrisque maritimis aqua marina interdum perfusis Finmarkiæ et Nordlandiæ ubique.

Crusta crassior est quam præcedentis, simulque opacior, rimoso-frustulosa, aquam citius imbibens, quo gelatinosior esse videtur. Frustula receptaculifera majora sunt reliquis, sed vix elevatiora vel convexiora. Apex verrucarum tantum apparet ut punctum elevatum. Tota substantia interna aterrima.

891. VERRUCARIA *striatula*: crusta dendritica virenti-atra limitata, radiis convexis ramosis, verrucis conoideis supra excavatis.

V. striatula *Wahlenb. in Achar. meth. suppl.* p. 21. *Achar. lich. univ.* p. 293.

Hab. in petra littorali sub fluxu maris sæpehumectata ad Påsekäv sinus Altensis Finmarkiæ rarius.

Ubi tenuior est virentiam quandam ostendit versus lucem posita, qua a præcedentibus bene distingvitur et ad sequentes accedit. Sed albedinem quandam in verrucis haud detegere potui, nisi nitorem partis sectæ vellem. De cætero verrucæ magis difformessunt quam in ulla alia, plerumque tamen ejusdem magnitudinis ac in *V. aractina*.

892. VERRUCARIA *mucosa*: crusta gelatinoso-mucosa lævissima nigro-virescente, verrucis minutis immersis ostiolo prominente.

V. mucosa *Wahlenb. in Ach. meth. suppl.* p. 23.
Achar. lichen. univ. p. 282.

Hab. in petris maritimis sub fluxu semper aqua immersis Finmarkiæ et Nordlandiæ frequenter.

Ubi crassior est crusta in humido fere nigra evadit, sed margines ejus effusi semper virescunt. Quamquam admodum gelatinosa est simulque crassiuscula, vix rimulas unquam agit exsiccando. Verrucæ ejus punctiformes in crusta sicca facile inveniuntur ostiolis suis atris, sed in humida omnino obliterantur nec supra crustam ulterius prominent.

893. *VERRUCARIA cevthocarpa*: crusta subgelatinosa determinata rimoso-radiata crenata atra, verrucis minutis immersis apiculo prominente.

V. cevthocarpa *Wahlenb. in Achar. meth. suppl.* p. 22. *Achar. lich. univ.* p. 283.

Hab. in foveolis petrarum aquam marinam retinentibus Finmarkiæ passim copiose.

Crusta semper determinata maculas orbiculares efficiens, semperque aterrima sine margine vel effusione ulla virente. Ambitus crustæ in sicco pulchre rimoso-radiatus, qui radii tamen in humido obliterantur vel confluent. Verrucæ omnino ut in præcedente, sed ob crustam concolorem adhuc difficiliores inventu. In medio ita frustulosa est ut vix dimidiam superficiem lapidis obtegit, quo ab omnibus præcedentibus longe differt; nec hæc frustula humectatione unquam confluent.

O P E G R A P H A.

Acharii meth. p. 16.

Receptaculum fructus corneum lineare subapertum: disco lineari intra margines paralellas.

894. *OPEGRAPHA astroidea*: crusta tenuissima lævigata albescente, lineolis depressis planiusculis stellatim fissis radiatisque.

O. astroidea *Achar. meth.* p. 25. *Engl. bot.* 25. t. 1847. bona.

Arthonia radiata β . *astroidea* *Achar. lich. univ.* p. 144.

Hab. in cortice lævi Alni incanæ et Sorbi Aucupariæ Lapponiæ rarius, vixque nisi ad Polmak Finmarkiæ orientalis visa.

Mirum sane quod unica est hujus generis species in Lapponia obvia, dum *O. parallellam* excipias ad *Hysteria* relatum.

LECIDEA.

Acharii meth. lichen. p. 32.

Receptaculum fructus corneum, scutelliforme, apertum: scutellæ orbiculares, subimmarginatæ s. margine ejusdem substantiæ ac discus.

Seminula nuda (sine perispermio) in disco scutellarum coacervata vixque concatenata.

I. CRUSTACEAE.

895. *LECIDEA tigillaris*: crusta verrucosa glebulosa-que glabra citrina, scutellis in verrucis crustæ elevatis planis tumide marginatis atris.

L. tigillaris Achar. meth. p. 46. t. 2. f. 1. lich. univ. p. 164.

Lichen tigillaris Achar. prodr. p. 67.

Hab. in lignis denudatis fissisque utpote trabibus perpendicularibus, parietibus ligneis septentrionem versus etc. per Lapponiam tam sylvaticam quam subalpinam passim copiose.

Optimam ideam hujus generis præbet, qua percepta de caractere distinctivo nullus dubitet. Discus scutellæ e pulverulenta compage constat, quam quod ad maximam partem seminula constituunt. Hæc compages omnino aterrima est, nec contextum quendam penicillatim extrorsum vergentem exhibet ut in Lichenibus veris. Sub hac positum est ipsum receptaculum lamellam itidem aterrimam corneam referens. Itaque adeo Caliciis convenit, ut si genus Lecideæ expungeretur hanc speciem potius ad Calicia relatum voluissem quam cum Lichenibus cæteris confusam. Fundus scutellarum fere urceolatus est et tam profunde demersus ut totam fere crustam penetrat, quo etiam longa diversitas a Lichenibus optime patet; insuper omnino ab eadem substantia atra clausus. Crusta primum quidem e glebulis vel guttis discretis efficitur, sed demum adeo conflunt hæ glebulæ, ut areolata dici haud meretur; de cætero tenacioris ne dicam magis cartilagineæ substantiæ est quam reliquarum. Color ejus citrinus vel flavo-virens in supremo stratu vel epi-

dermide omnino sedet et inde neutiquam mutatur.

Pleræque vero species insequentes hujus characteris plus minusve participes sunt, itaque incertum numne nonnullæ earum ad Lichenem potius referendæ. Quæ stratum subpellucens seminuliferum in receptaculo carbonaceo crassissimo habent ut ex. gr. *L. Wahlenbergii*, *rubiformis*, non possunt alibi locum obtinere. Aliæ vero superficiem aterrimam duriusculam habent totum fructum undique ambientem, sed modiolus subpellucidus est, et hæ majorem numerum constituunt hujusque generis magis dubiæ sunt.

896. *LECIDEA parasema*: crusta tenui contigua cinerascente nigro-limitata, scutellis explanatis marginatis atris intus nigricantibus.

L. parasema Achar. meth. p. 35. *lichen. univ.* p. 175.

Verruc. punctata Hoffm. fl. germ. p. 192.

Lichen sangvinarius Hoffm. enum. lichen. p. 27. t. 5. f. 3. 4.

β. elæochroma: crusta rugoso-granulata virescente, scutellis subæruginosi.

γ. punctiformis: crusta subnulla, scutellis plerumque convexis.

Verrucaria punctiformis Hoffm. germ. p. 193.

Hab. in cortice læviore Alni incanæ totius Lapponiæ sylvaticæ passim; *β.* præcipue in Salice capræa Finmarkiæ et Nordlandiæ inferalpinæ frequenter lecta; *γ.* in nudo ligno ubique frequentissime.

Varietas *β.* adeo differt, ut distinctam speciem forsân constitueret. Crusta ejus crassiuscula maculas minores guttarum instar refert, et nullis lineis nigricantibus limitata est. Scutellæ crebriores sed simul minores quam in *α.* rore virescente superfusæ, demum aterrimæ; disco asperiore.

897. *LECIDEA sangvinaria*: crusta leprosa subverrucosa albicante, scutellis hemisphæricis atris subreceptaculo sangvineis.

L. sangvinaria Achar. meth. p. 39. *lichen. univ.* pag. 170.

Lichen sangvinarius Linn. svec. n. 1060. Lightf. fl. scot. p. 803. Ehrh. Beitr. 5. p. 56.

Verrucaria sanguinea Hoffm. pl. lichen. 2. p. 58. t. 41. f. 1.

Hab. in cortice arborum præcipue Juniperi ut etiam ad terram supra muscos per totam Lapponiam sylvaticam et subalpinam passim.

Crusta sicca fere candida est, leprosa vel subpulverulenta late effusa; sed in humido cinerascit. Scutellæ a prima infantia convexæ et immarginatæ, quarum stratum seminuliferum nigrescit, et subter illud adest color sangvinolentus perinsignis.

898. *LECIDEA dolosa*: crusta effusa subpulverulenta ferrugineo-cinerascente, scutellis minutis planis subimmarginatis atris.

L. dolosa Ach. meth. S. p. 11. lich. univ. p. 181.

Hab. in cortice abietis frustuloso Lapponiæ sylvaticæ passim.

Scutellæ et habitus proxime *L. parasemæ* accedit, sed color crustæ in ferrugineum vergens ejusque pulveracea substantia speciem bene distinctam reddere videtur.

899. *LECIDEA sabuletorum*: crusta granulacea effusa albicante, scutellis demum hemisphæricis atris submarginatis subconflentibus.

L. sabuletorum Flörke in Berlin. mag. 1808. p. 309.

Lichen sabuletorum Schreb. spicil. p. 134.

L. muscorum Swartz. — Retz.

β. geochroa: crusta sordide cinerea, scutellis cærulescentibus.

Lichen muscorum Wulf. in Jacq. coll. 4. t. 7. f. 1.

Flor. dan. t. 1003. f. 1.

γ. euphorea: crusta subverrucosa, scutellis confertissimis. *Flörke in Berlin. mag. 1808. p. 311.*

Hab. ad terram supra muscos destructos locis alpestribus passim, at *β.* præcipue in alpinis maritimis Finmarkiæ; *γ.* in lignis totius Lapp. vulgaritissime.

Crusta unice e granulis separatis lævibus capillo sæpius latioribus constat; quæ granula intus subinania forsân vesicularia esse videntur, quia interdum collapsa inveniuntur. Interdum superficies eorum pulverulenta apparet. Hæc granula præcipue regularia et insignia sunt in varietate *β.*, quæ inde arenam cineream eximie refert.

Hæc species in Svecia semper *L. muscorum* audit.

900. *LECIDEA uliginosa*: crusta granulacea subgelatinosa viridi-fuscescente, scutellis demum hemisphæricis atris intus concoloribus.

L. uliginosa Achar. meth. p. 43. *lichen. univ.* p. 180.

Lichen uliginosus Schrad. *crypt. samml.* n. 163. Achar. *prodr.* p. 69.

Hab. in terra nuda vegetabili præcipue ad radices arborum emortuarum locis uliginosis Lapponiæ sylvaticæ et subalpinæ passim.

Præcedentis varietati β . magis affinis est quam quis primo intuitu crederet. Granula ejus minus regularia apparent, ut etiam scutellæ magis inconspicuæ minoresque.

901. *LECIDEA coniops*: crusta granulacea inæquabili ferrugineo-cinerea nigrolimitata: granulis sublobatis, scutellis planis elevato-marginatis atris.

L. coniops Wahlenb. in Achar. meth. *Suppl.* p. 8. Achar. *lichen. univ.* p. 171.

Hab. in petris prope littora maris ab aqua procellosa sæpe conspersis Finmarkiæ passim frequenter.

Crustam proxime præcedentium eximie refert, sed granula ejus majora atque sublobata vel crenata sunt. Optime distinguitur scutellis suis superficialibus, tenuioribus, margine elevato semper cinctis, nec unquam convexis.

902. *LECIDEA atro-alba*: crusta effusa tenuissima atra, glebulis convexis elevatis albicantibus, scutellisque immixtis planiusculis atris.

L. atro-alba Achar. meth. p. 45. *lichen. univ.* p. 162.

Lichen atro-albus Linn. *svec.* n. 1064.

Verrucaria atro-alba Hoffm. *fl. germ.* p. 182.

β . *concreta* glebulis contiguis crustam rimosam fuscescentem efficientibus.

Hab. in lapidibus saxisque siccis apricis totius Lapponiæ ubique; at β . præcipue in alpinis frequenter.

Memorabilis est fundo suo atro præcipue in ambitu eximio, quo aliis Lichenibus nigrolimitatis accedit. Successu temporis glebulæ frequentiores nascuntur in disco et fundum atrum ob-

tegunt. Sic transitum quendam detegimus ad varietatem β , quæ adeo dissimilis ut nullus affinitatem suspicaret. Est enim hujus crusta contigua e glebulis magis irregularibus tota fuscescens; scutellis subimmersis inconspicuis.

De cætero interdum adeo fuscescit et mutatur ut in *L. fusco-atram* abire videtur; attamen vix audeo has species tam dissimiles conjungere.

903. *LECIDEA lapicida*: crusta tartarea rimosa sublævigata albida, scutellis inter crustæ frustulas depressis planis marginatis confluentibus aterrimis.

L. lapicida *Achar. meth.* p. 37. *lichen. univ.* p. 159.

Verrucaria contigua *Hoffm. germ.* p. 184.

β . *radians*: areolis in ambitu subdiscretis radiantibus.

L. lapicida ζ . *radians.* *Achar. lich. univ.* p. 160.

Hab. in lapidibus apricis siccis præcipue Nordlandiæ et Finmarkiæ maritimæ passim copiose.

Crusta in his locis vix unquam cinerascit, sed potius ferruginea evadit, frustulis majoribus subconvexis. Scutellis suis planis in superficie crustæ positus nec supra eam elevatus dignoscitur, quibus totus Lichen perquam æquabilis evadit. Aterrimæ sunt scutellæ vel potius cærulescentes. In schisto crusta sæpe nigro-limitata.

904. *LECIDEA confluens*: crusta subeffusa rimosa æquabili fumoso-cinerea, scutellis crustam subæquantibus marginatis demum convexis confluentibus.

L. confluens *Achar. meth.* p. 40. *lichen. univ.* p. 174.

Verrucaria confluens *Hoffm. pl. lich.* 1. p. 87. t. 19. f. 1. *flor. germ.* p. 184.

Lichen confluens *Web. spic.* 180. t. 1. f. 2.

Hab. in omnibus saxis apricis siccis Lapponiæ tum sylvaticæ ac alpinæ.

Crusta sæpe colore ochraceo superfusa est, rubrum vero colorem vix unquam acquirit.

905. *LECIDEA rivulosa* β . *mollis*: crusta rimulosa tartarea subspongiosa asperulaque umbrino-cinerea, scutellis elevatis marginatis nigris.

L. rivulosa var. *Achar. meth.* p. 38.

Hab. in lapidibus saxisque elatioribus alpitum præcipue maritimarum Finmarkiæ et Nordlandiæ passim.

Quin præcedenti proxime affinis fit, nulli dubitamus; sed satis superque distincta. Crusta intus alba et satis compacta; superficies vero mollis vel spongiosa ob asperitiem quandam tenuissimam, qua etiam colorem eximie mutat. Sicca enim saturate cinerea, sed humida omnino umbrina fit vel fuscescit, quo caractere non potest non certissime a *L. lapicida* distingvi, quæ immutabilis persistit. Scutellæ quoque supra crustam adeo elevatæ, ut pagina inferior perspicì queat; simulque mollioris substantiæ vel subcorneæ, margine crassisculo instructæ, dilutiusque coloratæ.

906. *LECIDEA fusco-atra*: crusta tenuissima nigricante, areolis planis nitidis castaneis dilutius marginatis, scutellis inter areolas elevatis convexis atris.

L. fusco-atra *Achar. meth.* p. 44.

Lichen fusco-ater *Linn. svec.* n. 1063.

Lecanora fusco-atra *Achar. lich. univ.* p. 359.

ß. *gibba*: areolis convexis gibbosis contiguis.

Hab. in lapidibus saxisque siccis apricis per totam Lapponiam etiam alpinam frequenter.

Valde peculiaris species, et nulli alii affinis. In lapidibus lævibus et ubi lætius viget omnino excentrice crescit: extimus ambitus nonnullarum linearum latitudinis tenuissimus nigricans est sine ullis areolis; dein intra versus nascuntur areolæ minutæ punctiformes longius disjunctæ, quæ sensim longius introrsum majores crebrioresque fiunt, usque dum prope centrum crustæ fere contiguæ albo-marginatæ et scutellis immixtæ. Intus albissimæ sunt areolæ et in humido nonnihil tumescentes lividiorisque coloris. Scutellæ quoque sub receptaculo albidæ, sed stratum seminuliferum aterrimum satisque crassum durumque.

ß. areolis suis gibbis totam crustam fere usque ad extimum marginem occupantibus habitum satis diversum induit. Hæc nonnisi ad littora maris septentrionalis a me lecta est.

907. *LECIDEA atro-virens*: crusta tenuissima nigricante, areolis planiusculis contiguis satu-

rate luteis, scutellis inter areolas depressis margineque earum adnatis planis atris.

L. atro-virens Achar. meth. p. 45. *lichen. univ.* p. 163.

Lichen atrovirens Linn. *svec. n.* 1062. *Lightf. scot.* p. 801.

Verrucaria atrovirens Hoffm. *pl. lich.* 1. p. 83. t. 17. f. 4.

β. alpicola: areolis sparsis lutescentibus in crusta atra.

L. atrovirens β. gerontica. Achar. meth. p. 45. *lich. univ.* p. 163.

Hab. in saxis et lapidibus siccis apricis lævioribus totius Lapponiæ sylvaticæ et inferalpinæ frequenter; et *β.* in alpibus ubique.

Color areolarum in ipsa epidermide sedet, intus enim albidæ sunt areolæ, et prope basin nigrescentes; quæ nigrescentia ad scutellas extenditur. Ipsæ scutellæ intus aterrimæ et carbonaceæ substantiæ, adeo ut melior hujus generis est species quam pleræque cæteræ.

β. Areolas habet majores nonnullarum linearum latitudinis guttas sparsas coloratas in crusta nigerrima pulchre referentes. Scutellæ quoque ejus duplo majores. Senescens neutiquam est status vulgaris *Lecideæ atro-virentis*.

908. *LECIDEA silacea*: crusta verrucosa inæquali rubra, scutellis subelevatis planis angulatis atris.

L. silacea Achar. meth. p. 43. *lichen. univ.* p. 164.

L. silaceus. Achar. *prodr.* p. 66. *Engl. bot.* 16. t. 1118.

Hab. in lapidibus congestis eorumque scrobiculis ad latera alpium interdum irrigata parcius.

Crustæ verrucæ inæqualis magnitudinis, intus albissimæ (nec virentes). Scutellæ semper aterrimæ, verrucis crustæ dupplo triplove majores explanatæ; margine evidenti vix tamen elevato, tenui.

909. *LECIDEA Oederi*: crusta tenui granulata subpulveracea ochraceo-ferruginea, scutellis minutis elevatis margine discoque tumidulo pulverulento nigricante.

L. Oederi Achar. meth. p. 49.

Lichen Oederi Swartz *act. Ups.* 4. p. 245. *Engl. bot.* 16. t. 1117. optim.

L. Dicksoni Achar. *prodr.* p. 76.

Hab. in lapidibus congestis siccioribus ad latera alpium montiumque sylvaticorum fere ubique.

Crusta æquabilis, e granulis minutis nudo oculo haud distinguibilibus, et insuper pulverulentis, intus concoloribus composita. Scutellæ pulverere ferrugineo fere superfusæ; margine tumidulo elevato, et sæpe disco quoque medio elevato.

Patellaria silacea Hoffm. *pl. lich.* 1. p. 89. t. 19.

f. 2. quasi intermedia est inter hanc et præcedentem.

910. LECIDEA *atrata*: crusta tenui rimulosa punctulata aterrima, scutellis innatis verruciformibus urceolatis concoloribus.

Gyalecta atrata Achar. *lichenogr. univ.* p. 152.

Hab. in petris siccis promontorii maritimi Rypklubb Qualöæ Finmarkiæ occidentalis sat copiose.

Crusta adeo *Verrucariæ aractinæ*, ut nihil similius esse queat, nisi ad ambitum tenuior et subdendritica sit. Receptacula quoque fere ejusdem structuræ ac in dicta Verrucaria, sed latiora et supra aperta excavatione hemisphærica, crustæ planum attingentia perdistincta. Innatas scutellas dixi quia margines earum cum crusta confluunt, quamquam elevati, et inde forma verrucæ oritur. Ab omni respectu hujus generis species sequentibus valde affinis est, nec unquam me judice cum *Lichene foveolari* in uno genere conjungi potest.

911. LECIDEA *fumosa*: crusta rimoso-areolata subcartilaginea lævigata grisea, scutellis innatis elevato-marginatis atris.

Lecidea fumosa Flörke in Berl. *mag.* 1809. p. 312.

Lichen cechumenus Engl. *bot.* 26. t. 1830.

Lecidea cechumena Achar. *meth.* p. 42. *lichen. univ.* p. 157.

Lecidea athroocarpa Achar. *meth.* p. 41.

Hab. in lapidibus petrisque siccis suboccultis promontorii Rypklubb Qualöæ Finmarkiæ parcius.

Præcedenti valde affinis esse videtur, quamquam color crustæ diversissimus et singulæ partes duplo triplove majores. Crustæ areolæ adeo distinctæ, ut sæpe frustulata e lapide solvuntur; sed omnes æquabiles. Substantia earum omnino

cartilaginea videtur, et superficies corneo-lævigata. Scutellæ numerosæ, eodem modo innatæ vel margine cum crusta confluenta (nec soluto) præditæ ac in præcedente, sed latiores sunt: disco demum plano et marginibus elevatis cincto.

912. *LECIDEA petræa*: crusta rimosb-areolata inæquabili cinerea, areolis passim elevatis scutelliferis, scutellis innatis conglomeratis planiusculis elevato-marginatis nigris.

L. petræa var? *Achar. meth.* p. 37.

Hab. in saxis et petris quartzosis schistosisque ad radices alpium Finmarkiæ et Nordlandiæ passim.

Crustæ superficies haud pulverulenta est ut in *L. concentricæ* specimine, sed omnino lævis. Tota crusta in areolas perdistinctas divisa est, quarum elevationes scutellas plures aggregatas ferunt. Ad ambitum interdum subradiata est et coloris lividi. Intus præcipue sub receptaculis rubicunda. Scutellæ innatæ vel margine cum crusta connato simulque tumido corneo elevato omnino Lecideæ generis; sed aliæ rarius in eadem crusta obveniunt scutellæ totæ immersæ sine margine proprio *Lichenis cinerei* simillimæ.

913. *LECIDEA amylacea*: crusta tartareo-pulverulenta inæquabili pallido-alba, scutellis e crusta protuberantibus pruinosisque convexis immarginatis atris.

Lecidea amylacea *Achar. lichen. univ.* p. 173.

Parmelia amylacea *Achar. meth.* p. 159.

Lichen amylaceus *Achar. prodr.* p. 59.

- β. *speirea* crusta albissima tenuiore, scutellis submarginatis.

Lecidea speirea *Achar. meth.* p. 52. *lichen. univ.* p. 184.

Hab. in rupibus siccioribus suboccultis inferalpinis Finmarkiæ et Nordlandiæ passim.

Distinguitur facile crusta sua crassa et tamen tota farinaceæ substantiæ, vixque unquam rimosa. Crustæ farina supra ambitum scutellarum elevatur et extenditur, unde quasi e substantia crustæ facti apparent margines. Stratum seminiferum tenue quidem est, sed aterrimum; subtus albissima est crusta.

L. speirea specificè neutiquam differt multo minus genericè. Ejus scutellæ plerumque elevationes crassiores et duriores; interdum quoque e crusta elabunt foveolam urceolatam relinquentes.

914. *LECIDEA sulphurea*: crusta rimosa subgranulosa pallide-sulphurea, scutellis subinnatis demum convexis nigris pruinosisque.

Lichen sulphureus *Hoffm. enum. lich.* p. 32. t. 4. f. 1. *Achar. prodr.* p. 58.

Verrucaria sulphurea *Hoffm. pl. lich.* 1. p. 56. t. 11. f. 3. *flor. german.* p. 196.

Parmelia sulphurea *Achar. meth.* p. 159.

Lecan. sulphurea *lichen. univ.* 399.

Hab. in saxis lapidibusque campestribus præcipue regionis subalpinæ Lapponiæ frequenter.

915. *LECIDEA decolorans*: crusta granulosa albo-cinerea: granulis demum in pulverem virescentem varium fatiscantibus, scutellis planiusculis marginatis miniatis.

Lec decolorans *Flörke in Berlin. mag.* 1809. p. 193.

Patellaria decolorans *Hoffm. pl. lichen.* 2. p. 54. t. 39. f. 2. *flor. german.* p. 177. (Verruc.)

Lecidea jungermanniæ *Achar. meth. lich.* p. 70.

Lichen jungermanniæ *Flor. dan.* t. 1065. f. 1.

- β. *granulosa*: crusta subpapillosa, scutellis demum hemisphæricis rugosis fusco-nigris. *Flörke l. c.*

Verrucaria granulosa *Hoffm. pl. lichen.* 2. p. 21. t. 30. f. 3.

Lichen granulosus *Ehrh. dec. n.* 145.

Lecidea desertorum *Achar. lich. univ.* p. 168.

Lichen decoloratus *Achar. prodr.* p. 50.

Hab. in campis sterilissimis desertis Lapponiæ tum sylvaticæ ac subalpinæ frequenter.

Var. α. muscos præcipue incrustat in alpihus passim.

Crustæ granula in var β. adeo grandiora ut nudo oculo facillime distinguuntur. Scutellis carnosissimolibus et plerumque difformibus a *L. sabuletorum* certissime differt. *L. decoloratus* Ach. hujus tantum statum juniorem vel minus effiguratum constituit secundum specimina certa.

2. SQUAMACEAE:

916. *LECIDEA scalaris*: squamis subdiscretis crenatis adscendentibus utrinque pallido-cervinis subtus pulverulentis, scutellis marginatis nigro-glauciscentibus.

L. scalaris Achar. meth. p. 78. lichen. univ. p. 214.

Lichen *scalaris* Achar. prodr. p. 95. Nov. Act. Stockh. 16. t. 5. f. 1.

Psora ostreata Hoffm. fl. germ. p. 163.

- β. *myrmecina*: squamis cervinis, scutellis dilatatis angulatis aterrimis margine glauciscente.

L. myrmecina Achar. meth. p. 78. (excl. synonym.)

Hab. in cortice frustuloso *Pinus sylvestris* prope terram parcius; at β. in caudicibus carbonatis *Laponiæ sylvaticæ* frequenter.

Ipsius *L. scalaris* color in humido haud mutatur, sed semper isdem pallido-cervinus. Nec scutellarum glauciscentia in humido perit, quæ in disco et margine æque insignis est.

β. *myrmecina* eximie differt: squamis in humido virescentibus vel omnino cervinis. Scutellæ frequentes squamis duplo triplove majores, insigniter inciso-lobatæ; adeo aterrimæ et parum elevatæ ut ægre a carbone substrato distingvuntur, verum sæpius pro carbonis maculis denudatis habentur. Margo vero earum sub microscopio valde notabilis, et semper glauciscent. Maxime notabilis est; quod autem in terra unquam crescat, valde dubito.

917. *LECIDEA microphylla*: crusta squamacea effusa cervino-fusca, lobulis minutis aggregatis incisis, scutellis demum convexis fusco-nigris.

L. microphylla Achar. meth. suppl. p. 76.

Lichen *microphyllus* Swartz in Nov. Act. Ups.

4. p. —. Achar. prodr. p. 91.

Lecanora microphylla Achar. lich. univ. p. 420.

- β. *radiata*: crusta ad ambitum radiata foliolosa, scutellis concavis marginatis.

Lichen *levchophæus* Vahl in Flor. dan. t. 955. f. 2. (secund. Flörke in Berlin. mag. 1810. n. 7.)

Hab. in rupibus umbrosis ad stillicidia aquarum totius *Laponiæ* frequenter; β. ad Portikoski paræciæ *Sodankylä Kemensis* copiose.

913. *LECIDEA atro-rufa*: crusta squamaceo-contigua inæquabili cinereo-fuscescente, squamulis sublobatis, scutellis convexis difformibus fusco-atris.

L. atro-rufa *Achar. meth.* p. 74. *Lichen. univ.* p. 200.

Lichen atro-rufus *Dicks. crypt.* 4. p. 22. t. 12. f. 14. *Schrad. diar. bot.* 1801. 1. p. 75.

Lichen luridus *Vahl in Fl. dan.* —

Hab. in terra uliginosa turfosa per latera alpium Nordlandicarum et Finmarkicarum passim copiose.

919. *LECIDEA rubiformis*: squamis aggregationem scutellarum cingentibus crenatis cartilagineis lividis subtus albis, scutellis convexis nigro-fuscis immarginatis.

Psoroma rubiforme *Wahlenb. itin. MS.*

Boeomyces rubiformis *Achar. meth.* 324. t. 7. f. 5.

Cenomyce rubiformis *Achar. lichen. un.* p. 526.

Hab. in terra micacea irrigata prærupta alpibus Lyngentind Nordlandiæ.

Vix ulli alii Licheni affinis esse videtur nisi *L. decipienti*. Foliola squamacea Boeomycidis quodammodo sunt, sed receptacula tota corneæ substantiæ et intus usque ad basin terræ nec folio infixam aterrima, quare non potest non Lecideæ generis esse. Substantia foliolorum magis cartilaginea quam in cæteris, ut etiam humida sine fractura flecti nequeat. Supra fuscescentis coloris sunt foliola sicca, in humido autem virescunt ob stratum feculiferum perinsigne; subtus lævia, colore parum pallescente. Fructus adeo coæcervati ut baccam parvulam *Rubi cæsii* referunt; de cætero fere clavæformes vel turbinati: intus quod ad maximam partem nigri et tantum sub stratu seminulifero dilutioris coloris.

920. *LECIDEA candida*: squamaceo-glebulosa, glebulis candido-pulverulentis crenatis plicatisque, scutellis impressis planis nigris glauco-pruinosis.

L. candida *Achar. meth.* p. 79. *lich. univ.* p. 212.

Lichen candidus *Weber spicil.* p. 193. *Ehrh. dec.* n. 49.

Patellaria candida *Hoffm. pl. lich.* 2. p. 33. t. 33. f. 2. *flor. germ.* p. 164. (*Psora*)

Hab. ad terram præruptam irrigatam, muscos destructos incrustans, per radices et latera alpium Finmarkiæ et Nordlandiæ passim.

Ob candorem incomparabilem sui nominis bene merita est species, et a *L. vesiculari* perquam diversa. Albedo illa candidissima tum a pulvere obtegente oritur, tum a defectu strati virescentis; intus enim etiam albida est substantia. Scutellæ primum eodem pulvere albicantes, mox vero nigrescunt, et demum totæ atræ evadunt multo magis ampliatae quam in *L. vesiculari* valde multangulæ, sed semper planæ et elevato-marginatæ.

Engl. bot. 16. t. 1138. vix ac ne vix nostram speciem refert; exemplaria vero hercynica a Cel. *Mohr* data et Lapponica ex asse conveniunt.

921. *LECIDEA decipiens*: squamis peltatis discretis adnatis rubris subtus margineque albidis, scutellis marginalibus convexis subimmarginatis atris.

L. decipiens *Achar. meth.* p. 80.

Lichen decipiens *Ehrh.* — *Hedw. stirp. crypt.* 2. p. 7. t. 1. B. *Dicks. crypt.* 2. p. 21. *Ach. prodr.* p. 96.

Psora decipiens *Hoffm. pl. lich.* 2. p. 63. t. 43. fig. 1 - 3. *flor. germ.* p. 162.

Lecanora decipiens *Achar. lich. univ.* p. 409.

Lichen pezizoides *Swartz. nov. Act. Ups.* 4. p. —

Hab. in terra elata et tamen madida per latera alpium Nordlandicarum præcipue maritimarum passim copiose.

Foliola semper terræ adnata ut pagina eorum inferior vix denudatur; margines autem semper albescunt et in senescente statu pagina quoque superior. Color ejus ruber sub aqua in hepaticum vel sublividum vergit præcipue foliorum veteriorum. Substantia foliolorum cartilaginea est, ut flecti nequeunt: omnino ut in *L. rubiformi*, unde primum affinitatem summam harum specierum detexi, quam etiam comprobatur anatomia receptaculorum veteriorum.

922. *LECIDEA Wahlenbergii*: subimbricata adnata gyroso-plicata flavo-viridis in ambitu lobata, scutellis convexis immarginatis aterrimis.

L. Wah-

L. Wahlenbergii *Achar. meth.* p. 81. t. 2. f. 2.
lich. univ. p. 211.

Lichen prasinus *Wahlenb. intiner.* MS.

Lichen pulchellus *Schrad. diar. bot.* 1801. 1. p. 74.

Hab. in parietibus rupium suboccultis irrigatis eorumque rimis parca terra micacea inductis per alpes summas Nordlandicas inter Tromsöen et Enontekis sitas rarius copiose.

Adeo diversissima est, ut nulli alii affinis. Colore suo vivacissimo et scutellis aterrimis perinsignis est. In statu juniore color omnino flavo-viridis et totus Lichen placentam integram nonnullorum pollicum latitudinis efficit; sed senescens pallido-flavus evadit et in frustula dissolvitur. Superficies rugulosa est vel alutaria sive quodammodo mollis. Substantia omnino membranacea seu subcoriacea (nec ullo modo tartarea). Scutellæ primum re vera superficiales nec margine quidem supra paginam folii elevatæ, demum convexæ tuberculorum unæ alteriusve lineæ latitudinis instar; intus totæ usque infra basin folii carbonacæ aterrimæ, ut optimam *Lecideæ* speciem exhibeant.

GYROMIUM.

Gyrophora *Achar. meth.* p. 100.

Receptaculum fructus corneum s. carbonaceum, gyroso-plicatum, clausum.

Seminulifera substantia cartilaginea intra gyros induratos clausos inclusa.

923. *GYROMIUM polyphyllum*: subumbilicatum, foliis congestis lævibus fusco-nigricantibus subtus aterrimis glabris.

Lichen polyphyllus *Linn. svec. n.* 1104. *Engl. bot.* 18. t. 1282. *Lightf. scot.* p. 863.

Lichen glaber *Achar prodr.* p. 144.

Gyrophora glabra *Achar. meth.* p. 101. *Flörke in Berl. mag.* 1810. p. 60.

Gyrophora heteroidea *Achar. lich. un.* p. 218.

Lichen utrinque glaber. *Linn. fl. lapp. n.* 452.

Lichenoides tenue etc. *Dillen.* p. 225. t. o. f. 129.

Hab. in petris lapidibusque subcampestribus præcipue Nordlandiæ inferaipinæ passim.

Color aterrimus totius paginæ inferioris in aqua haud mutatur, et differentiam necessariam hujus

speciei exhibet. Pagina quoque superior in humido fere obscurior evadit.

924. *GYROMIUM hyperboreum*: umbilicatum rugoso-verrucosum fusco-olivaceum subtus nigrum sublacunosum glaberrimum, fructibus irregulariter gyrosis.

G. hyperborea Achar. meth. p. 104. lich. univ. p. 225.

Lichen hyperboreus Achar. prodr. p. 146. Nov. Act. Stockh. 15. t. 2. f. 2.

Lichen — superficie subtus lacunata. Linn. flor. lappon. n. 453.

Hab. in saxis siccioribus apricis totius Lapponiæ præcipue subsylvaticæ omnium frequentissimum; in alpinis ubique sed minus frequenter.

Prope umbilicum semper subtus nigrum etiam in humido, sed ad ambitum interdum dilutius evadit in humido subolivaceum. Supra in sicco nigro-rufescenti, in humido semper subolivaceum. Ad ambitum semper verrucosum; quæ verrucæ demum in squamulas abeunt supra fundum atrum dispersas, quo in statu insigniter marmoratum apparet.

925. *GYROMIUM erosum*: umbilicatum gyroso-lineatum pertusumque fusco-olivaceum subtus cinereum prope gyros pertusos fibrillosum, fructibus irregulariter gyrosis.

G. erosa Achar. meth. p. 103. lichen univ. p. 224. Engl. bot. 25. t. 2066.

Lichen erosus Web. spicil. p. 259. Achar. prodr. p. 145.

Lichen reticularis Westring. in Nov. Act. Stockh. 14. p. 45.

Hab. in saxis elatioribus alpestribus totius Lapponiæ præcipue subalpinæ et alpinæ frequenter.

Qui hanc speciem destructione cribratam credunt, haud rite intellexerunt quam regulariter in prima infantia lineis gyratis passim pertusis ornata est. Color paginæ superioris ut in præcedente, cui certe proximum est; sed subtus prope umbilicum semper cinereus tum in sicco ac humido. Fibrillæ paginæ inferioris tantum e marginibus vel potius angulis gyrorum pertusorum egrediuntur (nec e pagina frondis); et de cætero cinerascens, rigidæ, cartilagineæ sunt.

926. *GYROMIUM proboscideum*: umbilicatum membranaceum reticulato - rugosum olivaceo - griseum subtus pallidum punctatum subfibrillosumve, fructibus gyrosis.

G. proboscidea *Achar. meth.* p. 105. *lichen. univ.* p. 220.

Lichen proboscideus *Linn. spec. n.* 1106. *Achar. prodr.* p. 147.

Umbilicaria corrugata *Hoffm. pl. lich.* 2. p. 65. t. 43. f. 4 — 7.

L. torrefactus *Lightf. scot.* p. 862.

β . *arcticum* crassius olivaceo-fuscum subtus glaberrimum ad umbilicum nigricans.

G. arctica *Achar. Meth.* p. 106. t. 2. f. 6. *lichen. univ.* p. 221.

Lichenoides atrum *Dillen.* p. 220. t. 30. f. 119.

Hab. in saxis petrisque elatis alpestribus totius Lapponiæ præcipue alpinæ usque ad nivem perennem ubique frequentissime; at β . vix nisi in summis alpibus.

In aqua cito reviviscit et eundem colorem fusco-olivaceum induit eandemque substantiam prodit ac duo præcedentia; sed exsiccando griseum vel glaucescens evadit, quo optime ab iisdem distinguitur. Subtus quoque ad ambitum glaucescit vel nigrescit dum exsiccatum, sed in aqua semper pallescit totum. Fructus ejus ut in præcedentibus, nisi magis regulares.

β . in humido ejusdem coloris ac α ., exsiccatum vero supra fuscescit, nec unquam glaucescit. Subtus ad umbilicum nigrescit. Hisce notis se quasi medium sistere videtur inter *G. proboscideum* et *G. hyperboreum*.

927. *GYROMIUM cylindricum*: umbilicatum subcoriaceum lævelivido - cinereum margine subtusque ramoso - fimbriatum pallidum, fructibus elevatis subcircinatis.

G. cylindrica *Achar. meth.* p. 107. *lichen. univ.* p. 223.

Lichen cylindricus *Linn. amœn. ac.* — *Achar. prodr.* p. 148.

L. crinitus *Lightf. scot.* p. 860. *Hoffm. pl. lich.* 2. p. 67. t. 44.

L. proboscideus Hedw. *stirp. crypt.* 2. t. 1. A.
Engl. bot. 8. t. 522. *Ehrh. dec.* 2. p. 19.

Lichenoides corneum etc. *Dillen.* p. 218. t. 29.
 f. 116.

Hab. in petris maxime elatis interdum ab aqua nivali irrigatis per summas alpes totius Lapponiæ passim.

In statu exsiccato præcedenti sæpe simillimum; in aqua vero nonnisi tardius emollitur coloremque cinereum sive retinet sive in lividum nonnihil mutat, simulque superficiem mollem fere alutariam exhibet et substantiam crassam subcoriaceam. Hisce notis sequenti speciei accedere videtur præcipue cum in locis bene irrigatis grandescit et incrassatur eximie; sed prope umbilicum semper glaberrimum est; fimbriis tantum ad ambitum ornatum. Hæ fimbriæ vel radiculæ magis distinctæ et longiores quam in ulla alia specie, quarum interiores pallidi coloris exteriores luci expositæ nigricantes. Fructibus quoque elevatis et crebrius plicatis a sequente distinguitur, quæ tamen nota haud certissima vel evidentissima.

928. *GYROMIUM velleum*: umbilicatum coriaceum læve cinerascens subtus nigro-hirsutum, fructibus innatis gibbosis circinato-plicatis.

G. vellea Achar. *meth.* p. 109. *lich. univ.* p. 223.

Lichen velleus Linn. *svéc. n.* 1103. *lapp. n.* 454.
Achar. prodr. p. 151.

Umbilicaria vellea Michaux *amer.* 2. p. —

Lichenoides cor. etc. *Dillen musc.* p. 545. t. 82. f. 5.

Gyrophora spadochroa Achar. *lich. univ.* p. 229.

Flörke in Berlin. mag. 1810. p. 66.

L. hirsutus Achar. *prodr.* p. 150. (junius).

Hab. in rupium parietibus irrigatis et occultis per Lapponiam sylvaticam et inferalpinam ubique.

Color in humido vix mutatur vel parum lividus fit. Senescens supra fuscescit, sed in infanti statu pallescit simulque subtus cinerascit. Usque ad umbilicum semper nigro-villosum: villositate quasi radiata, qua a præcedente certissime distinguitur.

L. hirsutus Achar. in Lapponia cum *L. velleo* commixtus crescit, nec nisi status minus procerus esse mihi videtur. Nec miramus hunc lichenum in rupibus apricis Uplandiæ minorem crescere quam in Lapponia.

CALICIUM.

Achar. meth. p. 87. *lichen. univ.* p. 232.

Receptaculum fructus corneum s. carbonaceum claviculiforme: capitulum hemisphaericum; disco planiusculo submarginato præditum; bacillo aciculari in capitulum abeunte ejusdemque substantiæ.

Seminula nuda e superficie disci facile secedentia.

929. **CALICIUM hyperellum**: crusta granulata inæquali flavo-virente, capitulis sublentiformibus marginatis fusco-atris, bacillis inferne dilatatis.

C. hyperellum *Achar. meth. lich.* p. 93. *lichen. univ.* p. 237.

Lichen hyperellus *Achar. prodr.* p. 85.

β. *balium*: capitulis aterrimis nitidis, crusta subfrustulosa.

C. balium *Achar. meth.* p. 94. t. 2. f. 4. *malä. lichen. univ.* p. 238.

Hab. in cortice frustuloso Abietis Lapponiæ sylvaticæ passim; et β. in Betula alba rarius.

Crusta plus minusve crassa, interdum frustuloso-pulvinata. Discus capituli semper aterrimus, dilatatus: marginibus patentibus.

β. nonnisi varietatem majorem et vegetiorem constituit, cujus pedicelli nihil rufescentis habent (ut vult Cel. *Acharius* in methodo), sed omnino nigro-picei sunt ut melius describuntur in *Lichenographia universali*.

930. **CALICIUM claviculare**: crusta pulveracea effusa cinerascens, capitulis subglobosis cinereo-nigris, bacillis subsetaceis.

C. claviculare *Achar. prodr.* p. 90. *lichen. univ.* p. 235.

Lichen clavellus *Achar. prodr.* p. 83.

β. *subtile*: crusta tenuissima albicante, capitulis minutis.

C. subtile *Persoon. tent. disp. fung. suppl.* p. 60. *Achar. lichen. univ.* p. 243.

C. claviculare γ. *pusillum* *Achar. lich. univ.* p. 236.

Hab. in cortice frustuloso Pinus sylvestris passim, Abietis rarius; β. in Pinu ad Portikoski infra templum Sodankylä collegi.

Crusta e particulis dupplo triplove minoribus efficitur quam in præcedente, ideoque pulveracea dici meretur; nec unquam subfrustulosa vel coacervata observatur. Bacilla teneriora, minus rigidula, inferne potius attenuata quam incrassata. Capituli discus fuscescens.

β . in Vermlandia primum a me lectum ne minime differt a Cel. *Flörkei* speciminibus certis *Calicii subtilis* Persoon.

951. *CALICIUM sphærocephalum*: crusta tenuissima lævigata albicante, capitulis sublentiformibus subumbrinis, bacillis acicularibus.

C. sphærocephalum Achar. meth. p. 91.

Lichen sphærocephalus Swartz Act. Ups. —
Achar. prodr. p. 84.

Calicium claviculare δ . sphærocephalum Achar.
lich. univ. p. 235.

Mucor sphærocephalus Linn. —

Hab. in ligno denudato subputrescente Lapponiæ sylvaticæ ubique.

In ligno lævi crusta omnino lævissima est, sine ullis granulis; qua non potest non a præcedente distingui. De cætero quod ad rigiditatem bacillorum et formam capitulorum propius *C. hyperello* accedere videtur.

β . *xylonellum*: crusta tenuissima lævi subalbicante, capitulis sphæroideis submembranaceis margineque elevato subinflexo, bacillis cylindraceis flexilibus.

C. xylonellum Achar. meth. p. 92. *lichen. univ.* p. 236.

Hab. in parietibus ligneis lævibus ad septentrionem versis Lapponiæ sylvaticæ infimæ rarius; prope templum Tornense rusticum copiosissime.

Toto habitu præcedenti simillimum, sed substantia capitulorum nonnihil diversa. Capitula enim submembranacea sunt, vel membrana fuscescente a parenchymate interiori discrepante obducta; cujus membranæ margines subliberi discum depressiorem ambiunt. Bacilla quoque crassiora minusque rigida sunt, et unacum capitulo opacioris vel obscurioris coloris, nec ullo modo nitiduli.

932. *CALICIUM chlorellum*: crusta tenuissima lævi albicante, capitulis bacillisque clavatis flavo-viridibus pruinosis.

C. chlorellum Achar. meth. p. 95. t. 2. f. 5. *lichen. univ.* p. 239.

β. orochroum: capitulis sublenticularibus: margine flavo-viridi.

C. orochroum Wahlenb. in Achar. meth. suppl. p. 15.

C. trabinellum Achar. meth. suppl. p. 15.

C. claviculare β. trabinellum Achar. *lichen. univ.* p. 235.

Hab. in parietibus ligneis siccioribus passim.

Totus fructus tenerior quam in omnibus præcedentibus, sed de cætero æque duriusculus et carbonaceus. Quamquam varietatis *β.* fructus crassior, non potest non huc referri; nec ob defectum crustæ pulveraceæ ad *claviculare* pertinere potest.

933. *CALICIUM chrysocephalum*: crusta coacervato-granulata citrina, capitulis subturbinatis margine flavis, basi bacillisque subæruginosi.

C. chrysocephalum Achar. meth. suppl. 15. *lichen. univ.* p. 239.

Lichen chrysocephalus Turn. in Transact. Linn. 7. p. 88. t. 8. f. 1.

C. chlorellum β. elatinum Achar. meth. p. 95.

Hab. in parietibus ligneis sed præcipue in cortice fructuloso Abietis Lapponiæ sylvaticæ rarius.

Fructus præcedenti speciei adeo similis, ut dubito an characterem quendam certum præbeat; sed crusta satis diversa disperse granulosa, eleganter citrina: qua non potest non distingui.

934. *CALICIUM capitellatum*: crusta pulveracea effusa viridi-flava, capitulis globosis utrinque seminuliferis pedicellisque capillaribus flexuosis virescentibus.

C. capitellatum Achar. meth. p. 98. *lichen. univ.* p. 241.

Mucor furfuraceus Linn.

Hab. ad radices arborum emortuas Lapponiæ rarissime; a me ad Lammaskoski Lapponiæ subalpinae Tornensis lectum.

Bacillis ultra bilinearis longitudinis facile distinguitur; demum nigrescentibus, nec adeo molli-
bus ac in *C. aciculari* et *C. cantherello*. Crusta
omnino pulveracea.

SPHAEROPHORON.

Acharii meth. p. 134. *lichen. univ.* p. 585.

Receptaculum fructus carbonaceum, nucleiforme:
nucleus solidus, substantiæ granulose, undique
æqualis, in strato corticali ramorum inclusus, in-
deque per rupturam elabens.

Seminula nuda, libera, in substantia nuclei undi-
que nidulantia.

935. SPHAEROPHORON *coralloides*: fruticulosum,
caule subindiviso, ramulis furcatis acumina-
tis subcastaneis.

S. coralloides Schrad. — *Achar meth.* p. 134. *lich.*
univ. p. 585

Lichen globiferus Linn. mant. — *Lightf. scot.*
p. 887. *Achar. prodr.* p. 210.

Coralloides globiferum. Hoffm. *pl. lich.* 2. p. 25.
t. 31. f. 2. *flor. german.* p. 130.

Coralloides cupressiforme etc. *Dillen. musc.*
p. 117. t. 17. f. 35.

Hab. in saxis pauca terra obductis Lapponiæ tum
sylvaticæ ac alpinæ ubique sat frequenter; etiam
in maritimis ubique.

Caulis non tantum subindivisus cylindraceus,
verum etiam tenax adeo ut cortex solus annulatum
rumpitur; quibus notis a sequente distinguitur.
Rami enim semper fragilissimi, ejusdem divisio-
nis ac in sequente, et ubi occultati etiam cineras-
centes.

936. SPHAEROPHORON *fragile*: fruticuloso-cæspi-
tosum dichotomum, apicibus subteretibus ob-
tusiusculis cinerascentibus.

S. fragile Schrad. — *Achar. meth.* p. 135. t. 3. f. 5.
lichen. univ. p. 585.

Lichen fragilis Linn. *svec. n.* 1121. *lappon.*
n. 440. t. 11. f. 4.

Lichen sterilis Achar. *prodr.* p. 211.

Coralloides fragile Hoffm. *pl. lich.* 2. p. 34. t. 33.
f. 3. *flor. germ.* p. 131. (*Stereocaulon*).

Hab. in saxis eorumque rimis apricis per totam Lapponiam etiam alpinam et inferalpinam frequenter.

Totum quantum dichotomum et fragilissimum, adeo ut caulis nullus a ramis distingui queat; nec unquam filo tenuiore crassius est. Tubercula fructus plerumque grandiora et difformia.

Neque in maritimis Nordlandiæ reperire potui *Sph. compressum*, quod in tota Scandinavia certe desideratur.

ALGAE AQUATICAE.

FUCUS.

Gen. plant. ed. Schreb. n. 1671.

Semina in capsulis poro dehiscentibus, aggregatis frondi immersis (Fucus pr. s. dictus scil. n. 937. 938. 939. 946. 951. 952. 953.); simulque adsunt vesiculæ simplices s. articulatae.

s. in capsulis imperforatis, solitariis, superficialibus (Sphærococcon scil. n. 940 - 942. 947 - 949. 954 - 964.); simulque adsunt granula immersa in appendicibus foliorum fere ut in Confervis.

s. solitaria, nuda, in frondium superficie (Palmaria scil. n. 943 - 945. 950.)

1. FRONDESCENTES COSTATI: costa seu nervo crassiori simplici in medio frondis.

937. **FUCUS serratus**: fronde dichotoma costata lineari serrata, apicibus obtusis tuberculiferis planis.

F. serratus *Linn. fl. svec. n. 1144. lappon. n. 462. Engl. bot. 17. t. 1221. Turner. synops. fuc. n. 23. Esper ic. fuc. p. 23. t. 5. pejor. Zoega fl. island. n. 1. Lightf. scot. p. 902.*

Norvegis Nordlandiæ *Bred-tang*.

Hab. in infimis littoribus ut etiam infra littora ubi refluxus maris fundum nunquam denudat per partem tum interiorem ac exteriorem sinuum insularumque Nordlandiæ et Finmarkiæ frequenter.

Modus crescendi decumbens et e centro undique imbricatim radians est, quo pulvillos circulares in fundo maris efficit.

Methodum Fucos in plura genera secundum fructum dividendi, qua moliti sunt *Stackhouse* deinque *Clar. Weber et Mohr*, assumere haud ausus sum; quum adhuc nimium desideratur physiologica eorum cognitio et penitior comparatio duplicis eorum fructus. Observationibus certis satis nobis constat, quod apices ramorum capsuliferi nunquam in vesiculas permutantur, uti perperam statuerunt laudati *Weber et Mohr*.

938. *FUCUS vesiculosus*: fronde dichotoma costata lineari integerrima, apicibus tumidis capsuliferis geminis, vesiculis binis infraaxillaribus.

F. vesiculosus *Linn. fl. svec. n. 1145. lappon. n. 460. Engl. bot. 15. t. 1066. Turner. synops. fuc. p. 117. n. 24. Esper. ic. fuc. p. 33. t. 12. Lightf. scot. p. 904. Zoega fl. island. n. 2. Olavs. it. island. p. 442.*

Planta petrarum *Mart. spitzb. cap. 10. t. F. f. b.*

β. *inflatus*: fronde apicem versus inflata. *Flor. dan. t. 1127.*

F. inflatus *Linn. svec. n. 1148. lappon. n. 468. Lightf. scot. p. 910.*

γ. *spiralis*: fronde tenui evesiculosa spiraliter torta.

F. spiralis *Linn. fl. svec. n. 1147. lappon. n. 467. Engl. bot. 24. t. 1685. optim. Esper. ic. fuc. p. 36. t. 14.*

δ. *rigidus*: stipite rigido inferne teretiusculo nudo.

Lapponibus *Tagi. Norvegis Nordlandiæ Bladtang* item *Kue-tang* (quia vaccis pabulum præstat).

Hab. in summis littoribus a fluxu maris bene inundatis per partem interiorem sinuum et oras intimas insularum maritarum Nordlandiæ Finmarkiæque vulgatissime.

γ. præcipue ad exitum fluminum in fundo maris. A me frequentissime inventus in fluvio Kobbvandselven sinus Sörfoldensis.

α. in oris extimis insularum undis æstuantibus maxime expositis.

939. *FUCUS ceranoides*: fronde dichotoma lineari integerrima subnervi, apicibus tuberculiferis tumidis lanceolatis acuminatis.

F. ceranoides *Linn. fl. svec. n. 1146. lapp. n. 465. Turner. synops. fuc. p. 136. n. 25. β.*

F. filiformis *Gmel. hist. fuc.* p. 72. t. 1. f. 1.

F. distichus *Turner. hist. fuc.* n. 4. t. 4. *Lightf. scot.* p. 912.

F. linearis *Flor. dan.* t. 351. haud bona.

Hab. Nordlandiæ plerumque in scrobiculis et recessibus littoralibus aqua marina semper repletis nec sub refluxu maris evacuatis per promontoria insulasque exteriora sat frequenter. Circa Rörstad, ubi *Linne* sub itinere suo lapponico Fucos legit, vulgaris est.

Frons inferne caulescens seu per nonnullas dichotomias marginibus membranaceis carens, ibique subteres compressa; superne sensim alis seu marginibus foliaceis instruitur, ita ut apex sterilis semper reliqua fronde latior fit et subnervis. Vesiculæ tuberculatæ s. capsuliferæ subpedunculatæ sunt ob frondem sub ipsis angustatam, oblongæ vel potius cylindricæ inflatæ s. inanes (uti eas descripsit *Linne*); subsolitariæ vixque unquam connatæ s. geminæ.

2. FRONDESCENTES VENOSI: venis undique divergentibus.

940. *FUCUS sinuosus* γ.: foliis membranaceis venosis roseis ovalibus sinuato-dentatis, stipite ramoso abbreviato perenni tereti.

F. sinuosus γ. quercifolius *Turner. hist. fuc.* n. 35. *synops. fuc.* p. 1. n. 1.

F. Palmetta var. *Esper. ic. fuc.* tab. 42.

F. roseus *Flor. dan.* t. 652.

F. rubens *Lightf. scot.* p. 943.

Hab. infra littora Nordlandica in stipitibus *Fuci digitati* parasiticus juxta oras promontoriaque extrema passim. A me lectus ad Kierringöam multis locis.

Substantia foliorum quamquam tenuis quodammodo scariosa vel rigidula est. Color ejus roseus sub putrescentia primum in violaceum demum in tegularem colorem abit. Forma foliorum exacte foliis *Alni incanæ* convenit; in Lapponia vix lobata.

940. *FUCUS sanguineus*: foliis membranaceis venosis sanguineis oblongis undulatis integerrimis

subpetiolatis, costa tuberculifera, stipite ramoso tereti.

F. sanguineus *Linn. mant.* p. 136. *syst. nat.* XII. p. 718. *Turn. hist. fuc.* n. 36. t. 36. *Engl. bot.* 15. t. 1041. *Gmel. hist. fuc.* p. 185. t. 24. f. 2. *Esper. ic. fuc.* p. 79. t. 38. *Lightf. scot.* p. 942, *Zoega fl. island.* n. 24.

Hab. in stipitibus *Fuci digitati* parasiticus cum præcedente rarius.

Substantia foliorum magis mollis et caduca quam in præcedente. Color ejus roseo-sanguineus formosissimus in aqua dulci cito testaceus et denique sordide lutescens evadit.

942. *FUCUS alatus*: fronde dichotoma sublineari venosa integerrima membranacea rosea: axillis excisis margine orbatis, stipite compresso.

F. alatus *Linn. mant.* p. 135. *syst. nat.* 12. p. 718. *Engl. bot.* 26. t. 1837. optim. *Turner. synops. fuc.* p. 144. n. 27. *Gmel. hist. fuc.* p. 187. t. 25. f. 1. 3. *Gunner. norv.* n. 750. *Esper. ic. fuc.* p. 20. t. 3. *Zoega fl. island.* n. 28. *Lightf. scot.* p. 951.

Hab. infra littora Nordlandica et Finmarkica in stipitibus *Fuci digitati* parasiticus cum præcedentibus passim.

In varietate latiori *Gmel. l. c. f. 3.* frons omnino venosa est: venis lateralibus ad marginem excurrentibus perevidentibus; ideoque cum stricte sic dictis *Fucis alatis* uti *serrato* etc. haud sociari potest, sed præcedentibus proxime affinis est. Eodem modo etiam crescit sub aqua nonnullarum orgyarum profunditatis, quo omnes vicissitudines maris et ventorum haud penetrant. In genere tam naturali præferendæ sunt subdivisiones naturales. — Substantia hujus mollior quam in *F. sinuoso*, sed minus contractilis et crispabilis.

3. *STIPITATI*: stipite simplicissimo unifolio in radicem digitatam abeunte.

943. *FUCUS digitatus*: stipite tereti nudo elongato rigido, radice digitata, folio coriaceo ovali-subcordato concavo in lacinias ensiformes diviso.

F. digitatus *Linn. mant.* p. 134. *Turn. synops. fuc.* p. 207. *Flor. dan.* 3. t. 392. *Esper.*

icon. fuc. p. 99. t. 48. 49. - *Zoega fl. island.*
n. 21. *Olavs. it. island.* p. 443. *Lightf.*
scot. 2. p. 935.

F. hyperboreus *Gunner. norv.* n. 61. tab. 3.

Phycodendron s. *Fucus arboreus*.

Norvegis Nordlandiæ *Tare-lägg* s. *Skalme-Tare*.

Hab. infra littora in fundo maris profunditate plurimum orgyarum sub infimo refluxu, nec unquam aquæ superficiem attingens, idque juxta oras extimas insularum exteriorum et in scopulis profundis per totam Nordlandiam et Finmarkiam frequenter. In Vesteraalen, Andenes etc. stipites ejus crassitudinem fere brachii attingunt et undique materiam pro focò alendo suppeditant.

Hic omnium plantarum lapponicarum ne dicam europæarum frondes maximas gerit utpote homine dupplo triplove longiores. Mari septentrionali valde familiaris ibique eadem loca occupans ac *F. bulbosus* in mari meridionali. Quamquam adeo gigantæus est vix specie differre videtur a varietate maxima *F. saccharini*; et fere mihi persuasum habeo quod inter utrosque nullus limes existit. Tamen unicuique absurdum apparuisset tenellam *Ulvam latissimam* et hunc gigantem plantarum maritimarum in una specie cogere. Nonnisi in profunda aqua magnitudinem insignem et ætatem majorem acquirere potest, simulque mucilaginem crassiorem in propriis ductibus corticalibus proferre; propius ad littora ab undis procellisque impeditur, quin adeo crescat et sic *F. saccharinus* oritur, demumque ubi aqua marina interdum defluit membranaceus tenuis et viridis sit sine mucilagine insigniori, qualis *Ulva latissima*.

944. *FUCUS saccharinus*: stipite tereti æquali, radice digitata, folio indiviso ensiformi subcoriaceo enervi.

F. saccharinus *Linn. fl. spec.* n. 1151. *lappon.*
n. 460. *Gmel. hist. fuc.* p. 194. tab. 28. f. 1.
Turner. synops. fuc. p. 198. n. 37. *Gunner.*
norv. n. 116. *Esper. ic. fuc.* p. 52. t. 24.
Zoega fl. island. n. 23. *Olavs. it. island.*
p. 443. *Lightf. scot.* p. 940. *Pallas it. sib.*
3. p. 34.

F. bifurcatus *Gunn. norv. n. 312? Act. nidros.*
4. p. 86. t. 6?

β. fronde bullata *Flor. dan. 3. t. 416. Esper. ic.*
fuc. t. 57.

Ulva latissima *Linn. syst. nat. — fl. svec. n. 1156.*

Ulva mesenteriformis *Roth. germ. 3. p. 534.*

γ. fronde tenui membranacea, stipite abbreviato.

Ulva latissima *Gunner. norv. n. 115.*

Ulva longissima et maxima *Gunner. norv. 2.*
p. 128. tab. 7.

Planta petrarum major. *Mart. spitzberg. tab. I.*
fig. C.

Norvegis Nordlandiæ *Hæstetare* sive *Troll-*
tare (i. e. Equi marini ficti s. diaboli ma-
rini fucus).

Hab. infra littora in superficie maris refluxi vel in in-
finis littoribus interdum denudatis, per oras ex-
teriores insularum et promontiorum totius
Nordlandiæ et Finmarkiæ frequenter.

Varietates omnes etiam perpusillæ digito mini-
mo haud longiores, quales exhibet *Gmel. tab. 28.*
f. 2. semper instruuntur radice digitata, qua facil-
lime ab omnibus *Ulvis* etc. distinguuntur. Simpli-
cissimus omnium est et nunquam e radice vel stipite
stolones ullos profert, unde non potest non semini-
bus propagari quamquam adeo subtilissimis et di-
spersis ut hucusque observatorum oculos sese sub-
traxerunt.

Nomen specificum saccharinum perperam a Lin-
næo huic datum est, uti videtur ex auctoritate Sib-
baldi synonymi ad *F. dulcem* vel *palmatum* perti-
nentis, qui vera est Alga saccharifera islandica. Hic
nonnisi mucilaginem continet eamque tam crudam,
ut ne quidem a bovis edere queat; itaque Norvegi-
eum Diabolo marino pro esca destinaverunt.

945. *FUCUS esculentus*: stipite incrassato pinnis elon-
gatis enervibus onusto foliumque ensiforme
membranaceum percurrente.

F. esculentus *Linn. mant. p. 135. Lightf. scot.*
2. p. 938. t. 28. *Turner. synops. fuc. p. 104.*
n. 22. *Engl. bot. 25. t. 1759. Flor. dan. 3.*
t. 417. *Zoega flor. island. n. 22. Olavs. it.*
island. p. 443.

F. pinnatus Gunner. norv. n. 313. Act. nidros.
4. p. 84. t. 8. f. 1. mala.

F. fimbriatus Gmel. fuc. p. 200. t. 29. f. 1.

F. folio plano ensiformi, caule pinnato. Linn.
flor. lappon. n. 461.

Norvegis Nordlandiæ *Tare* (præ cæteris) item
Bue-Tare.

Hab. infra littora adeo ut superficiem maris sub refluxu tangit usque ad profunditatem nonnullarum pedum juxta oras exteriores insularum et promontiorum per totam Nordlandiam frequenter et Finmarkiam passim.

Hæc septentrionalibus regionibus propria species valde memorabilis est tum respectu structuræ ac materiei. Radix digitata est ut in præcedentibus et digitis suis nudis alimentum ex aqua marina sugere videtur. Substantia stipitis et costæ proprii indolis omnino cartilaginea et elastica est, flectendo haud difficile frangitur (nec ita tenax et lignea ac in *F. saccharino*), sed difficillime comprimitur et trititando in mortario comminuitur. Nihil mucilaginis cortinet, quod experimentis propriis intellexi; errant itaque qui statuunt Fucos mucilagine sua nutrire. Costa media folii crassa pennam anserinam plerumque æquans, simul ac stipes supra et subtus planiuscula, obtusangula (nec quadrangula ut plerique habent auctores). Folium longissimum sæpe orgyalem longitudinem attingens, semper tamen æque angustum et ensiforme, membranaceum, facile in lacinias transversales a margine ad costam lacerandum, eamque ob causam sub hieme undis adeo destruitur ut superne solus nervus medius nudus superstes sit. Stipes primo anno nudus; altero vere, dum maxima pars folii destructa est, in medio intumescit parumque dilatatur, ex qua intumescencia nascuntur foliola marginalia plana (nec unquam inflata ut dixit Gunnerus), falcata, obtusa, enervia, subcoriacea vel ipso folio crassiora.

4. FOLIACEI ACAULES membranacei
sine ullo nervo vel venis.

946. *FUCUS canaliculatus*: dichotomus enervis coriaceus linearis subtus canaliculatus, apicibus tuberculiferis incrassatis truncatis.

F. canaliculatus Linn. herbar. — *Lightf. scot.* p. 917. *Gmel. hist. fuc.* p. 73. t. 1. A. fig. 2. *Engl. bot.* 12. t. 823. *Turner. synops. fuc.* n. 44. *Zoega flor. island.* n. 8

F. excisus Linn. spec. plant. p. 1627. *Gunner. norv.* n. 314.

F. rotundus *Esper ic. fuc.* t. 17.

Hab. in supremis littoribus ubi nonnisi a summo fluxu maris tangitur per oras interiores insularum et in mediis sinubus totius Nordlandiæ et Finmarkiæ ubique frequenter.

Folium ejus crassius quam in sequentibus et plerisque cæteris, semper æque angustum, sed longitudo ejus varia interdum vix pollicaris, sæpius ultra palmaris.

947. **FUCUS** *mammillosus*: dichotomus linearis cartilagineo - membranaceus supra canaliculatus nitidus purpurascens: apicibus rotundatis, tuberculis submarginalibus pedicellatis demumque foliaceis.

F. mammillosus *Turner. synops. fuc.* n. 43. *Engl. bot.* 15. t. 1054. optim.

F. alveolatus *Esper. ic. fuc.* p. 139. t. 70. (canaliculatus).

F. ceranoides *δ. Gmel. hist. fuc.* p. 115. *Lightf. scot.* p. 316.

F. spermophorus *Gunner. flor. norv.* n. 414?

Hab. in inferioribus littoribus sub refluxu infimo tantum denudatis per promotoria et insulas exteriores Nordlandiæ frequenter. Ego eum in parœcia Foldensi fere ubique legi.

Substantiâ suâ satis ab insequente *F. crispo* distingvitur. Quamquam tenuior est, tamen ita riddiusculus ut per se stare queat dum refluit aqua, et pulvillos perpulchros in scopulis format. Revera subcorneus est et valde tenax. Etiam siccatus *Fucus* valde flexilis, sed ita tenacissimus ut vix disrumpi queat. Superficies ejus nitida ob cellulosa compactionem quam in *F. crispo*. Color semper purpureo - fuscus. Folium regulariter dichotomum (nec ut in *F. crispo* subpalmatum): laciniae in media ejus altitudine prope margines obsitæ tuberculis numerosis, subcompressis, globulum seminale foventibus. Versus apices laciniarum tubercula hæc riora

riora evadunt minusque elevata, sed eorum vestigia per series juxta margines disposita undique cernuntur.

948. *FUCUS crispus*: dichotomo-palmatus crispus subcartilagineus, laciniis planis acutiusculis, tuberculis solitariis in disco laciniarum immersis.

F. crispus *Linn. mant.* p. 134. *Gunn. norv.* n. 748.

Turner. synops. fuc. n. 42. *Zoega fl. island.*

Flor. dan. t. 1128. *Olavs. it. island.* p. 445.

et 943.

F. pumilus *Vahl in Flor. dan.* t. 1066.

F. foliifer *Esper ic. fuc.* p. 106. t. 52. bona.

F. crispatus *Flor. dan.* 5. t. 826.

F. ceranoides *Gmel. hist. fuc.* p. 115. t. 7. f. 1.

Esper icon. fuc. p. 143. t. 98. f. 1-3. *Lightf. scot.* 913.

Hab. in littore medio ad sinus exteriores Nordlandiæ et Finmarkiæ fere ubique.

Variæ quoque ejus formæ ibi occurrunt; *v. stellatus* *Turner.* præ cæteris vulgaris in infimis littoribus.

949. *FUCUS soboliferus*: fronde membranacea plana enervi palmato-laciniata, margine prolifero: laciniis summis multifido-incisis. *Turner hist. fuc.* n. 45. *Vahl in Flor. dan.* t. 1066.

Hab. in fundo maris Finmarkiæ ubi unicum exemplar legit *Vahl.*

950. *FUCUS palmatus*: membranaceus palmatus purascens: laciniis magine foliosis: foliolis oblongis subsimplicibus.

F. palmatus *Turner. synops. fuc.* n. 33. *Lightf. scot.* p. 933. t. 27. *Engl. bot.* 19. t. 1306.

bona. *Zoega fl. island.* n. 20. *Olavs. it. island.* p. 444. 942. 943.

F. ovinus *Gunner. act. nidros.* 4. p. 85. t. 9. *Flor. norv.* n. 310.

F. caprinus et *rubens* *Esper. ic. fuc.* p. 146. t. 74.

Ulva caprina *Gunner. norv.* n. 1001. t. 6. f. 4. *Flor. dan.* 7. f. 1228 (tenuior.).

Alga saccharifera *Borrichii.*

- β. *laciniatus*: fronde tenuiter laciniata, foliolis sublinearibus.

Ulva delicatula *Gunn. norv.* n. 1035. t. 8. *Flor. dan.*

Norvegis Nordlandiæ *Sou-söll* (i. e. ovina ulva).
 Hab. in infimis littoribus ubi vix sub extimo refluxu
 denudatur, tum per oras extimas insularum
 tum etiam in mediis sinubus Nordlandiæ et Fin-
 markiæ ubique. Interdum etiam parasiticus oc-
 currit in stipitibus *Fuci digitati* ad scopulos exti-
 mos maris.
 β. in *Fuco nodoso* ad interiores oras insularum
 parasiticus passim.

Magnitudine magis variat quam affines ejus.
 Sæpe cubitalem latitudinem attingit et tunc satis
 crassiusculus est, tamen semper adeo mollis et de-
 bilis ut lapidibus se adglutinat fere membranæ mu-
 cosæ instar. Hac sua mollitie ab omnibus similibus
 certissime distinguitur. Nec exsiccatione rigidus eva-
 dit. E cellulosa laxiori constituitur quam cæteri.

5. CAULESCENTES: foliolis fructiferis distinctis
 deciduis. ✕

951. *FUCUS siliquosus*: caule compresso alternatim
 , ramoso: ramulis dilatatis siliquæformibus: si-
 liquis seminiferis lanceolatis, aliisque inanibus
 articulatis.

F. siliquosus *Linn. fl. svec. n. 1150. lapp. n. 463.*
Engl. bot. t. 474. Turner. synops. fuc.
p. 60. n. 13. Lightf. scot. p. 921. Esper.
ic. fuc. p. 27. t. 8. Zoega fl. island. n. 11.

Hab. ad Nordlandiam Finmarkiamque in fundo ma-
 ris arenoso profunditate orgyali sub infimo re-
 fluxu, idque juxta insulas et promontoria exte-
 riora ubique parcius.

Hujus sic dictæ siliquæ dupplicis distincti gene-
 ris sunt, quæ haud successu temporis in se invicem
 abeunt. 1) Siliquæ tuberculiferæ habent tu-
 bercula in superficie prominula et in corticali sub-
 stantia sine ordine posita, poro sese aperientia et se-
 minula fundentia; quæ siliquæ sub fine hyemis
 excrescunt et primo vere seminula fundunt, dein
 cadunt ut summa æstate frustra quærantur. 2) Si-
 liquæ articulatae vel vesiculosæ sub æstate ex-
 crescere incipiunt, et tenellæ habent intus scrobi-
 culos oblongos ternos justa se invicem in medulari
 substantia positos, idque quinis circiter seriebus
 distinctis. Singulus scrobiculus a cellulosa arach-

noidea pertextus nec unquam seminula evidentiora continuisse videtur. Denum terni scrobiculi confluent in unam concamerationem, et sic articulationes siliquæ formantur. Hæ siliquæ persistunt per totum annum et apicem foliaceum gerunt.

952. *FUCUS nodosus*: caule compresso dichotomo opposite crenato: ramorum medio in vesiculam dilatato, globis fructiferis pedunculatis lateralibus.

F. nodosus Linn. *svec. n.* 1149. *lappon. n.* 464. *Engl. bot.* 8. t. 570. *Turner. synops. fuc.* p. 252. n. 46. *Lightf. scot.* p. 918. *Esper. ic. fuc.* p. 118. t. 60. *Zoega fl. island. n.* 10.

Norvegis Nordlandiæ *Stelk-tang*.

Hab. in superioribus mediisque littoribus ad oras interiores insularum exteriorum et exteriorem partem sinuum maris per Nordlandiam et Finmarkiam vulgarissime.

Caulis regulariter dichotomus: vesicula supra singulam dichotomiam una, quæ nunquam capsulas vel seminula evidentiora continuerit. Globuli re vera fructiferi semper laterales sunt (nec unquam in medio caulis seu ramorum), et a crenis caulis marginalibus oriuntur binati vel ternati, demumque seminibus effusis cadunt, ut sub autumno caulis omnino nudus et iis orbatus reperitur (eodem modo ac siliquæ fructiferæ in *F. siliquoso*). Qua autem functione funguntur vesiculæ illæ a fructu vero tam distinctæ adhuc latet. An seminula quædam alterius generis et omnium subtilissima continent? An talia seminula in bullis mucifluis *Fuci saccharini* speciem propagant?

6. CAULESCENTES NUDI COMPRESSI.

953. *FUCUS loreus*: carnosus, radice in calycem inanem solutum orbicularem efformata, caule funiformi subtereti dichotomo demumque tuberculato.

F. loreus Linn. *herb.* — *Turner. synops. fuc.* p. 246. n. 45. *Gunner. fl. norv. n.* 988. *Flor. dan.* 4. t. 710. *Engl. bot.* 8. t. 596. optim. *Esper. ic. fuc.* p. 43. t. 39. et 19. *Zoega fl. island. n.* 12. *Lightf. scot.* p. 920.

F. elongatus Gmel. *fuc.* p. 103. *Linn. spec. pl.* p. 1627. *Gunner. norv.* n. 1095?

Ulva pruniformis *Gunner. norv.* n. 737. t. 2. f. 6. et tab. 9. f. 4. 5. (status infantilis).

Hab. in infimis littoribus Nordlandicis etc. per oras extimas insularum exteriorum tam profunde ut vix sub infimo refluxu denudatur, passim.

Annuus est, nec unquam ultra hiemem vestigium ejus persistit. Primo vere (mense Maji) nonnisi globus pruniformis adest, intus, cavus et aqua repletus, cujus ambitus dein dilatatus evadit et umbilicus supra depressus. Initio mensis Junii ex hoc umbilico proveniunt caules loriformes valde lubrici, carnosi et succosi, qui cito admodum elongantur et intra paucas hebdomades ultra pedem longi evadunt, per paucas dichotomias divisi, ubique æquales et denique per totam longitudinem tuberculis sparsis nodulosi. Caules lorei jam perfecti scutum calyciforme radicale collapsum reperitur et nihil succi aquosi ulterius continet. Capsulæ tuberculæformes per totam longitudinem rarius sparsæ, subrotundæ, poro dehiscentes, intus filis arachnoideis repletæ, quæ inter semina majuscula rotundata opaca, interdum pyriformia fine angustiore adfixa (omnino ut in *Fucus* proprie sic dictis ex. gr. *vesiculoso*). Substantia omnium fucorum mollissima, adeo ut undique decumbit. Maxime paradoxus est; scutum calyciforme solum vices frondis gerit, et lora nonnisi spicæ seminiferæ sunt.

954. *FUCUS coccineus* β . *pusillus*: subcaulescens compressus submembranaceus digitato-ramosus roseus: ramulis distichis secundisque.

Var. *F. coccinei* *Turner. hist. fuc.* n. 39. t. 39. *synops. fuc.* p. 291. n. 54.

Var. *F. Plocamii* Gmel. *hist. fuc.* p. 155. t. 16. *Esper. ic. fuc.* p. 18. t. 2. *Lightf. scot.* p. 957.

F. cartilagineus *Huds. angl. ed. 1.* p. 473. *Gunner. norv.* n. 864?

F. gigartinus *Flor. dan.* 3. t. 394. (convenientissima fide exempl. island. in herb. Cel. Swartzii) *Gunn. norv.* n. 847. *Zoega fl. island.* n. 53.

Hab. in ipsis radicibus *Fuci* digitati profunditate saltem duarum orgyarum sub infimo refluxu, idque

ad oras exteriores insularum exteriorum Nordlandiæ. Ego eum ad Kierringöam parcius initio mensis Junii forsitan non satis adultum legi. *Gunnerus* suum *F. gigartinum* in Finmarkia invenit.

Substantia, colore et figura frondis exacte cum *F. coccineo* convenit, sed vix pollicem altus a me saltem repertus, cristulam ex asse referens ramis suis fastigiatis distichis. Exsiccatus chartæ parum adhæret, colorem roseum diaphanum pulcherrime servat, et valde tenuis mollis et membranaceus adhuc esse reperitur; quibus notis a *F. cristato* *Turn.* et omni varietate *F. gigartini* veri longe discrepat.

955. *FUCUS plumosus*: caulescens compressus subcartilagineus roseus ramosissimus: ramis supradecomposito-pinnatis: pinnulis oppositis in apice quadrifido seminula nuda gerentibus.

F. plumosus *Linn. mant.* p. 134. *Gunner. norv.* p. 747. *Turner. hist. fuc.* n. 60. tab. 60. elegantiss. *synops. fuc.* n. 55. *Engl. bot.* 19. t. 1308. *Esper. icon. fuc.* p. 92. t. 45. *Zoega fl. island.* n. 30. *Lightf. scot.* p. 955.

β. tenerior, pinnis linearibus.

F. ptilotus *Gunner. fl. norv.* n. 1045. t. 2. f. 15. *Esper. icon. fuc.* p. 96. t. 46.

γ. tenerrimus.

F. pectinatus *Gunner. fl. norv.* n. 973. t. 2. f. 8. *Esper. icon. fuc.* p. 97. t. 47.

Hab. in fundo maris stipitibus *Fuci digitati* infixus parasiticus, idque juxta oras extimas scopulorum et insularum exteriorum Nordlandiæ et Finmarkiæ frequentissime. In his regionibus lætissime luxuriat ut proprie borealis species esse videtur.

Color ejus roseo-purpureus nativus cito evadit violaceus in aqua dulci et dein testaceus, denique etiam bene elotus in viridem usque abit. Ut conservetur color nativus requiritur acidum aquæ marinæ; quo remoto virescit ac si Alkali adfusum esset. His mutationibus coloris ab extractivo fugacissimo quali florum Malvæ etc. ortis obnoxii sunt fere omnes *Fuci* molliores et annui; sed qui magis cornei et perennes sunt, colorem quoque constantiorem habent ex. gr. *F. mammillosus*, *corneus*, *Brodiei*, *Ulya umbilicalis* etc.

956. *FUCUS pygmæus*: conglomeratus subgelatinosus dichotomo-ramulosus: apicibus tuberculo solitario globoso pertuso terminatis.

F. pygmæus *Lightf. scot.* p. 964. tab. 52. bona. *Engl. bot.* 19. t. 1332. *Turner. synops. fuc.* p. 258. n. 47.

Lichen confinis *Flor. dan.* 5. t. 879. *Achar. lichen. prodr.* p. 208.

Hab. ad littora vel supra littora Nordlandica et Finmarchica ubique, idque ubi a summo fluxu maris haud inundatur sed tantum sub procellis ab undis marinis irrigatur.

Hic *Fucus* respectu loci amphibius inter *Fucos* et *Lichenes* quoque respectu fructificationis ambigit; ad *Fucos* proprie sic dictos seu tuberculiferos proxime tamen accedere videtur (nec ad *Sphærococcon*).

6. FILIFORMES TERETES.

957. *FUCUS aculeatus* β . filiformis ramosissimus cartilagineus, ramis alternis compressiusculis spinosis: spinulis distichis subulatis erectis.

F. aculeatus β . muscoides *Turner. synops. fuc.* n. 48. *Lightf. scot.* 2. p. 926 (caudatus). *Pallas it. sibir.* 3. p. 34. *Zoega fl. island.* p. 13. *Olavs. it. island.* p. 445.

F. muscoides *Huds. angl.* 2. p. 590. *Gmel. hist. fuc.* p. 130. tab. 12 (nec Linnéi). *Gunner. norv.* n. 1071.

Planta facie caudæ equinæ *Martin. spitzberg.* t. I. fig. b.

Hab. infra littora Nordlandica ex. gr. Kierringöæ in fundo maris profunditate orgyali sub infimo refluxu, stipitibus *Fuci digitati* infixus parasiticus, idque juxta oras exteriores insularum exteriorum rarius copiose.

Substantia omnino cartilaginea ut in stipitibus *Fuci esculenti*, tamen exsiccatione non parum contrahitur et parum rigidus evadit. Color dum in mari degit olivaceus est ut in plerisque, sed in aëre evectus mox lætius virescit vel prasinus evadit, quem colorem plerique fuci nonnisi coquendo acquirunt. Longius autem vicissitudinibus aëris expositus rubescit ut alii, quo colore etiam papyrus ad adsiccandum adhibitum tingit.

958. *FUCUS viridis*: filiformis pinnatim ramosus supradecompositus subgelatinosus viridis: ramis ramulisque oppositis approximatis capillaribus tenuissimis continuis.

F. viridis Turner. *synops. fuc.* pag. 397. *Engl. bot.* 24. t. 1669. bona. *Flor. dan.* t. 886.

Hab. parasiticus inter *F. plumosum* etc. in stipitibus *Fuci digitati* ad oras exteriores insularum Nordlandiæ meridionalis ex. gr. ad Kierringöam et Rörstad copiose. Etiam lapidibus nudis adnatus in posteriori loco, tuncque non parum rufescens.

Præcedenti re vera proxime affinis præcipue colore sub aqua marina olivaceo sed extra aquam cito in prasinum abeunte. De cætero substantia subgelatinosa eum longe removet, ut etiam tenuitas tanta ut eum diu pro *Conserva villosa* Dickv. t. 37. habuerim et eum quoque cum *Conf. rhizoide Ehrh.* comparaverim.

959. *FUCUS lumbricalis* β . caulescens filiformis subcartilagineus dichotomus fastigiatus: apicibus fructificantibus lanceolatis tumidulis diaphanis.

F. lumbricalis β . Turner. *hist. fuc.* n. 6. t. 6. *synops. fuc.* p. 318. n. 59.

F. fastigiatus Gmel. *hist. fuc.* p. 106. t. 6. f. 1. *Lightf. scot.* 2. p. 930. *Flor. dan.* 3. t. 393.

F. caprinus Gunner. *norv.* n. 311. *Act. nidros.* 4. p. 82. t. 5. f. 4.

Hab. in cryptis recessibusque littoralibus aqua marina semper repletis, ut etiam infra littora in fundo maris ad insulas exteriores Nordlandiæ rarius.

In exsiccato hoc fucis superficies rugosa est; nec lævis ut in *F. rotundo* Gmel. Substantia utriusque horum fucorum simillimorum valde diversa esse videtur: in *F. lumbricali* sub extrema epidermide substantia carnosa et mollior est, sed in centro compactior; unde rugæ superficiei in exsiccata planta et fractura difficilior et opacitas major. E contrario in *F. rotundo* substantia compactior cartilaginea extrinsecus posita est, unde facilius flectendo frangitur nec collabitur superficies sed transparentia magis conservatur. Exinde forsan etiam provenit, quod fructus *F. lumbricalis* in apice tumido formatur, dum apud *F. rotundum* per su-

perficiem vel e latere rumpere cogitur ob corticem ad distendendum nimis rigidum. *Fucus lumbricalis* colorem in recenti magis olivaceo-fuscescentem habet; magis septentrionalis quoque est quam *F. rotundus* Gmel. neque in Lapponia neque a Lightfootio ad Scotiam visus.

960. *FUCUS plicatus*: setiformis subcorneus decumbens ramosissimus æqualis: ramis assurgentibus complicatis flexuosis.

F. plicatus Gmel. *hist. fuc.* p. 142. t. 14. f. 2. bona. *Engl. bot.* 16. t. 1089. *Turn. synops. fuc.* n. 60. *Lightf. scot.* p. 929.

F. albus Gunner. *fl. norv.* n. 757.

- β. subfastigiatus erectus subdichotomus. *Turner. syn. fuc.* n. 60.

F. cartilagineo-corneus etc. *Flor. dan.* 3. t. 408.

F. longissimus *Esper. ic. fuc.* p. 44. t. 20.

Hab. infra littora in fundo maris vel in foveis recessibusque littoralibus aqua marina semper repletis per insulas promontoriaque exteriora Nordlandiæ et Finmarkiæ rarius; β. in sinu Alteni legi.

Substantia ejus durior quam in *F. rotundo* Gmel. qua eo longius a præcedente differt.

961. *FUCUS ramentaceus*: subfiliformis tenax: ramis confertis subcompressis elongatis.

F. ramentaceus *Gunn. norv.* n. 686.

Ulva sobolifera *Flor. dan.* t. 356.

Hab. in mari Finmarkico. A me ad sinum Altensem copiose lectus.

Obscura species *F. confervoidi* proxima, sed caule crassitudinis chordæ et duriore uti videtur bene diversa. Chartæ haud adhæret.

962. *FUCUS confervoides*: filiformis carnosiusculus ramosissimus purpurascens, ramis ramulisque subsecundis utrinque attenuatis.

F. confervoides γ. *Turner. synops. fuc.* n. 61. (secund. specim. ejus). *Engl. bot.* 24. t. 1668.

Hab. corallinæ plerumque adhærens in scrobiculis littoralibus aqua marina semper repletis parcius scil. ad Alten Finmarkiæ et Kierringöam Nordlandiæ a me lectus.

Fila ejus vel saltem ramuli exsiccando collabunt et plani evadunt, chartæque laxius adhærent. Eximie mollis est, haud vero gelatinosus ut *Ulva filiformis* cui omnium simillimus.

963. FUCUS *flagelliformis*: filiformis lubricus ramosus: ramis brevibus subdistichis sparsis subfurcellatis.

F. *flagelliformis* *Flor. dan.* t. 650. *Turner. synops. fuc.* n. 62. *Hist. fuc.* n. 85.

Hab. in *Fuco serrato* parasiticus infra littora Nordlandica ex. gr. Kierringöæ.

Ob lubricitatem insignem chartæ bene adhæret. Rami breves adeo ut caudam sciuri quodammodo refert.

964. FUCUS *subfuscus*: filiformis ramosissimus: ramulis superne aggregatis fastigiatis acicularibus strictis.

F. *subfuscus* *Turner. synops. fuc.* p. 350. n. 66. *Ejusd. hist. fuc.* n. 10. t. 10. *Engl. bot.* 17. t. 1164. bona.

F. *variabilis* *Gooden. et Woodw. transact. linn.* 3. p. 220.

Hab. infra littora ubi vix sub infimo refluxu denuatur tum in rupibus tum in stipitibus Fuci digitati idque ad oras exteriores insularum Nordlandiæ passim. A me circa Kierringöam multoties copiose lectus.

Ramulis suis fastigiatis arbusculam pulchre refert; tamen specimina majora ramos magis sparsos longiores gerunt. Fere ejusdem substantiæ est ac præcedens et chartæ laxius adhæret.

965. FUCUS *Filum*: filiformis simplicissimus utrinque attenuatus subcartilagineus subinanis lubricus.

F. *Filum* *Linn. svec.* n. 1153. *lappon.* n. 459. *Turner synops. fuc.* n. 63. *Flor. dan.* 5. t. 821.

F. *Tendo* *Esper ic. fuc.* p. 47. tab. 22.

Hab. infra littora præcipue in fretis angustioribus Nordlandiæ et Finmarkiæ occidentalis passim copiose.

966. FUCUS *lycopodioides*: *Gunner. fl. norweg.* n. 688. *Flor. dan.* t. 357. *Zoega fl. island.*

Hab. in mari Finmarkico: *Gunnerus*.

Plures quidem a *Rev. Gunnero* exhibentur Fuci uti in Finmarkia et Nordlandia lecti ex. gr. *F. dentatus et laciniatus*; eos vero repetere dubitavi quia nomina dubiis haud carent, et insuper lecti esse videntur inter rejectamenta maris ad littora. Omnes meos Fucos e fundo maris forcipe evulsi, nec alios uti indigenos assumere voluissem. Legimus undique ad littora Finmarkica semina *Mimosæ scandentis*, *Dolichos urentis* etc. e longinquo adventa; multo magis probabile ne dicam certum, quod Fuci e longinquo natant.

U L V A.

Gen. plant. ed. Schreb. n. 1670.

Planta subgelatinosa foliacea vel tubulosa seminula in superficie dispersa gerens.

* Planæ foliaceæ sessiles.

967. *ULVA umbilicalis*: plana orbicularis peltata sessilis subscariosa nitida fuscescens.

U. umbilicalis *Linn. spec. plant. p. 1633. Gunner. norv. n. 959. Lightf. scot. p. 967.*

F. Tremella umbilicalis *Gmel. hist. fuc. p. 219.*

Tremella marina umbilicata *Dillen. musc. p. 45. t. 8. f. 3.*

β. *purpurea*: elongata subensiformis undulata purpureo-fusca.

U. purpurea *Roth flor. germ. 3. p. 535. Catal. bot. 1. p. 209. t. 6. f. 1.*

Hab. in petris summi littoris ubi vix a summo fluxu maris inundatur idque ad oras extimas insularum exteriorum Nordlandiæ ubique.

β. nonnisi in fundo maris *Ulva filiformi* insidens reperi ex. gr. ad Sommerset in sinu Lerfjord paroeciæ Földensis Nordlandiæ.

Colore suo nitido demum in aureum et cupræum vario modo vergente petras admodum ornat. Quamquam substantia ejus satis tenuis tamen quodammodo scariosa et rigidula, adeo ut extra aquam sese sustinet et chartæ vix ac ne vix exsiccando adhæret. Color ejus sub infantia semper purpureo-fuscescens, nec unquam virens evadit nisi in statu senili decrepito.

β. longitudine sua spithamæa et angustie nec non tenuitate majori tantum differre videtur. Substantia de cætero eadem subscariosa.

968. *ULVA Lactuca*: membranacea undulata crispaque mollis viridis opaca.

U. *Lactuca* Linn. *fl. svec.* n. 1157. *Lightf. scot.* p. 970. n. 5. *α.* Roth. *fl. germ.* 3. p. 538.

Tremella marina vulgaris Dillen. *musc.* [p. 42. t. 8. f. 1.

Hab. in fundo maris ubi ab aqua marina semper tegitur, idque ut plurimum supra Corallinam ad insulas exteriores Nordlandiæ ubique.

Substantia hujus valde mollis e laxiori cellulosa constructa; itaque exsiccando chartæ firmiter se adglutinat. Color semper vivide et læte viridis (nec plus minus olivaceus ut in *Fuci saccharini* varietate tenuissima), qualis de cætero non nisi iis plantis marinis competere videtur, quæ in aqua dulci etiam amphibunt uti *Ulva compressa*, *Conferva glomerata* etc. Est in aqua marina curiosa quædam facultas colorem in rubrum mutandi! quæ tamen in plantis perfectis ex. gr. *Zostera* haud exercit.

969. *ULVA terrestris*: foliacea difformis arhiza undique flexuosa et bullata viridis opaca.

U. *terrestris* Roth. *flor. germ.* 3. p. 542. *Catal.* 1. p. 211.

U. *crispa* Lightf. *scot.* p. 972.

Tremella terrestris etc. Dillen. *musc.* p. 52. t. 10. f. 12.

Hab. juxta mare sed supra littora plures orgyas usque ad 100 pedes elevata in terra umbrosa nuda aëre marino exposita Nordlandiæ et Finmarkiæ ubique.

Quamquam ab undis marinis nunquam irrigatur, tamen aërem marinum sibi exposcit et nunquam intra oras maritimas occurrit. Curiosum admodum est quam certas sedes sibi exposcunt plantæ marinæ. Hæc *Ulva* omnium summum locum occupat; postea *supra littora* crescit *Fucus pygmæus*, dein *Ulva umbilicalis* et *Fucus canaliculatus*. *Margo superior littorum* seu limes fluxus summi indigitatur serie numerosa *Lyadidis balanoidis*; infra quam primum occurrunt *Fucus vesiculosus* et *nodosus*, dein *Fucus serratus*, *Fucus crispus*, *Conferva rupestris*; postea vel *in medio littore* *Fucus mammillo-*

sus, Conferva rubra, denique in infimo littore nonnisi a summo refluxu denudato vigent Fucus palmatus et subfuscus, Fuci saccharini varietates tenuiores. *In ipso limite infimo littoris* vigent Fucus loreus, Fucus saccharinus. *Infralittus* ubi aqua marina nunquam deficit occurrunt Fucus esculentus et Ulva Lactura; demumque *in fundo maris* inter Corallinam et alia Zoophyta reperiuntur Fucus digitatus, siliquosus, confervoides, plumosus, alatus, sangvineus, Conferva diaphana etc. Ex omnibus his nulli magis mare a magno fluxu et reflexu motum sibi exposcunt, quam qui in infimo littore crescunt uti Fucus palmatus, loreus; ideoque ad littora Svecica Bahusiae desiderantur.

** Tubulosæ et teretes.

970. *ULVA compressa*: tubulosa compressa passim constricta viridis, ramis elongatis.

U. compressa *Linn. fl. svec. n. 1155. Lightf. scot. p. 969. Engl. bot. 25. t. 1739. optim.*

U. tubulosa simplex *Linn. fl. lappon. n. 458.*

Conferva compressa *Roth. fl. germ. 3. p. 485.*

Tremella-compressa *Dillen. musc. p. 48. t. 9. f. 8.*

β. brevissima subcampanulata.

Hab. in summis littoribus ad intimos angulos sinuum præcipue juxta fluminum et rivulorum exitum per Nordlandiam et Finmarkiam ubique frequenter. β. in recessibus aquæ dulcis apricis.

Hæc contenta est aqua parum salsa, itaque *ad sinus intimos maris* crescere potest et peregrinatori ex alpibus proveniente primum obvenit. Mox etiam reperitur Fucus vesiculosus et nodosus, Conferva rupestris. Ulterius *versus pelagum* tendens legit Fucum serratum, dein Fucum canaliculatum et crispum; postea *ad promontoria* obveniunt Fucus palmatus, Ulva umbilicalis, Conferva polymorpha, Fucus saccharinus; et denique *ad oras extimas* insularum crescit Fucus loreus et esculentus etc.

971. *ULVA filiformis*: gelatinosa purpurascens subfiliformis æquabilis ramosa: ramis sparsis longis distantibus.

U. filiformis *Huds. angl. p. 570.*

U. purpurascens *Engl. bot. 9. t. 641.* (haud *Hudsoni*).

Fucus contortus *Gmel. hist. fuc. p. 181. t. 22. f. 1.*

Hab. in fundo maris infra infimum refluxum vel in scrobiculis littoralibus aqua marina semper repletis per sinuum partes exteriores insulasque Nordlandiæ frequenter.

Filo sæpe dupplum crassior. Admodum lubrica gelatinosa et quasi opalescens, tamen superficies membranacea lævis et colorata. Substantiam ejus interiorem fere hyalinam gelatinosam reperi, sine ullis radiis seminuliferis et sine ullo nervo centrali; nequit itaque Rivulariæ species esse. Exsiccando chartæ se firmiter inglutinat gelatinæ vel muci instar, tamen eam crispatur.

972. *ULVA cylindrica*: gelatinosa simplicissima utrinque obtusata apice incrassata subcylindrica viridis punctata evasculosa.

Icon tab. nostr. XXX. fig. 1.

Hab. in fluminibus magis pacificis lapidibus innata Lapponiæ Pitensis passim. Ad Arjeplog eam pluribus locis legi mense Augusti.

Substantia interna tota hyalina sine ullo nervo centrali et omnibus radiis seminuliferis. Color ejus dilute viridis consistit in punctulis superficiei sparsis, inter quæ tota substantia hyalina. Exsiccando substantia omnis evanescit et colorem tantum virescentem in charta relinquit.

Explicatio iconis: a. tota *Ulva* magn. nat. b. particula ejus transversim secta et oblique visa magn. 12es aucta. c. particula e latere visa paullo magis aucta.

C O N F E R V A.

Gen. plan. ed. Schreb. n. 1672.

Planta filamentosa: filis nodosis s. articulatis s. annulatis intus vel extus granuliferis.

1. **NODOSAE**: nodis opacis cum internodiis confluentibus.

973. **CONFERVA** *gelatinosa* β . *cærulescens*: nodis caulium incrassatis distantibus, ramulis verticillatis dichotomis gelatinosis subfuscis.

Batrachosperma ludibunda s. *cærulescens*. *Bory de St. Vincent in Annal. de Mus.* 1808. pag. 324. t. 30. f. 3.

C. gelatinosa *Linn. svec. n.* 1165. spec. pl. 1635. *Lightf. scot.* 2. p. 985. *Engl. bot.* 10. t. 689. *Dillwyn. conf. brit.* t. 32. introd. p. 63.

Batrach. moniliforme *δ. vagum* *Roth. germ.* 3. p. 482.

C. alpina lubrica, *filamensis nodosis* *cæruleis*. *Dillen. musc.* p. 38. t. 7. f. 45.

Hab. in lapidibus rivulorum Lapponiæ sylvaticæ inferioris parcius.

Varietas *cærulescens* heic tantum occurrit caule rigidiore, verticillis ramulorum minoribus et parum gelatinosis; in quo statu ad *C. atram* accedit. Ego quidem consultius puto *C. atram* pro distincta habere quam huic jungere, quamquam re vera valde affines sint.

Obs. Conferva quædam a me prope littora Nordlandica lecta et pro *C. spongiosa* habita nonnisi varietatem *C. pennatæ* sistit. Itaque *C. spongiosam* e Flora Lapponica excludo auctoritate Gunneri non satis fissus.

974. **CONFERVA** *atrovirens*: filamentis noduloso-punctatis atro-virentibus rigidulis: ramulis subsecundis brevibus intus graniferis.

C. atrovirens *Dillw. conf. brit.* t. 25. introd. pag. 60.

Hab. prope cataractas fluminum lapidibus saxisque adhærens per Lapponiam sylvaticam frequenter.

Ad Lichenes capillaceos revera tum habitu ac structura interna valde accedit. Substantia fibrarum primariarum subpellucida, punctis incrassatis nodulos efficientibus adspersa; quæ puncta approximata plerumque inordinate posita sunt, et nonnisi rarius juxta se invicem circa caulem posita circulos irregulares efficientia. Ex his tuberculis sparsim nati esse videntur ramuli breves pellucidi in axi granulis approximatis referti. Modum crescendi valde memorabilem et prolificantem habere videtur; granula centralia ramorum sensim dividuntur et in tubercula superficialia abire videntur, e quibus denique nascuntur novi ramuli. Filamenta primaria capillo plerumque duplo angustiora, ramuli vero

capillo quaduplo tenuiores. Specimen Nobil. *Turnero* misi, quo de nomine *Dillwynii* certissimus factus sum.

975. *CONFERVA diaphana*: nodosa dichotoma, nodis purpureis, internodiis incrassatis diaphanis.

C. diaphana *Lightf. scot.* 2. p. 996. [*Dillwyn. Conf. brit.* t. 58. *introd.* p. 78. *Engl. bot.* 25. t. 1742. optim. *Roth. fl. germ.* 3. p. 525.

- [Hab. in stipitibus *Fuci digitati* aliisque fucis perennibus profundius crescentibus ut etiam in *Corallina scrobiculorum* littoralium per littora *Nordlandica* et *Finmarkica* frequenter.

Nodi e substantia quadam spongiosa sive cellulosa tenuissima utriculari conflati sunt, unde striæ obsoletiores per internodia effunduntur ab eadem cellulosa tenuissima constructæ et neutiquam vasculares. Neque parietes membranacei neque vasa e membranis hyalinis constructa in hacunquam observantur; quo eximie a sequentibus differt. Granulum centrale vel nervus centralis omnis semper deest.

2. *VASCULOSAE*: internodiis striato-vascularis.

976. *CONFERVA polymorpha*: creberrime articulata dichotoma, septis diaphanis, segmentis abbreviatis multistriatis.

C. polymorpha *Linn. spec. n.* 1174. *Lightf. scot.* 2. p. 989. *Dillwyn. brit. conferv.* t. 44. *introd.* p. 81. *Engl. bot.* 25. t. 1764. optim.

Ceramium fastigiatum *Roth. fl. germ.* 3. p. 463.

- Hab. in *Fuco nodoso* sub refluxu maris denudato locis pacificis frequenter.

Cæteris *Confervis* longe crassior, filo vix tenuior, extra aquam vix decumbens. Septa omnino diaphana et nullis membranis limitata, sed solis extremitatibus vasculorum indigitata. Segmenta valde abbreviata vel diametro triplum breviora; striis seu vasculis numerosis ultra decem in unoquoque latere, omnino isoletis. Granulum centrale in singulo segmento adest nigrescens.

977. *CONFERVA atrorubens*: articulata dichotoma extenuata rubro-nigrescens, segmentis multinerviis quadratis, ramulis demum multifidis subpenicilliformibus.

C. atrorubescens *Dillwyn. brit. conf.* tab. 70.

C. nigrestens Huds. angl. p. 595. Dillw. l. c. introd. p. 86.

Hab. in Corallinis lapidibusque per littora exteriora maris Nordlandiæ Finmarkiæque frequenter.

Quamquam sæpius intense rubra occurrit et tunc pro *C. rubra* haberi videtur a Web. et Mohr in editione germanica l. c. t. 54. fig. A. a.; tamen secundum figuras *Dyllwynii* non potest non ad longe aliam speciem referri. Ob colorem lætiorem nomen Hadsoni ineptum credidi; occurrit vero interdum ad lapponiam satis crassa et eximie nigrescens varietas, quæ *C. nigrescentem* Huds. valde refert, cujus autem fructificationem nunquam reperi.

978. *CONFERVA stricta*: articulata dichotoma capillaris purpurea, ramis strictis fastigiatis, segmentis trinerviis diametro triplum longioribus. Dillwyn. brit. conf. t. 40. introd. p. 87.

Hab. in scrobiculis scopulorum rarius denudatorum et exteriorum infra littora maris prope Kierring-øam Nordlandiæ passim copiose.

Colorem suum amoenissimum purpureum etiam sub exsiccatione servat. Nec de cætero ullo modo a *Dillwynii* figura et descriptione differt.

979. *CONFERVA pennata*: articulata olivacea ramosa, ramis pinnatis oppositisque approximatis strictis, segmentis subquadratis.

C. pennata Huds. angl. p. 604. Dillwyn brit. conf. t. 86. introd. p. 87.

Hab. inter Corallinam in scrobiculis aqua marina semper repletis tum Nordlandiæ ac Finmarkiæ parcius.

Inter hanc et sequentem sectionem fere ambigit vasculis tantum obsoletioribus in ramis adultis, et nervo centrali in ramulis ultimis. His notis non potest non a vera *C. scoparia* facillime distingui. Ramis suis plumosis valde notabilis inprimis cum rachis plana et pinnulis octuplo latior.

3. ARTICULATAE: articulis evasculosis.

* ramosæ.

980. *CONFERVA rupestris*: articulata dichotoma virgataque intense viridis, septis pellucidis subcontractis, segmentis elongatis opacis.

C. ru-

C. rupestris Linn. *svec.* n. 1176. *Dillwyn brit. conf.* t. 23. *introd.* p. 65. *Roth. fl. germ.* 3. p. 516. *Engl. bot.* 24. t. 1699. *optim. Flor. dan.* t. 948. *Roth. fl. germ.* 3. p. 516.

Hab. in rupibus littoralibus inprimis prope exitum fluviorum per totam Nordlandiam et Finmarkiam frequenter.

Sequentibus longe rigidior et fragilior, adeo ut exsiccando haud adhæret. Fila omnia tum infimi stirpis ac ramorum ultimorum ejusdem fere crassitudinis scil. capillo vix tenuiora. Figuram *Dillwynii* haud bonam esse puto; multo magis placet *Engl. bot.* tab. cit. ut etiam figura *C. ægagropilæ* in *Web. et Mohr. schwed. reise*, quæ tantum brevitate ab hac differt.

Omnes *Confervæ* hujus et sequentis sectionis modo crescendi longe differunt a præcedentibus. Sunt scilicet ubique ejusdem crassitudinis, articulis quasi concatenatis compositæ et revera moniliformes. E contra præcedentium sectionum *confervæ* e trunco crassiore sensim extenuantur in ramos multoties tenuiores, quo fabricam longe magis compositam indicant et *Fucis Lichenibusque* accedunt.

981. *CONFERVA glomerata*: articulata virgatim ramosa, ramulis secundis, septis subcontractis, segmentis elongatis pellucidis virescentibusque.

C. glomerata Linn. *spec. plant.* p. 1637. *Huds. fl. angl.* p. 602. *Dillwyn Conf. britt.* t. 13. *introd.* p. 65.

β. *marina* paullo crassior, viridior.

C. crystallina Roth. *fl. germ.* 3. p. 515. (forsan *C. lætevirens* Engl. *bot.* 26. t. 1854?)

Hab. in lapidibus fluviorum puriorum Lapponiæ sylvaticæ rarius; at β. in mari Nordlandico sat vulgaris.

Præcedenti forma articulorum et tota structura simillima, sed ramuli longe crebrius divisi et segmenta nonnisi parcissimâ materiâ granulosâ repleta flaccida, nec adeo faretæ et rigida ac præcedentis.

982. *CONFERVA littoralis*: articulata dichotoma ramosissima tenuissima, segmentis abbreviatis pellucidis pallidisque.

C. littoralis Linn. *svec.* n. 1170. *Lightf. scot.* p. 979. *Dillw. conf. brit.* t. 31. *introd.* p. 70.

Ceramium confervoides Roth *fl. germ.* 3. p. 467.

Hab. in fucis prope littora maris ubique frequenter.

Tenuissima omnium est, utpote capillo decies fere angustior, septis tenuissimis et segmentis nulla materia colorata repletis. Ob tenuitatem maximam mucilaginem potius quam confervam in aqua refert.

983. *CONFERVA mutabilis*: ramulis fasciculatis glomeratisve brevibus, filis primariis simpliciusculis hyalinis articulatis, segmentis subventricosis,

C. mutabilis Roth. *germ.* 3. 1. p. 518. *Dillw. conf. brit.* tab. 12. *introd.* p. 63.

C. gelatinosa γ. *Huds. angl.* p. 598.

Drapernaldia mutabilis Bory de St. Vincent in *Annal. de Muse.* 1808. p. 402. t. 35. f. 1.

Hab. in fluviis purissimis Lapponiæ sylvaticæ rarius.

Tota structura a *C. gelatinosa* diversissima, quamquam habitu quodammodo similis. Sola est species hujus sectionis in qua fila primaria (capillo vix angustiora) ramulis ultimis multoties crassiora sunt, aliis quoque respectibus a cæteris longe aliena.

984. *CONFERVA seriata*: subcontinua vage ramosa, utriculis centralibus punctiformibus approximatis viridibus.

Icon tab. nostr. XXX. fig. 2.

Hab. in limo inundato paludum Lapponiæ sylvaticæ passim copiose.

Filamentis admodum implexis pellem murinam valde refert, eamque ob causam diu a me pro *Conferva myochroa* Turn. habita est. Sed puncta centralia admodum insignia sunt, in ramis tenellis fere confluentibus, in adultioribus bene distinctis et demum in utriculos subdiaphanos abeuntia. Fila capillo quinque angustiora.

Explicatio iconis: a. *Confervæ* fila nonnulla magn. nat. — b. pars fili unius cum ramulis magn. 80: es auct.

** Simples.

985. *CONFERVA fucicola*: articulata simplex rufescens, segmentis quadratis egranulosis pellucidis.

C. fucicola *Vellej's mar. plant. pl. 4. Dillw. brit. conf. t. 66. introd. p. 53.*

C. ferruginea *Roth. germ. 3. p. 505.*

Hab. in *Fuco serrato* etc. sub aqua marina plerumque recondito fere ubique.

Pulchella species fasciculos e centro radiantes constituens. Fila crassitudinem capilli fere attingunt. Septa in sicco opaca, in humido pellucida quamquam tenuia. Segmenta colore saturatiore limitata, de cætero utique diaphana.

986. *CONFERVA atropurpurea*: subarticulata simplex, granulis subquadratis approximatis demum bipartitis purpureis.

C. atropurpurea *Mert. MS. secund. ex. Mohrii. Dillwyn brit. conferv. tab. 103. introd. p. 54.*

Hab. in saxis sub refluxu maris vix denudatis ad insulas exteriores *Nordlandiæ* rarius.

Substantia ejus admodum mollis et succosa, unde etiam exsiccata et in aqua iterum immersa admodum torquetur et oscillat, uti de *Oscillatoriiis* narrant. Nec articuli adeo evidentes, quin potius granula in tubo communi locata videantur. Fila juniora ni fallor virescunt.

987. *CONFERVA bipunctata*: articulata simplex virescens, segmentis oblongatis bilocularibus bimaculatisque.

C. bipunctata *Roth. catal. bot. 2. p. 204. Engl. bot. 23. t. 1516. bona. Dillw. conf. brit. t. 2. introd. p. 50.*

Hab. in lapidibus fluminum præcipue in cataractis *Laponiæ sylvaticæ* et *subalpinæ* frequenter.

Cæteris *Confervis* aquarum dulcium longe frequentior est, lanugine rigidiore et magis tortuoso lapides insigniter obvestiens.

988. *CONFERVA quinina*: articulata simplex, linea granulifera spirali simplici; granulis demum confluentibus.

C. quinina *Müll. in Nov. Act. Petrop. 3.*

C. spiralis *Dillw. conf. brit. tab. 3. introd. p. 50. Engl. bot. 23. t. 1656.*

Hab. in fluminibus *Laponiæ sylvaticæ* parcius.

989. *CONFERVA pectinalis*: simplex compressa attenuata creberrime articulata, segmentis valde abbreviatis facile dissilientibus hyalinis.

C. pectinalis Müll. in *Nov. Act. Petr.* 3. *Engl. bot.* 23. t. 1611. *Dillw. conf. brit.* t. 24. *introd.* p. 51.

Hab. inter *C. glomeratam* et *bipunctatam* in fontibus etc. Lapponiæ sylvaticæ haud raro.

Compressa omnino est nec teres saltem postquam exsiccata fuerit. Hoc quidem conspicitur, quando lamina vitrea ita inclinatur sub microscopio composito, ut aqua motu suo specimina circumvolvitur velvolvendo latera omnia plantæ conspicienda præbet.

990. *CONFERVA flocculosa*: simplex compressa articulata, segmentis subquadratis facile dissilientibus nervo hyalino centrali notatis.

C. flocculosa *Engl. bot.* 24. t. 1761. optim. *Dillwyn. brit. conf.* t. 28. *introd.* p. 52. *Roth. germ.* 3. p. 523.

Hab. cum præcedente inter *C. bipunctatam* ex. gr. ad templum Arjeplog Lapponiæ Pitensis.

Nullum est dubium, quin præcedenti proxime affinis sit, tamen ob nervum hyalinum non potest non distingui contra sententiam Cl. *Weber* et *Mohr* in ed. germ. operis *Dillwynii*.

4. ANNULATAE.

991. *CONFERVA flos aquæ*: filis omnium tenuissimis pectinatim congestis cohærentibusque subannulatis.

C. flos aquæ *Roth. Catat.* 3.

Byssus Flos aquæ *Linn. spec.* n. 1182. *lappon.* n. 529.

Hab. in fluviis pacificis Lapponiæ sylvaticæ rarius ex. gr. ad Wajkijaur Lapp. Lulensis copiose; aliud vero naturæ productum re vera pulverulentum pro flore aquæ plerumque habitum vulgatius occurrit (*Flor. lappon.* n. 532.)

N O S T O C.

Schrank - Vaucher.

Massa gelatinosa granulis excentricis composita.

992. *NOSTOC vulgare*: gelatinosa tremulans vire-sceus subplicata.

Nostoc vulgare *Schrank.*Tremella Nostoc *Linn. fl. swec. n. 1156. lappon. n. 530.*Linkia Nostoc *Mohr in Web. Beitr. 2. p. 359.*

Hab. in pratis stercoreatis Lapponiæ passim.

O r d o V. F U N G I.

S P H A E R I A.

Persoon. synops. fung. pag. 1.

Fructus sphæraulæ subglobosæ intus cavæ sive seminulis perispermio indutis repletæ.

Fungillus plerumque verruciformis seu nullus.

993. *SPHAERIA concentrica*: globosa magna, sphæraulis in strata concentrica dispositis numerosissimis.

*S. concentrica Persoon. syn. p. 3. Albertin. et Schweiniz fung. p. 3.*Hab. in ramis caudicibusque *Betulæ albæ* totius Lapponiæ sylvaticæ passim.

Aterrimi hi fungi, magnitudinem pugnæ manus sæpe attingentes, in sola *Betula* ejusque cortice niveo crescunt, ubi aspectum valde notabilem efficiunt. Valde longævi esse videntur, quum stratum tantummodo unicum Sphæricularum singulo anno adponunt. Sphæraulæ ratione magnitudinis totius fungi satis minutæ, utpote seminibus *Papaveris* haud grandiores, astomæ, puncto minuto sese aperientes. Substantia interna omnino carbonacea, fragilis, subnitens, nigra.

994. *SPHAERIA fusca*: composita subrotunda fusca subpulverulenta intus concolor, sphæraulis subcutaneis umbilicatis.

*S. fusca Pers. syn. p. 12. et in Ann. bot. p. 22. t. 2. f. 3.**S. fragiformis Hoffm. pl. crypt. I. p. 20. t. 5. f. 1.*

Hab. in cortice *Alni incanæ* Lapponiæ sylvaticæ rarius ex. gr. ad Sodanhylä Kemensem.

Totus fungillus magnitudine Pisi minoris supra planiusculus vel subdepressus. Sphærulæ vix prominent, seminibus Papaveris multo minores.

995. SPHAERIA *deusta*: composita effusa inæqualis nigra primo fuscescens, sphærulis prominentibus papillatis.

S. *deusta* Hoffm. *crypt.* 1. p. 3. t. 1. f. 2. *Persoon. synopsis.* p. 16.

S. *versipellis* Tode *fung. mekl.* 2. p. 55. t. 17. fig. 129.

Hab. in ligno betulino denudato Lapponiæ quoque subalpinæ ex. gr. ad Polmack Finmarkiæ.

In prima ætate præcedenti satis similis, sed multo magis irregularis. Sphærulæ maturæ multo grandiores utpote seminibus Sinapios vix minores, adeo prominentes ut totum fungum verrucosum efficiunt, plus minusve elevatæ et inæquales, satis fragiles et sæpe disruptæ.

996. SPHAERIA *Betulæ nanæ*: epiphylla composita effusa nigerrima, sphærulis prominulis umbilicatis.

Icon tab. nostr. XXX. fig. 3.

Hab. in foliis *Betulæ nanæ* per alpes rarius; Måsoæ in Finmarkia a me tantum lecta.

Structura sua præcedenti haud dissimilis, sed adeo minutissima ut totus fungillus semine Sinapios minor et singula sphærula capillo angustior. Pro Xylomatis specie itaque facile haberetur, nisi sphærulæ adeo prominerent, ut facile cum ostiolo suo discernerentur præcipue in humectato statu.

Explicatio iconis: a. folium *B. nanæ* cum fungilli acervulis pluribus magn. nat. b. folii particula cum acervulo fungilli uno magn. 8es auct. c. stroma unum fungilli perpendiculariter sectum 70:es auctum.

997. SPHAERIA *ochracea*: epiphylla composita crustacea flavâ, sphærulis immersis minutis rufescentibus.

Xyloma rubrum *Persoon. synopsis.* p. 105.

Hab. in foliis *Pruni Padi* vivis frequenter.

Crusta coriaceæ fere substantiæ, ipso folio duplo tantum crassior. Puncta fulva re vera aperturæ

sunt peritheciorum subtus latentium; quæ perithecia intus capillo duplo triplove latiora, pariete pallidiori cincta, subtus puncta elevata in aversa folii pagina efficiunt. Totus fungillus *Lichenem Acharii* admodum refert colore et magnitudine omnium partium.

998. SPHAERIA *nivea*: scutelliformis alba, sphæru-
lis rostratis immersis: ostiolis superficialibus ni-
gris centralibus.

S. *nivea* Hoffm. *crypt.* 1. p. 28. t. 6. f. 3. Per-
soon. *rynops.* p. 38. Albertin. et Schweiniz
fung. nisk. p. 19. n. 58. a.

Lichen rosaceus Flor. dan. t. 825. f. 1..

Hab. in cortice ramulorum exsiccatorum *Populi tre-
mulæ* Lapponiæ sylvaticæ fere ubique.

Verrucæ supra epidermidem prominentes semi-
nibus Sinapios haud multo majores; disco plano et
margine explanato sublacero albo. Ostiola eminen-
tia, approximata in disco scutellæ: quorum vero
sphærulæ profunde sub scutella in ipso cortice po-
pulino latent, nulloque conceptaculo comuni
gaudent, magnitudine circiter seminum Papaveris,
dupplumque majorem diametrum occupantes quam
scutella eminens.

999. SPHAERIA *calvula*: verruciformis composita
cinerea, sphæruis rostratis immersis: ostiolis
prominentibus nigris marginalibus.

Icon tab. nostr. XXX. fig. 4.

Hab. in cortice ramulorum exsiccatorum *Salicis
glaucæ* prope Sodankylä Lapponiæ Kemensis.

Præcedenti valde affinis ob situm sphærula-
rum et figuram ostiolorum prorsus convenien-
tem. Ipsæ vero verrucæ adhuc minores apparent,
supra convexæ et inmarginatæ; ostiola adeo prope
marginem disposita ut centrum omnino læve
et cinereum relinquunt.

Explicatio iconis: a. ramulus salicinus cum
hujus Sphæriæ stromatibus pluribus magn. nat.
b. stroma unum e latere visum magn. 8es auct.
c. idem stroma superne visum eodem augm. d. stro-
ma perpendiculariter sectum cum ipsis sphæruis
subtus in cortice latentibus magn. 16es auct.

1000. SPHAERIA *subcutanea*: composita plana effusa, papillis sphæricularum prorumpentibus distantibus.

S. tessella β . decedens *Persoon. synops.* p. 48?

Hab. sub epidermide ramorum *Salicis phylicifoliae* per totam Lapponiam usque ad lacum Enarensem passim.

Tumores usque ad pollicem latos et parum elevatos efficit sub epidermide proropens; nec nisi singula ostiola distantia epidermidem penetrant et fungum subtus latentem indicant. Sphærulæ seminibus Papaveris parum grandiores, subrotundæ, papillulas breviores emittentes, corticem vix intrantes, sed inter corticem et epidermidem nidulantes revera intercutaneæ.

1001. SPHAERIA *coronata*: aggregata conica, sphæculis conceptaculo inclusis: rostris conniventibus liberis superne incrassatis pentagonis.

Sph. coronata *Hoffm. crypt.* 1. p. 26. t. 5. f. 3.

Hab. in cortice ramorum Sorbi Aucupariæ totius Lapponiæ sylvaticæ frequenter; in Pruni Padi autem rarius ex. gr. ad Polmach Finmarkiæ lecta.

Conceptaculum tumidum nonnisi sphæculas ipsas includit, adeo ut ultra dimidia pars rostrorum nuda patet. Sphæculæ numerosæ ultra viginti fungillum pisi minoris magnitudine efficiunt. Proboscides rostrorum fastigiatae vel ejusdem altitudinis, unde fungillus supra planus evadit.

1002. SPHAERIA *pusilla*: aggregata depressa, sphæculis nudis decumbentibus rostris convergentibus apiceque conjunctis.

S. pusilla *Persoon. synops.* p. 46. t. 1. f. 14. a.

Hab. sub epidermide *Betulae albæ* juniore frequenter, *Alni incanae* rarius.

Parum cortici adhæret et plerumque cum epidermide detrahitur, unde difficiliter integra denudatur. Sphæculæ seminibus Papaveris fere minores vix coherentes, inter epidermidem et corticem nudæ latentes circinatim dispositæ, rostris rimulam epidermidis centalem petentibus.

1003. SPHAERIA *mammiformis*: subaggregata, sphæculis paucis connatis majusculis globosis papillatis.

S. mammiformis *Hoffman. crypt. p. 13. t. 3. f. 2.*
Persoon. synops. p. 64?

Hab. in cortice ramorum *Salicis capræ* Lapponiæ
 sylvaticæ passim; ut etiam rarius sub epidermi-
 de *Betulæ* crassiori.

Hujus sphaerulæ majores quam alius cujusdam
 speciei lapponicæ scil. semine *Sinapis* grandiores;
 de cætero nigro-fuscæ, læves, papillo minuto præ-
 ditæ. Simplex vix dici meretur, quum sphaerulæ
 communem maculam paginæ inferioris corticis
 semper efficiunt.

1004. *SPHAERIA sanguinea*: simplex globulosa
 sanguinea papillata.

S. sanguinea *Sowerby. — Bolton. — Persoon.*
synops. p. 81.

S. coccinea *Persoon. synops. p. 49?*

Hab. parasitica in *Sphaeria coronata* *Hoffm.* su-
 pra corticem *Sorbi Aucupariæ* rarius.

Pustulas dictæ *Sphaeriæ* sæpe adeo obtegit ut
 stroma ipsius crederes; interdum vero parci-
 or est ut proboscides pentagonæ facile dignoscuntur. *Sphæ-*
rulæ inter minutiores, seminibus *Papaveris* multo
 tenuiores vel capillo nonnisi triplo latiores.

1005. *SPHAERIA pulvis pyrius*: simplex, sphaerulis
 rotundatis liberis superne rugosis sulcatisve.

S. pulvis pyrius *Persoon. synops p. 86.*

Hab. in ligno denudato plerumque betulino supra
 terram inter muscos dejecto per totam Lappo-
 niam etiam subalpinam frequenter.

Sphaerulæ semper seminibus *Papaveris* minu-
 tiores aterrimæ, subnitidæ, a ligno fere solutæ vel
 unico tantum punctulo adhærentes; situ vero valde
 variabiles, interdum approximatae, sæpe sparsæ in
 crustam subcæsiam vel hyloicam, quo in statu
Hysterium quoddam admodum refert.

1006. *SPHAERIA Dematium*: simplex, sphaerulis
 umbilicatis planiusculis pilis erecto-divergen-
 tibus medio obsitis.

S. Dematium *Persoon. synops. p. 88?*

Hab. in capsulis *Bartsiaæ alpinae* raro ex. gr. prope
 Hammerfest Finmarkiæ.

Sphaerulæ in meis speciminibus omnino soli-
 tariæ, nec congestæ, unde de identitate fungilli
Persoonii incertus hæreo. Respectu magnitudinis

sphærulæ duplo circiter minutiores seminibus Papaveris; subumbilicatæ, circa umbilicum pilis minutissimis aterrimis rigidulis obsitæ.

1007. SPHAERIA *setacea*: simplex epiphylla, sphærulis sparsis latentibus, rostris setaceis attenuatis.

S. *setacea* Persoon. *synops.* p. 62? *Albertini et Schweinitz fung. nisk.* p. 32.

? S. *tubæformis* Tode *fung. mekl.* p. 41. t. 16. fig. 128.

Hab. in foliis deciduis *Betulæ albæ* et *nanæ* per totam fere Lapponiam.

Sphærulæ intra membranas folii latentes tumores seminibus Papaveris paullo grandiores efficiunt. Setulæ aterrimæ.

1008. SPHAERIA *fallax*: simplex sparsa, sphærulibus sursum cylindricis subapertis basi farctis semiglobosis.

? S. *fallax* Persoon. *synops.* p. 92.

Hab. in cortice *Pruni Padi* Finmarkiæ copiose.

Pezizis re vera affinis substantia sua carnosae, labiis oris tumidis etc. Nucleus fructigerus subfulvus, cylindricus.

H Y S T E R I U M.

Persoon. syn. p. 97.

Fructus perithecium elongatum, rima longitudinali dehiscens.

Fungillus nullus.

1009. HYSTERIUM *versicolor*: ovale subdepressum læve, marginibus rimæ prominentibus contiguous rufescentibus.

Icon. tab. nostr. XXX. fig. 5.

Hab. in foliis deciduis *Salicis hastatæ*, *arbusculæ* etc. per Lapponiam alpinam et subsylvaticam ex. gr. ad Hamnerfest Finmarkiæ et ad Sotajoki paræciæ Enare.

Pulchra species nulli alii affinis. Perithecium semper ejusdem magnitudinis semine Papaveris paullo minus, e membrana fragili chartacea factum, per se aterrimum, sed extus pruina glaucescente obductum, intus pulvisculo subfusco vel rufescente inquinatum. Rima per totam longitudinem peri-

thecii extenditur; labiis tenuibus in medio contiguus.

Explicatio iconis: a. folii salicini pars cum hujus Hysterii speciminibus pluribus magn. nat. — b. fungillus unus superne visus magn. 16es auct. — c. isdem e latere visus eod. augm. — d. ejus sectio transversalis oblique visa eod. augm.

1010. *HYSTERIUM pulicare*: oblongum utrinque obtusum tumidum striatum.

H. pulicare *Persoon. syn.* p. 98.

Lichen alneus *Achar. prodr.* p. 20.

Hab. in cortice frustuloso præcipue Alni per totam Lapponiam sylvaticam ubique frequenter.

Magnitudine quidem variat, sed pulice nunquam majus evadit

1011. *HYSTERIUM elongatum*: oblongo-lineare acutiusculum tumidulum striatum.

H. fraxini *Persoon. syn.* p. 100. t. 2. fig. 5. 7. 8?

Hab. in ramis denudatis *Salicis caprææ* passim.

Præcedenti adeo affine ut vix specie diversum. Eodem gradu durum et timidulum.

1012. *HYSTERIUM parallelum*: erumpens lineiforme parallelum disco demum explanato fuscescente.

Lichen parallelus *Achar. prodr.* p. 23.

Hysterium abietinum *Persoon. syn.* p. 101.

Hab. in ligno denudato putrescente præcipue Juniperi per totam fere Lapponiam frequenter.

Substantia disci haud anthracina ut in præcedentibus, sed revera subcarnosa et nonnihil pellucens, præcipue alteram versus extremitatem gelatinam quasi effundens.

1013. *HYSTERIUM pezizoides*: erumpens oblongum subparallelum, disco demum explanato fuscescente marginibus deciduis albis.

Hab. in ligno putrescente betulino Finmarkiæ prope Hammerfest.

Paradoxa species disco suo lato carnoso *Pezizis* simillima; sed primum rima longitudinali e labiis accessoriis facta diversissima et præcedenti revera proxime affinis.

1014. *HYSTERIUM Sorbi*: erumpens oblongum, disco explanato nigricante intus albedo.

Hab. in ipso epidermide ramulorum *Sorbi Aucupariæ* Finmarkiæ.

Intra membranas epidermidis sedet et per extimam erumpit. Discus omnino ejusdem texturæ ac in præcedentibus, ut non potest non ejusdem generis esse; magnitudine et forma seminis Papaveris. Dissectus vero discus maculas oblongas omnino albidas in superficie ramulorum relinquit.

XYLOMA.

Persoon. synopsis. fung. p. 103.

Fructus perithecium difforme, fartum, irregulariter rumpens, basi carnosa interdum insidens.

Fungillus nullus.

1015. XYLOMA *salicinum* β .: compositum crassum tumidum inæquale intus basi album.

X. *salicinum* var. *Persoon. syn. p. 103. obs. 2.*

Hab. in foliis *Salicis lanatæ, reticulatæ* etc. per totam Lapponiam etiam alpinam passim.

Varietas minor est vix ultra duas lineas lata, composita tuberculo majori centrali et pluribus minoribus lateralibus tuberculis. Singulum tuberculum semine Sinapios fere majus, supra planiusculum, lævissimum, intus demum subinflatum; stratum enim exterius nigrum a basi alba elevatur, idque forsitan ob seminula interjacentia. Basis illa carnosa dimidiæ lineæ crassitudinis, insigniter candida.

1016. XYLOMA *Andromedæ*: compositum oblongum crassiusculum rugoso-costatum nitidum.

X. *Andromedæ* *Persoon. syn. p. 104. Albertini et Schweinitz. fung. nisk. p. 62.*

Hab. in foliis *Andromedæ polifoliæ* frequenter.

Rugæ illæ notabiles, quæ in humido fungo persistunt, limites internos peritheciorum indicant. Præcedenti multo tenuius est, et intus aterrimum sine ulla basi discolori.

1017. XYLOMA *alneum*: simplex minutum subrotundum plicatum. *Persoon syn. p. 108. Albertini et Schweinitz fung. nisk. p. 66.*

Hab. in foliis *Alni incanæ* adhuc viridibus frequenter.

NAEMASPORA.

Persoon synopsis. p. 108.

1018. NAEMASPORA *crocea*: nuda albescens, cirris inæqualibus flavo-croceis.

? *N. crocea* Persoon synops. p. 109.

Hab. in ramis siccis *Pruni Padi* ad Väskinjarga prope flumen Tana Lapponiæ Kemensis.

AECIDIUM.

Persoon synops. p. 204.

1019. *AECIDIUM cornutum*: compositum flavum, peridiis cylindricis longis fimbriatis subgriseis.

A. cornutum Persoon syn. p. 205.

Hab. in pagina supina foliorum vegetantium *Sorbi Aucupariae* Lapponiæ sylvaticæ frequenter.

Stroma fungilli vel basis ejus vix unquam semine Cannabis latius, subcorneum. Peridia e fundo ejus nascuntur et primum subulata prorumpunt, demum apice irregulariter finduntur.

1020. *AECIDIUM Phacae frigidae*: peridiis sparsis cupulatis subintegris sublividis, seminulis fuscis.

Hab. in foliis *Phacae frigidae* per alpes Finmarkiæ orientalis prope Polmack.

Inter minutiores hujus generis species: peridiis capillo triplo tantum latioribus, subhyalinis. Pulvisculus seminalis demum totum folium obtegit. Peridium clausum planiusculum est; dein quasi operculo circumscisso deniscit, unde marginis integritas insignis oritur.

URED O.

Persoon synops. p. 214.

1021. *UREDO betulina*: rubicunda conferta inæqualis bullata crispaque clausa.

U. populina β. *betulina* Persoon. syn. p. 219.

Hab. in foliis *Betulae albae* frequenter.

1022. *UREDO Ledi*: sparsa aggregataque miniato-aurantiaca subcylindrica, pulvere laxo. *Albertini et Schweinitz fung. nisk.* p. 125.

Hab. in pagina inferiori *Ledi palustris*: ad Polmak Finmarkiæ copiose lecta.

1023. *UREDO caricis*: pulvere nigro capsulas replens. *Persoon syn.* p. 225. *Albertini et Schweinitz fung. nisk.* p. 130.

Hab. in capsulis *Caricum* præcipue *paniceæ* frequenter.

LYCOPERDON.

Persoon synops. p. 140.

1024. LYCOPERDON *Bovista*: subrotundum lacero-dehiscens *Linn. svec. n. 1280. Lapp. n. 525.*

Hab. in pratis siccioribus per totam Lapponiam usque ad Kistrand Finmarkiæ.

Obs. *Lycoperdon cervinum* *Linn.* extra Lapponiam tantummodo lectum est secundum ipsius *Linnæi fl. lapp. n. 526.*

LYCOGALA.

Persoon synops. p. 157.

1025. LYCOGALA *miniata*: gregaria globosa primum miniata demum fuscescens, pulvere roseo.

Persoon syn. p. 158.

Lycoperdon Epidendrum *Linn. spec. plant. p. 1654.*

Lightf. scot. 1068. Sowerb. fung. t. 52.

Hab. in ligno denudato putrido Lapponiæ sylvaticæ passim ex. gr. ad Sodankylä Lapp. Kemensis.

STEMONITIS.

Persoon synops. p. 186.

1026. STEMONITIS *fasciculata*: cespitosa major, capillitio subattenuato cortice toto evanescente.

Persoon. syn. p. 187.

Clathrus nudus *Syst. veg. ed. Murr. p. 1017.*

Trichia nuda *Sowerb. fung. t. 50.*

Hab. in parietibus ligneis rarius; mihi obvia ad Muddosjaur prope Enare Lapponiæ Kemensis.

Stipite rigido demum omnino denudato *Petriconiam Stemonitiden* *Persoon. p. 687. eximie refert.*

MUCOR.

Persoon. synops. p. 199.

1027. MUCOR *Mucedo*: fugax stipitatus, capsula globosa. *Linn. svec. n. 1284. Lapp. n. 534.*

Hab. in putrescentibus ubique.

AMANITA.

Persoon. syn. p. 246.

1028. AMANITA *muscaria.*

Agaricus muscarius Linn. *svec.* n. 1235. *lapp.*
n. 515.
Hab. in sylvis Lapponiæ.

A G A R I C U S.

Persoon. syn. p. 257.

1029. AGARICUS (*Coprinus*) *squarrosus*. *Flor.*
dan. 7. t. 1191.

A. depilatus *Persoon.* syn. p. 408.

Hab. in truncis betulinis Finmarkiæ: *Vahl.*

Agarico nitenti *Fl. dan.* affinis.

1030. AGARICUS *bicolor*: *Flor. dan.* t. 1070.

? *A. fuscescens* var. *Schæff.*

Hab. in Finmarkiæ pratis, *Vahl.*

1031. AGARICUS (*Cortinaria*) *viscidus*: *Persoon.*
synops. p. 291. *Linn. fl. svec.* n. 1229. *lap-*
pon. n. 485.

Hab. in Lapponia: *Linne.*

1032. AGARICUS (*Cortinaria*) *cinnamomeus*: *Per-*
soon. syn. p. 297? *Linn. svec.* n. 1205. *lapp.*
n. 494.

Hab. in Lapponia: *Linne.*

1033. AGARICUS (*coprinus*) *nitens*: *Vahl flor. dan.*
tab. 1067.

A. squamosus γ. *Persoon.* syn. p. 409.

Hab. in stercore vaccino Finmarkiæ: *Vahl.*

1034. AGARICUS (*Coprinus*) *fimetarius*: *Linn. fl.*
svec. n. 1215. *lapp.* n. 503.

A. comatus *Pers.* syn. p. 395.

Hab. in Lapponiæ fimetis: *Linne.*

1035. AGARICUS (*coprinus*) *extinctorius*: *Linn.*
svec. n. 1196. *Flor. lapp.* n. 480. 481. *Per-*
soon. *synops.* p. 417?

Hab. in Lapponia: *Linne.*

1036. AGARICUS (*Mycena*) *hypnorum* γ.: *Per-*
soon. *synops.* p. 386.

Hab. in paludosis ad Polmack Finmarkiæ, ubi eum
ipse legi.

1037. AGARICUS (*Lactifluus*) *rubescens*: *Vahl flor.*
dan. 7. tab. 1069. f. 2. *Schæff. fung.* tab. 73.

A. subdulcis α. *rufus* *Persoon.* *synops.* p. 435.

Hab. passim in Finmarkia: *Vahl.*

1038. AGARICUS (*Gymnopus*) *cervinus*: Vahl in Flor. dan. t. 1067. f. 2. Schæff. fung. t. 10.
A. pluteus Persoon. syn. p. 357.
 Hab. in ligno putrido Finmarkiæ haud frequens: Vahl.
1039. AGARICUS (*Pratella*) *campestris*: Persoon. synops. p. 418. Linn. svec. n. 1203. lapp. n. 482.
 Hab. in Lapponia: Linné.
1040. AGARICUS (*Pratella*) *campanulatus*: Linn. svec. n. 1213. lapp. n. 507. Persoon. syn. p. 426?
 Hab. in Lapponia: Linné.
1041. AGARICUS (*Russula*) *integer*: Linn. svec. n. 1230. lapp. n. 486. 487.
 Hab. in Lapponia: Linné.
1042. AGARICUS (*Omphalia*) *nivalis*: Vahl in Flor. dan. 7. tab. 1071. fig. 2. Persoon. synops. p. 454.
 Hab. in alpibus: Vahl.
1043. AGARICUS (*Omphalia*) *cyaniceps*: Vahl in Flor. dan. 7. tab. 1071. fig. 3. Persoon. syn. p. 464.
 Hab. in pratis Finmarkiæ: Vahl.
1044. AGARICUS (*Omphalia*) *androsaceus*: Linn. svec. n. 1193. lapp. n. 472. Persoon. syn. p. 468.
 Hab. in foliis Pini per omnes sylvas Lapponiæ frequenter.
1045. AGARICUS (*Plevropus*) *dentatus*: Linn. svec. n. 1206. lapp. n. 495. Persoon. syn. p. 476?
 Hab. in Lapponia: Linné.
1046. AGARICUS (*Plevropus*) *pubescens*: Vahl in Flor. dan. 7. tab. 1073. fig. 2.
A. variabilis Persoon. syn. p. 483?
 Hab. in ramis putridis Betulæ albæ Tromsöæ Nordlandiæ: Vahl.
1047. AGARICUS (*Plevropus*) *resupinatus*: pileo resupinato velato, vertice elongato stipitiformi. Vahl in Flor. dan. 7. tab. 1072.
 Hab. in ramis putridis Alni Finmarkiæ: Vahl.
1048. AGARICUS (*Pratella*?) *separatus*: Linn. svec. n. 1220. lapp. n. 504.
 Hab. in Lapponia: Linné.

1049. AGARICUS (*Pratella*) *georgii*: Linn. *svéc.* n. 1210. *lapp.* n. 496.

Hab. in Lapponia: Linné.

1050. AGARICUS *fuscipes*: Vahl in *Flor. dan.* 7. tab. 1194. fig. 2.

Hab. in Finmarkia, ubi ad Polmack eum legi.

1051. AGARICUS *subluteus*: Vahl in *Flor. dan.* 7. tab. 1192.

Hab. in Finmarkia.

1052. AGARICUS (*Omphalia*?) *umbelliferus*: Linn. *svéc.* n. 1192. *lapp.* n. 471.

Hab. in Lapponia: Linné.

1053. AGARICUS *clypeatus*: Linn. *svéc.* n. 1216. *lapp.* n. 506.

1054. AGARICUS *mammosus*: Linn. *svéc.* n. 1218. *lapp.* n. 501.

1055. AGARICUS *equestris*: Linn. *svéc.* n. 1219. *lapp.* n. 502.

Hab. omnes in Lapponia secundum Linné vel Rudbeck. Plures vero e Rudbeckio-Linneanis Agaricis enumerare omnino taedet, quum semper incerti manebunt, nec dubio caret, an re vera in Lapponia lecti sint. Quamquam Agaricos et cæteros carnosos fungos haud multum curare potui, tamen satis persuasus sum, quod eorum proventus in Lapponia satis parvus sit; brevis ibi autumnus pruina frigida sæpe infestatus iis minime favet. In maritimis Nordlandiæ et Finmarkiæ lætius crescunt, idque uti videtur ob rorem marinum ibi frequentissimum.

MERULIUS.

Persoon. synops. fung. p. 488.

1056. MERULIUS *Chantarellus*: stipitatus totus vitellinus. *Persoon. syn. p. 488.*

Agaricus chantarellus Linn. *svéc.* n. 1207. *lapp.* n. 493.

Hab. in pratis sylvaticis Lapponiæ: Linné.

1057. MERULIUS *cupularis*: acaulis resupinatus cupuliformis totus griseus.

Icon tab. nostr. XXX. fig. 6.

Hab. in ligno putrescente *Salicis phylicifoliæ* ad Polmack Finmarkiæ.

Adeo perpusillus est, ut magnitudinem seminis Cannabini vix unquam attingat. Primum pronascens

pustulam magnitudine seminis *Papaveris* supra umbilicatam refert; umbilicus hic sensim dilatatur, et abit in discum concavum: plicis rectis, simplicibus, ad centrum haud pertingentibus. Cupula demum obliqua evadit et margo ejus inferior ligno adnatus, ita tamen ut limbus semper distinctus permaneat. Byssus albicans cupulam semper cingit.

Explicatio iconis: a. frustulum ligni cum fungillis 5 magn. nat. b. fungillus junior adhuc non plane apertus 4plo auct. c. fungillus apertus oblique visus eod. augm. d. alter magis e latere visus eod. augm.

1058. *MERULIUS sepiarius*: acaulis suberosus utrinque planus supra asperus, plicis confertis ramosis flavescentibus.

M. sepiarius Pers. observ. 2. p. 93.

Agaricus sepiarius Pers. syn. p. 487.

A. acaulis utrinque planiusculus Linn. spec. n. 1243. lapp. n. 517.

Hab. in tignis denudatis dejectis Lapponiæ sylvaticæ passim frequenter ex. gr. ad Sodankylä Lapponiæ Kemensis.

In speciminibus parum expansis et congestis plicæ adeo anastomosant, ut sinus dædaleos eximie formant; sed ubi lætius viget et liberius expanditur fungus, plicæ parallelæ sunt et passim tantum connectuntur. Hinc tutius mihi videtur huic generi adnumerare, quamquam Dædaleis re vera affinis est.

BOLETUS.

Persoon. synopsis. p. 503.

1059. *BOLETUS luteus*: *Linn. flor. spec. n. 1247. lapp. n. 520.*

B. annulatus Persoon. syn. p. 503.

Hab. in sylvis Lapponiæ non raro: *Linne.*

1060. *BOLETUS bovinus*: *Linn. flor. spec. n. 1246. lapp. n. 518.*

Lapponibus *Swaipo.* Fennonibus *Tatti.*

Hab. in Lapponia sylvatica parcius.

1061. *BOLETUS perennis*: coriaceus tenax cinnamomeus stipitatus, pileo æquali velutino margine acuto.

B. perennis Linn. *svéc. n.* 1245. *lapp. n.* 519.
Persoon. syn. pag. 518.

Hab. in pinetis arenosis Lapponiæ passim.

Totus fungus tenuissimo tomento sericeo fere splendet. Pileus supra plicis tribus in centro con-
 natis; margine acuto, sed haud tenui. Pori inte-
 gri. Stipes respectu latitudinis pilei validus, digito-
 minimo sæpe crassior.

1062. *BOLETUS albidus*: acaulis dimidiatus, pileo
 carnoso extenuato lævi albido - cæsius subli-
 neato, poris albis.

B. albidus Sowerb. *engl. fung. t.* 226.

B. cæsius Persoon. *syn. p.* 526.

Hab. ad truncos *Alni incanae* dejectos locis um-
 brosissimis Lapponiæ Umensis passim.

Carnosioris substantiæ est, quamquam vix duas
 lineas crassus. Margo extenuatus, integer, vix fla-
 vescens. Supra omnino subnitidus, Zonis satura-
 tius tinctis, lineis radiantibus griseis ornatus. Sub-
 tus poris creberrimis, tenui septo distinctis, sub-
 spongiosus.

1063. *BOLETUS svaveolens*: Linn. *svéc. n.* 1255.
lapp. n. 522. *Persoon. syn. p.* 530.

Hab. in Salicibus rariis: Linné.

1064. *BOLETUS cinnabarinus*: dimidiatus acaulis
 unicolor cinnabarinus, pileo crassiusculo acuto
 ruguloso, poris dentatis.

B. cinnabarinus Persoon. *syn. p.* 540. *Jacqu.*
austr. 4. t. 304.

Hab. in truncis *Betulae albae* dejectis rarissime;
 nec nisi ad Suddiksmýran prope Lycksele Lappo-
 niæ Umensis lectus.

Supra omnino glaber et tantum rugulosus; um-
 bone interdum sursum extenso. Margo semper acu-
 tus, interdum extenuatus. Pori haud minuti, in-
 æquales; septis denticulatis tenuibus.

1065. *BOLETUS igniarius*: dimidiatus acaulis rugu-
 losus, pileo duro basi nigrescente, margine
 cinnabarino, poris pallescentibus. *Persoon.*
syn. p. 534. *Linn. svéc. n.* 1256. *lapp. n.* 521.

Hab. in truncis betulinis et abietini- frequenter.

1066. *BOLETUS fomentarius*: dimidiatus acaulis
 lignosus, pileo subtriquetro nigro-fasciato ob-
 tuso, poris minutis glauco-ferrugineis.

B. fomentarius Linn. *svéc.* n. 1252. *Persoon. syn.* p. 536.

Lapponibus *Tjana* et *Niwsa tjana*. Fennonibus *Tuhnio*.

Hab. in truncis betulinis Lapponiæ sylvaticæ frequenter.

Pedem equinum eximie refert; margine quasi retuso umbrino. Pori multo tenuiores quam in præcedentibus, capillo vix latiores: dissepimentis crassioribus, obtusiusculis.

1067. *BOLETUS lutescens*: dimidiatus acaulis cæspitosus suberosus, pileo plano tomentoso pallido: fasciis lutescentibus.

B. lutescens *Persoon. syn.* p. 539.

Hab. in caudicibus ad alpem Rofsinollen Qualöæ Finmarkiæ.

SISTOTREMA.

Persoon. synops. p. 550.

1068. *SISTOTREMA cinereum*: acaule imbricatum suberosum, pileo dimidiato hirsuto pallescente subtus cinereo. *Persoon. synops.* p. 551.

Hab. ad truncos Lapponiæ sylvaticæ passim.

Pori integri ne quidem ad marginem adsunt, sed ubique laminulas laceratas irregulares, passim connexas reperi.

HYDNUM.

Persoon. synops. p. 554.

1069. *HYDNUM imbricatum*: stipitatum, pileo carnoso convexo squamoso. Linn. *svéc.* n. 1257. (cum descript. n. 1256). *lapp.* n. 523. *Persoon. syn.* p. 554.

Hab. in pinetis umbrosissimis Lapponiæ inferioris passim.

1070. *HYDNUM compactum*: suberosum obconicum supra planiusculum rugosum cinerascens, subulis fusciscentibus, stipite confluyente brevi. *Persoon. syn.* p. 556.

Hab. in ericetis inter Dicrana Lapponiæ sylvaticæ passim: ex gr. ad Lycksele Lapp. Umensis.

Habitus insigniter turpis ob staturam invenustam et superficiem totam rudem quisquiliarem. Subulæ interdum cinerascences.

1071. *HYDNUM auriscalpium*: stipitatum, pileo dimidiato. *Linn. svec. n. 1260. lapp. n. 524.*
 Hab. inter folia dicidua Pinorum per Lapponiam: *Linne.*

T H E L E P H O R A .

Persoon. synops. p. 565.

1072. *THELEPHORA laevis*: late effusa pustulata albido - carnea, ambitu laevissimo byssino.
T. laevis Persoon. syn. p. 375.
 Hab. supra corticem Populi passim.
 Tenuis adeo est, ut vix ultra corticem elevetur, pustulis raris elevatis semine Sinapios majoribus obsita.

H E L V E L L A .

Persoon. synops. p. 614.

1073. *HELVELLA infula*: stipite laevi subtomentoso, pileo brunneo laevi. *Persoon. syn. p. 617.*
 Hab. ad radices Abietis Lapponiae inferioris; ad Sodankylä Lapp. Kemensis frequentius visa.
 Stipes infra marginem pilei multoties brevior quam supra eum.
1074. *HELVELLA membranacea*: *Vahl in Flor. dan. 7. tab. 1077.*
 Hab. in paludosis muscosis Vardöæ Finmarkiae copiosissime: *Vahl.*

T R E M E L L A .

Persoon. synops. p. 622.

1075. *TREMELLA juniperina*: sessilis membranacea auriformis fulva. *Linn. svec. n. 1017. lapp. n. 531. Persoon. syn. p. 625.*
 Hab. in ramis Juniperi Lapponiae sylvaticae passim.

P E Z I Z A .

Persoon. synops. p. 631.

1076. *PEZIZA turbinata*: carnosa sessilis turbinata albido - purpurascens, margine denticulato.

Vahl in Flor. dan. 7. t. 1017. f. 2. Persoon. syn. p. 654.

Hab. in ramis putridis Coryli Avellanæ Nordlandiæ: *Vahl.*

1077. PEZIZA *carnosa*: turbinata sessilis carnosâ purpureâ, margine undulato. *Vahl in Flor. dan. 7. t. 1017. f. 1.*

Hab. cum præcedente: *Vahl.*

1078. PEZIZA *sarcoides*: subaggregata carnosâ - firmula cruenta dilatata subcupularis extus rugosa.

P. sarcoides Persoon. syn. p. 653.

Hab. in *Salicis limosæ* ramis exsiccatis per Lapponiâ Kemensem passim.

Adeo dilatata est, ut fundus cupulæ planus evadat et satis tenuis; marginibus tantum extimis sursum versis. Substantia sat fragilis.

1079. PEZIZA *ciborum*: stipitata cyathiformis spadicea, margine integerrimo. *Vahl in Flor. dan. 7. t. 1078 f. 1. Persoon. synops. p. 659.*

Hab. in paludosis in Hopseidet Finnmarkiæ tantum: *Vahl.*

1080. PEZIZA *phiala*: stipitata cyathiformis sordide lutea, margine integerrimo. *Vahl in Flor. dan. t. 1078. f. 2. Persoon. synops. p. 659.*

Hab. in ramis putridis Alni Tromsøæ Nordlandiæ: *Vahl.*

1081. PEZIZA *atrata*: aterrima applanata subcarbonacea distincte marginata.

Lichen atratus *Hedw. stirp. crypt. 2. p. 61. t. 21. A.*

Peziza patellaria Persoon. syn. p. 670.

Hab. in ramis siccis Populi etc fere ubique.

1082. PEZIZA *hysterium*: sparsa nigra subrotunda oblongaque primum clausa, disco demum explanato molli pallescente.

P. hysterium Persoon. syn. p. 671.

Hab. in cortice frustuloso Abietis Lapponiæ sylvaticæ passim.

1083. PEZIZA *conglomerata*: subcomposita verruciformis, cupulis proboscideis duris aterrimis margine elevato pruinoso - glaucescente.

? *Sphæria Cucurbitula* β . *nigrescens Tode fung. mekl. p. 39. t. 16. f. 110.*

Hab. in cortice vivo *Alni incanae* epidermidem penetrans per totam Lapponiam sylvaticam fere ubique.

Basis re vera communis adest aterrima. Cupulae sursum tam parum dilatantur, ut discus earum semine Papaveris nunquam latior sit.

Figuram Todei citatam satis refert, sed semper dura carbonacea aterrima est, et nunquam cavitationem internam in dissecto fungillo invenire potui, nec emollita unquam tumescit.

1084. *PEZIZA radiata*: immersa, ore prominente niveo subfarinaceo integro fissoque, disco livido.

P. radiata Persoon. syn. p. 674.

Lichen excavatus Hoffm. enum. lichen. p. 47.

t. 7. f. 4.

Patellaria excavata Hoffm. pl. lich. 1. p. 101.

t. 23. f. 3.

Hab. in cortice *Salicis phylicifoliae* totius Lapponiae passim.

HELOTIUM.

Persoon synops. p. 678.

1085. *HELOTIUM galeatum* β. syn. p. 678?

Acrosperrnum unguinosum et *cylindricum* Vahl in Flor. dan. 7. t. 1076.

Hab. in ramis putridis *Alni* Tromsöæ Nordlandiae: Vahl.

MONILIA.

Persoon. syn. p. 691.

1086. *MONILIA digitata*: glauca, stipite simplici digitato. Persoon. syn. p. 693.

Mucor crustaceus Linn. svec. n. 1283. lapp. n. 533.

Hab. in rebus domesticis putridis.

DEMATIUM.

Persoon synops. fung. p. 695.

1087. *DEMATIUM Jolithus*: minutum effusum rubrum demum griseum.

Byssus Jolithus Linn. svec. n. 1178. lappon. n. 528.

Hab. in lapidibus ante annum denudatis per sylvas rarius.

C O N C L U S I O.

In Linnéi Flora Lapponica enumerantur 534 species, exceptis Zoophytis; quae autem numeros 345 et 375 obtinent species, duplices sunt, quibus additis species 536 efficiuntur. Ex his autem speciebus Linneanis complures excludere consultius duxi, partim quia varietates sunt partim quia eas in Lapponia nemo unquam legit; quæ quidem excludendæ, in Linnæi Flora numeros sequentes habent: 9. 16. 29. 38. 45. 49. 52. 56. 84. 87. 91. 96. 148. 159. 171. 199. 202. 205. 220. 222. 229. 299. 304. 318. 319. 321. 323. 335. 345. 348. 349. 361. 364. 366. 367. 371. 403. 423. 430. 431. 434. 467. 468. 469. 473. 474. 475. 476. 477. 478. 479. 483. 484. 487. 488. 489. 490. 491. 492. 497. 498. 499. 500. 505. 508. 509. 510. 511. 512. 513. 514. 515. 516. 526. 527. 532. (Linnéi n. 450. sub Lichene glauco citare oblitus sum). Desumptis his numeris 76 Linnéi plantae lapponicae ad species 460 rediguntur, quas in meam quoque floram recipere haud dubitavi. Postea Cel. Smith in nova editione Florae Lapponicae species 55 addidit scil. 49. 50*. 52*. 79*. 94*. 96*. 111*. 114*. 115*. 173*. 178*. 186*. 187*. 211*. 212*. 217*. 227*. 255*. 264*. 267*. 276*. 283*. 316*. 336*. 338*. 359*. 370*. 381*. 389*. 389**. 598*. 401*. 405*. 409*. 412*. 414*—414****. 426*. 426**. 427*. 434*. 443*. 453*. 455*. 456*. 457*. 459*. 460*. 461*. 463*. 464*. 468*. Ne autem aliorum dubia propagarem, ex his iterum exclusi octo species scil. n. 95*. 212*. 217*. 227*. 370*. 405*. 455*. 460*. utpote in Lapponia, quantum constat, nunquam lectas vel etiam in varietatibus numerandas. Itaque Linnéanas et Smithianas tantum 507 species mea Flora recenset; ex quo patebit, eam duplo auctam, vel 580 speciebus ditatam, praeterea etiam diligentissime castigatam prodire.*

I N D E X

G E N E R U M E T S P E C I E R U M

C U M

S Y N O N Y M I S S E L E C T I S .

	pag.		pag.
<i>Achillea Millefolium</i> L.	211	<i>Allium oleraceum</i> L.	76
<i>Aconitum Lycoctonum</i> L.	152. xvii. xx	<i>Schoenoprasum</i> L.	93
<i>septentrionale</i> Willd.	152	<i>Alnus incana</i> L.	256. xiv. xix
<i>Acrostichum hyperboreum</i>		<i>Alopecurus geniculatus</i> L.	21
Liljeb.	279	<i>pratensis</i> β.	21
<i>ilvense</i> L.	278	<i>Alsine biflora</i>	128
<i>septentrionale</i> L.	284	<i>media</i> L.	125
<i>Actæa spicata</i> L.	150. xvi	<i>rubella</i> Wahlenb.	128. xviii
<i>Aecidium cornutum</i> Pers.	525	<i>stricta</i>	127. xviii
<i>Phacæalpina</i> Wahlenb.	525	<i>Andræa alpina</i> Hedw.	lix. 306
<i>Agaricus muscarius</i> etc.	527	<i>Rothii</i> Web.	306
<i>Chantarellus</i> L.	529	<i>rupestris</i> Roth.	306
<i>sepiarius</i> Pers.	530	<i>rupestris</i> Web.	306
<i>Agrostis algida</i> Wahlenb.	25	<i>Andromeda cærulea</i> L.	105. xvi
<i>alpina</i>	22. xviii	<i>calyculata</i> L.	106. xvi
<i>arundinacea</i> L.	26	<i>hypnoides</i> L.	108. xvi
<i>rubra</i> L.	23	<i>polifolia</i> L.	106
<i>vulgaris</i> Schrad.	24	<i>tetragona</i> L.	107. xvi
<i>Aira alpina</i> L.	34	<i>Androsace septentrionale</i> L.	60
<i>alpina</i> Liljeb.	31	<i>Anemone nemorosa</i> L.	153. xx
<i>alpina</i> Vahl.	37	<i>vernalis</i> L.	153
<i>atropurpurea</i> Wahlenb.	37	<i>Angelica Archangelica</i> L.	72
<i>bottnica</i> Wahlenb.	36	<i>sylvestris</i> L.	72
<i>cærulea</i> L.	38	<i>Anictangium ciliatum</i> Hedw.	
<i>cæspitosa</i> L.	lix. 33	<i>wig.</i>	304
<i>flexuosa</i> L.	35	<i>lapponicum</i> Hedw.	304
<i>montana</i> L.?	36	<i>Anthemis vulgaris</i> Fl. lapp.	211
<i>spicata</i> L.	33. xviii	<i>Anthericum calyculatum</i> β.	
<i>Ajuga alpina</i> L.?	162	L.	89. xvii
<i>Alchemilla alpina</i> L.	51. xvii	<i>ossifragum</i> L.	78. xvii
<i>pubescens</i> Lam.	51	<i>Anthoxanthum odorat.</i> L.	11
<i>vulgaris</i> L.	50	<i>Anthyllis Vulneraria</i> L.	185
<i>Alisma Plantago</i> L.	93	<i>Apargia autumnalis</i>	196
		<i>Taraxaci</i>	195

	pag.		pag.
<i>Arabis alpina</i> L.	181	<i>Betula</i> <i>Alnus</i> β. L.	250
<i>Arbutus alpina</i> L.	109. xxxi	<i>nana</i> L.	254. xv, xix, xxxiv
<i>Uva ursi</i> L.	109. xvii	<i>Bidens tripartita</i> L.	201
<i>Arenaria ciliata</i> L.	131	<i>Blasia pusilla</i> L.	399
<i>humifusa</i>	129	<i>Blechnum Spicant</i> Roth.	288
<i>marina</i>	131	<i>Boeontyces amaurocraeus</i>	
<i>norvegica</i> Gunn.	130	<i>Flörk.</i>	455
<i>peploides</i> L.	131	<i>bellidiflorus</i> Ach.	451
<i>Arnica montana</i> β. L.	210	<i>botrytes</i> Ach.	451
<i>Artemisia vulgaris</i> L.	202	<i>cariosus</i> Ach.	451
<i>Arundo arenaria</i> L.	30	<i>ceratites</i> Wahlenb.	459
<i>Calamagrostis</i> L.	29	<i>cocciferus</i>	451
<i>epigejos</i> L.	30	<i>crispatus</i> Flörk.	446
<i>lapponica</i> Wahlenb.	27	<i>deformis</i> .	452
<i>neglecta</i> Ehrh.	28	<i>degenerans</i> Flörk.	455
<i>phragmites</i> L.	30	<i>digitatus</i>	452
<i>pseudophragmi</i> Schrad.	28	<i>furcatus</i> Ach.	457
<i>stricta</i> Tim.	28	<i>gracilis</i>	455
<i>strigosa</i> Wahlenb.	29	<i>macilentus</i> Flörk.	452
<i>sylvatica</i> Schrad.	26	<i>neglectus</i> Flörk.	454
<i>Asperugo procumbens</i> L.	57	<i>paschalis</i>	450
<i>Aspidium dilatatum</i>	282	<i>placophyllus</i> Wahlenb.	449
<i>Filix mas</i>	282	<i>plevrotus</i> Flörk.	452
<i>Filix femina</i>	282	<i>pyxidatus</i> Flörk.	453
<i>fragile</i>	283	<i>racemosus</i>	457
<i>Lonchitis</i> Sw.	281	<i>rangiferinus</i> 458. xxxi. lviii	
<i>montanum</i>	283. xix	<i>roseus</i> Ach.	449
<i>Asplenium Ruta muraria</i> L.	285	<i>rufus</i>	449
<i>septentrionale</i> Sw.	284	<i>squamosus</i> Flörk.	456
<i>Trichomanes</i> L.	285	<i>symphycarpus</i> Flörk.	450
<i>viride</i> Huds.	284. xix	<i>uncialis</i> Flörk.	457
<i>Astragalus alpinus</i> L.	192. xvii	<i>vermicularis</i>	458
<i>leontinus</i> Jacqu.	193. xix.	<i>verticillatus</i> Flörk.	454
	xxvii	<i>Boletus albidus</i> Sow.	531
<i>montanus</i> L.	189. xix. xxvii	<i>bovinus</i> L.	530
<i>oroboides</i> Hornem.	193	<i>cinnabarinus</i> Jacqu.	531
<i>sordidus</i> Willd.	190. xxiii	<i>fomentarius</i> L.	532
<i>uralensis</i> Lightf.	190	<i>igniarius</i> L.	532
<i>Atriplex patula</i> L.	277	<i>lutescens</i> Pers.	532
<i>Avena fatua</i> L.	43	<i>lutens</i> L.	530
<i>pratensis</i> L.	43	<i>perennis</i> L.	531
<i>Azalea lapponica</i> L.	104. xviii	<i>svaveolens</i> L.	531
<i>procumbens</i> L.	62. xxxi	<i>Botrychium Lunaria</i> Sw.	289
<i>Barbula convoluta</i> Hedw.	318	<i>Brassica campestris</i> L.	182
<i>fallax</i> Hedw.	318	<i>Bromus arvensis</i> L.	43
<i>ruralis</i> Hedw.	318	<i>secalinus</i> L.	lx. 43
<i>Bartramia crispa</i> Sw.	363	<i>Bryum alpinum</i> L.	360
<i>gracilis</i> Flörk.	363	<i>annotinum</i> Hedw.	359
<i>Halleriana</i> Hedw.	362	<i>apocarpum</i> α. L.	319
<i>pomiformis</i> Hedw.	362	<i>apocarpum</i> β. L.	304
<i>Bartsia alpina</i> L.	164. xix. xxxi	<i>argenteum</i> L.	361
<i>Betula alba</i> L.	253. xiv	<i>capillare</i> Hedw.	359

	pag.		pag.
<i>Bryum caespitium</i> L.	360	<i>Carex Buxbaumii</i> Wahlenb.	244
<i>extinctorium</i> L.	311	<i>caespitosa</i> L.	247
<i>hypnoides</i> L.	329	<i>canescens</i> L.	232
<i>nutans</i> Schreb.	358	<i>capillaris</i> L.	238
<i>pomiforme</i> L.	362	<i>capitata</i> L.	225. XVIII
<i>pulchellum</i> Hedw.	360	<i>chordorrhiza</i> Ehrh.	227
<i>rurale</i> L.	318	<i>curta</i> Gooden.	232
<i>scoparium</i> L.	336	<i>cuspidata</i> Wahlenb.	246
<i>sexangulare</i> Schreb.	327	<i>digitata</i> L.	230
<i>squarrosum</i> L.	356	<i>dioica</i> L.	224
<i>striatum</i> a. L.	365	<i>filiformis</i> L.	234
<i>subulatum</i> L.	316	<i>flava</i> L.	234
<i>toruosum</i> L.	317	<i>Gebhardi</i> Schk.	233
<i>trichodes</i> L.	357	<i>glareosa</i> Wahlenb.	230
<i>undulatum</i> L.	349	<i>globularis</i> L.	240. XVII.
<i>Zierii</i> Hedw.	361		XX. XXXIII
<i>Bunias Cakile</i> L.	178	<i>globularis</i> Vahl.	235
<i>Buxbaumia aphylla</i> L.	350	<i>Heleonastes</i> Ehrh.	230
<i>Byssus flos aquæ</i> L.	516	<i>incurva</i> Lightf.	227
<i>incana</i> L.	400	<i>lagopina</i> Wahlenb.	229
<i>Jolithus</i> L.	535	<i>laxa</i> Wahlenb.	237
<i>Cakile maritima</i>	178	<i>leporina</i> L.	LIX. 228.
<i>Calicium baliolum</i> Ach.	485	<i>leporina</i> Fl. dan.	229
<i>capitellatum</i> Ach.	487	<i>Levhoglochin</i> Ehrh.	224
<i>chlorellum</i> Wahlenb.	487	<i>limosa</i> L.	242
<i>chrysocephalum</i> Turn.	487	<i>livida</i> Wahlenb.	236
<i>claviculare</i> Ach.	485	<i>lohiacea</i> L.	231
<i>hyperellum</i> Ach.	485	<i>maritima</i> Müll.	245
<i>sphærocephalum</i> Ach.	486	<i>microglochin</i> Wahlenb.	
<i>xylonellum</i> Ach.	486		224. XVIII
<i>Calla palustris</i> L.	220. XVII.	<i>muricata</i> L.	231
	XXVIII	<i>norvegica</i> Willd.	233. XVIII
<i>Callitriche autumnalis</i> L.	2	<i>ovalis</i> Gooden.	228
<i>verna</i> L.	2	<i>pallascens</i> L.	243
<i>Caltha palustris</i> L.	161	<i>panicea</i> L.	236
<i>Campan. latifolia</i> β. 65. XXXVIII		<i>paniculata</i> β.	228
<i>rotundifolia</i> L.	64	<i>pauciflora</i> Lightf.	224
<i>uniflora</i> L.	63. XVIII	<i>pedata</i> L.	239. XVIII. XXVII
<i>Cardamine bellidifolia</i> L.		<i>petraea</i> Wahlenb.	225
	179. XVII	<i>polygama</i> Schk.	245
<i>pratensis</i> L.	178	<i>pulla</i> Gooden.	248. XVII
<i>trifolia</i> L.	179	<i>rotundata</i> Wahlenb.	235
<i>Carduus crispus</i> L.	200		XVIII
<i>heterophyllus</i> L.	LX. 200	<i>rupestris</i> All.	225. XIX
<i>palustris</i> L.	200	<i>salina</i> Wahlenb.	246
<i>Carex acuta</i> L.	248	<i>saxatilis</i> L.	247
<i>alpina</i> Sw.	241. XVIII	<i>stellulata</i> Schreb.	231. XXX
<i>ampullacea</i> Gooden.	243	<i>tenuiflora</i> Wahlenb.	232
<i>aquatilis</i> Wahlenb.	246		XVIII
<i>atrata</i> L.	242	<i>teretiuscula</i> Gooden.	228
<i>atro-fusca</i> Schk.	238	<i>ustulata</i> Wahlenb.	238. XVIII
<i>Bellardi</i> All. 15. XIX. XXVIII		<i>VahlII</i> Schk.	241

	pag.	<i>Deschampsia - Awa</i>	pag.
<i>Carex vesicaria</i> L.	244	<i>Cymbidium corallorhi-</i>	
<i>vesicaria</i> β. L.	243	<i>zon</i> Sw.	220
<i>Carum Carvi</i> L.	73	<i>Daphne Mezereum</i> L. 98. xvi	
<i>Cerastium alpinum</i> L.	136	<i>Demarium Jostium</i>	535
<i>semidecandrum</i> L.	137	<i>Dianthus superbus</i> L.	120
<i>viscosum</i> L.	137	<i>Diapenzia lapponica</i> L.	58.
<i>Charophyllum sylvestre</i> L.	73		xviii. xxxi
<i>Chara flexilis</i> L.	221	<i>Dicranum alpestre</i> Wah-	
<i>Cheiranthus alpinus</i> L.	181	<i>lenb.</i>	339
<i>Chenopodium album</i> L.	67	<i>cerviculatum</i> Hedw.	341
<i>Chrysanthemum Levchan-</i>		<i>crispum</i> Hedw.	341
<i>themum</i> L. 210. xxx		<i>falcatum</i> Hedw.	338
<i>inodorum</i> L.	212	<i>flagellare</i> Hedw.	337
<i>Chrysosplenium alternifo-</i>		<i>gracilescens</i> Web.	339
<i>lium</i> L.	111	<i>heteromallum</i> Hedw.	340
<i>Cicuta virosa</i> L.	72	<i>latifolium</i> Hedw. 342. xxiv	
<i>Cinclidium stygium</i> Sw-		<i>montanum</i> Hedw.	337
	355. xxiv	<i>patens</i> Sm.	334
<i>Circea alpina</i> L.	3	<i>purpureum</i> Hedw. LIX. 341	
<i>Cochlearia anglica</i> L.	177	<i>Schraderi</i> W. b.	336
<i>officinalis</i> L.	177	<i>Schreberi</i> Hedw.	340
<i>Comarum palustre</i> L.	148	<i>scoparium</i> Hedw.	336
<i>Conserva atropurpurea</i>		<i>sphagni</i> Wahlenb.	337
<i>Mert.</i>	515	<i>subulatum</i> Hedw.	340
<i>atrorubens</i> Dillw.	511	<i>varium</i> Hedw.	341
<i>atrovirens</i> Dillw.	510	<i>virens</i> Sw.	LIX. 338
<i>bipunctata</i> Roth. LXIV. 514		<i>viridulum</i> Sw.	334
<i>diaphana</i> Lightf.	511	<i>Didymodon capillaceum</i>	
<i>flocculosa</i> Dillw.	516	<i>Sw.</i>	LIX. 314
<i>flos aquæ</i> Roth.	516	<i>flexicaule</i> Schleich.	315
<i>fucicola</i> Vell.	514	<i>homomallum</i> Hedw.	315
<i>gelatinosa</i> L.	509	<i>inclinatum</i> Sw.	314
<i>glomerata</i> L.	513	<i>latifolium</i> Wahlenb.	313
<i>littoralis</i> L.	513	<i>pusillum</i> Hedw.	316
<i>mutabilis</i> Roth.	514	<i>rostratum</i>	315
<i>pectinalis</i> Müll.	516	<i>Draba alpina</i> L.	173. xviii
<i>pennata</i> Huds.	512	<i>androsacca</i>	174. xxvii
<i>polymorpha</i> L.	511	<i>gladnizensis</i> Wulf.	174
<i>quinina</i> Müll.	515	<i>hirta</i> L.	175
<i>rupestris</i> L.	512	<i>incana</i> L.	176
<i>seriata</i> Wahlenb.	514	<i>muricella.</i>	174. xviii
<i>stricta</i> Dillw.	512	<i>nivalis</i> Liljeb.	174. xxiii
<i>Conostomum boreale</i> Sw.		<i>stellata</i> Jacqu.	175
	327. xxiv. LIX	<i>Drosera intermedia</i> Hayn.	75
<i>Convallaria bifolia</i> L.	78. xvi	<i>longifolia</i> L.	75
<i>majalis</i> L.	77. xxx	<i>rotundifolia</i> L.	74
<i>verticillata</i> L.	77. xvii	<i>Dryas octopetala</i> L. 149. xxxvii	
<i>Cornus svecica</i> L.	50. xx	<i>Elatine</i> Hydropiper L.	101
<i>Corydalis bulbosa</i> β.	184	<i>Elymus arenarius</i> L.	45
<i>Crepis tectorum</i> L.	198	<i>caninus</i> L.	45
<i>Cucubalus Behen</i> L.	121	<i>Empetrum nigrum</i> L.	273
<i>tataricus</i> L.	122. xxiv	<i>Encalypta alpina</i> Smith.	312

	pag.		pag.
<i>Encalypta affinis</i> Hedw.	312	<i>Fontinalis falcata</i> Hedw.	383
<i>ciliata</i> Hedw.	311	<i>squamosa</i> Hedw.	382
<i>streptocarpa</i> Hedw.	312	<i>Fragaria vesca</i> L.	145. xxxviii
<i>vulgaris</i> Hedw.	311	<i>Fucus aculeatus</i> L.	502
<i>Endocarpon fluviatile</i>	462	<i>alatus</i> L.	492
<i>Hedwigii</i>	461	<i>canaliculatus</i> L.	495
<i>lachneum</i> Ach.	461	<i>ceranoides</i> L.	499
<i>miniatum</i>	462	<i>ceranoides</i> Gmel.	497
<i>pertusum</i>	459	<i>coccineus</i> β.	500
<i>phylliscum</i> Wahlenb.	463	<i>confervoides</i> Turn.	504
<i>sinopicum</i> Wahlenb.	460	<i>crispus</i> L.	497
<i>tephroides</i> Achar.	461	<i>digitatus</i> L.	lxiii. 492
<i>Epilobium alpinum</i> L.	95	<i>esculentus</i> L.	494
<i>alsinifolium</i> Smith.	95	<i>excisus</i> L.	496
<i>angustifolium</i> L.	94	<i>Filum</i> L.	505
<i>montanum</i> L.	94	<i>flagelliformis</i> Fl. dan.	505
<i>nutans</i> Hornem.	95	<i>inflatus</i> L.	490
<i>palustre</i> L.	95	<i>loreus</i> L.	499
<i>Epipactis cordata</i> Sw.	219	<i>lumbicalis</i> β. Turn.	503
<i>Equisetum arvense</i> L.	lxii. 296	<i>lycopodioides</i> Gunn.	505
<i>fluviatile</i> L.	297	<i>mammillosus</i> Turn.	496
<i>hyemale</i> L.	298	<i>nodosus</i> L.	499
<i>limosum</i> Smith.	297	<i>palmatum</i> Turn.	lxiii. 497
<i>palustre</i> L.	297	<i>plicatus</i> Gmel.	504
<i>reptans</i> Wahlenb.	298	<i>plumosus</i> L.	501
<i>sylvaticum</i> L.	296	<i>pygmæus</i> Lightf.	502
<i>variegatum</i> Schl.	298	<i>ramentaceus</i> Gunn.	504
<i>Erica vulgaris</i> L.	98. xvii	<i>saccharinus</i> L.	493
<i>Erigeron acre</i> L.	206	<i>sangvineus</i> L.	491
<i>alpinum</i> L.	206. xxxvii	<i>serratus</i> L.	489
<i>uniflorum</i> L.	207. xxxv	<i>siliquosus</i> L.	498
<i>Eriophorum alpinum</i> L.	16	<i>sinuosus</i> Turn.	491
<i>angustifolium</i> Smith.	18	<i>soboliferus</i> Vahl	497
<i>capitatum</i> Host.	18	<i>spiralis</i> L.	490
<i>gracile</i> Roth.	19	<i>subfuscus</i> Turn.	505
<i>polystachyon</i> L.	lix. 18	<i>vesiculosus</i> L.	490
<i>vaginatum</i> L.	17	<i>viridis</i> Turn.	503
<i>Eryum hirsutum</i> L.	187	<i>Fumaria bulbosa</i> L.	184
<i>Erysimum Barbaræa</i> L.	180	<i>fabacea</i> Retz.	184
<i>cheiranthoides</i> L.	180	<i>officinalis</i> L.	184
<i>Euphrasia officinalis</i> L.	165	<i>Funaria hygrometrica</i>	
<i>Festuca ovina</i> L.	lx. 42	<i>Hedw.</i>	350
<i>rubra</i> L.	42. xxxi	<i>Galeopsis Tetrahit</i> L.	163
<i>Fissidens bryoides</i>	333	<i>versicolor</i> Curt.	163
<i>osmundioides</i> Hedw.	333	<i>Galium Aparine</i> L.	49
<i>patens</i>	334	<i>borcale</i> L.	46
<i>sciuroides</i> Hedw.	335	<i>palustre</i> L.	46
<i>strumifer</i> Hedw.	335	<i>svaveolens</i> Wahlenb.	48
<i>taxifolius</i> Hedw.	333	<i>trifidum</i> L.	47
<i>viridulus</i>	334	<i>triflorum</i> Mich.	48
<i>Fontinalis antipyretica</i> L.	382	<i>uliginosum</i> L.	47
<i>capillacea</i> L.	383	<i>verum</i> L.	46. xx

	pag.		pag.
<i>Gentiana Amarella</i> L.	70	<i>Hydnum imbricatum</i> L.	532
<i>aurea</i> L.	67	<i>Hypericum perforatum</i> L.	193. xx
<i>detonsa</i> Rottb.	71	<i>Hypnum abietinum</i> L.	379
<i>glacialis</i> Vill.	69. xviii	<i>aduncum</i> L.	378
<i>involutrata</i> Rottb.	67. xvii	<i>alpestre</i> Sw.	379
<i>nana</i> All.	69	<i>alpinum</i> Turn.	375
<i>nivalis</i> L.	68. xix	<i>crista castrensis</i> L.	377
<i>serrata</i> Gunn.	71	<i>cupressiforme</i> L.	377
<i>tenella</i> Rottb.	69	<i>curtipendulum</i> L.	366
<i>Geranium sylvaticum</i> L.	183	<i>cuspidatum</i> L.	376
<i>Geum rivale</i> L.	lxiv. 148	<i>dendroides</i> L.	370
<i>Glaux maritima</i> L.	67	<i>denticulatum</i> L.	371
<i>Gnaphalium alpinum</i> L.	202	<i>diastrophyllum</i> Sw.	379
<i>alpinum</i> Lightf.	204	<i>fluitans</i> L.	378
<i>dioicum</i> L.	202	<i>Halleri</i> Hedw.	373
<i>norvegicum</i> Retz.	203	<i>illecebrum</i> L.?	351
<i>pilulare</i> Wahlenb.	205	<i>loream</i> L.	374
<i>pusillum</i> Hænk.	204	<i>moniliforme</i> Wahlenb.	376
<i>supinum</i> Vill.	204	<i>nitens</i> Schreb.	381
<i>sylvaticum</i> L.	203	<i>nitidulum</i> Wahlenb.	370
<i>uliginosum</i> L.	205	<i>obtusatum</i>	371
<i>Grimmia alpicola</i> Sw.	320	<i>parietinum</i> L.	373
<i>apocarpa</i> Hedw.	319	<i>proliferum</i> L.	373
<i>revularis</i> Brid.	320	<i>pulchellum</i> Dicks.	370
<i>Gymnostomum compactum</i>		<i>purum</i> L.	372
Schleich.	303	<i>revolvens</i> Sw.	378
<i>curvirostrum</i> Hedw.	302	<i>rugosum</i> L.	lviii. 377
<i>Heimii</i> Hedw.	lix. 302	<i>sarinentosum</i> Wahlenb.	380
<i>tristichon</i> Wahlenb.	303	<i>Schreberi</i> Willden.	373
<i>Gyromonium cylindricum</i>	483	<i>sciurioides</i> L.	335
<i>erosum</i>	482	<i>scorpioides</i> L.	376
<i>hyperboreum</i>	482	<i>sericeum</i> L.	369
<i>polyphyllum</i>	481	<i>serpens</i> Hedw.	375
<i>proboscideum</i>	lxv. 483	<i>squarrosum</i> L.	374
<i>velleum</i>	484	<i>stramineum</i> Dicks.	380
<i>Helotium galeatum</i> Pers.	535	<i>strigosum</i> Hoffm.	381
<i>Helvella infula</i> Pers.	533	<i>tarifolium</i> L.	333
<i>membranacea</i> Vahl	533	<i>trifarium</i> Web.	381
<i>Hieracium alpinum</i> L.	196	<i>triquetrum</i> L.	373
<i>Auricula</i> L.	197	<i>undulatum</i> L.	372
<i>murorum</i> L.	197	<i>velutinum</i> L.	381
<i>paludosum</i> L.	198	<i>viticulosum</i> L.	366
<i>sylvaticum</i>	197	<i>Hypochæris maculata</i> L.	199
<i>umbellatum</i> L.	198	<i>radicata</i> Gunn.	196
<i>Hippophaë Rhamnoides</i> L.	274	<i>Hysterium elongatum</i>	523
<i>Hippuris vulgaris</i> L.	1	<i>parallelum</i>	523
<i>Holcus alpinus</i> Wahlenb.	31. xviii	<i>pezizoides</i>	523
<i>odoratus</i> L.	31	<i>pulicare</i> Pers.	523
<i>borealis</i> Schrad.	31	<i>sorbi</i>	523
<i>Hydnum auriscalpium</i> L.	533	<i>versicolor</i> Wahlenb.	522
<i>compactum</i> Pers.	533	<i>Isoëtes lacustris</i> L.	294

	pag.		pag.
<i>Juncus arcticus</i> Willd.	79. xviii	<i>Jungermannia trichophylla</i> L.	lix 385
<i>arcuatus</i> Wahlenb.	lxi. 87	<i>taxifolia</i> Wahlenb.	389
<i>articulatus</i> L.	82	<i>undulata</i> L.	391
<i>biglumis</i> L.	84. xviii. xxii	<i>Juniperus communis</i> L.	276
<i>bottnicus</i> Wahlenb.	82	<i>Koenigia islandica</i> L.	45
<i>bufonius</i> L.	81	<i>Lathyrus palustris</i> L.	186
<i>campestris</i> L.	87	<i>pratensis</i> L.	186
<i>effusus</i> L.	79	<i>Lecidea amylacea</i> Ach.	479
<i>filiformis</i> L.	79	<i>atrata</i> Wahlenb.	475
<i>glaucus</i> Ehrh.	79	<i>atroalba</i> Ach.	471
<i>inflexus</i> Leers	79	<i>atrorufa</i>	479
<i>pallescens</i> Wahlenb.	87	<i>atrovirens</i>	473
<i>parviflorus</i> Ehrh.	85. xvi	<i>candida</i> Ach.	479
<i>pilosus</i> L.	84	<i>cechumena</i> Ach.	475
<i>spadiceus</i> All.	86. xvi	<i>confluens</i> Ach.	472
<i>spicatus</i> L.	88. xxxiv	<i>coniops</i> Wahlenb.	471
<i>squarrosus</i> L.	80	<i>decipiens</i> Ach.	480
<i>stygius</i> L.	83	<i>decolorans</i> Flörk.	477
<i>sylvaticus</i> Willd.	81	<i>delosa</i> Wahlenb.	470
<i>trifidus</i> L.	80. xxxi	<i>fumosa</i> Flörk.	475
<i>triglumis</i> L.	84	<i>fusco-atra</i> Ach.	473
<i>Jungermannia alpina</i> L.	396	<i>lapidica</i> Ach.	472
<i>asplenoides</i> L.	395	<i>microphylla</i> Ach.	478
<i>bicuspidata</i> L.	394	<i>Oederi</i> Ach.	474
<i>cavitolia</i> Ehrh.	386	<i>parasma</i> Ach.	469
<i>ciliaris</i> L.	385	<i>petraea</i>	476
<i>concinna</i> Lightf.	lix. 384	<i>rivulosa</i> Ach.	472
<i>convivens</i> Dicks.	393	<i>rubiformis</i> Wahlenb.	479
<i>complanata</i> L.	390	<i>sabuletorum</i> Flörk.	470
<i>dilatata</i> Web.	388	<i>sanguinaria</i> Ach.	469
<i>emarginata</i> Ehrh.	392	<i>scalaris</i> Ach.	478
<i>epiphylla</i> L.	397	<i>silacea</i> Ach.	474
<i>Flörkii</i> Web.	389	<i>sulphurea</i> Ach.	477
<i>Funckii</i> Web.	393	<i>tigillaris</i> Ach.	468
<i>furcata</i> L.	396	<i>virginosa</i> Ach.	471
<i>graveolens</i> Schrad.	387	<i>Wahlenbergii</i>	481
<i>incisa</i> Schrad.	395	<i>Ledum palustre</i> L.	103. xvi
<i>inflata</i> Huds.	393	<i>taxifolium</i> L.	103
<i>julacea</i> L.	392	<i>Lemna trisulca</i> L.	222
<i>minuta</i> Dicks.	393	<i>Leontodon autumnale</i> L.	196
<i>palmata</i> Hedw.	396	<i>Taraxacum</i> L.	195
<i>platyphylla</i> L.	388	<i>Lepraria botryoides</i>	401
<i>quinquedentata</i> L.	395	<i>chlorina</i> Ach.	401
<i>reptans</i> L.	386	<i>incana</i> Ach.	400
<i>resupinata</i> Web.	391	<i>Leskea complanata</i> Hedw.	367
<i>rupestris</i> L.	306	<i>dendroides</i> Hedw.	370
<i>saxicola</i> Schrad.	391	<i>incurvata</i> Hedw.	368
<i>serpyllifolia</i> Dicks.	386	<i>polyantha</i> Hedw.	369
<i>setiformis</i> Ehrh.	385	<i>pulvinata</i> Wahlenb.	369
<i>tamarisci</i> L.	388	<i>sericea</i> Hedw.	369
<i>tamariscifolia</i> Schmid.	387	<i>trichomanoides</i> Hedw.	368
<i>trichomanis</i> Dicks.	387		

	pag.		pag.
<i>Lichen Acharii Ach.</i>	405	<i>Lichen Fahlunensis L.</i>	427
<i>aculeatus Ehrh. LXIII.</i>	439	<i>farinaceus L.</i>	436
<i>affinis Dicks.</i>	424	<i>fimbriatus L.</i>	454
<i>aiospilus Wahlenb.</i>	409	<i>foveolaris Ach.</i>	405
<i>alevrires Ach.</i>	423	<i>fragilis L.</i>	488
<i>alphoplacus Wahlenb.</i>	421	<i>fusco-ater L.</i>	473
<i>ambiguus Wulf.</i>	429	<i>gelidus L.</i>	415. XVIII
<i>ammiospilus Wahlenb.</i>	407	<i>glauca L.</i>	433
<i>aphtosus L.</i>	446	<i>globuliferus L.</i>	488
<i>aquilus Ach.</i>	426. XVIII	<i>glomuliferus Lightf.</i>	430. XVIII
<i>arcticus L.</i>	448. XVII	<i>gracilis L.</i>	455
<i>argopholis Wahlenb.</i>	411	<i>hæmatomma Ehrh.</i>	406
<i>asperellus Wahlenb.</i>	441	<i>helicopis Wahlenb.</i>	414
<i>ater Huds.</i>	411	<i>horizontalis Wulf.</i>	447
<i>atroalbus L.</i>	471	<i>hypnorum Fl. dan.</i>	420
<i>atrosulphureus Wahlenb.</i>	411	<i>hysginus Wahlenb.</i>	419
<i>atrovirens L.</i>	473	<i>icmadophila Ehrh.</i>	404
<i>badius Ach.</i>	409	<i>illimatus Wahlenb.</i>	413
<i>balaninus Wahlenb.</i>	426	<i>islandicus L. LXV.</i>	434
<i>barbatus L.</i>	437	<i>jubatus L.</i>	437
<i>botryoides L.</i>	401	<i>juniperinus L.</i>	432
<i>byssinus Hoffm.</i>	442	<i>lacerus Sw.</i>	444
<i>cæsius Ach.</i>	422	<i>lacteus L.</i>	401
<i>candelarius L.</i>	435	<i>lanatus L.</i>	440
<i>caninus L.</i>	446	<i>levcolepis Wahlenb.</i>	420
<i>centrifugus L.</i>	429	<i>levchophæus Vahl.</i>	478
<i>cerinus Hedw.</i>	404	<i>mastrucatus Wahlenb.</i>	413
<i>cervinus Pers.</i>	421	<i>mazarinus Wahlenb.</i>	412
<i>chalybeiformis L.</i>	437	<i>melanaspis Ach.</i>	421
<i>chlorophanus Wahlenb.</i>	416	<i>melanus Ach.</i>	443
<i>ciliaris L.</i>	434	<i>milvinus Wahlenb.</i>	410
<i>cinereo-rufus Wahlenb.</i>	407	<i>miniatus L.</i>	462
<i>cinereus L.</i>	412	<i>molybdinus Wahlenb.</i>	418
<i>cocciferus L.</i>	451	<i>murorum Hoffm.</i>	416
<i>conspersus Ehrh.</i>	429	<i>muscicola Sw.</i>	442
<i>cornutus L.</i>	454	<i>muscigenus Ach.</i>	422
<i>croceus L. LV.</i>	445	<i>muscorum Sw.</i>	470
<i>cucullatus Bell.</i>	433	<i>nigrescens L.</i>	444
<i>cycloselis Ach.</i>	422	<i>nivalis L.</i>	433
<i>cylindricus L. LXV.</i>	483	<i>ochrolevchus Ehrh.</i>	438
<i>dactyliferus Wahlenb.</i>	414	<i>odontellus Ach.</i>	434
<i>deformis L.</i>	452	<i>olivaceus L.</i>	430
<i>diamartus</i>	414	<i>omphalodes L.</i>	428
<i>digitatus L.</i>	453	<i>panyrgus Ach.</i>	408
<i>divergens Wahlenb.</i>	439	<i>parellus L.</i>	402
<i>elæinus Wahlenb.</i>	425	<i>parietinus L.</i>	430
<i>elegans Ach.</i>	417	<i>paschalis L.</i>	450
<i>encaustus Smith.</i>	427	<i>pelobotryon Wahlenb.</i>	413
<i>epibryon Ach.</i>	408	<i>pertusus L.</i>	459
<i>ereviticus Wahlenb.</i>	418	<i>physodes L.</i>	428
<i>ericetorum L.</i>	449	<i>plumbeus Lightf.</i>	425. XVIII
		<i>Lichen polio-</i>	

	pag.		pag.
<i>Lichen poliophæus</i> Wah-		<i>Littorella lacustris</i> L.	250
<i>lenb.</i>	410	<i>Lobelia Dortmanna</i> L.	212
<i>polymorphus</i> Ach.	436	<i>Lolium perenne</i> L.	144
<i>proboscideus</i> L. LXVI.	483	<i>Lotus corniculata</i> L.	192.
<i>protuberans</i> <i>Wahlenb.</i>	412		XVIII
<i>pubescens</i> L.	441	<i>Lychnis alpina</i> L.	134. XIX.
<i>pullus</i> Lightf.	426		XXXI
<i>pulmonarius</i> L.	432	<i>apetala</i> L.	135. XVI
<i>pyxidatus</i> L.	453	<i>dioica</i> L.	134
<i>radiatus</i> Schreb.	453	<i>sylvestris</i> Willd.	134
<i>rangiferinus</i> L. 458. XXXI		<i>Lycogala miniata</i> Pers.	526
<i>resupinatus</i> L.	447	<i>Lycoperdon Bovista</i> L.	526
<i>rubiginosus</i> Thunb.	424.	<i>Epidendrum</i> L.	526
	XVIII	<i>Lycopodium alpinum</i> L.	290.
<i>saccatus</i> L.	446		XXXI
<i>sangeinarius</i> L.	469	<i>annotinum</i> L.	291
<i>sanchopis</i> <i>Wahlenb.</i>	406	<i>clavatum</i> L.	291
<i>saturninus</i> Dicks.	444	<i>complanatum</i> L.	290
<i>saxicola</i> Poll.	415	<i>Selaginoides</i> L.	292
<i>saxatilis</i> L.	428	<i>Selago</i> L.	291
<i>scotinus</i> Ach.	443	<i>Lycopsis arvensis</i> L.	57. XX
<i>serobicularis</i> Scop.	431	<i>Lysimachia vulgaris</i> L.	61
<i>scruposus</i> L.	415	<i>thyrsiflora</i> L.	61. XVI. XXX
<i>sepincola</i> Ehrh.	433	<i>Lythrum Salicaria</i> L.	139. XX
<i>sophodes</i> Ach.	410	<i>Malaxis monophyllos</i> Sw.	219
<i>spodophæus</i> <i>Wahlenb.</i>	409	<i>Marchantia hemisphærica</i>	
<i>squamulosus</i> Schrad.	421	<i>L.</i>	398
<i>stellaris</i> L.	423	<i>pilosa</i> Hornem.	399
<i>stramineus</i> <i>Wahlenb.</i>	417	<i>polymorpha</i> L.	397
<i>stygius</i> L.	LV. 427	<i>Meesia dealbata</i> Sw.	357
<i>subfuscus</i> L.	407	<i>longiseta</i> Hedw.	356
<i>subularis</i> L.	457	<i>squarrosa</i>	356
<i>sulphureus</i> Hoffm.	477	<i>uliginosa</i> Hedw.	357
<i>tartareus</i> L.	403	<i>Melampyrum pratense</i> L.	166
<i>tenellus</i> Scop.	435	<i>sylvaticum</i> L.	166
<i>tephromelas</i> Ehrh.	411	<i>Melica cærulea</i> L.	38
<i>tristis</i> Web. 440. XVIII		<i>nutans</i> L.	38
<i>turfæus</i> <i>Wahlenb.</i>	408	<i>Mentha lapponica</i> Wah-	
<i>ulothrix</i> Ach.	424	<i>lenb.</i>	161
<i>uncialis</i> L.	457	<i>Menyanthes trifoliata</i> L.	61
<i>upsaliensis</i> L.	403	<i>Menziesia cærulea</i>	105. XVI
<i>varius</i> Ehrh.	403	<i>Merulius Chanterellus</i>	529
<i>vellens</i> L.	484	<i>cupularis</i> <i>Wahlenb.</i>	529
<i>velutinus</i> Ach.	442	<i>sepiarius</i> Pers.	530
<i>venosus</i> L.	447	<i>Milium effusum</i> L.	22
<i>ventrosus</i> L.	406	<i>Mnium albicans</i> <i>Wahlenb.</i>	353
<i>vernalis</i> L.	405	<i>annotinum</i> L.	359
<i>vitellinus</i> Ehrh.	404	<i>bimum</i> Schreb.	353
<i>Ligusticum scoticum</i> L.	71	<i>capillare</i> L.	359
<i>Limosella aquatica</i> β.	171	<i>cirratum</i> L.	323
<i>Linnæa borealis</i>	170	<i>crudum</i> L.	354
<i>Lithospermum arvense</i> L.	56	<i>fontanum</i> L.	352

	pag.		pag.
<i>Mnium hygrometricum</i> L.	351	<i>Orthotrichum anomalum</i>	
<i>palustre</i> Hedw.	352	<i>Hedw.</i>	366
<i>pellucidum</i> L.	305	<i>crispum</i> Hedw.	364
<i>pseudotriquetrum</i> Hedw.	353	<i>curvifolium</i> Wahlenb.	365
<i>punctatum</i> Hedw.	353	<i>obtusifolium</i> Sw.	365
<i>purpureum</i> L.	341	<i>striatum</i> Hedw.	365
<i>pyriforme</i> L.	358	<i>Osmunda crispa</i> L.	286
<i>roseum</i> Hedw.	354	<i>Lunaria</i> L.	289
<i>serpyllifolium</i> L.	353	<i>Spicant</i> L.	288
<i>triquetrum</i> L.	357	<i>Struthiopteris</i> L.	288. xxxvii
<i>turgidum</i> Wahlenb.	351	<i>Oxalis Acetosella</i> L.	133
<i>trichomanis</i> L.	387	<i>Pellis quadrifolia</i> L.	100
<i>Monilia digitata</i> Pers.	536	<i>Parnassia palustris</i> L.	74
<i>Montia fontana</i> L.	45	<i>Pedicularis flammea</i> L.	168.
<i>Mucor crustaceus</i> L.	536		xix. xxxv
<i>furfuraceus</i> L.	478	<i>hirsuta</i> L.	169. xvii. xxxv
<i>Mucedo</i> L.	526	<i>lapponica</i> L.	167. xvii.
<i>sphærocephalus</i> L.	486		xxxiii
<i>Myosotis arvensis</i> L.	55	<i>palustris</i> L.	166. xi
<i>deflexa</i> Wahlenb.	55. xxiv	<i>Sceptrum Carolinum</i>	
<i>scorpioides</i> L.	54	<i>L.</i>	167. xvii
<i>Myrica Gale</i> L.	274. xviii.	<i>Peltidea aphyta</i>	446
	xxviii	<i>arctica</i>	448. xvii
<i>Myriophyllum spicatum</i> L.	252	<i>canina</i>	446
<i>Næmaspora crocea</i> Pers.	524	<i>crocea</i>	lv. 445
<i>Nardus stricta</i> L.	19	<i>horizontalis</i>	447
<i>Narthecium ossifragum</i>		<i>resupinata</i>	447
<i>Smith.</i>	78	<i>saccata</i>	446
<i>alpinum</i> Mich.	89	<i>venosa</i>	447
<i>Neckera curtipendula</i>		<i>Peplis Portula</i> L.	89
<i>Hedw.</i>	366	<i>Peziza atrata</i>	534
<i>pumila</i> Hedw.	367	<i>carnosa</i> Vahl.	534
<i>viticulosa</i> Hedw.	366	<i>ciborum</i> Vahl.	534
<i>Neottia repens</i> Sw.	218	<i>conglomerata</i>	535
<i>Nostoc vulgare</i> Schrank.	517	<i>hysterium</i> Pers.	535
<i>Nymphæa alba</i> L.	150	<i>phiala</i> Vahl.	534
<i>lutea</i> L.	151. xxxi	<i>radiata</i> Pers.	535
<i>pumila</i> Tim.	151	<i>sarchooides</i> Pers.	534
<i>Onoclea Struthiopteris</i> Sw.	287	<i>turbinata</i> Vahl.	534
<i>Opegrapha astroidea</i> Ach.	467	<i>Phaca alpina</i> L.	188
<i>Ophrys alpina</i> L.	217. xix.	<i>frigida</i> Jacqu.	188. xxii
	xxii	<i>montana</i>	189
<i>Corallorhiza</i> L.	220	<i>sordida</i>	190
<i>cordata</i> L.	219	<i>Phalaris arundinacea</i> L.	20
<i>liliifolia</i> L.	219	<i>Phleum alpinum</i> L.	20. xx
<i>Monorchis</i> L.	217	<i>pratense</i> L.	20
<i>Orchis albida</i> Sw.	216	<i>Pimpinella Saxifraga</i> L.	74.
<i>bifolia</i> L.	214		xx
<i>conopsea</i> L.	215	<i>Pingicula alpina</i> L.	9. xvi
<i>maculata</i> L.	215	<i>villosa</i> L.	10. xvi
<i>latifolia</i> L.	215	<i>vulgaris</i> L.	10
<i>viridis</i> Sw.	216	<i>Pinus Abies</i> L.	256. xiii

Phipposia alba 25

	pag.		pag.
<i>Pinus sylvestris</i> L.	255. XIII.	<i>Potentilla nivea</i> L.	147. XVI
	XXXIV	<i>norvegica</i> L.	147
<i>Pisum maritimum</i> L.	187	<i>verna</i> L.	146
<i>Plantago major</i> L.	49	<i>Primula farinosa</i> β.	60
<i>maritima</i> L.	50	<i>finmarkica</i>	60
<i>uniflora</i> L.	250	<i>Prunella vulgaris</i> L.	164
<i>Poa alpina</i> L.	39	<i>Prunus Padus</i> L.	139
<i>annua</i> L.	39	<i>Pteris aquilina</i> L.	286. XX
<i>flexuosa</i> Smith.	40	<i>crispa</i> Sw.	286. XXIII
<i>glauca</i> Vahl	41	<i>Pterogonium filiforme</i>	319
<i>laxa</i> Willden.	40	<i>Pulmonaria maritima</i> L.	57
<i>maritima</i> Huds.	38	<i>Pyrola minor</i> L.	110
<i>nemorialis</i> L.	42	<i>rotundifolia</i> L.	110
<i>pratensis</i> L.	41	<i>secunda</i> L.	110
<i>trivialis</i> L.	41	<i>uniflora</i> L.	110
<i>Polemonium caeruleum</i> L.	63.	<i>Ranunculus acris</i> L.	159
	XVI	<i>aquatilis</i> L.	160
<i>Polygonum aviculare</i> L.	99	<i>auricomus</i> L.	155
<i>Convolvulus</i> L.	100	<i>Ficaria</i> L.	155
<i>Persicaria</i> L.	100	<i>Flammula</i> L.	154
<i>viviparum</i> L.	99	<i>glacialis</i> L.	155. XIX. XXXV
<i>Polypodium Dryopteris</i> L.	280	<i>hyperboreus</i> Rottb.	158
<i>Filix femina</i> L.	282	<i>lapponicus</i> L.	LXIV. 156
<i>Filix mas</i> L.	282. XXXVII	<i>nivalis</i> L.	156. XXXV. LV
<i>fragile</i> L.	283	<i>pygmæus</i> Wahlenb.	157
<i>hyperboreum</i>	279	<i>sulphureus</i> Phipps.	157
<i>ilvense</i> Sw.	278	<i>repens</i> L.	160
<i>Lonchitis</i> L.	281. XXXVII	<i>reptans</i> L.	159
<i>Phegopteris</i> L.	280	<i>Rhamnus Frangula</i> L.	65
<i>spinulosum</i> Retz.	282	<i>Rheum digynum</i>	101
<i>vulgare</i> L.	278	<i>Rhinanthus Crista galli</i> L.	164
<i>Polytrichum alpinum</i> L.	346	<i>Rhodiola Rosea</i> L.	275
<i>arcticum</i> Sw.	349	<i>Rhododendron lapponicum</i>	
<i>aurantiacum</i> Hopp.	345		104. XVIII. LXV
<i>capillare</i> Mich.	347	<i>Ribes alpinum</i> L.	66
<i>commune</i> L.	344	<i>nigrum</i> L.	66
<i>formosum</i> Hedw.	345	<i>petraeum</i> Smith.	66
<i>hercynicum</i> Hedw.	348	<i>rubrum</i> L.	65. XXXVII
<i>juniperinum</i> Menz.	344	<i>Rosa majalis</i> Retz.	141
<i>lævigatum</i> Wahlenb.	349	<i>spinosissima</i> L.?	141
<i>piliferum</i> Schreb.	343	<i>villosa</i> L.	142
<i>septentrionale</i> Sw.	347	<i>Rubus arcticus</i> L.	144. XVI. XX
<i>undulatum</i> Hedw.	349	<i>Chamæmorus</i> L.	LXI. 144
<i>urnigerum</i> L.	347	<i>idæus</i> L.	143
<i>Populus tremula</i> L.	275. XXXIII	<i>saxatilis</i> L.	143
<i>Potamogeton gramineum</i> L.	52	<i>Rumex Acetosa</i> L.	92
<i>lanceolatum</i> Smith.	52	<i>Acetoselia</i> L.	92
<i>natans</i> L.	51	<i>aquaticus</i> L.	91. XXXI
<i>pusillum</i> L.	53	<i>digynus</i> L.	101
<i>Potentilla Anserina</i> L.	146.	<i>Sagina procumbens</i> L.	53
	XVIII. XX	<i>Sagittaria sagittifolia</i> L.	252
<i>aurea</i> Smith	146	<i>Sax. arbuscula</i> L.	263. XVII. XX


	pag.		pag.
<i>Salix arbuscula</i> β. L.	268	<i>Scheuchzeria palustr.</i> L.	90. xvi
<i>arbuscula</i> γ. L.	272	<i>Schœnus albus</i> L.	12
<i>appendiculata</i> Vahl	264	<i>Scirpus acicularis</i> L.	15
<i>arenaria</i> L.	265	<i>Bellardi</i>	15
<i>aurita</i> L.	272	<i>Bœothryon Ehrh.</i>	13
<i>caprea</i> L.	272	<i>cæspitosus</i> L.	13
<i>chrysantha</i> Vahl	259	<i>lacustris</i> L.	16
<i>foliolosa</i> Afz.	272	<i>palustris</i> L.	14
<i>glauca</i> L.	264. xvii. xxxi	<i>rufus</i>	15. xvii
<i>hastata</i> L.	268. xxxi	<i>Scrophularia nodosa</i> L.	172
<i>herbacea</i> L.	260. xviii	<i>Scutellaria galericulata</i> L.	164
<i>herbacea</i> A. Liljeb.	261	<i>Sedum acre</i> L.	132
<i>lanata</i> L.	259. xviii. xxxiii	<i>annuum</i> L.	132
<i>lapponum</i> L.	264	<i>saxatile</i> All.	132
<i>limosa</i>	265. xvii. xx	<i>villosum</i> L.	133. xxxvii
<i>livida</i> Wahlenb.	272	<i>Selinum palustre</i> L.	71
<i>majalis</i> Wahlenb.	270	<i>Senecio vulgaris</i> L.	209
<i>malifolia</i> Smith.	268	<i>Serratula alpina</i> L.	199. xxx
<i>myrsinites</i> L.	lvii. 262	<i>arvensis</i> L.	200
<i>myrtilloides</i> L.	266. xvii	<i>Sibbaldia procumbens</i> L.	75.
<i>nigricans</i> Smith.	271		xvii
<i>pentandra</i> L.	257	<i>Silene acaulis</i> L.	122
<i>phylicifolia</i> L.	270	<i>rupestris</i> L.	123
<i>phylicifolia</i> β. L.	271	<i>Sistotrema cinereum</i> Pers.	532
<i>polaris</i> Wahlenb.	261	<i>Sisymbrium terrestre</i> Sm.	179
<i>punctata</i> Wahlenb.	269	<i>Sophia</i> L.	180
<i>reticulata</i> L.	lx. 262	<i>Sium latifolium</i> L.	71
<i>serrulata</i> Willden.	268	<i>Solidago Virgaurea</i> L.	210.
<i>tenuifolia</i> Afzel.	268	<i>Sonchus alpinus</i> L.	194. xxxvii
<i>versifolia</i> Wahlenb.	271	<i>oleraceus</i> L.	193
<i>Satyrion albidum</i> L.	216	<i>sibiricus</i> L.	194. xvii. xxii
<i>repens</i> L.	218	<i>Sorbus Aucuparia</i> L.	140.
<i>viride</i> L.	216		xxxiii
<i>Saxifraga aizoides</i> L.	115	<i>Sparganium natans</i> L.	222
<i>bulbifera</i>	116	<i>Spergula arvensis</i> L.	137
<i>cæspitosa</i> L.	119. xxxiv.	<i>nodosa</i> L.	138
	xxxvii	<i>saginoides</i> Sw.	138
<i>cernua</i> L.	116. xxxvii	<i>stricta</i> Sw.	127
<i>controversa</i> Sternb.	118	<i>Sphæria Betulæ nanæ</i> Wahlenb.	518
<i>Cotyledon</i> L.	111. xix.	<i>calvula</i> Wahlenb.	519
	xxxiv	<i>concentrica</i> Pers.	517
<i>grandiflora</i> Sternb.?	117	<i>coronata</i> Hoffm.	520
<i>grœnlandica</i> L.	119	<i>Dematium</i> Pers.?	521
<i>Hirculus</i> L.	115. xvi	<i>deusta</i> Hoffm.	518
<i>nivalis</i> L.	113. xxxvii	<i>fallax</i>	522
<i>oppositifolia</i> L.	113. xxxvii	<i>fusca</i> Pers.	517
<i>petræa</i> L.	118	<i>nivea</i> Hoffm.	519
<i>punctata</i> Rottb.	114	<i>ochracea</i>	518
<i>pyramidalis</i> Lapeyr.	111	<i>pusilla</i> Pers.	520
<i>rivularis</i> L.	117	<i>sangvinea</i> Sowerb.	521
<i>stellaris</i> L.	lv. 114	<i>setacea</i> Pers.	522
<i>tridactylites</i> L.	118		

	pag.		pag.
<i>Sphæria subcutanea</i> . . .	520	<i>Trichostomum canescens</i>	
<i>Sphærophoron coralloides</i>		<i>Hedw.</i> . . .	330
<i>Schrad.</i> . . .	488	<i>cylindricum Hedw.</i> . . .	332
<i>fragile Schrad.</i> . . .	488	<i>ericoides Schrad.</i> . . .	329
<i>Sphagnum alpinum</i> Schreb. . .	337	<i>fasciculare Schrad.</i> . . .	330
<i>capillaceum Sw.</i> . . .	301	<i>glaucescens Hedw.</i> . . .	331
<i>cuspidatum Ehrh.</i> . . .	301	<i>heterostichum Hedw.</i> . . .	330
<i>latifolium Hedw.</i> . . .	300	<i>lanuginosum Hedw.</i> . . .	329
<i>palustre L.</i> . . .	300	<i>microcarpon Hedw.</i> . . .	331
<i>Spiræa Ulmaria L.</i> . . .	141	<i>Trientalis europæa L.</i> . . .	93
<i>Splachnum angustatum L.</i> . .	309	<i>Trifolium pratense L.</i> . . .	192.
<i>Frælichianum Hedw.</i> . . .	310		xxx
<i>luteum L.</i> . . .	308. xvii. xxii	<i>repens L.</i> . . .	192. xxxi
<i>mnoides L.</i> . . .	309	<i>Triglochin maritimum L.</i> . .	91
<i>reticulatum Dicks. Lix.</i> . .	310	<i>palustre L.</i> . . .	91
<i>rubrum L.</i> . . .	307. xvii	<i>Triticum caninum Schrad.</i> . .	44
<i>sphæricum Sw.</i> . . .	308	<i>repens L.</i> . . .	44
<i>vasculosum L.</i> . . .	308	<i>Trollius europæus L.</i> . . .	160. xvii
<i>urceolatum Schreb.</i> . . .	309	<i>Turritis hirsuta L.</i> . . .	182
<i>Stachys sylvatica L.</i> . . .	163	<i>Tussilago Farfara L.</i> . . .	209. xvii
<i>Statice Armeria β.</i> . . .	76. xviii	<i>frigida L.</i> . . .	208. xxxiii
<i>Stellaria biflora L.</i> . . .	128. xxxv	<i>Ula compressa L.</i> . . .	508
<i>cerastoides L.</i> . . .	126	<i>cylindrica Wahlenb.</i> . . .	509
<i>crassifolia Ehrh.</i> . . .	124	<i>filiformis Huds.</i> . . .	508
<i>graminea L.</i> . . .	123	<i>lactuca L.</i> . . .	507
<i>humifusa Rottb.</i> . . .	126	<i>latissima L.</i> . . .	494
<i>humifusa Sw.</i> . . .	129	<i>terrestris Roth.</i> . . .	507
<i>media Smith.</i> . . .	125	<i>umbilicalis L.</i> . . .	506
<i>nemorum L.</i> . . .	125	<i>Uredo betulina Pers.</i> . . .	525
<i>uliginosa Smith.</i> . . .	124	<i>caricis Pers.</i> . . .	525
<i>Stemonitis fasciculata Pers.</i> .	526	<i>Ledi Albert.</i> . . .	525
<i>Subularia aquatica L.</i> . . .	172	<i>Urtica dioica L.</i> . . .	251
<i>Tanacetum vulgare L.</i> . . .	201	<i>urens L.</i> . . .	251
<i>Telephora lævis Pers.</i> . . .	533	<i>Utricularia intermedia</i>	
<i>Tetraphis pellucida Hedw.</i> . .	305	<i>Hayn.</i> . . .	11
<i>Thalictrum alpinum L.</i> . . .	154	<i>Vaccinium Myrtillus L.</i> . . .	97
	xxxiii	<i>Oxycocco L.</i> . . .	97
<i>flavum L.</i> . . .	153	<i>Vitis idæa L.</i> . . .	lx. 97
<i>Thlaspi arvense L.</i> . . .	179	<i>uliginosum L.</i> . . .	96
<i>Bursa pastoris L.</i> . . .	178	<i>Valeriana officinalis L.</i> . .	12
<i>Thymus Serpyllum L.</i> . . .	162. xx	<i>Variolaria lactea Ach.</i> . . .	401
<i>Tillæa aquatica L.</i> . . .	54	<i>thelæna Wahlenb.</i> . . .	402
<i>Timmia austriaca Hedw.</i> . . .	355	<i>Veratrum album L.</i> . . .	277. xvii
<i>Tofieldia borealis</i> . . .	89. xxx	<i>Veronica alpina L.</i> . . .	7
<i>palustris Huds.</i> . . .	89	<i>Chamædrys L.</i> . . .	8. xx
<i>Tormentilla erecta L.</i> . . .	148. xvii	<i>longifolia L.</i> . . .	3. xvi
<i>Tortula mucronifolia</i>		<i>officinalis L.</i> . . .	8. xxx
<i>Schwægr.</i> . . .	317	<i>saxatilis L.</i> . . .	6. xvii. xxii
<i>subulata Hedw.</i> . . .	316	<i>scutellata L.</i> . . .	8
<i>tortuosa Hedw.</i> . . .	317	<i>serpyllifolia L.</i> . . .	5
<i>Tremella juniperina L.</i> . . .	534	<i>Verrucaria aractina Wah-</i>	
<i>Nostoc L.</i> . . .	517	<i>lenb.</i> . . .	466

	pag.		pag.
<i>Verrucaria</i> <i>ceuthocarpa</i>		<i>Viola</i> <i>tricolor</i> <i>L.</i>	214
<i>Wahlenb.</i>	467	<i>Weissia</i> <i>acuta</i> <i>Hedw.</i>	322
<i>clopima</i> <i>Wahlenb.</i>	464	<i>cirrata</i> <i>Hedw.</i>	LIX. 323
<i>epidermidis</i> <i>Ach.</i>	464	<i>fugax</i> <i>Hedw.</i>	324
<i>fuliginea</i> <i>Wahlenb.</i>	465	<i>heteromalla</i> <i>Hedw.</i>	321
<i>margacea</i> <i>Wahlenb.</i>	465	<i>nigrita</i> <i>Hedw.</i>	323
<i>maura</i> <i>Wahlenb.</i>	466	<i>recurvirostra</i> <i>Hedw.</i>	321
<i>striatula</i> <i>Wahlenb.</i>	466	<i>rosea</i> <i>Wahlenb.</i>	325. XXIV
<i>umbrina</i> <i>Wahlenb.</i>	464	<i>schisti</i>	325
<i>Vicia</i> <i>Cracca</i> <i>L.</i>	186	<i>Seligeri</i> <i>Web.</i>	322
<i>sylvatica</i> <i>L.</i>	186	<i>splachnoides</i> <i>Wah-</i>	
<i>Viola</i> <i>biflora</i> <i>L.</i>	213. XVII.	<i>lenb.</i>	326
	XXXIII	<i>Xyloma</i> <i>alneum</i> <i>Pers.</i>	524
<i>canina</i> <i>L.</i>	213	<i>Andromedæ</i> <i>Pers.</i>	524
<i>montana</i> <i>L.</i>	213	<i>salicinum</i> <i>Pers.</i>	524
<i>palustris</i> <i>L.</i>	212	<i>Zostera</i> <i>marina</i> <i>L.</i>	220


Corrigenda.


pag.		pag.	
XLII lin. 30	lege: dubitemus	125 lin. 13	lege: quem
6 lin. 22	lege: inferalpinozum	129 — 31	— duas
7 — 12	— dehiscens	137 — 5	— alia planta
10 — 15	— longitudine	155 — 38	— quæ
18 — 20	— serrulato	156 — 21	— frigidorum
24 —	— Reliqui	159 — 29.30	— simillima
19 — 6	— summo triquetro	162 — 2	— adultam
20 —	— pracedentia	170 — 13	— loci
23 — 8	— triaye	181 — 17	— calcarea
17 —	— fusci	205 — 34	— simile
24 — 38	— quam	219 — 32	— acuminato
25 — 16	— parvos	221 — ult.	— nidificam
13 —	— et stolones	222 — 27	— idem
26 — 4	— longius	223 — 41	— masculum
11 —	— date	228 — 5	— masculus subu-
27 — 34	— differentiam		latus
28 — ult.	— violacei	242 — 25	— duas
31 — 22	— convoluta	247 — 14	— fila
penult. —	— summas	266 — 28	— Hanc
32 — 33	— egreditur	270 — 35	— lætissimi
39 — 29	— duos	271 — 19	— acuminato
40 — 6	— densos	190 — 4	— frigus
66 — 33	— duriores	296 — 20	— utroque
58 — 29	— elatas	301 — 2	— annotino
30 —	— foliosos - denudatos	309 — 35	— uno
ult. —	— latum, crassum etc.	333 — 39	— Finmarkiæ
66 — 23	— nostrum	334 — 18	— denudata
68 — 15	— fidus	338 — 40	— nervum totum
70 — 10	— duæ	348 — 37	— maturum
77 — 24	— frigus	398 — 15	— notatæ
85 — 18	— hic	400 — 29	— efformatæ
87 — 36	— duæ	407 — 28	— apices
97 — 37	— frigori	411 — 22	— frustula
102 — 23	— petiolo	412 — 29	— singula gleba
103 — 34	— ipso	413 — 13	— instructæ
104 — 21	— remota	451 — 35	— nomen
107 — 6	— earum	514 — 34	— confluentia
109 — 35	— decolorata	518 — 2	— Sodankylä.
112 — 12	— guttam unam		



Agrostis algida


Arundo lapponica







Arundo strigosa


Holcus alpinus





Aira alpina L.






Juncus arcuatus.

Aira bettnica







Juncus bottnicus




Alsine rubella.






Lychnis apetala L.


1.




2.




3.






Diapensia



Rheum digynum



Linnea



Mentha lapponica

D. hirta. Fruiting pedicels glabrous

D. alpina

- hairy

1.



D. hirta β .

4.



D. alpina

2.



D. muricella

5.




D. androsacea

3.




D. hirta α .




1.

2.



Cheiranthus alpinus




Phaca frigida

3.

4.

3.



Astr. alpinus



Astr. leontinus




Phaca montana







Carex pedata L.



1.

2.



Carex laxa.






C. limosa var. irrigata


3.



Carex norvegica








Salix punctata

2.

3.




Salix phylicifolia



Salix nigricans




Salix myrtilloides





Salix versifolia






Weisia rosea






Didymodon latifolium



Dicranum alpestre


Conostomum boreale




Polytrichum laevigatum



B *Mnium turgidum*






Hypnum moniliforme




Jungermannia ciliifolia Ehrh.



Jungermannia laxifolia




Jungermannia Floerckii







Lycopodium inundatum





Lycopodium selaginoides






Isoetes lacustris L.







Lichen hyginus




Lichen aipospilus




Lichen poliophæus




Lichen stramineus









Lichen chlorophanus





Lichen oleaceus












Lichen molybdinus



Endocarpon phylliscium





SUPPLEMENTUM
FLORAE LAPPONICAE

QVAM EDIDIT

Dr. GEORGIUS WAHLENBERG

AUCTORE

SEV. CHRISTIANO SOMMERFELT

SACRI VERBI MINISTRO

REG. SOC. SCIENT. NIDROSIENSIS SODALI.

CUM TABULIS COLORATIS III.

CHRISTIANÆ.

TYPIS BORGIANIS ET GRÖNDAHLIANIS.

1826.

MANIBUS
CHRISTIANI SOMMERFELT

PATRIS

SEMPER PIO ANIMO COLENDI

QVI

DOCTRINA ET EXEMPLO

JAM PUERILEM ANIMUM STUDIO

SCIENTIARUM ET NATURÆ SCRUTANDÆ

IMBUIT

OPUSCULUM HOCCE SACRUM ESSE

VOLUIT

AUCTOR.

PRÆFATIO.

Historiæ naturalis studium, patre dilectissimo duce et adhortatore tenerrima jam ætate in me excitatum, postquam anno MDCCCXI^{mo} alma patria, quæ jam dudum frustra Universitatem sibi dicatam desideraverat, voti tandem compos facta est, confirmatum et certum in finem directum est. Regio enim promisso confisus speravi, me huic Universitati literariæ doctorem adscriptum iri; quare rationem studiorum jamjam initam mutavi atque, præoptato studio indulgens, omne meum tempus literis ad historiam naturalem oeconomiamque publicam pertinentibus impendi. Tribus præterlapsis annis, cum sine ulla mea culpa, ut muneri promisso operam meam dicarem, non contingeret, ad studia theologica iterum reversus, historiam naturalem nec eam quidem totam, sed partem ejus maxime mihi arridentem, botanicen, horis tantum subsecivis colere potui. Cursu deinde theologico peracto, anno 1818 parochus in parochiam Saltdalen in Halogalandia sive Nordlandia veni, non ita multo postquam immatura, proh dolor! morte *Christianus Smith*, Professor,

in expeditione Congoana a Britannis suscepta Universitati nostræ et omnibus botanices cultoribus ereptus est, quem ereptum luget adhuc Universitas cum omnibus literarum studiosis, qui Floræ mysteriis sese initiari cupiunt; et eo magis luget, quo nemo hactenus ei successit. Quo pauciores igitur in patria tum rei herbariæ operam navabant, eo lubentius constitui, loco illo longinqvo pro parte virili ad studium mihi gratissimum promovendum adniti. Mox vero, cum *Cl. Wahlenbergii floram Lapponicam* (Berolini 1812) mecum portans, plantas ibi occurrentes scrutari inciperem, vix fieri posse reperiēbam, ut botanices cultor celeriter regionem aliquam peragrans, quamvis oculatissimus, catalogum omnino integrum omnium ibi occurrentium plantarum, præsertim minorum cryptogamarum, conscribere possit, quamquam confitendum est, præclarum hunc auctorem, plus quam exspectari posset, eximio hocce et inclyto opere præstitisse; nam ante eum nemo Halogalandiam et Lapponiam ad extremos usque earum fines tam sæpe tantisve laboribus obnoxius peragravit: nemo ante eum regionum, quibus gignerentur, naturam usque respiciens plantas exploravit: nemo botanicis explorationes físicas tales, quales sunt altitudinis montium, temperiei et vegetationis, adjecit. Idem

etiam LXX plantis novis locupletatus rediit. Ad finem, quem sibi celeberrimus ille auctor in opere suo proposuerat, adsequendum ut aliquantulum conferrem: "ut certo constaret, quid Lapponia ferat, quid ferre recuset" (p. V), quod ut constet, si Halogalandiam et Lapponiam spectas, tanto plurius interest, quando arctoæ hæ regiones limitem magni continentis orientalis et regionum maritimarum occidentalium efficiunt, et maximam partem utriusque terræ temperie et natura gaudent, putavi me operæ pretium facturum, si libellum, qui pro supplemento operis inclyti auctoris esse posset, conficerem, ideoque sex, quos in Halogalandia degi, annis omne meum otium in explorandas hujus terræ plantas, præcipue cryptogamas, contuli. Sedes mea ab omni literaria consociatione remota hunc mihi laborem perdifficilem quidem fecit *), sed hanc tamen utilitatem attulit, ut quæ

*) Non possum non hoc loco grato animo mentionem facere Cl. H. G. Flörke, in universitate Rostockiensi Professoris, qui me annotationibus et speciminibus lichnologicis largissime locupletavit; Cl. Dr. Wikström Holmiæ, qui maxima cum benignitate liberum mihi ad magnum Swartzianum apparatus aditum dedit; et Cl. Dr. Wahlenbergii Upsaliæ, qui liberaliter mihi collectiones suas ostendere dignatus est. Nonnihil etiam auxilii e collectione plantarum in Finmarkia orientali crescentium, quam dedit Universitati nostræ re

invenissem, sæpius quam acerrime explorare cogerer. Summam harum scrutationum hic herbarum studiosis offerre audeo. Opusculum tamen edere non potuissem, nisi societas regia pro salute Norvagiæ, literas promovendi studiosissima, larga manu idem sublevasset. Tantum nihilo minus abest, ut lucri aliquid inde sperem, ut contentus sim, si modo nihil rei familiaris detrimenti ex eo capiatur, nec hujus scientiæ principes poeniteat, quantumcunque ad eam promovendam protulerim.

Cum in hoc opusculo plantæ aliis in terris raræ nec satis notæ occurrunt, semper annotationes sive descriptiones succinctas adjunxi, ne peritiores dubitarent, quamnam plantam in manibus habuerim. Librum meum partem posteriorem floræ Lapponicæ Wahlenbergii haberi cupiens, bene cavi, ne quæ in hoc opere jam legerentur, repeterem, et ordinem ejus semper fere secutus sum, licet interdum sententiæ auctoris, — systemati Linnaeano ordinem Monogamiam in Syngenesia, item Classes Dodecandriam et Polygamiam servando, & systemati Hedwigiano quoad muscorum genera &c. nimis, ut mihi videtur, addicti — minus

P. V. Deinboll, accepi, sed inter illas nullæ cryptogamæ fuere.

arriderent. Propter novum habitationis locum plantam non nominavi, nisi cum intra fines Norvagiæ quasdam, antea Sveciæ proprias dictas, vel in paucis tantum locis lectas, invenirem. Nonnullas, quas non omnino accurate cognoscere potui, omittere quam dubias afferre malui. Erunt forte, qui putent, me nimis paucos auctores laudasse, sed eam legem mihi injunxi, ut eos solum nominarem, quos easdem, quas ipse, plantas describere mihi persvasum haberem. Alios modo laudavi, cum alia quædam ratio ex.gr. geographica postularet, & tum etiam, quorum auctoritate nixus sim, adjeci. Synonymis, quæ e libris aliorum exscribuntur, semper aliquid incerti adhæret. Libri volumen eis tantum crescit. Si quis de his edoceri cupiat, ea apud auctores a me laudatos inveniet. Ut lectores me excusent, quod non omnibus recentioribus operibus classicis usus sim, oro, cum mihi opusculum scribenti ad nullum botanicum publicum apparatus aditus pateret. Nec expectet quisquam a tirone perfectum quid, aut tale, quod ab eo, qui in hoc studio omne tempus & omnes vires consumserit, exigi possit.

Videbor fortasse multis in mutationibus suscipiendis audacior fuisse, imprimis quod ad Lichenes attinet, dum plures species ab inclytis auc-

toribus adscitas, mihi vero forma tantum variare visas, in unam redegì. At si consideretur, quam prompti sint plerumque botanici ad novas species condendas, quam varii Lichenes quotque mutationes pro natura loci et ætate subeant, nec non descriptiones ex. gr. Cl. Acharii maximam partem singulis minutisque speciminibus ab alio missis nixas esse, cum in locis ipsis multiplices eorundem transitus formasque diversas, quibus occurrant, botanici non observaverint: rationem meam probatum iri spero, qui confirmare possim, me nunquam nisi accuratissime his plantis exploratis, pluresque per annos in locis, quibus gignantur, observatis, mutationem talem instituisse.

Tractus, cujus intra fines observationes meæ præsertim factæ sunt, est regio circa sinum Saltensem, *) inprimis pars intima Saltdalen dicta **)

*) Peragravi quidem Lapponiam Pitensem, sed celerius, quam ut perlustratione mea herbarum studio multum prodessem.

**) Qui descriptionem hujus regionis uberiores cupit, topographiam meam physico-oeconomicam Actis regiæ Societ. Nidrosiensis 1826 insertam adeat. Breves aliquot de Halogalandia in genere & præfectura ejus Saltensi in specie annotationes statisticæ & oeconomicæ a b. H. H. Rosenvinge, tunc temporis judice, anno 1790 conscriptæ inveniuntur in promptuario statistico-

quæ usque ad fines Svecicos porrigitur. Tractus est vallis angusta, ubi montes e superficie maris sæpe supra limites Betulæ surgunt. Latissime patent regiones alpina & subalpina, e quibus alta cacumina velut e basi communi crebro assurgunt. Summum est cacumen, quod Saulo vocatur, 5309 ped. supra mare sec. Wahlbg; deinde Solvaagtinden circiter 4000 ped. supra mare elatum. Qvod ad latitudinem geographicam attinet, coelo mitissimo gaudet & ob angustias vallis, quæ vim solis magnopere augent, & ob maris propinquitatem, quæ hiemis frigus præcipue mollitur, quo fit, ut plantæ, quas in regionibus arcticis inveniri non crediderimus, nobis sese offerant, ut *Impatiens*, *Arenaria trinervia* &c. Materia montium est saxum quarzoso-micaceum (Glimmerskifer) et saxum calcarium originarium (Urkalk) quod etiam ad variationem vegetationis multum confert, & rarius saxum spathaceo-quarzosum (Gneis). Quamquam ratione aliarum terrarum coelum æstivum alpium Norvagiæ mitissimum est, quo fit, ut Lappones in tenuibus suis tentoriis per totum annum in alpibus habitare possint, Cl. Wahlenbergius tamen (*de vegetatione et climate Helve-*

tiae p. XC.) id mitius, quam re vera est, describit, nam etiam mensibus Junio & Augusto nive satis sæpe alpes Saltenses téguntur; quin Julio mense plantas in alpibus legi, dum nungebat, licet nix cadens cito liqvesceret, & die 16 Julii 1824 multæ plantæ alpinæ, ut *Pedicularis Sceptum*, *Aspidium Lonchitis* (juvenis frigoris impatiens, senex vero per hiemem illæsum perdurat), *Pingvicula* &c. frigore ustæ sunt.

Quamvis sententiæ Wahlenbergii, plantas Lapponicas partim e Siberia partim e terris occidentalibus oriundas esse, aliquid veritatis inest, quatenus terræ maritimæ & a mari remotæ propria tum vegetatione tum coelo gaudent, quam ob rem arcticæ Scandinaviæ regiones nonnihil utriusque floræ habent, in specialioribus tamen sæpe fallitur, quod in multis plantis ab eo nominatis accidit. Sic (cfr. p. XVI) crescit *Pingvicula villosa* etiam in montibus Norvagiæ meridionalis, et *Lysimachia thyrsiflora* in tota Norvagia meridionali satis vulgariter. *Polemonium cæruleum* in pluribus mari adjacentibus locis nunc inventum est. *Convallaria bifolia* a terra Saltensi usque ad Christiansandensem ubique obvia est. *Juncus parviflorus* *Daphne* & *Scheuchzeria* omnes plantæ Norvagiæ sunt. *Lychnis alpina* in alpibus Norvagiæ

mediæ (ut in Dovre, Tronsfeld) non raro occurrit. *Splachnum luteum* & *rubrum* per totam Norvagiæ a finibus Halogalandiæ inveniuntur.

Multas plantas non recte Lapponiæ proprias esse dicit (cfr. p. XVIII), cum sæpe vulgares Norvagiæ incolant, ut *Aira alpina*, *Diapenzia*, *Luzula arcuata*, *Alsinella stricta*, *Ranunculus pygmæus*, *Salix lanata*, *Gnaphalium alpinum*, *Carex microglochin*, *capitata*, *norvegica*, *rotundata*, *ustulata*, *alpina*. Præterea inveniuntur *Aira atropurpurea*, *Juncus arcticus*, *Rhododendrum lapponicum* in Dovre & alpebus adjacentibus. *Myosotis deflexa* in tota Norvagiæ australi occurrit, ubi eam jam anno 1808 legi.

Ut indoles floræ Lapponicæ facilius cognoscatur, incrementum etiam, quod meo supplemento familiis naturalibus (cfr. p. LVIII) accessit, exponere liceat.

Quod de *Lichenibus* præclarus ille auctor jam scripsit: "omnium vegetabilium Lapponicarum longe numerosissimæ sunt, utpote quare ultra 207 species inveniantur", rectius nunc dicendum, cum 170 species accesserunt, ita ut totus numerus 377 fiat, et haud dubie herbarum studiosi in futurum Halogalandiam visitantes saltem viginti tres etiamnum invenient species, inprimis si scopulos alpesque terræ Lofotensis adeant.

Muscis frondosis una cum hepaticis 58 species accessere.

Fungorum numerus 547 speciebus tantum augetur, ut lichenum numerum superet. Haud dubie plures etiam fungi quam lichenes post-hac botanicis occurrent. Cum vero plurimi minoris sint momenti et vita brevissima fruuntur, vegetationem non insignem reddere possunt; quare lichenibus cedere eos oportet.

Algarum aquaticarum 60 species a me sunt indagatae, quarum pleraeque aquarum dulcium incolae sunt. Autumni demum tempore lacus et rivi ab aqua nivali et frigore liberantur, ita ut Confervae in ipsis nasci possint. Sed cum Cl. Wahlenberg per haec loca itinera faceret, hoc anni tempus non praestolatus est, quare re haud dubie factum est, ut tam paucas Algas in aqua dulci habitantes memoret.

Filicum numerus una modo specie augetur.

Inundatarum species antea 7 fuerunt; nunc 5 additae.

Hydrocharidum tribus *Nymphæis* sese associat *Stratiotes*.

Calamariarum Lapponicarum numerosae species adhuc 8 novis, omnibus tamen rarius occurrentibus, augentur.

Graminum 6 species, quæ inprimis coelum mite marinum amant, a Wahlenbergio non observatæ sunt.

Orchidearum pulchra familia nunc 17 species complectitur, inter quas perpulchrum *Cypripedium*.

Caryophyllearum 7 accedentes species loca inferalpina & maritima inprimis diligunt.

Compositæ Semiflosculosæ speciebus 3 vulgarioribus, *Discoideæ* speciebus 3 rarioribus augentur.

Aggregatarum primitiæ 2 sc. *Scabiosæ* floræ Lapponicæ ornamento sunt.

Multisiliquosæ antea 20, *Siliquosæ* antea 21 & *Succulentæ* 11 species fuerunt, nunc singulæ 2 novis augentur; sed *Personatæ* 15, *Senticosæ* 17, *Papilionaceæ* 10 & *Calycanthemæ* 6 species antea habentes, una modo augentur.

Holoraceis 3 species accedunt.

Corydalibus sese associat *Impatiens*.

Campanulaceæ, *Rotaceæ* & *Gruinales* unicæ speciei augmento singulæ gaudent.

E *Tricoccarum* familia alias Lapponiæ aliena *Euphorbia* intra limites hujus regionis observatur.

E plantis a Linnæo in flora Lapponica nominatis, sed a Wahlenbergio exclusis, a me inventæ & rursus adscriptæ sunt 11.

Ita lectori benevolo patebit, in solo Lappo-
nico 680 plantas, quas inter 88 hactenus non de-
scriptæ fuere, a me primum detectas esse.

Errata, quæso, benevole lector excuses, quæ
plura forsitan occurrent, inprimis in plagulis prio-
ribus, quarum correctionem ipse curare non potui.

Scripsi in prædio pastoralis Bjerke parochiæ
Asker d. XII Martii a. MDCCCXXVI.

CLASSIS I.

MONANDRIA.

1. HIPPURIS *vulgaris* Whlbg. fl. lap. n. 1 ubi *vide.*

In Lacu parvo Fiskevaagvandet Saltdalen Nordlandiæ verno tempore hanc stirpem legens mihi persvasi, *H. maritimam* Fl. dan. nil esse nisi parum memorabilem varietatem vel rectius formam tabidam *H. vulgaris*. Mense sc. Maji, glacie nuper disoluta hanc plantam a priori anno restantem inveni, foliis infimis qvaternis ovatis; mox vero verticilla 6, et involuta in apice 8—10 linearia continebant. Hæ stirpes erant stolones a priori anno, qvæ plantam hujus anni efficerent. Caule crescente, folia suprema libera prodeunt, inferiora vero ovata hyberna tabent et decidunt, et hoc modo plantam florentem a vulgari minime differentem habemus. In Finmarkia, ubi tota vegetatio rapidius progredi cogitur, planta jam floret, anteqvam folia hyberna decidunt, sed ut in icone Floræ danicæ et in specimine e Finmarkia orientali in herbario Universitatis Christianiæ aservato nulli flores ad folia infima, e contrario radices — folia huic loco non propria significantes — cernuntur. Icon Floræ danicæ recte etiam superiores verticillos 8—9 phyllas habet. Attamen specimina fenonica magis diversa qvam finmarkica.

TRIANDRIA.

CLASSIS II.

DIANDRIA.

- 13 PINGVICULA vulgaris β . *Whlbg. fl. lap.*
n. 13, ubi vide.

Synonymon Gunneri fl. norv. n. 641 excludatur
et ad sequentem speciem referatur.

β obtusa: , calcare obtusiore breviorque *Horn*
fl. oec. 3. 1. p. 27.

Hab in alpidis inferioribus Saltdalen Nordlandiæ.

CLASSIS III.

TRIANDRIA.

20. SCIRPUS *Bæothryon: Whlb. lap. n. 20.*
ubi vide.

Hab in udis interalpinis Saltdalen Nordlandiæ haud
raro.

22. SCIRPUS acicularis. *Whlbg. fl. lap. n.*
22, ubi vide.

Hab: in Finmarkia orientali, ubi legit *Rev. Dein-*
boll.

- 28 ERIOPHORUM capitatum.

Hab: in udis, imprimis ad rivulos subalpinos Saltda-
len haud raro. *E. vaginato* serotinius est.

- 1088 $\frac{2}{3}$ ERIOPHORUM latifolium: culmis tri-
gonis, foliis planiusculis apice triquetris, spicis
pedunculatis, pedunculis angulatis scabris.

E: latifolium Schrad fl. germ. p. 154. Whlbg.
fl. ups. n. 36. fl. dan. t. 1381.

E. polystachion Sp. plant. ed. Wild. 1p. 312.
Smith fl. brit. p. 59. Leers herb. n. 37. Lina-
grestis panicula ampliore Scheuch Agrost. p. 306.

Hab. in paludibus inferalpinis parcus, in subalpinis
parcissime Saltdalen Nordlandiæ.
Flavescens et usque ad bipedalem altitudinem.

38 AGROSTIS *alpina*. Whlbg. fl. lap. n. 38.

Postquam specimina hujus plantæ e Lapponia
Lulensi et norvegica e Finmarkia orientali et e sub-
alpinis Meråger præfecturæ niderosiensis cum spe-
ciminibus *A: rubræ* e Saltdalen Nordlandiæ et subal-
pinis Dovre anxie contuli, nullum discrimen inter
has detegere potui, nisi forte sit: quod paniculæ rami
in *A: rubra* subhispidi, in *A: alpina* læviusculi.
Panicula in utraque planta florente purpurascenti-viri-
dis, in fructifera rufescens. In flora upsaliensi Cl.
Whalenberg quidem *A: rubram* fl. lap. cum *A: vul-
garem* et quidem *β. aristatam* Schrdr. conjungit, quod
forsan in *var. β. fl. lap.*, a *var. α.* tum diversa, con-
venit, sed in *var. α* dictum esse non potest, quia de
illa expresse: "corolla univalvi" (fl. lap. p. 23) scri-
bit Cl. auctor. Synonyma linnaëana floræ lapponi-
cæ suis locis facile assignantur, si n. 45 cum Cl.
Whalenberg ad *A: rubram α 3; alpinam*, et n. 45
ad *A: vulgarem*, in quam et character: "panicula om-
nium tenuissima" et synonymon Scheuchzeri: "Gra-
men montanum, panicula spadicea delicatiore" muti-
cam speciem saltem indicans, bene conveniunt. Ob-
stat unice quod "in alpihus vulgare" scribit, cum *A:*
vulgaris subalpinam regionem vix excedat. Minoris
tamen momenti annotatio hæc generalis de gramine
vulgatissimo alias ab eo neglecto videtur.

1089 $\frac{4}{7}$ AIRA *aquatica*: panicula diffusa sub-
verticillata, glumis obtusis, flosculis obconoidæis
calycem excedentibus, culmo adscendente, radice
repente.

A: aquatica Lin. fl. sv. n. 68. Sp. pl. ed. Wild-
1 p. 376 Fl. dan. t. 381 mala. Hall. helv. n.
1471 Pallas iter sib. 1 p. Schrad. germ. p. 256.
Molinia *aquatica* Whlbg fl. ups. n. 58. Hartm.
scand. p. 55.

Gramen miliaceum *aquaticum* Scheuch. agrost.
p. 176.

Hab. ad rivulos lutosos et in locis udis inferalpinis circa sinum saltensem Nordlandiæ e. gr. Fiskevaag Saltdalen.

A vulgari planta nil differt.

1090 $\frac{4}{1}$ POA *distans*: panicula æquali, ramis, fructiferis deflexis, spiculis linearibus subquinquefloris, flosculis obtusis liberis, radice fibrosa.

Poa *distans*. *Lin. mant. p. 32 Sp. pl. ed. Wild. 1 p. 401. Smith brit 1 p. 96. Fl. dan. t. 251* haud bona.

Poa *salina* Pollich.

Glyceria *distans* Whlbg *fl. ups. n. 70. Molinia distans Hartm. fl. scand. p. 55.*

Hab. in littoribus humidioribus sinus saltensis frequenter; nullibi vero a me reperta est *P. maritima*.

Spithamæam altitudinem non excedit. Folia linearia lævia, apice compressa.

62 POA *alpina*: Whlbg *fl. lap n. 62*, ubi vide. Poa var. β . *Lin. fl. lap n. 51.*

63 POA *laxa* Whlbg. *fl. lap. n. 63.* ubi vide.

Hab. in alpinis elatis Soelvaagtinden et Baadsfjeld Saltdalen Nordlandiæ.

Statura palmari, in hisce locis nunquam spithamæa, mollitie et glabritie, glumis fusco-violeis glabris, flosculis carinæ basi hirsutis alias glabris, fasciculo villi tenui connexis mox insignis planta.

64 POA *pratensis* Whlbg *fl. n. 64.*

v. rigens: panicula oblonga pauciflora, spiculis 2—4 floris, foliis brevissimis. Poa *pratensis v. rigens. Læstadius in Act Ac holm. 1822 p. 328. P. rigens. Hartm. fl. scand. p. 448.*

Hab. in locis sole exustis et lapidosis Lapponiæ et Finmarkiæ; juxta Qvikjok lapp. lulensis Læstadius; ad Utsjoki Lapp. Kemensi et Kaisavarre Finmarkiæ Wahlenberg.

Panicula oblonga, pauciflora brevis ramis horizontaliter patentibus lævibus. Spiculæ 2—4 floræ ovatæ. flosculis evidenter 5 nerviis undique fere villosis. Culmus pedalis, s. semipedalis erectus strictus, rigidus, foliis brevissimis vaginaque glaberrimis; ligula brevi truncata. Radix ascendens stolonibus angustis conduplicatis. A.

P. flexuosa differt abunde: ramis patentibus rigidis, flosculis evidenter nervosis, culmo usque a medio foliis destituto, tota denique statura rigida. Non dubito, quin hæc etiam varietas ad *P. pratensem* reducenda sit, quaniqvam loco arduo crescens monstifer facta sit (o: habitum alienum induerit) *Læstad. l. c.*

1091⁵⁶/₇ *POA serotina* β *firma*: panicula coarctata pauciflora, spiculis ovato-lanceolatis subtrifloris, flosculis basi villo connexis obsolete quinquevenervibus, ligula subbrevis, radice repente.

P. serotina β . *firma*. *Horn. fl. oec.* 1 p. 108.

P. serotinæ var. *Schrad. germ.* p. 299.

P. angustifoliæ var. *Whlbg. fl. ups.* n. 66.

Hab. in alpibus siccis elatis Saltdalen Nordlandiæ ex gr. Soelvaagtinden et Baadfjeld.

Radix repens, vel potius culmi adscendentes ad genicula radicanter.

Genicula ad radicem conferta, in superioris culmi parte fere nulla. Culmi glabriusculi spithamæi vix pedalem altitudinem attingunt. Folia perangusta $\frac{1}{2}$ lin.; mox convoluta vaginis striatis subasperis. Ligula brevis sed minime brevissima. Panicula coarctata ramis 2—3 in singulo verticillo, quorum plurimi simplices, 1—4 floribus ornati, scabrinusculi. Spiculæ 3, raro 4 floræ ovato-lanceolatae, iis in *P. nemoralis* latiores, fusco-virides. Glumæ acuminatae trinerves glabræ fusco violaceæ. Corollæ valvula exterior obtusa inferne ad carinam et marginem villo subtili tecta, quo flosculi connexi. Etsi sane habitum *Poæ nemoralis* brevioris et rigidioris præ se fert, eam ad *P. serotinam* tamen referri debere credo ob: ligulam longiorem, flores villo connexos (in illa quidem flosculi ad carinam et marginem pubescentes, sed nullus villi fasciculus ad basin, quo flosculi conjuncti, adest;) spiculas majores semper 3 floras radicemque repentem. Gramen hocce quoque perserotinum, initio mensis Augusti antheris nondum explicatis.

1092⁵⁶/₇ *FESTUCA elatior*: panicula secunda patente ramosa, spiculis linearibus multifloris muticis, foliis linearibus, radice fibrosa. *Whlbg. fl. ups.* n. 75. *Lin. fl. svec.* n. 94. *DeC. fr. fr.* 3. n. 1579.

F. pratensis *Smith brit* 1 p. 123. *Schrad. germ.* p. 332. *Fl. dan.* t. 1323.

Poa Hall. helv. n. 1451.

Grammen loliaceum etc. *Scheuchz Agrst.* p. 300.

Hab. in lateribus montium inferalpinorum calidioribus Saltdalen Nordlandiæ.

Bipedalem altitudinem vix excedit.

1093 $\frac{1}{2}$ **DACTYLIS** *glomerata*: panicula secunda glomerata, foliis carinatis. *Lin. fl. sv. n.* 87. *Sp. pl. ed. Wild.* 1 p 408. *Smith brit.* 1 p. 111. *Schrad. germ.* p. 311. *Fl. dan.* t. 745. *Bromus Hall. helv.* n. 1512.

Gramen spicatum folio aspero. *Scheuch Agrost.* p. 299. t. 6 f. 15.

Hab. in collibus calidioribus ad sinum exteriorem saltensem circa Bodöe parcius.

73 **AVENA** *pubescens*: panicula æquali coarctata, spiculis trifloris, flosculis calycem excedentibus, radice subrepente,

A: pubescens. *Lin. sp. pl. app.* p. 1665. *Smith brit.* 1 p. 140. *Schrad. germ.* p. 382. *Fl. dan.* t. 1203. *Whlbg. fl. ups.* n. 85.

A: pratensis *Whlbg. fl. lap.* n. 31.

A: pratensis β . *Lin. sp. pl.* p. 119.

Avena spicis erectis, calyce longioribus *Lin. lap.* n. 31.

Hab. in pratis siccis ad sinum saltensem Nordlandiæ passim.

Cum *A: pratensis* nec a Cl. Wahlenbergio in boreali Svecia nec a me in latere norvegico circulo arctico propius quam ad Brönöe Helgolandia meridionalis observata sit, et *A: pubescens* diu — usque ad annum 1763, — ut species saltem distincta Linnæum latuerit, et character imprimisque synonymon *Raji* syn. t 24 f 2 a Linnæo in fl. lap. n. 31 allatum unice in *A: pubescenti* convenerit, mihi nullum est dubium, quin stirps floræ lap. n. 31 *A: pubescens* sit, quam vero Linnæus postea, illam ab *A: pratensi* nondum distinguens (cfr. *Sp. pl. l. c.*), male in flora svecica ut synonymon *Avenæ pratensi* apposuit. *A: pratensis* ergo a Cl. Wahlenbergio synonymy mia Linnæana seducto in floram lapponicam introducta iterum excludatur. *Gramen nordlandicum* a vulgari *A: pubescente* nil differt.

TETRANDRIA.

7

79 KOENIGIA *islandica*: *Whlbg fl. lap. n. 79.*
 Hab. ad fontes et rivulos frigidos alpium saltensium,
 a et lapponiæ lulensis. *Læstadius.*"

Plantam pusillam et scrocinam (medio Septembris
 floribus nuper evolutis legi) nunquam vidit Cl.
 Wahlenberg, sine dubio, quia jam alpes, antequam
 illa vigit, reliquit. Vix pollicaris hisce locis occu-
 rit. Maxima pars caulis nudus et decumbens. Pri-
 mum par foliorum oppositum; dein folium unum al-
 ternum; denique verticillus trium foliorum 3 flores
 cingens. Stigma sessile purpureum. Semen pro ra-
 tione plantæ maximum, læve, nitens.

CLASSIS IV.

TETRANDRIA.

SCABIOSA.

Lin. gen. pl. ed. Soreher n. 149. Gærtn. fr. 2, p. 38.

1091⁷²₈₀ SCABIOSA *arvensis*: corollulis quadri-
 fidis, radiantibus, foliis subbipinnatifidis, caule hispido.
S. arvensis *Lin. fl. sv. n. 117. Sp. pl. ed. Wild.*
 1 p. 550. *Smith. brit. 1 p. 170. Whlbg fl. ups.*
n. 94. Fl. dan. t. 447.
Trichera arvensis Schrad. Hartm. fl. scand.
p. 70.

Hab. in collibus calidioribus ad exteriorem sinum sal-
 tensensem Nordlandiæ e. gr. Bodöe.

1095⁷²₈₀ SCABIOSA *succisa*: corollulis quadri-
 fidis æqualibus, receptaculo globoso, squamis
 receptaculi floribus subæquantibus, foliis ovato-
 lanceolatis pilosiusculis.
S. succisa *Lin. fl. sv. n. 119. Sp. pl. ed. Wild.*
 1 p. 548. *Smith fl. brit. 1 p. 170. Fl. dan. t.*
279. Whlbg. fl. ups. n. 96. Hartm. fl. scand p.
70.

Hab. in pratis subhumidis ad sinum saltensem Nord-
 landiæ e. gr. Bertnæs.

Flores azurei serotini prata demessa ornant.

- 82 *GALIMUM palustre*: *Whlbg. fl. lap. n. 82*,
ubi vide.

Hab. quoque ad rivulos et in convallibus humidis Nordlandiæ saltensis passim.

- 83 *GALIMUM trifidum*: *Wahlbg. fl. lap. n. 83*,
ubi vide.

Hab. in paludibus inferalpinis Saltdalen Nordlandiæ non raro e. gr. ad Fiskevaagvandet. Per totam fere Norvegiam disperse obvenit.

- 92 *POTAMOGETON natans* *Whlbg. fl. lap. n. 91*.

Hab. in lacubus turfosis minoribus inferalpinis et versus subalpinam regionem Saltdalen Nordlandiæ frequenter.

- 93 *POTAMOGETON perfoliatum*: *Whlbg. fl. lap. ubi vide*.

Hab. in lacubus et fluviis lentis circa sinum saltensem Nordlandiæ e. gr. Fiskevaagosen inferalpino et in subalpinis Saxenvig Saltdalen.

Quod in subalpinis crescit, folia remotiora, brevioraque nec non pedunculos breves habet; de cætero a vulgari non differt.

- 1096 *POTAMOGETON heterophyllum*: pedunculis sursum subincrassatis, foliis submersis sublanccolatis acutis natantibus pedunculatis ellipticis utrinque obtusis.

P. heterophyllum Hartm. fl. scand. p. 78. Whlbg. fl. ups. n. 111. Schum. scell. 1. p. 49. Fl. dan. t. 1263 opt.

P. gramineum Fl. dan t. 222.

Hab. in lacubus minoribus turfosis Saltdalen Nordlandiæ rarius e. gr. Lillevatne Midbymarken.

Planta læte virens: Caulis dichotome ramosus tenuis. Folia omnia alterna stipulata, si tota planta demersa, lato lineari-lanccolata, si apex emersus, folia emersa natantia elliptica pollicem longa, $\frac{1}{2}$ pol. lata, coriacea, petiolo dimidiæ folii longitudinis. Pedunculus caule triplo fere crassior, sursum subincrassatus.

P. Gramineum Whlbg. fl. lap. ab hoc diversum foliis duplo longioribus, 3 poll., in flumine Pasjok Finmarkiæ orientalis legit Rev. *Deinboll.*

1097 POTAMOGETON rufescens: foliis summis subnatantibus oblongis basi attenuatis immersis duplo longioribus lineari lanceolatis sessilibus.

P. rufescens Schrad. ined. — *Whlbg fl. ups. n. 113. Roemer syst veg 3 p. 510 ex Whlbg. Hartm. fl. scand. p. 79. Act. Ac. holm. 1818.*

P. lucens var. *angustifolium*. *Fl. dan. t. 1635 bona.*

Hab lacu inferalpino Fiskevaagvandet Saltdalen Nordlandiæ copiose.

Denominatio bona, nam et in aqua et imprimis siccata rufescit. Per totam Norvegiam frequens, vulgo pro *P. fluitante* habita planta. Si in tam profunda aqua crescit, ut superficiem attingere non valeat, folia omnia æqualia. Variat foliis superioribus oblongis et lanceolatis obtusis, attamen *Fl. dan. t. 1450 (P. fluitans)* ob folia inferiora nimis lata, fere ovato-lanceolata ad hoc pertinere vix credo. Folia in hoc semper lineari-lanceolata, obtusiuscula, ad 5 pol. longa, 1 pol. lata suprema modo stipulata. Pedunculus variæ longitudinis, crassitiæ caulis. Semina oblique ovata apicibus distantibus, ejusdem formæ ac in *P. natanti*, sed minora. Seqventi multo affinior quam *P. lucenti*, a quo longe distare mihi videtur.

1098 POTAMOGETON prælongum: foliis basi ovatis subamp lectentibus lanceolatis obtusis, seminibus lunatis carinatis, apice conniventibus. *P. prælongum. Wulfen... Hartm! fl. scan. p. 79. Fl dan. t. 1687 mala.*
P. acuminatum. Whlbg. fl. ups. n. 116 (excluso synon Fl. danicæ.)

Hab. in lacu inferalpino Fiskevaagvandet Saltdalen Nordlandiæ copiose.

Orgyalis et supra, intense viridis, erectus ramosus, e dichotomiis pedunculos fere spithamæos æquales caule sub crassiores spicis 1—2 pollicaribus, rarius superficiem attingentibus terminatos exserens. Folia basi 1 pol. lata, 4—7 pol. longa. A *P. lucenti* basi foliorum p. p. statim dignoscitur. Icon floræ danicæ ob caulem simpli-

cem, pedunculos breves et basin foliorum attenuatam hujus loci vix esse videtur.

- 95 **POTAMOGETON** *pusillum* *Whlbg. fl. lap.* n. 95, ubi vide.

Hab. in fundo aquarum Nordlandiæ saltensis passim e. gr. ad Fiskevaag et Midbye Saltdalen.

- 1099 **POTAMOGETON** *pectinatum*: caule foliisque filiformibus, stipulis foliiferis vaginantibus, spicis interruptis.

P. pectinatum. Lin. fl. sv. n. 150. Smith. fl. brit. 1 p. 197. Whlbg. fl. ups n. 121. Hartm. scand. p. 81. Horn. fl. oec. p. 186.

P. marinum fl. dant. 186.

Hab. in rivulis inferalpinis circa sinum saltensem Nordlandiæ passim copiose e. gr. Bodøe, Rognan; in lacubus versus subalpinam regionem Saltdalen rarius e. gr. Lillevatne Midbye.

In lacubus suberectum, in amnibus diffusum. Ab hoc *P. marinum* *Lin.*, ut videtur, Sveciæ proprium, omnino diversum: foliis linearibus p. p.

CLASSIS V.

PENTANDRIA.

- 98 **MYOSOTIS** *sylvatica*: foliis oblongo-lanceolatis, hirsutis, racemis longis subbracteatis, pedicellis patentibus, limbo quam tubo longiore, seminibus lævibus.

M. sylvatica. Ehrh. . . . Horn. fl. oec. 1 p. 207.

M. alpestris. Hoppe Hart. fl. scand. p. 98.

M. scorpioides Whlbg. fl. lap. n. 98 (exclusis pluribus synonymis, quatenus hanc a M. palustri non distinguentibus) Fl. dan. t. 583 fig. dext. Lin. lap. n. 75.

M. scorpioides v. Smith fl. brit. 1 p. 212.

Hab. in graminosis etiam siccis per omnes partes universæ Lapponiæ, imprimisque in nemoribus subalpinis Nordlandiæ, usque in lateribus superioribus alpium vulgaris. In paludosis s. udis nunquam observavi.

Differt hæc a simili *M. palustri*, caule altiori erectiorique, pubescentia copiosiori et patentiori, racemis multo longioribus p. p.

99 MYOSOTIS *arvensis* *Whlbg. fl. lap.* n. 99, ubi vide.

Hab. in cultis, imprimis in hortis Nordlandiæ saltensis frequenter, sine dubio introducta.

102 PULMONARIA *maritima* *Whlbg. fl. lap.* n. 102, ubi vide.

Hab. in fundo sinus saltensis ad ostium fluminis Saltenselv. Etjam in sinu intimo Stördaliæ nidrosiensis legi. Hoc contra Cl. Wahlenbergium, qui l. c. negat illam versus fundum sinuum provenire.

107 PRIMULA *farinosa* β . *stricta* *Whlbg. fl. lap.* n. 107, ubi vide.

P. stricta *Horn. fl. oec.* 1 p. 225. *Hartm. fl. scand.* p. 100.

P. Hornemanniana *Lehman Mon. Prim.* p. 55 t. 4.

Qui unquam varias hujus plantæ formas a subhumidis interalpinis usque ad summos fere alpes Nordlandiæ observaverit, *P. strictam* propriam constituere speciem vix dicet. In interalpinis Bodøe, si numerum florum excipis, plantæ in paludibus sællandicis obviæ convenientissima occurrit. Ut vero versus alpes ascendit caulis strictior, folia nudiora integrioraque, flores pauciores evadunt. Nunquam vero his in regionibus petalis adeo leviter emarginatis, ut habet icon fl. daniæ, sed fere bifidis inveni.

108 PRIMULA *Finmarkica*: foliis ovatis nudis integerrimis petiolatis, petalis obconicis bifidis, laciniis ovatis.

P. finmarkica *Lin. sp. pl. ed. Willd.* 1 p. 806. *Whlbg. fl. lap.* n. 108. *Hartm. fl. scand.* p. 100.

P. norvegica *Retz. fl. scand. ed.* 2 p. 249. *Horn. fl. oec.* 1 p. 225. *Fl. dan.* t. 1819.

P. integrifolia *Gun. fl. norv.* n. 154. *Fl. dan.* t. 188.

Hab. in Finmarkia occidentali, ubi ad Hasvig, Maasøe et Vardøe legit III. Gunnerus, anno 1759.

Deinde ignota usquedum ad Hasvig et Talvig reperit *Rev. Deinboll.*

Planta pallide viridis, florens 5 uncias vix superans. Folia subcarnosa. Si corollæ formam et calycem nimis profunde partitum excipis, icon *Fl. dan.* t. 188 plantam optime refert.

- 112 AZALEA** *procumbens* *Whlbg. fl. lap.* n. 112, ubi vide.

Hab. quoque in rupibus a ventis marinis tritis vix 100 ped. supra mare elevatis ad Skjerstad Nordlandiæ, quod novum præbet argumentum, ventos marinos clima alpinum efficere.

- 113 POLEMONIUM** *cæruleum* *Whlbg. fl. lap.* n. 113 et p. XVI.

Hab. per Nordlandiam passim: in graminosis lateribus montium inferalpinorum Saltdalen et ad Indyr parochiæ Gillesgaard rarius; in Ofoten *Dr. Cetterstedt.*

IMPATIENS.

Gen. pl. ed. Schreber n. 1365.

- 1100¹¹⁶₁₁₇ IMPATIENS** *nolitangere*: foliis ovatis, pedunculis solitariis multifloris, geniculis caulinis tumentibus. *Lin. fl. svec.* n. 792 *Sp. pl. ed. Willd.* 1 p. 1176. *Smith. fl. brit.* 1 p. 243. *Gun. norv.* n. 134 *Fl. dan.* t. 588. *Pal. it. sib.*

Hab. in convallibus angustis inferalpinis a Rubis & Filicibus subocculta in Saltdalen Nordlandiæ. Frigoris impatiens in asyla aptissima quoque confugit. Planta vero ipsa nil differt a vulgari norvegica.

- 123 GENTIANA** *involucrata* *Whlbg. fl. lap.* n. 123, ubi vide.

Hab. in Saltdalen et circa totum sinum saltensem passim copiose, ubi præter vulgares flores livido-cærulescentes etiam flores albos, sed nunquam flavos vel flavescentes inveni. *Cl. Wahlenberg* l. c. flores quidem albos dicit, sed modo rarius tales sese mihi obtulerunt.

124 GENTIANA *nivalis* Whlbg fl. lap. n. 124, ubi vide,

Hab. quoque in lateribus declivis herbosis inferalpinorum Nordlandiæ, ubi circa sinum saltensem imo ad prata submaritima descendit. Memoriabile est, hanc plantam uno anno iisdem locis prorsus deesse, in quibus altero anno copiose legebatur.

Radix biennis. Folia radicalia magnitudine varia, sæpe caulinis triplo majora, quæ sine dubio *G. verna* Olafs. island.

1101¹²⁶₁₂₇ GENTIANA *campestris*: corollis hypocrateriformibus quadrifidis fauce barbatis, calycis laciniis alternis maximis

G. campestris Lin. fl. svec. n. 230. lap. n. 94. Sp. pl. ed. Wild. 1 p. 1348. Fl. dan. t. 367. Whlbg fl. ups. n. 168.

Hab. in pratis imprimis maritimis circa sinum saltensem Nordlandiæ ubique.

Mirum quod planta in regione laudata frequentissima oculatissimum Wahlenbergium effugeret. Variat floribus cæruleis, violaceis et albis: de cætero a vulgari planta minime diversa.

127 GENTIANA *serrata* α *detonsa*: corollis infundibuliformibus quadrifidis, laciniis rotundatis serrulatis, calycis laciniis inæqualibus alternis ovatis acutis, alternis lanceolatis acuminatis.

G. serrata α Horn fl. oec. 1 p. 301.

G. serrata β Whlbg fl. lap. n. 127.

G. ciliata Gun. nor. n. 733 t. 2 f. 3—5 (bona)

G. detonsa Rotboll in Act. hafn. 10 p. 435 t. 1 f. 3 Sp. pl. ed. Wild. Sp. 1 p. 1352.

Hab. in littore a summo fluxu vix remoto ad sinum saltensem e. gr. Gradholmen et Liönäsöen Skjerstad, Bertnæs, Bødøe. "Ad Talyig Finmarkiæ Dr. Cetterstedt."

An ad hanc pertineat, an species diversa sit *G. serrata* Gun. norv. n. 819. Fl. dan. t. 317. *G.*

serrata β *acuta* Hornemann et Wahlenberg constituere nequeo, cum illam nunquam vidi.

Ex icone habitus idem, sed si vere laciniæ calycipæ æquales, quales figura Fl. danicæ et Frölich (Gent. p. 117 n. 47, at forsitan ex figura laudata) eas habent, diversam habeo. Quamquam

pluribus locis copiose eam legi, corollæ semper quadrifidæ; Calyx perraro 5 fidus. Duæ occurrunt varietates: a. Corolla principali, raro 1—2 ex lateralibus, quadrangula intense vivideque cærulea, lobis rotundatis argute serrullatis, capsula initium loborum vix attingente. b. Corolla principali una cum lateralibus cærulescenti-glauca (venæ imprimis cæruleæ) lobis angustioribus obtusis subserrulatis, capsulam vix superantibus. Etiam occurrit lateralibus similis capsulam modo æqvans. In hac varietate capsula semper major. Ceteroquin incremente capsula corollæ splendor et magnitudo diminui videtur, nam in omnibus floribus lateralibus, in quibus capsula ratione floris maxima, corolla exigua. Hæ varietates commiscue crescentes primo obtutu satis diversæ nil nisi varietates sunt, quia caulis, folia floresque laterales utraqve iidem sunt. Folia lanceolato-linearia, radicalia suboblonga. Radix tenuis annua. Mense Julii floret.

136 PIMPINELLA *Saxifraga* *Whlbg. fl. lap. n. 136*

Hab. in collibus et lateribus montium inferalpinorum Saltdalen Nordlandiæ frequenter.

Variat magis minusve pubescens, foliis magis minusve dissectis.

TAMARIX.

Gen. pl. ed. Schreb. n. 510. Gartn. de fruct t. 61.

1102¹³⁶₁₃₇ TAMARIX *germanica*: floribus decandris, racemis spicatis terminalibus; foliis sessilibus oblongo-linearibus.

T. germanica *Lin. faun. suec. ap. p. 557. Sp. pl. ed. Wild. 1 p. 1499. Gun. norv. n. 152. Fl. dan. t. 234. Pall. ross. t. 80. Hall. helv. n. 948. Whlbg fl. carp. n. 297.*

Hab. in insulis fluminum Nordlandiæ rarissime. A me inter Qvæle et Övesgaard Saltdalen copiose lecta.

Folia glauca obtusiuscula. Capsula lævissima calyce duplo longior. Stamina basi connata, alterna breviora.

LINUM.

Gen. pl. ed. Schreber n. 528 Cærtn. de fruct. 2 t. 112.

- 1103¹⁴⁹ LINUM *catharticum*: foliis oppositis ovato-lanceolatis, caule superne dichotomo, petalis acutiusculis *Whlbg fl. ups. n. 204. fl. carp. n. 301. Lin. fl. svec. n. 271. Sp. pl. ed. Wild. 1 p. 1541. Fl. dan. t. 851.*

Hab. in collibus meridiei expositis una cum *Dactyli glomerata* et *Scabiosa arvensi* Bodöe Nordlandiæ.

CLASSIS VI.

HEXANDRIA.

- 149 IUNCUS *balticus*: aphyllus, panicula laterali effusa angusta, capsulis acutis calyce sublongioribus.

I *balticus* Wild.... *Horn, fl. oec. 1 p. 381. Hartm. fl. scand. p. 140.*

I *glaucus* *Whlbg fl. lap. n. 149 exclus. omnib. synon.*

Hab. ad littora maris locisque depressis Nordlandiæ frequenter.

Radix valde repens, Culmus rigidus lævis viridis 1—2 pedalis. Pedunculi 3—4 inæquales multiflori, floribus iis *Iunci glauci* duplo fere majoribus.

- 153 IUNCUS *trifidus* *Whlbg fl. lap. n. 153 ubi vide.*

β *monanthos*: flore unico. *Horn, fl. oec. 1 p. 387.*

I: *monanthos* *Iacqv. obs. p. 236 t. 4 f. 1.*

Hab. in siccis apricis alpinis Nordlandiæ et Finmarkiæ.

Parum memorabilis varietas mihi videtur. Sæpius flore unico quam tribus reperitur. Folia mox adsunt mox desunt.

1104 $\frac{155}{176}$ IUNCUS *nodulosus*: foliis culmeis subexarticulatis basi canaliculatis, culmo erecto, panicula composita, foliolis calycinis interioribus obtusiusculis, capsula acuta brevioribus *Whlbg fl. ups n. 222.*

I. rariflorus et *alpestris Hartm. fl. scand. p. 141.*

I. subnodulosus Hoppe.

Optime de hoc Cl. Wahlenberg in flora ups, sed sine dubio hunc et *I. sylvaticum* in fl. lap. n. 155 (*Iuncus sylvaticus*) confudit. In Nordlandia nullum alium reperi, sed verosimiliter. *I. sylvaticus*: panicula supradecomposita in paludibus profundis Lapponiæ svecicæ obvenit. Utrasque species Hartmanni ex speciminibus authenticis notas habeo, sed præter colorem obscuriorem et flores subplures aggregatos in *I. alpestri* nullum discrimen detegere valeo.

164 IUNCUS *campestris Whlbg fl. lap. n. 164,* ubi vide.

v. nivalis: spicis paucis subsessilibus capitatoconglomeratis, floribus minoribus.

Luzula campestris β *nivalis Læstadius! in Act. Ac. holm 1822 p. 334.*

Hab. in alpibus Lapponiæ lulensis et Nordlandiæ sal-tensis rarius.

Etià habitum satis alienum inflorescentia ob pedunculos brevissimos capituliformi præ se fert, nil nisi varietas alpestris rigida et diminuta est, nam inflorescentia revera ex 2—3 capitulis minoribus constat et capsula et calyx præter minorem molem *I. campestri* vulgari simillima. Et jam ad vaginam foliorum similium adsunt pila rariora.

1105 $\frac{173}{174}$ RUMEX *domesticus*, floribus hermaphroditis, valvulis cordatis nudis integerrimis, foliis lanceolatis undulatis basi acutis.

R. domesticus Hartm, fl. scand. p. 148.

R. aquaticus β *crispatus Whlbg fl. lap. p. 91.*

Lin. fl. lap. n. 129 α .

Hab. in agris et ad domos per totam Lapponiam svecicam et norvegicam, imo totam Norvegiam, ubi *Rumex crispus* rarissimus, si unquam lectus. Hic Norvagorum notissimus *Hæmule*, *Hoimule*, *Bikjesyre* est, quare *Rumex crispus* Gun. norv. n. 35 ut hujus synonymon citare valde sum proclivis, cum saltem pro parte, ut pote in Finmarkia et Nordlandia crescens dicitur, ad eum pertineat. *R. aquaticus* satis differt: valvularum basi truncata, et foliis radicalibus cordato-oblongis.

CLASSIS VIII.

OCTANDRIA.

1106¹⁸⁷₁₈₁ **EPILOBIUM** *nutans*: foliis linearibus obtusis denticulatis, caule paucifloro sparse tenuiterque pubescente basi decumbente, siliquis glabris, stigmate clavato subemarginato.
E. nutans Fl. dan. t. 1387.

E. alpinum β. *nutans* Horn fl. oec. 1 p. 425.

Hab. in udis glareosis subalpinorum Nordlandiæ saltenensis rarius. In subalpinis Norvegiæ inferioris frequentius.

Est quasi forma inter *E. palustre* et *alpinum* media, at ab utroque diversa. Flores parvi albi nutantes; siliqua deflorata suberecta. Folia radicalia elliptica, sed caulina formam linearem obtusam constanter servant; omnia glabra et subtiliter denticulata. *E. alpino* proxime quidem accedit, sed abunde diversum: forma foliorum et pubescentia caulis. Flores nec unquam cærulei observati sunt. *E. alpinum* quoad folia quidem quam maxime ludit, sed oblongam formam nunquam angustiora, at quidem latiora, imo iis *E. montani* subsimilia evadunt. Pubes rara et singulari in siliquis ope lentis conspicitur, sed hoc commune cum *E. alpino* habet, nec hanc ob rem cum *E. palustri* siliquis pubescentia albescentibus stigmateque acuminato confundi potest. Cl.

Hornemann auctoritate Cl. *Wahlenbergii* innixus
hoc nuper cum *E. alpino* conjunxit.

181 EPILOBIUM *alpinum* *Whbg. fl. lap. n.*
181, ubi vide

Excludatur *synon. Flor. dan. t. 1387* ad *E. nutans* pertinens.

1107¹²⁰/₁₉₁ POLYGONUM *amphibium*: floribus pentandris digynis, staminibus exsertis, spicis solitariis oblongis, foliis ellipticis basi cordatis.

P. amphibium *Lin. fl. svec. n. 341 sp. pl. ed.*
Wild. 2 p. 443. Fl. dan. t. 282. Whlb. fl. ups.
n. 132. carp. n. 372. Hall. helv. n. 1565.

Hab. in flumine Pasjok Finmarkiæ orientalis, ubi legit
Rev. Deinboll.

ADOXA.

Gen. pl. ed. Schreber n. Gærtn. de fruct. n.

1108¹²⁷/₁₉₃ ADOXA *moschatellina* *Lin. fl. sv. n. 347.*
sp. pl. ed. Wild. 2 p. 472. Gun. norv. n. 616.
Fl. dan. t. 94. Svensk Bot. t. 435.

Moschatellina *Hall. helv. n. 1005.*

Hab. ad Vadsöe Finmarkiæ orientalis, a Rev. Dein-
boll lecta.

CLASSIS X.

DECANDRIA.

208 CHRYSOSPLENIUM *alternifolium* *Whlb. fl. lap. n. 208, ubi vide.*

Hab. ad sinum Varanger in Finmarkia orientali, ubi
legit Rev. Deinboll.

209 SAXIFRAGA *Cotyledon* *Whlb. fl. lap. n.*
209, ubi vide.

Hab etiam in ipsis alpibus Nordlandiæ saltensis rarius. A me supra Vasbotn in Saltdalen mense Julii florens semel sat copiose lecta est.

Statura multo minore, ramis paniculæ minus ramosis, attamen non simplicibus, quales habet icon Lin. fl. lap. t. 2 f. 2, insignis; de cætero plantæ in rupibus inferalpinorum simillima.

212 *SAXIFRAGA stellaris* Whlbg. fl. lap. n. 212, ubi vide.

β. *comosa*: panicula subuniflora vivipara.

S, stellaris β *comosa* Hartm. fl. scand. p. 169.

Lin. fl. lap. p. 137 fl. svec. p. 141.

Hab. in alpibus lulensibus Linné; in alpibus saltalensibus Nordlandiæ copiose ipse legi.

Miror, Cl. Wahlenbergium nullam hujus memorabilis varietatis, sive rectius monstrositatis mentionem fecisse. Loco florum gemmæ e foliis carnosius obtusiusculis imbricatis constantes oriuntur, quæ demum delapsæ bulbillerum instar novas plantas proferunt. Flos interdum nullus, sæpius 1-3 in apicibus ramorum principalium adest.

1109 *CUCUBALUS maritimus*: caulibus decumbentibus, petalis coronatis, calycibus inflatis glabris reticulato-venosis, capsulis subglobosis, foliis lineari-lanceolatis serrulatis.

C. Behen β. *maritimus* Whlbg. fl. lap. p. 121, ubi vide. Lin. fl. svec. n. 385

Silene maritima Smith brit. 2 p. 468. Sp. pl. ed. Wild. 2 p. 700. Horn. fl. oec. 1 p. 486. *Cucubalus littoralis* Pers. syn. 1 p. 496. *Silene amœna* Lighs. scot. p. 227.

Hab. in littoribus maris Nordlandiæ et Finmarkiæ passim.

Si ad notas allatas constantes colorem totius plantæ glaucum et corollam quam in *C. Behen* duplo majorera addideris, speciem distinctissimam habebis. Capsula quidem quoad dissepimenta ut jam observavit Cl. Wahlenberg, sed non quoad formam variat. Capsula *Cucubali Behen* oblonga.

1110²⁶₁₁₇ *STELLARIA longifolia*: foliis linearibus basi attenuatis, panicula solitaria laterali, calyce obsolete trinervi corollam æquante.

S. longifolia Fries nov. p. 49 Hartm. fl. scand. p. 178. Horn fl. oec. 1 p. 493

S. uliginosa v. *Whlbg.* fl. ups. p. 149.

Hab. in nemoribus humidiusculis Nordlandiæ saltensis haud raro.

S. graminea habitu maxime refert sc. panicula et foliis longis; attamen re vera *St. uliginosæ* proxime affinis, cui floribus simillima. Utroque tenuior est. Usque ad pedalem longitudinem accedit. Panicula versus apicem ex axilla foliorum egreditur. Cilia singula ad basin foliorum sæpissime adsunt.

228 **STELLARIA.** *crassifolia* β . *minor* *Whlbg.* fl. lap. p. 125, exclusis synonymis Floræ danicæ, Rottböllii et Swartzii ad sequentem pertinentibus.

1111²²⁸₂₂₉ **STELLARIA** *humifusa*: foliis ovatis glabris subsecundis, pedunculis unifloribus brevissimis, calycibus, corolla brevioribus, caule diffuso subrepente.

S. humifusa Rottböll in Act. Hafn. 10. p. 447. t. 4 f. 14. Swartz in Act. holm. 1789 p. 111 t. 6 f. 1. Fl. dan. t. 978. Hartm. fl. scand. p. 178. Horn. fl. oec. 1 p. 495.

Hab. in maritimis ad sinum Varanger Finmarkiæ orientalis, ubi primum legit Cl. Vahl, nuper Rev. Deinboll.

Stellariæ crassifoliæ quidem affinis, sed habitu omnino diverso gaudet. Caulis brevior foliis latioribus dense, ad basin subimbricate, obsitus. Folia interstitia caulis æquantia seu superantia mox pallescunt et subscariosa evadunt. Calyces obsolete trinerves, obtusiusculi. Pedunculi solitarii et rari terminales foliis vix longiores florem sat magnum sustentant. Petala speciora quam in *S. crassifolia*. Icones citati omnes sibi invicem adeo simillimæ, ut si una, tunc etiam omnes ad hanc speciem pertineant.

231 **STELLARIA** *cerastoides* *Whlbg.* fl. lap. n. 231, exclusæ synon. Willdenowii, adde:

St. multicaulis *Sp. pl. ed. Willd.* 2 p. 714,

Cerastium stellarioides *Hartm. fl. scand.* p. 181.

1112²³¹₂₃₂ **ALSINELLA** *Giesekii*: glanduloso-hispi-

da, foliis lineari-lanceolatis rigidis trinerviis, pedunculis longissimis unifloris, petalis calyce brevioribus.

Arenaria Giesekii *Fl. dan. t. 1518. Horn. fl. oec. 1 p. 503.*

Hab. in Finmarkia orientali, ubi legit *Rev. Deiboll.*

Habitu proxime ad *A. bifloram* accedit, sed ab omnibus abunde diversa. Ab *Arenaria lanceolata* *Allion.* pedunculis longis et petalis brevibus differt. Icon *fl. dan.* perbona; modo capsula obscure depicta; attamen eam ad *Alsinellas* neque ad *Arenarias* pertinere patet. Ex una radice tenui cæspes parvus pedunculis copiosis $1\frac{1}{2}$ unc. longis medio bracteis oppositis ornatis oritur. Capsula matura petalis duplo longior est.

235 *ARENARIA humifusa* *Whlbg. fl. lap. n. 235.* ubi vide.

Excludatur synonym. *Gunneri* et *Floræ danicæ.*

236 *ARENARIA ciliata*: foliis obovato-oblongis uninnerviis basi ciliatis, caulibus diffusis, floribus terminalibus pedunculatis, petalis calycem superantibus.

A. ciliata *Gun. norv. n. 1078. Flor. dan. t. 346. Rottböll in Act. hafn. 10 p. 448 t. 4 f 5* (priori melior).

A. ciliata *Lin. sp. pl. 608? Wulfen in Jacq. coll. 1 p. 245 t 16 f. 2? Whlbg. fl. carp. n. 428?*

A. norvegica *Gun. norv. n. 1100 t. 9. Fl. dan. t. 1269.*

A. multicaulis *Gun. norv. n. 666?*

Hab. in rupibus maritimis circa sinum saltensem Nordlandiæ passim e. gr. in Madbjerget, promontorio Oinæs, Knaplundsöen. In Loppen Finmarkiæ occidentalis lectam in herbario Cl. *Gunneri* vidi.

An eadem planta ac illa, quæ alpes Europæ australis incolat? Illa perennis, hæc annua, saltem cum defloruerit, perit. Cum vero characteres optime conveniant, eas distingvere non potui. Quia *A. norvegica* *Gunneri* et *Fl. danicæ* hujus loci sit vix dubito. In mea etiam cilia foliorum interdum desunt. Icon *fl. dan.* folia ni-

mis angusta et flores nimis globosos (magis oblongi sunt) habet. Ut peritiores dijudicent, descriptionem adjungo.

Radix tenuis fibrosa.

Caules plures diffusi $1\frac{1}{2}$ pol. longi quadranguli, pube tenuissima retrorsum hispidi cæspitem tenuem efficiunt. Rami alterni.

Folia carnosa opposita connata obovato-oblonga, 2 lin. longa, basi margine membranaceo albo et ciliis distinctis tenuibus ornata, uninervia s. forsitan rectius carinata, cum nervus a parenchymate folii parum modo sese distingvat, interstitia subæquantia.

Viva lævia, sicca punctis concoloribus raris obsita. Flores terminales 1—2 pari foliorum minorum in medio pedunculi 3—5 linearis fulcrati.

Petala alba oblonga obtusa calycem acutum obsolete trinervem albo-marginatum parum superant.

Capsula oblonga longitudine petalorum. Semina reniformia convexa.

1113 ^{$\frac{235}{237}$} **ARENARIA** *serpyllifolia*: foliis ovatis acutis subsessilibus quinquenervibus, calycibus pubescentibus petala superantibus, capsulam erectam æquantibus.

A: *serpyllifolia* Lin. fl. svec. n. 398. sp. pl. ed. Willd. 2 p. 720. Fl. dan. t. 977. Gun. norv. n. 564. Whlbg. fl. ups. n. 289. Hall. helv. n. 875. Smith fl. brit. 2. p. 479.

Hab. in collibus ad pedes montium inferalpinorum Saltdalen Nordlandiæ passim. e. gr. Dverset, Fiskevaag.

Tota incano-pubescent, imprimis venæ pubescentes, erecta et ramis paucioribus ornata, quam esse solet.

1114 ^{$\frac{235}{237}$} **ARENARIA** *trinervia*: foliis ovatis acutis subpetiolatis trinervibus, calycibus glabris carina pubescentibus petala capsulamque reflexam superantibus.

A: *trinervia* Lin. fl. svec. n. 397. sp. pl. ed. Willd. 2 p. 718. Fl. dan. t. 429. Gun. norv. n. 1016. Whlbg. fl. carp. n. 427. fl. ups. n. 288.

Hab. sub rupibus inque earum fissuris meridiei obversis Saltdalen Nordlandiæ rarius.

Tota planta diffusa pedalis fere longitudinis pube parca undiqve obsita. Folia usque ad pollicarem longitudinem accedunt.

240 *SEDUM* *anuum Whlbg. fl. lap. n. 240. ubi vide.*

Excludatur synon. Hænkei.

1115²⁴⁶₂₄₇ *CERASTIUM ovale*: viscoso-hirsutum, caule basi ramosissimo erecto, foliis caulinis ovalibus majoribus, floribus glomeratis. *Pers syn. 1 p. 521. Hartm. fl. scand. p. 182. Horn. fl. oec. 1 p. 516.*

C viscosum Whlbg fl. ups. n. 297.

C viscosum β Lin. fl. svec. n. 414.

C vulgatum Smith fl. brit. 2 p. 496.

Myosotis n. 3. Vaill paris: p. 142 t. 30 f. 3.

Hab. in cultis Saltdalen Nordlandiæ passim copiose.

A *Cerastio vulgato*, cui proxime affinis, differt: hirsutiae glandulosa et multo longiore, foliis latioribus, acuminatis (in utroque hirsutis, nec ut vult Cl. Wahlenberg in fl. carp. p. 138, glabris) *C. viscosum* foliis 6 plo minoribus ovatis, pube brevi glutinoso, foliis calycinis obtusiusculis margine scarioso albo lato abunde distinctum est. Modo folia calycina hujus interiora margine tenui albo ornata sunt. Corolla sæpissime nulla adest; præsens folia calycina non excedit. Capsula curvata calyce duplo longior. Flores solitarii in dichotomiis caulis, terminales pedunculis brevibus glomerati. Folia suprema infimis duplo latiora sunt.

247 *CERASTIUM vulgatum Lin. fl. svec. n. 415. mant. p. 390. Whlbg fl. ups. n. 296.*

C. viscosum Whlbg fl. lap. n. 247. (excluso syn. Lin. fl. svec. n. 414) ubi vide.

CLASSIS XII.

DODECANDRIA.

EUPHORBIA.

Gen. pl. ed. Schreb. n. 832.

1116 *EUPHORBIA helioscopia*: foliis cuneiformibus serratis, umbella quinquefida: trifida: dicto-

toma, capsulis utriusque lævibus, petalis subrotundis.

E. helioscopia *Lin. fl. svec. n. 425. fl. lap. 220. sp. pl. ed. Willd. 2 p. 914. Fl. dan. t. 725. Whlbg fl. ups. n. 310. fl. carp. n. 462.*

Hab. in agris Bodöe Nordlandiæ cum cerealibus allata copiose.

CLASSIS XII.

ICOSANDRIA.

257 *ROSA villosa* *Whlbg fl. lap. n. 257, ubi vide.*

Sterilis hisce regionibus sæpissime observatur, non quia a climate infausto depressa rarius flores gignere valet, sed quia, si non inter rupes occulta latet, a capris quotannis ad radicem fere devoratur. Fructus subglabri et pedunculi pilis glandulosis raris obsiti, sed petala emarginata et laciniae calycinæ simplices in nervibus glanduloso-pilosæ.

260 *RUBUS arcticus* *Whlbg fl. lap. n. 260, ubi vide.*

Usque ad Ibbestad Nordlandiæ senjensis, ubi legit Cl. Rathke, descendit.

4117²⁶³/₁₈ *POTENTILLA argentea*: foliis quinatis lanceolato-cuneiformibus incisissimis subtus niveis, caule erectiusculo, *Whlbg fl. ups. n. 336 Lin. fl. sv. n. 454 sp. pl. ed. Willd. 2 p. 1101. Fl. dan. t. 865. Gun. norv. n. 144.*

Hab. in montibus sylvaticis Lapponiæ pitensis rarissime. Ad Ischjach Arjeplog legit *Stud. Lestadius.*

Obs *POTENTILLA Gunneri Hartm. fl. scand. p. 201. Horn. fl. oec. 1 p. 576. Potentilla nivea Gun. norv. n. 512 t. 3 f. 1 post Gunneri tempora nunquam inventa est. Specimen vero, typum iconis in herbario Ill Gunneri, quod Ni-*

drosiæ asservatur, vidi, et iconem habitum plantæ bene reddentem inveni. Nec specimina nec icones, ut confererentur, aderant; me vero indice nil est nisi *Fragraria sterilis*, a qua etiam icon nullo differt caractere, si caulem simplicem excipias. Tota planta hirsuta; folia radicalia 3 ternata foliolis obovatis serratis, pagina superiore quam inferiore hirsutius pilis sat longis. Caulis basi squamosus suberectus uno modo folio flori approximato fulcratus. Petala alba ovata longitudine calycis. Radix fibrosa. Sinus Varanger tam multas alias plantas illæ regioni alienas alit e. gr. *Thymus serpyllum*, *Cineraria campestris*, *Adoxa moschatellina* etc. ut forsitan hæc etiam illuc aberraverit.

CLASSIS XIII

POLYANDRIA.

272, 273 NYMPHÆA *alba et lutea* Whlbg fl. lap. n. 272, 273.

Hab. quoque in lacubus versus regionem snbalpinam Nordlandiæ meridionalis ex. gr. Lomsvandet in Brennemarken et Ovesgaardmarken Saltdalen.

1118²⁷⁶/₂₇₇ ANEMONE *ranunculoides*: caule subbifloro, involucri foliolis subpetiolatis ternis ternatis incisus dentatisque, petalis 5 luteis.

A: ranunculoides *Lin. fl. svec. n. 486. sp. pl. ed. Willd. 2 p. 1282. Whlbg fl. carp. n. 542. Fl. dan, t. 140. Gun. norv. 1117. Pal. iter sib. 1 p.*

Hab. in Alnetis humidiusculis Nordlandiæ meridionalis e. gr. Saltdalen passim.

Foliis petalis cauleque angustioribus a vulgari planta differt. Flores rarius bini.

280 RANUNCULUS *Flammula*: Whlbg fl. lap n. 280.

Hab. quoque in Finmarkia orientali, ubi legit rev. *Deinboll.*

β . foliis inferioribus longe petiolatis ovalibus, superioribus sessilibus linearibus.

R. Flammula δ . Arenaria DC. syst. 1 p. 247.

Hab. in stagnis turfosis Nordlandiæ meridionalis e. gr. ad Bertnæs Bodøe.

Folia inferiora rigidiora natantia petiolis 5 poll. longis gaudent. Caulis ad geniculos inferiores creberrime radicat.

287 RANUNCULUS *hyperboreus*: *Whlbg fl. lap.* n. 287, ubi vide.

Hab. in locis limosis udis Nordlandiæ saltensis e. gr. in Fiskevaagmoen Saltdalen copiose.

Præter Cl. Rottböllium in Act: hafn, nemo memorabilem anomaliam hujus Ranunculi tria modo petala gerentis observavit. R: *scelerato* nostrorum proxima affinitate conjunctus est.

288 RANUNCULUS *reptans*: *Whlbg fl. lap.* n. 288, ubi vide.

Hab. quoque per Nordlandiam in inundatis udisque arenosis inferalpinorum et subalpinorum frequenter.

1119 $\frac{2}{3}$ RANUNCULUS *pantothrix* foliis omnibus cappillaceo-multifidis, petalis obovatis calyce majoribus, seminibus subglabris.

R. pantothrix β cæspitosus DC syst 1 p. 236. *Horn. fl. oec.* 1 p. 623.

R. aquatilis α Lin. fl. svec. n. 509.

R. flaviatilis *Whlbg. veg. helv.* n. 597.

Hab. in lacubus et amnibus Saltdalen Nordlandiæ passim copiose.

Etsi sæpe in inundatis, dein exsiccatis locis reperitur, nunquam folia alia quam capillacea obveniunt. Flores etiam multo minores quam in R. *aquatili*. Semina vero juniora vere subhispidata, sed matura glabrescunt. Dimidia petioli pars membrana vaginante auriculata. Totius folii longitudo pollicem non æquat. Pedunculi subterminales folia duplo fere longiores.

CLASSIS XIV.

DIDYNAMIA.

- 1120²⁹⁵₂₉₄ **AJUGA** *pyramidalis*: tetragono-pyramidata villosa, foliis radicalibus caulinis excedentibus. *Whlbg fl. ups.* n. 372. *fl. carp.* n. 567. *Lin. fl. svec.* n. 512. *sp. pl. ed. Willd.* 3 p. 8. *Fl. dan.* t. 185. *Gun. norv.* 343.

Hab. in graminosis humidis inferalpinorum Nordlandiæ saltensis, e. gr. Saltdalen, Bodøe, Ofoten.
Flores albo cæruleoque variegati.

- 308 **PEDICULARIS** *Sceptrum Carolinum* *Whlbg fl. lap.* n. 308, ubi vide.

Hab. in alpinis et subalpinis, quin etiam rarissime in inferalpinis salicetis humidis Saltdalen Nordlandiæ copiose; sed alpes maritimos fugit.

- 311 **PEDICULARIS** *hirsuta* *Whlbg fl. lap.* 311.

Hab. in cacuminibus summorum alpium Nordlandiæ saltensis, e. gr. Soelvaagtinden.

CLASSIS XV.

TETRADYNAMIA.

- 317 **DRABA** *Wahlenbergii* *Hartm. fl. scand.* p. 249.

D. androsacea *Whlbg fl. lap.* n. 317 (excl. synon.) ubi vide.

D. lapponica DC. *syst* 2 p. 344.

- 319 **DRABA** *hirta* *Whlbg fl. lap.* n. 319 (excl. syn. lacqv.) ubi vide.

- 1121³²²₃₂₃ **ISATIS** *tinctoria*: siliculis cuneatis basi acuminatis apice subspatulatis obtusissimis glabris latitudine majore triplo longioribus. DC. *syst.* 2 p. 569. *Lin. fl. svec.* n. 614. *Sp. pl. ed. Willd.* 3 p. 421. *Smith. fl. brit.* 2 p. 693. *Svensk Bot.* t. 35.

Hab. in littoribus scopulorum Nordlandiæ meridionalis rarissime. In Grönholmen extra sinum saltensem plantam hanc inopinate offendi.

Caulis procer fere bipedalis. Folia radicalia crenata, caulina amplexicaulia integerrima.

323 *CAKILE maritima* *Whlbg fl. lap. n. 323.*

Hab. in littoribus maris ad Bodöe Nordlandiæ copiose

331 *ERYSIMUM Barbaræa* *Whlbg fl. lap. n. 331, ubi vide.*

Hab. ad flumina inferalpinorum Saltdalen Nordlandiæ e. gr. Saxenvigelv rarissime.

333 *ERYSIMUM hieracifolium*: foliis lanceolatis serratis stellato-pubescentibus, superioribus sessilibus acutis, interioribus basi attenuatis obtusiusculis, petalis calycæ majoribus obovato-oblongis, stigmate emarginato.

E. hieracifolium *Lin. fl. svec. n. 620. sp. pl. ed. Willd. 3 p. 511. Whlbg fl. ups. n. 433. Fl. dan. t. 229. Gun. fl. norv. n. 513.*

E. virgatum *DC. syst. 2 p. 496.*

Cheiranthus alpinus *Whlbg fl. lap. n. 333 t. 12 f. 1.*

Hab. in locis siccis calidioribus tum alpinis Nordlandiæ et Lapponiæ lulensis, tum imprimis in inferalpinis Nordlandiæ ac totius Norvegiæ frequenter.

Caulis strictus simplex, superne modo ramis nonnullis floriferis ornatus, nervulis elevatis striatus, pilis simplicibus raris adpressis subpubescens. Folia utrinque stellato-pubescentia, tenuiter remoteque serrata, inferiora subintegerrima (nec ut de suo *E. hieracifolio* dicit Ill *DCandolle*: dentibus lobulisve grosse serrata, summa subintegra) subcaduca. Flores inodori subeorymbosi, dein longe racemosi. Pedunculi longitudine calycis, 3 lin. Petalorum limbus obovato-oblongus calycem longitudine vix æquat. Siliquæ erectæ tetragonæ stellato-pubescentes 1—2 unc. longæ, stylo latitudinem siliquarum æquante stigmateque tumido emarginato terminatæ.

4122 ³³³/₃₃₆ *TURRITIS glabra*: foliis radicalibus densatis hispidis, caulinis amplexicanlibus integerrimis

mis glabris. *Lin. fl. svec. n. 606. sp. pl. ed. Willd. 3 p. 542. DC. syst. 2 p. 211. Whlbg carp. n. 677. fl. ups. n. 436. Fl. dan. t. 809.*

Hab. in graminosis lateribus montium meridiei obversis Nordlandiæ meridionalis inferalpinæ rarissime. A me semel in Saltdalen ad Fiskevaag lecta est.

Solito gracilior alias similis. Prima folia caulina opposita hispidaque.

CLASSIS XVII.

DIADELPHIA.

338 FUMARIA *officinalis*: capsulis subglobosis retusis, racemis multifloris, foliis supradecompositis rectis, foliolis cuneiformibus obtusatis, caule diffuso.

F. officinalis Lin. fl. svec. n. 630. sp. pl. ed. Willd. 3 p. 868. Smith. brit. 2 p. 750. Whlbg lap. n. 338. fl. ups. n. 452. carp. n. 699. Fl. dan. t. 940. Gun. norv. n. 161.

Hab. in agris Nordlandiæ passim frequenter e. gr. Saltdalen.

340 ANTHYLLIS *vulneraria* *Whlbg fl. lap. n. 340* ubi vide.

Hab. quoque in collibus Nordlandiæ saltensis passim frequenter. In Bodøe floribus albidis variantem legi.

1123 ~~344~~ VICIA *sepium*: pedunculis paucifloris brevissimis, leguminibus erectiusculis, foliolis ovatis obtusis, exterioribus minoribus.

V. sepium Lin. fl. svec. n. 651. sp. pl. ed. Willd. 3 p. 1109. Smith. brit. 2 p. 773. Whlbg fl. ups. n. 465. carp. n. 720. Fl. dan. 699. Gun. norv. n. 588.

Hab. in lateribus montium inferalpinorum sylvaticis Saltdalen Nordlandiæ.

Stipulæ tridentatæ, dentibus subsetaceis. Flores pauciores quam in planta vulgari.

- 348 PHACA *lapponica* Hartm. *fl. scand.* p. 277.
Phoca montana Whlbg *fl. lap.* n. 348 (excl. omnibus synon) ubi vide.
- 351 ASTRAGALUS *oroboides* Horn. *fl. dan.* t. 1396. *fl. oec.* 1 p. 776, hlb *fl. carp.* n. 739.
A. leontinus Whlbg *fl. lap.* n. 351 (excl. synon lacqv. et Willd.) ubi vide.
- Hab. quoque in montibus subinferralpinis Nordlandiæ.
A me copiose in Fiskevaagshjeldet Saltdalen lectus

CLASSIS XIX.

SYNGENESIA.

- 1124¹¹⁵⁶₁₁₅₇ SONCHUS *arvensis*: pedunculis calycibusque glanduloso-hispidis subumbellatis, foliis runcinatis dentatis basi cordatis.
S. arvensis Lin. *fl. svec.* n. 687. *sp. pl. ed Willd.* 3 p. 1512. Gnn. *norv.* n. 135. Whlbg *fl. carp.* n. 778. *ups.* n. 489. Smith *brit.* p. 817. *Fl. dan.* t. 606.
- Hab. in littoribus circa sinum saltensem locis pluribus frequenter.
- 358 SONCHUS *sibiricus* Whlbg *fl. lap.* n. 358, ubi vide.
- Hab. quoque ad flumen Tana Finmarkiæ orientalis, ubi legit rev Deinboll.
- 359 LEONTODON *Taraxacum* Whlbg *fl. lap.* n. 459.
β tenue: pedunculo tenuiore, squamis calycinis erectiusculis paucioribus, foliis sinuato-dentatis.
L. Taraxacum *β tenue* Whlbg. *fl. ups.* p. 257.
L. Taraxacum *β lividum* Whlbg *fl. carp.* p. 238.
L. palustre Smith *brit.* 2 p. 823. Horn. *fl. oec.* p. 873. Hartm. *fl. scand.* p. 302.
L. lividum *sp. pl. ed. Willd.* 3 p. 1545.

Hab. in humidis paludosisque inferalpinorum imprimis vero subalpinorum Nordlandiæ saltensis frequententer.

Qui ambas varietates crescentes sæpe viderit, vix dubitat, quin ejusdem speciei formæ a loco ortæ sint. Calycem etjam reflexum et subreflexum in stirpe de cætero *L. palustri* simillima observavi.

1125^{3 5 3}_{3 5 4} **HIERACIUM** *dubium*: foliis lanceolatis integerrimis cauleque unifolio multifloro hispidis, floribus corymboso-paniculatis

H. dubium *Lin. fl. sv. n.* 698. *sp. pl.* p. 1125.

Hartm. fl. scan. p. 299. *Fl. dan. t.* 1044.

Whlbg fl. ups. n. 496.

H. Auricula *Sp. pl. ed. Willd* 3 p. 1566. *Whlbg fl. carp. n.* 787. *fl. lap. n.* 363 (sec. flor carp.)

β *strigosum*: foliis oblongo-lanceolatis subpetiolatis utrinque pilis fulvescentibus pube tenui stellata immixta strigosis, floribus corymbosis.

H. dubium β *strigosum* *Hartm. fl. scand. p.* 299.

H. cymosum *Lin. sp. pl. p.* 1126?

H. echiioides *Sp. pl. ed. Willd.* 3 p. 1587?

Hab. in collibus lateribusque siccis montium inferalpinorum Nordlandiæ e. gr. Saltdalen passim copiose; β in terræ rupium inferalpinarum Saltdalen rarius.

Pila basi tumidæ flavescenti demum nigræ insidentia 1—2 lin longa, divergentia in foliis var α lanceolatis basi attenuatis alba ad marginem et nervum crebra, in pagina superiore rarissima. Folia vero plantæ sterilis, ineunte anno primum florentis, oblongo-lanceolata utrinque, imprimisque in pagina superiore, pilis bilinearibus fulvescentibus adpressis obsita. Folia hujus sterilis plantæ transitum formæ α in β demonstrant, nam hæc folia iis in var β similia, si exceperis, quod illa basi longius attenuata subpetiolata et pube minuta stellata alba inter pila strigosa ornata sint. Canlis pedalis; in β crassior 2 — 3 foliis et eadem mixta pubescentia obsitus est. Pubes illa stellata apud var. α sub apicem modo canlis et

in pedunculis parcissime observatur, dum in var β pedunculi ex illa albescunt. Calyces et pedunculi utrorumque simul glanduloso-pilosi. In descriptione Linnæi l. c. nil invenio, quod impediatur, quo minus *H. cymosum* huius loci sit, imprimis cum dicat, eum ab *H. Auricula* differre: foliis non supra glabris; Synon. *Lin fl. lap. n. 282* ob cynonomiam forte ad *H. auriculam* in cæteris patriæ plagis vulgatissimam, in Nordlandia vero nunquam visam, pertinet. Synon. vero *Whlbg fl. lap. n. 363* et secundum syn. fl. dan. ibi et Willdenowii in fl. carp. n. 687 citatum ad hunc pertinet; cum vero postea suam sententiam (cfr. *fl. ups. n. 495*) ipse mutaverit, dubium utique permanet.

1126³⁶⁷₃₆₇ **HIERACIUM** *prenanthoides*: caule simpliciori folioso hirsuto, foliis ovato-oblongis acuminatis dentatis ciliatis amplexicaulibus, subtus glaucescentibus. corymbo paucifloro, calycibus glanduloso-pilosis.

H. prenanthoides *Smith brit. 2 p. 835. Hartm. fl. scand. p. 300. Horn. fl. oec. 1 p. 822. Whlbg fl. carp. n. 799.*

H. Spicatum *All. fl. ped. t. 27 f. 1. 3. (ex Horn.)*

Hab. in graminosis sicciusculis ad sinum saltensem passim.

Caule multifolio, foliis oblongis subtus glaucescentibus, denticulis raris, basi cordatis, calyceque nigro-viridi glanduloso-hispido a cæteris indigenis mox distinguitur. Flores 2—5 longe pedunculati flavi. Pubescentia caulis parca, pedunculorum stellata confertior. Altitudinem sesquipedalem attingit.

371 **SERRATULA** *arvensis* *Whlbg fl. lap. n. 871.*

Hab. in agris submaritimis ad sinum saltensem e. gr. Skjerstad rarius.

381 **GNAPHALIUM** *supinum* *Whlbg fl. lap. n. 381, ubi vide.*

β *fuscum*: caule altiori, floribus pluribus rotundioribus subpedunculatis.

Gn. fuscum Scop. *earn. Sp. pl. ed. Willd.*
3 p. 1889. *Hartm. fl. scand.* p. 316. *Fl. dan.*
t. 332 mala.

Hoc nil nisi varietatem proceriorem *Gn. supini* esse cum *Cl. Wahlenbergio* certissime persvasum habeo. Majus in alpihus nordlandicis rarius occurrit, sed in speciminibus maximis flores infinitos flore longius pedunculatos ceterosque sessiles sæpe vidi. In *Gn. fusco* vero ex alpihus Dovre ex eadem radice caulem 5 pollicarem floribus pedunculatis et 3 pollicarem floribus omnino sessilibus observavi. Nec ullis aliis notis quam supra allatis a *Gn. supino* distingvi potest. Ut planta procerior lanam parciolem interdum gerit seu gerere videtur.

1127³³¹₃₈₂ GNAPHALIUM *carpaticum*: caulibus erectis, foliis radicalibus lanceolatis trinerviis, floribus cymosis dioicis; squamis calycinis fusco-reticulatis obtusis planis.

Gn. carpaticum *Whlbg. fl. carp. n. 843 t. 3.*
Læstadius in Act. holm. 1822 p. 336.

Gn. alpinum *Sp. pl. ed. Willd. 3 p. 1833*
(exe. syn. et descrip. Linnæi.)

Hab. in locis suboccultis humidis alpium Lappeniæ lulensis e. gr. Kapparvare, Kjergevare, ubi his legit Stud. *Læstadius*.

Cyma pauciflora. Squamæ calycinæ scariosæ basi lanatæ apice tenuissime erosæ obtusiusculæ. Folia et caulis foliosus lanata. Ab affini *Gn. alpino* statim dignoscitur: foliis radicalibus lanceolatis et floribus brevissime pedunculatis. Ab affini *Gn. leontopodio* floribus dioicis ébracteatis, foliis nervosis etc. diversum est.

386 ERIGERON *uniflorum* *Whlbg. fl. lap. n. 386*
ubi vide.

Hab. quoque in alpihus Nordlandiæ e gr. Saltdalen copiose.

389 SENECIO *vulgaris* *Whlbg. fl. lap. n. 389* ubi vide.

Hab. in cultis Nordlandiæ sine dubio cum cerealibus allatus.

CINERARIA.

Gn. pl. ed. Schreb. n. 1294.

112³²⁰₃₉₁ **CINERARIA** *campestris*: floribus umbellatis, foliis radicalibus ovatis crenulatis, caulinis lanceolatis integerrimis cauleqve simplici lanatis.

C. campestris Retz *prd. scand.* 2. n. 1027 *Sp. pl. ed. Willd.* 3 p. 2081. *Hartm. fl. scand.* p. 313. *Horn. fl. oec.* 1 p. 863. *Fl. dan.* t. 1177.

C. alpina γ *integrifolia* Lin. *sp. pl.* 2 p. 1248.

C. integrifolia Smith. *fl. brit.* 2 p. 895.

Seneero Hall. *helv.* n. 68.

Solidago Gmel. *sib.* 2 p. 154. t. 71 f. a.

Hab. rarissime in Finmarkia orientali, ubi circum Bomenieid legit Rev. *Deinboll.*

Umbella pauciflora, pedunculis bracteatis. Semina sericeo-villosa.

391 **ARNICA** *alpina*: caule uniflora, foliis caulinis binis oppositis, radicalibus trinerviis denticulatis, lanceolatis.

Doronicum foliis lanceolatis Lin. *fl. lap.* n. 305.

A. alpina Hartm. *fl. scand.* p. 313.

Horn. fl. oec. 1 p. 867. *Læstadius in Act. holm.* 1822 p. 337.

A. montana β Lin. *fl. svec.* p. 295 *Wahlbg. fl. lap.* n. 391.

Hab. in alpinis Lapponiæ lulensis rarissime. Semel legit Stud. *Læstadius.*

Caulis sub flore lanatus. Folia subglabra. Calycinæ squamæ pilosæ.

4129³⁹²₃₉₇ **VIOLA** *mirabilis*: foliis reniformi-cordatis acutiusculis, stipulis integerrimis ciliatis, floribus radicalibus sterilibus petaloideis, caulinis apetalis fructiferis.

V. mirabilis Lin. *fl. svec.* 789. *sp. pl. ed. Willd.* 1 p. 1167. *Whlbg. fl. ups.* n. 546. *carp.* n. 913. *Fl. dan.* t. 1045.

Hab. in lucis ad latera montium inferalpinorum Salt-dalen Nordlandiæ passim frequenter e. gr. supra Fiskevaag.

Nil differt a planta, quæ in australiori Norvegia obvenit. Mense Maji jam floret. Odor idem gratus ac in *V. odorata* his in regionibus fere gravior, quam qualem alibi sensi. Petala sublactea, venis violaceis. Semel florem radicalem fructiferum reperi. Caulis triqveter.

V. uliginosa Schrad. — Hartm. *fl. scand.* p. 108 Nordlandiæ sane incola, e. gr. in palude ad Fiskevaag Saltdalen crescens, cum vero nec descripsi, nec specimen servavi, dubiam afferre nolui.

399 *VIOLA montana* Whlbg. *fl. lap.* n. 399. ubi vide.

Hab. in graminosis siccis lateribus montium inferalpinorum Saltdalen Nordlandiæ, ubi ut diversa a *V. canina* semper mihi sese obtulit.

400 *VIOLA tricolor* Whlbg. *fl. lap.* n. 400.

Hab. in Nordlandia saltensi, imprimis ad littora passim.

CLASSIS XX

GYNANDRIA.

401 *Orchis bifolia* Whlbg. *fl. lap.* n. 401.

Hab. in lateribus sylvaticis meridiei expositis montium inferalpinorum Nordlandiæ saliensis parcius.

402 *Orchis latifolia* Whlbg. *fl. lap.* n. 402.

Hab. quoque in udis pratis Nordlandiæ meridionalis rarius e. gr. Skjerstad.

409 *NEOTTIA repens* Whlbg. *fl. lap.* n. 409, ubi vide.

Obs. Radix in terram non penetrat, sed inter Hypnâ humiditate inter ea retenta vicens latet.

1130¹⁰²₁₁₆ *EPIPACTIS latifolia*: foliis ovatis, floribus pendulis, labello apice integro acutiusculo petalis breviori.

E. latifolia Sp. pl. ed. Willd. 4 p. 85.

Serapias latifolia Lin. syst. veg. p. 678.

Serapias Helleborine α *Lin. fl. svec.* n. 819.
Sp. pl. p. 1344.

α *atropurpurea*: foliis subovatis, germinibus pubescentibus, floribus atropurpureis.

S. latifolia β *Smith brit.* 3 p. 943. *Hartm. scand.* p. 333.

S. latifolia *Whlbg. fl. ups.* n. 557. *carp.* n. 936.
Gun. norv. n. 970 t. 5 f. 3. bona. *Fl. dan.* t. 811.

β *pallida*: foliis late-ovatis, infimis suborbiculatis, germinibus subglabris, floribus carneis.

S. latifolia α *Smith brit.* p. 943. *Hartm. scand.* p. 332.

Hab. in lateribus montium calcareorum calidioribus Saltdalen Nordlandiæ rarius. e. gr. supra Fiskevaag copiose.

Si pubescentiam germinum gradatim evanescentem non vidissem, distinctas species judicaverim. Una crescunt, ergo non varietates a loco ortæ sunt.

1131⁴⁰⁹₁₁₆ **EPIPACTIS** *ovata*: caule bifolio, foliis ovalibus oppositis, labello bifido lineari petalis obtusis triplo longiore. *Sp. pl. ed. Willd.* 4 p. 87.
Whlbg. fl. carp. n. 934.

Ophrys ovata *Lin. fl. sv.* n. 808. *Horn. fl. oec.* 1 p. 893. *Fl. dan.* t. 137. *Gun. norv.* n. 127.

Neottia ovata, *Hartm. fl. scand.* p. 331.

Hab. in collibus fruticosis Bodøe Nordlandiæ rarius.

CYPRIPEDIUM.

Swartz in *Act. holm.* 1800 p. 50.

1132⁴¹¹₁₁₃ **CYPRIPEDIUM** *Calceolus*: lobo galeæ elliptico obtuso, labello petalis brevioribus compressiusculis, foliis attenuato-ovatis.

C. Calceolus *Lin. fl. svec.* n. 820. *lap.* n. 318.
Sp. pl. ed. Willd. 4 p. 142. *Whlbg. fl. ups.* n. 560. *carp.* n. 939. *Hall. helv.* n. 1300. *Gun. norv.* n. 1113. *Fl. dan.* t. 999. *Pall. it. sib.*

Hab. in lateribus calidioribus montium inferalpinorum Saltdalen Nordlandiæ rarius e. gr. in Fiskevaaglien copiose. "In Lapponia tornensi rarius." *Linné.*

Floret speciosa hæc planta jam medio mensis Junii sæpe duobus floribus ex uno folio fulcrante. Petala lateralia angustiora spiraliter torta, basi ciliis longis albis.

CLASSIS XXI.

MONOECIA.

415 CHARA *flexilis* Whlbg. *fl. lap.* n. 415, ubi vide.

Hab. quoque in fundis lacuum et stagnorum Nordlandiæ saltensis passim. e. gr. Övervandet, Grönholmen.

4133⁴¹¹₁₁ CHARA *hispida*: caulibus fragilibus, papillis reflexis hispidis, ramis suboctoris, bracteis inæqualibus fructu longioribus.

Ch. *hispida* *Lin. svec.* n. 1131. *lap.* 469? *sp. pl. ed. Willd.* 4 p. 185. *Hartm. fl. scand.* p. 376.

β *microphylla*: caule tenui 3 pollicari erecto ramosissimo fragilissimo, verticillis approximatis fructibus copiosis, bracteis fructum æquantibus

Ch. *hispida* β *microphylla* *Schum. fl. sall.* 1 p. 260.

Ch. *hispida* γ *tenuis?* *Hartm. l. c.*

Hab. in lacubus turfosis Saltdalen Nordlandiæ passim copiose e. gr. Fiskevaagvandet, Brennelomsvandet. β in Lillevandet Midbyemarken,

Var. α torta 1 lin. fere crassa perlonga, verticillis interstitiis bipollicaribus remotis, pallide viridis crusta calcarea tenuiore induta. Inferior caulis pars sæpe sublævis, sæp papillæ reflexæ in superiore crebræ,

Var. β habitum præbet omnino alienum: caule tenui brevi erecto, ramis approximatis. crusta crassiori albo, sed ut species vix distingui potest. In aqua minus profunda crescit.

KOBRESIA.

Sp. pl. ed. Willden. 4 p. 205.

- 23 KOBRESIA *scirpina*: spica solitaria simplicitereti, foliis filiformibus. Scirpus Bellardi *Whlbg.* fl. lap. n. 23, ubi vide.

Hab. quoque in collibus apricis submaritimis Bodøe copiose et rarius in summis alpinis Saltdalen Nordlandiæ.

- 1134 KOBRESIA *caricina*: spica oblonga composita, spiculis multifloris, foliis angustissimis conduplicatis.

K. caricina Sp. pl. ed. Willd. 4 p. 206. Hartm. fl. scand. p. 27. Horn. fl. oec. 1 p. 917. Svensk Bot. 527. f. 2.

Carex hybrida Schk. *caric.* t. Rr. f. 161. (sec. Willd.)

Hab. ad Berlevaag in Finmarkia orientali. Rev. Deinholl.

Gramen rigidum 2-5 poll. altum. A *K. scirpina* spicis 3-5 multifloris et foliis explanatis lineam latis statim dignoscitur. Folia culmum florentem sæpe excedunt. Squamæ late-ovatæ subacuminatæ pallide-fuscae nervo virescente. Bractea ovata membranacea interdum in cuspidem viridem ciliatum abiit. Germen squamâ a latere interiore laxè involutum est.

- 418 CAREX *dioica* *Whlbg.* fl. lap. n. 418 ubi vide.

β flore unico femineo ad basin spicæ masculinæ.

Hab. in palude subalpina ad Lomsvatne in Brønnemarken Saltdalen Nordlandiæ.

Nec semen nec folia ullo modo a vulgari stirpe discrepant, attamen memorabilis, quia modo uno loco et ibi per plures annos (alias spicas femineas vero nullas) eam observavi.

1135⁴⁻⁸₁₋₂ CAREX *parallela*: spica simplici dioica, stigmatibus binis, fructibus ovato-lanceolatis gibbis superne lævibus demum patentibus, foliis angustissimis canaliculatis.

C. dioica β *parallela*: *Læstadius in Act. holm.* 1822 p. 338.

Hab. una cum C. dioica in locis madefactis alpium Lapponiæ lulensis, et Nordlandiæ saltensis copiose. Stud. *Læstadius*.

Satis me iudice differt a C. dioica: spica feminea lineari subsparsiflora (non oblonga densiflora) fructibus ejusdem quidem formæ, sed longioribus, non superne serrulatis nec divaricatis, vix patentibus, foliisque canaliculatis, subconduplicatis (non teretibus filiformibus) Culmus semipedalis lævis, profundius striatus quam in C. dioica. Radix stolonifera subcæspitosa. Culmi C. dioicæ semper magis dispersi.

420 CAREX *leucoglochin* *Whlbg. fl. lap. n. 420* ubi vide.

Hab. in paludibus inferalpinis et subalpinis ad sinum saltensem Nordlandiæ frequentissime.

1136⁴⁻²¹₂₋₂ CAREX *pulicaris*: spica simplici androgyna superne mascula, stigmatibus binis, fructibus oblongis teretiusculis utrinque attenuatis glabris reflexis.

C. pulicaris *Sp. pl. ed. Willd. 4 p. 23. Leers fl. herb. n. 705 t. 14 f. 1. Smith. brit. 3 p. 965. Whlbg. fl. ups. n. 575.*

C. psyllophora *Ehrh. Hartm. fl. scand. p. 27.*

Hab. in Fiumarkia orientali, ubi legit Rev. *Deinboll.*

1137⁴⁻³²₁₋₃ CAREX *microstachya*: spica terminali androgyna lineari spiculis lateralibus foemineis confertis triplolongiore, fructibus ovatis acuminatis squamam ovatam excedentibus, foliis angustissimis.

C. microstachya Ehrh. — *Whlbg. fl. ups. n.* 584. *Sp. pl. ed. Willd.* 4 p. 250. *Hartm. fl. scand.* p. 31.

Hab. in Lapponia pitensi et lulensi rarius e. gr. ad Arjeplog; Tiaawotis. *Stud. Læstadius.*

Gramen gracile et strictum, flavescens. Folia vix dimidiam culmi longitudinem attingunt. Squamæ flavæ margine scarioso albo. Fructus superne serrulati. Bractea aphylla.

1138⁴⁴² *CAREX ornithopoda*: spicula mascula solitaria, spiculis foeminineis incluse pedunculatis linearibus confertis paucifloris, bracteis vaginantibus aphyllis, stigmatibus tribus, fructibus obovatis apiculatis triquetris pubescentibus squamam obovatam excedentibus.

C. ornithopoda *Sp. pl. ed. Willd.* 4 p. 255. *Whlbg. fl. carp. n.* 966. *Fl. dan. t.* 1405.

C. digitata β *Whlbg. in. Act. holm.* 1803 p. 158.

C. pedata *Schkuhr.*

Hab. in pratis siccis ad sinum saltensem Nordlandiæ rarissime. A me lecta ad Bodøe copiose.

C. digitata quidem affinis, sed differt statura fere triplo minore, culmis sæpissime incurvis, fructibus maturis squamas satis excedentibus, pedunculisque omnino inclusis, adeo ut sessiles appareant spiculæ femineæ bina ternæve mascula longiores, 4—6 floræ.

444 *CAREX pedata* *Whlbg. fl. lap. n.* 444, ubi vide.

Hab. quoque in alpihus Boskarheiene Saltdalen Nordlandiæ parcius.

1139⁴⁴⁶ *CAREX bicolor*: spicis androgynis subternis inferne masculis pedunculatis erectis, stigmatibus binis, fructibus obovatis obtusis pubescentibus squamas ovatas excedentibus.

C. bicolor *Allion* — — — *Schk. car. t.* Aaaa f. 181 sec. *Sp. pl. ed. Willd.* 4 p. 222. *Læstadius!* in *Act. Ac. holm.* 1822 p. 338.

Hab. in locis arenosis alpium Lapponiæ lulensis rarissime. Inter alpes Kjergevare et Tuoddaratsch juxta lacum Poljaure legit *Stud. Læstadius.*

Planta digitalis glaucescens. Folia mollia apice scabriuscula. Bractea amplexans basi auriculata apice foliaceo serrulato. Squamæ brunneæ nervo viridi. Fructus albi tenuissime pubescentes, Ab omnibus nostris distinctissima.

456 CAREX saxatilis Whlbg. fl. lap. n. 456, ubi vide.

β monstrosa: fructibus inflatis globosis.

C. saxatilis β inflata Hartm. fl. scand. p. 34.

C. rigida Whlbg. in Act. Ac. holm. 1803 p. 166.

Hab. in alpinis una cum vulgari planta.

Nunquam obvenit spica fructibus globosis unice prædita, sed nonnulli tales aliis immixtis modo reperiuntur. Attamen sæpe tales spicæ omnino steriles sunt. Monstrositas a larva tenui coccinea producta, nec varietas est, quare ut talis enumerari non merebat, nisi synonyma laudata suis locis assignarentur. An C. rigida Angl. vere a C. saxatili differt? Hujus culmus etiam superne scaber, infra medium lævis.

CLASSIS XXII.

DIOECIA.

472 SALIX herbacea Whlbg. fl. lap. n. 472, ubi vide.

In Saltdalen Nordlandiæ ex alpinis omnino descendit, ad flumen Saltelven inter Saltnæs et Oos, et ad viam inter Fiskevaag et Rognan, vix 600 passus a mari remota, et vix 20 pedes supra mare copiose provenit.

473 SALIX polaris Whlbg. fl. lap. n. 473, ubi vide.

Hab. quoque in uliginosis alpium Nordlandiæ saltensis rarius. A me lecta in Storfjeldet supra Botnvatne Saltdalen.

479 SALIX myrtilloides Whlbg. fl. lap. n. 479, ubi vidi.

Hab. quoque in spongiosis Nordlandiæ subinferalpinæ rarius, e. gr. in Soelvigmarken paroeciæ Skjerstad.

488 *SALIX livida* *Whlbg. fl. lap. n. 488* (excl. syn. Ehrharti.) ubi vide.

1140⁴⁸⁸₄₈₉ *SALIX sphacelata*: germinibus pedicellatis pubescentibus, stigmatibus subsessilibus bilobis, foliis ellipticis utrinque pubescentibus cinereis integerrimis.

S. sphacelata *Smith fl. brit. p. 1066. Sp. pl. ed. Willd. 4 p. 702.*

S. livida β cinerascens *Whlbg. fl. lap. p. 273.*

Hab. in subalpinis et inferalpinis Lapponiarum præcipue septentrionalium usque ad Utsjoki passim frequenter, unde etiam juxta flumina in partem sylvaticam descendit. Cl. *Wahlenberg et Læstadius.*

Statura diversa ex sede magis minusve alpina. Folia exstipulata non rugosa hanc a *S. aurita* statim distinguunt. Supra demum subglabra. Amenta feminea subpollicaria foliolis subtribus bracteata. Capsulæ maturæ subglabræ. Hisce regionibus omnino exstipulata et esphacelata occurrit. Vix hujus loci est *Salix* *Lin. fl. lap. 358.*

490 *HIPPOPHAE* *Rhamnoides* *Whlbg. fl. lap. n. 490.*

Hab. in Nordlandia saltensi passim, ex. gr. in latere montis supra Fiskevaag Saltdalen et ad littora Bodøe copiose.

491 *MYRICA* *Gale* *Whlbg. fl. lap. n. 491*, ubi vide.

Hab. in Saltdalen Nordlandiæ rarissime, semel a me lecta.

STRATIOTES.

Gen. pl. ed. Schreber n. 1541.

1141⁴⁹³₄₉₄ *STRATIOTES aloides*: foliis ensiformibus carinatis ciliato-aculeatis. *Lin. fl. suec. n.*

479. *Sp. pl. ed. Willd.* 4 p. 820. *Fl. dan.* t. 337. *Gun. norv.* n. 653.

Hab. in fossis Nordlandiæ rarissime. In paroecia Ofoten legit *Cl. Gunnerus*.

CLASSIS XXIII.

POLYGAMIA.

4142⁴²⁶ ATRIPLEX *hastata*: caule erecto foliis triangulari-hastatis profunde dentatis concoloribus, calycibus fructus sinuato-dentatis dente intermedio elongato *Lin. Sp. pl. ed. Willd.* 4 p. 963. *fl. svec.* n. 921. *Horn. fl. oec.* 1 p. 289. *Hartm. fl. scand.* p. 113.

Hab. in littoribus exterioribus sinus saltensis passim copiose e. gr. in Grönholmen ad Bodöe.

Adeo luxuriat, ut cognitu difficilis evadat. Omnia folia triangulari-hastata, infima subintegerrima superiora crebre et grosse dentata, subtus squamis albis raris conspersa. Caulis ultra pedalem altitudinem assurgit et folia cum petiolo 4 poll. longa 2½ lata gerit. Calyces maturos non examinavi. In littoribus Saltdalen *Atriplex* minor diffusa obvenit, an vero hujus s. *A. patulæ* forma certo dicere non audeo, cum specimina desint.

CLASSIS XXIV.

CRYPTOGAMIA.

ORDO I. FILICES.

510 ASPLENIUM *Trichomanes*: *Walbg. fl. lap.* n. 510.

Hab. in lateribus calidioribus montium interalpinorum saltdaliensium Nordlandiæ rarius.

1143⁵¹⁶₅₁₇ **BOTRYCHIUM** *matricarioides*: scapo nudo, frondibus radicalibus tripartito-subpinnatis, foliolis oblongis obtusis dentatis. *Lin. sp. pl. ed. Willd.* 4 p. 62.

B. rutaceum *Svensk bot. t.* 372.

Osmunda Lunaria *δ. Lin. fl. svec. p.* 370. *Fl. dan. t.* 18 fig. sup. et intermedia; perbona. *Smith brit.* 3 p. 1107.

Hab. in graminosis siccis circa Fiskevaag Saltdalen Nordlandiæ rarius.

A B. Lunaria, et ut videtur a *B. rutaceo* *Wild.* (a me non invento), adeo distinctum, ut cum illis nec conjungi nec confundi queat.

528 **EQVISETUM** *reptans* *Whlbg. fl. lap. n.* 528. nbi vide.

Obs. Spica autumnò jam parata, incunte vere floret.

ORDO II. MUSCI.

1144⁵³⁰₅₃₁ **SPHAGNUM** *squarrosus*: ramis elongatis attenuatis, foliis ovato-acuminatis, acuminibus squarrosus-recurvis. *Web. et Moer. crypt. p.* 73. *St. svec. t.* 2 f. 1 a. b. *Flor. dan. t.* 1415. *H. et T. musc. brit. p.* 4 t. 4. *Sp. latifolium β Whlbg. fl. ups. p.* 391.

Hab. in stagnis frigidis Saltdalen, e. gr. circa Fiskevaag, Nordlandiæ.

Satis a *Sph. latifolio* diversum.

1145⁵³¹₅₃₂ **GYMNOSTOMUM** *Donnianum*: subacaulis, foliis a latiori basi lineari-subulatis strictis, sporangio turbinato, operculo rostrato.

G. Donnianum *H. et T. musc. brit. p.* 13 t. 7.

Hab. rarissimus hicce muscus in rupibus suboccultis calcareis circa Fiskevaag Saltdalen Nordlandiæ frequenter. Certe etiam alibi, ob minutiem non observatum.

Caveas, ne pusillam stirpem cum *Weissia* sp. confundas. *W. calcaream* eam esse primum credidi, a qua satis diversus: peristomio nullo et columella exserta. Folia rigida nervo lato modo ad basin parenchymate angusto ornata, obtusius.

cula. Sporangium flavescens, demum pallide fuscescens. Totum 3 lin. altum.

532 GYMNOSTOMUM *Heimii* Whlbg. fl. lap. n. 532, ubi vide.

Hab. sat vulgare in littoribus sinus saltensis exterioribus.

542 SPLACHNUM *sphaericum*: Whlbg. l. c. n. 542.

Hab. in subalpinis Nordlandiæ meridionalis rarius.

543 SPLACHNUM *vasculosum* Whlbg. l. c. n. 543.

Hab. in paludosis et inundatis Nordlandiæ inferalpinæ e. gr. Saltdalen frequenter.

544 SPLACHNUM *urceolatum*: Whlbg. l. c. n. 544.

γ majus: caule foliis setisque longioribus.

Sp. mnioides β majus H. et T. musc. brit. p. 20 t. 9.

Sp. fastigiatum. Swartz svec. p. 24. Fl. dan. t. 1414.

Sp. brewerianum Hedv. stirp. t. 38.

Hab. cum var. β in pinetis Nordlandiæ inferalpinæ frequenter.

Præter staturam majorem et colorem pallidiorum, qui magnopere tamen et in hoc et in var. β variat, nullæ adsunt notæ, quibus a *Sp. mnioidi* distingvi potest. Illi enim sane propius, quam illud *Sp. urceolato*, foliis ampulaceis acumine brevi capillaceo insigni, adstat.

345 SPLACHNUM *angustatum*: Whlbg. l. c. n. 345, ubi vide.

Hab. in truncis emortuis nec non fimo vetusto pinctorum saltdalensium Nordlandiæ copiose.

1146³⁴⁵₃₄₆ SPLACHNUM *Wormskjoldii*: caule subramoso, foliis ampullaceis ovatis acuminatis integerrimis, nervo evanescente, sporangio cupuliforme apophysi obconico-oblongo latiore, ore amplo. Sp. Wormskjoldii Fl. dan. t. 1659. Hartm. fl. scand. p. 385.

Hab. in rupibus Finmarkiæ orientalis, ubi ad Vadsöe invenit Rev. Deinboll.

Stirps gracilis pollicaris. Flores steriles f. masculini in ramis ejusdem surculi. Foliorum acumen breve recurvum. Reticulum laxissimum. Nec in speciminibus Finmarkicis operculum vidi. *Sp. tenui* non parum affine est.

547. *ENCALYPTA ciliata*: *Whlbg. l. c. n. 547*, ubi vide.

β minor: subacaulis; foliis muticis, seta brevissima.

Hab. in collibus arenosis Saltdalen Nordlandiæ.

Calyptra dentibus regularibus ornata, ergo ad hanc speciem pertinet; etsi subacaulis, et tota planta 4 — 5 linearis. Folia quidem prorsus mutica, sed in hoc genere vix nota diagnostica sufficiens ad propriam speciem condendam, licet *E. ciliatæ* var. *α* vulgo apiculatis foliis (contra *Whlbergium. l. c.*) gaudeat. Capsula lævis.

550. *ENCALYPTA rhyptocarpa*: caule subdiviso, foliis oblongis apiculatis, calyptra ore sublacinato, sporangio striato.

E. rhyptocarpa Schwægr. suppl. t. 16.

E. streptocarpa Whlbg. fl. lap. n. 550 (excl. char. et omnibus synonymis). Cfr *Whlbg. fl. carp. p. 336.*

E. ciliata γ H. et T. musc. brit. p. 36 t. 2.

Hab. in rupibus corvalliium inferalpinarum Nordlandiæ meridionalis frequenter.

Etsi sporangia satis spiraliter striata inveni, tamen differt vera *E. streptocarpa* magnitudine et foliis semper muticis. Me judice *E. vulgaris* quam *E. ciliatæ* affinium, nam nunquam dentes in calyptra, etsi attente et sæpe vulgarem plantam observavi, mihi sese obtulerunt. Eodem modo ac *E. vulgaris* magnitudine valde variat. Dentes sporangii breviores quam in *E. ciliatæ*. Sporangium *E. ciliatæ* semper lævissimum; hujus vero sporangia matura semper striata, sulcis diaphanis inter strias elevatas rubras.

551. *DIDYMODON latifolium*: *Whlbg. fl. lap. n. 551*, ubi vide.

Hab. copiose una cum *Gymn. Heimii* et *Bryo cæspiticio* etiam in littore ad Bodöe Nordlandiæ. Æstivale est.

554 **DIDYMODON** *rostratum*: *Whlbg. l. c. n.*

554, ubi vide.

Didymodon flexicaule Whlbg. fl. carp. n. 1087.

Excludatur synonymon *Web. et Mohr. cryp. germ.*

1147⁵⁵⁶₅₅₇ **DIDYMODON** *rigidulum*: foliis subpatentibus lato-lanceolatis acuminatis carinatis nervo rigido extra apicem excurrente, sporangio oblongo erecto, operculo rostrato.

D. rigidulum H. et T. musc. brit. p. 67 t. 20.

(opt.) *Hedw. stirp. 3 t. 4. W. et Mohr germ. p. 159. Whlbg. fl. carp. n. 1088.*

Hab. in glareosis subudis Nordlandiæ meridionalis rarissime. A me semel in Saltdalen lectum.

Dignoscitur a *Tortula ungviculata*: rostro brevior; a *Weissia curvirostra*: rostro longior; a *Tortula fallaci*: directione foliorum; harum enim habitu ludit. Satis eximium nervo rigido apiculo sat longe extra apicem folii excurrente, attamen folia apiculata vix dici possunt, quia versus apicem adeo sensim sensimque attenuata sunt, ut attenuatio folii cum nervo excurrente confluat, quod optime etiam in icone expresse-
runt Cll. Hooker et T. Margo foliorum reflexa. Operculi rostrum vix dimidiæ sporangii longitudinis. Sporangium oblongum subcylindricum.

1148⁵⁵⁸₅₅₉ **TORTULA** *cuneifolia*: subacaulis, foliis lote ovatis concavis nervo valido in apiculum excurrente, operculo breviter rostrato.

T. cuneifolia H. et T. musc. brit. p. 33 t. 12.

Barbula cuneifolia W. et Mohr cryp. germ. p. 207.

Hab. in terra turfosa rupium Bodöe Nordlandiæ rarissime. Æstivale est.

Habitu minutam refert *T. subulatam* planta hæcce pallescens. Folia crassa breviter apice modo magis modo minus attenuata, reticulo ad basin laxiore, in apice densiore. Seta 3 lin. flexuosa. Operculi rostrum obtusiusculum, tertiam sporangii oblongi partem longitudine ægvans. Peristo-

mii dentes basi breviter connati, breves parum torti, ad connexionem partiti.

1149 $\frac{5}{6}$ $\frac{5}{6}$ BARBULA *ungviculata*: caule diviso, foliis lanceolatis obtusiusculis apiculatis subpatentibus, margine subreflexis, operculo sporangii longitudine.

B. ungviculata *Hedw. stirp.* t. 23. *W. et Mohr. cryp. germ.* p. 208.

Tortula ungviculata *H. et T. musc. brit.* p. 33 t. 12.

T. mucronulata *Swartz svec.* p. 40 *Whlbg. fl. carp. n.* 1092.

Hab. ad sinum saltensem in rupibus calcareis et locis argillosis passim.

Variat surculo longiori et breviori, foliis margine magis minusve revolutis, sed semper apiculatis.

562 BARBULA *convoluta*: *Whlbg. fl. lap. n.* 562, ubi vide.

Hab. in collibus et terra calcarea rupium soli expositarum Saltalen Nordlandiæ frequentissime.

563 PTEROGONIUM *filiforme*: *Whlbg. fl. lap. n.* 563.

Hab. in rupibus saxisque et in truncis Salicis Capræ ubique circa sinum saltensem, imprimis in Saltalen Nordlandiæ.

Magnopere quoad habitum variat hic muscus. In rupibus crassior, nigro-virens apicibus lutescentibus, semper sterilis; in arboribus gracilior flavescenti-virens, haud raro fructifer. Nervus quoque varius, mox fere nullus, mox bini, mox unus tenuis ad medium fere pertingens. Folia oblonga acuta et ovata acuminata, ut nullam notam constantem ad hoc a *Pt. gracili* distinguendum præter marginem reflexum, qui in hoc semper adest, inveniam.

1150 $\frac{5}{6}$ $\frac{5}{6}$ GRIMMIA *maritima*: caule brevi pulvinato, foliis lanceolatis acuminatis substrictis, siccis crispatis, perichæatialibus nervo excurrente, sporangio ovato sessili, operculo breviter rostrato. *H. et T. musc. brit.* p. 37 t. 13.

Gr. alpicola δ . *Whlbg. fl. lap. p.* 320.

Hab. in maritimis Nordlandiæ passim.

1151 $\frac{5}{8}$ $\frac{5}{8}$ GRIMMIA *crinita*: caulibus erectis strictis divisis, foliis erectis oblongis apice capillaceo diaphano, sporangio ovato immerso, operculo conico, dentibus pertusis apice subfissis.

Gr. *crinita* W. et Mohr *cryp. germ.* p. 480 et 456.

Hab. in saxis elatis alpium Saltdalensium Nordlandiæ haud frequens, ex. gr. Hestene Botnfjeldet.

Arcte cæspitosa, intense viridis, 3— 4 lin. alta. Surculi stricti divisi, et quidem versus apicem subfasciculatè divisi, quam ob rem sporangium re vera terminale lateraliter insertum videtur. Folia nervo valido etiam apicem diaphanum in supremis reliquo folio sæpe longiorem, in infimis breviorè percurrente, crassa, intense viridia, concava. Seta brevissima e basi crassa. Sporangium ovatum totum immersum, siccum longitudinaliter sulcatum, effoetum ore amplo. Operculum conicum f. brevissime rostellatum, rostello obtuso. Calyptra mitræformis, lævis. De synonymo mihi nullum est dubium, nam specimina germanica collata unice foliis majoribus dilutiusque coloratis, vegetiore habitationis loco ortis, differant. In herbario Cl. Swartzii specimina scotica sterilia sub nomine: Gr. *leucophæa* Greville huic omniño-similia vidi.

1152 $\frac{5}{8}$ $\frac{5}{8}$ GRIMMIA *alpestris*: caulibus cæspitosis divisis, foliis erecto-patentibus oblongis apice capillaceo diaphano, seta brevi exserta recta, sporangio oblongo-ovato, operculo rostrato, rostro perbrevis, dentibus integris.

Gr. *alpestris* Schleich. (sec. specim. a Cl. Hornschuch missis).

Trichostomum pulvinatum β . *alpestre* W. et Mohr. *cryp. germ.* p. 110.

Gr. *Donniana*? Hook et T. *musc. brit.* p. 40 t. 13.

Hab. in saxis rupibusque siccis circa sinum saltensem Nordlandiæ e. gr. ad Saltnæs, Bertnæs.

Præcedenti adeo affinis, ut qui illam varietatem acre alpino contractam dicat, haud magnopere erret. Attamen satis distincta est sporangio exserto et operculo longius rostrato, etsi rostrum capsulæ sexies brevius. Re vera Gr. *pulvinatæ*

Hook. affinis, sed in illa seta arcuata, operculi rostrum sporangii dimidiæ longitudinis, et dentes fere semper divisi, cum in mea eos tales nunquam observaverim. Habitu magis quam characteribus a *Gr. ovata Hook.* recedit. Calyx intensissime viridis, surculi breviores vix ultra 6 lin. alti, apices foliorum diaphani duplo fere longiores, setæ rostraque breviora hanc mox distinguunt, sed *Gr. Donniana Hook.* vix diversa. Attamen icon l. c. habitum meæ stirpis non refert.

1153 $\frac{5}{8}$ $\frac{5}{8}$ GRIMMIA *ovata*: caulibus cæspitosis divisis, foliis lanceolatis in apicem capillaceum diaphanum brevem attenuatis, seta brevi, sporangiis ovatis, dentibus peristomii perforatis fissisve, operculo conico-rostrato, rostro brevi obtuso curvato. *Gr. ovata H. et T. musc. brit. p. 39 t. 13. W. et Mohr it. svec. t. 2 f. 4. Schwægr. suppl. t. 25.*

Trichostomum ovatum W. et Mohr cryp. germ. p. 111. Hartm. fl. scand. p. 399.

Dicranum ovale Whlbg. fl. ups. n. 752. fl. carp. n. 1129?

Grimmia obtusa Schwægr. suppl. t. 25.

Hab. in rupibus et saxis apricis circa sinum saltensem Nordlandiæ passim copiose.

Quot auctores descripserunt, ad tot fere genera relata est hæc stirps, partim quia a plurimis cum *Dicrano ovali* confundebatur, partim quia vere plura genera conjungit. *Dicranis* male associatur, utpote habitu ab illis alienissimo et dentibus peristomii rarius modo fissis gaudens. Cum *Grimmiis* summa affinitate quidem conjuncta est: differt tamen calyptra dimidiata, ut vix male *Weissiis* adnumeretur. A *Gr. pulvinata Hook* satis differt: surculis angustioribus, seta recta, foliis sensim attenuatis, acumine brevior, sporangiis minoribus, operculo rostro brevi, sed a *Gr. obliqua Hornsch.* modo acumine parum brevior et ore sporangii forsan magis contracto, nam quoad hunc characterem etiam mea planta variat. Peristomii dentes semper perforati, rarius fissi, primum erecti, dein reflexi, nunquam ut in *Dicranorum* inflexi. Sed *Dicranum ovale*

Schwægr. suppl. 1 p. 189, Campylopus ovatus Bridel (meth. nova musc.), quem, e genuinis speciminibus Hornschuchianis, meis e rupibus Stördaliæ nidrosiensis et e faxis Alker christianiensis convenientissimis, notum habeo, ab hoc satis diversa est stirps, quippe quæ surculos longiores, minus arcte cæspitosos, folia longiora patentia, basi fere divergenti-patentia (forma eadem), sporangia ampliora exacte ovalia a: medio lata versus utrosque fines angustata, ore semper contracto, operculum rostratum, rostro acutissimo incurvo capsulam longitudine subæquante, dentes peristomii semper et evidenter fissos habet. Trichostomi bona species, sed calyptra dimidiata.

- 1153 $\frac{567}{568}$ WEISSIA *trifaria*: caule simplici perbrevis, foliis lanceolatis obtusiusculis erecto-patentibus strictis, sporangio hemisphærico-pyriformi, dentibus reflexilibus.

Grimmia trifaria W. et Mohr crypt germ. p. 143. Weissia tristicha Schwægr. suppl. t. 26.

Hab. in rupibus calcareis et rupium fissuris interalpinorum et subalpinorum Saltdalen Nordlandiæ frequent. Autumno maturescit.

Atrovirens, rigida, sporangiis frequentibus vigentibus subglobosis flavescens operculo rostrato rubro insignis. Folia quidem trifaria, in tanta vero pusillitate difficiliter discernuntur. Nervus excurrens vulgaris latitudinis. Sporangium maturum fuscum breve pyriforme, dentibus reflexilibus integris rubris. A *W. Seligeri* differt: foliis obtusiusculis trifariis, sporangio pyriformi, minime ovali.

- 1154 $\frac{567}{568}$ WEISSIA *calcareæ*: subacaulis, foliis linearibus obtusiusculis, nervo lato, sporangio oblongo-turbinato.

W. calcarea H. et T. musc. brit. p. 47 t. 15.

Hab. in rupibus calcareis occultis unacum *Gymn. Donniano*, sed multo rarius in Saltdalen Nordlandiæ. Æstivalis est.

Folia sicca stricta, madida magis patentia, e basi parum latiori linearia s. lanceolato-linearia, quæ etiam in icone Hookeri optime picta sunt, crassiuscula, nervo lato sæpe versus apicem quasi evanescente s. totum folium occupante. Seta cum

sporangio pallida. Differt a præcedenti: colore, foliis angustioribus crassioribusque, seta longiore, forma sporangii suboblonga dentibusque angustioribus. Sed sine dubio bene cum hac *W. Seligeri* Mohr conjunxit Schwægrichen. Planta Wahlbergiana fl. lap. n. 568 unice foliis acutioribus differre videtur.

1155⁵⁷³₅₇₄ *WEISSIA longipes*: caule stricto simpliciusculo, inferne subnudo, foliis adpressis ovatis subnervibus, sporangio brevi ovato erecto, operculo breviter rostrato.

Icon tab. nostra 1.

Hab. in argillosis udis Nordlandiæ saltensis. Semel ad rivulum supra Midbyeosen in Saltdalen mense Julii sporangiis maturis et novellis a me lecta.

Ad *W. nudam* unice accedit, sed toto coelo diversa: caule, sporangio erecto, operculo rostrato etc. Caulis usque ad 4 lin. altus, strictus, foliis minutis adpressis nigris obsitus, in apice modo folia pauciora læte virentia gerens, et innovationes ex alis foliorum breves emittens. Folia reticulata ovata subacuminata obtusiuscula, interiora oblonga obtusiora concava, nervo haud angusto sed tenui. Seta longa 4—5 lin. fusca. Sporangium brunneum dein fuscum erectum, globoso ovatum, effoetum sub ore contractum, operculo breviter rostrato, dentibus concoloribus integris.

1156⁵⁸¹₅₈₂ *TRICHOSTOMUM aciculare*: caulibus adscendentibus subramosis, foliis strictis lenissimo subhomomallis lanceolatis obtusiusculis apice serrulatis, sporangio oblongo, operculo rostrato.

T. aciculare *W. et Mohr cryp. germ. p. 119. H. et T. musc. brit. p. 62 t. 19.*

Dicranum aciculare *Smith brit 3 p. 1212. Hedw. stirp. 3 t. 33. Whlbg. fl. carp. n. 1128. fl. ups. n. 753.*

Bryum aciculare *Lin. sp. pl. 2 p. 1583.*

Hab. in fluminibus inferalpinorum circa sinum saltensem rarius ex. gr. in Botnelven Saltdalen.

Turgidior, alias vulgari similis.

583 *TRICHOSTOMUM cylindricum* *Whlbg. fl. lap. n. 583, ubi vide.*

Excludatur synonymon Dicksonii ad *Gymnostomum tenue* pertinens. Cfr. H. et T. musc. brit. p. 13.

584 **FISSIDENS** *taxifolius*: Whlbg. fl. lap. n. 584, ubi vide.

F. subbasilaris Hedw.

In terra madida et succosa rupium inferalpinorum Saltdaliæ utrasque varietates fructiferas copiose legi, nec ullis aliis notis quam magnitudine et insertione setæ differentes observavi, nam folia caulina nec non perichætialia — minime enervia ut vult Hooker et T. l. c. p. 51 — in utraque omnino similia. *F. subbasilaris* Hedw. quasi forma intermedia inter *F. taxifolium* et *adanthoidem*, et ipse est, qui hic occurrit, nam seta vere subbasilaris semper supra radicem inserta et sporangium æquale erectum: interdum quidem subnutans ob setam valde flexuosam, sed nunquam cernuum.

592 **DICRANUM** *flagellare* Whlbg. fl. lap. n. 592.

β *scottianum*: foliis strictiusculis undique vergentibus, siccis subcrispabilibus, apice serrulatis.

D. scottianum H. et T. musc. brit. p. 56 t. 18. *Smith. brit. p. 1286.*

Hab. in saxis sylvarum Saltdalen Nordlandiæ.

De synonymo anglico nullus dubito, quando quidem omnino et iconi et characteri convenit; sed quomodo a *D. flagellari* notis laudatis exceptis ad speciem propriam constituendam me iudice non sufficientibus distingvam, haud scio.

594 **DICRANUM** *Sphagni* Whlbg. fl. lap. n. 594, ubi vide.

Deleatur (?) post synonym. Schwægrichenii sec. spec. helvetica cum norvegicis omnino congruentia.

1157 $\frac{1}{2}$ $\frac{3}{4}$ **DICRANUM** *Starkii*: surculis subdivisis, foliis lanceolato-subulatis curvatis secundis integerrimis, sporangiis ovato-oblongis suberectis strumosis.

D. Starkii W. et Mohr cryp. germ. p. 189. *Schwægr. suppl. 1. 46. H. et T. musc. brit p. 45 t. 17.*

Hab. in terra rupium subalpinorum Nordlandiæ rarius ex. gr. in Saltdalen.

Tota planta pollicaris, Sporangia pallida seta-
que tortilis, Sporangii oblongis suberectis sal-
tem a *D. falcato* Whlbg. capsulâ cernua pyri-
formi differt. Specimina islandica nordlandicis
omnino conveniunt

1158⁵⁹⁷₅₉₈ DICRANUM *flexuosum*; caule erecto
subsimpliçi, foliis lanceolato-subulatis undique
vergentibus strictiusculis nervo lato, seta brevi
flexuosa, sporangio ovato æquali substriato, oper-
culo rostrato.

D. flexuosum *H. et T. musc. brit. p. 53 t. 16,*
W. et Mohr crypt. germ. p. 169.

Hab. in saxis inferalpinis Saltdalen Nordlandiæ ra-
rius.

Surculi breves, Seta 2 lin. flexuosa curva-
taque paululum modo folia excedit. Sporangium
omnino æquale, striis magis minusve obsoletis,
Hæ striæ obsoletæ, folia minus stricta et nervus
latus, non vero latissimus aliquantulum ab iconi
Hookeri, alias optime convenienti discrepant.

1159⁵⁹⁷₅₉₈ DICRANUM *pellucidum*; surculis sub-
divisis, foliis lanceolatis patenti divergentibus, api-
ce subrecurvis, margine undulatis serrulatis, spor-
angio ovato estrumoso subcernuo, operculo coni-
co-rostrato.

D. pellucidum *Swartz svec. p. 35. Smith brit.*
3 p. 1223. H. et T. musc. brit. p. 55, t. 17,
W. et Mohr cryp. germ. p. 183.

Bryum pellucidum *Lin. fl. svec. n. 997. sp. pl.*
p. 1583.

Hab. ad rivulos inferalpinos Nordlandiæ e, gr. Skip-
perelven Saltdalen.

Muscus mollitiæ insignis, quare citissime sic-
catur et crispatur. Folia nervo valido quasi ca-
rina in pagine inferiora prostanti instructa. Den-
tes peristomii vix ad medium fissi. Foliis bre-
vibus latioribus mollibus serrulatis nec non co-
lore rubicundo-viridi a congeneribus facile di-
stingvitur, si *D. flavescens* Hook. et *D. squar-
rosus* excipis. *Illud* etiam in alpebus stordalen-
sibus a me lectum differt: surculis longioribus

pallidoribus, foliis longioribus, minus patentibus, apice modo subserrulato, sporangio oblongo. Hoc Norvegiæ australis incolæ foliis integerrimis, squaroso-recurvis, e latissima basi attenuatis facile dignoscitur.

600 *DICRANUM varium* Whlbg. fl. lap. n. 600, ubi vide.

Hab. in argillosis Nordlandiæ circa sinum saltensem passim copiose.

601 *DICRANUM cerviculatum*: Whlbg. fl. lap. n. 601.

D. flavidum Schwægr. suppl. t. 45.

Hab. in arenosis humidis Nordlandiæ frequentissime.

1160 $\frac{604}{5}$ *DICRANUM bullatum*: subacaulis, foliis obovatis obtusissimis bullatis conniventibus apiculatis, sporangio oblongo.

Weissia latifolia Schwægr. suppl. t. 18.

Grimmia latifolia W. et Mohr. crypt. germ. p. 147.

Hab. in terra turfosa rupium maritimarum circa sinum saltensem Nordlandiæ rarius ex. gr. ad Qvandal, Bodœ.

Ob *Dicranum latifolium*, cui hæc stirps fere nimis affinis, nomen immutare necesse erat, nam Weissiæ sp. minime est. Dentes peristomii remotiusculi iis in *Dic. latifolio* simillimi, ad basin fissi; etiam ut in illo quasi ex interiore margine orificii surgentes. Sane hæc duæ species æquo jure ac *Didym. latifolium* Didymodontibus associari potuerunt, nec unquam hæc tres segregari debuerunt. Foliis flavescenti-pallide-viridibus conniventibus facile dignoscitur a *Dicr. latifolia*, cui alias habitu refert: seta sc., sporangio modo parum brevior et operculo breviter rostellato, sed hoc nunquam caulescens. Folia ex nervo excurrente apiculata, apiculo in superioribus longo et flexuosa. In errore igitur est Cl. Schwægrichen in icone sua alias bonæ nervum ante apicem evanescentem pingens. In speciminibus germanicis ex herbario Cl. Swartzii a me examinatis dentium et nervi ratio omnino eadem ac in mea stirpe est.

611 *POLYTRICHUM septentrionale* Whlbg. fl. lap. n. 611, ubi vide.

Nunc etiam Cl. Wahlenberg (cfr. Fl. carp. n. 1137) cum Cl. Hooker in *Pol. sexangulari* cum hoc conjungendo conspirat, quod etiam mea experientiae convenit, cum *P.* septentrionale capsula angulata in alpinis nordlandicis sæpe invenerim.

614 **POLYTRICHUM** *harcynicum* Whlbg. fl. lap. n. 614; ubi vide:

Hanc plantam calyptra lævissima, qualis etiam in *Flora danica* t. 1417 et in *Muscologia britannica* t. 10 depicta est, semper inveni, quamobrem differentia *P. lævigati* imprimis in sporangio oblongo cernuo et forma foliorum quærenda est.

622 **MNIUM** *albicans* Whlbg. fl. lap. n. 622, ubi vide.

Bryum Wahlenbergii Schwægr. suppl. t. 70.

Male hanc speciem distinctissimam cum *B. caespiticio* conjungunt *H. et T. l. c.* p. 121.

1161⁶²⁵/₂₅ **MNIUM** *cuspidatum*: foliis obovato-acuminatis marginatis, superne uncinato-serratis, nerve excurrente, sporangio ovato pendulo, operculo conico obtuso.

M. cuspidatum Whlbg. fl. ups. n. 708.

Bryum cuspidatum Smith brit. 3 p. 1368. *H. et T. musc. brit.* p. 127. t. 31.

Hypnum aciphyllum W. et Mohr. crypt. germ. p. 295.

Mnium serpyllifolium β *cuspidatum* Lin. fl. svec. n. 982. *Sp. pl.* 2 p. 1577.

β . *affine*: ex omni parte major, setis pluribus.

M. affine Schwægr. suppl. p. 134 t. 2. *Hedw. sp. musc.* p. 192 t. 45 (sec. Schwgr.)

Hab. in graminosis humidis circa sinum saltensem Nordlandiæ frequenter. β iisdem locis udioribus haud rarum in Saltdalen.

Stemuli steriles decumbentes radicales. A confinis *M. punctato* et *rostrato* foliis angustioribus acuminatis et operculo conico discernitur. Haud raro setæ gemellæ adsunt.

Varietas β habitu quidem valde recedit, et interdum *M. roseo* propius accedit, sed si magnitudinem exceperis, nullam notam distinctivam in-

venies; imo etiam respectu magnitudinis transitus manifestos vidi et possideo. Caulis usque ad 4 unc; folia ac serraturæ duplo majores, et sporangium quidem longius, sed omnino ejusdem formæ. Tomentum in caulo var. α etiam adest, et in hoc setæ 1-4, in illa minime raro 2 occurrunt.

- 1162 $\frac{62}{2} \frac{5}{6}$ MNIMUM *marginatum*: caule erecto simplici, foliis ovatis apiculatis marginatis serratis, sporangio oblongo subpendulo, operculo rostrato. M. marginatum *Whlbg. fl. ups. n. 710.*
M. serratum *Schwægr. suppl. t. 78.*
Bryum marginatum *H. et T. musc. brit. p. 126 t. 31. Smith brit. 3 p. 1362.*

Hab. in lateribus humidis montium inferalpinorum Nordlandiæ e. gr. Saltdalen.

Pallidum, pellucidum solitarie crescit. Sureuli steriles foliis latioribus subdistichis gaudent. Nervis, marginibus et calyptra sanguineis insigne.

- 627 CINCLIDIUM *stygium*: *Whlbg. fl. lap. n. 627, ubi vide.*

Hab. etiam in paludibus inferalpinorum et subalpinorum Nordlandiæ frequenter.

- 630 MEESIA *longiseta*: *Whlbg. fl. lap. n. 630, ubi vide.*

Hab. in paludosis ad rivos subalpinorum Saltdalen Nordlandiæ raro.

- 1163 $\frac{63}{3} \frac{34}{4}$ BRYUM *annotinum*: caulibus abbreviatis stoloniferis, foliis erecto-patentibus lanceolatis acuminatis pellucidis integerrimis, nervo excurrente, in iis stolonum evanescente, sporangio oblongo pendulo.

Bryum annotinum *Swartz. svec. p. 50.*

?Hypnum annotinum *W. et Mohr. crypt. germ. p. 281?*

Mnium annotinum *Leers fl. herb. n. 820.*

Hab. in arenosis humidis Nordlandiæ saltensis e. gr. Midbyesandgraven Saltdalen.

Sureuli brevissimi in arena stolonibus creberrimis uncialibus setisque modo conspicui latent. Folia anguste lanceolata; stolonum breviora nervo evanescente, sed ejusdem formæ. Dubius prorsus sum, an ad hoc an ad sequens *Bryum anno-*

tinum Whlbg. *fl. lap. n.* 635 referri debeat. Huic quidem optime quadrant omnia, quæ de illo narrantur, si "capsulas collo elongate curvoque pyriformes" ex ciplas, nam in mea stirpe sunt breves oblongæ pendulæ. Tales vero capsulas, quales Cl. Auctor descripsit, habet sequens ab omni parte duplo majus, foliis ovatis acuminatis, surculis longioribus a musco Wahlenbergiano diversum apparens.

Tenuitate et sporangiis brevibus rufescentibus haud longe a *B. carneo* recedit. Innovationes bulbiferæ; bulbuli ovati dilute virentes, dein purpurei pellucidi solidi solitarii, in alis foliorum sessiles.

4165 ⁶³⁴/₃₆ BRYUM *intermedium*: caule brevi innovationibus ramoso, foliis subpatentibus oblongo acuminatis subintegerrimis, margine subreflexo, nervo excurrente, in iis stolonum evanescente, sporangio elongato-pyriformi.

Webera intermedia Schwægt. *supl.* t 75.

B. pallescens Schwægr. *supl.* t 76.

B. turbinatum H. et T. *musc. brit.* p. 122 t. 29 perbona.

B. intermedium Hartm. *fl. scand.* p. 414.

? *B. pallens* Swartz *svec.* p. 88 t. 4.

Muscus fl. dan. t. 215.

Hab in arenosis humidis Nordlandiæ saltensis frequententer.

Cfr. observ. ad antecedens.

Species insignis et me iudice ab affinibus distincta: sporangii inæqualis pyriformis collo elongato curvoque. Sarculi altitudine satis variant, ut recte habent H. et T. l. c. In udis Norvegiæ australis surculos unciales legi; nordlandici vero breves 1—4 lin., innovationibus longioribus, non vero semper præsentibus. Folia ob marginem leviter reflexum marginata apparent, a nervo percurrente subapiculata, in summo apice serrulata; stolonum cæteris similia, modo breviora et nervo evanescente. In alis foliorum innovationum bulbuli foliosi haud rari sunt.

B. pallens Sw. foliis erectioribus unice differre videtur. Nomen *B. intermedium* nomini *B. turbinato*, etsi de synonymo e muscologia brit. certissimus, prætuli, cum synonyma forsitan nimis

numerosa (ipsum *B. turbinatum* Swartz mihi imprimis dubium. Cfr. quoque Hartm. fl. scand. p. 415) congesserint Cll. *Hooker et Taylor*.

638 *BRYUM carneum* *Whlbg. fl. lap. n. 638*, ubi vide.

B. carneum *H. et T. musc. brit. p. 119 t. 29*.

B. cucullatum *Schwægr. suppl. t. 68*.

Hab. in subalpinis Saltdalen Nordlandiæ e. gr. supra Saxenvig.

Muscus hic obvius cum speciminibus genuinis Hornschuchianis *Bryi cucullati* *Schwægr.* omnino quadrat. Habet sc. surculos simplices 2 lin. altos; folia erecta imbricata oblongo-lanceolata acutiuscula, superne subserrulata, nervo valido basi rubro sub apice tenuiore; sporangia breviter pyriformia pallida, operculum conicum acutum. Icon muscologiæ brit. folia optime representat, sporangia vero nimis breviter. Non possum non contra *Schwægrichenium* hoc cum *B. carneo* conjungere.

639 *BRYUM alpinum*: *Whlbg. fl. lap. 639*, ubi vide.

Hab. in scopulis maritimis Nordlandiæ. Intra fines hujus floræ non quidem legi, sed vix dubito, quin legi posset, cum in insulis Helgolandiæ borellis ex. gr. Selsøe collegerim.

1166 $\frac{6}{8} \frac{3}{4} \frac{6}{7}$ *ORTHOTRICHUM subrepens*: surculis subdecumbentibus, foliis ovato-lanceolatis erecto-patentibus, siccitate subcrispis, seta exserta sporangioclavato striato ore connivente, peristomio interno nullo, dentibus 8 geminatis, calyptra pilosa. Tab. nostra 1.

O. crispum β . *Whlbg. fl. lap. p. 364*.

Hab. ad truncos Alnorum Nordlandiæ saltensis. A me Skjerstad vulgatus, Saltdalen rarius lectum.

Surculi pulvinati decumbentes breves, in ambitu subrepentes, intense virides, basi fusci, ramis brevibus creberrimis, folia multo latiora (perichætalia imprimis lata) breviora que, subacuta modo subcrispa et defectus ciliorum hoc ab *Or. crispo* satis distinguunt. Cilia etsi anxia curâ peristomia perplura lustravi, nulla mihi sese obtulerunt. Sporangium eo *Or. crispi* fere perfectius

clavatum, striatum et quidem spiraliter, ore con-
niventissimo, dentibus albis concavis, linea media
notatis, rarissime vero fissis.

470 *ORTHOTRICHUM curvifolium* Whlbg. fl.
lap. n. 470, ubi vide.

O. Hutchinsiae H. et T. musc. brit. p. 73 t. 21.

De synonymo anglico nullum mihi dubium,
nam non modo descriptio et icon Hookeri conve-
nientissimæ, sed etiam specimina anglica in her-
bario Cel. Swartzii cum stirpe norvegica omnino
quadrantia inveni.

4167 *ORTHOTRICHUM affine*: foliis paten-
tibus lanceolatis, sporangio subsessili striato, pe-
ristomio interno ciliis 8, calyptra subpilosa.

α . foliis lanceolatis, intense viridibus, setis de-
mersis, calyptra pilosa.

O. affine α H. et T. musc. brit. p. 74 t. 21.

O. affine Web. et Mohr crypt. germ. p. 233.
Schwægr. suppl. t. 49. Whlbg. fl. carp. n. 1162.

β . foliis lineari-lanceolatis flavoviridibus, setis
subexsertis, calyptra pilosa.

O. affine Smith. fl. brit. 3 p. 1263.

γ . *pumilum*: caule brevi, foliis intense viridibus
calyptra subcalva.

O. affine β . *pumilum* H. et T. musc. brit. p. 74.
t. 21. *Whlbg. fl. ups. n. 731.*

O. pumilum Swartz svec. p. 42. t. 4 f. 9. *Schwægr.*
suppl. t. 58. Web. et Mohr. crypt. germ. p. 232.
Smith. brit. 3 p. 1264.

Hab. α in rupibus; β . in arboribus imprimis junipe-
ris frequenter; γ . in salicibus rarius, Saltdalen
Nordlandiæ.

Var. α et γ . vulgaribus similis sed β (ad quam
synonymon Cl. Smithii sine dubio pertinet, quia
folia pallidiora lutescentia lineari lanceolata dicit)
habitu ad *O. Lyelli* Hook. satis accedit: surculis
longioribus, foliis lineari-lanceolatis, siccis parum
crispatis, sed cilia constanter 8 et iis in *O. affi-*
ni similia sunt. Setæ, imprimis in sporangiis ma-
turis, exsertæ. Calyptra dense pilosa.

1168⁶⁵⁸ **LESKEA** *norvegica*: surculis repentibus, ramis aggregatis erectis, foliis erecto-patentibus ovato-longe acuminatis integerrimis margine inferne reflexo, nervo valido excurrente, sporangio cylindrico erecto, operculo conico-rostrato. Icon nostra Tab. II.

Hab. ad radicem arborum e. gr. Alnorum et Juniperorum Nordlandiæ saltensis passim frequenter.

Tota stirps lurida, ramificatione et sporangiis *Leskeæ polyanthæ*, foliis *L. incurvatæ*, modo angustioribus. Denso grege crescit et eodem modo pulvinata ac *L. polyantha*. Folia crassiuscula acumine angusto longo, sed non acutissimo, interdum subhomomalla, nervo versus apicem obsoletiore. Margo, ubi folium latum est, evidenter reflexum. Peristomium *Leskeæ* generis. Operculum ei *Weissie curvirostræ* simillimum.

658 **LESKEA** *polyantha* Whlbg. fl. lap. n. 658, ubi vide.

Excludatur synonymon Smithii.

1169⁶⁵⁹ **LESKEA** *Deinbollii*; foliis imbricatis lanceolato-subulatis falcato-secundis margine planis integerrimis nervo ad $\frac{1}{2}$ evanescente, sporangio erecto subcylindrico.

L. Deinbollii Swartz in herbario.

Hab. ad sinum Varanger in Finmarkia orientali, ubi eam legit Rev. *Deinboll*.

Quod *Leskeæ* generis sit, auctoritate Cl. Swartzii iunior. Totus habitus *Hypni adunci*, nulli aliæ *Leskeæ* affinis. Tota pallescens, et quantum ex speciminibus in herbario Swartzii asservatis videre licuit, surculi breviusculi.

663 **HYPNUM** *obtusatum* Wahlbg. fl. lap. n. 663.

H. denticulatum β *obtusifolium* *H. et T. musc. brit.* p. 92 t. 24.

H. Domnianum Smith, *brit.* p. 1286.

Non possum non cum Cell. Hookero in hoc cum *H. denticulato* quoad nervum, acumen et magnitudinem quam maxime variabile musco, coniungendo conspirare.

1170⁶⁷¹ **HYPNUM** *stellatum* β *minus*: foliis laxis squarrosis e cordata basi subulatis integerrimis,

basi obsolete binerviis, sporangio oblongo-cylindraceo, operculo conico.

H. Stellatum β minus *W. et M. musc. germ.* p. 351. *H. et T. musc. brit.* p. 108, t. 26, *Wahlbg. fl. carp.* n. 1183.

H. Halleri? β majus *Wahlbg. fl. lap.* p. 375.

H. squarrosulum *Brid.*

Habitu nec minus characteribus cum *H. stellato*, minime cum *H. Halleri* convenit. Var. α surculo strictiori et colore viridiori, in paludosis crescens parum modo differt.

1171 $\frac{2}{3}$ **HYPNUM** *affine*: surculo repente, ramis erectiusculis, foliis cordato-ovatis subito acuminatis patenti-divergentibus integerrimis, obsolete binerviis, sporangio clavato-cylindraceo cernuo, operculo conico.

H. Seligeri *Fl. dan.* 1536.

Hab. in lignis putridis locis humidis Nordlandiæ sal-tensis satis frequenter.

Dubia sane species. Statura omnino refert *H. serpentem*, surculis gracilibus, setis longis creberrimis, sporangiis ratione musci magnis, sed differt omnino foliis; e contrario quod attinet ad characteres *H. stellato* adeo simile, ut vix ullam notam distinctivam præter surculum repentem reperire possim, sed statura quam in illius var. minori triplo gracilior. Icon fl. danicæ adeo bona, ut vix dubitem, quin idem sit; folia modo minus divergentia et minus subito acuminata.

674 **HYPNUM** *moniliforme*: *Wahlbg. fl. lap. n.* 674 *H. et T. musc. brit.* p. 96 t. 24.

β *apiculatum*: foliis concavissimis apiculo reflexo.

Hab. var. β in terra rupium inferalpinorum Salt-dalen Nordlandiæ.

Habitu convenit cum var. α , attamen satis memorabile apiculo illo tenuissimo reflexo. Hunc vero ætate deciduum vidisse credo, quare ut propriam speciem referre non ausus sum. Nec fructiferum vidi.

1172 $\frac{2}{3}$ **HYPNUM** *silesianum*: surculis repentibus, ramus erectis subfacisculatis, foliis oblongo

subulatis planis patentibus serrulatis subsecundis, obsolete binerviis, sporangio subcylindrico erecto-cernuo, operculo conico.

H. silesianum Web. et M. crypt. germ. p. 343.

H. et T. musc. brit. p. 113. t. 27. Schwagr. suppl. t. 94. Whlbg. fl. carp. n. 1186.

Hab. in et imprimis sub rupibus madidis marinis et subalpinis Nordlandiæ saltensis.

Muscus vivide virens, nitidus arcte cæspitosus. Hypno pulchello vere affinis, nec ab *H. denticulato*, cui sæpe immixtum crescit, alienum. Sporangia tenuia, effocta cernua, vigentia vero subæqualia, setis e surculo repente s. basi ramorum surgentibus. Surculus fere obliterated ramis vigentibus. Autumno maturescit.

1173⁵⁷⁶/₃₇₇ HYPNUM *incurvatum*: foliis laxis lanceolato-subulatis subsecundis subintegerrimis, basi obsolete binerviis, sporangio cylindrico subclavato cernuo, operculo conico acuminulato.

H. incurvatum Schrad. — Web. et M. crypt. germ. p. 342. Schwægr. suppl. p.

Hab. in ligno putrido Saltdalen Nordlandiæ.

Surculi repentis habitu *H. serpentis* majoris, modo dilutius colorati. *H. silesiano* ex characteribus proximum, modo omnia folia secunda. De cætero *H. cupressiformi* affinior, a quo solummodo foliis laxis angustioribus, non ita circinnalibus, et operculo brevi conico differt. Secundum specimina ipsius Schraderi in herbario Cl. Swartzii visa et examinata hoc verum est.


1174⁶⁸⁰/₃₈₇ HYPNUM *falcatum*: surculis procumbentibus, foliis lanceolato-acuminatis subfalcato-secundis, margine planis integerrimis, nervo valido superne evanescente.

H. falcatum Brid. musc. 2, 2 t. 1 f. 6 cex. specim. in herb. Swartzii. Web. et M. crypt. germ. p. 359.

Hab. ad fontes in Nordlandia saltensi. A. me unice ad Skipperelven in Saltdalen sterile lectum.

Muscus obesus intense viridis, opacus. Folia latiores brevioraque sine omnibus striis et plicis, integerrima, magis homomalla quam uncinata, et nervi validissimi sub apice repente evanescentes.

in inferiori surculi parte parenchymate distituti setarum instar restantes hanc speciem insigniunt et ab affinibus *H. adunco* et *cupressiformi* distinguunt. Affinitatem ullam cum *H. filicino* equidem non agnosco.

1175  *HYPNUM uncinatum*: foliis lanceolato-subulatis uncinatis serrulatis striatis, nervo versus apicem evanescente, sporangio cylindrico cernuo conico acuto.


H. uncinatum *H. et T. musc. brit.* p. 111. t. 26. *W. et Mohr. crypt. germ.* p. 358. *Wahlbg. fl. ups.* n. 685.

β obesum: surculis crassioribus aureis, sporangio suberecto brevior.

Hab. in pratis humidis et in saxis ad rivulos inferalpinos Nordlandiæ saltensis frequenter. *β* vero in sterilibus subhumidis ad Skandsen in Saltdalen Nordlandiæ.

Miror muscum hunc frequentissimum oculatissimum Wahlenbergium effugere potuisse. In pratis surculis pallescentibus erectis, in saxis udis surculis decumbentibus fulvescentibus variat.

Var. *β* satis diversa. Totum aureo-nitens. Folia latiora, subovato subulata acumine longissimo subserrato, canaliculata, striis raris. Sporangia suberecta, subclavata. Surculi illis in var. *α* fere triplo crassiores ob folia latiora et confertiora, decumbentes, vix biunciales. An *H. aduncum β rugosum* Hook?

1176  *HYPNUM palustre*: foliis ovatis subacuminatis secundis concavis integerrimis, margine superne inflexis, nervo vario, nunquam supra $\frac{1}{2}$ evanescente, sporangio oblongo-ovato, operculo conico.

H. palustre *H. et T. musc. brit.* p. 110. t. 26. *W. et M. crypt. germ.* p. 365. *Lin. sp. pl.* p. 1593. *H. luridum* *Swartz. suec.* p. 59. *Hedw. stirp.* 4 t. 38.

? *H. alpinum* *Wahlbg. fl. lap.* n. 672.

Hab. in rupibus irrigatis et lapidibus rivulorum inferalpinis & subalpinis Nordlandiæ saltensis. Ego in Saltdalen frequenter legi.

Polymorpha et lurida stirps. Nervi in ejusdem surculi 2 ad basin, 2 ad medium, 1 ad medium, 1 ad $\frac{2}{3}$ evanescentes. In rupibus verticalibus inferalpinis Saltdaliæ sicciusculis modificatio occurrit fulva, surculis brevibus, habitu *H. fluviatilis*, ab illo attamen plane diversa. In rupibus submaritimis Skjerstad inter muscos palustres altera occurrit surculis erectis simpliciusculis longis flagellaribus, sed vix diversa, nam folia simillima. De synonymo Wahlenbergiano vix dubito.

682 HYPNUM *diastrophyllum*: Wahlbg. fl. lap. n. 682.

Sententiæ Celb. Schwægrichenii, hunc et *H. filicinum* conjungenti omnino sum addictus. Surculis tenuioribus crassioribusque, foliis plicatis et non plicatis sæpe in diversis partibus ejusdem surculi, nervo excurrente et sub apice evanescente adeo ludit, ut me iudice nullæ notæ distinctivæ fixæ adsint. Memorabiliorem varietatem in rivulo Saltdalensi Præstelven sporangiis subpyriformibus pendulis legi, cum vero folia *H. filicini*, sed apud nullum auctorem hanc notam ei adtributam invenio, formam casu fortuito ortam censeo.

1171 $\frac{684}{685}$ HYPNUM *arcticum* surculo repente, ramis flagellaribus, foliis remotiusculis erecto-patentibus subrotundis acutiusculis concavis margine planis integerrimis, nervo valido ad $\frac{2}{3}$ evanescente, sporangio brevi cernuo.
Icon Tab. nostra II.

Hab. in rivulis subalpinis Saltdalen Nordlandiæ rari.

Ad *H. alpestre* Sw. et *H. molle* Dick accedit, sed ab utroque satis diversum, quod ex diagnosi jam satis elucere opinor. Surculi quidem repentis, ramis erectiusculis, sed haud subterranei. Rami longi, quam in *H. alpestri* multo longiores subsimplices, ut fere flagellares. Folia ut totus muscus rigidiora quam in duobus affinis; quoque minus lurida, magis flavescencia, caulina sæpissime destructa. Seta brevis tenuis. Operculum haud vidi. Nervi interdum bicrani, semper validi. Ab

Islandia quoque specimina sub nomine *H. molli* accepta possideo.

- 1178 $\frac{6}{8} \frac{3}{4}$ **HYPNUM** *murale*: foliis erecto-patentibus imbricatis oblongis obtusis acuminulatis, concavis integerrimis nervo ad $\frac{2}{3}$ evanescente, seta lævi, sporangio cernuo, operculo longirostro. *H. murale* *H. et T. musc. brit.* p. 97 t. 24. *Smith. brit.* p. 1304. *Web. et Mohr crypt. germ.* p. 323. *Hedv. stirp.* 4. t. 30.

Hab. in rupibus et in terra rupium ad latera montium saltdalensium Nordlandiæ.

Surculi prostrati, sæpe adeo intertexti, ut pannum referant, cylindrici, intense virides, nitiduli. Folia adpressa concava obtusa acumine parvo, nervo manifesto. Operculi rostrum sporangii fere longitudine flexuosum. Hisce notis facile et ab *H. molli* et *puro* dignoscitur. Vere sporangia maturescunt.

- 1179 $\frac{6}{8} \frac{3}{4}$ **HYPNUM** *catenulatum*: surculis repentibus intricatis, ramis ramosis confertis erectiusculis, foliis erecto-patentibus ovatis, subito acuminatis dorso papilloso, integerrimis margine reflexis, nervo valido ad $\frac{1}{2}$ pertingenti, (sporangio ovato inclinato, operculo conico acuminato. *Hook.*) *H. catenulatum* *H. et T. musc. brit.* p. 96. t. 24. *Schwagr. suppl.* p. 218. *Grimmia?* *catenulata* *W. et Mohr. crypt. germ.* p. 157.

Pterigonium catenulatum *Brid. musc.* 2, 1. t. 5. f. 4.

Hab. in rupibus et saxis siccis Saltdalen Nordlandiæ satis frequenter.

Rupibus arcte adnatum, surculis dense intricatis ramisque confertis pulvinos latos luride atrovirides efficit. Folia imbricata, sicca adpressa crassa, e basi rotundata s. subcordata versus medium subito acuminata, acumine non acutissimo, usque ad initium acuminationis concava, margine evidenter reflexo, reticulo compacto, nervo ad medium fere attingente ibique subito evanescente. Variat paululum acuminis longitudine et directione, quæ interdum subsecunda, sed semper magis et angustius acuminata, quam icon Hookerii *L. c.* ea

sistunt. Semper sterile. Semel modo stirpem fructiferam vulgari tenuiorem, foliisque ratione illius habita angustioribus et longioribus, quæ ad hoc pertinere credo, sed haud persuasus sum, reperi. Illi sporangia ovata suberecta, peristomio hypnoideo, quæ id describit Cl. Hooker, erant. *Læskea incurvatæ* sane affinitate conjunctum, sed ramis brevibus erectis, nervo foliorum evanescente etc. bene distinctum. Planta nordlandica et salisburgensis plane conveniunt.

685 HYPNUM *sarmentosum*: Whlbg. fl. lap. n. 685.

Hab. in rupibus irrigatis subalpinis et alpinis Nordlandiæ saltensis haud raro.

Post iterata examina non possum non hoc cum *H. stramineo* conjungere. Est modo varietas loci habitationis vi orta sc. ramosior et intensius colorata, ut pote fusco rufescens, dum muscus palustris pallidior virenti-stramineus. Cum his Cl. *Schwægrichen* suppl. 2. p. 212 quoque bene conjungit *H. trifarium*.

Sequenti modo hæc tria exponenda.

HYPNUM *sarmentosum*: foliis ovato-oblongis obtusis erectis laxè imbricatis integerrimis nervo subexcurrente, sporangio-subcylindrico cernuo, operculo conico.

α stramineum: surculis simpliciusculis, foliis oblongis adpressis pallidis.

H. stramineum Auct.

β fuscescens: surculis ramosis, foliis oblongis laxius imbricatis fusco-rufescentibus.

H. sarmentosum Wahlbg. l. c.

γ trifarium: surculis simpliciusculis, foliis ovatis concavioribus pallide-viridibus, nervo vix $\frac{1}{2}$ superante.

H. trifarium Auct.

Folia in omnibus varietatibus obsolete trifaria; in apicibus arctius infra laxius imbricata; imprimis hoc in var. *β*. manifestum. Nervi in foliis ejusdem surculi modo ad $\frac{1}{2}$, modo infra apicem evanescent; vix unquam apicem ipsum attingunt,

Nomen characteristicum Wahlenbergianum retinendum putavi.

- 1180 ⁶⁸⁷/₈₈₈ HYPNUM *cordifolium*: surculis elongatis, ramis abbreviatis, foliis laxis patentibus cordatis obtusis integerrimis, nervo sub summo apice evanescente, operculo conico acuto.

H. cordifolium *H. et T. musc. brit.* p. 107. t. 26.

Smith brit. p. 1318. *W. et Mohr crypt. germ.* p. 320. *Whlbg. fl. ups. n.* 357. *fl. carp. n.* 1189. *Hedw. stirp.* 4 t. 37.

Hab. in paludosis circa sinum saltensem Nordlandiæ affini *H. cuspidato* longe frequentius.

- 688 HYPNUM *nitens*: *Wahlbg. fl. lap. n.* 688.

Hab. in paludosis inferalpinis et subalpinis Nordlandiæ non raro.

- 1181 ⁶⁸⁸/₈₈₉ HYPNUM *salebrosum*: surculo repente, ramis abbreviatis pinnato, foliis erecto-patentibus, lanceolato-subulatis, margine plica reflexis serratis, nervo supra $\frac{2}{3}$ evanido, seta lævi, sporangio obovato, operculo conico-acuminato acuto.

H. salebrosum *W. et Mohr. crypt. germ.* p. 312.

H. plumosum *Hedw. stirp.* 4. t. 15.

Hab. in ligno et lapidibus imprimis ad latera rivulorum inferalpinorum Nordlandiæ saltensis.

Tota planta repens et nitens, plerisque Hypnis repentibus major. *Elsi Cl. Hartmann fl. scand.* p. 406 *Hypn. plumosum* *Hedw.* ut speciem distinctam refert, ego nullum discrimen essenziale inter hæc reperio, et icon *Hedwigii* meam plantam bene representat. Ab *H. lutescente* unice fere differt, foliis latioribus et seta lævi. Vere sporangia breviter subobovata maturescunt. Seta breviscula.

- 1182 ⁶⁸⁹/₈₉₀ HYPNUM *populeum*: surculis decumbentibus, foliis erecto-patentibus lanceolato-subulatis, margine subreflexo, serrulatis, nervo subexcurrente, sporangio ovato subcernuo, seta scabriuscula, operculo conico-acuminato acuto.

H. populeum *H. et T. musc. brit.* p. 94. t. 25.

W. et Mohr. crypt. germ. p. 305. *Hartm. scand.* p. 428.

H. implexum *Smith brit.* p. 1310.

H. plumosum *Swartz svec.* p. 66.

Hab. in lapidibus et ad radicem arborum per Saltdalen Nordlandiæ passim copiose.

Tota stirps lutescens nitens, fere faciem *Leskeæ sericeæ* præ se ferens, precedenti duplo tenuior. Folia basi rotundata, apice serrulata, leviter reflexa. Peristomium internum laciniis majoribus angustis perforatis interjectis singulis filiformibus.

1183⁴⁸⁸₈₈₉ HYPNUM *reflexum*: surculis decumbentibus, ramis reflexis foliis laxis cordato-acuminatis, patenti-divergentibus, serrulatis nervo subexcurrente, seta scabriuscula, sporangio obovato cernuo, operculo conico-acuminato.

H. reflexum *H. et T. musc. brit.* p. 95. t. 25.
Web. et Mohr. crypt. germ. p. 33, 476.

Hab. ad radicem arborum et ad lapides in umbrosis lateribus montium per Saltdalen Nordlandiæ frequenter.

Species distincta: pallido colore, ramis reflexis, foliis subdivergentibus, sporangio brevi. Folia suprema interdum subsecunda.

1184⁴⁸⁸₈₈₉ HYPNUM *megapolitanum*: foliis laxis, subpatentibus ovato subulatis, margine subreflexo, subintegerrimis, nervo ad $\frac{2}{3}$ evanido, seta lævi, sporangio oblongo cernuo, operculo rostrato obtuso.

H. megalipolitanum *W. et Mohr. crypt. germ.* p. 325.

H. obtusirostrum *Somrf. Ms.*

Hab. in graminosis sub Pinis Saltdalen Nordlandiæ rarius.

De synonymo Cl. Mohrii vix dubito, etsi nec iconem nec specimen musci unquam vidi, nam characteres omnes convenientissimi, nec non annotatio: "*H. pilifero* multum similis species" aptissima, nam habitus omnium partium *H. piliferi*, attamen illud seta scabra, operculi rostro longiore acutissimo statim dignoscitur. Hoc operculi rostro brevi et obtuso ab omnibus mihi notis Hypnis diversum, quare de synonymo nondum edoctus id H. obtusirostrum vocavi. Surculi albescentes, ramis longis. In foliis plicæ et serraturæ obsoletissimæ.

1185⁶⁸⁸₈₈₉ **HYPNUM** *ruscifolium*: foliis laxis subpatentibus ovatis acutis concavis estriatis serrulatis, nervo ad $\frac{2}{3}$ evanescente (operculo rostrato). *H. ruscifolium* *H. et T.* p. 106 t. 26. *Smith. brit.* p. 1292.

H. riparoides *Hedw. stirp.* 4 t. 4. *Web. et Mohr. crypt. germ.* p. 326.

H. prolixum *Swartz. fvec.* p. 63.

Hab. ad rivulos et in pratis humidis Saltdalen Nordlandiæ passim.

Majus plerisque cæteris, pallide viride, foliis ovatis lævibus acutis, minime acuminatis notabile. Surculi non compressi.

MUSCI HEPATICI.

1186⁶⁹²₆₉₃ **IUNGERMANNIA** *scutata*: surculo adscendente, foliis subrotundis concavis bidentatis, dentibus conniventibus acutiusculis, amphigastriis ovato-subtriangularibus acutiusculis integris, calyce terminali oblongo subplicato, ore connivente dentato.

I. scutata *W. et Mohr crypt. germ.* p. 408. *Web. prd.* p. 41.

Tab. nostra 111.

Hab. in subalpinis Nordlandiæ saltensis inter Conostomum boreale nec non in Lapponiæ pitensi ad Hornayan inter *Bryum carneum*, semper in terra arenaria humida.

Tota stirps tenuissima fragilis pellucida pallide viridis. Surculi ramosi $\frac{1}{2}$ unc. longi. Folia concavissima, dentibus ita conniventibus, ut modo fissa appareant, reticulo laxo. Amphigastria ratione plantæ magna subpatentia margine inæqvabili quin etiam uno alterove dente ornato. Ob amphigastria distinctissima cum *I. connivente* f: *curvifolia* vel alia affini confundi nequit.

1187⁷⁰⁰₇₀₁ **IUNGERMANNIA** *pallescens*: surculo adscendente ramoso, foliis planis subrotundis integerrimis, amphigastriis ovatis bifidis, lobis acuminatis calycibus lateralibus clavato-oblongis, lacero quadrifidis, laciiniis reflexis.

I. pallescens *W. et Mohr. crypt. germ.* p. 404.
Web. prd. p. 28. *Hartm. fl. scand.* p. 436. (*)

Hab. in locis humidis et saxis muscosis e rivulis exsertis Saltdalen Nordlandiæ passim.

Pulcherrima et maxima nostrarum. Vivide pallescens — rarius nigrescit — ad usque duarum linearum latitudinem crescit. Surculi plani, ramis vagis. Amphigastria manifesta foliis quinqvies minora. Calyces magni ante evolutionem sporangii viridis rigidi, dein subflaccidi, ob lacinias reflexas aperti, ad basin ramorum propullulant.

1188⁷⁰⁰₇₀₁ **IUNGERMANNIA** *scalaris*: surculo ascendente suberecto, foliis rotundatis concavis erecto-patentibus, amphigastriis lanceolato-subulatis.

I: *scalaris* *Hook jung.* t. 61?, at non *Fl. dan.* et *Schrad.*

Hab. in marginibus terrenis arenosis Saltdalen Nordlandiæ rarius e. gr. in Fiskevaagmoen ad flumen.

Planta hæcce semipollicaris, tota albida et pelucida, sat rigida sed fragilis, innovationibus saltem erectis, reticulo grandissimo angulato, amphigastriis patentibus a basi triangulari lineari-subulatis apice obtusiusculo insignis est. Etsi iconem citatam Hookeri ipse non vidi, de synonymo vix dubito, cum ob amphigastria alia esse vix possit. In innovationibus annotinis, ubi radicali adhuc desunt, amphigastria imprimis manifesta,

717 **IUNGERMANNIA** *Taylori*: surculo erecto radiculoso, foliis oblongo-orbiculatis (siccitate punctatis) inferioribus revoluto-convexis, superioribus conniventibus, amphigastriis late subulatis calycibus ovatis apice compressis truncatis bilabiatis).

I. *Taylori* *Hook. jung.* t. 57.

I. *Sphagni* *Whlbg. fl. lap.* n. 717, excl. syn.
Hartm. fl. scand. p. 441 excl. syn.

Hab. in paludibus, rupibus udis, ad rivulos inter muscos per Nordlandiam et Lapponiam ubique frequenter.

*) Modo Fasciculos I — X et XII — XV ex Monographia Iungermanniarum Britanniæ auctore Hookero conferre mihi licuit.

Priori triplo vel quadruplo major, modo amphigastria minora. De synonymis nullum mihi est dubium. Non solummodo cum icone Hookeri, sed etiam cum speciminibus anglicis Iungermanniae Taylori plantam nordlandicam contuli, et plane eandem esse inveni. Stipulae etiam re vera adsunt, etsi minutae et inter radiculos occultae. Reticuli areolae grandissimae, quae ex re folia sicca punctata. Miror quod Cl. Hartmann I. c. dicat: stirpem anglicam differre areolis minutissimis, et (quod nullum dubium de veritate synonymi apud cum excitetur) licet hoc ut nota principalia ab auctoribus anglicis de eorum *J: Sphagni* afferatur. Stirps nostra quidem inter muscos, et imprimis inter Sphagna serpit, sed erecta, caespites densos formans, apicibus turgidis saepissime purpureis insignis. Simillima *I. anomala*, Norvægiæ australioris incola, differt: surculo supra Sphagnum repente foliis oblongis, modo rotundatis, modo acutis, colore viridiori. Calyces Iungermanniae Taylori simillimi scilicet tubulosi apice compressi truncati. An hujus loci *I. Sphagni Germanorum*? Cfr. Ann. Cl. Hookeri ad t. 33.

11897: IUNGERMANNIA compressa: surculo erecto rigido diviso, foliis bifariis orbicularibus, summis majoribus subreniformibus subrepandis planiusculis erectis adpressis (calycibus terminalibus perichætio immersis).

I: compressa Hook. jung. t. 58.

Hab. in rupibus udis inter muscos Saltdalen Nordlandiæ rarius.

Planta mea pollicarem altitudinem non excedit, nec adeo purpureo coloratum est, ut icon Hookeri, sed his quoque rebus a descriptione Hookeri modo discrepat. Alia tamen esse non potest ob: surculum rigidum (non fragilem) crebre divisum, a foliis denudatum denigratumque basi persistentem. foliis magnis, quam ea I: crenulatae duplo majoribus et I. Taylori fere æquantibus, erectis adpressis. Folia apice saepissime subrepanda vel leviter retusa, alias integerrima. Amphigastria minutissima in innovationibus ope lentis simplicis videre visus sum, sed sub vitris

compositis eos distincte discernere mihi nunquam contigit.

720⁷⁸⁴ IUNGERMANNIA *quinquedentata*: surculo adscendente diviso, foliis subquadratis subquadrifidis undulatis plicatis, amphigastriis bipartitis fimbriatis, calycibus terminalibus tubulosis ore constrictis dentatis.

I. *quinquedentata* Whlbg. *fl. lap.* n. 720. *ups* n. 800. *W. et Mohr crypt. germ.* p. 330. *Web. prd.* p. 88. *Lin. sp. pl.* 2 p. 1598.

I. *barbata* Hook. *jung.* t. 70. *Schmid. ic.* t. 48. *Michel. gen.* t. 5 f. 11 ex Whlbg.

Hab. in sylvis imprimis acerosarum per Nordlandiam Lapponiamque ubique frequenter.

Amphigastria in hoc detegere semper mihi contigit, sed in apice, ubi radicle desinunt, quærenda sunt. Bipartita, laciniis lanceolato-subulatis undique laciniis filiformibus fimbriata. Hæc species ceteroquin quam maxime variat magnitudine foliis densioribus remotioribusve, 2—5 dentatis. Varietatem erectiusculam in Lapponia pitensi habitu gentiliori insignem surculis longis subdichotome divisis angustis subulaceis, foliis trifidis rarius quadrifidis, amphigastriis magnis frequentibusque legi. Hæc. sine dubio I. *Florkci*. Descriptioni Wahlenbergii, at non iconi, optime convenit. Sed vix ab hac specie distingui potest.

706 IUNGERMANNIA *taxifolia* Whlbg. *fl. lap.* n. 706, ubi vide.

Valde sum proclivis cum Cl. Hartmanno (*fl. scand* p. 438) hanc ut varietatem I. *albicanti* associare, nam si medium folii hyalinum in I. *albicante* exceperis, nullum discrimen invenies. Specimina satis longa hujus quoque dantur, sed semper aliquid angustiora. Semel unicum specimen solitarium I. *albicantis* ♂: medio folio hyalino in Nordlandia reperi.

709 IUNGERMANNIA *resupinata* Whlbg. *l. c.* n. 709, ubi vide.

I. *umbrosa* Hook. *jung.* t. 24.

1190⁷⁹⁹₇₁₀ IUNGERMANNIA *Dicksoni*: surculo erectiusculo subsimplici filiformi, foliis inæqualibus bilobis, lobis conduplicatis, inferioribus majore

ribus utrisque ovatis integerrimis acutis, (calycibus terminalibus plicatis ore contracto dentato).
I. Dicksoni Hook. jung. t. 48

Hab: in terra arenosa crypta humidaque Saltdalen Nordlandiæ.

Minutie ab omnibus affinibus discernitur. Surculi tenuissimi, *I. byssaceæ* vix æquantes, cæspitosi erecti 3—4 lineares una cum foliis vix ad medium fissis laxioris substantiæ et vivide viridis coloris sunt. Ab icone Hookeri unice foliis non adeo profunde fissis paulisper differt.

714 IUNGERMANNIA inflata: foliis subrotundis concavis subdistantibus acute bifidis, lobis obtusis subinæqualibus, calycibus pyriformibus ore contracto dentato.

I. inflata Hook. jung. t. 38, Huds. angl. ex Hookero. Whlbg. fl. lap. n. 714?

β palustris: surculis simplicibus filiformibus, foliis remotis oblongis, lobo inferiore minore

Hab. in rupibus udis sylvisque humidis; *β* copiose in paludibus subalpinis Nordlandiæ et Lapponiæ pitensis.

Cl. Hookeri icon et descriptio convenientissima, sed de synonymo Wahlenbergii dubius sum, quia dicit: "lobis acutiusculis", et forsan majori jure ad hanc referri potest: *I. Funckii Whlbg. l. c. 713.* Planta texturæ mollis intense viridis, foliorum lobis uno fere semper altero majori, quod etiam bene expressit Cl. Hooker in fig. 4. Caulis adscendens et erectus.

Var *β*. valde insignis, sed ab hac divelli non potest. Ubi loco semper aqvosio crescunt, surculi cæspitosi erecti tenues simplices ad 3 poll. longi molles texturæ laxæ vivide, sed dilute virides, evadunt; ubi vero aqua interdum deficit, virescenti nigri procumbentes limum quasi panno tegunt, sed de cætero haud diversi. Folia disticha remota alterna oblonga acute bifida, lobis uno altero evidenter majore obtusis, inferiora confertiora, superiora remotiora. Calyx clavato-cylindraceus ore connivente dentato. Sporangium oblongum.

1191 IUNGERMANNIA laxifolia: surculo erecto simpliciusculo filiformi, foliis distantibus subquadrifariis erecto-patentibus ovatis acute bifidis, calyce clavato-oblongo, ore contracto dentato.

I. laxifolia Hook. jung. t. 59.

Hab. in rivulis subalpinis Nordlandiæ saltensis rarius.

Surculi cæspitiosi nigro-virides erecti tenuissimi cum foliis irregulariter ad omnia surculi latera dispositis hanc statim eximiam reddunt 1—2 poll. alta nuda sine ullis radiculis, plerisque tenuior. Reticulum ut in *I. bicuspidata* laxissimum, ut etiam in caule opus vasculare appareat. Calyces pro ratione magni. Folia perichætialia cæteris similia.

1192 IUNGERMANNIA curvifolia: foliis subrotundis erectiusculis valde concavis bifidis, laciniis acuminatis incurvis, calyce in ramis propriis brevissimis.

I. curvifolia Diks... *W. et Mohr cryp. germ. p. 423. Web. prod. p. 76. Hook. jung. t. 16.*

Hab. in terra limosa sylvatica inferalpinorum Nordlandiæ saltensis rarius e. gr. in Fiskevaagmoen Saltdalen.

Planta gracilis. Rami erectiusculi subcæspitiosi.

1193 IUNGERMANNIA excisa: caule prostrato subsimplici, foliis patentibus subquadratis profunde emarginatis, calycibus terminalibus oblongis albidis rufescentibusque, ore plicato dentato.

β. crispata: foliis longitudinaliter undulatis, segmentis inæqualibus crispatis. *Hook. jung. t. 9. Hart. fl. scand. p. 440. Fl. dan. t. 1715, 1.*

?*I. dubia* et *Ehrhartiana* *Web. prod. p. 79, 81?*

Hab. in sylvis imprimis in ligno putrido, sed etiam in terra humida per Nordlandiam saltensem et Lapponiam pitensem fere ubique.

Valde miror, quod hæc stirps vulgatissima oculatissimum Wahlbergium plane effugere potuerit.

1194 IUNGERMANNIA ventricosa: caule prostrato subramoso, foliis patentibus subquadratis obtuse emarginatis, calyce terminali concolore subsphærico, demum oblongo-ovato, ore contracto dentato.

I. ventricosa Hook. *jung. t.* 28. *Diks. fasc.* 2 p. 14. *Dill. Musc.* 1. 70 f. 14.

I. bicorpis Hoffm. *fl. germ.* 2 p. 89. *Fl. dan.* t. 888. b.

I. globulifera Roth. *germ.* 3 p. 379.

Hab. in terra humida sat frequenter in Saltdalen Nordlandiæ.

Magnitudinæ et directione foliorum magnopere variat. Surculi interdum subplani. Difficillime a priori secernitur, at tamdiu quam seorsim enumeratur dignosci debet: mole majori, foliis sæpissime remotioribus, obtuse et levius emarginatis, uno margine convexo, altero subconcavo. Glomeruli pulverulenti in apicibus foliorum vix huic, ut vult Cl. Hooker, unice propria, nam specimina pulverulenta, quæ ob calycem ad *I. excisam* trahi debent, habeo. Rarius priori et imprimis rarius fructifera obvenit. Synonyma ex opere Cl. Hookeri desumta sunt.

1195 *JUNGERMANNIA pusilla*: surculis prostratis simpliciusculis; foliis horizontalibus subquadratis undulatis 2—3 lobis, calycibus terminalibus campanulatis.

I. pusilla Lin. *fl. svec. n.* 1050. *W. et Mohr. cryp. germ.* p. 429. *Web. prd.* p. 87. *Whlbg. fl. ups. n.* 814. *Fl. dan. t.* 1717. *Hook. jung. t.* 69. ex *Fl. dan.*

Hab. in terra uda ad latera montium Saltdalen Nordlandiæ.

Autumno calycibus pulchre ornatam inveni.

1196 *JUNGERMANNIA crenulata*: caule procumbente subramoso, foliis suborbicularibus conniventibus, calyce terminali obovato longitudinaliter quadrangulati-compresso.

I. crenulata Hook. *jung. t.* 37. *Engl. bot. t.* 1463 ex Hook.

?*I. Sphagni* β minor *Whlbg. fl. lap. n.* 394?

Hab. in terra arenosa sterili tum Nordlandiæ saltensis, tum Laponiæ pitensis.

Plerumque rufescit hæc species. Insignis est foliis suborbicularibus reticulo marginum quadrangulati, quod tamen etiam in aliis Jungerman-

niis rotundifoliis e. gr. *compressa* observatur. Folia versus apicem conferta imbricata. An ad hanc an ad *I. scalarem* referri debeat synon. *Wahlenbergii* pro certo dicere non audeo. Differt illa ab hac: amphigastriis, caule erectiusculo etc.

1197 JUNGERMANNIA *pumila* β . *nigricans*: caule adscendente ramoso, foliis subremotis horizontalibus concavis elliptico-ovatis, (calyce oblongo-ovato acuminato).

J. pumila β . *nigricans* *Hook. jung.* t. 17. f. 7, 8, 9. optima.

Hab. in terra interqve muscos ad fontes et rivulos inferalpinos Saltdalen Nordlandiæ rarius.

Surculi angusti, 3-5 lin. longi dorso radiculoso. Folia intense viridia et nigro-viridia oblongo-rotundata, reticulo denso tenui. *I. scalaris* *Schmid.* foliis convexis suborbicularibus differre videtur.

1198 JUNGERMANNIA *cordifolia*: surculo erecto flexuoso dichotomo, foliis cordiformibus erectis concavis subcircumvolutis, (calyce terminali axillariqve).

J. cordifolia *Hook jung.* t. 32. opt. *Fl. dan.* t. 1775, 1.

Hab. in rivulis subalpinis Nordlandiæ saltensis passim copiose ex. gr. in Saltdalen.

Nulli alii affinis. Modo leviter inspecta cum *I. undulata*, quam magnitudine et crescendi modo æquat, confundi potest. Intense viridis, siccata nigrescit. Adeo flaccida et substantiæ laxæ ut siccata in aqua difficulter perfecte reviviscat. Folia non cordata, sed cordiformia s. quadrato-ovata obtusa. Surculi passim stolones laterales emittunt, quibus evolutis dichotome divisi evadunt.

1199⁷²³₇₂₄ JUNGERMANNIA *pingvis*: fronde oblonga decumbente enervi carnosâ sinuata divisaqve, calyce ex inferiore parte prope marginem egrediente brevissimo, perisporangio exserto cylindrico. *J. pingvis* *Lin. svec.* n. 1048. *Leers. herb.* p. 53. *W. et Mohr. crypt. germ.* p. 432. *Web. prod.* p. 93.

Fl. dan. t. 1428. *Hook. jung.* t. 46 opt. *Dill. musc.* t. 74. f. 42. (excl. fig. K. R. S.)

J. fronde foliosa lacera ex latere florifera *Hall. helv.* n. 1884.

β. angustior: fronde elongata sublineari, simplici-
citer vel subpinnatim ramosa *Hook. jung.* t. 46, 2.

Hab. in argillosis udis Saltdalen Nordlandiæ passim.

Frons spongiosa supra planiuscula, subtus convexa fragilis vivide viridis. An calyx marginalis, an inferus, difficile perspicitur. Sporangia oblonga.

728 JUNGERMANNIA *Blasia* *Hook. jung.* t. 81. *Whlb. fl. ups.* n. 818.

Blasia pusilla *Whlb. fl. lap.* n. 728, ubi vide.

726 MARCHANTIA *hemisphærica*: *Whlb. fl. lap.* n. 726, ubi vide.

Hab. quoque in terra umbrosa ad rupes per Nordlandiam saltensem passim frequenter.

1200 MARCHANTIA *conica*: receptaculo femineo integro ovato-conico subangulato, masculo sessili. *W. & Mohr crypt. germ.* p. 390. *Web. præd.* p. 105. *Hedw. theor.* t. 27. f. 3-5. t. 28. *Lin. sp. pl.* 2 p. 1604. *Dill. musc.* t. 75. f. 1.

Hab. in marginibus terrenis et saxis ad rivulos inferalpinos Saltdalen Nordlandiæ frequenter.

Mense Junii receptacula novella in ampulla hyalina squamis reniformibus purpureis stipata, sessilia et subglobosa reperiuntur et Targioniam eximie referunt. Autumno receptacula novella efformata sunt, et primo vere vigent moxque effoetæ statim evanescent. Calyces proprii s. calyptræ vere adsunt. In planta nondum matura calyx proprius albus hyalinus arctissime pedunculum sporangiumque obvelat includitque. Cum loculamentorum substantia removeatur, nudi apparent et pedunculi et germen, sed si inter digitos premuntur, prosilit germen cum pedunculo et remanet saccus ille tenuissimus albus pellucidus. Cum maturuerit & erupuerit germen, calyx intra fines loculamenti transversaliter dirruptus remanet, et tubulosus pedicellum & basin germinis includit. In liqore interno receptaculorum masculinorum *Vibriones Angvillulas* *Muell.* inveni.

1201 MARCHANTIA *cruciata*: loculamentis nudis oppositis f. cruciatis tubulosis cristatis hyalinis.

M. cruciata *Lin. sp. pl. 2. 1604. Dill. musc. t. 75. f. 5.*

Hab. in terra rupium et in collibus ad pedes montium callidissimarum Saltdalen Nordlandiæ ex. gr. supra ædes pastorales copiose una cum *M. pilosa*.

Planta hæcce rarissima nitidissimaque biennis, medio mensis Junii florens, mox deflorescit et perit. Frondes iis *M. hæmisphericæ* minores, virides mox pallescentes, erassiusculæ, substantiæ substratæ solidæ, alias tubulosæ, subtus nervo purpureo radiculis dense tecto. Pedunculus teres flexuosus hyalinus ratione stirpis crassissimus ut pote *M. polymorpha* crassior. Loculamenta 2 opposita f. 3-4 cruciatim, centro alterum alteri affixum, pileo nullo tecta tubulo a supra carinata apice transverse fissa, e qua fissura erumpit germen ferrugineo-rufum globosum, pedicello brevi viridi, in lacinias 8-9 sese findens, nulla calyptra s. calyce proprio stipatum, sed junius viride nondum e loculamento eruptum apiculo setiformi quasi stylo caduco terminatum est. Loculamenta flavescenti-alba subhyalina, sæpissime modo duo fructifera, uno vel duobus sterilibus adstantibus, fimbriis ornata. Fimbriæ hæc vera corona pedunculi inter pedunculum et loculamenta affixæ et in nulla conjunctione cum germinibus sunt.

ORDO III ALGÆ.

LICHENES *)

1202 ~~732~~ VARIOLARIA *communis* crusta cartilaginea lævigata demum iæqvabili cinerascenti-albida, sorediis immarginatis albis pulverulentis.

*) Genera plurima (sive ut Genera sive ut subgenera consideres) et nomina Achariana ut a plurimis recepta retinui, cum locus novi systematis condendi hic non sit. Nonnulla tamen invitâ prorsus naturâ ab Achario condita e. gr. *Urceolariam*, *Gyalectam* *Porinam*, *Pyrenulam* suis affinibus associavi. *Lecideam* notione Acharii retinui, cum novum genus *Biatora* Fries hoc loco adoptare noluerim.

V. communis Ach. syn p. 130. *Fl. Lief.* n. 170.
Whlbg. fl. nps. n. 974.

Lichen fagineus Ach. *prd.* p. 27. *Lin, fl. sv.* n. 1066. *Whlbg. fl. carp.* n. 1235.

Hab. in truncis Arborum, imprimis Betulæ et Alni usque ad subalpinam regionem per Nordlandiam frequentius.

Variolæ sphæroidæ et planæ. Jam Cl. Flörke l. c. inter hanc et *V. discoideam* (amaram Ach. syn.) permutationem apud Cl. Acharium irrepisse observavit.

733 *LECANORA parella* β *pallescens*: crusta rugosa lævi, apotheciis regularibus disco pallido.

L. parella β *pallescens* Ach. syn. p. 169.

Lichen pallens Ach. *prd.* p. 36. *Whlbg. fl. ups.* n. 828. *carp.* n. 1236. *Lin. fl. svec.* n. 1071.

Hab. in arboribus ubique per Nordlandiam saltensem, sed vix altius versus alpinam regionem quam Sorbus ascendit.

Solummodo crusta parum crassiori a var. γ *upsaliensi* differt, et si ab aliis ut species distincta, et quidem nuperime a *Wahlenbergio* in fl. ups. relata non esset, vix memoratu digna. At hæc duæ varietates unitæ unam insignem varietatem *L. parellæ* sc. crusta tenui, apotheciis regularibus, disco lutescente ob substantiam internam luteam, (quæ in α vix pallida) constituunt. Hujus crusta etiam interdum sorediis pulverulenta; in hoc statu semper a formis subsimilibus *L. tartaræ* dignoscitur: sorediis albis f. pallescentibus, nunquam flavis s. ochraceis.

734 *LECANORA tartarea* δ . *grandinosa*: crusta cartilaginea verrucoso-granulata, verrucis subglobosis glabris.

L. tart. β *grandinosa* Ach. syn. p. 172.

Hab. in truncis Juniperi ad latera montium inferalpinorum Saltdalen Nordlandiæ rarius sterilis.

1203 $\frac{2}{3}$ $\frac{1}{2}$ *LECANORA bryontha*: crusta tenuissima alba, glebulis globosis seu papillæformibus subpulveraceis adspersa, apotheciis planis rugulosis pallidis, marginem thallodem demum obtinentibus.

L. bryontha Ach! syn. p. 156. Lich. un. p. 392; (excl. syn. Whlbg.)

Hab. in muscis subdestructis per Nordlandiam saltensem rarius.

Crusta subicularis sæpe inconspicua; glebulæ intra cutem tenuem massam pulveraceam includentes sæpe ita elongantur, ut papillæ evadant, quorum ex apice erumpunt apothecia opaca; madida tumida subgelatinosa et pellucida, ascis albidis maximis referta. Tamdiu incorrupta sunt, semper pallida. Ætate provecta Lecideæ speciem omnino mentitur.

1204 ⁷⁹⁵ ⁸⁰⁰ **LECANORA** *symmicta*: crusta subgranulata sulphurea, apotheciis planiusculis demum convexis difformibus subglobosisque pallide luteolis fusciscentibusque, margine thallode juniorum tenui integerrimo evanescente. Ach. syn. p. 340.

L. varia var. *symmicta* Ach. lich. un. p. 379.

L. anomala var. *ochrostoma* *ibid.* p. 383.

Lecidea symmicta Ach. syn. p. 36.

β leprosa: crusta tartareo-granulata, granulis in pulverem virescentem fatiscentibus.

L. symmicta β. leprosa Ach. syn. p. 340.

γ. apochroea: crusta disperse granulata, apotheciis e granulis erumpentibus et ab iis marginatis, disco planiusculo pallido, virescenti, livescenti-fusco nigroque marginem thallodem tenuem sulphureum demum suboccludente.

L. summieta γ. apochroea Ach. syn. p. 340.

L. apochroea *ibid.* p. 162 (excluso syn. Flörkei) lich. un. p. 138 (*Spiloma Vitiligo* et *sorediatum*).

L. varia var. *ravida*, *apochroea* et *pinara* Ach. lich. un. p. 378, 379.

Parmelia cerina δ. ravida Ach. meth. p. 175.

Hab. *α* in truncis arborum frondosarum frequenter; *β*. in parietibus vetustis; *γ*. in ramis decorticatis et cortice Pini per Nordlandiam saltensem inferalpinam.

Est quasi species inter *L. variam* et *Ehrhardtianam* media. Var. *β* modo forma crusta luxuriante ideoque rarius fructificans. Var. *γ. e-con-*

trario adeo diversa, ut vix magnopere erret, qui seorsim eam enumeret. Subicularem crustam albam sorediferam, in qua sæpe provenit, ad eam non pertinere, luculenter demonstratur, ubi in cortice Pini proveniat. Crusta e granulis dispersis, sæpe minutissimis constat. Ex his, rupto apice, procedunt apothecia, qualem efformationem in var. α observare mihi nunquam contigit. In cortice Pini proveniens apotheciis minutis ornata est.

1205 $\frac{735}{38}$ LECANORA *Ehrhardtiana* β *polytropa*: crusta cartilaginea pallida granulato-areolata, apotheciis planiusculis margini tenui flexuosis lobatisque demum subglobosis carneo lutescentibus flavescentibusque.

Lecidea Ehrhardt. β *polytropa* *Ach. syn.* p. 47.

Lecidea polytropa *Ach. meth.* p. 72.

Lichen varius β : *maculiformis* *Whlbg. fl. lap.* p. 403 (excl. synonym. Hoffm.)

Lichen polytropus *Ehrh.*

Hab. in saxis rupibusque inferalpinis et alpinis per Nordlandiam et Finmarkiam ubique.

Crusta et apothecia nitida. Color apotheciorum in summa senectute in carneum et subferrugineum, sed nunquam in viride fuscum nigrumve abire potest. A *L. Ehrhardtiana* secerui nequit, quia præter colorem nil similius esse potest quam horum apothecia. Vera quoque *Lecanoræ* sp., quod etiam Cl. Wahlenberg agnovit, sed ob crustam subconcolorem cartilagineæ substantiæ margo proprius apparet, etsi vere thallodes est. Quoad crassitudinem crustæ admodum variat, cum interdum rimosa, interdum subnulla.

1206 $\frac{735}{38}$ LECANORA *mutabilis*: crusta diffracto-areolata opaca pallide sulphurea, areolis rugosis subcrenulatis, apotheciis adnatis planis demum convexis virescenti-pallidis viridibus fuscisque, margine thallode tenui flexuoso persistente.

L. intricata *Ach! syn.* p. 154. *Fr! lich. exs.* n. 101.

Hab. in saxis micaceis, imprimis prope littora per Nordlandiam saltensem.

Nitoris defectus, color apotheciorum, margo, etsi tenuis, persistens notæ sunt unice constantes, quibus hæc variabilis ab antecedenti variabili dignosci potest. Diu hæsitavi, anne eos conjungerem; sed illa ab *L. Ehrhardtiana* secerni, hæc cum ea conjungi nequit. De synonymo Acharii specimine*) certus, sed cum Cl. Flörke meum Lichenem novam speciem agnoverit, vereor, ut synonymon *Schraderi* (*Lichen intricatus* Tourn. f. d. bot. 1: p. 72) ad hunc pertineat, et hanc ob rem nomen meum retinui. A. *L. sulphurea* differt crusta cartilaginea, apotheciis nunquam subpruinosis; margine evidentiori persistenti.

1207 ^{2 2/3}/_{3 3/8} **LECANORA** *ocrinæta* β *conglobata*: crusta rugulosa tuberculosaque rimosa pallescente, apotheciis submembranaceis flexuosis disco flavescenti-ochraceo, demum convexo difformi tuberculatoque marginem thallodem tenuem pallidum subobtegente.

Cfr. *L. ocrinæta* Ach. syn. p. 162.

Hab. in saxis micaceis circa Fiskevaag Saltdalen Nordlandiæ rarius.

Disco apotheciorum confertorum magno ochraceo opaco margine pallido ocellato mox distinguitur. Etate subpruinosis, margine flexuoso lobato. Hujus speciei esse declaravit Flörke.

1208 ^{7 2/3}/_{3 3/8} **LECANORA** *leucococca*: crusta effusa granulato-verrucosa pallescenti-alba, granulis margine subcrenulatis, apotheciis planis pallidis subvirescentibus margine thallode albo subflexuoso.

Hab. in rupibus schistosis circa sinum saltensem Nordlandiæ passim.

Granula crustæ modo aggregata, modo dispersa convexa; iis adnata sunt apothecia minora, habitu fere Lecideoidea, cum margo thallodes a disco quasi illitus, ejusdem substantiæ esse videatur. Ex crusta vero re vera oritur, quod etiam in aliis speciminibus ab exteriori parte manifeste apparet. An *L. livida* Ach. hujus loci?

*) Cum speciminum Acharianorum mentionem facio, quæ in herbario Cl. h. Swartzii, huic ab illo data, intelligo.

1209 $\frac{7}{11}$ LECANORA *Sommerfeltiana*: crusta tar-
tarea rimulosa subpulverulenta alba, apotheciis
elevatis livido-carneis subpruinosis, disco plano
denum convexiusculo, margine thallode tenui sub-
integerrimo.

L. Sommerfeltiana Fl. Ms.

β . *macra*: crusta lævigata subgranulata, apotheciis
margine elevato crenulato.

Hab. in rupibus micaceis et calcareis; α . in rupibus
ab imbribus magis absconditis, β . in rupibus eis
magis expositis circa sinum saltensem Nordlandiæ
passim copiose.

Maculas pollicares, etiam minores confertas
candidas cretaceas subeffiguratas in rupibus effi-
cit. Apothecia minuta flexuosa madida subpel-
lucida valde tument et ampliantur. A *Lec.*
Swartzii differt colore et minutie apotheciorum
p. p. Var. β . satis diversum præbet habitum, ad
L. angulosæ formas accedens, sed est modo for-
ma ab imbribus et sole trita, qva re totus lichen
durior factus est: crusta subcartilaginea lævigata,
in granula magis diffracta, margine apotheciorum
rigidore crenulato flexuosoqve. Ab Ill. Flörke
ut sp. nova etiam in Germaniæ montibus obvia
agnita est.

1210 $\frac{7}{25}$ LECANORA *albella* β . *cinerella*: crusta
tenui effusa continua membranacea subrugosa ci-
nereo-lactea, apotheciis confertis minutulis plano
convexis subpruinosis albido-pallidis demum fus-
co-incarnatis, margine thallode tenui subevanido
Fl. Liefr. n. 88.

L. angulosa b. *leptyrea* Ach! syn. p. 167.

L. angulosa α *leptyrea* Ach. lich. un. p. 364.

Lichen angulosus Whlbg. fl. carp. n. 1243.

L. pallidus Hagen hist. lich. t. 1 f. 6.

Hab. in Alnis Salicibus etc. inferalpinorum circa si-
num saltensem Nordlandiæ ubiqve copiose.

Colore pallidiore imprimis a *L. angulosa* dig-
noscitur, ut etiam vulgo: apotheciis minoribus
margineqve tenuiore, etsi sat magna et flexuosa in
Populis ad Bodöe legi.

1211⁷³⁵/₃₅ **LECANORA** *carneolutea*: crusta tenui submembranacea lævigata canescenti-alba, apotheciis subinnatis, disco plano dein convexo ruguloso pallescente, margine thallode tenui subinflexo crenulato demum occluso.

L. carneolutea Ach! *syn.* p. 171. *lich. un.* p. 374.

Parmelia carneolutea Turner, . . . *Engl. bot.* t. 2010 (ex Achar.)

Lecidea prouberans Somrf. *in lit.*

Hab. in cortice Alnorum Betularumque in inferalpinis Saltdalen Nordlandiæ frequenter; in Lapponia pitensi supra Arjeplog rarius.

E crusta lævigata subcartilaginea tenui apothecia minora disco subspongioso, a crusta rupta marginata erumpunt. In junioribus margo ideo inflexus, sed mox, disco progrediente, omnino occluditur, et nisi sæpe scutellæ vacuæ a crusta formatæ, disco elapso, cernebantur, *Lecideæ* species haberetur, necesse erat. In crusta tenui adest tamen stratum fæculiferum viride. De synonymo Achariano certus, viso specimine.

1212⁷³⁵/₃₅ **LECANORA** *unicolor*: crusta tartarea inæqvabili rimosa subcartilaginea areolis plicatis, livido-sulphurea, apotheciis superficialibus planis disco carneo-pallido rore cæsius marginem thallodem crassiusculum æqvante, demum convexo marginem occludente.

Hab. in lateribus saxorum absconditis in summis alpibus e. gr. Baadfjeldet Saltdalen Nordlandiæ rarissime.

Ubi crusta crassior, tartarea rimoso-areolata, ubi tenuior, granulata, granulis lævigatis; ubi granula parce adsunt, fibroso-radiata. Apothecia ætate, rore deraso, nigrescunt, interdum lobato-diformia, imo semel botryosa. *L. cenisiæ* f. *rugosæ* proxime adstat.

1213⁷³⁵/₃₅ **LECANORA** *lutescens*: crusta effusa tenui membranacea lactea, granulis virescenti-pallidis pulverulentis adpersa, apotheciis disco planiusculo carneo-pallescenti, margine flexuoso pulverulento.

L. lutescens Ach. *syn.* p. 168 *lich. un.* p. 367.

L. elatina Ach. *lich. un.* p. 387.

Parmelia lutescens Flörke!

Lepraria leiphaema et *sulphurea* Ach. syn. p. 330.

L. leiphaema Flörke! Lief. n. 60.

Lepra sulphurea Ehrh.

Parmelia sulphureo-nigricans Fl! huius var.

Hab. in cortice vetusto Betulae in inferalpinis Nordlandiae saltensis rarius.

Collatis speciminibus Flörkeanis *Lepr. leiphaemae* et *Lec. lutescentis* cum meis, in quibus crusta omnino eadem ac *L. leiphaema* Lief. n. 60. et apothecia eadem ac in *L. lutescente*, nullum mihi dubium est, quin *L. lutescens* unice granulis confertioribus subiculum album subobtegentibus differat. De synonymo *P. sulphureo-nigricantis* ab ipso Cl. Flörkeo certior factus sum. Cfr. quoque obs. ad *L. symmictam*.

4214. ³³⁶ LECANORA salicina: crusta granulata inaeqvabili flavescente, apotheciorum disco plano demum convexiusculo aurantio margine proprio integerrimo intra marginem thallodem tenuem crenulatum demum subexlinsum.

L. salicina Ach. syn. p. 175. Lich. un. p. 400.

Patellaria salicina Hofm. pl. lich. t. 61.

Lichen salicinus Whlbg. fl. ups. n. 832.

b. microthelia: crusta verrucosa papillataque.

L. salicina b. *microthelia* Ach. syn. p. 175.

Parmelia microthelia Ach. meth. p. 174.

Lichen flavorubescens Wither. (ex Achar.)

c. nudiuscula: crusta cinerascens. s. aubnulla.

Lecidea aurantiaca Ach. syn. p. 50. meth. p. 69.

Lichen aurantiacus Ach. prod. p. 44. Fl. dan. t. 955, 1. Whlbg. fl. ups. n. 833.

Biatora aurantiaca Fries in Act. Ac. holm. 1822 p. 275.

d. erythrella: apotheciis intense aurantiacis, disco elevatiore, margine proprio manifesto, thallodem subexcludente.

L. erythrella Ach! syn. p. 175. meth. lich. p. 174.

Verrucaria viridi-rufa et *flavovirescens* Hoffm. fl. germ.-pl. lich. t. 20 (ex Achar.)

Hab. a. et c. in truncis Populorum et Salicum frequenter; b. in muscis rarius; d. in rupibus calca-

reis et schistosis passim in inferalpinis circa sinum saltensem Nordlandiæ.

Cum *Cl. Acharius* var. *microtheliam* ne veram quidem varietatem censuerit, ceteræ illam honorem multo minus merentur. Apotheciorum indole, in caractere meo, ut credo, bene expressa optime distincta species. Toti speciei proprium quoque est, in patellis, disco elapso, novos discos, sæpe 2-3 denuum confluentes, provenire. Cuique observatori in loco habitationis utrasque cognoscenti patebit, *L. erythrellam* a *L. Salicina* modo ut formam saxicolam, æque ac *Lecideam aurantiacam* Ach. modo defectu crustæ flavescens sæpissime ætate et imbribus destructæ, differre. Var. *erythrella* eodem modo difformis obvenit. Interdum in rupibus granula sat magna subcrenulata; tum duplici apotheciorum margine a *L. lobulata* Fl. distinguitur.

1215⁷³⁶₇₃₇ LECANORA *lobulata*: crusta subfoliacea lobulata lutea, lobis brevissimis rotundato-crenatis, apotheciis confertis thallum subobtegentibus disco plano intense luteo, margine thallode regulari integerrimo.

L. lobulata Fl. Liefr. n. 14.

Hab. in rupibus meridiei expositis inferalpinorum Saltdalen Nordlandiæ passim e. gr. supra Storengen Fiskevaag.

Media inter *L. salicinam* et *murorum*. Dignoscitur: crusta granulata, granulis depressis subfoliaceis lobato-crenatis margine regulari elevato integerrimo. Tamen ætate discus convexus; quoque crusta oblitteratur, ut granula Foliaceam speciem amittant. Planta germanica prorsus eadem est ac planta nordlandica.

737 LECANORA *vitellina*: Whlbg. fl. lap. n. 737.

β. *coruscans*: crusta diffracto-granulosa, apotheciis confertissimis flexuosis crenatis lobatisve disco plano saturate vitellino.

L. vitellina β. *coruscans* Ach. syn. p. 174.

γ. *aurella*: crustæ granulis dispersis s. nullis; apotheciis minutis regularibus margine elevato integro.

L. vitellina γ . aurella *Ach. syn.* p. 175.

Parmelia murorum β . aurella *Ach. meth.* p. 193.

Verrucaria aurella et *byssina Hoffm. fl. germ.* p. 195.

Hab. β . in saxis lapidibus rupibusque soli obversis per Nordlandiam saltensem inferalpinam. Var α . etiam in muscis summorum alpium rarissime legi.

Var. β insignis est crusta crassiori et apotheciis majoribus subdifformibus a juventute crenatis, dein lobatis et crenatis. Apothecia in var. γ . magis quam duplo minora. *V. byssina Hoffm.* quam ad *Lecideam lutea-albam* γ . refert *Cl. Acharius*, nostra var. γ . sine crusta, apotheciis in bysso quodam nigro rupestri sedentibus, est. Species hæc facile disco plano concolori opaco, interdum supruinoso dignoscitur. *L. citrina*, huic valde affinis, disco aurantiaco, et granulis crustæ minutis subpulverulentis distingvi debet.

1216 LECANORA citrina: crusta granulato pulverulenta citrina, apotheciis adpressis planis aurantiis, margine thallode tenui subpulverulento.

L. citrina Ach. syn. p. 176, *Fl. Liefr.* n. 108.

Lichen citrinus Ach. prd. p. 73.

Verrucaria citrina Hoffm. germ. p. 198.

Hab. in saxis et lignis vetustis per Nordlandiam saltensem rarius.

In tigillis ætate protracta habitum satis alienum assumit. Crusta crassiuscula pulverulenta flavoviridis, demum viridis; apothecia majora plano-convexa aurantiaca nitentia subimmarginata,

741 LECANORA Acharii: crusta tenuissime rimosa ferruginea, rosea albidave, vigente intus aurantiaca, apotheciis minutis immersis rubellis dein fusco-nigris.

α genuina: crusta subdeterminata lævigata pallide-ochracea roseave, apotheciis planis subimmersis margine regulari integerrimo rubellis fulvisve.

Urceolaria Acharii Ach. prd. p. 33. fig. tit. *syn.* p. 137. *Whlbg. fl. lap.* n. 741. *ups.* n. 838. *Engl. bot.* 1087 ex *Achar.*

b. cyrtaspis: crusta determinata rufescenti-ochracea, apotheciis fuscis.

U. Acharii β . *cyrtaspis* *Ach. meth.* p. 151. *syn.* p. 137.

L. cyrtaspis *Ach. lich. un.* p. 397.

Lichen Acharii β *cyrtaspis* *Whlbg. fl. lap.* p. 405.

Lichen punctatus *Engl. bot. t.* 20 ex *Ach.*

β . *rhodopis:* crusta subeffusa subtartarea inæquabili pulveracea qve roseo-albida, madida intus aurantia, apotheciis minutis immersis irregularibus immarginatisqve.

b. melanopis: apotheciis superficialibus submarginatis fuscis.

c. depressa: crusta tenuiore subæquabili rimulosa cinerascens-pallida, apotheciis minutis nigro-fuscis elevatis irregularibus disco depresso.

Sagedia depressa *Ach. syn.* p. 134.

Hab. α in lapidibus rupibusqve quarzosis fluminum et inferalpinorum et alpinorum Nordlandiæ et Fiamariæ. β in rupibus calcareis stillicidiis aquarum madefactis Nordlandiæ inferalpinae e. gr. Saltdalen frequenter; β . c. vero ibidem rarius.

Meam *U. rhodopin* cum *U. Acharii* *Ach.* modo post iterata examina speciminum per pluribus locis lectorum nullos fines determinatos stabilire permittentium conjungo. Differentia imprimis in crusta quærenda est. In var. β . crusta crassior laxioris substantiæ, quasi dissolutæ particulæ rupium calcariarum substantiæ crustæ immixtæ erant; Quia laxioris substantiæ quoniam etiam subpulveracea est, marginem adeo regularem quoque efformare nequit, quam ob rem discus ille roseus subgelatinosus subnudus in crusta nidulari videtur. Particulæ calcaris forsan quoque efficiunt, ut color ochraceus crustæ in superficie omnino evanuerit, et ad interiora repulsus sit. Modus idem, quo ætate mutatur, formas *b. b.* proferens, eas quoque ejusdem speciei esse ostendit, nam formæ: *cyrtaspis* et *melanopis* nil est nisi var. α , et β ., in quibus, et imprimis si locis proveniunt, ubi modo sicca modo madefacta soli exposita sint, apothecia magis elevata et obscurioris coloris ætate evaserint,

Crusta in varietate β . re vera subdeterminata sub-orbicularis, sed sæpissime orbis plures magnam rupis partem tegentes confluunt. In var. α . crusta omnino lævigata tenuis sicca rimulosa lapidi arcissime adnata est.

Forma β . c. *depressa* magis diversa apparet apotheciis elevatis annulatis, cum margines elevati subflexuosi nigri discum depressum suboccultantes annulos pusillos referant, attamen interna crustæ indoles (nam stratum aurantiacum etsi tenuius vere adest), et efformatio apotheciorum eam huc revocant. In rupe calcarea supra Fiskevaag Saltdalen rarius modo irrigata hæc forma habitavit, et ibi per plures annos eam observans de vera ejus indole et affinitate certior factus sum. Qvoad crustam var. α cum β . conjungit.

4217 $\frac{741}{742}$ **LECANORA** *granatina*: crusta tartarea rimoso-diffracta superficie granulosa fusco-rufescentes, apotheciis planis demum convexiusculis adnatis minutis coccineo-rubellis nitentibus, margine tenui plano integerrimo albido.

Hab. in saxis apricis inferalpinis, rarissime alpinis Saltdalen Nordlandiæ. Nunc demum qvovque in valle Valdere australioris Norvegiæ a me lecta.

Species nitidula ab aliis distinctissima. Crustæ natura difficulter describitur. Crassiuscula, tota e granulis parvis, interdum crenulatis composita et qvasi alba fuisset et rubro tincta esset videtur, nam puncta alba, qvasi tinctura detrita esset, plura intermixta sunt. Apothecia minuta granata parva in saxo referunt, madida subhyalina, margine thallode tenuissimo, rarius qvasi eroso s. subgranulato. *L. trapeliæ* Ach. mihi ignotæ proxime adstare videtur, sed ut speciem novam hanc qvovque agnovit Cl. Flörke.

4218 $\frac{741}{742}$ **LECANORA** *rubra*: crusta inæqvabili granulato-pulverulenta alba, apotheciis confertis concavis rubris, margine albo pulverulento subcrenulato.

L. rubra Ach. syn. p. 177. lich. un. p. 369.

Lichen Ulmi Ach. prd. p. 54.

L. marmoreus Engl. bot. t. 339. ex Ach.

Hab. supra muscos putridos terramque rupium inferalpinorum per Nordlandiam saltensem rarius e gr. sub Ravnflauct Saltdalen.

Apothecia madida carneo-rubella, dissecta tria produnt strata, quorum supremum aurantiacum pulvere superficiali albo, qui colorem aurantiacum in carneum seu rubrum transmatat; medium virenti-pellucidum; et infimum, quod crusta intus viridis substrata est. Maxime affinis *L. tartarea*, quasi inter hanc et *L. subfuscam* media.

744 LECANORA (*Lichen*) *sarcopis* Whlbg. fl. lap. n. 744. ubi vide. *Ach. syn.* p. 177.

Duæ occurrunt varietates:

α crusta granulata tenuiore pallescente, apotheciis parvis rubris.

β marina: crusta subnulla s. verrucoso-frustulosa livida, apotheciis demum subamplis, irregularibus livido-rubris.

Var. *β* semper in parietibus a mari non remotis occurrit, et speciem a *L. varia* distinctam *Lecanoræ Hageni* propiorem demonstrat.

742 LECANORA (*Lichen*) *hæmatomma* Whlbg. fl. lap. n. 742. excl. (?) post syn. VahlII).

L. hæmatomma β, porphyria *Ach. syn.* p. 178.

L. lacteus Fl. dan. t. 1185 f. 1.

1219⁷⁴³ LECANORA *hydrophila*: crusta granulata pallescenti-alba, granulis dispersis lævigatis subcrenatis, apotheciis adnatis planis rubris, margine thallode crassiusculo elevato integerrimo, demum discum æqvante crenulato.

Hab. in saxis a rivulis subalpinis interdum irrigatis Nordlandiæ meridionalis rarissime; ex. gr. in Jarbroelven Saltdalen.

Crusta *L. leucococcæ* haud absimilis, sed apothecia magis *L. subfuscam* var. *argentatam* referunt. Granula satis magna, rarius aggregata, interdum plicata, opaca. Apothecia mediæ magnitudinis, intus albida, madida rufo-fulva.

1220⁷⁴⁴ LECANORA *alpina*: crusta dispersa subtenui æqvabili rimosa pallenti-cinerea, apotheciorum disco immerso plano rufo, dein nigriscente margine thallode tenui integerrimo.

Hab. in saxis cacuminum alpestrium Nordlandiæ sal-
tensis rarissime, ex gr. in alpe Hekkelinden
Skjerstad.

Urceolaria species secundum normam Cl. Acharii.
Affinitas summa cum *L. cinerea*, sed ob colorem
apotheciorum hoc loco eam memoro. Sine
dubio adest subiculum tenue atrum, in quo areolæ
2-5 lineares rimosæ in medio apotheciis sat mag-
nis, *U. cinereo-rufescenti* multo majoribus pla-
nis opacis ornatae sedent. Ob crustam dispersam,
apotheciorumque colorem et marginem tenuem
non potest non a *L. cinerea* distingvi. Crusta
tenui applanata et apotheciis ab *U. cinerea - ru-
fescenti* mox discernitur.

1221 ⁷⁴⁶ ~~747~~ **LECANORA** *coarctata*: crusta effusa tenui
rimulosa rugulosa albocinerascente, apotheciorum
disco subimmerso, dein elevato plano nigrescenti-
rufo, margine thallode tenui irregulari inflexo,
demum subocculto,

L. coarctata cum var. *Ach. syn.* p. 150, 151.
lich. univ. p. 353.

β. ornata; crusta rimoso-areolata, apotheciis ru-
bris, demum atrorubentibus subimmarginatis.

Hab. in rupibus occultis et a terra parum prominulis
inferalpinis et subalpinis Saltdalen Nordlandiæ
frequenter; *β.* in rupibus schistosis ad Bodøe.

Var. *β.* satis diversa crusta crassiore, et apoth-
eciis pulchrius coloratis, subsanguineis, et margine
adeo ocluso, ut vix appareat. Areolæ crustæ
ad margines subeffigurate. Cl. Flörke etiam hu-
jus loci esse agnovit.

Formæ, quæ de cætero hic occurrunt, proprie
ad varietates Acharii pertinent, nam apothecia
minuta, margo nunquam tam elevatus, et crusta
albidior quam in var. *α* esse solet. Cæterum
parum modo differunt, et vix ut varietates dis-
tingvi merentur. Crusta interdum adeo tenuis et
subtiliter rugulosa ut ad pulveraceum accedat.
Apothecia minime atra, qualia describit Cl. *Acha-
rius*, sed juniora rufescentia, dein madida pallide
rufa, sicca nigrescenti-rufa. Margo siccando in-
terdum adeo coarctatur, ut apothecia globulum
minutissimum poro notatum referant; in madefac-

tis vero margo retrahitur discusque tumet. Cum nulla alia, saltem indigena, confundi potest.

747 LECANORA subfusca: crusta cartilaginea lævigata demum granulata inæqvabili albo-cinerascente, apotheciis subfuscis margine elevato integerrimo demum flexuoso crenulatoque crustæ concolori.

Lichen subfuscus *Whlbg. fl. lap. n. 747*, ubi vide synonyma.

Præter complures modificationes quoad colorem apotheciorum et crassitudinem crustæ sequentes hujus speciei varietates memorabiles occurrunt.

β. allophana: crusta cinerascenti alba granulata, apotheciis confertis pallide fuscis margine flexuoso.

L. subfusca g. *allophana* *Ach. syn. p. 153.*

a. pallide-fusca: apotheciis planis demum amplis subirregularibus margine elevato flexuoso crenulatoque. *Verrucaria pallide-fusca Hoffm. fl. germ. p. 181* sec. *Flörke in lit. et Ach.*

b. fusca: apotheciis confertissimis convexiusculis margine proprio tenui marginem thallodem suboccludenti.

V. fusca Hoffm. fl. germ. p. 181 sec. *Flörke in lit. et Ach.*

Hab. in saxis rupibusque inferalpinis Nordlandiæ saltensis.

Orbicularis, sed interdum adeo lata ut orbes diametri spithamæi efficiat. Crusta semper granulata, granulis modo magis modo minus confertis. Formæ *a.* et *b.* nullo modo ut distinctæ varietates discerni possunt, quia in ætate juvenili apothecia simillima sunt. Hujus loci vix est *L. atra* β. *expansa* *Ach. lich. un.* sed synonym. Hoffmanni modo ibi male citatum est.

γ epibryon: crusta cartilaginea rugosa inæqvabili alba, apotheciorum disco nigropurpurascenti nitido marginem thallodem tenuem elevatum integrum demum flexuosum æqvante.

Lichen subfuscus β. *bryontha Whlbg! fl. lap. p. 408* excl. syn. *Ach.*

L. epibryon *Ach. syn. p. 155. Lich. un. p. 336.*

Lichen epibryon *Ach. prd. p. 79* sed non *Whlbg.*

Lichen hypnorum *Wulf in Jacq. Coll. 4t. 7f. 4.*

Hab. in muscis destructis et supra plantarum radices in inferalpinis frequenter, in alpinis rarius. In caudicibus putridis rarissime.

De synonymis Ach. et Wulf. me quoque certiorum reddidit Cl. Flörke, et plantam Cl. Wahlenbergii ex ipsius specimine notam habeo, quare de synonymia nullum mihi dubium est; nec de loco seu affinitate, nam *L. subfusca* a. *argentata* Ach. adeo similis, ut ab ea ut species diversa minime discerni possit. Diversitas unice in margine apotheciorum tenuiore, sæpe æque elevato sed non adeo crasso vel tumido constat. Apothecia in *L. subf. a. argent*: etiam nitida, et quod in *L. epibryon* magis flexuosa seu irregularia sunt, e laxiori s. rugulosiori habitationis loco oritur. Specimina illa in caudice putrido lecta prorsus intermedia sunt.

♂. *flavescens*: crusta lævigata livido-albida, apotheciorum disco pallido s. flavescente plano dein convexo marginem thallodem integerrimum æquante.

? *L. subfusca* β *chlarona* Ach. syn. p. 158?

Hab. in truncis Betularum circa sinum saltensem exteriorem Nordlandiæ rarius; e. gr. Bodøe, Bertnæs.

Apothecia vix unquam fuscescunt, quare forsitan propria species, sed occasio iterata ejus observandæ mihi non erat, et multa communia cum *L. subfusca* habet. Ob marginem non crenulatum et discum non concavum de syn. Ach. dubius hæreo.

1222 *LECANORA obsoleta*: crusta subtartarea rugosa inæqvabili cinereo-pallescenti, apotheciis planis fuscis nitidis, margine thallode integro elevato albido.

? Lichen epibryon Whlbg. fl. lap. n. 749? (excl. omnib. synon.)

Hab. in terra e muscis putrefactis orta alpium saltalensium Nordlandiæ rarissime.

Species a *L. epibryon* Ach. distinctissima. Crusta cartilagineæ quidem substantiæ, sed crassiuscula et adeo rugosa, ut tartarea dici debeat. Ætate fuscescit. Apothecia parva regularia orbiculata, s. plana margine elevato integerrimo crusta

albidiori cincta. Characteri Wahlenbergii bene convenit, sed specimen illius plantæ nunquam vidi.

- 1223** *LECANORA angulosa*: crusta membranacea dein crassiuscula inæqvabili subrimosa albida, apotheciis plano-convexiusculis fuscis tandem margine flexuoso crustæ concolori subdifformibus. *L. angulosa* Ach. syn. p. 166.

Hab. in cortice arborum e. gr. Sorbi, Alni Nordlandiæ meridionalis rarius.

Apothecia semper nuda, attamen re vera hujus loci sunt, quod etiam Cl. Flörke affirmavit. Ab simili *L. subfusca* dignoscitur: crusta crassiori et apotheciis imperfectis nigro punctata.

- 1224** *LECANORA Hageni*: crusta cartilaginea tenui subgranulata albq-cinerascente, apotheciis confertis minutis, disco plano demum convexo fusco nigroqve cæsiopruinoso, margine thallode integerrimo.

L. Hageni Ach. syn. p. 167. *Fl! Lief.* n. 106.

Lichen Hageni Ach. pr. p. 57.

L. cærulescens Hagen lich. bor. p. 59 t. 1 f. 5.

b. crenulata: crusta tenui cinerascente, l. fibris ligni innata subnulla, apotheciis confertissimis, margine crenulato demum flexuoso cæsiqve pulverulento.

L. Hageni c. crenulata Ach. syn. p. 168.

L. Hageni δ. cyanescens Ach. lich. un. p. 368.

Parmelia cyanescens Ach. meth. p. 163.

β. sorbina: crusta tenui lævigata demum granulata inæqvabili, apotheciis minutis confertissimis pallidis, carneis fusciscentibusqve, subnudis margine thallode tenui dein evanescente.

L. Hageni b. syringeae Ach. syn. p. 168? lich. un. p. 368?

Hab. α in parietibus, tigillis, cortice Juniperi rupibusqve micaceis per Nordlandiam saltensem; β in epidermide Sorborum et Salicum imprimis juniorum versus radicem Saltdalen Nordlandiæ passim copiose.

Ab una parte hæcce species ad *L. subfuscam*: ab altera ad *L. sophoden* accedit. Quæ *L. sophodi* affinis est, ad varietatem *crenulatam* s: *umbrinam* lich. un. pertinet; Hæcce forma im-

primis apotheciis majoribus, confertioribus sæpe crustam subobliterantibus, margine crenulato insignis est. Var α . a *L. subfurca* apotheciis minutis, margine albidioris tenuiore, disco pallidioris sapissimeque pruinoso dignoscitur. Quæ in rupibus obvenit, lignicolæ similis est.

Var. β . *sorbina* ad *Lecideam cyrtellam* Fl. Lief. n. 162 *L. anomala* β . *cyrtella* Ach. syn. adeo accedit, ut, cum in adultis apotheciis margo thallodes evanuerit, vix distingui possint, et sine dubio ex iis unam novam speciem, *Lecanoram cyrtellam* constituere naturæ convenientissimum esset. Madefacta crusta viridis, apothecia subpellucida sunt. Margo nunquam tumidus, etsi manifestus. Inter varietates, quas descripsit Acharius, *b. syringææ* proxima affinis, sed non eadem.

1225 *LECANORA dispersa*: crusta leprosa subnulla, apotheciis parvis superficialibus dispersis, disco planiusculo pallido, cæsius fusciscentive, margine subtus libero elevato crenato albo.

L. dispersa Fl. Lief. p. 45.

Lichen dispersus Pers. in Ust. An. bot. 7. p. 27.

Ach. prd. p. 49

Parmelia dispersa Ach. meth. p. 169.

Lecanora galactina b. dispersa Ach. syn. p. 187.

Verrucaria dispersa Hoffm. fl. germ. p. 189. ex Fl.

Hab. in lapidibus calcareis in inferalpinis Saltdalen Nordlandiæ parcius.

Apothecia parva crenulata dispersa sine crusta mox dignoscuntur. Si *L. galactina* Ach. vere *L. angulosæ* forma est (cfr. Fl. Lief. n. 89) ab hac distinctissima.

1226 $\frac{1}{2}$ *LECANORA leptacina*: crusta effusa granulata, granulis cartilagineis lævigatis crenatis stramineis, apotheciis minutis disco plano olivaceo, margine thallode subtumido integerrimo.

Hab. in Andræis summorum alpium Nordlandiæ sal-tensis passim copiose.

Crustæ indole ab omnibus formis *L. atosul-phurææ* diversa. Margo rarius subcrenulatus ætate nonnihil recedit, cum discus procedat.

Madefacta nil mutatur, nisi quod apothecia quid fuscant, et rorem, quo tecta sunt, alias invisibilem produunt,

1227⁷⁴²/₇₃₆ **LECANORA** *roscida*: crusta granulata, granulis subdispersis minutis, cinerascenti-alba, apotheciorum disco plano caesio pruinoso marginem thallodem integerrimum elevatum tandem superante.

L. turfosa β . *pachnea* Ach. syn. p. 156?

L. epibryon β . *pachnea* Ach. lich. un. p. 396?

Hab. in muscis rupium calcariarum inque rupibus ipsius meridici obversis in inferalpinis Saltdalen Nordlandiæ rarius.

Totus Lichen opacus. Crustæ granula sæpius dispersa, sæpissime ab apotheciis, quæ interdum satis conferta sunt, oblitterata. Apothecia minuta semper pruinosa et plana, madida carneo s. lutescenti-fuscescentia, margine summa ætate quidem flexuoso sed nunquam crenato. Cum *L. turfosa*, quæ potius *L. sophodis* varietatibus associari potest, conjungi nequit. *Licheni panyrgo* Whlbg. mihi ignoto affinis esse sed imprimis crusta tenuiore differre videtur.

1228⁷⁵¹/₇₃₂ **LECANORA** *alpestris*: crusta determinata orbiculari contigua granulato-rugosa roseo-grisea, dein nigrescente, margine tenuissimo subcrenulato, apotheciis rufis margine thallode tenui dein cyanescente.

L. alpestris Ach. syn. p. 152.

L. maritima Sommerfelt in Act. Ac. holm. 1823 p. 116.

Hab. in lapidibus quarzosis litoralibus Nordlandiæ saltensis e. gr. Skjerstad, Oxengaard.

De vero synonymo Achariano a Cl. Flörke edoctus sum. Etsi verum *Placodium*, ob fere nimiam affinitatem cum *L. aipospila* hoc loco ejus mentionem facio. Crusta tenuis, margine obsolete effigurata, junior et occulte crescens roseo-grisea, senior fusco-nigrescens margine dilutiore. Apothecia minora centralia rufo-fusca, margine tenui integerrimo crustæ concolori, dein subevanido. Differt *L. aipospila*: crusta distinctius papillata apotheciisque obscurioribus; *L. variabilis*: crusta inæqvabili cinereo-virescente, apotheciis

magis dispersis et loco habitationis sc. semper in lapidibus calcariis.

753 LECANORA (*Lichen*) *spodophæa* Whlbg. fl. lap. n. 753, ubi vide.

Hab. una cum *L. poliophæa* et *aipospila* in scopulis et lapidibus totius littoris Nordlandiæ et Finmarkiæ.

Etiam huic limes ille byssinus albus, ejus apud *L. poliophæam* mentionem facit Cl. Wahlenberg, tribuendus est, quare a sententia Cl. Flörkei *L. poliophæam* hujus formam senilem pronunciantem (in lit.) non magnopere abhorreo.

1229⁷⁵⁶₇₅₇ LECANORA *exigua*: crusta inæqvabili cinerascens s. subobsoleta, apotheciis minutis confertis planis margine tenui cinerascens, dein convexis margine subevanido, nigris opacis intus albis.

L. exigua Fl! Ms.

L. periclea β *exigua* Ach. syn. p. 151. Lich. un. p. 356.

Parmelia exigua Ach. meth. p. 154.

Lichen exiguus Ach. prd. p. 69. Act. Ac. holm. 1795, t. 5 f. 6, d. e. f.

Verrucaria abietina Hoffm. fl. germ. 2 p. 93.

Hab. in rupibus dissolutis circa sinum saltensem Nordlandiæ parcius.

Apothecia majora quam in stirpe vulgari arboresca alias simillima. Differt ab omnibus *L. sophodis* varietatibus: crusta margoque alba nec madida viridis, margine tenuiore, disco minore nigro, nec fusco. Cum *L. periclea* *b. pinicola* Ach., quæ vera *Lecideæ* species, vix confundi potest.

1230⁷⁵⁶₇₅₇ LECANORA *melanochlora*: crusta tartarea noduloso-granulata fusco-virescente, madida læte viridi, apotheciorum disco atro margine thallode elevato flexuoso subcrenulato.

L. viridis Somrf. in lit.

Hab. in lapidibus saxisque inferalpinorum Nordlandiæ saltensis parcius.

L. sophodi proxima attamen distincta: crusta crassioris madefactæ colore intense et pure viridi, apotheciis majoribus et constanter atris.

757 LECANORA (*Lichen*) *atrosulphurea* Whlbg. fl. lap. n. 757.

L. thiodes Sprengel *Entdeck.* 1 p. 224.

Hab quoque in saxis siccis circa sinum saltensem Nordlandiæ ex. gr. Bodøe.

Apotheciorum disco madido virescente ab omnibus affinibus discernitur. De synonymo Sprengelii a Cl. Flörke centior factus sum. In lapibus litoralibus ad Skjerstad forma macrior, ab undis imbribusque sine dubio trita, habitu satis alieno: crusta sublævigata, apotheciis parvis, margine tenui, attamen non diversa occurrit.

760 LECANORA (*Lichen*) *cinerea* Whlbg. fl. lap. n. 760, ubi vide et adde:

Urceolaria cinerea α; β. *tigrina* γ. *polygonia*; δ. *graphica* Ach. syn. p. 140.

Urc. ocellata Fl. Liefr. n. 13.

Sagedia lævata Ach. syn. p. 134.

Lecidea pantosticta δ. *viridana* Ach. syn. p. 13.

Male atra apothecia dicit Cl. Acharius; modo nigra sunt, et toti speciei characteristicum est, quod madida fuscescant et juniora quidem pallescant. Indoles apotheciorum interna in *Sagedia lævigata* prorsus eadem ac in *U. cinerea*, quare has discernere minime possum. Sine dubio plurimæ *Sagediæ* species ad alios Lichenes referri debent. *Lecidea pant.* δ. *viridana* ad Var. β. *virens* Whlbg. pertinet.

762 LECANORA (*Lichen*) *protuberans* Whlbg. fl. lap. n. 762, ubi vide.

Hab. quoque in rupibus absconditis ad sinum saltensem Nordlandiæ, ubi vero crusta cinerea nunquam pallescit. Margine tumido subinflexo demum flexuoso ab affini *L. cinereæ* dignoscitur.

763 LECANORA (*Lichen*) *pelobotrya* Whlbg. fl. lap. n. 763, ubi vide.

Hab. quoque rarissimus hicce lichen, quem semel modo legit Cl. Wahlenberg, in rupibus subirrigatis subalpinorum Saltdalen Nordlandiæ rarius. Etiam ab Am. Blydt in rupibus Merager niderosiensis nuper lecta est.

Cum *U. gypsacea* Ach. ab exteris vulgo confunditur, a qua vero diversissima. Crusta quidem subspongiosa, minime vero pulverulenta, at tartarea rimosa sublævigata livido-grisea (quasi quid rosei colori griseo immixtum est.) Apothecia, cum e crusta erumpant, minuta, dein ampliantur, subdifformia et quasi ex pluribus composita evadunt. Margo juniorum satis coarctatus. Madefacta nil mutatur. Viso specimine Cl. Wahlenbergii de synonymo certus sum.

764 LECANORA *scruposa*: crusta tartarea rugoso-granulata s. cretaceo-pulverulenta cinerascens albique, apotheciis urceolatis immersis cæsiis-nigris.

α. scruposa: crusta rimosa rugoso-granulata cinerascens, apotheciis margine thallode intumescens subrugoso discoideum obtegente.

Lichen scruposus *Whlbg. fl. lap. n. 764. carp. n. 1245. Ach. prd. p. 32. Hoffm. En lich. t. 6. f. 1.*

Urceolaria *scruposa* Ach. *syn. p. 142. meth. p. 147.*

Hab. in saxis rupibusque per Nordlandiam ubique.

β parasitica: crusta tenui contigua rugosa sublævigata albida, apotheciis minoribus nigro-cæsiis margine thallode discoideum obtegente.

Urc. *scruposa* var. *bryophila* Fl. dan. t. 1351, 2. *U. bryophila* Vulgo.

Lichen impressus Ach. *prd. p. 104.*

Hab. in thallo Cenom: pyxidatæ aliisque muscis, quos destruit, per Nordlandiam saltensem. In caudice putrescente ad Löfmok Laponiæ pitensis quoque legi.

γ. gypsacea: crusta molli pulveracea albissima cinerascensque alba, apotheciis subpruinosis primum conniventibus a crusta subtectis, dein urceolatis apertis pruinosis, margine spurio thallode cinctis.

Urceolaria *scruposa β. albissima* Ach. *meth. p. 147.*

U. gypsacea Ach. *syn. p. 142. Lich. un. p. 338.*

U. diacapsis Ach. *syn. p. 142. Lich. un. p. 339.*

Gyalecta cretacea Ach. *syn. p. 101*

Hab. in rupibus saxisque et in muscis rarius semper locis absconditis per Nordlandiam saltensem passim copiose.

Vereor, ne, me plura, quam par est, synonyma hoc loco conjunxisse, videatur. Attamen primum post iterata examina speciminum perplurium a me ipso collectorum et sæpissime in ipsis locis habitationis observatorum hoc de sententia Cl. Acharii decedens feci. Si specimina parva siccae *Urc. scruposæ* Ach. cum crassa pulveracea *Urc. gypsaceæ s. diacapsis* Ach. conferas, diversissima quidem apparent, sed non ita si ipse in rupibus innumeras formas, quæ una in alteram abiit, observaveris. Apothecia plane eadem in omnibus, juvenilia subglobosa, ore connivente, grandæva subexplanata margine proprio elevato, a crusta firma et adhærente tecta sed a laxa pulveraceaque mox soluta liberaque, quare primum margo liber, dein totum fere apothecium liberum in cavitate crustæ marginem spurium mentiente (*U. diacapsis*) nidulatur.

Crusta crassa pulveracea varietatis γ . in locis absconditis humidis a pluvia ac ventis remota provenit. Color variat ab albissimo ad cinerascens, sæpe pallescentem in eodem individuo sæpe ad pedalem latitudinem effuso lineamque crasso.

Antea etiam Cl. Flörke var. β . *parasiticam* *Gyalectam bryophilam* Ach. syn. dixit, sed nuper scripsit: veram *G. bryophilam* nunc obtinui, sed ab *Urc. scruposæ* formis (ut talem meam agnovit) vere distincta, et ad normam Acharii vera *Gyalectæ* species." Hac auctoritate nixus synonymon Acharii e synopsi exclusi. De cætero thallus *Cenomycidis* crusta tectus a plerisque "margo foliaceus lobatus" habetur, sed false. Ubi tecta crescit hæc varietas, pulveracea evadit et transitum ad *Urc. gypsaceam* manifeste demonstrat. Ubi in lignis et in muscis obvenit, sæpe adsunt granula in crusta tenui elevata, e quibus lamina prolifera prorumpit, quæ re apothecia satis elevata *Lecanoroidea*, non *Urecolaroidea* proferuntur. An *Urc. mutabilis* Ach. ab hac diversa?

- 1231⁷⁶⁴₇₆₅ **LECANORA** *calcaria* β . *Hoffmanni*: crusta areolata, areolis subdispersis sordide cineracentibus, apotheciorum disco minuto immerso nigro cæsiopruinoso margine thallode elevato tumido albido-plumbeo.

Urceolaria calcaria β *Hoffmanni* *Ach. syn.* p. 143.

U. Hoffmanni *Ach. lich. un.* p. 333, *prdr.* p. 31.

U. contorta *Fl! Liefr.* n. 30.

Verrucaria contorta *Hoffm. pl. lich.* t. 22, 1, 3.

Lichen contortus *Whlbg. fl. ups.* n. 344 *carp.* n. 1246.

Hab. in rupibus saxisque non calcariis Saltdalen Nordlandiæ rarissime.

- 1232⁷⁶⁶₇₆₈ **LECANORA** *micraspis*: crusta tartarea papillata alba, papillis tenuibus cylindraceis, apotheciis minutis disco plano elevato atro, marginem thallodem integerrimum excedente.

Hab. in rupibus inferalpinis maritimisque Nordlandiæ meridionalis rarius. Fructifera modo lecta est ad Björn Helgolandiae.

Orbes latos in rupibus efficit. Rarius modo fructifera, tumque magis granulata quam papillata. Papillæ breves tenuesque. Apothecia in apice granulorum proveniunt minutissima, disco subpulveraceo, (qvo Caliciis similia), marginem superante. A *L. illinata* omnino diversa.

- 767 **LECANORA** *oculata*: crusta glabra papillato-ramulosa albida, apotheciis subsessilibus atris, madidis badiis, concavis margine thallode tumido.

L. oculata *Ach. syn.* p. 148. *Diks cryp.* 2 p. 17. t. 6. f. 3. (*Lichen*) ex Achar.

Isidium oculatum (NB. siccum) *Ach. lich. un.* p. 550.

Isidium dactylinum (NB. madidum) *Ach. syn.* p. 282. *lich. un.* p. 576. *meth.* p. 137 t. 3. *prd.* p. 89.

Lichen dactyliferus *Whlbg. fl. lap.* n. 767.

Hab. supra muscos in subuliginosis alpium Nordlandiæ et Finmarkiæ copiose. In inferalpinis Saltdalen Nordlandiæ rarius.

- 877⁷⁶⁷₇₆₇ **LECANORA** *sinopica*: crusta rimoso-areolata, effigurato-sublobato virenti-rubra ochraceave,

apotheciis planis immersis nigris margine thallode tumido integerrimo.

Endocarpon sinopicum Ach. syn. p. 98. *Whlbg. fl. lap. n. 877*, ubi vide.

Vera *Urceolaria* species secundum methodum Acharianam. Modo apothecia juniora punctiformia. Ab exteris planta evoluta vulgo pro *Urceolaria diamarta* habetur.

1233⁷⁶⁸ **LECANORA** *nephæa*: crusta in subiculo atro, areolato-granulata, areolis convexis nigrescente-ferrugineis, apotheciis planis fuliginosis, margine thallode elevato flexuoso crenulatissimo. Hab. in saxis inferalpinis ad Fiskevaag Saltdalen rarissime.

Lichen distinctus et ut *Lecanora* species memorabilis ratione crustæ, cujus indoles *Lecideis* similes est. Areolæ minores elevatæ subglobosæ subdispersæ ferrugineæ ætate nigrescunt; madidæ ferrugineo-fuscae sunt. Apotheciorum color ater modo superficialis, margoqve quam maxime flexuosus et crenatus. Nulli alii mihi notæ affinis est *).

**** *Placodium.***

1234⁷⁷¹ **LECANORA** *lentigera*: crusta orbiculari alba, lobis incisicis crenatis, apotheciis planiusculis lutescentibus margine thallode elevato.

L. lentigera Ach. syn. p. 179.

Lichen lentigerus Ach. *prd.* p. 103. *Fl. dan. t. 1185 f. 2.* Hoffm. *En. lich. t. 9. f. 4. Pl. lich. t. 48 f. 1.*

Hab. in terra montium calcariorum Saltdalen Nordlandiæ rarius. In Lyngen et Maasöe Finmarkiæ legit Cl. Vahl.

774 **LECANORA** *murorum* Whlbg. *fl. lap. n. 774*, ubi vide.

*) Dubius ille LICHEN obtusatus, quam in rupibus ad Klöven in Nordlandia senjensi legit Cl. Vahl et ad Dufouream retulit Cl. Acharius (syn. p. 247) sine dubio *Lecanora* species, *L. oculatæ* affinis, est.

Var. γ crenulata, quam cum dubio ad hanc speciem refert Cl. Acharius, re vera hujus speciei est. Specimine ab ipso Wahlenbergio accepto notam habeo.

1235⁷⁷⁷ **LECANORA** *callopisma*: crusta subrimoso-areolata flava nuda, ambitu lobato flavissimo, laciniis dilatatis planiusculis incisus, apotheciis convexiusculis subaurantiacis, margine thallode integro.

L. callopisma Ach. syn. p. 184.

L. murorum var. *callopisma* Flotow in *Jahrb. d. Gewächsk.* 1, 3 p. 146,

Lichen murorum β. major Whlbg fl. lap. p. 416.

Hab. in rupibus calcariis maritimis Nordlandiæ saltensis e, gr. promonterio Tangodden.

Nondum de veritate sententiæ Cl. Wahlenbergii et Flotowii, hanc cum *L. murorum* conjungentium persvasum mihi est. Media mihi videtur inter *L. murorum* et *elegantem*. Ab illa differt: colore dilutiori, apotheciis majoribus; ab hac: colore dilutiori, laciniis magis contiguis, apotheciisque majoribus. In alpinis Norvegiæ australioris haud rara obvenit.

1236⁷⁷⁸ **LECANORA** *miniata* β. *obliterata*: crusta subeffusa areolato-verrucosa miniato-flavicante, ambitu subeffigurato, apotheciis minutis confertis conuexis concoloribus margine thallode integerrimo.

L. miniata β. *obliterata* Ach. syn. p. 182.

Lichen obliteratus Pers. in *Ust. an. bot.* 11 p. 15.

Hab. in saxis, imprimis corneis inferalpinorum et subalpinorum Saltdalen Nordlandiæ rarius.

Cam var. α Ach. mihi ignota sit, utrum Cl. Acharius rectius ad hanc, an Wahlenbergius ad *L. elegantis* varietatem *Lobariam miniatam* Hoffm. retulerit, dijudicare nescio. Ad *L. lobulatam* Fl. accedit, a qua imprimis colore et crusta magis placodioidea differt.

783⁷⁷⁹ **LECANORA** (*Lichen*) *melanaspis* Whlbg. fl. lap. n. 783, ubi vide.

Nomen et character Wahlenbergii non bonus, nam apothecia rarius modo nigra, sed, idque imprimis madida, rubra s. rufo-fusca et male ad

Parmelias refertur. Vix ut species differt *L. al-phophlaca*. Crusta in illa modo crassior et una cum apotheciis dilutius colorata, sed de cætero utraqve ejusdem omnino indolis sunt.

*** *Pforoma*

779 **LECANORA** (*Lichen*) *brunnea* *Whlbg. fl. lap. n. 779.*

β. coronata: crusta cinerea, apotheciis minutulis fulvis s. fuscioribus.

L. brunnea β. coronata *Ach. syn. p. 194.*

L. coronata *Fl! Liefr. n. 151.*

Pfora coronata *Hoffm. pl. lich. t. 56, 1.*

Hab in terra umbrosa turfosa nec non cortice putrido ad radices *Populorum Nordlandiæ saltensis.*

Non possum non contra *Cl. Flörkeum*, postquam ipsius specimina vidi, hos duos Lichenes conjungere. Termini inter eos certi minime adsumt.

1237⁸⁰₇₃₁ **LECANORA** *limbata*: crusta imbricata squamoso-phylloidea, lobis inciso crenatis cinereis, apotheciis amplis lamina prolifera urceolata badia margine proprio integerrimo, accessorio foliaceo plano sublobato virescente.

Sommerfeltia arctica Flörke in lit. Icon tab. nostra 111.

Hab. in terra arenosa humida subabscondita circa sinum saltensem interiorem *Nordlandiæ*, imprimis ad *Fiskevaag* in *Saltdalen*.

Perquam memorabilis et elegans *Lichen*. Ob affinitatem cum *L. hypnorum* *Ach. syn.* ad hocce genus referendum esse credidi, etsi *Cl. Flörke* novum ex illo constituit genus hisce characteribus: "Apothecium urceolatum e thallo (squamoso-phylloideo) eminens, margine accessorio duplici instructum, exterior coriaceus planus subincisus, interior laminam proligeram coloratam cingens, serratus subinflexus." Sane genus distinctius quam pleraque *Achariana*, *Solarinæ* imprimis affine, nam lamina prolifera illæ in *S. saccata* simillima, et eodem modo ante evolutionem tenui tecta membrana, quæ rumpens alteram illam interiorem, mox evanescentem marginem efformat. Margo exterior siccus cinerascens, madidus læte virescens linearis latitudinis et ultra e duobus constat stra-

tis: inferius lutescenti albidum apothecium efformans, superius viride ad laminam proligeram, siccata rufo-fuscam subasperam, attingens, et inde ut stratum tenue fæculiferum viride sub illa persistens. Apotheciorum urceoli ad 4 lineas sæpe latiti. Ut urceoli minuti pallide-virescentes proveniunt. Semina duo in perispermio. Perispermia 3-4 sæpe in una serie adsunt, et sine dubio apices eorum laminam asperam efficiunt. Crusta byssino tomentosa supra cinerea, intus viridis, subtus alba. Siccata supra etiam albescit, et stuposa ejus indoles tum optime apparet.

- 782 LECANORA *cervina*:** crusta squamata, squamis lobatis crenatisve livido-castaneis s. pallescentibus, apotheciorum disco immerso fuscescentirufo, margine thallode tandem prominente
***α. glaucocarpa*:** squamis discretis lividis crenatis, fructiferis margine subtus albis, apotheciis centralibus planis rufis pulverulentis nudisque margine proprio et thallode elevato, squamam fere tegentibus L. *glaucocarpa* Ach. syn. p. 189. lich. un. p. 410. Sprengel Entd. 1 p. 222.
 Lichen *glaucocarpus* Whlbg. in Act. Ac. holm. 1806 p. 143 t. 4.

Hab. in rupibus lapidibusque calcariis Nordlandiæ saltensis e. gr. Saltdalen frequenter.

***β cervina*:** crusta areolato-effigurata, apotheciorum disco plano rufo-fusco margine thallode tenui.

L. *cervina* Ach. syn. p. 188.

L. *badia* a. et *halophæa* Ach. lich. un. p. 407, 408.

Lichen *cervinus* Pers. Whlbg. fl. lap. n. 782. ups. n. 851. Sprengel Entdeck. 1 p. 226.

L. *squamulosus* Schrader. -- Ach. prd. p. 230.

Hab. in lapidibus rupibusque imprimis calcariis totius Nordlandiæ et Lapponiæ.

***γ. discreta*:** squamis discretis subrotundis convexis fuscescenti-castaneis (parvis sed crassis), apotheciorum disco minuto immerso rufescenti-fusco, margine thallode elevato subconnivente.

L. *badia* ***β discreta*** Ach. lich. un. p. 407.

Hab. in lapidibus saxisque non calcariis per Nordlandiam frequenter.

δ. effigurata: squamis subimbricatis lobatis livido-castaneis nitentibus, apotheciorum disco parvo rufescenti-fusco immerso subimmarginato.

Hab. in rupibus quarzosis versus mare Nordlandiæ e. gr. Bodøe.

ε. endocarpoidea: crusta livida, demum subcastanea, squamis subdiscretis planis (tenuibus) lobatis, apotheciis punctiformibus rufescenti-fuscis.

Hab. in saxis rupibusque non calcariis Nordlandiæ sal-tensis frequenter.

ζ smaragdula: crusta viridi-lutea, apotheciis punctiformibus rufo-fuscis.

Endocarpon smaragdulum *Whlbg!* *fl. lap.* n. 878.

Ach. syn. p. 98.

Hab. in petrarum rimis scrobiculisque siccioribus Nordlandiæ et Finmarkiæ.

Species quam maxime varia et vera *Urceolaria*, si factitium hocce genus retinendum erat. Ei proprium est, quod crusta cujusvis coloris madida semper viridis est.

Ad var. α. A Cl. *Flörke*, cui bis varia hujus specimina misi, pro vera agnita est. Forma elegantissima et perfectissime evoluta hujus speciei est, sed transitus ad *L. cervinam* manifestus est.

Ad var. β. Sunt in crusta pro ætate et loco magis minusve aprico vices lividi et castanei coloris, et si squamæ nunc subcontiguæ, rimis igitur areolas subeffiguratas efformantes, discrete creverunt, uti etiam nonnullæ re vera crescunt, tum difficillime a var. α. distingvitur; sit crusta latiore extra apothecium. Efformatio omnino eadem in formis omnibus, quam optime describit *Wahlenberg l. c.*

Ad var. γ. Hæc magis habitu quam characteribus a var. α. differt. *Var. discretam* ad hanc pertinere me edocuit Cl. *Flörke*. Interdum subumbrina, ad *L. molybdinæ* varietates accedens, sed illæ differunt: colore in humido nunquam virescente et margine effigurata vere *placodioides*.

Ad. var. δ . Crusta veluti sumtu apotheciorum efformata perfecte lobata, illa vero parva immarginata planum æquabile cum crusta fere efficiunt. Transitus ad præcedentem, et adhuc magis ad sequentem non negandus sed etiam affinitate cum *L. hyssina* s. *molybdina* conjuncta est.

Ad var. ε . Crusta in hujus forma propria variat α . simillima, modo tenuior sed apothecia eadem ac in var. β . quare has duas conjungit. Sed etiam imprimis in rupibus marinis variat crusta crassiori subpulposa quasi pruinosa, cujus color a rufescenti-livido ad ochraceum variat, sed semper intersunt squamæ coloris vulgaris, quare affinitas ejus vera, quæ etiam ex apotheciis patet, manifestatur. In hac varietate color lividus jam sæpe in pallescentem, qui in sequenti varietate perfectus evadit, abiit.

Ad var. ζ . Est per var. ε . cum cæteris conjuncta, casu quodam colore pulchrius tincta. Iam Cl. *Wahlenberg*, eam prope ambitum nonnihil rufescere (c: castaneo-livido fieri, quod nos optime perspeximus) et nullam veram *Endocarpi* speciem esse observavit.

1238 $\frac{7}{11}$ **LECANORA cartilaginea**: crusta subfoliacea lobulata pallida, lobis lineari laciniatis imbricatis, apotheciis planis fulvis, margine thallode tenui demum flexuoso repando crenatoque persistente.

L. cartilaginea Ach. syn. p. 191. meth. lich. p. 184. Lichen cartilagineus Ach. in Act. ac. holm 1795 p. 133 t. 5 f. 4. prd. p. 97.

β . *latifolia*: lobis imbricatis latiusculis rotundato-laciniatis crenatisque.

Hab. in rimis scopulorum extra sinum saltensem rarius; β in rupibus absconditis insulæ Knaplundsöen in sinu saltensi passim copiose.

Var. α . illæ, quæ in Svecia circa Holmiam occurrunt, simillima est, sed var. β . differt lobis minime linearibus. Apothecia vero prorsus eadem; modo nonnulla, imprimis juniora crustæ concoloria, quæ sine dubio imperfecta sunt. Crusta in hæc magis quoque virescit.

Lich. crassus fl. dan. t. 1006, quam iconem ad *L. cartilagineam* in prodromo l. c. refert Cl. Acharius, minime hujus loci est, sed ad *L. chrysoleucam*, quam per bene sistit et quæ in subalpinis Dovre Norvegiæ copiose provenit, pertinet.

1239⁷⁸²₇₈₃ **LECANORA** *polycarpa*: crusta phylloidea subimbricata flava, lobis minutis congestis sublaciniatis, laciniis incisicrenatis nudis, apotheciis numerosis elevatis plano-concavis aurantiis, margine thallode subintegerrimo. *Fl! Liefr.* n. 90. *Lobaria polycarpa Hoffm. fl. germ.* 2 p. 159. *Lichen polycarpus Ehrh.*

Lecanora candelaria β *polycarpa Ach. syn.* p. 192.

Hab. in truncis Betularum lignisque vetustis ad sinum saltensem exteriorem rarius.

Cl. Flörke quidem negat, *L. candelariam* β . *Ach.* hujus loci esse, sed nonne clarissimus Auctor synonymo ullo hac in re deceptus est, cum et character Acharii in plantam Flörkeanam convenit, et ipse specimen Acharianum in herbario Cl. Swartzii, quod hic lichen esset, vidi.

A varietatibus *L. candelariæ* apotheciis copiosioribus frequentissimisque et imprimis crusta nunquam in pulverem fatiscente, et substantiæ minus foliaceæ differt.

1240 **PARMELIA** *tribacia*: thallo squamuloso substellato-incano, lobis irregularibus eroso-crenulatis lobatisque imbricatis, subtus concoloribus subfibrillosis, margine pollinifero (apotheciis adpressis disco plano pallido margine elevato.)

Lecanora tribacia Ach. syn. p. 191.

Hab. in lapidibus campestribus Saltdalen Nordlandiæ rarius.

A me fructifera nondum inventa. Adeo affinis *P. cæsiæ*, a qua differt: lobis margine pulverulentis et *Borreræ tenellæ Ach.*, ut ab his sequegari non possit. Ab hac thallo magis squamuloso imbricato, laciniis minus adscendentibus fibrillosisque differt.

786 **PARMELIA** (*Lichen*) *cycloselis Whlbg. fl. lap.* n. 786, ubi vide.

b. virella: thallo minori, laciniis elevatis squamiformibus, pulvere madido flavovirescente subobliteratis, apotheciis rarioribus,

Lecanora virella Ach. syn. p. 191. prd. p. 108.

Hab. in truncis arborum imprimis Sorborum Saltdalen Nordlandiæ.

Est proprie var. β . *lithotea* Ach. syn. p. 217, quam memorat Cl. Wahlenberg l. c. Differt hæcce species a peraffini *P. ulothrice* imprimis apotheciis subtilius nudis et sorediis. *Lecan. virella* est modo forma parva hujus speciei, quæ, cum varietatem β . *lithoteam* laciniis linearibus angustis insignem discernas, ut seorsim enumeretur, vix digna est. Cfr. etiam *Fl. Liefr.* n. 91 obs.

1241 ⁷⁸⁷/₇₈₇ *PARMELIA pulverulenta*: thallo orbiculari brunneo alboque pruinoso madido viridi, subtus atro tomentoso-hispido, laciniis linearibus multifidis in ambitu discretis planis adpressis undulatis apicibus retusis, apotheciis fuscis cæsiisque pruinosis magine integerrimo, demum crenulato flexuosoque.

P. pulverulenta Ach. syn. p. 214. *Fl. Liefr.* n. 172.

Lichen pulverulentus Schrebr. . . *Hagen lich. bor.* t. 2 f. 8. Ach. prd. p. 112.

Lobaria pulverulenta Hoffm. *fl. germ.* 2 p. 152. *pl. lich.* t. 8. f. 2.

Lichen allochrous Ehrh.

β . *hybrida*: thallo albido, lobis latiusculis laciniatis, apotheciis planis concoloribus margine elevato crenato.

P. pulverulenta δ . *allutaria* Lich. un. p. 474 ex Ach. syn.

P. venusta β . *hybrida* Ach. syn. p. 214. *Lich. un.* p. 475.

Hab. in truncis Populorum Salicumque Saltdalen Nordlandiæ frequenter; in saxis (forma *c. angustata* Ach. syn.) rarius. β . in Salicibus vetustis rarius. e. gr. ad Skjerstad.

P. venusta Ach. modo forma vetusta et luxurians *P. pulverulentæ* vulgaris in Norvegia australiori passim copiose proveniens est. Cfr. Bot. Jahrbuch. 3 p. 151. Var. β . *hybrida* quoad apothecia forma est intermedia madida æqueviridis. Thallus et apothecia nuda pruinosaque sine ullo dis-

crimine in omnibus varietatibus sunt. Huic speciei proxime adstat *P. muscigena*, et si quis ambas jungat, vix magnopere erret. Apothecia illius adnata convexiuscula, margine depresso notam optimam diagnosticam præbent. Rarissime quoque illa profert apothecia, quod idem etiam alii Lichenes, in quibus thallus valde luxuriat, faciunt.

1242 ⁷⁸⁷/₇₈₈ *PARMELIA aipolia*: thallo stellato cæsio-albido cinerascensque, subtus albido fibrillis fusconigris, laciniis subconnatis planiusculis multifidis, apotheciis nigris cæsio-pruinosis.

a. acrita: thalli laciniis albidis subcontiguis plicatis in ambitu planis.

b. cercidia: thallo virescenti-cinereo subtus albicante fibrillis nigris.

c. anthelina: thalli albidi laciniis sublinearibus multifidis a centro ad ambitum continuatis subdiscretis.

P. aipolia, *a*, *b*, *c*. *Ach. syn.* p. 215.

Lichen aipolius et anthelinus *Ach. prd.* p. 111.

Hab. in truncis arborum, *a*. imprimis in Salice pentandra; *b*. in Sorbo; *c*. in Populo Nordlandiæ saltensis.

Affinis *P. stellaris* differt: mole minori, laciniis convexis.

789 *PARMELIA aleurites* *Whlbg. fl. lap.* n. 789.

Hab. per Nordlandiam imprimis in Juniperis frequenter, nec non rarius in rupibus, in quibus etiam regionem alpinam ascendit.

Male ab auctoribus apothecia nigro-fusca dicuntur, cum badia nitentia sint. Cl. Wahlenberg ab affini *P. ambigua* nimis longe removit.

1243 ⁷⁸⁹/₇₉₀ *PARMELIA intestiniformis*: thallo imbricato dichotomo multifido albido-æneove nigro, laciniis linearibus elongatis compresso-teretibus decumbentibus subarticulatis, apicibus subfureatis attenuatis acutis, subtus atris lævibus, apicibus fuscis, apotheciis minutis atris opacis, margine thallode albido.

P. intestiniformis *Ach. syn.* p. 220.

Lichen intestiniformis *Villars* *Bellardi app. fl. ped.*

Hab. in saxis elatis alpium saltalensium Nordlandiæ rarissime e. gr. in Baadfjeldet, in Hestene Botvandfjeldet.

Hanc veram esse *Lichenem intestiniformem* Bell., auctoritate Cl. Flörkei innixus affirmare audeo. Ad *P. encaustam* quidem valde accedit, sed apothecia illius magna membranacea nitida speciem distinctissimam declarant. Angustis formis *P. physodis* quoque affinis est. Hujus apothecia e medio laciniarum erumpunt, omnino sessilia, vix lineam unam lata, disco carbonaceo, marginem albidum sat crassum subæqvante. Laciniæ articulatæ apparent, sed revera modo nodulosæ articulis spuris, intus contiguæ alba byssina substantia faretæ sunt.

1244⁸⁰²₃₀₂ *PARMELIA recurva*: thallo stellato pallido soredifero, subtus nigro-fibrilloso-spongioso, laciniis angustissimis convexis, (apotheciis rufofascis, margine subintegerrimo).

P. recurva Ach. syn. p. 206.

Lichen incurvus Pers. in *Ust. An. Bot.* 7 p. 24. Ach. prd. p. 107.

L. multifidus Dicks. fasc. 3. t. 9. f. 7. ex Achar.

Hab. in rupibus ad sinum saltensem rarissime. A me modo in Knaplundsöen lecta est.

A *P. ambigua*: laciniis angustissimis convexis; a *P. centrifuga*: notis iisdem et glomerulis dignoscitur. Nusquam fructifera mihi obvenit.

1245⁸⁰³₃₀₃ *PARMELIA pulla*: thallo substellato olivaceo-nigro, subtus nigro, utrinque rugosiusculo nudo nitido, laciniis angustis flexuosis plicatis multipartitis, apotheciis æneis, margine integerrimo.

P. pulla Ach. syn. p. 206.

P. olivacea β. prolixa Ach. lich. un. p. 463.

Lichen pullus Schreber.

Hab. in saxis alpinis Nordlandiæ saltensis rarius e. gr. Hvidbjerget Saltalen.

A *P. olivacea* differt: colore obscuriore, laciniis angustioribus nitidioribus flexuoso-plicatis, margine apotheciorum semper integerrimo; a *P. encausta* laciniis latioribus (non subteretibus) colore magis in viride (non in cinereum) vergente,

1246:889 **PARMELIA** *tiliacea*: thallo suborbiculari coriaceo glabro albo tenuissime nigro punctato, subtus atro-fibrilloso hispido, lobis longiusculis sinuatis rotundatis crenatisque, (apotheciis rufo-fuscis margine subintegerrimo).

P. tiliacea Flörke!

P. scortea Ach. syn. p. 197. prd. p. 119, Whlbg. carp. n. 1262.

Lichen tiliaceus Hoffm. En. lich. p. 96. t. 16. f. 2. sec. Flörke.

Hab. in scopulis maritimis extra sinum saltensem Nordlandiæ rarissime.

P. tiliacea Ach. mihi haud nota, sed sec. Cl. Flörke in lit. *P. scortea* modo varietas ejus levis est. Cum *P. glomulifera* in rupibus sine glomerulis obvenit, huic satis similis est, sed color ejus magis mutabilis. A *P. saxatili* longius distare mihi videtur.

1247:111 **PARMELIA** *pinastri*: thallo foliaceo depresso virenti-flavo, laciniis rotundato-lobatis crenatis, marginibus crispis pulverulentis, apotheciis marginalibus depressis concavis, margine tumido crenulato involuto dilute badiiis. Sommerfelt in Act. Ac. holm. 1823 p. 117.

Lichen pinastri Scop. fl. carn. p. 1387. Ach. prd. p. 168.

Squamaria pinastri Hoffm. pl. lich. p. 33. 17 f. 1.

Cetraria juniperina β. pinastri Ach. meth. p. 298. syn. p. 226. Whlbg. fl. lap. p. 432 (Lichen). ups. p. 412.

Hab. ad sepes, truncos Pini et Betulæ per totam Nordlandiam et Lapponiam. Fructifera solummodo hic in caudicibus Betulæ in Saltdalen Nordlandiæ reperta est.

Sententiam Il. Schreberi (Ach. syn. p. 226.) quæ et semper mea fuit, propriam hanc constituere speciem, nunc plane comprobata habeo, postquam fructiferam legere mihi contigit. Apothecia tenuissima parva concava flavescenti-badia, margine tumido connivente crenulato sæpissimeque pulverulento. Lamina prolifera adeo tenuis est, ut in siccatis margo sese omnino coarctet et apothecium inconspicuum reddat. A *Cetraria ju-*

niperina differt: colore paginæ thalli superioris magis virente, laciniis depressis rotundato-lobatis nec laceris, marginibus constanter pulverulentis, qui in illa dentibus nigris obsiti sunt, et apotheciis tenuioribus pallidioribus concavisque, margine thallode tumido connivente, nec tenui acuto.

- 810 **PARMELIA** (Lichen) *juniperina* Whlbg. fl. lap. n. 810, ubi vide.

In summis alpinis Saltdalen Nordlandiæ ad terram s. rectius in fruticulis repentibus alpinis ex gr. Dryade, varietas cæspitosa, thallo planiusculo lacunoso, quæ sine dubio *C. Tillesii* Ach. syn. p. 228 est, obvenit. Re vera medium inter *C. juniperinam* et nivalem tenet, sed ad illam aperte attinet.

- 811 **PARMELIA** (Lichen) *sæpincola* Whlbg. fl. lap. n. 811, ubi vide.

Var. β . *ulophyllum*, *Peltigera chlorophylla* Willd., fructiferam in pinis Saltdaliæ legi.

- 1248⁸¹⁰₈₁₁ **PARMELIA** *prunastri*: thallo foliaceo ramoso albo-pallescente, laciniis dichotomo multifidis erecto adscendentibus lineari attenuatis rugoso-lacunosis, subtus canaliculatis albissimis, apotheciis rufescentibus.

P. prunastri Ach. meth. p. 257. syn. p. 245 (Evernia) Fl! Lief. n. 92.

Lichen prunastri Lin. fl. svec. n. 1092. Ach. prod. p. 174. Dill. musc. t. 21. f. 54. 55.

Hab. in ramis Pinorum Saltdalen Nordlandiæ rarissime. Soredia alba in margine adsunt. Apices furcati.

- 1249⁸¹⁰₈₁₁ **RAMALINA** *fastigiata*: thallo compresso lævigato lacunoso ramoso albo-glaucos, ramis sursum incrassatis fastigiatis, apotheciis terminalibus peltato-sessilibus flavescenti albidis. Ach. syn. p. 296.

Lichen fastigiatus Pers. in Ust. An. Bot. 1. p. 256. Ach. in Act. Ac. holm. 1797 p. 201 t. 9, f. 1. L. Populinus Ehrh. — Hoffm.

Hab. in populis circa Fiskevaag Saltdalen Nordlandiæ sat frequens.

R. fraxineæ fere nimis affinis. Margines subfimbriati.

1250⁸²⁰ **RAMALINA** *scopulorum*: thallo compresso lævigato nitenti sublacunoso ramoso cinerascens pallido, ramis linearibus attenuatis.

R. scopulorum Ach. syn. p. 297.

Lichen calicaris Ach. in Act. Ac. holm. 1797 p. 210 t. 9 f. 2. G. H. Fl. dan. t. 959.

L. siliquosus Huds. fl. angl. ex. Achar.

Hab. in scopulis Nordlandiæ meridionalis.

Thallus undiqve tuberculis, (apoth. imperfectis?) obsitus. *R. polymorphæ* proxima.

1251⁸²⁰ **RAMALINA** *pollinaria*: thallo plano laciniato-ramuloso lacunoso pallido canescenteque, sorediis planis superficialibus pulverulento.

R. pollinaria Ach. syn. p. 198. Fl! Liefr. n. 115.

Lichen squarrosus Pers. in Ust Bot. An. 14 p. 35.

L. pollinarius Ach. in Act. Ac. holm. 1797 p. 263 t. 11 f. 2.

Hab. in rupibus subabsconditis ad sinum saltensem Nordlandiæ passim copiose.

Statura humili vix ultra pollicarem altitudinem.

821 **RAMALINA** (*Lichen*) *farinacea* Whlbg. fl. lap. n. 821, ubi vide et adde: apotheciis laterali-bus planis concoloribus.

R. calicaris Fries! lich. exs. n. 72 modo hujus status fructifer sorediis rarioribus est.

825 **CORNICULARIA** (*Lichen*) *ochroleuca*: Whlbg. fl. lap. n. 825, ubi vide.

Hab. in ramis Pinj Saltdalen Nordlandiæ rarissime, a vulgari nil discrepans. In rupibus maritimis Skarvhammeren ad Skjerstad *Lichen* occurrit pendulus, hanc et *Corniculariam* (*Alectoriam*) *sarmentosam* omnino conjungens. Ob locum habitationis et apices interdum nigricantes ad hanc forsân summo jure refertur, etsi habitum illius omnino præ se fert.

875 **PYCNOTHELE** *ceratites*: thallo radicato, radice ramosa, ramosisimo, ramis teretibus erectis solidis fastigiatis albis, apotheciis concavis flavis, margine thallode tenui subconnivente.

Dufourea ceratites Sommerfelt in Act. Ac. holm. 1823 p. 118.

Baeomyces ceratites *Whlbg. fl. lap. n. 875.*

Cenomyce? ceratites *Ach. syn. p. 279.*

Hab. in terra nuda succosa alpium Nordlandiæ, rarius in subalpinis.

VI. Lichen memorabilissimus imprimis radice perfecta ramosissima luto aretissime innata. A caudice simplici subradicali brevissimo rami primum breves partim erecti partim ad latera adscendentes, dein omnes erecti fastigiati acete cæspitosi per longitudinem rugosi usque ad 2 unciarum longitudinem assurgunt. Sub epidermide opaca stratum fæculiferum læte virens. Apices obtusiusculi denique se rumpunt et laminiam proligeram tenuissimam urceolatam flavam visui præbent. Apothecium sæpe quasi radiatum, cum ramuli e margine proliferent. Nomen Dufourei ob genus plantarum phanerogamarum homonymum immutare necesse erat.

824. *USNEA florida* *ß. comosa*: thallo subpendulo pallido-virente divergenti dichotomo, ramulis divergentibus, cephalodiis carneopallidis, apotheciis amplis planis ciliatis concoloribus.

b. plicata: thallo longiore pendulo.

U. florida var. *Flörke! in lit.*

U. plicata a. et b. *comosa* *Ach. syn. p. 305.*

Whlbg. fl. ups n. 907.

Lichen comosus *Ach. in Act. Ac. holm. 1795 p. 209 t. 8 f. 1.*

Lichen plicatus *Lin. fl. sv. n. 1122 lap. n. 457.*

L. barbatus *Whlbg. fl. lap. n. 824 exi. synonym.*

Hab. in arboribus, imprimis in Betulis per Nordlandiam et Lapponiam sylvaticam parcius.

Apothecia rarissime occurrunt, sed ab iis *Usnea florida* minime differunt. Usque ad 5 lin. lata.

Ab *U. florida* modo differt: colore pallidiore, thallo pendulo vel subpendulo. Synonymon floræ lap. hujus loci esse, tum character ipsius, tum locus natalis — nullibi *U. barbatam* nec in Nordlandia nec in Lapponia pitensi observavi — demonstrant. *Lin. fl. lap. n. 457* etiam ipse Linnæus in fl. sv. l. c. ad *l. plicatum* refert. Cephalodia illa carnosa carneopallida, quas primum (cfr. *prd. p. 223*) apothecia habuit Cl. Acharius, vel parasitica vel excrecentia ægrota sunt, qualia in

Cenomycidibus etiam occurrunt. Glomeruli pulverulenti fræquentes.

1252 ⁸³⁰₈₃₁ COLLEMA *hæmaleum*: thallo crustæformi diffracto-rimoso granulato-rugoso fuscescente-rufo, apotheciis confertissimis innatis plano-convexiusculis, disco nitido nigrescente, madefacto olivaceo-fuscescente, marginem thallodem crenatum æqvante, demum exeludente.

β *hæmatopis*: apotheciis superficialibus urceolatis: marginibus elevatis integerrimis, disco minuto,

Hab. in lapidibus schistoso-micaceis dissolutis alpium Saltdalensium Nordlandiæ rarius sed copiose. var.

β . in lapidibus non dissolutis sed sæpe irrigatis.

Crusta crassiuscula, cruori similis, sangvineo-fuscescens, intus virescens madefacta parum modo tumet, magis vero rufescit.

Crusta in var. β . eadem nec non disci indoles, si dissecatur, similis, quare nil nisi varietas ab udo habitationis loco orta est.

1253 ⁸³⁰₈₃₁ COLLEMA *petrosum*: thallo crustæformi subramuloso inæqvabili rimoso fusco-nigro, apotheciis confertis parvis planis, demum convexiusculis subconcoloribus, margine tenuissimo subcrenulato.

C. petrosum *Ach. syn.* p. 309.

Hab. in saxis inferalpinorum Saltdalen Nordlandiæ passim.

Totus Lichen opacus; siccus fusco-nigrescens rimosissimus, madidus tumidus inæqvabilis niger fibrillosam s. ramulosam indolem manifestans. Apothecia fulvescenti-nigra totum thallum sæpe tegunt. Ab omnibus formis C. *nigri* *Ach.* diversissimum est.

1254 ⁸³⁰₈₃₁ COLLEMA *subtile*: thallo stellato, laciniis filiformibus adpressis digitato partitis obtusis radiantibus, (apotheciis centralibus planiusculis concoloribus, margine tenui integerrimo).

C. subtile *Ach. syn.* p. 328.

Lichen subtilis *Schrader.*

Hab. in rupibus calcariis Saltdalen Nordlandiæ rarius, ex. gr. ad Qvesgaard.

Circulos radiantes centro destructo granulato tenuissimos in rupibus efformat. Semper sterile mihi obvenit. Madidum satis tumet.

- 834 COLLEMA *tenuissimum* Ach. syn. p. 338. Lichen byssinus Whlbg. fl. lap. n. 834 (excl. syn. Hoffm.) ubi vide.

Hab. quoque in rupibus Nordlandiæ rarius, in muscis lignisque frequentius. Basis thalli semper plumbea.

- 1255⁸³⁴ COLLEMA *byssinum*: thallo effuso granulato, grannulis aggregatis minutis crenulatis fusco-viridibus, apotheciis minutissimis concaviusculis concoloribus margine thallode integerrimo.

C. byssinum Fl. Liefr. n. 100. Hoffm. fl. germ. p. 105 ex Fl.

C. cheileum d. byssaceum Ach. syn. p. 310.

β. *juniperinum*: thalli granulis adscendentibus inciso-crenatis atro viridibus.

Hab. in rupibus calcariis interalpinorum Saltdalen Nordlandiæ rarius; var. β, ibidem in Juniperis.

Siccum rimoso granulatum fusco-nigrum. A specimine Flörkei l. c. modò colore, qui in illo magis cinereo-viridis est, et apotheciis adhuc minoribus aliquantulum differt.

Var. β, modo thallo obscurius colorato et liberius evoluto, non adeo adpresso differt. Apothecia ejusdem indolis, suburceolato-concavis. Ad suum C. *byssinum* peruenire etiam agnovit Cl. Flörke.

- 887 COLLEMA *fuligineum*: thallo subtilissime granulato atro-viridi, apotheciis immersis, disco punctiformi margine elevato integerrimo.

Verrucaria fuliginea Whlbg. fl. lap. n. 887, ubi vide. Ach. syn. p. 122.

Hab. in rupibus Nordlandiæ et Finmarkiæ.

Cl. Wahlenberg hunc Lichenem minutulum in statu sicco describit, in quo vere pulverulentofloccosus apparet, et discos minutos, apices verrucarum referentes, habet; si vero madefacta inspicitur, vera ejus indoles in lucem prodit. E specimine a Cl. Wahlenbergio benevole communicato notum habeo.

1256 **COLLEMA conglomeratum**: thallo lobato fusco, lobis minutis adscendentibus cæspitulos discretos formantibus, inciso-crenatis, apotheciis terminalibus confertis minutis urceolato-concavis concoloribus margine thallode integerrimo.

C. conglomeratum Hoffm. fl. germ. p. 102. sec. Flörke.

C. fasciculare γ. conglomeratum Ach. syn. p. 317.

Lichen fascicularis γ. Bernh. in Schrad. journ. f. d. Bot. 1799. 1 t. 1 f. 3 c.

Hab. in truncis Populorum Saltdalen Nordlandiæ rarius.

Lobi thalli minuti crassi suberecti in superficie quasi granulati. Apotheciorum discus punctiformis impressus, margine elevato semper integerrimo. *A. C. fasciculari* species distincta, minutie partium, imprimis apotheciorum statim dignoscenda.

1257 **COLLEMA fasciculare**: thallo suborbiculi præsino imbricato-plicato, plicis centralibus erectis flexuosis anastomosantibus, lobis periphericis rotundatis inciso-crenatis, apotheciis marginalibus turbinatis, disco convexiusculo rufo, margine tenui integerrimo.

C. fasciculare Ach. syn. p. 317.

Lichen fascicularis Lin. mant. 1 p. 133? Ach. prd. p. 129. Fl. dan. t. 462, f. 2.

β. aggregatum: lobis erectiusculis cæspitoso-fasciculatis dilutius-viridibus, apotheciis majoribus.

? *C. fasciculare β. aggregatum Ach. syn. p. 317?*

Hab. in lapidibus rupibusque calcariis interalpinorum Saltdalen Nordlandiæ copiose, *β.* in arboribus parcius.

Sæpe orbes spithameæ latitudinis efficit. Madidum intense viride, siccus nigrescit. Var. in eo differt, quod thallus non effusus, sed lobi e communi basi parva erectiusculi adscendant, et capitulum subpodicellatum s. obconicum efficiant. Apothecia ejusdem naturæ.

1258 **COLLEMA myriococcum**: thallo nigro-viride laciniato, laciniis granulatis s. papillatis, apicibus globosis in apothecia primum globosa, dein

disco punctiformi impresso demumque turbinato globosa concava margine integerrimo concolore abeuntibus.

C. myriococcum Ach. syn. p. 314. in Act. Ac. holm. 1801 p. 159 t. 3 f. 2 (jun.)

Hab. inter et supra muscos in inferalpinis Nordlandiæ saltensis rarissime.

Cæspites parvi apotheciis confertissimis minutis demum suburceolatis regularibus mox dignoscitur. Thallus difficillime perspicitur, ut describatur. Cl. Acharius semper stirpem juniorem describit. Apotheciis minutis globosis et concavis a *C. fasciculari* differt.

4259³³⁶₃₃₇ COLLEMA *pulposum*: thallo suborbiculari e lobis crassis subdiscretis formato, apotheciis confertis planiusculis ferrugineo-virescentibus, margine thallode tumido integerrimo.

C. pulposum Ach. syn. p. 314. var. α . Lich. un. p. 632. Bernh. in Schrad, jour. f. d. Bot. 1799. 1 f. 1 f. 1 a. ex. Achar.

Hab. in terra montium calcariorum Saltdalen Nordlandiæ rarius.

Apothecia quam in cæteris ampliora, sicca fulva. Thallus hujus et sequentis nec non aliorum Collematum thallo pulposo præditorum fila moniliformia Nostocina (*Nostoc muscorum* Ag.) intus foveat, sed hanc ab rem non Algæ aquaticæ sed veri Lichenes sunt,

4259³³⁶₃₃₇ COLLEMA *tenax*: thallo suborbiculari imbricatove, lobis crassis plano-incumbentibus inciso-lobatis, lobis repandis rotundatis subintegerimis, apotheciis in lobis immersis concavis rufescentibus, margine thallode tumido subintegerimo, dein granulato f. foliaceo-crispo.

C. tenax Ach. syn. p. 314.

Lichen tenax Ach. prd. p. 128. in Act. Ac. holm. 1795. t. 1 f. 1.

Lichen pulcher Leers fl. herb. p. 259. excl. syn. Dillen.

C. Burgessii Fl. dan. t. 1475.

β . *litoreum*: lobis subplicatis lacinjatis, lacinjiis angustioribus granulatis.

Hab. in terra humida ad latera montium inferalpino-
rum nec non β . ad litora Nordlandiæ saltensis
passim copiose.

Species pulchra et variabilis. Primum inveni-
tur ut rosula sterilis tumida intense et vivide
viridis pollicaris diametri lobata, lobis rotundatis
integerrimis centro papillosa, subtus spongioso-
tomentosa, apotheciis rarioribus. Ætate lobi elon-
gantur et proliferantur, quæ re lobi elongati et
imbricati nec non apotheciis copiosis ornati subtus
subglabri, saltem non nisi versus centrum tomen-
tosi, evadunt. Margo apotheciorum rarius inte-
gerrimus, sed a prima juventute subgranulosus,
dein lobatus vel crispus, omnino qualis in icone
citata *fl. danicæ*, quæ sane hujus loci est,
picta est. De synonyme Leersii nullus dubito,
cum descriptio ejus convenientissima sit. De sy-
nonymo Acharii certiorum etiam me fecit Cl.
Flörke. In var. β apothecia simillima, nec non
thalli color et substantia, sed lobis laciniatis, la-
ciniis interdum sublinearibus erectiusculis habitum
qvendam alienum præ se fert.

1261 $\frac{111}{111}$ COLLEMA *radiatum*: thallo stellato orbi-
culari lobis crassiusculis decumbentibus tereti-li-
nearibus simplicibus digitatimque fissis obtusis
intense viridibus, centro papilloso.

Hab. in rupibus calcareis a stillicidiis interdum irri-
gatis Saltdalen Nordlandiæ rarissime. ex. gr. in
Skipperelvdalen ad Fiskevaag.

Etsi fructiferum nondum inventum, tamen
thalli forma species distinctissima est. Rosulas
pollicaris diametri gelatinosas nitidas radiantes ef-
format attamen ad *Polychidia* Ach. referri non
potest ob substantiam pulposam. Lobi lineares
 $\frac{1}{2}$ lin lati.

1262 $\frac{111}{111}$ COLLEMA *palmatum*: thallo pulvinate
orbiculari glaucescente s. fusciscente-viridi, lo-
bis crassis erectis confertis fastigiatis subcompres-
sis linearibus palmato-incisis, apicibus turgidis,
(apotheciis rufis-fulvis).

C. palmatum Ach. syn. p. 319 (exclusa varietate
b.) *meth. lich.* 242.

Lichen palmatus Huds. *fl. angl.* ex. Achar.

Hab. in rupibus calcariis irrigatis inferalpinorum Salt-
dalen Nordlandiæ rarius.

Pulvinos orbiculares convexos compactos superficie turberculatæ turgidæ in rupibus efformat. Lobis erectis linearibus compressis palmato-incisis mox dignoscitur. *C. corniculatum Hoffm.* (*palmatum Bernh.*) ab hoc diversissimum thallo tenui foliaceo p. p. Synonymiam me edebuit Cl. Flörke.

1263 ³²² ~~322~~ COLLEMA *flaccidum*: thallo foliaceo membranaceo lævi granulato atro-viridi, lobis discretis magnis retundatis integerrimis laxis, apotheciis raris sparsis planiusculis.

C. flaccidum Ach. syn. p. 322.

Lichen flaccidus Ach. in Act. Ac. holm. 1795. p. 14 t. 1 f. 4, prd. p. 131. Whlbg. fl. upi. n. 889.

L. nigrescens Ehrh.

L. rupestris Swartz....

Hab. in rupibus inferalpinis circa sinum saltensem Nordlandiæ rarius.

Est quasi medium inter *C. furvum* et *C. nigrescens*. Ab illo differt: thallo majore nec adeo adnato nec crispo; hæc vero: thallo lævi tenuiore non granulato, apotheciis confertis. Granula folia minutissima sunt.

1264 ³²³ ~~323~~ COLLEMA *furvum*: thallo foliaceo membranaceo rugoso-plicato atro-viridi utrinque granulato, lobis integerrimis undulato crispis, apotheciis elevatis sparsis concoloribus, margine integerrimo.

C. furvum Ach. syn. p. 323). Fl! Liefr. n. 140.*

C. granulatum Hoffm. fl. germ. p. 99.

L. furvus Ach. prd p. 132. in Act. Ac. holm. 1801 p. 164, t. 3 f. 6.

*) Flora dan., t. 461, 1, quam ad *C. furvum* refert Cl. Acharius in synopsi, hujus loci non est. Stirpem iconis floræ danicæ in terra littorali ad Bodø sed sterile reperi. Forsan varietas *C. tenacis*? A *C. furvo* differt: thalli lobis crassis subimbricatis p. p.

Hab. in lapidibus et rupibus calcariis ad sinum sal-
tensem Nordlandiæ frequenter.

843 PELTIDEA ulorrhiza: thallo polyphylo ci-
nereo f. fusco-virescente subtoментoso laciniato-
lobato, laciniis inciso-crenatis suberispis, subtus
albicante venis nigro-fuscis reticulato denseque
fibrilloso, fibrillis villosis tomentosis cinereis vel
fuscis *Fl! Liefr. n. 154.*

P. canina α *Ach. syn. p. 239. Whlbg. fl. lap.*
n. 843. fl. ups. n. 8. Fl. dan. t. 767 f. 2.

P. spuria Ach. meth. p. 283 t. 5 f. 2.

P. polydactyla var. *spuria Fl! Liefr. n. 74.*

P. polydactyla Schradr.

P. rufescens Hoffm. fl. germ. p. 107.

Dill. hist. t. 27 f. 103 A.

β . *prætextata:* thalli marginibus fimbriatis, apo-
theciis majoribus erectis rufis.

P. ulorrhiza β , *prætextata Fl! Ms.*

Hab. in sylvis totius Lapponiæ Nordlandiæ. β . ad ra-
dices et truncos putrescentes in Saltdalen Nord-
landiæ.

Frons coriacea subtoментosa, subtus venis fus-
cescentibus subconfluentibus, lobis fertilibus lon-
gius protractis, peltis sæpissime reflexis insignis
est. Superficies tomentosa eam a *P. polydactyla*
distinguit.

Margines fimbriati *varietatis* β . e foliis squa-
mæformibus, nunquam polliniferis constat. *Var.*
crispa Ach. et Whlbg. est modo forma sterilis
vulgaris margine crispo pollinifero ad *P. uloph. α*
pertinens.

4265 $\frac{3}{4}$ PELTIDEA leucorrhiza: thallo tenui mem-
branaceo (in sicc.) albo f. cinereo-virescente sub-
toментoso rotundato lobato, subtus albicante, ve-
nis concoloribus reticulato, denseque fibrilloso, fi-
brillis villosis tomentosis, haseos fusco-cinereis,
ambitus candidis. *Fl! Liefr. n. 153.*

P. canina β . membranacea *Ach. syn. p. 239.*

P. canina Hoff fl. germ. p. 106.

Dill. hist. t. 27 f. 102 E.

Fronde membranacea tomentosa subtus venis concoloribus reticulata, apotheciis majoribus badiis rarius reflexis imprimis insignis est.

- 1266⁸⁴³₈₄₄ PELTIDEA *polydactyla*: thallo glauco-virescente glabro nitido, subtus nudiusculo s. passim fusco-fibrilloso, venis confluentibus fuscis reticulato, lobulis fertilibus sæpe creberrimis, apotheciis verticalibus revolutis fusco-atris, margine integerrimo. *Fl! Liefr. n. 175. Ach. syn. p. 240. Hoffm. fl. germ. p. 206.*

P. canina δ . glabra *Ach. syn. p. 239.*

β . *collina*: thallo tenuiore, lobis crenulatis crispis pulverulentis, fertilibus brevioribus, apotheciis minoribus transverse-oblongis.

P. scutata β . *collina* *Ach. syn. p. 237.*

Hab. in interque muscos ad radicem arborum in inferalpinis Saltdalen Nordlandiæ.

Color, lævitas, indoles paginæ inferioris, apotheciaque nigro-fusca revoluta varietatem β . hujus speciei formam esse svadent.

P. scutata α . *Ach. syn. (excl. syn. Dicks. ad Cetrariam sæpincolam Ach. pertinente) apotheciis planis solummodo differre videtur.*

- 1267⁸⁴⁷₈₄₈ PELTIDEA *parilis*: thallo membranaceo olivaceo-fusco, subtus lævi pallido nigricanteque, apotheciis posticis subfuscis.

P. parilis *Ach. meth. p. 289.*

P. resupinata β . *papyracea* *Whlbg. fl. lap. n. 848.*

Nephroma parile *Ach. syn. p. 242.*

β . *papyracea*: marginibus demum crispis pulverulentis.

Nephroma resupinata β . *papyracea* *Ach. syn. p. 242.*

Peltigera papyracea *Hoffm. fl. germ. p. 108 ex. Achar.*

Hab. in rupibus, saxis truncisque arborum ubique parcus.

Forsan cum jure hanc cum *P. resupinata* conjunxit Cl. Wahlenberg. Si vero discernenda, nota distinctiva imprimis e pagina inferiore lævi summi debet, quare etiam *var. papyracea* huic associanda est. Color paginarum variabilis.

1258:47 *PELTIDEA lævigata*: thallo cartilagineo-membranaceo olivaceo-castaneo, subtus pallido lacunoso utrinque glabro nitente, lobulis fertilibus brevibus, apotheciis posticis badiis.

Nephroma lævigata Ach. syn. p. 242.

Hab. in terra subhumida Nordlandiæ saltensis et Laponiæ pitensis. Usque ad summas alpes ascendit, at modo in subalpinis fructiferam legi.

Distincta species. Longe fragilior quam cæteræ. Thallus magnus laciniis adscendentibus crispatis cæspites insignes interdum efformat. Genera illa factitia, *Nephroma*, *Solorinam* et *Peltideam* conjungit. Apothecia *Nephromatis*. Thallus *Peltideæ* f. *Solorinæ*.

852 *STEREOCAULON paschale*: podetiis erectiusculis ramosissimis pallidis tomentosis, squamulis phylloideis crenatis cinereo-cæsiis tectis, apotheciis sparsis parvis planis fuscis.

S. paschale Fl! Liefr. n. 199. Ach. syn. p. 284. Hoff. fl. germ. 2 p. 130. pl. lich. t. 5 f. 1. (Corallinoides). *S. tomentosum* Fries! lich. exs. n. 90. *Boeomyces paschalis* Whlbg. fl. lap. p. 852 (pro parte).

Lichen Lin. fl. lap. n. 439.

Hab. in sterilibus tum sylvaticis tum alpestribus ubique copiose.

Hoc et sequens confudit cum plerisque auctoribus Cl. Wahlenberg, quod ex eo patet, quod ei et campos et saxa ut habitationis loca adtribuit. Attamen caule tomentoso altiori, ramis vagis, apotheciis duplo minoribus, bene distincta species. *Stereocaulorum* podetia non thallum dici debere, bene annotat Cl. Fries l. c.

1269 *STEREOCAULON dactylophyllum*: podetiis subdecumbentibus ramosissimis glabriusculis pallidis, subtus nudis, supra squamis digitato-incisis viridi-cinerascentibus vestitis, apotheciis sparsis majusculis convexiusculis fuscis.

S. dactylophyllum Fl! Liefr. n. 78.

Bæomyces paschalis β. nanus Whlbg. fl. lap. p. 450.

β. *major*: podetiis erectiusculis albido-pallescentibus.

S. coralloides Fr! lich. exs. n. 118:

Lichen paschalis Lin. fl. svec. p. 1120, Fl. dan. t. 151.

Bæomyces paschalis Whlbg. fl. lap. n. 752. pro parte.

Hab. in saxis rupibusque par Nördlandiam et Lapp-
niam sylvaticam et subalpinam.

Hunc Lichenem veram varietatem *S. dactylo-
phylli* Fl! esse, pro certo habemus tum ex col-
latione speciminis, tum ex literis Cl. Auctoris.
Ad *S. pileatum* quam ad *S. paschale* propius ac-
cedit, sed ab illo caule ramosissimo satis differt.
Bipollicarem altitudinem nunquam excedit. Va-
rietas solummodo majori mole differt. Radix sub-
scutata caules plurimos fasciculatos seu caespito-
sos emittit.

1270 STEREOCAULON *denudatum*: podetiis

ramosis glabriusculis superne granulis subphyl-
loideis crenatis lobatisque lividis albomarginatis
arcte vestitis, apotheciis planiusculis fuscis.

S. denudatum Fl! Liefr. u. 79.

Hab. in saxis rupibusque Nordlandiæ, imprimis mari-
timæ passim copiose.

Ab antecedentibus bene distincta. Cespites
magnos, ramis mediis erectis, lateralibus subde-
cumbentibus efficit. Granula crassiora, quam in
cæteris, quasi subpeltata. Fructus rarius profert.
Corpuscula illa parasitica nigra conglomerata gla-
bra, quorum mentionem facit Flörke l. c., vul-
gatiora. Hæc apud *S. paschale* vulgatissima,
floccosa nigra, madida cærulescentia, sed apud *S.
dactylophyllum* rarius observantur.

853 CENOMYCE *symphycarpa* Whlbg. fl. lap.
n. 853, ubi vide.

C. cariosa Fl! Liefr. n. 95 (ipso Fl. annuente).

854 CENOMYCE *cariosa* Whlbg. fl. lap. n. 854,
ubi vide. Dill. t. 15. f. 15, 8, C.

C. decorticata Fr! lich. exs. n. 81.

C. cariosa et *pyxida* β. coralloidea Ach. syn.
p. 273, 253.

Differt hæc ab antecedente præter podetia ca-
rioso-cancellata, statura longe altiori, apotheciis
obscurius coloratis, et ut plurimum podetiis squa-

mosis. Stirps nordlandica a germanica colore cinereo, qui in illa subpallescens, parum modo differt. Folia thalli minime ut vult Acharius (syn. p. 273), minuta, sed potius majuscula.

856 CENOMYCE coccifera: thallo foliaceo laciniis subtus nudis, podetiis elongate turbinatis cinereo - flavo-virescentibus, apotheciis majusculis coccineis.

C. coccifera Ach. lich. un. p. 537. Fl! Monographia Cenom. Ms.

Lichen cocciferus β . Lin. fl. sv. p. 421. fl. lap. n. 429.

α . *extensa*: podetiis granulatis demum subpulverulentis, scyphi marginibus fructiferis protensis.

C. coccifera α . *extensa* Fl! Mon. Cen. Ms.

C. extensa Fl! in Berl. mgz. 1808 p. 222. Ach. syn. p. 269. Whlbg. fl. lap. p. 856 (*C. cocciferus*). Fl. dan. t. 1188. 1.

β *asotea*: scyphis regularibus cyatiformibus e centro diaphragmatis aggregato proliferis, demum foliosissimis.

C. coccifera β . *asotea* Fl! Mon. Cen. Ms.

C. extensa β . *asotea* Fl. in Berl. mgz. 1. 223. Liefr. n. 96 Ach. syn. p. 269.

Lichen Lin. fl. lap. n. 432?

γ . *pleurota*: subpulverulenta albo-pallido-virescente, scyphis regularibus, margine subintegro radiatove.

C. coccifera γ . *pleurota* Fl! Mon. Cen. Ms.

C. pleurota Fl! in Berl. mgz. 1808 p. 218. Ach. syn. p. 270. Whlbg. fl. lap. n. 858. Fr! lich. exs. n. 84.

Hab in terra macra inferalpina ac alpestri per omnem Nordlandiam et Lapponiam.

C. extensa Auct. aetate omnino pulverulenta evadit, et superficies nuda et pulverulenta nec non margo protensa et radiata sic gradatim in se invicem in speciminibus variis transeunt, ut ipse Cl. Flörke natura duce meliora edoctus utrasque conjungat.

857 CENOMYCE polydactyla β . *macilenta* Fl! Mong. Cen. Ms.

Boeomyces macilentus Walbg. *fl. lap.* n. 859;
ubi vide. *Fr! lich. exs.* n. 52 (Cenomyce).
Cladonia filiformis Schärer *specil. lich. helv.*
Lichen cocciferus α . *Lin. fl. svec.* n. 1199.

Formam scyphiferam \circ : *C. polydactyla* α . *Fl.*
in Nordlandia eadem non legi, sed in comple-
tissima Cenomycidum collectione, quam præ egre-
gia erga me benevolentia mihi misit Cl. Flörke,
unam speciem in alteram transire satis mani-
feste vidi.

127. $\frac{859}{860}$ CENOMYCE *Flörkeana*: thallo minuto
laciniis subtus nudis, podetiis cylindricis glabris
verrucosisque virenti-cinereis apice divisis, apo-
theciis coccineis.

C. Flörkeana *Fr! lich. exs.* n. 82.

C. chloroides *Fl! Mong. Cen. Ms. - Dill. musc.*
t. 15. f. 19, *C.*

Lichen digitatus *Fl. dan.* 1188, 2.

Hab. in terra sterili pinetorum versus regionem sub-
alpinam Nordlandiæ et Lapponiæ rarius.

C. polydactylæ β . *macilentæ* propius accedit,
sed superficie minime pulverulenta differt, nec
cum alia confundi potest. Scyphos perfectos non
profert. Uncialem altitudinem vix attingit. In
summa ætate interdum podetia squamis \circ : verru-
cis laxis exasperantur. Rami fere omnes fer-
tiles.

1272. $\frac{861}{862}$ CENOMYCE *straminea*: thallo minuto sub-
tus nudo, podetiis pallidis dein fusciscentibus elon-
gatis tubæformibus squamis pallidis scabridis om-
nibus scyphiferis, apotheciis subpedicellatis pallidis.
C. Flörkeana *Sommerfelt in Actis Ac. nide-
rosiensis.*

Hab. in saxis inter muscos Nordlandiæ rarissime. A
me solummodo in Junkersdalen Saltdalen lecta est.

Podetia nuda, sed semper squamis exasperata
cylindrica apice in scyphum regularem dilatata,
rarissime ramosa, cum e senescente podetio nova
simplicia assurgant. Scyphi rarissime margine
prolifera. Apothecia majuscula plana constanter
pallida. *A C. coccifera* var. *ochrocarpia* *Fl.*
omnino diversa. In illius apotheciis subpallidis
rubrum tamen transluet. Colore apotheciorum,

podetiis tubæformibus, squamis pallidis arcte exasperatis ab omnibus bene distincta species. Cum nomen priori speciei a Friesio dictum mihi occurreret, meum mutavi, quia illa stirps ut vulgarior ad nomen hujus plantarum familiæ meritisimum celebrandum aptior erat.

1273 CENOMYCE *carneo-pallida*: thallo minuto, podetiis pulverulentis lutescenti-pallidis albisve, basi fusco-cærulescentibus, apotheciis livido-carneis pallidisque.

α . *scyphosa*: podetiis turbinato scyphiferis, margine crenulato proliferoque.

C. carneola Fries! *lich. exs.* n. 115 (pro parte, nam intersunt quoque specimina *C. polydactylæ* Fl!).

C. fimbriata γ . *carneo-pallida* Ach. *syn.* p. 258.

Capitularia pyxidata γ . *carneo-pallida* Fl! in *Web. Beitr.* 2 p. 304.

β . *cyanipes*: podetiis cylindricis cornutis subsimplicibus, demum apice ramosis, ramis brevibus subdivaricatis.

C. cyanipes Somrf. in *Actis Acad. niderosi*.

Hab. α . in truncis dejectis caudicibusque putridis imprimis versus regionem subalpinam Nordlandiæ et Lapponiæ; β . inter Hypna in sylvaticis Nordlandiæ saltensis.

Hæc species ab omnibus formis *C. fimbriatæ* constanter diversa est. Color podetiorum et apotheciorum nunquam in cinereum vel fuscum vergit. Subtilius pulverulenta quam fere ulla alia species. Var. α e margine sæpe repetito prolifera, proliferationibus omnibus scyphiferis; apothecia in marginibus protensis subpedicellata. Thalli lacinia subtus albæ subtomentosæ. Basis senectute cærulescit, quod in α . obsoletius, sed in β . semper evidenter adest. Hæc nota hanc ab omnibus formis similibus *C. polydactylæ* Fl. distingvit, nam illius basis senectute fulvescit. Varietatem β . semper seorsim crescentem diu speciem novam et distinctam habui, nam in ea etiam rarius observantur scyphi parvi, qui verò mox in ramos breves torulosos abeunt, quorum

apices rarissime apotheciis minutis pallidis ornantur; sed nunc de vera ejus affinitate non dubito. Ad Cl. Flörkeum eam misi, qui etiam formam cornutam censuit, sed ad quam referret, incertus fuit. Podetia substantiæ tenerissimæ fragillima et sæpe ventricosa usque ad 2 unciarum altitudinem attingunt.

862 CENOMYCE *fimbriata*: Ach. syn. p. 254

(excl. var. γ.)

Bæomyces pyxidatus Whlbg. fl. lap. n. 962
(excl. syn. Lin. fl. svec. n. 1111 et fl. lap. n. 824.) ubi vide.

1274111 CENOMYCE *chlorophæa*: thallo foliaceo minuto, podetiis elongate turbinato scyphiferis granulatis albo f. fusco-virescentibus, margine denticulato, apotheciis fuscis.

C. chlorophæa Fl! Mon. Cen. Ms.

?C. pyxidata. b. staphylea. c. syntheta Ach. syn. p. 253.

Fl. dan. t. 1188, 3. opt. Dill. musc. t. 14 f. 8 A—C.

Hab. in terra sterili per Nordlandiam et Lapponiam passim.

Est species media inter C. *fimbriatam* et *pyxidatam* Ach. (pyxidatam et neglectam Fl.). Formam C. *fimbriatæ* gerit, sed minime pulverulenta. Granula quidem tenuia, nec ut in C. *pyxidata* vetusta verrucosa, sed pulvis dici non possunt. Rarius si unquam quoque occurrunt formæ cornutæ. Tales ipse nunquam legi, et quas mihi misit Cl. Flörke, satis ad C. *fimbriatam* accedunt. Vario modo prolifera, proliferationibus scyphiferis. Podetia ipsa juniora alba, dein fusca, granulis virescentibus. Ob thalli lacinias magnas Fl. dan. t. 1355 f. 2 ad hanc pertinere non potest.

863 CENOMYCE *pyxidata*: Ach. syn. p. 252

excl. var. excepta d. *lophyra*.

C. pocillum Ach. l. c. p. 253.

Bæomyces neglectus Whlbg. fl. lap. n. 863. ubi vide. Fl! Liefr. n. 16 et 200 (C. pocillum).

Lichen pyxidatus Lin. fl. svec. n. 1111.

Nullum mihi dubium est, quin hæc cum antecedente et sequente vernus *Lichen pyxidatus* Lin. sit. *C. pocillum* forma modo est juvenilis et in-
efformata.

864 CENOMYCE *verticillata* Whlbg. fl. lap. n. 864, ubi vide.

β . *phyllophora*: thallo majusculo in podetia angusta breviter albida adscendente, scyphis dilatatis. *C. verticillata* β . *phyllophora* Fl! Mong. Cen. Ms. ? *C. cervivornis* Ach. prod. p. 184. syn. p. 251. in Act. Ac. holm. 1801 t. 4. f. 3.

Hab. in terra sterili alpestri et subalpina Nordlandiæ. Synonymum Acharii mihi indubium, cum modo iconem, nimis parvam, alias bonam, viderim, dubitanter tamen apposui.

866 CENOMYCE *gracilis* Whlbg. fl. lap. n. 866. ubi vide et adde.

Lichen Lin. fl. lap. n. 428.

Hic, minime vero *C. fimbriata vel pyxidata* campos colore albo inducit.

1275 CENOMYCE *coniocræa*: thallo foliaceo, podetiis cæspitosis elongatis subventricosus subdivisis glabris supra medium pulverulentis cinereo s. fusco-viridibus subulatis scyphove angustato terminatis, apotheciis fuscis.

C. coniocræa Fl! Mon. Cen. Ms.

C. coniocræa β excelsa Fl! Liefr. n. 139.

C. cornuta Fr! lich. exs. n. 116. Lin. fl. suec. (Lichen) n. 1115. lap. n. 434, (pro maxima parte.)

Hab. in terra sterili interalpinorum Nordlandiæ ac Laponiæ frequenter.

In hisce regionibus quoque rarius obvenit *C. coniocræa* α Fl! Liefr. n. 138, quam nunc in Monogr. Cen. ab ea nomine *C. flexuosæ* distinxit. Illi nec non mihi adhuc dubia. Cum *C. coniocræa* jure conjuncta videtur, nam ab illa modo differt: statura duplo minori, podetiis fere omnibus scyphiferis. Habitu *C. fimbriatam* var. *fibulam* refert. Hæc species et ad *C. fimbriatam* v. *cornutam* et ad *C. gracilem* *cornutam* accedit, sed ab utraque differt podetiis interne glabris superne pulverulentis, scyphove subintegerrimo angustato. Nullus dubito, quin *L. cor-*

nutus Lin. imprimis hujus loci sit, etsi ille auctor celeberrimus ut quoque Cl. Acharius in scriptis antiquioribus illi formas aliarum specierum cornutas certe associavit.

- 1276 *CENOMYCE decorticata*: thallo squamæformi, podetiis simplicibus, fructiferis cylindricis, sterilibus subulatis, decorticatis albissimis fuscisve squamis minutissimis albido cinereis adpersis, apotheciis subpeltatis fuscis. *Fl! Mon. Cen. Ms. Fl! Liefr. n. 75* (non vero Fries).

C. pityrea c. decorticata Ach. syn. p. 254.

Hab. in lateribus montium inferalpinorum sub Pinis in Saltdalen Nordlandiæ rarissime.

Podetia fructifera rarius apice divisa, semper opaca quasi bysso albo tecta. Apothecium primum singulum podetia terminat, quod ætate crescens medio rumpitur et plura apothecia mentitur scyphumque pervium spurium efficit. Opacitate et defectu scyphorum ab omnibus formis *C. pityreae* diversa. *C. cartosæ* sane affînior, et podetiis integris simplicibus, apotheciis pallidioribus etc. differt.

- 1277 *CENOMYCE parecha*: thallo foliaceo majusculo, laciniis suberectis incisís crenatisque, podetiis lævigatis lacteo-virescentibus cylindræo-obconicis scyphiferis, scyphis cribrosis margine lacero-dentatis prolificantibus, proliferationibus ramosis turgentibus subascyphis, apotheciis parvis pallide-fuscis.

C. parecha *Fl! Mon. Cen. Ms. Ach. syn. p. 272 Lich. un. p. 532. prd. p. 185 in Act Ac. holm. 1821 t. 4 f. 2. Fl. dan. t. 1356 f. 2.*

C. Candelabrum Ach. lich. un. p. 533.

b. corniculata: podetiis elongatis subulatis divisis ascyphis.

Hab. in sterilibus inferalpinis parcius, in subsylvaticis copiosius per Nordlandiam et Lapponiam.

C. unciali proxime affinis, sed cum ea ob colorem, scyphos perfectos, thallum majusculum etc. confundi nequit. Scyphi eadem modo cribrosi ac in *C. amaurocræa* Fl. quæ statura altiori graciliorique, podetiis apotheciisque pallidis mox agnoscitur. Varietas arcte caspitosa, sæpe 4 unc

longa rarius sed magna copia obvenit. Thallus ad uncialem longitudinem assurgit.

- 1278 *CENOMYCE papillaria*: thallo subcrustaceo granulato albido, podetiis brevissimis ventricosis glabris albis simplicibus ramulosisque, ramis brevibus subconfluentibus, apotheciis planiusculis rufo-fuscis.

C. papillaria Fl! Mon. Cen. Ms. Ach. syn. p. 248.

Lichen papillaria Ehrh. — Ach. prod. p. 88. Engl bot. t. 907. Dill. musc. t. 16 f. 28.

Hab. in terra nuda turfosa in rupibus submaritimis Nordlandiæ saltensis ex. gr. supra Skarvhammeren Skjerstad.

Granula thalli crenulata, ergo foliaceæ indolis. Podetia primum conica, apice fulvo-fuscescente, deinde ampliantur, sed vix supra 8 lin. assurgunt. Apothecium terminale unicum subpedicellatum. Priori nulli affinior est.

- 1279 *CENOMYCE cenotea*: thallo foliaceo minuto pulverulento, podetiis longiusculis ventricososubteretibus tenuissime pulverulentis albis cinereisque apice apertis scyphiformibus, margine repetito prolificantibus, apotheciis parvis nigrofuscis.

C. cenotea Al! Mon. Cen. Ms. ... Liefr. n. 177. Ach. syn. p. 271.

Bæomyces cenoteus Ach. meth. p. 345 t. 7 f. 7. Whlbg. fl. ups. n. 915.

C. gonorega α Ach. lich. un. p. 551.

C. brachiata, Fr! lich. exs n. 55.

Cladonia uncinata Hoffm. fl. germ. p. 116.

Hab. in truncis dejectis putridis et terra tenui rupium inferalpinorum et subalpinorum Nordlandiæ et Lapponiæ frequenter.

- 872 *CENOMYCE furcata*: podetiis elongatis gracilibus lævibus albo-viridibus, lividis s. subspadicis dichotomo ramosis, axillis perforatis, ramis acicularibus, apicibus subfurcatis divergentibus, fertilium apotheciis fuscis. Fl! Liefr. n 196. Mon. Cen. Ms. Dill. musc. t. 16. t. 26, 27.

α. crispata: podetiis brevioribus crassioribus, axillis perforatis dilatatis verticillato-prolifera-
tibus.

C. furcata var. *crispata* *Fl! Mon. Cen. Ms.*

C. crispata *Ach. syn. p. 272. Whlbg. fl. lap. n. 868, ubi vide.*

β. furcata: podetiis elongatis gracilibus lævigatis lividis spadiceisque dichotomis, ramis subconfertis, apicibus furcatis.

C. furcata var. *Fl! Liefr. n. 196. Mon. Cen. Ms.*

C. furcata *Ach. syn. p. 276. Whlbg. fl. lap. n. 872, ubi vide.*

b. subulata: podetiis parcius ramosis, ramis erectiusculis.

C. furcata *b. subulata Fl! Mon. Cen. Ms. ... Liefr. n. 197. Whlbg. fl. lap. p. 457, ubi vide.*

γ. racemosa: podetiis albo-virescentibus elongatioribus demum subinflatis parcius ramosis, ramis substrictis apice subfurcatis, apotheciis confertis.

C. furcata var. *racemosa Fl! Mon. Cen. Ms.*

C. racemosa *Ach. syn. p. 275. Whlbg. fl. lap. n. 870, ubi vide.*

b. adpersa: podetiis elongatis squamoso-furfuraceis viridi-albis, parce ramosis, ramis subsimplicibus, apotheciis rarioribus. *Fl! Liefr. n. 198. Mon. Cen. Ms.*

C. pityrea *b. acuminata Ach. syn. p. 254. Dill. musc. t. 16 f. 27. e.*

Hab. in Nordlandia et Lapponia passim ubique; *α.* in udis; *β.* in sterilibus; *γ.* inter muscos inylvaticis.

A vario loco habitationis variae formarum mutationes quoque declarantur. Var. *α.* in *β.* abire et in germanicis et in nordlandicis speciminibus evidenter observavi, nec *β.* a *γ.* distingui potest, nam male omnino axillæ in *C. furcata* imperfectæ dicuntur. Hoc in forma *subulata* macerri-
ma rarius forsitan observatur.

876 **ENDOCARPON** *Sommerfeltii*: crusta lævigata cinerascenti-lactea verrucosa, apotheciorum

verrucis subconico-hemisphaericis, estiole subso-litario regulari fuscescente.

Porina Sommerfeltii *Flörke* in lit.

E. pertusum *Whlbg!* *fl. lap.* n. 376, exclusis om-nibus syn.

Hab. in cortice Salicis. Capreae, Populi et Juniperi Lapponiae kemensis et Nordlandiae saltensis haud raro.

Crusta semper in cinerascens nungvam in pallescentem colorem vergit. Verrucae, imprimis juniores, semper subconicae, versus apicem acutiusculi; aetate vero magis hemisphaericae. Ostiola 1—4 primum subprominula, dein depressa. Asci creberrimi lineares sporidiis 8 ovatis. Porinae *lejioplacae* multo affinium quam *P. pertusae*. Ab illa differt: colore semper in cinereum vergente, verrucis minoribus, nunquam oblongis convexis, estiole regulari, nec a juventute modo impresso, sed prominulo, nec rimoso aperiundo. Ab hac: crusta alba tenuiore, verrucis acutis etc. Quae in Juniperis obvenit, verrucas majores gerit. Cum summo jure Porinae genus cum Endocarpo conjunxit Cl. Wahlenberg.

1280 ENDOCARPON *lejioplacum*: crusta pallescentè-lactea verrucosa laevigata, apotheciorum verrucis oblongis convexis, ostioliis 1—3 discretis fuscescentibus irregularibus tandem rimoso-aperiundis.

Porina *lejioplaca* *Fl!* *Liefr.* n. 11. *Ach. syn.* p. 110.

Hab. in cortice Alnorum Nordlandiae saltensis passim copiose.

1281 ENDOCARPON *fallax* β . *rupicola*: crusta subeffusa glabra plicato-rugosa verrucosa cinereo-pallide-olivacea, apotheciorum verrucis regularibus depressis ambitu tumente marginatis, ostioliis subpluribus impressis difformibus.

Porina *fallax* var. *Ach. syn.* p. 110. *Fl!* *Liefr.* n. 117.

Hab. in rupibus submaritimis occultis Nordlandiae saltensis rarius ex. gr. inter Løb et Mikelbostad.

Crusta quam vulgaris crassior, plicato-nodulosa, sed revera membranacea cohaerens. Apothecio-

rum verrucæ confertæ elevatæ regulares valde impressæ, ut margine tumido cingantur, sed margo non flexuosus, quare discus magis apertus quam in α . Ostiola quidem juniora elevata, sed mox depressa, cum tota fere nucleï superficies nigrescens in apertum veniat. Nucleus aliàs rufescens haud profunde immersus est.

- 1282 ENDOCARPON *xanthostomum*: crusta submembranacea verrucosa lævigata alba, apotheciorum verrucis elevatis subrotundis planiusculis, ostiolis depressis pallidis. *Sommerf. in Act. Ac. holm.* 1823 p. 115 (*Porina*).

Hab. in cortice Juniperi exsiccati rariusque in muscis graminibusque destructis in maritimis Nordlandiæ saltensis e. gr. ad nosocomium Bodöe.

Crusta tenuis effusa subnitida. Discus verrucarum ob nucleum perlucem pallescit. Verrucæ madefactæ immutatæ parum tument. Ostiola 1—5 pallida subperforata. Sæpe verruca rupta nudus apparet nucleus e tot peritheciis proprio cinctis nucleolis, quot ostiola adsunt, constans. Prima intuitu hæc planta *Lecanoram parallellam* β ., quæ etiam in Juniperis frequenter obvenit, refert, sed abunde distincta est.

- 1283 ENDOCARPON *globularis*: crusta subcartilaginea verrucosa cinerascens-alba, apotheciorum verrucis sparsis subglobosis pallescenti-albidis, ostiolo solitario protuberante convexo nigro, demum impresso.

Porina globularis *Ach. syn.* p. 112.

?*Porina glomerata* *Ach. syn.* p. 111. *Schleich pl. cr. cent.* 3. n. 77 (Lichen) ex Achar.

Hab. supra muscos destructos in rupibus umbrosis inferalpinorum Saltdalen Nordlandiæ parcius e. gr. sub Ravnflaet.

Crusta summa ætate pulverulenta sed vix granulata, multo minus granulis confertissimis ramulosisque. Granula, quæ in tenui subcartilaginea crusta adsunt, apothecia juniora ostiolo adhuc latente sunt. Apotheciorum verrucæ magnitudine seminis Brasicæ quasi tinctura pallescente nitente leviter superfusæ, subglobosæ, vix hemisphæricæ sunt. Ostiola juniora protuberantia, sed mox impressa,

cum nucleus junior albus parum denudetur et nigrescat, et tum verrucæ madidæ disco latiori nigrescente scutellam referunt.

Auctoritate Cl. Flörkei hanc stirpem ut *P. globularem* nec ut *P. glomeratam* Ach. recenseo, licet character hujus l. c. et frustula speciminis Achariani *P. glomeratæ* in herbario Cl. Swartzii melius conveniant. Sed de Lichene meo reserip-
sit Am. Flörke: "Aliquis crederet, hunc lichenem quatenus europæum *P. glomeratam* Ach. esse, sed *P. globularis* est; illa enim ab omni parte major verrucas modo hemisphæricas habet."

879 ENDOCARPON *thephroides* Whlbg. fl. lap. n. 879, ubi vide.

Et subfoliaceum et effuso-crustaceum (β . *polythecium* Ach. syn.) obvenit. Stratum viride manifestum continet, adeo ut madidum sæpe subvirescat (contra Wahlenbergium). Usque ad alpes superiores adscendit.

1284 ENDOCARPON *viride*: thallo foliaceo membranaceo subrotundo concaviusculo, margine integerrimo inflexo, læte virescente, subius albido nudo. Achar. syn. p. 100. Fr! lich. exs. n. 36.

Hab. in terra turfosa inferalpinorum Saltdalen Nordlandiæ passim.

Stirps dubia nondum fructifera lecta. Interdum eam in thallum *Cenomyc. digitatæ* abire manifeste observasse credidi, cum vero thallum *C. digitatæ* nec semper nec vulgo hoc modo oriri viderim, dubia vera denuo excitabantur. Thallus subcucullatus, supra infraque lævis.

1285⁸⁸⁴₈₈₅ VERRUCARIA *punctiformis*: crusta tenuissima lævigata fuscescente, apotheciis minutis hemisphærico-globosis subastomis, nucleo globoso albo. Ach. syn. p. 87.

β . *atomaria*: crusta tenuissima olivaceo fuscescente; apotheciis minutissimis subglobosis et hemisphærico-conoideis.

V. *punctiformis* β . *atomaria* Ach. syn. p. 87.

V. *stigmatella* β . *micans* et ϵ . *atomaria* Ach. lich. un. p. 277.

Hab. α . in cortice lævi Sorborum rarius; β . in cortice Alnorum ubique per Nordlandiam.

Crusta sine dubio in hac æqueac in *V. epidermidis* hyalina, a cortice substrato colorem assumens. A *V. epiderm.* differt: apotheciis globosis, non oblongis.

1286 *VERRUCARIA nigrescens*: crusta subtartarea rimoso-areolata inæqvabili subgelatinosa fusco-nigricante, apotheciis immersis papillula elevata prominentibus, intus albidis.

V. nigrescens Ach. syn. p. 126. Pers. in An. d. Bot. 14 p. 36. Fl! Liefr. n. 43.

V. umbrina β . *nigrescens* Ach. lich. un. p. 291.

Hab. in saxis lapidibusque calcariis et schistosis per Nordlandiam passim.

Crusta multo crassiore, inæqvabili imo subgranulata, dilutius colorata, semper opaca p. p. a sequente differt, quare male cum hac suam *V. umbrinam* conjunxit Cl. Acharius.

890 *VERRUCARIA maura*: crusta tartarea tenui lævigata rimosissima viridi cinereo-fusca demum aterrima, apotheciis minutis crusta obtectis subumbonatis, nucleo albissimo Fl! Liefr. n. 131.

Ach. syn. p. 95. Whlbg. fl. lap. 890.

V. aractina Whlbg. fl. lap. n. 889. Ach. syn. p. 121 (Pyrenula); punctata.

Verrucaria umbrina α . Ach. lich. un. p. 291. Whlbg. fl. lap. n. 885? junior.

Lichen terminalis Fl. dan. t. 879.

?Pyrenula æthiobola Ach. syn. p. 125?

?*V. margacea* β . æthiobola Whlbg. l. c. p. 465.

?*V. mucosa* Ach. syn. p. 93. Whlbg. l. c. n. 892?

Hab in lapidibus et rupibus litoralibus Nordlandiæ et Finmarkiæ ubique.

De indentitate *V. mucosæ* et *V. mauræ* nondum persvasum mihi est. Saltem *V. mucosa*, ut vult Cl. Flörke l. c., in umbra evoluta stirps non est; potius juvenilis forma dicenda est, si ambæ conjungendæ sunt, licet transitum non viderim.

1287 *VERRUCARIA Schraderi*: crusta subtartarea contigua lævigata albescente, apotheciis con-

fertis immersis subglobosis perforatis, intus sordide hyalinis.

V. Schraderi *Ach. syn. p. 93. prod. p. 13.*

V. rupestris *Schrad. specil. p. 109 t. 2 f. 7.*

Lichen immersus *Hoffm. en. lich. t. 3 f. 5.*

β. lepadicola: crusta tenuissima albescente s. subnulla, apotheciis globosis.

Hab. in saxis rupibusque calcariis per Nordlandiam saltensem frequenter; *β.* in testis *Lepadum* et *Patellarum* ad oras Nordlandiæ.

Crusta cinerascens, rufescenti, pallescentique — albescens cum lapide arcte conjuncta, intus strato fæculifero vivide viridi e massa pulveracea coherenti constat. Apothecia sæpe decidunt et poros vacuos relinquunt. Forsan verius ad *Endocarpa* referrebatur hæc species, *End. tephroidi* affinis

Var. *β.* imprimis loco habitationis memorabilis est. In statu sicco vix ulla crusta distingvi potest; in statu madido testa circa apothecia parum virescit, etsi stratum fæculiferum distingvi non potest. Apothecia modo breviora, alias ostiolo plano poro pertuso, intus hyalino-albido iis in var. *α.* omnino similia sunt.

1288 VERRUCARIA *hydrela:* crusta effusa tenui subcontigua inæqvabili fusco-cinereo-virescenti, dein subobliterata, apotheciis minutis subglobosis semiimmersis papillatis intus albidis.

V. *hydrela* *Ach. syn. p. 94.*

Hab. in rupibus saxisque passim irrigatis Saltdalen Nordlandiæ.

Apothecia globoso-conoidea conferta sapientissime nuda in lapide observantur, si vero madefacta sunt, rudimenta crustæ viridia nonnulla apparent.

1289 VERRUCARIA *epipolæa:* crusta tartareo-pulveracea contigua rugosa inæqvabili alba s. obliterata nulla, apotheciis parvis hemisphærico-subglobosis prominentibus papillatis pertusis.

V. *epipolæa* *Ach. syn. p. 95.*

Hab. in lapidibus rupibusque calcariis Saltdalen rarius.

De synonymis Acharianis ad hanc et antecedentem pertinentibus non omnino certus, attamen

aliæ vix esse possunt. Mox dignoscitur hæc ab aliis nostris apotheciis parvis acutiusculis e crusta alba pulveracea prominentibus.

- 1290 *VERRUCARIA theleodes*: crusta verrucosa virescenti alba, verrucis convexis lobato-crenatis, apotheciis magnis adnatis globosis lævibus, denique rugosis, stomate plano pertuso.

β. contigua: crusta verrucis confluentibus tartarea subcontigua.

- Hab. in rupibus interdum stillicidiis irrigatis per Nordlandiam saltensem ex. gr. ad Fiskevaagosen Saltdalen copiose.

Verrucæ crustæ interdum satis dispersæ; in umbris crescentes omnino virescunt et sicca pruina modo tenui alba teguntur. Apothecia gelatina copiosa sporis referta scatent, et magnitudine semen Cannabis æquant.

- 1291 *VERRUCARIA rubra*: crusta mucoso-gelatinosa subdeterminata lævissima tenui rubra, apotheciis minutis immersis globosis, ostiolo impresso, nucleo hyalino.

- Hab. in lapidibus a fluxu maris inundatis ad litora Nordlandiæ frequenter.

Crusta junior sive occulte crescens sordide lutea. In lapidibus opacis fusco-rubra apparet, sed in quarzo albo verum suum colorem rubrum f. sanguineum prodit. In termino Lichenum et Algarum est.

- 1292 *VERRUCARIA gelatinosa*: crusta gelatinosa tenui inæqvabili albido-virescente, apotheciis basi innatis hemisphæricis ostiolo impressis.

V. gelatinosa Ach. syn. p. 93.

- Hab. in muscis rupium inferalpinorum Saltdalen Nordlandiæ rarius.

Colore crustæ a caractere Acharii differt, sed sine dubio illa moriens, mea vigens.

- 1293 *VERRUCARIA stictica*: crusta tenuissima arachnoidea fibris ligni f. corticis mixta nivea, demum sordide albo-cinerascente, apotheciis minutis innatis hemisphæricis pertusis. *Fl! Liefr. n. 168. Ach. meth. p. 118.*

V. byssacea β, stictica Ach. syn. p. 97.

Hab. in cortice lævigato Populorum Saltdalen Nordlandiæ passim.

Specimina ad Cl. Flörke misi et veram agnovit. Pyrenotea stictica secundum specimina mihi obvia in *Fries lich. exs.* n. 22. vix discerni potest.

SPILOMA.

Acharii synop. lichen. p. 1.

1294 SPILOMA paradoxum: crusta subnulla sordide cinerascens, apotheciis convexiusculis subrotundis ellipticis difformibusque fusco nigris, intus in sicco subsolidis subfulvis. *Ach. syn.* p. 3. *Campyloma paradoxum Fr! lich. exs.* n. 1.

Hab. in epidermide vetusta Betularum nec non lignis putrescentibus per Nordlandiam saltensem.

Hæcce stirps sine dubio verius Fungis quam Lichenibus adnumerabatur. Cum *Lecidea dryina Ach. ex. Fl! Liefr.*, quæ vera est *Lecidea* sp., ob internam diversissimamque apotheciorum indolem minime conjungi potest.

1295 SPILOMA circinatum: crusta tenui albida, apotheciis erumpentibus irregularibus oblongis s. sublinearibus circinatis confluentibusque nigris substantiæ floccoso-pulveraceæ.

Hab. in cortice Populorum Saltdalen Nordlandiæ parcius.

Ubi adest, totos truncos fere tegit. Orbes nigros $\frac{1}{4}$ lineam latos efficit. Epidermis inter apothecia dilutius colorata, quam ob rem crusta adesse videtur, etsi ab epidermide secerni non potest. Cl. Flörke *Spilomatis* speciem agnovit; alias eam forsitan potius inter Fungos recensueram.

1296³⁹³₃₉₄ ARTHONIA punctiformis; crusta tenuissima fuscescens f. subnulla, apotheciis minutis innatis subrotundis plano-convexiusculis opacis atris.

A. punctiformis Fl! Liefr. n. 2. *Ach. syn.* p. 4. *Nævia orbicularis Fr! lich. ex.* n. 21.

Hab. in cortice lævi ramorum *Populi tremulæ* per Nordlandiam saltensem.

Juvenis a velo epidermidis tecta est, attamen vix, ut vult Cl. Fries l. c., ad Fungos referri debet. *Næviam orbicularem* Fr. a vulgari *A. punctiformi* unice magnitudine eximiam ut speciem diversam distingvere minime possum. Orbicularia et oblonga apothecia in uno specimine invenies. In Nordlandia vulgo major occurrit.

894 *OPEGRAPHA astroidea*: *Whlbg. fl. lap. n.* 894, ubi vide. *Ach. syn. p. 6.*

Hab. in Alnis circa sinum saltensem Nordlandiæ frequenter.

1297 $\frac{2}{3}$ *OPEGRAPHA cymbiformis*: crusta tenui lævigata alba demum albida, apotheciis sessilibus oblongis, dein oblongo-ellipticis ellongatisque flexuosis disco aperto plano in medio subdilatato, marginibus elevatis subinflexis.

O. cymbiformis Fl! *Liefr. n. 165.*

O. vulvella Ach. *syn. p. 77.*

O. rimalis Fr! *lich. exs. n. 32. Ach. syn. p. 77?*

Hab. in cortice vetusta Populorum imprimis ad radices in inferalpinis Saltdalen Nordlandiæ rarius.

Cum et Cl. Flörke meam stirpem ut veram agnoverit, et ego ipse eam specimine ejus convenientem invenerim, de synonymo ejus dubitare nequeo. Cum vero etiam specimeen *O. rimalis* a Cl. Fries. inter lich. exs. datum omnino conveniat, et diagnosi Achariana et specimen Flörkei (*Lief. n. 143.*) *Opigraphæ rimalis* l. c., si apothecia angustiora et margines parallelas excipias, hanc ab *O. vulvella* minime distingvat, non possum non utrasque nimis affines credere. Apothecia ab initio minuta rima media modo notata, sed mox ecrescunt, nonnulla in latitudinem oblonga disco lato, etia in longitudinem elongata flexuosa subdivisa disco modo medio dilatato. Discus nunquam concavus, sed modo ob margines elevatos talis apparet. Crusta semper lævigata remanet, sed ætate obscurrescit.

1298 *LECIDEA coracina*: crusta subiculo atro subradiante, areolis cinerascanti-nigris, apotheciis

sessilibus planis demum convexis atris, margine tenuissimo, intus atris corneis strato tenuissimo pellucido sub disco.

L. coracina Ach. syn. p. 11. Hoffm. fl. germ. p. 183 (Verrucaria).

Hab. in rupibus subalpinis et alpinis Saltdalen Nordlandiæ rarius.

L. fuscoatra et *atro-albæ* proxime adstat, Apothecia rarius inter areolas sed sæpius in eis, margine tenuissime crenulato, disco rore sicco nigro vix visibili, madido manifesto virescenti prædito. Areolæ parvæ convexæ, madefactæ virescunt, et interdum adeo confertæ sunt, ut crusta rimoso areolata videatur. Subiculum eximie crassum.

906 *LECIDEA fusco-atra* Whlbg. fl. lap. n. 906, ubi vide.

L. fumosam Ach. syn. et Whlbg. fl. lap. n. 911, cum hac, et sine dubio summo jure conjungit Cl. Flörke (Berl. Mag. 3 p. 312), nam areolarum nec non apotheciorum (intus nigra carbonacea sub disco strato pellucido) indoles eadem est, sed cum subiculum atrum in *L. fumosa* rarius quidem lecta nunquam viderim litem peritioribus dijudicare relinquo.

1299 *LECIDEA atrofulva*: crusta: subiculum tenue atrum areolis confertis subglobosis ochraceo-fulvis, in pulverem cinereum fatiscientibus, apotheciis planis minutis atris, margine crasso intus concoloribus strato sub disco albedo.

Hab. in rupibus silaceis et semel lecta in cortice trunci Populi sub rupe hoc Lichene tecta dejecti in Saltdalen Nordlandiæ.

L. atro-albæ affinis, perraro fructifera. Apothecia minuta lævia sed crassiuscula, margine quoque crassiusculo etsi parum elevato. Areolæ demum cinerascunt.

1300 *LECIDEA lugubris*: crusta rugoso-plicata areolata inæqvabili violaceo-fuscescente, areolis sublobatis, apotheciis superficialibus planis marginatis, margine elevato, intus albidis.

? *L. squalida* Ach. syn. p. 19?

Hab. in rupibus inferalpinis Saltdalen Nordlandiæ rarius. e. gr. supra Storengen Fiskevaag.

Crusta areolato-lobata granulatave coriacea et apotheciis constanter planis marginatis imprimis eximia est. Affinitate quidem cum varietate fusca *L. atroalbæ* conjuncta est, sed ob crustam diversam apotheciaque majora intus albida cum ea confundi nequit. Crustæ natura et colore a *L. daphoena* differt.

- 1301 **LECIDEA tessellata**: crusta tartarea rimoso-areolata alba, areolis planiusculis angulatis, apotheciis immixtis sessilibusque planis subconvexis marginatis atris, intus albidis subfarinaceis. *Fl! Liefr. n. 64.*

?*L. pantosticta* α . *Ach. syn.* p. 13?

Hab. in saxis alpinis Saltdalen Nordlandiæ rarius.

Specimine Flörkei omnino similis, modo areolæ rugosæ s. granulato exasperatæ, quod sine dubio aer alpinus efficit. Crusta crassiuscula ab apotheciis propullantibus sæpe nigro punctata. Margo tenuis, *L. contiguæ* (*lapicidæ* *Ach. syn.* excl. varietatibus β . γ . et δ .) et *L. epipoliæ* satis affinis. Ab utroque differt: apotheciis immersis internaque eorum indole aliena. Quoque quam *L. epipolia* major est. Sine dubio hujus loci est *L. pantosticta* α . *Ach.*, quæ ceteroquin species prava e partibus diversissimis composita sc. var. β . ad *L. lithophilam* *Ach.*, γ . ad *L. daphoenam*, δ . ad *Urceolariam cineream* *Ach.* pertinente.

- 1302 **LECIDEA aglæa**: crusta tartarea rimoso-verrucoso-areolata pallescenti-alba, apotheciis subinnatis convexis immarginatis denique confluentibus subdifformibus atris intus corneis atris strato sub disco cinerascente,

Hab. in rupibus maritimis Nordlandiæ meridionalis e. gr. Bodøe.

Species pulchra, *L. contiguæ* et *theiodi* *Somrf.* affinis. Ab utraque differt: apotheciis ab initio convexis immarginatis in areolis nec inter eas sitis coloreque crustæ, qui constanter niveus tinctura pallescenti nitenti quasi superfusa. Crusta subeffusa, attamen haud magnas maculas efficit. Areolæ convexe læves, denique rugosæ.

- 1303 LECIDEA theiodes:** crusta tartarea inaequali rimoso-areolata sulphurea, areolis rugoso-granulatis, apotheciis innatis planis caerulescenti atris, margine elevato flexuoso persistente intus fuscis strato sub disco cinereo.

Hab. in saxis inferalpinorum Saltdalen Nordlandiae rarius.

Areolae crustae rimis formatae denuo ex pluribus minoribus areolis s. granulis rotundatis laevibus opacis consistunt. Apothecia sat magna supra crustam vix elevata, rore tenui caesio interdum obteeta, margine subcrispato.

L. viridiatra Ach. affinis, sed a Cl. Flörkeo ut sp. nova agnita est. Cum *L. atrovirente* confundi non potest.

- 1304 LECIDEA lepadina:** crusta (raro) tartarea aequali laevigata subrimosa grisea; (vulgo) glebulosa, glebulis solitariis orbicularibus conicis obtusis laevigatis griseis, lamina prolifera atra tenui immarginata glebulis adnata.

Hab. in saxis summorum caeuminum alpium Nordlandiae saltensis. A me unice in Hekkeltind Skjerstad lecta est.

Lichen habitu et indole prorsus alienus, nulli alii affinis. Crusta effusa semper sterilis. Glebulae basi 2—4 lin. latae, usque ad 2—3 lin. altae, intus cretaeae. Earum ut plurimum in apice, rarius in lateribus immersae sunt laminae atrae planiusculae, margine nec proprio nec thallode ornatae, etsi glebularum margines supra eas prostant.

- 1305 LECIDEA daphoena** β . *ochracea*: crusta rimoso-laevigata rubro-ochracea, apotheciis superficialibus planis atris, margine elevato, intus sub lamina tenui albis.

L. daphoena β . *ochracea* Ach. syn. p. 337.

y. rorida: crusta aequali laevigata ferrugineo-cinerea, apotheciorum disco plano pruinoso sub lamina tenui albo, margine elevato nudo atro demum flexuoso.

L. fumosa β . Mossigii Ach. syn. p. 12. sec. spec.

L. lapicida β . *monticola* et δ . *cyanea* *Ach. syn.* p. 14.

L. albo-cærulescens. *Fl. dan.* t. 1432, 2.

Hab. in saxis rupibusque non calcariis Nordlandiæ saltensis; β . rarius, γ . frequentissime in Salt-dalen.

Lecidéarum seriem in operibus Acharianis nova indigere reformatione, hæc species quoque demonstrat. Apothecia sat magna, in γ . interdum maxima, plana margine valido intus sub lamina tenui alba hanc speciem ab omnibus aliis distinguunt, quamvis crustæ color et superficies nec non apothecia quoad pruinam multis variationibus obnoxia sunt. Crusta in var. γ . albida, cinerea, cinereo-virescens, ferrugineo-cinerea quin etiam subferruginea obvenit. Ros apotheciorum cæsius et subferrugineus in aqua non evanescit, sed evidentior fit.

1306 **LECIDEA** *flavicunda*: crusta lævigata tenuissime rimosa albida s: pallido-flavicante s. ochracea, apotheciis superficialibus sparsis regularibus atris, disco plano subpruinoso, margine elevato nudo, intus nigris strato sub disco corneohyalino.

L. flavicunda *Ach. syn.* p. 22, *lich. un.* p. 166.

L. flavocærulescens *Fl. dan.* t. 1431, 1. *Ach. syn.* p. 23.

Hab. in rupibus saxisque non calcariis inferalpinorum Saltalden Nordlandiæ frequenter.

Apotheciorum indole interna *L. confluenti* unice affinis; differt vero ab illa: apotheciis regularioribus pruinosis, margine elevatione, crusta crassiore. Crusta sæpissime nilente; in modificatione vero ochracea, quæ fere ob colorem crustæ inæqvabilis et apothecia ferrugineo pruinosa, ut propria varietas enumerari, merebat, opaca est. Crusta sterilis per rimas in pulverem cinerem faciscit. Ubi alium Lichenem offendit, nigro marginata est. Apothecia juvenilia minuta crassa, adulta majuscula. Icon Floræ danicæ bona, modo discus nimis vivide cæruleus.

1307 **LECIDEA** *petræa*: crusta tenui orbiculari sublimitata tenuissime subrimosa subpulverulenta

albida, apotheciis crustæ adnatis protuberantibus tumidis, disco plano margine tumido elevato integerrimo subcoarctato, intus nigris opacis.

L. petræa Ach. syn. p. 15.

Verrucaria petræa et tigrina Hoffm. pl. lich. t. 50. ex. Achar.

Hab. in rupibus non calcariis Nordlandiæ saltensis parcius.

Crusta alba et cæcio-albida, sed nunquam cinerea, tenuis æqvabilis subrimosa nunquam tartarea areolata, quam ob rem mihi facile persvadeam, *L. petræam* Whlbg. fl. lap. n. 912, alias mihi ignotam, vix hujus loci esse. Nonne potius *L. epipoliæ* forma? Apothecia parva sparsa margine crassissimo: tumido at non valde elevato, subconnivente, ut conum brevem decollatum interdum referant. Margo thallodes spurius ea quoque interdum cingit.

1308 *LECIDEA epipolia*: crusta tartarea rimoso-areolata alba cinerascentique, apotheciis planis demum convexiusculis atris cæcio-pruinosis, margine proprio persistente, intus concoloribus strato sub disco pellucido.

L. epipolia Ach. syn. p. 32. prd. 58.

Hab. in saxis rupibusque inferalpinis Nordlandiæ saltensis; ex. gr. Saltdalen frequenter.

Modificatio, quæ hisce locis occurrit, ob crustam læviorem et apothecia planiuscula elevato marginata, propriam varietatem fere constituere potuit. Re vera tamen hujus speciei forma est. Apothecia inter areolas immersa parva quidem, sed non minuta ut in sequente. Ubi a pluvia et sole remotior crescit, crusta subpulveraceæ substantiæ. Ut vulgo apothecia ætate pruina carent.

1309 *LECIDEA polycocca*: crusta effusa areolata, areolis subsparsis minutis difformibus convexiusculis cinerascentibus, apotheciis superficialibus minutis planis dein convexis immarginatis atris cæcio subpruinosis, intus cinerascentibus.

Hab. in rupibus calcariis inferalpinorum Saltdalen Nordlandiæ e. gr. infra Fiskevaagflaet rarius.

Areolæ s. verrucæ nunquam semine papaveris majores madidæ tument et virescunt. Apothecia in areolis sedent minutissima a prima juventute vix margi-

nata, rugulosa, demum subtuberculosa, intus strato cinerascete totum fere apothecium occupante. Species distincta, *L. vesiculari* affinis etsi non similis.

- 1310 *LECIDEA Dilleniana*: crusta tartarea plicato-gyrosa granulataque molli roseo-cinerea, apotheciis sessilibus planiusculis atris cæsio-pruinosis, margine nudo tumidulo.

L. Dilleniana *Ach. syn.* p. 30. *prd.* 57. t. 1, 1.

Hab. sub præruptis rupium Nordlandiæ saltensis parcius.

In Nordlandiæ fructiferam nunquam legi, sed mox crusta memorabili molli superficie pulverulenta, intus laxa staposa dignoscitur.

- 1311 *LECIDEA margaritacea*: crusta tartarea inæqvabili contigua subrimosa subpulveracea alba, apotheciis minutis immersis pruinosis. primum planis margine tenuissimo, deinde convexis hemisphæricisque margine evanido, sed margine thallode spurio subcinctis, intus nigris.

L. margaritacea a. et b. *calcaria* *Ach. syn.* p. 32.

Flotow in Jahrb. d. Bot. 1, 3 p. 97.

L. corticola *Ach. l. c.* p. 32. *Fl! Liefr.* n. 41.

Lichen amylaceus *Ehrh.*

Hab. in rupibus absconditis imprimis calcariis circa sinum saltensem Nordlandiæ.

Ubi abscondite crescit, crusta tota pulveracea et contigua; ubi vero pluviae et soli magis obnoxia est, crusta superficiem lævigatorem rimisque subareolatam acquirit, sed nunquam æqvabilis, semper torulosa. Apothecia minuta conferta immersa opaca, etiam rore destituta, cum crusta crassa hanc speciem vix notam facit. *L. corticola* *Ach.* minime ab hac distingvi potest. Nomen illud etsi antiquius, attamen minus aptum rejeci.

- 1312 *LECIDEA melaleuca*: crusta tartarea rimoso-areolata pallescenti-alba, areolis superficialibus, interstitiis areolarum demum cærulescenti-nigris, lamina prolifera planiuscula difformi aterrima areolis adnata, intus concolori.

Hab. in saxis summorum alpium e. gr. Baadfjeldet Saltdalen Nordlandiæ rarius.

Crusta crassa intus cretacea alba superficie rimis areolata, sed rimæ totam non penetrant. Areolæ convexæ irregulares subconfertæ et dispersæ. Apothecia maculas subconfluentes aterrimas in areolis elevatis efficiunt. Tenuia sunt et omnino difformia, margine vix ullo. *L. amylicæ* proxime adstare videtur. Ubi areolæ patescunt, interstitia cærulescentia quasi atramento tenui tincta apparent. Ubi sterilis crescit, interstitia hæc cæruleo-nigricantia satis lata sunt.

1313 LECIDEA nobilis: crusta effusa areolata, areolis discretis cartilagineis convexis subhemisphæricisque rotundato-flexuosis nitentibus cæsiis albis, apotheciis convexis dein conglomeratis nigro-cæruleis intus atris.

Hab. in rupibus subalpinorum Saltdalen Nordlandiæ rarissime.

Habitu gentiliori inter ceteras Lecideas crustaceas insignis est. Crustæ areolæ intus substrato tenui viridi albæ substuposæ. Apothecia ab initio simplicia mox ampliuntur et botryoidea evadunt, quare speciem conglomeratam acquirunt. Si ros intense cæruleus adest, tum tenuissimus, nam a superficie nec distergi nec distingvi potest.

1314 LECIDEA platycarpa: crusta tartarea subcontigua inæqvabili alba, apotheciis amplis planis atris intus concoloribus, strato sub disco cartilagineo albo, margine persistente flexuoso. *Ach. syn. p. 17.*

Hab. in saxis inferalpinorum Saltdalen Nordlandiæ rarissime ex. gr. ad Oxengaard.

Discus apotheciorum tenuiter pruinosis, quare madida subviridia fiunt.

1315 LECIDEA polycarpa: crusta tartarea rimosa inæqvabili subpulveracea cinerascens-alba, apotheciis confertissimis planis angulatis atris margine tenui elevato, intus subfarinosus albis. *L. polycarpa Fl. ! Ms.*

Hab. in saxis quarzosis inferalpinorum Saltdalen Nordlandiæ rarius.

Substantia crustæ fere omnino pulveracea, quare ætate evanescit. Memorabile est, apothecia, etsi

intus alba, aterrima esse. Cum *L. cæsia* Ach. conferenda esse videtur.

- 1316 *LECIDEA lithophila*: crusta effusa rimoso-rugosa subgranulata cinerea f. nulla, apotheciis atris planis marginatis, margine tenui, demum convexis marginem occludentibus, disco madefactione subrufescente, intus totis albis.

L. lithophila Ach. syn. p. 14

L. enteroleuca Ach. syn. p. 19 } proparte.

L. enteroleuca Flotow in Jahrb. d. gew. 1. 3. p. 106.

Hab. in saxis tam calcariis tum schistosis inferalpinorum Nordlandiæ saltensis passim; in ligno putrido varius.

Bona et distincta species si ad indolem apotheciorum attendatur. Semper sunt lævigata, vix nitida, intus cornea, sine ullis stratis discoloribus alba s. albida. Madefactione parum mutantur; In nonnullis, imprimis in varietate crusta crassiuscula, discus satis rufescit, in aliis fuscescit, in crustaceis fere immutatus persistit, attamen distingui nec possunt, nec debent. Cum *L. contigua* s. *lapicida* Ach. nullam, sed cum sequenti magnam habet affinitatem, quare *L. enteroleucam* Ach. quatenus in ligno putrido crescentem absque ullo dubio hujus esse censeo. Ad *L. lithophilam* Cl. Acharius quidem nonnulla heterogenea ex, gr. *L. immersæ* var. retulit, attamen hoc nomen minorem confusionem quam aptius *L. enteroleucæ* efficiens retinui.

- 1317 *LECIDEA elæochroma*: crusta sublimitata tenui ruguloso-granulata rimosaque pallide flavo-virescente, apotheciis planis marginatis, demum convexis subimmarginatis rugoso-diformibus subæruginoso-atris, intus corneis albido-fuscescentibus strato sub disco albido.

L. elæochroma Ach. syn. p. 18.

L. parasema β , *elæochroma* Ach. lich. un. p. 275. Whlbg. fl. lap. p. 469.

L. enteroleuca γ , *elæochroma* δ . flavida, ϵ . calamistrata Fries in Act. Ac. holm. 1822. p. 261.

β . *achrista*: crusta glaucescente rugoso-granulata, apotheciis æternlescenti-nigris.

L. enteroleuca β . *carnlescens*. *Fr. l. c.*

b. grandinosa: crusta cinerea, demum granulosa, apotheciis atris.

L. enteroleuca α . (junior) et *b. (senilis)* *Fr. lich. exs. n. 27.*

y. dolosa: crusta effusa subpulveracea-granulata ferrugineo s. virescenti-cinerascente, apotheciis minoribus atris.

L. dolosa *Whlbg! fl. lap. n. 898, Ach. syn. p. 19. Fr. lich. exs. n. 66?*

?*L. enteroleuca* γ . *padinea* *Fr. in Act. Ac. holm. 1822 p. 261?*

Hab. α . in arboribus, imprimis in Betulis in regione maritima, ubi *L. parasemam* fere omnino occludit, in rupibus rarissime; β . imprimis in Populis et Alnis; γ . in arboribus acerosis per Nordlandiam et Lapponiam.

Etsi crusta variat, attamen bona et bene limitata species ob apothecia distincta. Pruina quidem variant, nam in α . interdum pulcherrime æruginosa, in cæteris subnuda, sed interna indoles constanter eadem. Madefacta tum ob pruinam tum ob stratum hyalinam sub tenuem superficiem cærulescunt. Quomodo crustæ formæ gradatim in se invicem transeant, evidenter perspexi. Limes nigrescens e subicula cinereo-nigricante oritur. De *L. dolosa* incertior fui, utrum cum Cl. Flörke cum ad hanc referrem an seorsim enumerarem, sed postquam specimen ab ipso Walenbergio datum contuleram et formas ejus colore crustæ parum differentes in Pino sylvestri et Junipero inveneram, illius sententiam complexus sum. In Junipero obvia (var. *padinea* *Fr?*) transitum ad var. α . imprimis evidenter manifestat. Granula crustæ hujus var. magis discreta et inania, attamen cohærentem sat crassam crustam etiam hæc efformant. Apothecia minime intus concoloria, qvalia describit Cl. Acharius, sed iis in *L. elæochroma* similia. Ob apothecia constanter plana et cæcio pruinosa crustamque tenuem albam a *Leprana rubente* subdestructam *L. dolosam* *Fr! lich. exs. n. 66.* dubitanter hæc

apposui, - *Forssan var. roburnea Ach. lich. un.*
p. 181. quæ vix hujus loci est.

- 1318 *LECIDEA punctata*: crusta tenui effusa leprosa rimulosa rugosa cinerea s. subnulla, apotheciis minutis confertis demum convexiusculis atris intus nigricantibus, margine integerrimo. *Fl! Ms. ... Liefr. n. 81. (L. parasema β. punctata).*

L. parasema b. *punctata* et d. *myriocarpa Ach. syn. p. 17, 18. Whlbg. fl. lap. p. 469.*

Verrucaria punctata Hoffm. germ. p. 193.

Hab. in cortice Alnorum imprimis ad radicem, in parietibus vetustis nec non in saxis Nordlandiæ et Lapponiæ.

Minutie et copia apotheciorum insignis est. Etiam in his ut in omnibus *Lecideis* stratum sub disco hyalinum, ubi apothecia adeo magna sunt, ut discerni possit, et ætate non depravata sunt, adest, quam ob rem Cl. Flörke de eo assentiri non possum, quod *L. crustulata* ut speciem a *L. punctata* et *parasema* strato sub disco hyalino distinctam recenset. In saxis hæcce species ad *L. immersam γ. goniophilam Fl.* satis accedit.

- 1319 *LECIDEA immersa*: crusta effusa tenuissima contigua albicante s. subnulla, apotheciis plano-concavis lapidi immersis marginatis atris disco subpruinoso, humectatis atosangvineis, demum convexiusculis intus albicantibus. *Ach. syn. p. 27. prd. 70. Fl! Liefr. n. 23. Schrad. specil. t. 1 f. 7 a. b. (Lichen).*

Verrucaria atosangvinea Hoffm. germ. p. 192.

b. *emergens*: crusta subnulla, apotheciis lapidi adnatis nudis pruinosisque humectatis rufo-fuscis.

L. immersa b. *emergens Ach. syn. p. 28.*

β. *atosangvinea*: crusta subnulla, apotheciis sparsis in basi alba superficialibus planis nigris nudis cæsiisque pruinosis marginatis humectatis sangvineis margine integerrimo nigro.

L. immersa β. *atosangvinea Fl! in berl. mag. 3 p. 310. Ach. syn. p. 28.*

γ. *goniophila*: crusta subnulla, apotheciis minutis adpressis semper planis, disco atosangvineo demum atro, margine elevato subflexuoso atro.

L. immersa γ. *goniophila* Fl! L.c. p. 311. Ach. syn. p. 28.

Hab. α. in rupibus calcariis rarius; β. frequenter; β. et γ. in rupibus saxisque calcariis et micaceis passim in inferalpinis Saltdalen Nordlandiæ.

Modificatio β., quam Cl. Acharius solummodo e Gallia habuit, hisce locis ceteris frequentior, et a forma α. solummodo apotheciis minus immersis et minus rufescentibus aliquantulum differt: nam eodem modo plana et marginata, rarius convexa apothecia occurrunt.

Var. β. apothecia quam ceteræ fere duplo majora habet, et satis alienum habitum præbet, imprimis apotheciis in substrato substantiæ subpulveracæ albo sessilibus. An substratum hoc crusta sub apothecia coercita, an parenchyma apotheciorum? Ne cum *L. erytrophaza* Fl. confundas, caveas.

Var. γ. si cum priori comparatur apothecia minuta, sed quam in α. non minora habet. Jam sicca atrosanguinea, madida ut ea ceterarum sanguinea. Sæpe e disco novum oritur apothecium. (b. *prolifera* Fl!). Vetusta convexiuscula, margine elevato flexuosissimo.

1320 *LECIDEA parasitica*: crusta subnulla, apotheciis minutis depressis planis atris intus nigricantibus, margine tenui integerrimo. Fl! Liefr. n. 101.

L. alba Ach. syn. p. 24 (apothecia; crusta ad *Lecanoram* Turneri pertinet.

Hab. in Leprariis, crusta *L. vernalis* etc. per Nordlandiam saltensem parcius.

1321 *LECIDEA pinicola*: crusta tenui submembranacea cinerascete, apotheciis minutis confertis planis, margine proprio tenui, demum convexis marginem ocludentibus, intus nigricantibus.

L. pinicola Fl! Ms.

Lecanora periclea b. *pinicola* Ach. syn. p. 151.

Hab. in cortice Pini sylvestris Saltdalen Nordlandiæ rarissime.

Apothecia madefacta haud mutantur. Discus opacus scaber eam a *L. punctatam* statim distinguit.

- 1322 *LECIDEA asserculorum* β . *pithyophila*: crusta tenui subæqvabili cinerascete s. nulla, apotheciis confertis minutis convexis rugulosis immarginatis, intus fuscis.

Hab. in ramis exsiccatis decorticatisque Pinorum in inferalpinis Nordlandiæ saltensis frequentissime.

Crusta tenuis, apothecia minuta plane immarginata hunc Lichenem a cæteris distinguunt. Crusta etsi tenuissima adest, nam lignum circa ea in macula oblonga obscurius coloratum est. A Cl. Hôrke ut nova varietas hujus speciei agnita est.

- 1323 *LECIDEA xanthococca*: crusta granulata, granulis subdistantibus flavescens, apotheciis minutis punctiformibus, dein disco depresso margine tenui elevato.

Hab. in ligno ramisque decorticatis Pini Saltdalen Nordlandiæ rarius.

Maculas subpollicares flavescens atropunctatas in ligno efficit. Granula o: areolæ minutæ ex ligno erumpunt, usque adhærentia proveniunt apothecia, certe intus concoloria, sed ob minutiem interna structura discerni nequit. Nulli affinis — sit *L. atroalbæ*.

- 1324 *LECIDEA papillata*: crusta granulata inæqvabili subcontigua s. papillato-ramulosa, papillis subdispersis, alba, apotheciis parvis atris planis, margine tenui dein convexis immarginatis demumque difformibus subtuberculosis intus concoloribus.

Hab. in muscis rupium inferalpinorum Saltdalen Nordlandiæ raris.

Ubi crustæ granula remotiora, ibi papillosa evadunt, ubi vero confertiora, ibi crustam subcontiguam superficie granulata fingit. *L. sanguinaria* affinis, sed apothecia minora et intus nil rubri habent. Nec illa in muscis lecta est.

- 1325 *LECIDEA citrinella*: crusta leprosa granulato-pulverulenta virescenti-flava, apotheciis sessilibus marginatis demum convexis atris, intus concoloribus. *Ach. syn. p. 23 prd. p. 64 in*

Act. Ac. holm. 1796 t. 5 f. 5. *Fr. ibid.* 1822 p. 257 *Fl! Liefr.* n. 83.

β. scabrosa: crusta gleboso-verrucosa s. plicata sublobata subpulverulenta, apotheciorum marginē tenui mox occluso.

L. citrinella β. scabrosa. Ach. syn. p. 25.

Lichen flavo-virescens Diks. pl. cr. 3 p. 13. t. 8 f. 9. *Fr. in Act. Ac. holm.* 1822 p. 252 (*Trachylia*).

Hab. *α.* in terra arenosa ad vias inferalpinorum: *β.* in terra macra saxisque usque ad regionem subalpinam Nordlandiæ saltensis parcius.

L. flavovirescens specificè neutiquam differt multo minus genericè. Quæ in saxis occurrit, crusta sua subcontigua plicato-rugosa satis diversa apparet, sed per tot gradus in *L. citrinellam* abit, ut termini nulli stabiliri possint. Nec substantia apotheciorum alia quam in compluribus aliis *Lecideis* intus concoloribus strato sub disco hyalino tenui. Granula crustæ *L. citrinellæ* etiam ab initio cuticula tenui tecta sunt, quo rupto pulverulenta evadunt. In var. *β.* modo granula majora, interdum sublobata, ad *L. Wahlenbergii* satis accedentia, cuticulo crassiori, quare rarius rampuntur et pulverem evolvunt. In saxis crusta macrior, inde pulveracea substantia tenui modo referta vix rumpens.

899 *LECIDEA sabuletorum*: crusta effusa granulata passim subramulosa cinereo-albida, apotheciis plano convexis hemisphæricisqve subimmarginatis atris intus corneis concoloribus, strato subdisco pellucido.

L. sabuletorum Ach. syn. p. 20. *Whlbg. fl. lap.* n. 899. *Fl! in Berl. Mag.* 3 p. 309. *Schreb. spic.* p. 143 (*Lichen*).

β. syncomista: crusta squamacea granulata subcoherente, granulis subimbricatis sublobatis, cassio-albida fuscescenteque, apotheciis parvis conglomeratis hemisphæricis immarginatis, intus corneis concoloribus strato hyalino tenuissimo.

L. sabuletorum β. syncomista Fl! l. c. p. 310 *Lichen muscorum Fl. dan.* t. 1003, 1.

b. alpestris: crusta granulato-areolata. granulis convexis contiguis et dispersis, apotheciis majoribus subconglomeratis.

Hab. in terra montium, imprimis calcariorum, rupibusque per Nordlandiam inferalpinam maritimamque. β . *b.* in terra alpium passim copiose.

Est species habitu satis variabili. De synonymis Flörkei certus, sed vix β . *geochroam* Ach. syn. ad hanc referre audeo — cfr. sequentem —

Var. β . crusta cartilaginea squamulosa lobulata subcontigua, apotheciis atris opacis conglomeratis sat insignis, sed in *b. alpestrum* manifeste transit, nec ab α . bene distingui potest, nam color cæsi-albus idem et granula interdum squamacea. In interiore substantia apotheciorum nulla nota distinctiva adest, nam stratum cinereum etsi tenuius in junioribus et vigentibus apotheciis semper adest. Ætate subobliteratur imprimis in var. *alpestris*.

4326 *LECIDEA arctica*: crusta effusa granulata, granulis subdiscretis minutis subpapillæformibus cæsiis et fuscescente-albidis, apotheciis immarginatis subglobois lævibus cæsiopruinosus intus corneis cinerascentibus.

L. sabuletorum β . *geochroa* Whlbg. fl. lap. p. 470 excl. syn. Ach. syn. p. 20?

Hab. in Andræis et Dicranis alpium et quidem summorum frequenter; in subalpinis et inferalpinis rarius per Nordlandiam.

Species pulchra et distincta. Nulla ratione cum var. β . præcedentis, nec cum α . secundum specimina, quæ genuina censuit Cl. Flörke, conjungi potest. Bene de crustæ granulis dicit Wahlenberg, nam separata lævia granula insignia et regularia intus strato sæculifero lato viridi, solida sunt. Madefacta non mutatur, sed in apotheciis ros melius apparet. Apothecia nec conglomerantur nec conflunt. sed summa ætate subdifformia sub-tuberculata.

4327 *LECIDEA euphorea*: crusta effusa granulato-verrucosa subareolata albida cinereaque, apotheciis confertissimis adnatis planis marginatis, dein

convexis subimmarginatis nigris intus fuscis strato sub disco cinereo.

L. euphorea Fl! Ms.

L. subuletorum γ. *euphorea* Fl! Liefr. n. 4. in *berl. mag.* 3 p. 311. *Ach. syn.* p. 20. *Whlbg. fl. lap.* p. 470.

Hab. in parietibus vetustis Nordlandiæ et Lapponiæ copiose.

Crustæ granulis magis irregularibus subcohærentibus apotheciisque minutissimis subplanis hæc a *L. sabuletorum* dignoscitur. Indoles interna apotheciorum ob minutiem difficulter perspicitur. Crusta madefacta virescit.

1328 LECIDEA sæpincola: crusta determinata gleboso-granulata pallide flavo-virescente, apotheciis adnatis planiusculis marginatis, dein convexis immarginatis nigris intus cinerascens.

L. sæpincola *Ach. syn.* p. 35. sec. Flörke.

Hab. in lignis pincis vetustis Saltdalen Nordlandiæ rarius.

Maculas oblongas $\frac{1}{2}$ — 1 pol. latas granulato-rugosas, apotheciis centralibus efficit. Apothecia quam in priore majora, juniora satis elevato-marginata. Color variat; interdum ater, interdum helvolo-niger. Priori peraffinis, colore crustæ determinatæ virescente s. flavescente, apotheciis majoribus imprimis differt.

1329 LECIDEA cumulata: crusta effusa verrucosa, verrucis inæqvabilibus sublobatis, cinerea, apotheciis minutissimis conglomeratissimis constanter planis atris, margine tenui, intus albidis.

Hab. in terra uda alpium summorum passim copiose ex. gr. Soelvagtinden Saltdalen Nordlandiæ.

Apothecia in maculas c: acervos planiusculos in terra inter areolas sessiles congesta sunt, et in comuni basi sedere videntur, sive unum supra alterum impositum, sive ut proliferationes veteris apothecii considerata sunt. Ob minutiem vera indoles difficulter extricatur.

1330 LECIDEA geophila: crusta tenui submembranacea inæqvabili alba, apotheciis planis mar-

ginatis, margine tenui, dein convexis margine occluso, atris, intus nigris.

L. geophila Fl! Ms.

L. sabuletorum var. *depauperata* Fl! in *berl. mag.* 3 p. 312.

Hab. in muscis saxorum inferalpinorum Saltdalen passim.

Crusta inæqvabilis, interdum subgranulata, ob muscos substratos apparet, revera submembranacea est. Apothecia quam in prioribus majora, intus strato tenui sub disco pellucido subconcoloria. Ubi stratum illud pellucidum adeo tenue est, ægre imprimis in ætate provectis perspicitur, re vera tamen semper adest. Discus eximie rugulosus.

1331 *LECIDEA mixta*: crusta cartilaginea rugoso-verrucosa lactea, apotheciis planiusculis marginatis, demum subdifformibus margine occluso livido-nigris, intus albidis.

Biatora mixta Fr! *lich. exs.* n. 40. in *Act Ac. holm.* 1822, p. 267.

L. anomala Fl! *Liefr.* n. 161, excl. syn. Ach!

Hab. in cortice vetusto Betularum per Nordlandiam salensem rarius.

Apothecia livida subhyalina; deinde nigrescunt et subatra evadunt, semper lævigata, rarius subpruinosa. Semper aliquid opacum lividumve nigradini immixtum est, quod notam habituales præbet. Præcedenti re vera affinis, sed abunde diversa. Inter *Biatoras* me iudice a Cl. Fries male collocatur, utpote et ipse marginem dilutiorem modo videri, non esse, fatetur.

1332 *LECIDEA miscella*: crusta crassa granulosa coherente diffracto rimosa albido-cinerascente s. cervina, apotheciis adnatis convexis immarginatis difformibus nigricantibus intus subconcoloribus strato sub disco albedo.

L. miscella Ach. syn. p. 21. *prd.* p. 63 (Lichen).

Hab. in terra turfosa ex muscis putrefactis orta in rimis rupium maritimarum Nordlandiæ saltensis ex. gr. ad Skjerstad.

Crusta crassa, apotheciis parvis immarginatis nigricantibus ab affinibus st. lim. dignoscitur.

Crusta madida cervina. Qvod crustam ad L. fuscoluteam α . accedit, sed apothecia diversissima. Apothecia juvenilia subconcava sed sine margine distincto vel regulari.

1333 *LECIDEA muscicola*: crusta inæqvabili granulata fuscescente, granulis sublobulatis, apotheciis obconicis planis fusco-nigris margine elevato, disco ruguloso. *Sommerfelt in Act. Ac. holm.* 1823 p. 113.

Hab. in muscis destructis rupium inferalpinorum et subalpinorum Saltdalen Nordlandiæ frequenter.

Crusta effusa tenuis granulata, granulis parvis difformibus ad margines sublobatis, siccæ fuscescens a cinereo ad nigrescens, madida fuscescenti-viridis. Apothecia juniora subglobosa disco impresso, dein obconicis subpedicellatis fusco-nigris, madidis concoloribus, margine elevato integerrimo, intus fuscis, seu propriè hyalinis, sed ob ambitum fuscum fuscis apparentibus, nam margo, etsi concolor et a crusta diversa tamen discum plane secretum in sinu foveat, quare *Biatoræ* species sec normam Cl. Friesii, æque ad *L. fuscolutea*, cum qua summa affinitate, etsi constanter distincta, conjuncta est. Habitu magis accedit ad *L. uliginosam* granulis crustæ magis contiguis apotheciisque diversissimis. A *L. carnosâ* Somrf. (*Lecanora muscorum* Ach. syn.), cui affinem credidit Cl. Fries (l. c. in nota), diversissima est.

1334 *LECIDEA phæocarpa* β . *microcarpa*: crusta tenui squamaceo-granulata, granulis subincisis, fuscescenti-alba, apotheciis minutissimis confertis hemisphæricis immarginatis rugulosis nigris.

L. phæocarpa (var.) Fl! Ms.

γ. montana: crusta tenui granulata fuscescenti s. nulla, apotheciis parvis immarginatis planis dein convexis nigris.

Hab. β . in muscis destructis subalpinorum Saltdalen rarius. γ . supra terram apricam e muscis putrefactis ortam in montibus maritimis Nordlandiæ meridionaliæ passim.

Var. α ., quam modo e Germania habeo, a var. γ . modo crusta crassiori, subcontigua albidiori-que, eâ in var. β . subsimili paululum differt. Var. β . apotheciis minutissimis sese distingvit. Tota species apotheciis parvis confertis opacis nigris et fusciscenti-atris immarginatis insignis est. Apothecia intus concoloria madida magis fusciscunt. Crusta in γ . sine dubio ob ventos, qui eam semper terunt, tenuissima et interdum fere omnino oblitterata.

1335 LECIDEA icmalea: crusta gelatinoso-pulveracea fusciscenti-viridi, apotheciis subimmersis planiusculis demum convexis immarginatis scabriusculis nigris intus concoloribus.

L. fuliginea β . *icmalea* Ach. syn. p. 35.

Hab. in terra turfosa ad radices Pinorum in inferalpinis Saltdalen Nordlandiæ parcius.

Cum *L. fuliginea* Ach., Collematibus valde affini, apotheciis minutis regularibus siccis planis atris, madidis tumidis brunneis nulla fere affinitate conjuncta est; multo majore cum *L. uliginosa*, sed natura crustæ crassæ a pulvere subgelatinoso constructæ perquam diversa.

1336 LECIDEA tuberculata: crusta effusa tenui leprosa subcohærente virenti-albida, apotheciis minutis sparsis immarginatis mox subglobosis tuberculatis nigris intus concoloribus.

Hab. sub præruptis rupium saxorumque inferalpinorum Saltdalen Nordlandiæ rarius.

Cum nulla alia specie nordlandica confundi potest. Re vera *Bæomycide rufo* Ach. affinis. Crusta tenuiter rimosa substantiæ laxæ. Apothecia primum punctiformia, dein hemisphærica et mox tuberculata, quo in statu substipitata apparent, quia e basi exigua superficies tuberculata excrevit. Totum apothecium magnitudine vix unquam semen Papaveris æquat. Madidum tumet, sed colorem vix mutat. *L. botryosæ* Fries affinis videtur, sed ob immarginata subglobosa nunquam disco depressa apothecia cum illa confundi nequit.

1337 LECIDEA leptomerea: crusta effusa tenuissima furfuraceo-granulata ochracea, apotheciis sparsis minutis planiusculis dein subhemisphæricis immarginatis nigro-fuscis.

Hab. in saxis inferalpinorum Saltdalen Nordlandiæ rarissime.

Lichen habitu satis vili & inconspicuo: crusta maculas 3—4 pol. latas efficit, tenuissima, granulis dispersis adeo subtilibus, ut fere pulverulenta dici possit. Apothecia rara fusca, interdum a crusta qvasi rore ochraceo superfusa, madida dilutiora, & vetusta subdifformia evadunt.

1338 LECIDEA pellucida β . *hyalinella*: crusta effusa tenuissima gelatinoso-subleprosa cinerascens s. subnulla, apotheciis minutissimis confertis plano-convexis hemisphæricis immarginatis livido-pallidis cinerascensibusque subhyalinis demum fuscescentibus, intus albis. *Fl! Liefr.* n. 102.

γ . *obscurella*: apotheciis minutissimis rotundis planis submarginatis, dein convexis hemisphæricisque immarginatis nitidulis fuscis, fusconigris atrisque intus albis.

L. nitida *Somerf. in Act. Ac. nideros.*

Hab. β in lignis vetustis putrescentibus passim; γ . in cortice Pini frequentissime, Betulæ rarius per Nordlandiam saltensem et Lapponiam pitensem.

Crusta fibrillis corticis seu ligni innata, modo madefacta subgelatinosa, albida s. cinerascens. Apothecia madida subhyalina, etiam in formis obscurioribus. *Varietatem* γ . primum propriam speciem habui, sed de affinitate nunc persuasum mihi est. Apothecia ejus regularia, sub lente tenuissime punctulata, madida disco flavescenti-hyalino margine subobscuriore eam a *Lecanora symmicta* γ *apochroea*, cum qua commixta sæpe crescit, ubi illa apothecia nigra habet, & apothecia intus alba, madefacta subhyalina vetustissimam hujus formam apotheciis atris a *L. pinicola* distinguunt.

1339 LECIDEA fuscescens: crusta: subiculum tenuissimum fusco-nigrescens areolis minutis discre-

tis albidis, apotheciis plano convexiusculis superficialibus marginatis fuscis margine tenui, intus albidis. *Somerf. in Act. Ac. holm.* 1823 p. 114.

Hab in epidermide Betularum juniorum Nordlandiæ. Memorabile est, quod modo in epidermide fusco, nunquam in albo proveniat. Lichen minutulus & tenuissimus nulli affinis. Subiculum maculas oblongas ungviculares subnitidas efformat, areolisque s. rectius granulis minutis discretis, quin etiam subraris obsitum est. Apothecia primum e granula propullantia et ab iis marginata — ut, an Lecanoram an Lecideam haberem, diu hæserim — sed mox lecideoidea superficialia plana margine proprio tenui concoloreque, denique convexiuscula margine subevanido, madida tumida sordide albida.

1340 LECIDEA panæola: crusta areolato-verrucosa, areolis fuscescenti-albidis subsorediferis tuberculisque fusco-rufescentibus immixtis variegata, (apotheciis concaviusculis atrorufis livido-fuscis nigrisque margine pallidiore).

L. panæola Ach. syn. p. 33. Fr. in Act. ac. holm. 1822 p. 269 (Biatora).

Hab in saxis rupibusque Nordlandiæ frequentissime.

Auctoritate Cl. Friesii ductus hoc loco eam sepono, nam fructiferum nusquam legi vel vidi Lichenem vulgatissimum, qui quoad crustam cum *L. atroalba* summa affinitate conjunctus est. Subiculum atrum modo ut linea terminalis sese exhibet. Si etiam tubercula abessent, areolis tandem in pulverem cinereo-virescentem fatiscentibus nec unquam fuscis, madidisque mollioribus a *L. atroalba* sese distingvit. In Lichene huic satis simili eadem tubercula inveni, qui ob apothecia ad *L. epipoliam* non potuit non referri. Crusta late effusa, areolis confertis convexis difformibus, immixtis tuberculis illis subhemisphæricis intus concoloribus.

1341 LECIDEA percæna: crusta areolata, areolis minutis dispersis albicantibus, apotheciis in areolis sessilibus easque subtegentibus plano-concaviusculis regularibus nigricantibus, margine

elevato subpruinoso, humectatis totis rufescentibus subhyalinis.

L. percæna Ach. *syn.* p. 29.

Hab. in saxis campestribus calcariis Nordlandiæ inferalpinæ ex. gr. Saltdalen.

Sine dubio hic Lichen etiam rectius cum *Lecanora cervina* conjungebatur. Ab illa imprimis minutie et colore obscuriore apotheciorum et crusta parca, quæ modo ut margo inferior albus apparet, distinguitur, nani margo proprius sæpe etiam in *L. cervina* sat manifestus est. Habitu maxime refert *L. immersam* β., sed areolis crustæ, etsi obsoletis, et apotheciis madidis totis rufescentibus s. brunneis mox diversam sese exhibet. Crusta subicularis nigra, cujus mentionem facit Cl. Acharius, sine dubio aliena, in nordlandicis nunquam observata.

1342 *LECIDEA erythrophæa*: crusta tenuissima albicante s. subnulla, apotheciis rufescentibus planis margine elevato integerrimo, demum convexis margine suboccluso.

L. erythrophæa Fl! ms.

Hab. in cortice Populi et saxis calcariis inferalpinorum Saltdalen Nordlandiæ rarius.

Quæ in saxis occurrit priori satis similis, sed nullæ areolæ adsunt. Apothecia parva subpellucida, madefacta subimmutata brunneo-rufescentia. Cum *L. luteola* ob marginem et crustam tenuem non granulatam non confundi potest.

1344 *LECIDEA cyrtella*: crusta tenui submembranacea lævigata cinereo-albida, apotheciis confertis minutis convexiusculis dein subglobosis pallidis carneolis fuscisque, margine juniorum tenui albicante demum evanescente.

L. cyrtella Fl! Liefr. n. 162.

L. anomala α. et β. *cyrtella* (et γ. *hosthelea* sec. Friès.) Ach! *syn.* p. 38. Fr. in Act. Ac. holm. 1822 p. 266.

L. cyrtella et *hosthelea* Ach. *meth.* p. 67, 57.

Lecanora anomala β. γ. ε. ζ. Ach. *lich. un.* p. 381.

Hab. in cortice arborum in inferalpinis Nordlandiæ saltensis parcius.

Sane naturæ convenientissime Cl. Acharius in lich. un. hanc speciem ad *Lecanoras* retulit: Margo pallidior albidus non modo adest, sed vere thallodes est, quod etiam ex eo patet, quod patellæ minutæ disco elapso resideant. Ut jam annotavi, *Lecanoræ Hageni* quam maxime affinis, modo apothecia quam in formis illius speciei vulgaribus multo minora. Secundum specimina Achariana L. anomala modo forma major L. cyrtellæ.

1345 *LECIDEA luteola*: crusta membranacea albicante granulis sordidis adspersa, apotheciis lævigatis planiusculis dein convexis tulvo-luteis margine crassiusculo depresso subdilutiore.

L. luteola *Ach. syn.* p. 41 excl. var.

Lichen luteolus *Schrader.* — *Ach. prd.* p. 42.

Verrucaria rubella et *vernalis Hoffm. fl. germ.* ex *Ach.*

Hab. in cortice vetusto Populorum Saltdalen Nordlandiæ rarissime.

Apotheciis lævigatis *L. vernali* (apotheciis parvis mox globosis) affinis et a *L. ferruginea* distincta. Etsi margo omnino ejusdem substantiæ ac discus esse videtur, attamen heterogeneæ, ergo vera *Biatora* sec. *Fries.*

1346 *LECIDEA incana*: crusta effusa granulato-pulverulenta pallescenti-incana, apotheciis convexis ferrugineis bruneisque margine depresso pallidiori.

L. incana *Ach. syn.* p. 36. excl. syn. *Engl. bot.* t. 1683 ex *Ach.*

Hab. in muscis saxorum Nordlandiæ saltensis parcius.

Hæc species quoad apothecia ad *L. vernalem* adeo accedit, ut non sine dubio eam ab illa distingvere possim, sed crusta e granulis minutissimis pulverulenta diversam eam reddere videtur. Apothecia intus concoloria strato sub disco pallidiora. A *Lepraria incana* floccoso-pulveracea, quæ certe nunquam apothecia proferre potest, quacum conjungit Cl. Acharius, hæc diversissima est.

1347 *LECIDEA sphaeroides*: crusta granulato-subpulverulenta albo-virescente, apotheciis confer-

tissimis immarginatis demum subglobosis incarnato s. pallide albis.

L. vernalis β sphæroides *Ach. lich. un.* p. 199.

L. alabastrina β . sphær. *Ach. syn.* p. 46.

Lichen sphæroides *Dicks. fasc.* 1 p. 9. t. 2 f. 2.

b. obscurata: crusta virescente, apotheciis carneo-fuscis.

Lecidea hypnophila *Ach. lich. un.* p. 199, sec. spec.

Hab. in muscis ad radices arborum frequenter: in rupibus absconditis rarissime per Nordlandiam saltensem.

Forma b. vulgo ad varietates *L. fusco-luteæ* sed falso refertur. Ab illa differt: apotheciis infantilibus convexiusculis margine haud elevato lævigatis, colore in subcarneum semper vergente, substantia magis indurate gelatinosa, nec carnossa. Præterea pluries evidenter perspexi hanc modo formam senilem s. casu quodam depravatam esse, qva re etiam ad hanc a *L. vernali* distingvendam commotus sum. Hujus enim apotheciorum color nunquam in ferrugineum s. lateum sed semper in fuscum violaceumque vergit.

L. vernalis distincta species est, 1. apotheciorum colore helvolo-ferrugineum, nam etsi rarius in fuscum vel rufo pallidum abiit, tamen color principalis elucet; 2. glabritie, (qva de causa nitidula) nam sunt quidem tuberculata et difformia attamen glabra, nec rugulosa s. punctulata obscura ut in *L. fuscolutea*; 3. forma infantili semper convexa sine margine elevato, madida subglobosa subpellucida, cum *L. fuscolutea* juvenilis semper marginem elevatum habeat et opoca remaneat.

L. alabastrina α . *Ach.* non mihi nota est. *Var. γ. rosella* Lecanoræ species est.

1348 *LECIDEA cuprea*: crusta subtartarea rimoso-granulata inæqvabili lactea, apotheciis immarginatis convexis dein hemisphæricis rufo-ochraceis s. ferrugineis, intus corneis concoloribus, strato sub disco pallido.

? *L. saxetana* *Ach. syn.* p. 44?

Hab. in terra glareosa alpium Nordlandiæ saltensis e. gr. Baadjeld et Lapponiæ pitensis passim copiose.

Crusta late effusa e granulis sublobatis contiguis composita est. Apothecia mediæ magnitudinis lævigata, demum subdifformia absque omni margine madida dilutiora subpellucida. Vera Lecidea, nec Biatoræ species. Cum *L. saxetana* Ach. ob crustam nunquam pulverulentam et apothecia nec sanguinea nec atosanguinea conjungere nequeo. Talis *L. saxetana* specimen minutulum in herbario Swartzii ab hac plane diversam vidi. Hujus crusta semper a Calicio turbato obsita est.

1349 LECIDEA rupestris: crusta tenui contigua alba cinerascenque, apotheciis subimmersis planis demum convexis immarginatis flavis demum rufescentibus.

L. rupestris Ach. syn. p. 39. prd. p. 43. Fl! Liefr. n. 5.

Verrucaria rufescens Hoffm. pl. lich. t. 17, 1.

Hab. in rupibus calcariis Nordlandiæ inferalpinæ e. gr. Saltdalen, Bodøe.

Crusta junior subpulverulenta alba, dein cinerascit et subobliteratur.

1350 LECIDEA fuscolutea: crusta effusa submembranacea s. granulosa alba cinereaque, apotheciis superficialibus planis disco ruguloso opaco margine elevato, demum convexis et subglobosis immarginatis luteis, rufo-fuscis, nigricantibus atrisque.

α. crusta subnitente subgranulosa albida, apotheciis amplis planis luteis margine elevato flexuoso, strato prolifero intus fusco.

L. fuscolutea Fl! in berl. mag. 3 p. 304. Ach. syn. p. 42. Fl. dan. t. 1541. junior (bona). Dicks. fasc. 2 p. 18.

Hab in muscis humidis, imprimis in subalpinis Nordlandiæ et Lapponiæ passim.

β. jungermanniæ: crusta tenuiore cinerea, apotheciis parvis fulvis margine tenui regulari, mox

convexis margine subevanescente, strato proligero intus albo.

Lichen jungermanniæ Vahl in Nat. Selsk. Skrf. 2 p. 29. Fl. dan. t. 1063, 1.

Hab. in muscis tenuioribus ad latera montium soli exposita e. gr. Saltdalen.

γ. leucoræa: crusta cinerascens granulosa, granulis confertis rugulosis, apotheciis parvis mox subglobosis fulvo-terrugineis rufo-fuscis nigricantibusque.

L. fuscol. β. leucoræa. Fl! l. c. Ach. l. c.

Hab. in muscis inferalpinorum et subalpinorum Nordlandiæ frequentissime.

δ. sangvineo-atra: crusta tenui membranacea effusa albo-viridi-cinerea demum pulvere granuliforme adspersa, apotheciis mox subglobosis difformibusque atropuspureis atrisque.

L. fuscol. γ. sangvineoatra Fl! l. c. p. 305 Ach. syn. p. 43.

L. sangvineo-atra et muscorum Ach. lich. un. p. 211, 179.

Lichen muscorum Auct.

b. lichnicola: crusta orbiculari subgranulosa, apotheciis regularibus.

Hab. in muscis corticeque Salicum, b. in Lecidea microphylla inferalpinorum Nordlandiæ et Lapponiæ frequenter.

Lichen hicce variabilis imprimis apotheciis junioribus characterem distinctivum: disco plano ruguloso s. punctato opaco margine elevato flexuoso subnitente semper retinentibus distinguitur.

In var. α. apothecia primum globosa poro notata, dein urceolata demumque explanata ad bilinearem latitudinem in basi crassa conoidea intus alba sedent. Discus rore quasi tectus, sed ros ille detergi non potest. Margo dilutior.

Qui semel legerit descriptionem Cl. Vahl! l. c. non dubitabit, quin Lichen jungermanniæ ad meam var. β, nec ad L. decolorantem, ut vult Flörke, et post eum Acharius et Wahlenberg referri debeat, nam in L. decoloranti ubi est similitudo cum L. vernali, ubi crusta subfoliacea? præterea

Lichen jungerm. in muscis subviviis, non plane destructis, quales sibi exposcit *L. decolorans*, lectus est. Cl. Wahlenberg secundum visa specimina *L. fuscoluteam* a *L. decolorante*, dum floram laponicam scripsit, non distinxit. Attamen et crusta mox in pulverem fatiscens et apothecia fungosa tenuiora aliter colorata has confundere non sinunt.

Var. γ . vere inter β . & δ . intermedia forma habitu etiam ad *L. vernalem* accedens, cfr. annotatio de illa p. 165.

Qui perfectas formas var. δ . & α . sine formis intermediis videbit, distinctissimas habebit, attamen distingvi non debent. Et in crusta et in apotheciis comune aliquid est, et per alias varietates transitus manifesti adsunt. Modificatio β . satis memorabilis regulari forma, vulgo centro destructo orbes albidos efficiens. Granula nunquam pulvere adpersa.

1351 *LECIDEA ferruginea*: crusta tenui inæquali subcartilaginea albo-cinerascente, apotheciis planis demum anguloso difformibus, ferrugineo-luteis, disco opaco, margine persistente nitido subcrispo.

Biatora ferruginea Fr. in *Act. Ac. holm.* 1822 p. 274.

Verrucaria ferruginea Hoffm. *pl. lich.* t. 12, l. 35, l.

L. cinereo-fusca Ach. *syn.* p. 43.

Lichen cinereo-fuscus Weber.

β . *ammiospila*: crusta subverrucosa, apotheciis aggregatis, margine opaco.

L. cinereo-fusca β . *ammiospila* Ach. *lich.* un. p. 203.

L. ammiospila Ach. *syn.* p. 44.

Lichen ammiospilus Whlbg! *fl. lap.* n. 745.

Hab. in cortice arborum et in saxis rupibusque per Nordlandiam saltensem inferalpinam frequenter. β . in lignis vetustis Nordlandiæ & Finmarkiæ.

Apothecia veluti ampulla vitellina e crusta erumpunt. Quæ in saxis occurrit, apothecia minor, discum obscuriorem crustamque subnullam habet. Loco habitationis nec non apotheciis mi-

noribus immutabilibus a *L. fuscolutea* facile distinguitur. Nomen incongruens *Webero-Acharianum* rejiciendum est.

Var. β . non possum non ad hanc referre. Apothecia eodem modo proveniunt, et ejusdem indolis, modo e succulentiori habitationis loco opaciora, et crusta crassior subverrucosa, sed ad apothecia fere prorsus restricta est. Hæc e verrucis erupta et ab iis suffulta margine thallode interdum prædita apparent, quia vi earum subelevata sunt. Stratum sæculiferum viride in verrucis, transsecto apothecio, evidentius quam in vulgari crusta cernitur. Margo proprius varius, crispus & rectus. Color nunquam rufus dici potest. An ab hac apotheciis subdestructis subdecoloratis differt *L. gibberosa* *Ach. syn. p. 40?*

1352 *LECIDEA cæcio-rufa*: crusta rimoso-subareolata rugosa cæsia, apotheciis planis ferrugineo-luteis opacis, margine tenui subflexuoso, dein convexis immarginatis livido-nigricantibus. *L. cæcio-rufa* *Ach. syn. p. 44.*

Hab. in rupibus micaceis versus oras Nordlandiæ sal-tensis ex. g. ad Löb Bodöe.

Priori, & imprimis var. β . adeo affinis, ut adhuc dubius hæream, an justius priori an huic associetur. Apothecia molliora quare ætate colorem mutant, & madida adeo tument, ut nullus margo appareat; a crusta fulcrata, ut disco elapso, sæpe patella remaneat, quare aut vera *Lecidea* aut *Lecanora*; rufa ea hisce locis nunquam observavi. Crusta adeo tenuis cartilagineæ substantiæ, ut vix areolata dici possit.

1353 *LECIDEA aurantiaca*: crusta effusa tenui lævigata subrimosa cinereo-alba, apotheciis plano convexis marginatis luteo-aurantiis, margine obtuso integerrimo dilutiore.

L. aurantiaca Fl! Liefr. n. 185. *Hoffm. germ. 2 p. 178* (Verrucaria).

L. luteo-alba γ . pyracea *Ach. syn. p. 49.*

Parmelia cerina ζ . pyracea *Ach. meth. p. 176.*

β. holocarpa: crusta tenuissima, apotheciis plano-convexis mutua pressione angulosis luteo-aurantiacis demum rufescentibus, margine proprio depresso obtusiusculo dilutiore demum concolore.

L. aurantiaca var. *holocarpa* *Fl. liefr.* n. 186.

L. luteo-alba *β. holocarpa* *Ach. syn.* p. 49.

Verrucaria obliterata *β. holocarpa* *Hoffm. germ.* 2. p. 179.

Hab. *α.* in cortice Populorum & Betularum; *β* in parietibus vetustis Nordlandiæ saltensis.

Differt. var. *α.* a germanica apotheciis minoribus, minus lævigatis margine magis elevato, sed secerni non potest. Var *β* omnino eadem; apotheciis lævioribus aggregatis crustam obliterantibus, margine ob convexitatem subevanescente a var. *α.* eximia. Apothecia propullantia crustam flavo maculatam reddunt. Apothecia intus concoloria contra Acharium dicit Flörke; attamen sub lamina colorata intus concolore est stratum tenue subhyalinum album apothecio proprium antequam ad stratum crustæ subpulveraceum pervenimus. Cum *Lecanora salicina*, etsi affini, conjungi non potest.

1354 LECIDEA cinnabarina: crusta effusa tenui inæqvabili alba, apotheciis convexis immarginatis cinnabarinis. *Sommerfelt in Act. Ac. holm.* 1823 p. 115.

Hab. in cortice Juniperi in sylvaticis udis rarius et in cortice Betulæ annosæ in subalpinis rarissime Saltdalen Nordlandiæ.

Crusta læviuscula, dein inæqvabilis granulataque, granulis sæpe in pulverem pallescentem fatiscentibus, qva de re crustæ *Lecanoræ tartaræ* (arboreæ) similis est. Apothecia juvenilia minuta hemisphærica medio depressa, dein convexa subrugulosa, semper immarginata sicca duriuscula intus flavorubentia, madida carnosâ intus concoloria. Apothecia plane immarginata jam satis ab omnibus *L. decolorantis* modificationibus hanc distinguunt. *L. russulæ* affinior.

915 LECIDEA *decolorans* Whlbg. *fl. lap.* n. 915, ubi vide. Excludantur syn. L. Jungermanniæ.

1355 LECIDEA *foveolaris*: crusta albo-pallescente s. virescente, apotheciis urceolatis flavis margine extusque albescenti pallidis.

α. Wahlenbergiana: crusta verrucoso-leprosa pallescenti-albida, apotheciis majoribus urceolatis immersis flavis margine coarctato subinflexo albido. Lichen foveolaris Whlbg. *fl. lap.* n. 746. Ach. *meth.* p. 149 (Urceolaria).

Gyalecta Wahlenbergiana Ach. *syn.* p. 9.

β. lutea (denudata): crusta tenuissima subpulverulenta virenti-albida, apotheciis majoribus urceolatis demum subexplanatis flavis ambitu tenui elevato pallidiori.

L. melizea Ach. *syn.* p. 47.

Lichen luteus Dicks. *fasc.* 1. p. 11. t. 2, 6.

γ. truncigena: crusta leprosa tenui cinereo-virescente, apotheciis minutis urceolatis flavis pallidisve mox cinerascentibus.

Gyalecta Wahlenbergiana *β truncigena* Ach. *syn.* p. 9.

G. geocica Ach. *syn.* p. 9? *meth.* p. 149 (Urceolaria)?

Lichen geocicus Whlbg. in Act. Ac. holm. 1806 p. 142. t. 4, 6?

δ. cupularis: crusta subcontigua s. tenuissima albo virescente cinerascenteve, apotheciis cylindrico-globosis urceolatis rubello-flavis, extus albidis, margine albido truncato radiato integroque.

L. marmorea *α.* et *β. cupularis* Ach. *syn.* p. 46.

Lichen cupularis Hedw. *stirp.* 2. t. 20. b. Ach. *prd.* p. 53.

Hab. *α.* in muscis destructis et terra turfosa rupium maritimarum usque ad Nordcap. *β* in muscis rarius; *γ.* in muscis ramentisque inferalpinorum passim; *δ* in rupibus calcariis humidis earumque muscis in locis inferalpinis et subalpinis Nordlandiæ saltensis, e. gr. Saltdalen.

Ad. var. α. Crusta crassiuscula sordida s. in pallidum, s. rubrum s. virentem colorem vergens. Interdum in gelatinosam materiem dissolvi vide-

tur, sed hæc materies est sine dubio aliena hanc destruens. Urceoli pulchre flavi sæpe ultra lineam lati adeo immersi, ut crusta sæpissime marginem tegat.

Ad var. β. Sunt apothecia prioris denudata. Crustæ pulvis incanus muscis subdestructis tenuiter adpersus; apothecia in hac et sequenti madefacta subgelatinosa; quia a crusta non suffulta sunt, ætate magis explanantur. De synonymo Dicksonii certus, quia et descriptio et icon convenientissimæ sunt et specimen anglicum vidi.

Ad var. γ. Cum apothecia prioris minuta et confertiora evadant, hanc vides. Variat crusta tenuiore et crassiore. Ubi in terra provenit et apothecia expallescere incipiunt, provenit *L. geoidicus*, quantum ex intuitu fugaci speciminis Cl. Wahlenbergii conspicerere potui.

Ad var. δ. Ubi in rupibus humidis læte viget crusta subtartarea contigua, et tum optime perspicitur, quo modo apothecia e granulis crustæ, ab ipsis formatis erumpant, et a crusta circumdantur, quo crassiores evadunt et truncatocylindrici disco minuto subporiformi, profundius immerso ideo obscurius colorato apparente. Aut ætate aut sicciori habitationis loco crusta tenuior subpulverulenta (imprimis in muscis, *L. marmorea* *Ach.*) obvenit, et tum apothecia nudiora, ad priorem propius accedentia. Tum juvenilia globosa dein rumpunt demumque explanantur et priori omnino similia fiunt.

Nulla modo *G. Wahlenbergiana* et *L. marmorea* *Ach.* secerni possunt. Allata series utrasque omnino conjungit. Crusta variabilis, sed apotheciorum indoles, si magnitudinem et quæ ex crassiori tenuiorive crusta oriuntur, excipis, plane eadem est. In omnibus discus luteus, e strato superiore flavissimo et interiore pallidiore constans ab altera lamina subhyalina pallescenti alba inclusus, quæ marginem efformat. Hæc margo in omnibus radiatus, si juveniles inspiciuntur, ætate vero radii disparent in varietatibus prioribus, in quibus margo tenuior, et in *a.* fere tectus, sed imprimis in *var. γ.*, quæ tenuissimis ornata est

apotheciis. In omnibus apotheciorum discus ætate quoque delabitur, et tum modo foveola subhyalina marginalis restat.

917 LECIDEA *microphylla* α. et β. *radiata* Whlbg.

fl. lap. n. 917, ubi vide.

Biatora microphylla Fr. in *Act. Ac. holm.* 1822 pag. 276.

β. *triptophylla*: thallo in crusta subiculosa subspongiosa cærulea cinereo-cervino, lobis primordialibus adpressis planiusculis lacero-laciniatis, demum in ramulos teretes erectos confertissimos abeuntibus, apotheciis rufo-fuscis.

L. microphylla β. *triptophylla* Ach. *syn.* p. 53. (excl. syn. Hoffm.) Fr! *lich. exs.* n. 43 (*Biatora*).

L. triptophylla α. et β. *velutina* Ach. *lich. un.* p. 215 (excl. syn. Pers. et Hoffm.).

γ. *corallinoides*: thallo subgelatinoso in crusta subiculosa subspongiosa cærulescenti-atra cervino et fusco-atro lobato, lobis inciso-laciniatis in ramulos breves teretes erectiusculos abeuntibus, apotheciis planis, dein convexis marginatis fuscis nigrisque.

L. microphylla var. *corallinoides* Fl! Liefr. n. 25.

Collema nigrum Ach. *syn.* p. 308.

Stereocaulon corallinoides Hoffm. *fl. germ.* pag. 129.

Hab. in cortice arborum et rupibus calcariis per Saltdalen Nordlandiæ frequenter.

Cum Cl. Flörke *L. triptophyllam* et *C. nigrum* sejungi non posse, statim perspexi, sed diu hæsitavi, anne hæc a *L. microphylla* cum summo jure sejungerentur an cum illa conjungerentur, nam gelatinosa collematoidea substantia, quæ in var. γ. madefacta evidens, et affinitas cum *C. petroso*, in quo subiculum etsi tenuius tamen adest, speciem a var. α quam distinctissimam indigitare videbatur, sed cum denuo omnes formas in statu madido exacto examini subjicerem, formas var. *triptophyllæ*, quæ a neutro sejungi poterit, inveni, quam ab rem omnes conjungere quoque necesse erat.

1356 **LECIDEA** *carnosa*: thallo subfoliaceo squamuloso subimbricato umbrino cervinoque, lobis laciniato-incisis eroso-granulatis, apotheciis crassis, disco plano obscure rufo margine proprio integerrimo pallidiori elevato, demum depresso. Lichen carnosus *Dicks!* *fasc.* 2 p. 21 t. 6, 7.

L. hypnorum *Ach. prd.* p. 93 excl. syn.

Lecanora hypnorum *Ach. lich. un.* p. 417. excl. syn. fl. dan.

L. muscorum *Ach!* *syn.* p. 193. *Fr! lich. exs.* n. 44 (*Biatora*).

β . *lepidiota*: thalli squamulis imbricatis a granulis marginum cinerascens subobliteratis, apotheciis depressis planis margine tenui subflexuoso.

Hab. in muscis ex. gr. *Andræis* imprimis in subalpinis; β . in muscis destructis rupium inferalpinorum *Saltdalen Nordlandiæ* passim.

Nomen originarium *Cl. Dicksonii*, qui primum eum bene descripsit et depinxit, restituendum putavi, tanto magis cum e nominibus *Acharianis* sat confusionis ortum est; *Cl. Wahlenberg* (fl. lap. p. 420) et *Flörke* (*Lief.* n. 150, 3) enim *Lecanoram Hypnorum* *Ach. lich. un.*, quæ ipsissima mea stirps est, formam deteriore vetustamque *L. hypnorum* fl. dan., ab hac diversissimæ esse contendunt. Crusta *L. hypnorum* granulata, vix squamulosa, multo minus foliacea, et apothecia illius his triplo majora vere lecanoroidea. Hujus apothecia $\frac{1}{2}$ lin. lata margine quidem gaudent pallidiori subtumido, sed etsi a disco discreto, minime thallode (ergo *Biatoræ* sp. *Fries*). Madedactus ut totum apothecium tumet, pallescit et subgelatinosus fit. Color thalli variat; umbrinus, cinereo-viriscens, fusco-virescens, subtus pallidus substuposus. A rarissima *P. elæina* quam maxime diversa.

Var. β . macriori habitationis loco orta videtur. Lobi arctius imbricati et granulis subpulverulentis, in quibus ecrescunt margines, omnino fere tecti, ut crustam subcontiguam granulatam fuscescenti-cineream referant. Rarius fructifera, sed apothecia triplo grandiora adpressa profert.

Thallus subtus subtomentosus intra marginem nigriscit. Hæc varietas affinitatem cum *L. microphylla* prodit, nam in ejus varietate *radiata* apothecia a crusta interdum perfecte marginata sunt, ut ad *Lecan. brunneam* accedat. De cætero ad *Parmeliam conopleam* quoque accedit.

916 *LECIDEA scalaris* *Whlbg. fl. lap. n. 916*, ubi vide.

Var. β. myrmecina *Whlbg.* est modo forma *L. scalaris* a loco habitationis carbonisato obscurata, (secundum spec. ipsius *Wahlenbergii*) a qua vera *L. myrmecina* *Ach.* plane distincta species est.

918 *LECIDEA atrorufa* *Whlbg. fl. lap. n. 918*, ubi vide, excl. synonym. *Floræ danicæ (L. luridus)*.

1357 *LECIDEA globifera*: thallo cartilagineo-foliaceo imbricato castaneo-virescente, lobis rotundatis lobatis flexuosis subrugosis subtus pallescentibus, apotheciis subimmarginatis demum subglobosis obscure rufis intus substrato prolifero concolori farinosis albidis.

L. globifera *Ach!* *syn. p. 51. lich. un. p. 213.*

Lichen luridus *Fl. dan. t. 1064, 2.*

Hab. ad rupes calcarias in muscis destructis inferalpinorum *Saltdalen Nordlandiæ* parius.

Species distincta thalli lobis majusculis 2—4 lin. longis latisque, qui in *L. lurida* minuta, et apotheciis nunquam atris, sed juvenilibus obscure fulvis; ætate demum nigricantibus. Apothecia in lobis sedent; juvenilia marginem obsoletum nitentem offerunt, sed senilia omnino immarginata rore æruginoso subpruinosa conglomerata. Madefactus thallus virescit, sed adeo cartilagineæ substantiæ, ut vix flecti patiatur. *L. rubiformis* *Wahlbg. fl. lap. n. 919* vix nisi status vetustus hujus *Lichenis* est.

1358 *LECIDEA norvegica*: crusta squamulosa imbricata cervina, lobis minutis cartilagineis crassiusculis irregularibus crenatis, apotheciis adnatis planis marginatis, margine integerrimo, demum convexis conglomeratisque immarginatis atris intus albis strato sub disco hyalino.

? *L. lurida* *Ach. syn. p. 51. in Act. Ac. holm.*
1795 t. 5. f. 2.

Hab. in interqve muscos saxorum inferalpinorum
Salt-dalen Nordlandiæ parcius.

Crustæ lobi vix lineam lati arcte imbricati
crustam crassiusculam inæqvabilem efficiunt. Fo-
liacei ob minutiem et fragilitatem vix dici pos-
sunt. Color livido s. fuscescenti-virescens in
madefactis læte viridis. Apothecia cærulescenti-
atra madefactione non mutantur. Quia melius
notæ plantæ novum addere nomen, quam plantæ
incognitæ falsum tribuere synonymon, ad *L. lu-
ridam* *Ach.*, quam modo ex iconi laudato sane si-
millimo notam habeo, non retuli, quia etiam Cl.
Flörke de hac rescripsit: sine dubio species
nova indole interna apotheciorum a *L. lurida* di-
versa. Cui veram *L. luridam* examinare liceat,
litem dijudicet.

920 *LECIDEA candida* *Whlbg. fl. lap. n. 920*,
ubi vide.

Stratum fæculiferum viride, quod negat l. c.
Cl. Wahlenberg, re vera tamen adest.

1359 *LECIDEA vesicularis*: crusta glebulosa, gle-
bulis inflatis difformibus glaucescenti-viridibus,
apotheciis planiusculis marginatis demum convex-
is immarginatis difformibus atris, intus albidis
strato sub disco fuscescente.

L. vesicularis *Ach. syn. p. 51. meth. p. 78. Whlbg.*
fl. carp. n. 1340.

L. paradoxa *Ach. meth. p. 82.*

Verrucaria grisea *Willd. in bot. magaz. 4 t.*
2. f. 4.

Lichen cæruleonigricans *Engl. bot. t. 1139 ex*
Ach.

Hab. in terra rupium calcariarum inferalpinorum Salt-
dalen Nordlandiæ.

Apothecia juniora rore tenui mox evanescente
glaucescunt. Substantia eorum interna sub la-
minam proligeram substuposa.

1360 *LECIDEA parmeliorum*: thallo coriaceo-
foliaceo imbricato cærulescenti-viridi (sicco ci-
nerascenti), lobis subrotundatis lobatis lævibus,

demum rugulosis, subtus fibrillis rigidis atris, apotheciis minutis adnatis convexis immarginatis nigris, intus concoloribus.

Endocarpon parasiticum *Ach. syn.* p. 100. *Engl. bot.* t. 1866.

Hab. in *Parmelia omphalodi* et saxatili inferalpino-
rum Nordlandiæ saltensis rarius.

Cæspites parvos convexos in *Parmeliis* colore cærulescenti mox insignes efformat. Lobi primum concavi subcucullati læves, dein planiusculi rugulosi, sed ob substantiam foliaceam diffracto-rimosi fieri non possunt. Subtus fibrillis aterimis divisis a pallido ad fuscum variat. Apothecia quidem initio in substantia thalli superficialia latent, sed minime endocarpoidea, nam nullus nucleus cum ostiolo, & nullus margo, sed ubi erumpunt, statim superficialia subglobosa, primum æruginoso pruinosa, dein nuda. Thallus ei *Parmeliorum* satis similis, ut primum *Parmeliam* parasita deformatam crediderim; ubi vero sterilem invenerim, distinctum esse mox agnovi.

1361 *GYROPHORA arctica*: thallo crasso duro rigido rugoso olivaceo, demum fusco, subtus nudo subglabro pallide-ochroleuco ad centrum nigricante, apotheciis subsessilibus convexiusculis.

G. arctica *Ach. meth.* p. 106 t. 2, 6. *lich. un.* p. 221. *Dill. hist. musc.* t. 30, f. 119.

G. proboscidea β . *arctica* *Whlbg. fl. lap.* p. 483. *Ach. syn.* p. 65.

Hab. in saxis petrisque maritimis & alpinis per Nordlandiam & Lapponiam.

Mihi species distincta & constans, æque bona ac pleræque aliæ *Gyrophorarum*. Supra ad umbilicum nunquam cinerascit, subtus semper nigrescit.

895 *CALICIUM tigillare* *Ach. syn.* p. 55.

Lecidea tigillaris *Whlbg. fl. lap.* n. 895, ubi vide.

1362 *CALICIUM turbinatum*: crusta nulla, apotheciis turbinato - subsessilibus atris nitidis, disco intra marginem crassum nigro opaco demum pro-

minulo pulveraceo. *Fl! Liefr. n. 125. Ach. syn. p. 56. Pers. disp. fung. suppl. p. 59.*

C. sessile Pers. l. c.

C. stigonellum Ach. syn. p. 56. meth. p. 88.

Lecidea gelasinata Ach. meth. p. 33.

Hab. in crusta *Lecideæ cupreæ* Saltdalen Nordlandiæ.

Crusta, quam describit Cl. Acharius, *Porina pertusa* Ach. est.

1363 CALICIUM *pullatulum*: crusta subnulla, apotheciis subtilissimis fusco-nigris clavato-turbinatis nitentibus, excipulo discum punctiformem impressum ambiente, stipite tenui concolori.

C. pullatulum Ach. in Act. Ac. holm. 1816. p. 121. t. 5, 5.

C. byssaceum Fr! lich. exs. n. 12.

Hab. in ramis emortuis junioribus Alni & Salicum Saltdalen Nordlandiæ frequenter.

Plane microscopicum, nudis oculis vix visibile. Crusta atra, cujus mentionem facit Cl. Acharius, sane heterogena, cum rarius cum ea conjunctum occurrit. Stipes sæpe divisus, sat rigidus.

1364 CALICIUM *albo-atrum*: crusta leprosa alba, apotheciis minutis turbinato-lentiformibus subimmarginatis scabridis, demum subtuberculatis aterrimis, stipitibus tenuissimis brevibus opacis concoloribus.

C. albo-atrum Fl! Liefr. n. 26.

Hab. in cortice vetusto Salicis Capreæ Saltdalen Nordlandiæ.

Totum opacum molliusculum. Stirps nordlandica parum altius stipitata quam germanica. Magnitudine *C. pusillum* subæquat. Madefacta apothecia tument, qua nota a sequenti statim dignoscitur.

1365 CALICIUM *pusillum*: crusta tenuissima expansa arachnoidea fibris ligni mixta nivea, demum albocinerascente, apotheciis minutis lentiformibus subimmarginatis, disco plano-convexo subpulverulento fusco-atro, stipitibus filiformibus breviusculis concoloribus *Fl! Liefr. n. 188.*

C. subtile *Fr! lich. exs. n. 14. Ach. lich. un. p. 243.*

C. claviculare α . *pusillum* *Ach. lich. un. p. 236.*

C. claviculare β . *subtile* *Ach. syn. p. 57, excl. syn. Pers. Whlbg. fl. lap. p. 485.*

Lichen sphærocephalus *Ach. prd. p. 84.*

Hab. in lignis truncisque decorticatis imprimis salicinis diu aeri expositis ubiqve.

Si annotatio Ill. Linnæi in itinere scan. p. 20, quæ *C. trabinellum* *Ach. meth.* manifeste indigitat, conferatur, *L. sphærocephalus* *Lin.* ut vult Cl. Fries, ad hoc conferri non potest, etsi vix dubium est, quin Linnæus plures harum minutarum stirpium species in unam congesserit. *C. subtile* *Pers.* huc referri non potest, quia capitulum subcinereum cum *C. furfuraceo* forma conveniens dicit. Magnitudine quidem variat hæcce species, sed semper pusilla, nec mihi unquam cinereo-pruinosa obvenit. Stipites confertissimi rigidi, omnes ad unum latus plerumque vergentes. De synonymo Acharii ex prodromo nullum mihi dubium est, cum *C. claviculæ* minorem dicat.

1366 CALICIUM *abietinum*: crusta tenuissima cinerascente, apotheciis turbinatis margine albicante, disco pulveraceo prominente subcylindrico plano, aterrimis, stipitibus brevibus rigidis concoloribus.

C. abietinum *Pers. disp. fung. p. 59.*

C. sphærocephalum β . *glaucellum?* et γ . *abietinum* *Ach. syn. p. 58.*

C. cerviculatum *Ach. in Act. Ac. holm. 1816 p. 119. t 5, 3. Fr! lich. exs. n. 13.*

Discus pulverulentus prominens variæ longitudinis, sed semper marginem excipuli erectum excedit. Margo in infantilibus flavescens quoque occurrit.

1367 CALICIUM *melanophæum*: crusta tenuissima alba, apotheciis subgloboso-turbinatis excipulo margine inflexo stipitibusque longiusculis nitentibus nigris, disco nigrescenti-umbrino.

C. melanophæum Ach. in *Act. Ac. holm.* 1816 p. 276 t. 8, 8. *Fr! lich. exs.* n. 9.

C. sphærocephalum Swartz... sec. Fries. *Whlbg. fl. lap.* p. 486?

Hab. in lignis putrescentibus, imprimis abietinis in Lapponia pitensi nec non Nordlandia saltensi rarius.

A sequenti modo differt: colore a prima juventute nigro nitenti apotheciisque minoribus, quare, cum modo rarius legerim, adhuc incertus sum, annon Cl. Flörke (Lief. n. 84.) rectissime utraqve conjunxerit. Crusta adeo granulata ut in speciminibus Friesii nunquam mihi sese obtulit. Synonymon Wahlenbergii hujus loci est, si non rectius ad formam majorem vetustioremqve *C. pusilli* refertur, quandoquidem ubiqve crescentem et apothecia sublentiformia subumbrina dicit.

1368 CALICIUM salicinum: crusta tenuissima lævigata albida, apotheciis subglobosis demum turbinato-cyathiformibus castaneo-fuscis, disco pulveraceo nigricante, stipitibus longis nigris apice excipulo concoloribus.

C. salicinum Pers. in *Ust. An. Bot.* 7 p. 20 t. 3, 3. *Fl! Lief.* n. 84.

C. trachelinum et *xylonellum* Ach. syn. p. 58.

C. sphærocephalum β . *xylonellum* *Whlbg. fl. lap.* p. 486.

C. corylinum Schum. sæll. 2 p. 882.

Hab. in lignis truncisque decorticatis aeri diu expositis Nordlandiæ et Lapponiæ parcius.

C. xylonellum modo est forma major. Cum apud Acharium bis, si non ter occurrat, nomen antiquissimum Persoonii præferendum esse credidi.

1369 CALICIUM quercinum: crusta granulato subpulveracea cinerea, apotheciis subglobosis, demum lentiformibus subtus albido-cinereis pruinosus, disco stipiteqve crassiusculo opaco atris.

C. quercinum Pers. *disp. fung.* p. 59. *Fl! Lief.* n. 66.

C. claviculare *Whlbg. fl. lap.* n. 485 excl. var. *Ach. syn.* p. 57. (excl. syn. Pers.) *meth.* p. 90.

C. lenticulare *Ach. in Act. Ac. holm* 1816 p. 262 t. 8.

C. lichenoides *Schum. sæll.* 2 p. 180 *Lin. fl. sv.* n. 1287 (*Mucor*).

Lichen Clavellus *Ach. prd.* p. 83.

Hab. in cortice frustuloso Pini sylvestris et abietis Lapponiæ passim.

Synonymon *Wahlenbergii* ad sequens quidem refert *Cl. Fries* sec. spec. *Cl. Wahlenbergii*, sed specimen erroneum sit, necesse est, quia character et descriptio *l. c.* optime in hoc, minime in sequens convenit.

1370 **CALICIUM** *roscidum*: crusta granulata rugulosa sordida s. subnulla, apotheciis turbinatis demum lentiformibus irregularibusque, disco margineque flavicante æruginoso-pulverulentis subinde atris margine subevanido, stipitibus crassis brevibus nigris.

C. roscidum *Fl! Liefr. n.* 42. *Fr! lich. exs. n.* 10. *Ach. in Act. Ac. holm.* 1816. t. 8, 6.

C. mutabile *Ach. l. c.* 1817. p. 234 t. 8, 13 sec. *Fr.*

C. hyperellum *b. roscidum* *Ach. syn.* p. 59.

C. claviculare β . *roscidum* *Ach. meth.* p. 90.

C. adpersum *Schum. sæll.* 2 p. 181.

β . *trabinellum*: gracilius, crusta subnulla, apotheciis turbinatis sublentiformibus, disco subdepresso, margine flavo-viridi.

C. claviculare β . *trabinel.* *Ach. lich. un.* p. 235.

C. chlorellum β . *orochroum* *Whlbg. fl. lap.* p. 487.

C. chorellum β . *trabin.* *Ach. syn.* p. 60.

C. trabinellum *Ach. meth. suppl.* p. 15.

Hab. in ligno imprimisque caudicibus putrescentibus Pini Nordlandiæ et Lapponiæ frequenter.

Crusta variabilis et granulis tum manifestis tum nullis, et colore cinerascens et sordide flavo-virescente. Stipitibus crassis brevibus et disco flavo-æruginoso-nigricante mox distinguitur. Hic color disci quoque var. β . huc revocat, & a teneriore *C. chlorello* disco dilute umbrino secer- nit. Etate discus evacuatur, & tum quasi cine-

reo-pruinosis. Transitus var. α in β . evidentissime perspexi in lichene hocce vulgatissimo. *C. chlorellum* verum in Nordlandia nusquam legi.

- 1371** *CALICIUM brunneolum*: crusta tenuissima albicante s. subnulla, apotheciis turbinatoglobosis, excipulo parvo albo-pruinoso, disco magno marginem suboccludente cinereo-umbrino s. rufescente pulverulento, stipitibus longis filiformibus flexuosis nigris.

C. brunneolum *Ach. in Act. Ac. holm.* 1816. p. 279 t. 8. f. 12 affirmante *Friesio! lich. exs.* n. 4.

? *C. trichiale* *Ach. syn.* p. 62. *Fr! l. c. n. 15?*

Hab. in caudicibus putridis Pini Alniqve Saltdalen Nordlandiæ passim.

Crusta *C. trichialis* sine dubio spuria et aliena, quia inter apothecia cum pedicellis *C. brunneoli* & *C. trichialis* nullum discrimen intercedit. Quod in Nordlandia occurrit majus & *C. trichiali* simillimum, sed constanter sine crusta granulata, si, ubi una cum *C. hyperello* & *ros-cido* obveniat, excipis. Stipes interdum a rore excipuli decurrente albescit. An *C. gracilentum* *Ach.* ab hoc diversum? In descriptione sane nihil, quo differat.

- 933** *CALICIUM chrysocephalum* *Whlbg. fl. lap.* n. 933, ubi vide.

Hab. in ramis, imprimisque strobilis emortuis Pini Nordlandiæ frequentius.

- 934** *CALICIUM capitellatum* *Whlbg. fl. lap.* n. 934, ubi vide.

Hab. ad radices arborum, in quisquiliis a terra subocculis, subque rupibus in umbrosis Nordlandiæ inferalpinæ passim.

A L G Æ.

- 1372** *FUCUS ceranoides*: fronde subdichotoma costata integerrima, ramos laterales angustiores fructiferos emittente, receptaculis compressis lineari

acuminatis *Lyngb. Hydrph. p. 5. Ag. sp. al. 1. p. 93. Turn. hist. t. 89 ex Ag.*
An F. ceranoides Whlbg. fl. lap. n. 939 excl. syn.

Hab. in rupibus a refluxu maris denudatis ad litora Nordlandiæ saltensis e. gr. ad Bodöe.

Fucus ceranoides Whlbg. a Cll. Lyngbye & Agardh forsā synonymis nimis fidentes, ad F. distichum refertur. Ego vero nunquam F. distichum inveni, etsi minorem Algarum marinarum qværendarum occasionem mihi fuisse, fatear necesse est.

944 FUCUS *saccharinus Whlbg. fl. lap. n. 944. exclus. syn. Fuci bifurcati Gunn. norv. n. 312 ad F. digitatum (minorem) pertinente & syn. Ulvæ latissimæ Lin. & U. mesenteriformis Roth ad U. latissimam pertinentibus.*

947 FUCUS *mamillosus Whlbg. fl. lap. n. 947. Ag. sp. al. 1 p. 260. Lyngb. hydr. p. 14 (Sphærococcus). Adde.*

Fucus norvegicus Gunn! norv. n. 971 t. 3, 4. Ag. sp. 1 p. 255. syn. p. 24. (Sphærococcus). Lyngb. Hydr. p. 16 (Chondrus).

Postquam specimen Gunneri typum iconis, in herbario clarissimi viri Niderosiæ vidi, pro certo affirmare audeo, *F. norvegicum Gunn.* nil esse nisi *F. mamillosum* juniorem, tuberculis nondum ornatum, quod etiam a sententia Cl. auctoris non abhorret, cum l. c. dicat: "cæterum videtur esse *Fucus* junior, adeo ut non satis liqveat, an sit species ab omnibus notioribus distincta, necne." *F. norvegicus Turn.* vero australioris Europæ incola ab hoc forsā omnino diversus.

950 FUCUS *palmatus Whlbg. fl. lap. n. 950.*

Ab hujus var. *laciniatus Whlbg. & Lyngb.* minime distingvi potest *Fucus soboliferus Vahl in Flor. dan. t. 1065. Whlbg. fl. lap. n. 949, ut recte autumat Cl. Agardh in sp. alg. p. 219.*

1373 FUCUS *rubescens*: fronde lanceolata subcuneiformiqve integra, apice sublobata olivaceo-rufuscescente, seminibus majusculis solitariis frondi immersis.

Ulva rubescens *Lyngb! hydr.* p. 27, t. 7,
 Hab. in Fucis majoribus sinus saltensis Nordlandiæ
 rarius.

Me iudice genere a *F. palmato* divelli non
 potest. Frons non regulariter reticulata quare
 vix ad *Zonarias* *Ag.* (cfr. sp. alg. p. 121) referri
 potest. Substantia membranacea, illa *U. planta-*
gineifoliæ multo crassior, punctis fuscis longitu-
 dinaliter dispositis ornata. Frons usque ad spi-
 thameam longitudinem, & ad semiuncialem lati-
 tudinem ascendit.

954 *FUCUS cristatus* *Ag. sp. alg.* 1. p. 300 (*Spæ-*
rococcus).

F. coccineus β . pusillus *Whlbg. fl. lap. n. 954*
 (ex. *Ag.*) excl. syn. *Gunneri*.

F. cartilagineus *Gunn.*, quem ad hunc fucum
 refert *Cl. Wahlenberg*, verus *Spærococcus car-*
tilagineus *Ag.* est, & non raro ad oras Nordlan-
 dia, forsitan a maribus remotis advectus repe-
 ritur.

1374 *FUCUS Lomentaria*: fronde terete simpli-
 cissima breviori, basi attenuata, cingulis contrac-
 tis intersepta.

Chorda lomentaria *Lyngb. Hydr.* p. 74. t. 18.
 bona.

Scytosiphon Filum γ . *lomentarius. Ag. sp. alg.*
 1 p. 162.

Hab. in litore Nordlandiæ saltensis rarius ex. gr. ad
 Bertnæs.

E radice exigua frondes plures fasciculati pal-
 mares hinc illinc contractæ internodiis 3—6 lin.
 longis, obtusæ assurgunt. Nullo tomento lubrico
 obsiti sunt, nec cum *F. Filo* conjungendum esse
 videtur.

1375 *ULVA latissima*: fronde oblonga subrotun-
 dave latissima plana sicca (non viscida) læte
 viridi.

U. latissima *Ag. sp. alg.* 1 p. 407. syn. p. 41.
Lin. fl. svec. n. 1156. it. vestg. p. 169.

U. Lactuca *Lyngb. Hydr.* p. 30.

Hab. ad oras Nordlandiæ passim.

Viva æque pulchrum viridem colorem ac sequens habet, sed siccata obsceurescit. Tenuis membranacea sed sine omni viscositate, quare siccata chartæ non adhæret. Quam illa quoque multo major, nec ab initio saccata fuisse videtur.

U. fronde dilata subsinuata centro radicata Ström Sönd. p. 137 & Act. Ac. hafn. 10 t. g. f. 9 vix juste ad hanc refert Cl. Agardh, quia *U. plicata* Fl. dan. t. 829 eadem est planta, icone secundum specimen Cl. Strömii ex insula Erknœ picta.

968 *ULVA Lactuca*: fronde obovata plana undulata laciniato-crispa molli viscida læteviridi.

U. lactuca Ag. sp. alg. 1 p. 409. *Whlbg. fl. lap.* n. 968, ubi vide.

Hab. quoque in superiore litoris parte in sinu saltensi Nordlandiæ.

In prima juventute clausa crescit — genus *Scytosiphon* Lyngb. factitius esse luculenter demonstrans —, deinde apice rumpitur et fuditur plana quoque evadit. Chartæ arcte adhæret et colorem vivacissimum retinet, 4 poll. longitudine vix superat.

1376 *ULVA rigida*: fronde ad basin fissâ rigidi-
uscula obscure-viridi, laciniis plicato-crispis.

U. rigida Ag. sp. alg. 1 p. 410.

U. plicata Ström? Fl. dan. t. 829?

Hab. in litore superiore ad oras Nordlandiæ ex. gr. in sinu saltensi.

U. latissimæ proxima, sed rigidior minor, obscurius colorata. Chartæ non adhæret. A radice minuta scutata frous peltata pluribus laciniis sensim dilatatis crispatis erosio fissâ ecrescit. Margo erosus forsân vi undarum, cui semper exposita est, oritur.

1377 *ULVA intestinalis*: fronde tubulosa simplici inflata subcompressa.

U. intestinalis Ag. sp. alg. 1 p. 418. syn. p. 45.

Whlbg. ups. n. 1002 Lin. fl. svec. n. 1154. *lap.* n. 458.

U. confervoides Forsk. *fl. Æg. arab.*

Scytosiphon intestinalis Lyngb. *Hydr.* p. 67.

β. crispa: fronde compressa margine crispo *Ag. l. c. Lyngb. l. c.*

γ. maxima: fronde valde anfractuosa et sinuosa diametro unciali *Ag. l. c.*

δ. cornucopiæ: fronde brevissima dilatato-clavata, fauce aperta *Ag. l. c.*

U. compressa *β. Whlbg. fl. lap.* p. 508.

ε. nana: fronde brevissima, crispato-flexuosa lineari-filiformi.

Hab. ad litora sinuum intimorum aqua dulci repletorum Nordlandiæ saltensis ex. gr. Saltdalen copiose, ubi etiam in flumen ascendit.

Frondes a lineari basi interdum ad $2\frac{1}{2}$ poll. latitudinem dilatantur. Hæ rarius brevissimæ (var. *δ.*), frequentius spithameæ (var. *γ.*). Nunquam ramosos observavi. *Qvin Lin. fl. lap.* n. 458 ad hanc nec ad *U. compressam* attingat, et ob characterem: "tubulosa simplex" et ob synonyma *Raji* 3 p. 62. *Bauh. pin.* p. 364. *hist.* 3 p. 803. nullum dubium mihi est.

Var. ε. satis memorabilis. Nunquam supra pollicem alta et semilineam lata pallidior crispatissima subcompressa in rupibus cæspitose crescit.

970 *ULVA compressa* *Whlbg. fl. lap.* n. 970, ubi vide, excl. syn. *Lin. fl. lap.* et var *β.* ad priorem pertinentibus.

1378 *ULVA velutina*: fronde tereti filiformi simplici intricata, hic illic in membranam dilatata. *Scytosiphon velutinus* *Lyngbye Hydr.* p. 68. t. 16.

Hab. in terra ad radices Pinorum a mari haud longius remotorum Saltdalen Nordlandiæ passim.

Cum icon et descriptio *l. c.* optimæ sint, non potest non hæcce species esse, etsi loco habitationis differt. Nonne ab initio fila plana, modo angustissima, ut cylindrica appareant, quæ deinde dilatata quoque plana apparent. Attamen memorabile, quod interdum medio appllantur api-

cibus cylindricis, medio quasi dirrupto. Cæspitosa et dense intricata crescunt. Ab uno anno ad alterum perdurat, saltem proliferat. In filis angustis granula Bangiæ (Lyngb.) speciem referunt, in dilatatis more Ulvarum qvaternata sunt. Color vivide viridis.

- 1379 *ULVA percursa*: fronde tubulosa capillari simplici stria unica longitudinali percursa, striisque transversalibus notata interstitiis diametro subæqualibus *Ag. sp. alg.* 1 p. 424. *syn.* p. 87. (Conf.) *Fl. dan.* t. 1837. *Scytosiphon compres.* γ. confervoideus *Lyngb. Hydr.* p. 65, t. 15, B. 4—6. Hab. in lapidibus littoralibus sinus saltensis intimi Nordlandiæ ex. gr. ad Rognan primo vere copiose.

Bene ad Ulvas hanc ab *U. compressa* diversam nunc refert Cl. Agardh. Geniculi sane spurii. Linea longitudinalis non semper conspicua, imprimis in statu vigente, cum granula ulvoidea manifesta sint. Color lutescenti-viridis. Valde lubrica mox periit.

- 972 *ULVA cylindrica* *Whlbg. fl. lap.* n. 972, ubi vide.

Hab. quoque ad lapides trabesque in fundo fluminum leniter fluentium Nordlandiæ saltensis ex. gr. Botn vatneelven Saltdalen autumn.

Sæpissime cylindricæ, sed non rarius basi quam apice incrassatæ, et majores sæpe contracto-sinuosæ, quamobrem forsitan *U. lubrica* *Roth* ab ea non distingvenda. Seminorum acervuli interdum qvaternatim dispositi. Semina puncto s. stria in medio notata sunt.

- 973 *ULVA filiformis* *Whlbg. fl. lap.* n. 973, ubi vide, excl. *syn.* *Hudsoni* ex *Ag. sp. alg.* 1 p. 359.

Stirps *Wahlenbergiana* minime a *Gastridio* (Lyngb.) s. *Halymenia* (Ag.) *filiformi* distingvi debet. cfr. *Ag. sp. alg.* 1 p. 220. Junior enim obscurior, cylindrica ramis non æqve longis, vix lubricis. Ætate latior compressa flexuosa dilutior lubrica s. subgelatinosa, ramis subfastigiatis.

VAUCHERIA.

Agardh sp. alg. 1. p. 458. Lyngb. Hydr. 1 p. 75.

- 1380 *VAUCHERIA dichotoma*; filis erectis setaceis dichotomis fastigiatis, coniocystis globosis sessilibus solitariis *Ag. sp. alg.* 1 p. 460 *Lyngb. Hydr.* p. 75 t. 19. *Fl. dan.* 1724, 1 et 3. *Lin. sp. pl.* p. 1635 (Conferva).

Hab. in argillosis inundatis ad Midbye Saltdalen Nordlandiæ.

- 1381 *VAUCHERIA bursata*: filis laxè ramosis, coniocystis solitariis globosis pedunculatis, pedunculo horizontali simplici *Ag. sp. alg.* 1 p. 461. *syn.* p. 48.
V. ovata *Lyngb. Hydr.* p. 76 t. 20. *Fl. dan.* t. 1727, 2.

Hab. ad rivulos subalpinos Saltdalen Nordlandiæ rarius.

Pedunculum modo unicum terminalem curvatum, qvales Cl. Lyngbye eos pinxit, observavi.

- 1382 *VAUCHERIA Dillwynii*: filis flexuosis, coniocystis sessilibus lateralibus globosis.
Ag. sp. alg. 1 p. 463. *Lyngb. Hydr.* p. 77, t. 21. *Fl. dan.* 1596, 1. *Whlbg. ups.* n. 1001.
 Conferva frigida *Schum. sæll.* 2 p. 105.
C. amphibia *Lin. fl. svec.* n. 1164.
Riccia arachnoidea *Fl. dan.* t. 898, 2.

Hab in nuda terra in umbrosis humidis inferalpinorum et subalpinorum Nordlandiæ saltensis vere et autumnò frequenter.

- 1383 *VAUCHERIA cæspitosa*: filis dichotomis cæspitosis, coniocystis binis terminalibus cornu intermedio *Ag. sp. alg.* 1 p. 468. *Lyngb. Hydr.* p. 81 t. 23. *Fl. dan.* t. 1726, 2.
 Conferva canalicularis *Lin. fl. svec.* n. 1162.

Hab. ad ripas rivulorum frigidorum nec non fontium inferalpinorum et subalpinorum Saltdalen Nordlandiæ vere.

- 1384 VAUCHERIA *racemosa*: filis ramosis cæspitosis, coniocystis racemosis. *Ag. sp. alg.* 1 p. 469. *syn.* p. 50. *Lyngb. Hydr.* p. 82 t. 23. *Fl. dan.* t. 1727, 1.

Ceramium cæspitosum *Roth. cat.* 1 p. 154 ex *Ag.*

Hab. in aqua stagnante inferalpinorum Saltdalen rarius æstate.

LYNGBYEA.

Fila capillaria continua hyalina apice vesiculifera, vesicula granulis coloratis repleta.

- 1385 LYNGBYEA *pulvinata*: filis pulvinatis cæspite convexa lacteis, tenuissimis, vesicula rufescente subcuneata.

β *geminata*: vesiculis binis pedicellatis.

Echinella geminata *Lyngb. Hydr.* p. 210 t. 70.

Hab. in lapidibus rivulorum fluminumque rapidiorum Saltdalen Nordlandiæ passim copiose.

Cæspitibus aggregatis nucem Coryli avellanæ sæpe majoribus convexis rufescentibus lapides tegit. Color rufescens e vesiculis oritur. Fila collecta lactea, singula sub vitro omnino hyalina continua. Vesiculæ primum figuram sporangii *Splachni urceolati* omnino gerunt, maturæ vero cuneato-clavatæ, et tum mox effoetæ hyalinæ. Sæpe delabuntur. Una cum sequentibus et *E. paradoxa* *Lyngb.* distinctum genus constituit, quippe quæ e filis regularibus chrySTALLINIS nulla massa gelatinosa cinctis constant. *E. radiosa* *Ach.* nullo modo hujus loci est. *E. acuta* *Lyngb.*, quæ etiam in Nordlandiæ occurrit, ad *Bacillarias* (*Nitzsch*) sine dubio melius refertur. *E. olivacea* et *stipitata* *Lyngb.* mihi ignotæ sunt.

- 1386 LYNGBYEA *cuneata*: filis subaggregatis brevissimis, vesiculis ovato-cuneatis.

Echinella cuneata *Lyngb. Hydr.* p. 211 t. 70.

Hab. in Ectocarpo litorali Nordlandiæ vere.

Stipes re vera adest, sed hyalinus brevissimus difficiliter observatur. Quoad magnitudinem hæc et sequens cum priori conferri non possunt, cum hæc oculo nudo vix visibiles. Sunt etiam modo vesiculæ, quæ in illa quoque punctiformes. Minor, oculatissimum Lyngbye effugere posse, fasciam vesicularum flavescens sporarum copiam continere. Vesiculæ hujus priori multo latiores, apice subemarginatæ.

1387 LYNGBYEA fasciculata: filis fasciculatis simplicibus rigidis strictis fastigiatis, vesiculis cylindricis.

Echinella fasciculata *Lyngb. Hydr.* p. 210 t. 70. *Fl. dan.* t. 945.

Diatoma fasciculata *Ag. syn.* p. 120.

Hab. in Ectocarpo litorali aliisque Confervis marinis vere, sed etiam in Vaucheriiis aquæ dulcis autumnino in Nordlandia legi.

Cum massam sporaceam etiam in medio fili observaverim, incertus, an tota stirps vesicula longa cylindrica sessilis dicatur.

974 CONFERVA atrovirens *Whlbg. fl. lap. n.* 974, ubi vide et adde:

Scytonema atrovirens *Ag. syn.* p. 115.

Bangia atrovirens *Lyngb. Hydr.* p. 85 t. 25.

Lichen pubescens *Whlbg. fl. lap. n.* 830 cum syn.

1388 CONFERVA tuberculata: tuberculiformis, nigra, filis erectis arcte cæspitosis flexuosis subramosis obtusis, granulis in quavis serie 1—2 dispositis.

Hab. in terra sterili summarum alpium una cum *Cenomyce vermiculari* et *Jung. julacea* Saltdalen Nordlandiæ.

Bangia species secundum Lyngbye. Sicca apothecium convexum *Lecideæ* refert, sed madefacta dilatatur et structuram fibrosam manifestat. Fila sub lente olivacea. Granula sphaerica.

1389 CONFERVA Myochrous: filis in cæspitem nigro-fuscum densissime intricatis, intus annula-

tis, ramis geminis secundis. *Lyngb. Hydr.* p. 96 t. 27. *Ag. syn.* p. 113. *Fl. dan.* t. 1602, 2 optima. (*Scytonema*).

β. *inundatum*: annulis internis subrotundis.

Scytonema β. *inundatum* *Lyng. l. c. Ag. l. c.*

Conferva *seriata* *Whlbg. fl. lap.* n. 984. t. 30, 2

Hab. in fundo lacuum alpinorum Nordlandiæ passim.

Var. β. in limo inundato paludum Lapponiæ sylvaticæ legit *Cl. Wahlenberg*.

1390 CONFERVA compacta: filis in cæspitem nigro-viridem densissime intricatis dichotomis, intus annulatis, ramis erectis strictis, angulis dichotomiarum acutis.

Scytonema compactum *Lyngb! Hydr.* p. 97 t.

28. *Ag. syn.* p. 116.

Hab. in trabibus ramisque inundatis lacus ad Fiskevaag Saltdalen Nordlandiæ.

Fila sub vitro viridi-hyalina, annulis obsoletis.

1391 CONFERVA (OSCILLATORIA) limosa: filis simplicibus cærulescenti-viridibus e strato atrovirente lubrico, densissime compactis utrinque longissime radiantibus strictis rectis *Lyngb. Hydr.* pag. 85. *Ag. syn.* pag. 104. *Fl. dan.* t. 1549, 2.

Hab. in fundo limoso aquarum circa domos, demum superficiei innatans.

1392 CONFERVA (OSCILLATORIA) nigra: filis simplicibus viridi-lutescentibus intricatis e strato nigro lubrico longe radiantibus rigidis rectis. *Lyngb. Hydr.* p. 87. t. 26. *Ag. syn.* p. 103.

Hab. in rupium latebris tenui terra tectis aqua stillante madefacta, corium tenue nigrum in aqua mox radians referens.

1393 CONFERVA (OSCILLATORIA) tenuis: filis simplicibus dilute viridibus e strato virenti lubrico breviter radiantibus, strictis rectis. *Lyngb. Hydr.* p. 88. *Ag. syn.* p. 105. *Fl. dan.* t. 1779.

C. fontinalis *Roth. cat.* 3 p. 195 ex *Ag.*

O. viridis *Vaucher* p. 195 t. 15, 7 ex *Ag.*

Hab. in lacubus inferalpinis, primo vere aquæ innatans, antea fundo adnata Saltdalen Nordlandiæ.

Colore intense sed pulcherrime viridi filis tenuioribus imprimis a *C. limosa* dignoscitur. Stratum subjectum e *Conterva* destructa ortum *Bacillaria fulva* Nitzsch repletum est.

- 1394 CONFERVA (OSCILLATORIA) *Retzii*: filis simplicibus hyalinis e strato compacto supra gelatinosum virenti-atro subtus virente breviter radiantibus.

O. *Retzii* *Ag. syn.* p. 105.

O. subfusca β . atra *Lyngb. Hydr.* p. 88.

- Hab. in canalibus ligneis interalpinorum Saltdalen Nordlandiæ

Satis compacta strato supra stratum innovando. Nullos annulos in filis tenuissimis detegere valui. Fila sub lente creberrime sese motitarunt flectendo, sed non elongando.

- 1395 CONFERVA (OSCILLATORIA) *distorta*: filis in cæspitulum globularem contextis ramosis rigidiusculis fusco-virescentibus.

O. *distorta* *Lyngb! Hydr.* p. 90. *Ag. syn.* p. 112.

C. *distorta* *Fl. dan.* t. 820. *Dillw.* t. 22 ex *Ag.*

- Hab. In lacu interalpino ad Fiskevaag Saltdalen Nordlandiæ æstate et autumnno.

Primum ramentis plantisque aqvaticis adhæret, demum libere natat fundumque tegit. Globulari forma *C. Ægagropilam* referens mox dignoscitur.

- 1396 CONFERVA (OSCILLATORIA) *muralis*: filis viridibus rigidiusculis crassiusculis curvato-flexuosis in stratum viride implicatis, annulis laxis *Ag. syn.* p. 108. *Lyngb. Hydr.* p. 95. *Fl. dan.* t. 1599,2.

C. *parietina* *Vaucher* p. 196 t. 15, 8 e *Lyngb.*

- Hab. ad parietes subque tectis in ligno abscondito putrido Saltdalen Nordlandiæ frequenter.

Fila capillo crassiora, non lubrica, sæpe flavo-viridia. Semper iis immixta est pulvis concolor, e granulis quadratis 2—6 connatis constans. An fila vetusta destructa?

- 1397 CONFERVA (CALLITHAMNIUM) *rosea*: fronde tenui alternatim decomposito-pinnata, ramis ramulisque alternis patulis subulatis, articulis diametro triplo longioribus, capsulis secun-

dis globosis subsessilibus *Lyngb! Hydr.* p. 126
t. 39. (*Callithamnium*).

Ceramium roseum *Ag. syn.* p. 62. *Roth cat.* 3
p. 145 *Conferva rosea* *Dillw.* t. 17.

Hab. in lapidibus litoralibus sub *Fuco digitato* Nordlandiæ saltensis ex. gr. ad Bodøe.

Tenuis et elegans species plures frondes ex una radice exserens.

1398 *CONFERVA (CALLITHAMNIUM) Rothii*: frondibus minutissimis cæspitosis erectis dichotomo-ramosis, ramis elongatis strictis alternis, articulis diametro subtriplo longioribus.
C. Rothii *Dillw.* t. 73 ex *Lyngb! Hydr.* p. 129 t. 41 (*Callithamnium*).

C. violacea *Roth. cat.* 1 p. 190 t. 4, 1.

Hab. in rupe litorali stillicidio irrigata ab undis vix nisi procella motis madefacta Saltdalen Nordlandiæ autumnò.

Articuli purpurei, sed nulla massa sporacea repleti, cum a me legerentur. Ramuli cylindrici obtusiusculi.

1399 *CONFERVA (CALLITHAMNIUM) floridula*: frondibus minutissimis fasciculato-cæspitosis abbreviatis rigidiusculis subsimplicibus, articulis diametro subtriplo longioribus.
? *Callithamnium floridulum* *Lyngb. Hydr.* p. 130 t. 41?

Hab. in lapidibus littoralibus una cum *Fuco palmato* Nordlandiæ saltensis passim.

Cæspitulos parves vix 2 lineas latos rubros in lapidibus efficit. Fila 1 lin. longa. *A. C. Rothii* filis brevioribus rigidiusculis subsimplicibus differt.

1400 *CONFERVA (ECTOCARPUS) siliculosa*: filis tenuissimis densissimis ramosissimis, articulis diametro sesquialongioribus, capsulis lanceolato-acuminatis pedunculatis. *Lyngb. Hydr.* p. 131 t. 43. *Dillw. suppl.* t. E.

Ceramium siliculosum *Ag. syn.* p. 65.

C. confervoides *Roth. cat.* 3 p. 148.

Hab. ad litora Nordlandiæ saltensis *Fucus* adhærens.

- 321 Cl. Agardh *C. litoralem* Whlbg. fl. lap. n. 982
ad *C. siliculosam* dubitans refert; sed etsi forsitan
Cl. Wahlenberg utrasque non distinxit, tamen
synonymon ejus ad *C. litoralem* summo jure re-
fertur, quia "segmenta abbreviata" dicit.

- 1401 CONFERVA (ECTOCARPUS) *aurea*:
terrestris, fulva dein canescens, filis cæspitosis ab-
breviatis ramosis, ramis patentibus rigidiusculis,
articulis diametro sesquilongioribus *Lyngb. Hydr.*
p. 134 t. 44. *Dillw.* t. 35. *Whlbg. fl. ups.* n. 998.
Ceramium aureum Ag. syn. p. 68.
Byssus aurea *Lin. sp. pl.* p. 1638. *Fl. dan.* t.
718, 1. Lichen aureus *Ach. prod.* p. 11.

Hab. in muscis, corticibus lapidibusque absconditis
Saltälän Nordlandiæ frequentius.

- 1402 CONFERVA *rubens*: lignicola, filis effusis
abbreviatis crispabilibus ramosis rufofulvis ino-
doris, articulis diametro æqualibus.
Lepraria rubens *Ach. syn.* p. 331.
Lichen rubens *Hoffm. En. lich.* p. 4 t. 1, 5 ex *Ach.*
Verrucaria rubens (crusta) *Fl. Berl. mag.* 1807
ex *Ach.*

Hab. in cortice vetusto subcrypto Salicis Capræ Salt-
älän Nordlandiæ rarius.

Postquam cum vulgari stirpe in sepibus et cor-
ticibus australioris Norvegiæ obvia contuli et
eamdem esse reperi de synonymo Cl. Acharii
nullum mihi dubium. Ad *C. odoratam* *Lyngb.*
quidem accedit, sed mea constenter inodora, filis
crassioribus crispatis (non erectis), non adeo den-
se cæspitosis p. p. diversa. Articuli diametro
æquales massa coccinea (non fusca) repleti, geni-
culis marginibusque hyalinis. Fila lineam vix
superant, ramis brevissimis torulosis. Sub epi-
dermis s. ligni tenuissima membrana cariosa flo-
culosaque latent demumque erumpunt. Siccata
et asservata virescit.

- 1403 CONFERVA *denigrata*: filis cæspitosis erec-
tiusculis brevibus aterrimis ramosis, ramis diver-
gentibus brevibus, articulis subrotundis diametro
æqualibus.

Hab. in epidermide vetusto Betulæ albæ Saltalen Nordlandiæ passim.

Cæspites parvos s. confluentes velutinos aterrimos efficit. Filâ vix ultra 2 linearum longitudinem, moniliformia, articulis approximatis rotundis diametro æqualibus. Nulla massa sporacea inesse videtur. An *C. ebenea* Dillw? sed non Lyngb! Hydr. p. 164. quæ modo *Racodium rupestre* Pers. est. *C. melæna* Lyngb!, quæ *Torula antennata* Pers.; ab hac diversissimâ. Attamen *Torulæ* speciem habuisssem, si simplex fuerat.

1404 CONFERVA barbata: filis tenuissimis cæspitoso-fasciculatis implicatis atris ramosis, ramis vagis patentibus, articulis linearibus diametro subduplo longioribus.

Hab. in epidermide Sorborum Saltalen Nordlandiæ rarius.

A priori et a *Racodio rupestri* Pers. omnino diversa. Filâ 2 — 5 lin. longa; juniora breviora crispata apparent; ætate provectora in fasciculos erectos coalita s. complicata sunt; tenacia, quare ad fungos non pertinet. Geniculi manifesti. Articuli nulla massa sporacea repleti, minime moniliformes.

1405 CONFERVA muscicola: filis ramosis repentibus flexuosis ferrugineis, ramis alternis divaricatis acuminatis, articulis diametro longioribus. Lyngb! Hydr. p. 161. Ag. syn. p. 73.

C. castanea Dillw. t. 72 ex Lyngb.

Hab. in caule muscorum ubique frequenter.

Dubia mihi stirps.

1406 CONFERVA obtusangula: filis ramosis flexuosis crispis, ramis remotis subsimplicibus, angulo rotundato exeuntibus, articulis diametro duplo longioribus. Lyngb. Hydr. p. 159 t. 55.

C. riparia Dillw. intr. n. 111. t. E. sec. Lyngb.

Hab. in rimis rupium maritimarum a summo fluxu vix inundatarum vel stillicidiis madefactarum circa sinum Saltensem Nordlandiæ passim copiosa e. gr. inter Rognan et Hals.

Charitæ non adhæret. Pannos bullato-criptatos

sat latos interdum in rupibus efficit. Massa viridis margines hyalinos semper reliquit. Rami breves et brevissimi.

1407 *CONFERRA uncialis*: filis ramosissimis fasciculatis, fasciculis clavatis rotundatis, ramis remotis divaricatis, ultimis brevibus subsecundis, articulis diametro subduplo longioribus.

C. uncialis *Lyngb. Hydr.* p. 160 t. 56. *Fl. dan.* t. 771, 1.

Hab. in lapidibus imi refluxus ad litora exteriora sinus saltensis Nordlandiæ.

Fasciculis densis obconicis pollicaris longitudinis mox dignoscitur.

981 *CONFERRA glomerata* *Whlbg. fl. lap. n.* 981.

Ad var. β . excludatur synonymon *Rothii*.

1408 *CONFERRA stellaris*: filis ramosis tenuissimis æqualibus e basi orbiculari parallele exeuntibus. *Lyngb. Hydr.* p. 150 *Fl. dan.* t. 660, 1. *Schum. sæll.* 2 p. 105. *Ag. syn.* p. 92. *Wilcke in Act. Ac. holm.* 1764 t. 8?

Hab. ad latera interiora vasorum vitreorum quotidie aqua fontana repletorum ineunte æstate Saltdalen Nordlandiæ.

Icon *fl. danicæ bona*, sed synonymum *Wilckii* multum dubium mihi est, quia suam plantulam erectam subfasciculatamque sistit; hæc vero stellariformis e centro grumoso fila radiantia ad 3 lin. longa emittens. Articuli diametro 4 plo longiores.

1409 *CONFERRA tortuosa*: filis simplicibus in pannum intricatis crispatis rigidiusculis, articulis diametro duplo longioribus.

C. tortuosa *Lyngb. Hydr.* p. 145 t. 49. *Dillw.* t. 46.

Hab. supra arenam in rimis rupium litoris superioris Nordlandiæ saltensis.

Color viridis et flavescenti-viridis. Pannosa tenacia rigidiuscula crispataque fila eam insignem reddunt. Sæpe massa viridi toti fere impleti sunt articuli, geniculis hyalinis.

1410 *CONFERRA rivularis*: filis simplicibus tenuibus rectis longissimis fluctuantibus, articulis

diametro subtriplo longioribus siccitate alternatim compressis *Lyngb. Hydr.* p. 142 t. 48. *Ag. syn.* p. 81. *Fl. dan.* t. 881 fig. inf. t. 1837 *Lin. fl. svec.* n. 1161. *Gun. norv.* n. 608 *Whlbg. fl. ups.* n. 994. *Schum. sæll.* 2 p. 106 *Hall.* n. 2115. *C. funiformis Roth. cat.* 1 p. 169.

Hab. in rivulis inferalpinis leniter fluentibus Nordlandiæ saltensis ex. gr. Fiskevaagosen æstate.

Ad 2 ulnarum longitudinem accedit. *Var. mucosa Ag.* filis lubricis brevioribus lutescentibus hisce locis quoque occurrit. Granula articulorum vario modo congregata.

1411 CONFERVA capillaris: filis simplicibus tenuibus crispatis laxè intricatis, articulis diametro duplo longioribus, siccitate alternatim compressis.

C. capillaris Lyngb! Hydr. p. 141 t. 47. *Ag. syn.* p. 81. *Lin. sp. pl.* 2 p. 1636.

C. crispa Dillw. intr. p. 46 *supl.* t. B. e *Lyngb.*

Hab. in lapidibus rivulorum locis soli expositis fluentium ineunte æstate circa sinum saltensem passim copiose ex. gr. ad Bodøe.

Fila breviora crispata intricata demumque flavescencia hanc a priori mox distinguunt.

1412 CONFERVA mucosa: filis simplicibus tenuissimis lubricis flavescens, articulis subtorosis, diametro æqualibus. *Lyngb. Hydr.* p. 140 t. 47. *Dillw. supl.* t. B.

Hab. in stillicidiis rupium una cum Palmellis vere Saltdalen Nordlandiæ parcius.

Cæspes tenuis subgelatinosus flavescens. Ubi articuli longiores apparent, ut in icone *Lyngb.* l. c. picti sunt, geniculum intermedium a massa sporacea occultum est. Fila apice non attenuata.

1413 CONFERVA alpina: filis simplicibus tenuissimis natantibus fusco-purpureis, articulis diametro triplo longioribus.

C. alpina Lyngb! Hydr. p. 139 t. 47.

C. ericetorum β. aqvatica Ag. syn. p. 76.

C. violacea Huds. angl. p. 592 e *Lyngb.*

Hab. in stagnis lacubusque subalpinis et alpinis ter-

minum Betulæ longe excedens per Nordlandiam saltensem.

Cæspes nebulosus fluctuans fuscopurpureus. Genicula obsoleta et pellucida.

1414 CONFERVA *sordida*: filis simplicibus, tenuissimis arachnoideis tenacibus, articulis subpellucidis, diametro quadruplo longioribus *Lyngb. Hydr. p. 138 t. 46. Dillw. t. 60 et Roth cat. 1 p. 177 e. Lyngb.*

C. bombycina Ag. syn. p. 78.

Hab. in scrobiculis rupium ad ripas lacuum inferralpiorum Nordlandiæ saltensis rarius ex. gr. in Botnvandet autumno.

Memorable est, quod paucissimæ modo Confervæ aquarum dulcium in Nordlandia ante autumnum proveniant, cujus causa in eo quærenda est, quod flumina et rivuli ad illum usque tempus repleti sunt aqua nivali frigidissima, quæ temperiem ad Algas alendas necessariam non habet.

1415 CONFERVA *floccosa*: filis simplicibus arachnoideis lentis in stratum bullosum implicatis, articulis diametro subæqualibus *Ag. syn. p. 79. Lyngb. Hydr. p. 138, t. 46.*

Hab. in rivulis lente fluentibus inferalpiorum Saltidalen Nordlandiæ ut stratum mucilaginosum flavovirens bullosum aquæ innatans, demum immersum.

1416 CONFERVA *fugacissima*: filis simplicibus tenuissimis mollibus, articulis diametro sesquilonioribus medio granulis fasciatis *Lyngb. Hydr. p. 137 t. 46. Ag. syn. p. 80. Roth. cat. 1 p. 176.*

Hab. in aqua stagnanti Saltidalen Nordlandiæ autumno.

Cæspes priori multo tenuior viridiorque.

1417 CONFERVA *zonata*: filis simplicibus tenuibus lubricis attenuatis, articulis diametrum æquantibus fascia transversali notatis.

C. zonata Lyngb. Hydr. p. 156 t. 45. Ag. syn. p. 81. Web. et Mohr. it. t. 1 f. 7, a. b. Dillw intr. p. 41. Fl. dan. t. 1838.

C. lucens Dillw. t. 47 e. Lyngbye.

Hab. in lapidibus fluminis Saltelven Nordlandiæ, ubi adhuc fluxus maris adscendit, Octobri,

Fasciculi 1—2 pollicares vivide virides gelatinosi lapidibus adhærent. An *C. dissiliens* ab hac diversa?

1418 CONFERVA (ZYGNEMA) *nitida*: filis fluctuantibus simplicibus crassis rigidis lubricis demum conjugatis, articulis diametro subduplo longioribus, spiris cruciatis tenuibus arcus, seminibus ovatis.

C. nitida Fl. dan. t. 819 Dillw. t. 4, C.

C. jugalis Fl. dan. t. 883.

C. setiformis & conjugata Roth cat. 3 p. 271. Schum sæll. 2. p. 106.

C. scalaris Roth Cat. 2 p. 196. Schum sæll. 2 p. 106.

Zygnema nitidum Ag. syn. p. 98. Lyngb. Hydr. p. 172 t. 59. Whlb. fl. ups. n. 987.

Hab. in aqua stagnante Saltdalen Nordlandiæ Octobri. Princeps Confervarum. Fila abbreviata quam seta eqvina subcrassiora.

938 CONFERVA (ZYGNEMA) *quinina* Whlb. fl. lap. n. 988.

β . *longata*: flavo-viridis, submucosa, articulis longioribus.

Hab. in stagnantibus et ad flumina per Nordlandiam et Lapponiam ubique. Etiam in alpes adscendit, ubi var. β . in fontibus frigidissimis 2500 ped. supra mare elevatis mense Septembris legi.

1419 CONFERVA (ZYGNEMA) *cruciata*: filis simplicibus lubricis demum conjugatis, articulis diametro duplo longioribus maculas binas stelliformes continentibus, seminibus subglobosis.

Zygnema cruciatum Ag. syn. p. 102. Vauch. p. 76 t. 6 f. 4 (Conjugata) ex Ag.

Z. bipunctatum Lyngb. Hydr. p. 171 t. 60 excl. syn. Whlb. Roth Cat. 2 p. 204 (Conferva).

Hab. in stillieidiis rupium et aquis stagnantibus inferalpinorum Saltdalen Nordlandiæ ineunte æstate.

Ab hac omnino differt *C. bipunctata* Whlb. fl. lap. n. 987 (Dillw. t. 2, C.), quam ad *Z. pectinatum* ut var. β . *confluens* refert Cl. Lyngb. l. c. p. 175 t. 60. Illa in fluminibus rapidissimis Lapponiæ et Nordlandiæ tum sylvaticæ tum alpi-

næ saxis adnascens obvenit, quam ob rem vix unquam tantum quietis ei datur, ut copulari possit, quare Zygnematis speciem non habere possum. Massa interna intense et pure viridis etiam sæpe indivisa, et ubi divisa non tamen stellariformis, qualem bene refert icon Lyngbyei.

990 CONFERVA (DIATOMA) flocculosa:

Whlbg. fl. lap. n. 990, ubi vide.

Diatoma flocculosa Lyngb. Hydr. p. 179 t. 61.

Ag. syn. p. 119.

Hab. quoque inter Conervas Nordlandiæ inferalpinæ autumno frequenter.

983 CONFERVA mutabilis Whlbg. fl. lap. n.

983, ubi vide.

Draparnaldia glomerata et plumosa Ag. syn. p. 124. Lyngb. Hydr. p. 189 t. 64.

Cum et ob characterem et ob synonyma dubium sit, quamnam duarum laudatarum auctorum specierum intellectam voluit Cl. Whlbg, et ego utrasque in aquis Nordlandiæ inferalpinæ et subalpinæ sæpius legerim, et parum modo discriminis inter eas viderim, utrarumque sub illius nomine mentionem facere consultius duxi.

1420 NOSTOC sphæricum: fronde globosa aggregata solida atroviridi lævi pisiformi.

N. sphæricum Ag. syn. p. 133. Lyngb. Hydr. p.

200. Vauch. p. 223 t. 16. f. 2 ex Ag.

Conferva pisum Fl. dan. t. 660, 2.

Hab. inter muscos ad rivulos et stillicidia Nordlandiæ inferalpinæ autumno rarius.

A semine Cannabis ad Pisi magnitudinem variat.

1421 NOSTOC cæruleum: fronde minuta globosa solitaria solida lævi cærulea subpellucida.

N. cæruleum Lyngb! Hydr. p. 201 t. 68.

Hab. in stagnis inter Hypna Saltdalen Nordlandiæ rarius.

Semen Cannabis magnitudine non superat.

CHÆTOPHORA.

Lyngbye Hydroph. p. 191 t. 65, 66.

- 1422 CHÆTOPHORA *elegans*: fronde hemisphærica aggregata, filis arctis dichotomis, ramis divaricatis, superne snbfasciculatis, articulis diametro duplo longioribus.

C. *elegans* Lyngb. Hydr. p. 192 t. 65. Ag. syn. p. 128. Roth cat. 3 p. 337 (Rivularia).

Batrachospermum intricatum Vauch. t. 12, 2, 3 ex Ag.

Hab. ad lapides rivulorum inferalpinorum et subalpinorum Saltdalen Nordlandiæ æstate frequenter.

Fronde dilute virides hyalinæ Piso majores.

LINCKIA.

Lyngbye Hydroph. p. 194 t. 66 et 67.

- 1423 LINCKIA *atra*: fronde hemisphærica solitaria dura atro-viridi, filis excentricis fasciculatis acuminatis hyalino-viridescentibus.

L. *atra* Lyngb. Hydr. p. 195 t. 97 Fl. dan. t. 1839, 2.

Rivularia *atra* Roth. cat. 3 p. 340 ex Ag. syn. p. 130.

Tremella hemisphærica Lin. svec. n. 1141. Gun. norv. n. 952. Schum sæll. 2 p. 114.

β. *coadunata*: frondibus in stratum gelatinosum atroviride coadunatis.

Hab. in lapidibus litoralibus; β. in terra litoris supremi per Nordlandiam ubique frequenter.

Varietatem β. hujus loci esse etiam agnovit Algarum peritissimus Hofman Bang.

- 1424 LINCKIA *dura*: fronde globosa solida dura viridi, filis excentricis fasciculatis acuminatis hyalino-viridescentibus.

L. *dura* Lyngb. Hydr. p. 197 t. 67. Fl. dan. t. 1488, 1. perbona Roth cat. 3 p. 338 (Rivularia).

Hab. in trabibus lapidibusque inundatis in Fiskevaagosen Saltdalen Nordlandiæ autumnio.

Magnitudine semen *Cannabis* superat. Figura regulariori, colore dilutiori, substantia molliori nec non loco habitationis a priori, cui substantia interna similis, differt.

1425 *LINCKIA natans*: fronde globosa cava viridi s. olivacea, filis sparsis attenuatis globo insidentibus.

L. natans *Lyngb. Hydr.* p. 196 t. 67. *Roth germ.* 3 p. 551. *Hedw. theor.* t. 36, 7—10 (*Tremella*) e *Lyngb.* *Rivularia angulosa* *Ag. syn.* p. 130. *Roth. cat.* 3 p. 340 ex *Ag.*

Hab. in stagnantibus Nordlandiæ saltensis rarius.

PALMELLA.

Lyngb. Hydroph. p. 203 t. 68 et 69.

Massa gelatinosa subhyalina granulis solitariis subglobosis farcta.

1426 *PALMELLA Myosurus*: fronde elongata cylindracea solida ramosa, ramis tenuissime ramulosis, granulis minutis globosis viridibus.

P. Myosurus *Lyngb. Hydr.* p. 203 t. 68 *Fl. dan.* t. 1604.

Batrachospermum Myosurus *Ducluzeau ess.* p. 76.

DC. fl. fr. 2 p. 591 e *Lyngb.* a *æstivalis*: cinerascens-sordida.

β. *autumnalis*: umbrina s. fusco-olivacea.

Hab. α in lapidibus rivuli subalpini Fiskevaagsæteren mense Julii: β. in lapidibus fluminis Saltelven mense Octobris Saltdalen Nordlandiæ.

Vix unum genus cum sequentibus, multo minus cum *Tubercularia rosea* *Pers.*, constituere debet. Per plures annos eodem loco var. α. eodem colore legi, sed nullam notam inter eas distinguentem præter colorem detegere potui, nam odor ingratus idem et substantia interna eadem. Ætate ramos amittit, et cylindrica remanent fila principalia, penna columbina vix crassiora, granulis tum quoque subobsoletis.

1427 PALMELLA gigantea: fronde magna subglobosa natante hyalina, granulis virescentibus raris. Hab. in stagnis turfosis scopulorum Nordlandiæ meridionalis rarius. æstate.

Massa mollis gelatinosa ut inter digitis capientium dillabatur, magnitudine interdum ovum anserinum superat. Forma non exacte globosa.

Granula minuta rara. Siccata chartæ omnino adhæret et micat. Hæc species cum sequentibus

Genus *Palmellæ* sensu strictiori naturaliquè constituit, sc. substantia difformi subglobosa molli gelatinosa granulis farta.

1428 PALMELLA viridissima: fronde subglobosa natante vivide viridi, granulis confertis.

Hab. in stagnis turfosis scopulorum Nordlandiæ meridionalis passim copiose ex. gr. Grönholmen.

Frondes globosæ et oblongæ nucis *Coryli avellanæ* magnitudine vividissime virides, quem colorem etiam siccata chartæ arctissime adhærentes retinent. Granula minuta conferta suboblonga, sæpissime bina connata. Siccata *Linckiam natantem* refert.

1429 PALMELLA rupestris: fronde difformi rugosa molli æruginosa s. flavo-virescente, granulis suboblongis didymis, medio punctatis.

P. rupestris *Lyngbye Hydr.* p. 207 t. 69.

Hab. in rupibus stillicidiis madefactis inferalpinorum Saltalen Nordlandiæ per totam æstatem.

Minor, tum convexa subhemisphærica, tum subeffusa. Granula semper didyma, linea subtilissima distincta mihi sese obtulerunt. Quam in prioribus fere majora. Colore unice aliquid a descriptione *Lyngbyei* differt, sed ob omnes alias notas convenientissimas vix distingui debet.

1430 PALMELLA obscura: fronde difformi convexa rugosa duriori fuscescenti-viridi, granulis subtilissimis.

? *P. adnata* *Lyngb. Hydr.* p. 205 t. 69.

Hab. in rimis rupium irrigatarum inferalpinorum Saltalen Nordlandiæ rarius.

Licet *Am. Hof. Bang* specimen siccum *P. adnata* *Lb.* agnovit, tamen de synonymo dubium

mihi est, quippe quæ loco habitationis et granulis subtilissimis, vix summo augmento conspicuis differre videtur. Substantia perfecte gelatinosa, sed quam in prioribus durior.

SPHÆRELLA.

Sommerfelt in Magz. for Naturvidensk. 1824 p. 252.

Vesiculæ gelatinosæ globosæ minutissimæ.

1431 SPHÆRELLA *nivalis*: vesiculis dispersis (in nive) punctiformibus sangvineis Sommerfelt l. c.

Uredo nivalis De Cand. . . . Bauer in Journal of sciences and arts n. 14.

Hab. in nive perenni alpium nordlandicarum e. gr. Storfjeldet, Soelvaagtinden in Saltalen.

Hisce regionibus non latas plagas occupat, sed maculas spithamæas, sæpe plures seriatim subconfluentes efficit. Nivem pulchre roseum tingit. Si nix in manu capitur et inspicitur, ut puncta coccinea apparet, nec nivem vere tingit sed color ejus translucet. Sub lentibus ut globuli $\frac{1}{100}$ — $\frac{1}{150}$ lineæ lati coccinei, carnei, lividi ceriniquæ sese produnt. Coccinei semper majores, quare aliter colorati sine dubio stirpes juniores sunt. Manifeste perspicitur, eas e membrana hyalina substantiam coloratam includente constare. Cum marginem nivis deliquescentis incolant, rarius in massam cruori simillimam colliguntur.

Quin alga nostocina sit, tota vegetatio et substantia gelatinosa pulposaquæ satis comprobatur. Cum sequenti et S. Wrangelii Somrf. (l. c. *Lepraria kermesina* Wrangel in Act. Ac. holm. 1823), quarum interna structura ob minutiæm discerni nequit, distinctum genus constituere mihi videtur.

730 SPHÆRELLA *botryoides*: vesiculis aggregatis minutis viridibus Somrf. l. c.

Palmella botryoides Lyngh. Hydr. p. 205 (excl. syn. Lin.) Ag. syn. p. 134 (Nostoc.)

Lichen botryoides *Ach. prd.* p. 10. *Whlbg. lap.* n. 730.

Byssus botryoides *Fl. dan.* t. 899, 5.

Mucor viridescens *Lin. mant. altera* p. 313.

Hab. in lignis putridis terraque turfosa Nordlandiæ.

Melius describi vix potest, quam describit Ill. Linne suum *M. viridescens* sq. "crusta viridis e granis subrotundis inæqualibus viridibus, humidis gelatinosis." Attamen hoc synonymon negligebatur, et *Byssus botryoides* Lin. sv. n. 1187 ob synonymum Dillenii citatum ad hanc referebatur, etsi nec character specificus nec genericus nec locus natalis indicatus in hanc convenirent.

FUNGI.

1432 *SPHÆRIA multiformis*: difformis rugosa fusco-rubiginosa dein nuda nigrescens, intus cinereo-nigra, peritheciis subglobois demum prominentibus papillatis *Fr! syst. myc.* 2 p. 334. *obs.* 1. t. 1, 2, 3.

S. rubiformis *Pers. syn.* p. 9. *Ann. bot.* 2 p. 20.

t. 2, 1.

S. cinereo-fusca *Schum. sæll.* 2 p. 164 (jun.)

Hab. in cortice Alni Betulæque emortuæ Nordlandiæ Saltensis copiose.

Forma regulari et subrotunda, si cortici supersidet, irregulari et applanata, si cortice disrupto emergit, gaudet. Perithecia prominula et papillata a *S. fuscæ* hanc distinguunt.

β. *granulosa*: effusa, subnuda, peritheciis ad dimidium liberis. *Fr. l. c.*

S. mammæformis *Whlbg. fl. lap.* n. 1003.

Perithecia interdum omnino libera sunt, sed *S. mammæformi* minora.

1433 *SPHÆRIA citrina*: carnosa, effusa, planiuscula, citrina, ostiolis prominulis fusciscentibus *Fr. l. c.* p. 337. *Pers. syn.* p. 18. *Næmaspora sulphurea* *Whlbg. fl. ups.* n. 1116.

Hab. in Polyporo betulino putrido Saltdalen Nordlandiæ rarissime.

Haud male Næmasporis a Wahlenbergio associatur, nam etiam mihi gelatina erumpens sese obtulit cirrhosam. Per unam noctem in capsula botanica asservata planta (an etiam sub dio?), hi cirrhi phænomenon memorabilissimum præbuerunt: Motu spontaneo, vermiculis albis omnino similes, tandiu non aruerunt, celerrime vibrarunt.

1434 SPHÆRIA *rubiginosa*: late effusa, tenuis, pulverulenta, rubiginosa, peritheciis prominulis umbilicatis.

S. *rubiginosa* Pers. syn. p. 11. Fr! l. c. p. 340.

Hab. in caudicibus decorticatis Alni Saltdalen Nordlandiæ rarissime.

Margo sterilis crustacea. Nunquam lutescentem, semper rubiginosam in juventute observavi.

1435 SPHÆRIA *atropurpurea*: effusa, tenuis, applanata, purpurascens-nigra, peritheciis connatis prominulis, apice plano papillato Fr. l. c. p. 340. obs. 1 p. 174.

Hab. in truncis cariosis Populi Saltdalen Nordlandiæ rarius.

Habitus S: *serpentis* omnino refert, sed differt: stromate proprio vix ullo (ergo nullus ut in *Sp. serpente* fundus albus); sphærlis modo superne collitis, junioribus haud villo cinereo pruinosis, sed ex macula tenuissima atramentosa emergunt perithecia, ab hac macula sterili circumdata; colore purpurascens-nigro nec atro.

1436 SPHÆRIA *serpens*: effusa, tenuis, applanata nigra, intus basi alba, peritheciis globosis prominulis papillatis.

S. *serpens*. Fr. l. c. p. 341. Pers syn. p. 20. NE syst. f. 317, 318. Wahlbg. fl. ups. n. 1108.

S. *undulata* Schum. sæll. 2 p. 162.

Hab. in truncis Salicis Capræ sub cortice soluto Saltdalen Nordlandiæ.

1437 SPHÆRIA *Stigma* γ. *decorticata*: ambiens effusa, applanata, lævis, ferrugineo-nigra intus

albida, peritheciis ovatis, ostioliis conicis prominulis.

S. Stigma *Fr. l. c. p. 350. Pers. syn. p. 21.*

S. Stigma Schum. scell. 2 p. 163. Whlbg. fl. ups. p. 1107.

Hab. in ramis subputridis Betulæ in Nordlandiæ saltensis.

Epidermide Betulæ rupto cincta. Perithecia minuta, lævia, capillo triplo crassiora.

1438 SPHÆRIA *disciformis*: orbicularis, plana, lævis, nigrescens, intus alba, peritheciis in collum tenue attenuatis, ostioliis punctiformibus *Fr. l. c. p. 353. Pers. syn. p. 24. Schum. scell. 2 p. 170. NE. syst. f. 321 B.*

Hab. in ramis Alni Salicisque arescentis Nordlandiæ saltensis passim copiose.

Epidermide primum tecta, dein lacero cincta.

Linea circumscribens nigra ad lignum usque penetrat.

1439 SPHÆRIA *favacea*: difformis, nigra, peritheciis oblongo-ovatis collo brevi stromate tenui albedo tectis, ostioliis prominulis convexo-subrotundis rugosis.

S. favacea Fr. syst. 2 p. 354. Obs. 2 p. 324 t. 8, 5.

Hab. in ramis truncisque emortuis Alnorum Nordlandiæ saltensis.

Irregulariter erumpens suborbicularis s. pluricellulis confluentibus oblonga stromate extus atro intus albo tecta, epidermideque rupta arcte cincta. Perithecia sat magna, copiosa gelatina scatentia, ut totam stirpem juniorem viscosam reddat. Colla breviora recta, quare in tota superficie erumpentia, apicibus modo subpenetrantibus. Ab affini *S. Prunastri* stromate interno albo statim dignoscitur.

1440 SPHÆRIA *flavovirens*: effusa, rugosa, nigra, intus pulverulenta flavovirens, peritheciis globosis, ostioliis prominulis rugosis.

S. flavovirens Fr. l. c. p. 357. Pers. syn. p. 22.

Hab. in ligno putrescente in Nordlandia saltensi.

Omnino opaca, scabrosa. Perithecia sine ordine, non modo simplici serie immersa semine papaveris minora gelatina alba. Colore stromatis interno virescente statim dignoscitur.

1441 SPHÆRIA *aneirina*: effusa, tecta, peritheciis confertis in stromate flavescente nidulantibus, ostiolis prominulis convexis.

Hab. sub epidermide Populi emortuæ Nordlandiæ saltensis satis frequenter.

S. subcutaneæ Whlbg. affinis differre videtur: loco habitationis, stromatis colore in illa fuliginoso atro, peritheciis et ostiolis sine ordine confertis, attamen in centro non confertioribus. Tumores ultra pollicem latos, ad 4 poll. longos determinatos inter epidermidem et corticem nidulantes sistit. Epidermidem non decolorat, sed nigro-punctatam ob ostiola conferta prominula reddit. Perithecia globosa flava, demum fusca, gelatina flavescenti.

1442 SPHÆRIA *Prunastri* β. *Betulæ*: elliptica, stromate corticali, ostiolis prominentibus globosis sulcato-rugosis.

S. Prunastri var. *Fr. l. c.* p. 380.

Hab. in ramis Betularum emortuarum Nordlandiæ saltensis, hieme vicens.

Transversim erumpens; Conceptaculum nigrum ventricosum oblongum, ostiola vero conniventia lanceolatam superficiem produnt. Perithecia in stromate a matrice formato fulvescente subvillosa oblongo-ovata arcte congesta, seminis Papaveris magnitudine, nullo stromate albido tecta nidulantur. Ostiola longa, conniventi-erectiuscula apicibus globosis, sulcato-rugulosis atris, *Sphæriam pulvis pyrius* habitu referentibus epidermidem penetrant destruuntque. Gelatina copiosa nigrescenti-olivacea. A forma vulgari ostiolis connatis, apicibus modo subliberis, non 4gonis differre videtur.

1001 SPHÆRIA *Sorbi*: *Fr. l. c.* p. 380.

S. coronata Wahlbg. *fl. lap. n.* 1001 (excl. syn. Hoffm.) ubi vide.

1443 SPHÆRIA corniculata: innata, conica, conceptaculo latissimo plures conjungente supra tecta, disco truncato nigro, stromate pallido, ostiolis globosis, dein stricte rostratis pertusis.

Sp. corniculata *Fr!* l. c. p. 384. *NE. syst.* p. 302. f. 330. *Pers. syn.* p. 40.

Hab. in ramis emortuis Padi per Nordlandiam saltemsem rarius e. gr. Saltdalen.

Sphærulæ circinnatæ, erectæ, corticem in pustulas elevantes, supra tectæ sunt conceptaculo lato, quod in ipsa cortice serpit, et multas et forsan omnes pustulas conjungit et ab iis passim elevatur, quo discus planus niger formatur, sed inter pustulas in cortice omnino latet, ut, si cortex et sphæriarum pustulæ una verticaliter dissecantur, veluti linea nigra in medio corticis discos formans appareat. Rostra demum longiora strictioraque quam in iconi *NE.* depicta, torulosa quasi ex successivo incremento.

1444 SPHÆRIA fibrosa: innata, conico-depressa, stromate fibroso late circumscripto, ostiolis confertis subrotundis lævibus nitidis umbilicatis. *Fr. l. c.* p. 384. *Pers. syn.* p. 40. t. 2 f. 3.

Hab. in ramis emortuis Sorbi Nordlandiæ rarius.

Icon Personii versus apicem nimis angustata et ostiola in mea obtusa. Discus minutus, epidermide rupta. Subiculum haud observavi. Linea nigra circumscribens late effusa usque ad lignum penetrat. Fibræ corticis Sphæriam penetrant.

1445 SPHÆRIA leucostoma: subconica, stromate corticali in conceptaculo arcte incluso, disco truncato albo, poris nigrescentibus perforato. *Fr. l. c.* p. 387. *NE.* f. 332. *Pers. syn.* p. 39. *Cytispora rubescens* *Fr. l. c.* p. 542 (junior).

Hab. in ramis Populi et Sorbi per Nordlandiam saltemsem frequenter.

Cytisporam rufescentem *Fr.* ut synonym. ad hanc observatione certa nixus refero. In ramulo ejusdem rami, qui totus *C.* rufescenti tectus erat, omnes fungillos in Sphæriam leucostomam muta-

tos inveni. Ipsa Cytispora quidem in medio erat immutata, sed intra circuitum conceptaculi sphærolæ circinarunt, ostiolis globosis atris in communi disco ostiolum magnum Cytisporæ cingentibus. Et forma Sphæroidea et forma Cytisporoidea ut veræ a Cel. Fries agnitæ sunt.

1446 SPHÆRIA *microstoma*: orbicularis, subimmersa, perithecia stromate fulvo corticali inclusa, disco prominente planiusculo, ostiolis minutissimis umbilicatis oblecto.

S. microstoma Fr. l. c. p. 388. NE. syst. p. 302. f. 331. Pers. syn. p. 40.

Hab. in ramis emortuis Alni Nordlandiæ e. gr. Salt-dalen satis frequenter.

Margo conceptaculi subliber. Pustulæ 1 lin. latæ disco minuto nigro ostiolis rugoso epidermidem perrumpunt. Ope lentis modo ostiola umbilicata ut pori exigui papillato-elevato marginata deteguntur.

1447 SPHÆRIA *tessella*: laxè circumscripta, peritheciis circinantibus globosis, ostiolis erumpentibus solitariis determinate distantibus Fr! l. c. p. 393. Pers. syn. p. 48.

Hab. in ramis Salicis phylicifoliæ et Capræ per Nordlandiam saltensem.

Perithecia, juniora ostiolis nondum instructa, in stromate mere corticali, attamen saturatius quam cetero cortice colorato, ergo a materia aliena satiato, lineaqve nigra flexuosa circumscripta nidulantur. In centro semper adest foramen cinerascens, discum comunem mentiens. Cum epidermis tenuis sit, translucente linea nigra et stromate fulvo ramos pulchris maculis limitatis ornat.

1448 SPHÆRIA *decorticans*: pustulata, peritheciis subdifformibus aggregatis, ostiolis minutis confertis in discum nigrum conjunctis. Fr. l. c. p. 396.

Hab. in cortice Alni incanæ, quem rumpit et elevat, per Nordlandiam saltensem.

Mox dignoscitur pustulis orbicularibus depres-

sis, lineam latis e cortice formatis, sed nigris, etsi inferne nulla linea nigra circumscriptis.

- 1449 *SPHÆRIA clopima*: pustulata, peritheciis globosis circinantibus, stromate nullo, ostiolis junctis in disco minuto punctiformi. *Fr. l. c.* p. 401.

Hab. in ramis emortuis Salicis phylicif. per Nordlandiam saltensem rarius.

Pustulæ plures confertæ. Discus punctiformis niger lævis ostiolis minutis lævibus punctatus.

- 999 *SPHÆRIA ambiens*: *Fr. l. c.* p. 403. *Pers.* syn. p. 44.

Sp. calvula *Wahlbg. fl. lap.* n. 999, ubi vide.

Hab. in ramis Sal. phylicifoliæ in Saltdalen Nordlandiæ passim copiose

Melanconium betulinum *Fr! exs.* n. 199 nil nisi *Sphæria* hujus familiæ junior in evolutione retenta.

- 1002 *SPHÆRIA pulchella* *Fr. l. c.* p. 406. *Pers.* syn. p. 43.

Sp. pusilla *Wahlbg. fl. lap.* n. 1002, ubi vide, excluso syn. *Personii*.

- 1450 *SPHÆRIA vasculosa*: circinans, peritheciis subovatis, ostiolis longis apice incrassatis in discum opacum transversim erumpentem junctis. *Fr. l. c.* p. 408.

Re vera *S. pulchellæ* affinis, sed disci aterrimi angusti, transversim erumpentes, epidermidem cingentem vix excedentes hanc mox notam reddunt.

- 1451 *SPHÆRIA coccinea*: cæspitosa, stromate elevato pallescente, peritheciis subovatis lævibus coccineis, ostiolo verrucæformi applanato pertuso. *Sp. coccinea* *NE. syst.* p. 300 t. 328.
? *Sp. coccinea* *Fr. l. c.* p. 412?

Hab. in cortice Alni nuper emortuæ Saltdalen Nordlandiæ.

Iconi et descriptioni *NE.* optime convenit, sed ob formam ostioli de syn. *Friesii* incertus sum.

- 1452 *SPHÆRIA Cucurbitula*: cæspitosa, peritheciis ovato-globosis lævibus aurantio-rubris collapsis cupulæformibus fuscescentibus, ostiolo obsoleto. *Fr. l. c. p. 415. Pers. syn. p. 53. NE. syst. f. 387.*

Hab. in cortice Pinorum juniorum Saltdalen Nordlandiæ.

Stroma tenue flavido-rufescens. Perithecia tenacia majora quam in simili *S. decoloranti*.

- 1453 *SPHÆRIA tristis*: peritheciis confertis plano-subglobosis rugulosis collapsis astomis atris, subiculo strigoso insidentibus. *Fr. l. c. p. 444. Pers. syn. p. 87.*

Hab. in cortice Padi sub epidermide soluta Saltdalen Nordlandiæ.

Subiculum Racodium s. Corniculariam decumbentem intertextum refert. Sub lente fila flexuosa ramosissima æqualia, opaca. Sæpe etiam perithecia sparsa, et tum sine subiculo nuda in cortice.

- 1454 *SPHÆRIA mutabilis*: peritheciis subglobosis tomento virescenti-ferrugineo tectis ostiolo subpapillæformi nigrescente. *Fr. syst. p. 447. Pers. syn. p. 72.*

Hab. in ligno putrido Alni Saltdalen Nordlandiæ.

Si tomentum excipias, perithecia semine *Papaveris* vix majora.

- 1455 *SPHÆRIA decolorans*: grægaria s. cæspitosa, stromate spurio, peritheciis globosis tuberculato-rugosis cinnabarinis decolorantibus.
Sp. decolorans *Pers. syn. p. 49.*
Sp. cinnabarina *Fr. syst. p. 412.*

Hab. in stipite Tuberculariæ vulgaris parasitica in ramis Ribis rubri nec non Padi per Nordlandiam saltensem frequenter.

Observationibus certis persvasus hanc ad Simplices refero. Stroma sic dictum nil aliud quam stipes Tuberculariæ, cujus hymenium excludit, sed nunquam in hymenio hospitatur. Perithecia fragilia, quare collabescendo mox rupta et Pezizarum more gelatinâ evacuatâ cava.

- 1456 SPHÆRIA *pomiformis*: minor, atra, peritheciis confertis globosis lævibus circa ostiolum papillæforme impressis, demum rupta pezizoidea. *S. pomiformis* *Fr. syst.* 2 p. 455. *Pers. & syn.* p. 65.

Hab. in ligno betulino putrescente Saltdalen Nordlandiæ.

- 1457 SPHÆRIA *obducens*: subsparsa, minor, atra, peritheciis ovato-rotundatis subdifformibus rigidis, ostiolo subpapillæformi obsoleto.

? *S. obducens* *Fr. syst.* 2 p. 456.

Hab. in ligno putrescente ad Arsisjaure Lapponiæ pitensis.

Perithecia sparsa rotundata subdifformia convexa opaca rugulosa, arcte adnata intus albo-farcta, rigida nec collabentia nec depressa. Ostiolum obsoletissimum. Lecideam atrocarpam ecrustaceam habitu magis quam Sphæriæ speciem refert.

- 1458 SPHÆRIA *pulveracea*: conferta, minuta, atra, peritheciis subovatis rigidis nitidulis, ostiolo distincto pertuso.

Sp. pulveracea *Fr! syst.* 2 p. 459. *Pers. syn.* p. 83.

Hab. in ligno Populi putrescente Saltdalen Nordlandiæ.

Minutie — *S. pulvispyrio* dimidio minor — superficie lævi sed inæqvabili, ostiolo subconico etsi obsoleto, et peritheciis rigidis, sæpe ruptis dignoscitur.

- 1459 SPHÆRIA *obliquata*: (*Denudata*) conferta, atra, peritheciis globoso-conicis in ostiolum acutiusculum desinentibus, lævibus, lateri adnatis.

Hab. in squamis infra superficiem externam strobilorum nuper exsiccatorum Pini sylvestris per Nordlandiam inferalpinam saltensem rarius.

Etiam a Cell. Friis ut nova species agnita. Minuta, simplex, peritheciis pyriformi-conicis, nitidis. Memorabilis est situ sphæricularum, cum latere non basi affixæ sint, qva ex re tota stirps qvasi obliquata et adscendens fit.

- 1460 SPHÆRIA *moriformis*: conferta, nigra, peritheciis obovatis, corrugato-tuberculatis.

Sp. moriformis *Fr. syst.* 2 p. 458. *Pers. syn.* p. 86.

Hab. in truncis decorticatis Populi Saltdalen Nordlandiæ rarissime.

Subdeformis, seminis Sinapios magnitudine, rugulosa et corrugata, non vero rimosa.

1005 SPHÆRIA *pulvispyrius Whlbg. fl. lap. n.* 1005.

Hab. in truncis radicibusque decorticatis Alni per Nordlandiam saltensem frequenter.

1461 SPHÆRIA *myriocarpa*: conferta, atra, nitida, peritheciis minimis globosis lævibus astomis *Fr! syst.* p. 459.

Sp. atomus *Schum. sæll.* 2 p. 158.

Hab. in cortice putrido Padi Saltdalen Nordlandiæ.

Minutie, lævitie et ætate collabescendo mox dignoscitur. Ostiolum obsoletum, mox deciduum pertusum.

1462 SPHÆRIA *sordaria*: subemergens, gregaria, atra, peritheciis globosis mollibus collabentibus rugulosis cum ostiolo obsoleto confluentibus *Fr! syst.* 2 p. 458. *exs. n.* 270!

Hab. in lignis vetustis humidis Saltdalen Nordlandiæ passim.

Optime describit Cl. Fries l. c., sed male ad *Denudatas* refert, cum inter Pertusas recenseri deberet.

1463 SPHÆRIA *curta*: gregaria, peritheciis prominulis rugulosis conico-globosis sordide nigris, ostiolo brevi compresso lineari *Fr. syst.* 2 p. 470.

Hab. in ramis exsiccatis Salicis phylicifoliæ Saltdalen Nordlandiæ.

Lignum, in quo nidulant, quodque conice elewant, cinerascit. Juniores totæ innatæ, ostiolo nitente sæpe acuto ut ad Platystomas vix referatur, sed dein latius lineare labiis clausis evadit.

1464 SPHÆRIA *barbara*: sparsa, peritheciis emer-sis elongato-globosis cinereo-nigricantibus, rima transversali fissis.

Sp. barbara *Fr. syst.* 2 p. 468.

Hysterium cinereum *Pers. syn.* p. 99.

Hab. in ramis decorticatis siccis Populi Saltdalen Nordlandiæ.

Paradoxa Sphæria. Labiis subturgidis Hysterium satis æmulat, sed forma oblonga (in altitudinem) rotundata Sphæriæ est. Magnitudine fere seminis Cannabis, in ligno destructo aliquvantulum immersa, et ab ejus fibrillis dissolutis quasi contaminata, quare sæpe albescent. Gelatina firma subcarnosa albida. Ostiolum conicum nunquam mihi sese obtulit.

- 1465 SPHÆRIA *pilifera*: gregaria, nuda, atra, peritheciis minimis globosis lævibus, ostiolo capillari longissimo acuminato. *Fr. syst.* 2. p. 472. *Sp. dryinæ* var. *Pers. syn.* p. 58. *NE. syst.* 1. 354. B.
Sp. rostrata Schum. sæll. 2 p. 155.

Hab. in ligno fissio humido pineo, rariusque in ramis siccatis Pinorum Saltdalen Nordlandiæ.

Stirps subtilissima. Perithecia tertiam partem seminis papaveris magnitudine æquat. Mucedine nigrescente loca, in quibus crescit, subsecta sunt.

- 1466 SPHÆRIA *rostrata*: gregaria, emergens, atra, peritheciis globosis rugosis, ostiolo longissimo inæqvabili acuto.
Sp. rostrata Fr. syst. 2 p. 473. *Pers. syn.* p. 58. *Tode meckl.* p. 14. t. 9 f. 79.

Hab. in ligno subcarioso per Nordlandiam saltensem passim.

Initio ligno immersa, rostris prodeuntibus modo manifesta. Hac re nec non rostris obtusioribus, torulosis, peritheciis majoribus a priori satis diversa. Perithecia demum tota emersa.

- 1467 SPHÆRIA *hæmatorhynca*: (Ceratostoma) gregaria, emergens, atra, peritheciis minutis globosis lævibus, ostiolo longissimo inæqvabili subclavato, sub apice sanguineo pruinoso.

Hab. in ligno Salicis Capræ aeri exposito Saltdalen Nordlandiæ rarius & in parva copia.

Lignum, in quo sedit, rufescit. *Sp. rostrata* proxime adstat, attamen rostro longiore, apice incrassato pruinoso satis distincta. Faciem Calicii apothecio subcylindrico ludit.

1468 SPHÆRIA *astroidea*: gregaria, peritheciis immersis globosis, ostiolis superficialibus magnis radiato-sulcatis.

Sp. *astroidea* *Fr. syst.* 2 p. 478.

Hab. in Nordlandia saltensi truncos decorticatos Sorbi incrustans.

Lignum haud elevat et si nigricant perithecia creberrima gelatina nigrescenti-olivacea, attamen sicca intus alba. Ostiolis non conicis sulcatis, sed a juventute astroideis a *Sp. entypa b* *Fr.* differt.

1469 SPHÆRIA *eutypa*: sparsa, peritheciis immersis globosis, ostiolis in ligno fusciscente prominulis conicis sulcatis.

Sp. *eutypa b* *Fr. syst.* 2 p. 478.

Sp. *operculata b.* *Pers. syn.* p. 80.

Hab. in ligno putrescente truncorum Populi Saltdalen Nordlandiæ.

Gregaria, sed perithecia remota lignum intermedium quasi devastant fuscumque reddunt. Sphærulæ semine Papaveris minores.

1470 SPHÆRIA *livida a* *grisea*, sparsa, peritheciis subglobosis in tuberculo ligneo prominente elliptico griseo nidulantibus, ostiolo per-tuso. *Fr! syst.* 2. p. 479.

Hab. in ramis aridis decorticatis Salicis Capræ & pentandræ.

Optime describit Cel. Fries hunc eximium fungum: "In ligno, cui innascitur, macula elongata, subdeterminata albida s. canescens. Perithecia tenuia tuberculo ligneo admodum regulari elliptico, $1\frac{1}{2}$ lin. longo, demum supra ligni superficiem toto elevato undique cincta."

1471 SPHÆRIA *anserina*: gregaria, peritheciis ovatis immersis cum ligno prominulis, ostiolis erumpentibus papillato-teretibus. *Pers. syn.* p. XVII.

Hab. in truncis cariosis decorticatis populinis Saltdalen Nordlandiæ.

A *Sp. eutypa* sphærulis lignum nigricans quoque elevantibus, ostiolis cylindricis acutis læ-

vibus differt. Cutem colliculosam anserinam optime refert.

- 1472 *SPHÆRIA decedens*: gregaria, peritheciis globosis immersis nigris, collo subnullo, ostiolis epidermide lacerata erumpentibus distantibus. *S. decedens* *Fr. syst.* 2 p. 481. *S. tessella* β . *decedens* *Pers. syn.* p. 48. *NE. syst.* p. 307 f. 340.

Hab. sub epidermide ramorum Populi per Nordlandiam saltensem.

Icon *NE. l. c.*, quæ sphærulas integras auctas refert, perbona, nam fere sine collo, dum ostiolum crassum brevissimum ex epidermide prorumpit & discum minimum mentitur. Perithecia intus albida, subfarcta, sæpe quasi operculata, lineâ elevata cincta, quæ forsitan oritur, cum perithecia collabesci incipiant. A *Sp. Corticis*, differt, quod epidermis quidem immutata sed exasperata est.

- 1473 *SPHÆRIA vibratilis*: subgregaria, peritheciis tectis integris globosis lævibus, ostiolo subtili latente, demum disco spurio punctiformi epidermidem perrumpente. ? *S. vibratilis* *Fr. syst.* 2 p. 482.

Hab. sub epidermide ramorum Salicis capræ Saltalen Nordlandiæ.

Quando epidermis immutata rumpitur, ei adhærentia observantur perithecia copiosa lævia nigra, seminis Papaveris dimidiæ magnitudinis, mox collabescendo cupulæformia. NB non superiore sed inferiore parte collabescunt. Pauca modo cortici, in quo tamen nuda nidulantur, adhærent. Per epidermidem poro minuto pertusum tandem gelatinam protendunt, qua siccata, discus spurius minutus nigrescens oritur. Ostiolum vix ullum, perithecia modo poro tenuissimo subelevato notata.

- 1474 *SPHÆRIA pinastri*: peritheciis globosis depressis immersis in ostiolum breve compressum epidermidem perforans productum. *S. pinastri* *Fr. syst.* 2 p. 488.

Hab. in foliis dejectis Pini. Vere.

Perithecia in parenchymate foliorum sparsa, superiore parte angustata.

1475 *SPHÆRIA palina*: sparsa, erumpens, sublimbera, conica, subrugosa, nigra, poro pertusa, truncata *Fr. syst.* 2 p. 494?

S. protusæ affinis *Fr! exs.* n. 311.

Hab. in ramis salicinis Saltdalen Nordlandiæ.

Interdum perithecia 3—4 aggregata, ut *Cæs.* pitosam refert. Perithecia majora quam in eadem specie, quam ex australi Norvegia habeam. Intus subsolida albida.

1476 *SPHÆRIA strobilina*: gregaria, erumpens, peritheciis rotundatis, primo mollibus fuliginosis, dein nigris, rima longitudinali subdehiscentibus, *Fr! syst.* 2 p. 495.

Hysterium conigenum Pers. syn. p. 102. *obs. myc.* 1 p. 30.

Hab. in exteriori pagina strobilorum Pini. Vere.

Minutissima. Quando dissecatur, fundus omnino sphæriæformis, etsi rumpens *Hysterium* magis æmulatur.

1477 *SPHÆRIA lichenicola* (subtecta) subgregaria, peritheciis subimmersis dein prominulis, minutis, ovatis, lævibus, ostiolo demum depresso. *Fl. dan.* t. 955, 1.

? *Endocarpon athallum Spreng. Entd.* 1 p. 217.

Hab. in apotheciis *Lecanoræ salicinæ* et *erythrellæ* Ach. p. p.

In quoque apothecio perithecia 3—5, primum immersa apice modo prominulo atro, dein ad dimidium nuda, ostiolo convexo, dein collabendo depresso; gelatina albida. Mihi sane *Sphæriis* quam *Lichenibus* affinior videtur.

1478 *SPHÆRIA arbuticola*: gregaria, confluens, epidermide nigrescente tecta, peritheciis difformibus nigris astomis, disco demum erumpente opaco. *Fr! syst.* 2 p. 500. *Sowerby. fung.* t. 370. f. 6.

Xyloma cupulatum Fr. obs. 2 p. 360 (senilis).

Hab. in foliis emortuis *Arbuti uvæ ursi*.

De hac optime *Fr.* l. c.

1479 *SPHÆRIA xantholeuca*: sparsa, subinnata, peritheciis erumpentibus conico-subrotundis albolutescentibus, pilis erectis albis.

S. xantholeuca Fr. *syst.* p. 503.

Hab. in caulibus exsiccatis *Urticæ dioicæ* verè *Saltalen Nordlandiæ*.

Molliuscula, subpellucida, habitu refert *Pezi- zam eqvinam* fl. dan. siccata. Adeo minuta & ob pilos in apice imprimis confertos adeo occulta, ut, an ostiolum vere adsit, certo dicere nequeam.

1480 *SPHÆRIA acuta*: subgregaria, peritheciis orbicularibus subconicis atris nitidis, ostiolo rotellato stricto cylindrico obtuso.

S. acuta Fr. *syst.* 2 p. 507. *Schum. sæll.* 2 p. 157. *Pers. syn.* p. 62.

Hab. in caulibus plantarum hortensium e. gr. *Delphinii*, *Pisi*, *Urticæ* vere per *Nordlandiam saltensem* frequenter.

Sub epidermide libera, et mox, illa lacerata, nuda. Collabendo planiuscula nunquam vero concava. Basis plana, ut vix globosa dici potest, rectius forsitan compresso-globosa. Ostiola rigida, crassiuscula, peritheci longitudine, facile diffracta. In volva *Geastri* quadrifidi modificationem sine dubio hujus speciei ab omni parte minorem, rugosiorēque inveni. *S. Doliolum* peraffinis unice peritheciis magis conicis, vix unquam depressis, ostiolo breviori differt.

1481 *SPHÆRIA complanata*: sparsa, peritheciis oblongo-globosis lævibus nigris mox collabescendo plano-depressis, ostiolo papillæformi persistente Fr! *syst.* 2 p. 508. *exs. n.* 36.

S. herbarum α. *complanata* Pers. *syn.* p. 78.

Hab. in caulibus exsiccatis plantarum majorum ex. gr. *Urticæ Nordlandiæ saltensis* vere.

Priori triplo minor. Inter hanc et illam intermedia est *S. pisi* Fr., vix ab utraque diversa.

1482 *SPHÆRIA coniformis*: sparsa, peritheciis globoso-conicis lævibus nitidis atris ostiolo crasso confluyente.

S. coniformis *Fr. syst.* 2 p. 508.

Hab. in pericarpis exsiccatis Pedicularis Sceptri in subalpinis Saltdalen Nordlandiæ.

Vegetatio eadem ac *S. acutæ*; illâ vero minor, dimidiam seminis Papaveris magnitudinem vix æqvans, junior globosa in ostiolum attenuata i. e. conica, ætate provectior vero circa ostiolum depressiuscula globosa ostiolo papillæformi. Nunquam vero collabitur. Gelatina alba, sicca compacta.

1483 *SPHÆRIA Rhinanthi*: gregaria, minor, atra, peritheciis subtectis lævibus orbiculatis concavo-depressis, ostiolo prominente punctiformi.

Hab. in caulibus exsiccatis Rhinanthi cristæ galli verè passim.

Sp. Plinthi affinis, sed satis distincta: ostiolo manifesto. A *Sp. herbarum* *Fr.* peritheciis minime globoso-depressis, sed orbiculatis convexis, siccis subcupulæformibus. Sub epidermide latens Pezizam minutulam omnino refert. *Cel. Fries*, ad quem specimina misi, novam eam agnovit. *Icon NE. syst.* 242, b. hanc bene sistit.

1484 *SPHÆRIA culmifraga*: sparsa, peritheciis minutissimis tectis erumpentibus subcompressis atris, ostiolo nudo brevi conico. *Fr. syst.* 2. p. 510.

Hab. in culmo Arundinis epigeios Saltdalen Nordlandiæ.

1485 *SPHÆRIA poliota*: peritheciis confertis punctiformibus astomis atris, e macula elongata grisea emergentibus *Fr. syst.* 2 p. 512.

Hab. in caulibus exsiccatis Scabiosæ atropurpureæ in hortis Saltdalen Nordlandiæ, vere.

In maculis griseis conferta apparent puncta nigra, primum tecta, dein nuda. Perithecia oblonga, poro vix conspicuo pertusa.

1486 *SPHÆRIA punctiformis*: sparsa, peritheciis innatis punctiformibus lævibus subnitidis nigris prominulis, collabescendo umbilicatis. *Fr. syst.* 2 p. 525. *Schum. sæll.* 2 p. 156. *Pers. syn.* p. 90.

S. impressa *Fr! exs.* n. 152.

Hab. in foliis dejectis Sorbi Aucupariæ, vere.

Modo in pagina superiore folii his locis obvenit.

1006 SPHÆRIA *Dematium: Whlbg. fl. lap. n.*

1006 excluso signo interrogationis post synonymon Persoonii.

1007 SPHÆRIA *setacea: Whlbg. fl. lap. n. 1007,*
excluso synonymo Todei et signo interrogationis post. synonym. Persoonii.

CYTISPORA.

Fries syst. 2 p. 318,

Celluloso-multilocularis, cellulis difformibus membranaceis apice junctis.

Nucleus gelatinoso-sporulosus, per ostiolum comune elongatum subcirrhose propellitur.

1487 CYTISPORA *chrysosperma: cellulis in conceptaculo incusis, disco erumpente nigrescente, cirrhis luteis. Fr. syst. 2 p. 542.*

Næmaspora chrysosperma *Pers. syn. p. 108. Obs. myc. 1 p. 80, t. 5 f. 8.*

Hab. in cortice Salicis imprimis S. phylicifoliæ per Nordlandiam saltensem.

Præeunte *Cl. Fries* hocce genus, Sphæriæ fere nimis affine, retinui. Hæc species Sphæriis incusis adeo accedit, ut difficillime ab eis secernatur, cum & illas cirrhos protendentes interdum observavi. Cfr. quoque annotata ad *Sph. leucostomam*, & *NE. syst. p. 303* sub *S. pustulata*.

1488 CYTISPORA *carphosperma: conceptaculo nullo, cellulis fuscescentibus circinantibus disco sordide pallescente, cirrho albo-lutescente.*

C. carphosperma Fr. syst. p. 543.

Hab. in ramulis siccatis Betulæ et Salicis Saltdalen Nordlandiæ.

Pustulæ orbiculatæ depressæ in cortice interiore nidulantes, stromate ceraceo tegente dis-

cum erumpentem rotundum fingunt. Memorabilis est totius fungilli efformatio: primum in macula alba byssina cernitur tuberculum sclerotioideum læve nitens flavescens, dein nigrum. Hac crescente sub ambitu ejus byssino efformantur perithecia, quæ dein tuberculum in discum ea tegentem subambientemque elevant, quæ re illud pallescit, et tomentosioris substantiæ fieri videtur. Sphæras discretas in hac specie detegere non potui.

1489 CYTISPORA fugax: conceptaculo nullo, cellulis atris circinantibus, disco plano cinereo perforato, cirrhis pallidis.

C. fugax. Fr. syst. 2 p. 544.

Sphæria pustulata NE. syst. p. 303 f. 334. Pers. syn. p. 41.

Præcedenti proxima accedit. Cellula modo una magna gelatinâ lactea opaca copiose referta. In medio est ostiolum commune, etsi vix cum gelatina conjuncta est, discum perforans.

PHOMA.

Fries syst. 2 p. 546.

Nucleus grumosus in tuberculo a matrici formato inclusus, demum ore simplici pertuso sporidiisque rejec-
tis evacuatus.

1490 PHOMA salignum: unilocularis, subrotunda convexa fusco-nigra, centro subumbonato.

Ph. saligna Fr. syst. 2 p. 546.

Xyloma saligna Pers. syn. p. 106.

β. populi: ferrugineo-fusca.

Ph. Populi Fr. syst. 2 p. 547. Obs. 2 p. 321. Sowerby fung. t. 374 f. 2.

Hab. *α.* in foliis Salicis phylicifoliæ et *β.* in foliis Populi vere passim.

Merda muscarias in foliis fungilli hi tenues referunt. Pustulæ orbiculares, sed pluribus confluentibus angulatæ, intus albidæ. De cætero præter colorem utraqve varietates ab omni par-

te omnino similes, sc. umbonatae, imo subpapillatae. Multilocularem nunquam reperi pustulam, quae epidermide folii tecta nitet, alias opaca.

DOTHIDEA.

Fries syst. p. 548.

Cellulae in stromate immersae, subrotundae, nucleo cereo farctae, demum ore simplici apertae, absque proprio perithecio.

- 1491 *DOTHIDEA moriformis*: nuda, superficialis, subglobosa, tuberculata, nigra intus cornea fuscescens (obsolete cellulosa).
D. moriformis Fr! syst. p. 549. *Ach. syn. lich.* (Arthonia) p. 5. *D. gibberulosa* Fr. obs. 2 p. 349, t. 5 f. 5.

Hab. in caudicibus putrescentibus decorticatis pineis per Nordlandiam saltensem.

Auctoritate Cl. Friesii permotus ad hoc genus, a quo mihi omnino aliena videtur, retuli, nam nunquam cellulas videre mihi contigit, sed substantia similis tenax sese obtulit. Primum prorumpit ut apothecium *Lecideae*; convexiuscula, livido-fusca, laeviuscula, sed madida omnino mollis, subpellucida. Dein magis magisque convexa, rugulosa et fusca evadit usque dum omnino nigra et tuberculata fit. Interdum quasi rore caesio pruinosa.

- 1492 *DOTHIDEA Ribesia*: erumpens, elliptica, depressa, nigra, cellulis minimis periphericis albis. Fr. syst. 2 p. 550.
Sphaeria Ribesia, Pers. syn. p. 14. in *Usteri bot. Anal.* 11 p. 24. *NE. syst.* f. 312.

Hab. in ramis emortuis *Ribis rubri* per Nordlandiam saltensem frequenter.

Atra, opaca, disco longitudinaliter subcanaliculata, ex ostioliis prominulis sub lente granulata.

1493 DOTHIDEA *Lichenum*: erumpens, subrotunda, planiuscula, rugulosa, atra, a matrice marginata, cellulis subimmersis albidis.

Sticta pulmonacea b. pleurocarpa (apothecia) *Ach. syn. p. 233. lich. un. p. 450.*

Hab. in thallo Stictæ pulmonacæ, Gyrophoræ arcticæ nec non Cenomycidum Saltdalen Nordlandiæ frequenter.

Hæcce stirps quam Lichenem parasiticum habet Cl. Flörke (Liefr.) et Pezizam Cl. Fries (lich. exs. n. 131) vix ad aliud genus referri potest. Si transversim dissecatur, sub superficie rugulosa subrimosa atra stratum apparet albidum, quod sub lente composito visum cellulas rotundas subcoherentes, ex ascis tenuissimis subclavatis paraphysibusque constantes exhibet. Substantia nigra madida grumosa, sicca dura, cornea. Evolutio stirpis eam nec Lichenem nec Pezizam esse demonstrat. Ut maculæ deustæ minutæ primum sub epidermide prorumpunt. In Gyrophoris epidermidem ut pustulas magnitudiue seminis Viciæ sæpe evehunt; dein discum formantes ab epidermide thalli more Lecanorarum marginati magis procedunt.

1014 DOTHIDEA *pyrenophora*: *Fr. syst. 2. p. 552.*

Hysterium Sorbi *Whlbg. fl. lap. n. 1014, ubi vide.*

Hab. non solum ad ramos Sorbi sed etiam tenellis Salicis phylicifoliæ per Nordlandiam frequentissime.

His locis nunquam occurrit cellula centrali atra, sed sive intus alba, sive linea atra i. e. cellula sterili notata.

1494 DOTHIDEA *typhina*: culmos ambiens, albidula, mox fulva, ex ostioliis citrino-granulosa.

D. typhina Fr. syst. 2. p. 553.

Sphæria typhina Pers. syn. p. 29. Schum. sæll. 2 p. 162. NE. syst. 1. 314.

Hab. in vaginis culmorum Tritici canini Saltdalen Nordlandiæ.

Peritheciis subevolutis hocce genus cum veris Sphæriis conjungit.

997 DOTHIDEA *fulva* Fr. syst. 2 p. 554.

Polystigma aurantiacum Pers. myc. eur. t. 5 f. 1.
Sphæria ochracea Whlbg. fl. lap. n. 997. (excluso synon. Persoonii), ubi vide.

996 DOTHIDEA *betulina*: Fr. syst. 2 p. 555.

Sphæria Betulæ nanæ Whlbg. fl. lap. n. 996. t. 30 f. 3, ubi vide.

Hab. in foliis Betulæ nanæ per alpes Nordlandiæ saltensis minime rara.

Hujus generis species.

1495 DOTHIDEA *Epilobii*: macula ambiente lævigata uniformi picea, cellulis sparsis prominulis. Fr. syst. 2 p. 559.

Hab. in caule Epilobii angustifolii verè in Saltdalen Nordlandiæ.

Maculæ difformes determinatæ 3—4 lin. longæ tenuissimæ absque radiis. Cellulæ minutæ læves demum apice depressæ. Si transversim sectæ vitro composito subjiciuntur, ex ascis s. cellulis compositæ cernuntur. Adsunt etiam perithecia hisce similia in interstitiis caulis non nigro coloratis, globosa, astoma, collabendo depressa, de quibus dubius an hujus loci, an *Sphæria disseminata* Fr. sint.

1015 XYLOMA *salicinum* Whlbg. fl. lap. n. 1015.

Etiam forma vulgaris major in foliis Salicis Capræ & phyllicifoliæ per Nordlandiam occurrit. Forma minor quoque in foliis Salicis herbaceæ observatur.

1016 XYLOMA *Andromedæ* Whlbg. fl. lap. n. 1016.

Errat Cl. Wahlenberg dicendo: intus aterrimum sine ulla basi discolori, nam si vigenz vel madefactum dissecatur, basis alba substrata statim apparet. Hac vero etiam clarius patet, si rite evolutum et maturum reperitur, cum sc. per ru-

gas dirrumpit, et rimæ validæ labyrinthiformes massa alba subgelatinosa repletæ patent. Perithecium nigrum tenue veram indolem tum quoque manifestat.

1496 XYLOMA *Empetri*: gregarium, minus, subrotundum, nitens, tenue, atrum, costatum, dein per costas subrimose ruptum.

X. Empetri *Fr. obs.* 2 p. 363.

Hab. in foliis vivis et marcescentibus *Empetri* per *Saltdalen* *Nordlandiæ* inferalpinæ.

Ordine in utroque latere nervi paginæ superioris folii proveniunt. Primum læve, dein costatum, modo simpliciter hysteriforme, modo frustulatum xylomoideum (rhytismoideum) ruptum. Sæpe minutulum *X. Andromedæ* refert. Sphæriæ species minime est, ut de ignota stirpe autumat *Cl. Fr. syst.* 2 p. 522. Si non *Rhytisma s. Xyloma*, tum inter *Phacidia* summo jure seponitur.

PHACIDIUM.

Fries syst. 2 p. 371.

Perithecium sessile subrotundum, primo clausum, dein dehiscens a centro versus ambitum in lacinias plures a nucleo disciformi discreto.

1497 PHACIDIUM *Pini*: erumpens, subhemisphæricum, nigrum, perithecii lacinias obtusis, disco subfuligineo.

P. Pini *Fr! syst.* 2 p. 573.

Hysterium valvatum *NE. syst.* f. 399 bona.

Hab. ad corticem *Juniperi* et ramorum *Pini*.

In ramis sparsum *Pezizam* minutam refert. Vix seminis cannabini magnitudine æquans. Discus carnosus albido-virescens mox siccatur, et madsatione minime reviviscit, sed modo gelatina nigrescente subresidua sese manifestat.

1011 HYSTERIUM *elongatum*: *Whlbg. fl. lap.* n. 1011.

In ligno putrescente hujus perithecia in crusta s. subiculo tomentoso nigro innata inveni. Hæc, rarius ramo unico ornata, sed flexuosa et curvata. qvalia etiam in vulgari *H. elongato*, sine ullo dubio, eadem stirps ac *H. graphicum* *Fr. syst.* 2 p. 581. Cum vero subiculum heterogeneum aliquid sit, discrimen ab *H. elongato* nullum invenio.

1498 *HYSTERIUM biforme*: innato-superficiale, elongatum et oblongum, subflexuosum, atrum, labiis lævibus conniventibus, disco lineari.

H. biforme *Fr. syst.* 2 p. 582. *Obs.* 2 p. 354.

Hab. in lignis pineis resinosis per Lapponiam pitensem et Nordlandiam saltensem.

H. pulicari nimis fere similis. Differre modo videtur: peritheciis subflexuosis et variæ magnitudinis, nam nonnulla 1—2 lin., alia omnino sphæroidea, et alia inter utraqve intermedia ovata acuta, omnia subdepressa, labiis conniventibus et rimose dehiscentibus, lævibus quidem, sed subtilissime striatis. Basi sane innata; quin etiam suberumpentia.

1499 *HYSTERIUM acuminatum*: subimmersum atrum, peritheciis rectis discoqve corneo lineari-lanceolatis acuminatis, labiis tenuibus prominulis *Fr! syst.* 2. p. 582. *Pers. myc. eur.* t. 1 f. 3, 4.

Hab. in ramis siccis decorticatis s. cortice subdestructo Saltdalen Nordlandiæ rarius.

Lineari-lanceolatum, angustum, vix dimidiæ latitudinis *H. elongati*, cui alias affine, acuminatum, 1—1½ lin. longum; labiis subconniventibus, dein dehiscentibus et medio distantibus.

1500 *HYSTERIUM aggregatum*: aggregatum, pusillum, subparallelum, oblongum, compressum, læve atrum, subclausum.

H. aggregatum *Decand. fl. fr.* 6 p. 168 e *Fr. syst.* 2 p. 583.

Hab. in caudicibus decorticatis putrescentibus Pini Saltdalen Nordlandiæ.

Descriptione l. c. nil convenientius: "nudo oculo refert maculas atras irregulares 2—3 lin. longas, sub lente a peritheciis perexiguis, con-

vexis secundum ligni fibras dispositis, compositas." Perithecia sæpe connata s. divisa, stellulas 5—4 radiatas efformantia, imprimis ubi magis disperse crescit, quasi in aggregatione spatium ad evolutionem perfectissimam deficeret.

1501 HYSTERIUM *pinastri*: epiphyllum, innatum, ovali-oblongum, læve, nigricans, ore aperto, disco nigricante.

H. pinastri *Fr. syst.* 2 p. 587. *Pers. syn.* p. XXVIII. *Schum. sæll.* 2 p. 152.

Hab. in foliis exsiccatis Pini frequenter et Juniperi rarius per Nordlandiam.

Perithecia crista nigra prominentia lineis rectis nigris folia dividitibus circumscripta. Folia pinea alias exsiccando fulvescentia s. rufescentia, his parasitis obsita albescent.

1502 HYSTERIUM *arundinaceum*: innatum, ovale, depressum, opacum, fusco-nigrum, rima longitudinali demum hians. *Fr. syst.* 2 p. 590. *Pers. syn.* p. XXVIII.

Hab. in culmis Arundinis Phragmitis per Lapponiam pitensem.

1503 HYSTERIUM *xylomoides*: epiphyllum, innatum, sparsum, ellipticum obtusum tumidulum, læve, nitidum, atrum, rima longitudinali depressa.

Hypoderma xylomoides *De Cand. fl. fr.* 6 p. 164. e *Fr. syst.* 2 p. 592 (*Hysterium foliicolum*).

Xyloma Hysterioides *Pers. syn.* p. 106.

Phoma sorbinum *Somrf. diar. Ms.*

Hab. in foliis Sorbi imprimis ad rachidem, vere, per Nordlandiam.

Si quis hanc speciem ad novum genus *Phoma* retulerit, vix magnopere errat. Perithecia lævissima, nitida si vigeat, tumidula et linea longitudinali, mihi vero semper clausa, notata; sicca delabuntur, concava, linea vix manifesta. Nomen antiquius et convenientius Decandollii restituendum credidi.

1504 ASTEROMA *Padi* *De Cand. sec Fries! syst.* 2 p. 602.

Tubercula subglobosa fuscescentia innata fibrillis innatis radiata.

Hab. in foliis Padi vigentibus Saltdalen Nordlandiæ rarius.

Stirps dubia. Tubercula minuta punctiformia; fibrilli radiantes basi confluentes maculas siccatas unciales s. semiunciales in foliis efficiunt. Est quasi *Erysiphes* species innata.

CÆOMA

Nees Esenbeck system p. 11, f. 1—13.

* *Æcidium Pers.*

1505 CÆOMA *Pini*: sparsum, peridiis elongatis subcompressis incarnatis, ore lacero, sporidiis aurantiacis.

C. Pini NE. syst. p. 13, f. 4 opt.

Æcidium Pini Schum. sæll. 2 p. 226.

Hab. in foliis Abietis ad Arjeplog Laponiæ pitensis autumnò.

1506 CÆOMA *grande*: sparsum, magnum, peridiis saccatis oblongis albidis irregulariter rumpentibus, sporidiis aurantiacis ovatis.

Æcidium Pini Willd. in mag. bot. 2 p. 16. *Pers. syn.* p. 213.

Hab. in ramis *Pini sylvestris* Saltdalen Nordlandiæ vere.

Vix cum priori conjungi debet; quintuplo enim grandius, nec ita compressum. Latere passim rumpitur; ore regulari nunquam legi. Peridia usque ad 3 lineas longa, apice rotundata e cortice prorumpunt. Synonymon Persoonii sine dubio et ad hoc & ad prius pertinet.

1507 CÆOMA? *columellatum*: sparsum, peridiis flavo-aurantiacis basi pallidis primo convexis, deinde truncatis, membranula tenuissima vel partim vel tota evanescente tectis, columella compacta cylindrica truncata aurantiaca, intersitio inter hanc et peridium pulvere grumoso subcitrino repleto Schum. sæll. 2 p. 226 (*Æcidium*).

Hab. in foliis vivis Rubi idæi Saltdalen Nordlandiæ æstate rarius copiose.

Vix hujus generis. Forsan *Dermosporii* (Link) sp. Semel id modo legi, nec tum internæ structuræ sub lentibus compositis explorandæ occasio mihi erat. Sporidia subrotunda simplicia. Peridia solitaria $\frac{1}{2}$ lin. lata.

1508 *CÆOMA Tragopogi*: sparsum, peridiis subellipticis hemisphæricis luteis, dein ore laciniato-crenulato albo, sporidiis flavis.

Æcidium Tragopogi Pers. syn. p. 211. Schum. sæll. 2 p. 225. Whlbg. ups. n. 1142.

Hab. in foliis Crepidis tectorum Nordlandiæ saltensis.

1509 *CÆOMA Tussilaginis*: peridiis circinnatis in macula purpurascente-flava immersis pallescenti-virescentibus, ore laciniato, laciniis rotundatis, sporidiis aurantiacis.

Æ. Tussilaginis Pers. syn. p. 209. Schum. sæll. 2. p. 225. Lycoperdon epiphyllum Lin. fl. sv. n. 1273. β. Taraxaci, minor.

Hab. in foliis Tussilaginis Farfaræ et Leontodo Taraxaci Nordlandiæ saltensis.

1510 *CÆOMA mammillatum*: peridiis circinnatis in macula elevata pallida immersis mammillatis flavis, dein cupulæformibus pallidis ore crenato, sporidiis flavis.

β. Actææ, minor.

Hab. in foliis Aconiti septentrionalis et Actææ spicata Nordlandiæ saltensis.

A priori differt peridiis magis exsertis, macula nunquam violacea, sporidiis pallidioribus.

1511 *CÆOMA Thalictri*: peridiis congestis in macula cærulescente immersis globosis flavis, dein cupulæformibus, ore crenato albo, sporidiis aurantiacis.

Poulsen it. island. in Nat. Selsk. Sk. 5, 1 p. 179.

Hab. in foliis et petiolis Thalictri alpini Nordlandiæ.

**** Uredo Pers.**

1512 *CÆOMA Alchemillæ*: peridiis oblongo-linearibus subparallelis flavo-virescentibus, demum ruptis persistentibus, sporidiis aurantiacis.

Uredo Alchemillæ Pers. syn. p. 215. Schumæll. 2 p. 227. Fl. dan. t. 1436. Whlbg. ups. n. 1143.

Hab. in foliis *Alchemillæ vulgaris* et *Rubi saxatilis*, cæteris semper minoribus in *Saltdalen Nordlandiæ*.

1513 *CÆOMA Ulmariae*: peridiis effusis pallescentibus, dein ruptis, sporidiis aurantiacis.

Uredo Ulmariae Schum. sæll. 2 p. 227.

Hab. in foliis petiolisque *Spirææ Ulmariae Nordlandiæ saltensis*.

Magnitudine et forma irregulari effusa imprimis a priori differt.

1514 *CÆOMA Saxifragæ*: peridiis discretis ovatis elevatis virente-pallidis demum ruptis, sporidiis aurantiaco-flavis subrotundis.

? *U. Euphorbiæ Pers. syn. p. 215.*

Hab. in foliis *Saxifragæ aizoidis Saltdalen Nordlandiæ æstate*.

1515 *CÆOMA farinosum*: peridiis subrotundis confluentibus, sporidiis ochraceo-flavescentibus.

U. farinosa Pers. syn. p. 217. Schum. sæll. 2 p. 228.

Hab. in foliis *salicinis*, quia etiam *Salicis herbaceæ Nordlandiæ saltensis*.

1516 *CÆOMA alneum*: subcorticale, bullatum, varie effusum, sporidiis cinnamomeis rotundis.

Uredo alnea Pers. disp. meth. p.

Hab. sub epidermide *Alnorum Nordlandiæ*.

1517 *CÆOMA candidum*: peridiis variis effusis subclausis albis, sporidiis candidis orbicularibus

NE. syst. p. 15. f. 8.

U. candida a. Pers. syn. p. 223. Schum. sæll. 2 p. 234.

Hab. in foliis *Cochleariæ Armoraciæ Nordlandiæ*.

1518 *CÆOMA carpophilum*: peridiis effusis albescentibus, sporidiis angulatis nigris.

U. carpophila Schum. sæll. 2 p. 234.

U. caricis Pers. syn. p. 225. Fl. dan. 1437, 1.

Hab. in capsulis *Caricum* imprimis *digitatæ* et *panicæ* per *Nordlandiam*.

Sporidiis majusculis angulatis sub vitro olivaceis a sequenti differt.

- 1519 *CÆOMA Hydropiperis*: peridiis effusis medio ruptis albidis, sporidiis nigrescenti-purpureis rotundis.

Uredo Hydropiperis Schum. sæll. 2 p. 234.

Hab. in fructibus *Polygoni vivipari* per Nordlandiam.

Peridium medio ruptum sæpe ut pileus residet. Rudimenta fructus sæpe 4 columnas efformant. Sporidia minutissima sub vitro nigrella hoc a *C. utriculoso NE.* distinguunt.

- 1520 *CÆOMA cinctum*: peridiis sparsis ovatis rotundisque elevatis demum ruptis persistentibus, sporidiis cinnamomeis ovatis apice acutis.

C. cinctum NE. syst. p. 15 f. 9.

U. Betæ Pers. syn. p. 220.

Hab. in pagina supina ad nervum foliorum *Polygoni vivipari* Nordlandiæ frequenter.

Peridia lineam lata sunt.

- 1020 *CÆOMA appendiculatum*: peridiis confertis parvis rotundis lividis, dein ruptis subcupulatis, sporidiis umbrinis pyriformibus pedicellatis, pedicello subbreviore.

C. Phaseoli NE. syst. p. 16 f. 10.

U. appendiculata α. Pers. syn. p. 221.

Æcidium Phacæ frigidæ Whlbg. fl. lap. n. 1020.

β. Hieracii: pedicellis sporidiisque brevioribus.

Uredo Hieracii Schum. sæll. 2 p. 232.

Hab. in foliis *Phacæ frigidæ* & *Hieracii murorum* & dubii per Nordlandiam & Lapponiam.

Ob peridia parva, margine persistente subcupulæformia ad *Æcidia* retulit Cl. Wahlenberg, sed falso, quod etiam sporidia demonstrant. Var. *β.* forma sporidiorum ad priorem valde accedit, sed totus habitus hujus loci.

*** *Puccinia Link (Dicæoma NE).*

- 1521 *CÆOMA Violæ*: peridiis subcircinatis parvis subrotundis umbrinis, dein ruptis, sporidiis brunneo-ferrugineis oblongis medio annulatis utrinque acutis, pedicello brevissimo.

Uredo violæ Schum. sæll. 2 p. 233. Fl. dan. t. 1317, 1.

Hab. in foliis *Violæ bifloræ*, *Campanulæ rotundifoliæ* & *Veronicæ alpinæ* per Nordlandiam saltensem.

Si pedicellus non fuerat longior, *Pucciniam Circææ Pers.* crederem.

1522 *CÆOMA Caricis*: peridiis ovatis rotundisve distinctis pallido-cinereis elevatis, sporidiis ferrugineo-badiis oblongis medio constrictis pedicello longioribus.

Uredo Caricis Schum. sæll. 2 p. 231. Fl. dan. t. 1317, 2.

Hab. in foliis *Caricum* e. gr. *C. capillaris* Nordlandiæ saltensis vere.

Per rimam longitudinalem erumpunt. Sporidia in hac et sequentibus compacta, ut digitos non inquinant.

1523 *CÆOMA graminis*: peridiis linearibus elevatis virescentibus, sporidiis ferrugineis nigrisque subturbinatis medio constrictis pedicellum subæquantibus.

Uredo graminis Pers. syn. p. 228. disp. meth. t. 3 f. 3.

U. ferruginea & culmorum Schum. sæll. 2 p. 230, 233.

Hab. in foliis *Tritici canini* per Nordlandiam rarius.

1524 *CÆOMA Betonicæ*: peridiis rotundis gregariis subconfluentibusque flavescentibus, sporidiis umbrinis ovatis acutiusculis infra medium annulatis stipite brevi longioribus.

C. Betonicæ NE. syst. p. 16 f. 11.

Hab. in foliis petiolisque *Geranii sylvatici* per Nordlandiam saltensem æstate.

Peridia juniora flava, mox puncto umbrino notata in macula rubro-flavescente sedent.

1525 *CÆOMA verrucosum*: peridiis gregariis subcircinatis subrotundis elevatis, sporidiis compactis umbrinis oblongis supra medium annulato-constrictis, pedicello longiore brevioribus.

C. verrucosum NE. syst. p. 16 f. 12.

Hab. in foliis *Stellariæ nemorum* Saltdalen Nordlandiæ autumnò.

Peridiis paulo majoribus obscurius coloratis parum modo ab icone citato differt. Sporidia sub vitro hyalina.

- 1526 **CÆOMA** *Solidaginis*: peridiis subcircinatis distinctis convexis, sporidiis purpureo-umbri-
nis obovatis medio obsolete annulatis, pedicello
longiori tenuissimo brevioribus.
? *C. caulincolæ* *NE. syst.* p. 16 f. 13.

Hab. in foliis *Solidaginis* virgaureæ Nordlandiæ æstate.

A *C. caulincolæ* modo pedicellis longioribus & sporidiis quam in icone parum brevioribus differt. *C. Betonicæ* simillimum, sed differt peridiis non confluentibus, texturæ multo compactioris nunquam in pulverem sese dissolventis sporidiisque longe pedicellatis. Sporidia colorata, obsolete annulata, non oblonga pedicello æque longo sed multo tenuiore hoc a *C. verrucoso* distinguunt.

CONISPORIUM.

Nees Esenbeck system p. 27 f. 22.

- 1527 **CONISPORIUM?** *roseum*: sporidiis roseis in glebulas subhemisphæricas collectis.

Tubercularia rosea *Pers. syn.* p. 114.

Lichen roseus *Schreber . . . Fl. dan.* t. 1243, 1.

Sclerotium persicolor *Schum. sæll.* 2 p. 186.

Palmella rosea *Lyngb. Hydr.* p. 207.

Hab. in *Parmeliis* tum in arboribus eum in saxis Nordlandiæ saltensis autumnò.

Forsan nec hujus generis e descriptione mihi modo noti est, sed ad nullum cæterorum, ad quæ retulerunt auctores, referri potest. Hoc et *Palm. Myosurus* ejusdem generis commilito! Substantia omnino similis e sporidiis minutissimis subglobosis hyalino-roseis, in aqua subgelatinosis constat. Intus albescentem dicit Cl. Lyngbye, sed hoc modo ad basin, si destrui incipit. Omnino superficialis libera est.

ÆGERITA.

Fries syst. mycolog. 3 p.

1528 *ÆGERITA persicina*: peridiis subovatis subaggregatis roseis.

Æ. persicina Fr! *scler. exs.* n. 300. (*NE. syst.* p. 27).

Hab. in thallo *Peltidearum subputridarum Nordlandiæ saltensis.*

Fungillus singulus semine *Papaveris* triplo minor, sed plerumque plures aggregati. In aqua sporidia proveniunt. Siccata non mutatur.

TUBERCULARIA.

Pers. syn. p. 111.

1529 *TUBERCULARIA vulgaris*: gregaria, hemisphærica, sulcato-rugosa, rubro-incarnata; stipite crasso brevi pallido, intus rubro.

T. vulgaris Pers. syn. p. 112. Schum. *sæll.* 2. p. 182.

Tremella purpurea Lin. fl. sv. n. 1142.

β . *minor*. *T. Artemisiæ* Schum. *sæll.* 2 p. 183.

Hab. in ramis exsiccatis *Ribis rubri* & *Pruni Padi* per *Nordlandiam saltensem* frequenter; β in caulis *Artemisiæ Abrotani* in hortis *Saltdaliæ*.

Var. β . modo minore mole & stipite intus pallidiore paululum differt.

SPHÆROBOLUS.

Fries syst. 2 p. 309.

1530 *SPHÆROBOLUS stellatus*: globosus, flavo-pallescent, ore regulari stellato-dentato. Fr.

syst. 2 p. 311. Pers. syn. p. 115. *NE. syst.* p. 129, f. 122.

Lycoperdon Carpobolus *Lin. sp. pl.* p. 1654. *Fl. dan.* t. 865.

Hab. in lignis putrescentibus, imprimis ramis, etjam in subalpinis Saltdalen Nordlandlæ.

A vulgari stirpe nihil differt.

PILOBOLUS.

Fries *syst.* 2. p. 308.

1531 *PILOBOLUS crystallinus*: utero obovato deorsum stipitiformi, vesicula hemisphærica nigra. *Fr. syst.* 2 p. 308. *Pers. obs.* 1 p. 76. t. 4. f. 9—11. *Schum. sæll.* 2 p. 188. *NE. syst.* f. 81. *Fl. dan.* t. 1080. (opt).

Mucor urceolatus *Diks. pl. crypt.* 1 p. 25, t. 3. β . *minor*: utero globoso, stipite elongato filiformi, vesicula punctiformi.

P. roridus *Fr. syst.* p. 309. *Schum. sæll.* 2 p. 188.

Hab. α . & β . in fimo suillo et humano Saltdalen Nordlandiæ frequenter.

Sane nullum discrimen constans inter utrasque varietates contra plerosque mycologos invenire possum. Est stirps adeo multis mutationibus quoad formam obnoxia, ut exiguæ illæ variationes vix ad speciem condendam sufficiant. Vesiculam in utraqve senilem subtus ferrugineam observavi.

GEASTRUM.

Persoon *syn.* p. 131. Nees Esenbeck *syst.* p. 135.

1532 *GEASTRUM quadrifidum*: radio subquadrifido, peridio obconico ventricosco, oris fimbria canescente.

G. quadrifidum γ . *Pers. syn.* p. 135. *Whlbg. fl. ups.* 1125.

Hab. ad terram in juniperetis ad latera montium inferalpinorum Saltdalen Nordlandiæ rarissime.

G. obconicum nuncupatum volui, si ansa hoc cum var. *a.* Pers. conferendi mihi data fuerat; nam iconibus illius apud Cl. *Esenbeckium* (syst. 1. 128) et *Gleditschium* (meth. fung. t. 6) meum adeo dissimile, ut distincta species esse videatur, sc. peridio multo majore, minime a latissima globi basi pedicellato, sed a medio latissimo versus basin sensim attenuato, vere obconico; volva radiis latioribus spadiceis. Semel modo lectum mense Maii, statu decrepito.

1024 LYCOPERDON *Bovista*: magnum, subglobosum, molle, albidum demum fuscescens, subtus plicatum, subsquamosum. *Whlbg. fl. ups.* n. 1128. *lap.* n. 1024. *Svensk. bot.* t. 294 bona. *Lin. fl. svec.* n. 1280. *lap.* n. 525. *Schum. sæll.* 2 p. 190. ? *L. gigantei* var. *Pers. syn.* p. 140.

Hab. in pratis sicciusculis ubiqve.

Maximum nostrorum ad $3\frac{1}{2}$ unc. latum, sæpe altitudine latior, qvare minime obconicum, subcaule, squamis obsoletis, mollibus minutisque. Vix ullus botanicorum Scandinaviæ dubitat, qvin hoc verum *L. Bovista* *Lin.* sit, sed *L. Bovista Persoonii* mihi differre videtur, forma obconica s. turbinata, squamis latiusculis, et imprimis, si icon *NE. syst. f.* 125 verum *Persoonianum*, a meo omnino alienum, representat.

1533 LYCOPERDON *areolatum*: obconicum umbrino-albidum basi contractum plicatum subcaule tessellatum, verrucis latis acutis mollibus. *L. areolatum Schæf. fung.* 4. t. 190 sec. *Pers.* *L. Bovista Pers. syn.* p. 141. *NE. syst.* t. 125. optima.

Hab. in graminosis Nordlandiæ saltensis inferalpinæ rarius.

Mole minore, forma obconica s. turbinata, et verrucis amplis confertissimisqve a præcedenti satis distinctum. Radiculi breves, vix manifesti. Si synonyma apud *Persoonium* in *Synopsi* & in

Obs. myc. 1 p. 4. conferas, ipsum de Bovista suo non satis certum fuisse apparet.

1534 LYCOPERDON *saccatum*: peridio subgloboso sublævi, collo contracto plicato, stipiteqve longo tereti albido.

L. saccatum Fl. dan. t. 1139. *Schum. sæll.* 2 p. 189.

L. excipuliforme γ. Pers. syn. p. 144. *NE. syst.* f. 126.

Hab. in collibus graminosis Nordlandiæ saltensis rarius. Verrucis minutis obsitum.

1535 LYCOPERDON *umbrinum*: turbinatum, subumbonatum, primo cinereum, dein umbrino-olivaceum, verrucis tenuibus hirtum *Pers. syn.* p. 147. *Usteri an. bot.* 11 p. 28.

Hab. in agris subcæspitose Saltdalen Nordlandiæ.

Stipes breviusculus, radicalis albis longis. Verrucæ ætate caducæ, quo in statu lævitie tironem facile fallit.

1536 LYCOPERDON *perlatum*: cespitosum, peridio ovato acuto, stipiteqve longiusculo cylindrico albido, verrucis compactis in mucronem porrectis deciduis.

L. perlatum Pers. syn. p. 145. *Obs.* 1 p. 4.

L. gemmatum Schum. sæll. 2 p. 190. *Fl. dan.* 1140.

Hab. in pratis Saltdalen Nordlandiæ passim.

Priori major. Verrucæ in icone *Fl. danicæ* alias bona nimis magnæ. Maturum pallide olivaceum.

1537 LYCOPERDON *pyriforme*: cespitosum, minus, pyriforme, umbonatum, umbrino-pallidum, squamulis tenuissimis, radiculis albis longis.

L. pyriforme Pers. syn. p. 148. *Schum. sæll.* 2 p. 190 *Fl. dan.* t. 1680, 2 haud bona.

Hab. in arenosis graminosis Saltdalen Nordlandiæ ex gr. ad Skipperelven Fiskevaag ubi quotannis eodem loco provenit.

Radiculi plurium fungorum connati. Squamula adeo tenues et fugaces ut lævigatum tere dici possit. Vix pollicare.

1538 *LYCOGALA conica*: sparsa, conica, maturae fusco-pallescentis, nitida.

L. conica Pers. syn. p. 159.

Hab. in truncis dejectis decorticatis putridis Populi Saltdalen Nordlandiæ rarius.

Nunquam mihi nisi statu decrepito obvenit, sed statim forma exacte conica insignis. Peridium tenacius.

FULIGO.

Persoon syn. p. 159.

1539 *FULIGO varians*: effusa rotundataque, flava dein rufa, peridio rugoso fragili, pulvere ferrugineo-fusco, reticulo pallido.

F. flava et rufa Pers. syn. p. 161, 159 t. 4. f. 1.

F. flavescens et rufa Schum. sæll. p. 194.

Æthidium flavum NE. f. 92.

Mucor septicus Fl. dan. t. 773.

Hab. ad radicem truncorum muscosorum Populorum per Nordlandiam saltensem passim autumnis.

Forma varia, effusa et subglobosa, sed nunquam tam minuta, qualem habet icon NE. f. 92. A. Evidenter transitum coloris a citrino ad rufescenti-flavum, dein rufescentem et ultimo rufo-ferrugineum, superficie quasi cruentata observavi. Ab initio tota gelatinosa seu rectius cremor lacteus peridio tenuissimo flavo reticuloque intertexto pallido. Mox vero induratur, quo in pulverem ferrugineum abiit cremor, reticulo persistente, quod tamen in grandævo fungo modo ut puncta sparsa apparet. Peridium modo compactius, modo laxius prout citius vel lentius vegetatio peracta sit, quare duas Persooni species distingvi debuisse non credo.

1540 *FULIGO lævis*: hemisphærica, peridio lævinitenti pallido, pulvere umbrino.

? *F. lævis Pers. syn. p. 160.*

Hab. in ligno pineo putrescente Saltdalen Nordlandiæ æstate haud raro.

A basi plana hemisphærica ad 2 unc. longa, $1\frac{1}{2}$ lata, peridio submembranaceo quasi vernicato. Iuvenis pulposa pallescenti-alba. Nondum matura massa interna compacta fibris intertextis. De synonymo Persoonii dubius, quia nunquam basin s. subiculum membranaceum reperi.

DIDERMA.

Persoon synopsis p. 164.

1541 *DIDERMA umbilicatum*: peridio subglobo-
so ruguloso sordide albo nitenti 4 — 5 fido per-
sistenti, subtus umbilicato, columella subhemis-
phærica, stipite crasso brevi pallescenti-albo,
pulvere purpureo-atro.

D. umbilicatum Pers. syn. p. 165.

D. crassipes Schum. sæll. 2 p. 196.

Hab. in cortice siccato Sorbi Saltdalen Nordlandiæ
rarius.

Non possum non fungillum Persoonii et Schu-
macheri conjungere, cum character utriusque in
meum optime conveniat. Leangii sp. sec. NE.
syst. p. 114. A *Didermate stellari* differt: co-
lumella rufescenti-alba, (non nigra) peridio albo
(non fuscescente) laciniis patentibus (non reflexis),
stipite crassiore brevior. Peridium sordide al-
bum, minime vero cinereum.

1542 *DIDERMA lobatum*: globosum, oblongum
s. difformi-lobatum, peridio exteriori farinaceo
albo, interiori subtilissimo fuscescente, columel-
la alba oblonga rotundave, pulvere nigro-fusco,
stipite fulvescenti.

Didymium lobatum NE. syst. p. 112 f. 104.

Physarum tigrinum? fl. dan. t. 1434.

Hab. in cortice, ramulis, muscis et graminibus Saltda-
len Nordlandiæ Octobri passim.

Physaris affinis species. Columella multo te-
nuioris substantiæ, utpote totus fungillus, quam
in præcedenti. Stipites vere adsunt, sed irregu-
lares submembranacei fulvescentes ex hypothallo

antea fluxili, nunc sicco. Columellæ figura secundum figuram peridii. Fili creberrimi a columella radiantes.

- 1543 *DIDERMA difforme*: sessile, difforme, convexum, læve, candidum, nitidum, peridio interno cærulescenti-pellucido, columella subglobosa, pulvere umbrino.
D. difforme *Pers. syn.* p. 167.

Hab. in cortice putrido Sorbi Saltdalen Nordlandiæ rarissime.

A priori satis distinctum peridio externo non flocculoso farinaceo, sed submembranaceo fragiliter nitenti lævi sed ruguloso. Peridium internum subreticulatum pellucidum, quare cærulescens ob pulverem translucentem.

PHYSARUM.

Pers. syn. p. 168.

- 1544 *PHYSARUM congestum*: acaule, congestum, peridiis lævibus, ut plurimum angulatis, flavescenti-olivaceis, filis liberis, pulvere carneo.
? Ph. contextum *Pers. syn.* p. 168?

Hab. in ligno et muscis humidis ad domos Saltdalen Nordlandiæ rarissime.

Ob mutuam pressionem peridia subangulata & leviter cohærentia, etsi nullum ligamentum perspiciendum est, lævia, nitentia, molliuscula, non fragilia. Reticulum a peridio liberum, quare de synonymo dubito et Trichiis affine, sed elastice expansum nunquam vidi.

- 1545 *PHYSARUM confluens*: gregarium, sessile, album, peridiis depresso-convexis oblongis lævissimis, capillitio compacto fusco.
P. confluens *Pers. syn.* p. 169.

Hab. in ligno putrescente abscondito Saltdalen Nordlandiæ rarius.

Ovula insectorum habitu referunt peridia rigidissima et insignia, quod modo subconvexa,

minime hemisphærica, forma irregulari, a rotunda ad oblongam et quidem in lineam elongatam confluentia. Sine dubio obscure cinerea ante maturitatem.

- 1546 *PHYSARUM bivalve*: compressum, flexuosum, elongato-sinuosum, cinereo-albidum, margine dehiscens. *Pers. syn.* p. 169. *Obs.* 1 p. 6. t. 1 f. 2. *Ust. an. bot.* 15, t. 3 f. 3.
Reticularia sinuosa Sow. *fung.* t. 6. *Bull. champ.* t. 446 f. 3. sec. *Pers.*

Hab. in graminibus in umbris circa Fiskevaag Saltalen Nordlandiæ. Mense Augusti bis lectum.
 Adeo diversum, ut nulli alii affine. Valvulæ filis rigidis conjunctæ. Pulvis atro-fuscus.

- 1547 *PHYSARUM botryoides*: peridiis oblongis lævibus albis glomeratis, stipitibus decumbentibus membranaceis flaccidis subconcretis fulvescentibus, filis albis adnatis.

? *Ph. hyalinum* *Pers. syn.* p. 170? *Disp. meth?* t. 2 f. 2, 3 minime conveniens.

β. *ovoideum*: peridiis congestis subsessilibus, stipitibus ex hypothallo vix efformatis.

Ph. ovoideum *Schum. sall.* 2 p. 198.

Hab. in lignis putridis et fungis destructis, ut Polyporo fomentario et Thelephora puteana Saltalen Nordlandiæ passim autumno.

Nonne hujus loci *Sphærocarpus utricularis* *Bull. champ.* p. 120. t. 417 f. 1? Contigit mihi totum vegetationis processum hujus fungilli observare. Quæ viderim nunc exponam. Primum massa fluxilis pulposa ramosa divisa lutea gelatinâ hyalinâ involuta, omnino quasi vitellus in albumine dissolutus; dein in granula mox sese colligit luteum, et stipites prostrati sese efformare incipiunt; denique granula magis distincta in peridia oblonga sæpe composita (quasi 2 s. 3 omnino concreta in uno stipite) et semper in botryon aggregata abeunt. Adhuc ejusdem lutei coloris sunt, sed mox reticulo albo (armato oculo perspecta) obducuntur, intus succo luteo repleta. Nunc maturescendo color a luteo in fuscum, dein in nigrum et tum tandem in cæcio-al-

bum mutatur. Primum rugulosa, dein fere omnino lævia, peridii membrana simplici fragili capillitio adnato albo persistenti et pulvere nigro repleta. Stipites prostrati, quare peridiorum glomeruli nunquam erecti, sed re vera tenuissimis, ut plurimum coalitis stipitibus solo habitationis affixi. In var. β . peridia ob hypothallum fere ineffectum membranam cohærentem efficientem sessilia apparent, sed aliud discrimen non adest.

1548 *PHYSARUM columbinum*: peridio globoso fuligineo-chalybeo lævi, stipite brevi concolori.

Ph. columbinum *Pers. syn.* p. 173. *Obs.* 1 p. 5.

Hab. in Jungermannii mense Octobris per Nordlandiam saltensem rarius.

Pulvis fuliginosus. Sine dubio ad hoc pertinet *Physarum salicinum* Schum.

1549 *PHYSARUM globosum*: peridio globoso primum atro-fusco, demum cæcio, stipite subulato fuscescenti-flavo breviusculo.

Ph. globosum Schum. *sæll.* 2 p. 203?

Hab. in ligno putrido Saltdalen Nordlandiæ rarius.

Pulvis niger. Fungillus Schumacheri differt forsitan: stipite subcylindrico nigro.

1550 *PHYSARUM farinaceum*: peridio globoso cortice tenuissimo farinaceo-villoso cinereo, stipite tenui fuscescente.

Ph. farinaceum *Pers. syn.* p. 174. *Fl. dan.* t. 1314, 1 (stipite nimis brevi).

Hab. in corticibus et lignis putridis per Nordlandiam saltensem frequenter.

Minus ceteris. Stipes tenuis, attamen basi incrassatus. Peridio subevanescente capillitium Cribriariam mentiens persistit. Pulvis niger.

TRICHIA.

Persoon synopsis p. 176.

1551 *TRICHIA fallax*: pyriformis, primum rubra, dein flavescenti-ænea, peridio inferne cum stipite subplicato.

T. fallax Pers. syn. p. 177. Obs. 1 p. 59. t. 3. f. 4—5. NE. syst. p. 118. t. 113. Schum. sæll. 2 p. 209.

Arcyria decipiens Pers. in Usteri anal. bot.

Hab. in lignis putridis alibique per Nordlandiam saltensem passim frequenter.

Qvoad longitudinem stipitis valde variat modo subsessilis, modo stipite fere lineam longa. Plicæ ut plurimum at non semper adsunt. Peridii superior pars tenuior et pallidior, mox decedens operculum mentitur. Nuper prorupta alba, dein rufescit. Sporidia ovata.

1552 TRICHIA nitens: peridiis congestis sessilibus globosis cinnamomeis, capillitio pulvereque luteo.

T. nitens Pers. syn. p. 180. NE. syst. f. 113 B.

T. favoginea Schum. sæll. 2 p. 207.

Hab. in lignis putridis per Nordlandiam saltensem passim.

Gelatina alba, unde oritur hypothallus membranaceus, substrata est. Sporidia angulata, sed vix adeo stellulata, ut ea Cl. N. Esenbeck l. c. depinxit.

ARCYRIA.

Persoon synopsis p. 182. Nees Esenbeck syst. p. 117.

1553 ARCYRIA incarnata: congesta, sordide carnea, ovata, capillitio effuso confluyente, stipite brevi.

A. incarnata Pers. syn. p. 185. Obs. 1 p. 58. t. 5, f. 4, 5.

Hab. in Polyporo hirsuto putrescente semel lecta Saltdalen Nordlandiæ.

Arcius congesta, dilutius colorata, brevius stipitata forma ovata a sequenti affini dignoscitur.

1554 ARCYRIA punicea: gregaria, rubra, peridio conico, capillitio subcylindrico.

A. punicea Pers. syn. p. 185. Schum. sæll. 2 p. 215. NE. syst. f. 114. Whlbg. fl. ups. n. 1132.

Fl. dan. 1364, 2 optim.

Clathrus denudatus *Lin. spec. pl.* p. 1649.

Hab. in trunco putrido Septbr. Saltdalen Nordlandiæ.

1555- *ARCYRIA vermicularis*: cespitosa, peridiis cylindricis flexuosis rubris, capillitio cylindrico longissimo flexuoso rufo, stipitibus elongatis umbrinis subdistinctis.

A. vermicularis *Schum. sæll.* 2 p. 212.

Hab. in lignis putrescentibus cellarum parietumque Saltdalen Nordlandiæ.

Ob capillitium constanter elongato-cylindricum, nec confluens, et formam quoque peridiorum ab *A. incarnata* et *punicea* omnino diversa,

1556 *ARCYRIA dentata*: subconferta, peridiis globoso-ovatis nitentibus rufo fusciscentibus, excipulo cupulæformi dentato, dein patellæformi nudo, capillitio subcompacto cum pulvere cinereo-carneo, stipite concolore.

A. dentata *Schum. sæll.* 2 p. 213.

Hab. in lignis humidis Saltdalen Nordlandiæ rariss.

Peridium seminis *Sinapeos* fere majus, inæqualiter ruptum marginem dentatum relinquit; demum vero magis explanatur, dentibus subobsoletis. Stipites et 1 lin. longæ et brevissimi, plures in hypothallo conjuncti. Capillitium parum modo sese expandit. Modo maturam vidi.

1557 *ARCYRIA atra*: sparsa, peridio globoso acuto atro, capillitio subcompacto atrofusco, excipulo obsoleto, stipite brevi subulato concolori. *A. atra* *Schum. sæll.* 2 p. 215. *Fl. dan.* t. 1494 optima.

Hab. in ramis siccatis decorticatisque Pini per Nordlandiam saltensem ut credo, non rara, sed rarius præ minutie observatur.

Hieme maturatur. Nulli aliarum affinis. Peridium semine papaveris minus. Globulos illos ex sporidiis coagulatis oblongos in capillitio parum expanso haud observavi. Sporidia subrotunda s. oblonga. Sequenti generi accedit, sed stylium non adest.

1026 *STEMONITIS fasciculata* *Whlbg. fl. lap* n. 1026.

Hab. quoque in Nordlandia saltensi frequenter.

1558 STEMONITIS ovata: gregaria, peridio globoso-ovato nigro, stylidio ad dimidium penetrante. *Pers. syn.* p. 189. *Schum. sæll.* 2 p. 217.

Hab. in lignis humidis frequenter, in ramis decorticatis rarius per Nordlandiam saltensem.

Peridium magnitudine seminis *Brassicæ* primum fuscum nitidissimum, dein purpureo-fuscum opacum. Capillitium persistens, demum deciduum, ubi stipites 2—3 lin. longi, ut setulæ nigræ remanent. Stipites ex hypothallo quasi radice scutata *Fucorum* ornati sunt. Differt a *S. papillata*: stylidio ad dimidium modo penetrante et stipitibus longioribus.

L I C E A.

Nees Esenbeck syst. p. 106.

1559 LICEA bicolor: subrotunda, compressa, atroviridis, pulvere sulphureo.

L. bicolor Pers. syn. p. 195.

Didymium parietinum Schrader.

Hab. in cellis et lignis suffocatis Nordlandiæ.

Differt similis *L. strobilina* Alb. et Schw., quam ante plures annos in squamis strobili *Abietini* Norvegiæ australis legi, loco habitationis, calore brunneo, sporidiis magnis oblongis, quæ in hac subrotunda magnitudine vulgari.

1560 LICEA fragiformis: suborbicularis, peridiis cylindricis aggregatis rubris, dein ferrugineis, pulvere roseo-ferrugineo.

L. fragiformis NE. syst. p. 107, f. 102.

Tubulina fragiformis Pers. syn. p. 198. *Schum. sæll.* 2 p. 220.

Tubulifera Cremor Fl. dan. t. 659, 1.

Hab. in cortice caudicis putridi *Alni* *Saltdalen* Nordlandiæ rarissime.

Superficies granulata ob rotundatos et læves peridiorum apices. Membrana peridiorum tenuissima, hyalina.

PILIGENA.

Schumacher enum. plant. sæll. 2. p. 220.

1561 PILIGENA *lycoperdoides* Schum. l. c. Fl. dan. t. 1740, 2.

Onygena pilifera Pers. in lit.

Hab. in cute murina putrida semel mense Septembris in sylva Fiskevaag Saltdalen Nordlandiæ lecta.

Gregaria. Peridium externum membranaceum album basi solvitur et delabitur; interius subtilissimum, pellucidum, a pulvere purpurascence-carneo translucente concolor apparens, e filis intertextis ut videtur contextum, persistens, et quia cum reticulo interiori cohærit, etiam pulvis diu persistit. Sporidia subtilissima iis in cæteris gasteromycetis longe subtiliora. Stipes ad $\frac{1}{2}$ unc. longus cylindricus candidus lævis substantiæ fibrosæ. Forsan cum jure ad Onygenas refert Cl. Persoon, sed novum nomen specificum haud probandum.

1562 MUCOR *caninus*: congestus, byssoides, albus, peridiis minutis lutescentibus, demum ferrugineis, stipite longiusculo. Pers. syn. 201, Obs. 1, p. 96. t. 6 f. 3, 4. NE. syst. f. 78.

Hab. in muscerda per Nordlandiam saltensem, autumno.

Stipites primum erecti, demum diffusi. Stipites longi vetant, quo minus *M. murinus* Pers. sit.

1563 MUCOR *tenellus*: congestus, peridiis globosis minutis hyalino-flavescentibus, demum nigris, stipitibus longissimis tenuissimis flaccidis hyalinis.

M. tenellus Schum. sæll. 2 p. 237. Pers. syn. p. 202.

Hab. in fungis putrescentibus et lignis humidis per Nordlandiam saltensem passim.

Peridium sæpe pendulum, sporidia annularia: centro diaphana. Stipites interdum subpollicares radiantes.

STILBUM.

Persoon mycologia eur. 1. p. 347.

1564 *STILBUM mycophilum*: sparsum, stipite filiformi subrigido hyalino, capitulo subrotundo albo.

S. mycophilum Pers. myc. eur. 1 p. 351.

S. pellucidum Schrader?

Hab. in lignis putridis cellarum Saltdalen Nordlandiæ.

Longitudinem lineæ non excedit. Incipit ut stipes hyalinus, qui dein apice incrassatur et opacum fit demumque in capitulum album dilatatur. Siccando non mutatur.

ISARIA.

Persoon mycologia europ. 1 p. 44.

1565 *ISARIA fasciculata*: stipitibus fasciculatis basi nudis simplicibus albis.

I. epiphylla Pers. myc. eur. 1 p. 46?

Hab. in *Thelephora destructa* Saltdalen Nordlandiæ Octbr.

Stirps nitidula minutissimaque. Stipites erecti divergenti-fasciculati filiformes 2 lin. alti. Habitu omnino refert iconem NE. syst. f. 78, a.

EUROTIIUM.

Nees Esenbeck system p. 96 f. 91.

1566 *EUROTIIUM herbariorum*: peridiis globosis flavescentibus in tomento ferrugineo insidentibus. *NE. l. c. Pers. syn. p. 202 (Mucor). Gleditsch. meth. p. 162. Hall. helv. n. 1257.*

Hab. in plantis exsiccatis humido loco asservatis Saltdalen Nordlandiæ.

NIDULARIA.

Fries systema 2 p. 297.

- 1567 NIDULARIA *Crucibulum*: companulato-cylindrica, utrinque truncata, extus, subtomentosa, ochraceo-ferruginea, intus lævis, luteo-pallescent, sporangiis albido-plumbeis *Fr. l. c.* p. 299. *Cyathus crucibulum Pers. syn.* p. 238. *NE. syst.* f. 133. *Fl. dan.* t. 1490, 1. *Holmsk. ot.* 1 t. 1. *Peziza lentifera Fl. dan.* t. 105.
- Hab. in lignis putrescentibus per Nordlandiam saltensem rarius.

- 1568 NIDULARIA *farcta*: sessilis, subglobosa, flava, sicca albida, subtomentosa, irregulariter rumpens, sporangiis orbiculatis brunneis. *N. farcta a. Fr. l. c.* p. 301. *Raji syn.* n. 21. t. 1. f. 2 sec. Fries.

Hab. in ligno dejecto putrido Saltdalen Nordlandiæ. Effoeta cupularis. Sporangia primum alba in gelatina hyalina nidulantur, dein sicca brunnea nitentia absque filo umbilicali. A *Cyatho deformi Willd.* differt: colore flavo et sporangiis orbiculatis.

AGARICUS.

Fries syst. 1 p. 8.

- 1569 AGARICUS *vaginatus*: pileo campanulato dein planiusculo, margine sulcato, lamellis albis, stipite fistuloso attenuato, basi volva vaginali ornato. *A. vaginatus Fr. syst.* 1 p. 14. *a. lividus. A. livida Pers. syn.* p. 247. *A. plumbeus Fl. dan.* t. 1014. *β. fulvus. A. fulvus Schum. scell.* 2 p. 247. *A. spadicea Pers. syn.* p. 248.
- Hab. in Pinetis Nordlandiæ saltensis frequenter.

Aug.

- 1570 AGARICUS muscarius:** pileo subsanguineo albo-verrucoso margine striato, lamellis albis, stipite subfarto bulboso, volva squamosa ornato. *A. muscarius* *Fr. syst.* 1 p. 16. *NE. syst.* f. 166. *Pers. syn.* p. 253. *Fl. dan.* t. 1129. *Gun. norv.* n. 642. *Lin. fl. lap.* n. 515. *sv.* n. 1235. *Whlbg.* *ups.* n. 1003.

Hab. in sylvis Nordlandiæ saltensis rarius, nec his regionibus ante finem Septembris observatus.

- 1571 AGARICUS (Lepiota) cristatus:** graveolens, pileo candido sericeo-nitente rimoso-squamoso, squamis ferrugineis, lamellis confertis, stipite lævi subcavo, annulo subpersistenti.

A. cristatus *Fr. syst.* 1 p. 22. *Bolt. fung.* t. 7. *sec. Fr.*

A. colubrinus *γ.* *Pers. syn.* p. 259.

Hab. in frustulis ligneis inter gramina dejectis Saltdalen Nordlandiæ.

Fungus amoenus dissectus odorem fortem, non vero ingratum spirat. Lamellæ concolores ad basin excisæ ut stipitem vix attingant. Fistula stipitis bysso tenuissimo repleta. Annulus mihi omnino persistens apparuit.

- 1572 AGARICUS illinitus:** pileo subglutinoso albo convexo, margine striato, lamellis liberis, stipite subannulato lævi.

A. illinitus *Fr. syst.* 1 p. 23. *Obs.* 2 p. 8. (excl. syn. *Fl. dan.*) *Lin. fl. lap.* n. 475. *sv.* n. 1198.

Hab. in sylvis graminosis subalpinis Saltdalen Nordlandiæ.

Umbo pilei interdum cinerascit. Velum potius volva quam annulus.

- 1573 AGARICUS granulatus:** pileo exasperato luteo, lamellis adfixis albidis, stipite infra annulum squamoso.

A. granulatus *Fr. syst.* p. 24. *Pers. syn.* p. 264. *Whlbg. fl. ups.* n. 1004.

A. muricatus *Fl. dan.* t. 1015.

Fl. dan. t. 1248 f. 1 vix hujus loci.

Hab. inter Hypna in pinetis Nordlandiæ saltensis.

- 1574 AGARICUS (Armillaria) melleus:** cæspitosus, pileo sordide luteo, squamis pilosis nigrican-

tibus echinato, lamellis albidis adnato-decurrentibus, annulo patulo. *Fr. syst.* 1 p. 30. *Fl. dan.* t. 1013.

A. Polymyces Pers. syn. p. 269. *Hall.* n. 2399. *Whlbg. fl. ups.* n. 1005.

Hab. ad radices arborum frondosarum putridas Saltaldalen Nordlandiæ.

1575 AGARICUS (*Limacium*) *hypothejus*: pileo explanato concavo fusco-umbrino viscoso, lamellis distinctis flavis, stipite glutinoso pallescente.

A. hypothejus Fr. syst. 1 p. 55. *Obs.* 2 p. 10.

A. pyxidatus Schum. sæll. 2 p. 321.

Hab. in pinetis Saltaldalen Nordlandiæ Octbr.

Solitarius, rarius bini, stipite glutinoso, lamellis vivide sulphureis, pileo obscuro mox dignoscitur.

1055 AGARICUS (*Tricholoma*) *equestris*: pileo compacto flexuoso umbrino-luteo, lamellis confertis citrinis, stipite brevi lutescente.

A. equestris Lin. sp. pl. 1642. *fl. sv.* n. 1219. *lap.* 502. *Gun. norv.* n. 900.

A. flavovirens Fr. syst. 1 p. 41. *Pers. syn.* p. 319. *A. luteus Batsch.*

Hab. in pascuis rarius Nordlandiæ saltensis.

Quid est, quod nomen Linnæanum repudiatur? Est sane eqves inter plebejos. Pileus 3—6 unc. latus; stipes vix 2 unc. altus.

1576 AGARICUS *rutilans*: pileo obtuso, sicco flavo, villo squamuloso rubello tecto, lamellis utrinque attenuatis flavis, stipite concolore variegato, apice albo.

A. rutilans Fr. syst. 1 p. 41. *Pers. syn.* p. 320. *Whlbg. fl. ups.* n. 1006.

A. variegatus Schum. sæll. 2. p. 294. opt. *Lin. fl. lap.* n. 495.

Hab. inter Hypna pinetorum Nordlandiæ saltensis rarius.

1041 AGARICUS (*Russula*) *emeticus*: pileo planiusculo subdepresso compacto margine demum sulcato, lamellis latis integris albissimis, stipite breviusculo.

A. emeticus Fr. syst. 1 p. 56.

- A. Linnæi*. *Fr. obs.* 1 p. 67.
A. integer *Whlbg. fl. ups.* n. 1016.
α. sanguineus. *A. integer* *Lin. fl. sv.* n. 1230 *fl. lap.* n. 486, 487. *Fl. dan.* t. 1009 *Gun. norv.* n. 902.
A. emeticus *Pers. syn.* p. 445. *Obs.* 1 p. 100.
b. livido-purpurascens. *A. cynoxanthus* *Pers. syn.* p. 445. *Schum. sæll.* 2 p. 246.
β. flavus. *A. Georgii* *Lin. fl. svec.* n. 1210. *lap.* n. 496. *Whlbg. fl. lap.* n. 1049.
A. ochroleucus. *Pers. syn.* p. 443. *Obs.* 1 p. 102.
 Hab. in sylvis Lapponiæ pitensis et Nordlandiæ saltensis frequentissime.
 Auctoritatem *Cl. Friesii* sequens var. *β.* ad hunc refero. Mihi semper constanter diversus.
A. pecoribus avide eduntur.

- 1577** AGARICUS (*Galorrhæus*) *torminosus*: pileo zonato albescenti-incarnato, margine involuto barbato, stipite subconcolori cavo lævi.
A. torminosus *Fr. syst.* 1 p. 63. *Pers. syn.* p. 430. *Fl. dan.* t. 1068. *Whlbg. fl. ups.* n. 1017.
A. barbatus *Retz. in Act. Ac. holm.* 1769.
A. piperatus *Lin. fl. sv.* n. 1195.

Hab. in ericetis Lapponiæ pitensis circa Hornavan rarius.

Madidus quidem lævis, siccus vero fibrillosus. Fimbriæ latæ, primum stipitem cingentes et lac album acre hunc insignem reddunt.

- 1578** AGARICUS *piperatus*: pileo infundibuliformi rigido fulvescenti-albido, lamellis angustissimis confertis, lacte stipiteqve solido obeso albis.

A. piperatus *Fr. syst.* 1 p. 76. *Pers. syn.* p. 429. *Fl. dan.* t. 1132.

Agaricus *Lin. fl. sv.* n. 1194. *fl. lap.* n. 473. *auct. Fr.*

Hab. in pratis Nordlandiæ saltensis Aug.

- 1579** AGARICUS *deliciosus*: pileo umbilicato obsolete zonato testaceo, lamellis lateritiis, succo aurantiaco, stipite cavo.

A. deliciosus *Fr. syst.* 1 p. 67. *Pers. syn.* p.

432. *Whlbg. fl. ups. n. 1018. Fl. dan. t. 1131.*
Lin. fl. sv. n. 1018.

Hab. in pratis Nordlandiæ saltensis passim Septbr.

1037 AGARICUS *quietus*: dulcis, pileo obtuso
 lævi sicco opaco, lamellis testaceo-rufescentibus,
 stipite solido firmo rufescente. *Fr. syst. 1 p. 69.*
A. rubescens Fl. dan. t. 1069.

A. lactifluus Lin. fl. lap. n. 484. sp. pl. p. 1641.
 Hab. in sylvis Nordlandiæ saltensis. In Finmarkia.
Vahl.

Pileus ut plurimum umbilicatus.

1580 AGARICUS (*Clitocybe*) *gilvus*: pileo in-
 fundibiliformi rigido lævi flavo-ferrugineo nitido,
 lamellis luteis, stipite farcto subtuberoso.
A. gilvus Pers. syn. p. 448. Fr. syst. 1 p. 80.
A. cyathiformis Vahl. Nat. Sels. Sk. 3 p. 180.
Fl. dan. t. 1011.

Hab. in pratis Nordlandiæ saltensis frequenter. Aug.
 Iconi fl. dan. t. 1606 similem nunquam vidi.

1581 AGARICUS *membranaceus*: pileo demum
 infundibiliformi submembranaceo lævi testaceo,
 lamellis decurrentibus albescentibus, stipite fistu-
 loso sursum attenuato. *Whlbg. fl. ups. n. 1032.*
Vahl. Nat. Sels. Sk. 3 p. 178. Fl. dan. t. 1012.
A. flaccidus β. Fr. syst. 1 p. 81.

Hab. in graminosis pinetorum Saltdalen Nordlandiæ
 rarius.

1582 AGARICUS *clavipes*: pileo planiusculo
 lævi fuligineo-livido, margine subalbicante, la-
 mellis decurrentibus albidis, stipite solido conico.
Fr. syst. 1 p. 86. Pers. syn. p. 353.

Hab. in pratis Nordlandiæ saltensis Octobr.

1583 AGARICUS *conicus*: pileo conico subvis-
 cido luteo, demum nigrescente, lamellis con-
 fertis adscendentibus, stipite fistuloso striato sub-
 pellucido.
A. conicus Fr. syst. 1 p. 103. Pers. syn. p. 335.
Schum. sæll. 2 p. 290. Fl. dan. 599. 833, 1
malæ.

A. aurantiacus Vahl. Nat. Sels. Sk. 3 p. 166.

A. glutinosus *Fl. dan.* t. 1009, 2.

Hab. in pratis Nordlandiæ saltensis.

Fractus nigrescit, quæ re ab omnibus affinibus distinctus.

1584 *AGARICUS miniatus*: pileo convexo demum umbilicato stipiteque subfarcto æquali miniatis, lamellis latis adnatis lutescentibus *Fr. syst.* 1 p. 105.

A. glutinosus *Fl. dan.* t. 1009, 2 sinistra.

Hab. in paludosis Saltdalen Nordlandiæ rarius.

Pileus croceus opacus subsquamulosus. Lamellæ flavæ margine demum fulvo. Stipes basi albo-villosus.

1585 *AGARICUS dryophilus*: pileo subcarnoso lævi subdepresso alutaceo, lamellis subliberis albis, stipite fistuloso glabro lutescenti, basi incrassato. *Fr. syst.* 1 p. 124. *Pers. syn.* p. 452. *Schum. sæll.* 2 p. 287.

Hab. inter muscos Pinetorum Nordlandiæ saltensis rarius.

1586 *AGARICUS aqvosus*: pileo subcarnoso planiusculo albo-lutescente margine striato, lamellis emarginatis albis, stipite fistuloso fulvo. *A. aqvosus* *Fr. syst.* 1 p. 125. *DeC. fr.* 2 p. 154. *Bull. champ.* t. 17. sec. *Fr.*

Hab. in sylvis Saltdalen Nordlandiæ parcus.

Priori affinis. Cæspitosus, radicibus terram involvens. Stipes fulvus 3 unc. long., 1 lin. lat. basi subincrassatus. Pileus albescenti-alutaceus convexo-planus, centro alutaceo subdepresso.

1587 *AGARICUS* (*Collybia*) *epiphyllus*: pileo convexiusculo rugoso lamellisqve paucis venosis albis, stipite fistuloso deorsum spadiceo *Fr. syst.* 1 p. 139. *Pers. syn.* p. 468. *Schum. sæll.* 2 p. 307.

A. rugatus *Fl. dan.* t. 1194, 1.

Hab. in foliis deciduis per Nordlandiam saltensem passim.

Obs. *A. androsacei* *Whlbg. fl. lap.* n. 1044 mentionem non facio, quia in Nordlandia nunquam reperi; in Lapponia pitensi quidem obser-

vavi, sed haud examinavi, ut incertus, an hic an *A. Rotula* sit.

- 1040 AGARICUS (*Mycena*) *galericulatus*: indodorus, pileo fuscescente, lamellis albidis adnatis, dente decurrente, stipite livido lævi tenaci basi radicato strigoso. *Fr. syst.* 1 p. 143. *Obs.* 2 p. 159. *Pers. syn.* p. 376.
A. campanulatus *Lin. fl. lap.* n. 507. *fl. sv.* 1. n. 1054.

Hab. in truncis putridis udis locis dejectis per Nordlandiam saltensem.
A. campanulatus *Lin. fl. sv.* 2 n. 1213 non hujus loci, sed *A. varius* P. Lamellæ demum subrubellæ.

- 1588 AGARICUS *polygrammus*: pileo obsolete striato subcinereo, lamellis attenuato-adnatis albis, stipite longo rigido striato splendente basi strigoso. *Fr. syst.* 1 p. 146. *Pers. syn.* 377. *Fl. dan.* t. 1615, 1.

A. galericulatus *Fl. dan.* t. 1498. *Schum. sæll.* 2 p. 303. (*cæspitosus*).

A. fuscipes *Schum. l. c.* p. 296 (solitarius.)

Hab. in truncis putridis udis per Nordlandiam saltensem, cæteris Agaricis nordlandicis præcocior, utpote jam mense Junii lectus.

- 1589 AGARICUS *hæmatopus*: cæspitosus, pileo carnoso-membranaceo lævi albo-rufescente, lamellis adfixis stipiteqve fistuloso concolore succo purpureo refertis.

A. hæmatopus *Fr. syst.* 1 p. 149. *Obs.* 1 p. 33. *Pers. syn.* p. 379.

Hab. in trunco putrido salicino per Nordlandiam saltensem rarissime e. gr. in Junkersdalen.

Forma *A. galericulati*, adeo ut sane invita natura ad *Galorrhæos* retereretur. Pileus primum subglobosus, dein campanulatus.

- 1590 AGARICUS *purus*: pileo carnoso-membranaceo obtuso subroseo, lamellis rotundatis ventricosis pallidioribus, stipite lævi basi villosus. *Fr. syst.* 1 p. 151. *Pers. syn.* p. 339. *Fl. dan.* t. 1612.

A. roseus *Fl. dan.* t. 1673.

Hab. in lucis Nordlandiæ saltensis.

1591 *AGARICUS Corticola*: minutissimus, flavescenti-albus, pileo tenui hemisphærico, dein umbilicato striato, lamellis distantibus uncinato-decurrentibus, stipite brevi incurvo.

A. Corticola *Fr. syst.* 1 p. 159. *Pers. syn.* p. 394.

A. corticalis *Sowerby fung.* t. 243.

Hab. ad cortices Salicum Populorumque vetustarum per Nordlandiam saltensem passim.

Pileus 1 lin. lata. Lamellæ 4—6. Stipites 1—2 lin. longi. Pileus et stipes fursure subtili subtecti.

1592 *AGARICUS sacharinus*: pileo lævi subplicato campannulato, demum plano et subumbilicato lamellisqve distantibus latissimis albis, stipite longissimo lævi basi subroseo strigoso.

A. pterigenus β . *sacharinus* *Fr. syst.* 1 p. 160.

A. epiphyllus β . *sacharinus* *Pers. syn.* p. 469.

A. sacharinus *Batsch. Cont.* 1. f. 83. *sec. Fr.*

Hab. inter Hypna et gramina Saltdalen Nordlandiæ; æstate rarius.

Colore albo, demum subpalléscente, lamellis latitudine longitudinem æquante, et stipite gracillimo 3—4 unc. longo insignis. Lamellæ decurrentes. Pileus 6—7 lin. latus.

1052 *AGARICUS* (*Omphalia*) *umbelliferus*: pileo subturbinato plano umbilicato striato, lamellis distantibus postice latissimis albis, stipite brevi fistuloso.

A. umbelliferus *Whlbg. fl. ups.* n. 1014. *Lin. fl. sv.* 1192. *lap.* n. 471.

A. niveus *Fl. dan.* t. 1015, 1.

A. ericetorum *Fr. syst.* 1 p. 165. *Pers. syn.* p. 472. *Obs.* 1. t. 4, f. 12.

β . *flavus*.

Hab. in terra sterili sylvestri Nordlandiæ et Lapponiæ. β . in tumulis muscorum subputridorum rupium subalpinorum Saltdalen Nordlandiæ.

Var. β . quam primum *A. nivalem* *Vahl* cre-

dididi, tota flava, pileo convexiusculo umbilicato, at species vix diversa.

- 1593 AGARICUS *cyathiformis*: pileo subcarnoso infundibuliformi lævi glabro nigrescente-umbrino, margine subinvoluta, lamellis distantibus cinerascens, stipite sursum attenuato concolore. *Fr. syst.* 1 p. 173.

A. obcampanulatus *Schum. sæll.* 2 p. 329.

A. tardus *Pers. syn.* p. 461.

A. aithopus *NE. syst. f.* 192 *Holmsk. ot. t.* 41 (var. stip. reticulato).

A. sordidus *Dicks fasc.* 1 p. 16. t. 3 f. 1. bona.

Hab. in lignis putrescentibus dejectis Saltdalen Nordlandiæ rarius.

- 1594 AGARICUS *trullæformis*: pileo carnoso infundibuliformi fusco-cinereo, margine patente, lamellis connexis candidis, stipite striato *Fr. syst.* 1 p. 174.

Hab. in pinetis Saltdalen Nordlandiæ rarius. Octobr.

Margo pilei dilutior. Lamellis brevibus longis adnatis candidisque a priore statim dignoscitur. Stipes flexuosus, solidus, 2 poll. longus, apice pileo concolor, basi albidus.

- 1595 AGARICUS (Pleurotus) *serotinus*: pileo compacto viscido fulvescenti-viridi, lamellis confertis flavis, stipite brevi crasso pubescente flavo. A. serotinus *Fr. syst.* 1 p. 187 *Obs.* 2 p. 226. *Pers. syn.* p. 481.

A. lateralis *a. Schum. sæll.* 2 p. 364.

A. stiptici var. *Fl. dan. t.* 1293 f. 2.

Hab. in Alnis dejectis subputridis per Nordlandiam saltensem frequenter. Septbr.

Pileus reniformis, junior punctulis viridibus immersis conspersis; grandiori natu punctula confluunt totumque afflatu viridi tingunt. Viscidus, ut folia et gramina ei sæpe adglutinata sint. Insectorum expers, seu ob serotinum proventum seu verosimilius ob siccam et exsuccam substantiam.

- 1596 AGARICUS *mitis*: pileo submembranaceo glabro lævi sicco rufescenti-albo, lamellis con-

fertis, a stipite apice dilatato rotundato discretis albis.

A. mitis *Fr. syst.* 1 p. 188. *Pers. syn.* p. 481. *Obs.* 1 t. 3 f. 5 (qvoad figuram optima).

b. pileo rufescente. A. læcatus *Schultz starg.* n. 480 *sec. Fr.*

Hab. in truncis et ramis Pini sub cortice per Nordlandiam saltensem frequenter.

1597 AGARICUS *nidulans*: pileo latere adnato carnosio tomentoso lutescente, lamellis vitellinis in puncto subcentrali concurrentibus.

A. nidulans *Pers. syn.* p. 482. *Ic. et desc.* t. 6. f. 4 *sec. Fr. syst.* 1 p. 189.

Hab. in truncis dejectis Alni Saltdalen Nordlandiæ rarius.

Usque ad 2 unc. longus, 1 latus. Pileus integer, uno latere dimidio adnatus, obcompannulatus.

1598 AGARICUS *petaloides*: imbricatus, pileis adscendentibus subreniformibus lævibus glabris flavescenti-albis, lamellis confertis decurrentibus albis, stipite brevissimo subtomentoso albo.

? *A. petaloides* *Fr. syst.* 1 p. 183. *Bull. champ.* t. 226, 557 f. 2. *sec. Fr.*

Hab. in truncis putridis Betulæ in subalpinis Nordlandiæ saltensis, et Lapponiæ pitensis circa Arjeplog passim.

Ab. *A. spathulato* *Pers.* — vide infra — sporiis albis omnino diversus. De synonymo Friesii vix dubito, etsi pileus semper glaber a me observatus. Ab *A. spathulato* præter colorem pallidiorem quoque eo alienus, quod caro hujus fere semper, illius nunquam ab insectis destruitur.

1599 AGARICUS *tremulus*: griseus, pileo reniformi diaphano, lamellis linearibus, stipite marginali adscendente villosa *Fr. syst.* 1 p. 191. *Sow. fung.* t. 242.

A. epigæus β . *tephromelas*. *Pers. syn.* p. 484.

Hab. ad muscos et terram Saltdalen Nordlandiæ rarius.

Totus griseus, stipite brevi laterali tomentoso
mox distinguitur.

- 1600 AGARICUS (*Clitopilus*) *fertilis*: pileo sub-
umbonato glabro livido-pallescente, lamellis an-
nexis incarnatis, stipite farcto glabro subbulboso
Fr. syst. 1 p. 197. *Pers. syn.* p. 328. *Hall. helv.*
n. 2417.

A. phanospermus *Bull. champ.* t. 534 547. f. 1.
DeC. fr. 2 p. 187 *sec. Fr.*

Hab. in cultis Saltdalen Nordlandiæ passim.

Magnus, gregarius, luridus ingratusque. Terra
sæpe sporidiis roseis tecta.

- 1038 AGARICUS *Pluteus*: pileo carnosio gla-
briusculo nigrescente-fuligineo, lamellis albis dein
incarnatis, stipite firmo nigro-fibrilloso. *Fr. syst.*
1 p. 199. *Pers. syn.* p. 357.
A. cervinus *Fl. dan.* t. 1067, 2. *Whlbg. fl. lap.*
n. 1038.

Hab. in lignis truncisque putridis per Nordlandiam et
Finmarkiam passim.

- 1601 AGARICUS *umbrinellus*: pileo membra-
naceo-carnoso convexo umbrino, margine dilu-
tiore subfimbriato, lamellis basi rotundatis libe-
ris planis confertis incarnato-albis, stipite cavo
nitenti albido.

Hab. in terra macra madida ad latera umbrosa mon-
tium inferalpinorum Nordlandiæ saltensis parce.

Pileus $\frac{1}{2}$ unc. latus ab epidermide excedente
fimbriatus. Stipes tenuis incurvus subpollicaris
radicatus. Caro tenacissima. *A. phlebophoro*
proxime adstat.

- 1043 AGARICUS *serrulatus*: pileo convexo sub-
squamoso demum umbilicato nigrescente, lamel-
lis cæcio-incarnatis adnatis nigro marginatis, sti-
pite fistuloso atro-cæruleo. *Fr. syst.* 1 p. 204.
Pers. syn. p. 463.

A. cyanipes *Fl. dan.* t. 1071. f. 3.

A. cæruleus *Schum.* 2 p. 296.

Hab. in pratis Nordlandiæ & Finmarkiæ.

Sequenti adeo similis, ut vix nisi colore pilei

et stipitis parum obscuriore, lamellis sordidioribus nigro marginatis distingvatur.

- 1602 AGARICUS *asprellus*: pileo fibrilloso-squamoso chalybeo, lamellis adnatis, stipite fistuloso basi albo-lanato chalybeo.

A. *asprellus* *Fr. syst.* 1, p. 208.

Hab. in pratis siccis inter gramina Saltdalen Nordlandiæ passim, Juli.

Lamellæ adnatæ emarginatæ albidæ, dein roseo-pallidæ.

- 1032 AGARICUS (Dermocybe) *cinnamomeus*: pileo umbonato subcarnoso sericeo subcinnamomeo, lamellis adfixis confertis, stipite tenui æquali lutescente. *Fr. syst.* 1 p. 229. *Lin. fl. svec.* n. 1229. *lap.* n. 485.

Hab. in sylvis subhumidis Nordlandiæ saltensis et Lapponiæ pitensis parcius

- 1603 AGARICUS *caperatus*: pileo lacunoso citrino villo albido in disco uniformi, marginem versus squamuloso consperso, stipite solido albo supra annulum reflexum squamuloso *Fr. syst.* 1 p. 241. *Pers. syn.* p. 273. *Obs.* 1 p. 48. *Fl. dan.* t. 1675.

Hab. in sylvis Lapponiæ pitensis.

- 1051 AGARICUS (Pholiota) *subluteus*: pileo carnoso-membranaceo plano umbonato squamuloso, margine striato, lamellis decurrentibus, stipite solido lævi elongato annulato deorsum incrassato concolori.

A. *subluteus* *Fl. dan.* t. 1192. *Whlbg. fl. lap.* n. 1051.

Hab. in truncis arborum putridorum Finmarkiæ. *Vahl.*

- 1604 AGARICUS *mutabilis*: pileo subcarnoso glabro cinnamomeo-expallente, lamellis subdecurrentibus confertis pallide-ferrugineis, stipite fistuloso tenui. *Fr. syst.* 1 p. 245. *Bull. champ.* t. 530 f. 2. t. 543. f. O. P.

A. *caudicinus* *Pers. syn.* p. 271.

A. *ochroleucus* *Vahl Nat. Sels. Sk.* 3, 2 p. 200.

A. *acutus* & *unicolor* *Schum. scell.* 2 p. 257.

Ag. *Lin. fl. sv.* n. 1208 *lap.* n. 497.

Hab. in truncis lignisque putridis per Nordlandiam saltensem frequenter.

Magnitudine nec non stipite nudo annulatoque valde variat.

1605 AGARICUS *unicolor*: pileo carnosio-membranaceo glabro umbonato subhemisphærico ochraceo-ferrugineo, lamellis liberis stipiteque flexuoso perforato cōcoloribus.

A. *unicolor*. *Fl. dan.* t. 1071. f. 1.

Hab. in acervis assularum putridarum Saltdalen Nordlandiæ passim.

Icon fl. dan. optima, si excipias, quod fistula tenuis bysso repleta stipitis deest. Cæspitose crescit, adeo ut 3—5 stipites basi bysso albo cohæreant. Annulus pro ratione magnus et persistens. Pileus junior campanulatus.

1036 AGARICUS (Galera) *Sphagnum*: pileo convexo umbonato flavo-ochraceo expallente, lamellis planis subtriquetris stipiteque longo glabro laxo pallidis.

A. *Hypnum* γ. *Sphagnum* *Fr. syst.* 1 p. 267. *Pers. syn.* p. 386. *Whlbg. fl. lap.* n. 1036.

Hab. in paludosis Nordlandiæ; ad Polmak Finmarkiæ legit Cl. Wahlenberg.

Fungus gracilis, pileo humido sulcato; stipes ætate fulvescit.

1606 AGARICUS (Crepidotus) *atrotomentosus*: pileo carnosio subdimidiato ferrugineo subzonato, lamellis basi rotundatis liberis latis carneo-pallescentibus, stipite brevi crasso tomentoso.

A. *atrotomentosus* *Fr. syst.* 1 p. 272. *Pers. syn.* p. 472. *NÉ. syst.* f. 175.

Hab. in truncis putridis Saltdalen Nordlandiæ rarissime.

Suborbicularis, stipite excentrico, zona marginali obscuriore quasi tomento tecta ornatus.

1047 AGARICUS *proboscideus*: pileo ochraceo subcarnoso vertice porrecto stipitiformi, lamellis in puncto excentrico concurrentibus pallidis.

A. *proboscideus* *Fr. l. c.* p. 274. *Obs.* p. 232.

A. *resupinatus* *Fl. dan.* t. 1072.

Hab. in ramis putridis Alni Nordlandiæ; et Finmarkiæ *Vahl*; passim.

Facillime dignoscitur pileo ex puncto marginali in stipitem brevem attenuato et lamellis quasi foramen infra prolongationem pilei formantibus. Velum, cujus mentionem facit *Cl. Vahl*, nunquam observavi. Nec resupinatus dici potest, cum ob stipitem curvatum hymenium omnino versus terram spectet. Minime, ut vult *Cl. Fries*, progenies monstrosa in obscuro proventa.

1607 AGARICUS *spathulatus*: pileo carnosomembranaceo flabelliformi sublobato lævi alutaceo-pallido, lamellis confertis decurrentibus ferrugineo-albidis decolorantibus, stipite horizontali brevi tomentoso.

A. spathulatus Pers. syn. p. 479. NE. syst. f. 178.

A. anomalus Pers. obs. 1 p. 55, t. 4, f. 1.

A. petaloides β. spathulatus Fr. syst. 1 p. 183.

Hab. in truncis putridis, imprimis Betulæ Saltdalen Nordlandiæ passim,

Iconi Persoonii s. Esenbeckii omnino convenit, modo stipes non canaliculatus, nec discus squamosus, ascendens nec erectus. Lamellæ exsiccatae violaceæ, et aqua emollitæ hanc sporiis copiosis ferrugineis ferrugineam tingunt. *Cfr. A. petaloidem.*

1045 AGARICUS *variabilis*: gregarius, pileo membranaceo subtomentoso albo, lamellis albidorubiginosis.

A. variabilis Fr. syst. 1 p. 275. Pers. syn. p. 483.

A. sessilis Schum. sæll. 2 p. 366. Fl. dan. t. 1556.

A. pubescens Fl. dan. t. 1073, f. 2.

Hab. in ramis stipitibus putridis terraque per Nordlandiam frequenter.

1608 AGARICUS *arcticus*: imbricatus, pileo membranaceo resupinato in stipitem porrecto rufescente-albo villosus, lamellis in punctum concurrentibus pallide rufescentibus.

Hab. in ramis putridis Betulæ per epidermidem penetrans in Saltdalen Nordlandiæ rarius.

Fungi minutuli 3—6 lin. alti, 3 lin. lati tenaces carne albo, sicci ob villum omnino canescentes, convoluti. Madidi magis rufescunt et expanduntur, formam A. proboscidei, cui etiam proximi, gerentes. Ab A. depluenti differt: loco habitationis, substantia tenaci, forma oblique cyathiformi, non reniformi, et tota superficie villosa.

1609 AGARICUS (Volvaria) *speciosus*: pileo glabro, viscoso, albo griseo, lamellis incarnatis, stipite solido attenuato volvaque laxa villosa. *Fr. syst.* 1 p. 278 *Fl. dan.* t. 1737.

A. pubescens Schum. *sæll.* 2 p. 247.

Ag. *Lin. fl. lap.* n. 483.

Hab. in assulis putridis Saltdalen Nordlandiæ rarius.

Stipes 5 unc. longus, subbulbosus.

1610 AGARICUS (Psaliota) *campestris*: pileo carnoso rufescenti squamoso, lamellis ventricosis rufescenti-fuscis, stipite brevi farcto annulato albo.

A. campestris. *Fr. syst.* 1 p. 181. *Pers. syn.* p. 418. *Lin. fl. svec.* n. 1203. *lap.* n. 482. *Fl. dan.* t. 704. *Hall. helv.* n. 2443.

Hab. in pratis et locis pingvibus per Nordlandiam passim.

Vix differt A. *edulis* Pers., sed icon NE. *syst. f.* 195 male colorata.

1611 AGARICUS *præcox*: pileo carnoso lævi hemisphærico, demum explanato alutaceo-lutescente, lamellis flavescenti-fuscis, stipite farcto adscendente pallescente, annulo reflexo.

A. *præcox* Pers. *syn.* p. 420. *Fr. syst.* 1 p. 282.

A. *æstivalis* Schum. *sæll.* 2 p. 259.

Hab. in ericetis Saltdalen Nordlandiæ passim.

Lamellæ demum subcinnamomeæ. Annulus

crassus.

1612 AGARICUS *semiglobatus*: pileo hemisphærico lævi viscoso flavo, vertice umbrino, lamellis adnatis, subtriangularibus demum nigro-nebulosis, stipite fistuloso glabro supra annulum arachnoideum nigro punctato.

A. *semiglobatus* *Fr. syst.* 1 p. 284. *Pers. syn.* p. 407.

A. præcox Schum. sæll. 2 p. 315.

Hab. in fimo per prata Nordlandiæ saltensis.

- 1033 AGARICUS *nitens*: pileo umbonato subviscoso flavo marginem versus squamoso, lamellis adfixis nigris, stipite cavo glabro. *Fl. dan.* t. 1067. *Fr. syst.* 1 p. 204.

Hab. in fimo vaccino Finmarkiæ. *Vahl.*

- 1029 AGARICUS *Hornemanni*: magnus, pileo carnoso glabro convexo subumbonato sordide pallescente, lamellis confertis demum nigrescentibus margine albedo, stipite solido infra annulum squamuloso, pallescente.

A. Hornemanni *Fr. syst.* 1 p. 285. *Obs.* 2 p. 13.

A. depilatus *Pers. syn.* p. 408.

A. squarrosus *Fl. dan.* t. 1191.

Hab. in cumulis assularum putridarum Nordlandiæ; "et truncis putridis Betulæ Finmarkiæ" *Vahl.*

- 1613 AGARICUS (*Psilocybe*) *capnoides*: pileo carnoso sicco luteo, lamellis cæsiis dein purpurascentibus, stipite fistuloso glabro. *Fr. syst.* 1 p. 289. *Obs.* 2 p. 27.

A. turfusus Schum. sæll. 2 p. 305 sec. *Fr.*

Hab. in pinetis ad terram et imprimis ad caudices Pinorum per Nordlandiam saltensem frequenter.

Sæpissime cæspitosus et fascicularis, sed etiam solitarius. Velum in junioribus adest marginale purpureum. Stipes 2—4 unc. altus, 1—3 lin. latus. Pileus $\frac{1}{2}$ —2 unc. latus. Ab affini *A. fasciculari* bene distingvit Cl. Fries: sapore dulci, lamellis nunquam virescentibus.

- 1614 AGARICUS (*Psathyra*) *Candollianus*: pileo subcarnoso lævi fulvo-violaceo albescente, lamellis adfixis violaceis demum subferrugineis, stipite fibrilloso cavo.

A. Candollianus *Fr. syst.* 1 p. 296. *Obs.* 2 p. 182.

A. mutabilis *Fl. dan.* t. 774.

A. appendiculatus Schum. sæll. 2 p. 302.

A. violaceo-lamellatus *DeC. fl. fr.* 2 p. 143. e *Fr.*

Hab. ad terram in lucis Saltdalen Nordlandiæ passim.

Sporidia mihi semper visa sunt ferruginea, quare sine dubio *Derminis* rectius quam *Pratellis* adnumeratur.

- 1615 AGARICUS *murcidus*: pileo subcarnoso convexo obtuso spadiceo expallente, lamellis adnatis umbrinis, stipite nudo glabro. *Fr. syst.* 1 p. 299.

Hab. in terra umbrosa sub fruticibus ad latera montium Saltdalen Nordlandiæ passim copiose.

Cæspitosus. Sporidia atropurpurea. Velum fungos parvulos glandiformes prominentes totos tegit fulvo-strigosum, cujus pars basi stipitis adhærens remanet, dum fungus sese evolvit. Junior igitur pileus fulvo-strigosus, sed mox pili disparent, et pileus lævissimus, tactu mollis. Sequenti dimidio minor.

- 1616 AGARICUS *torpens*: pileo submembranaceo lævi pallescente, lamellis adnatis basi angustatis fuscis margine albidis, stipite glabro. *Fr. syst.* 1 p. 299.

Hab. inter folia ramosque putridos Saltdalen Nordlandiæ rarius. Juli.

- 1048 AGARICUS (Coprinari) *semiovatus*: pileo subcarnoso campanulato viscido lævi dilute argillaceo, lamellis adnatis latis cinereo-atris, stipite longo bulboso, pileo concolore supra anulum deflexum atro punctulato.

A. *semiovatus* *Fr. syst.* 1 p. 300 *Pers. syn.* p. 408.

A. *ciliaris* *Schum. sæll.* 2 p. 360 bene.

A. *separatus* *Lin. fl. svec.* n. 1220, *lap.* n. 504.

Hab. in stercore eqvino per loca uda Nordlandiæ saltensis.

- 1617 AGARICUS *papilionaceus*: pileo subcarnoso campanulato sicco nigrescente-fuligineo pallescente, lamellis adnatis cinereo-atris, margine albis, stipite longo rufescente, apice striato atropulverulento. *Fr. syst.* 1 p. 301. *Pers. syn.* p. 410. A. *semiovatus* β . *Schum. sæll.* 2 p. 360.

Hab. in fimo vaccino per prata Nordlandiæ saltensis frequenter.

- 1618 AGARICUS *fimicola*: pileo subcarnoso hemisphærico fuscescente-alutaceo, lamellis adnatis latis cinereo-atris, stipite glabro apice albo-pulverulento. *Fr. syst.* 1 p. 301. *Pers. syn.* p. 412.

Hab. in fimo eqvino Saltdalen Nordlandiæ, Juli.

1035 AGARICUS (Coprinus) *comatus*: pileo subcarnoso campanulato-cylindrico squamoso-albo, lamellis albis dein purpurascentibus, stipite subbulboso attenuato albo.

A. comatus *Fr. syst.* 1 p. 307. *Pers. syn.* p. 395. *Fl. dan.* t. 834 bona.

A. cylindricus *Sow. fung.* t. 189. *Whlbg. fl. ups.* n. 1029. *Lin. fl. lap.* n. 480, 481.

Hab. in agris et circa domos Nordlandiæ saltensis passim.

Margo pilei interdum in stipite annulum mobilem evanescentem relinquit. Major cæteris. Mox deliquescit, stipite restante.

1030 AGARICUS *deliquescens*: cæspitosus, pileo membranaceo striato pallenti-fuligineo glabro, lamellis linearibus lurido-nigris, stipite subæquali nudo candido.

A. deliquescens *Fr. syst.* 1 p. 309.

A. fuscescens *Schæf.* t. 17.

A. bicolor *Fl. dan.* t. 1070 bona.

Hab. in arenosis humidis absconditis Nordlandiæ; "in pratis Finmarkiæ" *Vahl.*

Primum pileus campanulatus pallide-cinereus, lamellis fuscis. Deinde pileus aliquid explanatur et obscescit, lamellis nigris. Denique margo revolvitur, et una cum lamellis in succum atrum abiit. Stipes valde fistulosus sursum parum attenuatus.

1034 AGARICUS *cinereus*: pileo sulcato subto mentoso cinereo, vertice calvo lævi, lamellis linearibus, stipite subto mentoso squamoso. *Fr. syst.* 1 p. 310. *Pers. syn.* p. 398. *Vahl. Nat. Sels. Sk.* 3, 2 p. 175. *Fl. dan.* t. 1195.

A. stercorarius *Sow. fung.* t. 262, perbona.

A. fimetarius *Lin. fl. svec.* n. 1215. *lap.* n. 503.

Hab. in fimo Saltdalen Nordlandiæ.

1619 AGARICUS *ephemeroides*: tenerrimus, pileo striato-plicato squamuloso cinerascenti-albido disco pallescente, lamellis remotis subhyalinis dein nigris, stipite hyalino annulato, annulo persistenti albo.

A. ephemeroides Bull. champ. t. 582 f. 1. DeC. fr. 2 p. 145. sec. Fr. syst. 1 p. 313.

Hab. in finio per agros Saltdalen Nordlandiæ passim copiosè. Aug.

Pileus demum complanatus 2 — 4 lin. latus. Stipes 1 pol. longus, $\frac{1}{2}$ lin. latus. Annulus mox mobilis. Hic vetat eum *A. radiatum* haberi.

1620 *MERULIUS aurantiacus*: pileo carnoso subdepresso tomentoso stipiteqve farcto aurantiacis.

M. aurantiacus Pers. syn. p. 488 myc. 2 p. 11. NE. syst. f. 233. Whlbg. fl. ups. n. 1040.

Cantharellus aurantiacus Fr. syst. 1 p. 318.

Hab. in graminosis Saltdalen Nordlandiæ passim rarius, ubi *M. Cantharellus* P. nunquam mihi sese obtulit.

1621 *MERULIUS muscigenus*: subhorizontalis, livido-fuscus, stipite brevi laterali, plicis ramosis. *M. muscigenus*. Pers. syn. p. 493. NE. syst. f. 236.

M. serotinus Pers. myc. 2 p. 22.

Cantharellus muscigenus b. Fr. syst. 1 p. 323.

Elvella verticalis Vahl Nat. Sels. Sk. 2, 1 p. 26.

Hab. in arenosis viarum Saltdalen Nordlandiæ rarius.

Descriptio Vahlî l. c. bona: "Stipes solitarius vix ungicularis teres livido-fuscus. Pileus subrotundus membranaceus longitudine stipitis, verticalis, utrinque stipite concolor, opacus, glaber margine plano: pagina aversa plicis nonnullis terebibus, superne divergenti-subramosis, inferne versus stipitem confluentibus." Obscurior est vulgari *M. muscigeno*.

1074 *MERULIUS lobatus*: subhorizontalis, sessilis, lobatus, subfuscus, venis ramosis subanastomosantibus.

M. lobatus Pers. syn. p. 494. myc. 2 p. 23. Er. syst. 1 p. 323 sub *Cantharellus*.

Helvella membranacea Vahl l. c. p. 61. Fl. dan. t. 1077. Whlbg. fl. lap. n. 1074. Dicks. fasc. 1 p. 21.

Hab. in muscis paludum Vardöe Finmarkiæ, ubi invenit Cl. Vahl.

1622 **MERULIUS** *muscorum*: sessilis, cucullatus, niveus, dein subrufescens, extus lævis, intus subvenosus.

M. muscorum Pers. syn. p. 495 myc. 2 p. 24. Roth. in Usteri An. bot. 1 p. 40 t. 1 f. 4.

Cantharellus muscorum Fr. syst. 1 p. 325.

Hab. in muscis humidis Saltdalen Nordlandiæ rarissime.

Pileus 1—2 lin. latus, subdiaphanus, tenuissimus, attamen gelatinosus dici non potest. Venæ in juniore nullæ, in adulto obsoletæ, qva re facillime a *M. bryophilo* dignoscitur.

1623 **MERULIUS** *tenellus*: sessilis, mollis, nigrescens, venis prominulis inæqualibus radiantibus.

M. tenellus DeC. fr. 2 p. 132. Syn. p. 27 e Fr. syst. 1 p. 325 sub *Cantharello*. Fl. dan. t. 1295, f. 2. Pers. myc. 2 p. 25.

Hab. in trabibus putridis Saltdalen Nordlandiæ rarissime.

Variæ magnitudinis, sed nunquam ultra $\frac{1}{2}$ poll. Venæ inæquales 3: inter longiores ad marginem plures breviores, sed ne longiores quidem ad basin omnino abeunt, sed omnes radiantes. In majoribus margo quoque lobata, ut nihil sit, quod non iconi Fl. danicæ perbonæ conveniat. Nec de synonymo DeCandolliano dubitare possum, cum character et descriptio (Fr. l. c.) perfecte conveniat.

1624 **MERULIUS** *tremellosus*: pileo carnosotremelloso reflexo tomentoso albo, plicis subporiformibus acutis rubicundis Pers. syn. p. 496. Fr. syst. 1 p. 327. Fl. dan. t. 776, 1 perbona.

Xylomyzon tremellosum Pers. myc. 2 p. 30.

Hab. in caudicibus betulinis e rimis corticis erumpens Saltdalen Nordlandiæ rarius.

Icon Fl. dan. t. 1553 crassior et rubrior s. pallidior, quam qui hic occurrit, cujus hymenium rufescenti-violaceum.

1625 **MERULIUS** *serpens*: subeffusus, coriaceogelatinosus, glaber, niveus, plicis subobsoletis rugiformibus.

M. serpens *Whlbg. fl. ups. n. 1041. Pers. syn.* p. 497. *myc.* 2 p. 31 (*Xylomyzon*).

? *M. serpens* *Fr. syst.* 1 p. 327.

Hab. in truncis ramisque Alnorum putridis frequenter, Populorum rarius per Nordlandiam saltensem.

Effusus centro modo adnatus, sed ubi libere & læte viget, pileus dimidius modo adnatus, altera parte libera reflexa; tum latere inferiore ferrugineo, sed nunquam ferruginei s. rufescentis quid in pagina hymenina semper nivea observavi. Plicæ primum obsoletæ. Margo subcrenata, sed nunquam fimbriata seu byssina. Rotundus seu oblongus $\frac{1}{2}$ — $2\frac{1}{2}$ unc. latus. Sicca membranam tenuem albam efficit, vicens spongiosus mollissimus. Contra morem haud bene de hoc Cl. Fries. *M. fugax* *Fr.* nonne hujus forma juvenilis et in humido evoluta.

1626 *MERULIUS lacrymans*: effusus, magnus, flavo-ferrugineus, margine tomentoso albo, plicis amplis poroso-sinuatis, demum papillatis.

M. lacrymans *Fr. syst.* 1 p. 328. *Schum. sæll.* 2 p. 371.

Merulius destruens *Pers. syn.* p. 496.

Xylomyzon destruens *Pers. myc.* 2 p. 27.

Sistotrema cellare *Pers. syn.* p. 554. *myc.* 2 p. 198.

Hab. ad domos, quas destruit ubique per Nordlandiam.

Sistotrema cellare *P.* certe nil est, nisi hujus forma vetusta, hymenio papillato sporidiisque effusis ferrugineo-pulverulento. Subtus stratum himantioideum adest, sed hoc inter et hymenium stratum album gelatinosum. Ubi primum erumpit, totus byssinus albus balteo carneo tuberculato, quod mox in hymenium abiit.

1627 *MERULIUS vastator*: effusus, aureus, margine albo byssino, venis crispis gyroso-plicatis.

M. vastator. *Fr. syst.* 1 p. 329. *Obs.* 1 p. 100. *Schum. sæll.* 2 p. 371.

M. solare *Pers. myc.* 2 p. 29.

Hab. ad ramos foliaque putrida Saltdalen Nordlandiæ rarius æstate.

Antecedenti multo minor tenuior atqve lætior.
 Synonyma suum e synopsi ad *M. lachrymantem*
 retrahit Cl. Persoon (myc. 2 p. 27).

1628 *MERULIUS molluscus*: effusus, tenuis, fulvo-carneus, margine byssino albo, plicis gyroso-porosis.

M. molluscus *Fr. syst.* 1 p. 329.

Hab. in ligno pineo putrescente Saltdalen Nordlandiæ rarius autumnis.

Membrana mollis, sicca, subtus villosa alba, Thelephoram habitu refert. Primum versus marginem tuberculoso-plicatus, quod demum in hymenium gyroso-porosum mutatur.

DÆDALEA.

Fries syst. myc. 1 p. 331.

1629 *DÆDALEA betulina*: sessilis, pallescens, pileo coriaceo zonato tomentoso, lamellis rectis subramosis. *Fr. syst.* 1 p. 333 *Obs.* 1 p. 104. *Whlbg. fl. ups.* n. 1045.

Agaricus coriaceus *Pers. syn.* p. 486. *Bolton fung.* t. 158 sec. *Pers.*

Ag. betulinus *Lin. sp. pl.* p. 1645. *fl. sv.* n. 1244.

Hab. in truncis ramisque emortuis Betulæ per Nordlandiam saltensem.

Lamellæ ætate valde convexæ, fere gibbæ. Supra cinereo-pallescens, subtus pallescenti-cinerea, margine lamellarum albo. *D. betulina* *Fl. dan.* t. 1555 alia omnino species ob colorem diversissimum et sine dubio: lævitatem. Ipse olim in Sællandia illam legi, sed specimina non ad-sunt.

1058 *DÆDALEA sepiaria*: *Fr. syst.* 1 p. 333.

Merulius sæpiarius *Whlbg. fl. lap.* n. 1058.

Hab. in lignis subputridis Pini Nordlandiæ frequenter.

1068 *DÆDALEA unicolor*. *Fr. syst.* 1 p. 356.

Sistotrema cinereum *Whlbg. fl. lap. n.* 1068, ubi vide. *Pers. myc.* 2 p. 204.

Hydnum parasiticum *Lin. sp. pl.* 2 p. 1648?

Hab. ad truncos, imprimis *Betulæ*, per *Norralandiam* frequenter.

1630 *DÆDALEA decipiens*: effuso-reflexa, pileo coriaceo villosō albido, lamellis dentato-laceratis violaceis.

Agaricus decipiens. *Willd. in Röm. et Ust. Mag.* 4 p. 12. t. 2 f. 5.

Hydnum decipiens *Schrad. spec.* p. 180.

Hydnum parasiticum *Willd. berol.* p. 1149.

Sistotrema violaceum *Pers. syn.* p. 551. *myc.* 2 p. 203.

Polyporus abietinus *Fr. syst.* 1 p. 370. *pro parte*.

Hab. in truncis caudicibusque *Pini* *Nordlandiæ*; *Abietis* *Laponiæ* *pitensis* frequentissime.

Non possum non hanc a *Boleto abietino* *P.* sane affini segregare, nam sæpissime eam observavi, et semper a prima origine hymenium lamellatum, mox laceratum, nunquam simul porosum inveni. Ubi *B. abietinus* senescit, pori quivirregulares et laceri, sed in lamellas lineares laceratos attamen haud vidi. Pileus quidem in utroque similis & ejusdem indolis, at vix aliquis hanc inveniens ignoransque sub *Polyporo* quæret.

1631 *DÆDALEA mollis*: resupinata, elongata, submembranacea, mollis, cinereo-pallens, margine concolore, poris rotundis longissimeque flexuosis.

Hab. ad corticem putridam *Alnorum* *Saltdalen* *Nordlandiæ* passim.

A *D. latissima* *Fr.* diversissimam censuit ipse *Cl. Fries*. Quasi ex tomentosa stupa confecta 1 pol. lata, usque ad pedalem longitudinem non arctius cortici adnata, quam bene secerni potest. Subtus nigro-fusca tomentosa. Margo subliber, tomentosior, sed ejusdem substantiæ et coloris ac pagina superior.

BOLETUS.

Fries. syst. 1 p. 385.

- 1059 **BOLETUS luteus**: pileo flavescente glutine fusco secedente virgato et maculato, tubulis adnatis rotundis luteis, stipite farcto annulato subcarneo, apice flavescente punctato.

B. luteus *Lin. fl. sv.* n. 1247. *lap.* n. 520. *Fr. syst.* p. 386. *Obs.* 2 p. 242.

B. annulatus *Pers. syn.* p. 503. *myc.* p. 125. *NE. syst.* f. 204. *Fl. dan.* t. 1135. *Vahl Nat. Sels. Sk.* 3, 2 p. 203.

Hab in pinetis Saltdalen Nordlandiæ frequenter.

- 1632 **BOLETUS flavidus**: pileo viscoso flavescente-livido striis fuscis virgato, tubulis adnatis angulatis compositis flavis, dein fulvis, stipite tenui albido farcto annulato.

B. flavidus *Fr. syst.* 1 p. 387. *Obs.* 1 p. 110. *Hall. helv.* n. 2301. *B. velatus* *Pers. myc.* p. 125. t. 20, 1—3.

Hab. in graminosis sylvarum Saltdalen Nordlandiæ.

Inter *B. luteum* et *bovinum* medius. Utroque minor. Ab hoc differt: annulo et toto colore; ab illo hymenio convexo, demum fulvo, tubulis angulatis compositis, stipite, colore pilei et carne sordide alba, nec ut in illo flava. Annulus tenuis ferrugineus adglutinatus. Si pori rotundati non obstitissent, *B. luteum* *Lin.* ad hunc retuleram.

- 1060 **BOLETUS bovinus**: pileo viscoso rufescente-pallido, tubulis adnatis compositis, porulis brevioribus angulatis, virescenti-flavis, demum ferruginascentibus, stipite nudo tenui pileo concolore.

B. bovinus *Fr. syst.* 1 p. 388. *Obs.* 1 p. 112. *Whlbg. fl. ups.* n. 1048. *lap.* n. 1060. *Lin. fl. svec.* n. 1246, *lap.* n. 518.

B. gregarius *Fl. dan.* t. 1018 poris male pictis *Vahl Nat. Sels. Sk.* 3, 2 p. 205.

Hab. in pinetis Nordlandiæ saltensis parcius; "in Lapponia sylvatica" *Linné.*

Caro pallida. Pori angulati e 3—4 minoribus compositi. Pileus applanatus, sæpe repandus, et ob visciditatem quasi aqua superfusus.

1633 BOLETUS *variegatus*: pileo fasciculato tomentoso flavo-subviscido, tubulis adnatis parvis simplicibus angulatis fulvis dein ferrugineis, stipite lævi flavo basi rufescente.

B. variegatus *Fr. syst.* 1 p. 388. *Obs.* 1 p. 117.

Hab. in pinetis Saltdalen Nordlandiæ.

Caro dissecta s. pressa virescit. Hymenium planiusculum.

1634 BOLETUS *subtomentosus*: pileo pulvinateo sicco subtomentoso, tubulis adnatis magnis angulatis luteis, stipite firmo lævi *Fr. syst.* 1 p. 389. *Pers. syn.* p. 506. *NE. syst.* t. 206. *Fl. dan.* t. 1074. *Lin. svec.* n. 1251.

B. chrysenterinus *Schum. sæll.* 2 p. 376.

Hab. in Pinetis Saltdalen Nordlandiæ.

Pileus sæpissime ferrugineus.

1635 BOLETUS *edulis*: pileo pulvinateo glabro vaccino, tubulis semiliberis rotundis minutis pallescentibus, stipite crassissimo.

B. edulis *Fr. syst.* 1 p. 392. *Pers. syn.* p. 510. *myc.* 2 p. 131. *Svensk. bot.* t. 197.

B. crassipes *Schum. sæll.* 2 p. 378.

B. rubiginosus *Retz. in Act. Ac. holm.* 1769 p. 252.

Hab. in pinetis Saltdalen Nordlandiæ frequenter.

Caro alba compacta. Hymenium inæquale intus flavum.

1636 BOLETUS *scaber*: pileo pulvinateo glabro, tubulis liberis rotundis albis, stipite firmo attenuato squamoso-scabro.

B. scaber *Fr. syst.* 1 p. 393. *Pers. myc.* 2 p. 146.

B. aurantius *Pers. syn.* p. 504. *myc.* 2 p. 147.

B. viscidus *Lin. svec.* n. 1248. *Fl. dan.* t. 833, 2.

B. convexus *Retz. in Act. Ac. holm.* 1769 p. 253.

Hab. in inferalpinis et alpinis Nordlandiæ saltensis frequenter.

Omnium fungorum carnosorum sane frigoris patientissimus est, quippe qui in alpes longe supra Betulam ascendit ibique læte viget. Ca-

lor pilei varius, rufus, fulvus et subfuligineus.
Hymenium stipesque sordidi.

POLYPORUS.

Fries systema mycol. 1 p. 341.

1637 POLYPORUS squamosus: pileo carnosolento subochraceo, squamis obscurioribus, poris amplis angulatis laceris pallidis, stipite sublaterali basi nigrescente.

P. squamosus *Fr. syst.* 1 p. 343. *Fl. dan.* t. 1196.

Boletus platyporus *Pers. syn.* p. 521.

B. cellulosus *Ligh. scot.* p. 1032.

P. juglandis *Pers. myc.* 2 p. 38.

Hab. in caudicibus putrescentibus Populi Saltdalen Nordlandiæ rarissime.

B. squamosus *Schum. sæll.* 2 p. 301 hujus loci esse non potest, cum poros minutos et stipitem pallidum dicat.

1638 POLYPORUS brumalis: pileo carnosolento subumbilicato villosoluligineo-expallente, poris subangulatis albis, stipite pallido ferrugineoque *Fr. syst.* 1 p. 348. *Obs.* 2 p. 255. *Pers. syn.* p. 517.

Boletus ciliatus *Fl. dan.* t. 1297 (minor).

B. polyporus *Retz. in Act. Ac. holm.* 1769 p. 252.

Hab. in Betulis dejectis putridis inferalpinorum et subalpinorum Nordlandiæ saltensis.

Per hiemem restans glabriusculus, ciliatus et pallidus obvenit.

1639 POLYPORUS varius: pileo rigido glabro lævi albo, poris minutis subrotundis pallidis, stipite brevi sublaterali lævi pallescente deorsum abrupte nigro.

P. varius *Fr. syst.* 1 p. 352. *Pers. myc.* 2 p. 52.

Boletus varius *Pers. syn.* 523. *obs.* 1 p. 85.

B. lateralis *Bolton fung.* t. 83. *Fl. dan.* t. 1075, 1.

β. numularius: stipite centrali.

B. numularius Bull. *champ.* t. 124 e *Pers. syn.* p. 519. *myc.* 2 p. 44. *NE. syst.* f. 214.

Hab. in truncis putridis Betulæ Salidalen Nordlandiæ passim.

Pileus nunquam aliter coloratus hisce regionibus occurrit. Forma β . modo varietas levis est.

1640 POLYPORUS *umbellatus*: ramosissimus, pileis suborbicatis depressis sordide ochraceis, poris stipitibusque pallidis.

P. umbellatus *Fr. syst.* 1 p. 354. *Pers. myc.* 2 p. 46.

B. ramosus *Fl. dan.* t. 1197. *Schum. sæll.* 2 p. 383.

Hab. in ligno putrescente ad terram in Salidalen Nordlandiæ rarissime.

Pilei conferti imbricati.

1641 POLYPORUS *betulinus*: pileo carnososuberoso suborbiculari fusco-rufescente-albido, vertice obliquo brevissime stipitato, poris inæqualibus albidis.

P. betulinus *Fr. syst.* 1 p. 358.

Boletus betulinus *Pers. syn.* p. 535. *Fl. dan.* t. 1254 hand bona. *Bolton fung.* t. 159.

B. suberosus *Wulfen*.

Hab. in Betulis putridis Nordlandiæ et Lapponiæ frequenter.

Nunquam dimidiatus. Si stipes abest, tamen vertice pilei affixus. Pileus albus epidermide separabili rufescente vestitus est. Hymenium omnino separabile.

1642 POLYPORUS *odorus*: dimidiatus irregularisque, pileo glabro pallescente, poris rotundis albido-ochraceis.

Boletus *Lin. fl. lap.* n. 522.

Dædalea svaveolens *Fr. syst.* 1 p. 337?

Hab. in Salicibus Nordlandiæ saltensis.

Bis modo et pauca legi specimina, quæ plane evoluta nondum erant. Odore pergrato et fortiter aniseo memorabilis. Interstitia pororum lacerata apparebant, pori tamen integri rotundi. Ob synonymon Linnei fungum a me non perfecte exploratum omittere nolui.

1643 POLYPORUS *fumosus*: imbricatus, pileis carnosio-fibrosis undulatis fuligineo-pallidis, poris curtis minutis obscure cinereis.

P. fumosus *Fr. syst.* 1 p. 367 *Pers. syn.* p. 530.

Hab. ad radicem Betularum Saltdalen Nordlandiæ rarius.

Cæspitosus, imbricato-connatus, 2—4 unc. latus; pileus singulus vero vix 1 unc. latus.

1644 POLYPORUS *hirsutus*: pileo plano coriaceo-suberoso strigoso zonato albo, poris subrotundis fuscescentibus.

P. hirsutus *Fr. syst.* 1 p. 367.

Boletus hirsutus *Schrader* . . . *Wulfen* . . .

Hab. in truncis dejectis Alni Betulæque Nordlandiæ saltensis frequenter.

Utrinque planiusculus. Pori ferruginei et obscure cinerei. Quam sequens duplo major est.

1067 POLYPORUS *velutinus*: pileo suberoso-coriaceo velutino subzonato albo flavescentique, poris rotundis albis. *Fr. l. c.* p. 358.

a. *albus*. *B. velutinus* *Pers. syn.* p. 539?

b. *lutescens*.

B. lutescens *Pers?* *l. c. Whlbg. fl. lap.* n. 1067.

Hab. in truncis Populorum Nordlandiæ et Finmarkiæ.

1645 POLYPORUS *ochraceus*: pileis subcoriaceis zonatis subvelutinis ochraceo-pallescentibus, poris parvis rotundis flavescenti-albis.

Boletus ochraceus *Pers. syn.* p. 540.

? *P. radiatus* *Sowerby t.* 190 sec. *Fr. syst.* 1 p. 369?

Hab. ad radicem caudicis putridi Populi Saltdalen Nordlandiæ.

Subsessilis, dimidiatus, gregarius, imbricatus, coriaceus, glaber s. sericeus, striis longitudinalibus obsoletis, versus basin ochraceus tuberculosus, de cætero albo-flavescens zonis obscurioribus, margine acuto, poris convexiusculis brevibus. Pileus sæpissime lobatus, lobis rotundatis. E ligno putrido ut corpora globosa viscosa propullat. Varietatem *B. versicoloris* *Cl. Persoon* eum nunc in literis dixit, sed mihi diversus videtur.

1646 POLYPORUS *abietinus*: effuso-reflexus, pileo coriaceo villosio albido, poris acutis fusco-purpureis.

P. abietinus (junior) *Fr. syst.* 1 p. 370.

Boletus abietinus *Dicks. fasc.* 3 t. 9 f. 9. *Pers. syn.* p. 541. *Obs.* 1 p. 24. *myc.* 2 p. 77.

Hab. in Pinis emortuis Saltdalen Nordlandiæ rarius.

Cfr. *Dædalea decipientem*.

1064 POLYPORUS *cinnabarinus*: *Whlbg. fl. lap.* n. 1064 (*Boletus*) ubi vide.

Hab. in truncis *Betularum* dejectis Saltdalen Nordlandiæ frequenter.

1065 POLYPORUS *pinicola*: *Fr. syst.* 1 p. 372. *Whlbg. fl. ups.* n. 1056.

B. igniarius *Whlbg. fl. lap.* n. 1065, (excl. *syn. Lin.*) ubi vide. *Fl. dan.* t. 953.

1066 POLYPORUS *fomentarius*: *Whlbg. fl. lap.* n. 1066. *Boletus* *Lin. fl. lap.* n. 521.

1647 POLYPORUS *igniarius*: durus, pileo crasso obtuso sublævi e ferrugineo-cinereo, margine porisque convexis exiguis subcinnamomeis *Fr. syst.* 1 p. 375. *Lin. fl. svec.* n. 1256 (excl. descrip. *Hydni imbricati*).

B. fomentarius var. obtusus. *Pers. syn.* p. 536.

Hab. in *Salicibus* *Betulisque* Nordlandiæ parcius.

A priori imprimis differt forma magis irregulari (ille pedem equinum omnino refert) et substantia tenuiore duriori ad fomitem inutili.

1648 POLYPORUS *nigricans*: durissimus, pileo pulvinato crasso concentrice sulcato nigro, margine porisque exiguis ferrugineis *Fr. syst.* 1 p. 375.

Hab. ad truncos *Betulæ* inferalpinorum et subalpinorum Nordlandiæ.

Forma omnino *P. fomentarii*, sed substantia lignosa.

1649 POLYPORUS *salicinus*: resupinatus, durus, late effusus, marginatus, subundulatus, obscure cinnamomeus.

P. salicinus *Fr. syst.* 1 p. 376. *Pers. syn.* p. 543.

Hab. in Salicibus vetustis per Nordlandiam saltensem.

Pori rotundi æquales, alii ob situm obliquum hiantes, sæpe rore albido superfusi, qui in margine sterili $\frac{1}{2}$ lin. lato acuto imprimis conspicuus est. Totus ex hymenio constat, strato tenuissimo subvillosa subjecto. Cl. Persoon in literis eum propriam constituere speciem suspicatus est, sed a caractere ejus nil distinctivi perspicio. Cum priore magnam habet affinitatem.

1650 POLYPORUS versiporus: resupinatus, late effusus, albus, margine tenui glabro nudo, poris magnis obliquis laceris. *Pers. myc.* 2 p. 105.
P. vaporarius *Fr. syst.* 1 p. 382?

Hab. in lignis putridis, imprimis in cellis per Nordlandiam saltensem.

Humidus, mollis, 3 lin. crassus. Membrana tenuis alba substrata est.

1651 POLYPORUS dolosus: resupinatus, effusus mollis, tenuis, incarnatus, subius albo-villosus, poris laceris et eroso-dentatis. *Pers. myc.* 2 p. 77.
Hyd. Hollii et Pseudoboletus *Fr. syst.* 1 p. 420. sec. *Pers. DC. fl. fr.* 6 p. 37 (bis) et 36.

Hab. in Pinis exsiccatis Nordlandiæ.

Primum ut macula parva villosa, in cujus centro unus alterve porus, incipit. E particulis residuis regenerat.

1652 POLYPORUS micans: resupinatus, effusus, tenuis, incarnato-albidus, ambitu byssino albo, poris acutis angulatis.
P. micans *Fr. syst.* 1 p. 383.

Hab. in ligno populino putrido Nordlandiæ.

Suborbicularis, confluens. Substantia byssina, sed ambitu non fimbriato; pori impressi ut excavationes superficiales, hexagoni, margine tenuissimo acuto crenato.

1653 POLYPORUS anejrinus: resupinatus, effusus, tenuis, poris amplis angulosis subobliquis fulvescenti-albis, ambitu byssino tenuissimo albo.

Hab. in cortice putrido Populorum Saltdalen Nordlandiæ.

Vegetatio omnino prioris, sed hic triplo major. Ambitus 1 lin. lata. Cortici arcte adhæret.

Margo pororum irregularium acutus integer rimus.

1654 POLYPORUS *macer*: resupinatus, effusus, tenuissimus, poris majusculis angulatis, margine acutis dentato-laceratis albis, ambitu subnullo.

Hab. in ligno putrido Populorum Saltdalen Nordlandiæ.

Albus, siccus pallescens. Nulla membrana substrata est, sed lignum per poros translucet, etsi fibris byssinis raris tectum. Byssus subtilissimus marginalis sese statim efformat in poros, qui ad 1 lineæ altitudinem ecrescunt.

1655 HYDNUM *strigosum*: pileo dimidiato coriaceo rugoso fasciculato-strigoso ferrugineo-fusco, aculeis rufis apice albis.

H. *strigosum* Fr. syst. 1 p. 414. Pers. myc! 2 p. 175.

H. *parasiticum* Pers. syn. p. 558.

NE. syst. f. 245 (mala).

Hab. in Padis langvidis Saltdalen Nordlandiæ.

Imbricatum pollicem latum. Margo b: initium hymenii nudus carnosus crenatus. Omnes auctores siccum habuerunt, quare aculeos cinereos describunt, nam siccando cinerascunt.

1656 HYDNUM *farinaceum*: effusum, crustæforme, pallescens ambitu subbyssino, aculeis tenuissimis subdistantibus acutis. Fr. syst. 1 p. 419. Pers. syn. p. 562.

Hab. in lignis putridis Nordlandiæ rarius.

Aculeis distantibus sublongis acutis a H. *crustaceo* diversum.

1657 HYDNUM *niveum*: effusum, submembranaceum, album ambitu byssino, aculeis confertis brevibus. Fr. syst. 1 p. 419. Pers. disp. t. 4, 6, 7. syn. p. 563. NE. syst. f. 246.

β. *fimbriatum*: candidum, fugax, ambitu radioso-fimbriato, aculeis granulosi Fr. l. c.

Hab. in cortice putrido Alni Nordlandiæ rarius.

Recens candidus, Thelephoram omnino refert, sed aculei manifesti brevissimi copiosi, etsi non conferti. Var. β. substantiæ omnino Himantiae, fibrillosa, quæ fibræ in margine adhuc liberæ. Aculei graniformes vix aculei dicendi.

1658 *HYDNUM argutum*: effusum, tomentosum, candidum, aculeis obliquis acutis serratis. *Fr. syst.* 1 p. 424.

Hab. in cortice Juniperi Nordlandiæ rarius.

Subiculum tenue adnatum absque ambitu byssino sterili, quia adeo tenue & irregulariter effusum, ut marginem efformare non possit. Aculei acutissimi, sæpe apice fissi, sæpe medio dentibus 1 — 2 e subulis concretis inæqualibus ortis notati. Memorabile me nullum Hydnum stipitatum in Nordlandia legisse.

1659 *THELEPHORA cristata*: cæspitosa, pallida, adscendens, ramosissima, ramis difformibus undique ad latera papillosis, apicibus obtusis fimbriato-cristatis.

Th. cristata *Fr. syst.* 1 p. 434. *Gled. meth.* p. 52. *Clavaria laciniata* *Sowerby* t. 158 e. *Fr.*

Merisma cristatum *Pers. myc.* 1 p. 156. *syn.* p. 583.

Hab. in locis humidis pinetorum Saltdalen Nordlandiæ rarissime.

Primum pallida, dein rubella subpruinosa, basi alba. Rami plerique teretiusculi, nonnulli, imprimis apices, compressi. Papillæ conicæ minimæ acutissimæ cristam efficientes non ascigeræ, sed e substantia interna formatæ sunt.

1660 *THELOPHORA caryophyllæa*: stipitata, infundibiliformis, coriacea fibrosa, fusco-purpurascens, margine inciso.

Th. caryophyllæa *Fr. syst.* 1 p. 430. *Pers. syn.* p. 565. *NE. syst.* f. 250. *Holmsk. ot.* 1 t. 7.

Craterella ambigua *Pers. Obs.* 1 p. 36 t. 6, 8, 10.

Hab. in terra in graminosis nemorosis Saltdalen Nordlandiæ rarissime æstate.

1661 *THELEPHORA laciniata*: dimidiata, imbricata, ferrugineo-fusca, fibroso-squamosa, margine laciniato-crispo.

Th. laciniata *Fr. syst.* 1 p. 431. *Pers. syn.* p. 567.

Th. caryophyllæa β . *laciniata* *Pers. myc.* 1 p. 112.

Th. mesenteriformis *Fl. dan.* t. 1198.

Corticium laciniatum Pers. obs. 1 p. 39.

Helvella pineti Lin. sp. pl. 2 p. 1649 excl. syn.

Hab. in terra et ad radices caudicum Nordlandiæ saltensis frequenter.

Th. terrestri affini durior & pallidior.

1662 THELEPHORA *hirsuta*: effuso-reflexa, coriacea, strigoso-hirsuta, subtus glabra lævis lutescens *Fr. syst. 1 p. 439. Pers. syn. p. 570.*

Auricularia aurantiaca Schum. scell. 2 p. 358.

A. reflexa Bull. herb. t. 483. Sow. t. 27 e Pers.

Hab. in truncis Betulæ Alniqve per Nordlandiam.

1663 THELEPHORA *purpurea*: effuso-reflexa, imbricata, coriaceo-mollis, zonata, strigoso-hirsuta, subtus lævis purpurascens *Fr. syst. 1 p. 440. Pers. syn. p. 571. myc. 1 p. 121. Schum. scell. p. 398.*

Th. faginea & lilacina Schum. l. c. Fl. dan. t. 1619, 1.

Hab. in truncis putridis Betulæ, Pini etc. per Nordlandiam.

Hymenium a colore fusco-purpureum ad pallide lilacinum variat.

1664 THELEPHORA *sangvinolenta*: effusa, reflexaqve ad tactum cruentata, margine libero pubescente-tomentoso, hymenio lævi flavido s. cinereo-pallido.

Th. sangvinolenta Alb. et Schw. p. 274 sec. Fr. syst. 1 p. 440.

Th. avellana Fr. syst. 1 p. 442.

Th. sericea β. Pers. myc. eur. 1 p. 117.

? *Th. corylea et peltata Pers. l. c. p. 126.*

Hab. in truncis putrescentibus Alni Salicis Piniqve Salidalen Nordlandiæ.

Pro loco et ætate variat. Junior umbilicata molliuscula fragilis flavida margine albo; ætate dilatatur et induratur. Sæpissime effusa, margine libero subtus ferruginascenti tomentosa; sed etiam reflexa subimbricata occurrit. Modo junior succulenta ad tactum cruentata, sed etiam vetustior aqua emollita idem patitur. Semel cruentata colorem non recipit. Hymenium semper læve, si etiam quædam papilla adest.

1565 THELEPHORA *alnea*: effusa utrinque glabra, mollis, pallescenti-gilva, papillis sparsis subrotundis. *Fr. syst.* 1 p. 447.

Hab. in cortice Alnorum emortuorum Saltdalen Nordlandiæ rarius.

Membrana crassiuscula adhærens superficie pruinosa et molliore substantiæ fibrosæ. Siccata subrimosa, madefacta tumet, sed alio modo non mutatur. A priori molliori substuposa substantia dignoscitur.

1078 THELEPHORA *salicina*: resupinata, subtus libera, albido-subvillosa, supra glaberrima sanguineo-rubra.

Th. *salicina* *Fr. syst.* 1 p. 442 (at non Pers.)
Peziza sarcoides *Whlbg. fl. lap.* n. 1078.

Hab. in ramis emortuis Nordlandiæ et Lapponiæ frequenter.

1666 THELEPHORA *Pini*: resupinata, duriuscula, subtus glabra ferrugineo-pallescent, supra purpureo-fuscescens papillosa *Fr. syst.* 1 p. 443.
Pers. myc. 1 p. 123.

Th. *abietina* β . *pineæ* *Alb. et Schw.* p. 276 & *Fr.*

Hab. in ramis emortuis Pinorum Nordlandiæ.

Coriaceo-rigida, peltata, sed etiam longitudinaliter confluent.

1667 THELEPHORA *puteana*: resupinata, suborbicularis, coriaceo-carnosa, flavescens, dein fulvo-olivacea, postremo cinereo-olivacea, margine byssino albo, papillis confertis obtusiusculis.

Th. *puteana* *Schum. sæll.* 2 p. 397?

Hab. in truncis decorticatis putridis ad domos Nordlandiæ saltensis.

Fragillima, 1 lin. crassa. Ætate ipsa sese a trunco solvit. Hieme putrescit et nigrescit, sed anno sequente destructam incrustat nova. Asci creberrimi.

1668 THELEPHORA *fimbriata*: effusa, carnosa, alba, lævis, papillis minutis copiosis, ambitu fibroso.

Th. *incrustans* *Fr. syst.* 1 p. 448? (non Pers!)

Hab. in ligno putrescente pineo ad domos Saltdalen Nordlandiæ rarius.

Tenuis, leviter adhærens usque ad spithamam longa et 3 unc. lata. Fibrilli marginales interdum fasciculati suberecti. Siccando pallescit.

1669 THELEPHORA comedens: effusa, subcorticalis, erumpens, tenuis, glabra; albida, lævis, demum rimosa.

Th. comedens *NE. syst.* p. 239. f. 255. *Fr. syst.* 1 p. 447.

Th. decorticans *Pers. myc.* 1 p. 137 (nomen opt.)

Hab. in Alnis exsiccatis Nordlandiæ frequenter.

Sub epidermide, quam solvit et dirrumpit, provenit. Humida viscosa. Albida v. pallescenti-albida; nunquam subcarneam nec ambitum floccosum vidi.

1670 THELEPHORA polygonia: subeffusa, adnata, subpruinosa, incarnato-rosea, tuberculis magnis polygonis.

Th. polygonia *Fr. syst.* 1 p. 444 *Pers. myc.* 1 p. 132.

Hab. in cortice Populorum Saltdalen Nordlandiæ.

Th. roseæ similis, sed carnosior et magis adnata. Erumpit e Sphæriarum tuberculis, quare in centro adest quasi radix s. stipes, quæ satis crassus, alias tenuissima. Rore roseo absterso subtus rubra.

1671 THELEPHORA violaceo-livida: subeffusa, adnata, subpruinosa, violaceo-livida; corrugato-tuberculosa, tuberculis spuriis magnis.

Hab. in cortice ramorum siccorum Salicis Capreæ Saltdalen Nordlandiæ.

Priori affinis. Substantia eadem grumoso-carnosa, et vegetatio eadem supra pustulas Sphærias proveniens, demum confluens. Junior subfulva, sed mox color mutatur.

1672 THELEPHORA fallax: subeffusa, adnata, glabra, alutaceo-flava, papillis spuriis magnis. *Fr. syst.* 1 p. 454. *Pers. myc.* 1 p. 131. *syn.* 1 p. 574.

Hab. in ramis junioribus Betulæ per Nordlandiam.

Prioribus et Stilbosporis affinis.

1673 THELEPHORA *rosea*: effusa, membranacea, subcorrugata, rosea, margine subtusque tomentosa.

Th. *rosea* *Fr. syst.* 1 p. 451. *Pers. myc.* 1 p. 131.

Hab. in cortice Populorum Nordlandiæ frequenter.

Papillosa et rugosa, pulchre colorata.

1674 THELEPHORA *populina*: effusa, mollis, lævis, cinerascens-ferruginea, margine subtusque tomentosa.

? Th. *fusca* *Fr. syst.* 1 p. 431?

Hab. in cortice Populorum Nordlandiæ rarius.

Supra Sphæriam leucostomam omnino superficialis, primum ut tuberculum villosum pallidum, in cujus medio dein hymenium læve efformatur, provenit. Junior orbicularis medio a Sphæria latente umbonata, dein confluens, sat longa sed angusta. Fere tota e. tomento contexta. Vetusta siccata subrimosa, margine reflectente.

1675 THELEPHORA *bombycina*: effusa, nivea, rimosa, hymenio tenui glabro papilloso, papillis rotundatis, subtus e villo laxo byssino contexta.

? *Hypochnus serenus* *Fr. obs.* 2 p. 278?

Hab. in cortice putrido Alni Saltdalen Nordlandiæ rarius.

Per rimas hymenii glabri villus laxus, e quo tota stirps composita, patet. Hymenium nullos ascos continet, sed e sola congerie sporidiorum constat.

CLAVARIA.

Persoon mycol. europæa 1 p. 160,

1676 CLAVARIA *svecica*: ramosissima, mollis, alutaceo-pallida, ramis laxis subcompressis, ramulis acutis.

C. svecica *Fr. syst.* 1 p. 469. *obs.* 1 p. 156.

Hab. inter muscos, ad lacum subsylvaticum Sædva Lapponiæ pitensis. Aug.

2—3 unc. alta. Potius dichotome quam verticillate ramosa.

1677 CLAVARIA pyxidata: ramosissima, e pallido rufescens, ramis ramulisque verticillatis in tubum dilatatis *Pers. Comm.* p. 47 t. 1, 1 (opt.) *myc. eur.* 1 p. 165. *Fr. syst.* 1 p. 470. *Fl. dan.* t. 1304, 1.

Hab. in truncis pineis putridis Saltdalen Nordlandiæ rarius æstate.

1678 CLAVARIA pratensis: cæspitosa, lutea, caule tenui, ramis brevibus geniculatis divaricatis, ramulis subfastigiatis. *Fr. syst.* 1 p. 471. *Pers. myc.* 1 p. 171. *comm.* p. 51 t. 4, 5. *Holmsk. ot.* 2 p. 90. *C. muscoides* *Fl. dan.* t. 836, 2. *Hall. helv.* n. 2198.

Hab. inter muscos in pratis inferalpinorum Saltdalen Nordlandiæ rarius.

1679 CLAVARIA viscosa: ramosa, tenax, viscosa, vitellina, ramis ramulisque furcatis, caule tenui radicato *Pers. comm.* p. 53 t. 1, 5. *myc.* 1 p. 171. *Fr. syst.* 1 p. 486. *Holmsk. ot.* 2 p. 81.

Hab. in truncis putridis Pini per Nordlandiam.

1680 CLAVARIA cornea: subcæspitosa, minor simplex ramosaque, viscosa, lutea, basi connata *Fr. syst.* 1 p. 486. *Pers. comm.* p. 54. *syn.* p. 596. *Fl. dan.* t. 1305, 2. *Whlbg. ups.* n. 1077.

Hab. in truncis Populorum putridis, e quorum rimis prorumpit, per Nordlandiam.

1681 CLAVARIA pistillaris: solitaria, magna glabra, e flavo-rufescens, sursum incrassata, obtusa. *Fr. syst.* 1 p. 477. *Pers. myc.* 1 p. 174. *comm.* p. 61. *Fl. dan.* t. 1255. *Lin. svec.* n. 1266. *Hall. helv.* n. 2204. *Whlbg. fl. ups.* n. 1072.

Hab. in terra sylvatica Lapponiæ pitensis.

1682 CLAVARIA fistulosa: longissima, fistulosa, gracilis, stricta, glabra, pallide-rufescens, radice villosa. *Fr. syst.* 1 p. 479. *Fl. dan.* t. 1256.

C. pilipes *Fl. dan.* t. 1076, 1. (optima).

C. strigosa *Schum. sæll.* 2 p. 403.

Hab. in ramis Alneis dejectis circa sinum saltensem Nordlandiæ rarissime.

Quæ hic occurrit est *C. pilipes* *Fl. dan.*, quam certe cum *C. fistulosa* bene conjunxit Cl. Fries. Harum omnino ignarus est Cl. Persoon — cfr. *myc. eur.*

1683 *CLAVARIA ericetorum*: subcæspitosa, flavescens, clavulis incrassatis subcompressis obtusis pallidis, stipite nitente flavo.

C. ericetorum *Pers. syn.* p. 600. *myc.* 1 p. 180. *NE. syst. f.* 155. opt.

C. argillacea *Fr. syst.* 1 p. 483. *obs.* 2 p. 295. (*Geoglossum*).

Hab. in terra sterili alpium Lapponiæ et Nordlandiæ nec non in inferalpinis passim rarius.

Icon *Fr. obs.* 2 t. 5, 3 adeo dissimilis, ut vix varietatem sistere videatur.

1684 *CLAVARIA pusilla*: subgregaria, minutissima, sublinearis, alba.

C. pusilla *Pers. comm.* p. 86. t. 3, 6. *myc.* 1 p. 187. *Pistillaria pusilla* *Fr. syst.* 1 p. 498.

Hab. in caulibus exsiccatis aconiti per Nordlandiam æstate.

Stipes nullus distinctus, latitudini subæquali, 1 — 2 lin. alta.

1685 *CLAVARIA pallida*: gregaria, subsimplex, clavulis subfalcatis acuminatis pallidis; stipite flexuoso albido subpellucido, basi incrassata.

C. pallida *Schum. sæll.* 2 p. 406. *Fl. dan.* t. 1376 opt. *Pers. myc.* 1 p. 188.

C. mucida *Fr. syst.* 1 p. 476. *Pers. syn.* p. 595 (?) sec. *Fr.*

Hab. in terra humida sterili una cum *Bæomyce* rufo Saltdalen Nordlandiæ.

Clavula sæpe fissa. Stipes a clavula omnino discretus, quare sine dubio rectius *Geoglossum* s. novo generi *Typhulæ* *Fr.* (si retinendum) associatur. Tota $\frac{1}{2}$ unc. longa. Sicca lutescit.

GEOGLOSSUM

Fries systema mycol. 1 p. 437. NE. syst. p. 172.

1686 GEOGLOSSUM *glabrum*: glabrum, subsiccum, purpureo-nigricans, stipite subcylindrico basi dilatiore.

G. glabrum Fr. syst. 1 p. 488. Pers. myc. 1 p. 194. Syn. p. 608. Schum. sæll. 2 p. 407.

Clavaria ophioglossoides Fl. dan. t. 1076, 2. Lin. 2 p. 1652.

Hab. in graminosis humidis Nordlandiæ et Lapponiæ pitensis parcius.

MITRULA.

Fries systema mycolog. 1 p. 491.

Hymenium clavatum stipitem discretum arcte ambiens.

1687 MITRULA *globosa*: major, clavula globosa lævi spadicea, stipite solido deorsum attenuato concolore. *Tab. nostra* III.

Hab. in terra arenosa inferalpinorum Saltdalen Nordlandiæ parissime. Uno loco sed per plures annos Octobri lecta.

Ad subgenus: *Heyderia* Fr. proprie pertinet, nam stipes clavulam percurrit, margine ad basin connexo. *Leotiæ Clavo* Pers. myc. eur. simillima, sed abunde diversa stipite longiori 1—2 unc. alto concolorique et loco habitationis. Nec Clavulam unquam adeo latam legi. Disperse crescit.

LEOTIA.

Fries systema mycologicum 2 p. 25.

1688 LEOTIA *marcida*: coriaceo-carnosa, fulva, opaca, pileo tenui repando lævi, subtus substiposo albicante, stipite longo deorsum attenuato.

L. marcida *Fr. syst.* 2 p. 287 *Pers. myc.* 1 p. 202? *Phallus marcidus* *Fl. dan.* t. 654, 1.

Hab. in terra pinetorum Saltdalen Nordlandiæ rarius.

Minime subtremellosa nec flavovirens. Optime iconi *Fl. dan.* convenit, modo stipitem ultra 2 unc. longam non legi, et optimum illius nomen, nam tota substantia re vera ut *marcida*, corio præparato similis, imprimis in pagina inferiori, ubi nullæ venæ, sed tomentositas quædam adest. A *L. circinanti* sine dubio non longe distat.

MORCHELLA.

Fries systema mycolog. 2 p. 5.

1689 MORCHELLA *esculenta* d. *conica*: pileo conico basi adnato, costis firmis in areolas elongatas anastomosantibus, stipite lævi *Fr. syst.* 2 p. 7. *Fl. dan.* t. 53. *Gled. meth.* p. 61, d. *M. conica* *Pers. myc.* 1 p. 207.

Hab. in terra micacea sub rupibus calidioribus Saltdalen Nordlandiæ rarissime Junio.

1073 HELVELLA *Infula* *Whlbg. fl. lap.* n. 1073. *Phallus triceps* *Fl. dan.* t. 835 (perbona).

Hab. etiam in lignis putridis nemorum Nordlandiæ.

1690 HELVELLA *pygmæa*: pileo libero deflexo lævi fusco, subtus albido subpruinoso, stipite sublævi pallescente.

Hab. in terra arenosa inferalpinorum Saltdalen Nordlandiæ rarissime.

Stipes farctus 3—4 lin. altus, $\frac{2}{3}$ lin. latus. Pileus 2 lin. latus.

1691 HELVELLA *atra*: fuligineo-nigra, pileo deflexo utrinque adpresso libero, subtus lævi, stipite farcto furfuraceo-villoso. *Fr. syst.* 1 p. 19. *Fl. dan.* t. 334, 1. *Gun. norv.* n. 1059. *Afzel. in Act. Ac. holm.* 1783 p. 307.

H. nigricans *Pers. myc.* 1 p. 214. *obs.* 1 p. 72.

Hab. in pratis humidis Nordlandiæ saltensis *).

- 1692 PEZIZA *badia*: subsessilis, integra, flexuosa, rufescenti-brunnea, margine primo involuto, extus pruinosa dilutior subolivacea *Fr. syst.* 2 p. 46. *Pers. myc.* 1 p. 224. *syn.* p. 639.

Hab. in terra graminosa sylvarum Nordlandiæ saltensis rarius.

- 1693 PEZIZA *abietina*: subcæspitosa, concava, flexuosa, integra, subcinnamomea, basi lacunosa albo-villosa.

P. abietina *Fr. syst.* 2 p. 47. *Pers. myc.* 1 p. 232.

β . *grandis*: maxima, olivaceo-umbrina.

P. abiet. β . grandis *Pers. myc.* 1 p. 233 *Fr. l. c.*

P. grandis *Pers. obs.* 1 p. 27.

Hab. in truncis dejectis putridis Populi per Nordlandiam saltensem.

Var. α . hisce locis ochraceo-fulva, extus non farinosa occurrit. Larvis devoratur.

- 1694 PEZIZA *aurantia*: subsessilis, irregularis, obliqua, aurantiaca, extus subtomentosa albida.

P. aurantia *Fr. syst.* 2 p. 49. *Pers. myc.* 1 p. 222. *NE. syst.* f. 279. *Fl. dan.* t. 657, 2. *Hall.*

helv. n. 2222 excl. var. *Gled. meth.* p. 49.

P. cyathoides *Whlbg. fl. ups.* n. 1091.

P. coccinea *Sow.* t. 78. *Bull. champ.* t. 474 sec. *Fr.*

P. dichroa *Holmsk. ot.* 1 t. 7.

Hab. in terra stercoreata Nordlandiæ rarius.

*) Fungum dubii generis per duos annos in terra ad radicem Populi in inferalpinis Saltdalen legi.

Stipitatus, forma Boleti, pileo pallido-ferrugineo carnosio lento margine attenuato deflexo, ut sæpissime adnato (Juniore margine omnino libero, seniores omnino adnato). Hymenium inferius primum rugulosum subtomentosum album, dein subporosum pallescens: tomentum in poros brevissimos irregulares abiit, et sæpe per totum stipitem concolorem crassum carnosum utrinque incrassatum in pileum dilatatum descendit. Stipes $1\frac{1}{2}$ —3 unc. altus. Pileus 1—3 unc. latus. Larvis repletus. Cfr. mihi ignotum *Hypolyssum ventricosum* *Pers. myc.* 2 p. 8 (*Merulius boletoides* *Sow. fung.* t. 402).

Fere æque tomentosa ac *P. coccinea*, a qua differt: colore, forma irregulariori stipiteque obsoletiori.

- 1695 *PEZIZA coccinea*: infundibuliformis, coccinea, extus stipiteque villo brevi adpresso subto-mentosa albida.

P. coccinea *Fr. syst.* 2 p. 79. *Pers. myc.* 1 p. 258. *NE. syst. f.* 288. *Gled. meth.* p. 47.

Hab. in ramis lignisque dejectis humo tectis imprimis in Alnetis Nordlandiæ.

Fungus elegantissimus. Stipes longitudine magnopere variat. Extus semper glabra, sed interdum subglobosa. Cupula primum globosa clausa, dein rumpitur magis magisque explanatur. Interdum rumpendo 3—5 lobata eyadit. Semel inveni stipitem in radicem perennem nigrum abientem. Sine dubio perennis, nam in ea duo aderant rami qui caudices detruncati pristinorum fungorum erant. An semper tali modo radicata?

- 1696 *PEZIZA Rapulum*: tenuis, subalutacea, cupula demum subexplanata glabra, stipite elongato tenui lævi.

? *P. Rapulum* *Fr. syst.* 2 p. 59. *NE. syst. f.* 291?

Hab. in fimo vaccino in loco uliginoso una cum *Sphagno*, urceolato Saltdalen Nordlandiæ vere.

Cum radicem non viderim, de synonymis non certus sum. Stipes pollicaris; cupula $\frac{1}{2}$ pol. lata pertenuis. Color inter fusciscentem et flavescentem.

- 1697 *PEZIZA alpestris*: sessilis, parva, e campanulato explanata, extus subnuda, disco aurantiaco fulvo.

P. rutilans δ . *alpestris* *Fr. syst.* 2 p. 68.

Hab. in interque *Sphachna* urceolata Saltdalen Nordlandiæ.

1—2 lin. lata, mollis, læte colorata.

- 1698 *PEZIZA humosa*: sessilis, carnosa, plana s. convexiuscula miniata, margine integerrimo, subtus cinereo-livida.

P. humosa *Fr. syst.* 2 p. 71. *Obs.* 2 p. 309. *Fl. dan.* t. 656.

P. cartilaginea Sowerby t. 369, 2 bene.

Hab. in terra arenosa ad ripas rivulorum Saltdalen Nordlandiæ.

Ascos lividos cylindricos octosporos filis succulentis fulvis immixtos sporidia ejicere sub lente vidi.

1699 *PEZIZA fascicularis*: cæspitosa, sessilis, coriaceo-membranacea, cupulis subhemisphæricis, dein subexplanatis difförmibus sordide olivaceis, extus nigris farinosis.

P. fascicularis Fr! *syst.* 2 p. 75. *Pers. myc.* 1 p. 292. *Alb. et Sw.* p. 315 t. 12, 2 sec. Fr.

P. populnea Pers. *syn.* p. 671 (excl. *syn.*) *myc.* 1 p. 329.

Hab. in cortice Populi putrido Nordlandiæ.

Sicca varie flexuosa, margine involuta; madi-da explanata 3—5 lin. lata, colore disco olivaceo, pallescente nigricanteve. Furfur secedens imprimis marginem albidum reddit.

1700 *PEZIZA furfuracea*: cæspitosa, sessilis, car-noso-coriacea, extus ochracea furfuracea, margi-ne involuto integro, disco cinnamomeo-nigro.

P. furfuracea Fr. *syst.* 2 p. 76. *Pers. myc.* 1 p. 323.

P. marchica Willd. in *bot. Mag.* 2 p. 15 f. 9.

β. *minor*. *P. furfuracea* α. Fr. l. c.

Hab. in Alnis, β. in Salicibus emortuis ligno innata corticem perrumpens per Nordlandiam e. gr. Salt-dalen passim.

Fasciculatæ, usque ad 10 conjunctæ basi sub-stipitatæ erumpunt. Rarius modo explicatæ. Ri-mose dehiscit, qva in re ut etiam substantia te-nace Cenangia satis refert, sed vera *Peziza*. Hy-menium tenue læve. *Var.* β. triplo quadruplove minor, etiam fasciculata, de cetero nil differt.

1701 *PEZIZA hemisphærica*: sessilis, urceolata, carnosa, extus umbrina, pilis fasciculatis nigri-cantibus tecta, margine ciliato, disco livido.

P. hemisphærica Fr. *syst.* 2 p. 82. *Pers. syn.* p. 316. *Fl. dan.* t. 1558, 2. 656, 1. *Hall. helv. n.* 2231.

P. fasciculata Pers. myc. 1 p. 244. Hedw. stirp. 2 t. 4.

P. hirsuta Holmsk. ot. 1 t. 19.

Hab. in terra nemorum Nordlandiæ saltensis.

1702 *PEZIZA scutellata*: applanata, miniato-rubra, extus pallidior, marginem versus setis nigris strictis hispida *Fr. syst. 2 p. 85. Pers. myc. 1 p. 256. syn. p. 650. Fl. dan. t. 1437, 2 Whlbg. ups. n. 1090. Lin. svec. n. 1272.*

Octospora hirta Hedw. stirp. 2 t. 3.

Hab. in lignis putridis et terra ad rivulos inferalpinorum Nordlandiæ saltensis et Lapponiæ pitensis.

1703 *PEZIZA Erinaceus*: gregaria, orbicularis, depressa, ochraceo-alba, extus setulis longis badiofuscis. *Schwein. fung. carol. p. 95 e Fr. syst. 2 p. 86.*

Hab. in ligno populino perputrido Saltdalen Nordlandiæ parcius.

De synonymo vix dubitare possum, cum et character et descriptio convenientissimæ sint, modo pili longiores in fungo americano esse videntur, nam in mea latitudinem quidem minorum, sed non majorum cupularum æquant. Non ultra 4 lin. lata. Extus, si pila excipis, concolor, disco parum lividiori, quod vetat, quo minus *P. lividam Schum.* habeam. Pila non conferta. Margine subelevatus.

1704 *PEZIZA stercorea*: gregaria, minor, concava, fulva, extus setis badiis suberectis stipata. *Fr. syst. 2 p. 87. Pers. myc. 1 p. 246.*

P. eqvina Fl. dan. t. 779, 3 (bona). Sowerby t. 352.

Octospora scutellata Hedw. stirp. 2, t. 3.

P. cupularis Whlbg. fl. ups. n. 1089, sed vix Lin.

Hab. in stercore eqvino, quod vere, nive deliquescente, strato superficiali rufescente tegit, quasi hieme vegetans.

Minuta subglobosa, disco subimpresso, colore incarnato-fulva occurrit. Semel modo æstate in loco paludoso evolutam, concavo-applanatam sed a priori vix diversam inveni.

1705 PEZIZA calycina: stipitata, coriacea, erumpens, infundibuliformis, extus albido-villosa, disco planiusculo aurantiaco *Fr. syst.* 2 p. 91. *Schum. sæll.* 2 p. 424. *DC. fr.* 6 p. 25.

P. chrysophthalma Pers. myc. 1 p. 259.

Hab. in ramis emortuis Pini per Nordlandiam saltensem et Abietis per Lapponiam pitensem frequenter.

Sicca margine involuto tota albida.

1706 PEZIZA bicolor: minuta, subsessilis, globosa, tomentosa, alba, disco luteo *Fr. syst.* 2 p. 92. *Bull. champ.* 1, 410, 3 sec. *Fr.*

P. quercina Pers. myc. 1 p. 260. *NE. syst. f.* 284.

P. transparens Pers. obs. 2 p. 84.

Hab. in ramis exsiccatis Nordlandiæ vere.

Arenam albam in stipitibus refert. *P. pulchella Pers. myc.* modo hujus varietas disco coccineo.

1707 PEZIZA clandestina: stipitata, minuta, turbinata, extus cervina furfuraceo-villosa, disco pallescente.

P. clandestina Fr. syst. 2 p. 94. *Pers. myc.* 1 p. 262.

Hab. in ligno putrido Alni Nordlandiæ saltensis.

Gregaria, sed non conferta, quo crescendi modo et defectu crustæ imprimis a parum minori *P. anomala* differt.

1708 PEZIZA Schumacheri b. cærulescens: sessilis, minuta, subrotunda, extus nigro-fusca tomentoso-pubescentis, disco cærulescente.

P. Schumacheri b. Fr. syst. 2 p. 98.

P. cærulescens Schum. sæll. 2 p. 434. *Pers. myc.* 1 p. 252. *Fl. dan.* 1. 1755.

Hab. in ligno vetusto Saltdalen Nordlandiæ.

Rarius rotunda, sæpissime oblonga. Discus dilute cærulescens, sublacteus, planus, siccus omnino a margine elevato pubescente occultus.

1709 PEZIZA sulphurea: sessilis, minuta, subglobosa, strigoso-tomentosa sulphurea, disco pallido *Fr. syst.* 2 p. 104. *Pers. syn.* p. 649 excl. var.

Hab. in caulibus Aconiti Saltdalen Nordlandiæ vere.

Colore nitidissimo, pure sulphureo dignoscitur.
Ætate ferruginea evadit.

- 1710 PEZIZA *hyalina*: sessilis, punctiformis, subglobosa, humida vitreo-pellucida, extus subpilosa
Fr. syst. 2 p. 102. *Pers. myc.* 1 p. 316 excl.
var. γ.

Hab. in lignis putridis Nordlandiæ saltensis.

- 1711 PEZIZA *granuliformis*: sessilis, minuta, persistens, globosa, villosa alba, ore subconinvente, disco albido rubelloque.
P. granuliformis Pers. myc. 1 p. 267. *syn.* p. 651.
NE. syst. f. 283.

P. villosa Fr. syst. 2 p. 104. *Pers. syn.* p. 655.

Hab. in stipitibus plantarum Nordlandiæ.

- 1712 PEZIZA *anomala*: substipitata, confertissima, in subiculo tenui brunneo sedens, cupulis turbinatis villosis cervinis, disco urceolato albido.
P. anomala Fr. syst. 2 p. 106. *Pers. syn.* p. 656.
Obs. 1 p. 29.

P. stipata Pers. myc. 1 p. 270. *Sow. t.* 369 (*P. rugosa*).

Hab. in truncis ramisque putrescentibus ligno adnata per Nordlandiam saltensem.

Interdum totos truncos, quasi velo tomentoso incrustat; sed in parvis maculis, quoque et quidem Sphærias destructas incolans subfasciculata prorumpit. Etiam stipes e tomento confectus, ut præter cupulam inconspicuam nil fungosi in ea sit. In aqua pulchre reviviscit.

- 1713 PEZIZA *fusca*: sessilis, cupulis concavis demum applanatis extus fuscis, subiculo lato tomentoso fusco-virescente insidentibus, disco livido s. pallescente.

P. fusca Fr. syst. 2 p. 109. *Pers. myc.* 1 p. 272.

P. pruni avium Pers. myc. 1 p. 273.

Hab. in ligno dejecto putrido Alni per Nordlandiam frequenter.

Sicca mox disco pallescente margine nigro subiculo insidente dignoscitur.

- 1714 *PEZIZA sanguinea*: sessilis, cupulis concavis glabris nigrescentibus, basi tomento brevi sanguineo cinctis *Fr. syst.* 2 p. 110. *NE. syst.* f. 271. *Pers. myc.* 1 p. 273.

Hab. in ligno populino putrescente Saltdalen Nordlandiæ passim.

Subiculum interdum pallescit, intus modo rubrum. Interdum omnino abesse videtur, lignum rubrum modo tingens. Cupulæ juniores regulares fuscescentes, Sphæriam, adultæ magis flexuosæ nigræ, apothecia Lecideæ referunt.

- 1715 *PEZIZA fructigena*: tenax, glabra, pallida, lutescens, cupula patelliformi, stipite longo tenui flexuoso *Fr. syst.* 2 p. 118. *Schum. sæll.* 2 p. 420. *NE. syst.* f. 282. *Pers. myc.* 1 p. 282. obs. 1 p. 42.

β. *virgultorum*: minor, flavescens *Fr. l. c.*

P. virgultorum *Fl. dan.* t. 1016, 2. *Whlbg. ups.* n. 1088.

γ. *salicina*: flava, subtus alba, cupula flexuosa, stipite deorsum attenuato, *Fr. l. c. Pers. myc.* 1 p. 283.

P. salicina *Pers. syn.* p. 663.

P. convexa *Holmsk. ot.* t. 16.

Hab. in amentis salicinis rarius; β. & γ. in ramis salicinis et alneis frequentius per Nordlandiam saltensem.

- 1716 *PEZIZA clavata*: lævis, glabra, pallido-fuscescens, stipite crassiusculo cum cupula in clavam poro notatam confluyente *Pers. myc.* 1 p. 185. *Fr. syst.* 2 p. 122.

Hab. in caulibus Aconiti septentrionalis et Delphinii intermedi in Saltdalen Nordlandiæ vere.

Tota rigida, glaberrima, pallida, dein fuscescens. Habitu Calicium refert.

- 1717 *PEZIZA Marchantiæ*: minuta, sessilis, infundibiliformis, glabra, albida, margine ciliata, ciliis erectis distinctis.

Hab. in fronde Marchantiæ polymorphæ marcescentis ad rivula subalpina Saltdalen Nordlandiæ æstate.

Magnitudine seminis Sinapeos et minor. Ob defectum stipitis et minutiem cum *P. radiata* *P.* confundi non potest.

- 1718 PEZIZA *rhodoleuca*: tenuis, roseoalba, cupula glaberrima planiuscula, stipite æquali.

P. rhodoleuca *Fr. syst.* 2 p. 127. *Obs.* 2 p. 306.

Hab. in stipitibus putridis Equiseti palustris Saltdalen Nordlandiæ æstate.

Levissime concava, margine obsoleto.

- 1719 PEZIZA *citrina*: conferta, citrina, cupulis plano-concavis cum stipite brevi crasso albidiori obconicis *Fr. syst.* 2 p. 131. *Pers. syn.* p. 663. *myc.* 1 p. 293.

P. cyathoides *Lin svec.* n. 1273 sec. synonymon sed non secundum locum indicatum.

Hab. in truncis putridis Nordlandiæ passim.

- 1720 PEZIZA *lenticularis*: conferta, convexiuscula, citrino-flava, stipite papillæformi nigrescente. *P. lenticularis* *Fr. syst.* 2 p. 133. *Pers. syn.* p. 664.

P. citrina *Fl. dan.* t. 1294, 1.

P. citrina * *lenticularis* *Pers. myc.* 1 p. 293.

Helotium nigripes *Schum. sæll.* 2 p. 412.

Hab. in truncis dejectis subalpinorum et inferalpinorum Nordlandiæ saltensis.

A priori leviter modo differt, ut bene utrasque conjungere velit Cl. Persoon.

- 1721 PEZIZA *imberbis*: carnosio-ceracea, glabra, alba, cupulis plano-concavis subflexuosis, stipite papillæformi *Fr. syst.* 2 p. 136.

Hab. in cortice putrido Alni Saltdalen Nordlandiæ rarius.

P. citrina duplo minor. Sicca imprimis margine crispatur. Discus siccando pallescit, margine immutabili.

- 1722 PEZIZA *coccinella*: sessilis, minuta, submembranacea, glabra, planiuscula, suboblunga, saturate rosea, sicca pellucido-coccinea, margine tenui.

? *P. xanthostigma* *Fr. syst.* 2 p. 146 *Obs.* 1 p. 166?

Hab. in cortice frustuloso Betulæ et ramis emortuis Populi per Nordlandiam saltensem passim.

Vix lineam lata. Interdum ætate subirregularis.

Multa affinia cum *Dacrymyce Urticæ* habet, sed illa magis tremellosa.

- 1723 PEZIZA *cinerea*: sessilis, mollis, minuta, scutellata, cinerea, margine integerrimo albidiori *Fr. syst.* 2 p. 142. *Pers. myc.* 1 p. 302. *NE. syst.* f. 269

P. callosa Schum. *sæll.* 2 p. 417. *Fl. dan.* t. 1490, 2.

P. Alni et plana Schum. *sæll.* 2 p. 417.

Hab. in ligno putrido Alni Nordlandiæ.

- 1724 PEZIZA *livido-fusca*: sessilis, membranaceo-mollis, planiuscula, glabra, subtus fusca, supra livido-pallens *Fr. syst.* 2 p. 147.

Hab. in ligno putrido arborum frondosarum Saltdalen Nordlandiæ.

Distincta species, *P. fuscae* simillima, si subiculum auferis, Illa quoque major.

- 1725 PEZIZA *melanochlora*: sessilis, minuta, disco plano virescente, margine elevato subcrispo nigrescente, sicca collapsa nigra.

Hab. in ligno betulino canescente Saltdalen Nordlandiæ rarius.

Gregaria, $\frac{1}{2}$ lin. lata cupulas *P. sanguineæ* sicca reterens, sed madefacta mox tumet, disco molli plano, margine tenuissimo quasi membranaceo.

- 1726 PEZIZA *Resinæ*: sessilis, dura, urceolopatellata, aurantiaca, margine evanescente *Fr. syst.* 2 p. 148.

Lecidea *Resinæ* *Fr. obs.* 1 p. 180.

Sphæria *Resinæ* *Fr. syst.* 2 p. 453. *Obs.* 1 p. 180. (junior).

Hab. in resina lignoque resinoso Pini Nordlandiæ saltenensis frequenter,

Satis Lichenosa, sed nulla crusta, et stipite brevissimo obconica. Subtus pallidior. *Sph. Resinæ* *Fr.* modo est hujus initium propullans, disco incipiente punctiformi ostiolum mentiente. Intus sub strato ascigero albida.

- 1727 PEZIZA *difformis*: sessilis, firma, applanata, subirregularis, subimmarginata, tota atra *Fr. syst.* 2 p. 151.

Hab. in resina lignoqve resinoso Pini Saltdalen Nordlandiæ.

Semper in vel una cum *Racodio pithyo* obvenit, illæ, quæ in resina Abietis provenit, simillima, sed in resina Abietina etiam minorem, tenuiorem, margine evidentiore sine R. pithyo, ab altera tamen vix specificè diversam reperi, quare *Racodium* ad hanc ut subiculum non pertinet; modo eadem habitationis loca amat. Omnino opaca disco inæqvabili, margine obsoletissimo. Memorabile, quod hymenium latus inferius usque ad receptaculum, quo medio affixus est fungillus, quoque occupat. Stratum hyalinum asigerum receptaculum obscurum quasi nucleum subtipitatum includit.

1728 PEZIZA *Lecideola*: sessilis, minuta, subcornea, concava, nigra.

P. *Lecideola* Fr. syst. 2 p. 151. Obs. 1 p. 166 t. 4, 2.

Hab. in ligno putrido Alni Nordlandiæ.

Gregaria, superficialis, humectata mollior. Crustam maculiformem cineream, quam describit Cl. Fries, nunquam observavi; sine dubio heterogenea.

BULGARIA.

Fries systema mycologicum 2 p. 166.

1729 BULGARIA *pura*: gelatinosa, turbinata, lævis, hyalina rufescenti-albida.

B. *pura* Fr. syst. 2 p. 168.

Peziza *pura* Pers. myc. 1 p. 320. Obs. 1 p. 40.

Hab. in ramis dejectis salicinis Saltdalen Nordlandiæ rarius.

Primum sessilis obconica extus rugulosa, supra plano-convexa margine subelevato, cærulescenti-albida, deinde stipes et pileus efformantur. Pileus convexiusculus, repando-lobatus rufescenti-albus in stipitem crassiusculum abiens. Stratum

ascigerum superficiale tenuissimum. Intus aqvo-
sa sine ullis floccis.

1730 BULGARIA *sarcoides*: subcæspitosa, poly-
morpha, gelatinoso-carnosa, purpurascenti-rubella,
extus subvenosa, disco excavato.

B. sarcoides *Fr. syst.* 2 p. 168. *Hall. helv.* n. 2221.

Peziza sarcoides *Pers. myc.* 1 p. 320 *syn.* p. 633,
Octospora carnea *Hedw. stirp.* 2 t. 7, b.

b. P. carnosa *Fl. dan.* t. 1017, 1 *Whlbg. lap.* n. 1077.

β. pileata: stipite longiusculo compresso, pileo
plano lævi.

P. sarcoides γ. cellaris *Pers. syn.* p. 634?

Hab. in ramis dejectis putridis, imprimis Alneis; *γ.*
in Populis imprimisque in cellis Nordlandiæ
saltensis.

Vix magnopere errat *Cl. Schumacher* sub sua
P. metamorpha hanc et *Tremellam sarcoidem*
Fr. conjungens. Substantia in hac firmior sane
unicam præbet differentiam in plantis tam po-
lymorphis. *Cl. Wahlenberg* duas hujus formas:
P. turbinatam et carnosam *Fl. dan.* secundum
Cl. Vahl recenset, sed secundum loca habi-
tationis (in ramis Coryli Avellanæ) allata illæ
infra limites hujus floræ ei obvenerunt. In
var. γ. stipes compressus non vi factus est, nam
in cellis libere crescentem talem inveni.

1731 BULGARIA *chrysocoma*: sessilis, subge-
latinosa, glabra, luteo-fulva, junior sphærica, de-
mum centro depressa *Fr. syst.* 2 p. 140 (*Pezi-*
za). *Bull. champ.* t. 376, 2 sec. *Fr.*

Peziza aurea *Pers. myc.* 1 p. 304. *Obs.* 1 p. 41.

P. subplana *Schum. sæll.* 2 p. 416. *Pers. myc.*
1 p. 305.

Hab. in sepibus vetustis et ramis decorticatis pineis
Nordlandiam saltensem.

Bona hujus generis species. Asci et stratum
ascigerum pertenuis, Sicca omnino pezizoidea,
margine varie flexuoso involutoque, sed madida
tumet, et basi gelatinoso tumido sæpe lacunoso
insidet cupula, quæ est ejusdem baseos latus su-

perius depressum ascigerum. Colore pulcherri-
mo nitet, sed ætate fuscescit, in quo statu eam
descripsit Cl. Schumacher. Satis refert *Dacrym.*
stillatum et *lacrymalem*; sed substantia tenacis-
sima præter alia differt.

DITIOLA.

Fries, systema mycologicum 2 p. 169.
Suberosæ, hymenium demum plicatum deliquescens, cupu-
la aperta, velo universali.

1732 DITIOLA *radicata*: disco planiusculo au-
reo, stipite crasso villosulo albo radicato *Fr. syst.*
2 p. 170 opt.

Helotium radicum *NE. syst.* f. 161.

Leotia tuberculata *Fl. dan.* t. 1378.

Peziza Turbo *Pers. myc.* 1 p. 321.

Tremella Peziza *Pers. syn.* p. 628 (minor).

Tubercularia Pini *Schum. sæll.* 2 p. 183.

Hab. in ligno pineo fermentante, imprimis fabrefacto
Nordlandiæ saltensis.

TYMPANIS.

Fries systema mycologicum 2 p. 173.
Corneo-coriaceæ, hymenium demum fatiscens cupula aper-
ta, velo partiali.

1733 TYMPANIS *alnea*: erumpens, nigra, sub-
oblonga primum clausa, dein rima longitudinali
flexuosa circinanteqve dehiscens, obsolete mar-
ginata, basi crassa.

T. alnea *Fr. syst.* 2 p. 174.

Peziza alnea *Pers. myc.* 1 p. 325. *syn.* p. 675.

Hab. in cortice Alnorum emortuarum epidermidem
penetrans Saltdalen Nordlandiæ frequenter.

Sparsa, gregaria, 2 lin. lata. Discus angustus
hysterioides mollis subexplanatus, intus saltem
pallescens, nam extus ob ambitus nigros niger

quidem apparet. Discus sæpe circinans, sæpe 2 distincti in communi basi, ei T. conspersæ simili.

- 1083 **TYMPANIS** *conspersa* Fr! *syst.* 2 p. 175.
Peziza conglomerata Whlbg. *fl. lap.* n. 1083,
 ubi vide, excl. syn.
P. sphæroides NE. *syst.* f. 231 *Pers. myc.* 1 p. 328.
P. Aucuparia Pers. *myc.* 1 p. 327.
 Hab. quoque in Alnis Sorbisque Nordlandiæ.

CENANGIUM.

Fries *systema mycologicum* 2 p. 177.

Subcoriacea; hymenium læve persistens, cupula clausa, sero aperta.

- 1008 **CENANGIUM** *Cerasi* β. *Padi*: subcæspitosum, difforme, primum tuberculatum rugosum ochraceum, dein cupulatum, disco nigrescente Fr. *syst.* 2 p. 180. *Alb. et Schw.* p. 345.
Peziza Cerasi Pers. *myc.* 1 p. 329.
Sphæria fallax Whlbg. *fl. lap.* n. 1008 excl. syn.
- 1734 **CENANGIUM** *pithyum*: minus, subsessile, difforme, læve, opacum atrum, ore rimoso, disco nigro Fr! *syst.* 2 p. 184. *Obs.* 2 p. 350 (Dothidea).
- Hab. in cortice Pinorum emortuarum Nordlandiæ.
 Primum tuberculiforme variumque, dein rimose dehiscit, laciniis flexuosis undulatisque. Cupula 1 lin. lata non profunda. Basis incrassata stipitiiformis.
- 1735 **CENANGIUM** *arcticum*: solitarium, minimum, nigrum, suborbiculare, cupula in lacinias tres obtusas dehiscente, demum trigonum, disco albido Fr. *syst.* 2 p. 186. *Ehrenb. fung. Cham.* n. 33 t. 20 f. 17. sec. Fr.
- Hab. in caulibus Andromedæ tetragonæ alpium Lapponiæ.
- 1736 **CENANGIUM** *ferruginosum*: gregarium, coriaceo-membranaceum, substipitatum, pruino-

sum, cervino-nigrescens, ore lineari inflexo disco lutescente.

C. ferruginosum *Fr! syst.* 2 p. 187.

Triblidium pinum Pers. myc. 1 p. 332.

Peziza abietis Pers. syn. p. 671.

P. cervina Pers. syn. p. 647.

Hab. in cortice Pinorum nuper emortuarum hieme pulchre vegetans per Nordlandiam saltensem.

1737 CENANGIUM *Patella*: erumpens, sessile, orbiculare, primum clausum totum olivaceo-nigrum, læve, disco depresso, demum apertum cupulatum, disco albido, margine denticulato nigrescente.

Sphæria Patella Fr! syst. 2 p. 511. *Pers. syn.* p. 76.

Peziza Chailletii Pers. myc. 1 p. 288. *Fr. syst.* 2 p. 144.

P. Ligustici DC. fr. 6 p. 21 sec. *Fr.*

Hab. in caulibus exsiccatis Umbelliferarum sed imprimis Angelicæ sylvestris in subalpinis Nordlandiæ saltensis.

Vix ullius plantæ determinatio magis me vexavit, nam etsi vegetatio (per epidermidem erumpit) et habitus Sphæriæ erant, interna indoles (*Peziza* in perithecio inclusa — character *Cenangii*) me mox edocuit, Sphæriam non esse; & quamquam per plures hebdomades eam in aqua habui, attamen cupulæ modo tumidæ, non apertæ. Demum æstate in subalpinis evolutam inveni, & veram ejus naturam perspexi. Optime hujus generis characterem præbet. *Phacidio coronato Fr.* sane simillis, sed illius discus vix duplum continet stratum. Primum *Sph. acuta* vix major; cupulæ evolutæ 1—2 lin. latæ. *)

*) Duas *Cenangii* species non perfecte evolutas, quare mihi dubias, adhuc in Nordlandia legi.

STICTIS.

Fries systema mycologicum 2 p. 191.

1084 STICTIS *Lecanora*: erumpens, suborbicularis, carnosio-tremellosa, planiuscula, rubra, fulva lividaque, margine erectiusculo sublacero furfuraceo-albido.

α. major, rubra.

P. ocellata Pers. myc. 1 p. 313. Fr. syst. 2 p. 193.

β. minor, fulvescens lividaque.

Peziza Lecanora Kunz . . . Fr. syst. 2 p. 193. Pers. myc. 1 p. 313.

P. radiata Whlbg! fl. lap. n. 1084 excl. syn.

Hab. inter membranas epidermidis s. epidermidem ramorum Salicum Nordlandiæ et Lapponiæ.

Pez. ocellata Pers. sane a *P. Lecanora* non differt, cum vero de illo synonymo non plane convictus sum, nomen recentius adoptavi. Colore & magnitudine adeo variat, & margo prominens ætate semper albescit & sicca sese involvit, ut ex his rebus nulla nota distinctiva hauriri possit. Discus tenuis madefactus nonnihil quidem tumet, sed planus & depressus remanet.

1738 STICTIS *nigrella*: erumpens, orbicularis, ceraceo-mollis, patellæformis, disco nigro convexiusculo, margine tenui farinoso-albicante.

Hab. inter membranas epidermidis Salicis phylicifoliæ Saltdalen Nordlandiæ rarius.

In statu sicco vix nisi colore disci nigro & margine minore a priori differt, quibus notis permotus eam ut speciem non distinxeram, nisi madefactione aliam naturam exhibuerat; tum scilicet valde tumet discus plano-convexus, niger, punctis o: apicibus ascorum exasperatus, marginem omnino occludens, apothecium Lecideæ referens; subtus pallidior. Hymenium ascis longiusculis refertum nigrum, receptaculum subcrassum extus intusque pallide-fuscum.

1739 STICTIS *mollis*: subimmersa, orbicularis, limbo tomentoso niveo, disco atro-virenti convexiusculo.

S. mollis Pers! myc. 1 p. 337.

Sphæria venusta Sommerf. in lit. (jun).

b. minor, limbo obsoletiore.

Agyrium atrovirens Fr! syst. 2 p. 232,

Hab. in ramis & truncis decorticatis Populi Salicumqve Saltdalen Nordlandiæ.

Juniores subclausæ, globosæ tomento compacto albo tectæ, disco punctiformi nigrescente impresso, intus carnosæ pallidæ; tum *Sphæriæ* habitum (*Sph. venusta* Somerf.) *Sph. ovinæ* affinis mentitur, sed nullum verum perithecium adest, sed nucleus carnosus, (non gelatinosus) nudus in receptaculo nidulatur. Postea explanantur; tomentum recedit, & discus niger magis denudatur, usquedum tomentum limbum planum subcrenatum efformat. Tum nucleus s. hymenium antea intus pallidum carnosum e floccis et forsan ascis constans totum atrovirens gelatinoso-grumosæ substantiæ, in qva flocci rari, evadit. Demum hymenium delabitur, et receptaculum urceolatum vacuum residet. *Agyrium atrovirens* modo est hujus forma macrior, in qva interdum limbus receptaculi omnino oblitteratus & discus minor subhemisphæricus est. Nec cum *Ag. rufo et cæsio Fr.* ob substantiam diversam in uno genere conjungi potest.

1740 *STICTIS pallida*: gregaria, immersa, nuda, globosa, intus fulvescens, ore connivente sublacero.

S. pallida Fr. syst. 2 p. 196. *Pers. myc.* 1 p. 338.

Peziza punctiformis Pers. syn. p. 338.

Hab. in ramis decorticatis Pini frequentissime; in cortice Alnorum rarius per Nordlandiam saltensem.

Qvæ in Alno crescit, disco pallidiore gaudet. Magnitudinem seminis Papaveris vix æquat. Extus fusco-ferruginea.

1741 *STICTIS hemisphærica*: prominens, subglobosa, punctiformis, nigra, ore subconnivente rotundo, intus pallida *Fr. syst.* 2 p. 196.

Priori affinis, *Sphæriam* immersam referens, sed minor, et caractere indicato satis diversa.

1012 STICTIS *parallela* Fr. syst. 2 p. 197.

Hysterium parallelum Whlbg. fl. lap. n. 1012, ubi vide.

1013 STICTIS *versicolor*. d. Fr. syst. 2 p. 198.

Hysterium pezizoides Whlbg. fl. lap. n. 1013, ubi vide.

1742 STICTIS *rhodoleuca*: erumpens, ovata, majuscula, plana, roseo-alba, pruinosa, intus flava, margine spurio cincta.

? *S. versicolor* Fr. syst. 2 p. 198?

Hab. in truncis decorticatis putridis Populi passim, in ramis decorticatis strobilisqve Pini rarius Saltdalen Nordlandiæ.

Primum ligno omnino innata, mox vero hoc lineare rumpit, et demum discus prominet convexo-planus 1—2 lin. longus. Color roseus a substrato flavo per pruinam albam translucens oritur. Nullum receptaculum, sed superne a matrice velata, quæ rupta marginem mentitur. Intus ex ascis longis, in quibus sunt sporidia 6—7 oblonga, quasi duplicata s. linea superne divisa, et floccis constat. Siccando non mutatur. A priori diversam esse. affirmare audeo.

TREMELLA.

Fries systema mycologicum 2 p. 210.

1743 TREMELLA *lutescens*: cæspitosa, minor, mollis, undulato-gyrosa, glabra, nitens, albida dein lutea.

T. lutescens Fr. syn. 2 p. 213. Pers. syn. p. 622.

T. mesenterica β ? *lutescens* Pers. myc. 1 p. 100.

T. mesenterica Weber.... Bull. champ. t. 406, b, c, d. 499, f. 6, u, v. sec. Fr.

T. juniperina Whlbg. fl. lap. n. 1075. ? non Lin.

Hab. inter lignum corticemqve truncorum Alni putridorum Saltdalen Nordlandiæ.

Viscida, demum in gelatinam aqvosam deliquescit.

- 1744** *TREMELLA mesenterica*: expansa, adscendens, subtenax, plicato-undulata, aurantiaca *Fr. syst.* 2 p. 214. *Pers. syn.* p. 622. *myc.* 1 p. 99. *NE. syst. f.* 142. *Schum. sæll.* 2 p. 438. *Retz. in Act. holm.* 1769.

T. chrysocoma *Bull. champ.* t. 174 sec. *Fr.*

Hab. in ramis emortuis Populi Saltdalen Nordlandiæ rarius.

Ut conus obuersus undulato-plicatus sæpissime occurrit. *Fl. dan.* t. 885, 3 vix hujus loci (contra *Fries*) cum rufo-fusca dicatur.

- 1745** *TREMELLA albida*: expansa, tenax, undulata, subgyrosa, albida *Fr. syst.* 2 p. 215. *Huds. angl.* 2 p. 555 *Engl. bot.* t. 2117 sec. *Fr.* *T. candida* *Pers. syn.* 1 p. 624. *myc.* 1 p. 100.

Hab. in ramis putridis dejectis Betulæ albæ Saltdalen Nordlandiæ rarius.

Nunquam candida, sed albida subhyalina, demum fuscescens. Substantia fere callosa. Subeffusa, ad 2 unc. longa.

- 1746** *TREMELLA indecorata*: sessilis, rotunda, tumida, convexa, plicata, opaca, sordida, sicca nigro-fusca.

Hab. in ramis siccis Salicis phylicifoliæ vere in Saltdalen Nordlandiæ.

Ex cortice ramorum rotunda erumpit; sicca epidermidem vix excedit, et tum opaca aspero-corrugata, dura; madefacta tumet, superficie convexa, plicata, opaca ob sporidia subpulveracea ex livido olivaceoque fuscescens, intus concolor, quasi e pluribus lobis connatis composita, 2-4 lin. lata, 2 lin. crassa. Substantia satis firma.

- 1085** *TREMELLA sarcoides*: cæspitosa, mollis, viscosa, carneo-purpurascens, clavæformis, dein compressa lobata plicataque *Fr. syst.* 2 p. 217. *Engl. bot.* t. 2450 sec. *Fr.*

Helvella sarcoides *Dicks. fasc.* 1 p. 21.

T. dubia *Pers. syn.* p. 630. *myc.* 1 p. 106.

Coryne AcrospERMUM *NE. syst. f.* 143.

T. Cerasi *Schum. sæll.* 2 p. 438.

AcrospERMUM cylindricum *Fl. dan.* t. 1076, 4.

b. galeata: capitulo subrotundo albicante *Fr. l. c.*

Acerospermum galeatum *Fl. dan.* t. 1076. 3. *Pers. comm.* p. 91. *myc.* 1 p. 108. (*Tremella*) *syn.* p. 678. (*Helotium*) *Whlbg. fl. lap.* n. 1085.

T. cylindrica *Schum. sæll.* 2. p. 441. *Pers. myc.*

1 p. 108.

Hab. in ramis putridis dejectis Nordlandiæ saltensis.

Cfr. Bulgariam sarcoidem.

NÆMATELIA.

Fries systema mycologicum 2 p. 227.

1747 *NÆMATELIA encephala*: subsessilis, pulvinata, plicato-rugosa, carneo pallida, demum fuscescens *Fr! syst.* 2 p. 227.

Tremella encephala *Willd. in bot. magz.* 4 p.

17. f. 14. *Pers. myc.* 1 p. 98; *Schum sæll.* 2 p. 438.

Hab. ad truncos Pinorum putridos Saltdalen Nordlandiæ rarius.

EXCIDIA

Fries systema mycologicum 2 p. 220.

1748. *EXCIDIA recisa*: gregaria, substipitata, obconica, fusco-ferruginea, subpelluoida, supra lævis nitens, margine subcrenato, subtus rugoso-venosa opaca.

E. recisa *Fr. syst.* 2 p. 223.

Tremella recisa *NE. syst.* f. 141. *Pers. myc.* 1 p. 103.

T. sagarum *Retz. in Act. Ac. holm.* 1769.

Peziza gelatinosa *Pers. syn.* p. 633.

Hab. in ramis salicinis Nordlandiæ Bulgariæ puræ peraffinis.

1749. *EXCIDIA spiculosa*: adpressa, crassiuscula, lævis, costata-undulata nigra nitens, subtus opaca, margine crenulato acutiusculo.

T. spiculosa *Pers. myc.* 1 p. 102. *syn.* p. 1624.

- 301 *T. atra* *Fl. dan.* t. 884 (fig. super. bona).
 302 *E. glandulosa* *Fr. syst.* 2 p. 224. *Schum. scell.*
 41 2 p. 437.

Hab. in epidermide ramorum siccorum Alni Nordlandiæ saltensis rarius.

Gregaria, luci obversa vitro nigro similis est.
 303 *Discus* convexus in papillis passim elevatus, sed ubique lævis nitens, subtus dilutior opaca subrugosa. Flocci curvati.

- 1750 *EXCIDIA sacharina*: subtuberculosa, gyroso-undulata, crassa, fulvo-cinnamomea, papillis raris adpersa *Fr. syst.* 2 p. 225.

Hab. in Pinis emortuis e cortice, sub qua nidulatur basis pallida compressa, prorumpens per Nordlandiam saltensem.

- 1751 *EXCIDIA repanda*: adpressa, subrotunda, crassa, lævis, carneo-cinnamomea, margine crenulato-crispo *Fr. syst.* 2 p. 225.

Hab. in ramis Betulæ Nordlandiæ inferalpinæ.

Colore dilutiore, defectu stipitis ab *E. recisa* differt. Etiam in aqua difficulter reviviscit.

DACRYMYCES.

Nees Esenbeck *syst.* p. 39. Fries *syst.* 2 p. 228.

- 1752 *DACRYMYCES stillatus*: rotundatus, subdifformis, convexus, demum deliquescens, rubro-fulvus.

D. stillatus *NE. syst.* f. 90 *Fr. syst.* 2 p. 250.

Tremella abietina *Pers. myc.* 1 p. 104. *syn.* p. 627. *obs.* 11 pl. 78. *Schum. scell.* 2 p. 440.

T. sepincola *α. Willd. in Bot. mag.* 4 pl. 18.

Hab. in parietibus septibusque pineis putridis per Nordlandiam saltensem frequenter.

- 1753 *DACRYMYCES lacrymalis*: rotundata, convexiuscula, disco depresso, demum varie tорта lutescens subdiaphana nitida, demum fuscescens.

D. stillatus *β. Fr. syst.* 2 p. 250. *NE. syst.* p. 90.

Tremella lacrymalis *Pers. myc.* 1 p. 104. *syn.* p. 628.

T. torta *Willd. in bot. mag.* p. 18.

Hab. in ramis decorticatis Populorum Pinorumque Nordlandiæ saltensis frequentissime.

Species bona a priori omnino distincta, minor, subpezizoidea. Substantia multo tenacior vix deliquescit. Colore constanter ab illa diversus. Neo ille unquam fuscescit. Attamen non juvenis, sed senilis siccando fuscescit. Centro modo affixus, quare etiam centro depressus, quod nunquam in priore. Structura interna eadem.

1754 DACRYMYCES *cæsius*: rotundatus, convexus, dein subirregularis centro depresso, sordide lactea, subhyalina.

Hab. in parietibus putridis Saltdalen Nordlandiæ hieme rarius.

Magnitudine seminis Cannabis. Sicca omnino evanescit, sed madefacta reviviscit. Ut species nova etiam a Cl. Fries agnita est.

1755 DACRYMYCES *Urticæ*: gregarius, subrotundus oblongusque, planiusculus s. excavatus, lævis, aurantio-ruber.

D. *Urticæ* *Fr!* *syst.* 2 p. 251.

T. *Urticæ* *Pers. myc.* 1 p. 104. *syn.* p. 628.

T. *sepincola* *ß. Willd. in bot. mag.* 4 p. 18.

Hab. radicales exsiccatos *Urticæ* Saltdalen Nordlandiæ vere rarius.

AGYRIUM.

Fries *systema mycologicum* 2 p. 231.

1756 AGYRIUM *rufum*: gregarium, subsphæricum, compactum, incarnatum, dein rufo-fuscum.

A. *rufum.* *Fr!* *syst.* 2 p. 232.

Stictis *rufa.* *Pers. myc.* 1 p. 338. *Obs.* 2 t. 6, 6.

Tremella *Stictis.* *Pers. syn.* p. 628.

Lichen (*Verruc.*) *hyloicus* *Achar! prd.* p. 16.

Hab. in ligno decorticato Juniperorum & Pinorum putrescente Nordlandiæ.

Lignum, in quo basi applanata sedet, albicat. Demum fere omnino nigrum.

SCLEROTIUM.

Fries systema mycologicum 2 p. 246.

1757 SCLEROTIUM muscorum: subterraneum, difforme, lobatum, glabrum, tuberculosum, subfibrillosum, extus intusque aureum.

S. muscorum *Fr. syst.* 2 p. 252. *Pers. syn.* p. 120.

Rhizoctonia muscorum *Fr! syst.* 2 p. 265.

Hab. ad radices muscorum per Nordlandiam saltensem rarius.

1758 SCLEROTIUM Semen β . Brassicola: subimmersum, confertum, sphæricum, ex albido-lutescente spadiceum, demum corrugatum nigrum, intus pallidum *Fr. syst.* 2 p. 249.

Hab. in foliis Brassicæ Daucique putridis Nordlandiæ saltensis vere.

Ab initio innatum est.

1759 SCLEROTIUM durum: adnatum, oblongum, subdifforme, depressum, substriatum, nigrum, intus albidum *Fr. syst.* 2. p. 259. *Pers. syn.* p. 121 in *Usteri bot. An.* 11 p. 31. *Schum. sæll.* 2 p. 185.

Hab. in caulibus plantarum majorum ex. gr. Rumi- cum per Nordlandiam saltensem.

Forma elongata, substantiaque dura eximum est.

1760 SCLEROTIUM tomentosum: ovatum, vari- um, interdum plura reticulatim connexa, crassum, rugulosum, nigrescens, albo-tomentosum, intus album.

S. compactum *DC. Mem.* p. 416. t. 14, 5 e *Fr. syst.* 2 p. 258.

Periola tomentosa *Fr. syst.* 2 p. 258.

Hab. ad tubera Solani tuberosi in cellis vere Saltdalen Nordlandiæ.

Cum fungillum eundem & supra receptacula & semina Helianthi annui & ad fructus putridos Cucumeris sativi inveni, vix de synonymo DeCandollii dubito etsi nullam mentionem tegumenti mucedinei albi facit. Tale quid etiam in priore juniore, sed evanescens, vidi; in hoc vero persistit. Magnitudine admodum variat. De syno- nymo Friesii majus mihi est dubium, cum colo- rem nigrum sub tomento albo non memorat.

1761 SCLEROTIUM *vestitum*: confertum, globosum, fuscum, subcorrugatum, cortina lævigata alba cinctum.

S. vestitum *NE.*

Acinula candicans *Fr. syst.* 2 p. 267.

Hab. in foliis graminum herbarumque putrescentium vere nive deliquescente in Saltdalen Nordlandiæ passim copiose.

Cortina alba modo a *S. Semine* differt. Cortina e byssina substantia constat. Sæpe plura individua filis continuis cohærent, quæ re factum est, ut puncta aliqua nuclei intacta remanserint, quod una cum superficie lævigata indurataque sine dubio effecit, ut *Cl. Fries* hanc cortinam diffluentem habeat. In guttula æqvæ microscopio subjectum adhuc naturam floccosam manifestat. A *Sclerotiiis* vix juste discernitur.

TRICHODERMA.

Nees Esenbeck system p. 80. f. 74.

1762 TRICHODERMA *viride*: subrotundum effusumque villo albido, sporidiis obscure viridibus.

T. viride *Pers. syn.* p. 231. *Fl. dan.* t. 1495. *NE. l. c. Schum. sæll.* 2 p. 235.

Hab. in ligno fermentante per Nordlandiam saltensem frequenter.

Primum provenit ut tomentum album, in quo postea sporidia viridia efformantur, donec tomentum tandem ab iis omnino oblitteratur.

1763 TRICHODERMA *roseum*: ovatum et sub effusum convexum villo roseo-albido, sporidiis roseis.

T. roseum *Pers. syn.* p. 231. (minime vero *Trichotecium roseum* *NE. syst.* p. 46).

Hab. in truncis Populorum inter lignum corticemque solutum inque earum rimis Saltdalen Nordlandiæ autumnò passim.

Primum clausum, convexum 3—8 lin. longum

e filis byssinis albis contextum, dein sporidiis roseis efformatis rumpitur. Fibrilli adsunt inter sporidia magna, simplicia, quæ sub lente ut vesiculæ pulverulentæ apparent.

1764 TRICHODERMA flavum: rotundatum, subconfluens, basi attenuatum, villo albo, sporidiis flavis.

Hab. in Gado virente sale condito in loco humido dejecto Saltdalen Nordlandiæ autumnò rarius.

Gregarium, 2—4 lin. latum, 3—5 lin. altum. Primum macula parva byssina alba, cujus in medio nucleus oritur flavessens pellucidus. Deinde globula byssina basi elongatur, ut subturbinata evadat. Postremo sporidia flavissima in superficie velo tenuissimo, quod mox flocculose abit, tecta efformantur. Sub strato sporigero album e filis byssinis tenuissimis compacte contextis permanet, sed sporidia fibrillis ex hac basi egredientibus immixta sunt. Sporidia minutissima globosa *).

PENNICILIUM.

Nees Esenbeck system p. 58.

1086 PENNICILIUM glaucum: Pers. myc. 1 p. 40.

Monilia digitata Whlg. fl. lap. n. 1086, ubi vide.

1765 PENNICILIUM fasciculatum: filis simplicibus fasciculatis erectis, apice trifidis, ramis ramosis sporigeris, sporidiis cinerascensibus.

P. glaucum β . fasciculatum Pers. myc. 1 p. 412.

Hab. in Sclerotio duro ad caules Rumicis domestici Saltdalen Nordlandiæ vere.

*) FUSISPORIUM avenaceum Fr. syst. 2 p. 238 (gelatinoso-carnosum, culmos recenter desectos Hordei tegens, flavum, floccis erectis albis undique pilosum) semel copiose in Saltdalen Nordlandiæ legi, cum vero sub microscopio non perlustravi, dubiam plantulam alio modo memorare nolui.

Fila hyalina articulata iis *P. expansi* NE. simillima, modo omnia erecta. Semper apices in tres ramos finduntur, quorum singuli ramis brevibus sparsis ornati sunt.

BOTRYTIS.

Persoon mycologia europæa 1 p. 32.

- 1766 BOTRYTIS *cinerea*: congesta subsparsaque cinerea, stipitibus dichotomis subracemosis, sporidiis glomeratis sparsis Schum. sæll. 2 p. 238. Pers. myc. 1 p. 32. disp. p. 46, t. 3, 9.

Hab. in vegetabilibus putridis Nordlandiæ.

- 1767 BOTRYTIS *cinereo-virens*: cæspitoso-effusa, fusco-viridis demum cinereo-virens erecta, decomposite ramosa, ramis oppositis, ramulis subalternis, sporidiis globosis obsitis.

B. cinereo-virens Pers. myc. 1 p. 33.

Hab. in truncis ramisque dejectis decorticatis Populorum & Salicum Nordlandiæ.

Usque ad 2 poll. effusa. Vix linearem altitudinem attingit.

CEPHALOTRICHUM.

Nees Esenbeck system. p. 87, f. 87.

- 1768 CEPHALOTRICHUM *Stemonitis*: gregarium, stipite setaceo rigido subfurfuraceo, sporidiis in capitulum elongato-conicum collectis cinereis. C. Stemonitis NE. syst. p. 87. Periconia Stemonitis Pers. syn. p. 687 t. 3, 15. Schum. sæll. 2 p. 240.

Isaria Stemonitis Pers. comm. p. 111.

Byssus conoidea Fl. dan. t. 897, 2.

Hab. in lignis mucidis cellarum Nordlandiæ saltensis passim.

Cæspitulum e filis densis flexuosis sporidia involventibus constat. Fila in guttula aquæ sub lente lustrata articulata sese demonstrant.

ERINEUM.

Persoon mycologia europæa 1 p. 2.

- 1769** *ERINEUM sorbeum*: floccis linearibus dense intricatis compressis latiusculis albis, exsiccatis flavescentibus *Fr. obs.* 1 p. 218. (Phyllerium) *Pers. myc.* 1 p. 4.

Hab. in foliis Sorbi Aucupariæ Saltdalen Nordlandiæ. Flocci varie torti compressi sub lente Ulvam subtilem referunt.

- 1770** *ERINEUM Alni incanæ*: floccis linearibus intricatis tortis subpulvinatis compressis albo-rufescentibus, dein subferrugineis.

E. Alni incanæ Pers. myc. 1 p. 5.

E. alneum NE. comm. p. 14 t. 1, 10 sec. *Pers.*

Hab. in foliis Alni incanæ Nordlandiæ copiose.

Ab *E. alneo Pers.* in foliis *A. glutinosæ* floccis linearibus omnino diversum. Priori similis, sed crassius et aliter coloratum.

- 1771** *ERINEUM betulinum*: suborbiculare, subimmersum, albidum dein rufo-fuscum, floccis cupulatis, cupulis scutellatis stipite deorsum attenuato duplo brevioribus.

E. betulinum Fr. obs. 1 p. 221. *Schum. sæll.* 2 p. 445.

Hab. in pagina inferiori foliorum Betulæ marcescentium Nordlandiæ rarius autumnus.

- 1772** *ERINEUM purpureum*: effusum, superficiale, sangvineo-purpureum, floccis cupulatis, cupulis turbinatis stipite crassiusculo brevioribus.

E. purpureum Fr. obs. 1 p. 221.

E. betulinum Alb. et Schw. consp. p. 370 sec. *Fr.*

Uredo betulina Whlbg. fl. lap. n. 1021?

Gjögeblod (sanguis Cuculi) *Norvagus.*

Hab. in foliis Betulæ, imprimis in pagina superiore per Nordlandiam passim copiose æstate.

Cum priori distinctissimo confundit Cl. Persoon (*myc. eur.* 1 p. 6). In prima juventute virescenti-albido-rubicundum sed mox sangvineo-purpureum immutabile.

RACODIUM.

Persoon mycologia europæa 1 p. 67.

1773 RACODIUM *rupestre*: expansum, pannosum, aterrimum, filis ramosis laxè contextis.

R. rupestre Pers. myc. 1 p. 68. *syn.* p. 701. (excl. var.)

Dematium rupestre NE. syst. p. 76. *Dill. t. 1, f. 18.*

Conferva ebenea Lyngb! Hydr. p. 164.

Byssus nigra velutina Hall. helv. n. 2104. Leers herb. n. 1006.

Hab. in rimis absconditis rupium inferalpinorum Nordlandiæ saltensis.

Sane nulla *Conferva*, cum continua omnino sint fila; nec madefacta mutantur. Stratum velutinum aterrimum refert.

1774 RACODIUM *pithyum*: expansum, molle, nigro-viride, filis simplicibus subæqualibus.

Hab. in resina et ligno resinoso Pini sylvestris per Nordlandiam saltensem.

Colore viridi & filis simplicibus a *R. vulgari et resinæ Fr.* differt. Sæpissime una cum *Peziza difformi* obvenit.

1775 RACODIUM *populinum*: expansum, tenue, ochraceo-ferrugineum, filis tenuissimis indiscretis ramosissimis dichotomis.

R. ochroleucum Pers. myc. 1 p. 71?

Hab. inter strata ligni putrescentis Populi Saltdalen Nordlandiæ.

Lignum putrescens Populi grato odore spirat, & fortius, si fungum alit; attamen certe odor non a fungo oritur; sed quod fungus statum illum putredinis, qui odorem procreat, amat.

OZONIUM.

Persoon mycologia europæa 1 p. 86.

1776 OZONIUM *sulphureum*: fibrosum, dispersum, ramosum, elegantissime sulphureum.

O. croceum Pers. myc. p. 86.

Himantia sulphurea Pers. syn. p. 703.

Athelia citrina Pers. myc. 1 p. 86?

Rhizomorpha corticata Fr. obs. 1 p. 214.

Elvella monstrosa lutea Gled. meth. p. 52.

Hab. in caudicibus populinis putridis, quos perreptat, in Saltdalen Nordlandiæ rarius.

Fibræ e filis tenuissimis sericeis contextæ, compactæ, sed vix vera cortina tectæ, fila interdum soluta, tum fibræ filum lanuginosum referunt. Adest quoque interdum membranaceum aliquid expansum tenuissimum expallens, intus vero croceum ut cætera, quod sine dubio ortum est, cum fila ad fibras formandas spatium non haberent.

RHIZOMORPHA.

Persoon mycologia europæa 1 p. 54.

1777 RHIZOMORPHA subcorticalis: compressa, fusco-nigricans, nitida, ramis sparsis reticulato anastomosantibus.

R. subcorticalis Pers. myc. 1 p. 54. *syn.* p. 704.

Ach. syn. p. 288. *Fl. dan.* t. 713.

R. fragilis Roth. in Ann. bot. 1 p. 7.

Elvela fibroso-reticulata etc. Gled. meth. p. 53.

Hab. inter corticem et lignum arborum nec non ad loculos sepulchrales Nordlandiæ saltensis frequenter.

Hos Lichenibus associare, liberos caliginis liberis lucis immiscere erat.

1778 RHIZOMORPHA Friesii: teretiuscula, tenuis, strigosa, fragilis, nigra, intus concolor, dichotome ramosa, ramis ramulisque strictis acuminatis.

Rh. Friesii Ach. in Act. Ac. holm. 1814 p. 227. t. 9. f. 4, a, b. *Fr! obs.* 1 p. 213.

Hab. sub cortice Pinorum Saltdalen Nordlandiæ.

ADDENDA.

Pag. 83. HYPNUM *arcticum*.

Sine dubio hujus loci est *Leskea Smithii Hartm. fl. scand.* excluso synonymo Schwægrichenii. For-
san *Leskeæ* species est, nam cum peristomio integro
nunquam habui, sed habitus omnino Hypni. Sane
natura duce anglici botanici genera Hypnum et *Les-
keam* conjungunt.

INDEX

GENERUM ET SPECIERUM

CUM

SYNONYMIS SELECTIS.

<i>Acinula candicans</i>		<i>Agaricus emeticus</i> . p.	251
	p. 311	<i>ephemeroides</i>	266
<i>Adoxa moschatellina</i>	- 18.	<i>epigæus</i>	258
<i>Æcidium</i> vide <i>Gæoma</i> .		<i>epiphyllus</i>	256
<i>Egerita persicina</i> Fr.	- 235	<i>eqvestris</i>	251
<i>Agaricus androsaceus</i>	- 256	<i>ericetorum</i>	256
<i>aquosus</i>	255	<i>fertilis</i>	259
<i>arcticus</i>	262	<i>finetarius</i>	266
<i>asprellus</i>	260	<i>fimicola</i>	265
<i>atrotomentosus</i> . .	261	<i>flaccidus</i>	253
<i>betulinus</i>	270	<i>flavovirens</i>	251
<i>bicolor</i>	266	<i>fulvus</i>	249
<i>campanulatus</i> . .	255	<i>galericulatus</i> . . .	255
<i>campestris</i>	263	<i>Georgii</i>	252
<i>Candollianus</i> . . .	264	<i>gilvus</i>	253
<i>caperatus</i>	260	<i>glutinosus</i>	254
<i>capnoides</i>	264	<i>granulosus</i>	250
<i>caudicinus</i>	260	<i>hæmatopus</i>	255
<i>cervinus</i>	259	<i>Hornemanni</i>	264
<i>cinereus</i>	266	<i>Hypnorum</i>	261
<i>cinnamomeus</i> . . .	260	<i>hypothejus</i>	251
<i>clavipes</i>	253	<i>illinitus</i>	250
<i>comatus</i>	266	<i>integer</i>	252
<i>conicus</i>	253	<i>lactifluus</i>	253
<i>coriaceus</i>	270	<i>lividus</i>	249
<i>Corticola</i>	256	<i>melleus</i>	250
<i>cristatus</i>	250	<i>membranaceus</i> . . .	253
<i>cyanipes</i>	259	<i>miniatus</i>	254
<i>cyathiformis</i> . .	253, 257	<i>mitis</i>	257
<i>cylindricus</i>	266	<i>murcidus</i>	265
<i>cynoxanthus</i> . . .	252	<i>muricatus</i>	250
<i>decipiens</i>	271	<i>muscarinus</i>	250
<i>deliciosus</i>	252	<i>mutabilis</i>	260, 264
<i>deliquescens</i> . . .	266	<i>nidulans</i>	258
<i>dryophilus</i>	254		

- Agaricus nitens* . . . p. 264
ochroleucus . . . - 252
papilionaceus . . . - 265
petaloides . . . - 258
piperatus . . . - 252
plumbeus . . . - 249
Pluteus . . . - 259
polygrammus . . . - 255
polymyces . . . - 251
præcox . . . 263, 264
proboscideus . . . - 261
pterigenus . . . - 256
pubescens . . . - 262
purus . . . - 255
quietus . . . - 253
resupinatus . . . - 261
rutilans . . . - 251
sacharinus . . . - 256
semiglobatus . . . - 263
semiovatus . . . - 265
separatus . . . - 265
serotinus . . . - 257
serrulatus . . . - 259
sordidus . . . - 257
spadiceus . . . - 249
spathulatus . . . - 262
speciosus . . . - 263
Sphagnum . . . - 261
squamosus . . . - 264
subluteus . . . - 260
tardus . . . - 257
torminosus . . . - 252
torpens . . . - 265
tremulus . . . - 258
trullæformis . . . - 237
umbelliferus . . . - 256
umbrinellus . . . - 259
unicolor . . . - 261
variabilis . . . - 262
variegatus . . . - 251
Agrostis alpina . . . - 3
rubra . . . - 3
Agryum atrovirens . . . - 304
rufum . . . - 304
Aira aquatica . . . - 3
Ajuga pyramidalis . . . - 27
Alsinella Giesekii . . . - 21
Anemone ranunculoides . . . - 25
Anthyllis Vulneraria . . . - 29
Arcyria atra Sch. . . - 245
dentata Sch. . . - 245
incarnata P. . . - 244
Arcyria punicea P. p. 244
vermicularis Sch. . . - 245
Arenaria ciliata . . . - 21
Giesekii . . . - 21
humifusa . . . - 21
norvegica . . . - 21
serpyllifolia . . . - 22
trinervia . . . - 22
Arnica alpina . . . - 34
Arthonia punctiformis . . . - 141
moriformis . . . - 223
Asplenium trichoman . . . - 43
Asteroma Padi . . . - 228
Astragalus oroboides . . . - 30
Atriplex hastata . . . - 43
Avena pratensis . . . - 6
pubescens . . . - 6
Barbula convoluta . . . - 48
cuneifolia . . . - 47
mucronulata . . . - 48
ungviculata . . . - 48
Batrachospermum myosurus . . . - 202
Boletus annulatus . . . - 272
aurantius . . . - 873
bovinus . . . - 272
edulis . . . - 273
flavidus . . . - 272
luteus . . . - 272
platyporus . . . - 274
ramosus . . . - 275
saaber . . . - 273
subtomentosus . . . - 273
variegatus . . . - 273
velatus . . . - 272
Botrychium matricarioides . . . - 44
Botrytis cinerea . . . - 313
cinereo-virens . . . - 313
Bryum alpinum . . . - 59
annotinum . . . - 57
carneum . . . - 59
cucullatum . . . - 59
intermedium . . . - 58
pallens . . . - 58
pallescent . . . - 58
turbinatum . . . - 58
Wahlenbergii . . . - 56
Bulgaria chrysocoma . . . - 299
pura . . . - 298
sarcoides . . . - 299
Byssusaurea L. . . - 194
Cæoma Alchemillæ . . . - 230

- Gæoma alneum* . . . p. 231
appendiculatum . . . - 232
Betonica - 233
candidum - 231
Caricis - 231, 233
carophilum - 231
caulincola - 234
cinctum - 232
columellatum - 229
farinosum - 231
graminis - 233
grande - 229
Hydropiperis - 232
mamillatum - 230
Pini - 229
saxifragæ - 231
solidaginis - 234
Thalictri - 230
Tragopogi - 230
Tussilaginis - 230
Ulmariæ - 231
verrucosum - 231
Violæ - 232
Cakile maritima . . . - 28
Calicium abietinum P. . . - 179
alboatrum Fl. . . . - 178
brunneolum A. . . . - 182
byssaceum Fr. . . . - 178
capitellatum A. . . . - 182
cerviculatum A. . . . - 179
chrysocephalum A. . . - 182
claviculare A. . . . - 180
lenticulare A. . . . - 181
melanophæum A. . . . - 179
mutabile A. . . . - 181
pullatulum A. . . . - 178
pusillum Fl. - 178
qvercinum P. - 180
roscidum Fl. - 181
salicinum P. - 180
sessile P. - 178
sphærocephalum . . . - 180
stigonellum A. . . . - 178
subtile Fr. - 179
tigillare A. - 177
trabinellum A. . . . - 181
trachelinum A. . . . - 180
trichiale A. - 182
turbinatum Fl. . . . - 177
xylonellum A. . . . - 180
Callithamnium vide *Con-*
ferva.
Carex bicolor p. 40
dioica - 38
leucoglochin - 39
microstachya - 39
ornithopoda - 40
parallela - 39
pedata - 40
psyllophora - 39
pulicaris - 39
rigida - 41
saxatilis - 41
Cenangium arcticum - 301
Cerasi - 301
ferruginosum - 301
Patella - 302
Cenomyce cariosa A. - 126
carneola Fr. . . . - 129
carneo-pallida Somf. - 129
cenotea A. - 133
Geratites Whlb. - 116
cervicornis A. . . . - 131
chloroides Fl. . . . - 128
chlorophæa Fl. . . . - 130
coccifera Fl. - 127
coniocræa Fl. . . . - 131
cornuta - 131
crispata - 134
cyanipes Somf. - 129
decorticata . . . - 126, 132
extensa Fl. - 127
fimbriata A. - 130
Flörkeana Fr. . . . - 128
furcata A. - 134
furcata Fl. - 133
gracilis Fl. - 131
neglecta Fl. - 130
papillaria A. - 133
parecha A. - 132
pityrea A. - 132, 134
pleurota Fl. - 127
polydactyla Fl. . . . - 127
Pocillum A. - 130
pyxidata A. - 130
racemosa A. - 134
straminea Somf. . . - 128
symphycarpa - 126
verticillata Fl. . . . - 131
Cephalotrichum Stemo-
nitis - 313

- Ceramium aureum* p. 194
 confervoides 193
 roseum 193
Cerastium ovale 23
 viscosum 23
 vulgatum 23
Chætophora elegans 201
Chara flexilis 37
 hispida 37
Cheiranthus alpinus 28
Chrysosplenium alternifolium 18
Cineraria alpina 34
 campestris 34
Clavaria argillacea 286
 cornea 285
 ericetorum 286
 fistulosa 285
 mucida 286
 muscoides 285
 pallida 286
 pilipes 285
 pistillaris 285
 pratensis 285
 pyxidata 285
 pusilla 286
 svecica 284
 viscosa 285
Collema Burgessii Fl.
 dan. 120
 byssinum Hoff. 118
 cheileum A. 118
 conglomeratum Somf. 119
 fasciculare A. 119
 flaccidum A. 122
 fuliginum Somf. 113
 furvum A. 122
 granulosum Hoff. 122
 hæmaleum Somf. 117
 myriococcum A. 119
 nigrum A. 173
 palmatum A. 121
 petrosum A. 117
 pulposum A. 120
 radiatum Somf. 121
 subtile A. 117
 tenax A. 120
 tenuissimum A. 118
Conferva alpina 197
 atrovirens 188
 aurea p. 194
 barbata 195
 bipunctata 199
 bombycina 193
 canalicularis 188
 capillaris 197
 castanea 195
 compacta 191
 cruciata 199
 denigrata 194
 distorta 192
 ebenea 195, 315
 ericetorum 197
 floccosa 198
 flocculosa 200
 floridula 193
 fugacissima 198
 glomerata 196
 limosa 191
 mucosa 197
 muralis 192
 muscicola 195
 mutabilis 200
 myochrous 190
 nigra 191
 nitida 199
 obtusangula 195
 pectinata 199
 quinina 199
 Ketzii 192
 riparia 195
 rivularis 196
 rosea 192, 193
 Rothii , , , , . 192
 rubens , , , , . 194
 seriata , , , , . 191
 siliculosa , , , , . 193
 sordida , , , , . 198
 stellaris , , , , . 196
 tenuis , , , , . 191
 tortuosa , , , , . 196
 tuberculata , , , , . 190
 uncialis , , , , . 196
 violacea , , , , . 195, 197
 zonata , , , , . 198
Conisporium roseum 234
Cornicularia ochroleuca A. 115
Cucubalus maritimus 19
Cypripedium Calceolus 36
Cytispora carphosperma 221

- Cytispora chrysosperma* P. 221
fugax , , , - 222
rubescens , , - 209
Dacrymyces cæsius - 309
lacrymalis , , , - 308
stillatus , , , - 308
Urticæ , , , , - 309
Dactylis glomerata - 6
Dædalea betulina , - 270
decipiens , , , - 271
mollis , , , , - 271
sepiaria , , , - 270
unicolor , , , , - 271
Diatoma flocculosa - 200
Dicranum aciculare - 52
bullatum , , , - 55
cerviculatum , , - 55
cylindricum , , - 53
flagellare , , , - 53
flavescens , , , - 54
flexuosum , , , - 54
ovale , , , - 50
pellucidum , , , - 54
Scottianum , , - 53
Sphagni , , , - 53
squarrosum , - 54
Starkii , , , - 53
varium , , , - 55
Diderma crassipes , - 240
difforme , , , - 241
lobatum , , , - 240
umbilicatum , , - 240
Didymodon flexicaule - 47
latifolium , , - 46
rigidulum , , - 47
rostratum , , - 47
Ditiola radicata , , - 309
Dothidea betulina , - 225
Epilobii , , , - 225
fulva , , , - 225
Lichenum , , , - 224
moriformis , , - 223
pyrenophora , , - 224
Ribesia , , , - 223
typhina , , , - 225
Draba androsacea , - 27
hirta , , , - 27
Wahlenbergii , , - 27
Draparnaldia glomerata , , , - 200
mutabilis , , - 200
Echinella cuneata 190
Echinella fasciculata P. 190
geminata , , - 189
Ectocarpus aureus , - 194
siliculosus , , - 193
Encalypta ciliata , - 46
rhaptocharpa , - 46
streptocarpa , , - 46
Endocarpion fallax A. - 135
globulare A. , , - 136
glomeratum A. , - 136
lejoplacum A. , - 135
parasiticum A. , - 177
pertusum Whlbg. 135
sinopicum Whlbg. 103
smaragdulum Whlbg. - 107
Sommerfeltii Fl. , - 134
tephroides , , - 137
xanthostomum Somf. 136
viride , , , - 137
Epipactis latifolia , - 35
ovata , , , - 36
Epilobium nutans , - 17
alpinum , , , - 17
Equisetum reptans , - 44
Erigeron uniflorum , - 33
Erineum alneum , - 314
alni incanæ , , - 314
betulinum , , - 314
purpureum , , - 314
sorbeum , , , - 314
Eriophorum capitatum - 2
latifolium , , , - 2
polystachium - 2
Erysimum Barbarea - 23
hieracifolium , , - 28
virgatum , , - 28
Euphorbia helioscopia - 23
Eurotium herbariorum 248
Exidia recisa , , , , 307
repanda , , , , 308
saccarina , , , , 308
spiculosa , , , , 307
Festuca elatior , , , 5
pratensis , , , 6
Fissidens
subbasilaris , , , 53
axifolius , , , 53
Fucus bifurcatus , 183
cartilagineus , , , 184
ceranoides , , , 182
cristatus , , , , 184

- Fucus Lomentaria* , p. 184
 mamillosus , , , 183
 norvegicus , , , 183
 palmatus , , , 183
 rubescens , , , 183
 sacharinus , , , 183
 soboliferus , , , 183
Fuligo flava , , , 239
 lævis , , , 239
 rufa , , , 239
 varians , , , 239
Fumaria officinalis , 29
Fusisporium avenaceum 312
Galium palustre , , 8
 trifidum , , , 8
Geastrum quadrifidum , 236
Gentiana campestris , 13
 detensa , , , 13
 involutrata , , , 12
 nivalis , , , 13
 serrata , , , 13
Geoglossum glabrum , 288
Gnaphalium carpaticum
 fuscum , , , 33
 supinum , , , 32
Grimmia alpestris , , 49
 crinita , , , 49
 leucophæa , , , 49
 maritima , , , 48
 obliqua , , , 50
 ovata , , , 50
Gyalecta cretacea A.
 , 100
 Wahlenbergiana 171
Gymnostomum Donnianum
 , 44
 Heimii , , , 45
Gyrophora arctica , , 177
Helvella atra , , , 288
 Infula , , , 288
 membranacea , , , 267
 nigricans , , , 288
 pygmæa , , , 288
Hieracium Auricula , 31
 dubium , , , 31
 echioides , , , 31
 prenanthoides , , 32
Hippophae Rhamnoides
 , 42
Hippuris maritima , 1
 vulgaris , , , 1
Hydnum argutum , , 280
Hydnum farinaceum p. 279
 Hollii , , , 278
 niveum , , , 279
 parasiticum , , , 279
 pseudoboletus , 278
 strigosum , , , 279
Hypnum affine , , , 62
 alpinum , , , 64
 alpestre , , , 65
 arcticum , , , 65
 catenulatum , , , 66
 cordifolium , , , 68
 diastrophyllum , , , 55
 Donnianum , , , 61
 falcatum , , , 65
 filicinum , , , 65
 incurvatum , , , 63
 megapolitanum , , , 69
 moniliforme , , , 62
 murale , , , 66
 nitens , , , 68
 obtusatum , , , 61
 palustre , , , 64
 plumosum , , , 68
 populeum , , , 68
 reflexum , , , 69
 riparoides , , , 70
 ruscifolium , , , 70
 salebrosum , , , 68
 sarmentosum , , , 67
 Seligeri , , , 62
 silesianum , , , 63
 squarrosulum , 62
 stellatum , , , 61
 stramineum , , , 67
 trifarium , , , 67
 uncinatum , , , 64
Hypolyssum ventricosum
 , 289
Hysterium acuminatum 227
 aggregatum , , , 227
 arundinaceum , , , 228
 biforme , , , 227
 elongatum , , , 226
 foliicolum , , , 228
 pinastri , , , 228
 valvatum , , , 226
 xylomoides , , , 228
Impatiens nolitangere , 12
Isaria epiphylla , 248
 fasciculata , , , 248
Isatis tinctoria , , , 27
Juncus alpestris , 16

- Juncus balticus* , , p. 15
campestris , , , 16
glaucus , , , 15
monanthos , , , 15
nodulosus , , , 16
rariflorus , , , 16
trifidus , , , 15
Jungermannia
anomala , , , 72
barbata , , , 73
Blasia , , , 78
compressa , , , 71
cordifolia , , , 77
crenulata , , , 76
curvifolia , , , 75
Dicksoni , , , 73
excisa , , , 75
inflata , , , 74
laxifolia , , , 75
pallescens , , , 70
pingvis , , , 77
pumila , , , 77
pussilla , , , 76
quinquedentata , , , 73
resupinata , , , 73
scalaris , , , 71
scutata , , , 70
Sphagni , , 71, 76
taxifolia , , , 71
Taylori , , , 73
umbrosa , , , 73
ventricosa , , , 75
Kobresia caricina , , 33
scirpina , , , 33
Koenigia islandica , , 7
Lecanora Acharii Somf. 88
aipospila Whlbg. , , 97
albella Fl. , , , 84
alpestris A. , , , 97
alphoplaca Whlbg. , 105
alpina Somf. , , , 91
angulosa , , , 84, 95
anomala A. , , , 163
apochroea A. , , , 81
atrosulphurea Whlbg. 99
brunnea A. , , , 105
bryontha , , , 80
calcaria Somf. , , , 101
callopisma A. , , , 104
carneolutea A. , , , 85
cartilaginea A. , , , 103
cervina Somf. , , , 106
cinerea , , , 99
Lecanora citrina A. p. 88
coarctata A. , , , 92
coronata Fl. , , , 105
dispersa Fl. , , , 96
Ehrhardiana Somf. , , 82
epibryon A. , , 93, 94
erythrella A. , , , 86
exigua Fl. , , , 98
glaucocarpa A. , 106
granatina Somf. , , , 90
hæmatomma A. , , , 91
Hageni A. , , , 93
hydnophila Somf. , , , 91
hypnorum A. , , , 174
intricata A. , , , 82
lentigera A. , , , 103
leptacina Somf. , , , 96
leucococca Somf. , , , 83
limbata Somf. , , , 105
lobulata Fl. , , , 87
lutescens A. , , , 85
maritima Somf. , , , 97
melanaspis Whlbg. , 104
melanochlora Somf. , , , 98
micraspis Somf. , , , 101
miniata A. , , , 104
murorum A. , , , 103
muscorum A. , , , 174
mutabilis Somf. , , , 85
nephæa Somf. , , , 103
obsoleta Somf. , , , 94
ocrinæta , , , , 85
oculata A. , , , , 101
parella A. , , , , 80
pelobotrya Whlbg. , , , 99
periclea A. , , , 93, 153
poliophæa Whlbg. , , , 98
polycarpa Fl. , , , , 109
protuberans Whlbg. , , , 99
roscida Somf. , , , , 97
rubra A. , , , , 90
salicina Somf. , , , , 86
sarcopis Whlbg. , , , , 91
scruposa Somf. , , , , 100
sinopica Somf. , , , , 101
Sommerfeltiana Fl. , , , , 84
spodophæa Whlbg. , , , , 98
subfusca A. , , , , 93
symmicta A. , , , , 81
tartarea A. , , , , 80
thiodes Spr. , , , , 99
tribacia A. , , , , 109
turfosa Whlbg. , , , , 97

Lecanora unicolor Somf.,

- P. 85
- virella* A. , , , 110
vitellina A. , , , 87
Lecidea aglæa Somf. , 144
alabastrina A. , 165
albocærulescens 146
ammiospila A. , 168
anomala , , 158, 163
arctica Somf. , , 155
asserclorum A. , , 154
atrolulva Somf. , , 143
atrorufa A. , , , 175
aurantiaca , , 86, 169
cæcio-rufa , , , 169
candida A. , , , 176
carnosa Somf. , , 174
cinereo-fusca A. 168
cinnabarina Somf. , 170
citrinella A. , , , 154
coracina A. , , , 142
corticola A. , , , 148
cumulata Somf. , , 157
cuprea Somf. , , , 165
cyrtella Fl. , , , 163
daphoena , , , 145
decolorans A. , , , 171
Dilleniana A. , , , 148
dolosa Whlbg. , 151
Ehrhardiana A. 82
elæochroma Somf. , 150
enteroleuca , , 150
epipolia A. , , , 147
erythrophæa Fl. 153, 163
euphorea Fl. , , , 156
ferruginea Somf. , 168
flavicunda A. , , , 146
flavo-cærulescens 146
foveolaris Somf. , , 171
fumosa A. , , 143, 145
fuscescens Somf. , 161
fuscoatra A. , , , 143
fuscolutea A. , , , 166
gelasinata A. , , , 178
geophila Fl. , , , 157
globifera A. , , , 175
hypnophila A. , , , 163
icmalea Somf. , , 160
immersa A. , , , 152
incana , , , , 164
lapicida A. , , , 146
leptomerea Somf. , 161
lepadina Somf. , , 145

Lecidea lithophila Somf.

- P. 150
- lugubris* Somf. , , , 143
luteoalba A. , , , 169
luteola A. , , , 164
lurida , , , 175, 176
margaritacea A. , , , 148
marmorea A. , , , 171
melaleuca Somf. , 148
melizea A. , , , 171
microphylla A. , , , 173
miscella A. , , , 153
mixta Fr. , , , 158
muscicola Somf. , , , 159
muscorum A. , , , 167
myrmecina , , , 175
nobilis Somf. , , , 149
norvegica Somf. , , , 176
panæola A. , , , 162
pantosticta A. , , , 144
papillata Somf. , , , 154
parasema , 151, 152
parmeliarum Somf. , 176
parasitica Fl. , , , 153
pellucida Fl. , , , 161
percæna A. , , , 162
petræa A. , , , 146
phæocarpa Somf. , 159
pinicola Fl. , , , 153
platycarpa A. , , , 149
polycarpa Fl. , , , 149
polycocca Somf. , , , 147
polytropa A. , , , 82
punctata Fl. , , , 152
rupestris A. , , , 166
sabuletorum Fl. 155, 156
sangvineoatra , , , 158
sæpicola A. , , , 157
scalaris A. , , , 175
sphæroides Somf. , 164
tessellata Fl. , , , 144
triptophylla A. , , , 173
tuberculata Somf. , 160
vernalis A. , , , 165
vesicularis A. , , , 176
Leontodon lividum , 30
palustre , , , 30
taraxacum , , , 30
Leotia marcida , , , 287
Lepraria leiphaema A. 86
sulphurea A. , , , 86
rubens A. , , , 194

- Leskea Deinbollii* , p. 61
 norvegica , , , , 61
 polyantha , . , , 61
Licea bicolor , , , 246
 fragiformis , , , 246
Lichen atrosangvi-
 neus , , , , 152
 barbatus Whlbg. , 116
 botryoides Whlbg. 205
 calicaris , , , 115
 carnosus Dicks , 174
 cupularis , , , 171
 dactyliferus Whlbg. 102
 fagineus L. , , 80
 flavovirescens Dick. 155
 geocicus Whlbg. , 171
 impressus , , , 100
 iungermanniae Vahl. 167
 lacteus Vahl. , , 91
 luteus Dick. , , 171
 obliteratus P. , 104
 pallescens L. , , 80
 pinastri , , , 113
 plicatus L. , , , 116
 prunastri L. , , , 114
 rubens Hoffm. , , 194
 terminalis Fl. dan. 138
Linckia atra , , , , 201
 dura , , , , 201
 natans , , , , 202
Linum catharticum , 15
Lycogala conica , , 239
Lycoperdon areolatum 237
 Bovista , , , , 237
 Carpobolus , , , 236
 excipuliforme , , , 233
 gemmatum , , , 238
 perlatum , , , 238
 pyriforme , , , 238
 saccatum , , , , 238
Lyngbyea cuneata , , 189
 fasciculata , , , , 190
 pulvinata , , , , 189
Marchantia conica , , 78
 cruciata , , , , 79
 hemisphaerica , , , 78
Meesia longiseta , , 57
Merulius aurantiacus , 267
 boletoides , , , 289
 destruens , , , , 269
Merulius lacrymalis p. 269
 lobatus , , , , 267
 molluscus , , , , 270
 muscigenus , , , , 267
 muscorum , , , , 268
 serpens , , , , 268
 solare , , , , 269
 tenellus , , , , 268
 tremellosus , , , , 268
 vastator , , , , 269
Mitrlula globosa , , , 287
Mnium albicans , , , 56
 affine , , , , 56
 cuspidatum , , , , 56
 marginatum , , , , 57
Morchella conica , , , 288
Mucor caninus , , , 247
 tenellus , , , , 247
 viridescens , , , 205
Myosotis alpestris , , , 10
 arvensis , , , , 11
 scorpioides , , , , 10
 sylvatica , , , , 10
Myrica Gale , , , , 42
Nematelia encephala , 307
Neottia repens , , , 35
Nephroma vide Pelidea
Nidularia Crucibulum 249
 farcta , , , , 249
Opegrapha astroidea , 142
 cymbiformis Fl. , , 142
 rimalis A. , , , 142
 vulvella A. , , , 142
Ophrys ovata , , , 36
Orchis bifolia , , , 35
 latifolia , , , , 35
Orthotrichum affine , 60
 curvifolium , , , 60
 Hutchinsia , , , 60
 pumilum , , , 60
 subrepens , , , , 59
Oscillatoria vide Con-
 ferva.
Ozonium sulphureum , 315
Palmella adnata , , , 203
 botryoides , , , , 204
 gigantea , , , , 203
 viridissima , , , , 203
 Myosurus , , , , 203
 obscura , , , , 203
 rupestris , , , , 203
Parmelia aipolia A. , 111
 aleurites A. , , , 111

- Parmelia cycloselis* A. p. 109
intestiniiformis , , 111
juniperina , , , 114
pinastri Somf. , , , 113
prunastri , , , 114
pulla A. , , , 112
pulverulenta A. , , 110
recurva A. , , , 112
sæpincola , , , 114
scortea A. , , , 113
tiliacea Fl. , , , 113
tribacia , , , , 109
venusta A. , , , 110
Pedicularis hirsuta , , 27
Sceptrum , , , 27
Peltidea canina A. 123, 124
laevigata A. , , , 124
leucorrhiza Fl. , , , 125
parilis A. , , , 124
polydactyla Fl. 123, 124
resupinata A. , , , 124
rufescens Hoff. , , 123
scutata A. , , , 124
spuria A. , , , 123
ulorrhiza Fl. , , , 123
Pennicilium fasciculatum 312
glaucom , , , 312
Peziza abietina , , , 289
alnea , , , , 300
alpestris , , , , 290
anomala , , , , 294
Aucuparia , , , , 301
aurantia , , , , 289
aurea , , , , 299
badia , , , , 289
bicolor , , , , 293
cærulescens , , , , 293
calycina , , , , 293
cartilaginea , , , , 291
Cerasi , , , , 301
Chailletii , , , , 302
chrysocoma , , , , 299
cinerea , , , , 297
citrina , , , , 296
clandestina , , , , 293
clavata , , , , 295
coccinea , , , , 289, 290
coccinella , , , , 296
conglomerata , , , , 301
difformis , , , , 297
Erinaceus , , , , 292
fasciculata , , , , 291, 292
Peziza fructigena , p. 295
furfuracea , , , , 291
fusca , , , , 294
gelatinosa , , , , 307
grandis , , , , 289
granuliformis , , , , 294
hemisphærica , , , , 291
humosa , , , , 290
hyalina , , , , 294
imberbis , , , , 296
Lecanora , , , , 303
Lecideola , , , , 298
lenticularis , , , , 296
livido-fusca , , , , 297
Marchantiæ , , , , 295
marchica , , , , 291
melanochlora , , , , 297
ocellata , , , , 303
populnea , , , , 291
pura , , , , 293
quercina , , , , 293
Rapulium , , , , 290
Resinæ , , , , 297
rhodoleuca , , , , 296
sarcoides , , , , 282, 299
sanguinea , , , , 295
Schumacheri , , , , 293
scutellata , , , , 293
sphæroides , , , , 301
stercorea , , , , 292
sulphurea , , , , 293
turbo , , , , 300
villosa , , , , 294
virgultorum , , , , 295
xanthostigma , , , , 296
Phaca lapponica , , , , 30
montana , , , , 30
Phacidium Pini , , , , 226
Phallus marcidus , , , , 283
triceps , , , , 288
Phoma populi , , , , 222
salignum , , , , 222
sorbinum , , , , 223
Physarum bivalve , , , , 242
botryoides , , , , 242
columbinum , , , , 243
confluens , , , , 241
congestum , , , , 241
contextum , , , , 243
farinaceum , , , , 243
globosum , , , , 243
ovoidem , , , , 242
Piligena lycoperdoides , , , , 247

- Pilobolus chrystallinus* p. 236
 roscidus , , , 236
Pimpinella Saxifraga , 14
Pingicula vulgaris , , 2
Poa alpina , , , 4
 angustifolia , , 5
 distans , , , 4
 flexuosa , , , 5
 laxa , , , 4
 pratensis , , , 4
 rigens , , , 4
 serotina , , , 5
Polygonum amphibium 18
Polyporus abietinus , 277
 aneirinus , , , 278
 betulinus , , , 275
 brumalis , , , 277
 cinnabarinus , , , 277
 dolosus , , , 278
 fomentarius , , , 277
 fumosus , , , 276
 hirsutus , , , 276
 igniarius , , , 277
 juglandis , , , 274
 lutescens , , , 276
 macer , , , 278
 micans , , , 278
 nigricans , , , 277
 numularius , , , 274
 ochraceus , , , 276
 odorus , , , 275
 pinicola , , , 277
 salicinus , , , 277
 squamosus , , , 274
 umbellatus , , , 275
 variatus , , , 274
 velutinus , , , 276
 versiporus , , , 278
Polytrichum hercynicum 56
 septentrionale , , , 55
 sexangulare , , , 56
Porina vide Endocarpon.
Potamogeton gramineum 8
 heterophyllum , , , 8
 marinum , , , 10
 natans , , , 8
 pectinatum , , , 10
 perfoliatum , , , 8
 prælongum , , , 9
 pusillum , , , 10
 rufescens , , , 9
Potentilla argentea , , 24
Potentilla Gunneri p. 24
 nivea , , , 24
Primula farinosa , , , 11
 finmarkica , , , 11
 norvegica , , , 11
 stricta , , , 11
Pterogonium catenula-
 tum , , , , 66
 filiforme , , , , 48
Pulmonaria maritima , 11
Pycnothele Geratites , 115
Racodium pityum , , 315
 populinum , , , 315
 rupestre , , , 315
Ramalina calicaris Fr. 115
 farinacea A. , , , 115
 fastigiata A. , , , 114
 pollinaria A. , , , 115
 scopulorum A. , , , 115
Ranunculus Flammula 25
 fluvialis , , , 26
 hyperboreus , , , 26
 pantothrix , , , 26
 reptans , , , 26
Rhizomorpha corticata 316
 Friesii , , , , 316
 subcorticalis , , , 316
Rosa villosa , , , 24
Rubus arcticus , , , 24
Rumex aquaticus , 16
 domesticus , , , 16
Sagedia depressa A. 89
 lævata A. , , , 99
Salix herbacea , , , 41
 livida , , , , 42
 myrtilloides , , , 41
 polaris , , , , 41
 sphacelata , , , , 42
Saxifraga Cotyledon , 18
 stellaris , , , , 19
Scabiosa arvensis , , , 7
 succisa , , , , 7
Sclerotium durum , , , 310
 compactum , , , 310
 muscorum , , , , 310
 Semen , , , , 310
 tomentosum , , , 310
 vestitum , , , , 311
Scirpus acicularis , , , 2
 Bellardi , , , , 38
 Bæothryon , , , , 2

- Scytosiphon* vide *Ulva*.
Sedum annuum , , p. 23
Senecio vulgaris , , 33
Serapias latifolia , 35
Serratula arvensis , , 32
Silene maritima , , 19
Sistotrema violaceum 271
Sonchus arvensis , , 30
 sibiricus , , , 30
Sphærella botryoides , 204
 nivalis , , , 204
Sphæria acuta , , 219
 ambiens , , , 211
 aneirina , , , 208
 anserina , , , 216
 arbuticola , , , 213
 astroidea , , , 216
 atropurpurea , , , 206
 barbara , , , 214
 Betulænanæ , 224
 calvula , , , 211
 cinnabarina , , 212
 citrina , , , 205
 clopima , , , 211
 coccinea , , , 211
 complanata , , , 219
 coniformis , , , 219
 corniculata , , , 209
 coronata , , , 208
 Curcubitula , , , 212
 culmifraga , , , 220
 curta , , , 214
 decedens , , , 217
 decolorans , , , 212
 decorticans , , , 210
 Dematium , , , 221
 disciformis , , , 207
 dryina , , , 215
 eutypa , , , 216
 favacea , , , 207
 fibrosa , , , 209
 flavovirens , , , 207
 hæmatoryncha , , , 215
 leucostoma , , , 209
 lichenicola , , , 218
 livida , , , 216
 microstoma , , , 210
 moriformis , , , 213
 multiformis , , , 205
 mutabilis , , , 212
 myriocarpa , , , 214
 obducens , , , 213
Sphæria obliquata , p. 213
 palina , , , , 213
 pinastri , , , , 217
 pilifera , , , , 215
 paliota , , , , 220
 pomiformis , , , , 213
 Prunastri , , , , 208
 pulchella , , , , 211
 pulvispyrius , , , , 214
 pulveracea , , , , 213
 punctiformis , , , , 220
 pusilla , , , , 211
 Resinæ , , , , 207
 Rhinanthi , , , , 220
 Ribesia , , , , 223
 rostrata , , , , 215
 rubiformis , , , , 205
 rubiginosa , , , , 206
 setacea , , , , 221
 serpens , , , , 206
 Sorbi , , , , 208
 sordaria , , , , 214
 Stigma , , , , 206
 strobilina , , , , 218
 tessella , , , , 210
 tristis , , , , 212
 typhina , , , , 224
 vibratilis , , , , 217
 xantholeuca , , , , 219
Sphærobolus stellatus , 235
Sphagnum squarrosum , 44
Spiloma circinatum Som. 141
 paradoxum A. , 141
Splachnum angustatum 45
 brewerianum , , 45
 fastigiatum , , 45
 sphæricum , , , 45
 urceolatum , , , 45
 vasculosum , , , 45
 Wormskjoldii , , , 45
Stellaria cerastoides , 20
 crassifolia , , , , 20
 humifusa , , , , 20
 longifolia , , , , 19
 multicaulis , , , , 20
Stemonitis fasciculata , 245
 ovata , , , , 246
Stereocaulon corallinoi-
 des Hoffm. , , , 173
 coralloides Fr. , 126
 dactylophyllum Fl. , 125
 denudatum Fl. , , 126
 paschale Fl. , 125, 126

- Stictis hemisphærica* p. 304
Lecanora , , , 303
mollis , , , 303
nigrella , , , 303
pallida , , , 304
parallela , , , 305
rhodoleuca , , , 305
rufa , , , 309
versicolor , , , 305
Stilbum mycophilum , 248
Stratiotes aloides , , 42
Tamarix germanica , , 14
Tortula cuneifolia , , 47
ungviculata , , , 48
Tremella abietina , 308
albida , , , 306
dubia , , , 306
encephala , , , 307
hemisphærica , 201
indecorata , , , 306
lacrimalis , , , 308
lutescens , , , 305
mesenterica , , , 306
sarcoides , , , 306
spiculosa , , , 307
Trichia fallax , , , 243
favoginea , , , 244
nitens , , , 244
Trichoderma flavum , 312
roseum , , , 311
viride , , , 311
Trichostomum aciculare 52
cylindricum , , 53
Tubercularia vulgaris , 235
Artemisiæ , , , 235
Tubulina fragiformis , 246
Turritis glabra , , , 28
Tympanis alnea , , , 300
conspersa , , , 301
Ulva compressa , , , 186
cylindrica , , , 187
filiformis , , , 187
intestinalis , , , 185
Lactuca , , , 184, 185
latissima , , , 184
percursa , , , 187
rigida , , , p. 185
rubescens , , , 184
velutina , , , 186
Urceolaria vide Leca-
nora. bryophila , 100
diacapsis A. , , 100
Urceolaria cinereo-
rufescens , , , 92
contorta A. , , , 101
gypsasea A. , , , 100
ocellata Fl. , , , 99
Uredolvide Cæoma.
Usnea florida , , , 116
plicata , , , 116
Variolaria communis , 79
Vaucheria bursata , , 188
cæspitosa , , , 188
dichotoma , , , 188
Dillwynii , , , 188
ovata , , , 188
racemosa , , , 189
Verrucaria epipolæa A. 139
gelatinosa A. , , , 140
hydreia A. , , , 139
margacea Whlbg. , 138
maura Fl. , , , 138
mucosa Whlbg. , , , 138
nigrescens Fl. , , , 138
punctiformis A. , , , 137
tubra Somf. , , , 140
Schraderi A. , , , 138
stictica Fl. , , , 140
theleodes Somf. , 140
umbrina A. , , , 138
Vicia sepium , , , 29
Viola mirabilis , , , 34
montana , , , 35
tricolor , , , 35
Weissia calcaria , , , 51
longipes , , , 52
nuda , , , 52
trifaria , , , 51
tristicha , , , 51
Xyloma Andromedæ , 225
Empetri , , , 226
salicinum , , , 225
Zygnema vide Conferva.

CORRIGENDA.

Pag.				Pag.			
1 lin.	21	lege	herbario	96 —	2	ege	obliteranti-
penult.	—	—	fennonica	— —	3	—	bus
5 lin.	1	—	flexuosa	— —	11	—	subfusca
— —	25	—	scabriusculi	— —	12	—	speciem
6 —	15	—	ad sinum	— —	—	—	convenientis.
7 —	3	—	"et	112 —	8	—	sinum
— —	7	—	occurrit	120 —	27	—	speciem
16 —	24	—	paucis	123 —	10	—	ob
17 —	3	dele	si unquam	133 —	26	—	902 pro: 8
20 —	8	lege	utraque	— penult.	—	—	Fl.
— —	18	—	calycibus co-	136 —	24	—	fuscus
— —	34	—	rolla	— penult.	—	—	globulare
30 —	2	—	magnum	142 —	28	—	snbglobosa
— —	5	—	Phaca	148 —	12	—	specimen
32 —	8	—	Whlbg	151 penult.	—	—	Nordlandia
34 —	17	—	synonymiam	153 —	7	—	Lepraria
37 —	34	—	unifloro	170 penult.	—	—	e
46 —	30	—	sed	172 —	23	—	modificatio-
47 —	31	—	me	— —	—	—	nibus
— —	ult.	—	late	175 —	25	—	crassiora
50 —	5	—	æqvans	176 subpenult.	—	—	cyindrica
— —	41	—	Color pro:	196 —	29	—	parcius
63 —	35	—	Calyx	224 —	10	—	Parmeliarum
64 —	32	—	minus pro:	— —	11	—	fusca
71 —	16	—	magis	233 —	29	—	liefr. n. 174
72 —	11	—	sec	241 —	1	—	n. 77
— —	13	—	infra pro: su-	245 —	28	—	umbrinis
76 —	3	—	pra	249 —	3	—	fluxili.
83 —	4	—	Fl. dan. t. 1716	275 —	8	—	rarius.
— —	15	—	pro: at non	286 —	24	—	campanulato
— —	—	—	Fl. dan.	287 —	19	—	orbiculatis
— —	—	—	parenthes-	290 —	12	—	latitudine
— —	—	—	sis exclu-	— —	13	—	parcissime
— —	—	—	datur	293 —	34	—	lævis
— —	—	—	principalis	297 —	2	—	subglabra
— —	—	—	bicornis	— —	—	—	1786
— —	—	—	eas	— —	—	—	ille
— —	—	—	pallescente	— —	—	—	tremellosus



Weisia longipes.




Orthotrichum subrepens.






Lasea Norvegica.



Hypnum arcticum.



Jungermannia scutata.



Lecanora limbata.



